

# აღიიო ალაშია

დიდი ღა  
პატაკა  
ეკატეკინე

რომანი



სიკვდილი  
ეკთი დლით  
აღკე

რომანი

თბილისი „მირანი“ 1985

წიგნში ალიო ადამიას ორი რომანი იბეჭდება. „ღიღი და პატარა ეკატერინეში“ აღწერილია ახალგაზრდობის ცხოვრება, გახსნილია ადამიანთა რთული ხასიათები, რამელთა ურთიერთდაპირისპირებისას თანამედროვე ცხოვრების მრავალფეროვანი პრობლემებია წამოჭრილი.

რომანი „სიკვდილი ერთი ღლით ადრე“ ჩვენი საუკუნის ოციან წლებს ასახავს. მთავარმა გმირმა ნოშრევან ბეთანელმა ცხოვრების რთული გზა განელო. ჯერ იგი წარმატებით გამოდიოდა ქართულ ლიტერატურულ თეატრში, შემდეგ ბედმა მეეტლეობა არგუნა, შერე მეწისქვილე გახდა. მაგრამ მთელი ცხოვრების მანძილზე გული ისევ თეატრისაკენ ეწეოდა... ბოლოს იგი ტრაგიკულად იღუპება:

# დიდი და პატარა ეკატერინე



ვუძღვნი ჩემი აღმზრდელი დის რეს-  
პუბლიკის დამსახურებული მასწავლებლის  
მერი ადამიას ხსოვნას.

## წიგნი პირველი

### ნაწილი პირველი

#### თავი პირველი

ძველი სახლი წითელი აგურით ნაშენი. მესამე სართული.  
კარი რუსუდანის დედამ, ქალბატონმა თეკლემ, გაუღო.  
ვრცელი დარბაზი. მაღალი, ძალიან მაღალი ქერი.

ქალბატონმა თეკლემ ჩინებულად იცინ, რომ ეს კაცი რევაზ  
ჩაფიჩაძე გახლავთ, დიასამიძეთა მომავალი სიძე, ამიტომაც არა-  
ფერი ჰკითხა და პირდაპირ რუსუდანის ოთახში შეიყვანა.

დაბალი, ფართო ტახტი, ტახტზე რუსუდანი წევს. შინდის-  
ფერი თხელი საბანი ხურავს, სასთუმალი — ცისფერი მუთაქა და  
პატარა, ძალიან პატარა თეთრი ყურბალიში. რუსუდანი პირადმა  
წევს, ვითომ სძინავს და ზრმად სუნთქავს. ნელ-ნელა აბელს თვალს,  
ოდნავ იღიმება, ისევ ხუჭავს თვალს და ჩურჩულით ეკითხება —  
„მოხვედი?“

რუსუდანის ტახტთან პატარა ცისფერი სავარძელი დგას. რევაზ-  
მა სავარძელი რუსუდანის სასთუმალთან მიაჩოჩა, ხელები მოიფ-  
შენიტა და სავარძელში ჩაჯდა.

„ძალიან კარგია, რომ მოხვედი“, — ისევ ჩურჩულით თქვა რუ-  
სუდანმა.

რევაზი კი ხელებს იფშენეტს და არაფერს ამბობს. მეორე ოთახში თეკლეა და მისი ერიდება. მარტო თეკლე? დღეს კვირადღეა და მთელი ოჯახი შინ არის: რუსუდანის დედა — თეკლე, რუსუდანის ძამა — ნიკო, რუსუდანის ძმა — ზვიადი, რუსუდანის ზძალი — ლილი.

„სადილობის დროა, სადაცაა სტეფრას გაშლიან და სადილზე მიმიწვევენ. რუსუდანმა განგებ დამიბარა კვირადღეს და ისიც სადილობისას. თავისიანებს გამაცნობს, გამომესაუბრებიან, შემაფასებენ და გადაწყვეტენ“...

რუსუდანი გამოფხიზლდა და რევაზი მუშტრის თვალით შეათვალა, — მოეწონა რევაზის ჩაცმულობა: შავი ფეხსაცმელები (ზომაზე ცოტა მეტად გაპრიალებული), შავი კოსტიუმი, თეთრი პერანგი, თეთრწინწკლებიანი შავი ჰალსტუხი.

„დღეს ნამეტანი ლამაზი ხარ.“ — ღიმილით თქვა რუსუდანმა. საწოლში შემალდა, მარცხენა ხელისგული ლოყებზე მოუსვა რევაზს, მარჯვენა კისერზე შემოავლო, მიიზიდა და ტუჩებში აკოცა.

„ცხელი, აღმურიანი ტუჩები აქვს რუსუდანს“.

რევაზი შუბლზე ადებს ხელს რუსუდანს.

„შუბლი გრილი აქვს, ტუჩებზე — კი ცეცხლი უქიდა. ასე რომ მეხვევა და მკოცნის, ხომ შეიძლება კარი გაიღოს და ქალბატონი თეკლე შემობრძანდეს?“

რევაზი კისერს იღრეცს და კარისკენ იხედება.

— არავინ შემოვა; — ოღონავ გასაგონად თქვა რუსუდანმა. უფრო წამოიწია, ახლა მხრებზე შემოხვია ხელები და მკერდით მაგრად მიეკრა.

რევაზი ადგა, რუსუდანი თოჯინასავით აიტაცა ხელებში, დაარწია, ისევ ლოგინში ჩააწვინა და ტახტს მოშორდა.

— დარბაზში გადი; ჩავიცვამ! — თქვა რუსუდანმა და ფეხები — თეთრ ქოშებში შეკყო.

— აკი ავად ვარო? — ვითომ გაბრაზებით, განგებ ხმამალა თქვა რევაზმა და დამცინავად გაუღიმა.

„ვიყავი. მოხვედი. მოვრჩი!“

რევაზი სასტუმრო დარბაზში გავიდა, კარი ფრთხილად, ძალიან ფრთხილად მიიხურა, მაგრამ ეს სიფრთხილე ზედმეტი იყო, — ქალბატონი თეკლე რუსუდანის ოთახის კართან იჯდა, მუხლებზე წიგნი ედო და კითხვით თითქოს ისე იყო გართული, რომ დარბაზში რევაზის შემოსვლა არც კი შეუმჩნევია.

რევაზ ჩაფიჩაძე გაშრა, ნაბიჯი გაიქვავა და მორიდებით გახედა

ქალბატონ თეკლეს... ქალბატონი თეკლე სავარძელში გაქვავებულია. გადაშლილი წიგნი უდევს მუხლისთავეებზე, წიგნს ჩსკეკერის და დარბაზში შემოსულ სტუმარს ზედაც არ შეხედა. გულმოსული სახე აქვს ქალბატონ თეკლეს და რევაზ ჩაფიჩაძე შეუმცდარად კითხულობს:

„თავს ნუ იკატუნებ! ვიცი, შენ ჩემს ქალიშვილს კოცნიდი. ჰო, კოცნიდი და ეხვეოდი! ეს ჯერ ნაადრევია... კარგი ეშმაკი ბრძანებულხარათ — ჩემს წინ გასუსული დგახარ, იატაკს დასჩერებინახარ, თითქოს გრცხვენია და გერიდება ჩემი; შენი დანაშაულის გამო გრცხვენია. თავს კი ისე მაჩვენებ, თითქოს მორცხვი ყმაწვილი იყო, აქაოდა, პირველად ვარ ამ უცხო ოჯახშიო. ვერაფერსაც ვერ ვამომპარებ, დიახაც რომ ყველაფერი ვიცი ვითომ შენ და რუსუდანი მარტონი იყავით ამ სახლში? კარი ხომ მე გაგიღე? ეს უნდა დაგხსომებოდა! რუსუდანის მამაც შინ ბრძანდება! მისი სახელი გეცოდინება — ნიკო! შენ. მას ბატონ ნიკოს დაუძახებ, მე კი ქალბატონ თეკლეს, — დიახ, ეს ასეა საჭირო. რუსუდანის ძმა ზვიადი და მისი მეუღლე ლილიც შინ გახლავთ! აჰა, ამდენი ხალხი შინ ვართ. შენ კი პირდაპირ რუსუდანის ოთახს მიაშურე და რაც მოიმოქმედე“...

რევაზ ჩაფიჩაძეს ტანში ცრის, სუნთქვა უგუბდება. ხმას ვერ იღებს და კედელთან აშოტილა. ქალბატონი თეკლე სავარძელში უძრავად ზის, მუხლისთავეებზე წიგნი უდევს, ერთ წერტილს დასჩერებია, ეტყობა, წიგნს არ კითხულობს, სახეზე რაღაცნაირი ზიზღი გამოსახვია. „თქვენი აუდენცია დამთავრებულია, ყმაწვილო! შეგიძლიათ წაბრძანდეთ!“ ოღონდ როგორღაც თავს იკავებს, თქმა ერიდება, მაგრამ დარწმუნებულია — სტუმარი მიუხვდება და წავა.

რუსუდანიც რომ არ გამოდის ოთახიდან? არც ბატონი ნიკო, არც ზვიადი და მისი მეუღლე! თეკლემ დაიმარტოხელა სტუმარი და მის ცოდვებს თანდათან ფურცლავს.

„რამდენი ღამე გამიტეხია რუსუდანის მოლოდინში და ამის მიზეზი შენა ხარ!“

ეს კი მართალია, ქალბატონი თეკლე! რუსუდანს კინოს შემდეგ სეირნობა უყვარს და ჩვენც ვსეირნობთ. რუსთაველის გამზირს ხომ აუცილებლად ავზომ-ჩავზომავთ, მერე ელბაქიძის დაღმართს დავუყვებით ნელ-ნელა, ვერის ხილზე შევეყოვნდებით და სანაპიროზე როცა გავალთ, რუსუდანი ნაბიჯს უფრო დაიძიმებს... საათს დავხედავ; ორს არაფერი უკლია. ახლა კი აჩქარდება რუსუდანი და ორიოდვე წუთში ლენინგრადის ქუჩაზე გავჩნდებით, დიასამიძეთა სადარბაზომდე სულ მცირე მანძილი რომ დარჩება, რუსუდანი მკლავ-

ზე სელს მომიჭერს და შემაჩერებს, ცერებზე შედგება, თვალში ჩამაცქერდება, ტუჩებში მაკოცებს და გაიქცევა... მე ხის მოვეფარები და ეცდი, ვიდრე რუსუდანი სადარბაზოში შევა. მეორე ზევით ავიხედავ — მესამე სართულზე. ერთი ფანჯარაა განათებული. ფანჯარასთან ქალბატონი თეკლე დგას და რუსუდანს ელოდება...

ჰოდა, ეს ყმაწვილი, გაოცებულია ქალბატონი თეკლე, ახლა ანგელოსივით გასუსულა, იატაკს დასცქერის, შემოხედვაც ვერ გაუბეძდია, ცხადია, სრულიადაც არ ფიქრობს ბოდიში მოიხადოს და პატიება სთხოვოს...

ქალბატონმა თეკლემ სათვალე მოიხსნა და წიგნი დახურა.

— მამატიეთ. ასე რატომ დგახართ? დაბრძანდით!

ისეთი თბილი, მოსიყვარულე ხმით თქვა ქალბატონმა თეკლემ, რომ რევან ჩაფიჩაძეს გული აუჩუყდა, ავი ფიქრები უმალვე მოიშორა, თავი ასწია და თვლებში ჩახედა ქალბატონ თეკლეს.

თეკლეს სავარძლის გვერდით, ისეთივე ცისფერად სავარძელი დგას, როგორიც რუსუდანის ოთახში, მაგრამ რევანს სავარძელში ჩაჯდომა ეუხერხულა და როიალთან ახლოს, პატარა შავ სკამზე დაჯდა.

— უკრავთ? — ისეთივე მოსიყვარულე ხმით ჰკითხა ქალბატონმა თეკლემ.

— ხანდახან. — დარცხვენით თქვა რევანმა.

— ოო, ეს ჩინებულია. როიალი, მე რომ მკითხონ, მამაკაცისთვისაა გამოგონილი.

— რატომ? ქალებიც შთაგონებით უკრავენ.

— მამაკაცის ხელი მაინც სხვაა. მამაკაცის ხელები იოლად იმორჩილებენ კლავიშებს და კლავიშებიც სხვანაირ ბგერებს გამოსცემენ. როცა მამაკაცი უკრავს, — დაბეჭითებით თქვა თეკლემ და თითქოს გაიღიმასავით.

„ხედავთ? ქალბატონი თეკლე მუსიკის არა მარტო მოყვარული, მცოდნეც ყოფილა“.

დარბაზში ნიკო შემოვიდა.

მალალი, ხმელ-ხმელი, ფერმკრთალი, ოღნავ ავადმყოფური სახე. შეთხელებული თეთრი თმა და შეჭადრაკებული უღვაში. „ნამდვილი ისტორიკოსია“, — გაიფიქრა გულში რევან ჩაფიჩაძემ, სკამიდან წამოიჭრა და ნიკოს შეეგება.

— რუსიკოს მეგობარია, — დამარცვლით თქვა თეკლემ.

ნიკომ მსუბუქად ჩაახველა, საგულდაგულოდ აპხედ-დაპხედა რევან ჩაფიჩაძეს, ხელი ჩამოართვა, თეკლეს გვერდით სავარძელში

ჩაქდა და რაღაც ჩუმად წართქვა. რაც ნიკო ბატონმა ჩუმად წართქვა, რევანმა ვერ გაიგონა და რატომღაც მაინც გაიღიმა, მის ღიმილს თვალი მოჰკრა ნიკო ბატონმა და წარბები შეჰყარა. მიხედა რევან ჩაფიჩაძე, — ღიმილი უადგილო იყო და გულში გაჰკრა.

და ნიკო დიასამიძეს დამშვიდებული სახე უცებ აემღვრა, თვალე-ბი დაუწვრილდა, თანდათან ცხვირი და შექალაქავეებული უღვა-შიც... არა, ცხვირი და შექალაქავეებული უღვაში კი არა, მთელი სახე წაიშალა და ნიკო დიასამიძის კისერზე ქალბატონ თეკლეს სახე გამოისახა. ნიკოს მუხლისთავეებზე გადაშლილი წიგნი გაჩნ-და, თვალეებზე სათვალეები, თვალის უბეებთან ნაოჭები და სათვა-ლემორგებული თვალეებით წიგნს ჩასცქერის და წიგნს კი არ კით-ხულობს, რევან ჩაფიჩაძის ცხოვრებას ფურცლავს:

„ვიცი, ძალიან კარგადაც ვიცი, ვინცა ბრძანდებით: ჩემი სასი-ძო ხარ, რევან ჩაფიჩაძე, ოცდაათი წლისა და სადოქტოროდ ხარ გამზადებული (ჩემი ვაჟიშვილი ზვიადი კი ოცდათორმეტისაა და ჯერ კანდიდატობის ხარისხიც არ დაუცავს, ასპირანტი გახლავთ), ჰიაზე, დიან, აბრეშუმის ჰიაზე იცავთ დოქტორობის ხარისხს. დი-დი, ერთობ დიდი პრობლემაა (ნიკო ბატონის თეკლესეულ სახეზე დამცინავი ღიმილი გამოისახა და ეს შეუმჩნეველი არ დარჩა რევან ჩაფიჩაძეს). ქართულ აბრეშუმს დიდი წარსული აქვს, უფრო დი-დი მომავალი, ეს კარგად იცის ისტორიკოსმა ნიკო დიასამიძემ: ჰო, აბრეშუმის პატარა ჰია ღონიერია, ისეთი ღონიერი, თუ გაჰიროდა... აბრეშუმის ჰია და მისი ღონე თავისთვის იყოს, ახლა შენთან მაქვს საქმე, — აქოდა სადოქტოროდ ვარ გამზადებული და ქალს არავინ დამიკაებდსო, ნურას უეცრავად! რას მიქვია დოქტორობა! კარგად უნდა გაგიცნოთ, ყმაწვილო... დიან, კარგად უნდა გავეცნოთ ერთ-მანეთს“...

ჯერ სათვალე მოეხსნა ნიკო დიასამიძის თვალეებს, მერე შექა-ლარავეებული უღვაში გამოესახა, თავზე შეთხელებული თეთრი ობმა...

რევან ჩაფიჩაძის დიასამიძის თვალეებს, მერე შექა-ლარავეებული უღვაში გამოესახა, თავზე შეთხელებული თეთრი ობმა...

- თქვენი მშობლები თბილისში ცხოვრობენ?
- მამაჩემი სოფელში ცხოვრობს.
- დედა? — ეს უკვე ქალბატონმა თეკლემ ჰკითხა.
- ომში ვიყავი, დედა რომ გარდამეცვალა.
- და მამათქვენი მარტო ცხოვრობს სოფელში? — გაიკვირვა ნიკომ.

— დიახ.

— მარტოხელა კაცის ცხოვრება-ა, — თქვა პატივეცემულმა ნიკომ, — მარტოხელა კაცის ცხოვრება, ისიც ხანმოყრილისა, ძნელია, ძალიან ძნელი; უთუოდ ახლო ნათესავი გეყოლებათ სოფელში.

— არაჲინ.

— როგორ, საკმელსაც თვითონ იკეთებს მამათქვენი? — გაკვირვებით ჩაპკითხა ქალბატონმა თეკლემ.

— თვითონ, — დარცხვენით თქვა რევაზმა.

— ძნელია, ძალიან ძნელი; ვერც კი წარმომიდგენია! — ნღვლიანად თქვა ბატონმა ნიკომ, კედლის საათს გახედა და მეუღლეს ოღაც ანიშნა.

ქალბატონი თეკლე ოთახიდან გავიდა.

— ისტორიულად, — ხმა დაიბოხა ნიკომ, — დიახ, ისტორიის დამტკიცებელი აქვს, რომ ოჯახში უმთავრესი ქალი გახლავთ, დედა. მეც სოფლიდან ვარ, ქვემოხვითი გაგიგონიათ?

— ეგ სოფელი ვიცი.

— ჰოდა, ქვემოხვითში ვცხოვრობდით. მეც დედისერთა ვიყავი, მამაჩემი ურმის ოსტატი იყო, შორეული სოფლებიდანაც მასთან მოდიოდნენ. ნამდვილი ოსტატი იყო და ოჯახიც ღონიერი გექონდა. მამა რომ გარდამეცვალა, დედაჩემის თბილისში წამოყვანა გადაწყვიტე. გაგიყდიო? — შემომიტია. სოფელში დარჩა და კერა არ მოშალა. მაგარი ქალი იყო დედაჩემი. ემ ხელი რომ ავიღე სოფელზე, ერთი ღარიბი მეზობლის გოგონა იშვილა, ღვიძლი შვილივით შეიყვარა, მერე ისე მოახერხა, რომ ქალიშვილი ურმის ოსტატს მიათხოვა და სიძე შინ შემოიყვანა. ერთხელ ავად გახდა და მიხმო. ჩავედი. ლოგინში იწვა და აკვანს არწევდა. ჩემი შვილიშვილიაო, — მითხრა სიბერე მომერია, სადაცაა მოვკვდები, მარა გულდაწყვეტილი არ მივდივარ ამ ქვეყნიდან, ჩვენი სახლი მაგრად დგას, კერა არ ჩაქრებაო.

...ოთახში ზვიადი შემოვიდა. ზვიადი და რევაზი კარხა ხნის ნაცნობები არიან, სტუმარს შინაურულად მიესალმა ზვიადი, გაუღიმა და მხარზე დაჰკრა ხელი, მერე რუსიკოო — დაიძახა და რუსუდანის ოთახში შევარდა.

— დიახ, ქართველი ხალხის ცხოვრებაში, — შეწყვეტილი სიტყვა გააგრძელა ნიკო ბატონმა, — ქალს განსაკუთრებული ადგილი ეკავა, ეს ისტორიულად დამტკიცებულია.

— ჩვენი ისტორიკოსები იმას წერენ, რაც თვითონ იციან, მაგრამ ეს არ არის საქართველოს და ქართველი ხალხის სრული ის-



ტორია, — რალაც არაბუნებრივად, მკახედ თქვა რევაზმა და ნიკოს თვალი გაუსწორა.

— ცდებით, ნამდვილად ცდებით, ყმაწვილო, — შემოუტია ნიკომ, — ასეა თუ ისე, საქართველოს ისტორია შესწავლილია და დაწერილი. ზოგი საყურადღებო მოვლენა, სამწუხაროდ, მივიწყებულია და გამოჩენილი, მაგრამ ძირითადად, დიახ, ძირითადად, ჩვენ ვიცით ქართველი ხალხის მიერ გავლილი გზა უძველესი დროიდან დღემდე... სამწუხაროდ, თქვენსავით ბევრი ფიქრობენ და ცდებიან.

როგორც იქნა, რუსუდანი შემობრძანდა. მამამისს დიდხნის უნახავივით მიესალმა, მერე ქვეშ-ქვეშად გაუღიმა რევაზს და ხელი ჩამოართვა, თითქოს დღეს პირველად ენახოს..

ქალბატონმა თეკლემ ბრძანა, სუფრა გაწყობილიყო და ყველანი სასადილო ოთახში გავიდნენ.

რევაზის დღეგრძელობისას ზვიადი ადგა, დედ-მამას გაუღიმა, რუსუდანს თვალი ჩაუყრა და ჯიქურად თქვა:

— ჩვენს სიძეს გაუმარჯოს!..

რევაზს ელდა ეცა, გაშეშდა და თითქოს დარეტიანდა.

რუსუდანი სუფრიდან აიჭრა და ოთახიდან გაეარდა.

ქალბატონი თეკლე და ნიკო ბატონი მშვიდადა სხედან. ზვიადის შეუღლე ლილი კი ეშმაკურად ილიმება და რევაზს ისე მისჩერებია, თითქოს მის სულში ჩაძვრომა სწადია.

რევაზ ჩაფიჩაძე ადგა და მხარზე ქალბატონ თეკლეს ხელი იგრძნო.

— დაჯექი, შვილო, — ჩვენ ყველაფერი ვიცით.

სული დაუმშვიდდა რევაზ ჩაფიჩაძეს, გული გაუხალისდა და ახლა თვითონ გაუღიმა, ლილის და სასიამოროს თამამად შეხედა.

ნიკო ბატონმა ვრცელი სადღეგრძელო წარმოთქვა. თეკლე და ზვიადიც დაიღალნენ ნიკო ბატონის გრძელი სადღეგრძელოთი, რევაზი კი გულისყურით უსმენდა სასიამოროს და ნიკო ბატონის მიერ წარმოთქმული იმ სადღეგრძელოს მთავარი აზრი ახლაც კი ახსოვს.

„ოჯახი იყო და ოჯახი არის ჩვენი ცხოვრების. ფუძეთაფუძე. მაგარია ოჯახი და ციხე-ბურჯად დგას სახელმწიფო. შერყეულია ოჯახი და მაშინ სახელმწიფოსაც უჭირს. — ეს ჩინებულად იცოდნენ ჩვენმა წინაპრებმა და მათთვის ოჯახი წმიდათაწმიდა, ხელშეუხებელი და სათაყვანო იყო და ისტორიულად იმ ოჯახებს განამტკიცებდა უმწიკვლო სიყვარული. ...დიახ, ასე იყო ისტორიულად — ქმარს უყვარდა ცოლი, ცოლი ეთაყვანებოდა ქმარს და ხარობდნენ სიყვარულიანი ოჯახები“... —

...ზვიადმა რუსუდანი შემოიყვანა და რევანის გვერდით დასვა.

ახლა რუსუდანს გაეღიმილა ლილი, თვალი ჩაუკრა და რაღაც ანიშნა.

— ქორწილის დღე დაენიშნოთ, — თქვა ლილიმ და რევანს შეაქებდა.

სუფრაზე უხერხული სიჩუმე ჩამოვარდა.

ნიკო ბატონმა მსუბუქად ჩაახველა, რატომღაც იფიქრა — რევანს ქალბატონ თეკლესი ერიდებო, მეუღლეს სთხოვა ჩაი დამისხიო და როცა ქალბატონი თეკლე ოთახიდან გავიდა, გადაწყვეტილიყო ბრძანა.

— ჰო, მართალია ჩემი რძალი, ქორწილის დღე დაენიშნოთ.

...რევანს ჩაფიჩაძე ვაკეში, იმერეთის ქუჩაზე, საყუთარ სახლს აშენებს. შარშანწინ ეზო შემოღობა, შარშან სახლი დაასაძირკვლა, წელს კი კედლები ამოჰყავთ ოსტატებს, — კიდევ ერთი წელი და სახლის მშენებლობა მოთავდება და რუსუდანს და რევანს გადაწყვეტილი აქვთ ახალ სახლში იქორწილონ.

რევანმა ჩუმად, ძალიან ჩუმად უჩურჩულა ყურში რუსუდანს და თვითონაც ანიშნა — ჩვენი აზრი მოახსენე მშობლებსო, რუსუდანმა კი ენა გაიქვეა და პასუხად ფეხზე მაგრად დააჭირა ფეხი.

როგორც იყო რევანმა ამოიღვა ენა.

— სახლს ვაშენებ ნიკო-ბატონო!

— მერე-და, ვინ გიშლით? ააშენეთ!

და როცა რევანს ჩაფიჩაძემ სახლის მშენებლობის სურათი ზუსტად დაუხატა სასიამაოროს, ნიკო ბატონმა ჯერ მსუბუქად ჩაახველა; მერე კი გულიანად გადაიხარხარა.

— ბინა, ღვთის წყალობით, დიდი გვაქვს, — ბრძანა პატივცემულმა ნიკომ, — ჩვენი მშენებლების ამბავი კარგად ვიცო — წელს შეპირებულს, იმერგაისადაც არ გაღირსებენ. ამ ჩვენს ბინას ერთ თვეში გაგირემონტებთო, შეგვპირდნენ და ორი წელიწადი ნაგავში ვეყარეთ! დიახ, ბინა დიდი გვაქვს. სახლის აშენებამდე ჩვენთან იცხოვრებთ, ქორწილის გადაღება კი არ ღირს.

ნიკოს ყველა დაეთანხმა და ქორწილიც მომავალ კვირისთვის დაინიშნა.

მერე ყველაფერი უბრალოდ წარიმართა.

რევანს ჩაფიჩაძე დიასამიძეების ოჯახში გადავიდა საცხოვრებლად. და დიასამიძეთა ოჯახში სტუმრიანობამ იმატა. ქალბატონმა თეკლემ სამკითხველოში მუშაობას თავი დაანება.

„ამ ერთ ბინაში სამი ოჯახი ცხოვრობს და სამ ოჯახს ერთი „განთავისუფლებული დიასახლისი“ უთუოდ სჭირდება“.

ასე გადაწყვიტა ქალბატონმა თეკლემ, სამკითხველოს თავი დაუკრა და ოჯახში მტკიცე წესი დაამკვიდრა:

საუზმე დილის რვა საათზე.

სადილი ექვს საათზე.

მსუბუქი ვახშამი და ჩაი, რომელ ოჯახსაც როდის და როგორც მოუხდება.

სასაუზმოდ ყველაზე ადრე ბატონი ნიკო ცხადდება. ჩართავს რადიომიმღებს, სუფრის თავში დაბრძანდება და საუზმის მოლოდინში გუშინდელ გახეთს უხალისოდ ათვალთვობს.

რუსუდანი დედასთან ერთად სამზარეულოში ტრიკლებს, სიძე-ბატონი რევაზ ჩაფიჩაძე სააბაზანოში წვერს იპარსავს. ზვიადი აივანზეა და დედის ნამალევად უზმოზე სიგარეტს ქაჩავს, ლილი ლოგინში წამომკდარა, მუხლისთავეებზე პატარა სარკე დაუდვია და... ბატონი ნიკო კი ზის სუფრის თავში, გახეთი უკვე გადაუკითხავს, კედლის საათს მისჩერებია, სადაცაა მოთმინებას დაჰკარგავს—და სწორედ ამ დროს სიძე-ბატონი შემობრძანდება, მორჩილად დაუკრავს თავს და გვერდით დაუჯდება.

— ხომ მშვიდად გეძინათ!

— არც ისე... — უხალისოდ მიუგებს ნიკო და კედლის საათს გახედავს.

— ათი წუთით წინ არის... — იტყვის რევაზი და წამოდგება.

— ნუ გაასწორებთ! ჩვენი დიასახლისი ათი წუთით განგებ აყენებს წინ, თავისი ანგარიში აქვს.

— კამპანიას გაუმარჯოს! — თმის ვარცხნით შემოდის ზვიადი და რევაზის გვერდით ჯდება. ხმას აიმაღლებს ზვიადი, — მამაკაცები ასეა, წესრიგიანი ხალხი ვართ, რვაც არ შესრულებულა და უკვე ადგილზე ვიმყოფებით.

— ცდები! — მწყრალად გახედავს ნიკო, — ახლა ცხრის. ხუთი წუთია და შენ ორი ღერი სიგარეტი გაქვს. მოწეული. აივანზე გააპარები, ვითომ ვარჯიშობ და სიგარეტს ქაჩავ, ჩვენ კი არა, თავს იტყუებ... თეკლე და რუსუდანი საუზმეს გვიმზადებენ, ხოლო შენი მეუღლე ჭერ კიდევ ლოგინში წევს.

ლილი ყურს მოჰკრავს მამამთილის საყვედურს; სწრაფად გამოხტება ლოგინიდან, საშინაო ხალათს მოიგდება და თმდაუვარცხნელი სამზარეულოში შეეარდება, აქაო და მეც ვშველი რუსუდანს და თეკლესო.

სამი ქალბატონი შემობრძანდება სასადილო ოთახში. წინ თეკლე მოდის, მას რუსუდანი მოჰყვება, რუსუდანს ლილი. ნიკოს ქალ-

ბატონი თეკლე დიდ თეფშზე ძეხვიან ერბო-კვერცხს დაუდებს პატარა ტაფით და პატივცემული ნიკო ულვაშებში ჩაილიმებს. ასეთსავე კერძს რუსუდანი რევაზს მიართმევს, ხოლო ლილი, არც ისე ხალისიანად, უფრო მოზრდილ ტაფას ხელში მიანჩეხებს ზვიადს. ზვიადის ტაფაზე მარტო ძეხვია, თითქოს საოცარია, ზვიადს ქათმის ხორცი გაგაუებით უყვარს, ქათმის კვერცხს კი ქირივით ეჯავრება.

მერე ქალბატონი თეკლე შიშინა სამოვარს შემოდგამს სუფრაზე და ქალებიც საუზმედ დასხდებიან.

დიდ სასაძილო. ოთახში, დიდ, სუფრას უზის დიასამიძეთა ოჯახი და საუზმობს.

სუფრიდან ყველაზე ადრე ლილი დგება. და მას მაინც ყოველთვის აგვიანდება სამსახურში, სარკეს დიდი დრო. მიაქვს. მართალია, მუსიკალური სასწავლებელი, სადაც ლილი მსახურობს, არც ისე შორსაა, სიარულიც სწრაფი იცის ლილიმ, მაგრამ დათქმულივით ათი წუთით ყოველთვის აგვიანდება სამსახურში. სასწავლებელში ამას ყველა შეეჩვია და იმ კლასის მოსწავლენიც, რომელთაც პირველი გაკვეთილი ლილისი აქვთ, ათ წუთს იგვიანებენ.

რუსუდანი, რევაზი და ზვიადი ავტობუსით ერთად მიდიან სამსახურში. რუსუდანი სასტუმრო „საქართველოსთან“ ჩამოხტება და სამხატვრო ტექნიკუმიც იქვეა, ქუჩისშვილის ქუჩაზე, რევაზი და ზვიადი კი სასოფლო-სამეურნეო ინსტიტუტამდე აგრძელებენ გზას. მართალია, ორივენი ერთი ხნისანი არიან, მაგრამ რევაზი უკვე მეცნიერების კანდიდატაა, ინსტიტუტის ლექტორი გახლავთ და სადოქტორო შრომაც მზადა აქვს, ზვიადმა კი შარშანწინ დაამთავრა ასპირანტურა, უკვე ორი წელია ასისტენტად მუშაობს და მხოლოდ წელს, ისიც წლის მიწურულში, დაიცავს კანდიდატობის ხარისხს.

საუზმეს ყველაზე გვიან თეკლე და ნიკო შემორჩებიან, ნიკოს შეგრილებული ჩაი უყვარს და სვენებ-სვენებით სვამს. თეკლე უხეშაუროდ, ნაწილ-ნაწილ აალაგებს სუფრას, ხანდახან მეუღლეს შეეშველება ხოლმე, მაშინ ქალბატონი თეკლე გახალისდება და სიმღერასაც კი წამოიწყებს.

ნიკო დიასამიძე თორმეტ საათზე მიდის ისტორიის ინსტიტუტში. მისი პორტფელი ერთობ დიდია, მოზრდილ ჩემოდანს ჰგავს. ნიკოს კაბინეტი მესამე სართულზეა და ნიკოს ეძნელება პორტფელის ატანა მესამე სართულზე. ამიტომაც პორტფელს შესასვლელშივე, პირველ სართულზე მორიგესთან ტოვებს და, მორიგეჰ ჩინებულად იცის, რომ პატივცემული პროფესორის პორტფელში გამოსაცემად გამზადებული წიგნის დედანია, მანქანაზე სუფთად გადაბეჭდილი.

„მიწათსარგებლობა ფეოდალურ საქართველოში“. ბარე ათი წელი წერდა ამ შრომას ნიკო დიასამიძე და ორი წლის წინ დედნის ორი ცალკე წარუდგინა გამომცემლობას. ისტორიის ინსტიტუტის შუამდგომლობა და კათედრის რეცენზიაც თან ახლდა შრომას. გამომცემლობის რეცენზენტმა, რომელიც ღრმად იყო ჩახედული საქართველოს ისტორიაში, საეკვოდ მიიჩნია ინსტიტუტისეული შეფასება და დიასამიძის შრომა განსაკუთრებული გულისყურით შეისწავლა. რეცენზენტის დასკვნა მოკლე იყო: „მიწათსარგებლობა ფეოდალურ საქართველოში“ მეტად საყურადღებო შრომაა, მაგრამ, სამწუხაროდ, ავტორის სწორ მოსაზრებებს და შეხედულებებს აკლია ისტორიული წყაროებით დასაბუთება“; ნიკო დიასამიძემ სწორად მიიჩნია რეცენზენტის მოსაზრება, შრომა არქივებიდან ამოკრეფილი ისტორიული წყაროებით გაამდიდრა, და დედნის თითქმის ყოველ გვერდზე გაჩნდა ციტატები და სქოლიოები.

გამომცემლობის მეორე რეცენზენტმა, რომელმაც პირველი რეცენზენტის მსგავსად საფუძვლიანად შეისწავლა ნიკო დიასამიძის შრომა, მოკლე დასკვნა წარუდგინა გამომცემლობას: „მიწათსარგებლობა ფეოდალურ საქართველოში“ ფრიად საყურადღებო პონოგრაფიული გამოკვლევაა და ავტორი ახალ სიტყვას ამბობს ქართულ ისტორიოგრაფიაში, ოღონდ სამწუხაროა, რომ ავტორის მოსაზრებები შთაკარგულია უამრავ ფაქტობრივ მასალაში. ერთი, ჯალრესად სწორი მოსაზრების დასასაბუთებლად ავტორი ისტორიული წყაროებიდან რამდენიმე მასალას იმოწმებს. ამიტომაც წიგნი უფრო ციტატებისა და შენიშვნების კრებულს წარმოადგენს. ეს შრომა ავტორს მუზეუმში უნდა მიეტანა და არა გამომცემლობაში“.

ახლა ამ რეცენზიის მიხედვით გადააკეთა შრომა ნიკო დიასამიძემ. მისივე სიტყვებით რომ ვთქვათ, ორივე რეცენზენტის შენიშვნები „გააბალანსა“, უგულისყუროდ არ დატოვა არც პირველი და არც მეორე რეცენზენტის მოსაზრება და პირველი და მეორე დედნისგან სრულიად განსხვავებული, მისივე შეფასებით, „სავსებით ახალი შრომა“ გამოვიდა.

ნიკო დიასამიძის შრომის სამივე ვარიანტის ორ-ორი ცალი გამომცემლობის პორტფელშია, ხოლო ერთი ცალი დიასამიძის პორტფელში. ჰო, ყოველშემთხვევისთვის ავტორს შრომის სამივე ვარიანტის თითო პირი თან დააქვს, ხომ შეიძლება მოულოდნელად დაურეკონ გამომცემლობიდან — შრომის ერთ-ერთი ვარიანტის ერთი პირი კიდევ წარმოადგინეთო და ნიკო დიასამიძე დაუყოვნებლივ შეასრულებს გამომცემლობის მოთხოვნას; არა, ამ მხრივ

არ დაბრკოლდება საქმე... აგერ ერთი წელია ამ მძიმე პორტფელს ყოველდღე დაათრევს სამსახურში პატივცემულო ნიკო, მაგრამ გამომცემლობა, თითქოს ენა ჩაუეარდაო, დუმს...

...შინ პირველი დიასამიძეთა რძალი ბრუნდება. ლილის სულ ოთხი გაყვითლი აქვს და პირველ საათზე სახლშია. ცოტას დაისვენებს და მერე დედამთილს ეხმარება. ოთხ საათზე ნიკო დარეკავს ზარს, კარს რძალი გაუღებს და კარშივე გამოართმევს მძიმე პორტფელს. უსაყვედურებს — რატომ არ დამიძახე, ჩამოგეგებებოდი და პორტფელს მე აძოვიტანდიო. ნიკოს ზვიადი მოჰყვება, მასაც ლილი გაუღებს კარს და საყვედურით შეხედავს „— რატომ დაიგვიანე, აკი ვიცი, სამი საათიდან თავისუფალი ხარ“.

ზვიადი გაუღიმებს ლილის, ლოყაზე მოუთათუნებს ხელს, ვითომ უჩქმითასავით და „კონფლიქტი“ ამოწურულია.

რუსუდანს სამხატვრო სასწავლებელში მხოლოდ ორი გაყვითლი აქვს. სასწავლებლიდან იგი საკუთარ სახლში მიდის, ვაკის ახალ უბანში, იმერეთის ქუჩაზე. სახლის აშენებას არაფერი უკლია. ოსტატებმა კარ-ფანჯარა უკვე შეღებეს, ახლა პარკეტს აგებენ და ოსტატებს დიასახლისი შველის და თან მეთვალყურობს... „ჰო, სადაცაა ყველაფერი მოთავდება: პირველ სართულზე სამზარეულოში გაზის ქურა დგას, ჩართულია სინათლე და გამოყვანილია წყალი.“

ხუთ საათზე რევაზი მიაკითხავს რუსუდანს, ცოტას წახეხარება ოსტატებს, ხოლო ექვს საათზე რუსუდანი და რევაზი აუცილებლად შინ არიან და დიასამიძეთა ოჯახი სადილად სხდება.

ღიან, საუზმისა და სადილის საქმე ჩინებულად მოაგვარა ქალბატონმა თეკლემ, ვახშამს კი ვერაფერი მოუხერხა.

რუსუდანი და რევაზი, ყოველ მეორე დღეს, თეატრში, კინოში ან კონცერტზე დადიან, ხანდახან ლილიც და ზვიადიც მათ აედევნებიან. ლილის ერთობ ბევრი ნათესავ-მეგობარი და ამხანაგი ჰყავს, ძალიან ხშირად ლილი და ზვიადი საღამოობით შინ არ არიან და დიასამიძეთა დიდ სუფრას ვახშმად მარტო თეკლე და ნიკო უსხედან.

„ჩვენც ვიყავით ახალგაზრდები, მაგრამ“...

მაგრამ ისა, რომ ქალბატონო თეკლე, ჩვენი ახალგაზრდობა სხვა იყო“, დაყუდებით ეტყვის ნიკო და სუფრიდან ადგება, გაივლ-გამოივლის, მერე რადიოს ჩართავს და „უკანასკნელ ცნობებს“ ბოლომდე მოისმენს.

„ჰო, ჩვენი ახალგაზრდობა სხვა იყო: შედარებით ნაკლები ცოდნა, სანაცვლოდ დიდი რომანტიკა და დიდი გატაცება! ახლანდელმა ახალგაზრდამ ყველაფერი იცის, ვარსკვლავებთან ახლოს ფრენს

და ოკეანის ფსკერზე ცურავს, ამიტომაც სხვანაირი ხასიათი აქვს. ასეა ქალბატონო თეკლე, ნამდვილად ასეა“...

მერე რადიოს ჩააჩუმებს ნიკო, სამუშაო მაგიდას მიუჯდება, თავისი შრომის ხელნაწერს გადაშლის და თანდათან ჩაუღრმავდება ფიქრს:

„ასეა... აღამანი იბადება, თვალს აახელს და ფეხს აიდგამს, სიარულს ისწავლის, თვალი ხედვად და ყური სმენადწეიარაღებულია! წინ გადაშლილია ცხოვრების გზა და გაუდგება ამ გზას, იდის და მიდის, მიდის აღმართებსა და დაღმართებზე, ბილიკეპსა და ორშარაზე, ხევებსა და უფსკრულებზე. თანდათან დაიღლება გზებზე ხეტიალით, ძალიან დაიღლება, თავის წილ გზას გავლილად მიიჩნევს და ამ ქვეყნიდან წავა...“

გზები კი ისევ რჩებიან...

და ეს აღმართ-დაღმართები, ვიწრო ბილიკები და ორშარები ახალ მგზავრს ელოდებიან. და ახალი მგზავრი მოვა. ცოცხალი, ბეჭითი ნაბიჯებით შეუყვება აღმართს, მერე ისიც დაიქანცება გაუთავებელ გზებზე ხეტიალით და დასვენება მოესურვება... ზოგი კი... ჰო, ზოგი პატარა გარჯით დიდი გზის გავლას ახერხებს, ადვილად ადის აღმართზე!

ჩვენ კი ჰაპანწყვეტით გავიარეთ ჩვენი ცხოვრების გზა. ქალბატონო თეკლე, მძიმე გზხ გავიარეთ, დავიქანცეთ და ახლა მოსვენება გვინდა. ამიტომაც ვზივართ შინ.

სიჩუმე და მყუდროება გვინდა და ამიტომაც ვზივართ შინ.

ყუჩად ვუზივართ სუფრას, ვსვამთ ჩაის და სიჩუმე გვართობს“.

## თ ა ვ ი მ ე ო რ ა

სექტემბერმა მოატანა და დიასამიძეთა ოჯახი აწრიალდა. ოჯახის დედამ კარგა ხანია დაჰკარგა ძილი, თვალები დაუწვრილდა, დაპატარავდა. მხრებში მოიხარა, ნაოკებმა დაუფარა სახე. ყველდღე თეფში უტყდება, ან ჰიქა, ან რაღაცას წამოჰკრავს ფეხს, შფოთიანი და მოუსვენარი შეიქნა ქალბატონი თეკლე.

მეუღლე რომ იცავდა დოქტორობის ხარისხს, მაშინ ასე არ დელავდა თეკლე. ამოდენა 'შიში' არ ჩაჭრია გულში; პირიქით. მხიარულად იყო, მშვიდად ეძინა, ოხუნჯობდა და ამაცობდა... ჰო, სხვა ყოფილა შვილი. დედის გულთან ახლოს კი არა, შიგ გულში ტრიალებს შვილის სატკივარი და შფოთავს, მოუსვენრობს დედის გული

ოჯახის მამაც დელავს, მთელი ზაფხული სიცხიან თბილისში გა-

ატარა ნიკომ. ინსტიტუტის საქმეები მოიმიზეზა, ნამდვილად კი ინსტიტუტში არაფერი ესაქმებოდა, ტყუილუბრალოდ მოდიოდა ყოველდღე, მარტო იჭდა ოთახში და ზვიადის სადისერტაციო შრომას უკირკიტებდა.

„ზვიადი კი, ჰო, ზვიადი და ლილი ჯერ ბორჯომში იყვნენ, მერე სოქას მიაშურეს და მხოლოდ გუშინ ინებეს თბილისში ჩამობრძანება, კარგი საქმეა მე და ჩემმა მზემ! სწორედ ასე უნდა: თეკლე და ნიკო უფოთავენ და მოუსვენრობენ, ლილი და ზვიადი აღმა-დაღმა დასეირნობენ“.

რუსუდანს ორსულადაა, ჰირვეულობს, ყველას სახეს არიდებს და ზვიადი... ჰო, ზვიადის დისერტაცია სრულიად არ აწუხებს რუსუდანს. — ჩემი პირველი შვილი უსათუოდ ქალიშვილი იქნებაო, — უთქვამს დედამისისათვის, მოქარგული პერანგი შეუქერია და ახლა ჩაჩებსა ქსოვს. რევაზი მოსკოვს გაემგზავრა ავეჯის საყიდლად და მხოლოდ დისერტაციის დაცვის დღეს ჩამობრძანდება.

დიდი, ძალიან დიდი იმედია. მე და ჩემმა მზემ!

...დიასამიძეთა სახლში მხოლოდ ზვიადისა და ლილის ოთახში ანთია შუქი. საწოლში ზვიადისკენ ზურგშექცევით წევს ლილი. ზვიადი სამუშაო მაგიდას უზის და წიგნს დაყოვნებით ფურცლავს თითქოს მიაკვლია, რასაც ეძებდა, წიგნი დახურა, ხელებით სახე მოისრისა, წამოდგა, სინათლე ჩააქრო და ლოგინში ჩაწვა.

სასადილო ოთახში თეკლე შემოვიდა. მკრთალი შუქი აანთო. ზვიადისა და ლილის ოთახს მიაყურადა, მერე სასადილო მაგიდას მიუჯდა, სათვალე მოირგო, ხალათის ჯიბიდან რვეული და ფანქარი ამოიღო და რაღაცას ანგარიშობს.

უხმაუროდ შემოდის რუსუდანი, მაგრამ თეკლე მაინც ანიშნებს უფრო ფრთხილად იყოს. რუსუდანი ცერებზე შედგება.

„სძინავთ?“

თეკლე თავის დაქნევით უდასტურებს. რუსუდანი დედის გვერდით ჯდება. უცაბედად სკამი გაიხმაურებს. უხერხულობა. სიჩუმე.

„რამდენია, დედი?“

თეკლე რვეულში ჩაიხედავს და წაიჩურჩულებს:

„სამოცდაოთხი“.

რუსუდანი თვალს მიმოავლებს ოთახს.

„დაეტევა?“

„გამწელდება“.

რუსუდანი ყურში ჩაუჩურჩულებს:

„შევამციროთ!“

თეკლე გულმოსულად გამოხედავს.



„ისე ლაპარაკობ, თითქოს არ იცოდე, ეს სია რამდენჯერ არის გაცხრილული და გადაწერილი!“ თეკლე რვეულს რუსუდანს მიუგდებს. რუსუდანი ჩუმად კითხულობს გვარებს, ხან ელიმება, ხანაც წყენა გამოეხატება სახეზე. რვეულს ისევ დედას დაუბრუნებს, ცერებზე შედგება და ოთახის სივრცეს ნაბიჯებით გაზომავს.

„ოცდაოთხი. ოჯჯერ ოცდაოთხი — ორმოცდარვა. გვერდ-გვერდით კიდევ ორ-ორი მაგიდა დაეტევა. ნამდვილად დაეტევა!“

ოთახში ნიკო შემოვიდა. გულმოსულია, მაგრამ თავი მაინც შეიკავა და დაყვავებით ეუბნება დედა-შვილს:

„მაგ სიას მოეშვით, ქალბატონებო, შემოწმებას არ საჭიროებს, გამოზომილია და აწონ-დაწონილი! თქვენ სურსათზე იფიქრეთ“

თეკლე ფრთხილად წამოდგა და ნიკოს თვალებში შეაჩერდა.

„ვითომ არ იცოდე, ყველაფერი გვაქვს.“

„ცოცხალი?“

„ზაქარია დაგვიპირდა“.

„კარგია, ამბობენ მინისტრის მოადგილე ცოცხალის გიჟიაო. ხიზილალა?“

„დილით ყუყუნა გამოივლის ავლაბრის ბაზარში“.

„რომ ვერ იშოვოს?“

„ისტორიას არ ახსოვს!“

ახლა კი აენტო ნიკო ბატონი.

„ისტორიას ნოეშვით! თავი დაანებეთ ფაციფუსს, ერთი პირი მაინც წავიძინოთ!“

ნიკომ სინათლე ჩააქრო და სამივენი უხმაუროდ გავიდნენ ოთახიდან.

...საათმა ოთხჯერ ჩამოჰკრა.

ზვიადი ადგა. შუქი ჩართო, უხმაუროდ გავიდა სასადილო ოთახში. ფანჯარა გააღო და ფარდა გადასწია.

თენდება.

„ამ დილით მე, ზვიად დიასამიძე, რიგითი ასპირანტი ვარ, მაგრამ დღეს მე სამეცნიერო ხარისხს დავიცავ და სადამოთი მეცნიერების კანდიდატი ვავხდები... და ჩვენი ოჯახი ღელავს! გუშინ დედაჩემის ბრძანებით ჩვეულებრივზე ადრე დავწეკით, მაგრამ ძილის რა მოგახსენოთ: მამაჩემი, როგორც ყველა ისტორიკოსი, მოუქანცველი მოსაუბრეა, მაგრამ წუხელ მუნჯავით იყო — ძილი არ გაუკრთეს ზვიადსო, თან ვგრძნობდი, გულმოსული იყო ჩემზე — ხვალ როგორი განსაცდელი მოელის, ეს კი არხეინად გაშოტილა ლოგინშიო... მე მხოლოდ თვალეები მქონდა დახუჭული და ისე ვფხიზლობდი, დედაჩემის ფიქრიც კი მესმოდა. დედაჩემი ღვთის-

მორწმუნეა და ჩემი თავი სამჯერ შეავედრა მამაზეციერს, — ყოველადღიერო, ხვალ გაუმარჯვე ჩემს ზვიადს, შეიბრალე დედამისი“...

„უკვე ადექი, შვილო?“ დედის ხმა შემოესმა ზვიადს.

„არა. არ ავმდგარვარ“.

„აბა სასაღილოში რა ვინდა?“ ეკითხება დედა.

„წყალი. წყალი დავლიე“. იცრუა ზვიადმა.

„დაწექი! ნუ დაბორიალობ, ძილს ნუ გვიტეხ!“ ვითომ საყვედურით ამბობს ქალბატონი თეკლე.

მაგრამ ზვიადმა იცის — დედამისი გალურსული წევს ლოგინში და ძილი არ ეკარება.

„ეშინია და ცდილობს არ შევამჩნიო, მაგრამ ხმამ გაამხილა. როგორი მთრთოლეარე ხმით დამიძახა — „უკვე ადექი, შვილო?“ ექა, ლელავს ოქახის დედა“...

ზვიადმა შუქი ჩააქრო და სიბნელეში რუსუდანის ხმამ შეაკრთო.

„ზვიად უკვე ადექი?“

„თუთ, რა დროს ადგომაა! შეუტია ზვიადმა.

რუსუდანის ხმა: „აბა, სასაღილოში რას აკეთებ?“

„ეჭეიფობ“. უფრო გაჭაერებით პასუხობს ზვიადი.

რუსუდანის ხმა: „მარტო?“

„ჰო, მარტო და შენს საღდეგრძელოს გიახლები“, ჩურჩულით, მაგრამ მუქარით უთხრა ზვიადმა.

რუსუდანის ხმა: „არ მესმის, უფრო ხმამალა, ზვიადიკო!“

ზვიადი ფეხაკრეფით მიუახლოვდა რუსუდანის ოთახს.

„დედა არ გამოაღვიძო, თორემ ზვიადიკოს გიჩვენებ მე შენ! თუთ! ერთი ამას დამიხედეთ?“

...ესეც ლელავს და ამასაც ეშინია... უთუოდ ვერ ვგრძნობ, თორემ რაღაც ვაი-უშველებელი ტრიალებს ჩემს თავზე! განა ზვალაც მე ისეთი ზვიად დიასამიძე არ ვიქნები, როგორიც დღესა წარ? არა! ვცდები! ხვალ მე მეცნიერების კანდიდატი მერქმევა და, ცხადია, სხვანაირი თვალით შემომხედავენ ინსტიტუტში, სამინისტროში და მეზობლებიც სხვანაირად გამიღიმებენ, ამხანაგებიც... ჰო, ამხანაგები უფრო მომეკრძალებიან. აი, რა ძალა აქვს ქალაღს. რომელსაც მე სამეცნიერო საბჭო მიბოძებს! მამაჩემიც ასე ამბობს — დოკუმენტს, დოკუმენტაციას უპირველესი მნიშვნელობა ენიჭება და აი, ინებეთ დოკუმენტი: მეცნიერების კანდიდატი ზვიად ნიკოლოზის ძე დიასამიძე“.

. ზვიადი თავის საძილე ოთახში შევიდა და მაგიდას მიუჯდა: ლილის გამოედვიდა და მთქნარებით ეკითხება ზვიადს:

„რომელი საათია?“

თითქოს არ გაუგონიაო, ზვიადი არ პასუხობს.

„რომელი საათია?“ განმეორებით ეკითხება ლილი,

„ვერ გეტყვი!“

„რატომ, საათი დაკარგე?“

„არ ვიცი!“

„კარადის მარცხენა უჯრავში ჩემი საათია, მომაწოდე!“

ზვიადი უქმყოფილოდ ადგა, გამოალო კარადის უჯრა, ლილის საათი მიაწოდა და ისევ მაგიდას მიუჯდა.

„მხოლოდ ექვსია. რომელ საათზე დავწეპით წუხელ?“

„არ მახსოვს!“ თითქოს გაჯავრებით პასუხობს ზვიადი.

„სამაგიეროდ მე მახსოვს: თერთმეტი იყო. მერე ერთი საათი ხომ ვისაუბრეთ?“

„შესაძლოა“.

ლილი ამთქნარებს და ლოგინში წამოჯდება.

„ცოტა მძინებია. შენ დიდი ხანია ადრე?“

„მგონი“. უხალისოდ თქვა.

„არ ვარგა. უმიზეზოდ ნერვიულობ“.

„უმიზეზოდ რატომ?“ გაცხარდა ზვიადი.

ლილი იღიმება.

„დღელო უ ტებია ვ შლიაპე“.

„ვინ მოგახსენათ, ქალბატონო?“

„ოტვეჩაი პო რუსკი, მეტყველებას გაიმართაქ“.

„ვინ მოგახსენათ-მეთქი?“ ზვიადი ზეზე წამოდგა.

ლილი ისევ იღიმება და ამაყად ამბობს:

„ბიძაჩემმა მომახსენა, ლუტიკო!“

ზვიადს დამცინავად გაეღიმა. თვალი გაუსწორა მეუღლეს.

„თქვენი ბიძა სამეცნიერო საბჭო არ გახლავთ“.

„სამეცნიერო საბჭო მის მოსაზრებას წინ ვერ აღუდგება, ლუტიკო!“

„ასე უწინ იყო, ახლა ასე არ გახლავთ, ქალბატონო ლილი, და ბიძათქვენსაც ის წონა აღარ აქვს, რაც უწინ ჰქონდა“.

„ვითომ რა შეიცვალა?“ გაიოცა ლილიმ.

„სამეცნიერო საბჭო!“ დამარცვლულად ამბობს ზვიადი,

„ლოჟ, წევრები შეიცვალა, საბჭო იგივეა“. ლილიმ საწოლიდან ფეხები გადმოდგა, საწოლის თავთან დაკიდებულ სარკეში თმა გადაივარცხნა.

„რამდენი მოვლა უნდა ამ შეჩვენებულს... ემზადებიან?“

„ყველაზე უფრო შენ ემზადები!“

ლილიმ სარკეს სახე მოარიდა და ღიმილით თქვა:

„ბუნებრივია მე იუბილარის მეუღლე ვარ. იუბილარის მეუღლე ყველაზე უკეთ მოიერთვება. ნუ გეშინია, პაექრობას არ დავესწრები. დღეს მთავარი დიასახლისი მე ვარ, პირველი მე შევეგებები სტუმრებს... არ გესახელება?“..

„ძალიანაც მესახელება“.

ლილემ ისევე გაიღიმა და სარკეს მიუმარჯვა სახე.

„ჰოდა, თუ გესახელება... შეხედე, რა ულაზათოდ გამკრიჭა! ნამდვილი დალაქია“.

„აჯობებდა სამართებლით გადაგელო“.

ლილის არაფრად ებიტნავა ზვიადის წიწმატიანი პასუხი, მაგრამ თავი შეიკავა. გრძნობდა, ზვიადი საოცრად ღელავდა და თან ცდილობდა, მღელვარება დაეთარა, მაგრამ არაბუნებრივი ხმა ამხელდა.

„მომეშველე, აი, ამ ნაწნავს ასე მოჰკიდე ხელი!“ და ზვიადის დახმარებით ლილი ლითონის ქინძისთავეებს იმაგრებს თმაში და თან ენამახვილობს.

„ხედავ დუტიკო, როგორ განვითარდა ტექნიკა? ეს ლითონი ქსოვილზე უფრო მსუბუქია!“

„და უფრო მძიმე, ვიდრე ზოგიერთის ტვინი“.

ეს კი მეტიმეტი იყო და ლილი უცებ აენტო, სწრაფად მოიწორა ზვიადის ხელი და თმაში წვალებით ჩაბნეული ქინძისთავეები იატაკზე დაყარა.

„ეგებ მოისურვო, დედაშენივით შემოვიგრაგნო თმა და ფაჩუჩები ჩაეიცვა, ჰა! ან იქნებ იმ ქალებივით მოვიერთო, მამაშენის წიგნებში რომ არის ჩახატული! შენ გაჭიწყდება, რომ მე ოცდაექვსი წლისა ვარ!“

ასეთ შემოტევას არ მოელოდა ზვიადი, მაგრამ უკანდახევა და გვიანებულად შიიჩნია.

„ჰო, მაეიწყდება, რომ შენ ოცდაექვსი წლისა ხარ. ოცდაექვსი წლის ქალს რვა საათი მაინც უნდა ეძინოს. შენ ძილი გაკლია და დაიძინე“.

ზვიადმა სინათლე ჩააქრო, ერთი შეუბღვირა ბნელში მეუღლეს. სასადილო ოთახში გამოვიდა და გაოცდა — ოთახში თეკლე დახვდა.

„რას ნიშნავს ეს?“ შიშნარევი ხმით იკითხა თეკლემ.

ზვიადი უცებ მოეგო გონს, თავი მოიმხიარულა, თეკლეს გამოეჭიმა, ხმა დაიბოხა და მსახიობური სიყალბით თქვა:

„ეს იმას ნიშნავს, ჩემო საყვარელო დედი, რომ შენი შვილი — ზვიად ნიკოლოზის ძე დიასამიძე მზად გახლავთ დაიცვას სამეცნი-

ერო ხარისხი! დიახ, კეშმარიტებას მოგახსენებთ, ქალბატონო თეკლე, თქვენი ვაჟიშვილი!"..

„მთელი ღამე ზეზე იყავი? — თუმცა კითხვა რა საჭიროა, სახე-ზევე გეტყობა — ღამე თეთრად გაგითენებია“.

თეკლე მოიღუშა, მხრებში მოიხარა, ჰო, სადაცაა ატირდება და ზვიადს შეებრაღა დედა.

„ვიწეჟი. მეძინა. სიზმარიც ვნახე“...

თეკლე თვალბეჭეში შეაჩერდა.

„სიზმარიც ნახე? რა გესიზმრა?“

ახლა კი დიბნა ზვიადი და ღიმილით მიუგო:

„სიზმარო არ მინახავს, მაგრამ ნამდვილად მეძინა“.

ოთახში რუსუდანი შემოვიდა. თვალბეჭე მოიფშვინტა, კედლის საათს ახედა, მერე დედასა და ძმას გაოცებული შეაკვირდა. თეკლე აენტო:

„შენღა გეაკლდი! რა დროს შენი ადგომაა?“

შეშინებულ რუსუდანს რომ შეხედა, თეკლე უცებ მოლბა, წელზე მოხვია ხელი და თავის ოთახში გააბრუნა.

ზვიადმა ფანჯარა გააღო და ეზოში გადაიხედა. კარის მეზობელი შადიმან შარანგია ონკანთან იდგა. წელზევით შიშველი იყო და ცივი ტილოთი ტანს იხელდა.

„ჩემი და შარანგიას ცხოვრება ერთმანეთს ჰგავს. მან ისტორიულ-ფილოსოფიური ფაქულტეტი დაამთავრა, მაგრამ სასაბუღალტრო გამგედ მუშაობს, ცხოვრების ავ-კარგზე ერთობ ორიგინალური შეხედულება აქვს, ხოლო მამაჩემი ამოდ ცდილობს საწინააღმდეგო დაუმტკიცოს... მე ფიზკულტურელი ვიყავი, — მორბენალი! ფიზკულტურის ინსტიტუტში მინდოდა შესვლა, მაგრამ ჩემმა ნათლიამ „იწინასწარმეტყველა“ — სოფლის მეურნეობის მექანიზაციას დიდი მომავალი აქვს საქართველოშიო და სასოფლო-სამეურნეო ინსტიტუტში ამომაყოფინეს თავი. მორბენალობა აქაც დიდად შეგეშველა! ღმერთმა დალოცოს ფიზკულტურა!“

„უკვე ხარისხს იცავ?“

დედის ხმა შემოესმა ზვიადს.

— „დიახ. — ხმას აუწია ზვიადმა, — მე რეპეტიციას გავდივარ, დედაჩემო, შენი კი მიკვირს. დილიდანვე რომ მოუსვენრობ! შენც ხომ არ აპირებ ჩემთან ერთად ხარისხის დაცვას?“

ქალბატონი თეკლე ხარისხს არ იცავს, სოფლის მეურნეობის მექანიზაციის საკითხებში ვერ ერკვევა ქალბატონი თეკლე, მას თავისი საზრუნავი აქვს.

„ვითომ არ იცი, მე რაც მალეღეებს?“

„ვიცი, კარგად ვიცი: ვითომ ვახშამი, ვითომ სტუმრები... ახ-

ლა შენ ცდილობ მომატყუო, მაგრამ ვერ ახერხებ! შეილსა და დედას სიმართლე ვერ გვიტყვამს ერთმანეთისთვის, ხედავ, რა დაგრეხილი და მიკიბულ-მოკიბულია ცხოვრება! დღეს შენი შეილი ცხოვრების გზაზე წინ წაიწვეს, ერთის საფეხურით ამაღლდება, შენ ეს გინახია და თან შიშობ — ვაი თუ ფეხი დაუცდესო და ამ შიშმა რომ არ შემაქრთოს, ცდილობ, დამიმალო... გავიწყდება. რომ მე უკვე ბაღლი აღარა ვარ, დედი!

ნიკომ ხმაურით შემოაღო კარი. ჩანს, კარგახანია ამდგარა, თმ: კობტად აქვს დავარცხნილი. დედა-შეილს გაუღიმა და საათს გახედა.

„მშვიდობის დილა მისურვებია... ოღონდ დილაადრიან რა სპიროა ეს პაექრობა, სალამომდე დიდი დროა!“

თეკლემ მწყარალად გახედა მეუღლეს და სკამიდან ადგა.

„ერთნაირად დაღადებ ყოველთვის: დიდი დროა!“

„უნდა ვილადადო, ქალბატონო თეკლე, — დინჯად და დამარჯვლულად პასუხობს ნიკო, — დიახ, უნდა ვილადადო, არ მიყვარს ვადამეტებული ფაციფუცი! მაპატიე და. — ქალებს ხომ მოსვენება არ შეგიძლიათ: ეს ნივთი საღ-დავდგათ, ეს საღ ჩამოვკიდოთ, სუფრის თავში ვინ დავსვათ... ყოველივე ეს წვრილმანია! უმთავრესი და თავიდათავი სიმშვიდეა, დიახ. სიმშვიდე! სიმშვიდემან დიდმან სძლია საქმენი ძნელნი და დიდნი“...

გულმოსული თეკლე ოთახიდან გავიდა. ნიკო სავარძელში ჩაჯდა და კართან მისული ზვიადი მოაბრუნა.

„შენ ხომ მშვიდად ხარ?“

„მშვიდად, მამაჩემბ!“

ნიკომ თვალი მოაჩიდა, არ ესთამოვნა შეილის ასეთი „სიმშვიდე“.

„კარგია... ცოტა ხმა კი გიკანკალებს“.

• ზვიადი შეერთა. მიხედა, მამამ სიცრუეში დაიჭირა.

„ხმა? სინარულის გამო“. ვითომ უღარდელად თქვა ზვიადმა.

„შესაძლოა... რაიმე გაუგებრობას არ უნდა მოველოდეთ?“

„არა მგონია, მამი!“

ნიკომ თვალი გაუყარა, ხელით ანიშნა — ახლოს მოდიო, მერე ირგვლივ მიმოიხედა და როცა დარწმუნდა, ოთახში მათ გარდა არავინ იყო, სავარძლიდან წამოდგა და ზვიადს ყურში ჩაუჩურჩულა:

„უთუოდ რამიშვილის წყალობით!“

„წყალობა? — გაიკვირვა ზვიადმა, — წყალობა რატომ? რა-

მიწვილი ადასტურებს, რომ ჩემი გაანგარიშება სწორია და, რამიწვილის აზრს ხომ იცი, როგორი წონაც აქვს!”

ნიკომ უხალისოდ გაიღიმა.

„რამიწვილის აზრის სიმძიმეს მოკეთეობა ამსუბუქებს“.

„მოკეთეობა შუბლზე არ აწერია პროფესორს“.

„ჩვენ ხომ ვიცით“ მე, შენ, დედაშენმა, შენმა მეუღლემ? დარწმუნებულნი იყავი, სხვებმაც იციან და თუ დასჭირდათ ჩინებულადაც გამოიყენებენ“.

უცებ შიშმა აიტანა ზვიადი. უთუოდ მამაჩემმა რალაც იცის და მკობულ-მკობულად მელაპარაკება, მე კი ვერაფერი გავუგვიო, მაინც თამამად დაუდგა.

„აქ ანგარიშთან, გაანგარიშებასთან გვაქვს საქმე. აქ ციფრები მეტყველებენ და ეს ისტორია არ გახლავთ!“

ახლა კი აენტო ნიკო, შვილს დამცინავად გაუღიმა, თითქოს დაცხაო, პერანგის საყელოზე ღილი შეიხსნა, ხალათის ჯიბეებში ცხვირსახოცი მოიძია. ვითომ ოფლიანი შუბლი შეიმშრალა, ჩაახველა და დაიბუბუნა:

„საცოდავი ისტორია! ისტორია ქეშმარიტ ფაქტებზეა დაფუძნებული, მას ისეთივე კანონები აქვს, როგორც თქვენს მექანიზაციას და გაანგარიშებას! ისტორია... დიახ, ისტორია“.

ბოლთას სცემდა. თვალები აემღვრა. ნიკაპი აუცახცახდა, შუბლზე ოფლმა გამოჟონა და მუდამ მშვიდი და დინჯი ნიკო დიასამიძე გულს ასკდებოდა.

ისევ შიშმა აიტანა ზვიადი. მობოდიშება სცადა.

„მე ამ აზრით... მამაჩემო!“

„ვიცი, ვიცი, რა აზრითაც, — შემოუბღვირა ნიკომ, — ეს მარტო შენი აზრი არ არის, შენი პროფესორიც ასე მსჯელობს და დიდადაც სცოდავს! მან რომ თავისი ქვეყნის ისტორია კარგად იცოდეს, ცოტა სხვანაირად აწონ-დაწონიდა შენს დისერტაციას... შენს პროფესორს. მოახსენე, რომ წარსულში სილოვან რამიწვილი არ დასტრიალებდა თავს ქართულ გლეხს, მაგრამ მას ხორბალიც უხვად მოჰყავდა და ვაზიც ჩინებულად ჰქონდა. გახარებული... აი, ამას ამბობს ისტორია“.

კარში შეშინებული თეკლე გამოჩნდა, ეტყობა, ყურს უგდებდა მამა-შვილის კამათს, მაგრამ ვითომ აქ არაფერიას, ღიმილით მიმართა ნიკოს.

„მშვიდობის დილა მისურვებია, ოღონდ დილაადრიან რა საჭიროა ეს პაექრობა, საღამომდე დიდი დროა!“

„პაექრობის დრო ყოველთვის არის, ქალბატონო თეკლე, —

საეშეკავეებით მიუგო ნიკომ, — ოლონდ პაექრობის საგანს გააჩნია“.

თეკლემ მამა-შვილი საუზმეზე მიიწვია. ზვიადი დედას გაჰყვა, ნიკომ ხელით ანიშნა თეკლეს — მერე მოვალე, სავარძელში ჩაჭდა. თეალები მილულა და, ახლა უფრო ხმადაბლა შეუტია სილოვან რამიშვილს, „საწყალი ისტორია! ჰო, რამიშვილის მექანოზაცია მეცნიერებაა, ჩვენი ისტორია კი ქოსატყუილას ზღაპარი! დამიხედეთ ამ ვაუბატონს!“

ოთახში კარისმეზობელი შადიმან შარანგია შექოვიდა. ნიკო სავარძლიდან წამოდგა, ხალისიანად შეეგება.

„სალამი დილისა — პურმარილისა!“ დაიბუხუნა შადიმან შარანგია.

ნიკომ ხელი ჩამოართვა და გაუღიმა.

„იცოცხლე! ახირებული კაცი ხარ, ჩემო შადიმან, დილიდანვე პურ-მარილი გაკერია პირზე“.

„დილით პურ-მარილი უნდა დავიბედოთ, ნიკო ბატონო, ისტორიული წყაროები — მერე“... ისევ დაიბუხუნა შადიმან შარანგია.

„შენც შეუტეე ისტორიას?“ ვითომ შეუბღვირა ნიკომ.

„როგორ გეკადრებათ? — ხელები გაასავსავა შადიმანმა, — ჩემი აზროვნების საძირკველი ისტორია და ფილოსოფია გახლავთ. ნიკო ბატონო! თქვენი საყვარელი ეპიკურე მოგეახსენებს: ყოველი სიკეთის საწყისი და ფუძეთაფუძე გახლავთ კუქის სიამოვნება. — სიბრძნეს და ყველა სხვა სათნობას მასთან აქვს კავშირი“.

შადიმანს თვითონვე მოეწონა თავისი ნათქვამი. თამამად გაუღიმა ნიკოს და ხელები გაშალა.

„აა, როგორ ფიქრობთ, ნიკო ბატონო, ისტორია უარყოფს ამ მოსაზრებას?“

„ნამეტანს აწვრილმანებ, ჩემო შადიმან!“ სხვათაშორის მიუგო ნიკომ.

„ყოველი ადამიანი, — უფრო. გათამამდა შადიმანი, — მატერიალისტია ბუნებით. — ხორცის ხმა — არ გვმოოდეს, არ გვწყუროდეს. არ გვციოდეს, და ჩვენი სული ყურს უგდებს ამ ხმას; უპირველესად იმისათვის ვიღვწით, რომ გვემოდეს საქმელ-საქმელი, წესამოსელი და სიბო, და როცა ვესენი გვაქვს, ცხოვრება ლამაზი გვეჩვენება“...

ნიკომ დამცინავად გაუღიმა კარისმეზობელს, რაღაც ისეთი უნდოდა ეთქვა, რომ შადიმანს აუდენცია დამთავრებულად მიეჩნია, ეგარძობინებინა — ამ დილით შენთან პაექრობის ხასიათზე არ ვარო, მაგრამ უპასუხოდ მაინც არ დატოვებ გათამამებული შადიმანი.



„კუჭის ხმას აჰყევი, ამიტომაც ისტორიას ზურგი შეაქციე და სასადილოს მიაშურე, არა?“

„უფრო ღრმა მიზეზის გამო, — როლში შევიდა შადიმანი, — ზე რეალისტი გახლავართ, ნიკო ბატონო! ვიგრძენი — ისტორიას ახალს ვერაფერს ვეტყოდი და გზა ვუტევი. ზოგიერთი თქვენი პატივცემული კოლეგაც ასე რომ მოიქცეოდეს, ისტორია არ დაზარალდება“.

ნიკოს არაფრად ეჭაშნიკა სასადილოს გამგის ასეთი თამამი ახარი ისტორიკოსებზე და შეუწყრა:

„ნამეტანი მალა ფრენ, ჩემო შადიმანი!“

„თქვენ რომ გგონიათ, არც ისე მალა, — დარწმუნებით თქვა შადიმანმა, — ზოგიერთ ისტორიკოსს ისტორია კი შეუსწავლია, თავისი თავი კი ვერა... მაგრამ მე ამ დილით საკამათოდ არ მოკსულვარ თქვენთან, ნიკო ბატონო! დღეს თქვენს სახლში დიდი ზეიმია და თქვენმა კარისმეზობელმა ერთი ფუთი ცოცხალი კალნახი მოგატყუათ!

ნიკო. (უალრესად. შინაურული კილოთი) მართლა?

შადიმანი. კალმახები თქვენს სამზარეულოში ფართხალე-ბენ.

ნიკო. ჩინებულია! სად იყიდეთ?

შადიმანი. ბაზარში.

ნიკო. რომელ ბაზარში?

შადიმანი. ჩვენს ბაზარში.

ნიკო. ვერის ბაზარში?

შადიმანი. ვერის ბაზარი — თქვენი ბაზარია მე მოგახსენეთ. ჩვენს ბაზარში-მეთქი!

ნიკო. სადაა ეს თქვენი ბაზარი?

შადიმანი. თქვენ მას ვერ მიაგნებთ!

ნიკო. რატომ? მე თბილისის ყველა ბაზარი ვიცი!

შადიმანი. მაგრამ სასადილოების გამგეთა ბაზარს მაინც ვერ მიაგნებთ, პატივცემულო ნიკო! უმისამართოა... მყიდველებმა რომ გაიგონ მისი ადგილსამყოფელი, კედელს შეუნგრევენ. — და შადიმანი უფრო თამამად გასწორდა წელში, განიერი მხარბეჭი ოღნაე შეარხია და ნიშნისმოგებით გახედა კარისმეზობელს.

„დიახ, კალმახს დიდი, ძალიან დიდი ძალა აქვს, პატივცემულო ნიკო, ერთ ისტორიულ ამბავს შევახსენებთ: ერთ-ერთ ომში ჯარი, რომელიც ციხეს უტევედა, ძლიერ მოიქანცა, დამშეულიც იყო და იერიში ჩაიშალა. ჯარის სარდალმა ხერხი იხმარა — მეომრებს მოახსენა: ამ ციხეს მტერი იმიტომ იცავს ასე თავგამოდებით, რომ ციხეში წყლის დიდი აუზია, ხოლო აუზი კალმახებით არის სავსეო და

მაშინ იხუვლა ჭარმა, ძალა მოიცა, მუხლი გაიმაგრა, ეკვეთა ციხეს და ყიჟინით აიღო... და ეამთაღმწერელმან აღბეჭდა: ძალა კალმახისა, აღმატების ძლიერებას ციხე-ბურჯისას! გახსოვოს ადგილი, ნიკო ბატონო, „ქართლის ცხოვრებიდან?“

ნიკო (ძალიან გაჭავრებული) ყალბისმქნელები ჩასწერდნენ! შადიმანი ი. (ღიმილით) ისტორიკოსებს ეხერხებათ ყალბისმქნელობა!

ნიკო. ცოტა გადაკრულში ხარ, პატივცემულო შადიმან!

შადიმანმა გულიანად გაიღიმა. მკლავები ისე გაშალა, თითქოს ნიკოს გულში ჩახუტებას უპირებსო, მიუახლოვდა კარისმეზობელს და ყურში უჩურჩულა:

„მართალსა ბრძანებთ. დილის ვარჯიში შევესრულე —, ორასი გრამი... სხვათაშორის, რადგანაც დღეს თქვენთან ფრიად პატივსაცემი ხალხი მოიყრის თავს, არაყსაც მე გამოგიგზავნით.“

„რატომ? არაყი მაინც იყიდება მაღაზიებში!“ გოცებით თქვა ნიკომ.

ისევ გაიღიმა შადიმანმა და ცოტა არ იყოს, დამცინავად გახედა კარისმეზობელს.

„ქეშმარიტებას ბრძანებთ, ბატონო ნიკო, მაგრამ არაყი, რომელსაც თქვენ მაღაზიაში იყიდით, მოჭარბებულად წყალნარევია. მე პირდაპირ ქარხნიდან გამოვიტან...“

ნიკომ პირჯვარი გადაისახა.

„ღიახ, ჩვენც, — ბუხუნებს შადიმან შარანგია, — ბატონო ისტორიკოსო, მორწმუნენი გახლავართ, მაგრამ ისეთი მორწმუნენა, რომლებიც ხორცს თვითონ მიირთმევენ, ხოლო მამაზეციერს ძელებს სწირავენ“.

და შადიმან შარანგია, პირჯვარი გადაისახა. მერე ორივე თვალი ნახევრად მოჭუტა, ღიმილიანად გახედა კარისმეზობელს, ჩაახველა და მოუბოდიშა:

„მაპატიეთ, ნიკო ბატონო, ახლავე წავალ, ოღონდ წაწყენდილად ნუ მიმიჩნევთ, — სასადილოების გამგეთა ბაზარი მე არ დამიარსებია. როცა თქვენი მონა-მორჩილი სასადილოს გამგედ აკურთხეს, იმ ბაზარს უკვე სამტომიანი ისტორია ჰქონდა“.

ღილით რევაზი ჩამოფრინდა მოსკოვიდან და ღიასამიძეთა აწრიალებული ოჯახი ცოტათი დაშოშმინდა. თითქოს ნაპირმოხსნილი მდინარე უცებ ჩადგა კალაპოტში და დაიწმინდა.

ნიკომ შინ მაინც ვერ მოისვენა, რალაც მოიმიზეზა და სახლიდან წავიდა. თეკლემ არაფერი ჰკითხა ქმარს, დარწმუნებული იყო,

ნიკო ინსტიტუტს მიაშურებდა. დათქმით კი დათქვა — შვილის დისერტაციის დაცვას არ დავესწრები, უხერხულიაო, მაგრამ ეტყობა. გულმა არ მოუთმინა და წავიდა. ჰო, შეუძმნევლად შეიპარება ნიკო დარბაზში, სადღაც კუთხეში მიიმალება და მორიდებულად დაჯდება მერხზე. წიგნი ხომ წაიღო? იმ წიგნს გადაშლის, სათვალეს მოირგებს და იკითხავს და იკითხავს. ვითომ მოვალეობის გამო მობრძანებულა, თორემ დისერტაციას და დისერტანტს რა ბედი ეწვევა. ოდნავადაც არ აინტერესებს... კი, თეკლეს და ლილის გაცეპარა ნიკო. ნამდვილად გაეპარა, არც კი გამოუტყდა — აღრინდელი გადაწყვეტილება შეეცვალა, არ შემიძლია პაექრობას არ დავესწრო. ჰოდა, დიასამიძეთა სახლში თეკლე, ლილი და მზარეულები დარჩნენ. სადაცაა რუსუდანის და ლილის შეგობრები მოვლენ, ისინი დიღმისა და წაგვისის შემოდგომის ყვავილებს მოიტანენ და დიასამიძეთა ბინა გამხიარულდება და გაიცინებს.

ზარმა დარეკა. კარი თეკლემ გააღო და გაოცდა, როცა ქალიშვილების ნაცვლად გულმოსული ნიკო შემოეფეთა.

„უუუუნამ სიზილალა მოგიტანათ?“ დაცინებით ჰკითხა ნიკომ.

„ჯერ არა, მაგრამ მოიტანს“, დაბნეულად უპასუხა თეკლემ და ნიკომ იფეთქა:

„არ მოუტანია და ვერც მოიტანს! დიახ, ვერც მოიტანს და აელაბრის ბაზართან, სასადილოთა გამგეების ბაზართან, ისტორიას ნუ ახსენებთ! უველამ, თავის თავს მოუაროს, თავის ადგილ მოძებნოს! დიახ, ასეა ეს! და ნიკომ პერგამენტის ქალაღლში შეხვეული შავი ხიზილალა თეკლეს გაუწოდა, მერე გაოცებულ მეუღლეს თვალი ჩაუკრა და ცერად გახედა, — მაცივარში შედევით.“

„ჰო, ისტორიას მოეშვით! თუ ვინმემ მიკითხოს, შინ არა გარ.“

და ნიკო თავის მთახში ტანტზე ტანთგაუხდელად წამოწვა. მკლავები კისრისქვეშ ამოიღო და თვალი ჰერს მიაპყრო.

„...ახლა უკვე მეორე ოპონენტი ლაპარაკობს. პატივცემული და ღვაწლმოსილი პროფესორი სილოვან რამიშვილი. დარბაზი სულგანაბულია, გულისყურით უსმენს პროფესორს და დარბაზში ეღერს რამიშვილის ტენორი: დიახ, მექანიზაცია თანდათან უფრო ღრმად დაინერგება ქართული სოფლის მეურნეობაში, ამალდება მიწათმოქმედების კულტურა. უფრო გაიმართება წელში გლეხი და ნაკლების ჯაფით უწინდელზე მეტს მოიჭირანახულებს, ამას გვიდასტურებს დისერტანტის ეს, მე ვიტყვოდი, ბრწყინვალე შრომა...“

აქა-იქ ჩაიცინებენ. ისე ჩაიცინებენ, ვითომ არაფერიაო, მაგრამ რამიშვილს ფხიზელი სმენა აქვს და ბასრი თვალი. ამ ჩუმ ჩაცინე-

ბასაც დაინახავს და გაიგონებს და თვითონვე დაცინვით გადმო-  
ხედავს ვითომ მორიდებულად მოლიმართ, აზრს არ გაწყვეტს და  
დაჯერებით დაასკვნის:

„...და ამის გამო შრომის ავტორი ღირსია მეცნიერების კანდი-  
დატის ხარისხის მინიჭებისა“.

უმთავრესია დასკვნა და ხომ გაიგონეთ, მთავარმა ოპონენტმა  
რაც ბრძანა. ყველაფერი დანარჩენი ფორმალობაა. სამეცნიერო  
საბჭოს თავმჯდომარე დამსწრეთ მიმართავს — ხომ არავის სურს  
აზრის გამოთქმაო. დარბაზი დუმს. სამეცნიერო საბჭოს თავმჯდო-  
მარე განმეორებით მიმართავს დარბაზში მსხდომთ და რადგანაც  
დარბაზი განმეორებითაც დუმილით უპასუხებს, თავმჯდომარე  
სამეცნიერო საბჭოს სხდომას დროებით შეწყვეტს და საბჭოს არა-  
წევრებს თხოვს დარბაზი დროებით დატოვონ. დარბაზში მსხდო-  
მი სტუმრები აიშლებიან, ყველანი დისერტანტს ელიმილებიან და  
ემ ღიმილით წინასწარ ულოცავენ გამარჯვებას, დარბაზი თანდათან  
დაიცილება. დისერტანტიც სტოვებს დარბაზს და დერეფანში მორი-  
დებულად დგას.... მერე ყველაფერი წესის მიხედვით: კენჭისყრა  
და დათვლა, სამეცნიერო საბჭოს ოქმის შედგენა სულ ოციოდე  
წუთს გაგრძელდება. მერე დარბაზის კარი გაიღება, ხალხს დარ-  
ბაზში მიიწვევენ, დისერტანტი კათედრაზე დადგება, სამეცნიერო  
საბჭოს თავმჯდომარე ხალხს დააწყნარებს და საბჭოს მდივანი  
ოქმს წაიკითხავს. ტაში. მილოცვები. კოცნა. ხმაური.

ნიკომ საათს დახედა. სრული ოთხი საათია. ახლა უთუოდ დამ-  
თავრებულია სამეცნიერო საბჭოს სხდომა. რუსუდანი და რევაზი  
სტუმრებს ეპატრეებიან, თუმცა დაპატრეება რაღად უნდა — მთე-  
ლი საბჭო გეახლებათ, და დიასამიძეთა ოჯახი მზად უნდა  
დახვდეს.

ტახტიდან წამოიჭრა. სასადილო ოთახში ქალიშვილების გუნდი  
დახვდა. მთავარ სუფრას, რომელიც ოთახის ერთი კუთხიდან მე-  
ორე კუთხემდე იყო გაშლილი, ნაბიჯ-ნაბიჯ შემოუარა, მერე კმა-  
ჯოფილების გამოსახატავად ქალიშვილებს ალერსიანად გაუღიმა  
და სამზარეულოში თეკლეს და ლილის ეწვია.

„ხიზილალა ჯერ მაცივარში იყოს, კალმახიც!“ ბრძანების კი-  
ლოთი თქვა ნიკომ, მეუღლეს და რძალსაც გაუღიმა და ისევ სა-  
სადილო ოთახში შემოიჭრა.

„სადაცაა სტუმრები მოვლენ“.

„მობრძანდნენ, ნიკო ბატონო, მობრძანდნენ და დავხვდე-  
ბით“.

ნიკომ კიდევ კარგა ხანს იბორიალა ოთახიდან ოთახში, რამ-

დენჯერმე ქუჩაშიც გაიხედა, მაგრამ სტუმრები არ გამოჩნდნენ და არა.

მეექვსე საათი დაიწყო. ეს უკვე მეტისმეტია. არა, ნიკო დიასამიძეს ამდენის მოთმენა არ შეუძლია, ჯონი მოიხელთა და ქუჩაში გავიდა.

ხალხი სამუშაოდან ბრუნდება შინ და ქუჩაში მანქანების ჭედვაა, ტროტუარებიც სავსეა ხალხით და ნიკო დიასამიძე ამ მოზიზიიმე ხალხს შეერია, მიჰყვება ქუჩას, არა ქუჩას კი არა, ხალხის დენას მიჰყვება ნიკო დიასამიძე. მიდის, წინ მიდის, რომ დიასამიძეთა სახლში მომავალ სტუმრებს შეეგებოს და ვერის ხილზე ამოჰყო თავი.

„საით, ნიკო ბატონო?“. შემოესმა შარანგიას ხმა და ნიკო შედგა, თვალები დაათვახულა, ვითომდა გაუღიმა კარისმეზობელს.

„ცოტა საქმე მაქვს, შადიმან!“

„გამოგყვებით!“

„არა. შენ სახლში წადი, ქალებს მიეშველე... მეც მალე მოებრუნდები“ დაბნეულად თქვა ნიკომ, შადიმანის პასუხისათვის არ დაუცდია და ელბაქიდის აღმართს შეუყვია.

...მერე ისევ ვერის ხილზე აღმოჩნდა ნიკო დიასამიძე. ჰო, აღმართზე სიარული ეძნელება ნიკოს, ელბაქიდის აღმართი ნახევრადაც ვერ აიარა და დაიქანცა, სუნთქვა გაუნშირდა, მუხლები მოეყვეთა, ჭადარს მიეყრდნო, ქარი ამოიღო მუხლებიდან და ნელ-ნელა დაეშვა დაღმართზე. შინ ბრუნდება ნიკო დიასამიძე, სტუმრები უთუოდ უკვე მოვიდნენ და მასპინძელს კითხულობენ. ჰოდა, მასპინძელიც ახლავე გეახლებათ, აპატოთ, პატივცემულო სტუმრებო, მცირე შეგვიანება ნიკო დიასამიძეს.

ძალა მოიცა და ნაბიჯს აუჩქარა. სახლს მიახლოებულმა თავის ბრნას ახედა. ვანჯრის რაფას ისევ გადმოყრდნობია დიასამიძის რძალი, სადაცაა გადმოფრინდება და ნიკო დიასამიძე შეერთა და შეშინდა.

„ჩანს, ჯერაც არ მოსულან“.

ლასლასით აიარა კიბე. ღია კარი და სიჩუმე შემოეგება. შეშფოთებულ ღილი ფანჯარასთან დგას და ისევ ქუჩაში იმზირება, ქალიშვილები ზვიადის ოთახში შეკეტვილან, სამზარეულოში დაბალ სკამზე დაპატარავებული და გოგნებული თეკლე ზის, მაცივართან შადიმან შარანგია გაჯგიმულა.

არავენ ესალმება, არავენ უღიმის, ხმა დაკარგვით, გოგნებულან და გაშეშებულან, სიჩუმე და შიში დაუფლებია ნიკო დიასამიძის ოჯახს.

გაწყობილ სუფრას ნაბიჯ-ნაბიჯ შემოუარა, ხორავით დაზვინუ-

ლი და უკაცო სუფრა მოწყენილი ეჩვენა, თითქოს ძილი შემოპარ-  
ვია სუფრას და თვლემს, გულში რომელიღაც ძაფი ჩაუწყდა და  
სავარძელში ჩაჯდა.

სასადილოში თეკლე შემოვიდა. სავარძელში ჩათვლემილი მე-  
ზღლე რომ ნახა, იწყინა — კაი დრო და ადგილი კი უპოვნია ძი-  
ლისათვისო — გაიფიქრა და განგებ ჩაახველა, მერე სკამებიც  
ხმურით გადაადგილა, ელექტრონიც კი ჩართო, სინათლე გამოათ-  
ხიზლებსო, მაგრამ ნიკო ისევ უძრავად იჯდა სავარძელში და ნე-  
ბივად ევლემდა.

რძალს მოუხმო თეკლემ.

„სადაცაა სტუმრები მოვლენ, გამოათხიზლე, სირცხვილია“...  
ლილი მამამთილის გვერდით ჩაჯდა სავარძელში.

„ჩვენ ხვალ წავალთ“.

ცოტა არ იყოს, ხმამალა და გაჭიანურებულად თქვა ლილიმ.  
კი არ ექვა, ყურში ჩაუმარცვლა ნიკოს. თითქოს მართლა ეძინა  
და რძლის ხმამ გამოათხიზლაო, ნიკო შეიშმუშნა, მერე ოდნავ  
გაიხმორა, თვალები გაახილა და უგუნებოდ თქვა:

„ვერ გავიგონე“...!

„ზვიადი და მე ხვალვე წავალთ-მეთქი“. ნიკომ თვალები ისევ  
მილულა და უხალისოდ მიუგო.

„ჰოო, წადით“.

„მე ყველაფერი მოვამზადე“.

„კარგია. ძალიან კარგი, რემ ყველაფერი მოგიმზადებია“.  
ისევ უხალისოდ მიუგო ნიკომ.

კედლის საათმა შეიღჯერი დაჰკრა.

„სადაცაა მოვლენ“, — თქვა ლილიმ და ფანჯარასთან მიიჭრა.  
თეკლემ სანზარეულოდან გამოსძახა, — მოდიან? გვეშველა!  
აბა, შეეგებეთ!“

„მე ვთქვი, — სადაცაა მოვლენ-მეთქი, — ლილიმ სუფრას შე-  
მოუარა, — აქ სამინისტრო დაბრძანდება (სამინისტროს ტერიტო-  
რიაზე ორიოდე სკამი გამოწეული იყო და ლილიმ „გაასწორა“):  
აქ, აბ ასე გაყოლებით, სუფრის ბოლომდე, სამეცნიერო საბჭოს  
წევრები დაბრძანდებიან. სამეცნიერო საბჭოს წევრების პირდაპირ  
— პარტკომი და პროფკომი. მორჩა, საპატიო სტუმრები მაგიდას  
უხსედან. თუ ადგილი დარჩა, შემთხვევით მოსულ ხალხსაც მათ  
გვერდით დავსვამ, თუ არ დაეტევა და აგერ, ჩემს ოთახში მორჩა  
და გათავდა. ყველანი სუფრას უხსედან. საჭიროა თამადის არ-  
ჩევა“.

ლილი ისევ ნიკოს გვერდით დაჯდა.

ნიკო ისევ თვლემდა და სავარძელში ოდნავ შეირხა. აგრძნობინა — ვიცი ჩემს გვერდით რომ დაჯექიო.

„ჩვენი მგზავრობის გეგმა შეეცვალე“. ხმაძალდა თქვა ლილიმ.  
„კარგია“.

„რა არის კარგი?“

„მგზავრობის გეგმა რომ შეგიცვლია“.

„მეგონა ყურს არ მიგდებდით, მაპატიეთ“, დარცხვენით თქვა, ლილიმ და მგზავრობის ახალი გეგმა გადაუშალა:

„ლენინგრადიდან რიგაში ჩავალთ, რიგიდან კიევში, კიევიდან ოდესაში“...

„ჩინებულია“.

„ოდესიდან გაგრაში. გაგრაში დავისვენებთ“.

„გაგრა არ მომწონს“, დაბეჯითებით თქვა ნიკომ.

„რატომ?“

„სიცხე... ხმაური“...

„სამაგიეროდ მთელი თბილისი გაგრაშია!“.

„ჰოო, ესეც მართალია“. ვითომ ძალიან მოუწონა ნიკომ რძალს მგზავრობის გეგმა და სრულიად მოულოდნელად დამცინავად გაუღღამა.

„ეგებ ინსტიტუტში დაგერეკათ!“

ლილი შეკრთა. თითქოს ახლა იგრძნო, რომ დისერტაციის დაცვა ძალზე გაქიანურდა.

„სააქტო დარბაზში ტელეფონი არ არის... უთუოდ მოდიან, თორემ თვითონ დაგვირეკავდნენ“. და ფანჯარას მიახლოებულმა ლილიმ ხელები ჰაერში შეისროლა და ისტერიულად შესძახა:

„მანარობელი მოდის! რუსიკო მოდის!“

ნიკო სავარძლიდან წამოიჭრა, თეკლე სამზარეულოდან გამოიფუსფუსდა, ლილის ოთახიდან ქალიშვილები ტკრციალით გამოცვივდნენ.

კარის გაღება ყველას ლილიმ დაასწრო.

რუსუდანი სვენებ-სვენებით და უხალისოდ ამოდიოდა კიბეზე, ფეხები უკან რჩებოდა, თითქოს არ სურდა სახლში შემოსვლა, კარის ზღურბლზე მამას რომ მოჰკრა თვალი, გული შეუტოკდა და შედგა.

„დამთავრდა, შეილო?“ შიშნარევი ხმით ჰკითხა ნიკომ.

რუსუდანი შეირხა, კიბის დარჩენილი საფეხურები ლასლასით ამოათავა, უღიმღამოდ მომოიხედა გარშემო და მამის შიშთან თვალებს რომ შეეფეთა, ისევ შეტოკდა და შედგა.

„ყველაფერი დამთავრდა, მამი!“ ჩაწყვეტილი, უმწეო ხმით თქვა რუსუდანმა.

დისერტაციის დაცვა, თავდაპირველად, ზუსტად ისე წარიმართა, როგორც ტახტზე წამოწოლილმა ნიკო დიასამიძემ წარმოისახა.

სააქტო დარბაზი ხალხით იყო გაკედილი. სასოფლო-სამეურნეო ინსტიტუტის უკანასკნელი კურსის სტუდენტები, ასპირანტები, ახლგაზრდა მეცნიერმუშაეები, უკვე ხანში შესული პროფესორ-მასწავლებლები, ღვაწლმოსილი მეცნიერები, დიახ, მთელი ინსტიტუტის რჩეული საზოგადოება სააქტო დარბაზში იყო თავმოყრილი.

...და სამეცნიერო საბჭოს სხდომაც დანიშნულ დროზე დაიწყო. დისერტანტი დასაწყისში ღელავდა; მერე თანდათან დადინჯდა და სამეცნიერო საბჭოს სადისერტაციო შრომის ძირითადი იდეა მოკლედ გააცნო, და პასუხი გასცა პატივცემული ოპონენტების რეცენზიებში გამოთქმულ ზოგიერთ შენიშვნას. შემდეგ ოპონენტების ჯერი დადგა: ჯერ მეცნიერების კანდიდატი ილარიონ ცხადაძე გამოვიდა, დისერტანტზე უფრო ცხადაძე ღელავდა. გადაწყვეტილი ჰქონდა, სიტყვა ზეპირად წარმოეთქვა, მაგრამ დასაწყისშივე უჩვეულოდ დაიბნა და ხელნაწერი მოიშველია. სიტყვა მაინც გაუგრძელდა, ამის მიზეზი ის იყო, რომ გზადაგზა ცდილობდა ხელნაწერი ტექსტისათვის თვალი აერიდებინა, სათვალეს მოიხსნიდა. აუდიტორიას ამაყად გადახედავდა, თითქოს ანიშნებდა—ნაწერში მხოლოდ ჩვეულების გამო ვიცქირებო, მაგრამ თქვენც არ მომიკედდეთ, როგორც კი ნაწერს აარიდებდა თვალს. აზრი უწყდებოდა, დარცხვენილი ისევ სათვალეს მოირაგებდა და აღელვებული და დაბნეული კითხულობდა.

ცხადაძის გამოსვლამ დამსწრეთა თვალში დისერტანტი აამალა. დარბაზს ჩურჩული მოეფინა, თავშეკავებული სიცილიც კი გაისმა აქა-იქ, მაგრამ თავმჯდომარემ ზარი დარეკა, ხალხი მიჩუმდა და პროფესორი სილოვან რამიშვილი წამოიმართა. ჭალარა თმაზე დინჯად გადისვა ხელი, სათვალე მოიხსნა, აუდიტორიას ღიმილით გადახედა, ჩაახველა.

დიახ, პროფესორი რამიშვილი მრავალი შრომის ავტორია და მომხიბვლელი ორატორი. საქართველოს სოფლის მეურნეობის თითქმის ყველა დარგი მან „ხუთი თითივით“ იცის, მის შრომებზე სოფლის მეურნეობის მუშაკთა თაობებია აღზრდილი და ეს ღვაწლმოსილი მეცნიერი ლაპარაკობს ქართულ სოფლებში შრომის მექანიზაციის საინტერესო საკითხზე და დიდად იწონებს დისერტანტის შრომას.

...ოფიციალური პაექრობა დამთავრდა. სამეცნიერო საბჭოს თავმჯდომარემ წესისამებრ წარმოთქვა — დამსწრეთაგან ხომ არ



მოისურვებს ვინმე აზრის გამოთქმასო და რადგანაც ასეთ შემთხვევაში მოხალისეები იშვიათად აღმოჩნდებიან ხოლმე, თავმჯდომარეს დარბაზში მსხდომთათვის არც კი გადაუვლია თვალი და სხდომის დროებით შეწყვეტა გამოაცხადა.

„მე ვითხოვდი სიტყვას“. გაისმა დარბაზში ხმა.

სამეცნიერო საბჭოს თავმჯდომარე შეცბა. ზარი დარეკა და მოიბოღინა. დარბაზს გახედა — რუსუდანის გვერდით ფეხზე იდგა ინსტიტუტის ყოფილი სტუდენტი არჩილ ჭინორიძე; თვალის შევლებისთანავე იცნო თავმჯდომარემ არჩილ ჭინორიძე, მაგრამ თითქოს პირველად ჰყავს ნახულიო, ცოტა არ იყოს, მკაცრად და ოფიციალურად ჰკითხა:

„თქვენ რომელი ორგანიზაციის წარმომადგენელი ბრძანდებით?“

„აგრონომი გახლავართ“.

„მე თქვენ გკითხეთ, რომელი ორგანიზაციის წარმომადგენელი ხართ-მეთქი“, ისევ მკაცრად და ოფიციალურად ჰკითხა თავმჯდომარემ.

„კოლმეურნეობის აგრონომი გახლავართ. თუ გაგეგონებთ, ზემო-იმერეთის ითხვისიდან, არჩილ ჭინორიძე“.

დარბაზში გადაჩურჩულება, ხმაური, გაკვირება.

„ჩვენი ინსტიტუტი დაამთავრეთ, ამხანაგო ჭინორიძე?“

„ღიას, თქვენი ყოფილი სტუდენტი ვარ!“

„არ მახსოვს! თუმცა საქმისათვის ამას არავითარი მნიშვნელობა არ აქვს. მობრძანდით, ამხანაგო ჭინორიძე!“

სამეცნიერო საბჭოს თავმჯდომარემ ზარი დარეკა, დარბაზი დაშოშმინდა და ითხვისელი აგრონომი არჩილ ჭინორიძე კათედრაზე ავიდა.

...„ჩემი შენიშვნები მე დისერტანტს წერილობით გამოვეუბნავენ. შესაძლოა მას ჩემი ბარათი არ მიუღია. ან ეგებ მიიღო, მაგრამ ჩემი შენიშვნები ყურად არ იღო. ამიტომაც სამეცნიერო საბჭოს მოგახსენებ ჩემს მოსაზრებას ამხანაგ დიასამიძის საღისერტაციო შრომაზე. არაფერს ვიტყვი შრომის პირველ ნაწილზე, რომელიც უსწოროდ გვიხატავს შრომის მექანიზაციის სურათს დღევანდელ ქართულ სოფელში, მთავარზე, საღისერტაციო შრომის დასკვნით ნაწილზე მოგახსენებთ: აშკარად მცდარია სასოფლო-სამეურნეო მანქანების, საკუთრივ, ტრაქტორისა და კომბაინის, სიმძლავრის გაანგარიშებანი. ამ საქმეში ცდება არა მარტო დისერტანტი, არამედ პატივემული პროფესორი სილოვან რამიშვილი და სოფლის მეურნეობის სამინისტროც. ამ შეცდომის წყალობით

ტრაქტორსა და კომბაინს ერთნაირი ნორმა აქვს დაწესებული მუხრანის ველზე და მთაგორიან სოფლებში. პროფესორი რამიშვილი და დისერტანტი დიასამიძე ამტკიცებენ, რომ მანქანები მხოლოდ აღმართზე ჰკარგავენ სიმძლავრეს, ნამდვილად კი დაფერდება, სულ მცირედი დაფერდება, უნცირებს სიმძლავრეს აგრეგატს. კომბაინერები და ტრაქტორისტები დიდი ხანია ამაზე დაობენ, მაგრამ სამწუხაროდ, სოფლის მეურნეობის სამინისტრო დღემდე ჭიქივით დგას თავის მოსაზრებაზე. სავალალოა, რომ სპეციალისტებიც კვებს უკრავენ სამინისტროს, ამის დასტურია დისერტანტის შრომაც“.

არჩილ ჭინორიძემ დაფა მოიშველია და სულ მარტივი ფორმულებით დაუმტკიცა სამეცნიერო საბჭოს სადისერტაციო შრომაში წარმოდგენილ გაანგარიშებათა სიყალბე.

დისერტანტს პასუხი არ გაუცია ჭინორიძისათვის, რატომღაც სილოვან რამიშვილმაც თავშეკავება არჩია.

### თ ა ვ ი მ ე ს ა მ ე

...დიასამიძეთა დიდი ოთახი მკრთალადაა განათებული. გაწყობილი სუფრა თვლემს. ზვიადის ოთახში ტახტზე წამოწოლილა თეკლე. შორიახლო რუსუდანი და ლილი სხედან და ხმადაბლა საუბრობენ. გაწყობილი სუფრის თავთან, სავარძელში, ნიკო ზის, ერთადერთი სტუმარი შადიმან შარანგია ოთახის კუთხეში მიმჯდარა, მალულად გაცქერის სუფრას — რა ღმერთივით პურ-მარილი ფუქდებაო — ფიქრობს და წკიპზეა, სადაცაა ადგება და წავა. ასე გაწყობილ სუფრას დაუქმებულად პირველად ხედავს შადიმანი და ბოლმა ეელში აწეება. პო, ადგება და წავა ეს ერთადერთი სტუმარიც, მაგრამ სტუმარს მასპინძლისა ერიდება. მასპინძელი სავარძელში ზის და თვლემს. ჭერ სტუმრების ლოდინმა დალალა მასპინძელი... მერე, რუსუდანი მოვიდა და სისხლი აემღვრა ნიკო დიასამიძეს. სისხლი აემღვრა, თვალეში და სახეზე მოაწვა, ტვინში აუჯარდა, და ვერაფერი თქვა, ვერავის გაუჯავრდა, ვერ მოიოხა გული... ერთი ამოიგმინასავით და სავარძელში ჩაჯდა. მას შემდეგ თითქმის ერთი საათი გავიდა და ნიკო დიასამიძე ისევ იმ სავარძელში ზის. სუნთქავს კია, თვალეები დაუხუჭავს, ზურგით მიყრდნობია სავარძელს და არაფერს ამბობს.

ყველახი რომ გაიკრიფნენ ოთახიდან, ნიკომაც რომ სავარძელში ჩაიძინა, შადიმანმა დრო იხელთა და პატარა თეფშებზე დატყეპებული ხიზილალა სუფრირდან აალაგა და მაცივარში შედო,

მერე კალმახებს ჩამოუარა, მომცრო ქვაბში მოწიწებით ჩააწყო და კალმახსაც მაცუვარში უპოვნა ადგილი... მერე ხმაურიანი ნაბიჯით შემოუარა სუფრას, ერთი ბოხად ჩაახველა, მაგრამ ნიკომ ხმა არ გასცა, ოღნავადაც არ შერხეულა საეარძელში ნიკო და შადიმან შარანგია კარის გაღებას მოერიდა, პატივცემული ნიკო გამოიღვიძებდა და ოთახის კუთხეში ფრთხილად ჩამოჯდა სკამზე.

ერიპაა, სიძე-ცოლისძმა ჩაფლავების შემდეგ სიძის სახლში გაპარულან, ქალბატონი თეკლე, რუსუდანი და ლილი ცალკე შეკეტილან ოთახში, ვიღაც-ვიღაცებს კიდევ ხედავდა შადიმან შარანგია დიასამიძეთა სახლში მოფუსფუსეთ. ისინიც აორთქლდნენ. პატივცემული ნიკო საეარძელში თვლემს და შადიმან შარანგიამ გაწყობილ სუფრას უდარაჯოს? შადიმანს შია და ლუკმა ვერ ჩაუდვია პირში, შადიმანს სწყურია და ერთი ჭიქა რაა, ერთი ჭიქა ღვინოც ვერ დაუღვევია... ჰაიდა, ადგა და მიდის შადიმან შარანგია... და ნიკო წამოდგა, ოთახს მიმოავლო თვალი.

„შადიმან, შენ აქა ხარ?“

„აქ გახლავართ, ნიკო ბატონო!“

„კარგია, ძალიან კარგია, რომ შენ აქ ხარ! მე მეძინა?“

„ცოტა, ძალიან ცოტა გეძინათ“.

„როგორ მომივიდა! მარტო რატომ დაგტოვეს? ზვიადი არ მოსულა?“

„ჯერ არ მოსულა“.

„რუსუდან!“ უჩვეულოდ ხმამალა შესძახა ნიკომ. რუსუდანი და ლილი ერთად შემოვიდნენ.

„რატომ ბეუტავს სინათლე? ანთეთ ყველა ქალი. თეკლეს მიხმეთ!“

„მამი, დედა შეუძლოდაა, წევს“. ჩურჩულით თქვა რუსუდანი.

„არაფერია, ლილი ააყენებს და აქ მოიყვანს, შენ როიალზე სამხიარულო დაუკარი, ოღონდ ხმამალა, მეზობლებმაც რომ გაიგონონ“...

„სირცხვილია, მამი!“

„ეგ მე ვიცო. შენ დაუკარი, სამხიარულო დაუკარი, ჰო, საცეკვაო დაუკარი, ლილი და დედაშენი დაგვიტაშუნებენ, შადიმანი და მე ვიცეკვებით! მწუხარება ამიკრძალია, ლხინი მიბრძანებია ნიკო დიასამიძის ოჯახში, დიახ, ლხინი მიბრძანებია!“

ოთახში თავწაკრული თეკლე და ლილი შემოვიდნენ, ნიკომ შადიმანი, თეკლე და ლილი სუფრასთან დასვა, რუსუდანს კი უბრძანა, როიალთან დამჯდარიყო და დაეკრა.

„ერთი ის აგრონომი მომცა აქ!“ გულწრფელად ინატრა ნიკომ.

„რომელი აგრონომი, მამი!“ წამოენთო რუსუდანი.

„რომელი და ქრელი... ჭინორიძეა გვარად, ხომ?“

„თავხელია!“ უკმეხად თქვა რუსუდანი და ნიკო დიასამიძე აიფოფრა:

„რამიშვილი და ცხადაძე შენი ძმის მოსაზრებებს აქებდნენ. ჭინორიძემ დაამტკიცა, რომ შენი ძმაც შემცდარია და მისი მაქებარი რამიშვილიც და ცხადაძეც, ამიტომ არის ჭინორიძე თავხელი?“

„ნეტავ მოგესმინა მისი სიტყვა! ისეთი ქედმაღლური კილო“...

„დიახ კილო! — თანდათან უფრო აიფოფრა ნიკო, — მოწინააღმდეგეს კილოს ვუწუნებთ! არ გვეხამუშება მოწინააღმდეგის კილო! სიმართლეს, კემმარიტებას გვეუბნება, აშკარად ვხედავთ მისი აზრის სისწორეს და რადგანაც სამაგიეროს ვერაფერს მივუგებთ, კილოს ვუწუნებთ, ქედმაღლობას ვწამებთ და მხოლოდ იმიტომ, რომ ჩვენი აზრის უსწორობა დაამტკიცა. ჰაი დედასა, კარგი გამოსავალია“...

სიტყვა ჰერავინ შეუბრუნა. გაწყობილი სუფრის გარშემო შეღერებულად დაბიჯებს ნიკო და თითქოს თავისთავს ეკამათებაო. ნაწყვეტ-ნაწყვეტად წამოისვრის დაუმთავრებელ ფრაზებს — „ისტორია! დიახ, ისტორია! კილო! მაღლობა მომიტყენებია, ესეც თქვენი არგუმენტაცია“...

ზარმა დარეკა, ყველა ერთმანეთს შეაკქერდა და ერთმანეთის თვალეში მხოლოდ გაკვირება ამოიკითხეს.

„ზვიადია“, თქვა ნიკომ და კარისკენ დაიძრა, მაგრამ შადიმანმა დაასწრო.

სილოვან რამიშვილი და ილარიონ ცხადაძე შემოვიდნენ. შადიმანმა კარი ღიად დატოვა და სადარბაზოში გავიდა — დანარჩენ სტუმრებს შეევეგებებო, მაგრამ სადარბაზოში არავინ იყო და შადიმანი გულნატკენი მობრუნდა.

სილოვან რამიშვილი არავის მისალმებია. ქუდი და პორტფელი სავარძელში მიაგდო და სუფრის გარშემო დაიწყო სიარული. ცხადაძემ მორჩილად დაუკრა თავი მასპინძლებს, ქალბატონ თეკლეს ხელზე ეამბორა, მოწიწებით დაჯდა სკამზე, ქუდი და პორტფელი მუხლებზე დაიწყო და მოწრიალე რამიშვილს აადევნა თვალი.

„მე მხოლოდ ორიოდ ვწუთით. ზვიადს მიხმეთ!“ — ამოისროლა რამიშვილმა და ნიკოს გაუყარა თვალი.

„შინ არ გახლავთ“, — მშვიდად მიუგო ნიკომ.

რამიშვილმა მაჯის საათს დახედა.

„ზვიადი შინ არ არის? კეთილი, იყოს ასე! გადაჭრით ვაცხა-

დებ — უსწორია სამეცნიერო საბჭოს გადაწყვეტილება. მოსკოვში წავალთ, იქ წარვადგენთ შრომას და იქ დავიცავთ ხარისხს!“

„მოსკოვში? რატომ, პროფესორო?“ — გაიოცა ნიკომ.

რამიშვილი სულ ახლოს მივიდა ნიკოსთან, ისე ახლოს, რომ ნიკოს ეუხერხულა და ცოტათი უკუდგა.

„სწორედ მოსკოვში! — ხმას აუწია სილოვან რამიშვილმა, — დიახ, მოსკოვში! იქ გაგვიგებენ, იქ გამოჩნდება ვინ არის მართალი — სამეცნიერო საბჭო, თუ ჩვენ! პრაოფიციალური ოპონენტის აზრს მეტი ფასი დადეს ვიდრე ჩემსას, გესმით, ბატონო ნიკო, რას ნიშნავს ეს? გესმით თქვენ ამ ანგარიშის გასაგისი? სადისერტაციო შრომა არაფერ შუაშია, აქ ნიჭია მთავარი მიზეზი! დიახ, მე ვამტკიცებ, რომ ზვიად დიასამიძე ნიჭიერია და ნიჭს ყოველთვის მტერი და მოქიშპე ჰყავს. ყოველ დროში ასე იყო, ახლაც ასე გახლავთ! დიახ, ასე. გაცობული ნუ მიცქერით, მე სიმართლეს მოგახსენებთ!“

ნიკო დიასამიძემ კიდევ ერთი ნაბიჯით დაიხია უკან.

„ნიჭს ვერავინ წაგვართმევს, ჩემო სილოვან!“

„გზას გადაულობავენ, ფრთებს შეაჭრიან, მარწუხებში მოიმწყვდევენ, მორჩილებას შეაჩვევენ და მორჩილება და ნიჭი შეუთავსებელია! დიახ, ნიჭი და მორჩილება ერთ ღამესაც ვერ გაათევს ერთ ჰერკევეშ, ასეა ეს, ჩემო მეგობარო... და მერე ვინ დაამტკიცა, რომ რამიშვილის გონება უსწოროდ სჯის, დიასამიძის თვალღელამია, ხოლო აგრონომის გონება და თვალი“...

„არჩილ ჭინორიძემ და... ცხოვრებამ... დიახ, ცხოვრებამ!“ გადაქრით თქვა ცხადად და ზეზე წამოდგა.

ახლა ილარიონ ცხადადეს მიექრა რამიშვილი, დამცინავად გაუღიმა, პაერში აისროლა ხელები:

„მერე და ვინ არის ეს ცხოვრება, პატივეცემულო დოცენტო? თქვენ და თქვენს კოლეგებს რატომ გგონიათ, რომ ეს ცხოვრება არ ვარ. მე და არის სხვა ვინმე, თუნდაც თქვენი ჭინორიძე? ვისაც ბარი და ნამგალი აქვს მომარჯვებული, მაინცდამაინც ის არის ცხოვრება? ჩემი ცოდნა, ჩემი ფიქრი, ჩემი გამოკვლევანი, ჩემი შრომები და უძილო ღამეები არ არის ცხოვრება? დოცენტ ცხადადეს და მის კოლეგებს კი უნდა მოეხსენებოდეს, რომ სილოვან რამიშვილს თავის დროზე ნამგლით მოუშკია, ბარით უბარია, სასხლავით გაუსხლავს და ტრაქტორზეც მჯდარა... და რატომ არ არის სილოვან რამიშვილი ცხოვრება? და მაინცდამაინც კოლმეურნეობის აგრონომი რატომ არის ცხოვრება? მიპასუხეთ, დოცენტო ცხადად?“

რამიშვილი ცეცხლს ჰყრიდა თვალებიდან, ბობოქრობდა, ღმუ-

ილივით ისმოდა მისი სიტყვები. ცხადაჲ არ მოელოდა ასეთ გაათრებულ შემოტევას, რამიშვილს პასუხი ვერ ჰკადრა და წასვლა დააპირა.

ზარმა ღარეკა. ისევე შადიმანმა გაალო კარი და როცა რამიშვილმა სამეცნიერო საბჭოს მდივანს — ლევან დოჭვირის მოჰკრა თვალი, მასთან მიიჭრა.

„აა, სწორედ დროზე მობრძანდით, კოლეგა! წარმოიდგინეთ, ვერ დავარწმუნე პატივცემული ნიკო, რომ სამეცნიერო საბჭოს გადაწყვეტილება უსწორია, რომ შეცდომასთან, გაუგებრობასთან გვაქვს საქმე. თქვენ, თქვენ როგორ ფიქრობთ?“

„მგონი ყველაფერი ცხადია და ნათელი“, ცივად თქვა დოჭვირმა.

რამიშვილს გულს არ მოერგო დოჭვირის პასუხი და გამომწვევად ჰკითხა:

„მანინტ რა არის ცხადი და რა არის ნათელი?“

„განა თქვენ არ იცით?“

„არა! მე არაფერი არ ვიცი!“

„სამეცნიერო საბჭო სწორად მოიქცა, პატივცემულო პროფესორო!“

და კვლავ იფეთქა პროფესორმა, გადაიხარხარა, გულიანად გადაიხარხარა, მერე გესლივით შეანთხია ლევანს.

„თქვენ სხვისი თავით დადიხართ ამ ქვეყანაზე!“

ყველა შეცბა. არავინ მოელოდა ასეთ უკმეხობას რამიშვილისაგან. ლევანმა იგრძნო, რომ რამიშვილის აღელვება უკვე ისტერიკაში იყო გადასული და წინააღმდეგობის გაწევას არავითარი აზრი არ ჰქონდა, ამიტომაც თავშეკავებით, დინჯად მიუგო:

„ვინ მოგახსენათ, პატივცემულო პროფესორო, რომ მე სხვისი თავით დავდივარ ამ ქვეყანაზე?“

„მოხსენებთი ბარათი არ მჭირდება! შევხედავ ადამიანს და უმაღლ მივხედები, როგორი ჰკუა აქვს — თავისთავადი თუ მიმბაძველი“. მერე ლევანს ჩააქერდა თვალებში და დაასკვნა, — „თქვენ მიმბაძველი ჰკუა გაქვთ! დიახ, სწორედ მიმბაძველი ჰკუა!“

ეს უკვე მეტისმეტი იყო და ლევანმა თავი ვერ შეიკავა.

„გაბოროტებული ხართ და ზრდილობას ჰკარგავთ!“

„მიმბაძველობა უპირველესი უზრდელობაა, — უკმეხად მიუგო რამიშვილმა, — ჯინორიძის გამოსვლამდე თქვენ ჰკუა ასე (ხელეებით უჩვენა სწორად) გქონდათ, მისი სიტყვის შემდეგ — კი უცებ გადაგიტრიალდათ, მიდით ურნასთან და თეთრის ნაცვლად შავი კენჭი ჩააგდეთ... ახლა აქ გამოცხადდით, რომ მშობლებს მიუ-

სამძიმროთ! მოგხვდათ გულში? დიახაც რომ სიმართლეს მოგახსენებთ და ამიტომ მოგხვდათ გულში!“

...მასპინძლები უხერხულად გრძობდნენ თავს. ყველაზე უფრო ნიკოა აწრიალებული, რამდენჯერმე სცადა რამიშვილის დაშოშმინება, მაგრამ ვერაფერს გახდა და დარბაზიდან გავიდა. მალე თეკლე და ლილიც მას მიჰყვნენ...

„არ დავმალავ, — ისევ თავშეკავებულად პასუხობს ლევან დოჭვირი, — რომ შავი კენჭი ჩავაგდე. ჭინორიძის გამოსვლის შემდეგ, გულში რომ ჩაგეხვდათ, თქვენც ასე მოიქცეოდით“...

„მუხანათურად გადაუჭერიტ გზა ახალგაზრდა მეცნიერს, — როგორღაც დაცხრა სილოვან რამიშვილი და ხმას დაუდაბლა, მაგრამ კვლავ გესლიანად განაგრძო, — გული ჩაუქოლეთ, ნიჭის დასამარუბა მოიწადინეთ, მაგრამ არ გამოვა, დიახ არ გამოვა, ამხანაგო დოჭვირო! განა არ ვიცი, ვინ უმტრო? დიახაც რომ ვიცი, თხუთმეტი შავი კენჭი იყო, არა? თხუთმეტი ხომ? თხუთმეტივე შავი კენჭის ავტორებს ჩამოგითვლით! ჩამოგითვალთ? არ ჩამოვთვალთ? გეუხერხულებათ? კეთილი და პატიოსანი მე იმასაც კარგად ვგრძობ, ამხანაგო დოჭვირო, რომ თქვენ და თქვენი კოლეგები სანაგვე ყუთისთვის შამზადებთ, მაგრამ ნაადრევია! ურამიშვილოდ თქვენ არარაობას წარმოადგენთ და ბოლოს და ბოლოს რას წარმოადგენს თქვენი ჭინორიძე?“

„თქვენ მას იცნობთ“, მიაპიტად მიუგო ცხადაძემ.

„მე? მე ვიცნობ ჭინორიძეს?“ გაიოცა რამიშვილმა.

„დიახ, თქვენ მას იცნობთ! იგი თქვენი ყოფილი სტუდენტია“, დარწმუნებით თქვა ცხადაძემ.

„ჩემი სტუდენტი? — უფრო გაიოცა რამიშვილმა, — არა... არ მაგონდება! ეტყობა, უნიჭო და ინტრიგანი იყო. ყოველი უნიჭო დვარძლიანია და ბოროტი. მე ასეთებს ვერ ვიმახსოვრებ!“

„ეს კი მეტისმეტია!“

„დაჩუმდით! — შეუტია ცხადაძეს რამიშვილმა, — როგორ მიბედავთ? თქვენც ჭინორიძე გამიხდით?“

„თქვენმა აღზრდილმა ბევრი სიმართლე მოგახსენათ დღეს“, შეეშველა ცხადაძეს ლევანი.

სილოვან რამიშვილი თვალეში ჩააქცერდა ლევანს და მერე დამარცვლა.

„ამასაც უთუოდ ვინმეს წაბაძვით ამბობთ!“

„ყოველშემთხვევაში არა თქვენი წაბაძვით!“

„თქვენ, — კიდევ უფრო დამარცვლა სილოვან რამიშვილმა, — თქვენ მე მაშინ მბაძავდით, ამხანაგო დოჭვირო, როცა მე კათედრას განვაგებდი, ახლა მე რიგითი პროფესორი ვარ!“

„სიკრუეა!“ წამოიყვირა ლევანმა, და რამიშვილმა, თითქოს ძალა მოიცაო, უფრო გაცხარებით და გაწიწმატებით შეუტია.

„ჭეშმარიტება, სრული ჭეშმარიტებაა! თქვენ თანამდებობის პირებს ჰბაძავთ! თანამდებობის პირთა აზრი და გადაწყვეტილება თქვენთვის ბეჭედი და თქვენ კათედრის მდივანი კი არ ბრძანდებით, არამედ კათედრის გამგის მდივანი!“

„ნებას არ მოგცემთ!“...

„არ ვსაჭიროებ! — შეაწყვეტინა რამიშვილმა სიტყვა ლოჭვირს, — არავითარ ნებართვას არ ვსაჭიროებ... თქვენი ნებართვა თქვენთვის დარჩეს, ამხანაგო მდივანო, რაც მე მოგახსენეთ, ალალი სიმართლეა, ყველანი გრძნობენ ამას, მე, ის (ცხადაძეზე მიუთითა), სხვები და სხვები, მაგრამ შენი ერიდებათ და ეშინიათ, რადგან შენ, — უფრო და უფრო დამარცვლა რამიშვილმა, — სხვისი საქმის გაკეთება არ გეხერხება, მაგრამ სხვისი საქმის გაფუჭების ოსტატი ბრძანდები. ეს დღესაც ჩინებულად დაამტკიცეთ!“

„უსირცხვილოდ ცრუობთ!“ მიახალა ლევანმა და ზურგი შეაქცია რამიშვილს.

„როგორ კადრულობთ, პროფესორო? ეს მეტიქმეტია“; შეუტია ცხადაძემ და სილოვან რამიშვილი ორივეს დააცხრა.

„მეტიქმეტი? მეტიქმეტი თქვენ ბრძანდებით და ჯინოროძის სიმართლე თქვენ დაიჭდიეთ გულზე! მე და ზვიადი როგორმე გვერდს ავუქცევთ პატივცემულ აგრონომს. მოსკოვში წარვადგენთ დისერტაციას“.

„საფუძვლიანი გადამუშავების შემდეგ“. — დარწმუნებით თქვა ცხადაძემ.

„არავითარი გადამუშავება! სწორედ ამ სახით“.

„ჩვენს ინსტიტუტს გადმოუგზავნიან დასკვნისათვის“. ყრულ ჩაილაპარაკა ლევანმა, მაგრამ რამიშვილმა შაინც გარყვევით გაიგონა და დაცინვით ჰკითხა:

„თქვენს ინსტიტუტს. რატომ, პატივცემულო მდივანო?“

„იმიტომ რომ შრომა საქართველოს სოფლის მეურნეობას ეხება!“

„მერედა, ეს საქართველო მართო თქვენ ბრძანდებით? ლოჭვირი და ცხადაძეა საქართველო? რამიშვილი არსად სწერია საქართველოში? არხეინად ბრძანდებოდეთ, მოსკოვში იცნობენ სილოვან რამიშვილს... რამიშვილი ქართულ სოფელსაც იცნობს, ქართულ სოფელში უცხოვრია რამიშვილს!“

„თქვენ დროს სხვა იყო ქართული სოფელი“.

„მიჰქარავთ! — კიდევ უფრო იფეთქა რამიშვილმა, — დიანაც



მიჰქარავთ! ჩემი დრო — დღევანდელი დღეა! მე და ჩემმა კო-  
ლეგებმა შევექმენით დღევანდელი სოფელს და დღევანდელი დღე!  
ღიახაც რომ ჩვენ ვართ დღევანდელი დღის ხუროთმოძღვარნი,  
სოლო ზოგიერთნი, — ანთებული თვალები შეანათა ცხადაძესა და  
დოჰვირს რამიშვილმა, — ღიახ, ზოგიერთნი მხოლოდ იმისთვის  
იღწვიან, რომ მოხერხებულად მოიხმარონ დღევანდელი დღე! ნუ  
მაყვედრით, რომ მე წარსულში მიცხოვრია, — სწორედაც იმი-  
ტომ ვხედავ დღევანდელ დღეს თქვენზე უფრო ხილულად!”

„მეტისმეტად სარგებლობთ თქვენი სიბერიით“, ისევ ყრულ,  
თითქოს ფუჩუნით თქვა ლევანმა, მაგრამ რამიშვილმა მაინც გა-  
იგონა.

„ბოდიში მოიხადეთ, ჰაბუკო! მე ხნიერი ვარ და არა ბებერი,  
და ზოგიერთი ბებერი, კარგად მოგეხსენებათ, ზოგიერთ ახალ-  
გაზრდაზე უფრო ახალგაზრდაა“...

...ოთახში ხმაურით შემოიჭრნენ ნიკო, თეკლე, შადიმანი,  
რუსუდანი და ლილი. ეტყობა, ესენი მეორე ოთახში ყურს უგ-  
დებდნენ სტუმართა პაექრობას და მოთმინების ფიალა აეცსოთ,

„მეგობრებო, — დაიბუხუნა ნიკომ, — ქვეყანათა შორის მყარ-  
დება. მშვიდობა, საჭიროა, მშვიდობა უპირველესად ადამიანთა  
შორის დავამყაროთ! შემიწყვეტია ომი და მშვიდობა გამოიციხა-  
დება! გთხოვთ სუფრას შემოუხსდეთ! ღიახ, ძალიან დაგვიგვი-  
ანდა, პატიებას გთხოვთ“...

შადიმან შარანგიათ ხელმოჩრდილულად გახედა სუფრას.

„რა ღმერთივით პურ-მარილი ფუჭდება!“

ყველამ უხერხულობა იგრძნო და სილოვან რამიშვილმაც კი  
თანაგრძნობით შეხედა ცხადაძეს და დოჰვირს.

„ახლავე, ახლავე, ჩემო შადიმან, — უხერხულობის გასაფან-  
ტავად შეეხმინა ნიკო. — ნუ მოიწყენთ, მეგობრებო, ლხინი ლხი-  
ნია და ლხინს თავისი წესი აქვს! რუსუდანი, შენ დაუყარი, ლი-  
ლი იმღერებს, დანარჩენები დაგვიტაშუნებენ და შადიმანი და მე  
ვიცეკვებთ... მაგრამ ჯერ ყელი გავისველოთ, ჯერ სადღეგრძე-  
ლო შევსვათ! აბა ცოცხლად, მხიარულად! თქვენ აქ, ჩემს გვერ-  
დით, დაბრძანდით, პატივცემულო სილოვან... თამაღობას მე გა-  
გიწევთ, მოადგილედ შადიმანი დამინიშნია“...

„მე მერიქიფედ ვიქნები, მოადგილედ პატივცემული პროფე-  
სორი დანიშნეთ; ნიკო ბატონო!“

„პატივცემული პროფესორი დაღლილია... მერიქიფეც მე ვიქ-  
ნები, ჩემო შადიმან“. — თქვა ნიკომ და დოქს წაავლო ხელი, მაგ-  
რამ შადიმანი მიეჭრა და დოქი გამოართვა.

„მეგობრებო“, — დაიბუხუნა ნიკომ და სუფრას გადაავლო

თვალი, მეჩხერმა სუფრამ გული ატყინა მასპინძელს, მაგრამ არ შეიმჩნია, თითქოს არაფერიყო და ცალ-ცალკე შეეღიმილა ყველას; ჰო, თეკლესაც გაუღიმა და მეუღლის ღიმილმა, გული აბრუნინა თეკლეს, ნიკომ ლილის და რუსუდანს თვალი ჩაუკრა, მერიქიფეს უბრძანა, ჩაის ჭიქა შემეხვეო და როცა შადიმანმა პირთამდე სავსე ჭიქა მიაწოდა, თამადამ ჩაახველა და ხმა დაიწმინდა.

„მეგობრებო, თქვენის თანხმობით, ამ პირველი ჭიქით მინდა შემოგთავაზოთ დღევანდელი დღის სადღეგრძელო. — და სილოვან რამიშვილს შეაქებრდა — დიახ, დღევანდელი დღის სადღეგრძელო, პატივცემულო პროფესორო!“

„დღევანდელი დღის სადღეგრძელო?“ გაიოცა რამიშვილმა.

„მაპატიეთ, პატივცემულო პროფესორო, ვადღეგრძელებ სწორედ დღევანდელ დღეს“...

ზარმა დარეკა, თამადას ყურადღება არ მიუქცევია ამისათვის. კარის გასაღებად რუსუდანი წავიდა.

„მამი, ჭინორიძე გეახლათ!“ ცივად თქვა რუსუდანმა.

რამიშვილი სკამიდან აიჭრა და ყველამ უხერხულად იგრძნო თავი.

„ჭინორიძე? ჭინორიძე მოვიდა? სთხოვე, ახლავე სთხოვე!“

„მე მივდივარ!“ მკვახედ თქვა რამიშვილმა.

„შეუძლოდ ბრძანდებით, ბატონო პროფესორო?“ ჭკითხა ცხადად და ცხადად და დოკვირიც ადგნენ.

რამიშვილმა ჯერ ნიკოს გაუსწორა თვალი, მერე დამცინავად გადახედა ცხადად და დოკვირს: „არა! მე თქვენსავით ნაჭობარზე ამოსული ბალახი არა ვარ“.

და ვიდრე ჭინორიძე შემოვიდოდა დიასამიძეთა ოჯახში, სილოვან რამიშვილმა დიასამიძეთა ოჯახი დატოვა.

## თ ა ვ ი მ ე ო თ ხ ე .

ასეთი ზამთარი დიდი ხანია ხემაღალში არ ყოფილა.

ოცი დეკემბერი თოვანში გათენდა, დღეს ოცდაცხრა დეკემბერი და აგერ, მეცხრე დღეა, გადაუღებლად თოვს. ხემაღალის წყაროები თოვლმა დაფარა, წაშალა გზები და ბილიყები, აბესალომ კიკნაველიძის ჭაც ამოავსო თოვლმა.

სკოლის სახურავის ჩალეწვის შეეშინდა ეკატერინეს და მოწაფეები ახალი წლის დადგომამდე დაითხოვა.

ადრე უნდა წასულიყო ალექსანდრე ჩაფიჩაძე თბილისში, თოვა რომ დაიწყო, იმავე დღეს. აბესალომ კიკნაველიძის შეი-

ლიშვილი კოკი შეეშველებოდა, ზეგანზე გადაატარებდა, მერე სულ დაღმართია ხერგამდე და დაღმართზე ალექსანდრესაც არ გაუქირდებოდა, მაგრამ ხერგამდე რატომ? უფრო ახლოს, პლატფორმაზე ჩავიდოდა. სატეველაზე სამ წუთს ჩერდება თბილისში მიმავალი მატარებელი და მე შენ გეტყვი, ბევრი ხალხი იქნება სატეველაზე ასეთ ამინდში! შეაგდებდა ამ ხურჯინს მატარებელში... და იქნებოდა ახლა თათიასთან და სანდროსთან, რუსუდანთან და რეზოსთან. პოდა, ახლა რომ ვერ ჩავა, რას იფიქრებენ? საახალწლოდ ყოველთვის თბილისშია ალექსანდრე ჩაფიჩაძე და ახლა რომ ვერ ჩავა, რას იფიქრებენ? ავად გამნდარა ალექსანდრეო, იფიქრებენ და შეეშინდებათ, შეშფოთდებიან, აწრიალდებიან და წამოსვლას დააპირებენ... ეგებ კიდევ წამოვიდნენ, ჰა, მეტი არაა ჩემი მტერი, — ალექსანდრემ დათოვლილი დაღმართი ვერ ჩაიარა და ბავშვები აღმართზე ამოსვლას შეძლებენ? ვერა, ვერ ამოვლენ დათოვლილ აღმართს, ვერც ალექსანდრე ჩავა თბილისში და ამ საახალწლოდ დარჩებიან ასე ცალ-ცალკე.

იმედი მაინც არ გადაუწურავს ალექსანდრეს.

ფრთხილად, სინჯვა-სინჯვით ჩაიარა კიბის საფეხურები და ეზოში ჩავიდა, ღონიერად წადგა ნაბიჯი წინ, მუხლები ჩაემალა თოვლში და ფიწალი მოიშველია, მაგრამ ჰიშკრამდეც ვერ მიაღწია. დაიქანცა, სუნთქვა შეუგუბდა, ჰირის ოფლმა დაასხა.

დაღონებული ამოვიდა ოდაში, თბილისში წასაღები ხურჯინი აივნის კუთხეში მიაგდო, მერე რიხით გამოაღო ზალის კარი, ბუხარში ცეცხლი გააღვივა, ხელები მოითბო და უხალისოდ გააწყო ყალიონი.

ტკრციალებს ხმელი წიფლის ნაპობი, ღუის ბუხარი, ზალაში თბილა, ბუხართან თავჩაქინდრული ალექსანდრე ზის და გულს ასკდება.

მოუწვევლი ყალიონი მუხლზე დაიბერტყა და ბუხარისთავზე შეაგდო, ასე შეგდებული ყალიონი შესაძლოა გატყდეს, მაგრამ ახლა საყვარელი ყალიონი ფეხებზედაც არ ჰკიდია ალექსანდრეს.

გულმოსული გამოვიდა აივანზე და შეცბა: ათიოდე წუთის წინ გაკვალული გზა უკვე დაუფარავს თოვლს; ჰო, ნაკვალევს ვერ პოულობს, ვერა, ჰიშკრამდეც ვერ მიაღწევს და ჰიშკრის მიღმა თვალის ვერ იხედება.

ალექსანდრე ჩაფიჩაძის ჰიშკართან გათავებულა ქვეყანა. ვბესალომ კიკნაველიძის სახლი ვერ უპოვნია, ვერც დიდი ეკატერინეს სკოლა და ხემალალის მთებიც გაპარულან სადღაც...

კი, ხემალალის მთებიც ამდგარან და შორს გადაკარგულან.

თოვს. ერთნაირად თეთრია ცაცა და მიწაც, თეთრი ცა თეთრ მიწას შეერთებია, ერთმანეთში არეულა ცა და მიწა და ამ თოვაში თეთრწვერებიანი ალექსანდრე ჩაფიჩაძე ნამდვილად ჰგავს თოვლის ბაბუას, ოღონდ საახალწლო საჩუქრებით სავსე ხურჯინი აივანზე უგდია, შვილიშვილები კი თბილისში ელოდებიან ალექსანდრეს, ფანჯარას მოსდგომია თათია და სანდრო, ჭიშკარისკენ უჭირავთ თვალი და სჯერათ, სადაცაა ჭიშკარის ზარბი ღარეკავს, სულმოუთქმელად მიიბრუნენ ჭიშკართან, ფართოდ გააღებენ და ფართოდ გაღებულ ჭიშკარშიც ხურჯინიანად ძლიერ შემოეტევა ბაბუა ალექსანდრე.

ალექსანდრე კი აგერ, ოდის აივანზე დგას და ცისა და მიწის შემაერთებელ სითეთრეში აბესალომ კიკნაველიძის სახლს ეძებს და ვერ უპოვნია, ვერც დიდი ეკატერინეს სკოლა უპოვნია ალექსანდრეს და მთელი ქვეყანა აგერ, მის ჭიშკართან გათავებულა.

გადაუღებლივ თოვს და მთელი დღე არავის აუვლ-ჩაუვლია ალექსანდრეს ჭიშკართან, ჰო, არავინ გაჰაქანებულა. ჩიტებიც სადღაც გაიკრიფნენ, დღეს აბესალომ კიკნაველიძის ღორებმაც მოიძულეს; აკი დილაადრიან ყოველდღე მოდგებიან ჭიშკარზე და ღრუტუნებენ; ღრუტუნებენ კი არა, ის შტერი და უმაძლარი ღორები ყურისწამლებად ჰყივიან და ხრიალებენ, ვიდრე სალაფავს დაუყრის შარაზე. დაუყრის და შეთქველეთენ, მერე, თითქოს მადლობას უხდინაო, ღრუტუნ-ღრუტუნით და კუდების ქიცინით წაეხეტებიან. დღეს კი თოვლმა დააშინა აბესალომ კიკნაველიძის უმაძლარი ღორები და ვერ მოვიდნენ. ეს ჩიტებიც თოვლმა დააფრთხო, სახლები და მთები უბეში შეიბურა თოვლმა, ნისლში გახვია ხემაღალი, სატეველას ტალღებს ხმა წაართვა და ალექსანდრე სახლში მოამწყვდია.

უხალისოდ შეათრია ხურჯინი ზალაში.

ბუხარში ცეცხლი ჩანველულა.

მოუწყენია ბუხრის თავზე დადგმულ ჩიჩილაკს.

ალექსანდრე ჩაფიჩაძეს საახალწლო ნაძვის ხე არ უყვარს, ზიზილ-პიპილოებით გაწყობილი და გაქუჩიჩებული ნაძვის ხე.

ჩიჩილაკი სხვაა, ჩიჩილაკის თავი ჯვარივთაა და ალექსანდრეს უხარია, ჯვრისთავიანი ჩიჩილაკი რომ უღიმის. ჩიჩილაკის ძალა სწამს ალექსანდრეს და ამიტომაც წაუვიდა საქმე კარგად. მისი შვილი პროფესორია, თბილისში საკუთარი სახლი უდგას და ჯანმრთელი ცოლ-შვილი ჰყავს. ასეა და, ჩიჩილაკს ცოტა წვლილი როდი მიუძღვის ამაში.

... თხილის მომსხო ჯონს გაღულუნებულ ბუხართან ახლოს მიაყუდებს, ოღნავ მოაყრობს, მერე ფეხებში მოიმწყვდევს, ფრთხი-

ლად, ანა-ანა შემოაცლის დამყრალ კანს და დანარჩენს ალექსანდრეს დანა იოსტატებს — გრძელი და თანაბარი ზომის ბურბუშელები გამოესხმება ტანზე თხილის ჯოხს და ჩიჩილაკიც მზად გახლავთ, თეთრი, აბრეშუმით შრიალა, სიხარულისა და ბედნიერების დამბეღებელი ჩიჩილაკი.

მერე ჩიჩილაკის ჯვრიან თავს შეამკობს: ჯვრის ერთ თავზე წითელ ვაშლს ჩამოაცობს, მეორეზე — ბროწეულს და ჩიჩილაკს კურკანტელიან სუროს შემოაქსოვს.

„ჩანმრთელობა, გამრავლება, ხეავი“.

ეს ასეა. ასე სწამს ალექსანდრე ჩაფიჩაძეს და ამ რწმენამ დააბერა ბედნიერად.

თქვენ არ გიყვართ ჩიჩილაკი და არც მისი კეთილბედობა გწამთ? ნუ იწამებთ! ღმერთმა კარგად გამყოფოთ, ოღონდ ალექსანდრეს ნუ შეეკამათებით, მშვიდად ამყოფეთ თავისთვის და კიდევ რომ შეეკამათოთ, ტყუილუბრალოდ დაიხარჯებით — თავის რწმენას არ გადაევა ალექსანდრე.

თქვენ დაიდგით ოჯახის შუაგულში საახალწლო ნაძვის ხე, ნაირ-ნაირი სამკაულებით მორთეთ და ბრჭყვიალა ელნათურებით გააჩახჩახებთ, ვითომ თოვლიაო — ბამბა დაუფინეთ ძირში, შორიხლოს მუყაოს „თოვლის ბაბუა“ დააყუდეთ, უცქირეთ და გაიხარეთ, დაუტაშუნეთ და იცეკვეთ... ბაბუა ალექსანდრე თავის ხელით გამოთლილ თხილის ჩიჩილაკს ირჩევს, ჯვრის თავიან ჩიჩილაკს. ლაქდაყებს ჯვრისთავეებზე ჩამოცმული ვაშლი და ბროწეული, ბზინავს კურკანტელა, აბრეშუმით შრიალებს ჩიჩილაკი და სიხარულს და ბედნიერებას ელიმილება ალექსანდრე ჩაფიჩაძე.

... წიფლის მსხვილ-მსხვილი ნაპობები შეაწყო ბუხარში. ლამაზა აანთო და ბუხრის თავზე დადგა.

განათდა და გათბა სახლი.

მაგიდაზე თეთრი სუფრა გადაათარა და მაგიდის შუაგულში ჩიჩილაკი დადგა.

საათი არა აქვს ალექსანდრეს, მაგრამ შეუმცდარად იცის — ორი, დიახ, სრული ორი საათის შემდეგ კარზე ახალი წელი დააკუნებს.

ხურჯინს. თავები მოუხსნა. განჩინიდან თეფშები გამოალაგა. თორმეტი თეფში. თითო კაცზე ორ-ორი. მაგიდას ექვსი სკამი შემოუდგა. სუფრის თავში — თვითონ ალექსანდრე დაბრძანდება (ოჯახის უფროსი ყოველთვის სუფრის თავში ჯდება ხოლმე). ხელმარჯვნივ რეზოს მოისვამს, ხელმარცხნივ — რუსუდანს... რევაზის გვერდით სანდრო დაჯდება (ვაჟიშვილმა მამას უნდა დაუძ-

შენოს მხარი), რუსუდანის გვერდით, — თათია (ქალიშვილი დედის კალთასაა შეფარებული), — ხოლო აი აქ, სუფრის მეორე თავში (სულ ბოლოს არ აკადრებს ალექსანდრე ეკატერინეს) ქალბატონი ეკატერინე დაბრძანდება — ალექსანდრე ჩაფიჩაძის ოჯახის მუდმივი მეგობარი და რეზოს პირველი მასწავლებელი.

ოჰ, ბოდიში! დიდ ეკატერინეს პატარა ეკატერინე მოჰყვება უსათუოდ; ცხადია, პატარა ეკატერინეს ამ ახალწლის ღამეს მარტო როგორ დატოვებს შინ! ჰოდა, ღმერთო კი მომკალი, რატომ გამოტოვა პატარა ეკატერინე ალექსანდრემ? ასე, პატარა ეკაც მოვიდა და შვიდნი გახდნენ. სად დასვას პატარა ეკატერინე? თათიას გვერდით? ჰო, თათიას გვერდით დასვამს, მაგრამ არა, არ მოტყუვდება ალექსანდრე. მართალია, თათია ჯერ პატარაა, მაგრამ მაინც ქალია და ორი ახალგაყოფილი ქალი გვერდი-გვერდ რომ დაჯდება საახალწლო სუფრასთან, ყურთასმენამ მოგვამა ჰირო, — რიტინს გააბამენ. ამიტომ და სწორედ ამიტომ პატარა ეკატერინე აგერ, რეზოსა და სანდროს შუა, დიხს, მამა-შვილს შუა დაბრძანდება და მორჩა, გათავდა...

რეზოსა და სანდროსათვის მიჩენილი სკამები ალექსანდრემ დააშორიშორა, პატარა ეკატერინესათვის მეშვიდე სკამი შემოუდგა მაგიდას და განჯინიდან კიდევ ორი თეფში გამოიტანა.

ხურჯინიდან ჯერ ხილი ამოალაგა. ვაშლი, ბროწეული, კომში და ლედვის ჩირი ჩიჩილაკის ირგვლივ შემოაწყო. შვიდი თეფში თითო ჩურჩხელით, თითო წითელი ვაშლით და ლედვის ჩირით დაამშვენა. ერთი ბოთლი არაყი სუფრის თამადას დაუდგა, ერთიც დიდ ეკატერინეს. (დიდი ეკატერინე მაგარი ქალია და მსუბუქ იმერულ ღვინოს ლედვის არაყს ამჯობინებს, მხოლოდ ცოტას, სამ პატარა ჭიქას მიირთმევს.) ჭიქები? ჰო, ამ ფაციფუცში ჭიქები დაავიწყდა ალექსანდრეს და დიდი ბოდიში, ახლაცე მოგართმევთ! ქალებისათვის ძველებური, მაღალყელიანი გათლილი ჭიქები გამოიღო განჯინიდან, მამაკაცებისათვის კი წელში გამოყვანილი ღვინის ჭიქები და ორი ყანწი (სანდრო ჯერ პატარაა და მას ყანწით სმა არ შეუძლია და არცაა საჭირო). სუფრის თამადა და ოჯახის უფროსი კი ახალი წლის მობრძანებას აუცილებლად ყანწით დალოცავს.

აკლია ახლა ამ საახალწლო სუფრას ვინმე? ღმერთო კი მომკალი, როგორ არ აკლია? გულასპირი და ქალბატონი კესარია, მაგრამ გულასპირ ჩაფიჩაძე ჯიქთავანია — ახალი წლის ღამე სახლში მინდა გავათენოვო და ალექსანდრეს რუსული „ატკაზი“ დაარტყა: მაგარი ცეცხლი კი უნთია გულასპირს ბუხარში. იქვე, ბუხართან, უდგას პატარა მაგიდა, კესარია უზის

პირდაპირ და აწამებს საწყალ დედაკაცს: „აბა, აიღე, ჩემო კე-  
სო, ესეც ჩვენი მეზობლების სადღეგრძელო შევსვათ! ჰე, აიღე,  
ქალო, ჭიქა, ვერა ხედავ, მოგიჯახუნე და ალავერდსა ვარი“ მძინა-  
რე კესარია შეერთება და უხალისოდ წაატანს ჭიქას ხელს, დალე-  
ვით კი, ვერ დალევს, სად შეუძლია კესარიას ამდენი ღვინის  
დალევა? გულასპირიც კარგად ხედავს — კესარიამ ერთი ჭიქა შეს-  
ვა და ის იყო და ის, მერე ტუჩი არ დაუკარებია ჭიქისათვის. მა-  
ინც ყოველ სადღეგრძელოზე ალავერდს გადადის და გადადის, და-  
ლიე, ქალო, ახალი წლის ღამეა, მტერს გული მოვუკლათ და  
ჩვენი გული გავახართ, აბა, მოისაშველე, მოისაშველე და გა-  
დაჰკარი! და მოითაყვებს განა სადღეგრძელოებს გულასპირი?  
ჩემი მტერი არაა მეტი. ა, მოათავაო იფიქრებ და ახალახალს იტყ-  
ვის და იტყვის. ჩაალამაზებს და ჩაალამაზებს სადღეგრძელოებს,  
— ჯინორიძეთა გადაშენებულ უბანსაც არ გამოტოვებს... ხერგას  
ბაზარს? ოჰო; ხერგას ბაზარს როგორ არ დალოცავს, ხერგას  
ბაზრით უდგას სული, ყოველ კვირა დღე ხერგას ბაზარში არ  
დაბრძანდება?

ამ გულასპირს გადაჰყვა ალექსანდრე და სუფრის გაწყობა  
მიატოვა. ჰო, რამე აკლია ახლა ამ საახალწლო სუფრას? რავე  
არა! მარა, რაც აკლია, სამზადში მზადდება... შუაღამეცხლია გა-  
ჩაღებული, ნელი შუაღამეცხლია კია, — რუსუდანს დიდი შუაღამეცხ-  
ლისა ეშინია — თავს მატყობს ეს ოხერიო... ეება, ცხონებულ  
ჩემს მელიკს არ ეშინოდა დიდი შუაღამეცხლისა, პირიქით, ეხალი-  
სებოდა, აყრიდა და აყრიდა ფიჩხებს, ტკრცილებდა და გუთ-  
გუთებდა ცეცხლი, დიდი სინათლე იდგა სამზადში, ისეთი დი-  
დი სინათლე, რომ ჭუჭრუტანებიდან გამოპარული შუქი მთელ  
ეზოს ანათებდა... მოსახარში მალე იხარშებოდა, შესაწვავიც  
შნოიანად შიშინებდა და პიწკინდებოდა...

...ცოტა ხელგვიანი კია ჩემი რძალი! ხაჭაპურები კი დააცხო,  
მარა ქათმები არაა შემწვარი, არც შაშხი მოუხარშავს ჯერ, — მე-  
რე-და, ქმარიც ეხმარება, ბიჭიც და გოგოც... ეება, ჩემი მელიკი  
კი მარტო ასწრებდა ყველაფერს, მე ხელს ვუშლიდი მხოლოდ  
და ვეჭუჯღურებოდი... ოო, რა ქალი იყო ცხონებული! მე ვე-  
ჭუჯღურებოდი და ის კი მიცინოდა — მაყალე პატარა ხანს, შე  
არ სასიკვდილეო... როგორ კობტად ჩამოხსნიდა ნაჭიდან ქვაბს  
და რანაირად დამტკიცულ ჭადს ააგდებდა კეციდან!.. ჩემმა რძალ-  
მა კაი იწკიპინტო ხაჭაპურები გამოაცხო, ქალაქური. ერთი მაგ-  
რა. რომ შეუბერო სული, აბესალომ კიკნაველიძის ეზოში გადაფ-  
რინდება.

... კაცმა რომ თქვას, ბავშვებს კი უნდა ეძინოთ ამ დროს.  
მარა ახალი წლის ღამეა და ნუ დაიძინებენ. რომც მოისურვი-

ლონ, არ უნდა დააძინო. ჰო, ახალი წლის დამეა და ახალ წელს, დიდიც და პატარაც, ფხიზელი და ღიმილიანი ეგებება. მარა სამზადში რა ესაქმება თათიასა და სანდროს? რეზომ კი იქ უნდა იტროილოს: ქათმები კი შეწვა, მარა გოჭი არაა ჯერ შემწვარი, ცოტა უკლია კიდეც და შამფურს უფრო სწრაფად ატრიალებს: მერე მოხარშულ შაშხს ამოიღებს ქვაბიდან და გობზე დადებს გასაგრილებლად... მერე მარანში შევა, საახალწლო ჭურჭს მოხდის და ღვინოს დოქებში ჩამოასხამს. თათია ქალია და აქედანვე ეჩვევა ქალის საქმეს, უყურებს დედამისს და სწალობს! სანდროს კი არაფერი ესაქმება სამზადში და ბაბუა ალექსანდრე ახლაც გამოიხმობს.

კარი გააღო და გასძახა:

— სანდრო! სანდრიკელა! ბაბულიი!

და სანდრო სირბილით ამოიჭრა ოდაში.

აბა, რავა გეგონათ თქვენ? ასეთი გამგონე შეილიშვილი ჰყავს ბაბუა ალექსანდრეს.

— მალე გვპირდებიან, ბაბულო, ვახშამს?

— მალე.

— შენ ხომ არ გეძინება?

— კი, მაგრამ არ დავიძინებ!

— ყოჩაღ! შენ უკვე პატარა არა ხარ, რვა გისრულდება.

სანდრო თავს იწონებს და წელში იმართება.

ჰოდა, პატარა სანდროს რომ არ დაეძინოს ახალი წლის დადგომამდე, ბაბუა ალექსანდრე ზღაპარს მოუყვება.

ბევრი, ძალიან ბევრი ზღაპარი იცის ბაბუა ალექსანდრემ და სანდროც ყოველთვის სულგანაბული უსმენს, მაგრამ, საოცარი კია, თბილისში მოყოლილი ზღაპრები მალე ავიწყდება სანდროს: ტელევიზორია ჩართული და სანდრო მალულად, ცალი თვალით ტელევიზორს უმზერს, ეკრანზე ომია, ყუმბარები სკდება და სახლი ირწყევა... ხემალაში ტელევიზორი არაა, ყუმბარები არ სკდება და სახლი არ ირწყევა. გარეთ უხმაუროდ თოვს, ნელა დუღუნებს ბუნარი, ოდაში მყუდროებაა და სიჩუმეში მოყოლილს სხვა ლაზათი აქვს. ჰო, უფრო ლამაზია სიჩუმეში მოყოლილი ზღაპარი.

ნელა, სულ ნელა დუღუნებს ბუნარი, ხანდახან რომელიმე მეტიჩარა მუგუზალი აშიშინდება და პატარა, სულ პატარა აღს ამოაგდებს, ბაბუა ალექსანდრე ფეხს წაჰკრავს იმ მეტიჩარა მუგუზალს და მუგუზალი უმაღლე ჩაჩუმდება.

სანდრო დაბალ სამფეხა სკამზე ჯდება, მიუჩოჩდება ბაბუას, კისერს გადასწევს და თავს ალექსანდრეს მუხლისთავეს მიადებს.



გარეთ თოვს და თოვს, ბუნხართან თბილად სხედან ბაბუა და შვილიშვილი, შვილიშვილი უსმენს და ბაბუა ჰყვება ზღაპარს:

...იყო შაშვი მგალობელი,  
ღმერთი ჩვენი მწყალობელი...  
იყო და არა იყო რა,  
ღვთის უკეთესი რა იქნებოდა!

იყო ერთი ხელმწიფე.  
ხელმწიფეს ჰყავდა ერთი ვაჟიშვილი.  
სახელად ვაჟიშვილს მზექაბუკი ერქვა.

— კარგი სახელია მზექაბუკი, არა? — ეკითხება სანდრო.

— ჰო, მზექაბუკი კარგი სახელია.

— მზექაბუკი ლამაზი ბიჭი იყო და ვაჟაკიც, ხომ?

— კი, ლამაზი ბიჭი იყო მზექაბუკი და ვაჟაკიც იყო.

სანდრო ალექსანდრეს მუხლებიდან თავს იღებს და სახეში აცქერდება.

— მე რატომ არ დამარქვით მზექაბუკი? ვაჟაკიც არა ვარ, ხომ?

— ვაჟაკიც? შენ ჯერ პატარა ხარ, ბაბული. გაიზრდები და შენც მზექაბუკივით ვაჟაკიც გახდები. — სანდროც კარგი სახელია, ვაჟაკური!.. თუ გინდა, — თავზე გადაუსვა ხელი ბაბუამ შვილიშვილს, — იმ ხელმწიფის ვაჟიშვილს სანდროს დავარქმევ.

— არა, ერქვას მზექაბუკი.

— ჰოდა, გავიდა ხანი... ხანი გავიდა და იმ ხელმწიფეს მეუღლე გადაეცვალა. ჰო, გარდაიცვალა ხელმწიფის მეუღლე და მზექაბუკი დარჩა ობლად. კიდევ გავიდა ხანი და იმ ხელმწიფემ მეორე ცოლი შეირთო.

— მეორე ცოლი? — გაიოცა სანდრომ.

— ჰო, მეორე ცოლი! მზექაბუკს აღმზრდელი სჭირდებოდა, ქიყანას დედოფალი, თითონ ხელმწიფეც ახალგაზრდა იყო და შეირთო მეორე ცოლს, აბა რა უნდა ექნა?

სანდრო შეკრთა და უფრო მიეკრა ბაბუა ალექსანდრეს მუხლისთავეს.

— დედაჩემი რომ მოკვდეს, მამა მეორე ცოლს შეირთავს?

— სუ, გაჩუმდი! — აენტონ ბაბუა ალექსანდრე, — დედაშენი არ მოკვდება!

— რატომ?

— იმიტომ არ მოკვდება დედაშენი, რომ... ჰო, იმიტომ, რომ... ჰო, ახალგაზრდა ქალია დედაშენი და არ მოკვდება!

პასუხით კმაყოფილია ბაბუა ალექსანდრე და ბებერი თითებით შვილიშვილს ქოჩორს უვარცხნის. აბა, რა ეგონა სანდროს, ბა-

ბუა ალექსანდრემ ყველაფერი იცის და. აკი კარგადაც უპასუხა კვიპატ შეკითხვანზე.

სანდრო თითქოს დამშვიდდა, თავი აიღო ალექსანდრეს მუხლისთავეებიდან, პატარა, თბილი თითები წვერებში შეაპარა, თვალში შეაქებდა და გაუღიმა.

— მზეჭაბუკის დედა ბებერი იყო, ბაბული?

ახლა კი იფეთქა ალექსანდრემ. გაგონილა? — ზღაპრის მოყოლას არ აცლის შვილიშვილი! მაინც საიდან გამობტა ასეთი ზღაპარი. ამ ახალწლის დამეს? და ახლანდელი ბალებიც როგორები არიან, ჰე? ყველაფერი იციან და არაფერს არ შეგარჩენენ. ერთი ამას დამიხედეთ? რვა წლისა ძლივსა ხდება და რანაირ შეკითხვებს ატანტალებს? კი არ შეკითხება, მეკამათება! ჰო, მეკამათება ეს ღლაპი!

მაინც ახალწლის დამეს საიდან ამოქეჯა ასეთი ზღაპარი?

... სიკვდილი ბრმაა და მართლა რომ მოკვდეს რუსუდანი? არა, რუსუდანი არ მოკვდება! მაინც რატომ წამოცდა სანდროს? ხომ შეიძლება ყოვლადძლიერი შემოწყრეს ალექსანდრე ჩაფიჩაძის ოჯახს და რძალი მოუვლას? მაშინ? ჰო, მაშინ რას იზამს ალექსანდრე ჩაფიჩაძე? არა, მეორე ცოლს მაინც არ მოაყვანიანებს რეზოს, თათიას და სანდროს დედის მაგიერს შინ არ შემოუშვებს! ჰო, დიხაც, არ შემოუშვებს! რეზო ახალგაზრდა კაცია და თუ მაინცდამაინც გაუწყრა ღმერთი, მოიყვანოს მეორე ცოლი. მოიყვანოს მეორე ცოლი და იყენებს თავისთვის, შვილიშვილებს არ დაანებებს მეორე რძალს ალექსანდრე, თვითონ მოუვლის, დიხაც, რომ თვითონ მოუვლის თათიასა და სანდროს, ღმერთო კი მომკალი!

... ჰოო, — აგრძელებს ზღაპარს ალექსანდრე, — მზეჭაბუკის დედა ახალგაზრდა ქალი იყო, მარა... მარა უკუბრუნებული სენი შეეყარა, ის ოხერი!

სანდროს თავი გადაუწია და თვლებში ჩახედა.

— არ მკითხო ახლა იმ სენის სახელი! არ მახსოვს! ჰო, არ მახსოვს და გათავდა! ავად შეიქნა ხელმწიფის ცოლი; მეფემ ნაზირ-ვეზირები შეჰყარა, ბევრი, ძალიან ბევრი მკურნალი მოიწვიეს, უცხო ქვეყნიდანაც კი ჩამოიყვანეს ჯადოქარი მკურნალი, მარა სენი უკუბრუნებული იყო ის ოხერი და... ხელმწიფის ცოლი მოკვდა. ჰო, მოკვდა ხელმწიფის ცოლი, მარა დედაშენთან რა ხელი აქვს სიკვდილს, ბაბული! ჩემი რძალი ახალგაზრდა ჯანმრთელი ქალია, მას ის ოხერი უკუბრუნებული სენი არ შეეყრება და არ მოკვდება... ჰო, იყავი ასე ჩუმად, ჩუმად ყოფნა კარგია, სიჩუმეში კაცის ისვენებს... მგონი გვეღირსა; დედაშენი ამოდის

კიბეზე, დააყურადე, ბაბული... ჰო, მძიმედ ამოდის, აბა, რა ქნას, ხაჭაპურები, დაბრაწული ქათმები და გოზინაყი მოაქვს ჩვენთვის... ადე, კარი გაუღე, ბაბული.

სანდრო დგება, კართან მიიჭრება, აღებს კარს და ზალაშ-რუსუდანი შემოდის, ორივე ხელით დიდი გობი უკავია რუსუ-დანს, გობზე ხაჭაპურები, შაშხი, ქათმები და გოზინაყი ალაგია, მძიმე და სავსე გობს სუფრაზე დადებს რუსუდანი და დაილოცება.  
„ტანის სიმრთელე და გამარჯვება ჩვენს ოჯახს“.

რუსუდანი თვითონვეა თავის ოჯახის მეფეხური და რუსუდანი ფეხბედნიერია. ამიტომაც ყოველ მეზობელს უხარია რუსუდანის მეფეხურობა.

რუსუდანს რეზო შემოჰყვია და რეზო ილიმება, მარჯვენა ხელ-ში ღვინით სავსე დოჭი უჭირავს, მარცხენათი მძინარე თათია აუტატებია... არ რცხვენია ამხელა გოგოსი დასძინებია და მძინარე ეგებება ახალ წელს, მარა მისი ბრალია, რა უნდოდა სამ-ზადში? მე შენ გეტყვი, დედას ეშველებოდა! წამოჰყოლოდა სანდროს ოდაში. ვითომ ქალიშვილობს და ზღაპრის მოსმენას თა-კილობს, არა? ჰო, ითაკილოს და იყოს ასე, მძინარე შეეგებოს ახალ წელს... მაგრამ ბაბუა ალექსანდრეს მაინც ებრალება თა-თია. რეზო ტახტზე დააწვენს, მერე მაჯის საათს დახედავს, ჰი-ქებს შეავსებს და დაილოცება.

„მომილოცავს, მამაჩემო, ახალი წელი! ტანის სიმრთელე და გამრავლება ჩვენს ოჯახს!“

მამა და შვილი ჰიქებს შეაჯახუნებენ, შესვამენ ახალი წლის საღღეგრძელოს და ერთმანეთს გადაჰკოცნიან.

საიდანაც ნიჟემა გამოიჭროლა და ჯერისთავიანი ჩიჩილაკი შეაშრიალა, ბზინავს ჯვარზე ჩამოცმული ბროწეული და წითელი ვაშლი, შრიალებს კურკანტელებიანი სურო.

ალექსანდრე რძალს მოეხვევა და გადაჰკოცნის, ფრთხილად, ცერებზე შემდგარი მივა ტახტთან, ნელა, სულ ნელა აკოცებს მძინარე თათიას და წითელ ვაშლს ჩაუდებს ხელში. როცა გამოედვიძება, გაუხარდება, მიხვდება, რომ ვაშლი ბაბუა ალექ-სანდრემ ჩაუდო ხელში. ეგებ გული მოიყვანოს — რატომ არ გამომადვიდა, ბაბუამო, მარა მისი ბრალია, მძინარი რომ შეეგეაა ახალ წელს, რა უნდოდა სამზადში? ჰო, რა უნდოდა, ვითომ დედამისს შეელოდა? აბა, თქვენც არ მომიკვდეთ! ეძინოს ახლა მშვიდად, მრავალზე მრავალ ახალ წელს გაუთენებს ბედნიერად ყოვლადძლიერი...

სუფრის თავში ჯდება ალექსანდრე, ყანწს აიღებს, შვილს.

ანიშნებს — მეორე ყანწი აიღეო, ორივეს შეეკვება, პირჯვარს გადაისახავს, დაილოცება, ყანწს გამოსცლის და დიდ ეკატერინესთან გადავა ალავერდს, რეზო კი რუსუდანთან გადადის ალავერდს და რუსუდანს ელიმება, ჩემი მეუღლე ფიქრობს ამ ყანწს ვერ გამოვცილო და აბა, ნახოს! ყანწი მამამთილმა შეუსო, — „ტანის სიმრთელე და გამრავლება ჩემს ოჯახს“, — თქვა რუსუდანმა და ყანწი გამოსცალა, სულმოუთქმელად გამოსცალა. მერე გადმოაპირქვა და ყანწიდან წვეთიც არ გადმოდინდა. „ასე მტერი დაეცალოს ჩვენს ოჯახს“, — ღიმილით თქვა და ყანწი მეუღლეს დაუბრუნა.

პატარა ეკატერინე და სანდრო ჩუმად სხედან. სანდრო გოზინაყს დაეხარბა, პატარა ეკატერინე კი არაფერს არ აკარებს პირს და დედას შესტყერის თვალეში.

... ბუხარში ცეცხლი ტყრცილებს, ოდნავ ირხევა სუფრის შუაგულში აღმართული ჭვრისთავიანი ჩიჩილაკი, ბზინავს ჭვარზე ჩამოცმული ვაშლი და ბროწეული.

სახალწლო სუფრას შემოსხდომია ალექსანდრე ჩაფიჩაძე შვილებით და შვილიშვილებით.

ილიმება და ილოცება ჩიჩილაკი.

და ალექსანდრე ჩაფიჩაძეც ილოცება და ილიმება.

... ახალი წლის დღემ შემოატანა ზალაში.

ბუხარში ცეცხლი ჩანავლულა.

ცივ ბუხართან, დაბალ სამფება სკამზე, მოკუნტული ზის ალექსანდრე.

ბუხრისთავზე მოწყენილი დგას ჭვრისთავიანი ჩიჩილაკი.

არ ბზინავს ჭვარზე ჩამოცმული ვაშლი და ბროწეული.

თოქს. ალექსანდრე ჩაფიჩაძის ქიშკართან გათავებულა ქვეყანა.

## ნ ა წ ი ლ ი მ ე ო რ ე

### თ ა ვ ი პ ი რ ვ ე ლ ი

ამ პატარა ორსართულიან სახლში, რომელიც ვაკეში, იმერეთის ქუჩის დასაწყისში დგას და პატარა ბალ-ვენახიანი ეზო ამშვენებს, ჩაფიჩაძეთა ოჯახი ცხოვრობს.

რევაზ ჩაფიჩაძე — მამა ოჯახისა.

რუსუდან დიასამიძე — ოჯახის დედა.

ამათი შვილები —

თათია

და

სანდრო,

და ცქრიალა გოგონა დარეჯან ამაშუკელი, შორეული ნათესავი რუსუდანისა, თავდაპირველად შვილად აყვანილი, მერე კი — შინამოსამსახურედ ქცეული.

ყველა სამაჩხოვრო და მნიშვნელოვანი თარიღი ჩაფიჩაძეთა. ოჯახში როგორღაც აპრილის თვემ დაისაკუთრა:

რუსუდანი და რევაზი აპრილის თვეში დაქორწინდნენ.

ერთი წლის შემდეგ, სწორედ აპრილის თვეში, ქალიშვილი შეეძინათ და რუსუდანის დიდი დედის სახელის უკვდავსაყოფად ქალიშვილს თათია დაარქვეს.

თათიას დაბადებიდან ორი წლისთავზე, ისიც აპრილის თვეში, ჩაფიჩაძეთა ოჯახს ბუთხუზა ბიჭი შეემატა. ახლა რევაზის მამის სახელი უკვდავყვეს და ვაჟიშვილი ალექსანდრედ ჩაწერეს დაბადების წიგნში.

დარეჯანიც, სოფელ ქვემო ხვითიდან, აპრილის თვეში ჩამოიყვანა რუსუდანმა.

ამიტომ აპრილის პირველი შაბათი და კვირა ზემის დღეებია ჩაფიჩაძეთა ოჯახში.

შაბათი — ბავშვების დღეა,

კვირა — დიდთა.

ჩაფიჩაძეთა სახლის მშენებლობა ძალიან გაჭიანურდა. თათიაც და სანდროც რუსუდანის დედმამისეულ ბინაზე დაიბადნენ და წამოიჩიტნენ. მხოლოდ სამი წლის წინათ, სწორედ აპრილის თვეში, გადმოვიდა ჩაფიჩაძეთა ოჯახი იმერეთის ქუჩაზე და შარშანვე ამ სახლში ერთად იზვიმეს — ახალმოსახლეობა,

თათიასა და სანდროს, დაბადების დღე,

რუსუდანისა და რევაზის ქორწინების. მერვე წელი.

სახლი აგურითაა ნაშენი, ეზოს შემოვლებული დაბალი გალავანიც აგურისაა.

ეზოს უმეტესი ნაწილი ხეხილს და ბოსტანს უკავია, ხდლო ეზოს ერთ ყურეში ხემაღალიდან ჩამოტანილი თაკვერის ორმოციოდე ძირი ჩაჰყარა რევაზმა და ვაზმა ჩინებულად გაიხარა. ეზოს მშვენება მაინც ლედვის ხეებია. თეთრი, კესმა და წულა ლედვები თეთრი ლედვი ივლისის მიწურულში მწიფს. კესმა — აგვისტოში, წულა ლედვი კი სექტემბერსა და ოქტომბერში. რუსუდანს უფრო კესმა ლედვი უყვარს, ჭიას არ იკიდებს, ხეზევე ჩამიჩდება და ზამთარშიაც კარგად ინახება.

ყველაზე დიდი ოთახი ზედსართულზე თათიას და სანდროს უკავიათ. დარეჯანი ყოველდღე რამდენჯერმე ჰკვის და ალაგებს თათიასა და სანდროს ოთახს, მაგრამ ოთახი ყოველთვის აწეწილ-დაწეწილია: ქაღალდის ნახევები, წვერწატებილი ფანქრები, წინდები და ფეხსაცმელები ჰყრია იატაკზე, ფანჯრის მინები შეორთქლილია და მიმოწერილი, ჩამოჩაჩულია ტახტზე გადაფარებული ფარდაგი და ყოველთვის ღრიჭოთაა დატოვებული კარი, რომელიც დარეჯანის პატარა ოთახში გადის.

რუსუდანს სახელოსნო სახლის ბანზე მოუწყო რევაზმა. სახელოსნოს კედლებად მინები აქვს, ირგვლივ ჩინებული სამზერია და რუსუდანი, როგორც კი დროს მოიხელთებს, სახელოსნოს მიაშურებს, მაგრამ ხატვით იშვიათად ხატავს. და თითქოს თავისთვის ხატავს რუსუდანი. რამდენჯერმე შესთავაზებს, მაგრამ არც ერთ გამოფენაში არ მიიღო მონაწილეობა. ოჯახის მხატვარი ვარო — ამბობს რუსუდანი. დედ-მამის პორტრეტი, რევაზის პორტრეტი, თათიასა და სანდროს პორტრეტები... კი, ეს სურათები განსაკუთრებულის სიყვარულით დახატა რუსუდანმა, მერე საგანგებო ჩარჩოებში ჩასვა, თათიასა და სანდროს პორტრეტები სასადილო ოთახში ჩამოკიდა, დედ-მამისა და რევაზის — საძილე ოთახში.

კი, ოჯახის მხატვარი იოლად დახატავს დედ-მამის, მეუღლისა და შვილის პორტრეტებს. სხეულის ყოველი ნაკვთი სწორადაა გადმოღებული ტილოზე: ცხვირი, ტუჩი, თვალები, შუბლი და თმის ტყერიც კი. პო, ეს დედნის ნამდვილი ასლია, მაგრამ ეს არ არის მხატვრობა. და რუსუდანმა ჩინებულად იცის, რომ მხატვრობა რაღაც უფრო მეტია, რაღაც სხვაა და ეს „სხვა“ ალბათ ნიჭია, მოწოდება, „თვალი მხატვრისა“. შესაძლოა, ეს ისეთი რამ არის, რასაც სახელი არ მოეპოვება და რაც თავისთავად არის ნიჭიერ მხატვარში. რუსუდანი გრძნობს, რომ ეს მოწოდება, ეს „რაღაც სხვა“, ის, რომლისთვისაც სახელი ვერ დაურქმევია, მაგრამ თავისთავად არის ყოველ ქეშმარიტ მხატვარში, რუსუდანს არ გააჩნია. ვერც თანატოლ მხატვრებში პოულობს რუსუდანი ამ „სხვას“.

მეგობარ მხატვართა ნამუშევრების გამოფენამ მძიმე შთაბეჭდილება დატოვა: „ზღვისპირი და ჩაის პლანტაციები“, „ძველი თბილისის ხედები და მტკვრის სანაპირო“, „განახლებული სამგორი“, „გზის გაყვანა ხევსურეთში“, „კოლხეთის ქაობების ამოშრობა“, „მწყემსები და ცხვრის ფარა ზამთრის საძოვრებზე“... — არა, ეს სურათები არ ხიბლავენ თვალს, არ გებაასებიან, თავს ვერ გვაყვარებენ, არ გვიბადებენ სურვილს — ხელახლა მოვიდეთ გამოფენაზე და მათ ისევ შევაჯლოთ თვალი. ამ ტილოებზე ჩაის ბუჩქები ხასხასებენ, მაგრამ ჩაის ამ ბუჩქებს არა აქვთ ბუნებრივი სიმწვანე; მწყემსებს არ

სცივათ ზამთრის საძოვრებზე და არაბუნებრივია მათი ღიმილი. ბულდოზერები და ექსკავატორები შესევნიან კოლხეთის ლაქაშებს, შორს, ჭაობისათვის წართმეულ მიწაზე ნარინჯოვნებია გახარებულნი... არა, კოლხეთის დაბლობზე თითონ იყო რუსუდანი და ახალი კოლხეთი უფრო დიდია, უფრო გრანდიოზული და საოცარი, ვიდრე რუსუდანის მეგობარი მხატვრის ტილოზეა ასახული. ასეთ სურათს რუსუდანიც დახატავდა. ეს არის ნახულის გადატანა ტილოზე, ხოლო ჭეშმარიტ სურათის შესაქმნელად ნანახის ტილოზე გადატანა საკმარისი არ არის.

... ახალგაზრდა მხატვრებმა ნაბიჯ-ნაბიჯ შემოიარეს კოლხეთის თვალუწვდენი დაბლობი, მერე სოფელ ყულევს ეწვიენ და ისინი განაცვიფრა თვითნასწავლი ყულეველი მხატვრის სურათებმა, რომელიც კოლმეურნეობის თავმჯდომარეს ამ დღისათვის საგანგებოდ გამოეფინა სოფლის კლუბში.

ეს თვითნასწავლი მხატვარი ყულეველი მეზადურის ოდიშარიას შვილი ყოფილა — ლონგი. ბავშვობიდანვე ხატავდა. შეიღწლიანი სკოლა დაუმთავრებია და თბილისში წასულა სასწავლებლად. სამხატვრო ტექნიკუმში შესულა. სწორედ იმ სასწავლებელში, სადაც რუსუდანი მასწავლებლობს. ერთი წელი უსწავლია სასწავლებელში, მერე გული აუტრუედა... გული აუტრუედა კი არა, თურმე ჩამორჩა სწავლაში;

გასაოცარი კია, ნატურიდან ვერ ხატავდა თურმე. ჰო, ერთი ჩვეულებრივი ბებერი კაცი ვერ რქნა და ვერ დახატა. იოლი დასახვატი კი ყოფილა ის ბებერი: მოგრძო პირისახე, ჩაცვენილი თვალები, კეხიანი ცხვირი, თეთრი წვერები, თავზე ბუხრის ქუდი. მაგრამ ვერ დახატა და ვერ დახატა. მაშინ დაუბარებია სასწავლებლის დირექტორს ოდიშარიას ბიჭი და პირდაპირ უთქვამს — შენგან მხატვარი არ გამოვა, გიჯობს სხვა სასწავლებელში შეხვიდე, მე თითონ დაგეხმარები.

გული მოსვლია ოდიშარიას ბიჭს, იმავე დღეს დაუტოვებია სასწავლებელი და ყულევში ჩამოსულა. ყულევში ჩამოსულს მამა აუხიროდა — რა ღმერთი გაგიწყრა, მთელი ყულევის ბებრები ჩაკართიჩეებული გყავს და ის ერთი თბილისელი ბებერი როგორ ვერ დახატეო.

— ისე ახლოს არ ვიცნობდი იმ თბილისელ ბებერს, რომ დამეხატაო, — განუმარტა შეილმა ფილიმონს, მაგრამ ფილიმონი განმარტებდას რა თავში იხლიდა, გულს ასკდებოდა: — რა ჭირად გინდოდა იმ ბებრის ახლონაცნობობა, დაგეხატა და ის იქნებოდაო.

ლონგი ოდიშარია მამის კვალს გაჰყვა. ბადე შეიყვარა, ახლა უკვე მეზადურთა ბრძგადირია. ბრიგადანს მოტორიანი ნავი ჰყავს და

დილაუთენია თუხთუხი რომ მოისმის ყულეველთა ნავსაყუდელიდან, ლონგი ოდიშარიას მოტორიანი ნავია. ახლაც ზღვაშია. იცოდა, დღეს ყულევში მხატვრები ჩამოვიდოდნენ, მაინცდამაინც სათევზაო ამინდიც არაა, მაგრამ მაინც დილაუთენია გასულა ზღვაში და თან დაუბარებია, ღამეს ზღვაზე გაეთევთ და ხვალ გამოვბრუნდებითო.

ხუთი წელი ხელი არ უხვია ფუნჯისათვის ლონგი ოდიშარიას. ჰერე, ეტყობა, გულმა დაუძახა, სახლის სარდაფში მიყრილ-მოყრილ ძველ ნახატებს მტკერი მოაცილა, თვალში რომელიც მოუვიდა, სარდაფიდან გამოიტანა და ოთახებში დაჰკიდა.

... დილით, მზე ოდნავ რომ შემალღდება და ზღვის ფერი ათამაშდება, ნიჩბებიან ნავს შეაკურებს ზღვაში და ასიოდე მეტრით მოშორდება ნაპირს. ნავს რალაც ლუზისმაგვარი დაჰკიდა, რელსის ნატეხი, რკინის იმ ნატეხს ჩაუშვებს წყალში და ნავი ღია ზღვაში დაბმულივითაა, ოდნავადაც არ ირწევა, მით უფრო, ყულევთან ზღვა ყოველთვის მშვიდია. რალაც უცნაური დაზგა გაიკეთა. ნავში მოხერხებულად დგას ის დაზგა. დაზგაზე ფირფიცარს ამაგრებს, ზედ ქალაღს გადააკრავს, გამოსცქერის ყულევის სანაპიროს და ხატავს. თუ ბრიგადა ისვენებს, მაშინ აუცილებლად ზღვაზე დაიღამებს ლონგი ოდიშარია.

ყულეველი მხატვრის ორი დიდი ტილო განსაკუთრებით მოიწონეს თბილისელმა მხატვრებმა — „ახალი ყულევი“ და „ღამით ზღვაზე დარჩენილი მენავე“. მეორე სურათი მუქი, ძალიან მუქი ფერებითაა შესრულებული: ზღვაზე ისეთი ქარიშხალი და ღელვაა, იფიქრებთ, ტალღები ნაპირს გადმოხეთქავენ და ხმელეთს ნიაღვრად მოედინებიანო. ორკეცად ავარდნილ ტალღას ნაფოტივით მრუქტევი დაბლა პატარა ნავი, თავზე წამოთაფხვია და სადაცაა გადმოაპირქვევებს, მაგრამ მენავეს მოხერხებულად მოუმარჯვებია ნიჩბები და ცდილობს ტალღას თავზე მოექცეს... ღრუბლიან ციდან ოდნავ განოკრთის მთვარის შუქი.

— ის მენავე მე ვარ, — უთხრა მხატვრებს კოლმეურნეობის თავმჯდომარემ. — იმ დროს ასეთი პატარა ნავეები გვქონდა. ცალ-ცალკე ეთევზაობდით. ახლგაზრდა ვიყავი და არაფრის მეშინოდა. წვიმიანი ღლე იყო, ცოტას ღელავდა ზღვა, მარა არ შევეუშინდი, თევზიც გამოლეულიყო სახლში. ავდექი და ზღვაში შევაცურე ნავი, დეღამ და მეუღლემ დამიშალეს, მე არ დავუჭერე, მერე კი სანანებელი შემექნა... გაშლილ ზღვაში გავედი. ერთი ორჯერ ჩავაფინე ბადე ზღვაში და ისეთი ქარიშხალი და ღელვა ატყდა, როგორც ამ სურათზეა დახატული: ჯერ ცოტ-ცოტათი აიქოჩრა ზღვა, მერე შემზარავი ღმუილი მორთო (ზღვა უცებ გაგიყდება ხოლმე), სახლისოდენა ტალღები ააგორა და ჩემს ნავს ნაფოტივით ისროდა აღმა-დაღმა:



ჯოჯოხეთი ღამე გავათენე. შორს, ძალიან შორს გამიტაცა ზღვაჲ, მხოლოდ გათენებისას დაცხრა და ყულევთან რომ მოვაცურე ნავი, მშელი სოფელი ნაპირზე დამხვდა. დედაჩემმა ერთი შეკვივლა და გული შეუღონდა.

ჰო, ეს სურათი — ძველი ყულევია. ქოხმახიანი, ღარიბი. მაშინ ყულეველი მებაღურები ცალ-ცალკე თევზაობდნენ, პატარა ნავეები ჰქონდათ და ეშინოდათ ზღვისა, ამიტომაც ამ სურათზე მართლაც შავი ზღვა შავია და შიშისმომგვრელი.

მეორე სურათზეც შავი ზღვაა დახატული; მაგრამ ზღვის მრუმე ფერს რალაცნაირი სინათლე დაჰკრავს და ეს სინათლე რწმენასა და იმედს ბადებს ადამიანის გულში:

ყულევი-

შავი ზღვა მდინარე ცივის შესართავთან.

შორს სამეგრელოს მთიანეთის ლურჯი მთები.

ღაბლობში და დობერებზე ნარინჯოვნები ჰყვავიან.

ყულეველთა ფორთოხლის ბალი თითქოს ზღვაშია შექრილი.

ნაპირთან მოტორიანი ნავი დგას.

ჩასაფენი ბადეების გორგალზე მებაღური შემდგარა: ნაყვავილარი სახე, კაუჭა ცხვირი, შეჭალარავებული თმა, ოდნავ მოჭუტული მარცხენა თვალი, ღონიერი, გაშლილი მკერდი.

ყულეველი ჰინკა-ბიჭები სილაში გაწოლილან და ზღვას კენჭებს ესვრიან.

ამ სურათებმა როგორღაც გაახსენა რუსუდანს საყვარელი მასწავლებლის შეგონება. ის კი არაა მთავარი, თუ თვითონ რა ფერისაა მთა, მდინარე, ყვავილი და ზღვა, ამასთან უმთავრესია ისიც, თუ როგორის თვალით შესცქერი ამ მთას, ამ მდინარეს, ამ ყვავილს და ზღვას... ხალისიან, სიხარულიან თვალს. მხიარული და ღალი ესახება ბუნება; დამშვიდებული ადამიანის ყურთასმენას გალობად ჩაესმის ნაკადულის ბუტბუტი და ზღვის ტალღების შრიალი, სევდიანი გულისთვის კი მოთქმა ტირილია ბუნების მხიარული ბგერებიც.

ჰოდა, ამ ყულეველ თვითნასწავლ მხატვარს ორი სხვადასხვანაირად მხედველი ორი თვალი აქვს... საოცარი კია, იმ თბილისელი ბერიკაცის სახე ვერ გადაიტანა ტილოზე, მთელი ყულევი კი დაუხატავს წარსულითა და დღევანდელი დღით. მისი თვალი ადვილად არჩევს საჭირო ფერებს: ეს მდინარე ცივი მართლაც ასე მღოვრედ მოედინება შავი ზღვისკენ, ამ ტირიფებსაც ასე აქვთ ტოტები წყალში ჩაწვნილი, ბავშვებიც ასე ფრთხილად არიან მომდგარნი მდინარისპირს და ანკესებიც ასე აქვთ ჩაყრილი მდინარეში.

ცოცხალი, ნამდვილი სურათებია! სწორედ ასე იღიმებიან ყულეველი ბავშვები, თევზებიც ასე დასრიალებენ მდინარეში, ასე,

ლიციციებს მდინარის ზედაპირი და ყულევეზე ასეთი ზღვისფერი ცაა გადმოხურული.

ზღვა ყოფილა ამ თვითნასწავლი მხატვრის სტიქია. მის ტილოზე ზღვა ხან ღინჯია, ხან კიდევ შმაგი და გახელებული, ხან თითქოს პატარა ტალღებს თავშესაქცევად ათამაშებს ზღვა, კენჭობს და ნაპირებს ირეცხს...

მაგრამ, — ეს მერე, ყულევიდან წამოსვლის შემდეგ შეიგრძნო რუსუდანმა, — ის სურათები გვხიბლავენ ყულევეში ყოფნისას და უთუოდ იმის გამოც, რომ თვითნასწავლი მხატვრის მიერაა დახატული და ძალაუნებურად, თავისთავად ვეშელავათებით.

ალბათ, ამას ადრევე მიხვდა თვითნასწავლი მხატვარი, ამის გამოც გამოექცა თბილისს, გახდა მებაღური და ახლა გულის მოსაოხებლად თავისთვის ხატავს.

როგორც კი თვალს მიეფარნენ ყულეველი მებაღურები, მოტორიანი ნავეები და მდინარე ცივი, ყულეველი ქალები და ბავშვები, ყულევის ფორთოხლის ბაღი, ლონგი ოდიშარიას სურათების ფერები როგორღაც გაფერმკრთალდა, გაიცრია და თანდათან დაჰქარგა უშუალობა და ცხოველმყოფელობა... და რუსუდანმა საოცარი მსგავსება აღმოაჩინა ლონგი ოდიშარიასა და რუსუდან დიასამიძის ნახატებში: კი, როცა რუსუდანის დედის სურათი დიასამიძეთა ბინაზე, თექლეს საძილე ოთახში ეკიდა, სხვა იერი ჰქონდა, სურათს ნატურის ახლო ყოფნა ავსებდა, — შეხედავდა დედას, მერე სურათს — და მოსწონდა. როგორც კი სურათმა ადგილი გამოიცივალა და ნატურას დაშორდა, ის სურათი თითონ შემოქმედისათვის უცხო შეიქნა, ხოლო უცხო მნახველებში ვერაფრითარ ინტერესს ვერ იწვევდა...

...კოლხიდიდან ჩამოსვლის მეორე დღესვე რუსუდანმა თავისი ესკიზები სახელოსნოდან გამოიტანა და გარაჟის ბნელ კუთხეში დამალა.

— აქობებდა, დაჩითვაში დავხელოვნებულიყავი, ნამდვილად აქობებდა, — ნაღვლიანად თქვა რუსუდანმა და დაცარიელებულ სახელოსნოს მიმოავლო თვალი... მეორე კურსზე იყო, ფერწერის მასწავლებელმა ეს აზრი რომ შეაპარა, მაგრამ მაშინ რუსუდანმა შორს დაიქირა თავი, რალაცნაირი შეურაცხყოფა იგრძნო და საყვარელი მასწავლებელი შეიძულა.

ბარე ექესი წელია, ფუნჯისთვის ხელი არ უხლია რუსუდანს.

თათია და სანდრო დაიზარდნენ, დარეჯანი ჩინებულად ართმევს თავს ოჯახის საქმეს, სასწავლებელშიც ცოტა აქვს გაკვეთილები, მაგრამ როგორღაც სახელოსნო არ იზიდავს. ზაფხულობით ტექნიკუმის მოსწავლენი ციხიჯვარში დაჰყავთ პრაქტიკაზე და რუსუდანის ხათრისათვის ჩაფიჩაძეთა მთელი ოჯახი ციხიჯვარში ბინავდება.

შარშანწინ ლილი და ზვიადიც ააბარგა ციხიჯვარში რევაზმა და მათ ისე მოეწონათ ციხიჯვარი, პატარა აგარაკის აშენებაც კი გადაწყვიტეს.

...წელს მაისშივე დიდი სიციხეები დაიჭირა თბილისში და როგორც კი სკოლებში მეცადინეობა დამთავრდა, რუსუდანმა, თათია, სანდრო და დარეჯანი ციხიჯვარში წაიყვანა რევაზმა, თითონ კი ცხელი ივლისიც თბილისში გაატარა და ყოველდღე სოფლის მეურნეობის სამინისტროში დადიოდა. დიასამიძეებთან სადილობდა, მჭრე კი გვიან ღამემდე რუსუდანის სახელოსნოში იჯდა, მის მიერვე შედგენილ ხელშეკრულების რუკას უტრიალებდა და ხელახლა ხაზავდა, მალე ხელშეკრულების თეთრი რუკა წაირ-წაირი ხაზებით დაისერა.

აგვისტოს თვე წინაა. დღეს ციხიჯვარში წავა რევაზ ჩაფიჩაძე, არა, დღეს ხელშეკრულება წავა, მამას მოინახულებს, აგერ მესამე წელია, თბილისში არ ჩამოსულა ალექსანდრე, გული მოუყვანა შვილსა და რძალს, — რაკი თქვენ არ ჩამოდიხართ ხელშეკრულებაში, მეც თბილისი თქვენთვის დამილოცნიაო. ასე არ შემოუთვლია, მაგრამ ასე იგულისხმებოდა. ჰო, უკვე სამი წელი შესრულდა, რაც ალექსანდრე ჩაფიჩაძე ხელშეკრულებაში ჩაიკეტა, კარგად ვარ და არაფერი მჭირდებაო, — ატყობინებს შვილს... ისე, ვინ იცის, როგორ არის! ჰოდა, ახლა მოიცალა რევაზ ჩაფიჩაძემ; ჰო, მოიცალა და დღესვე მიდის ხელშეკრულებაში. ეგებ დაიყოლიოს მამა და გაგრაში წაიყვანოს, ერთი თვე მაინც გაატაროს რძალთან და შვილიშვილებთან. აგვისტოში ცოტა კი ცხელა გაგრაში, მაგრამ მოხუცებს სწორედ სითბო უყვართ და ზღვის ჰავა მოუხდება ალექსანდრე ჩაფიჩაძეს, ცოტა მაინც გამაგრდება და გულიც გადაუხალისდება.

...სოჭის მატარებელს გაჰყვება. ხელს ხელშეკრულებაში ავა, მამას დაიყოლიებ; მერე ციხიჯვარში აფრინდება რევაზ ჩაფიჩაძე და მთელი ოჯახით გაგრაში გაემგზავრება.

### თ ა ვ ი მ ე ო რ ე

«ვინა ხარ შენ?»

ვინა ვარ და შარანგია გახლავართ, შადიმან შარანგია!

ეგებ ჩემი სახელი გეუცხოებათ, ან იქნებ გვარს მიწუნებთ, პატივცემულო კუქური, ა?

და თითონ ვინ არის?

მე შენ გეტყვი შესახედაობა უფარგა: ლაფშა ცხვირი, ჩამოყრი-

ლი ყურები, დაკუსული თვალები, „თანხმობასავით დაბალი შუბლი“ და ყეყეჩი. გამოხედვა.

ვეახელი ამ კაცს, თავმდაბლად და ალერსიანად მივესალმე, გავუღიმე როგორც ძველ მეგობარს და ის კიდევ, თითქოს პირველად ვენახე, მეკითხება — ვინ ხარ შენ?

შარანგია გახლავართ, პატივცემულო კუკური, შადიმან შარახგია და სირცხვილი და შეჩვენება შენს გასიებულ თავს. შენს ზრდილობასა და შენს ნამუსს...

ვითომ ვერ მიცნო?

მაჰა უცხოვნდა! თანაკლასელია, ერთ უბანში ვცხოვრობდით. ორივე „უღელტეხილის“ ფეხბურთელები ვიყავით, მე — სამი ნომერი, ის კი — რვა.

დავიჯერო, კუკურიკომ ვერ მიცნო? ჰა, ვითომ ვერ მიცნო?

ისე აუშენდა ოჯახი! ძალიან კარგადაც მიცნო. კაბინეტის კარი შევალე თუ არა, უმალვე მიცნო, მაგრამ გამოცნაურება იჩოთირა... უკანასკნელი მოსწავლე იყო, თრევა-თრევით მიაღწია მეცხრე კლასამდე და სწორედ მეცხრე კლასში მოიმოქმედა სასწაული:

გამოსაშვები გამოცდები დაგვეწყო. გვედიან ქართულში — და კუკურის ჭერმაც მოაღწია.

— ნუ ღელავ, — ალერსით უთხრა ქართულის მასწავლებელმა ქალბატონმა ნინომ, — „კაცია მუნჯაძის“ შინაარსი მომიყევიო. ქალბატონმა ნინომ განგებ შეურჩია იოლი თემა კუკურის, ეგებ ამაზე მაინც მოახერხოს პასუხის გაქვამაო. მაგრამ თქვენც არ მომიკვდეთ, საერთოდ ენაჭარტალა კუკური კაცია მუნჯაძისავით დამუნჯდა.

— ამოიღე, შვილო, ხმა ნუ გეშინია, აბა, დაიწყე, — კვლავ დაყვევებით უთხრა ქალბატონმა ნინომ და ის იყო, კუკურიმ ერთი სევდიანად მიმოგვეკვლო თვალი, მერე უცებ მერხზე შეხტა, სწრაფად გამოაღო ფანჯარა და შურდულივით გადახტა... დიახ, მეორე სართულიდან გადახტა ის შეჩვენებული და ქალბატონი ნინო იატაკზე უსულოდ დაეცა. ბიჭები ეზოში ჩაიჭკერით, ქალიშვილები ნინო მასწავლებელს შემოეხევივნენ, მთელი სკოლა აწრიალდა. ფეხნადრძობი კუკური შინ წაეაბრძანეთ, ნინო მასწავლებელი ძლივს მოასულიერეს და ჩვენი გამოცდა მეორე დღისათვის გადაიდო.

...მერე კუკური სკოლაში არ გამოჩენილა, მაგრამ „სიმწიფის მოწმობა“ ჩვენთან ერთად ებოძა და „გამოსაშვები ლხინიც“ კუკურის სახლში გავმართეთ, რადგან კუკურის მშობლებს დიდი და ლამაზი სახლი ედგათ.

. . . ჰოდა, ახლა ამ კუკურიმ ვერ მიცნო მე? თუ სხვანაირად უნდა ვხლებოდი? მაინც როგორ?

„ბოდიში, კუკური აბესალომიჩ, შეწუხებისათვის, მაგრამ ძველი

ნაცნობობა მამბედვინებს დახმარებისთვის მოგმართოთ... და მაშინ გადმომხედავდა მოწყალე თვალით?

„ჰაიტ, შე გლახა! იმას იკადრებს შადიმან შარანგია? ვერ მოგართვით, პატივემულო კუკური, ვერა! მე პირდაპირი კაცი ვარ — თვალი ხედვად მაქვს და ყური სმენად — გიცანი და მიგიხვდი, შენგან არაფერი სიკეთე გამოვა და ამიერიდან უარმიყვიხარ, წამიშლია შენი ნაცნობობა და მჭერა მალე „გიხილავენ თვალნი ჩემნი მიწაზე მლოდავს“.

ქოთქოთობდა, იმუქრებოდა და ილანძლებოდა ეპტრობის სამინისტროდან სასტუმროში დაბრუნებული შადიმან შარანგია და მასამაოდ ამშვიდებდა ძმისწული გოჩა.

— მე შენ გეტყვი შეუძლებელს ვითხოვ? ამიყვანე ერთი ადგილიდან და გადასვი მეორე ადგილზე, ა, ესაა სულ ჩემი თხოვნა! ისიც რესტორანია და ესეც რატომ არ მინდა ძველ ადგილზე ყოფნა. არ უნდა მკითხო? ჯერ გაიგე ჩემი გასაქირი და მერე მომაგე შენი ბრძნული პასუხი... „არა“, „არა“... სხვა სიტყვას ვერ ამოშაქრავს ამათი პირი! ესმის, კარგადაც ესმის შადიმანს თქვენისთანა ხალხის გასაგისი. მაგრამ უკაცრავად, პატივემულო კუკური, ჩემგან ნუ ელით იმას, რასაც სხვები მოგართმევენ!

მერე, თითქოს გული მოიოხა და თანდათან დამშვიდდა.

ხელ-პირი დაიბანა, პერანგი გამოიცვალა და ძმისწულთან ერთად რესტორანში ჩავიდა.

„საქართველოს“ დიდ დარბაზში ხალხი ცოტა იყო და არც ისე ცხელოდა.

— არისტოკრატია, ჩანს, ქალაქგარეთ სადილობს, — ჩაიბუბუნა შადიმანმა და თავზეწამომდგარ ოფიცინტს სადილი შეუტყვეთა.

— აი, ასეთი დარბაზი რომ მომცა ჩემს რესტორანში, მოგეცა ლხენა, ლხინი მექნება გაჩაღებული და სამინისტროს ერთიორად მე მოგებას მივართმევედი, მაგრამ საშველი არ დაადგა ჩემი რესტორნის რეკონსტრუქციას. რომელიღაც საპროექტო ორგანიზაცია აგერ ორი წელიწადია იღვწის რაიონული რესტორნებისათვის ტიპური პროექტის შესაქმნელად და ჯერ კიტი არ უჩანს იმ პროექტს და ღმერთმა უწყის, როგორი იქნება ის ტიპიური პროექტი. და განა აუცილებელია ყველა რაიონულ ცენტრში რესტორნის შენობა ერთნაირი იყოს? რომელმა ბრძენმა მოიაზრა ეს?

ოფიცინტმა სუფრა გააწყო. შადიმანმა ბორჯომის ბოთლს წაავლო ხელი, ორი ჭიქა ზედიზედ დალია, მერე ბიძამ და ძმისწულმა კონიაკი გადაჰკრეს და შადიმანმა სუფრის თამადად გოჩა დანიშნა.

— ორ კაცში თამადაობა? — გაიკვირეა გოჩამ.

— აუცილებელია, — დაიბუბუნა შადიმანმა, — სუფრაზე მარ-

ტოხელაც რომ იჯდე, თავისთავს უნდა უთამალო, აბა, სხვანაირად გაგონილა?

— მაშინ თქვენ...

— ახალგაზრდობიდანვე უნდა გაიწაფო. შენი ხნისა ქორწილში ვთამალობდი. შეუდექი!

გოჩამ ქიქები შეავსო. დანაყრდნენ, შადიმანმა დარბაზს მიმოავლო თვალი და ისევ ტიპურ პროექტს შეუტია.

— ფოთში და ხაშურში რესტორანისათვის ერთნაირი შენობის აგება ახლოსაა ჰკუასთან? არავითარ შემთხვევაში! ფოთში ზღვაა და ირგვლივ დავარდნილი დაბლობი, ზაფხული ცხელი და ზამთარი ღებლი, ამიტომაც ფოთის რესტორნის შენობა თეთრი და მსუბუქი უნდა იყოს, ზღვის სილურჯეში თეთრი შენობა თვალს ეთამაშება და გულს ახალისებს. წარმოდგინე ასეთივე თეთრი და მსუბუქი შენობა ხაშურში! ზაფხულში — ერთ კვირაში გაიმურება, ხოლო ზამთარში საყინულედ იქცევა და სულ უბრალო მიზეზის გამო: ფოთში ხალეკი კარბია და ჰაერი უმტკეროა, ხაშურში პირიქით... ფოთში ყინვა იშვიათად ორ-სამ გრადუსს თუ მიღწევს, ხაშურში კი ხანდახან თხუთმეტაც გადააქარბებს. გასაგებია ხომ? მაგრამ თამადა შენ ხარ თუ მე? თქვი ერთი სადღეგრძელო.

გოჩა ყასილად შეიშმუნა, ბიძასთან გრძობდა თავს უხერხულად, თორემ ამხანაგებში თავქეიფა იყო, და რაკი შადიმანმა წაათამაშა, ორკაციანი სუფრის თამადა ფეხზე წამოდგა.

— თქვენი თანხმობით ერთ სადღეგრძელოს ვიტყვი.

— მიბოძებია თანხმობა.

— ჩვენი მიწა-წყლის სადღეგრძელოს შევესვამ.

— რომელია ეს „ჩვენი მიწა-წყალი?“ — გამომწვევად თქვა შადიმანმა და თვალეში ჩახედა გოჩას.

— ითხვისი...

— სიცრუეა! სიცრუე და მეტი არაფერი! დიახ, თავს ვიტყუებთ ითხვისი რით არის შენი ან ჩემი? — როგორღაც გახელდა და აღეგზნო შადიმანი, ღვინით პირი გაისველა და ისევ შეუტია ძმისწულს.

— ჰო, რით არის ჩვენი ითხვისი? რა გვაქვს ითხვისში ჩვენ? სახლ-კარი? ბალ-ვენახი? საძოვრები? არა! არც სახლი გვიდგას, არც ბალ-ვენახი გვაქვს, არც საძოვრები და არც წისქვილი! შენ კი დაგიჩემებია — ჩემი ითხვისი, ჩემი მიწა-წყალი... გოჩა შარანგიას მიწა-წყალი სტუდენტთა კალაქია, რუსთაველისა და ჭავჭავაძის გამზირები, სპორტის სასახლე, სტადიონი, ვაკის პარკი და თბილისის კინოთეატრები... ჰო, ასეა ეს და შენ სიმართლე უნდა ილაპარაკო, ჩემო გოჩა. დაამთავრებ ახლა შენ უნივერსიტეტს და ითხვისში წახვალ? მეტი არაა ჩემი მტერი! ითხვისი თავისთვისაა, შენ კიდევ შენთვის,

ამიტომაც ითხვისი არაა შენი და არც შენ არსებობ ითხვისისათვის. ჩემი მიწა-წყალი? შადიმან შარანგიას მიწა-წყალი?

მცირე ხნით დადუმდა შადიმანი, თვალები მოჭუტა, ჩანდა რაღაცის გახსენებას ლამობდა, ხელისგულთ შუბლი მოისრისა, თვალები ფართოდ გააღო და ღიმილიანად, მაგრამ დამცინავად თქვა:

— შადიმან შარანგიას მიწა-წყალი ხერგას რესტორანია. დიხაც რომ ხერგას რესტორანია ჩემი ცა და ჩემი დედამიწა. ოცდაოთხი საათი რესტორანში ვტრიალებ. ითხვისი კი გალაქტიონ შარანგიამ დაისაკუთრა. გალაქტიონ შარანგიას კერა ღუის ითხვისში, იმისი ძროხა, ძოვს და მისი ძალღი ჰყევს, მაშ, გაუმარჯოს გალაქტიონ შარანგიას.

...შადიმანმა საათს დახედა, ოფიციალტი მოიხმო, ნახარჯი გადაიხადა, მერე ბიძა და ძმისწული ფაციფუცით აიჭრნენ სასტუმროს მეორე სართულზე, ჩემოდნები აიტაცეს და რკინიგზის სადგურისკენ გაქანდნენ.

მატარებლის წასვლას არაფერი უკლდა, როცა გოჩამ საერთაშორისო ვაგონის კუბეში ჩემოდნები შეალაგა და შადიმანს დაემშვიდობა.

— მადლობელი ვარ, — აბუბუნდა შადიმანი, — ძმისწული მკერდში ჩაიკრა, შუბლი და ლოყები დაუკოცნა, მერე უცებ გაშეშდა, ხელისგული შუბლზე იტკიცა და ფეთიანივით შესძახა:

— ბორჯომი! ბორჯომი, თორემ დაიღუპა ბიძაშენი, გოჩა!

ვაგონის ვიწრო ტალანი ხალხით იყო გაჭედილი და როცა გოჩამ ვაგონის კიბემდე მიაღწია, მატარებელი დაიძრა და გოჩას ბიძამ ხელახლა შემოირტყა ხელი შუბლზე, ოღონდ ახლა პირვანდელზე უფრო ძლიერად.

— მორჩომილია ჩემი საქმე, — ნაღელიანად თქვა შადიმანმა, ხელი ჩაიქნია, დაღონებული შევიდა კუბეში და ფანჯარასთან მიმჯდარი მგზავრი რომ დაინახა, რატომღაც უხერხულობა იგრძნო, მოუბოდიშა და მოშორებით დაჯდა.

— სუფრაზე ბორჯომის ორი ბოთლი იდგა.

— ინებეთ, ჯერ კიდევ ცივია, — ღიმილით თქვა რევაზმა და ბოთლი გაუწოდა.

— არავითარ შემთხვევაში! როგორ გეკადრებათ!

— ნუ გერიდებათ, მიირთვით!

— მაშინ მცხეთამდე! მცხეთამდე ვისახსოვრებ და მცხეთაში აუცილებლად ვაეაჩენ.

შადიმანმა ბოთლი აიღო და ხელისგულში მოიმწყვდია. ბოთლი ცივი იყო, ხელისგულიდან სიგრილე მთელ სხეულს სწრაფად მოედო და შადიმანს თვალები გაუბრწყინდა.

— რახან აგრეა, ვიცნობდეთ ერთმანეთს, — შადიმან შარანგია გახლავართ.

— რევაზ ჩაფიჩაძე, — ყრულ თქვა რევაზმა და შადიმანს ხელი ჩამოართვა.

„ჩაფიჩაძე? რევაზ ჩაფიჩაძე? გამიგონია, კი, ნამდვილად გამიგონია... ჩაფიჩაძე... რევაზ ჩაფიჩაძე“ — გულში რამდენჯერმე გაიმეორა შადიმანმა და მარცხენა ხელის საჩვენებელი და შუათითი შუბლზე ნელა შემოიტარა, ცდილობდა გაეხსენებინა, სად შეხვედრია რევაზ ჩაფიჩაძეს, მაგრამ ვერ იქნა და ვერ გაიხსენა.

— დალიეთ, თორემ ხელში შემოგათბებათ, — თქვა რევაზმა და შადიმანის შესათამამებლად მეორე ბოთლი თითონ მოიყუდა.

— ავაშენათ ღმერთმა, — კმაყოფილებით ამოთქვა შადიმანმა, როცა ბოთლი ნახევრამდე დაიყვანა.

— ასეთი წყალი გეშოვებოდეს და ღვინოს მიეძალო? სიგიჟეა, მარა ხანდახან ისე მოგიმწყვედევნ... ეპ, ცუდი ჩვეულება აქვს ზოგიერთ თამადას — არ მოგეშვება — დედას დაგაფიცებს, ცოლშვილს, მკვდარსა და ცოცხალს. მოიშველიებს და თავისას გაიტანს.

ბოთლი პირწმინდად გამოსცალა შადიმანმა, ერთი მაგრად ამოაბოყინა, გულმკერდი წინ წამოსწია, რაღაც ამოიხვნეშასავით და შეცბა. რევაზს მოუბოდიშა და თითქოს თავისგასამართლებლად განაგრძო:

— წუხელ, შემთხვევით ლხინში აღმოვჩნდი. ჩემი მეგობრის შვილის დაბადების დღე იყო... ჩემის აზრით, — ხმას აუწია შადიმანმა, — ეს უაზრობაა და სიმანინჯე. ჯერ რამე დაიმსახუროს ადამიანმა და მერე აღნიშნოს მისი დაბადების დღე, — დიახ... მაგრამ, მგონი, თავი შეგაწყინეთ და, მგონი, მცხეთას ვუახლოვდებით.

მატარებელმა ზაჭესის ხიღს გადაუქროლა. შადიმანმა ვაგონის გამყოლი გაიყოლია და მატარებლის გაჩერებისთანავე სადგურის რესტორანს მიაშურა.

ქუბეში მარტოდ დარჩენილმა რევაზმა თავი სავარძელს მიაყრდნო და თვალები მილულა.

...ვაკე. იმერეთის ქუჩა, უკვე შებინდებულა და ქუჩებში ლამპიონები აღნთიათ. რევაზ ჩაფიჩაძის სახლი კარდაკეტილია და ჩაბნელებული. მეზობელთა სახლები განათებულია, ფანჯრები ღიაა და სახლებში საღამოს სიგრილე იჭრება. იმერეთის ქუჩაზე მოაბიჯებს ჩაფიჩაძის ოჯახი. წინ რუსუდანი და სანდრო, უკან თათია და დარეჯანი. ჩემად, უხმაუროდ შედიან ეზოში. დარეჯანი და ბავშვები კიშკართან შეყოვნდებიან. რუსუდანი მძიმე ნაბიჯით აპყვა კიბეს. დაღლილია რუსუდანი, ისეთი დაღლილი, რომ კიბე ძლივს აათავა, კარი უხალისოდ გააღო, მერე სინათლე ჩართო და სახლი გალამაზდა, ჰო,



გაიცინა ჩაფიჩაძის სახლმა. რუსუდანმა ყველა ოთახი შემოიარა, ცხადია, მეუღლეს ეძებს და ვერ იპოვა. რუსუდანმა შუბლი შეიკრა და ჩაფიჩაძის სახლმაც მოიწყინა... სანდრო ფეხაკრეფით შევიდა რევაზის ოთახში და საწერ მაგიდაზე მიმოყრილ წიგნებს ალაგებს.

...მატარებელი შეჯანჯლარდა და რევაზ ჩაფიჩაძე გამოფხიზლდა. კუბეში მარტო აღმოჩნდა. მატარებელმა ძეგვის სადგურს ჩაუქროლა. რევაზი კუბედან გამოვიდა, ვერც ტალანში იპოვა შადიმანი და ხელი ჩაიქნია.

„ცხადია, მცხეთაში დარჩა შადიმანი და მის ბარგს ახლა შეუნდა ვუპატრონო. კიდევ კარგი, სახელი და გვარი ვიცი, მატარებლის უფროსს გამოვუძახებ, მას ჩავაბარებ ამ ჩემოდნებს და მერე პატრონი მოიძვეს, ერთ ბოთლ ბორჯომის წყალს გადაჰყვა პატივემული შადიმან შარანგია“.

კართან მიდგმული შარანგიას ჩემოდანი ზედ საწოლზე შემოდვა, სავარძელში ჩაჯდა და თვალები მიელულა თუ არა, ვაგონის კარი ჯახანით გაიღო და შადიმანის როხროხი შემოესმა.

— ხომ არ შემეშინდით, ბატონო რევაზ?

შადიმანი აღჭურვილი მოადგა კუბეს — მარჯვენა ხელში ძოხერხებულად ეჭირა ორი ბოთლი შამპანური, მარცხენა ილიაში ქალაღის კაი მოზრდილი პარკი მოემწყვდია, შარვლის ჯიბეებიდან კონიაკის და ბორჯომის ბოთლისთავეები იშვრებოდნენ.

— სადგურის დიქტორმა გვიღალატა, რევაზ ბატონო, — ისე ნაზად ჩაიფუჩუნა მიკროფონში, რომ რესტორანში არავის გაგვიგონია მისი ხმა. კიდევ კარგი, ვაგონის გამყოლმა იფხიზლა, მაშინათვე იგრძნო მატარებლის დაძვრა და გამოქეანდით, აქედან მგონი, ე, მესხეთე ვაგონს შემოვახტით. შემეშინდით, ბატონო რევაზ, არა? უნდა მაპატიოთ...

— მატარებლის უფროსის გამოძახებას ვაპირებდი.

— გამოუძახებლადაც გვეახლება მატარებლის უფროსი, იცის სადაც ვართ, აბა ერთი სუფრა გავაწყობ!

შადიმანმა ქალაღის პარკი მაგიდაზე დადო, შამპანურის, კონიაკისა და ბორჯომის ბოთლები საწოლზე ჩაამწყრივა და ტალანში გასძახა:

— ხომ არ მოგეშველოთ, ბატონო ნიკოლოზ?

— ა, მოვედი, — გაისმა კარზემომდგარი ვაგონის გამყოლის წვრალი, რკინიგზელისათვის გაბზარული ხმა და პატარა სუფრა მცხეთურმა ღვეზელმა, შებრაწულმა ვარიამ. თონის პურმა და წითელმა ბოლოკმა დაამშვენა.

— აბა ერთი შენებურად დამიტრიალდი, ბატონო ნიკოლოზ, — ფინაურულად უბრძანა შადიმანმა ვაგონის გამყოლს, — ჭიქები,

ორიოდე სუფთა თეფში, ერთი ნამღევა დანა მოგვიძიე და მერე შევეუდგეთ შენის ხელმძღვანელობით.

რევაზს როგორღაც არ ესიამოვნა ახალგაცნობილი შარანგიას ასეთი გულუხვი მასპინძლობა, სავარძლიდან უხალისოდ წამოდგა და ტალანში გავიდა.

უკვე საღამოს ბინდბუნდში მიჰქროდა მატარებელი და სოფელ-ქვეყანა მირაჟივით ჩანდა.

— რევაზ ბატონო, — კუპედან გაეხმიანა სუფრის გაწყობით გართული შადიმანი, — ცხონებული ზახარ ზახარიჩის ღვეზელის გემო გახსროვ?

— გამიგონია.

— გაგონება რა სახსენებელია! პირველი კურსის სტუდენტი გახლდით, ზახარ ზახარიჩის ღვეზელი რომ ვიგემე და მისი გემო, თუ დამიჭერებთ, ახლაც პირში მიტრიალებს! ოო, რანაირ ღვეზელს და რანაირ ნამცხვარს აცხობდა ზახარ ზახარიჩი, რა ხელი ჰქონდა მამაცხონებულს! ახლა ამ მცხეთურ ღვეზელსა და ნამცხვარს ზახარიჩისეული მხოლოდ ფორმა შერჩა, შინაარსი — კი ჰაიდაა, ფშიტ, — ზახარ ზახარიჩის სულს გაჰყვა... შემობრძანდით, რევაზ ბატონო, მგონი სუფრა გავაწყვე.

— მე სწორედ წამოსვლის წინ...

— როგორ იკადრებთ! — აბუბუნდა შადიმანი, — თანაც თქვენი ბორჯომია მიზეზი, იმან გამიხსნა მადა და ახლა მლაღატობთ?

შადიმან შარანგიამ რიდით, მაგრამ მაინც ძველი ნაცნობივით მკლავში წაავლო რევაზს ხელი, კუპეში შემოიყვანა და სუფრასთან დასვა.

— არ მეკითხებით, მარა ვიცი, — ენაწყლიანობს შადიმანი, — გაინტერესებთ ვინა ვარ მე, საიდან მოვდივარ და სად მივდივარ, — გრძელი ისტორიაა, მაგრამ თავს არ შეგაწყენთ და მოკლედ გეტყვი: თავდაპირველად ფილოსოფიამ გამიტაცა და ჩავუღრმავდი, მაგრამღაც ჩავუღრმავდი, მაგრამ საფუძვლიანად ვერაფერი გავუგე და მორჩილად დაუუკარი თავი. მერე ისტორიას წავეტანე, როგორღაც მომერგო და ისტორიის ფაქულტეტი დავამთავრე. სამი წელიწადი ვასწავლიდი სკოლაში ომების, მთავარსარდლების და მეფეების ისტორიას. მერე მოწაფეების ერთნაირმა შეკითხვებმა და კვალიფიკაციის ასამაღლებლად სემინარებზე სიარულმა ისტორია შემაძულა და ისტორიასაც უმდაბლესად დაუუკარი თავი... ახლა? არ გაიოცოთ კი, ახლა საზოგადოებრივ სმა-ჰამას ვემსახურები, რესტორნის დირექტორი ვახლავართ ხერგაში.

— საინტერესოა! — თქვა რევაზ ჩაფიჩაძემ და შადიმანს გაუღიმა.

— თქვენ გსურდათ გეთქვათ — საოცარია, არა, რევაზ ბატონო,

ნო? — ღიმილითვე მიუგო შარანგიამ, — ცხოვრებამ მოიტანა ასე. მართალია, ფილოსოფიას ბევრი ვერაფერი გავუგე, მაგრამ ფილოსოფიაში კირკიტმა ერთი უტყუარი აზრი შემავიწყმა — თუ გსურს იყო გონიერი, მოიქეცი ისე, როგორც ცხოვრება გიკარნახებს:

დაისახე სწორი სამოქმედო გეგმა.

ეცადე ილაპარაკო უშეცდომოდ.

და აკეთე სასარგებლო საქმე.

ვერ გეტყვით ეს შეგონება კანტისაა, ჰეგელის, თუ არისტოტელესი, ცხოვრებამ კი დამიდასტურა, რევაზ ბატონო, ამ შეგონების ჭეშმარიტება და ამჟამად მე ვაკეთებ იმას, რაც ცხოვრებამ მიკარნახა და რაც აუცილებელია ჩემი არსებობისთვის.. მიიჩნევით, ეს ვითომ, მცხეთური ნამცხვარი.

ვაგონის გამყოლმა თეფშები და ჭიქები მოიტანა.

— ერთი პრეზიდენტიც მიხმე, ჩემო ნიკოლაოზ, და გეგმას შესრულებულად ჩავითვლი, — დაიბუბუნა შადიმან შარანგიამ და ორ ჭიქაში კონიაკი ნახევრამდე დაასხა.

— ცოტათი აგრილდა, გადაეკრათ, რევაზ ბატონო!

ჭიქები შეაჯახუნეს და გადაჰკრეს.

შადიმანმა ვარია აქნა და ლამბაქზე დააწყო. ყველი, ნამცხვარი და პური რესტორნიდან წამოღებულ გამტკიცულ ქალაღზე დააღაგა, მერე ცივი ღიმილით შეავსო ჭიქები და ყელი გაიგრილეს.

კონიაკმა სახე აუჭარხლა რევაზ ჩაფიჩაძეს, თვალებიც აუციმციმდა და მორცხვობაც სადღაც გაქრა. ქათმის ბარკალი უბოდინშოდ აიღო და ნამცხვარსაც წაატანა ხელი.

შადიმანი გახალისდა და ისევ კონიაკი დაასხა ჭიქებში.

ჭიქები ისევ შეაჯახუნეს და გადაჰკრეს.

— ჰა, აგრილდა კი, დაილოცოს ჩვენი ქვეყანა! მგონი, გორში შევედივართ, რევაზ ბატონო, არა?

— კი, უფლისციხე გავიარეთ.

— ახლა ჩვენი ვაგონის გამყოლი რომ მოიზარებდეს და გორულ ატამს მოგვართმევდეს, სწორედ მისწრება იქნება... თუმცა ცოტა კი მოაბიჭეს, ზახარ ზახარიჩის ღვეზელისა არ იყოს, მარა სხვა კუთხის ატამს მაინც სჯობია.

რევაზი წამოდგა.

— არავითარ შემთხვევაში, — წამოიჭრა შადიმანი, ახლა თქვენ გორის სადგურში გინდათ ჩაბრძანდეთ და მობიჭებული ატამი იყიდოთ? რა ოხრად გვინდა? სიტყვამ მოიტანა, თორემ ხილი ავერ გვაქვს:

კუპეს მატარებლის უფროსი და ვაგონის გამყოლი მოადგენს.

— როგორც იქნა, — გადააბა სიტყვა შადიმანმა, — გაიცანით,

რევან ბატონო, ჩვენი მატარებლის პრეზიდენტი სამსონ გელაშვილი, — უეჭველში ხაშურელი, ეს კიდეც ჩემი თანამებრძოლი და ძმაკაცი ნიკოლაოზ გელაშვილი და ესეც უეჭველში ხაშურელი, ჭერჯერობით გამოურკვეველია, გელაშვილებმა და ხაშურმა გამოიგონეს რკინიგზა, თუ რკინიგზამ გამოიგონა ხაშური და გელაშვილები, მაგრამ ამ რთულ საკითხს ახლა მოვეშვათ... აქეთ, სამსონ ჩემო, აგერ ბატონ რევანის გვერდით დაბრძანდით, შენ კი დამიმშვენე მხარი, ჩემო ნიკოლაოზ, ა, ასე. დავსხედით ხომ? დავსხედით. ახლა თამადაობა ვთხოვთ პატივცემულ რევანს.

რევანი მიუხედა, შადიმანი ზრდილობისათვის სთავაზობდა თამადაობას, ზრდილობიანად იუარა და შადიმანი ხალისით შეუდგა „მოვალეობის აღსრულებას“.

— რახან აგრე ინებეთ, მოგემსახურებით, იმედი მაქვს, თუ შეეცდი, შემეშველებით და გამისწორებთ.

შადიმანმა თვალთ ანიშნა ნიკოლაოზს ღრიჭოდ დარჩენილი კარი მიხურეო, თვითონ ხელის ერთი დაკვრით ბოლომდე დასწია კუბეს ფანჯარა, მერე ჭიქები შეავსო, მოიბოდიშა — ფეხზე ვერ ავდგებო და საუსე ჭიქა შეათამაშა ხელში.

— უპირველესად ჩვენი დედულ-მამულის, ჩვენი ადგილის დედის, — საიდანაც სიყალბე შეიპარა შადიმანის ხმაში და შადიმანმა ჩაახველა და ხმა დაიბოხა, — დიახ, ჩვენი ადგილის დედის, ჩვენი კერიის სადღეგრძელოს შემოგთავაზებთ, მეგობრებო. ხანდახან სურვილი მომიარს, ეს ჩემი ქვეყანა მთებიან-ხევებიანა, წყლითა და ხმელით, ჩემი პატარა სოფელი, ჩემი სოფლის პატარა წისქვილი და მეწისქვილე გულში ჩავიკრა და ვიტერო, ვიტერო სიხარულის ცრემლით...

და შადიმან შარანგიას თვალეები აუცრემლდა.

მატარებელი რომელიდაც სადგურს უახლოვდებოდა და ნიკოლაოზი წამოიჭრა — წესის მიხედვით ყველაზე ბოლოს მე უნდა შესესვა სადღეგრძელოო, მაგრამ სწორედ წესი და დისციპლინა მაიძულებს წინ გაგისწოროთ, და თუმცა ჩვენს პატივცემულ შადიმანს მანცდამანც გულზე არ ახატია ხაშური და გელაშვილები, მე მაინც გელაშვილების და ხაშურის სადღეგრძელოს გეახლებით, რადგან ჩვენი დედულ-მამული ხაშურია და ჩვენ გელაშვილები გახლავართო.

შესვა. ქათმის კურტუმი აიტაცა და წავიდა.

შადიმანს არ ესიამოვნა ვაგონის გამყოლის ასეთი სითამამე, წარბები შეჭყარა და მატარებლის უფროსს ქუშად. გახედა.

პატივცემულ სამსონს პირი ღვეზელით გამოეტენა და მადიანად იცოხნებოდა.

— ახლა თქვენ შეგვაწიეთ სადღეგრძელო, ბატონო პრეზიდენტო!

— როგორც ნიკოშაო, — ქოშინით ამოთქვა სამსონმა და ღვინო დაუღებავი ლუქმის გადასაყლაპავად მოიშველია, ნელა, სვენებ-სვენებით შესვა, ყელი ჩაიწმინდა, მერე ისევ ღვეზელთ ამოივსო პირი, პატივცემული თამადისთვის კი ზედაც არ შეუხედა.

შადიმანს ცივი წყალი გადაესხა გულზე — ეს დედასადღეგრძელო როგორ გამიმასხრეს ამ გელაშვილებმაო და სამსონს დამცინავად გაუღიმა.

— შეგიძლიათ უფრო ნელიად მიირთვათ, ბატონო პრეზიდენტო! ვგონებ, არსად მიგვეჩქარება!

— თუ კაცი ხარ, ზედმეტ ხუმრობას მოეშვი, — გაცხარდა მატარებლის უფროსი, — არავითარი პრეზიდენტი მე არ გახლავართ და შენი დასაციინი არაფერი მჭირს! ეს პურმარილი თუ გენანება, სხვა სუფრიდან არ უნდა მოგეწყვიტეო და პატივცემული სამსონი ადგა, შამპანურით თვითონვე შეივსო ჭიქა და უწინდელივით სვენებ-სვენებით გამოსცალა, მკერდზე მიცვენილი ღვეზელის ნამცეცებ ხელისგულით მოიბერტყა, უღვაშებში ჩაღიმებით თითქოს რევანზ ჩაფიჩაძეს მოუბოდიშაო, კუპედან გავიდა და კარი ჭახუნით გაიხურა.

შადიმანი სახტად დარჩა. მოეჩვენა, თითქოს რევანზიც წამოდგომას აპირებდა.

— როგორმე მაპატიეთ, პატივცემულო რევანზ, ეს გაუზრდელნი ხალხი რომ გაწვიეთ სუფრაზე, — დღეს ხუმტურუკი აქვთ შემეჭდარი, თორემ... თორემ ადრე ასეთები არ იყვნენ! ისე პრეზიდენტი კი ჭამის გიჟია. უთუოდ ის მეორე სუფრა უფრო ხორაგიანია, ერთს მაგრა მოიბალახებს და მერე ბოდიშისათვის გვეახლება.

რევანზ ჩაფიჩაძე ადგა, სიბნელეში გახედა არემარეს, მერე შადიმანს გაუსწორა თვალი.

— თუ არ მიწყენთ, მე სოფელ ხემალალის სადღეგრძელოს შევსვამ.

— მაპატიეთ და ვერ მიგიხვდით, პატივცემულო რევანზ!

— ჩემი სოფლის სადღეგრძელო მინდა შევსვა, — თქვა რევანზმა.

— ხემალალია თქვენი სოფელი? თქვენ ხემალალში ცხოვრობთ?

და როცა რევანზმა თავი დაუქნია და ღიმილით უთხრა, სიმართლეს მოგახსენებთო, შადიმანმა როგორღაც მოახერხა ადგომა, გაოცებით ჩახედა თვალებში ჩაფიჩაძეს და ორივე ხელი თამამად დაადო მხრებზე.

— გამაგიჟებთ და ეგ არის! მეზობლები ვყოფილვართ, ყურის-მეზობლები, ერთი კერიის შვილები!

უფრო გათამამდა შადიმანი, მარჯვენა ხელი კისერზე შემოდო  
რევაზს, მიიზიდა და აკოცა.

— გავგიჟდი და ეგ არის! აგაშენათ ღმერთმა! მე ითხვისელი ვარ.  
მაშ სატეველაში ვიბანაწივით? სატეველაში ხელობდით? მიხარია,  
დიდად გამასარეთ, პატივცემულო რევაზ! მაშ ხემაღალს გაუმარჯოს,  
შევსევათ ხემაღალის სადღეგრძელო...

გახალისდა შადიმან შარანგია. სამსონისა და ნიკოლოზის მიერ  
ხელდანაკარები ღვეზელი, პურისა და ყველის ნამცეცები მოაქუჩა  
და ფანჯარაში ისროლა.

— მაშ, ხემაღლედი ბრძანებულხართ! მიხარია, დიდად გამასარეთ,  
საყვარელო რევაზ!

შადიმანმა ჭიქები შეავსო.

— ჩვენი მეზობლობის სადღეგრძელო შევსევათ, რევაზ ბატონო,  
ხემაღალისა და ითხვისის, ხემაღალსა და ითხვისს გაუმარჯოს!  
ღმერთო ჩემო, ყურისმეზობელი ბრძანებულხართ, მე კი ვინმე უცხო  
მეგონეთ. მაშ ხემაღალში მიემგზავრებით? დაგრჩათ რამე ხემაღალ-  
ში? გყავთ ვინმე?

— მამა მინდა მოვინახულო.

— ოო, როგორ გაიხარებს მოხუცი! ალექსანდრეო? ალექსანდრე  
ჩაფიჩაძე! ვიცი! დიახ, გამიგონია და ვიცი! აგაშენათ ღმერთმა,  
ალექსანდრე ჩაფიჩაძის შვილი ბრძანებულხართ.

შადიმანმა ისევ შეავსო ჭიქები.

— ეს ალექსანდრე ჩაფიჩაძეს გაუმარჯოს, ხემაღალის ხევისბერს,  
მის თეთრ წვერებს ვენაცვალე მე! ოო, როგორ გაიხარებს მოხუცი...

ხაშურში, თუ შადიმანს ვერწმუნებით, უთუოდ გელაშვილების  
პატივსაცემად, დიდხანს იდგა მატარებელი. მერე მაინც გაახსენდა  
ექსპრესი რომ იყო და დიდი სიჩქარით გაქანდა. ისე გაქანდა და გას-  
რიალდა, ლიხის სადგური აინუნშიაც არ ჩაავლო, ერთი გაბმულად  
კი მიაკვილა და წიფის გვირაბში შლეგივით შეეკარდა.

გვირაბის ნესტიანი სივრცლე და ხმაური შემოიჭრა კუბეში და  
და შადიმანმა ფანჯარა ნახევრად ასწია.

აკვანივით დაირწა ვაგონი და ამ რწევაში ჩაფიჩაძეს რული  
მოეკიდა.

კი, ნამდვილად მოეკიდა რული რევაზ ჩაფიჩაძეს და შადიმან შა-  
რანგია მოიქუფრა.

„ესეც დიდი ბედოვლათი ყოფილა: ჯერ ხაშურელმა გელაშვი-  
ლებმა წამიბილწეს სუფრა და ახლა ხემაღლეღმა ჩაფიჩაძემ დაუჯ-  
რა კვერი: დანაყრდნენ და მოსვეს. გელაშვილები გაიძურწნენ, ჩაფი-  
ჩაძე ცხვირწინ მიზის და თვლემს. ღირდა ამათთვის სუფრის გაშლა?  
ღირდა? აი დედასა, ქეიფის ლაზათი ამათ რა იცინა! ვინ თქვა ხაშუ-

რელი გელაშვილების ლხინი და ქეიფი? მაგრამ ხემაღლემა ჩაფი-  
ჩაძემაც კვერი რომ დაუკრა?“

აკვანივით ირწევა ვაგონი და რევან ჩაფიჩაძეს თავი ჩაუქინ-  
დრავს. შადიმანი იქუფრება და ბრაზდება, მაგრამ ხმას ვერ იღებს,  
მართალია; ხემაღლემა ჩაფიჩაძე, ყურისმეზობელი, ორივეს სატე-  
ველაზე უბანავნით, მაგრამ მაინც უცხოა მისთვის რევან ჩაფიჩაძე  
და შადიმანი გულს ასკდება. აი დედასა, ვინმე შადიმანის ტოლი იქ-  
დეს ჩაფიჩაძის ნაცვლად ასე თავჩაქინდრული? მარჯვენა ხელის  
საჩვენებელ და შუა თითს პირდაპირ შუბლში ატაკებდა შადიმანი.

— ეი, მამულიშვილო, ზრდილობიანად მოიქეცი, თორემ ამ გა-  
ქანებული მატარებლის ფანჯრიდან გისვრი! დიახ, სუფრას ნუ შეუ-  
რაცხყოფ შენი თვლემითა და ყვინთვითა, გამოაპაჭუნე თვალნი შენ-  
ნი და შემისვი მამულის სადღეგრძელო, გინდ ხემაღალი ადღეგრძე-  
ლე, გინდ ითხვისი, გინდ ლელვა და კოპიტნარი. ამას მოითხოვს  
ზრდილობა, მამულის სიყვარული, სუფრისა და თამადის პატივის-  
ცემა.

მაგრამ შადიმან შარანგია ხმას ვერ იღებს. მუნჯივითაა შადიმანი,  
რადგან უცხოა მისთვის ეს ყურისმეზობელი ჩაფიჩაძე... თეთრწვე-  
როსანი მამა კი უდღეგრძელა დიდის ამბით და ეგების შეცდა შა-  
დიმანი? ეგების ქოსაა ამ ხემაღლემა ჩაფიჩაძის მამა? არა, ნამ-  
დვილად გრძელი წვერი აქვს ალექსანდრე ჩაფიჩაძეს. აკი, როცა შა-  
დიმანმა წარმოთქვა — ალექსანდრეს გაუმარჯოს, მის თეთრ წვერს  
ვენაცვალო, მაშინ, სწორედ მაშინ გაიღლეა, ცრემლმა რევან ჩაფი-  
ჩაძის თვალში და ეს შეუმჩნეველი როდი დარჩა შადიმანს. ნამდვი-  
ლად გრძელი და თეთრი წვერი აქვს ალექსანდრე ჩაფიჩაძეს, კაი  
დაბერებულ თხასა ჰგავს თავისი თეთრი წვერითა, ხოლო მისი პირ-  
წმინდად გაპარსული ვაჟიშვილი აგერ შადიმანის პირისპირ ზის სა-  
ერთაშორისო ვაგონის კუბეში და უდიერად ყვინთავს და თვლემს.

შადიმანმა ფანჯარა ღრიკოდ დატოვა, პურმარილს გაზეთი გადა-  
აფარა, შამპანურის ნაკლულ ბოთლს თავი დაუცო და ფრთხილად  
წამოღვა. თქვენ ლოთი ხომ არ გგონიათ შადიმან შარანგია? შადი-  
მანს ლხინი უყვარს, ლაზათიანი სადღეგრძელოები, შეკამათება და  
შეხუმრება, ძველი და ძველისძველი ამბების გახსენება; მაშ, მოსა-  
უბრე და მომლხენი კაცია შადიმან შარანგია და ქეიფის ჩიგარიც  
ეგ გახლავთ... და რადგანაც რევან ჩაფიჩაძემ მამაპაპურად ჩათვლი-  
მა, შადიმან შარანგიამ ლხინი დამთავრებულად მიიჩნია და მშვი-  
დობით ბრძანდებოდეთ, ზედასაწოლზე როგორმე აბარგდება, დაწ-  
ვება და დაიძინებს. ძილინებისა პატივცემულ კარის მეზობელო.

შადიმანმა შეყვითლებული ზეწარი გაშალა, მუშტისოდენა ბა-

ლიშს მუთაჲად პორტფელი ამოუღო და მოსასვენებლად აბრძანებდა რომ დააპირა, რევაზ ჩაფიჩაძე გამოფხიზლდა.

— ძილი ნებისა, პატივცემულო შადიმან!

შადიმანი შეცბა.

— შეგონა გეძინათ. — დარცხვენით თქვა შადიმანმა.

— ფიქრმა გამიტაცა, მაპატიეთ.

ყურისმეზობელს არ სძინებია, ეტყობა, არც აპირებს დაძინებას და შადიმანი დაიძინებს? თქვენც არ მომიკვდეთ! ახლა ნახეთ, როგორ გახალისდება შადიმანი.

შადიმანმა ბოთლს საცობი ახადა და ჭიქები შეავსო.

— აწი არც ღირს დაძინება, — შემპარავად თქვა ჩაფიჩაძემ, — სულ ორიოდღე საათის გზა დაგვრჩა.

და შადიმანიც მანდ არის! ხეირიანად ჩათვლემას ვერც მოასწრებ და მატარებელი ხერგას მიაკივლებს. მართალი ბრძანებაა — არ ღირს დაძინება, მე შენ გეტყვი და ნიკოლაოზი დროზე გაგაღვიძებს? ელმავალი ცხვირს რომ შეჰყოფს სადგურში, მაშინ მოგიკაკუნებს. კარგად იცის შადიმანმა, ასე რატომ იქცევა პატივცემული ნიკოლაოზი, მაგრამ ვერ მოგართვით! შადიმან შარანგია ცარიელი ბოთლების მეტს არათერს დატოვებს კუბეში.

## თ ა ვ ი მ ე ს ა მ ე

ხერგას სადგურზე ნაცნობს ვერავის მოჰკრა თვალი თბილისიდან ჩამოსულმა ეკატერინემ. ვაგონის გამყოლი შეეშველა, ბარგი სადგურის მორიგეს მიიბარა და ქალაქში გავიდა.

რესტორანი „ულელტეხილი“ ღია იყო. გუშინდლიდან მოყოლებული, ხემსი არ გადასცდენია და რესტორანში შევიდა.

ცხელოდა. ვეებერთელა სასადილო დარბაზის ყველა ფანჯარა ღია იყო, მაგრამ ამ ღია ფანჯრებიდან ტალღა-ტალღად შემოსული ჰაერი ისეთი სქელი იყო, შეგეძლოთ მჭილში მოგემწყვდიათ და გავეწურათ.

მებუფეტე მოკრძალებით მიესალმა ეკატერინეს და ოფიცინტს გასძახა, სტუმარს მოხედეთო — და, როცა ეკატერინემ თქვა, რამე წვნიანი კერძი მომიტანეთო, მებუფეტე შეკრთა, გაოცებით შეხედა ეკატერინეს და სამზარეულოში გაიძურწა.

ყოფილმა მოწაფემ ხმაზე შეიცნო ეკატერინე. კი, ძალიან გამოცვლილა ქალბატონი ეკატერინე: გამხდარია, სახე ნაოკებს დაუღარავს, თმა სულ გასთეთრებია, მხრებშიაც მოხრილა. ხმა კი, ალერსიანი, თან ოდნავ მბრძანებლური, აღრინდელი შერჩენია. ეს ხმა



ოციოდე წლის წინ შთააგონებდა აბელ კიკნაველიძეს — შენ ნიჭიერი ყმაწვილი ხარ, ბეჯითობდი და წარმატებითაც დაამთავრე სკოლა. ახლა შენ თბილისში წახვალ, პოლიტექნიკურ ინსტიტუტში ისწავლი და ინჟინერი გახდები, გზისმშენებელი ინჟინერი... დაბრუნდები ხერგაში და ჯერ ხერგადან ხემალალში გამოიყვან გზატკეცილს, ამ ძველი გზის ნაკვალევზე კი არა, სატყველას ხეობიდან შემოიყვან გზატკეცილს ხემალალში, მდინარის ნაპირებს გამოაყოლებ, სატყველას ხან მარცხენა ნაპირს, ხან კი მარჯვენას... მერე? მერე ხემალალიდან ითხვისში გადაჰქიმავ გზატკეცილს, ითხვისიდან კლდეეთში, კლდეეთიდან ნიგვზიანში, ნიგვზიანიდან ხერგაში, და მორჩა: ყველა მთაგორიანი სოფელი გზატკეცილითაა დაკავშირებული ხერგასთან. ამ გზატკეცილებზე იქროლებენ ავტობუსები, მსუბუქი და საბარგო მანქანები, გადაიყვანენ მგზავრებს, გადაიტანენ ტვირთს. ხემალალიდან ხერგაში ჩაიტანენ ღვინოს და ყურძენს, ხილსა და ბოსტნეულს, ხორცსა და ყველს, აბრეშუმის პარკს, ხემალალში კი აგურსა და კრამიტს, ხორბალს და ფართლელს, წიგნებსა და ჟურნალ-გაზეთებს ამოგვიტანენ... ჰო, ეს გზატკეცილი, მთაგორიან სოფლებს ხერგას რომ აკავშირებს, აბელ კიკნაველიძემ გაიყვანა და ამიტომაც ლოცავენ მას ხემალღლეები, ითხვისელები, ნიგვზიანელები...

ჰოდა, ის ხმა, ალერსიანი და თან ოღნავ მბრძანებლური, ისევ რომ შემოიქნა აბელ კიკნაველიძეს, სული შეუტოკდა... აჰავაი, ხემალალის ვიწრო ბილიკით გზატკეცილზე ვერ გავიდა ხემალღელი ყმაწვილი. ვიწრო ბილიკმა ხერგას რესტორანში მოიყვანა აბელ კიკნაველიძე, ბუფეტში ჩააყენა, წინ სასწორი დაუდგა და ხელში ალესილი დანა მისცა.

ეუბნება მუშტარი აბელ კიკნაველიძეს: ორასი გრამი ძეხვი, ორასი გრამი ყველი, ორასი გრამი ჭატყველას კალმახი, ასი გრამი არაყი, ცოტა მწვანილი და... გამალებით მუშაობს აბელ კიკნაველიძის მარჯვენა: ძეხვს, კალმახს, ყველს, არაყს, მწვანილს მოხერხებულად დააკლებს ცოტ-ცოტას, შნოიანად, ქუჩუჩად დააწყობს თევშებზე, ეღიმღლება მუშტარს აბელი და ღამით შინ მიმავალს ჯიბე სქელი აქვს მოპარული ფულით.

...სამი წელიწადი ნაჭირავებ ბინაში ცხოვრობდა აბელ კიკნაველიძე, ერთი პატარა ოთახი ეჭირა რომელიღაც ხიდაშელის სახლში, მერე სამოსახლო ნაკვეთი ვითომ გამოიყუო ხერგას საბჭომ, ნაკვეთი რკინის ბადით შემოღობა, ხეხილი ჩაჰყარა და ორსართულიანი სახლი აიშენა აბელ კიკნაველიძემ. ცოლად რაიფინგანის რევიზორის ქალიშვილი შეირთო და ახლა აბელ კიკნაველიძეს სამი შვილი ჰყავს — არისტრახო, მთვარისა და გულსუნდა. მუსიკის და ინგლისურის მასწავლებელი შინ დაუდით კიკნაველიძის ბავშვებს:

არისტრახო ინგლისურს სწავლობს, მთვარისა და გულსუნდა — მუსიკას, აბელის მეუღლე სოფიკო — ინგლისურსაც და მუსიკასაც ეძალემა და აბელ კიკნაველიძის ოჯახი განათლებულად ცხოვრობს. ვახშმად აუცილებლად შემოივლის რომელიმე პატივცემული მეგობარი. აბელი ჯიგრიანად მოილხენს და მერე მოკვამა ჭირი — მთელი ღამე საბერველივით ქმენს, შფოთავს, გაუგებარ სიტყვებს წამოისვრის ხოლმე ძილში, ვილაცას ევედრება და ვილაც-ვილაცეებს ემუქრება. როცა ნამეტნავად აბორგდება აბელი, სოფიკო მოთმინებას ჰკარგავს და შეანჯღრევს.

— აკი გეუბნები, ამდენი არ დალიო, ეს ოხერი-მეთქი!

შიშნაკრავი აბელი თვალებს დააჰყუეტს და მიმოიხედავს.

— დალევა რა შუაშია, შე ქალო, რევიზორების დედა ვატირე მე!

— აბოდებ, სადაა რევიზორები?

— სიზმარში! სიზმარში და გინდა ამიცხადო? — შეუბღვერს მეუღლეს აბელი და თვალებს უფრო ფართოდ გაახელს.

— ნუ სულელობ! რევიზორები რად მინდა მე? დაიძინე, — დატუქსავს სოფიკო.

და აბელი ხვნეშით გადაბრუნდება, ზურგს შეაქცევს. პატივცემულ მეუღლეს, ცოტახანს იფხიზლებს და იყურებს და მერე ისევ აქმინდება, ისევ აბორგდება, ნამეტნავადაც აბორგდება, მაგრამ მეუღლე არ გამოაფხიზლებს. იცის, რატომაც ბორგავს. იყენენ სიზმარში რევიზორები! სოფიკო ადგება და შვილების ოთახს მიაშურებს. ბავშვებს მშვიდად სძინავთ. აბელ კიკნაველიძეს ძილს რომ უფრთხობენ, იმ რევიზორებს არ იცნობენ აბელის ბავშვები და უშფოთველად სძინავთ. სოფიკო კი იცნობს იმ რევიზორებს, ზოგი სოფიკოს მამის მეგობარი, ზოგი სოფიკოს მამის მეგობრის მეგობარი, ამიტომაც სოფიკოს არ ეშინია იმ რევიზორებისა... დღისით-მზისით, მაინცდამაინც არც აბელ კიკნაველიძეს ეშინია რევიზორებისა, მაგრამ შეღამებულზე, შინ ნაქურდალით რომ დაბრუნდება, ყუთში ჩამტკიცულ ფულს ახალს რომ მიუმატებს, საიდანლაც გამოხტება შიში, შეაძგერებს და დილამდე მონუსხულივითაა. ამიტომაც ვახშმად თუ ვინმე მოიხელოთა, შიშის შესაშინებლად ეძალემა ღვინოს აბელი, სოფიკოს კი ჰგონია, ღვინის სმა უყვარს ჩემს ვაჟკაცსო და საყვედურობს...

აპავია, ხემალაღის ვიწრო ბილიკმა მაინცდამაინც ხერგას რესტორანში მოიყვანა აბელ კიკნაველიძე. წინ სასწორი უდგას, ხელში ბასრი დანა უკავია, სკრის და წონის, ელიმილება და ატყუებს მუტარს; ბეჯითად შრომობს, ხანდახან მზარეულსაც წაეშველება: ჭრის ხახვს, თლის კარტოფილს, კეპავს ხორცს, რეცხავს და ასუფთავებს მწვანის.

ქალბატონ ეკატერინეს ხმამ, ალერსიანმა და თან ოღნავ მბრძანებლურმა, სული შეუტოკა აბელ კიკნაველიძეს, სამზარეულოში შეაგდო, კუთხეში მიაყუთა და მიაჯანდაბა.

...ცოტა დანაყრდა და სული მოითქვა, ბაზრისკენ მიძიმე ნაბიჯებით დაუყუა გზას.

მოხუცდა ქალბატონი ეკატერინე. ცხოვრების გრძელი და მძიმე ზღა გაიარა და მოიქანცა... ხემაღლის სკოლა დახურეს. პენსია დაუნიშნეს. არავითარი საბუთი, დახასიათება და წარდგინება არ მოუთხოვიათ. განათლების სამინისტრომ თვითონ მოუძადა საბუთები და საქმე იოლად მოგვარდა, ორივე ცნობა ერთად უბოძეს ეკატერინე ხიდაშელს. ცნობაში ხემაღლის სკოლის დახურვის მიზეზიც სწერია, — მოსწავლეთა სიმცირე... ეგებ მოსწავლეთა სიმცირე არაფერ შუაშია? დაბერდა ეკატერინე ხიდაშელი? დაბერდა. ამიტომ აუქმებენ ხემაღლის სკოლას? უსამართლობაა! ეკატერინე ხიდაშელი თვითონვე დაანებებს სკოლას თავს, ნუ გერიღებათ, გეთაყუა, აი, ინებეთ მისი ჭანცხადება, აიღეთ და წააწერეთ ჩვეულებრივი რეზოლუცია... ცოტა ხელი კი აუქანკალდა ეკატერინეს ამ განცხადების წერისას, გულიც მომეტებულად უცემდა, ცრემლმაც გამოჟონა თვალში, მაგრამ ეს არაფერია, ყურადღებას ნუ მიაქცევთ ამას, განცხადება ხომ თვითონ დაწერა? დიახაც რომ თვითონ დაწერა განცხადება, თქვენც დააკმაყოფილეთ მისი პირადი თხოვნა, მორჩა და გათავდა. სკოლა კი დარჩეს. თქვენ რომ ფიქრობთ, ხემაღლის სკოლაში არავინ მოისურვებს მუშაობასო, სიცრუეა! ქალბატონი ეკატერინე თვითონ იპოვის მასწავლებელს, ოღონდ თქვენ დანიშნეთ, იმ ახალგაზრდა მასწავლებელს ეკატერინე შეეშველება და გული საგულეს ექნება, თორემ ახლა გული დაკარგული აქვს ეკატერინეს: სკოლის დახურვის ბრძანება რომ უბოძეს ეკატერინე ხიდაშელს, წამიერად სინათლე გაუქრა თვალში და გული დაუმძიმდა, მერე გული საგულედან ამოვიდა, სხვა ადგილი მოძებნა ეკატერინეს გულმა და დღემდე ვერ უპოვნია; ხელით ვერ უპოვნია, გაუყუჩდება, დააყურადებს და გულის ხმა არ ესმის, და ამ სიცხეში არ სცხელა, ხილული ვერ შეუგრძენია, გაოგნებულა, მონუსხულა და დაპატარავებულა; ცალკეა ქვეყანა და ეკატერინე ცალკე. და ბინდბუნდად ზედავს — ხემაღლის სკოლაც ცალკე გამდგარა, ქიშკარი გადაურახავს, კარ-ფანჯარა ჩაუტეცია, ზარი ჩამოუხსნია და დუმილი დაუმკვიდრებია ირგვლივ.

და უგულოდ დადის ხერგას ქუჩებში ეკატერინე, ვერც ვერავის ზედავს და არც არავისი ესმის, თბილისიდან ხერგამდეც ასე განვლო გზა. მგზავრები ბაასობდნენ და ოხუნჯობდნენ, მერე ყველანი მილაგ-მოლაგდნენ, დაწვნენ და დაიძინეს, მარტო ეკატერინე ეჭდა

ლამეს დარაჯად, დაკარგულ გულს ეძებდა. ძებნაში შემოათენდა და ვერა და ვერ იპოვნა დაკარგული გული...

„რა დააშავა იმ მცირემ?“ იმ მცირეს მამა მოუკლეს ომში. ზოგიერთს დედა გაუთხოვდა, დიდებები უვლიან იმ მცირეს. ბაბუები დაატარებენ სკოლაში, ზღაპრებს უყვებიან, ართობენ და თვითონაც ერთობიან და აპაფი, ვილაცა ამხედრებულა. უკითხავად მომდგარა, ბოქლომი დაუღვია ხემაღალის სკოლისთვის და ლამობს წაშალოს ის მცირე“.

...ქუჩა გადაჭრა და ბაზარში შევიდა. ხალხს შეერია ეკატერინე. ვილაცას ეჩახება და ვილაცა ეჩახება. თუ გამოეცნაურება ვინმე, თორემ ვერაფერს ხედავს, არა, ხედვით კი ხედავს, ოღონდ ვერ ცნობს.

მემწვანილეთა დახლს ჩაუარა, არავინ გასცა ხმა. არც მაწვნის, ყველის და კვერცხის გამყიდველებმა გასცეს ხმა.

მერე გოკების ჭყვივლს გაენაპირა და როცა „მელვინეთა უბანს“ მიუახლოვდა, ნაცნობმა ხმამ დაუძახა: „ეკა!“

გულასპირის ხმა იყო.

და ნაცნობმა ხმამ უცებ აპოვნინა ეკატერინეს გული, თვალშიც უმაღ გამოახედა და ბაზრის ფერებიც ხილული გახდა: დაცვარული წიწმატი, წითელი და თეთრი ბოლოკი სოტოლია, გრძელი, ხარის რქასავით წაწვრილებული კიტრი, მუხიანის ჩაყვითლებული ნესვი, ვაშლი და მსხალი, საადრეო თეთრი ლელვი... ყველაფერი დაინახა ეკატერინემ, დაინახა და გული გაუხალისდა, ღიმილი შეაგება გულასპირ ჩაფიჩაძის ღიმილს, მხრებზე ხელი მოუთათუნა, თვალის ჩაუყრა — უჩემოდ ხომ არ მოიწყინეთ ხემაღალის ჭაბუკებმაო.

1

## ნაწილი მესამე

დიდი მკაბარიენის მოთხრობები

### I

დავამთავრე თბილისის სახელმწიფო უნივერსიტეტის ფილოლოგიური ფაკულტეტი. ჩამოვედი ხერგაში. განათლების განყოფილება. ლოდინი. განყოფილების გამგესთან დილით დაწყებულმა თათბირმა ხუთ საათამდე გასტანა: თუთუნის კვამლით გაგუდული ოთახი. გამგე

დადლილია, მაინც ხალისიანად მიმილო, ცივი ბორჯომიც კი შემომ-  
თავაზა. ვიჟარე. საქალაღდე გაშალა. ჩემი განცხადება. ეს განცხა-  
დება და წერილიც ერთი თვის წინ გამოვეუზზავნე თბილისიდან,  
ვთხოვდი, ჩემს სოფელში დავენიშნე მასწავლებლად.

— დანიშნებით ხერგას საშუალო სკოლაში, — მეცხრე და მეათე  
კლასში, — თქვა განყოფილების გამგემ და ამხედ-დამხედა.

— ჩემს სოფელში გთხოვდით, — ვთქვი მე და თავი დავხარე.

— თქვენ ხომ ლიტერატურის მასწავლებელი ხართ? — ხმამაღლა,  
გაჯავრებით თქვა გამგემ, ჩამქრალ პაპიროსს მოუქიდა და ადგა.

— დიახ.

— მერე?

პაუზა.

— ზურაბ ბარბაქაძე მოვხსნათ და თქვენ დავნიშნოთ? — დაცინ-  
ვით თქვა გამგემ და ისევე ამხედ-დამხედა.

— როგორ გეკადრებათ! — გავიოცე და გავწითლდი.

— ჰოღა, თუ არ გვეკადრება, დანიშნული ბრძანდებით ხარგას  
საშუალო სკოლაში, — დინჯად, დაყვავებით თქვა განყოფილების  
გამგემ და ხელი გამომიწოღა.

— მე მაინც ჩემს სოფელში წავალ, ხერგას სკოლაში შეგიძლიათ,  
სხვა დანიშნოთ! — ვთქვი მე და გამგეს გამოვემშვიდობე.

მე მამიღამ გამზარღა. ახლა მამიღაჩემი მარტოა, მეღოდება,  
თვალღ გზისკენ უჭირავს და მე ხერგაში დავრჩები?

„თქვენი ყოფიღი მასწავლებელი, პატივეცემული ზურაბღ მოვ-  
ხსნათ და მის ადგილზე თქვენ დავნიშნოთ?“ — დაცინვით თქვა  
განყოფილების გამგემ, სათვალე მოიხსნა და ამხედ-დამხედა, ჩაი-  
ღიმიღა. მას რომ დავენიშნე ზურაბ ბარბაქაძის ადგილზე, განა  
მე დავთანხმდებოდი? დავყაბულდებოდი? როგორ გეკადრებათ!  
პატივეცემული ზურაბღ ჩემი მარტო მასწავლებელი როღი იყო, ზუ-  
რაბღ ჩემი აღმზრდელია, პირვეღი კლასიღანვე მესიყვარულდებოღა...  
მერეღა, მე შემიძღია ზურაბღ შევეცვალღ? მოგისმენიათ თქვენ მისი  
გაკვეთიღები? თუ მოგისმენიათ, ვერასოღეს დავიღწყებთ. მე ზეპი-  
რად ვიციღდი რაფიელ. ერისთავის „სამშობღო ხევსურისა“, მაგრამ  
ბარბაქაძემ რომ წარმბრთქვა, „არ გავცვღი საღსა კღღებსა, უკვღა-  
ვებისა ხეზეღა“, სულ სხვა სამყარო გაიხსნა ჩემთვის და თვალწინ  
წარმომიღღა ლაღი და ძღღიერი, ძაღიან ძღღიერი აღამიანი, კღღესა-  
ვით მტკიცე და შეუბოვარი, განთიადისას ქარაფზე ჭიხვებს რომ დას-  
ღევს და არწიღებს ეყვიღლება. არა, ამ აღამიანს სხვათა ფუფუნებით  
ვერ დაახარბებ, მას თავდავიწყებით უყვარს კღღებზე მიშენებული  
პატარა სახღი, მთის ყვავიღები, წყაროების ჩქრიაღი, თოვღიან-

ყინულიანი ქედები, ზამთრის გრძელ ღამეებში კერიასთან ფუსფუსი, ფიქრი და შაირები.

„არ გავცვლი სალსა კლდეებსა უკვდავებისა ხეზედა“, — ისე ბუნებრივად და უშუალოდ ამბობს ზურაბ ბარბაქაძე, თითქოს მასვე დაეწეროს ეს ლექსი. ჰო, თითქოს მან იფიქრა და მანვე დაწერა და რაკილა დაწერა, გული გაიღალა, ფიქრი გაიმსუბუქა და დამშვიდებით ამოთქვა... „არ გავცვლი მე ჩემს სამშობლოს, სხვა ქვეყნის სამოთხეზედა“, — დაჭერებით ამბობს და მოსწავლეთა გულს შესძრავს.

არა, არასოდეს დამავიწყდება ზურაბ ბარბაქაძის გაკვეთილები ჰოდა, ჩემს სოფელში არ დამნიშნეს, მეც ხერგაში დანიშვნაზე უარი მოვახსენე და ხვალ დილით ხემაღალის გზას გავუდგები.

ხერგაში ნაცნობები მყვანან და ღამეს რომელიმე მათგანთან ვავათევ. რკინიგზის სადგურში გადავიღამებდი, მაგრამ მეშინია. ცდებიან ისინი, რომლებიც ფიქრობენ, თითქოს მარტო დედაქალაქში იყვნენ მოხულიგნო ახალგაზრდები. მე მეშინია მოხულიგნო ყმაწვილებისა და იძულებული ვარ მაინცდამაინც არც ისე ახლობელ ადამიანს ვეწვიო ღამის გასათევად, თუმცა ძალიან მერიდება. მართალია, უხერხულად რომ არ იგრძნოთ თავი, მასპინძელი ხალისიანად შემოგვეგებებათ, გადაკოცნით, ძალიან გამიხარდა თქვენი მოსვლაო, გეტყვით, — მურაბიან ჩაისაც კი დაგალევიებთ, გულში კი ფიქრობს — არც ისეთი ახლობელი და შინაური მყავხართ, ღამის გასათევად რომ მწვეოდით... ეგებ მე ვცდები, მაგრამ ასე ვფიქრობ და ახლა ბარათაშვილის ქუჩისკენ რომ მივდივარ, სადაც ჩემი ნაცნობი ქალიშვილი ცხოვრობს, ფეხი უკან მრჩება. მაინც მივდივარ, გასტრონომში ნამცხვარი ვიყიდე და მოსანამუსებლად მასპინძელთან მიმაქვს. როგორმე გადავიღამებ და დილაადრიან ხემაღალის გზას დავადგები, მამიდაჩემი მელოდება, თვალი გზისკენ უქირავს, ცოლო მამიდაჩემი.

ხერგაში მთავაზობენ სამსახურს... არა, ნუ გეშინია, არ დავეთანხმები, მე შენთან მოვდივარ. ხვალ საღამოს შენთან ვიქნები, მამი!

და მეორე დღეს, ადრიან დილით, ხემაღალის გზაზე მივდივარ. ჩემმა მასპინძელმა კალთა ჩამომგლიჯა, უსაუზმოდ არ გაგიშვებო, მაგრამ დავუსხლტი; წუხელ, კარის გაღებისთანავე, გაიოცა ჩემი სტუმრობა, მერე უხერხულობა იგრძნო და ზომაზე მეტად მოიძნია-რულა თავი, იმღერა და გიტარაზეც კი დატყრა, მაგრამ პირველი შეხვედრის სიცივე მაინც ვერ გააღზო. უხალისოდ ვივანშმე, დალილობა მოვიძიებზე და აღრე დავწეკი. მთელი ღამე უფოთიანად მეძინა.

და ახლა ხემაღალის გზაზე მივდივარ. ჭერ დილის რვა საათიც

არ არის და გზის მესამედი უკვე გამოვიარე. ჩემი ხვლჩანთა ცოტა მძიმეა, მაგრამ როგორღაც არ ვილღები. დიდი აღმართი დილის სიგრილეში ამოვიარე, ახლა გზა დობერებზე მიდის, ხანდახან თემ-შარას გადავუხვევ, ბილიკებით მივდივარ და 'გზას ვიმოკლებ.

...ეგებ გზა დამოკლდა? ეგებ დაპატარავდა გზა ხერგასა და ხე-მალალს შორის? აბა, ასე სწრაფად როგორ ვივლიდი! ამოდენა გზა აგრე დაუღლეღად? ჭერ მხოლოდ თორმეტი საათია და ჩემს სოფელს ვხედავ! სანისლეს ქედზე ვდგავარ და ხემაღალს ვხედავ! მართალია, აქედან ჭერ' შორსაა ჩემი სოფელი, შვიდი კილომეტრი მაინც იქნება ჩემს სოფლამდე, მაგრამ სანისლედან სატეველამდე დაკიდებული დაღმართია, სატეველადან კი პატარა აღმართს აივლით და ესეც ხემაღალი!

ვინმეს რომ ეთქვა, ხერგადან სანისლეს ქედამდე გზა აგრე სწრაფად და აგრე დაუღლეღად გავიარეო, არ დავუჭერებდი და ტრაბახად ჩამოვართმევდი, თურმე შესაძლებელი კი ყოფილა! ეგებ ჩემი საათი ტყუის? არა, საათი მუშაობს და საათიც რომ არ მუშაობდეს, მზეს შევხედოთ, მზე ნიგეზიანს ადგას თავზე და ჭერ საშუაღლეოზე არ მიუღწევია... ჰო, ვინმეს რომ ეთქვა, ამხელა მანძილი აგრე მალე და აგრე დაუღლეღად გამოვიარეო, არ დავუჭერებდი, ვიფიქრებდი, მეტრაბახებდა-მეთქი, — შესაძლებელი კი ყოფილა თურმე.

სანისლეს ქედიდან სოფელს რომ დავხედე, დაღლილობა ვიგრძენი, ბილიკს გადავუხვიე, თელას ჩრდილს შევეფარე და მოღზე დავჯექი.

ცოტას დავისვენებ და სატეველამდე სირბილ-სირბილ ჩავალ.

ჩრდილში მოღზე ვზივარ და ჩემს სოფელს დავყურებ. უბნებს ვარჩევ, შენობებს კი — ვერა. არა, ერთ შენობას ვიცნობ — ეს ჩვენი სკოლაა. ჩვენი სკოლის შენობა მთელს სოფელში ყველა შენობაზე დიდია. ხუთ წელიწადს აშენებდა სოფელი ამ სკოლას. მამიდაჩემმა პირველ კლასში რომ შემიყვანა, იმ წელს დაამთავრეს. ათი წელი ვსწავლობდი ამ სკოლაში, ხუთი წელი უნივერსიტეტში და ჩვენი სკოლის შენობა ახლა თხუთმეტი წლისაა... მაპატიეთ, შემეშალა. თხუთმეტისა კი არა, ჩვიდმეტისაა; სკოლა რომ დავამთავრე, იმავე წელს ვცადე უნივერსიტეტში შესვლა, მაგრამ ისტორიასა და მათემატიკაში ჩავიჭერი. თუ ფილოლოგიის ფაკულტეტზე შედიოდი, მათემატიკა რა შუაშიაო, შეიძლება იკითხოს ვინმემ. იმ დროს ასე იყო. ბევრ საგანში გამოიცდებოდნენ უნივერსიტეტში შემსვლელნი; ჰოდა, მე ისტორიაში და მათემატიკაში ჩავიჭერი. დაღონებული და იმედგაცრუებული დავბრუნდი სოფელში. მამიდაჩემმა მოისირცხვილა, წყენით კი არ იწყინა, გამამხნევა და მომიბოდიშა, დამხმარე ვერავინ შეგიგულე, უნივერსიტეტში მოხვედრა იოლი როდია, იქ

დიდი პროტექცია და მფარველობა ტრიალებსო. ეს არ იყო მართალი. მათემატიკაში სამი მაგალითიდან ვერცერთი ვერ ამოეხსენო, ისტორიაში სამი კითხვიდან მხოლოდ ერთზე ვუპასუხე და ჩაიქერი. ჩაიქერი და გულგატეხილი ჩამოვბრუნდი სოფელში. ახლა ვერ გეტყვით, მაშინ კი, როცა მე ვაბარებდი გამოცდებს უნივერსიტეტში. მფარველობა და პროტექცია არც ისე ძლიერი იყო... შევშინდი და ვირწმუნე, უნივერსიტეტში ვერასოდეს შევალ-მეთქი და ბედს შეეურიგდი, ვიცხოვრებ სოფელში, გაიღის დრო, ვინმეს შევუყვარდები, ან მე შევიყვარებ ვინმეს, გავთხოვდები, გავაჩინე შეილებს, შეილებისა და ქმრის მოვლაში გავატარებ ჩემს წუთისოფელს-მეთქი.

მაშიდა პელაგია კი მამხნევებდა, რას მიქვია გულის გატეხაო, მათემატიკაში ერთი სამი თვე გულასპირთან წაიმეცადინებ (მაშინ გულასპირ ჩაფიჩაქე კოლმეურნეობის ბუღალტერი იყო), ისტორიას შენ თვითონ გაიმეორებ და გაისად აუცილებლად შეხვალ უნივერსიტეტშიო.

...სოფლის საბჭოში დამიბარეს, კულტმუშაკის ადგილი მაქვსო, მითხრა საბჭოს თავმჯდომარემ. საქმე დიდი არაფერია, ყურნალ-გაზეთებს გააერცელებ მოსახლეობაში და დღესასწაულზე კედლის გაზეთს დამიწერო, სხვა თუ რამეს მოიმოქმედებ, ნება შენიაო.

დაეთანხმდი. საქმე თავსაყარი აღმოჩნდა. ყველაზე უფრო კინომ გამიქირა საქმე. ზაფხულსა და შემოდგომაზე ხერგადან თვეში ორხელ უნდა გვწვეოდა კინო-მანქანა. თვეში ორხელ კი არა, ორ თვეში ერთხელ ძლიეს ამობობდებოდა, იყო გაუთავებელი რეკვა და მიმოწერა, ცხენითაც ბევრჯერ ჩავსულვარ ხერგაში, მაგრამ საქმეს არაფერი შეელოდა: კინოზე ნაკლები ჰირი არც კედლის გაზეთი გამოდგა. დღესასწაულებზე თავისთავად, სათარილო კედლის გაზეთის დაწერა არც ისე ანელია, საკამპანიო კედლის გაზეთებია უბედურება. თესვა, მარგვლა, ჰირნახულის აღება, სილოსის დამზადება, ხორცის, ყველის, კვერცხის დამზადების გეგმების შესრულება (ყოველ კვარტალურად), სასოფლო საბჭოს მუდმივმომქმედი კომისიების მუშაობა, სასწავლო წლისათვის მზადება და კიდევ მრავალზე მრავალი საქირბოროტო საქმე.

ყოველდღე ვაგროვებ ცნობებს წერილებისათვის, მერე გვიან ღამემდე ვზივარ საბჭოს შენობაში და ვწერ წერილებს კედლის გაზეთის მორიგი ნომრისათვის. და ჩემს წერილებზე ხან საბჭოს თავმჯდომარის ხელმოწერაა, ხან კოლმეურნეობის თავმჯდომარის, ბრიგადირებისა და რიგითი კოლმეურნეებისა.

ვაგროვებ მასალებს, ვწერ წერილებს, გამოდის „ხემაღალის სხივის“ ახალ-ახალი ნომრები, კითხვით კი ცოტა ვინმე თუ კითხუ-



ლობს. გაზეთის მთავარი რედაქტორი საბჭოს თავმჯდომარე გახლავთ. თავმჯდომარე კმაყოფილი იყო ჩემი მუშაობით, ერთხელ სოფლის საერთო კრებაზე დიდად შემაქო, მერე კი სრულიად მოულოდნელად წავიკიდენით.

კვირა დღე იყო და შინ ვიყავი. საღამოხანზე საბჭოს თავმჯდომარემ ჭიშკართან მოაგდო ცხენი და დამიძახა. მამიდაჩემი შეეპატრეა, მაგრამ თავმჯდომარე არც კი ჩამოქვეითდა. სასწრაფო საქმე მაქვს ეკასთანო. ვეახლე. ალწილი იყო. ცოტა ნასვამი მეჩვენა. მამიდაჩემი დაითხოვა — ეკასთან საიღუმლო საქმე მაქვსო. მამიდაჩემი სახლში შევიდა, თავმჯდომარე ცხენიდან ჩამოხტა და ღვინის სუნი მეცა. შარვლის ჩიბიდან ქალაღდების ბლუჯა ამოიღო, გარშემო მიმოიხედა და ხმადაბლა, ჩურჩულით მითხრა, — ეს საბუთებია და ყველაფერი ნათელია, ის ოხერგამწყრალი ფერმის გამგე მთავრობას და ხალხს ატყუებს, რძისა და ყველის დამზადების გეგმას არ ასრულებს, ყველს კი ნამდვილად ჰყიდის ბაზარში და ფულს იჭიბავს. დამზადების გეგმა ერთობ დიდიაო, ფერმის ძროხები ამდენს ვერ მოიწველიანო, საიდან გავაჩინო ამდენი რძე და ყველიო, ხედავ, რა ოხრობას სჩადის ეს ღმერთგამწყრალი! ეს მწყემსების წერილებია, დაჯექი და ამაღამვე დამიწერე კედლის გაზეთი, ოღონდ ორ ცალად, ერთს საბჭოში გავაკრავთ, ერთსაც ჩემი ხელით წავიღებ ფერმაში და მე ვიცი, რასაც ვიზამ, გულა-ნაზადს აუუკრავ მაგ ქურდსა და გათახსირებულს, დავაჭვრინებ და ციხეში ჩავსვამ, ღმერთიც ვერ უშვებს.

თავმჯდომარე სხაპასხუპით, ალღევებით და ქადილით ლაპარაკობდა. მწყემსების წერილები ხელიდან ხელში გადაჰქონდა, მერე გადათვალა. ცხრა ქალაღდი იყო და ცხრავე გადმომცა. ოღონდ ამაღამ იმუშავე და მერე თუნდაც ერთი კვირა დაისვენეო, მითხრა, ცხენს შეახტა და გაჰქუსლა.

ის ღამე მამიდაჩემმა და მე თეთრად გავათენეთ და დილისათვის კედლის გაზეთის ორი ცალი მზად იყო.

თავმჯდომარე საბჭოში გვიან მოვიდა, თერთმეტი საათი იქნებოდა. კარგად გამოეძინა, ჩინებულ გუნებაზე იყო და იღიმებოდა.

— რაო, ეკა, ახალი არაფერია? რაიონიდან ხომ არავის დაურეკია?

მე კედლის გაზეთი დავუფინე მაგიდაზე.

გაკვირვებით ამომხედა.

— ჰოო, მართლა, ყოჩაღ შენ! — უხალისოდ, გაჭიანურებულად თქვა და გაზეთის კითხვა დაიწყო.

თავმჯდომარის ღიმილიანი სახე თანდათან მოიღრუბლა.

— ნამეტანია, ეკა! — თქვა და ამოიხვნეშა.

— ნამეტანი? — გაეიოცე მე. — ეს ხომ მწყემსების წერილებია, მე მხოლოდ ენა გავასწორე, ისიც აქა-იქ!

— აზრიც უნდა გაგესწორებია! — გადაჭრით თქვა. თავმჯდომარემ და თვალი გამისწორა.

— აზრიც? ეს ხომ მწყემსების წერილებია და ხელსაც ისინი აწერენ.

— დიდი ამბავი, მწყემსები! მერე რა, რომ მწყემსები არიან? ცუდად ცხოვრობენ? უკმაყოფილონი არიან ფერმის გამგისა? ფერმის გამგე აკონტროლებს და ბევრს ვერ იპარავენ? ამიტომ ფერმის გამგე ცუდი კაციო, ამტკიცებენ და ქურდობას მასვე აბრალებენ: ვერ არის აწყობილი საქმე, ეკა!

სახტად დავრჩი და ვერაფერი ვთქვი.

— ეს წერილები, მართალია, მე მოგიტანე, მაგრამ ის გიუი მწყემსები ასეთ სისაძაგლეს თუ წერდნენ, არ ვიცი. პირდაპირ გვეუბნებიან — ჩვენი ფერმის გამგე ქურდია, ხელი სტაცეთ და დაიჭრეთო. ერთი ამათ დამიხედეთ! ნამეტანია! ვერა, ამას ვერ ჩავიდნენ, — თქვა თავმჯდომარემ, ირონიულად ამხედ-დამხედა, გაზეთი ოთხად გაკეცა, მაგიდის უჯრაში ჩადო და დაუმატა, — ვითომ ეს გაზეთი არ გამოგვიშვია, ეკა!

მე დაღლილობა მოვიმიჯნე და შინ წამოვედი.

ის იყო და ის.

სოფლის საბჭოში მერე არ მივსულვარ.

მეორე დღეს მამიდაჩემმა გულასპირ ჩაფიჩაძესთან მიმიყვანა.

— მათემატიკას ისე შეგასწავლი, არა თუ გამოცდას ჩააბარებ, შენს საყვარელ ლიტერატურას შეიძლებ და მათემატიკას შეიყვარებო, — ღიმილით მითხრა ჩაფიჩაძემ და პირველსავე დღეს თავის თანაშემწედ დამნიშნა. — ბარე ერთი წელია, ამ ადგილს შენთვის ვინახავდიო, — ყურში ჩამიჩურჩულა. ვითომ არავინ გაიგონოსო და თვალი ჩამიკრა.

— თვეში ოცდახუთი შრომადღე დაგეწერება, ცოტაა? — თქვა გულასპირმა და გამომცდელად შემომხედა. როგორ გეკადრებათ, მაგრამ მეშინია-მეთქი.

— შიში? საშიში არაფერია, ასამდე ანგარიში ხომ იციო, ირონიულად მკითხა, ვიცი-მეთქი, მიამიტად ვუბასუხე. ჰოდა, ასამდე ანგარიში თუ იცი, საქმე წინ გექონია გაგდებული, ნახავ, ჩვენს ბაღანებს როგორ მწყერსაც შეეუწვავთო.

შემწვარი მწყერისა ვერაფერს მივხვდი და გავუღიმიე.

— ჰოდა, დავიწყობთ! — საქმიანი კილოთი თქვა გულასპირმა.

ოთახში მეორე მაგიდა შემოატანინა და თავის მაგიდასთან ახლოს ფანჯარასთან დაადგმევინა. ეს შენი მაგიდააო, მითხრა, მერე

კარადა გააღო, კარადიდან ორი დიდი დავთარი გამოიღო და ჩემს მაგიდაზე დადო. დაბრძანდით, მითხრა და თავისი სკამიც ჩემს მაგიდას შემოუდგა.

— მაშ ასე, — დინჯად თქვა გულასპირმა, — ეს ორი ტომი ჩენი კოლმეურნეობის კარაბადინია. ავიღოთ ტომი პირველი. ამ ტომში კოლმეურნეთა საერთო სიაა, მაგრამ ეს უბრალო სია არ გახლავთ. გადავშალოთ მეექვსე გვერდი, — და გულასპირმა კარაბადინის მეექვსე გვერდი გადამაშლევინა. ნახე ნომერი ცხრა. ვნახე. წამიკითხე. ვკითხულობ:

1. გურგენიძე ხარიტონ ალექსანდრეს ძე.

დაბადების წელი — 1903.

2. გურგენიძე ძუტა — მისი მეუღლე.

დაბადების წელი — 1912.

3. გურგენიძე ალმასხან. — ამათი შვილი.

დაბადების წელი — 1934.

— ახლა ჩამი წამიკითხე, — თქვა გულასპირმა და ფანქარი მოიმარჯვა:

ვკითხულობ ჩამს:  $3-2=1$ .

— ხარიტონი მიმტკიცებს, — ჩაიქირქილა გულასპირმა. — ჩემს ცოლზე სამი წლითა ვარ უფროსიო, აგერ არ მიწერია კარაბადინში პატივცემული ხარიტონი ბარე ცხრა წლით უსწრებს თავის მეუღლეს. ახლა მეორე ტომის მეექვსე გვერდი გადავშალო!

მეორე ტომის მეექვსე გვერდი გადავშალო.

— ნახე ნომერი ცხრა და წამიკითხე.

მეცხრე ნომერს თითი. დავადე და ვკითხულობ: გურგენიძე ხარიტონ ალექსანდრეს ძე:  $3-2=1+190$ .

— გავშიფროთ ახლა, — თქვა გულასპირმა და გაშიფრა: — კოლმეურნეობის წევრთა საერთო დავთარში ხარიტონ გურგენიძის რიგითი ნომერია ცხრა, მისი ოჯახი შედგება სამი წევრისაგან, ოჯახის სამი-წევრიდან შრომისუნარიანია ერთი, ამ შემთხვევაში კონკრეტულად თვითონ ხარიტონი. მართალია, ხარიტონ გურგენიძის მეუღლე ძუტა ჩანმრთელია, მაგრამ მას მცირეწლოვანი შვილი ჰყავს, არც თვითონ და, თავისთავად ცხადია, არც მისი შვილი, ჯერჯერობით შრომისუნარიანად არ ჩაითვლებიან.  $3-2=1+190$  და კოლმეურნეობის ამ ერთმა შრომისუნარიანმა წევრმა, ამ შემთხვევაში კონკრეტულად ხარიტონ გურგენიძემ, ასოთხმოცდაათი შრომადლე გამოიმუშავა. ბარაქალა ხარიტონ გურგენიძეს! ცოტას წლოვანებაში მატყუებს პატივცემული ხარიტონი, მაგრამ შრომისმოყვარეა და ვაპატიოთ. აი ასე, ყველა კოლწევრის ასავალდასავალი ასე დაწერილობით მიწერია ჩემს კარაბადინში. გადაიკითხე, გადაიკითხე კი არა,

შეისწავლე, დაწვრილებითაც შეისწავლე! ხალხის შესწავლაა ძნელი, თორემ მათემატიკა? ფიქრიც ნუ გექნება!

ორი წელი ვიმუშავე გულასპირ ჩაფიჩაძესთან. სამსახურში მისვლა მიხაროდა, ჭშირად გვიან ღამემდე ვრჩებოდი კოლმეურნეობის კანტორაში და მაინც მიხაროდა. თუ გულასპირიც კანტორაში იყო, დრო შეუმჩნევლად გადიოდა, ხალისიანი და აკარგიანი ყველას გვიყვარდა. თავისი საქმე ხომ ძირისძირობამდე იცოდა, მეზობელ სოფლებში იწვევდნენ საკონსულტაციოდ, ერთხელ ხერვას რაიმიწვანმაც მაგრად მოუღვა ფეხი — სარევიზიო ჯგუფის ხელმძღვანელად ნიშნავდა, მაგრამ გულასპირი თავის სოფელს როგორ დატოვებდა!

ძალიან შევეჩვიე, თვითონაც მიმიშინაურა, სულ ხუთი-ექვსი წლით იყო ჩემზე უფროსი და მამასავით მექცეოდა, როცა გულასპირი კანტორაში არ იყო, ყურებჩამოყრილები ვიყავით. გარეგარე სიარული კი არ აკლდა. საქმე ცალკე და ლხინი ცალკე. ნიშნობა, ქორწილი, დღეობები. ამას სოფელში რა გამოღვეს და სადაც ლხინი იყო, გულასპირ ჩაფიჩაძეც იქ გახლდათ.

...თუ არ ვცდები, ითხვისელმა შარანგიამ ხემაღალელი კონდრატე ჭინორიძის ქალი შეირთო ცოლად. საერთოდ ასეა — ხემაღალელი ქალიშვილები ითხვისელ ვაჟებზე თხოვდებიან, ითხვისელი ქალიშვილები კი ხემაღალელ ვაჟებზე... იმ ქორწილში თამადად გულასპირი იყო და სიძის მაყრებს შავი დღე გაუთენა. ითხვისელები დაექადნენ, ვნახოთ, ითხვისიდან როგორ გამოალწვეო და დანაქადი შეუსრულეს. ქორწილის მეორე დღეს მთელი მაყრიონი ამობრუნდა ხემაღალში, გულასპირი კი ვერა. ხვალ ამოვაო, მითხრა კოლმეურნეობის თავმჯდომარემ, ცოტა შეუძლოდ შეიქნა და მოსვენება ირჩიაო.

არც მეორე დღეს გამოჩენილა გულასპირი. მესამე დღეც მიიღია და ის იყო, კანტორას ვეეტავდი, ორი უცხო კაცი გამომეცხადა და გულასპირი იკითხეს. კოლმეურნეობის საქმეზე ითხვისში წავიდა-მეთქი, — ვიცრუე. ხვალ დილით აუცილებლად დაგვხვდესო, — თქვა ერთმა. — თუ ფიქრობთ, არ ჩამოვა, კაცი გაუგზავნეთო, — დაუმატა მეორემ. რატომღაც შევშინდი. თქვენ ვინ ბრძანდებით და რა საქმეზე ხართ მოსული-მეთქი, — ცოტა მკვახედ ვკითხე. — რაიმიწვანის რევიზორები ვართ, ჩაფიჩაძე დილით კანტორაში დაგვხვდესო, — მკვახედვე მომიგეს და წავიდნენ.

თავმჯდომარეს ვაცნობე. თავმჯდომარემ კოლმეურნეობის დარაჯი ცხენით აფრინა გულასპირთან. დილით ითხვისიდან მარტო დარაჯი ამოვიდა. მაგ პატიოსან და პატივსაცემ ადამიანებს მოახსენეთო, შემოგვითვალა გულასპირმა, თუ აუცილებელი საქმე აქვთ და ჩემი ნახვა სურთ, დაძელოდნენო, მე ბარე სამ დღეს ვერ ამოვალო, თუ

საბუთები გთხოვთ, ყველა საბუთი უჩვენეთ, ყველაფერი უკრავთაო.

დილით რევიზორები მოვიდნენ.

— გულასპირი შეიძლება ზეგამდე ვერ ჩამოვიდეს, მის მაგივრობას მე გაგიწევთ. — ვთქვი და რევიზორები თავმჯდომარის ოთახში შევიწვიე.

ჯერ შეყოყმანდნენ, მერე გადაქრით თქვეს, გულასპირს დაველოდებითო და მთელი დღე იჯდნენ კანტორაში. თავმჯდომარემ ვახშმად მიიწვია, როგორ შეგაწუხებთო, გულცივად თქვეს და ჯინორიქეთა უბანში წავიდნენ. თავმჯდომარემ იცოდა, ერთ-ერთი რევიზორი აღმასხან ჯინორიქეს ენათესავებოდა და ამიტომაც კალთა არ ჩამოუტვლია.

მეოთხე დღეს, კარგად მახსოვს, ხუთშაბათი იყო, ნაშუადღევზე გულასპირმა შილიფად შემოიარა კანტორაში და რევიზორებიც იქ დახვდნენ. ემცხეთა, მიხვდა, რევიზორები რომ იყვნენ, მაგრამ განგებ სხვა ხალხად შეიცნო. მისალმებისთანავე დაიბუბუნა, როგორაა ჩვენი რაიკომი და ალექსანდრეო (მაშინ ხერგას რაიკომის პირველი მდივანი ალექსანდრე ლორთქიფანიძე გახლდათ), მაგარი ხალხი ხართ, ამდენი ახალ-ახალი საქმეები რომ დაატრიალეთ ჩვენს რაიკონშიო. რაიკომის თავმჯდომარე რაიკომის მდივანზე უფრო შინაურულად მოიკითხა, ხერგას რევიზორის სადგურის რეკონსტრუქციის გეგმა თუ დაგვიმტკიცეს მოსკოვშიო, მე რომ მკითხვით, სადგური მთლიანადაა ასაღები, მარტო რეკონსტრუქცია ვერაფერს უშველისო. მერე ამერიკისა და ინგლისის იმპერიალიზმს შემოჰკრა წკიბურტი გულასპირმა, ამერიკელები და ინგლისელები ორპირი ხალხია, მართალია, ამერიკელებს ორპირობა ინგლისელებმა ასწავლეს; მაგრამ ახლა მუხანათობასა და ორპირობაში ამერიკამ ინგლისს გაუსწროო...

ოდნავ შეყოვნდა და ქალაქის ფურცელი გამომიწოდა. გამოვართვი. ვკითხულობ: „მეგონა ეს ოხრები წასული იყვნენ, თორემ რა სიკვდილი მომიყვანდა? შედი თავმჯდომარის ოთახში, ტელეფონი გამორთე, შემოდი და ხმამალლა მითხარი, რაიკომის პირველი მდივანი ტელეფონთან გთხოვს-თქო. იცოდე, ხმამალლა თქვი. თავმჯდომარის ოთახის კარი ღიად დატოვე“.

თხოვნა შევუსრულე.

გულასპირი დინჯად ადგა, სტუმრებს მოუბოდიშა, თავმჯდომარის ოთახში შევიდა და ჩაახველა.

— გამარჯობათ, ამხანაგო ალექსანდრე. გულასპირი განლაგართ. არა გვიშავს, ვართ რაიკომის წყალობით! თქვენ ხომ კარგად?

პაუზა.

— ოჯახში? ოო, ღმერთმა გაგახარათ! მოგილოცავთ, სულით და გულით მოგილოცავთ, ჩემო ალექსანდრე. დიდებული საქმეა, ნამდვილად დიდებული, საშვილიშვილო!

პაუზა.

— აუცილებლად ჩამოვალ! როგორ გეკადრებათ, როგორმე გამოეძებნი ღროს და აუცილებლად ჩამოვალ, პირადად მოგილოცავთ.

პაუზა.

— კარგად, ძალიან კარგად მიდის.

ხანგრძლივი პაუზა.

— ოო, ცუდად! მიზეზი? ხარჯთაღრიცხვა შევადგინე, კარგახანა რაიმიწვანშია და დღემდე არ დაუმტკიცებიათ. სუსტად აკონტროლებენ რაიმიწვანის მუშაობას, ამხანაგო ალექსანდრე! მეტი კონტროლია საჭირო. შტატი? ჩვენი რაიმიწვანის შტატი რესპუბლიკას დააკომპლექტებს, დიან-დიან, მართალს მოგახსენებთ. მაინც ვერ ასწრებენ ხომ? ვერც მოასწრებენ!

პაუზა.

— რატომ? რატომ და რევიზორებითაა სავსე. რა აქვს ამდენი სარევიზიო რაიმიწვანს? თავისი უშუალო საქმისათვის ვერ მოუვლია და ვითომ კოლმეურნეობებს გვეხმარება? სიცრუეა, დიდი სიცრუე. რაიმიწვანის რევიზორების მუშაობას კარგად ვინცოზ მე, ამხანაგო ალექსანდრე! რისი ბალანსი, რის ანგარიშები! სამი-ოთხი დღე უნდა მოუღზინო, ტაში და ტუში, მაგარ-მაგარი სადღეგრძელოები.

ხანგრძლივი პაუზა.

გულასპირმა ხმას დაუბოხა.

— არა, წელს არ ჩამოსულან. რაში გვეპირდება ჩვენ რაიმიწვანის რევიზია? გმადლობთ, ამხანაგო ალექსანდრე!

პაუზა.

— თქვენც ასევე, ჯანმრთელობას გისურვებთ, სალაში თქვენს ოჯახს.

გულასპირმა ყურმილი რიხით დადო, ჩაახველა, თავის ოთახში შემოვიდა და შემომიტირა.

— ასეთი პატივსაცემი ხალხი ამობრძანებულა რაიონიდან და დროზე ვერ შემატყობინეთ? ასე უნდა ძვირფას სტუმრებს დახვედრა? ღმერთო კი მომკალი!

მერე ვითომ ყურში ჩამიჩურჩულა, მაგრამ ისე, რომ სტუმრებსაც გაეგონათ..

— ახლავე გადადი კესარიასთან, სხვა გოგოებიც მოიხმარე, თავმჯდომავს გაუარე და უთხარი, ჩემსას გადმოვიდეს. აბა, ცოცხლად ჩვენც მალე მოვალთ.

მკვდარი რომ ჩუმადაა, ისეთი სიჩუმე ჩამოვარდა. სტუმრები გულასპირს ვერ უსწორებდნენ თვალს, გულასპირი. სტუმრებს. წამალივით იქნებოდა, ვინმე რომ გამოჩენილიყო. მაგრამ მაინცდამაინც არავინ შემოიარა. მერე სიჩუმის დასარღვევად ჩაახველა და ჩაახველა გულასპირმა, ყალიონი გააწყო და ქისა სტუმრებს მიაწოდა. სტუმრებმა იუარეს, არ ვეწვეითო. გულასპირმა ყალიონს მოუქიდა, ადგა და ისევ შემომიტია.

— რამ გაგაშეშა, ეკა, არ გითხარი, ჩემს სახლში გაიქეცი-მეთქი? სტუმრები ადგნენ. ერთი, უფრო მაღალი და ჩაუსკენილი, უფროსად რომ ჩანდა, გულასპირს მოუბოდიშებს.

— თქვენსას ვერ წამოვალთ, პატივცემულო გულასპირი.

— რა დამიშაებია ისეთი? — გაიოცა გულასპირმა.

— აღმასხან ჩინორიძესთან ვართ სტუმრად, გველოდება.

— ამ საქმეს მოველება. კაცს გაგზავნი და აღმასხანსაც. ჩემსან გადმოვიყვან, — გადაჭრით, შეუვალად თქვა გულასპირმა.

სტუმრები უარზე დადგნენ. გულასპირმაც არ დაიხია უკან, მაგრამ სტუმრები უფრო მაგრები გამოდგნენ, გადაჭრით თქვეს, ჭერ ჩვენს მასპინძელს მოვინახულებთ და თქვენთან შემდეგ გადმოვალთო.

გულასპირი ვითომ ცოტათი გატყდა. — იყოს ასე, ოღონდ მეც თან გამოგყვებითო, მარტო არავითარ შემთხვევაში არ გაგიშვებთ, ხალხნი ვართ, მადლობა ღმერთს ჭერ სინდის-ნამუსი არ დაგვიკარგავსო და გულასპირ ჩაფიჩაძე სტუმრებიანად ეწვია აღმასხან ჩინორიძეს.

ცხონებული აღმასხან ჩინორიძე შეძლებული და კაი ყაძახი იყო და შინმობრუნებულ სტუმრებს სხვის სახლში როგორ გაუშვებდა! გაიშალა სუფრა და დადგა გულასპირ ჩაფიჩაძე თამადად, გარეკა და გარეკა, დალოცა და ამოლოცა სტუმრები და მასპინძელი. სიმღერა, ტაში-ტუში, ცეკვა. მერე შეუუერთხა და შეუუერთხა გულასპირ ჩაფიჩაძემ რევიზორებს, მოცლილი და ახირებული ხალხია, თავს მოულოდნელად დაგვესხმიანო, თითონ ცოტა რამ იციან და სხვებს ბევრს ასწავლიანო, ხალხისთვის ზარალია, საქმისთვის ზარალი, მთავრობისთვის ზარალი, მარტო თავისთავისთვის არიან სასარგებლონიო. ქრისტესავით ჭვარზე გააკრა გულასპირ ჩაფიჩაძემ რევიზორები.

გამთენიისას მოამრგვალა გულასპირმა სადღეგრძელოები. მასპინძელს დიდი მადლობა მოახსენა და სტუმრებიანად სადილად გადმოიპატიჟა. და ვიდრე არ შეიპირა, არ მოეშვა.

ეზოში ჩამოსულს უფროსი რევიზორის ცხენი მოუვიდა თვალში. შეაკაზმენია ის ცხენი, მერე დარდიმანდულად ამხედრდა და თო-

ხარიკით. წამოვიდა. ცხენი ბიჭის ხელით გაუგზავნა უკან რევიზორს, იალან კარგი ცხენი გყოლიაო, შეუთვალა.

აქ გათავდა ამბავი.

ის რევიზორები ქურდულად გაიძურწნენ.

...გუშინ ვნახე, შებინდებისას. თავის ჭიშკართან ახლოს, მუხის ფესვზე იჯდა, სანისლეს ქედს გასცქეროდა და ხმადაბლა ლილინებდა. დავაყურადე. ჩუმად იყო. პირი ოღნავ ღია ჰქონდა, მეგონა, ლილინებდა, ხმაც მომესმა. დავაყურადე და ჩუმად იყო. შევკრთი და გავეცალე. ათიოდე ნაბიჯი გადაედგი და ისევ სიმღერასავით მომესმა, სიტყვა ვერ გაეარჩიე, მოვიხედე, ისევ მუხის ფესვზე იჯდა, პირი ოღნავ გაეღო და სანისლეს ქედს გასცქეროდა.

...სანისლეს ქელიდან დიდხანს დავცქეროდი ჩემს სოფელს. თელას ჩრდილი გამეპარა. ხელჩანთა ავიტაცე და დაღმართზე სირბილით დავეშვი.

მამიდა სატეველაზე შემომხვდა. ეიცოდი, დღეს ჩამოხვიდოდიო, მითხრა მამიდამ, გულში ჩამიკრა და ატირდა.

სადილზე ზურაბ ბარბაქაძე და გულასპირ ჩაფიჩაძე მოიწვია მამიდამ.

— დროზე ჩამოხვედი, ეკა, — თქვა ზურაბ ბარბაქაძემ და თვალი თვალში გამიყარა. — დანიშნის ქალაღი წამოიღე?

— ხერგაში მნიშნავენ. — ვთქვი მე და თავი დავხარე.

— ხერგაში? ხერგაში რატომ? — შეიკვირვა ზურაბმა.

— ხემალაღში ადგილი არ გვაქვსო...

— სიკრუეა! — გაბრაზდა ზურაბ ბარბაქაძე, — არ იციან, ექვს კლასს რომ გასწავლი? სამი კლასი შენია, ეკა! მეექვსე მეშვიდე და მერვე. ბრძანებას ხვალვე დავწერ.

## II

ზურაბ ბარბაქაძის შვილიშვილი, მეხუთე კლასელი მანანა დილით სკოლის ჭიშკართან დამხვდა და წერილი გადმომცა.

„პატივეცემულო ეკატერინე, გუშინ საღამოს მოულონდელად ცუდად გავხდი. ეტყობა, გული მალატობს. გაკვეთილების დამთავრების შემდეგ, გთხოვთ მინახულოთ. ჩემი ავადმყოფობის ამბავს ნურავის ეტყვი. პატივისცემით ზურაბი“.

გულმა არ მომიტმინა. ჩემი პირველი გაკვეთილი ფიზკულტურის გაკვეთილით შევაცვლეინე და ზურაბის სანახავად წავედი.



ჩვენი დირექტორის ავადმყოფობა არ მახსოვს. სამოცი წლისააო, ამბობენ და სანისლეს ქედზე ნადირობს, შემოდგომასა და ზამთარში სატყველაზე თევზს იჭერს, ვენახს სხლავს, ვეებერთელა კაკლის ხეები უდგას ეზოში, იმ კაკლის ხეებზე ჭაბუკივით მსუბუქად ადის, კენწეროში მოექცევა და ჭოკით ისე დაბერტყავს, ცალსაც არ შეარჩენს. კაკლის ტოტებს მაგარი დაჭერგვა უხდება, ჩემი შვილი ვერ ახერხებსო, ამბობს ზურაბი. მისი შვილი კი ოცდაათი წლისა გახლავთ.

მაისის თბილი დღე იყო. ჩქარა ვიარე და გავოფლიანდი.

ზურაბის ჭიშკართან შევჩერდი. ეზოში ჩავეხედე. კაკლის ჩრდილში, ჭილოფზე, ზურაბი წევს და უმცროს შვილიშვილს გიორგის ეთამაშება.

შევცბი. რამდენიმე ნაბიჯით უკან დავიხიე, მესერს ამოვეფარე და ახლა ქურდულად ჩავეხედე ეზოში.

ზურაბი იყო. ზურაბი და მისი უმცროსი შვილიშვილი სამი წლის გიორგი.. ვითომ ჭიდაობდნენ. ზურაბი დაბლა აგდია, გიორგი მკერდში ჩაფრენია და იძახის, წაგაქციე, წაგაქციე, ბაბულიო და ხითხითებს.

კიდევ დავიხიე რამდენიმე ნაბიჯით უკან, ხეს ამოვეფარე და ხმამალლა დავიძახე. — გიორგი, გიორგი!

ზურაბი მარად წამოხტა, ბავშვი აიტაცა და ჭიშკრისკენ წამოვიდა.

ლიმილით შემომეგება, ხელში მისი წერილი მეჭირა, დაინახა, თვალებში შემომხედა და მკითხა — გაკვეთილი? შევცვალე-მეთქი და შევატყვე, არ ესიამოვნა. თვალები დაბლა დახარა და საყვედურით თქვა:

— ასე საუცბათოდ არ მიხმობარ.

პაუზა.

ნახვამდის-მეთქი და წამოსვლა დავაპირე.

ხელი მკლავზე წამავლო.

— რახან მოსულხარ, დარჩი.

ჩრდილში შემიწვია. სკამზე დამსვა. ახლავე მოვალო, თქვა და შვილიშვილი ოღაში აიყვანა.

„ავად ვარ და მინახულეო, ეტყობა გული მღალატობსო, ჭილოფი. გაუგია ჩრდილში, ზედ კოტრიალობს და შვილიშვილს ჭიდაობანას ეთამაშება! გული სტკივა და ჭიდაობანას თამაშობს? სამი წლის ბუხულა შვილიშვილი ატატებული დაჰყავს? ვერაფერი გამიგია!“

— მაშ, გაკვეთილი გაუცვალე, ეკა? — გამომცდელად მკითხა და გვერდით მომიჯდა.

შეეხედე. ფერმკრთალი, ძალზე ფერმკრთალი მეჩვენა. მზერას მარიღებს.

— რომელი საათია?

მაჯის საათს დაეხედე.

— ათს ოცი წუთი უკლია.

— ოც წუთში მეორე გაკვეთილი დაიწყება. — ისე თქვა, ჩემთვის არ შემოუხედია.

— ფანჯარა მაქვს, — ვთქვი და თვალი გავუხსწორე.

— ფანჯარა? — გაიოცა ზურაბმა, მარცხენა ხელისგულით შუბლი მოისრისა და ისე შემომხედა, მივხვდი დაეკვდა. — მეორე გაკვეთილი და ფანჯარა? არა მგონია!

— სამშაბათობით ასეა. — ვთქვი მე და ჩემი ნაქსოვი ჩანთა გავხსენი.

— არ ვიცოდი! — გაჰიანურებულად თქვა ზურაბმა და კვლავ გამომცდელად შემომხედა.

ჩემი გაკვეთილების ცხრილი გავუწოდე.

გამომართვა. ხელი უკანკალებს. კითხულობს: სამშაბათი — პირველი გაკვეთილი, მეხუთე კლასი (ზეპირი), მესამე გაკვეთილი — მეშვიდე კლასი (წერა).

— უნდა მცოდნოდა! დიახ, უნდა მცოდნოდა! — გულმოსულად თქვა და სკამიდან ადგა.

— მეგონა, იცოდით, — ჩურჩულით ვთქვი მე.

— დიახ, უნდა მცოდნოდა! საქმეც ეგ არის, უნდა მცოდნოდა! ნამდვილად კი არაფერი ვიცი! ქართულის მასწავლებელს ფანჯარა აქვს და მე არ ვიცი! კარგი საქმეა!

— სასწავლო ნაწილის გამგემ, — დავიწყე განმარტება და ზურაბმა იფეთქა:

— დირექტორი? სკოლის დირექტორი? ინგლისთან ურთიერთობის საქმეს აგვარებს? სკოლის დირექტორი რას მიკეთებს, ჰა? სკოლის დირექტორი, ისიც ქართულის მასწავლებელი? მის კოლეგას ფანჯარა აქვს და არ იცის! კარგი საქმეა!

ჩრდილში დადის ხან ნელა, ხან წაუჩქარებს ნაბიჯს. მე არ მიყურებს. ისე მიდი-მოდის, თითქოს მარტოა... მერე თანდათან დაცხრა და დამშვიდდა, ისევ ჩემს გვერდით დაჯდა.

— მაშ, სწორი ყოფილა! — დიახ, ერთი თვის წინათ... ბარაქალა, ბიჭებო! — ღიმილით, სევდიანი ღიმილით თქვა და თვალებში მილულა.

მინდა ვკითხო, რა მოხდა ერთი თვის წინათ, მაგრამ მეშინია და ვლუმვარ.

— რატომ არ მეკითხები, ერთი თვის წინათ, რა შემემთხვა? — ხელები ლოყებზე შემომაქდო და თვალებში ჩამაცქერდა.

ამღვრეული, ძალიან ამღვრეული თვალები აქვს.

— ჰო, რატომ არ მკითხავ, ერთი თვის წინათ რა მომივიდა? ვითომ არ იცი? ჰა, ვითომ არ იცი? თუ იცი და თავს იკატუნებ? — დაბალი ხმით, თითქმის ჩურჩულით თქვა, ხელები შემიშვა, სკამიდან ადგა და ისევ ჩრდილში დაიწყო სიარული. გრძელი ძალიან გრძელი ნაბიჯით დაიწყო სიარული, თითქოს ამ ჩრდილში ორმოებიან ამოთხრილი და იმ ორმოებზე აბიჯებსო, მერე ნაბიჯი დაიმოკლა და სიარული ააჩქარა. დადის და მე შემომცქერის, მე შეშინებული ვზიჯარ სკამზე და ვნანობ აქ მოსვლას. ზურაბს ავადმყოფობისა არაფერი ეტყობა, ჩიქივით დააბიჯებს... რალაც სხვა ამბავია, ამ ამბისა მე არაფერი ვიცი და ჩემი აქ მოსვლა საჭირო არ იყო. ამ კაკლის ჩრდილში ჭილოფი ეგო, ჭილოფზე იწვა, მკერდზე უმცროსი შვილიშვილი გიორგი ეჯდა და ბაბუა და შვილიშვილი ჭიდაობანას თამაშობდნენ. — წაგაქციე, წაგაქციე, ბაბული, — ჭყიპინებდა შვილიშვილი და ხითხიფებდა. მოულოდნელად მოვედი. აფორიაქდა, აიღეწა — ფანჯარა საიდან გაქვსო, სკოლის დირექტორი მე ვარ და რატომ არ უნდა ვიცოდე, ქართულის მასწავლებელს სამშაბათს, ისიც მეორე გაკვეთილი ფანჯარა თუ აქვსო... „მაშ, სწორი ყოფილა, ერთი თვის წინათ... ბარაქალა, ბიჭებო“. რატომ არ მეკითხები, ერთი თვის წინათ რა შემემთხვა? ვითომ არ იცი, ჰა? თუ იცი და თავს იკატუნებ?“

ნამდვილად არაფერი ვიცი, ვერც ვერაფერს ვეკითხები. კაკლის ჩრდილში ვზიჯარ სკამზე, შევყურებ ზურაბს, იგი ბოლთას სცემს, ხანდახან შემომხედავს და შემომიბღვერს.

— ახლავე მოვალ, — თქვა და ოდაში ავიდა.

„ეგებ რამე დაეაშავე? — ვფიქრობ მე, — სკოლაში ეუხერხულა თქმა და სახლში მიხმო, მიკიბულ-მიკიბულად მელაპარაკება და ვერაფერს მიემხვდარვარ. არა. ზურაბ ბარბაქაძემ თქმა პირდაპირი იცის. თუ რამე უსწორობა შეგამჩნია, მოკრძალებულად, მაგრამ პირდაპირ, დიახ, პირდაპირ კეტყვის.“

ოდასახლის უკანა კარი გაიღო და ზურაბმა მეუღლე და შვილი-შვილი ბოსტანში ჩააცილა, მერე ალაგებზე გადასვლაში უშველა შვილიშვილს, მეუღლეს კი დოქი მიაწოდა. ჩანს სატეველაზე ავზავნის.

ზურაბი სახლში შემობრუნდა, წინა აივანზე გამოვიდა და ხელის დაქნევით მიხმო.

ზალაში შემიყვანა და კარი დახურა.

სუფრაზე საუზმე ეწყო.

— დაჯექი, — ბრძანების კილოთი თქვა და ორი ჭიქა რძე დაასხა.

— უკვე ვისაუზმე.

— ბალიან კარგი. ერთ ჭიქა რძეს დააყოლებ.

დაესხედით. შაქარი მომაწოდა.

— უშაქროდ ვსვამ.— ვთქვი მე და რძეში მარილი ჩავეყარე.

— თუ ნებას მომცემ, მე ჭიქა არაყს დავლევ, — თქვა ზურაბმა, ღვინის ჭიქა არყით შეავსო და გადაჰკრა. მერე ადგა. ფანჯარასთან მივიდა და ეზოში გაიხედა. მეც ფანჯარასთან მივედი და ეზოში გავიხედე. ეზოში არაყინ იყო.

— სკოლას თავს ვანებებ.— რალაცნაირი შეუვალი ხმით თქვა ზურაბმა და სუფრას დაუბრუნდა.

მე ფანჯარასთან ვდგევარ, ეზოში ვიხედები — ეზოში არაყინაა, ქურდულად გავხედე ზურაბს. ზურაბმა ღვინის ჭიქაში ისევ დაასხა არაყი და გადაჰკრა. არაფერი წაიხემსა. როგორც კი მეორე ჭიქა არაყი გადაჰკრა, სახე წამოეჭარხლა.

— დიახ, სკოლას თავს ვანებებ და ამას პირველად შენ გიმხელ, — ახლა უკვე დანანებით თქვა ზურაბმა, თვალი აუცრემლდა და სახე ამარიდა.

„ზურაბ ბარბაქაძე სკოლას ანებებს თავს? ფარსაგი მიზეზია! სკოლას თავს ანებებს და ასე მოულოდნელად? გაძლებს კი უსკოლოდ? კვირა დღესაც აუცილებლად მონიხაულებს სკოლას. კვირაში ერთ დღესაც ვერ ძლებს უსკოლოდ და ახლა სამუდამოდ ანებებს თავს? არაფერი მესმის. ვერაფერი გამიგია, — ისევ ეზოში ვიხედები და ეზოში არაყინაა... დილით ყველას ასწრებს სკოლაში მოსვლას, დამთავრდება მეცადინეობა, ყველანი წამოვალთ, იგი სკოლაში რჩება, ყველა ოთახს. შემოივლის, მერე ნაბიჯ-ნაბიჯ დაივლის სკოლის ეზოს... და ახლა სკოლაში არ ივლის? სკოლას ანებებს თავს ზურაბ ბარბაქაძე? და მერე რატომ? მიზეზს რატომ არ ვეკითხები?“

— მიზეზი უთუოდ იცი და იმიტომაც არ მეკითხები, — ხმამაღლა თქვა და გარშემო მიმოიხედა, შეამოწმა; ჩვენს გარდა ხომ არაყინ ისმენდა.

— ნამდვილად არაფერი ვიცი, დედას გეფიცებით, არაფერი ვიცი.

დარწმუნდა. ფანჯარასთან მოვიდა. ეზოში გაიხედა. მერე კარის სახელურს ჩაავლო ხელი და ისედაც მიხურუღრი კარი, თითქოს უფრო მაგრად მიხურა და გასაღებით ჩაქეტა.

— მით უფრო, თუ შენ არაფერი იცი, და სხვა მასწავლებლებსაც არაფერი გაუგიათ. დროზე ვანებებ თავს. დიახ, დროზე. მოწაფეებს ნამუსი შეუნახავთ ჩემთვის. მაშ, მიზეზი არ იცი? მე გეტყვი: შემეშალა, დიახ, ნამდვილად შემეშალა! ერთი თვის წინათ და გუშინაც შემეშალა.

უთუოდ ისეთი გაოგნებული გამომეტყველება მქონდა, მიხვდა, ვერაფერი გავიგე და იფეთქა:

— და ეს არაფერია? არაფერია გაკვეთილი რომ შემეშალა? ნაწარმოებს რომ არასწორად ვუხსნი მოწაფეებს, არაფერია? მე თვითონ შეეპოწმე და დავრწმუნდი: მახსოვრობა მალატობს, ეკა, გონება მალატობს!

მერე დაწვრილებით მოჰყვა: ერთი თვის წინათ, დაახლოვებით ერთი თვის წინათ, მეათე კლასში ვატარებ გაკვეთილს. ჭერ გამოვკითხე მოწაფეებს. მე საერთოდ კმაყოფილი ვარ ჩემი მოწაფეებისა, გულმოდგინედ სწავლობენ, სალად, თავისუფლად მსჯელობენ, დაწვრილებით არჩევენ მხატვრულ ნაწარმოებს და ბევრი მათგანი იმდენად დაუფლებულია საგანს, ზრგეირთი ნაწარმოების სახელმძღვანელოში მრცემულ ახსნას არ ეთანხმება, უფრო ღრმად იხედება მწერლის სულში და ნაწარმოების თავისებურ განმარტებას მთავაზობს. მე მიხარია გაკვეთილზე შესვლა, ყოველთვის მიხარია. და მე ისინი სულგანაბლნი მისმენენ, შიშის გამო კი არა, აქაოდა ჩვენი მასწავლებელი დირექტორიც ბრძანდებოდა, არა, მე მათ, ასე ვარ დარწმუნებული, საინტერესოდ ვუხსნი გაკვეთილს. აი, მეორე მერხი. გოგო და ბიჭი ერთად სხედან. განა ყველა ერთნაირად მისმენს? ჰო, ჩუმად კი სხედან და მე შემომტკეპრიან, მაგრამ მე ვგრძნობ, ეს ყმაწვილი მე არ მისმენს! ეგებ იმის გამო, წინასწარ იცის, რასაც მე ვეუბნები ან ვეტყვი. ან სხვა ფიქრსა ფიქრობს: ერთი წელი და სკოლას დავამთავრებ. თბილისში წავალ და ფილოლოგიის ფაკულტეტზე კი არ შევალ, არც სამედიცინო ინსტიტუტში, საავიაციო სასწავლებელში შევალ, გავხდები მფრინავი და დედამიწას შემოვიფრენ. და ქალიშვილიც თავის ფიქრს ფიქრობს: კიდევ ერთი წელი. დავამთავრებ სკოლას. ვერ შევალ უმაღლესში? ჭანდაბას მისი თავი. შეყვარებული ხომ მყავს? გავთხოვდები! უმაღლესში რომ ვერ შევიდე, უარს მეტყვის შეყვარებული? არა მგონია! როსტომი კარგი ყმაწვილია, მე მას გულით ვუყვარვარ, მას ჩემი ცოდნა კი არ უყვარს, არამედ ჩემი ხასიათი და სილამაზე. ჩემი მშობლები ამიხირდებიან? ჭერ უმაღლესი დაამთავრე და მერე გათხოვდიო? არ დაუუჭერებ! მართალნი არ არიან და იმიტომაც არ დაუუჭერებ! ავდგები და გავთხოვდები. და ეს ჩემი მეათეკლასელი ქალიშვილი აგერ ჩემს წინ, მეორე მერხზე რომ ზის, საპატარძლოდაა მორთული, სიძის მაყრები მოვლენ, ცხენზე შესვამენ და გააქროლებენ. თეთრ ცხენზე ზის თეთრკაბიანი პატარძალი, მარჯვნივ და მარცხნივ მაყრები ახლავს. პატარძლის ცხენი უტაბედად წაიფორხილებს, ოღნავ შექანდება პატარძალი და მაყრები მკლავებში წაავლებენ ხელებს, ოღონდ მსუბუქად, როგორც პატარძალს შეჰფერის. ნიავეით ზის პატარძა-

ლი ცხენზე, „მრავალჯამიერს“ მღერის მაყრიონი და სიძის სოფელი თოფების სროლით ეგებება პატარძალს... მეათე კლასი, ოცნებაა, ჩემო ეკა, დიდი ოცნება. რთული ცხოვრების კართან დგას მეათე კლასი და ფრთები აქვს გამოსხმული.

მცირე ხნით დადუმდა. ოთახში ნელი ნაბიჯით გაიარა, მერე სუფრას მიუჯდა. მე ზურაბის პირდაპირ დავეჭყე. დოქისკენ წაიღო ხელი. ხელი უკანკალებს. ახლა ღვინო დაისხა ღვინის ჭიქაში.

— რძე რატომ არ დაგიღვევია, ეკა?

ჭიქა ავიღე და უკვე გაცივებული რძე მოვსვი.

— რაზე შეატანე, — თქვა ზურაბმა და ყველი და მჭადის ნაჭერი მომაწოდა.

— თქვენ რატომ არაფერს ჰამთ?

— დამავიწყდა, ჰო, დამავიწყდა, — დაბნეულად თქვა და თვითონაც ჰადი და ყველი გადაიღო, პრასის წნილსაც წაატანა ხელი, ერთი თავი პრასი თითებით მოალუქმა და პირში ჩაიღო, ღვინო დააყოლა.

— მეათე კლასელებთან შემეშალა, ეკა! დიახ მეათე კლასელებთან შევეციდი. იმათ კი არაფერი მანიშნეს, მაგრამ მე მივხვდი. უცებ შევამოწმე ჩემი ნათქვამი, შეცდომა აშკარა იყო. მოწაფეები თვალს მარიდებენ, რცხენიათ, ჰო, რცხენიათ შემოხედვისა, თავები დაბლა დაუხრიათ და გულში იცინიან. ეგებ შევეციდი. ეგებ ცილი დავწამე ჩემს მოწაფეებს. ეგებ არ დამცინოდნენ, პირიქით, შემიბრალებს, მაგრამ თვალი კი ამარიდეს, შერცხვათ და თვალი ამარიდეს. თითქოს თვითონ ყოფილიყვნენ დამნაშავენი, თავები დაბლა დახარეს და მზერა ამარიდეს... შეცდომა ისეთი აშკარა იყო, გამხელაც მესირცხვილება და შენ ნულარ მკითხავ. შენ ეგებ უმნიშვნელოდაც მიიჩნიო, მაგრამ ასე არ არის, ეკა!

ჭიქა ღვინო შესვა და ადგა.

— ჩემმა უმცროსმა შვილიშვილმა დამიდასტურა, რომ მახსოვრობა მალატობს. ხანდახან აღრე. მოყოლილ ზღაპარს მოვეუყვები, უცებ ხელს წამავლებს და გამაჩერებს. — როსტომი კი არა, იმ ბიჭს მზექაბუკი ჰქვიაო. საიდან იცი-მეთქი, ვკითხავ. — საიდან და გუშინ მზექაბუკი ერქვაო. ჩემი მონაყოლი ახსოვს და მისწორებს.

— ბაბული, — ეზოდან შემოგვესმა გიორგის ხმა და ზურაბი შეკრთა. სწრაფად გავარდა აივანზე და მეუღლეს რაღაც ხელებით ანიშნა. შემობრუნდა და კარი ისევ საიმედოდ ჩაჰკეტა.

— ხვალ ხერგაში წახვალ, ეკა.

— ხერგაში? — გავიკვირვე მე და ავდექი.

— ჰო, ხერგაში წახვალ, — კოლმეურნეობის მანქანა წაგიყვანს. განათლების განყოფილებაში გელოდებიან... ხვალ შენ ჩვენი სკოლის

დირექტორად დაგნიშნავენ. — დინჯად და გადაჭრით თქვა ზურაბმა.

— მე? დირექტორად მე დამნიშნავენ?

— დიახ, შენ! რატომ გიკვირს?

— მეშინია, ბატონო ზურაბ, — გამოუცდელი ვარ!

— ახალგაზრდა ვარო, გინდოდა გეთქვა. — ირონიულად თქვა ზურაბმა და წარბები შეჰყარა, — სწორედ იმიტომაც! ახალგაზრდა ხარ და სწორედ იმიტომაც. სწორედ ახალგაზრდა უნდა იყოს სკოლის დირექტორი. სწორედ შენი ხნისა ვიყავი, დირექტორად რომ დამნიშნეს. ძლიერი ვიყავი, ჯანღონით სავსე, მოწაფე მიყვარდა და ჩემი ძალა სკოლას შევალე... შენი ცოდნა გენანება სკოლისათვის? შენი ენერჯია გენანება? არ გენანება? ჰოდა, ხვალ ხერგაში წახვალ! ახლა კი სკოლაში მიბრძანდით, თქვენი „ფანჯარა“ ღიადაა დარჩენილი.

ჭიშკრამდე გამომაცილა.

იმ წელს სკოლას სათაფეზე არ გაჰქარებია ზურაბი.

ვიტომ გულს უჩიოდა. ყველას ასე ეგონა. ზურაბის ოჯახსაც ასე ეგონა.

რა არ მოვიგონე, სკოლაში რომ მოსულიყო, მაგრამ თავი შორს დაიჭირა — მეთაე კლასელებს მრცხვენია, ეკა ამას შენ გეუბნები და ნუ გამამხელო აი, მეთაე კლასელები წავიდ-წამოვიდნენ, მერე თუ საქმეს გამომიჩენ, სულ სკოლაში ვიტრიალებო.

პირველად დღეგამოშვებით მაინც დავდიოდი ზურაბთან. მოვიდოდი თუ არა, ოჯახის წევრებს დაითხოვდა, ან ჩვენ გავნაპირდებოდი თუ ეზოში და ანა-ანა გამომკითხავდა სკოლის ამბებს... მერე თავი ამარიდა. რა დროსაც არ უნდა მივსულიყავი, შინ არ იყრ. რატომღაც მეგონა, შინ არის და მემალება-მეთქი! ერთხელ გვიანობამდე დავრჩი. კარგა დაღამებული იყო, ზურაბი რომ მოვიდა. ერთი აცმა სატეველას წვერა მოიტანა...

...სოფლისგან თავი მოიკვეთა ზურაბ ბარბაქაძემ, პირწმინდად ყველას ზურგი შეგვაქცია, — დღესასწაული, ლხინი, ტირილი... ზურაბ ბარბაქაძე არსად გამოჩნდებოდა და სოფელი თანდათან შეურიგდა ამას. იყო და არა იყო რა...ზღაპაროვით, დიახ, როგორც ზღაპარშია — იყო და არა იყო...

მე ხომ ნამდვილად ვიცი, ჯანმრთელია. სანისლეს ქედზე ნადირობს, სატეველაზე თევზაობს, ნიგვზიანიდან შეშას ეზიდება, ვეებერთელა კაკლის ხეებს კაკლის სახრეთივე ტოტებს უჯერგავს, — გაისად მეტ ნაყოფს გამოისხამს ასე დაჯერგილი ტოტებით, — ვაზს სხლავს, ყურძენს თვითონ კრეფს, საწნახელში თვითონვე წურავს,

წვეთსაც არ გაატანს ჭაქას. ავადა? სიცრუეა. მეათე კლასელებთან გაკვეთილზე შეეშალა — ეს არის და ეს.

სექტემბრის მიწურული. თბილი, ძალიან თბილი შემოდგომა. კვირა დღე. გათენებისას მივედი ზურაბ ბარბაქაძის სახლში. აუცილებლად მინდოდა მისი ნახვა. სამზადის კარი ღია იყო, ეტყობა, ვიღაც ამდგარია. — გიორგი, — დაბალი ხმით დავიძახე. სამზადიდან ზურაბის მეუღლე გამოვიდა. ეზოში შევედი. ქალბატონი სალომე გაკვირებული შემომეგება, — ხომ არაფერი გიჭირთო, მეკითხება.

— ბატონი ზურაბის ნახვა...

— ოო, ზურაბი? დაგაგვიანდათ, — ზურაბი წავიდა, — მშვიდად თქვა ქალბატონმა სალომემ და გამიღიმა.

დავეეჭვდი. ზურაბი სახლშია, მეუღლე დაანამუსა, თუ ვინმემ მიკითხოს, უთხარი სატეველაზე წავიდა-თქო.

— ასე ადრინადა? — გავიოცე მე.

— უფრო ადრეც მიდის. გათენებული არ იყო, სატეველაზე რომ წავიდა.

ბოდიში მოვეუხადე ქალბატონ სალომეს.

— დარჩით, ვისაუზმოთ, — თქვა ქალბატონმა სალომემ და ხელი მკლავზე წამავლო.

— სატეველაზე რომ წავიდე, ვერ ვიპოვნი?

— ძალიან შორს მიდის, წისქვილს ზემოთ, დიდი მორევიანო ამბობს.

წამოვედი. სკოლაში გამოვიარე. სკოლის დარაჯი ეზოში ჩალიჩობდა. ჩემი მისვლა გაუკვირდა.

სატეველაზე თუ დადიხარ-მეთქი, ვკითხე. რატომაც არაო, მიპასუხა. არა. ახლა არ დავდივარ, სათევეზაოდ ხუთი წელი არ ვყოფილვარ, ისე კი სატეველა ბევრჯერ ამომიხელავსო. მაშ, წისქვილის ზემოთ მორევი რომ არის, გეცოდინება-მეთქი, — ვკითხე. წისქვილის ზემოთ მორევი? ჩაფიქრდა. მერე გაიღიმა, — წისქვილის ზემოთ ითქმის, მარა წისქვილიდან შორსაა, სამი ვერსი იქნება.

სატეველაზე წავედი. წისქვილთან ბავშვები თამაშობდნენ. წისქვილის წინ მინდორივითაა, იმ მინდორზე ჭინჭის ბურთს დასდევდნენ. მიცნეს ბავშვებმა და ბურთს თავი ანებეს. მე შორიანხლოს ჩავეუარე, ითამაშეთ-მეთქი, დავიყვირესავით და ბავშვები ჭინჭის ბურთს მიესივნენ.

წისქვილიდან სამი კილომეტრი? რა დიდი მანძილი ეგ არის! მდინარისპირს საცალაფეხო ბილიკი, მისდევს, დაადექი და იარე. და მეც მივდივარ, მივეყვები ბილიკს, მდინარის კალაპოტი თანდათან მალდდება, ბილიკიც მალდდება. ერთი საათი ვიარე და ჯერ მორევი არსადაა. ბილიკმა მდინარისპირი მიატოვა და ტყეში შეიჭრა. გაფ-



ყვეი, ორასიოდე ნაბიჯი გავიარე და დაბურულ ტყეში აღმოვჩნდი. წაბლიანია. უთუოდ წაბლზე აქ დადიან ჩვენი სკოლის ბავშვები. ძალიან ბევრი წაბლია, ჭერ არ მწიფს, ეს კარგად იციან ბავშვებმა, ამიტომ წისქვილის წინ, მინდორივით რომაა, იქ კინკის ბურთს თამაშობენ და ჭერ წაბლიანში არ მოდიან.

ბილიკმა მარჯვნივ მოუხვია. გაყვევი და ისევ მდინარისპირას გამოვედი. აქ სატეველა ძალზე ჩქარია და ხმაურობს. ეტყობა, სკოლის დარაჯი შეცდა, წისქვილიდან ხუთი კილომეტრი მაინც გამოვიარე და მორვეი არ ჩანს. დავიღალე. ლოდზე ცხვირსახოცი დავაფინე და დავკეჭი. ზოგს ამშვიდებს მდინარის ხმაური, მე პირიქით, საოკრად მლლის და ნერვებს მიშლის. ავდექი და გზა განვვარძე. ახლა სატეველას მიეტმასნა ბილიკი, ისე ახლოს მიჰყვება, მდინარის შხეფები მწინწკლავს. თითქოს ნიავეკარში მივდიოდე. მივეყვები ბილიკს და მდინარის ხმაური თანდათან ნელდება. გავაკებულივითაა, სატეველა ნელა მიედინება და მე მორვეთან ვდგევარ. ფართო მორვეია. მორვეი ცაცხვისა და ხურმის ხეებითაა შემობურული. ვხედავ, ლოდზე ზის ზურაბ ბარბაქაძე, ანკესი მორვეში ჩაუკიდია და ღლინებს. დაბალი, ძალიან დაბალი ხმით ღლინებს, მაგრამ მე მესმის:

ანკესი ამოისროლა. არაფერი ამოჰყვა, ანკესის ტარი ჰაერში შეარხია და რალაც წყევლასავით თქვა. ანკესზე ახალი ჭია ჩამოაცვა, ჭიას მიაფურთხა და ანკესი წყალში ჩააგდო. კი არ ადგა, ჩოჩვა-ჩოჩვით ჩაათავა ლოდი, იქ მეორე ანკესი ჰქონია ჩაკიდული და ამოისროლა. ძალიან პატარა, ლიფსიტასავით თევზი ამოჰყვა და მაინც გაუხარდა, ანკესის ტარს აკოცა, თევზი პატარა კასრში ჩააგდო, ლიფსიტას ჭია ვერ გადაეყლაპა, ანკესზე შერჩენილ ჭიას დააფურთხა და ანკესი წყალში ჩაჰკიდა.

— ეს ერთი და სხვა ათასი! — ხმამალლა ვთქვი, ჩემი ხმა გაიგონა და შეხტა. შემომიბღვირა, ზურგი შემომაქცია, მერე დაიხარა და მუხლებამდე აკაპიწებული შარვლის ტოტები წვალეზ-წვალეზით ჩამოისწორა, ჩაახველა და ჩემსკენ შემობრუნდა.

— სათევზაოდ მოხვედი? — გულმოსულად მეკითხება: ჰო, სათევზაოდ მოვედი-მეთქი, — დავუყვავე. — აბა ანკესები სადა გაქვს? — ისევ აფოფრილად მეკითხება. აკი ჩემი ანკესები თქვენ წამოიღეთ-მეთქი, — ველიმბლები და უცებ ზურაბმაც გამიღიმა, შემომეგება, ხელი ჩამომართვა. ტომარა ლოდზე დააფინა, დაბრძანდიო, მთხოვა, და დავსხნდიო.

— მაინც როგორ მომაგენი, პა? როგორ მომაგენი? სალომემ გითხრა? სალომემ მოგასწავლა?

— სალომემ რატომ? სხვამ არავენ იცის?

— არავინ! — დარწმუნებით თქვა ზურაბმა და თვალი გამიყარა.

— სატეველას ეს მორევი არავინ იცის? — გავიოცე მე.

— ეგ არ მიტყვამს! — შემომიტია, — აქ რომ მორევია, მთელმა სოფელმა იცის. მე რომ ჰქ დავდივარ საანკესოდ, მარტო სალომემ.

— ჩვენი სკოლის დარაჯსაც სცოდნია, — ვიცრუე და ვივარძე-ნი — სახე წამომიწითლდა.

გაშრა. თვალები მოკუტა. „დარაჯსაც სცოდნია? სკოლის დარაჯსაც?“ ახავაიო, წამოიძახა და ადგა. მდინარეში ჩადგმული დოქი; ამოიღო და ტუჩზე მიიყუდა. სვენებ-სვენებით სვამდა. ჩემსკენ მოიხედა, — ბოდიშო, — მითხრა, — ეგებ გწყურია. — მწყურია-მეთქი, — დოქიდან ცოტა წყალი გადაღვარა და მომაწოდა. კიდევ მომიბოდიშა, — ვიდრე მე დავლევდი მანამდე უნდა შემომმეთავაზებინა შენთვისო.

რიგ-რიგად სამივე ანკესი ამოისროლა. არაფერი ამოჰყვა. დაირცხვინასავით. ანკესები ისევე წყალში ჩაჰყარა, დღეს თარსი დღეაო, გულმოსულად თქვა და თითქოს მე ვყოფილიყავი მიზეზი, შემომიციცა, რაღა მაინცდამაინც დღეს მოისურვე აქ წამოსვლაო. მონადირეები და მებაღურები ქალებს ემალებიანო. აბა, ასეა ეს! ხევსურეთში ყოფილხარ? არ ყოფილხარ და არ გეცოდინება: სანადიროდ წასვლის წინაღმართ, მონადირის ოთახში ქალი ვერ შევა. ჰო, ეს ასეა... ამ დილით სალომემ დაჰმანდა. მაინც რამ ააყენა ასე აღრიანად? სალომემ მოგასწავლა, არა? მივბრუნდე სახლში!

ქასრში ხუთიოდე ლიფსიტა დატურავდა. — სატეველაში თევზი ამოწყვეტილა-მეთქი, — ვითომ დანანებით ვთქვი და ესლა ყოფილა საქირო, იფეთქა, მარა რა იფეთქა, — შენც თარსი ყოფილხარ, ჰო, მონადირისა და მებაღურისთვის ყველა ქალი თარსია და შენ რა წითელი კვერცხი... უნდოდა ეთქვა, — მივდიხარო, მაგრამ როგორღაც სიტყვა ენის წვერზე დაიჭირა და მომახალა, — რა ფარსაგი საქმე გამოგიჩნდა ამ სიშორეზე რომ მომადექიო.

— წავალ, — საყვედურით ვთქვი მე.

— წახვალ? აწი რა ფასი აქვს შენს წასვლას? რახან მოსულხარ, დარჩი. მოშიებულიც იქნები, წავიხემსოთ. — თქვა ზურაბმა და ზურმის ტოტიდან კალათა ჩამოხსნა.

მესამე ქიქა რომ დალია, სახე წამოეკარხლა. მეც დავლიე. ერთი ქიქიდან ვსვამდით. სატეველაში ჩაციებული იზაბელა სასიამოვნო სასმელი იყო.

— ვითომ ისე, ჰაიპარად მოდი? — ეშმაკურად მკითხა.

— შენ ყოველდღე დადიხარ?

— ყოველდღე.

— ამ სიშორეზე?

- შენ გეშორება!
- როცა წვიმს? ჰო, წვიმაში?
- წვიმაში?

პაუზა.

— კარავი დავიდგი.

გარშემო მიმოვიხედე. კარავი არსად ჩანდა.

— ვერ დანინახავ და მე არ გაჩვენებ! — გადაჭრით თქვა, მეოთხე კიქა შესვა, კიქა მე გამომიწოდა და მორევს დააშტერდა.

„მიუსათფარი ვიყავ და შენ შემეფარე“. ჩურჩულით, ლოცვასავით თქვა და შემომხედა.

— იმ დღიდან მოყოლებული (მივხვდი, სკოლიდან წასვლის დღეს გულისხმობდა) დავდივარ აქ. ერთ დღესაც რომ არ მოვიდე, მორევი მოწყენილი დამხვდება. გამოეჩნდება და გახალისდება, შხუილს უმატებს. ახლა რომ შხუის, გესმის? გესმის ხომ?

თავი დავუქნიე.

— ჰოდა, ჩვენ რომ წავალთ, მე და შენ რომ წავალთ, მორევი შხუილს მოუკლებს, დაჩუმდება და მოიწყენს. ეს ქვაც, — ხელისგული გადაუსვა ლოდს, — უჩემოდ მოწყენილია და მელოდება. გიკვირს? ეს ჩემი ლოდია. მოვალ და რაღაცას მეჩურჩულებ. ტომარას დავაფენ ლოდზე, დავჭდები და ანკესებს გავაწყობ. „მშიერი ვიყავ შე და შენ დამაპურე“. ვჩურჩულებ ჩემთვის და ანკესებს ვუთვალთვალე. პატარა, ლეტია თევზები გაეთამაშებიან ანკესებს, მაგრამ ის ლეტია თევზები მე ვერ მომატყუებენ, მათი გულისთვის ანკესებს არ ამოვიღებ. მორევი მღვრიეა, თევზებს მე ვერ ვხედავ, და ის თევზები მე ვერ მხედავენ, იციან კი, რომ მე დიდ ქვაზე ტომარი მაქვს დაფენილი, ქვაზე მაგრად ვზივარ და ანკესებს ვუთვალთვალე. ეს კიები მე მათ მოსატყუებლად ჩამოვაციე ანკესებზე. და ფრთხილობენ, მსუბუქ-მსუბუქ ეთამაშებიან ანკესებს. რიგრიგად წიწკნიან ანკესებზე ჩამოცმულ კიებს... ჰო, მე ამას ვერ ვხედავ, მაგრამ დანამდვილებით ვიცი, ეს ასეა და ანკესებს არ ამოვიღებ. ლიფსიტები უფროდაუფრო გათამამდებიან და უფრო გაბედულად წაეტანებიან კიებს, ჰოდა, ამ ლიფსიტებს ჭილედან რომ უთვალთვალე კაი მოზრდილი მურწა, ვერ მოითმენს და შუა ანკესისკენ — ეს ანკესი იმ ორზე უფრო დიდია, — გამოცურდება, კუდს მოიქნევს, ლიფსიტებს დაიფრენს, ანკესს ეძგერება, გადაყლაპავს და გაქანდება!.. გაქანდება, მაგრამ უკაცრავად, ზურაბ ბარბაქაძე მაგრად ზის ლოდზე, მისი მარჯვენა მაგარია, იმ მარჯვენით ამოისერის ანკესს და მურწა მდგელოზე აფართაქლდება.

„რამეთუ მშიერი ვიყავ და შენ დამაპურე!“ — ხმამალა თქვა და წამოდგა.

— აქ მოსვლამდე ჩემს სულს რაღაც აკლია...  
პაუზა.

— ჰო, ეს მდინარე და მორევი, ეს ტყე და ხავსიანი ლოდები აკლია! მოვალ, გავიგონებ მორევის შხუილს და ჩემი სული ივსება, გონება მინათლდება, შორს იმზირება თვალი ჩემი, მკლავი მიმაგრდება! — ყალბად, პათეტიკურად თქვა, თითქოს ესტრადაზე იყო და აუდიტორიას მიმართავდა.

დაკვირვებით შემომხედა. ლიმილი რომ შევაგებე, დაიმორცხვა და გაწითლდა.

ჩემგან მოშორებით დაჯდა და თვალი მორევს გაუშტერა.

მეც-მორევს მივაცქერდი და ხანდახან ნამალევად გავხედავდი ზურაბს.

სიწითლე გაუქრა. ფერმკრთალი, ძალიან ფერმკრთალი გახდა. შუბლზე ნაოქები შეპყარა, ვითომ გულმოსულია, მაგრამ თვალეები უცინის.

— მაშ არ გამოატანა? — ხმამალა თქვა და გამილიმა.

...შარშანდელი სექტემბერი. წვიმა. წვიმიანი დილა თენდება. ზურაბი დილაუთენია დგება, სამზადში ფეხაკრეფით შედის და ზეზეურად წაისაუზმებს, აღრიანად უნდა მივიდეს სკოლაში. სკოლის აქა-იქ შემპალი სახურავი ზაფხულში შეაკეთებინა, მაგრამ გუშინწინ გრიგალივით ქარმა გადმოიქროლა, — უცნაური კია, ხემაღალში ძლიერი ქარი არ ჰქრის, ხემაღალის ქარი ნიავეითაა და ის შლეგიანი ქარი საიდან გამოიქრა? ჰოდა, ქარმა უთუოდ დააზიანა სახურავი, წუხელ გაბმულად წვიმდა და ეგებ გამოატანა სახურავს? აღრიანად მივა სკოლაში, დარაჯს შეეშველება, მერე მასწავლებლებიც მოვლენ, უფროსი სკოლის მოწაფეებსაც დაასაქმებს, ყავარი სხევენზე აწყვია და სახურავს სახელდახელოდ შეაკეთებენ, — მორჩა და გათავდა.

წვიმა. ნისლი.

ატალახებული გზა. მაინც ჩქარა მიდის. სკოლის ეზოში დარაჯი შემოეგება. დარაჯს არ გააკვირვებია ზურაბის ასე აღრიანად მოსვლა.

— გამოატანა? — ეკითხება დარაჯს.

დარაჯი იღიმება.

„მაშ არ გამოატანა?“

და ზურაბიც იღიმება.

ნაოქებიანი შუბლი. ფერმკრთალი სახე. ახლა თვალეები არ უცინის. თვალეები ოდნავ მოჭუტა და ქუთუთოები შეუშუპდა.

„მაშ არ გამოატანა?“

ხმადაბლა, ჩურჩულით თქვა. ვითომ მორევს მისჩერებია მოკუტული თვალებით, ფიქრი კი სკოლაში უტრიალებს.

...სკოლა. მეათე კლასი. მესამე გაკვეთილი. ზარი. ზურაბის ნაცვლად კლასში ეკატერინე შედის. კლასი ჩუმდება. — დასხედით, — ამბობს ეკატერინე და მოწაფეები უხმაუროდ სხდებიან. ეკატერინე რომ დირექტორია, იმიტომ კი არ სხდებიან უხმაუროდ, არა, ეკატერინე უყვართ მოწაფეებს. ეკატერინე ნიჭიერი მასწავლებელია, მარტო მცოდნე კი არ არის, ნიჭიერიცაა, ამიტომ უყვართ, ამიტომ ერიდებათ მისი. ეკატერინე ახალ გაკვეთილს ხსნის, დინჯად საუბრობს, უბრალოდ, მიმზიდველად... ჰო, ეკატერინე ხსნის ახალ გაკვეთილს და კლასი სულგანაბული უსმენს. ეს ზურაბ ბარბაქაძის კლასია, ამ კლასმა ზურაბი დაივიწყა და ეკატერინე შეიყვარა. ეს ბუნებრივია, არაფერია გასაკვირი და ნურც ნურავინ გაიკვირებს.

ეკატერინე მეათე კლასს ახალ გაკვეთილს უხსნის, ზურაბი კი სატეველაზეა. მორევი. ცივი, ხავსიანი ლოდი. ლოდზე ოთხად დაეცილი ტომარა აფენია. ლოდზე ზურაბ ბარბაქაძე ზის. ანკესები ჩაუყრია სატეველაში და ლიფსიტებს იჭერს. მარტო ლიფსიტებს რატომ? ხანდახან წვერასაც. სატეველას ემდურის? როგორ გეკადრებათ! სკოლა რომ მიატოვა, შინ რომ ადგილი ვერ იპოვნა, სატეველამ არ შეიფარა?

„მიუსაფარი ვიყავ მე და შენ შემეფარე.“

ეგერ, იმ თელებს ხომ ხელავე? სამი თელა ერთად ისე ახლო-ახლო დგას, შორიდან ერთი გეგონება. — იმ თელების, უკან, თვალისათვის მოფარებულ ადგილას, ზურაბ ბარბაქაძეს კარავი უდგას. კარავს კედლებად მესერი აქვს, ისლითაა დახურული კარავი, სახურავში საკვამურია დატრეებული და წვიმიან ამინდში იმ კარავში შუაცეცხლი უნთია ზურაბ ბარბაქაძეს, ნაქაზე კარდალაა ჩამოკიდებული და კარდალაში ლიფსიტები იხარშება. მარტო ლიფსიტა რატომ? სატეველას წვერაც იხარშება კარდალაში... განიერ ფიცარს ფეხებად ოთხი პალო შეუყენა, იმ ფიცარზე გაშალაშინებული მორი უდევს მუთაქად და წვიმიან ამინდში იმ ხისმუთაქიან ფიცარზე არხეინად წევს ზურაბ ბარბაქაძე, ანთია შუაცეცხლი და კარდალაში სატეველას წვერა იხარშება. არა, სატეველას ოდნავადაც არ ემდურის ზურაბ ბარბაქაძე...

„მიუსაფარი ვიყავი და შენ შემეფარე!“

ჩურჩულით იტყვის, თითქოს ზურაბ ბარბაქაძის გარდა კიდევ ვინმე იყოს ამ კარავში და ეშინია, იმან არ გაიგონოსო.

ხისმუთაქიან ფიცრიდან ადგება, კარდალას ჩამოხსნის და მონარშულ თევზებს ჭინჭრის ფთთლებზე შორიშორ დაალაგებს. თევზი შეშრება და გაიმტკიცება. ახლა საუზმის დროა, ბატონო ზურაბ, და

ვისაუზმოთ. კეთილი და პატიოსანი, ვისაუზმოთ! კალათიდან ჭადს, ყველს და პრასის წნილს ამოალაგებს. დოქში იზაბელა უსხრა, ცივი იზაბელა, მაგრამ ამ დილით ღვინოს არ დალევს, სკოლაშია წასასვლელი და ერთი ჭიქის დალევაც არ შეიძლება. ისე, სატეველას წვერას. ერთი ჭიქა ცივი იზაბელა წამალივით მოუხდება, მაგრამ არა, არაერთარ შემთხვევაში... მეათე კლასი... გაკვეთილი, სწორედ პირველი გაკვეთილი... ჩქარა ვისაუზმოთ, გაკვეთილზე არ დაგვაგვიანდეს, ბატონო ზურაბ! ესეც თქვენი საუზმე! მორჩა და გათავდა! კლასში შესვლისას აუცილებლად ჩაახველებს, მოწაფეებს ანიშნებს — მოვედიო და მოწაფეები უხმაუროდ სხდებიან მერხებზე ეურნალის ამოკითხვა არაა საჭირო, ყველა მოწაფე კლასშია...

სატეველა. წვიმა. ნისლი. ისლით დახურული კარავი. შუაცეცხლი. ხისმუთაქიანი, პალოებზე შედგმული ფიცარი. ფიცარზე ზურაბ ბარბაქაძე წევს. კარდალაში სატეველას წვერა იხარშება. დოქში ცივი იზაბელა. კალათაში ჭადი, ყველი, პრასის წნილი. პალოებზე შედგმულ ფიცრის ქვეშ ნუ შეიხედავთ, იქ წიგნები, რვეულები, ფანქრები და საწერ-კალამია. აბა, ერთი ნათელა ჩაფიჩაძის რვეული ენახოთ! არა, თქვენ არა, ამ რვეულს მაჩუტო ზურაბ ბარბაქაძე გადაათვალიერებს. ილია ჭავჭავაძის „მგზავრის წერილები“. ლამაზი ხელწერა აქვს ნათელა ჩაფიჩაძეს, მოგაძო, მომრგვალებული ასოები. ამ ნაწარმოების უმთავრესი აზრი, წერს ნათელა ჩაფიჩაძე, მწერალმა მოხევეს ათქმეიანა — „ჩვენი თავი ჩვენადვე უნდა გვეყუნდესო“. სწორია. „მგზავრის წერილების“ ფილოსოფია შეუმცდარად ეგ ვახლავთ და ნათელა ჩაფიჩაძესაც ასე უწერია საქალაო რვეულში. მეათე კლასელების რვეულები აქ, კარავში, აქვს ზურაბ ბარბაქაძეს და როცა წვიმს, ამ რვეულებს კითხულობს, თუ ხანდახან აღრეშეუმჩნეველ შეცდომას იპოვნის, მოიღრუბლება, რვეულს გადადებს, ლიტერატურის სახელმძღვანელოს გადაფურცლავს და იწყება გაკვეთილი.

„დღეს ჩვენ ვიწყებთ აკაკი წერეთლის „თორნიკე ერისთავის“ შესწავლას... ეს ისტორიული პოემა...“ თევის შემშრალია და, გამტკიცული, საუზმის დროა, ბატონო ზურაბ და ვისაუზმოთ! კალათში ჭადი, ყველი და პრასის წნილი. დოქში ცივი იზაბელა. ცივი იზაბელა სატეველას მურწასთან წამალივითაა და შევსვად. სკოლაში არ გელოდებიან, თქვენ სკოლაში არ მიღიხართ და შეგიძლიათ, ცივი იზაბელა შევსვათ, დიახ, რამდენიც მოგესურვებათ, იმდენი დალიოთ. შეგიძლიათ, ერთი მაგრადაც დათვრეთ, მერე ხისმუთაქიან ტახტზე წამოწვეთ და დაიძინოთ, ამით არაფერი დაშავდება.

მზე შემადლდა და ჰაერი შეიხუთა. ჩამოცხა. წვიმის წინ სწორედ ასე შეიხუთება ჰაერი. სატეველაც დაჩუმდა. ზურაბ ბარბაქაძე გა-

ლურსული ზის ლოდზე და მოჭუტული თვალები მორევისთვის მი-  
უშტერებია. ჰო, მორევს დასცქერის, მორევს ეჩურჩულება, ვერც  
იმ თელებს ხედავს, შორიდან ერთ ხელ რომ გვეჩვენება, ვერც ანკე-  
სებს, ვერც მე.

— ხვალ ორშაბათია. — სხვათაშორის ვთქვი მე.  
ცერად გამომხედა.

— კვირას ორშაბათი მოსდევს? — დაცინვით თქვა და ანკესის  
ტარს დაავლო ხელი. ჯერ ნელ-ნელა ამოსწია ანკესი, მერე, ეტყობა  
იგრძნო, რალაც მოჰყვებოდა ანკესს, ადგა და ერბაშად ამოისროლა.

ანკესისოდენა ღორჯოს გადაეყლაპა ანკესი. გასაოცარი იყო —  
ღორჯოს ტანი არ ჰქონდა, მარტო თავი და კუდი იყო, თავი თხილის-  
ოდენა, კუდი კი ძალიან პატარა, მძიმესავით. ძლივს დავინახე და  
გამეცინა, ხმამაღლა გამეცინა. ზურაბმა შემომიბღვირა და ანკესი  
ღორჯოიანად ისროლა წყალში, ჩაიდუღუნა, „თარსი“ შემომესმა,  
მივხვდი, მე მლოცავდა.

— კვირას ორშაბათი მოსდევსო? მერე რაო? — გაჯავრებით  
მკითხა.

— მეათეკლასელები დისპუტს მართავენ, — დინჯად ვთქვი მე და  
თვალი გაუუყარე.

პაუზა.

ზურგი შემომაქცია.

— შენი წასვლის დროა, ეკა! — ბრძანებით თქვა და ჩაახველა.

— ერთად წავალთ. — მშვიდად, ძალიან მშვიდად ვთქვი მე და  
ჭიქიდან ღვინო მოვსვი.

— მე დაღამებამდე დავრჩები.

— მეც.

— მე ბილიკი ზეპირად ვიცი. შენ გაგოძნელდება.

— მე ჯიბის ნათურა მაქვს. — ნიშნისმოგებით ვთქვი და ჭიქაში  
დარჩენილი ღვინო შევსვი.

— არავინ გიყვარს, ეკა?

ეს კითხვა მოულოდნელი იყო ჩემთვის და დავიბენი, ვიგრძენო,  
სახე წამომიწითლდა, კინაღამ სუნთქვა შემეკრა. კარგა ხანს ვდუმ-  
დი, მერე როგორღაც გონს მოვეგე.

— არავინ! — შევებით ამოვისუნთქე და ვითომ ვავიციენე.

— სასაცილო არაფერია, ეკა! მაშიდაშენის გზას მიჰყვები?

— სხვა რა გზაა?

— გზა ბევრია! — ისე თქვა, თათქოს დამიყვავა.

— მე ეს გზა გამიკვლია მამიდამ!

— მამიდამ? — ჩამკითხა და შემომაცქერდა.

პაუზა.

ახლა მე ავიფოფრე.

— რატომ გიკვირს? მამიდაჩემმა გამიკვლია ეს გზა! — დარწმუნებით ვთქვი მე. — დიახ, მამიდა! ჩემი ცხოვრების თარგი მამიდაჩემმა გამოჭრა, თქვენი ცხოვრების თარგი — თქვენმა მშობლებმა, თქვენ კიდევ თქვენი ვაჟიშვილის თარგი! სკოლა სადღა არისო, მკითხავ, — სკოლა ცოდნას გვაძლევს, სულს კი აღმზრდელი გვიქსოვს და მამიდაჩემის სული გადმოსახლდა ჩემში... ეს თავისთავად, შინაგანად ხდება ასე და ამას თეორიები არ სჭირდება, ბატონო ზურაბ!

— უკვე იშვილე ვინმე? რატომ არაფერი ვიცი?

— მოვესწრები! — ვთქვი და წარბები ავზიდე.

— სიამაყე ლუპავს ადამიანს, — დიდმნიშვნელოვნად თქვა ზურაბმა და ანკესი ამოისროლა. ანკესზე ისევ ის სასაცილო ლორჯო ეკიდა.

— მიწა, წყალი. ჰაერი. ცეცხლი. — დაფიქრდა.

— ლორჯო! — შევაშველე მე.

მწყრალად გამომხედა. ანკესის ტარი მოიქნია და შუა მორევში ისროლა.

— მიწა, წყალი. ჰაერი. ცეცხლი, — ეპიკურე! — ზურაბის ხმაზე ვთქვი და გავიღიმე.

— დიახ, ეპიკურე! — იფეთქა ზურაბმა. — ეპიკურე ჰკიცხავს სიამაყეს, შენ კი ამაყი ხარ.

— ამაყი? — გავიოცე და თვალეებში შევატყერდი.

— დიახაც! — მამიდაშენმა ამაყი გაგზარდა! პატარაობიდანვე ამაყი იყავი, პირველი კლასიდანვე... დავიჭერო, არავინ შეგიყვარა? პაუზა.

— მეც უნდა მიყვარდეს!

— მხოლოდ სიყვარულიან გულს შეუძლია შეყვარება, ეკა! — თქვა და მომიხსლოვდა, მხარზე ხელი დამითათუნა, მომეფერასაგით, მერე, არავინ გაიგონოსო ყურში ჩამჩურჩულა, — მამიდაშენი კარგი ქალი იყო, ეკა, მაგრამ უკარებელი, მის ხელებს არავინ გაუთბია... ჰო, არავინ გაუთბია მის ხელებს... — და უცებ სიტყვა ბანზე ამიგდო, — რაო, კვირას ორშაბათი მოსდევსო? რა მინდო ორშაბათმა?

გული შემეკუმშა, შემცივდა და თვალდათვალ დავპატარავდი. მერე თანდათან მორევიც გაჰქრა, ზურაბიც, ის სამი თელაც, შორიდან ერთ ხედ რომ ჩანან, ლოდიც გამომეცალა და ჰაერში გამოვეკიდე. — ვარ და არცა ვარ... „ეკა, ვინმესთვის უნდა იცხოვრო“, ჩამესმა მამიდაჩემის ხმა, და ზურაბი კვლავ დავინახე, ჩემთან ახლოს დამქლარეო და რაღაცას ჩურჩულებდა. თითქოს ისევ წაიბუტბუ-



ტა — „მის ხელებს არავინ გაუთბიაო“ და ეს კეთილი და ლამაზი მოხუცი მახინჯად და ბოროტად მეჩვენა.

წასვლა გადავწყვიტე და ავდექი.

— რაო, ორშაბათმა რა მინდაო, ეკა? — ბუბუნით თქვა და ისიც ადგა.

თითქოს ზურაბიც დაპატარავებულა, მხრებამდე ძლივს მწვდება, ხელები მკერდზე გადაუჯვარედინებია და მაინც უცახცახებს. შემებრალა.

— ხვალ მეათე კლასელები ლიტერატურულ გასამართლებას აწყობენ.

— დიდი ამბავი! — ცივად თქვა და ზურგი შემომაქცია. პაუზა.

— ვის ასამართლებენ? — ვითომ სხვათაშორის მკითხა.

— „მამის მკვლელს“.

შეტოკდა. ჩემსკენ შემობრუნდა. თვალი გამიყარა.

— სხვა ვერავინ იპოვეთ? ბევრჯერ გაგვისამართლებია „მამის მკვლელი“!

— სასამართლოს თავმჯდომარედ გიწვევენ. — დაყვავებით ვთქვი მე.

— მე? მე მიწვევენ თავმჯდომარედ? — გაიოცა და ისევ შეტოკდა, სახეზე სიწითლე შემოენთო, თვალები დააბრიალა.

— წავიდეთ! — გაჯავრებით თქვა ზურაბმა, — ნაკლული დოქი, თეფშები და ჭიქა კალათში ჩააწყო, ყველისა და ჭადის ნარჩენი მორევში ისროლა, ლოდზე დაფენილი ტომარა აიღო, დაფერთხა და კალათს გადააფარა.

— წავიდეთ! — ცივად თქვა, კალათს დაავლო ხელი და გააბიჯა.

— ანკესები? — წამოვიძახე მე.

შედგა. მორევს დახედა. მორევში რომ ანკესი ისროლა, იმის ტარი მორევის შუაგულში სასაცილოდ ყვინთავდა, — ხან ერთ თავს ამოჰყოფდა ზევით, ხან. მეორეს, ვითომ თვითონვე თეუზობდა ანკესი. გაეცინა, მორევთან მივიდა. წყალში ჩაკიდული ორივე ანკესი ფრთხილად ამოიღო და ნაპირზე დააწყო, კასრში ჩაიხედა და კვლავ გაეღიმა. ლიფსიტები მორევში ისროლა, მერე სახიდან ღიმილი ჩამოირეცხა და შემომიბტია.

— რას გაშეშებულხარ? წავიდეთ!

წამოვედით.

წინ ზურაბი მიდის, უკან მე, ბილიკმა ტყეში შეუხვია, ტყე ხშირია, ჩამობნელდა.

— ნათურა გაქვს?

— მაქვს, — ვთქვი მე, — ხელჩანთიდან ნათურა ამოვიღე და ავანთე. ნათურამ ბილიკი გაანათა.

— ჩააქრე და კვალში მომყევი, — თქვა ზურაბმა და ნაბიჯს უკლო.

ნათურა ჩავაქრე და კვალში მივყევი.

ტყიდან გამოვედით. მზე ჩასულია, მაგრამ ჭერ არ დაღამებულა, სატყველა თეთრი მდინარეა და ბილიკს მდინარის ნათელი ადგას. წისქვილს მივუახლოვდით.

— არ დაიღალე? — ალერსიანად მკითხა.

— არა.

წისქვილთან მივედით. წისქვილში არავინაა. ლარიდან გადაგდებული წყალი ჩხრიალებს.

— მე კი დავიღალე, — თქვა ზურაბმა და მოლზე დაჯდა. ტომარას მაწვდის.

— არ მინდა! — ვთქვი მე და მეც მოლზე დავჯექი.

ზურაბმა სიგარეტს მოუკიდა.

— ხომ არ გეჩქარება, ეკა?

— არა.

პაუზა.

— რაღაც გულმოსულივით ხარ. — ვითომ დამიყვავა, სიგარეტი მოქაჩა და ჩაახველა.

ვითომ დაიღალა? დაღმართზე მოვედიო დით და დაიღალა? ჭერ კარგად დაღამებული არაა, სოფლის შარავნაზე ხალხი მიდი-მოდის, იმ ხალხთან შეხვედრას ერიდება ზურაბ ბარბაქაძე და წისქვილთან მიტომატ დაიხანა.

— მოწაფეებს რა გადავცე?

ადგა. სიგარეტი მოისროლა და კალათს დაავლო ხელი.

— ასამართლებენ და თვითონვე უთავმჯდომარონ! — წავრდეთ!

წამოვედით. წინ ზურაბი მიდის, მე კვალში მივყვები. ჭერ ნელა მიდიოდა, მერე ნაბიჯს აუჩქარა. ბოგირთან შედგა.

— ნათურა აანთე.

ხელჩანთიდან ნათურა ამოვიღე, ავანთე და ბოგირს შივანათე. განზე გადგა.

— ახლა შენ იარე წინ, — ბრძანებასავით თქვა.

წინ წავედი. ბოგირთან აღმართი იწყება და ნაბიჯი შევანელე.

თემშარაზე გამოვედით და ძალის ყეფა შემოგვესმა.

— ძალდი ნათურას უყეფს, ჩააქრე! — ხმადაბლა, ჩურჩულით თქვა.

ნათურა ჩავაქრე, მომიახლოვდა და ხელი მსუბუქად დამადო მხარზე.

— რატომ მაინცდამაინც „მამის მკვლელი“ შეურჩიე, ეკა?

— თვითონვე შეარჩიეს.

პაუზა.

— ბევრჯერ გაგვისამართლებია, „მამის მკვლელი“... რახან ისევ მოისურვებთ მისი გასამართლება, გაასამართლონ და სასამართლოსაც თვითონ უთავმჯდომარეონ; ნახვამდის, — თქვა და ხელი გამომიწოდა.

სოფელში შემოვსულვართ. გულასპირ ჩაფიჩადის კიშკართან ვდგევართ. ოდაში ლამპა ანთია.

— გულასპირთან მიდიხართ?

— სახლში.

— მერე? — გავიოცე მე.

— აქ შეევხვევ, წყაროდან მოკლე გზაა, — თქვა და წავიდა.

წავიდა. ნახვამდის-მეტეჟი, მივაძახე, შედგა, არ გამეპასუხა. ეგებ ხელი დამიქნია და სიბნელეში ვერ დავინახე. ვიცი, ახლომანლო წყარო არ არის და ის წყარო ზურაბმა გამოიგონა. მოფარებული გზა აქვს ნაპოვნი და იმ მოფარებული გზით მიიპარება შინ. მივა და მეუღლეს შეუბღვერს — რატომ მოასწავლე ეკას ჩემი სამყოფელი? მთელი დღე რიტინ-რიტინით გამაცდინაო, — ნამდვილად ასე ეტყვის და ხელცარიელად რომ დაბრუნდა, იმასაც მე დამაბრალებს, ვითომ დღემდე არასოდეს დაბრუნებულა ზურაბ ბარბაქაძე სატეველადან ხელცარიელად.

...თემშარას გადაუხვია, ქურდულად ჩაუარა გულასპირ ჩაფიჩადის ეზოს, მერე ასანთს გაჰკრა, ბილიკს წვერი უპოვნა და სიბინდის ყანას პირდაპირ მიჰყვა.

— „მამის მკვლელს“ ასამართლებენ... რატომ მაინცდამაინც „მამის მკვლელს?“ ვითომ ნამუსი შემინახეს მეთათეკლასელებმა?

ყანა ჩაიარა და ჩაიმუხლა. ბინულში მოაფათურა ხელი. ცივი წყალი ეამა.

„წყაროდ ვთქვი, ეკა იფიქრებს, ვიცრუე ჩემი წყარო ეგ არის და მე მას წყაროს ვეძახი“.

ალაგეზე მსუბუქად გადავიდა. ოდაში, ბუხრისთავზე ჩაწეული ლამპა ანთია. ეზოში მიმოიხედა. — სიბინდი მოუტეხიათ, ჩალაც აუჭრიათ... დაღლილან და ამიტომაც ადრე დაწოლილან შეილიცა და რძალიც, შეიფიშვილიც, სალომეც... დაღლილან, დაწოლილან და დაუძინიათ. ზურაბს არავინ ელოდება და ზურაბიც არავის გააღვიძებს.

ნაბიჯი აიძვებუქა, კალათი სვეტზე ჩამოჰკიდა და სამზადის კარი ფრთხილად შეაღო.

კერაზე ცეცხლი ანთია, ჯორკოზე სალომე ზის, ხელები მუხლის-თავეზე შემოუწყვია, თვლემს.

„მეგონა ყველას ეძინა“...

შეებრალა სალომე.

„მე რომ დილაუთენია ავდექი, სალომე უკვე ზეზე იყო. ზეზე კი არა, მე რომ ავდექი, ცხელი საუზმე გამიწყო. ერთი საათით მაინც ჩემზე ადრე ადგა, საუზმე და საგზალი მომიმზადა. მერე დილიდანვე დაიწყებდნენ სიმინდის ტეხვას, ბარაქიანად უშრომიან — ერთი ქცევა ყანა მოუტეხიან და ჩალაც აუჭკრიან — დაიღლებოდნენ, ძალიანაც დაიღლებოდნენ! დაწოლილან და დაუძინიან, — ეს კი კესარიასთან დამჭდარა, ჰადი ცეცხლისთვის მიუფიცებია, თვლემს და მელოდება“.

— მოხვედი? — მუხლებიდან თავი არ აუღია, ისე ჰკითხა. სალომემ.

— ჰოო, მოვედი.

ბაუნა.

— უჩემოდ რატომ მოტეხეთ სიმინდი? — ჩალაც აგიჭკრიან, შემშრალიყო ცოტა. — ხმამალა, გაჯავრებით თქვა ზურაბმა.

სალომემ დაამთქნარა და მუხლებიდან თავი აიღო.

— დილით გულასპირი იყო. ხვალდან წვიმები დადგებაო, — თქვა

— ვინ შემომითვალაო? — დაცინვით ჰკითხა ზურაბმა.

— დედის მუხლებმა! — მუხლებში ტეხდა და მთელი ღამე ვერ დაუძინია გულასპირის დედას... შენ ვერ გრძნობ, როგორ დაიხუთა ჰაერი?

სალომემ აქანდაზით ნაკვერჩხალი მოჩხრიკა და ადგა, მუგუზალმა ალი ამოაგდო და სამზადი განათდა.

სალომემ კედლიდან ტაბაკი ჩამოხსნა.

— არ გივანშია? — გაიოცა ზურაბმა.

— დაგელოდე, — ჩურჩულით თქვა სალომემ და განჯინიდან დოქი გამოდგა.

— ქური მოვხადეთ.

— რომელი? — გაჯავრებით თქვა ზურაბმა და დოქს წაავლო ხელი.

— გოგიასი! მეტი რომელი დარჩა?

— გოგიასი? — იფეთქა ზურაბმა, — გოგიასს ქური რატომ? გოგიასს ქური გოგიასს დაბადების დღეს. უნდა მოგვეხადა!

სალომე შეკრთა.

„დილით დამიბარა, გოგიას ქური მოხადეთ, ხვალ ხომ გოგიას დაბადების დღეა და ნახეთ, ღვინო ხომ არ მომჟავდა, ხომ განსოვს, შარშან როგორ შევრცხვითო, ახლა კი გაჯავრდა, — გოგიას ქური რატომ მოხადეთ, გოგიას ქური გოგიას დაბადების დღეს უნდა მოგვეხადო; ასე გეჭონდა დათქმულიო... ნუთუ დაავიწყდა დილით ნათქვამი?“

ზურაბმა დოქიდან მოსვა ღვინო და ოდნავ ემეფვა.

— წელს დიდ ქურში ჩაეახათ გოგიას ღვინო, ღრმადაა ჩამარხული, უფრო შეინახავს.

...ოღაში ფეხაკრეფით ავიდნენ. გოგიამ მაინც იგრძნო მათი მოსვლა და ბალიშიდან ყური ცქეიტა, სალომემ ხელით ანიშნა, ხმა არ ამოიღო და შეილიშვილს ლოგინში შეუწვა.

აივანზე სიმინდის ტაროები ჰყრია და ოღაში ახალმოწველილი რძის სუნი დგას.

— ბაბუღიმ თევზი მოიტანა? — ჩურჩულით ჰკითხა გოგიამ სალომეს.

— ჰო, მოიტანა.

— ცოცხალი თევზი?

— ჰო, ცოცხალი თევზი! ჩუ დავიძინოთ! — თქვა სალომემ და შეილიშვილი კედლისკენ მისწია.

ზურაბმა ლაქმა თავის ოთახში შეიტანა:

მაგიდაზე ბარათი იდო.

„ბატონო ზურაბ!“

ხვალ სამოცი წელი გისრულდებათ და ჩვენი სკოლა აღნიშნავს ამ დღეს. გთხოვთ, ხვალ სატეველაზე სათევზაოდ არ წაბრძანდეთ. ხემადლის სკოლის პედაგოგები“.

შეცბა.

„აკი „მამის მკვლელს“ ასამართლებენ მეთექვსმეტელებიო. იცრუა ეკამ?“

სიგარეტს მოუკიდა, ლაქმა ჩააქრო, აივანზე გამოვიდა და სიმინდის ტაროებში მსუბუქად ჩაჯდა.

ამათ არაფერი იციან, თორემ სიმინდით არ აავსებდნენ აივანს... ცხელა.

„ღამე და ასეთი სიცხე?“

სანისლეს ქედს გახედა.

დაბლა, ძალიან დაბლა ჩამოწოლილან ღრუბლები.

„სამოცი წელი შეუსრულდა ყოფილ პედაგოგს ზურაბ ბარბაქაძეს დაბადებიდან!.. დიდი ამბავი ისტორიული მოვლენა! საზეც-  
-ო სხდომა. შესავალი სიტყვა. მოხსენება. მილოცვები და საჩუქრები. მერე, შენ ხარ ჩემი ბატონი, იუბილარი მადლობას მოახსენებს

საზოგადოებას. მერე კონცერტი, სიმღერა და ცეკვა, ლხინი და გრძელ-გრძელი სადღეგრძელოები...

აკი „მამის მკვლელს“ ასამართლებენ მეთექვსმეტე დღეში, იცრუა ეკამ?

ბარათი უთუოდ ეკამ მოიტანა, შინ არ დაეხვდი და სატეველა-ზე მომაკითხა. მიკიბ-მოკიბა — კვირას ორშაბათი მოსდევს, ზვალ ორშაბათია, მეთექვსმეტე დღეები ლიტერატურულ გასამართლებას წყობენ და სასამართლოს თავმჯდომარედ ზურაბ ბარბაქაძეს იწვევენ... როგორ ჩაალაგა!

ზურაბ ბარბაქაძე სკოლაში მივა და სიურპრიზი: რისი ლიტერატურული გასამართლება! — ზეიმი, დიდი ზეიმი! ზურაბ ბარბაქაძეს საამოცი წელი შეუსრულდა!

სკოლის ლეონი — სცენაა, სკოლის ეზო — დარბაზი.

სცენაზე გრძელე მაგიდა დგას, მაგიდის მოშორებთ, ოდნავ შემადლებულ ადგილზე, სავარძელი.

სავარძელში იუბილარი ზის, პრეზიდენტში — იუბილარის ნა-ნოწაფარნი — ინჟინრები, ექიმები, პედაგოგები და აგრონომები, ამ ზეიმზე საგანგებოდ ჩამოსულნი საქართველოს სხვადასხვა კუთხიდან.

სცენაზე და ეზოში ხალხი ვერ ეტევა. ხმაური. ქალბატონი ეკატერინე ადგება, ხალხს გახედავს, ზარს დარეკავს და ანიშნებს დაჩუმდითო. ხალხი დაჩუმდება.

მე კი ვერ შემომხედავს ეკა! ჩემი რცხვენია და ვერ შემომხედავს.

...გუშინ კოლმეურნეობის შოფერს ვთხოვე, ხვალ სანისლედან შემა ჩამომატანინე-მეთქი. გაიოცა.

— ხვალ? კვირას?

— ჰო, ხვალ!

უარი მტკიცა. ხვალ ხერგაში მივდივარ, სტუმრები მყავს ამო-საყვანიო, თვალი ჩამიკრა და ეშმაკურად გამილიმა.

ის სტუმრები ეკატერინემ მოიწვია ზურაბ ბარბაქაძის იუბი-ლეზე...

ერთი დამიხედეთ ეკას!..

ამათ არაფერი იციან, თორემ სიმინდით არ აავსებდნენ აივანს“.

ცხელა.

დაბლა, ძალიან დაბლა ჩამოწოლილა ღრუბელი.

სანისლეს ქედიც ღრუბლებში შეხვეულა, ნიგვზიანიც, სატევე-ლას ხეობაშიც ჩაწოლილა ღრუბელი.

„ხვალ სკოლაში მივალ და მთელი სოფელი სკოლაში დამხვდება.“

შემომეხვევიან. დაბადების დღეს მომილოცავენ. ტაშს დამიკრავენ...

სკოლაში მობრუნებ, ეკა?

არა, სკოლაში არ დაბრუნდება ზურაბ ბარბაქაძე.

მან თავისი კალო გალეწა, თავისი სატეველა გაიტანა“.

სატეველა. მორავი. ხავსიანი ლოდები. თქორი.

კარავი. კერიაზე ცეცხლი ანთია, კარდალაში სატეველას წვერა იხარშება. ხისმუთაქიან ფიცარზე წვეს ზურაბ ბარბაქაძე.

გადაიკარებს. კარავიდან გამოვა, ანკესებს გააწყობს და მორევეში ჩაჰკიდებს.

„მიუსათარი ვიყავ მე და შენ შემთვარე!“

ცხელა. შუალამემ მოატანა და მიინც ცხელა.

აივანზე სიმინდის ტაროებში ჩამჭდარა ზურაბ ბარბაქაძე, სიგარეტს ეწევა და ღრუბელში შეხვეულ სიბნელეს გასცქერის.

### III

მამიდა. მამიდაჩემი!

ყველას თავისი მამიდა განსაკუთრებული ჰგონია და ნურც შეედავებით. თუ მაინცდამაინც გნებავთ, შეედავეთ და უმტკიცეთ, რომ მამიდამისი ჩვეულებრივი მამიდაა, თქვენი მტკიცება თქვენთანვე დარჩება, მამიდაჩემი კი — განსაკუთრებულ მამიდად და ქალბატონად.

მამიდაჩემი!

მამიდაჩემი პელაგია კი ნამდვილად განსაკუთრებული ქალი იყო და არავის მამიდას არ ჰგავდა. მარტო შე არ ვთვლიდი მამიდაჩემს განსაკუთრებულ მამიდად, მთელი სოფელი ამბობდა — პელაგია მამიდა ნამდვილად არაჩვეულებრივი მამიდააო და ეს ჭეშმარიტად ასე იყო.

ღიახ, მამიდაჩემი პელაგია არავის მამიდას არ ჰგავდა.

სახე ოდნავ მოგრძო და თეთრი, მაგრამ, ჩვეულებრივი თეთრი კი არა, რაღაც განსაკუთრებული თეთრი სახე ჰქონდა, ისეთი თეთრი, მსუბუქ ჩრდილსაც რომ არ გამოაფენს.

თვალები კი ჩვეულებრივი ჰქონდა მამიდაჩემს — თაფლისფერი, ღიმილიანი, მაგრამ ღიმილის დროსაც თვალის უბებში სევდა ჰქონდა მომწყვედელი, მაგრამ ამ სევდას თქვენ ვერ შეამჩნევდით, ძალიანაც რომ დაჰკვირვებოდით, მაინც ვერ შეამჩნევდით.

მამიდა პელაგია თქვენ რომ გესაუბრებოდათ და თვალებში

შემოგვცქეროდით, თქვენდა შეუძმჩნევლად სხვას, ვილაც მეორესაც ესაუბრებოდა, იმ სხვასაც იყო დაყურადებული და თქვენ ამას ვერ შეამჩნევდით. მე თერამეტი წლისა ვიყავი, პირველად რომ შევამჩნიე ეს და სანანებლად გამიხდა.

სექტემბრის თბილი საღამო. მზე უკვე სანისლეს ქედს იყო ამოფარებული და ქედს გვირგვინივით რაღაც საოცარი ნათელი ადგა. მამიდაჩემი და მე აივანზე ვისხედით. გოგრას და ახალკაკალს შევექცეოდით და ორივე ქედს მიეჩერებოდით. მამიდა უცებ წამოდგა, აივნის მოაჯირს გადაეყრდნო, თვალებზე ხელი მოიჩრდილა და სანისლეს ქედს მონუსხულივით შეაკცქერა, მერე ხელი თვალებზე მიმოისვა, ჯერ მე შემომხედა და ისევ ქედს გაუსწორა ბვალი. მოდის, — თქვა და ლუქმა გაიქვავა, ტუჩები მოკუშა და თვალები გაიშეშა. გვერდით ამოეუღდექი და დაეკვირდი, ქვეშ-ქვეშად დაეკვირდი და თვალების უბებში მიმალული სევდა ეიპოვე და იმ სევდამ შემძრა, თითქოს მამიდაჩემი კი არა; სხვა, უცხო ქალი იდგა ჩემს პირდაპირ: სახის ფერი გაუმუქდა, თვალები უფრო გაუშეშდა და ტუჩები ისე მოკუშა, რომ ტუჩები წაეშალა და გაუქრა. მოდისო, — ისევ თქვა ჩურჩულით და ხელები აივნის სვეტს შემოაჭლო. გაუვლის-მეთქი, ვიფიქრე, პირიქით, უფრო გაილურსა, ხელები უფრო მაგრა შემოაჭლო აივნის სვეტს, სანისლეს ქედი უკვე ჩამუქებულყო და მაინც სანისლეს ქედს შესცქეროდა. შემეშინდა.

— მამიდა, ვინ მოდის? — დაბალი ხმით ვკითხვე და თვალებში ჩაეხედე.

შეტოკდა და აიღეწა; სახე ამარიდა და მანამდე არასოდეს რომ არ აღმოხდენია, ისეთი ხმით მომანახლა. — რას მომჩერებიხარ თვალებში, უნეს საქმეს მიხედეო და ხელი ჭიშკრისკენ გაიშვირა.

ჭიშკართან ჩვენი გუტა იდგა.

კიბე უხმაუროდ ჩავიარე და ეზოში ჩავედი.

როცა ჭიშკარი გავალე და ძროხა ეზოში შემოვუშვი, თვალი ოდისკენ გავაპარე.

მამიდაჩემი აივანზე აღარ იყო.

სამზადში შევედი. დიდი ქოთანნი გამოვიტანე და ძროხა მოვწველე. რძი ავადლდე, კიქებში ჩავასხი და ოდის აივანზე ავიტანე. ზალაში ფეხაკრფით შევედი. უკვე ბნელოდა, მაგრამ მაინც დაეინახე — მამიდაჩემი ტახტზე პირალმა იწვა და თვალი ჭერისთვის მიეპყრო. ვითომ ვერც შემამჩნია, ჩუმად იყო.



— მამიდა, რძე მოგიტანე, — ჩუმად ვთქვი და მივეუბნოვდი.

— რას ჩამაცივდი, ეკა! არ მომეშვები? — ვედრებასავით თქვა და სახე ამარიდა, კედლისკენ გადაბრუნდა და ყრუ ქვითინი შემომესმა.

ჩემს ოთახში შევიპარე. ვუთვალთვალე. დიდხანს, ძალიან დიდხანს იბორცა, მერე როგორღაც დამშვიდდა და ჩაეძინა.

...ახლა სიარული?

მამიდაჩემი მსუბუქი ნაბიჯებით დადის, ფეხს ისე ადგამს, იფიქრებთ, მიწას ეფერებაო. და ყოველთვის ასე მიაბიჯებს — როცა ყანაში მიდის, როცა წისქვილში საფქვაავი მიაქვს, როცა წვეულებაში მიბრძანდება.

მამიდაჩემი!

ჩემი დედ-მამა მამიდაჩემი იყო.

წლინახევრისა ვყოფილვარ, ჩემი მშობლები რომ გარდაცვლილან. გარდაცვლილან კი არა, დახოცილან... ჩვენი უბანი თითქმის ამოწვეტილა.

ერთი ჩვენი უბნელი მოსახლე დიდი ეპქარი ყოფილა. პირველად თითო დამხმარე კაცი ჰყოლია დაქირავებული ხერგასა და ოდესაში, მერე საეპქრო ამხანაგობა დაუარსებია — „უღელტეხილი“. ამხანაგობის თავმჯდომარედ თვითონ დამდგარა, ხოლო მდივან-საქმისმწარმოებლად თვრამეტი წლის მამიდაჩემი მიუწვევია, მარტო სილამაზის გამო კი არა, როგორც ზოგიერთნი ფიქრობდნენ, ცოდნის გამო. მამიდა პელაგიას ქუთაისის ოთხკლასიანი სასწავლებელი ჰქონდა დამთავრებული, რუსული ჩინებულად იცოდა და ცოტაოდენი ფრანგულიც. საეპქრო ამხანაგობა „უღელტეხილს“ კი გამოყვანილი კაკლის ხე და კაკალი, შემაგრებული იმერული ღვინო, ჰაჭვის არაყი, ხილი ოდესაში და მარსელში გაჰქონდა, ხერგაში კი შემოჰქონდა მარსელის კრამიტი, ჯამ-ჰურჭელი, ფართლელი და ქერჩის ტარანი.

მე რომ წლინახევრისა ვყოფილვარ, ორმოცდათვრამეტი წლის წინათ, „უღელტეხილის“ თავმჯდომარეს ოდესიდან ჩვენს სოფელში შავი ტიფი ამოუტანია. ჩვენი ყურისმეზობელი ყოფილა და ჩემი ახალგაზრდა მშობლები თავს დასტრიალებდნენ ავადმყოფს. თვითონ და მისი ოჯახის წევრები პირველნი დახოცილან, მერე ჩემი მშობლები (მე ნათლიას გავუხიზნივარ ზინორიძეთა უბანში). ამბობენ, თხუთმეტამდე ოჯახი ამოწყდაო.

მამიდა პელაგიას ხერგა დაუტოვებია და თავის ოჯახს დაბრუნებია.

საბრალო მამიდაჩემი!

ლამაზი იყო, ჯანმრთელი, მეოჯახე, ბავშვების მოყვარული და გაუთხოვარი დარჩა...

...მამინ უკვე ექვსი წლისა ვიყავი და ყველაფერი კარგად დამამახსოვრდა. გაზაფხული იდგა, მაისის დასაწყისი. შელაშქვებულზე ფოსტალიონმა წერილი მოუტანა მამიდას. წერილი წაიკითხა თუ არა, მოუსვენრობა დაეტყო, აწრიალდა. მე აღრე დამაწვინა. კიბე ამოათრია, ოდის სხვენზე ავიდა და აკვანი ჩამოიტანა, ჩემი აკვანი. აივანზე დადგა და ცხელი წყლითა და საპნით გარეცხა. დილაუთენია გამომალვიდა, მამიდაჩემი ძალზე ფერმკრთალი მეჩვენა, ეტყობოდა, მთელი ღამე არ ეძინა. ზალაში გაწყობილი აკვანი იდგა. ჩემი საბანი ვიცანი. ოღონდ საბანს ახალი, გაქათათებულნი შალითა ჰქონდა შემოკერილი, აკვნის ტარზე კი ჩემეული თეთრი დათუნია ეკიდა, საყდარუნებლით ხელში.

მეზობელთან დამტოვა. გულასპირ ჩაფიჩადის ცხენზე შეჭდა და ხერგამზ წავიდა. სალამოს თოთო, ახალდაბადებული ბავშვი ამოიყვანა. უმცროსი დაიკო მოგიყვანეო, ღიმილით მითხრა და ბავშვი აკვანში ჩააწვინა. უბედური დედამისი მშობიარობას გადაჰყვა, მამა კი საღდაც გადაიკარგა და ეს ობოლი მე და შენ უნდა გავზარდოთო... ბავშვმა საცოდავად დაიკნავლა და მამიდაჩემი ატირდა. სასწრაფოდ კონდრატე კიკნაველიძის უფროსი რძალი მახმობინა. მასაც მეძუძური, ბავშვი ჰყავდა და კონდრატე კიკნაველიძის უფროსი რძალი მთელი ერთი წელი ძიძაობდა მაიკოს.

დამხმარე? დამხმარე არავინ ჰყავდა მამიდა პელაგიას. ჩვენი მარჩენალი ჩვენი ეზო იყო — ერთი ჰექტარი მიწა. ეზოს ნახევარზე სიმინდი გვეთესა. გულასპირ ჩაფიჩაძე გვითესავდა, მამიდა თვითონ მარგლიდა და ამოროდებდა, ოთხჯერ მაინც გათოხნიდა ყანას. სარეველას გამოხელვაში მეც ვეშველებოდი, ხანდახან მაიკო შემოიპარებოდა ყანაში, მამიდა პელაგია დაუცაყანებდა და გაანაპირებდა. — შენი მოხმარება არ მინდა, ეკა, ბავშვს მიმიხედუო, — მეტყოდა მამიდა პელაგია და მე მაიკოს გავეთამაშებოდი, მაგრამ მაიკო ჭირვეულობდა — შენთან არ მინდა, დედასთან მინდაო. და მამიდაჩემი გამოხელვას თავს მიანებებდა, აიტატებდა მაიკოს, ეზოში დაატარებდა და ელულუნებოდა.

ვერ ვიტყვი, მამიდაჩემს ჩემზე უფრო მაიკო უყვარდა — მეთქი, მაგრამ მათა ჩემზე დიდად პატარა იყო და მამიდა პელაგია მას უფრო ეალერსებოდა, მთელი დღე კალთაზე ჰყავდა

გამობმული და ღამით თაეის ლოგინში იწვევდა. რალაც სურ-  
დოსავით შეეყრებოდა მაიკოს და მამიდაჩემი გიჟდებოდა, ფე-  
ხებს უთბუნებდა, ათასნაირი ბალახი ნახარშს ასმევდა და ვიდრე  
არ მოარჩენდა, ბორგავდა.

ჩვენი ოჯახის მთავარი შემოსავალი ვაზი და ხეხილი იყო.  
ორმოცამდე ძირი მარტო ვაშლი და ლელვი გვედგა, სამი ძა-  
ლიან დიდი კაკლის ხე და ეზოს გარშემო მსხლის ხეები მესერივით  
იყო ჩამწკრივებული. შაქარმსხალი, ღუჯა, მაქირე, ადრეული  
და ზამთრის. ხეხილის ყველა ხეზე ვაზი იყო აშვებული —  
იზაბელა. გულასპირ ჩაფიჩაძე ამტკიცებდა, თქვენი იზაბელა  
ხვანჭკარას და ოჯალეშს ჯობიაო. ამ ხილისა და ვაზის წყალობით  
მდიდარი იყო ჩვენი ოჯახი და მამიდა პელაგია სიამტკბილობით  
გვზრდიდა მე და მაიას. ჩვენ მას დედას ვეძახდით და მამიდა პე-  
ლაგია ჩვენი ნამდვილი დედა იყო.

და სრულიად მოულოდნელად ექვსი წლის მათა მკერდიდან ააგ-  
ლიჯეს მამიდაჩემს.

გუშინ გულასპირმა კაკლის ხეები დაგვიბერტყა. კაკალი გუშინ-  
ვე ავკრიფეთ, დღეს კი მე და მათა ჩამობერტყილ ფოთლებს ვაჭუ-  
ჩებდით, მამიდა კი სახლს ალაგებდა.

ჩვენს ჭიშკარს მხედარი მოადგა და ხმამაღლა დაიძახა — მაინ-  
ძელოო.

სტუმრის ძახილი რომ გაიგონა მამიდამ, შეჰკივლა.

მე და მაიას შეგვეშინდა და უმაღვე ოდაში ავირბინეთ.

მამიდამ მაიას სტაცა ხელი და კაბის კალთა შემოაფარა. ეკა,  
მიშველეო, დაიკენესა მამიდამ, მერე თვალები გაუშეშდა და ია-  
ტაკზე ჩაიკეტა.

— პელაგო, მე ვარ, გამომხედეო, — უსიამო ხმით დაიძახა სტუ-  
მარმა, დაქვეითდა, ჭიშკარი გააღო და ცხენი ეზოში შემოიყვანა.

მამიდა როგორღაც უცებ გამოკეთდა. იატაკიდან მსუბუქად  
ადგა, სარკეში ჩაიხედა, ჩამოშლილი თმა შეისწორა, — სტუმარ-  
ი შინ შემოიწვიეთ, — მითხრა, თვითონ მაიკოს დააელო ხელი.  
და უკანა კართ საშხაღში წავიდა.

აივანზე გამოვედი. სტუმარს წაბლისფერი ცხენი კაკლის ხეზე  
მიება და ოდისკენ მოდიოდა.

მობრძანდით-მეთქი, — ვთქვი და სტუმარს კიბესთან მივეგებე.

ამოვიდა. ამხედ-დამხედა. მერე თვალი გამიყარა და ჩუმი,  
დახშული ხმით მკითხა, — შენთან გოგონა რომ იყო, სადააო. — დე-  
დამისმა საშხაღში წაიყვანა-მეთქი — და სკამი მივაწოდე.

ზალაში შევიდა, ოთახებში შეიხედ-შემოიხედა და უნდოდა  
რალაც ეკითხა, მაგრამ ამ დროს, აივანზე მამიდა და მათა ამოვიდ-  
ნენ

მამიდამ და სტუმარმა ერთმანეთი შეათვალიერეს, მაგრამ ერთ-მანეთს არ მიესალმნენ.

— ეჰა, — დინჯად თქვა მამიდამ, — შენ და მათამ, მსხლის ქვეშ რომ მოთიბული ბალახია, ცხენს დაუყარეთ.

მე და მათა კიბეზე რომ ჩავდიოდით, მამიდაჩემის ხმა შემომესმა. — რომელმა ქარმა გადმოგავდო, ბარძიმ!

ცხენს ბალახი დაუყარეთ და რადგანაც არ გვიხმეს, ბალახებში ჩამალული კაკლის მონაკერება დავიწყეთ და ერთი კალათი მოვინაკერეთ.

დიდი ხნის შემდეგ სტუმარი და მამიდაჩემი აივანზე გამოვიდნენ. მამიდა სამზადში წავიდა, სტუმარი კარგა ხანს აივანზე მიდი-მოდიოდა და ეზოს ათვალიერებდა, მერე ეზოში ჩამოვიდა და ჩვენთან მოვიდა.

— კაკალი ვინ დაგიბერტყათ? — იკითხა სტუმარმა და მე შემომხედა.

— გულასპირმა, — ვთქვი მე და სტუმარს კაკალი გავუწოდე.

— გულასპირი ვინ არის?

— ჩვენი მეზობელი.

— ახალგაზრდაა.

პაუზა.

სტუმარი შეათვალიერე.

— თქვენი სნისა იქნება.

— შენ რა იცი, მე რა ხნისა ვარ? — მკვანედ მომიგო სტუმარმა. ეტყობოდა გაბრაზდა.

გაეწითლდი და თავი დაეხარე.

სტუმარი მე მესაუბრებოდა, თვალს კი მათას არ აშორებდა.

მამიდამ ოდაში გვიხმო. გულზე მომეშვა და გავიქეცი. სტუმარმა მათას მხარზე დაადო ხელი და ნელ-ნელა წამოვიდნენ.

სუფრა აივანზე გაეწყო მამიდას. დაესხედით. სტუმარმა ორ ჭიქაში დაასხა ღვინო და როცა მამიდაჩემმა ჭიქა აიღო, მე თვალებში შევხედე და მისი თვალების უპეებში მიმალული სევდა ადვილად ვიპოვე.

პაუზა.

— მაიკო, დღეს შენი ბედნიერების დღეა! ჩვენი სტუმარი შენი მამაა! — დინჯად მათან დინჯად თქვა მამიდამ და სტუმარს თვალი გაუსწორა.

მათა შეტოვდა, ნაკვერჩხალივით გაეწითლდა სახე, აცახცახდა. მამიდამ თავზე გადაუსვა ხელი მათას და ბავშვი თითქოს ოდნავ დამშვიდდა.

— მიდი, აკოცე მამაშენს, — ისევ დინჯად თქვა მამილამ, მათა აიყვანა და სტუმარს მუხლებზე დაუსვა.

მათას მამა ადგა, ბავშვი ხელებში აიტაცა, გააქან-გაძოქანა, მერე მკერდში მაგრად ჩაიკრა და შუბლი და თვალები დაუკოცა. მათამაც აკოცა ლოყაზე მამას, მაგრამ გაუბედავად.

— რამხელა გაზრდილა ჩემი მაიკო! — ღიმილით თქვა მაიკოს მამამ და შვილი მუხლებზე დაისვა.

— ახლა დავნაყრდეთ! — თქვა მამილამ. და, სიჩუმე ჩამოეარდა.

— მამიკო, ჩვენთან დარჩები? — ჰკითხა მათამ და მამას ხელი ლოყაზე მოუთათუნა.

პაუზა.

— არა! მამაშენი და შენ ქალაქში წახვალთ! — ცივად თქვა მამილაჩემმა და შევატყვე, გულში ძაფი ჩაუწყდა, სახეზე ჭერ სიწითლე შემოენთო, მერე კი მიტკლისფერი დაედო.

მათა მამის მუხლებიდან ჩამოვიდა, მამილაჩემთან მიიქრა, თავი მკერდში ჩაურგო და ტირილით თქვა:

— დედი, მე შენთან მინდა.

მამილაჩემმა ტუჩებზე იკბინა, მათა კალთაში ჩაისვა და თვალები დაუკოცა.

— მე დეიდა ვარ შენი, მაიკო. — ტირილით თქვა მამილაჩემმა და მათა მკერდში მაგრად ჩაიკრა.

მათა აზლუქუნდა.

— არა, შენ დედა ხარ! — შენ დეიდა არ ხარ! მე შენთან მინდა! — და მამილაჩემს ისე ეხვეოდა, პირდაპირ გულში ჩაძვრომას ლამობდა.

ყველანი ავტირდით. ჰო, მათას მამაც ატირდა. მერე მათას მამამ ცრემლი დაირცხვინა, სუფრიდან ადგა, ხალაში შევიდა, დავინახე — ცრემლი ჰრელი ცხვირსახოციით მოიწმინდა და ყურები თითებით დაიგმანა.

— არა, სულ კი არა, ცოტახნით წაგიყვანს მამაშენი ქალაქში, ახალ კაბებს შეგიკერავს, ახალ ფეხსაცმელებს, სათამაშოებს გიყიდის... მერე ეკა და მე ჩამოვალთ ქალაქში და წამოგიყვანთ, შენ უკვე ჰკვიანი და დიდი გოგო ხარ და ჰკვიანმა, გოგომ მამას უნდა დაუჭეროს... — ფერებ-ფერებით თითქოს დაამშვიდა მამილაჩემმა მათა, მაგრამ მათა მაინც ცახცახებდა და მამილაჩემის კალთას არ შორდებოდა.

— შეხედე, რა ლამაზი ცხენი მოგიყვანა მამიკომ! ამ ცხენზე შეგსვამს და სულ ჩიქჩიქით ჩაგიყვანს ქალაქში. — ღიმილით თქვა მამილაჩემმა, — ვითომ თავი გაიმხიარულა.

— აბა, არ დავგვიანდეთ, — თქვა მამილაჩემმა და ოთახიდან

ხურჯინი გამოიტანა. — მაიას ნიეთები და საგზალი ხურჯინშიაო, — ცივად უთხრა მაიას მამას. მერე მაია უკანა, აივანზე გაიყვანა, ხელპირი დაბანა, ახალი კაბა ჩააცვა და ეზოში ჩამოიყვანა.

მაიას მამა და მე უკვე ეზოში ვიყავით.

ქიშკრისკენ დავიძარით.

მაიას ხელები მამიდაჩემის ხელისთვის ჩაეჭიდა და ლოყაზე მივლო.

ქიშკარი მე გავალე და ეზოდან გამოვედი.

— ბავშვს გამოემშვიდობეო, — მითხრა მამიდაჩემმა და მაია ჩემკენ გამოსწია.

თვალეებში ჩაახედე. ნამტირალევი თვალეები ამოწითლებული ჰქონდა. გაოგნებული იყო. შუბლზე ვაკოცე, შუბლი უხურდა, ლოყაზე ვაკოცე, ლოყაც უხურდა. მაია შემებრალა და აეტირდი. მამიდაჩემმა განზე გამწია და მაია ხელში აიყვანა. მკერდში ჩაიკრა და კარგახანს ჰყავდა მკერდში ჩაკრული, მერე თავი გადაუწია, თვალეებში ჩააცქერდა, კისერი და თვალეები დაუქოცნა, უცებ შეტოკდა მამიდაჩემში, მაია მკერდიდან სწრაფად მოიშორა და უნაგირზე დასვა.

მაიას მამამ აღვირი დააგრძელა და ცხენს წინ დაუდგა, ეტეობოდა, ქვეითად სიარულს აპირებდა, მაგრამ მამიდაჩემმა უბრძანა, ამხედრებულიყო და მაიკოს მამამ ხურჯინი დაიუნაგირა.

— ბარძიმ! იცოდე, ბავშვს არაფერი მოაკლო თორემ... — გაკკეცა მამიდაჩემმა... ჰო, ახლა კი წადით! — ცივად დაუმატა, — აჩუო, შეუძახა ცხენს და მაიას და ბარძიმს ზურგი შეაქცია.

პაუზა.

— რას უდგებარ. ბარძიმ! — შესძახა მამიდაჩემმა და ბარძიმმა ცხენი დასძრა.

ცოტა მანძილი რომ გაიარეს, მაია უნაგირიდან ვადმოიხარა და ჩვენსკენ გამოიხედა, დავინახე, ხელებიც რომ გაასავსა, ტირილიც შემომესმა, მერე ბარძიმის მხრებზე დაძვარა მაია და ცხენი — თახარაკით წავიდა.

— წავიდნენ? — ცივი ხმით მკითხა მამიდამ.

— წავიდნენ, მამი — ვთქვი მე და აეტირდი.

— ცრემლი არ დამანახო! — ბრძანებდასავით თქვა მამიდამ და ჩემსკენ შემოტრიალდა, მერე ქურღულად გზას ვახედა, ვერაფერი დაინახა და თვალეები მილულა.

— თუნგი მომიტანე. — თქვა მამიდამ და ქიშკარს მიეყრდნო.

როცა თუნგი მოვუტანე, ისევ ქიშკარზე იყო მიყრდნობილი.

— სატეველაზე წავალ. — თქვა მამიდამ და წავიდა.

მე ეზოში შემოვედი და მესერს ამოვეფარე. მამიდა ჯერ ნელა მიდიოდა, მერე ნაბიჯს თანდათან აუჩქარა, მერე გაიქცასავით, ოღონდ სატეველას გზაზე კი არა, იმ გზაზე მირბოდა, რომელითაც მაია და ბარძიმი წავიდნენ.

...სატეველადან შელამებულზე ამოვიდა. მე აივანზე ვიჯექი. მამიდა პირდაპირ სამზადში შევიდა და მიხმო.

— რაო, მარტოს ხომ არ მოგეწყინა?

— შეეხედე. თვალის ქუთუთოები შეშუპებოდა, მივხვდი, ტირილით მოეჯერებინა გული.

— მომეწყინა, მამი! — მორჩილად ვთქვი მე და თავი დავხარე.

— არავინ ყოფილა?

— გულასპირი იყო.

— რა მინდაო გულასპირმა?

— ლელვის არაყი გამისინჯოსო:

— მოიტა! — თქვა მამიდამ და განჯინიდან ლენის ქიქა გამოიღო. არაყიც განჯინაში იდგა. ქიქა შეეუფესე და მამიდამ არაყი გადაკურა.

პაუზა.

— მამის უფლება მეტია, ვიდრე გამზრდელისა და ცრემლი არ დამანახო, ეკა! — ნაღვლიანად, მაგრამ ბრძანებასავით თქვა მამიდამ და თვალი გამიყარა.

— მაია ჯერ ბავშვია, ვინც მოუვლის და მოეფერება, იმას შეიყვარებს... შალკ დაგვივიწყებს.

ის იყო და ის, მერე მაიაზე სიტყვა არ დასცდენია მამიდას, ვითომც არაფერი მომხდარიყოს. გული კი გაუტყდა მამიდას დანაღვლიანდა. არც შინ იწვევდა მეზობლებს და თვითონაც შეწყვიტა მეზობლებში სიარული. სატეველაზე სიარულს მოუხშირა. სატეველადან ყოველთვის ნამტირალევი ბრუნდებოდა. სანხეს მარიღებდა.

არც მამიდაჩემი და მე ჩავსულვართ მაიას ამოსაყვანად ხერგაში, არც მაია და ბარძიმი ამოსულან ხემაღალში და თანდათან ყოველივე თითქოს დავიწყებას მიეცა.

მაიას და ბარძიმს მე ჩეიდმეტი წლის შემდეგ შევხვდი.

სკოლეზის დირექტორების თათბირზე ვიყავ ხერგაში აგვისტოში, სასწავლო წლის დაწყების წინ, ტრადიციულად ატარებენ ასეთ თათბირებს.

ხერგაში ჩვეულებრივად ცხელოდა, შესვენებისას ხევისწყალის სანაპირო პარკის პავილიონში შევედი და ნაყინი მოვიტხოვე, ჩემს ახლოს მაგიდას სამნი უსხდნენ — ერთი ქალი და ორი

მამაკაცი. ხმამაღლა საუბრობდნენ და ქალის ხმაში მიახს ხმა შევიცანი, ქეშად გავხედე — მათ იყო. გამოცნაურება გადავწყვიტე და წამოვდექი, მაგრამ ბარძიმს რომ მოვკარი თვალი, თავი შევიკავე.

მათა და ახალგაზრდა კაცი აღრე წავიდნენ. ჩემს მაგიდას მოახლოებულმა მათამ შემომხედა, თვალი გამისწორა, მე თავი დაეხარე და მათა წავიდა. ეტყობა, ვერ მიცნო.

მართოდ დარჩენილმა ბარძიმმა კიდევ მოითხოვა ნაყინი და სიგარეტს მოუკიდა. შევხედე, ბარძიმმაც შემომხედა და მიცნო. ადგა, მომესალმა და ჩემს მაგიდაზე გადმოჯდა.

— მათა იყო, ვერ იცანით? — ღიმილით თქვა ბარძიმმა და თვალი გამისწორა.

პაუზა.

ბარძიმს ნაყინი მოუტანეს. ღიმილით მოითხოვა.

— ვერ იცანით მათა?

— ვიცანი, — ვთქვი მე და ბარძიმს სახე ავარიდე.

— ახლავე მოვიყვან, აგერ ჩემს უნივერსიტეტში შევიდნენ. „ჩემს უნივერსიტეტში“ ბარძიმმა ისე დამარცხდა, მაგრძნობინა, მე უნივერსიტეტის დირექტორი ვარო. მინდოდა მეთქვა, ვიცი, რაი უნივერსიტეტის დირექტორი რომ ბრძანდებით, ისიც მოგვეხსენება, რაი უნივერსიტეტის ყოფილ დირექტორს რა ინტრიგები მოუწყვეთ და რამდენი დაგიჯდათ დირექტორობის ხელში ჩაგდება-მეთქი, მაგრამ თავი შევიკავე და სანანებლად დამირჩა.

— მაშ ახლავე მოვიყვან, — თქვა ბარძიმმა.

— არა! — ვთქვი და ბარძიმს ავხედ-დავხედე. გასუქებულია. ძალიან გასუქებულია. სახე დაღარვია. კისერთან ორკეცი ლაბაბი ადევს.

— თქვენ ისევ კოლმეურნეობაში მუშაობთ? — სხვათა შორის მკითხა.

— სკოლაში.

— მონაგარიშედ?

— დირექტორად.

— დირექტორად? — გაიკვირვა და სკამზე შესწორდა.

— მამიდათქვენი? — ქალბატონი პელაგია?

პაუზა.

— მამიდათქვენი როგორ არის-მეთქი?

— მამიდა შარშან გარდაიცვალა...

ვითომ შეტოკდა. სიგარეტი მაგიდაზე დაასრისა და ადგა. ვითომ ახლა გაიგო? ცრუობს.

— საოცარია... ჯანმრთელი ქალი იყო.

— მათა რომ წაართვით, გატყდა.



— უჰ, ეს როდის იყო, დამავიწყდა კიდევ! — ცივად თქვა, ლიმონათი დაისხა და დალია.

— მამიდაჩემმა კი მაია ვერ დაივიწყა! დავიწყდებოდა? ერთხელაც არ ამოაკითხა მაიამ, წერილიც არ მოსწერა. დაკრძალვაზეც არ მოვიდა...

— მაია როგორ მოვიდოდა? ჩვენ როგორ მოვიდოდით? არაფერი გაგვიგია!

— მე თქვენ ბარათი მოგწერეთ.

— რომელი ბარათი?

— ის ბარათი, რომელიც მიიღეთ.

— არავითარი ბარათი მე არ მიმიღია! — გადაჭრით თქვა და მხრები აიჩეჩა.

— დიახაც მიიღეთ! მე ვიცი, რომ თქვენ ჩემი ბარათი მიიღეთ.

გაფითრდა. ლიმონათი დაისხა და დალია. ანანტს გაჰკრა, მაგრამ სიგარეტს ვერ მოუკიდა, ხელი უქანკალებდა. ორკეცი ლაბაბი შეუთამაშდა, თვალი ამარიდა.

— თქვენ ბარათის მომტანი დაანამუსეთ, ვითომ იმხანად ხერგაში არ იყავით და მაიასაც დაუმალეთ გამზრდელის გარდაცვალება... თქვენ უგულო და ბოროტი ხართ!

რალაც უფრო დამამცირებელი მინდოდა მე თქვა და ვერ მოვახერხე. ზიზლით შეეხედე და აედექი.

— მომითმინეთ, ერთი წუთით დაბრძანდით! დიახ. ახლავე! — ხრინწიანი ხმით თქვა და ამღვრეული თვალები შემომანათა. ჭიბეში წვალეებით ჩააცურა ხელი, პირასახოცისოდენა ჭრელი ცხვირსახოცი ამოიღო და სახეზე ოფლი შეიმშრალა.

— მამიდათქვენის მკვლელი თქვენა ხართ! — მომახალა და დამცინავად გაიღიმა.

— დიახ, თქვენ ბრძანდებით მამიდათქვენის მკვლელი! ქალბატონი პელაგია თქვენ მოჰკალით და მაიას აბრალებთ! მე მაბრალებთ! დიახ! ასეა ეს!

დავიძაგრე და შემზარა. სული ყელში მომეზჩინა და სკამზე მოწყვეტით დავეშვი.

— მე ვარ მამიდაჩემის მკვლელი?

— მამიდაშენი ჩემი საცოლე იყო... ჰო, უნდა შემერთო პელაგია! — ამაყად თქვა და გაიღიმა.

„ნუთუ ეს არარაობა უყვარდა მამიდაჩემს?“

— ვუყვარდი, დიახ, პელაგიას ვუყვარდი! — კმაყოფილებით თქვა, დამცინავად გაიღიმა და ოქროს კბილები გამოაჩინა.

გული, რომ არ წამსვლოდა, ლიმონათი მოვსვი.

— მერე?

— ეკასაც წამოვიყვანო.

— მე?

— სხვა ეკა არ ჰყოლია მამიდაშენს. მაშინ ორი წლისა იყავი. ჰო, ეკასაც წამოვიყვანო.

თავი დახარა, კბილის საჩიჩქნი მოიძია და მარცხენა ხელის თითებს გაეთამაშა.

— მე უარი ვუთხარი, სხვის შვილს ვერ გავზრდი-მეთქი, — ხმადაბლა, თითქოს თავისთვის თქვა და ქეშად გამომხედა.

შემებრალა, ძალიან შემებრალა მამიდაჩემი.

— მე მაშინაც მდიდარი ვიყავი, — იქვე ხმადაბლა, თავისთვის თქვა, საჩიჩქნით გაწმენდილი ცერი მოლოკა და ლიმონათი დალია.

— ვერ მოვრიგდით. მამიდაშენმა შენ არ დაგტოვა... ჰოდა, მე სხვა ქალი შევირთე, აბა რა შექნა?

პაუზა.

— საბრალო ჩემი ცოლი უიღბლო გამოდგა; მშობიარობას გადაჰყვა და ჩემს მთიას მამიდაშენმა უძიძავა.

საჩვენებელი თითი მოლოკა და ლიმონათი დააყოლა.

— ბავშვი გაიზარდა და წამოვიყვანე. არ უნდა წამომეყვანა?

„შემოდგომა. ჩვენი სახლის აივანი. მამიდაჩემი და მე მაგიდას ვუსხედვართ — მამიდაჩემი სანისლეს ქედს გასცქერის — „მოდის“ — ჩურჩულთ ამბობს მამიდა და თვალეზი უშეშდება. ვიპოვე მამიდაჩემის თვალეზის უბეებში მიმალული სევდა და შემეშინდა.

— მამიდა! — დავიძახე და მამიდა შეტოკდა და აიძაგრა.

— თვალეზში რას მომჩერებიხარ, ეკა! შენს საქმეს მიხედე! — დამტუქსა, მერე მამიდა აღვა და ზალაში შევიდა, ტახტზე წამოწვა და თვალი კერს მიაპყრო. რაღაც კვითხე და იფეთქა — არ მომეშვები, ეკა? — გვიან დაიძინა და მთელ ღამე ბორგავდა. ნუთუ ბარძიმს ელოდა?“

— მთიას ძიძაობისთვის ფული დავუტოვე მამიდაშენს, უკან დამიბრუნა... ახლა მოგართმევთ და მის საფლავს მოახმარეთ.

— არ გაბედოთ! — დავიყვირე და ბარძიმს სასწრაფოდ გავშორდი.

თათბირიდან თავი გავითავისუფლე. საბარგო მანქანა დავიჭირავე და იმავე დღეს სოფელში ამოვედი.

დალლილი ვიყავი, მაგრამ მამიდაჩემის სკივრით გადავქიქე.

ჩემი „დედაენა“, რვეულები. მაიას პერანგი და წინდები, ფოტოსურათები. წერილები. ბარძიმის ნაცნობი წერილი. მამიდაჩემს სწერს: „ბავშვი უდებოდ დარჩა და ეგებ იშვილოო“. ამ წერილისათვის ადრე ყურადღება არ მიმიქცევია. ახლა რომ გადავიკითხე, სხვანაირად მენიშნა. ეგებ მართლა უყვარდათ ერთმანეთი?

სკივრის ძირზე მტვერი დალექილიყო. სკივრი აივანზე გამოვიტანე, პირქვე დავამხე და ძირზე ხელი დავკარი, გამოვფერთხე. სკივრი ავიღე. იატაკზე ფოტოსურათი აგდია. ლამა ავანთე და სურათს დავაკქერდი: მამიდაჩემი და ბარძიმი, ჩვიდმეტი წლისა თუ იქნება მამიდაჩემი. ისე მსუბუქად დგას, სადაცაა ფრთები გამოესხმება და გაფრინდება. მარცხენა ხელი ბარძიმისთვის მხარზე დაუღვია და ელიმება. ჭიქვიტ დგას ბარძიმი, დაბალი და მსუქანი, მარჯვენა ხელი შარვლის ჯიბეში ჩაუღვია, მარცხენა მამიდაჩემის წელისთვის შემოუხვევია.

არათერს მიმალავდა მამიდაჩემი, ეს ამბავი კი დამიმალა. „არა არს დაფარული, რომელი არა გამოჩნდეს, და არცა საიდუმლო, რომელი არა გამოსხანდეს“...

უნაკლო ქალი მეგონა მამიდაჩემი.

თურმე ერთი ნაკლი მასაც ჰქონია.

#### IV

ომამდეც ზოგიერთი, აიყარნენ ჩვენი სოფლიდან.

კოლმეურნეობის თავმჯდომარე და კოლმეურნეობის მთავარი აგრონომი ხერგაში გადაიყვანეს სამსახურში და ორივენი ხერგაში დასახლდნენ.

სოფლის კოოპერატივის გამგე და კოოპერატივის ნოქარი არ გაუწვევიათ ხერგაში, მაგრამ ნაუცბათევეად მიჰყიდ-მოჰყიდეს თავიანთი სახლ-კარი ხემაღალში, ასევე სწრაფად აიგეს სახლები ხერგაში და სამსახურიც იოლად იშოვეს, — კოოპერატივის გამგე რაივანკრობის აპარატში მოეწყო, ნოქარი კი ყრუ-მუნჯთა სამკურვლო არტელს ჩაუდგა სათავეში.

რამდენიმე ოჯახი თბილისში გადასახლდა. უნივერსიტეტსა და ინსტიტუტებში მოსწავლე შვილების სამეთვალყურეოდ და მოსავლელად ჯერ დედები გაიკრიფნენ თბილისში. მერე ქალბატონები მეუღლეებს შეუჩინდნენ — ორ ოჯახად ცხოვრება შეუძლებელიაო, დაიყოლიეს ქმრები და თბილისის მკვიდრი გახდნენ.

ხემაღალი დიდი სოფელი იყო და ასეთი გამოხელვა თითქმის არც დასტურობია.

ომმა კი ერთთავად მოშალა სოფელი.

მე ზუსტად აღვრიცხე: ჩვენი ზოფლიდან ორას სამოცდაორი კაცი წავიდა ფრონტზე და სოფელში ჩვიდმეტილა დაბრუნდა.

ომის პირველ წელს ერთი ბარათიც არ გამოუგზავნიათ ომში წასულებს, მაგრამ იმედით ეცხოვრობდით, — ასე ერთპირად როგორ გაწყდებოდნენ ყველანიო და ეს იმედიც გადაგვეწურა, როცა ორმოცდასამის გაზაფხულზე ფეხებმოკვეთილი ნოდარ ჭინორიძე საკაცეთი ამოიყვანეს სოფელში. მთელი სოფელი დაეხვია ნოდარ ჭინორიძეს და ისიც ყველას ერთნაირად პასუხობდა. — თითქმის ყველანი ერთად ვიყავით ქერჩში, მაგრამ არაფერი მახსოვს, როცა გონს მოვედი, სოჭის ჰოსპიტალში ვიწექი ფეხებმოჭრილიო.

დაიზაფრა და მოიშალა სოფელი, სევდა და შიში დაერია ოჯახებს, ევებერთელა შიში ჩამოსახლდა ხემალალში და ეზოებშიდან სიმღერა და სიცილი გადარეკა.

პირველი გაბმული კივილი ჭინორიძეთა უბანში გაისმა და სხვა უბნებზე აღრე ამოიშრიტა ჭინორიძეთა უბანი.

• იასე ჭინორიძემ ჯერ კიშკარი შეღება შავად, მერე ოდის აივანი და სვეტები, მერე დოქები და თუნგებიც შეღება. შავად, შავ სვეტებზე შავი ზეწარი გააკრა: „დავტირით ლევანს, ავთანდილს, გერასიმეს“... ჰო, მთელი სახლ-კარი გადააშავა იასე ჭინორიძემ და სევდასთან ერთად შიშსაც მგერიდა იასე ჭინორიძის ეზოში გადახედვა.

განთიადს ამოჰყვებოდა ხოლმე სალომე ჭინორიას გოდება.

„ვაი, შეილო ლევან!“

ვაი, შეილო ავთანდილ!“

შენ მაინც რა მოგივიდა, ბიჭო, გერა!“

სამივენი დაიხოცენით და უბედური დედა დატოვეთ ცოცხალი? არა გრცხვენიათ, შეილებო? რაღაც იმედი კიდევ მაქვს, იმ იმედით ვითენებ და ვიღამებ და თუ არ ჩამომინხვედით, სახლს ცეცხლს წაუუქიდებ და იმ ცეცხლში მე და იასე ჩავეწვებით, ცეცხლში დაწვა ვამება ჩვენს გამწარებულ სულსა და ხორცს... არ გამწიროთ, შეილებო! თვალი ამომეშრიტა, გული დამეღალა... ჰოო, დედა გელოდებათ, უბედური დედათქვენი“...

მოთქმითა და ვაი-ვიშით გულს მოიოხებდა სალომე, ოდნავ ჩაიმდაბლებდა ხმას და ზარზე სალომეს კარისმეზობელი ანეტა ჭინორიძე დადგებოდა:

„დედისერთა გოგილავე, თან გამოგყოლოდი ნეტავე, ის ტყვია დედაშენს მოჰკლავდა და შენ ცოცხალი დამირჩებოდდი, შეილო! სუსტი ჭანისა მყავდი, შეილო გიორგი, და მტრის ტყვიამ ადვილად მოგტეზნა! უბედური, უბედური დედაშენი“...

შავი კაბა,

შავი წინდა,  
შავი წალა,  
შავი თავსაბური, —

ყვავეების გუნდი გეგონებოდათ სატყველაზე მიმავალი ჭინორი-  
ძეთა ქალები.

მერე ჩვენს უბანსაც მალე ეწვია სიკვდილი.

პირველი გულასპირ ჩაფიჩაძის ქიშკარი შეიღება შავად... მერე  
ქაბუა ჩაფიჩაძის დაღუპვის ამბავი მოვიდა, მერე გერვასი ჩაფი-  
ჩაძისა და ჩაფიჩაძეთა უბანიც შავით შეიმოსა.

ჰო, ჭინორიძეები პირველნი აიყარნენ. როცა ითხვისის კოლ-  
მეურნეობა გაამსხვილეს და ჩვენი კოლმეურნეობა მას ბრიგადად  
მიაწერეს, ჭინორიძეები მიხვდნენ, ეს კარგს არაფერს უქადდა  
ხემაღალს და ითხვისში ცალკე სამოსახლო უბანი გამოაყოფინეს.  
ჰოდა, გაზაფხულის ერთ მზიან დღეს მთელი ითხვისი ამოვიდა  
ჭინორიძეთა უბანში, თემშარამდე ურმებით, ცხენებით და ზურ-  
გით გადაზიდეს ჭინორიძეთა ავლადიდება, თემშარაზე კი საბარ-  
გო მანქანებზე შექდა ჭინორიძეთა უბანი და ითხვისში დასახლდა.  
მეორე წელს ჭინორიძეთა უბანს ითხვისში კიკნაველიძეთა რამდე-  
ნიმე ოჯახი მიუსახლდა.

...თანდათან გაუკაცურდა ხემაღალის უბნები და ხემაღალს უბ-  
ნები შემოეცალა, მარტო სოფლის შუაგულს, სადაც სკოლა დგას,  
ჩაფიჩაძეთა და კვინიკაძეთა რამდენიმე ოჯახი შემორჩა.

და სკოლაც დაცარიელდა. ოთხწლიან სასწავლებლად გადა-  
კეთდა და სულ ოცამდე მოწაფე შემორჩა. და ერთი მასწავლებე-  
ლი — ჩემი ეკა. ეს ოთხი კლასი ორ დარბაზში მოკათავსე. პირ-  
ველი და მეორე კლასელები ეკას ერთ ოთახში უზის და მეც ერთ  
ოთახში მიზის მესამე და მეოთხე კლასელები.

ბავშვებიც გამოიცვალნენ. არ დაბტიან, არ იცინიან და არ  
ხმაურობენ, უწინ, შესვენებისას, საჯარისოზე ჩირითით გაიქ-  
რებოდნენ. იყო ევილი, ბურთაობა, კისრისტეხა... ახლა, გაკ-  
ვეთილი რომ დამთავრდება, სკოლის ეზოში ჩავლენ. ეზოს ყუ-  
რეში შექუჩდებიან, ჩუმად დგანან და დროზე აღრე შემოეწყო-  
ბიან კლასში.

...დღეს მეცადინეობა მთავრდება სკოლაში და ხვლიდან ხუთი  
მეოთხეკლასელი გამოაკლდება სკოლას. ხუთი მეოთხეკლასელი  
გამოაკლდება და სკოლასაც უთუოდ დახურავენ. ჰო, სკო-  
ლას დახურავენ და ჩემი ცხოვრებაც დაიხურება. ეკას ხერ-  
გაში გადავიყვან და მე ხემაღალში დავრჩები; ეკა კი ჩა-  
მაცივდება — შენც ხერგაში წამოდი, მარტოღყოფნას რო-  
გორ შეძლებო, მაგრამ მე არ დავეთანხმები, მე სოფელში დავრ-

ჩები, კვირაობით გულასპირს წავეყები ხერგას ბაზარში და ეკასაც მოვინახულებ.

ოთხივე კლასი ერთ ოთახში შეგკრიბე. საზაფხულო დავალებებს მივცემ. ბავშვებს ნიშნებს გამოუცხადებ და დავითხოვ.

ოთახში მე და ეკა შევედით, თვალი მიმოვაველე მოწაფეებს და სიის ამოუკითხავად ვიგრძენი, რომ ერთი მოწაფე გვაკლდა. მესამე კლასელი გიორგი ჩაფიჩაძე. გიორგი ჩაფიჩაძე კარგი მოწაფეა, სკოლა არასოდეს გაუცდენია და მაინცდამაინც სწავლის დამთავრების დღეს რომ არ მოვიდა, ცუდად მენიშნა, უთუოდ რაზე შეემთხვა-მეთქი, გავიფიქრე.

კარზე მორიდებული კაკუნი. კარი ეკამ გააღო და ოთახში გიორგი ჩაფიჩაძე შემოიყვანა. აწითლებული სახე. გახშირებული სუნთქვა. დახრილი თავი.

— დაჯექი! — ვითომ გულმოსულად ვთქვი მე და ბავშვს უფრო დავაკვირდი. — რაო, ბაბუა სატეველაზე ჩააბილე? ბაღე წააღებზე და მიტომაც დაგაგვიანდა?

— ბაბუა სატეველაზე არ წასულა, — დარცხვენით თქვა გოგამ და თავი უფრო ჩაჰქინდრა?

— რატომ არ წასულა? — გაეიკვირვე მე, რადგან გოგის ბაბუა, ყოველდღე თუ არა, დღეგამოშვებით მაინც თევზაობს სატეველაზე და მეზობლებს სატეველას მურწას გვიგზავნის.

პაუზა.

— ჰო, რატომ არ წავიდა? ავადაა? შენ გეკითხები, გოგო!

— სიზმარი უნახავს წუხელ და იმიტომ არ წავიდა.

— სიზმარი? სიზმარი უნახავს? რა მესიზმრაო?

პაუზა.

— უპაუხე, ბიჭო! — ჩურჩულივით მომესმა.

— ვითომ ბაბუა სატეველაზე წასულა სათუევზაოდ, ბებია მეზობლისას ყოფილა, ცხენით ამოსულა მამაჩემი ხერგადან და ვითომ წაუფუყვანივარ... ეშინია, სიზმარი არ ამიხდესო და მდარაჯობს.

მოწაფეებმა ხმამალა გაიცინეს, მეც ვითომ მხარი ატუბი ბავშვებს და გავიღიმე. გოგის შერცხვა, დაჯდა და თავი მერხში ჩაშალა. ხმაზე შევატყვე, გული ამომქდარი ჰქონდა და სადაცაა ატირდებოდა.

— მერე და რა მოხდა ისეთი? მამამ შვილი ხერგაში წაიყვანა, მერე რა? ცხენით ამოვიდა მამა ხერგადან, შეისვა შვილი ცხენზე და ჭირით-ჭირითით წაიყვანა ხერგაში! ვითომ რაო, შენ არ გინდა ხერგაში წასვლა?

გოგი ადგა, ნამტირალევი თვალები ხელისგულებით მოიწმინდა და ამხანაგებს გადახედა.

— უპასუხე, ბიჭო! — ჩურჩულივით მომეცა.

პაუზა.

— ბაბუა ცოდოა — ხმადაბლა თქვა გოგიმ და შემომხედა.

— ჰო, ბაბუაშენი ცოდოა. — ჩურჩულით ვთქვი მე.

გოგიმ ამხანაგები შეათვალიერა და მერე ისევ მე გამისწორა თვალი.

— რაო, არ წახვიდეო, ბაბუამე — დაყვავებით ჩავეითხე და თვალი მოვარიდე.

— არა, ასე არ უთქვამს.

— მაშ ხერგაში წადიო?

— არც ასე უთქვამს.

— აბა რა გითხრა?

— შენ როგორც გინდოდესო.

— მერე და შენ როგორ გინდა?

პაუზა.

— უპასუხე, ბიჭო! — ჩურჩულივით მომესმა.

— ცოდოა ბაბუა! — ისევ ხმადაბლა თქვა გოგიმ, თვალი გამისწორა და ხმას უფრო დაუდაბლა. — მდარაჯობს, სკოლაში წამომყვა. ბაბუას ჩქარა სიარული ეძნელება და მიტომაც დამავიანდა.

— მართლაც რომ ცოდოა ბაბუაშენი, — ჩურჩულით ვთქვი მე, მაჯის საათს დაეხედე, სულ თხუთმეტი წუთი გასულა, რაც კლასში შემოვედი, დაღლილობა ვიგრძენი და ავდექი.

— ახლა ცოტა ეზოში გაითამაშეთ. — ვთქვი და მოწაფეები კლასიდან უხმაუროდ გავეიდნენ.

ეკა და მე აივანზე გამოვედი.

— ეგერ ზის, — თქვა ეკამ და ხელი ჭიშკრისაკენ გაიშვირა.

ჭიშკართან აღმასხან ჩაფიჩაძე იჯდა.

ეგებ გულმა უგრძნო, მისი სიზმარი გოგიმ რომ გავვიმხილა, რცხვენი და ამიტომაც ჩვენთვის ზურგი მოუქცევია.

ჰო, სკოლის ჭიშკართან მოღზე დამჯდარა აღმასხან ჩაფიჩაძე და ხერგას გზას გასცქერის, ეშინია ამხედრებული შვილი არ ამოეფეთოს ხერგადან, ხელი არ დატაცოს აღმასხან ჩაფიჩაძის შვილიშვილს, ცხენზე არ შეაგდოს და ხერგასკენ ჯირით-ჯირითთ არ გააქროლოს.

ცოდო ხარ, აღმასხან ჩაფიჩაძე, ცოდო...

...გუშინწინ დუღუხანამ ამბავი მომიტანა — ჩვენი სკოლა დაუხურავთ და შენ არ გიმხელენო და ეს ორი დამეა არ მძინავს. არ

მინდა პატარა ეკამ შემამჩნიოს. სიცხე მოვიმიზეზე და აივანზე ვწვები. ივლისია და მართლაც აუტანლად ცხელა.

სახელმძღვანელოების ამოტანა მოვიმიზეზე და ხერგაში წასვლა გადავწყვიტე, დილით გულასპირ ჩაფიჩაძისას გადაველ.

გულასპირი კიშკართან ბორიალობდა და ვერ დამინახა. ჯოხით მოლს ჩხრეკდა, ხელს არ შევეუშლი-მეთქი, ვიფიქრე და თუთის ხეს ამოვეფარე.

ურმის კრიალი გაისმა.

— კესარია! — ხმამალლა დაიძახა გულასპირმა.

სამზადის კარი გაიღო და კესარია ვითომ გაექილიკა კიშკართან მობორიალე გულასპირს?

— იპოვე ხეითო?

— ეპოვე და ახლავე მოგართმევი! ურმის კრიალი არ გესმის, ქალო? — ეტყობა, ვიღაცა კიდეც გეტოვებს.

— ჯანდაბაშიც წასულანი! მიდიან და წავედნენ! შენ რას იხეთქავ გულს, — ვითომ შემოუტია გულასპირს კესარიამ. თვითონ კი სამზადის კარი მაგრა გაიხურა, ურმის კრიალი რომ არ გაეგონა.

— ჰო, მიდის ეს ოხერი ვინდა დაერჩით, ჰა? — ჩურჩულით თქვა გულასპირმა და ჯოხი თუთის ხეს შემოაკრა.

— ჩვენ, — ხმამალლა ვთქვი მე.

გულასპირი შეცბა.

— ოჰ, ღვთისმშობელი გამომეცხადა, — შესძახა გულასპირმა და გამიღიმა.

— სატანა! — ვთქვი მე და მეც გავეუღიმე.

— სატანა? სატანა რატომ? — გაიკვირვა გულასპირმა, იქედნურად ამხედ-დამხედა.

— რაღაც უცხოდ გამოწყობილხარ. — დამარცვლა გულასპირმა.

— მიედივარ! — ცივად ვთქვი მე.

შეკრთა. ჯოხის წვერი ბალახებში გაათამაშა, მერე თავი ასწია და თვალი გამიყარა.

— ხერგაში გნიშნავენ?

— მნიშნავენ რომელია? უკვე დაიშნული ვარ, დიახაც რომ დამნიშნეს.

— კარგი საქმეა! — თქვა გულასპირმა და ოდნავ ზურგი შემომმაქცია.

— ეკა? პატარა ეკა?

— ეკაც დანიშნეს.

— კარგი საქმეა. — წადით, აბა ჩვენ ხომ არ შემოგვაკლავთ თავს... — ახლა უკვე ნადვლიანად თქვა გულასპირმა, გრძელი ჯორკო, თუთის ჩრდილში რომ იდგა, სულის შებერვით გაასუფ



თავა, მძიმედ დაჭდა ჯორკოზე, მერე ცოტა არ იყოს, მკვახედ მითხრა, დაბრძანდით, ქალბატონო და მეც გულასპირის გვერდით დავჯექი.

ბევრი ღამე გაუთევია ამ თუთის ქვეშ, ამ ჯორკოზე გულასპირ ჩაფიჩაძეს. კესარიას გამოეპარებოდა გულასპირი, ფეხაკრეფით ჩამოვიდოდა ეზოში, ამ ჯორკოს მოაშურებდა, დაჭდებოდა და ხემაღლის სერებს გასცქეროდა ბნელში, ეგებ შინმომავალმა აღმასხანმა ხმა მომაწვდინოსო, ხემაღლის სერებიდან კოშიში იმზირებოდა, ოღნავ, სულ ოღნავ შრიალებდა ეს შიში, მაგრამ შიშის ეს ოღნავი შრიალიც ესმოდა გულასპირს და ეშინოდა. თვალებს დახუჭავდა გულასპირი, თვალეში არ შეეხედავ შიშსო, მაგრამ შიში თვითონ შეუძვრებოდა დახუჭულ თვალეში, გაუხელდა, გამოახედებდა, თვალწინ დაუდგებოდა, მონუსხავდა და დააპატარავებდა.

ბნელში, თუთის ხის ქვეშ, ჯორკოზე, ხმაგაკმენდილი იჭდა გულასპირ ჩაფიჩაძე და ცახცახებდა.

— ხელ პარასკევია და შენი „გებენით“ ეგებ ხერგაში წავსულიყავით, — მოფერებით ვთქვი მე და ფიქრში წასულ გულასპირს მხარზე დავადე ხელი.

— ბარგი წამოგილო? — ყრუდ თქვა გულასპირმა.

— ბარგი? — გაევიკვირე მე, — სახელმძღვანელოები მაქვს ამოსატანი.

— სახელმძღვანელოები? — გაკვირვებით თქვა გულასპირმა და იქედნურად შემომხედა. მივხვდი — გულისპირმაც იცოდა სკოლის დახურვის ამბავი და მიმალავდა.

— ჰო, სახელმძღვანელოები.

— აა, მაშ არ მიღიხარ? გამათამაშე? შემაშინე? თქვი, მართლა შემაშინე, ეკა?

— ჰო, შეგაშინე, ხელ წავიდეთ ხერგაში.

— ალექსანდრე და მე კვირას მივდიოდით, მაგრამ რახან საჭიროა, ხელ წავიდეთ.

— თქვენ შეუძლებელს. მთხოვთ, დიახ, შეუძლებელს! — გაჯერებით, ხმამალლა თქვა განათლების განყოფილების გამგემ. მერე თვალი გამიყარა, დამცინავად ჩაიღიმა და ადგა — ამით მნიშნა, აუღენცია დამთავრებულიაო, მაგრამ მე ადგილიდან არ ვიძვროდი.

მიხვდა, ასე იოლად ვერ გამომისტუმრებდა და თავისი გადაწყვეტილებაც ახალი საბუთებით გაამაგრა.

— მარტო სკოლა შეიძლება იყოს სოფელში? ცხადია, არა! სასოფლო საბჭო არის ხემაღალში? არა! საექიმო პუნქტი? არ გახლავთ! ფოსტა? კოლმეურნეობა? არ არის და არ არის! მორჩა და გათავდა! სკოლა? ვითომ სკოლაა შენობა, სადაც ჩვიდმეტი მოსწავლე დადის? დიახ, ჩვიდმეტი მოწაფე: ექვსი პირველ კლასში, ხუთი მეორეში და სამ-სამი მესამესა და მეოთხეში! ჩვიდმეტი მოწაფე და ორი მასწავლებელი! დიდებული საქმეა! ხო-ხო-ხო, რა გამოწყობილი საქმეა! და თქვენ მოითხოვთ, განათლების განყოფილებამ ასეთ თამაშობაზე ხარჯოს სახელმწიფო ფული? ვერა, ვერა ვითარ შემთხვევაში! დიახ, თქვენ შეუძლებელს მთხოვთ, ქალბატონო ეკატერინე, და შეუძლებელის შეძლება მე არ შემიძლია, მე პატარა კაცი ვარ..

მე კალისტრატეს კარგად ვიცნობ, ძალიან კარგად.

და კალისტრატეც კარგად მიცნობს მე.

კალისტრატე ხერგას მკვიდრია, მამამისი, პატივცემული ევლოკიმე ტაბატაძე (ღმერთმა აცხონოს, თუ არ ვცდები, შეილიოდე წლის წინ გარდაიცვალა) ხერგას ავტოსარემონტო სახელოსნოს უფროსი გახლდათ.

კალისტრატემ რვაწლიანი სკოლა ხერგაში დაამთავრა. მე რომ ხემაღალის სკოლის დირექტორად დავინიშნე, იმ წელს მშობლებმა ხემაღალში ამოიყვანეს, ბებიასთან. ზოფლის პაერი ურჩიეს ექიმებმამ და ხემაღალზე უკეთეს სოფელს სად ვიპოვიოთ. საშუალო მოწაფე იყო. მეათე კლასში რომ გადავიდა კალისტრატე, მისი ხემაღალში ამოყვანის მიზეზი სხვა აღმოჩნდა, როგორმე მედალზე უნდა დაამთავროს სკოლაო. მონდომებული არ იყო-მეთქი, რომ ვთქვა, სიცრუე იქნება, ძალიან მონდომებულიც კი იყო, მასწავლებლებთან ცალკე ემზადებოდა, მაგრამ ფრიადზე მაინც ვერ სწავლობდა. შემოდგომაზე პატივცემული ევლოკიმე ამოვიდა ხემაღალში და მასწავლებლებს დიდი წვეულება გაუმართა. ცხადია, მეც დამპატიყა, მაგრამ მე ავადმყოფობა მოვიმიზეზე და არ წავედი, მეორე დღეს, საღამოხანზე პატივცემული ევლოკიმე თვითონ მეწვია, ცოტა კი გავიკვირვე მისი სტუმრობა, მაგრამ მაინც თავაზიანად მივიღე. კარგა მოზრდილი ნაკრალა ტახტზე მორიდებით დადო, მორცხვად გამიღიმა, ოთახი შეათვალიერა, მერე ისევ მე შემომხედა. ცოტა ნაწყენი სახე შევაგებე, უხერხულობა იგრძნო და უთუოდ უხერხულობის გასაფანტავად მკითხა, თამბაქოს მოწევა თუ შეიძლებაო, კივანზე კი-მეთქი, ცივად გუბასუხე და აივანზე გავედით. ევლოკიმეს სკამი მივართვი, მე ტახტზე დავჯექი.

პაპიროსს მოუკიდა და გააბოლა. არაფერს ამბობს, არც მე ვეკითხები არაფერს.

— ვატყობ, მაინცდამაინც არ გესიამოვნათ ჩემი სტუმრობა, — ყრულ თქვა ევლოკიმემ.

პაუზა.

— ვაყიშვილის სანახავად ამობრძანდით?

— მარტო ვაყიშვილისა რატომ? ჩემიანები მოვინახულე, — მე აქაური გახლავართ, ქალბატონო ეკატერინე!

— არ მეგონა.

— დიხაც აქაური გახლავართ! დედაჩემი კიკნაველიძის ქალი გახლდათ, აქ, კიკნაველიძეების უბანში გაეიზარდე.

— პირველად მესმის! — გავიოცე მე.

— სამწუხაროა, მე ჩემიანად მეგულებით და იმიტომ მოვედი ასე თამამად... ჰო, ჩემიანად რომ არ მეგულებოდეთ, ვინმეს გამოგზავნიდი, ნახვის ნებართვას გამოვითხოვდი და მერე გაახლებოდით, — თქვა ევლოკიმემ და თვალი გამისწორა.

სიტყვა ბანზე ავუგდე.

— თქვენი ვაყიშვილი არც ისე სუსტია, ხერგაში ვერ ესწავლა.

— ცოდნას გულისხმობთ თუ ჭანმრთელობას?

— ორივეს.

— მარტო ჰავისათვის არ ამომიყვანია ხემაღალში. ხერგა პატარაა, მაგრამ მაინც ქალაქია. კალისტრატესტოლა ბიჭები... ჰო, მაგის ტოლა ბიჭები ხერგაში ზოგი კარტს თამაშობს, თამბაქოს ეწევა, ქუჩებში დახეტილობს, — ამიტომაც გავარიდე! — დამარცვლულად თქვა ევლოკიმემ, ადგა, ჩამქრალი პაპიროსი ეზოში მოისროლა, აივნის ბოლოში მივიდა და ბოსტანს გადახედა. მერე ეზოს მიმოავლო თვალი, აივნის მოაჯირს იდაყვებით დაეყრდნო და თუთისა და კაკლის ხეებს გაუჭკვრიტინა.

— ეზოს მარტო უვლით?

— მეხმარებიან.

— მოწაფეები?

— მეზობლები.

— შრომის გაკვეთილები ხომ გაქვთ სკოლაში? არ შეიძლება მოწაფეებმა შრომის გაკვეთილი სკოლის დირექტორის ეზოში ჩაატარონ?

— შრომის გაკვეთილებს კოლმეურნეობის ნაკვეთებში ვატარებთ. — ცივად ვთქვი მე და გული მომივიდა. კინალამ ვუთხარი, თუ საქმეზე ხართ მოსული, ბრძანეთ, თუ არა და წაბრძანდით; თქვენთან სალაყბოდ არა მცალია-მეთქი.

იგრძნო, გული რომ მომივიდა.

— ყოველ წელს ასე ისხამს?  
მივხვდი, ალადასტურზე მეკითხებოდა.  
— ჯერჯერობით კი.

— ძალიან აქებენ თქვენს ალადასტურს, — თქვა და გაიღიმა.

— მოგართმევთ! — ცივად მიუღუგე და მარანში ჩავედი.

ჩურჩხელა, დარჩეული კაკალი, ერთი დოქი ალადასტური და ერთი ბოთლი არაყი მოვიტანე. არ იუცხოვა, პირიქით, გაუხარდა და ვიდრე არაყსა და ღვინოს ჭიქებში დავასხამდი, ჩურჩხელას წაატანა ხელი.

— ნასადილევი თუ ბრძანდებით? — სხვათა შორის ვეკითხე.

— რა თქმა უნდა! რა დროს სადილია, სადაცაა დაღამდება! — ღიმილით თქვა, სკამი მაგიდასთან მოაჩოჩა და დაჯდა.

— მე პირველად ღვინოს დავლევი, — თქვა და წამოდგა. — თქვენს სადღეგრძელოს შევსვამ.

მე არყის ჭიქა ავიღე.

— თქვენ არაყს ამჯობინებთ? — გაოცებით მეკითხა.

— ლეღვის არაყია, მსუბუქი.

შევსვივით.

— მართლაც საუცხოო ალადასტურია, ზვანჭკარას ჰგავს. ყურძენს თქვენ წურავთ?

გულასპირი. ისიც ამბობს ჩვენი ალადასტური ზვანჭკარას ჰგავსო.

— გულასპირ ჩაფიჩაძე? — შეძახილივით თქვა და სკამიდან წამოიჭრა.

— დიახ, გულასპირ ჩაფიჩაძე.

— რომ მცოდნოდა, არ დავლევიდი!

— რატომ?

— ღმერთმა დასწყევლოს მისი თავი და ტანი! — თქვა და თითქოს სახე მოეღრიატა.

— არაყიც გულასპირის გამოხდილია?

— ჩემი.

— მაშ არაყს დავლევი! — თქვა, არყით ჩაის ჭიქა შეავსო და სულმოუთქმელად გადაჰკრა.

ჩემი ლეღვის არაყი არც ისეთია, მე რომ მოვუმსუბუქე. ჩაის ჭიქა არაყმა უცებ წამოუჭარხლა სახე ევლოკიმეს და მე ნამდვილად დავინახე — თვალში ცრემლმა გაუელვა.

— რატომ აძაგებთ გულასპირს?

— ოხერია და იმიტომ! — გაჯავრებით თქვა, მერე არყის ჭიქა აიღო და გადაჰკრა.

— გულასპირი ჩემი მეგობარია. მწყინს რომ აძაგებთ, — გულ-  
წრფელად ვთქვი მე და თვალი გაუღსწორე.

ჩემი ნათქვამი ეწყინა. პაპიროსს მოუყიდა და ზედიზედ მოქაჩა.

— თქვენთვის არაფერი უამბნია გულასპირს?

— იგი ბევრს მიამბობს.

— ჩემზე? ჩემს შესახებ? — მოუთმენლად მკითხა.

— თქვენზე? — გავაჰიანურე, — თქვენზე?

— ჰო, ჩემზე! — კვლავ მოუთმენლად ჩამკითხა და თვალი გაუ-  
შეშლა.

— არ მაგონდება! — ვთქვი და ისე გავუღიმე, დაეჭვებულყო.

— რა შეილია, არ გეტყოდათ! მართალს კი არ გეტყოდათ, —  
ადღევებულად თქვა, პატარა ჭიქაში არაყი დაისხა და გადაჰკრა.

— სიმართლეს მე გეტყვით, დიახ, მე გეტყვით სიმართლეს.

— შარშანწინ, სწორედ სექტემბერში, აქ ვიყავი.

პაუზა.

— დიახ, ნამდვილად შარშანწინ, — დაადასტურა, — სწორედ  
სექტემბერში.

კონდრატე კიკნაველიძის უფროსი ქალიშვილი რომ გათხოვდა,  
გეხსომებათ! — არ მახსოვს-მეთქი და გაიკვირე; როგორ არ გახ-  
სოვთ, ორ დღეს გრძელდებოდა ქორწილი. — არა, არ მახსოვს-  
მეთქი, გავუმეორე.

იყოს ასეო, თქვა ჩაის ჭიქას წაავლო ხელი. ჭიქაში ალადას-  
ტური ესხა, დახედა და ხელი უშვა, ხელისგული მუხლზე აიხოც-  
დაიხოცა და სული შეუბერა.

— კონდრატე კიკნაველიძე შორს ცხოვრობს და არ გეხსომებათ,  
რისაკვირველია, ისიც ქორწილში თუ არ ბრძანდებოდით და ბო-  
დიში მომიხსენებიაო. მე დაპატივებული ვიყავი, გულასპირიც და-  
პატივებული იყო. ერთად წავიდეთო — მთხოვა გულასპირმა და  
ერთად წავედით.

გათენდა კვირა და წავიდეთ-მეთქი, გულასპირი აღარღალდა,  
შინ რა მიგვეჩქარება, ლხინი გრძელდება და ჩვენც ვილხინოთო.  
შენ დარჩი, მე წავალ-მეთქი, არ გამომიშვა, შენთან აუცილებელი  
საქმე მაქვსო, დამაინტერესა და დავრჩი.

კვირას შუალამეზე წამოვედით, თემშარაზე გამოვედით და  
გამაჩერა, მოკლე გზა ვიციო, თქვა, აგერ სატეველაზე ჩასასვლე-  
ლი ბილიკია, ჩავევებით და ნახევარი საათიც არ მოგვინდება სახ-  
ლამდეო.

უკუნი ღამე იყო. პირველად რაღაც ბილიკივით კი ჩანდა, მერე  
ისიც დაიკარგა და ძეძვიანში მოეხვდით.

წინ გულასპირი მიდის, უკან მე.

მგონი გზა დაგვეყარება-მეთქი, — ვთქვი და შევდექი.

უკან არ მოუხედია, მაგრამ მაინც იგრძნო, რომ შევდექი და წამოდო, დამიძანა.

მივყევი, ჩემი ნაბიჯის ხმა მოესმა. და შემომიყვირა — შესდექიო.

ადგილზე გავშეშდი.

— ნუ გეშინია, შეკაცო, ნაბიჯი გამოაღდი, კვალში მომყევით.

მივდივართ, მარა სად მივდივართ, არ ვიცი.

ღურღენი, ძეძვი, ვკალი და უკუნი, ისეთი უკუნი, ვერაფერს ვხედავ.

გულასპირი კი მაინც მიდის და მე კვალში მივყვები. უცაბედად ფეხზე ფეხი წაგყარი და დაიქუხა:

— კვალში რად ჩამიდექი, გადარეულო, ჩემი ორეული ხომ არ ხარო და ცოტათი ჩამოვეშორე, იგრძნო და აყვირდა — მლალატობ, შე ნამუსგარეცხილო, შენ გინდა მე ხრამში გადავიჩენო და შენ უვნებელი დარჩეო? ამას ვერ მოესწრებო, — თქვა, უკან-უკან წამოვიდა და მე წინ მომიქცია. — ახლა შენ გადგი ნაბიჯი წინ და იარეო, — შემომძახა და ზურგში მუჯლუგუნე მითაევაზა, ზედიზედ მითაევაზა, ქარის დროს მწიფე მსხალი რომ ჩამოცვივა, ისე მითაევაზა და მითაევაზა მუჯლუგუნეები.

გავშრი. ხელი მკრა და წინ გამიგდო, ირბინეო, — მიბრძანა. გადაირია-მეთქი, — ვიფიქრე და რა გზა მქონდა, მივრბივარ ეკალსა და ძეძვში, ისიც მორბის და კვალში მომდევს. ფრენაფრენით მივფრინავ მგონია და გულასპირიც მოფრინავს...

გულში რაღაც ხანჯალივით მომებჯინა და გამაქვავა.

— ვირიკელას პანღური უყვარსო, — ხითხითით თქვა და პანღური ამომკრა, — ფუი შენო, და კისერში მომაფურთხა... მთვარიანი ღამე ყოფილა და თურმე ღრუბელი აბნელებდა ქვეყანას. ჩვენს ზემოთ ღრუბელი გაიცრიცა და ნათელი დაგვადგა, გულასპირს შეეხედე და შემეშინდა: სახეს საოცრად მანჭავდა, პირში ფურთხს იგროვებდა და ისევ მომაფურთხებდა, მაგრამ არ ვაცალე, მოვიქნეი მარჯვენა და ყბაში ეთხლიშე, გამოფხიზლდებამეთქი, ვიფიქრე, მაგრამ, თქვენც არ მომიკვდეთ, თითქოს არც კი მეთხლიშოს, გამიღიმა, მერე უცებ გიჟივით გადაიხარხარა, ხელები ზეადმართა, მაგარი მჯიღები შეჰკრა და მომიქნია, ძალიან მაგრად მომიქნია და ის იყო უნდა შემოეკრა, დავიკუხე, ზედ შლეგივით გადამეველო და მოგვამა ჰირი — ხრამში გადაეშვა გულასპირი. ბათქი-ბუთქით, ბლავილ-ბლავილით გადაეშვა.

მერე ყველაფერი ჩაჩუმდა და ჩაწყენარდა.

დავრეტიანდი, გავშეშდი და ვერაფერი მოვიახზე. შემეშინდა. დრუბელი ისევ შეიკრა. სიბნელე, ტყე, ხრამი.

ბარდში ჩავეჭექი, დავიბლაველე და ავზლუქუნდი. ღვინოს ემძლავრა და ჩამძინებოდა.

...მზემ გამომადვიდა და თვალები მოვიფშენიბე. მოლი. წყარო. ჩემს გვერდით გულასპირი წევს და ხვრინავს. ღიმილიანი, გაბადრული სახე. მარცხენა ფეხის წალა წინდიანად დაჰკარგვია და ფეხის თითები უცახცახებს. მსუბუქად ჩემი ფეხი დავადევი, ვიფიქრე, ცოტას გავათბობ-მეთქი და სახეში ისეთი მთხლიშა, მარცხენა თვალი დამიბნელდა; გახელა ვცადე და ვერ გავახილე, ტალახი წებოსავით იყო და იმიტომაც ვერ გავახილე. — რას მერჩი-მეთქი, — შევძახე. — მეტი გეკუთვნისო, — თქვა, მჯილი მომიქნია, — მეტის ღირსი ხარ, დედაშენი მებრალეა და მიპატიებიაო.

— მიზეზი? რაო? რატომო? — სხვათა შორის ვკითხე მე.

პაუზა.

— ვითომ თქვენ არ იცით, რატომ? — და თვალი გამიყარა, თვალი გამიყარა კი არა, თვალებით ჩამაფრინდა თვალეში.

— არა, არ ვიცი, — მხრები ავიჩეჩე და ისევ გავიღიმე.

— ვითომ არ იცით, რა დამაბრალა გულასპირ ჩაფიჩაძემ?

— საიდან უნდა ვიცოდე? — გავიკვირე მე. — აკი 'გითხარით, არაფერი უთქვამს-მეთქი?

— მაშ, არაფერი უთქვამს გულასპირ ჩაფიჩაძეს? — დაეკვებით თქვა და ზეზე აიჭრა, ჩქარი ნაბიჯით გაიარ-გამოიარა აივანზე, მერე შედგა, ისევ თვალი გამიყარა.

— მაშ არ იცით, რა დამაბრალა გულასპირმა? არ იცით, არა? ეგრე იყოს. — და დამცინავად გამიღიმა, მაგრძნობინა, კარგადაც იცით, რატომ გალახა გულასპირ ჩაფიჩაძემ ევდოკიმე ტაბატაძე, დიანადაც იცით და მალავთ, გსურთ მე მათქმევინოთ, მაგრამ, უკაცრავად, ქალბატონო, ევდოკიმე ტაბატაძე ასე გულუბრყვილო არ გახლავთ.

სკამზე დაჯდა, ჰიქებში არაყი დაასხა და გმომცდელად შემომხედა.

— ამ ამბის მოსაყოლად არ მოვსულვარ თქვენთან, ქალბატონო ეკა. — დაბალი, ოდნავ გასაგონი ხმით თქვა.

— ვიცი. — ვთქვი მე 'და ცოტა არაყი მოვსვი.

— მიმიხვდით? — გამიღიმა და შეკარხლული სახე კიდევ უფრო გაუწითლდა.

— რასაკვირველია — ვთქვი მე და მეც გავუღიმე.

— ჩემი შეილის ბედი თქვენს ხელთაა, ქალბატონო ეკა — თქვა და თავი დახარა.

— გაზატხულზე სკოლას დაამთავრებს და შემოდგომაზე უმაღლესში შეიყვანთ.

— დიახ, ეს ასე იქნება! — დარწმუნებით თქვა ევლოკიმემ, — ეს გადაწყვეტილია, — ხელები მოისრისა, ჩემსკენ გადმოიხარა და ხმადაბლა დაუმატა:

— ოღონდ კალემ ფრიადზე უნდა დაამთავროს სკოლა.

ახლა ნამდვილად მივხვდი, რისთვისაც მობრძანებულა ევლოკიმე და დამცეცხლა.

— ზღაპარია! — ცივად ვთქვი და ავდექი.

პაუზა.

— მასწავლებლები დაეხმარებიან, ქალბატონო ეკა!

ვიფეთქე.

— რომელი მასწავლებლები? — ხმამალლა, ძალიან ხმამალლა წამოვიძახე.

ევლოკიმე გაშრა, სახეზე სილაყლაყე გაუქრა, ვგონებ, შეშინდა და რამდენიმე ნაბიჯი უკან გადადგა.

— მაშ, არაფერი გამოვა? — ყრულ თქვა ევლოკიმემ.

— არაფერი!

პაუზა.

— სხვაგან უნდა წაიყვანო ბიჭი.

— წაიყვანეთ! ახლავე წაიყვანეთ! — ისევ ხმამალლა ვთქვი მე და ზიზლით შევხედე.

პაუზა.

— ცოდო არ არის? — დამცინავდ ამხედ-დამხედა, ჩახხველა, მერე წვალებით მოუყიდა პაპიროსს, ცივად მომიგდო ნახვამდისო და წავიდა.

ქიშკართან რომ მიადწია, დაეუძახე, დამიცადეთ-მეთქი და შედგა.

ოთახში შევიჭერი, ნაკრაულას ხელი დავავლე და ეზო გავივრბინე — ეს დაგრჩათ-მეთქი, — გაჯავრებით ვთქვი, ნაკრაულა გავუწოდე და ქიშკარი გამოვადე.

არაფერი მიპასუხა, ნაკრაულა ამოიღლია და ჩქარი ნაბიჯით წავიდა.

მეორე დღეს ევლოკიმემ ვაეიშვილი ხემაღალიდან წაიყვანა.

იმ წელს ჩვენი სკოლა სამმა მოსწავლემ დაამთავრა ოქროს მედალზე და იმ საიდან მხოლოდ ერთმა დაიჭირა გამოცდა სასოფლო-სამეურნეო ინსტიტუტში. კალისტრატემ კი თბილისის სახელმწიფო უნივერსიტეტში ამოჰყო თავი. ისტორიულ ფაკულტეტზე და უნივერსიტეტის დამთავრებისთანავე განათლების განყოფილებაში მოეწყო ინსპექტორად.



...როცა კალისტრატემ მითხრა, მე შეუძლებლის შეძლება არ შემძლია, მე პატარა კაცი ვარო, რატომღაც მამამისის ჩემთან სტუმრობა გამახსენდა.

კიდევ რალაცას ლაპარაკობს პატივცემული კალისტრატე, მე კი მისი სიტყვები არ მესმის, ცუდად შევიქენი, ძლივს ვზივარ სკამზე და წონასწორობა რომ არ დაგვარგო, კედელზე ერთ წერტილს შივაშტერე თვალი.

— გადმობრძანდით ხერგაში და დღესვე ინსპექტორად დაგნიშნავთ. აი, ეს კი შემძლია. — ეს ხმამალა თქვა კალისტრატემ და მე გავიგონე.

როგორღაც ბურანს თავი დავალწიე, ავდექი, ნამოწაფარი ავათვალეირ-ჩავათვალეირე, რატომღაც უმწეოდ მეჩვენა და შემებრალა. ისე წამოვედი, მშვიდობაც არ მითქვამს.

სიცხიანი დღე იყო და ხალხი ქუჩის მხოლოდ ჩრდილიან მხარეზე მიმოდრიდა. მე ქუჩის მზიან მხარეს გავყევი.

ქვაფენილს ალი ასდიოდა.

უნხაურო იყო ქუჩის მზიანი მხარე, მივაბიჯებდი ამ სიცარიელეში და ყურს მკვეთდა ნამოწაფრის უსიამო ხმა — „ჩვიდმეტე მოწაფე, ორი მასწავლებელი... განა ღირს თავისტეხად?“

...გულასპირს და ალექსანდრეს წიგნის მალაზიასთან ჩრდილში შეუფარებიათ ცხენები, თვითონ მალაზიის კართან იდგნენ და მელოდნენ.

გულასპირმა თვალი მომკრა და ჩემსკენ გამოქანდა.

— რას სჩადიხარ, ეკა! მზეში მოდიხარ და დაკეცილი ქოლგა ხელში გიკავია.

გამოვერკევი, ქოლგა გავშალე და გულასპირს მივაჩრდილე.

— ძალიან შეგაგვიანდა. უმთვარო ღამეა და აღრე უნდა წავიდეთ.

— ჭაბუკები ხომ არ შემიშინდით-მეთქი, — ვითომ გავეხუმრე და გავუღიმე.

წიგნის მალაზიაში კაცის ჭაჭანება არ იყო. გამყიდველ ქალს მალაზიის უკანა კარიც გაეღო და ვითომ ორპირ ქარში იჯდა, სულს კი მარათი იბრუნებდა. გამყიდველმა მიცნო, მოკრძალებით მომესალმა და ხელით მანიშნა, გამგე თავის ოთახში არისო.

მალაზიის გამგე აიძაგრა. სკამი კი შემომთავაზა. მაგრამ სახეში არ შემოუხეღია და ეს ენაწყლიანი კაცი, აღრე თუ წერილად გამომკითხავდა ხემალალის სკოლის ამბავს, ახლა მუნჯივით შემხვდა.

— დასაჯლომად არ მცალია. მეზობლები მახლავს და ბარემ დღესვე წავიღებ სახელმძღვანელოებს და რვეულებს.

მალაზიის გამგემ მაგიდის უჯრიდან დიდი დავთარი ამოიღო,

გადაფურცლა, მერე თვალი გამისწორა და გაბზარული ხმით მკითხა:  
— განათლების განყოფილებაში ბრძანდებოდით, ქალბატონო ეკა?

— გახლდით.

— მერე-და, არაფერი უთქვამთ?

— გვითხრეს.

— მაინც რა გითხრეს?

— კარგი არაფერი. განათლების განყოფილება ფიქრობს დახუროს ხემაღალის სკოლა.

— ფიქრი რომელია? — გაიოცა მალაზიის გამგემ, — განათლების განყოფილებამ თქვენი სკოლა უკვე დახურა, აი, დარწმუნდით! — და დიდ დავთარში წაშლილი გვერდი მაჩვენა.

თითქოს გული გამიჩერდა. საოცარი უმწეობა ვიგრძენი და სკამზე მოწყვეტით დავეშვი. თვლები ღია მაქვს და ვერაფერს ვხედავ, სივრცეში ნაპერწკლები ირევიან და იმ ნაპერწკლების ლიცლიცი მაბრმავებს, თანდათან სიბნელე მოიპარება და ღამდება.

— აგრე, ნუ! — ხმამალა თქვა მალაზიის გამგემ. მაგიდას გადამოყარნო და ყურში ჩამჩურჩულა, — სახელმძღვანელოების ნაწილს ახლავე მოგართმევთ, ხვალ თბილისში წავალ და რამეს ვაჩვენებ... თუმცა სახელმძღვანელოები რაღად დაგჭირდებათ?

როგორღაც გამოვფხიზლდი, გული გავიმაგრე და სკამიდან მსუბუქად წამოვდექი, მოწყალებაზე უარი მოვახსენე მალაზიის გამგეს და თითქოს არაფერი მომხდარიყოს, მისი კაბინეტიდან მოღიშარი გამოვედი.

— ჭერ სახელმძღვანელოები არ მიუღიათ, ჭაბუკებო, — ღიმილით ეუთხარი ალექსანდრეს და გულასპირს და მერე დავუმატე: — თქვენ ახლავე გაბრუნდით სოფელში. მე კი თბილისში წავალ, გადაუდებელი საქმე მაქვს.

გულასპირს და ალექსანდრეს დავემშვიდობე და რკინიგზის სადგურს მივაშურე.

ხევისწყლიდან ნიავეა დაუბერა და ცოტათი აგრაღდა.

დაცარიელებულ ბაქანზე ადგილი ვერ მიპოვნია და ვწრიალებ და ყურში ჩამწივის ჩემი ნამოწაფარის ცივი, უსიამო ხმა — „თქვენ შეუძლებელს მთხოვთ, მე შეუძლებლის შეძლება არ შემიძლია, მე პატარა კაცი ვარ!“

ჰო, ვითომ ირონიულად თქვა „მე პატარა კაცი ვარო“, და მე თვალწინ დამიდგა კალისტრატეს მამა, საჩუქრად მორთმეული ნაქრაულა, გულასპირის ოინები და გალახული ევდოკიმი, ხემაღალის სკოლა, სკოლის ჭინკართან მოდარაჯებული ბერიკაცები, პატარა ეკა და დადუმებული სკოლის ზარი.

თ ა ვ ი კ ი რ ვ ე ლ ი

კონსტანტინე კაკუბერი ათ საათზე მოვიდა რაიკომში და როცა რევაზ ჩაფიჩაძე მისაღებ ოთახში დახვდა, რატომღაც ეწყინა, ძველ მეგობარს შაინც ღიმილიანად მიესალმა და კაბინეტში შეიწვია.

— რატომ შინ არ მეწვიეთ? — საყვედურით თქვა კონსტანტინემ და რევაზს ვითომ მწყურალად გამოხედა.

— უთენია ჩამოვიდა მატარებელი.

— სასტუმრო ჯერ მოუწყობელი გვაქვს.

— ახალი შენობაა.

— საშველი არ დაადგა თბილისიდან ავეჯის გამოგზავნას. სა-ხალწლოდ შევიპირეთ, ავერ ზაფხული მიიწურა და პირი არ უჩანს, რამდენჯერმე საგანგებოდ მივავლინე რაიკომის პასუხისმგებელი თანამშრომელი, მაგრამ უშედეგოდ.

— დიდი მოთხოვნილებაა ავეჯზე. — თქვა ჩაფიჩაძემ.

— ვიცი, მაგრამ სასტუმრო სხვაა, — კატეგორიული ტონით თქვა კაკუბერმა. — რაიონის ცენტრში ყოველდღე ხალხი ჩამოდის. რკინიგზის სადგური, სასტუმრო, მაღაზიები, რესტორანი, ბაზარი — უპირველესად ამათ უნდა მივხედოთ, ამ ადგილებს ეტანება ხალხი... ჩვენი ახალი ბაზარი ნახეთ?

— ვნახე.

ჩვენი ბაზარი კისლოვოდსკის ბაზარივითაა, კისლოვოდსკში ხართ ნამყოფი:

— არა..

— მე სწორედ შარშან ვიყავი. დასასვენებლად წავედი და წარმოიდგინეთ, ოცდაოთხი დღის ნაცვლად მხოლოდ ათი დღე დავრჩი. გავიარე კისლოვოდსკის ბაზარში და მომეწონა, ძალიან მომეწონა და ვერ მოვისვენე. მოველაპარაკე არქიტექტორს, თავდაპირველად ჩიქზე შეჯდა, მაგრამ ორმაგი გასამჭელო შევთავაზე, დავითანხმე და პროექტის ასლი გადამიღო, ცოტათდენი ცვლილებებიც შევიტანე და ხერგას მოვაშურე. გაუქვირდათ ჩემი ნაადრევად ჩამოსვლა. მეორე დღესვე რაიონის არქიტევი მოვიწვიე, გამოვძებნეთ სახსრები და შევუდექით ახალი ბაზრის მშენებლობას. როგორ ფიქრობთ დიდხანს გაგრძელდა მშენებლობა? სრული სამი თვე! დიახ, სამ თვეში ავაშენეთ კისლოვოდსკის ბაზარზე უკეთესი ბაზარი, ჩვენმა ბაზარმა მეზობელ რაიონებშიც გაითქვა სახელი და მეზობელი რაიონების კოლმეურნეებს ჩვენს ბაზარში მოაქვთ სურ-

სათ-სანოვაგე გასაყიდად... სასტუმრო კი ვერ მოეაწყვეთ და ვერა — ჩავალ და რამეს ვიღონებ.

— თუ რაიონს დაეხმარებით, დიდად დამავალებთ.

კონსტანტინემ მდივანს უხმო და დაავალა, აღმასკომის თავმჯდომარესთან შემაერთეო.

— მამის სანახავად, ხომ?

— თუ დრო დამრჩა, — უხალისოდ თქვა რევაზ ჩაფიჩაძემ და კონსტანტინეს სიგარეტი გაუწოდა.

— ალექსანდრე თბილისში მეგულებოდა. არ მახსოვს კია, ვილაცამ მითხრა, ხემაღალში გამოიზამთრაო. მერე და როგორი ზამთარი იყო!

— მესამე წელია, თბილისში არ ჩამოსულა.

— ვერ გაპატიებ! მოკიდე ხელი და წაიყვანე თბილისში.

— ენახოთ, — უხალისოდ თქვა ჩაფიჩაძემ და მოუწეველი სიგარეტი საფერფლეში ჩაასრისა.

და ეს „ენახოთ“ უსიამოდ ჩაესმა ყურში კონსტანტინე კაკუბერს, თითქოს საყვედურივით იყო ეს „ენახოთ“ და უნდოდა რაღაც ეთქვა, მაგრამ სწორედ ამ დროს შემოაღო კარი მდივანმა—აღმასკომის თავმჯდომარე ტელეფონთანააო.

— ხარტონ, გამარჯობა შენი, ჩვენი რეზო ჩამოვიდა თბილისიდან... რომელი და ჩაფიჩაძე! სხვა ვინაა ჩვენი რეზო? — საყვედურით თქვა კონსტანტინემ. — არა, აქ ნუ მოხვალ, პირდაპირ რესტორანში მოდი.

კონსტანტინემ მდივანს დაუბარა, თუ თბილისიდან დარეკონ, უთხარი სოფლებში ვარ წასული. — მერე კაბინეტის მარქაფი კარი გააღო, რევაზს მზრუნველად გაუყარა მკლავი, კიბეზე ნელ-ნელა ჩამოატარა და რაიკომის ეზოდან წერეთლის ქუჩაზე გავიდნენ. შემხვედრნი მოკრძალებით ესალმებოდნენ კაკუბერს და განსაკუთრებული ცნობისმოყვარეობით აკვირდებოდნენ ჩაფიჩაძეს, სურდათ გამოეცნოთ, ვინაა ეს კაცი, რაიკომის მდივანი ფეხით რომ დაჰყვება ქუჩაშიო..

როცა ბაზარს მიუახლოვდნენ, კონსტანტინემ ნაბიჯი შეანელა, რევაზი მიუხვდა, ბაზარში ეპატიებოდა კონსტანტინე.

— დილითვე დავათვალიერე. მდინარისკენ გაგიწევიათ ბაზარი. კარგია.

— ვიწროებშია მოქცეული ხერგა, — თქვა კონსტანტინემ და ხელი დასავლეთისაკენ გაიშვირა. — იქ, სადაც სატეველა უხვევს, ვრცელი ზეგანია, ხერგასთანა ქალაქი ხუთი დაეტევა. ეტყობა, ჩვენი წინაპრები შეცდნენ.

— არა, ზეგანი ვრცელია, მაგრამ ქარიანი. საცხოვრებლად უვარგისია, — დარწმუნებით თქვა ჩაფიჩაძემ.

ხარიტონი რესტორანში დაუხვდათ. „რაიკომის კაბინეტში“ (ასე შეარქვა რესტორნის ღირექტორმა — შადიმან შარანგიამ — რაიკომის და რაიალმასკომის პასუხისმგებელი თანამშრომლებისათვის მიჩენილ ოთახს) დასხდნენ და კართან ზორბა ვაუკაცი გაიჭვიმა.

„— რესტორან „უღელტეხილის“ მომსახურე პერსონალის უმდაბლესი სალაში ჩვენს ძვირფას სტუმრებს!“ — ესტრადული სიყალბით თქვა ზორბა ვაუკაძე, მერე კაბინეტში შემოვიდა, კონსტანტინეს და ხარიტონს გაუღიმა, რევაზს სამხედრო სალაში მისცა, თვალი გაუყარა და დაიბუხუნა: — ვიცნობდეთ. თქვენ მოგემსახურებათ რესტორან „უღელტეხილის“ ბუფეტის გამგე, საჭიროებისას, შეთავსებით, უფროსი ოფიციალტი. სახელი — აბელი. გვარი — კიკნაველიძე. მამის სახელი — როსტომი. დაბადების წელი 1928. დაბადების ადგილი — სოფელი ხემაღალი, ხერვას რაიონი, საქართველოს სსრ. პარტიულობა — ყოფილი კომკავშირელი, ამჟამად უპარტიო, მაგრამ პოლიტიკურად განსწავლული და სანდო. რესტორანში მუშაობის სტაჟი — თოთხმეტი წელი. ჭერკვერობით პასუხისმგებაში არაა ნამყოფი. ჰყავს ერთი ცოლი, სამი შვილი და ორი სიდედრი... სტუმრებს ვთხოვთ, პატივი დაგვღონ და გულით მოილხინონ.

აბელ კიკნაველიძემ სტუმრებს მორჩილად დაუკრა თავი და გაუჩინარდა.

— ახირებული კაცია, — ცოტა წყენით თქვა კონსტანტინე კაკუბერმა.

— ერთხელ თბილისელ ამხანაგებს გაუუმართეთ ვახშამი, მაშინ წარმოადგინა ეს ნომერი, ძალიან მოეწონათ და ბევრიც იხარხარეს. იმ დღიდან მოყოლებული, ვინმე უცხოს თუ შემოვყვები რესტორანში, ასე ჩააანკეტებს.

აბელ კიკნაველიძე ვეებერთელა ხონჩით შემოვიდა კაბინეტში, საუზმე კოხტად დაალაგა სუფრაზე. პატარა ჭიქებს მალალი ყელიანი ჭიქები შემოუწყო, მერე შამპანურის ბოთლი დამბაჩასავით გაისროლა, ჭერ რევაზს შეუვსო ჭიქა, მერე კონსტანტინეს. „შთავრობასთან ცოტა უკაცრავადო“, მოუბოდიშა ხარიტონს. ბოლოს ხარიტონის ჭიქაც შეავსო და კაბინეტიდან გავარდა.

...საუზმის შემდეგ კაკუბერმა ითხვისის მევენახეობის საბჭოთა მეურნეობის დასათვალთვლებლად წაიყვანა ჩაფიჩაძე. ხერვადან ითხვისამდე ოციოდღე კილომეტრია, გზა სატეველას მარცხენა ნაპირს მიჰყვება, მოასფალტებულია და მანქანა მსუბუქად მიჰქრის.

კაკუბერის ფიქრი: „დილითვე მითხრა, მამის სანახავად კი არა, შენთან ჩამოვედი აუცილებელი საქმის გამო, აგერ შუადღემ მოატანა და არაფერს მანიშნებს. თუ საიდუმლოა, ჩემს კაბინეტში მარტონი ვიყავით, არც ქუჩაში გვიშლიდა ვინმე ხელს, ახლაც მარტონი ვსხედვართ მანქანაში და არაფერს მეუბნება“.

— როგორ მიდის თქვენი მეცნიერული მუშაობა? — უფრო სიჩუმის დასარღვევად ჰკითხა კონსტანტინემ და რევაზი მიუხვდა, კაკუბერს არც ისე აინტერესებდა ჩაფიჩაძის „მეცნიერული მუშაობა“, უნდოდა სიტყვა ბანზე აეგდო, მაგრამ ეუხერხულა.

— თავს ვანებებ. — უხალისოდ თქვა ჩაფიჩაძემ.

— რას ანებებ თავს? — გაოცებით ჩაჰკითხა კონსტანტინემ.

— მეცნიერულ მუშაობას.

— ინსტიტუტს ანებებთ თავს?

— დიან, ინსტიტუტს; — ისევ უხალისოდ თქვა რევაზმა და სიგარეტი მიაწოდა კონსტანტინეს.

კაკუბერის ფიქრი: „ფარსავი რაღაც მომხდარა. შარშანწინ დოქტორობის ხარისხი დაიცვა, პროფესორის წოდება მიანიჭეს, კათედრის გამგე იყო და მეაბრეშუმეობის კვლევითი ინსტიტუტის დირექტორად დანიშნეს და ახლა ანებებს თავს მეცნიერულ მუშაობას? რაღაც აუწყობელი საქმეა, ამხანაგო რევაზ, და თუ შეიძლება, უფრო გასაგებად მოახსენეთ თქვენს ძველ მეგობარს, რატომ შემოუწყრა მეცნიერებას რევაზ ჩაფიჩაძე?“

— მიზეზი?

— პრაქტიკული მუშაობა მომწყურდა, — მშვიდად თქვა რევაზმა და ასანთს გაჰკრა, ჯერ კაკუბერის სიგარეტს მოუკიდა, მერე თავისას.

მანქანა მსუბუქად მიჰქრის მოასფალტებულ გზაზე, ითხვისამდე ათიოდე კილომეტრი დარჩა. კონსტანტინე და რევაზი ჩუმად სხედნან, სიგარეტს აბოლებენ, მანქანა არწევთ და სადაცაა ჩასთვლემენ, მაგრამ მანქანამ უცბად დააგდო მოსფალტებული გზა, სატეველა გადაჰკრა და აღმართს შეეყვავა, ახმაურდა და კონსტანტინე და რევაზიც გამოაფხიზლა.

კაკუბერის ფიქრი: „ჩვენ შორის უმნიშვნელო უკმაყოფილებაა არ მახსოვს. მე ყოველთვის ვამაყობდი რევაზ ჩაფიჩაძით. მესახელეობოდა, ჩემმა თანამემამულემ გაბედულად რომ გაიკაფა გზა მეცნიერებაში. დისერტაციის დაცვის შემდეგ მოზეიმეებს ვეტრებახეობოდი — მააშ, ასეთ ნიჭიერ ადამიანებს ზრდის-მეთქი ჩვენი რაიონი“.

და კონსტანტინე მაინც გრძნობს, რევაზ ჩაფიჩაძე უკმაყოფილოა კონსტანტინე კაკუბერით, წყენა გულში ჩაუხვევია და არ ამხელს. ჰო, გულჩათხრობილი კაცია რევაზ ჩაფიჩაძე... ადრე თბილისიდან

დაურეკავდა — ჩამოსვლას ვაპირებ და რაიონში თუ იქნებიო. სა-  
დგურზე დახვდებოდა კონსტანტინე, პირდაპირ შინ მიჰყავდა და  
კაკუბერის მეუღლე საუზმეს გააწყობდა, — ილხენდნენ და ესიყუა-  
რულებოდნენ ერთმანეთს.

შელმართებზე მანქანამ სელას უკლო.

„თავის სახლში მივყავარ“. — გაიფიქრა ჩაფიჩაძემ.

ჰო, თავის სახლში მიდის კაკუბერი, მეგობარსაც მოაღბნენ და  
მოხუც მშობლებსაც გაახარებს. შეიღსა და სტუმარს ახალ ქვევრს  
მოუხდის ღონგი კაკუბერი. სუფრას აივანზე გაშლიან, ღონგი კა-  
კუბერის ოდასახლის აივანზე გრილა, და აივნიდან კარგი სამზერია —  
მთელი ითხვისი და მეზობელი სოფლები მოჩანს, მერე თანდათან  
ვაკდება, შორს, დასაველეთით, მზეში ცურავს კოლხეთი, ხოლო  
ჩრდილოეთით კავკასიონი აღმართულა.

-- უკვე მეურნეობის ტერიტორიაზე ვართ, ეს მეურნეობის ში-  
და გზებია, — გამოსატხზილებლად ეუბნება კონსტანტინე ჩათე-  
ლემილ რევაზს.

ჩაფიჩაძის ფიქრი: „ასეთივე მიხვეულ-მოხვეული და შელმარ-  
თიანი გზები ექნებოდა მეურნეობას, ხემაღალში რომ გაეშე-  
ნებიათ, — სავენახე მიწა კი, — გაცილებით მეტი. აქ მხოლოდ  
კოლიკოურია ჩაყრილი, რადგან, ითხვისში სხვა ჯიშის ვაზი  
ვერ იხარებს. ზემოთ, კაკუბერთა უბანში, ცდილობენ  
ციცქა გაახარონ... ხემაღალში ციციკაც ჩინებულად ხა-  
რობს, კაბერნეც, მგალობლიშვილის შავიც, კოლიკოური  
ღომ ხარობს და ხარობს. მეურნეობა კი, მაინც ითხვისში გააშენეს.  
თბილისიდან გამოწვეული სპეციალისტების დასკვნა კი, სხვაგვარი  
იყო მაგრამ ის დასკვნა როგორღაც ჰაერში გამოჰკიდეს. უბრალოდ  
და იოლად არ მომხდარა ეს, უხილავი ძალა არ გამოჰკიდებია ამ  
საქმეს, რაიკომმა მოიძოქმედა ყოველივე, მოთავედ კი რაილმას-  
კომი გამოაჩინა. ხემაღალში გზა არ არის, ხემაღალში მოსახლეობა  
მცირეაო. თბილისში ჩამოვიდა რაილმასკომის თავმჯდომარე. ერთი  
კვირა იწრიალა საბჭოთა მეურნეობის სამინისტროში. მაგრამ სა-  
სურველ შედეგს ვერ მიაღწია და მაშინ კონსტანტინე კაკუბერი  
ჩამოვიდა თბილისში, „დამატებითი მასალები“ მიაშველა რაილმა-  
სკომის დადგენილებას და საქმე შეტრიალდა — პროექტი ნაწილო-  
ბრივ შეცვალეს და ხემაღალის ადგილი ითხვისმა დაისაყურა“.

ჰოდა, იმ დღიდან მათ შორის შავმა კატამ გაიარა:

სამი წელია ერთმანეთი არ უნახავთ. დღეს კი, შეხვედრისას,  
სიყვარულით როდი მოიკითხა მეგობარი ჩაფიჩაძემ — რასა იქმ, შინ  
როგორ ხართო, პირდაპირ განუცხადა — შენთან საქმეზე ვარ ჩა-  
მოსულიო. აგერ შეადღეშ მოატანა და იმ საქმისას არაფერს ამხ-

ელს, მონუსხულივით ზის მანქანაში, თვალები ოდნავ მოუქუტავს და თვლემს.

კაკუბერის ფიქრი: გულჩათხრობილი კაცია რევაზ ჩაფიჩაძე, ის წყენა გულში ჩაიხვია და საქმემ თუ მოითხოვა, ამოახვევს გულის სიღრმიდან და მაშინ... მაგრამ კონსტანტინე კაკუბერი წინდახედული კაცია, პატივცემულო რევაზ. აღმასკომმა დაასაბუთა მეურნეობის ითხვისში გაშენების სარფიანობა“...

მას შემდეგ ბევრმა წყალმა ჩაიარა: კონსტანტინემ თითქოს დაივიწყა ეს საქმე, მხოლოდ ჩაფიჩაძის მოულოდნელმა სტუმრობამ გაახსენა და ამოატივტივა, თანდათან ამოატივტივა და გრძნობს კაკუბერი, რომ მისი ძველი მეგობარიც ამ ძველ სატყვიარს უტრიალებს... ჰო, მოკუტული თვალით კაკუბერის გულში იმზირება რევაზ ჩაფიჩაძე, იმზირება და ყოველივეს წვრილად, მარცვალ-მარცვალ აღადგენს და კითხულობს — აბა, როგორ ეგონა კონსტანტინე კაკუბერს? ხედავს, ყველაფერს კარგად ხედავს ჩაფიჩაძე და კონსტანტინე კაკუბერი იძაგრება, გულში ძაფი ჩაუწყდება, მაინც იმხნეებს თავს.— ეს ამბავი შორეულია და უთუოდ დაივიწყა რევაზ ჩაფიჩაძემო.

ჯერ შინ მიიყვანს ძველ მეგობარს და მოალხენს, მეურნეობის დათვალიერებას მერეც მოასწრებენ. აივანს უკვე ჩრდილი ექნება მომდგარი, აივანზე დასხდებიან, გაიშლიფებენ და გახალისდებიან.

— რაფიელ, — ხმადაბლა ეუბნება კონსტანტინე შოფერს, — მაჩემის სახლისკენ შეუხვიე.

შედმართები მოთავედა, იფხვისის ზეგანზე სწორი გზაა გაკრილი და მანქანა მსუბუქად მიდის.

კაკუბერთა უბანი. მოლიანი ეზოები, კრამიტით გადახურული ოდა-სახლები. ეზოებიდან ბაიბურიც არ ისმის. სიცხისაგან გათანგული ბავშვები ჩრდილს შეჰფარვიან, მანქანის ხმაურზე მაინც წამოიშალნენ და მესრების ღრიკოებში გამოჰყვეს გადახორცილი თავები. კაკუბერთა უბნის ბავშვები ცნობენ ამ „ვოლგას“, ეს რაიკომის „ვოლგაა“. იციან, შიგ ძია კონსტანტინე ზის, ამიტომაც არ შეუსტვენენ მანქანას, ზოგი თამამი ბიჭი ხელს კი დაუქნევს, მაგრამ შეძახილით არ შეეხმებიანბა.

...კაკუბერთა ოდასახლის აივანზე სუფრას უსხედან ძველი მეგობრები: რევაზ ჩაფიჩაძე, კონსტანტინე კაკუბერი და ითხვისის მეურნეობის დირექტორი ლევან კაკუბერი.

ლევანი ჩაფიჩაძესთან ერთად სწავლობდა ინსტიტუტში და ინსტიტუტის დამთავრებისთანავე პრაქტიკურ მუშაობას მოეკიდა. მცო-



რე ხანს ხერგას სასოფლო-სამეურნეო ტექნიკუმს დირექტორობდა, მერე თავის სოფელს მიაშურა და ბარე ათი წელი ითხვისის კოლმეურნეობის მთავარი აგრონომი იყო.

— სადილად აქ, ვახშმად კი ჩემთან! — ღიმილით თქვა ლევანმა

— ამალამ შინ ავალ! — თქვა ჩაფიჩაძემ და მაჯის საათს დახედა.

— ხემაღალში ამალამ როგორ ააღწევ? — გაიკვირვა კონსტანტინე კაკუბერმა.

— ლევანი მთხოვებს ცხენს. ცხენი ხომ გყავს, ლევან?

— მყავს, ოღონდ გაშვებით კი ვერსად ვერ გაგიშვებ.

რევაზ ჩაფიჩაძემ ისევ დახედა მაჯის საათს და გადაჭრით თქვა:

— ოთხ საათზე წავალ.

„თავნებაა. რაკილა თქვა ჰირიც რომ მოკვამო, მაინც წავა“. გულში თქვა კონსტანტინე კაკუბერმა და ჰიქებში ღვინო დაასხა.

— აგერ, ახალმოსახლეთა უბანს ნომ ხედავ? შენი მეზობლებია, ხემაღალელი ჭინორიძეები, — თავმოწონებით თქვა ლევანმა და ხელი ახალმოსახლეთა უბნისაკენ გაიშვირა.

— კარგი სახლები კი ააგეს, — ჩაუბრა კაკუბერის მამამ.

— ჭინორიძეებს არც ხემაღალში ედგათ ურიგო სახლები, ეზოებიც უფრო დიდი ჰქონდათ.

— ბეჭითი ხალხია. მეურნეობას ჭინორიძეებით უდგია სული, — მიაშიტად თქვა ლონგი კაკუბერმა.

— ხემაღალში ჩინებული ვენახი ჰქონდათ ჭინორიძეებს — ითხვისის ვაზი კი ვერ შეედრება ხემაღალის ვაზს.

— შესაძლოა, — რალაცნაირი მორჩილებით თქვა ლევანმა.

— ნამდვილია, ხმას აუწია ჩაფიჩაძემ. — ითხვისში მარტო ცოლიკოური ხარობს, ხემაღალში კი ოთხი ჭიშის ვაზი: ცოლიკოური, ალიგოტე, მგალობლიშვილი, ციკქა.

— რატომ მარტო ცოლიკოური? — ციკქაც ხარობს! ჰო, ციკქაც ხარობს! — დაბეჭითებით თქვა კონსტანტინემ.

— ციკქას განბარებაზე ჯერ ნაადრევია ლაპარაკი. — დამარცვლა რევაზ ჩაფიჩაძემ, — შესაძლოა, წელს ნიმუში გამოისხას ციკქამ. გაიხად კი თავი დაგვიკრას. პატარა ფერდობი დაგიმიათ ციკქასათვის და თუ ფერდობზე ფეხი მოიკიდა, მერე ბარში უპირებთ გადმოსახლეობას? საფრთხილოა. ვერც ცოლიკოურს დაასახლებთ ითხვისის ბარში. — შენ ხომ იცი, ლევან, — მეგობრულ კილოზე გადავიდა ჩაფიჩაძე. — ითხვისის ბარს ახლო უდგას წყალი, ცოლიკოურის ფესვი კი ექვსი მეტრის სიღრმეში მიდის...

ახლა კი მიხვდა კონსტანტინე კაკუბერი, მუნჯივით რატომ იჯდა მანქანაში რევაზ ჩაფიჩაძე.

კაკუბერის ფიქრი: „ჰო, მუნჯივით იჯდა და ვითომ თვლემდა,

ნამდვილად კი ყველაფერი აღუნუსხავს და ხელისგულზე დაუწე-  
რია. ახლა სადინარი გაუხსნა შეკავებულ ბოლმას. გვიმტკიცებს:  
დანაშაული ჩაიდინეთ! დიახ, ბოროტება გაქვთ ჩადენილი და ახ-  
ლა ცდილობთ ბოროტების კვალის დამალვასო. განა ლონგი კაკუ-  
ბერმა არ იცოდა, რომ ითხვისის ბარს ახლო უდგას წყალი? განა  
ლევან კაკუბერმა არ იცოდა ეს? მაინც ურჩიეს კონსტანტინე კაკუ-  
ბერს საბჭოთა მეურნეობა ითხვისში გააშენო და კონსტანტინეც  
დაეთანხმა, აღმასკომი მოიშველია და კომისიის დასკვნას წყალი  
შეუყენა. სედავთ, როგორ მაგარ-მაგარ სიტყვებს ისვრის?“

მზეში თვალისმომკრელად ბზინავს შეწამლული ვაზი. დაბლა,  
გზისპირად, ახალი შენობის კორპუსი აღმარტულა. ეს მეურნეობის  
ქარხანაა. აგერ მესამე წელია ამ ქარხანას აშენებენ და სადაცაა გა-  
დახურავენ. ვეებერთელა ჩანები, ყურძნის საწური და არყის სახ-  
დელი მანქანები ფარდულშია დაბინავებული.

ასეთი სიმძლავრის ღვინის ქარხანა არ სჭირდება ითხვისის სა-  
ბჭოთა მეურნეობას. ეს იყის რევაზ ჩაფიჩაძემ, ამიტომაც უბოდი-  
შოდ ეუბნება ლევან კაკუბერს:

— ითხვისის ყურძენი ხელსადაც არ ეყოფა ამ ქარხანას.

— კოლმეურნეობა და კოლმეურნეებიც მეურნეობას ჩააბარებ-  
ენ ყურძენს, — თქვა კონსტანტინე კაკუბერმა და მწყრალად გამო-  
ხედა ჩაფიჩაძეს.

— სულ ოცდახუთი ჰექტარი ვენახი აქვთ ითხვისელ კოლმეურ-  
ნებს, — აქედან თხუთმეტი საკარმიდამო ნაკვეთზე, მესამედს ხომ  
დაიტოვებს. გლეხი თავისთვის? ზოგიერთი ნახევარსაც დაიტოვებს!  
აუცილებლად დაიტოვებს და თქვენი ქარხნისათვის რაღა დარჩება?

...მაგრამ ეს მსჯელობა და მტკიცება ზედმეტია ახლა, ყველაფე-  
რი წასულია და მორჩომილი. არავინ ასჭრის ითხვისის მეურნეო-  
ბის ვაზს, უკვე აშენებულ ღვინის ქარხანას არავინ მოიკიდებს ზუ-  
რგზე და ხემაღალში არ გადაიტანს...

მზეში ბზინავს ფერდობზე შეფენილი ვაზი, ჭინორიძეთა უბან-  
საც მზე აცხუნებს და ჭინორიძეთა ოდები კობტაობენ და თავს  
იწონებენ.

კონსტანტინემ მაჯის საათს დახედა, ღვინის კიქები შუავსო და  
ჩაფიჩაძეს გაუყარა თვალი.

— რაკი ხემაღალში მიდიხარ, ერთი სათხოვარი შემისრულე, —  
ათიოდე კომლი დარჩა ხემაღალში.

— ჩვიდმეტი, — გაუსწორა ჩაფიჩაძემ.

— ყველა სახლი განა კომლია? — ნიშნისმოგებით თქვა კონსტა-  
ნტინემ, — ოღონდ მამაშენი დაითანხმე და სხვა არავინ გაჩიქდება.  
აი აგერ, ჭინორიძეთა უბნის გაყოლებით ღონიერი მიწაა, თუ მოი-

სურვებენ, აქ დავასახლებთ, თუ რომელიმე სხვა სოფელს ირჩევენ, მათი ნებაა, იმ ამორჩეულში დავასახლებ, — ცივი, გამყინავი ხმით თქვა კონსტანტინემ და რევანზ ჩაფიჩაძე ისე შეტოკდა, თითქოს მახვილზე ეძგერებინოთ გულში.

— კარგად იცი, — განაგრძო კონსტანტინემ. — ისე შორსაა ჩვენგან ეს დალოცვილი ხემაღალი და უგზოობით ისე ვართ მოწყვეტილი, ერთმანეთისათვის ხელი ვერ გაგვიწვდენია...

რევანზ ჩაფიჩაძე აღგა, შარვლის ჭიბეებში ჩაიწყო ხელები, აივანზე გაიარ-გაშოიარა, ჭინორიძეთა უბანს გახედა — მზეში თავს იწონებს ჭინორიძეთა უბანი, კობტაობენ კრამიტით გადახურული ოდა-სახლები, ჭიშკრებიდან ოდასახლების აივნებამდე თალარები, გაუმართავთ ჭინორიძეებს, ჭიშკრები თეთრად შეულებიათ და თეთრი ჭიშკრები გამვლელებს შინ ეპატიყებებიან... ჰო, რევანზ ჩაფიჩაძეს უღიმიან და ეპატიყებებიან ჭინორიძეთა თეთრი ჭიშკრები და ოდა-სახლები: ყოველი სახლი სიხარულით შეხვდება, ახალ ჭურს მოუხდის, სუფრას გაუშლის, მხარზე მეგობრულად დაჰკრავს ხელს, დალოცავს, გულში ჩაიკრავს, ჩაჰკოცნის და ალაღის გულით შესძახებს — ღმერთმა გაგახაროს ჩემი გახარებისთვისო.

მერე რევანზის მამას მოიკითხავენ და დალოცავენ ჭინორიძეები, გულასპირ ჩაფიჩაძეს და აბესალომ კიკნაველიძეს მოიკითხავენ, დიდი ეკატერინესა და პატარა ეკას ამბავს წვრილად გამოჰკითხავენ — მოწაფეები თუ დაუღიბთ სკოლაში დიდ ეკატერინეს და პატარა ეკას, კიდევ ვინ დარჩა ხემაღალშიო...

ფიჭრი კონსტანტინეს ხმამ გაუწყვიტა.

— დაუჩემებიათ ხემაღალში დავიმარხებითო და ჰყავთ ვინმე დამმარხავი? მამაშენი — შენი იმედითაა, დიდი ეკატერინე — პატარა ეკას იმედით. სხვები? სხვები ვისი იმედით არიან? თვითონ ხომ არ წაიღებს მიცვალებული თავისთავს სასაფლაოზე?

და კონსტანტინე კაკუბერმა გაღიმა, ცივად გაიღიმა.

მერე რევანზ ჩაფიჩაძის გულში შეიჭრა ის სიცივე, მონუსხა და დაპატარავა.

ლონგი და ლევან კაკუბერსაც გაჰკრა კონსტანტინე კაკუბერის. ცივმა ღიმილმა.

— განა შეიძლებს მიცვალებული თავისთავის სასაფლაოზე წაღებას? — ისევ ღიმილიანად თქვა კონსტანტინემ და რევანზს თვალი გაუყარა.

— მესაფლავედ ვერ გამოვდგები! — გაჯავრებით თქვა ჩაფიჩაძემ.

— ყველამ თავის შკვდარს უნდა უპატრონოს! — ისევ ცივი გამყინავი ხმით თქვა კონსტანტინემ. მერე, აქაოდა ჩინებული რამ

ვთქვიო, ყელი მოიღერა. გამარჯვებულევით ადგა ზეზე, ხელი გაიშვირა ჭინორიძეთა უბნისკენ.

— რით არ სჯობია ხემაღალს, ჰა, რით არ სჯობია? ამას ხომ ფიცი-მტკიცე არ სჭირდება?

— მჯობნის მჯობნი არ დაილევა, ბატონო კონსტანტინე, თითქოს ჩაფიჩაძის ნაცვლად თქვა ლევან კაკუბერმა.

კონსტანტინემ დამცინავად გამოხედა ლევანს და ლევანი მიხვდა, კონსტანტინეს არაფრად ექაშნიკა მისი საუბარში ჩარევა.

— მე პრაქტიკულად ვამბობ — ამჟამად ითხვისი სჯობია საცხოვრებლად ხემაღალს და ვეუბნები ხემაღლელებს: გადმოსახლდით, ბატონებო, ითხვისში, შეირჩიეთ ეზოები, იმ შერჩეულ ეზოებში სახლებს დაგიდგამთ. შეგეშველებით, ხელს შეგიწყობთ და ჰა ბურთი და ჰა მოედანი! მეურნეობაში მუშაობას მოისურვებთ? იყოს ნება თქვენი, კოლმეურნეობას შეუერთდებით? შეუერთდით, ბატონო! რა შუაშია მჯობნის მჯობნი? მე პრაქტიკულად ვსვამ საკითხს და საკითხიც პრაქტიკულად გადაწყვეტოთ... პირდაპირ გეტყვი რევაზ, — ხმას დაუდაბლა კონსტანტინემ და ირგვლივ მიმოიხედა, პროვოკაციას მიწყობენ შენი ხემაღალელები. აქაოდა, სკოლის დირექტორი ვარო, ფიქრობს ეკატერინე და სკოლას არ ეშვება... რომელი სკოლის დირექტორია, არ იცი თხავ? ძალით დაჰყავს სკოლაში თორმეტოდე ბავშვი. შარშანწინ სახურავი ჩაელეწა შენობას და ხერგაში ჩამოგვექრა ეკატერინე, აბა, მიშველეთ, სკოლა გადამიხურეთ და გამირემონტეთო. ერთი შენობის გარემონტება და გადახურვა რა ბედენაა რაიონისათვის, მაგრამ უმიზნოდ რატომ? თბილისში გაქანდა ეკატერინე და განათლების მინისტრმა საყვედურიანი წერილი მომწერა. ცხენებით ავითანეთ კრამიტი ხემაღალში. სასაცილო კი იყო. სოფელი ვართ, სოფელი ვართ — იძახიან და აბა, რა სოფელია? სამყოფი სიმინდი და ლობიო ვერ მოუყვანიათ. ჰო, სიმინდი და ლობიო ვერ მოუყვანიათ სამყოფი! ჰაეა და წყალი გვაქვს ჩინებულიო. მშიერ კუჭზე სვან წყალი და ისუნთქონ სუფთა ჰაერი... პროვოკაციას მიწყობენ! ჰო, პროვოკაციას მიწყობენ და სხვა არაფერი! ისე მაგრად დგანან, ეტყობა, ვიღაც ეხმარება და ვიღაცის იმედით არიან. ხვალ ჩამობრუნდები და ხემაღალეთა პასუხი ჩამომიტანე.

— მე ხემაღალში დავრჩები — თქვა ჩაფიჩაძემ.

— დარჩით, ბატონო, ერთი კვირა, ათი დღე.

— მე დრო არ დამითქვამს, — ხმა დაიბოხა რევაზ ჩაფიჩაძემ. — ხემაღალში ვრჩები-მეთქი, მოგახსენეთ.

— მერე-და, რა უნდა გააკეთოთ ხემაღალში?

— საბჭოთა მეურნეობას ღვადაარსებთ! — დარწმუნებით თქვა ჩაფიჩაძემ და კონსტანტინეს თვალი გაუყარა.

— აჰა, ძველი დასკვნები ამოქექეთ? ვენახს ჩაეკიდეთ ისევ?

— ვაზი ითხვისელებმა დაისაკუთრეთ, ჩვენ თუთის ხეს გავაზარებთ!

ჩაფიჩაძის ფიქრი: „ყველაფერი წვრილად იცის, ამიტომაც შორიდან არ მოვუარე, მაგრამ მეურნეობა რომ ვუხსენე, მაინც აიძაგრა — აჰა, ძველი დასკვნები ამოქექეთ? ისევ ვაზს მოეკიდეთ? ამხელა საქმეს ეპოტინებით და მე არაფერს მეკითხებითო?“ ჰო, გაჭავრებულია“.

— თუთის ხეს? — გაიოცა კონსტანტინემ. — ჰა აბრეშუმის ქია... ლაბორატორიას აწყობთ ხემაღალში?

— მეაბრეშუმეობის საბჭოთა მეურნეობას.

— არსებობს ასეთი მეურნეობა სადმე?

— ჩვენი მეურნეობა იქნება პირველი.

— რატომ მაინცდამაინც ხემაღალში?

რევაზ ჩაფიჩაძემ ღვინო მოსვა, სუფრასთან დაჯდა და ხალხთის გულჯიბიდან პატარა წიგნაკი ამოიღო.

— მინდოდა ბარათი მომეწერა თქვენთვის, მაგრამ ჩამოსვლა ვამჯობინე... დიახ, ხანგრძლივი კვლევის შედეგად ხემაღალს მიენიჭა უპირატესობა, ამხანაგო კონსტანტინე, ხემაღალის თუთის ხის ფოთოლი მსუყუა და რბილი... აი, მე თქვენ, — მღელვარება შეეცყო ჩაფიჩაძეს, — რვეულს დაგვიტოვებთ, დიახ, რვეულს, ამ რვეულში ყველაფერი გაანგარიშებული და დაზუსტებულია... — ლევან! მიუბრუნდა, — ერთად წაიკითხეთ, ეს დიდი საქმეა. რატომ მაინცდამაინც ხემაღალში? ამაზე ახლავე გიპასუხებთ: ხემაღალის ჰავა და ნიადაგი საოცრად ახარებს თუთის ხეს, ამას დიდი ხანია ჩვენი ინსტიტუტი იკვლევს. მთელი კოლხეთის, სამეგრელოს მთიანეთის, ვაკე-იმერეთისა და ზემოიმერეთის სოფლებში მოყვანილი აბრეშუმის პარკის ნიმუშები და მათგან ამოხვეული ძაფი ცალ-ცალკე შევისწავლეთ ჩვენი ინსტიტუტის ლაბორატორიებში, შევისწავლეთ და უპირატესობა ხემაღალს მივანიჭეთ... ამ წიგნში ყველაფერი წერია, დავიტოვებთ და გაცეანით...

— მაგარი საქმეა! საქვეყნო მოვიჩაყავთ თავს! — ისე გადაჭრით თქვა კონსტანტინემ, თითქოს დადგენილებას მოაწერა ხელი და ზედ ბეჭედიც დაასვაო.

— მე ყველაფერი ავწონ-დავწონე, ამხანაგო კონსტანტინე, სოფელი, გზა, სატევლას ხეობა...

— ვერ დაგეთანხმები! — შეაწყვეტინა სიტყვა კონსტანტინემ, — დიახაც ვერ დაგეთანხმები! გზაო, ახსენე და, სადაა გზა?

— როცა სოფელი სოფლობდა...

— ისტორიას მოვეშვათ! საურმე გზა იყო, საბარგო მანქანებიც კი დადიოდნენ ხემალიდან ხერგამდეო, — ისტორიაა. ახლანდელს შეხედე — დაცარიელებული სოფელი, ჩამორეცხილი ფერდობები, სატეველას გაუდაბურებული ზეობა, თორმეტი ბავშვი, ორი უხელფასო მასწავლებელი, ხუთიოდე ბერიკაცი, აი ესაა დღევანდელი ხემალი და ამ ხემალში გინდათ საბჭოთა მეურნეობა დააარსოთ? ვისი ხელებით? ჰა, ვისი ხელებით. მამაშენი და გულასპირი შეგეშველებათ? დიდი ეკატერინე და პატარა ეკა, აბესალომ კიკნაველიძე და მისი მეტუქური შვილიშვილები? ეგებ ფრთხილად — სხვა სოფლებიდან გადმოსახლდებიან ხემალში! რატომ? რისთვის? ყველა საბჭოთა მეურნეობაში უმთავრესად ადგილობრივი ხალხი მუშაობს, მარტო მანქანა ვერ უშველის საქმეს! ეგებ ჯინორიძეების აყრას ფიქრობ?

— ჯინორიძეების აყრა საქირო არაა, — თქვა რევაზ ჩაფიჩაძემ, — სხვაგანაც ბლომად არაან ხემალულები, თითონ 'ხერგაში! და რას აკეთებენ ისინი ხერგაში? ლაქიებად მუშაობენ სასადილოებში, დამტარებლებად ფოსტაში, კოპერატივებში ნოქრებად, პურის მალაზიებში გამყიდველებად, რკინიგზის სადგურზე მტვირთავებად. დაწესებულებებში დარაჯებად და შიკრიკებად... მეურნეობა მათ ხელახლა დაასახლებს ხემალში და ისინი დედულ-მამულს დაუბრუნდებიან.

— კარგი ოცნებაა, — თქვა კონსტანტინემ და ჯინორიძეთა უბანს გახედა.

— ნამდვილს მოვახსენებთ! ზოგიერთ მათგანს უკვე ვესაუბრე. მეურნეობას დიდი პერსპექტივა აქვს, ამხანაგო კონსტანტინე. თავდაპირველად გზას გაიყვანს მეურნეობა. მერე... მერე თუთის ხე ვაზს შემოირგავს და აგერ, ეს ოთხვისის ღვინის ქარხანა უქმად რომ არ იდგეს, ყურძენს მოგაწვდით ხემალულები...

— ყველაფერი გაანგარიშებული და გადაწყვეტილი გქონიათ და რისთვის გკირდებათ რაიონის თანხმობა?

— საქმეც ეგ არის, რომ ჯერჯერობით მხოლოდ გაანგარიშებულია, — დამარცვლა სიტყვა ჩაფიჩაძემ, — გადაწყვეტილი კი მაშინ გადაწყდება, როცა რაიონი თანხმობას განაცხადებს და სამინისტროს და საბჭოთა მეურნეობების ტრესტს სათანადო ხელშეწყობას აღუთქვამს.

— ჰოდა მეც მანდა ვარ! — იფეთქა კონსტანტინე კაკუბერმა. — თანხმობა? ორივე ხელით! თანხმობა და სურვილი მოგვიერთმეფია სამინისტროსა და ტრესტისათვის! მიგვსალმებით, წარმატებას. ვუსურვებთ! დაკმაყოფილდებიან? მე კარგად ვიცი სამინისტროსა

და ტრესტის ქამანდები: ადგილს შეარჩევენ, პროექტს შეადგენენ, ვითომ მისხალ-მისხალ გაიანგარიშებენ ყველაფერს, გზას გაიყვანენ, საცხოვრებელ სახლებს ააშენებენ... დიახ, ამ ადგილზე კულტურის სახლი, აქ სკოლა, გვერდით სპორტული მოედანი, პურსაცხობი კი მოსახლეობა რომ არ შეწყუხდეს, ცოტა მოშორებით, პურის ფარდული კი, აი, აქ, მეურნეობის ცენტრში. ხეივანიანი შიდა გზები, ხეხილიანი ეზოები, გაყვანილია წყალსადენი, დასახლების ცენტრში აუზი და შადრევანი, სახემოლიმარი დედები შვილებს დაასეირნებენ აუზის გარშემო... ამ პროექტს დაამაკეტებენ და მინისტრი და ტრესტის მმართველი სამკაულივით დაჰკიდებენ თავიანთ კაბინეტებში და მორჩა და გათავდა! დიახ, მათთვის მორჩომილია საქმე, უმძიმეს ტვირთს რაიონის ზურგზე შეაგდებენ და ზიდენ ეს მძიმე ტვირთი: ფულს არ მოგაწვდიან დროზე და საკმარისად ვერც მანქანებს გამოგიგზავნიან და რაიონმა უნდა იმტვიროს თავი! ვიცო. ძალიან კარგად ვიცო მე სამინისტროს და ტრესტის. ფანდები, — დაპირებებით აგავსებენ და მერე მშრალზე დაგვტოვებენ... მძიმე საქმეა, რევაზ.

— მშენებლობას მე ვუხელომძღვანელებ. — დინჯად თქვა ჩაფიჩაძემ და კონსტანტინე კაკუბერმა ცერად გახედა ძველ მეგობარს.

ხემაღალს შეღამებულზე ამოაღწია რევაზ ჩაფიჩაძემ. აღმართებზე სიარულით დადლილიყო ცხენი და ოფლში ცურავდა. რევაზი დაქვეითდა, მოსართავეები მოუშვა და უნაგირი აუფსუბუქა ცხენს, შუბლი და თვალის არეები ცხვირსახოციტ შეუშშრალა, შვება იგრძნო ცხენმა, დაიფრუტუნა, აღვირი დაიგრძელა და ბალახს მიეტანა.

კონდრატე კიკნაველიძის ჭიშკართან დაქვეითებულა რევაზი. სიბნელეში პირველად ოდა-სახლის თეთრი ბუხრის თავი გამოსახა, მერე ყავრის სახურავიც ხილული გახდა, აივნის სვეტებიც, კარფანჯარაც, თეთრი ქვის თლილი კიბეც.

ჭიშკართან ცაცხვი დვას. ცაცხვის ხემ კარგი ჩრდილი იცის და კონდრატე კიკნაველიძეს ცაცხვის ძირში გრძელი ძელსკამი და ქვის მაგიდა ედგა. შუადღის თავარაში და საღამოს სიგრილეში ამ ძელსკამზე იჯდა კონდრატე კიკნაველიძე, იჯდა და გარშემო შვილები ეხვია. ათი შვილი ჰყავდა. გამოწერწლივით — ხუთი ვაჟიშვილი და ხუთი ქალიშვილი. ქალიშვილებს და ვაჟიშვილებს ანბანის რიგითობით შეარქვა სახელები: ანა, ბარბალე, გაიანე, დარეჯანი, ელისაბედი, აბესალომი, ბაგრატი, გიორგი, დავითი, ელიზბარი.

შუადღის თავარაში და საღამოს სიგრილეში ძელსკამზე იჯდა კონდრატე კიკნაველიძე და შვილებს ებუბუნებოდა, ხმაურობდა

ეზო, იღიმებოდა კონდრატე კიკნაველიძის ოდა. მერე სწრაფად, ძალიან სწრაფად დაიზარდნენ კიკნაველიძის ქალიშვილები, დაიზარდნენ და დათხოვდნენ, მაგრამ შორს არ წასულან, ანა, ბარბალე და გაიანე ჭინორიძეებმა გამოსტყუეს, დარეჯანი და ელისაბედი ითხოვისელებმა. მერე ხანმა გაიანა და შვილიშვილებით აივსო კიკნაველიძის ეზო, ახლა ამათ ებუბუნებოდა კონდრატე, ძელსკამზე მოაქუსებდა შვილიშვილებს, თვითონ შუაში ჩაუჯდებოდა და წიქარასა და ნაცარქექიას ზღაპრებს უყვებოდა? გატრუნული, შოშიებოვით პირღია ისხდნენ კიკნაველიძის შვილიშვილები და გაოცებულნი შესცქეროდნენ უცნაური ზღაპრების მთხრობელს.

დაამთავრებდა ზღაპრის მოყოლას ბაბუა კონდრატე და ძელსკამიდან აიშლებოდნენ შვილიშვილები, ახმაურდებოდა ეზო და იცინოდა კონდრატე კიკნაველიძის ოდა.

მერე ბიჭები დაიზარდნენ. აბესალომმა ითვისელი კაკუბერის ქალიშვილი მოუყვანა რძლად კონდრატეს და დიდი ქორწილი გადაეცადა, მთელი კვირა გაგრძელდა ლხინი.

მერე ხანი გავიდა, იმ ქორწილიდან ძალიან პატარა ხანი გავიდა და კონდრატე კიკნაველიძის ხუთივე ვაჟიშვილი პირწმინდად წავიდა ომში. სიზმარივით იყო. შო, ხუთივე წავიდა და ხუთნივე ჯერ კაცკავთან იბრძოდნენ, მერე ქერჩში... ქერჩის ჯოჯოხეთს მხოლოდ უმცროსი ელიზბარი გადაურჩა სასწაულივით და ხემალალში დაბრუნდა... ცალხელა დაბრუნდა და ძმების დაღუპვის ამბავი ვერ საუშალა მშობლებს. დედა აგრაფინას ელდა დაეცა და ელიზბარის ჩამოსვლის დღესვე გარდაიცვალა.

ცხელი ცრემლით არავის უტირია აგრაფინა; — ვარსკვლავებივით ვაჟიშვილები დაეხოცა, როგორ იცოცხლებდა უბედურყო.

და მოიშალა კონდრატე კიკნაველიძის ოჯახი. ელიზბარმა ცალ ხელზე ბარი და ნაჯახი ვერ მოირგო, უსაქმოდ ვერ იხეტიალა სოფელში, და ხერგას მიაშურა. სამხედრო კომისარი დაეხმარა და გამაღველად მოაწყო მონადირეთა დუქანში. პატარა ბინა მისცეს, ცოლი შეირთო და მამაც ქალაქში წაიყვანა.

ბევრი უჩიჩინეს ნათესავეებმა და მეზობლებმა კონდრატე კიკნაველიძეს სახლი გაეყიდა, მაგრამ ჯორზე შექდა. ელიზბარსაც არ დართო ნება სახლი ხერგავში გადმოეტანა, — ჩემი დაღუპული ვაჟიშვილების ხსოვნისათვის იდგეს ეს ოდა ხემალალშიო, ან ხომ შეიძლება სასწაული მოხდეს, რომელიმე დაბრუნდეს შინ და სახლი რომ არ დახვდება, ეწყინებაო.

და დგას კონდრატე კიკნაველიძის ოდა ხემალალში, დგას და ომიდან მობრუნებულ ვაჟებს ელის, კონდრატესა და ელიზბარსაც ელის. ჭიშკარი ღიად დაუტოვებია და ელის. არც ერთნი ჩანან



და არც მეორენი, არავინ მოდის და კონდრატე კიკნაველიძის ოდას მოუწყენია, კარი ჩაუკეტია და ფანჯრის დარაბები მიუხურავს.

ამ სიბნელესა და სიჩუმეში დაბალი, ოდნავ გასაგონი ხმით რაღაცას თავისთვის ჩურჩულებს კონდრატე კიკნაველიძის ოდა. ტაცხვი კი შრიალებს, ებუბუნება სახლს და ცდილობს შრიალით გაამხნევოს სახლი.

...რევაზ ჩაფიჩაძე ადგა. მოესურვილა — შეაქრიალოს ეს დაუქმებული ჭიშკარი, ოდაში ავიდეს, გამოაღოს ფანჯრის დარაბები, აივანზე გაიარ-გამოიაროს, ჩაახველოს და დაილიღინოს, შეახშიანოს კონდრატე კიკნაველიძის ნაღვლიანი და დაღუემებული სახლი.

ცხენმა დაიკიხვინა, კისერი მაგრად გაიქნია და აღვირი გამოგლიჯა ხელიდან.

რევაზი ცხენს შეახტა და ჩორთით წაიყვანა ორშარაში, უხმაუროდ ჩაუარა კონდრატე კიკნაველიძის ოდას.

ზეგანზე ამოვიდა და ჩაფიჩაძეთა უბანი გამოჩნდა.

ალექსანდრე ჩაფიჩაძის სახლში სინათლე ენთო.

## თ ა ვ ი ვ ე ო რ ა

დილით მდინარის ხმაურმა გამოაღვიძა.

სატეველას უცნაური ზნე სჭირს — მთის მდინარეები ღამის სიმყუდროვეში მომეტებულად ხმაურობენ, სატეველა კი, პირიქით — შებინდებისას ყუჩრდება, თავშალად მსუბუქ ნისლს დაიბურავს და იძინებს, ზოლო ალიონზე, როცა ხემაღალის ქედებს ცისკარი მოადგება, ტალღებს ადგაფუნებს, ნისლს დაიფრენს და ლოდებზე კისრისტეხით მიედინება.

დილის ბინდბუნდში ნელი, მორიდებული ნაბიჯით გაიარ-გამოიარა ეზოში, მერე თანდათან აუმჩატდა სხეული, მუხლებში უცნაური ძალა იგრძნო და აივნიდან ჭიშკარამდე ისე გაიარბინა, როგორადაც ოცი წლის წინათ გაურბენია.

ჭიშკართან შედგა. მიმოიხედა, არავინ მიყურებდესო.

სათოფეზე არავინ ჩანდა.

ალაგეზე მსუბუქად გადახტა, სიგარეტს მოუკიდა და მდინარისკენ ჩაყიდულ ბილიკს დაადგა.

რევაზის ყმაწვილობისას უფრო ფართო იყო ეს ბილიკი, ახლა მარტო ალექსანდრე ჩაფიჩაძე, აბესალომ კიკნაველიძე და გულასპირ ჩაფიჩაძე დაბაჩუნობენ ამ ბილიკით სატეველაზე. უფრო ადრე, ჰო, როცა რევაზი სულ პატარა იყო და ფეხშიშველა დატანტალებდა, მაშინ შეიღი უბანი იყო ხემაღალში და სატეველაზე შვი-

დი საურმე გზა ჩადიოდა, ურმებით დაჰქონდათ საფეკვაი ხემალა-  
ლულებს სატეველას წისქვილებზე. მერე უბნები შეთხელდა, ის  
საურმე გზები ბილიკებად იქცნენ, მაგრამ მაინც ხმაურობდ-  
ნენ, მღეროდნენ და ჰორჰორაობდნენ. ის ბილიკები. მერე?  
ჰო, მერე და მერე რიგ-რიგად, გაიპარნენ ის ბილიკები.  
შეიდი ბილიკიდან ექვსი ამღგარა და გაფრენილა, ერთი  
ბილიკილა დარჩენილა და ამ ბილიკზედაც ბალახს ამოუყრია,  
აქა-იქ ლორთქო ბალახს სულ დაუფარავს და სადაცაა გულასპირ-  
ის, აბესალომის და ალექსანდრეს ბილიკიც ადგება და გაფრინდება.

ზაფხულობით ყინულივით ცივია სატეველა და მდინარისპირად  
გრილოდა. შარკლის ტოტები მაინც მუხლგამდე აიკაპიწა, მდინარე-  
ში შევიდა. მკერდი გაიღელა, ჩაიმუხლა და სახეზე ზედიზედ შეის-  
ხა წყალი. ბალახისას ასე იბანდა ხელ-პირს სატეველაში, ოცი  
წლის წინათაც, დილაადრიან ასე შარვალაკაპიწებულნი აღმა-დაღმა,  
აბესალომ კიკნაველიძის წისქვილამდე აპყებოდა სატეველას, ჯი-  
ლევებს საგულდაგულოდ ამოხელავდა და შინ ერთ აცმა თევზს მა-  
ინც მოიტანდა.

ახლა ორიოდ წუთი ძლივს გაუძლო სატეველას. შესცივდა და  
გააქროლა, სწრაფად გამოვიდა ნაპირზე, ლოდზე შედგა და მზეს  
მიეფიცხა.

სატეველას გაღმა, ნიგვზიანის ფერდობებზეც გამქრალან ბილი-  
კები. უფრო დაბურულა ტყე. ხეებს ბარდი და ღურღენი მორევია,  
ისე დაბურულა ნიგვზიანის ფერდობებზე, კურკანტელასაც ვერ გაი-  
ტანს ჩიტი. ნიგვზიანის ზემოთ, ჩაფიჩაძეთა ნაყანევიში, მუხლამდე  
ბალახი ბიბინებს და ეს ბალახი დღემდე ვერ მოუძოვია ხემალაღე-  
ლთა ძროხებს, ხარებსა და თხებს.

მზე აფიცხებს და მაინც სცივა. ისევ ფეხშიშველი შევიდა მდი-  
ნარეში, გაღმა გავიდა და სასაფლაოსკენ მიმავალ ბილიკს აპყვა.

...ძლივს მიაგნო დედის სამარეს.

ხის პატარა ჯვარმა აპოვნინა.

„აქ განისვენებს მელიკი —

შარანგია-ჩაფიჩაძისა“.

ნეშო და ბალახ-ბულახი მოაშორა სამარეს, მიწა ხელისგულით  
მოაფხვიერა და გარშემო პატარ-პატარა ქვები შემოუწყო, ეკლესი-  
ის დარღვეული გალავნიდან დიდი ქვა მოათრია და დედის საფლავს  
სასთუმალივით დაუდო თავთან.

ხავს დაუფარავს უპატრონო საფლავები. სასაფლაოს შუაგულ-  
ში მათხოვარივით დგას სახურავჩაღეწილი და უკარო ეკლესია, ჰო,  
ხემალას დამგვანებია სასაფლაო. გავერანებულა ჩაფიჩაძეთა, კი-  
კნაველიძეთა, ჭინორიძეთა საფლავები. თოვლსა და წვიმას დაუეა-

ნგავს საფლავთა რკინის ღობეები. ქარს წაუქცევია და დაუმსხვრევია, მერე ნეშოსა და ხავსს დაუფარავს. ყველა სამარე ცარიელ-ტარიელია და ხავსიანი.

შუაღღემ მოატანა. ახლა სატეველას ნაპირზედაც კი თაკარა დგას, ხემალალის სასაფლაოზე კი გრილა, ვეებერთელა ცაცხვების ჩრდილი ფარავს სასაფლაოს, ხანდახან სიჩუმის გასათანტავად ცაცხვები ტოტებს შეიშრიალებენ და დამფრთხალი ბელურები ეკლესიას შეესევინან ჟივილ-ჟივილით.

გაუხარელი ჩავიდა სამარეში დედა მელიკი.

არა, ერთი სიხარული კი ნახა:

ერთ ზაფხულს ხემალალში ამხანაგები ჩამოიყვანა რეზომ. ბევრნი იყვნენ, მათ შორის ოთხი ქალიშვილი. იმ ოთხიდან ერთი მოუვიდა თვალში მელიკს. რუსუდანი ერქვა: შოლტივით ტანი ჰქონდა რუსუდანს, სახე — თეთრი, თვალები — მაყვლისფერი, ხემალალში რომ მწიფეს, ისეთი მაყვლისა. თმა, სხვა ქალიშვილებივით, ვაჟურად არ ჰქონდა შეკრეპილი. ცოტას ლაპარაკობდა და მორიდებულად, დარცხენით იღიმებოდა. გოგოები პატეფონს რომ აკუცივლებდნენ ოდაში და ჭიქობანას ცეკვავდნენ, რუსუდანი სამზადში იყო და მელიკს შველოდა. ბიჭები სათევზაოდ რომ წავიდნენ სატეველაზე და ქალიშვილები ყვავილების საკრეფად მინდვრებში გაიკრიფნენ, რუსუდანი სახლში დარჩა, ქალაქის ამბები მოუყვა მელიკს და თამბაქოს პატარა ქისა მოუქსოვა ალექსანდრეს.

დედი, ძალიან მოგწონს რუსუდანი?

— ძალიან, ძალიან მომწონს, შვილო, ღმერთმა გაახაროს მისი მშობლები.

— ჰოდა, ჩემი საცოლეა. გადაწყვეტილია, მაგრამ მამას მაინც ნუ ეტყვი.

...ერთი წელიც და იქორწინებენ. გაისად სამხატვრო აკადემიას დაამთავრებს რუსუდანი და მორჩა.

ამ ერთ წელს სიხარულში გაატარებს მელიკი. მერე? რევაზი დედ-მამას თბილისში წაიყვანს. ჰო, ზამთრობით თბილისში იცხოვრებენ, ზაფხულობით კი ხემალალში. ასე იყო დათქმული, მაგრამ ერთი წელი უჩვეულოდ გაიწვლა, საბედისწეროდ გაიღწეა ის ერთი წელიწადი. საგაისოდ დანიშნული ქორწილი ბარე ექვსი წლით გადაიდო და რევაზი ისე წავიდა ფრონტზე, ხემალალში ვერ ჩამოვიდა და მშობლებს ვერ გამოეთხოვა. ის იყო და ის. მერე არა თუ შვილი, შვილის წერილიც არ უნახავს მელიკს.

მთელი ღამეები სანთელი ენთო ალექსანდრე ჩაფიჩაძის სახლში, ძილგამკრთალი იყო დედა მელიკი, ტახტზე პირალმა იწვა გახვეებული ალექსანდრე — „რა შორს წასულხარ, ბიჭო, დაღმართზე

დაგორდა ჩვენი ბედის ქვა, უკუღმა დატრიალდა ჩვენი წისქვილი“...  
ზამთრის გრძელ ღამეებში ძაფს ართავდა და წინდებს ქსოვდა მელიკი, დღისით მეზობლებში დადიოდა — ეგების ვინმესგან რამე გავიგოო და ფიქრსა და დარდს არ უჩანდა ბოლო.

თოვასა და სუსხში ცის ქვეშ სძინავთ ჯარისკაცებსო და მეუღლის ნამალევად აივანზე წვებოდა მელიკი.

უჯავრდებოდა ალექსანდრე:

„რა მოხდა, ქალო, ვაჟკაცები ყოველთვის წასულან ომში! ვაჟკაცებს დღემუდამ უომნიათ და შინ გამარჯვებულნი დაბრუნებულან. აბა ეცადე, თავი მოიშალე და ახალი სადარდებელი დაახვედრე ბიჭს, არ ვარგა, ღმერთიც და შვილიც გიწყენს ასეთ საქციელს“.

და დიდის ვაი-ვაგლანით შეჰყავდა ოთახში გაყინული მელიკი.

ქალს მიჰქონდა ალექსანდრეს ჩიჩინი, მელიკი ისევ თეთრად ტეხდა ღამეებს, ლოცულობდა შვილისათვის, მარხულობდა, შიმშილობდა და თანდათან დადნა და დაილია ქალი.

უცნაური სიკვდილით მოკვდა მელიკი.

მაისის თვე იყო. ოცი მაისი, რევოლუციის დაბადების დღე. ოცდახუთი წლისა შესრულდა რევოლუციის ჩაფიჩაძე. ალექსანდრეს არ გახსენებია შვილის დაბადების დღე და მელიკი გულმოსული იყო.

ხაჭაპურები დააცხო, კაი შესუქებული მამალიც დაკლა, რევოლუციის პატარა ჭური მოხადა და სადილზე გულასპირ ჩაფიჩაძე და აბესალომ კიკნაველიძე მოიწვია.

— რა ჩუმად ზიხართ, ვაჟკაცებო, — შეუტია მეუღლესა და სტუმრებს, — ბიჭი დამილოცეთ, დღეს მისი დაბადების დღეა, ოცდახუთისა შესრულდა ჩემი რეზო.

... იმ-ღამეს ადრე დაწვა მელიკი და ბევრი, ბევრი რამ გაიხსენა, ილოცა და ილოცა, მოეალერსა და თან გაუჯავრდა შვილს — „რა დაგემართა, რა მოუცლელი გახდი. შენი ტოლები დღედღეზე აგზავნიან ბარათებს, შენ კი ერთიც არ მალირსე... არც ომში წასვლისას მინახულე და არც არაფერსა მწერ, რა მოუცლელი გახდი, ბიჭო!“

გვიან ჩაეძინა. ჩაეძინა და შვილის ხმა შემოესმა. ჰო, რევოლუციის დაბადების დღეა დღეს და შვილი გამოეძახა დედას. შორიდან, ძალიან შორიდან ეძახის შვილი დედას და ხმა კი ახლოდან ისმის; ხემაღალთან სულ ახლოს მოსულა ოცდახუთი წლის რევოლუციის ჩაფიჩაძე. ჰო. დედის საყვედური მიუვიდა. შვილს და შვილი დედისკენ გამოეშურა. ნაომარი, დაღლილი რევოლუციის ტატიტ ჩამოდის ფერდობზე, სატეველას მოადგა და შედგა, სახლისკენ იხედება და დედას უხმობს.

„მდინარეზე ვერ გამოვდივარ, დედი, მომეშველე!“

და დედა ლოგინიდან წამოიქრა და გიჟივით გამოვარდა გარეთ. მაისის ჩუმი ღამე იდგა, სატეველას შხუილი შემოესმა მელიკს,

რევაზს ხმა კი არა. დიდხანს იდგა დედა მელიკი აივანზე, შვილის ხმას იყო დაყურადებული და შვილმა ხმა არ მოაწვდინა.

ფრთხილად შევიდა სასლში, შიშობდა — ალექსანდრე არ გამოვლდიძო, ჩაიცვა და უკანა კარიდან გავიდა ეზოში, ერთი შეათვალიერა ეზო და მდინარისკენ ქარივით გაქანდა.

მშვიდად ფშვინავდა სატეველა, მდინარის გაღმა-გამოღმა არაუინ იყო.

ლოცვა-ლოცვით წამოფრატუნდა შინ. ძლივს ამოიარა აღმართი. და მერე ყოველლამე ესიზმრებოდა ეს სიზმარი:

ჩაეძინებოდა თუ არა მელიკს, ფერდობზე მომავალი რეზო გამოჩნდებოდა, ტატიტ მოდიოდა დალილი ' და გასაუთებელი, მოადგებოდა სატეველას და შეჩერდებოდა, ველარ გამოდიოდა სატეველაზე და დედას უხმობდა.

„მდინარეზე ველარ გამოვდივარ, დედი, მომეშველე!“

... იენისის იმ ღამით წვიმდა.

შუალამემდე აივანზე მუნჯივით იჯდა მელიკი და ხემაღლის მთებს გასკქეროდა ბნელში. წუთით მიელულა თვალი და შვილი გამოეცხადა. დღეს უფრო დაქანცული ეჩვენა რევაზი, ზურგზე ტვირთი მოუყიდა და ღივლავით მოდის. პა, როგორც იქნა ჩამოიარა ფერდობი, მდინარემდე მოაღწია და შედგა. შედგა კი არა, მოცელილივით დაეცა და სუსტი, მიკნაეებულები ხმით გამოეძახა დედას.

„მომეშველე, დედი!“

და დედა მელიკი წამოიჭრა, ხმაურით ჩამოივრინა აიენის კიბე და წვიმაში სირბილით გაქანდა მდინარისკენ. სატეველასთან შვილი ელოდებდა. პო, დაქანცულია რევაზი, მუხლებში ძალა გამოლევია, პატარა, სულ პატარა. მდინარეზეც ვერ გამოსულა, შველას ითხოვს და შვილის საშველად ქარივით მიჰქრის თავდაღმართზე დედა მელიკი.

ფერდობი ჩაირბინა, სატეველას შხუილი შემოესმა, შვილიც დაინახა, აგერ მდინარის გაღმა ლოდზე წევს, დედას ელოდებდა და პა, დედაც მოვიდა.

ფეხი დაუსხლტა, ლოდზე დაარტყა კეფა და სული განუტევა. დილით წისქვილში მიმავალმა ალექსანდრე კიკნაველიძემ იპოვა მელიკი.

სველი ლოდი სასთუმალივით ედო თავთან, სახე უღიმოდა და ღიად დარჩენილი თვალები მდინარის გაღმა იშვრებოდნენ.

... დედის სამარესთან ზის რევაზი და ხემაღალს დაჰყურებს.

შვიდი უბანი იყო ხემაღალში და სოფლიდან მდინარემდე შვიდი ბილიკი იყო ჩაკიდული. ახლა ერთი ბილიკიღა დარჩენილა ხი-

მალაქში, ალექსანდრე და გულასპირ ჩაფიჩაძეების და აბესალომ კიკნაველიძის ბილიკი. ეს ბილიკიც გაწვრილებულა, ბალახი ამოზრდილა ამ ნაბოლარა ბილიკზეც და სადაცაა ეს ბილიკიც წაიშლება...

შუაღლის თაკარა დადგა. ნიავე ჩაჩუმდა და ბელურებიც აღარ ეივეციებენ. სამარისებული სიჩუმე დაუფლებია ხემაღალის სასაფლაოს და ამ სიჩუმეში დროც გაჩერებულა, არაფერი არ სუნთქავს და არაფერი არ მოძრაობს, მზეც ერთ ადგილზე გაუქვავებია ამ უძრაობას და სასაფლაოს დუმილს და სევდას შორს, ძალიან შორს გაუდევნია სიცოცხლე.

ჩრდილში, ხასხასა მოლზე, დედის სამარესთან პირალმა წამოწვა რევანი.

თვალეები მილულა რევან ჯაფიჩაძემ და თითონაც თითქოს არარაობად იქცა. თავზე გასარკული ცა დაჰყურებს და ეს ფირუზისფერი ცა შავად ეჩვენება. მზე ჩახჩახებს, მთელი დედამიწა მზის სხივებში ცურავს, გასურებულია მიწა და 'მიწას ობშვიარი ასდის და ეს მზიანეთი წყვდიადივითაა რევან ჯაფიჩაძისათვის, ამ სიმბურვალეში მას სცივა, მაგრამ ამ სიცივეს ვერა გრძნობს. თვალეები დახუჭა და სასაფლაოს ვეებერთელა არარაობას ერთი პატარა არარაობაც მიემატა. აქვე ახლოს შაშვები ჭახჭახებენ, ცამალაქში არწივი ბოინობს და ყივის და რევან ჯაფიჩაძეს არც შაშვების ჭახჭახი ესმის და ირც არწივის ყვილი. არაფერს არ იკარებს სასაფლაოს სიჩუმე... ამ მზეს, ამ არწივს, ამ შაშვებს ეშინიათ სასაფლაოს სიჩუმისა და შორი-შორ უელიან მას. დროც გაუქვავებია სასაფლაოს სიჩუმეს! ჰო, ვინც ამ მიტოვებულ საფლავებში წვანან, დროს არ ითვლიან, აინუნშიაც არ აგდებენ დროს და მიუყურადებელი და უანგარიშო დროც გაქვავებულა, ერთი ნაბიჯიც ვერ გადაუდგამს წინ: ეს ცაცხვები ასეთი ბებრები იყვნენ, როცა ხემაღალელებმა ეს ადგილი სასაფლაოდ დაიგულეს და აქ დაკრძალულ ჯაფიჩაძეს, ჯინორიძეს. შარანგიას და კიკნაველიძეს ხანი აქ გაუქვავდათ, მერე მათ ხანს ერთი დღეც არ შეჰმატებია და უდროობაში გადავიდა. მერე? მერე სოფლის გზები ნაგზაურებად იქცნენ, სიმღერა მინელდა სოფელში, ცხენებს არ დააჯირითებენ აღმა-დაღმა, ეაზს არ სხლავენ, დაიბზარა ცარიელი საწნახლები და ქვევრებს ობი მოეკიდა, თითქოს მთელი სოფელი ამ ზეგანზე ამოსულა და დამარხულა. დიდი ცხრაუბნინი სოფელი ამ პატარა სასაფლაოს ეზოში დატეულა და კიდევ დარჩენილა ადგილი სხვათა საფლავებისათვის.

ჰო, აღამიანნი. დიდნი არიან, როცა მოძრაობენ და მათ ვრცე-

ლი მინდვრებიც ემცირებათ, სიკვდილის შემდეგ თითონ პატარავლებიან და ჩიავდებიან და ბევრნი, ძალიან ბევრნი ერთს პატარა სასაფლაოზე ხალვათად ეტევიან და ადგილიც რჩება მომღვინოთათვის.

... გულისძგერამ შეაკრთო, თვალი გაახილა და წამოდგა.

მოლი ხასხასებს, შრიალებენ ბებერი ცაცხვები, ბელურები ეიფივებენ, ცამალაღში არწივი ბოინობს, სუროებში შემალული შაშვეები ქახქახებენ და რევახ ჩაფიჩაძეს არწივის ყივილი ესმის და შაშვების ქახქახიც. სასაფლაოს ხავსიანი ქვების ჩურჩულიც ესმის, თითქოს მიცვალებულთა სულები ლოცვას ადავლენენ ცაში...

ფუტკარი შესევია ბებერ ცაცხვს და ფუტკარი კი არა, ცაცხვი ბუბუნებს.

ამ ცაცხვს ზედატანში, სადაც ორი დიდი ტოტი ტოტდება, ფულურო აქვს.

შემოდგომის მიწურულში გულასპირ ჩაფიჩაძე დათქმულივით ამოდიოდა აქ, როგორაც დერგიანად ამობღებოდა ცაცხვზე და ფულუროდან თაფლი გამოჰქონდა.

მე მივაკვლიე და თაფლიც ჩემიადო, — უმტკიცებდა სოფელს გულასპირ ჩაფიჩაძე.

ხანდახან სოფლის ბიჭები მაღულად აედევნებოდნენ სასაფლაოზე მიმავალ გულასპირს, გალავანთან ახლოს ეკალბარდებში ჩაიმალებოდნენ და ელოდნენ გულასპირის ხიდან ჩამოსვლას. ჩამობღებდებოდა დერგიანად ცაცხვიდან გულასპირი და ბიჭები გარს შემოერტყმეოდნენ, გამოსტაცებდნენ დერგს და პირწმინდად ამოხაპავდნენ.

იწყევლებოდა და იმუქრებოდა გულასპირი — ყოფას გიტირებო, მამაძალეობო და ბანდიტებო, სათითაოდ დავაჭერინებ თქვენს თავსო, მაგრამ გულასპირის მუქარა მუქარად რჩებოდა, ბიჭები კი ხარხარებდნენ და ხარხარებდნენ.

და ერთხელ „დიდი ეშმაკობა“ იხმარა გულასპირმა: ამ გაუზრდელებს ოინს ვუზამ და თაფლს ღამით ამოვიღებო.

უმთვარო ღამე იყო, მაგრამ ვარსკვლავიანი, ისეთი ვარსკვლავიანი, რომ ყველაფერი ხილულად ჩანდა. იმ საღამოს საჯარისოზე გვიანობამდე დარჩა გულასპირი, მაგრამ ბიჭებიც რატომღაც გვიანობამდე არ დაიშალნენ. ჭერ იყო და გაუთავებლად იბურთავეს, თითქმის მზის ჩასვლამდე, ჰო, ვიდრე სულ არ დაბინდდა, იბურთავეს და იბურთავეს; ერთნი ზემოურები იყვნენ, მეორენი ქვემოურები, ურტყეს და ურტყეს. შიშველი ფეხები ხავსით გაძენძილ ქინკის ბურთს, მერე გასავათდნენ და მოლზე დაეყარნენ, კარგა-

ხანი შეისვენეს და გრძელი, გაუთავებელი სიმღერა წაძოიწყეს. ჩამობნელდა. ჩამობნელდა კი არა, პირწმინდად დაბნელდა და ბნელში საჯარისოს ყურეში ვითომ შეუმჩნეველად ზის გულასპირ ჩაფჩაძე და უღვაშებში იღიმება. მაგრამ ეს ძალღიშვილები წასელას რომ არ აპირებენ, გაოფლილები ყრიან მოლზე და გრძელ, გაუთავებელ სიმღერებს მღერიან. მღერიან და იმღერონ! მოყირკდებათ და მერე წაენტებთან, აბა მინდორში ხომ არ გაითევენ ღამეს? გაააკვირი კია, ეს ძველისძველი სიმღერები ბალღობაში თუ მოუსმენია გულასპირს და ამ ჩიტრიკეებმა საიდან გამოაჩინდრიკეს ახლა?

როდის-როდისღა აბესალომ კიკნაველიძემ დაუძახა თავის ბიჭებს, მალე დანარჩენებიც დაიშალნენ და საჯარისო დაცარიელდა. დიდხანს, ძალიან დიდხანს იჯდა გულასპირ ჩაფჩაძე ბნელში და როცა ჩაფჩაძეთა და კიკნაველიძეთა უბანში უკანასკნელი სინათლევ ჩაქრა, ფეხდაფეხ დაიარა საჯარისო და მერე ქურდული ნაბიჯით შინსაკენ გაემართა.

კიბეზე უხმაუროდ ამოვიდა. ბუხრისთავზე ჩაწეული ღამმა იდგა და ოდნავ ანათებდა.

გულასპირის მეტლვე კესარია ლოგინში იწვა, ძილით კი არ ძინა.

გულასპირმა ფრთხილად გამოაღო კედელში დატანებული განჯინის კარი, ხელის ფათურით მოიხელა დერგი, მიხურვისას უცაბედად განჯინის კარმა გაიჭრიალა და გულასპირი შეეკრთა, საკუთარ სახლში ქურდივით ვიქცევიო, გაიფიქრა და შერცხება.

— მოხვედი? — მთქნარებით ჰკითხა კესარიამ.

— აბა, რას ვიზამდი, თოლიგე! — ჩურჩულით მიუგო გულასპირმა და გაიტრუნა.

— ეანშამი მაგიდაზეა, — ისევ მთქნარებით თქვა კესარიამ და კედლისკენ გადაბრუნდა.

— უკვე ვივანშმე.

— ეისთან?

— აბესალომი არ მომეშვა და...

— ღამმა არ დაგრჩეს ჩაუქრობელი.

გულასპირმა ღამის სული შეუბერა და ჩააქრო, დერგი ამოიღლიავა, ფეხისწვერებზე შედგა, კიბეც ცერულებით ჩაიარა, საჯარისოც მოზომილი ნაბიჯებით გადაჭრა და სასაფლაოსკენ გაუდგა გზას.

მდინარეს მიუახლოვდა და შედგა. ესიამოვნა მდინარის მზუილი. ადამიანივითაა ეს დალოცვილი მდინარე, ტალღებს მოათამაშებს და რალაცას გედუდუნება, მაგრამ არა, სატეველასაც არ გაუმხელს საიდუმლოს გულასპირი. არა, არავისაც არ გაუმხელს. აკი



კესარიასაც არ გაანდო. თავლით სავსე დერგს რომ მიუტანს კესარიას, მაშინ ეტყვის, თუმცა თქმა არ დაჭირდება, თავლით სავსე დერგს დაუდგამს წინ და კესარია გაიხარებს, შეაქებს გულასპირს და ოინს მოუწონებს.

სატეველას ნაპირს აპყვა და აღმართი შეუსვენებლივ აიარა. აბესალომ კიკნაველიძის წისქვილს ეძინა. წისქვილს კი არა, მთელ ხემაღალს სძინავს, ყველა სახლის კარი დახურულია, სინათლე ჩამქრალია და სოფლას მამაძაღლებსაც სძინავთ და აბესალომ კი ველიძის წისქვილი ვინ აგლია! ჰო, ხემაღალს სძინავს და გულასპირს ჩაფიჩაძე ამ შუალამისას სასაფლაოზე მიდის.

სასაფლაოს ჭიშკართან შეყოვნდა. ახალგაზრდობისას სასაფლაოსთან დღისით გავლაც კი შიშს გვრიდა, მაგრამ ახალგაზრდობასთან ერთად ის შიშიც გამქრალა. შეხედეთ: შუალამეა, ხემაღალს სძინავს, გულასპირს ჩაფიჩაძეს კი დერგი ამოუღლიავევია და სასაფლაოზე ამოსულა... ცაცხვზე აბობლდება დერგიანად. ფუტკრის ენა იცის გულასპირმა და თქვენ არხეინად იყავით, ფუტკრის არ ეშინია, ამ დერგს პირთამდე აავსებს თავლით და კესარიას მიართმევს.

არც ამ მდუმარე საფლავებისა ეშინია გულასპირს ჩაფიჩაძეს, ამ მიცვალებულებს ორი არშინი მიწა აყრიათ, ზოგის საფლავს კი ვეებერთელა ლოდი ადევს.

სასაფლაოს ჭიშკარი მაინც შიშით გაალო, პირჯვარი გარდაისახა, ცერებზე შედგა და დააყურადა. ხემაღალს სასაფლაოს ეძინა.

წელში გაიმართა, ფრთხილად, მაგრამ გაბედულად წარსდგა ნაბიჯი, ცაცხვთან მივიდა და ფესვზე ჩამოჯდა, ხუმრობაა? ამხელა აღმართი შეუსვენებლივ ამოიარა. ორიოდ წუთი იჯდა და ეს ორი წუთი დიდ დროდ ეჩვენა. კი, უკვე დაისვენა გულასპირმა და ცაცხვს აებობლა, ნელ-ნელა აპყვა ზევით და აგერ ფულუროც! ტოტზე ჩამოჯდა და ცაცხვიდან დახედა სასაფლაოს — მიცვალებულებს და ბედურებს სძინავთ, სკასაც ძილი შებარვია და მძიმე სიჩუმეა სასაფლაოზე.

სვენებ-სვენებით ამოიღო ფიჭები, დერგი ამოგლისა და შვებით ამოისუნთქა — „მადლობა ღმერთს, ყოველივე მშვიდად დამთავრდა, არც ცოცხლებს და არც მიცვალებულთ არაფერი არ გაუგიათ“...

დერგი მოხერხებულად მოიკიდა ზურგზე და მაინც ემძიმა, მაგრამ რაღა დროსია, ხომ არ ამოაკლებს? „არა, ისე არ დაჩაჩანაკებულა გულასპირს ჩაფიჩაძე, თავლით სავსე დერგი სახლამდე ვერ მივათრიო. ნელ-ნელა, სვენებ-სვენებით ვივლი, მე შენ გეტყვი და უკან მომდევს ვინმე. დავადგები ამ დაღმართიან გზას და დიღინ-დიღინით ვივლი“.

ხიდან ჩამოვიდა, ერთი ღრმად ამოისუნთქა და გაშეშდა:

თითქოს მიწიდან ამოიჭრნენო, მის წინ ორი ლანდი გაჩნდა. ლანდებს სახეები თეთრი ზეწრებით შემოებურათ, მაგრამ თვალე-ბი მანც მოუჩანდათ და ზეწარქვეშიდან დამცინავად იცქირებოდ-ნენ.

ლანდების წვრილი, მომნუსხველი თვალები გამგმირავად ჩააც-ქერდნენ გულასპირს და მერე ორივე ლანდმა ერთხმად შესძახა:

— ურჯულოვ, სად მიგაქვს მკვდრების თაფლი?

დერგი თავისთავად მოეხსნა გულასპირის ზურგს და მიწაზე და-ენარცხა. შეკივლება მოინდომა გულასპირმა, პირი კი დაალო, მაგ-რამ ხმა ვერ ამოიღო. ერთი შეხტა, ქაჩივით გადაეველო სასაფლაოს ჰიშკარს და გულგახეთქილი შლიგინ-შლიგინით დაეშვა დაღმართზე.

„მაპატიე, ყოვლად ძლიერო, მომიტევე, ღმერთო დიდებულო, აწი არასოდეს შესცოდავს გულასპირი!“

იმ ქინკა ბიჭებს რევანიც ახლდა და მიტომაც გაახსენდა ასე წვრილად გულასპირის იმლაინდელი ფათერაკები...

შუა დღემ გადაიკარა, ცაცხვების ჩრდილმაც გადაიწია და დან-გრეულ ეკლესიას მზემ შეანათა — სუროსა და ხავსს დაუფარავს ეკლესიის შემორჩენილი კედლები, გარშემო გროვად ჰყრია ნეხ-ვი და ფიჩხი.

გული დაუმძიმდა. ერთხელ კიდევ შეავლო თვალი სასაფლაოს, კენჭები მიმოასწორა დედის საფლავზე, რალაც გაურკვეველის ბუტ-ბუტით გამოეთხოვა და მძიმე ნაბიჯებით დაუყვა დაღმართს, თით-ქოს ოცი წლის წინათ კი არა, დღეს დაეკრძალოს ხემაღალის სა-საფლაოზე დედა შელიკი.

„სადაცაა მამა ჩამოვა ქალაქიდან“.

და ნაბიჯს აუჩქარა.

„არა, არ უნდა გამეშვა ქალაქში მამაჩემი“.

მაგრამ აღექსანდრე ჩაფიჩაძე სიტყვის კაცია. ცაცხვის გობები შეპირებია ქალაქელებს და სწორედ გუშინ უნდა ჩაეტანა. ჰოდა, გუშინ ცაცხვის სამი მსუბუქი გობი მოიკიდა ზურგზე და დილაად-რიან გაუდგა გზას...

აბესალომ კიკნაველიძის წისქვილთან შეისვენა რევანმა. წის-ქვილის კარი ღია იყო და ნიავის შემოჭროლებაზე კრიალებდა. წისქვილში შევიდა. როგორღაც ხემაღალის დანგრეულ ეკლესიას დამგვანებია აბესალომ კიკნაველიძის წისქვილი: ისლის სახურავი ქარს შეუთხელებია, ჩრდილოეთის კედელს ფიცრები გამოსცვე-

ნია, იატაკზე და კოდში ნეშო აფენია და ნეშოს ნაცარი და სკორე აქვს წაყრილი...

„არა-ვარა, არა-ვარა,  
ვინც სიცოცხლე წა-მა-მწა-რა“...

სიმღერა შემოესმა და წისქვილიდან გამოვიდა. შორიდან შეიქცნო, გულასპირი იყო, ზურგზე გოდორი მოეგდო და ღიღინით ჩამოდოდა დაღმართზე, ქალაქიდან ბრუნდებოდა გულასპირი და ეტყობოდა, ცოტა ზარხოშად იყო.

...ოცი წლის წინათაც ასეთი გოდორით დადიოდა ქალაქში გულასპირი, მაგრამ ქალაქში მიმავალ გულასპირს ვერაფერი იხილავდა, მას ხემალაღიდან ქალაქამდე საკუთარი გზა ჰქონდა გაყვანილი, ეს გზა ადამიანის თვალისგან მოფარებულ ადგილებში იყო გაკიდული. სავსე გოდორს აიკიდებდა გულასპირი და დილაადრიან უხილავად გაიძურწებოდა ქალაქში, შინ კი ნაბაზრალი და შეზარხოშებული მთავარი გზით ბრუნდებოდა.

ხან ფეხს აიტკივებდა გულასპირი, ხან გულს, ხან სახსრების ტკივილს უჩიოდა, მაგრამ პარასკევსა და კვირას ეს ავადმყოფი კაცი, ლაზათიანად აღკაზმული, მსუბუქად მიდიოდა ქალაქში. აღრე გაზაფხულზე თხილის, მსხლისა და ვაშლის ნერგებს ეზიდებოდა, ზაფხულში ვაშლსა და მსხალს, შემოდგომაზე ლედვსა და თხილს. ხან რამდენიმე წველა ყველს გამოსტყუებდა კესარიას და ვაჭრობდა გულასპირ ჩაფიჩაძე. ამტკიცებდა, მამაჩემის ბრალით, პატარაობიდან შემაჩვია ვაჭრობას და მერე ვერ გადავეჩვიეო.

გულასპირმაც შორიდანვე იცნო რევაზი. ცარიელი გოდორი მიწაზე დააგდო, მარცხენა მკლავის სახელოთი ტუჩები მოიწმინდა და დიდი ხნის უნახავი კარისმეზობელი გადაკოცნა. მერე მხრებზე შემოჰკრა ხელები, შეაჩანჭლარა და საგულდაგულოდ აათვალიერა ჩათვალიერა.

— ცოტა კი გამოცვლილხარ, ალექსანდროვიჩ!

ეს „ალექსანდროვიჩი“ ეკალივით შეერტო გულში რევაზს და მშრალად მიუგო:

— დავბერდი, ბატონო გულასპირ!

— პატ, მასე არ მითქვამს მე! რა დროს შენი სიბერეა? შენ კი არა, მე არ დავბერებულვარ ჯერ... შენ ის მითხარი, დიდი ხნით გვეწვიე?

— ერთი კვირა დავრჩები:

— კაი დავემართოს, ერთი კვირა სოფელში გაძლება შენისთანა კაცისათვის მაგარი საქმეა, ალექსანდროვიჩ!

ახლა კი გააბრაზა ამ „ალექსანდროვიჩმა“ რევაზი და გულასპირს მწყრალად გადახედა.

გულასპირმა გოდორი განზე გასწია, ახალუხი გაიხადა და მოლზე დაათინა.

— დაჯექი, გენაცვალე, ა, ამ ახალუხზე დაისვენე, ხომ იცი ხემალალის ბალახმა დაცდა იცის, ალექსანდროვიჩ!

რევანმა გულასპირის ახალუხი გოდორზე დადო და მოლზე მუხლმორთხმით დაჯდა.

— ვითომ არ გეშინია დაცდისა, ალექსანდროვიჩ?

— მე რეზო გქვია, ჩემი სახელი დაგავიწყდათ, ძია გულასპირ?! გულასპირი რეზოს გვერდით დაჯდა, შარვლის ჭიბეში ჩაიყო ხელი და თუთუნის ქისა ამოიღო.

— ჰო, შენ რეზო გქვია და მე რეზიკოს გეძახდი, ახლა სხვა დროა, უუ, რამხელა დრო გავიდა იმის შემდეგ! მის მერე დროება შეიცვალა, ბევრი რამე შეიცვალა იმის მერე და შენც, ა, ხომ გხედავ აგერ, შეცვლილი ხარ.

რევანმა სიგარეტი მიაწოდა.

— ჰო, შენ რეზო გქვია. — სიგარეტს მოუკიდა და რევანს მიუჩოჩდა გულასპირი. — როცა მეძუძური იყავი და დედის კალთაში გორაობდი, მახსოვს, მამაშენივით მეც რეზიკოს გეძახდი. მერე უზოს გადაბიჯე ფეხი და ეკატერინეს სკოლაში დაიწყე სიარული და ბავშვმა არ მიწყინოს-მეთქი და რეზოს გეძახდი. მერე ეკატერინეს სკოლა დაამთავრე, თბილისში წადი და უმაღლესში შედი და ზაფხულობით სოფელში რომ ჩამოდიოდი, რეზო არ მიწყინოს-მეთქი და ჩემთვის უკვე რევანი იყავი. მერე შენ უმაღლესი დაამთავრე და როგორც ეკატერინე ამბობს, კაი მაგარ სამსახურში დამდგარხარ და გახდი რევან ალექსანდროვიჩი. დიახ, რევან ალექსანდროვიჩი ჩაფიჩაძე... ა, ასეა ეს და ნუ გეწყინება! შე მართალს ვამბობ. გაგიხარდება ახლა შენ, აგერ სოფლელი ბლარტი რომ გამოხტეს და რეზიკო დაგიძახოს პროფესორ კაცს? არა, არ გაგიხარდება! კაი კი ყოფილა ეს თბილისური თამბაქო, შენ გინდა, მაინც რეზო დაგიძახო, არა? იყოს, ბატონო, ასე! ჰო-და, მაგ ბალახს მოერიდე, ჩემო რეზო, დაგავიწყდა, როგორი დაცდა იცის? რევანმა მუხლები გაშალა და უფრო ხალვათად დაჯდა მოლზე.

— მამაჩემი არ შეგხვედრია ქალაქში?

— კი. ალექსანდრეს ცრტა საქმე აქვს და შეაგვიანდება. თქვენსას უნდა გამომეგლო, მარა აგერ შემხვდი და... ნამეტანი მაგარი ყოფილა თბილისური თამბაქო, — ხველებით თქვა გულასპირმა და ნახევრად მოუწეველი სიგარეტი შორს ისროლა.

— ბულგარულია.

— ეტყობა მაგარი ხალხი ყოფილან ბულგარელები. რალაც მანორკასავეთ კია.

მაგრად ამოახველა, თითქოს მკერდი ამოიწმინდაო, ქისა მონხელა, ყალიონი გააწყო და ქისა რევანს გაუწოდა. |

— ერთი ჩვენი სოფლის თამბაქო გასინჯე, ქალაღი შიგაა. ჰოო, როგორაა გახარებული მამაშენი, თითქოს მკვდარი შვილი გაუტოცხლდაო, სულ იაფად მიაყიდა გობები.

— გობები გაყიდა? — გაცებით ჰკითხა რევანმა.

— აბა რავა, ქალაქელებისათვის ეფეშქაშებია? ათი დღე მანც სჭირდება კაი გობის გამოთლას. მერე და მამაშენის გობები, ზომ იცი, სარკესავეითაა. იმ სამ გობს მთელი თვე უკირკიტა და სულ იაფად მიაყიდა.

რევანი მოიღუშა, თამბაქო ზედინზედ მოქაჩა, ნამწვი მოლზე დაადო და ფეხით მოსრისა. და გულასპირი მიხვდა, რომ ალექსანდრე შვილის ნამალევედ იყო სავაჭროდ წასული და ენაზე იკბინა.

— დეიდა ეკატერინე სოფელშია?

ცხადი იყო, რევანმა სიტყვა ბანზე აუგდო გულასპირს და გულასპირს ეს უნდა წყენოდა, მაგრამ პირიქით, კიდევ გაუხარდა და ხალისით ჩაჰკითხა:

— დიდი ეკატერინე? შენი მასწავლებელი?

— ჰო, სხვა ეკატერინე ვინლაა?

გულასპირმა კროლა თვალეები ეშმაკურად შეაშტერა რევანს და ჩაიღიმა.

— თითონ დიდ ეკატერინეს ჰყავს ეკატერინე. შენ არ გინახავს ეკატერინეს ეკა?

— არა!

— არც გაგიგია, რომ დეიდა ეკატერინეს ამხელა ქალიშვილი ჰყავს?

— არა, არ გამიგია!

— კაი დაგემართოს, კაი საქმეა! შენი გოგონა მეშვიდე კლასშია, ხომ?!

— ჰო, თათია მეშვიდე კლასშია.

— სანდრო მეხუთეში, ხომ?

— სანდრო მეექვსე კლასში გადავიდა.

— ჰო—და, მე ეს დეიდა ეკატერინესაგან ვიცი, — ნაღვლიანად და სიბრალულით თქვა გულასპირმა. — შენი შვილები ერთხელ მყავს ნანახი. მაშინ ორი წლისა იყო შენი ბიჭი. ახლა მეექვსე კლასშია, არა? თათია კი მეშვიდეში ყოფილა... მგონი, მარშან თქვენთან იყო ეკატერინე.

— კი, ზაფხულში. სადგურიდან პირდაპირ ჩვენთან მოვიდა, ერთი დღით ჩამოვედიო, თქვა და იმავე საღამოს წამოვიდა.

— ერთი დღითო? ასე გითხრა, ერთი დღით ჩამოვედიო? — გაკვირვებით ჩაჰკითხა გულასპირმა. — ეკატერინე ერთი თვე იყო თბილისში. კი, სრული ერთი თვე. შარშან, გაზაფხულზე, საიდანღაც ჭიქური ქარი მოვარდა და სკოლას სახურავი ააგლიჯა, სულ ფურცელ-ფურცელ წააფრინა ყაყარი, მერე გადაუღებელი წვიმები გადგა. სკოლაში მინდორივით წვიმდა და ბავშვები ერთი თვით აღრე დაითხოვა ეკატერინემ. რაიონში ვერაფერი გააწყო — წელს ლიმიტში არ გვიხის ხემაღალის სკოლის რემონტიო და რა უნდა ექნა? ადგა და თბილისში წამოვიდა. თბილისშიც ბევრი აწვალეს, მარა მაინც გაიტანა თავისი. ე, გახედე, ჩანს ჩვენი სკოლის ახალი სახურავი. ხედავ, ხომ?

— ეხედავ. ჰოდა, — დამარცვლა გულასპირმა, — შარშან სკოლის სახურავი გადაუხურეს და წელს სკოლა დაუხურეს ეკატერინე ხიდაშელს.

— როგორ თუ დაუხურეს? — გაიოცა რევაზ ჩაფიჩაძემ.

— როგორ და უბრალოდ! მოუკეტეს. უთხრეს — სამასხროდ არ გვცალიაო და მიუკეტეს! — თვითონ კი არ ამხელს.

ჩამავალი მზის შუქზე ბზინავს კრამიტი და რევაზ ჩაფიჩაძე კარგად ხედავს ხემაღალის სკოლის ახალ სახურავს... ეკატერინე ერთი თვე იყო თბილისში და ერთი ღამეც არ გაათია რევაზის სახლში?

ერთი ძაფი ჩაუწყდა გულში და სახეზე სიწითლე შემოენთო.

— მამაშენს კი უთხრა, ძალიან დამენმარა ალექსანდროვიჩიო, — შეუყიდა ცეცხლი გულასპირმა.

„განა არ დავეხმარებოდი? მაგრამ ეკატერინეს სიტყვა არ დაუძრავს სკოლაზე. ბავშვებს მოეალურსა, სახლი და ეზო მომიწონა, რუსულდანთან ერთად ნაბიჯ-ნაბიჯ შემოიარა ჩემი პატარა ბაღბოსტანი, ხეხილის ნერგებისა და ბოსტნეულის თესლის გამოგზავნას შემპირდა. ვისადილეთ და წავიდა. თქვა — ერთი დღით ჩამოვედიო, ალერსით დაგვემშვიდობა და წავიდა, ერთი თვე დარჩა თბილისში? იცრუა ეკატერინემ?“

„ვერა, კაი საუბარი ვერ გავუბი დიდიხნის უნახავ კარისმეზობელს“ — გაიფიქრა გულასპირმა და ვითომ მდგომარეობიდან გამოსავალი იპოვა.

— წელს ნამეტანი ცხელა. ცოლ-შვილი თბილისში გყავს?

რევაზმა უხალისოდ უპასუხა და ისეთი დაბალი ხმით, რომ გულასპირმა ვერაფერი გაიგო.

— კი, ნამეტანი ცხელი ზაფხული დაიჭირა წელს, ეს ოხერი აქ ასე მოიხრუა ყველაფერი და თბილისში რა იქნება! — ნაღვ-

ლოანად თქვა გულასპირმა და თითქოს სიცხემ შეაწუნხაო, ხალათზე ღილები შეიხსნა.

რევანი მუნჯივით ზის და გულასპირის შეკითხვებს უპასუხოდ ტოვებს.

— კი, წამეტანი დახუთულია ზაფხულობით თბილისი! — დასტურივით თქვა გულასპირმა, — დაიხუთება, აბა რა მოუვა, — მიწა ვერ სუხთქავს! ამდენი ასფალტი გაგონილა? ქუჩებში — ასფალტი. ეზოებში — ასფალტი, მოედნებზე — ასფალტი, სახლის სახურავებზე — ასფალტი!

ფეხი მოაფათურა მოლზე.

— ა, ამან თუ სიგრილე არ შეაშველა, მარტო ხე ვერაფერს გახდება... ზღვაზე წავიყვანე ცოლ-შვილიო?

— ციხიჯვარში, — ამოიღო ხმა რევანმა და გულასპირმა კმაყოფილება იგრძნო, კრიჭაშეკრულ კარისმეზობელს ენა რომ ამოადგმევინა და საუბარს პირი გაუხსნა.

— ციხიჯვარშიო? შორსაა აქედან?

— ბაკურიანის ზევით, ათიოდე კილომეტრია ბაკურიანიდან.

— არ გამიგონია! ახალი აგარაკია?

— სოფელია, ზაფხულობით ზალიან გრილა. ხუთი წელიწადი ზედიზედ იქ ავდივართ.

— კაი დაგემართოს, კაი საქმეა, — ცოტა იქედნურად თქვა გულასპირმა და ტუჩებში ღიმილი შეეპარა. ჩამქრალი ყალიონი მუხლზე დაბერტყა და ისევ გააწყო.

დაცინვას მიუხვდა რევანი, თან ეწყინა — რა სასამართლო გამიმართა გულასპირმაო და პასუხისათვის შეემზადა, მაგრამ დამცინავად მოღიმარ გულასპირს რომ შეხვდა, გაშრა და ხმა ქერ ამოიღო.

— ტყეც იქნება ციხიჯვარში, — ვითომ გულუბრყვილოდ თქვა გულასპირმა.

— კი, ხშირი ტყეა.

— კაი სოფელი ყოფილა! ხშირი ტყე თუა, კაი დაგემართოს, კაი სოფელი ყოფილა ციხიჯვარი. მინდვრებიც არის ხომ?

ეს უკვე მეტისმეტი იყო, რევანმა არაფერი უპასუხა და გულასპირმა თავისთავს დაუდასტურა.

— ჰო, მინდვრებიც იქნება ციხიჯვარში, აბა, რავა, უმინდვრებო სოფელი ხად გაგონილა!

... ციხიჯვარში ხასხასა მოლია, ვრცელი მინდვრები და ხშირი ტყე, ცივი წყაროები და რევან ჩაფიჩაძის ოჯახი ზაფხულობით ციხიჯვარში ცხოვრობს. გულასპირ ჩაფიჩაძე კი დასცინის. ჰო, კარგი სოფელია ციხიჯვარი, თბილისიდან ციხიჯვარამდე გზა კარგია

და თბილისიდან დილით წამოსული ჩაფიჩაძეთა ოჯახი სადილად ციხიჯვარშია. ერთი გლეხკაცის სახლში აქვს დიდებული ბინა. ორსართულიანი ოდა სახლია, დაბლა სართულზე სახლის მეპატრონე ცხოვრობს, ზედა სართულზე რევანის ოჯახი. გლეხკაცს ორი მეწველი ძროხა ჰყავს და თათია და სანდრო შუმ რძეს სვამენ, ისეთს კი არა, თბილისის ბაზრებში რომ იყიდება. ჩავლენ ციხიჯვარში და ჩაფიჩაძეები ერთ კვირაში გადასხვაფერდებიან. დიახ, ერთი კვირის შემდეგ ვერც თათიას იცნობ და ვერც სანდროს, ქალბატონ რუსუდანსაც ვერ იცნობთ. ბავშვები მუხლამდე ბალახში დარბიან და კოტრილობენ და მარტო სახე კი არა, მთელი სხეული ხორბლისფერი უხდებათ. ქალბატონი რუსუდანი მზეს ემალება და ქოლგას იჩრდილებს, მაგრამ მზე მაინც ეყიდება, — ციხიჯვარში თითონ ჰაერია მზით გაუღენთილი, — გეალერსება, გაჯანსაღებს და გასხვაფერებს ციხიჯვრის ჰაერი... სახლის უკან ზეგანია, — მერე ირმის ქელი, უფრო ზემოთ — კოდიანის მთა. რევანი ირმის ქელზე დასეირნობს, ხანდახან კოდიანზეც აღის. ჩინებული სამზერია კოდიანის მთისწვერიდან — ჩანს მესხეთის სოფლები, მთელი ბორჯომის ხეობა კი ხელისგულზეა დაფენილი: ტყეები, გაუვალი ტყეები, ფიჭვნარი და ნაძვნარი. აღმოსავლეთით სანისლე და ცხრაწყაროს მთებია აღმართული, დიდი და მაღალი მთები და რევან ჩაფიჩაძე ცხრაწყაროს იმ მაღალ მთებზეც ასულა და გამთენიისას უმზერია მზის ამოსვლისათვის. ცხრაწყაროს მწვერვალიდან — ნამდვილი საოცრებაა: შხუილით და ხმაურით ამოდის მზე და პირველ სხივებს ცხრაწყაროს მთებს შეაფრქვევს. ახლოსაა მზე ცხრაწყაროსთან, ისე ახლოს, რომ მზის ხმაური გესმის, ხედავ, თანდათან როგორ მალღდება მზე, როგორ თანდათან მიიწევს ზევით და როგორ გამოზომილად და თანაბრად აფენს სხივებს დედამიწაზე. ზღაპარია, ნამდვილი ზღაპარი და რევან ჩაფიჩაძეს უყვარს ცხრაწყაროზე ასვლა, მალე სანდროსაც წაიყვანს ცხრაწყაროზე. დაე, თვითონ ნახოს, მოიხიბლოს და გაიხაროს... გულასპირი კი დამცინავად კითხულობს — ტყე თუ არის ციხიჯვარშიო, მინდვრები თუ არის ციხიჯვარშიო? ჰო, არის ხასხასა მინდვრები, ხშირი ტყე და მაღალი მთები.

— წავიდეთ, — თქვა გულასპირმა, გოდორს წაატანა ხელი, ახალუხი ამოიღლია და წამოდგა, — კესარია შეშინდება, დაღამებამდე თუ არ მიველი.

ნელის ნაბიჯით დაუყენენ დაღმართს.

„რალაც ეწყინა გულასპირს, თორემ ასე უცბად არ დაამთავრებდა საუბარს. კესარია ტყუილუბრალოდ მოიმინებდა, უფრო



გვიანაც დაბრუნებულია გულასპირი ქალაქიდან, მაგრამ კესარია არ შეშინებულა“.

ბილიკი ეიწროა. წინ გულასპირი მიდის და რევაზი ნაბიჯ-ნაბიჯ მიჰყვება.

სადაცაა მზე ხემაღლის მთებს ამოეფარება და გრილმა ნიავმა დაუბერა.

სატეველაზე ჩავიდნენ.

გულასპირი რიყიან ბილიკს გაჰყვა და ცეცებ-ცეცებით გავიდა გაღმა.

რევაზმა წაღები გაიხადა, შარვალი აიკაპიწა და მდინარეში შევიდა.

„შენი ხნისა მეც ასე ვტოპავდი სატეველაში!“ — გულში თქვა გულასპირმა და რევაზს გაუღიმა, ღიმილი ნაძალადევი იყო და რევაზს შეებრაღა ბერიკაცი.

აღმართს უფრო ნელის ნაბიჯით აუყვნენ. აღმართზე სიარული უძძიმს გულასპირს და სვენებ-სვენებით, ტატიტთ მიაბიჯებს.

როგორც იქნა, აივაკეს და საჯარისოზე გავიდნენ. ამ მინდორზე დაჯდებოდა გულასპირი, ყალიონს გააწყობდა და გააბოღესდა, მაგრამ ისედაც დაიგვიანა, შინ კესარია ელოდება, უთუოდ შეშინებულია, კიშქარზეა მომდგარი და შუკაში იმზირება. აღმართის ამოვლით დაღლილი გულასპირი საჯარისოზე არ შეხანდა, პირიქით, როგორღაც ძალი მოიცა და ნაბიჯს აუჩქარა და რევაზიც თავჩაქინდრული მიჰყვება გვერდით.

რამდენი ხანია ერთმანეთი არ უნახავთ კარისმეზობლებს, კარისმეზობელიო? კარისმეზობლობა რა სახსენებელია, რევაზი შვილივითაა გულასპირისათვის, ჰო, აღმასხანივით უყვარდა გულასპირს რეზო და აღმასხანის დაღუპვის შემდეგ რეზო შემორჩა ერთადერთი საფიცარი.

დღეს რეზო ეგულებოდა ხემაღალში და ქალაქიდან ადრიანად ამიტომაც წამოვიდა გულასპირი, ჩქარა იარა და დაიღალა. შეხვდნენ და სიუყვარულით გადაკოცნეს ერთმანეთი, სულ მცირე ხანს ისაუბრეს და ერთმანეთისთვის სათქმელი გაუთავდათ. თბილისის სიცხე, ციხიჯვრის მინდვრები, სკოლის სახურავი და სათქმელი ამოიწურა. უსაუბროდ გამოიარეს კარგა მანძილი, ცალკე გულასპირს შემოუხვევია გულისთვის დარდი, ცალკე რევაზ ჩაფიჩაძეს და დარდი ერთმანეთისთვის ვერ გაუმხელიათ. თბილისის სიცხე და ასფალტი სრულიადაც არ ედარდება გულასპირს, სხვა სატყვივარი სტყვივა, სხვა ნაღველი უღრღნის გულს, მაგრამ ეს სატყვივარი შვილივით საყვარელ რეზოსათვის ვერ გაუმხელია.

ერთად სავალი გზა სადაცაა დაიღვევა და გულასპირმა ნაბიჯი-

შეანელა. რევანზ ჩაფიჩაძეს კი ჩქარი სიარული უყვარს, ირმის ქედზე, კოდინანის მთაზე, სანისლესა და ცხრაწყაროს აღმართებზე რიტმული, თანაბარის ნაბიჯებით დაიარება რევანზი. გულასპირმა კი ერთი მტკაველი აღმართი ამოიარა და დაიქანცა, აბა ციხიჯვრის აღმართებთან ეს აღმართი რა სახსენებელია? და შეებრაღა გულასპირი, მიხვდა, რომ ამ მხატვ, ცარიელი გოდურის ტარებაც უმძიმეს ბერიკაცს და ეს გოდორი აბესალომ კიქნაველიძის წისკვილიდან მას უნდა წამოეღო.

საჯარისოს შუაგულში შედგნენ.

... გუშინწინ საღამოს გულასპირი, ალექსანდრე და აბესალომი, ეგერ, სავარძელივით რომ არის, მუხის იმ ფესვზე ისხდნენ. ნიავმა დაუბერა და ალექსანდრე ადგა.

— შემცივდესავეთ, ეს ოხერი! — თქვა ალექსანდრემ.

გულასპირი მიუხვდა, ალექსანდრე წასვლას რომ აპირებდა, ყმაწვილივით წამოხტა, მხარზე დაჰკრა ხელი და გაუღიმა.

— ვიბურთათო! თუ შეგცივდა, ვიბურთათო და გავებურდებით.

ალექსანდრემ თვალი ჩაუკრა აბესალომს, ანიშნა, კარგად ვერაა. საქმეო, მერე გულასპირს ჩაჰკითხა:

— რა თქვი, ყმაწვილო?

— ვიბურთათო-მეთქი, გვცივა და შეებურდებით! — რიხით თქვა გულასპირმა და გაიქცა, მინდვრის ყურედან მოაძახა ბერიკაცებს. — ფეხი არ დასძრათ, ბურთს ახლავე მოვიტანო.

— ეტყობა, მაგ საცოდავს ხუშტურუკმა მოუარა, — სინანულით თქვა ალექსანდრემ და ყალიონი დატენა. ყალიონი დატენა ალექსანდრემ და ის იყო, გულასპირიც გამოჩნდა და ნამდვილი ბურთი მოჰქონდა, ფეხბურთის ბურთი, წითელი.

— თქვენ ორნი ერთად, მე მარტო, დასავლეთით თქვენ, აღმოსავლეთით მე, — თქვა გულასპირმა და ბურთი მინდორზე დადო. — ხომ არ შეშინდით, ძველებო, — დაიბუხუნა გულასპირმა და ბურთიდან ათიოდე ნაბიჯით უკან დაიხია, მერე გამოქანდა, სწრაფად გამოქანდა და ბურთს ღონივრად გაჰკრა ფეხი, გამოქანდა ბურთი და აბესალომს პირდაპირ თავში ეთხლიშა. დარეტიანებული აბესალომი მუხის ფესვს დაენარცხა. ბურთი კი ჰაერში შეფრინდა და მდინარისაკენ გაგორდა. დაეწიეო, — ალექსანდრეს დაუძახა გულასპირმა, მაგრამ ალექსანდრე არც განძრეულა. აბა. ფერდობზე დაქანებულ ბურთს როგორ დაეწიეოდა, — ჰატ, შე მართლა ბებერო — შეუტია ალექსანდრეს გულასპირმა და ბურთს თვითონ გამოეკიდა, ცოტა მანძილი გაირბინა, მერე შედგა და ხელი ჩაიქნია.

— დავკარგეთ, — ნაღვლიანად თქვა გულასპირმა, მერე აბესალომს მიუახლოვდა და ხელი მდინარისკენ გაიშვირა.

— შეხედეთ, სატეველაში ჩავარდა ბურთი. — და გულასპირს თვალები აუცრემლდა.

— კაცი მომკალი და ახლა გებრალეებიო? — შეუტია აბესალომმა და ლასლასით წავიდა.

გულასპირმა, ვითომც არაფერი მომხდარყო, ისევ მდინარისკენ გაიშვირა ხელი.

— მიაქვს სატეველას ბურთი! შეხედე, ჯინორიძეების უბანს გადააცურა, მერე ყვირილაში შეაცურებს... კარგად იცი, ალექსანდრე ბატონო, ყვირილა რიონს უერთდება, ჰოდა, ჩვენი ბურთიც რიონში შეცურდება, მერე ცურვა-ცურვით, მე შენ გეტყვი და, რამე დაუშლის ხელს, პირდაპირ შავ ზღვაში ამოჰყოფს თავს. ზღვა გაიტაცებს, თამაშ-თამაშ წაიღებს და დარდანელში შეაცურებს. დარდანელი, ალექსანდრე ბატონო, ცოტა ვიწროა, დაინახავს თათარი ბურთს, დაიჭერს და მოგეცა ლხენა, კაი ფასადაც გაჰყიდის... ჩვენ კი ხვიშტირიკი!

ისე დაბეჯითებით ამბობდა გულასპირი, თითქოს ხილულად ხედავდა — მისი წითელი ბურთი როგორ შეაცურა სატეველამ ყვირილაში, ყვირილამ რიონში, რიონმა შავ ზღვაში და ზღვამ თამაშ-თამაშ როგორ წააცურა დარდანელისკენ.

აბესალომი კარგა შორს წალასლასებულებო და გულასპირმა მანც დაინახა, აბესალომი წარამარა თავზე რომ ისვამდა ხელს.

— შენს ძმაკაცს მართლა ეტკინა თავი თუ გაიფოკუნჯიკა, — ვითომ სხვათაშორის ჰკითხა ალექსანდრეს გულასპირმა და ისევ სატეველას. დააშტერა თვალი.

— რა ბურთი დავკარგეთ! კი, თათარმა ჩაიგდო ჩემი ბურთი ხელში — ნაღვლიანად თქვა გულასპირმა და წითელი ბურთი გულასპირის ფეხებთან გაგორდა.

აბესალომის შვილიშვილი კოკი საბანაოდ სატეველაზე ყოფილიყო და ჩირგვში ეპოვნა გულასპირ ჩაფიჩაძის წითელი ბურთი.

— შენი იყოსო, — თქვა გულასპირმა და კოკის იღლიაში ამოუღო ბურთი. კოკი შეცბა, ჯერ ალექსანდრეს ამოხედა, მერე გულასპირს და თვალები ხვიჩასავით გაუხდა.

— ჰო, შენია და წაიღე, ახლავე წაიღე შინ. აგერ ბაბუაშენი მიდის და დაეწიე.

კოკის უკანალზე შემოჰკრა ხელი გულასპირმა, კოკი კისრისტენით გაიქცა და აბესალომს რომ მიუახლოვდა, შედგა. გულასპირმა ხმამაღლა დაუცაცხანა, — მიდი, ბიჭო, ბაბუაშენს დაეწიეო და კოკიც შურდულებით გაქანდა.

— მიხედვე, ლექსო, ეტყობა, მარცხიანად დაეცა, რა ეშმაკად გამოვიტანე ეს ოხერი ბურთი, — ნაღვლიანად თქვა და უცებ თითქოს უჩქმრტესო, ისე შეხტა. — კესარიას აქვს წამალი და ახლავე გადმოვიტან — უთხრა ალექსანდრეს და ბურთის მოსატანად როპ გაქანდა, ისეთი სირბილით გაიქცა.

...ეტყობა კესარიას წამალმა ტკივილი ვერ დაუშამა აბესალომს, თორემ აბესალომი მუხასთან დახედებოდა ქალაქიდან მობრუნებულ გულასპირს და გულასპირს თვალი ისევ ქაუტრემლდა...

... აქ ორი ბილიკი ტოტდება. ერთი ალექსანდრე ჩაფიჩაძის, სახლში მიგიყვანო, მეორე გულასპირ ჩაფიჩაძისას.

საჯარისოს ბოლოში მდგარი სამი ბებერი მუხის უშნოდ გაჩაჩხულ ტოტებს ბელურები შესევნიან და ჟიჯივებენ: ეგებ ხემაღლის სასაფლაოდან მოფრინდნენ ეს ბელურები? ასე ჟიჯივებენ სახურავჩაღეწილ და უკარო ეკლესიას დაპატრონებული ბელურებიც.

ცარიელ-ტარიელია საჯარისო და ბებერ მუხებს მოუწყენიათ.

კვირა დღეს ბურთაობდნენ საჯარისოზე, მღეროდნენ და ცეკვავდნენ ახალგაზრდები, მუხების ჩრდილში ბერიკაცები ისხდნენ, ყალიონს აბოლებდნენ და დარბაისლურად ბაასობდნენ. ხმაურობდა, ცეკვავდა და მღეროდა საჯარისო და მუხებიც ხალისიანად იღგნენ, შრიალებდნენ და ბუბუნებდნენ. ბელურები არ ესეოდნენ და არ ჟიჯივებდნენ.

ჰო, ასე იყო. ყოველ კვირა დღეს ბურთაობდნენ საჯარისოზე. ცოლიანები და უცოლოები, საჯარისოს ზამოურები და საჯარისოს ქვემოურები, კიკნაველიძეები და ჩაფიჩაძეები ებურთავებოდნენ ერთმანეთს, იღვა ძგრიალი და კისრისტეხა, გაჰქონდათ ლელო და აჯავრებდნენ ერთმანეთს, ხოლო საღამოხანზე ერთი დიდი წრე შეიკვრებოდა, ჩაღებოდა სიმღერა და ცეკვა-თამაში.

კარგი მობურთალი და პირველი მოცეკვავე იყო გულასპირ ჩაფიჩაძე.

ახლა ერთი მტკაველი აღმართი ამოიარა და დაიქანცა.

— ჩემსას წავდეთ, — ფქვა გულასპირმა და რევანს მკლავში გამოდო ხელი.

— სადაცა მამა ჩამოვა, ეწყინება, შინ რომ არ დაეხედე.

— კარგი, ვანშმად ერთად გადმოხვალთ, ალექსანდრემ უკვე იცის.

გულასპირმა ცარიელი გოდორი უფრო მოირგო ზურგზე და მძიმე ნაბიჯით გაუყვა გზას. უკანმოუხედავად გადაიარა საჯარისო, მერე შინისკენ შეუხვია და თვალს მიეფარა.

... „ჩემთვის საწყენი არაფერი უთქვამს გულასპირს. არ იყო-

და და იკითხა — სადაა ეს ციხიჯვარიო, მინდერები და ტყე თუა ციხიჯვარშიო, მაგრამ კილო კი რაღაც სხვანაირი ჰქონდა, გამჭირდავი კილო იყო მის ხმაში და ტუჩებში რომ ჩაიღიმებოდა, დამტყნავი ღიმილი იყო. მერე ალექსანდროვიჩიო, პროფესორიო... ჰო, დამტყნავი, მე გული მომივიდა და უხალისოდ გავეპასუხე, ეს იყო და ეს. არაფერი მიკადრებია გულასპირისათვის, მაგრამ მისგან რაღაც რომ მეწყინა, მიმიხვდა, მერე არაფერი მკითხა და თავი დაიმუნჯა. უტბად თქვა — შინ კესარია მელოდებო, ადგა, ცარიელი გოდორი ზურგზე მოიგდო, ახალუხი ამოიღლია და დაღმართს დაუყვა. აბესალომ კიკნაველიძის წისქვილიდან საჯარისომდე სიტყვაც არ დასცდენია, სატეველაზე გადმოსვლისას თქვა რაღაც, მაგრამ არ მახსოვს. არ მახსოვს კი არა, არ გამიგონია, რა თქვა, რაღაც თავისთვის ჩაიჩიფიფიფა... ძალიან მონუცებულა და მოტეხილა გულასპირი. 'ქეებზე კანკალით ადგამდა ფეხს, საიმედოდ რომ დაიგულებდა, მხოლოდ მერე გადაადგამდა მეორეს, ამაყი კია! ეშინოდა ფეხი არ დასცდენოდა ქეებზე და წყალში არ ჩაეარდნილიყო, მაგრამ შეშველება არ მფხოვია. თქმა რა საქირი იყო? ხუმრობით უნდა შევშველებოდი — მე წყალში, შენ ქეებზე, ძია გულასპირ, კარგია; არა? აღმართზე ნელა მოდიოდა და მანაც კშენა აუტყდა, საოცარია, ქალაქში როგორ დადის აგრერიგად ძალაგამოლეული! უჭირს. უჭირს და დადის. ხილი მიაქვს გასაყიდად ბაზარში. მამაჩემივით გობების კაი ოსტატია გულასპირი და ცაცხვისაგან გამოთლილი გობებიც გასაყიდად მიაქვს ქალაქში. მეწველი ძროხა ჰყავს გულასპირს, კესარია და თითონ ლობიოსა და ფხალზე იოლად გადავლენ, ყველი კი ქალაქში მიაქვს და ჰყიდის. პატარა ვენასიც აქვს გულასპირ ჩაფიჩიძეს, კარგი, ძალიან კარგი ღვინის დაყენება იცის. მსუბუქი სასმელია, ბევრიც რომ დალიო, თავს არ აგატყენს და მეორე დღეს ჩიტივით ხარ. თითონ ცოტას სვამს, არა, თავისთვის თავღვინოს ვერ იმეტებს, ოჯახისთვის სახმარ ღვინოს აყენებს, თავღვინო კი ქალაქში მიაქვს და ჰყიდის. გამოჩნდება თუ არა ბაზარში ზურგზე ტიკმოკიდებული გულასპირი, მყიდველები მიესევნიან, არაფერ აქაშნიკებს გულასპირის, ღვინოს და ფასშიაც არაფერ ევაჭრება. კესარიას კვერცხისმდეგელი დედლები ჰყავს. ორმოციოდე კვერცხს მოაგროვებს კესარია, გულასპირი ცაცხვის ხავსით შეფუთვას კვერცხებს, მსუბუქად ჩააწყობს კალათაში და გზას ქალაქამდე ფრთხილად გაივლის. ბაზარში მოითავებს საქმეს და კოპერატივებს ჩამოუვლის. კესარიას კაბას უყიდის, უწინ მეუღლისათვის ნაირ-ნაირ საკაბეს ყიდულობდა გულასპირი და კესარია თითონ იკერავდა კოსტა კაბებს. ახლა თვალს დააკლდა

კესარიას, ნემსის უწინაშე ვაი-ვაგლახით უყრის ძაფს და კაბას ვერ შეიყვარავს, ამიტომაც შეეკერილ კაბას ყიდულობს გულასპირი კესარიასათვის. იაფფასიან დაბალქუსლიან ფეხსაცმელსაც უყიდის და მორჩა — შემოსილია გულასპირის მეუღლე. მორჩენილი ფულით სიმინდსა და ხორბალს ყიდულობს გულასპირ ჩაფიჩაძე. ვერა და ვერ იქნა, ერთხელაც ვერ მოიწია სამყოფი სიმინდი. უწინ ცხენი ჰყავდა, მაგარი ცხენი იყო, რატომღაც „ხაბარდა“ ვრქვა, სოფლის ბიჭები გულასპირის ნამალევად ხშირად ვიჭერდით „ხაბარდას“ და ხანდახან სატეველას ნაპირებზე მთელი დღე დაეპქენებდით, მაგრამ „ხაბარდა“ მაინც არ იღლებოდა, გაოფლიანდებოდა კი. სიმინდიან ტომრებს ერთმანეთს გადააბამდა გულასპირი, „ხაბარდას“ ხურჩინივით გადაჰკიდებდა და მოგეცათ ლხენა — არხეინად ამოდიოდა ქალაქიდან ხემალალში. ტვირთაკიდებულ ცხენზე არასგზით არ შეჯდებოდა გულასპირი. „ხაბარდას“ მარტო სიმინდი მიჰქონდა, გულასპირი კი — ქვეითად მოჰყვებოდა „ხაბარდას“ და კმაყოფილი იყო. მერე „ხაბარდა“ დაბერდა, დაბრმავდა, დაჩაჩანაკდა და მოკვდა. სამაგიერო ცხენი ვერ იყიდა გულასპირმა, სიბერეც შემოეპარა, სიმინდი და ხორბალი ისევ საყიდელი აქვს, და ქალაქიდან ხემალალში ნახევარ-ნახევარ ფუთობით ვზიდება სიმინდს გულასპირი. მუხლებმა უსუსტეს. და ნახევარ ფუთზე მეტის ზიდვა არ შეუძლია ბერიკაცს“...

### თ ა ვ ი მ ე ს ა მ ე

ოდში ლამპა ენთო. ღია იყო სამზადის კარი. სამზადის კართან, დაბალ სამფეხა სკამზე, გასაფრთხელებული ალექსანდრე იჯდა, ეზოში შემოსული შვილი რომ დაინახა, მაინც აღგა.

— მეზობლებში იყავ?

— სატეველაზე.

სატეველაზე? აკი სატეველაზე ამოიარა ალექსანდრემ, კარგა ჯანს იჯდა დაღლილი ალექსანდრე მდინარისპირას, მაგრამ შვილასთვის თვალი არ მოუკრავს. თუმცა ლოდზე ჩამომჯდარი ალექსანდრე თვლემდა. დაჯდა თუ არა ლოდზე, უმალვე ჩათვლიმა, თავისთავად დაეხუჭა თვალი, დაეძინებოდა კიდევ, ლოდი ცივი იყო და დაძინება ვერ მოახერხა.

ტატით ამოიარა აღმართი, შვილი კი არსად შეხვედრია.

სატეველაზე იყო? თევზით ამოიტენა სატეველა, ალექსანდრეს კი კარგა ხანია არავეინ ჰყავს თევზის დამჭერი... სატეველაზე ჩასული რევანი ხელცარიელი არასოდეს მობრუნებულა. დღეს

კი სათევზაოდ არ ეცალა რევანს და ეზოში დარცხვენილი შემოვიდა. სატეველა ცივი მდინარეა და დაცდა იცის. შეუჩვეველ კაცს აუცილებლად დაცდის სატეველა. ჯერ შეაცეებს, ბუსუსებს და აყრის ტანზე, მთელ სხეულს აუქაეებს და შეახურებს, ისე მაგრა შეახურებს, რომ თავ-ბედს აწყველინებს. დაწყველილმა ქინკრის ციებამ იცის ასე... აგერ ათი წელია, რევანს ფეხი არ ჩაუდგამს სატეველაში და დღეს რომ ჩასულიყო მდინარეში, აუცილებლად დაცდიდა. ამიტომ მოვიდა ხელცარიელი რევანში შინ, მამა მიუხვდა და არ უსაყვედურა.

ალექსანდრეს ძროხა მოუწველია. მოწველილი ძროხა სამზადის სვეტზეა მიბმული. ბაწარი არც ისე მოკლეა, ძროხას აივნიდან გაუნაპირებია და მოლზე წამოწოლილა, იცობნება, ხანდაზენას გამოყოფს და ცხვირწინ დამდგარ ხბოს შუბლს ულოკავს და ხბო გატრუნულია.

კერაზე ნელი ცეცხლი ანთია. ალექსანდრეს რძით სავსე ქოთანს ცეცხლთან შორიხლო დაუდგამს.

ალექსანდრე ჩაფიჩაძის ძროხა კარგი მეწველია. მერე ხემაღლის ბალახი? ძალიან ნოყიერია ხემაღლის ბალახი. რვა ლიტრ რძეში ერთი ოყა ყველი ამოჰყავს ალექსანდრეს და რძე ქათქათა, თეთრი როდია, ოდნავ მოყვითალოა, კარაქის ფერს გადაიკრავს, მალე დედდება და ყველი საოცრად გემრიელია. ხემაღლის ყველს ფერით ცნობენ ქალაქელები, დილით თუ იყიდიან, თორემ მერე მოგქამა ჭირი, ბაზარში ვინ გააჩერებს ხემაღლის ყველს?

სამზადში შევიდნენ. კერაზე ნელი ცეცხლი ანთია, სამზადის კარი ღიაა და არ ცხელა, სასიამოვნოც კია ეს ნელი ცეცხლი და მამა-შვილი ქერასთან ახლოს დასხდნენ. რევანში სამფეხა სკამზე დაჯდა, ალექსანდრე დაბალ ჯორკოზე. ალექსანდრემ რძით სავსე ქოთანსი დავისკენ ფრთხილად გამრაჩოჩა, ისე ფრთხილად გამრაჩოჩა, რომ რძე ოდნავადაც არ შეტოკებულა. მერე ალექსანდრემ ნელ-ნელა აიკაპიწა სახელოები, ჯერ მარჯვენა ხელის თითები ჩაჰყო ქოთანში, ნაპირ-ნაპირ შემოატარა და რძე შედედებულად რომ შეიგულა, ნელი თანდათან ჩააცურა ქოთანში, ნელა, სულ ნელა მოიხელა ქოთანსი, მერე მარცხენა ხელიც შეაშველა, ყველი ამოიყვანა და ლამბაქზე დადო.

...დღდა მელიკს ამოჰყავდა ყველი ასე. ასეთ დაბალ ჯორკოზე დაჯდებოდა დღდა მელიკი, ფრთხილად მიუჩოჩდებოდა ქოთანს, მერე ორივე ხელს (დღდას პატარა, ძალიან პატარა ხელები ჰქონდა) ჩააცურებდა ქოთანში, ეალერსებოდა და ეალერსებოდა ქოთანს. დღდასთან ახლოს, პატარა ჯორკოზე, იჯდა რევანში და დღდას ხელებს

იყო მიჩერებული. ამოიყვანდა დედა მელიკი ყველს და ვიდრე: ოჩაჩეში ჩააწვენდა, კაი მოზრდილ ნაქერს რეზოს მოუტეხდა.

სხვა გემო აქვს ახალამოყვანილ ყველს, შუმი რძის გემო.

ალექსანდრემ კი არ მოუტეხა ყველი რევაზს, პირდაპირ ლამბაქზე დადო, მერე აიღო და ლამბაქი განჯინის თავზე შემოდვა. წაქა სამზადის კუთხეში მიგდებულ, ძველისძველ ტაშტში ჩააქცია ალექსანდრემ. კატა მიუჩოჩდა ტაშტს. წაქით გამოიბერება. კატა და მერე ყველს ხელს არ ახლებს.

ალექსანდრე ისევ ჭორკოზე დაჯდა, ცეცხლს შიამერდა, ქისა მოიხელა, ყალიონი გააწყო და რალაცა თავისთვის ჩაიბუბუნა.

რევაზის ფეხთან აქანდაზი გლია. რევაზმა ხელო დაავლო აქანდაზს...

— მე თითონ, — თითქოს ისევ თავისთვის ჩაიბუბუნა ალექსანდრემ, — ხელით აიღო პატარა ნაკვერჩხალი, ხელის გულზე შეათამაშა და მარჯვენა ხელის ცერით ყალიონს მაგრა დააწება. მერე მოქუტული თვალით განედა შეილს — ხომ არ ეწყინა ცეცხლის მოწოდება რომ დავუშალეო.

რევაზი თავჩაქინდრული ზის სამფეხა სკამზე.

„უთუოდ ეწყინა და ამიტომაც ჩაუქინდრავს თავი!“

მამამ ყალიონი გააწყო; შეიღმა აიღო აქანდაზი და ცეცხლო მიაწოდა, ჰო, ყალიონის მოსაკიდებლად ნაკვერჩხალი მიაწოდა. შეიღმა და მამამ არ გამოართვა. ეს ეწყინა შეილს და შეილი მამის გვერდით თავჩაქინდრული ზის სამფეხა სკამზე.

„უთუოდ ეწყინა და ამიტომაც ჩაუქინდრავს თავი!“

წაქა ბლომად შეუსევამს კატას და მუცელი გაბერვია. ცოტა ხარბია ალექსანდრე ჩაფიჩაძის კატა. პირთამდე რომ გაავსო ტაშტი, მიადგება და ნელ-ნელა შესვლიბავს, პირწმინდად მოამშრალებს. საოცარი კია, პატარა და ამდენ წაქას რანაირად ისხამს ციკენა მუცელში? მერე გაბუსუნებული და მუცელგაბერილი, ალექსანდრეს მიუჩოჩდება; ფეხებშუა შეუძვრება, ეშმაკური თვალით ახედავს, კისერს წაიგრძელებს და მუხლზე თავით გაეხანუნება. ალექსანდრე რბილად დაადებს ხელს კისერზე.

— ვითომ ძალიან გრყვარვარ, არა? ვითომ უჩემოდ ვერ ძლებ, შე ეშმაკო?

კატა უფრო წაიგრძელებს კისერს და უფრო თამამად გაეხანუნება მუხლებზე.

...ახლაც გაბუსუნებული და მუცელგაბერილი ფეხებშუა შეუძვრა, კისერი წაიგრძელა, ეშმაკური თვალით ახედა, მუხლებზე ფრთხილად გაეხანუნა და გაილურსა.

ალექსანდრემ მაგარი წიხლი ჰკრა კატას და კუთხეში: მიაგლო.



კატამ ერთი საცოდავად დაიკნავლა, მწყრალად გამოხედა პატრონს და კარში ისკუპა.

— წავიდეთ! — ცივად თქვა ალექსანდრემ, სამზადიდან გავიდა, ხბო წამოახტუნა და ოქართეში შეაგლო.

— წავიდეთ!

ჩქურად, ბრაზიანად თქვა ალექსანდრემ. ჰო, გულმოსულია ალექსანდრე ჩაფიჩაძე. შეილთან ერთად, შვილიშვილებს და რძალს ელოდა. ეს კიდევ ადგა და კინკილა ჩამოვიდა. ერთხელ კი იკითხა ალექსანდრემ, ჩემი რძალი სად ბრძანდებაო და მორჩა, ის იყო და ის, მერე არც რძალი მოუკითხავს და არც შვილიშვილები. განა არ იცის ალექსანდრე ჩაფიჩაძემ, სადაა მისი რძალი და შვილიშვილები? ძალიან კარგადაც იცის:

ბაკურიანთან ახლოს, ციხიჯვარში. სულ ათიოდე კილომეტრია ბაკურიანიდან ციხიჯვარამდე. მუხლამდე ბალახია ციხიჯვარის მინდვრებში და თათია და სანდრო იმ ბალახებში კოტრიალობენ და მზეში შავდებიან, ჩაფიჩაძის რძალი კი ქოლგას იფარებს და მზეს ემალება, მაგრამ მზე მაინც მოეკიდება და ხორბლისფერი გაუნდება სახე... ხვალ დილაუთენია ადგება რევაზი, პირდაპირ გადაქრის ხემაღლის მთას, მოკლე გზით წავა რკინიგზის ბაქნისკენ და ბორჯომში მიმავალ მატარებელს მიუხსნობს. ბორჯომიდან ბაკურიანამდე ნელა და წველებ-წველებით მიდის მატარებელი. ბორჯომში მანქანას დაიჭირავებს ალექსანდრე. ჩაფიჩაძის ვაჟი და სადილობისას ციხიჯვარში იქნება.

რუსუდან, თათია და სანდრო ელოდებიან. ელოდებიან და რევაზიც ჩავა.

რევაზი სამზადიდან გამოვიდა და კარი მოიხურა. ალექსანდრე ჰიშკართან იდგა. ბაიბური არ ისმორდა ეზოში. სამზადის სვეტზე მიბმული ძროხა ისევ მოლზე იწვა და იცოხნიდა.

...მამა-შვილმა მინდორი გადაიარეს და როცა გულასპირ ჩაფიჩაძის სახლისკენ მიმავალ ბილიკს დაადგნენ, ერთბაშად სინათლემ შემოანათათ.

გულასპირს ოდის აივანზე დაუკიდია დიდი ლამპა და მისი შუქი მთელ ეზოს ეფინება.

გულასპირ. ჩაფიჩაძის სახლ-კარი არასოდეს ყოფილა ასე განათებული და ალექსანდრე მიუხვდა.

„უთუოდ რევაზის პატივსაცემად... თორემ ალექსანდრეს... არა, ალექსანდრეს ერთხელაც არ შემოგებებია ანთებული ლამპით გულასპირი. საოცარი კაცია ჩემი კარისმეზობელი, საიდან გამოაჩინდრიკა ეს ლამპა ახლა?“

ალექსანდრეს და რევაზს ჰიშკართან შემოქება გულასპირი,

ალერსიანად მიესალმა ალექსანდრეს და მხარზე დაჰკრა ხელი.

— ხომ მაგრადა ხარ, ძველო? არ ჩამოვარ, რომ ამბობდი, ა, -ხომ ხედავ ჩამოგივიდა! რას იტყვი ახლა?

მერე რევანს გაექილია გულასპირი.

— ხომ არ მოიწყინე, ჰაბუკო? რაღაც შეფერტხილი მეჩვენები. ალექსანდრე და რევანზი აივანზე დასვა და თითონ სამზადში გაქანდა.

სუფრა აივანზე გაუშლია გულასპირს. ეტყობა, სხვებიც ჰყავს მოპატივებულო, ბარე ათი კაცისათვისაა სუფრა გაწყობილი.

— რა მუნჯებივით სხედხართ მამა და შვილი! — ქაქანიოთ ამოიქრა გულასპირი აივანზე და სუფრაზე ღვინით სავესე დოქი დადგა.

— არ მოიწყინოთ, ჩემი ქალბატონი ახლავე გეახლებათ. — დოქს წაატანა ხელი და ალექსანდრეს ქვეშ-ქვეშად გახედა.

— არ მიწყინო და, შენი ჰური მოვხადე, ალექსანდრე!

— სახელი კი აქვს ჩემი იმ ჰურს... — ისე უხალისოდ მიუგდო ალექსანდრემ, თითქოს მოვალეობა მოიხდაო.

— გეწყინა თუ? მართლა გეწყინა? — ვითომ აბილპილდა გულასპირი. — ჩვენზე უკეთესს ვინ დაალევიებ? როგორი ღვინოა, ახლავე ვნახავთ.

წელში გამოყვანილი სამი ღვინის ჰიქა შეავსო გულასპირმა, შეავსო, მაგრამ ჰიქებში ღვინო არ ჩანდა. პირწმინდად ჰიქისფერი იყო ღვინო.

ალექსანდრემ ერთბაშად გადაჰკრა. გამოცლილი ჰიქა გულასპირს მიაჩეჩა, — კესარიას შევეშველებიო, — თქვა და სამზადში წავიდა.

გულასპირი სახტად დარჩა. არ ეამა ასე გულჩათხრობილად რომ იყო ალექსანდრე, მაგრამ ვითომ არაფერად ჩაავდო და ოთახიდან ნარდი გამოიტანა.

— ქალაქში ხომ არ გადაგავიწყდა, ჰაბუკო?

ნარდი გაშალა და შავი ქვები თავისთვის დააწყყო.

— თეთრი ქვები და პირველი გაგორება სტუმრისაა. ერთ ხელს მოვასწრებთ.

რევანზმა შაში-იაქე გაავგორა, და შაშის კარი ჩაკეტა; მაგრამ გულასპირმა დორთ-ჩარით ორივე ქვა გადმოახტუნა და ჩაახველა.

— დაჰკრას მიპირებდი, ჰაბუკო? ცოტა უკაცრავად! ამბობენ, თბილისში კარტის თამაში უფროა გავრცელებულიო, ქალებიც და ბავშვებიც თამაშობენო... კაი საქმეა!

რევანზმა არაფერი მიუგო. კამათელი გაავგორა, ჩარი-სე დაუჯდა და ერთი ქვა შინ შემოიყვანა.

— გაქცევაზეა საქმე? მირბიხარ, ჰაბუკო?

გულასპირმა ხელისგულზე შეათამაშა კამათელი, პირთან მიტანა, რაღაც ჩაუჩურჩულა და გააგორა.

— მართლა ძაღლის ძვალია ეს უპატრონო! საიდან გამომომვარდა ახლა ფანჯი-იაქე? ფანჯს კი ვითამაშებ, მარა იაქე? — ამ იაქეს რაღა ეუწო?

გულასპირის ფიქრი:

„ალექსანდრე განგებ წავიდა სამზადში. ეს კიდევ ხმას არ იღებს, ვერაა კარგად საქმე“.

გულასპირმა შაშის კარში ჩააგდო ქვა.

— ჰო, მოსაკლავად დაგისვი, მოკალი და გიბნარე!

რევაზის ფიქრი:

„ცეცხლი მივაწოდე ყალიონისთვის და არ გამომართვა. ხელიც კი ამიკრა აქანდაზზე“.

— გამოწერილივით მოგივიდა შაში! ვიცოდი, აუცილებლად გაგორდებოდა შაში, მარა სხვა გზა არ მქონდა, მოკალი, რა გაქქეს საფიქრალი?

რევაზის ფიქრი:

„თავისი საყვარელი სანდროც რომ არ მოიკითხა! არც თათია! კატას წიხლი აკრა და კედელზე მიანარცხა. გულმოსულია და არაფერს ამბობს“...

გულასპირმა მოკლული ქვა გააცოცხლა.

გულასპირის ფიქრი:

„თუ მამამ და შვილმა ერთმანეთს აწყენინეთ, გულასპირ ჩაფიჩაძე რა შუაშია? ღმერთო კი მომკალი, რა დააშავა გულასპირმა? შენ სტუმრად ჩამოხველ მამაშენთან, ოჯახში ქალი არა გყავთ. და გულასპირმა ვახშმად მოგიწვიათ, ამიტომ გამიმზრავდი? მამა და შვილი?“

— ა, შენც შეგიძლია მომიკლა ქვა!

— მოკვლით კი მოვკლავ, მარა რა ღირად მინდა, ყველა კარიღია მაქვს.

რევაზმა ღუშაში გააგორა და მოკლული ქვა ხელში შერჩა.

— აა, ბედიც ამას ჰქვია. — გახალისდა გულასპირი, — ვერაა შენი საქმე კარგად. აბა, მე მიყურე ახლა!

სე-იაქე გააგორა გულასპირმა და ფანჯრის კარი ჩაჰკეტა.

რევაზის ფიქრი:

„ბალახი თუა ციხიჯვარშიო, ვითომ არ იცის გულასპირმა, სადაა ციხიჯვარი. კი, ძალიან კარგადაც იცის გულასპირმა, სადაცაა ციხიჯვარი. დამცინავად იკითხა“.

— ჩარი-სე! ახლა შენც გამოწერილივით გაგიგორდა, ჭაბუკო, უკეთესს ვერც ინატრებდი ჩარზე გააცოცხლე და სეც აგერ

გაქვს, ა, ხომ ხედავ, ჩემს სახლში აიღე კარბი და მოხრჩობილია ჩემი საქმე!

გულასპირის ფიქრი:

ქალაქში ასფალტი ნამეტნაეად უყვართ-მეთქი, — ტყუილია თუ? მოედნებზე — ასფალტი. ქუჩებში — ასფალტი. ეზოებში — ასფალტი. სახლის სახურავებზედაც კი — ასფალტი! ნამეტანია, აბა რაა? როგორ ისუნთქოს მიწამ, თავს თუ ასფალტით მოუგლისავ? ვერ ისუნთქებს ხომ? ჰოდა, სადაც მიწა ვერ სუნთქავს, იქ ადამიანისათვის ძნელი გასაძლისია-მეთქი და ამას რატომ მოუვიდა გული, რევაზ ჩაფიჩაძე ხომ არ აგებს ქალაქში ასფალტს?“

— ეს ფანჯი-იაქე რას ჩამაცივდა? მართლაც არაა ჩემი საშველი! — აპილბილდა გულასპირი და ქვა შაშის კარში ჩააგდო.

რევაზის ფიქრი:

„კაი დაგემართოს, კაი სოფელი ყოფილა ციხიჯვარიო! გეგონა, ვერ მიგიხვედებოდი სად დააკაკუნე? ზაფხულობით ციხიჯვარში თუ დაგყავს ცოლ-შვილი, ხემაღალმა რა დაგიშავა, ხემაღალი რით ჩამოუვარდება ციხიჯვარსო, შენს სოფელს წიხლი ჰკარი, ჰაბუკო? განზე გადგი ფეხი. კი, იქედნურად მელაპარაკებოდი, ძია გულასპირ და გეგონა, ვერ მიგიხვედებოდი? შეცდი!“

ღუბეში დასეა რევაზმა. გულასპირი ადგა და ხელები ასწია.

— მორჩომილია ჩემი საქმე, გნებდები. ოღონდ თამაშით მოეუგეო ძია გულასპირს, არ თქვა. კამათელმა გამწირა.

ქიშკარმა გაიჭრიალა. ეზოში აბესალომ კიკნაველიძე შემოვიდა. რევაზმა კიბე ჩაირბინა და აბესალომს ეზოშივე შეეგება.

— ხანდახან თურმე გულასპირსაც დაეჯერება, — ღიმილით თქვა აბესალომ კიკნაველიძემ.

— გულასპირს მოეშვი, ხევისბერო, თორემ ხომ იცი გულასპირის ამბავი, — აივნისიდან გადმოსძახა გულასპირმა და აბესალომი მარტო რომ შეიგულა, შეუტია.

— რძალი?

— ბავშვებს დააძინებს და გადმოვა.

— ბავშვები? — გაიოცა გულასპირმა, — ბავშვები კი ირა, კაი დიდი მუტრუკებია. იავნანა თუ არ უმღერა დედისკომ, ისე ვერ დაიძინებენ, კაი მოუვიდათ მაგათ.

— ეკა! დიდი ეკატერინე?

— ჩემი რძალი გამოუვლის.

კიბეზე სვენებ-სვენებით ამოვიდა აბესალომი, ჯოხი აივნის სვეტზე მიაყუდა, მხრებზე მოგდებული თეთრი ყაბალახი მოიხსნა

და გულასპირს გაუწოდა. ლამპის შუქზე ხელმოჩრდილულად გახედა რევაზს.

— ცოტა კი გამოცვლილხარ, ბიჭო! — მხრებზე დაადო ხელი-ბი, მიიზიდა და მკერდზე მიიკრა, მერე სუფრის თავში დაჭდა და რევაზი გვერდით მოისვა.

... და აბესალომ კიკნაველიძეს თვალში ცრემლი აუთამაშდა, ერთი კურცხალი გადმოგორდა და თეთრ წვერზე დაეკიდა. ეს ცრემლი დაინახა რევაზმა და გული ეტკინა. გულს ეტკინა, მაგრამ რადაცნაირი სითბოც იგრძნო გულში. ბერიკაცისკენ გადაიხარა, მსუბუქად შეახო მკერდზე ხელი და ცრემლიან თვალში ჩახედა.

— ისევ ყოჩაღად ხარ, ძია აბესალომ.

„აბესალომ კიკნაველიძეს სხვანაირი გული აქვს, ჩილი და მოსიყვარულე გული. გულასპირივით კი არ მიმართა დიდი ხნის უნახავ კარისმეზობელს, — როგორ ბრძანდები, ალექსანდოვიჩო, უბრალოდ უთხრა — ცოტა კი გამოცვლილხარ, ბიჭოო. — და ისე გაუხარდა რევაზის ნახვა, რომ ცრემლი მოადგა თვალში და ცრემლის ერთი კურცხალი წვერზედაც კი დაუგორდა... თბილი; მოსიყვარულე გული აქვს აბესალომ კიკნაველიძეს. პატარა რევაზი სათევზაოდ დაჰყავდა სატეველაზე, ლევანთან ერთად უბელო ცხენზე შემოისვამდა და აღმა-დაღმა დაატარებდა“...

აბესალომის ვაჟი ლევანი იკითხა რევაზმა.

— ვითომ შენსავით თბილისში ცხოვრობს, — ნაღვლიანად თქვა აბესალომმა, — რატომღაც აქ ვერაფერს დაუდო გული, ქალაქში კირკიმალბს რაღაცას და ქეა. ცოლსაც ბევრი უტრილა, მარა ჩემი რძალი არ გაჰყვა ქალაქში. მე შენ გეტყვი, სახლკარი აქვს ჩემს შვილს ქალაქში! ერთი საცოდავი ოთახი დაუქირავებია, — არა, ამ ოთახში ვერ ამოვალრჩობ შვილებსო, — უთხრა ჩემმა რძალმა და ის იყო და ის — არ წავიდა ქალაქში. ხანდახან ლევანი ჩამოდის, ხანდახან დუღუხანა ააკითხავს და ხლაფორთობენ ასე...

... ბაღლობისას ძმებივით იყვნენ რევაზი და ლევანი. ერთად სწავლობდნენ სკოლაში. უბელო ცხენზე შემოუჭდებოდა ლევანს და სატეველას ნაპირებზე ჯირითობდნენ. ერთად ხელობდნენ სატეველაში, ლევანი ყოველთვის უფრო მეტს იჭერდა თევზს და აუცილებლად უწილადებდა რევაზს... ახლა თბილისში ცხოვრობს ლევანი და ერთხელაც არ მოინახულა რევაზ ჩაფიჩაძის ოჯახი.

— უი, ვის ხედავს ჩემი თვალები, — შენ შემოგველოს შენი ბიცოლაო, — წამოიძახა კესარიამ და შემოგებებული რევაზი მკერდში ჩაიკრა, ბეჭებზე შემოაჭდო გაღეული ხელები. შუბლი, თვალები, ლოყები დაუკონა, შეთხელებულ ქოჩორზე გადაუსვა

ხელი, მერე ოდნავ მოიშორა და ისევ მიიზიდა, ისევ ჩაიკრა და ჩაჰკოცნა.

— შენ შემოგვევლოს შენი ბიცილა, რავე მომანატრე თავი, ასე უნდა, ბიჭო?

და კესარიასაც აბესალომ კიკნაველიძესავით ცრემლი მოადგა თვალში და ერთი კურცხალი კი არ დასცემია ლოყაზე, ორივე ლოყა დაუსველა ცრემლებმა და ცრემლით დასველებული შეფაქლული და ნაოქებიანი ლოყები ლამპის შუქზე აბზინდა.

— რავე უცხოსავით დგებარ, შვილო, — უსაყვედურა კესარიამ გვერდით მდგომ ეკას, — აკოცე შვილო, შენიანია. ჩემი რეზოა, ეს.

ეკამ ნაბიჯი წადგა და ხელი გაუწოდა რევაზს.

— ეკატერინეს ქალიშვილია, ბიჭო! აკოცე, რავე, შენც უცხოსავით იქცევი? — ახლა რევაზს უსაყვედურა კესარიამ.

რევაზმა ლოყაზე აკოცა ეკას. ეკას შერცხვა და ლოყა გაუწითლდა. რევაზსაც შერცხვა, მაგრამ რევაზს ლოყა არ გასწითლებია.

სამზადიდან გულასპირის ძახილი მოესმათ და კესარია და ეკა სამზადში წავიდნენ.

ეკატერინეს ქალიშვილი? ეკატერინე არასოდეს გათხოვილა. ეს კარგად იცის რევაზ ჩაფიჩაძემ და რევაზი აბესალომს მიუჩირობდა, ყურში ჩასჩურჩულა:

— საიდან ჰყავს ეკატერინეს ამხელა ქალიშვილი?

აბესალომმა საგულდაგულოდ მიიხედ-მოიხედა გარშემო და როცა დარწმუნდა, აბესალომისა და რევაზის გარდა არავინ იყო აივანზე, ჩურჩულითვე მიუგო.

— ეკატერინეს დისშვილია ჭკა და არაფერი წამოგცდეს. ეკატერინე ლეიძლი დედა ჰგონია. სალომე გახსოვს?

ეკატერინეს უმცროსი და სალომე როგორ არ ახსოვს რევაზს. მხიარული იყო და ახტაჯანა. ბიჭებთან ბურთაობდა. ჯაღოქრულად უკრავდა გიტარაზე და შაირებს მღეროდა. ბიჭებსაც ეშაირებოდა. ეკატერინე ხშირად ტუქსავდა სალომეს, სალომე კი თავისას არ იშლიდა — ბურთაობდა და შაირობდა, თავიც კი მოსწონდა შაირებითა და ბურთაობით. თექვსმეტი წლისა გათხოვდა სალომე, ვილაც შინდისეღ შარანგიას გაჰყვა და მერე სალომეს არ შეხვედრია რევაზი.

კვი ვაჟაკი ყოფილა შარანგია და სახლ-კარიც ჩინებული ჰქონია. სალომე შეურთავს და ომიც დაწყებულა და შარანგია ჯარში გაუწვევიათ. ორსულად დარჩენილა სალომე და ეს გოგო დაებადა.

მალე უეჭველი ცნობა მიუღია სალომეს — ქერჩისათვის ბრძო-

ლაში დაიღუპა შენი ქმარიო. ცოტახანს იგლოვა სალომებ დალუ-  
პული ქმარი, სულ ცოტახანს: სამი თვისა ძლივს იყო მისი გო-  
გონა და სალომე შეუღლის ამხანაგს, საბარგო მანქანის შოფერს  
გაპყვა ცოლად. სოფელში არ ედგომებოდათ და ქალაქში წავიდ-  
ნენ საცხოვრებლად სალომე და მისი მეორე ქმარი. აენთო და გან-  
რისხდა ეკატერინე — ჩემმა დამ საქვეყნოდ მომპკრა თავიო. ადგა  
და ქალაქში წავიდა, შერისხა სალომე და შვილი წაართვა: კა-  
რიდან კარზე მოხეტიალე ქალი შვილს ვერ გაზრდისო და გოგონა  
ხემაღალში წამოიყვანა, იშვილა და სახელიც გამოუცვალა. მადო-  
ნას ეძახდა დედამისი, ეკატერინემ ყა დაარქვა, მეზობლები კი  
პატარა ეკატერინეს ეძახიან.

... პატარა ეკატერინემ და კესარიამ სუფრა გააწყვეს

გულასპირი და ალექსანდრე ჭურის თავზე ცოტა შეჭიკჭიკე-  
ბულან და უკანა კარიდან ქაქან-ქაქანით შემოვიდნენ ოღაში:  
ისევ გაიჭრიალა კიშკარმა.

რევაზმა შორიდანვე შეიცნო ეკატერინე.

ეკატერინეს აბესალომ კიკნაველიძის რძალი დუღუხანა ახლდა,  
რევაზი ეზოში ჩაეგება ქალებს. ეკატერინეს ხელზე ემთხვია.  
ეკატერინემ კი თავზე გადაუსვა ხელი რევაზს, შუბლზე აკოცა და  
მკერდზე მიიკრა. მერე აბესალომ კიკნაველიძის რძალი გააცნო  
ეკატერინემ რევაზს, რევაზმა დუღუხანა ნათესავად მიიჩნია და  
აკოცა.

სუფრას მოუსხდნენ.

სუფრის თავში აბესალომ კიკნაველიძე დასვა გულასპირმა —  
ხემაღალის ხევისბერის მუღმივი ადგილი ეს გახლავთო. ხევისბე-  
რის გვერდით დიდი ეკატერინე დააბრძანა. მერე რევაზი და დუ-  
ღუხანა დასვა, გულასპირი და ალექსანდრე სუფრის ბოლოში  
დასხდნენ.

— კესარია და პატარა ეკატერინე პატარას მოგვემსახურებიან  
და მერე აგერ, ჩემს გვერდით დაბრძანდებიან.

გულასპირმა: სუფრას გახედა, სუფრა შნოიანად იყო გაწყო-  
ბილი, და გულასპირს თბილი, საოცრად თბილი სიხარული ჩა-  
ეწვეთა გულში.

— ყველაფერი პატარა ეკატერინეს ნახელავია, ჩემი კნენა  
ხელს უშლიდა მხოლოდ, — ვითომ იოხუნჯა გულასპირმა და პატა-  
რა ეკატერინეს ლოყები შეუწითლდა.

— ხაჭაპურები ეკამ დააცხო, ეს კეცის ჭაღებიც, წიწილებიც  
ეკამ შებრაწა კეცზე, ნადუღიცი მან შეკმაზა, კეჩერა ფხალიც,  
მწვანილიც მან დაარჩია, გულასპირის მოხუცი კნენა მაართალს  
მოგახსენებთ, ცოტას შეველოდა.

... დიდ ეკატერინეს კოხტად მორგებული კოსტიუმში რომ აცვია, პატარა ეკამ შეეკრა. დუდუხანას აბრეშუმის კაბაც პატარა ეკატერინეს ნახელავია. ძალიან ყოჩალი ქალია პატარა ეკატერინე, ამიტომაც უყვარს გულასპირს და მისთვის ქებას არასოდეს იშურებს.

დღეს კი უადგილოდ ეჩვენა გულასპირის ხოტბა პატარა ეკატერინეს.

დედის გვერდით მორცხვად დგას პატარა ეკატერინე, ლოყები შესწითლებია, დაბლა დაუხრია თავი და მომეტებულად უტოკავს შედარებული მკერდი.

დაილოცეს, თითო კიქა შესვეს და წაიხემსეს.

კესარია და პატარა ეკატერინეც შემოუხსდნენ სუფრას და სუფრა მაინც მოწყენილია. თავები დაბლა დაუხრიათ და უხალისოდ ილუკებიან.

გულასპირსაც კი შეჰკვრია კრიჭა და მუნჯივით ზის.

დიდი ეკატერინე ხანდახან გახედავს რევაზს. რევაზიც თავდახრილი ზის და ლუკმა არ ჩაუდვია პირში.

სიომ დაჰბერა, ოდნავ შეირხა ქერზე ჩამოკიდებული ლამპა და სუფრაზე მაღალყელიანი დოქების ჩრდილი ათამაშდა, თითქოს რაღაც ენიშნა გულასპირს და ზეზე წამოიჭრა.

— ჩემი ყანწი მისახსოვრე, კესარია!

კესარიას პატარა ეკატერინემ დაასწრო. ბუხრისთავზე აყუდებული ყანწი გამორეცხა და გულასპირს მიართვა.

— შემივსე! — უბრძანა გულასპირმა პატარა ეკატერინეს და პატარა ეკატერინემ ყანწი შეავსო.

— ჩემს სახლში მე ვარ თამადა, — ხმა დაიბოხა გულასპირმა, — ეს ყანწი სავალდებულო გამიხდია ყველასათვის, დიახ, ქალბატონებმაც ამ ყანწით უნდა შესვან... ეს სადღეგრძელო ჩვენი სადღეგრძელოა, ვინც ახლა ვცხოვრობთ ხემალაღში, იმათი დღეგრძელობა მისურვებია... ბევრნი, ძალიან ბევრნი ვიყავით და ცოტანიღა შევრჩით ხემალაღს! ცოტანი, ძალიან ცოტანი შევრჩით! ჩვენს ხევისბერს ვკითხოთ, — აბესალომ კიკნაველიძეს გაუხსწორა თვალი გულასპირმა, — ადრე ხემალაღში ექვსასამდე კომლი ცხოვრობდა. ასე იყო, აბესალომ, ხომ?

აბესალომმა წვერებზე ჩამოისვა ხელი, მიიხედ-მოიხედა, მერე რევაზს მიატყერდა და თითქოს მარტო რევაზის გასაგონად თქვა:

— ცოტა მეტიც.

— ავაშენა ღმერთმა, ცოტა მეტიც ხომ? — აიტაცა სიტყვა გუ-



ლასპირმა — ექვსას კომლზე მეტიც, არა? ახლა? კარგადაც ვიცით, რამდენიცა ვართ! ჰოდა, თქვენი თამადა ამ ცოტას ადღეგრძელებს. ამ ცოტამ არ ამოუშრიტა თვალი ხემადალს. აქა-იქ ხომ დგას ზემადალში სახლი? დგას! კერაზე ცეცხლი გვინთია. აბესალომ კიკნაველიძის წისქვილი ფქვავს და ვცხოვრობთ! ასეა, მეზობლებო. ხომ? ასეა და ყველა სახლისათვის, რომელიც ხემადალში დგას, თქვენს თამადას ბედნიერებას უსურვებია...

გულასპირმა ყანწი გამოსცალა, ნაკლულად დაასხა და დიდ ეკატერინეს მიაწოდა.

მერე სამიოდე ღვინის კიჭა შეაპარა სტუმრებს. გულასპირმა და სუფრა ოდნავ გახალისდა.

ალექსანდრემაც მოხსნა საუბარს პირი.

— მაგარი ღვინო კი ჩაგისხამს ჩემს ჭურში, გულასპირ!

— აუუ, ეს რა წამოცდა ალექსანდრესო, — აბუბუნდა ხევისბერი, — რასაც ამდამ შეგვასმევს გულასპირი, ხვალ იმ წყლით შეავსებს და მერე თქვენ დალიეთ ის ღვინო.

— ვითომ მამუშავებთ, არა! — ჩაიჭირქილა გულასპირმა, — წყალნარევ ღვინოს კიკნაველიძეებს უქებენ. ხევისბერო! ერთი გიდელი ყურძენი თუ მოიგდო კიკნაველიძემ, მოგეცა ლხენა, მთელი წელიწადი ღვინო არ გამოეღევა.

ღუღუხანა რევაზს გამოესაუბრა. კესარია ყურში ეჩურჩულება პატარა ეკატერინეს, მარტო დიდი ეკატერინე ზის ჩუმად, ხანდახან გახედავს რევაზს, ხან კი ალექსანდრესკენ გაექცევა თვალი და დიდი ეკატერინე გრძნობს — ვითომ ხალისიანობს ბერიკაცი, ვაჟიშვილი გვერდით უზის, ნამდვილად კი მოწყენილია და გულმოსული ალექსანდრე, აქეთ-იქით აცეცებს თვალებს, სიტყვაც არ გადაუგდია და ერთხელაც არ შეუხედავს შვილისთვის.

„ეტყობა, შინ მოათავეს საუბარი. მორცხვად, უხერხულად ზის რევაზი ალექსანდრეს გვერდით. არა, დიდი ხნის უნახავი შვილი, აგრე არ დაჯდება მამასთან. სადღეგრძელოებს უსიტყვოდ სვამს, ერთხელაც არ გადააწოდა სასმისი მამას... უცხოსავით ზის მამის გვერდით რევაზ ჩაფიჩაძე, ამას ნათლად გრძნობს დიდი ეკატერინე, გრძნობს, ხედავს და გული სტკივა, ებრალება ალექსანდრე ჩაფიჩაძე: ორი ღლით ჩამოუქროლა შვილმა. დახედავს და წავა“...

— აბა ერთი მაგრად შევეუტიოთ! — წამოიძახა გულასპირმა და სიმღერა წამოიწყო.

ჩემო მწველო, ჩემო მკვლელო,  
ჩემო ახლო მეზობელო...

გულასპირმა ხელით ანიშნა პატარა ეკატერინეს ჩამოშორებული და პატარა ეკატერინემ ჩამოართვა.

შენ რომ ცეცხლი მომიკიდე,  
მითხარ, როგორ გავანელო...

— შევეუტიოთ, მაგრად შევეუტიოთ, ბებრებო, თქვენც ამოიღეთ ხმა! — ბუხუნებს მასპინძელი და ცდილობს ეშხში შეიყვანოს ლხინი.

ქალო, შენი თეთრი კაბა  
წყალს მიჰქონდა, მდინარესა,  
ნეტავი. გამაგებინა,  
ვინ გაკოცა მდინარესა. —

გულასპირმა არაფერი ანიშნა პატარა ეკატერინეს. პატარა ეკატერინემ დაიმორცხვა, არ ჩამოართვა გულასპირს სიმღერა, სიმღერა შეწყდა და სუფრამ მოიწყინა.

— ძალიან მაღალი იყო, — ვითომ უხერხულობის გამოსასწორებლად თქვა ალექსანდრემ.

— კი, ძალიან მაღალი იყო, — დაამოწმა აბესალომმა.

„მაღალიო? გულასპირი განგებ მღერის აგრე ხმამაღლა. ჰო, განგებ მღერის! ამდენმა სიჩუმემ და ღუმელმა გაათავა კაცი. ბარე ათი წელაწადია, ხმამაღლა არ უმღერია და ხმამაღლა არ გაუცივინია გულასპირ ჩაფიჩაძის სახლს... ჰოდა, ახლა მოესურვილა მაღალი სიმღერა გულასპირ ჩაფიჩაძეს, მოესურვილა და ამღერდა, გულმა ამოიმღერა ასე ხმამაღლა! თქვენ კი ეუბნებით მაღალი იყოო. იყოს მაღალი, გაიგონოს მტერ-მოყვარემ და მთა-ბარმა, რომ ისევე დგას გულასპირ ჩაფიჩაძის სახლი ხემაღალში, კერაზე ცეცხლი უნთია, თბილია მისი კერა, ისფერი კვამლი მიიქრება ცისკენ, ეს ახარებს გულასპირს და ხმამაღლა მღერის.

მაღალი იყოო? — განა დღემუდამ ჩუმად არ სხედან ამ აივანზე ეს ბერიკაცები? სხედან და ბაიბური არ ისმის, ჭიშკართან არავინ ჩამოივლის და ძალი არ დაიყვებეს. ბნელში გაუჩინარდებიან ხემაღლის მთები, სხედან ბერიკაცები და სიბნელეს გასცქერიან, ზხედან და ყურს უგდებენ სიჩუმეს... კესარია მოუბოდიშებს ბერიკაცებს და დოქით ღვიზოს დაუდგამს, ცოტა ყველს, ჰადსა და პრასის წნილს შემოაწყობს სუფრაზე, მერე ოთახში შეფარფატდება და ტახტზე წამოწვება დაღლილი დედაკაცა.

კრიკინობს კრიკინობელა, აივანზე ჩუმად სხედან ბერიკაცები და ყურს უგდებენ კრიკინობელას კრიკინს.

— პირველი ჭიქით კესარია ვადღეგრძელოთ, — იტყვის ალექსანდრე ჩაფიჩაძე და ბერიკაცების სუფრა ჩუმად, ხმადაბლა ადღეგრძელებს ოჯახის დიასახლისს. დაღლილ-დაქანცული დიასახლი-

სი ტახტზე წევს, ჩათვლემილია და შიშობენ, არ გამოაფხიზლონ. მერე ხანგრძლივი სიჩუმე მოიცავს გულასპირ ჩაფიჩაძის სახლს.

ჩუმად წიწკნიან ბერიკაცები პრასის წნილს, ოდნავ ბუტუტავს ჩაწეული ლამპა და ბერიკაცები სიბნელეს უშტერებენ თვალს.

გულასპირი შეავსებს ჭიქებს.

— ახლა ჩვენი ხევისბერი ვაღლეგრძელოთ, — ფუჩუნით წარმოთქვამს გულასპირი და აბესალომ კიკნაველიძეს ავღლეგრძელებს, ოღონდ ჭიქას არც ალექსანდრეს და არც აბესალომს არ მიუჯახუნებს, ებრალება მძინარე კესარია. ცოდვაა დედაკაცი, მთელი დღე დაფუსფუსებს, დაქანცულია, იწვეს და იძინოს.

— ჩვენი ალექსანდრე ვაღლეგრძელოთ, — ჩაუფუჩუნებს ყურში გულასპირი ხევისბერს, ჭიქებს შეავსებს და დოქი ემჩატება, ღვინო გამოლეულა დოქში. უნმაუროდ ადგება გულასპირი, ცერებზე გაივლის აივანს, კიბესაც ცერებზე ჩაათავებს და სამზადში შეიპარება.

ალექსანდრე და აბესალომი მუნჯივით სხედან აივანზე და გულასპირის მობრუნებას ელოდებიან, ნელა წიწკნიან პრასის წნილს და ყურს უგდებენ სიჩუმეს.

ტახტზე დადლილ-დაქანცული დიასახლისი წევს. ოთახის კარი ღიად დაუტოვებია კესარიას, აბესალომი გულასპირივით ცერებზე გაივლის და ოთახის კარს მიხურავს, დააყურადებს — მშვიდად სძინავს ქალბატონ კესარიას. ახლა ნამდვილად ძილის დროა, მაგრამ ბერიკაცები ფხიზლობენ. ჰოო, არ ეძინებათ ამ ბერიკაცებს და რა ქნან? დაწვებიან, კედლისკენ გადაბრუნდებიან, თვალებს დახუჭავენ და მაინც არ ეძინებათ. შორს, ძალიან შორს წასულა ამათი არჩივი ძილი. შორს წასულა და მობრუნებდას აღარ აპირებს, ამიტომაც სხედან გულასპირ ჩაფიჩაძის სახლის აივანზე ასე ჩუმად, ელოდებიან შორს წასული ძილის მობრუნებას და სიბნელისთვის გაუშტერებიან თვალს.

სავსე დოქს შემოდგამს სუფრაზე გულასპირი, ცოტა წნილსაც წაუმატებს, მერე შეავსებს პატარა ჭიქებს და ახალ საღლეგრძელოს მოიგონებს მასპინძელი.

როგორ გააცოცხლებს ახლა ერთი პატარა სიმღერა სუფრას დაბალი, სულ დაბალი კრინით რომ იმღერონ ერთი პატარა სიმღერა, დაშვენდებოდა, ძალიან დაშვენდებოდა ბერიკაცების სუფრას.

სუფრაზე პრასის წნილი, ცოტა-ცოტა ყველი და ჰადი აწყვია, ღვინით სავსე დოქი დგას სუფრის შუაში, ოდნავ ანათებს ჩაწეული ლამპა, სამი ბერიკაცი შემოსხდომია სუფრას და ლამპის მკრთალ შუქზე ლანდებივით ჩანს მათი გაცრეცილი სახეები...

იხტიბარს არ იტყვენ, შეხედეთ — ილხენენ ბერიკაცები, ილხენენ და სიმღერა მოესურვილათ, მიუხედება გულასპირი და ხევისბერს მხარზე დაადებს ხელს.

‘ბერი კაცი ვარ, ნუ მომკლავ...’

ჩუმად, სულ ჩუმად დაილინებს გულასპირი —

ყველა დაგიწყებს გმობასაა...

ჩამოართმევს აბესალომი, მერე ორივეს ალექსანდრე შეენაცვლებს. გაბზარული ხმა აქვს ალექსანდრეს და ოდნავ აამაღლებს სიმღერას, მაგრამ გულასპირი ანიშნებს და ალექსანდრე ჩაჩუმდება.

— კესარია დაგაეიწყდა, ბერიკაცო? ცოდვია ქალი! ჩვენ გამოპენტერებულები ვართ და არ გვეძინება. კესარიას სძინავს, ჩვენ ვლიღინებთ და ძილს ვუფრთხობთ...

ლიღინებენ კი არა, რალაცას ჩიფჩიფებენ, ისე ჩიფჩიფებენ, რომ ოთახში ტახტზე წამოწოლილი კესარიასაც არ ესმის მათი ჩიფჩიფი, ამათ კი ჰგონიათ, მღერიან და ქვეყანას აყრუებენ.

ნეტაე მართლა იმღერებდნენ, გული გაუხალისდებოდა კესარიას. ტახტზე პირალმა წევს კესარია, სიბნელეში მისჩერებია ჰერს და ვერაფერს ხედავს. შრიკინობელას კრიკინი ესმის, ამათი სიმღერა კი არა... ჰოდა, რა სიმღერაა ის სიმღერა, რომელიც არავის ესმის? აივანზე მღერიან და ოთახში ვერ შეუღწევიან მათ სიმღერას.

სადღეგრძელო შემოელევით ბერიკაცებს. ყველა დღეგრძელებულია — კესარია, გულასპირი, ალექსანდრე, აბესალომი, ალექსანდრესა და აბესალომის შვილები და შვილიშვილები, დიდი ეკატერინე და პატარა ეკა — მორჩა და გათავდა, დამთავრებულია ბერიკაცების ლხინი.

დუღუხანა დაუძახებს მამამთილს, აბესალომი მიხვდება — წასვლის დროა, მაგრამ ცოტახანს მაინც შეყოვნდება ზრდილობისათვის, მერე ყაბალანს მოიგდებს მხრებზე, ადგება, მადლობას მოახსენებს მასპინძელს და ცერებზე ჩაათავებს კიბეს. ალექსანდრეს კი არავინ უხმობს, არავინ ელოდება შინ, მაგრამ ვითომ მასაც რძალმა დაუძახა, აბესალომთან ერთად ისიც ადგება, მადლობას მოახსენებს მასპინძელს, ოღონდ ცერებზე არ გაივლის, ცერებზე სიარული არ უყვარს ალექსანდრეს, მაგრამ კიბეზე უხმოდ ჩავა და კესარიას არ გამოადვიებებს. აბესალომი და ალექსანდრე უხმოდ გამოადებენ ჭიშკარს; ერთმანეთს რალაცას ჩაუფუჩუნებენ და ცალ-ცალკე წაველენ.

აბესალომ კიკნაველიძის სახლში ლამპა ანთია, სძინავთ აბესალომის შვილიშვილებს, დუდუხანა კი მამამთილს ელოდება. მიბაჩუნდება აბესალომი შინ, თბილ წყალს დაახვედრებს დუდუხანა, ფეხებს დაიბანს აბესალომი, ლოგინი გაშლილია, ტანთ გაიხდის და დაწვება. ლამპას ჩააქრობს დუდუხანა. სიბნელეში წევს აბესალომი, თვალი ჭერისთვის შეუშტერებია და ხემაღალის მთების გადაღმა გადაკარგულ ძილს უხმობს.

ბნელში მიაბიჯებს სახლისკენ ალექსანდრე ჩაფიჩაძე, ბილიკი ზეპირად იცის მან და ერთსაც არ წაიფორხილებს. მიადგება თავის ჩაბნელებულ სახლს და ჩაახველებს — მოვედიო, ამცნობს სახლს. ალაგზე გადააბიჯებს, ეზოში ჩადგამს ფეხს და კიდევ ჩაახველებს — უკვე მოვედიო, ეუბნება სახლს. აბა, რა ქნას? ხომ უნდა დაელაპარაკოს ვინმეს და ალექსანდრე თავის სახლს ელაპარაკება სიბნელეში. სამზადში მოთავებული აქვს საქმე, პირდაპირ ოდაში ავა, კიდევ ჩაახველებს, — აბა, უკვე მოვედიო, ჩემო სახლო... კარს გააღებს, ზალაში შევა, ასანთს გაპკრავს და ბუხრისთვაზე დადგმულ ლამპას აანთებს, განათდება სახლი, ფანჯრებიდან აივანზე გამოიჭრება სინათლის შუქი და აივანიც განათდება. ლოგინს გაიშლის ალექსანდრე, პირჯვარს გადაისახავს და დაწვება. ლამპას ანთებულს ტოვებს, სინათლეში ძილი უყვარს ალექსანდრეს, ან ეგებ ღმერთმა ქნას, ვინმეს ფეხი შემოცდეს და სტუმარს ესიამოვნება განათებული სახლი.

როცა სინათლე ანთია, თავის გარდა კიდევ ვიღაც ეგულება სახლში ალექსანდრეს, ნამდვილად ასეა, ჰო, ასეა — ალექსანდრე და სინათლე ერთად წვანან ალექსანდრე ჩაფიჩაძის სახლში, ამ სინათლეს თვალს უშტერებს ბერიკაცი და ხემაღალის მთების გადაღმა გადაკარგულ ძილს უხმობს...

... პრასის წნილს, ჭადსა და ყველის ნატეხებს ერთ თეფშზე დააქუჩრებს გულასპირი, მერე დოქს წაატანს ხელს და დოქი ემძიმება — ტყუილუბრალოდ ამოუტანია მეორე დოქი ღვინო, სულ ერთი დოქი ღვინო დაუღევია სამივეს: დოქი ჰქვია, თორემ ბოთლნახევარი ძლივს ჩავა, — გამოთვრენ კია. აბა, რაეა ეგონათ მავათ, მავარია გულასპირ ჩაფიჩაძის ღვინო.

თეფშსა და დოქს სამზადში წაიღებს გულასპირი, განჯინაში შედებს, მერე უკანა კარიდან შემოიპარება ოდაში, ფრთხილად გაიხდის ტანსაცმელს და კუთხეში მიდგმულ ტახტზე დაწვება. კესარიას სძინავს, გულასპირს სიბნელისთვის მიუშტერებია თვალი და ხემაღალის მთების გადაღმა გადაკარგულ ძილს უხმობს.

მარტო კესარია და პატარა ეკატერინე ეჩურჩულებიან ერთმანეთს და არავის ესმის მათი ჩურჩული. რევანში მორცხვად ზის მამის გვერდით და თავი ჩაუქინდრავს. ალექსანდრე განზე იყურება მოკუტუღი თვალებით; პო, ჩამქრალი ყალიონი გაუჩრია პირში, თვალები მოუჭუტავს და ეზოში იყურება, ლამპის შუქს სიბნელე გადაურეკია გულასპირის ეზოდან, ალექსანდრეს უხარია ეს, მაგრამ არ იმჩნევს.

ხევისბერიც დამუნჯებულა, ხანდახან გახედავს დედუხანას და უხარია, მისი რძალიც რომ აქ არის, თანაც შიშობს — ვაი თუ შვილიშვილებმა გამოიღვიძეს და შეშინდნენო.

დიდი ეკატერინეს დუმილმა სულ გააოცა გულასპირი, ერთი სიტყვაც არ დასცდენია, არასოდეს, ყოფილა ასე კრიჭაშეკრული დიდი ეკატერინე და ისევ იფეთქა მასპინძელმა:

— არ მოგეწონათ ჩემი სიმღერა, ხომ? მალალი იყო, არა? აბა, ახლა თქვენ ჰქექთ.

და ყველასათვის მოულოდნელად დიდმა ეკატერინემ გიტარა მოითხოვა. სიმები გაუსინჯა. ააწყო, მერე სუფრას გახედა და თითქოს მოწაფეებს მიმართაო, დამრიგებლურად თქვა:

— რეზო მეორეს მეტყვის. ყველა ვიმღერებთ.

... პატარა ეკას უმღეროდა ძილისპირულს დიდი ეკატერინე ოცი წლის წინათ... აკვანს ურწევდა და უმღეროდა ძილისპირულს, პატარა ეკაც არ დაიძინებდა უსიმღეროდ. სიმღერაში მიეპარებოდა პატარა ეკას ძილი, თვალს დაუხუჭავდა და დააძინებდა. მძინარე ეკას კიდევ დიდხანს ჩაესმოდა თბილი და ალერსიანი ძილისმომგვრელი ძილისპირული. მერე? მერე პატარა ეკა წამოიჩინა, დიდი ეკატერინე პატარა ეკას ამღერებდა, თითონ კი უსმენდა, არასოდეს არ აპყლია სიმღერაში, ერთხელაც არ უმღერია პატარა ეკასთან ერთად დიდ ეკატერინეს, თითქოს სასიმღერო ხმა ჩაუწყდაო.

და ახლა გიტარა რომ მოითხოვა დედამ, პატარა ეკატერინე შეტოკდა, ჯერ სიწითლე შემოენთო სახეზე, მერე უცებ ფერი დაჰკარგა, აცახცახდა, თვალში ნაპერწკლები აუთამაშდა და დედას დიდი ხნის უნახავივით გახედა.

ჩიტი-გერიტი მოფრინავდა,

ოვ-ნა-ნი-ნაა,

მე შრომანი მეგომაო,

ოვ-ნა-ნი-ნაა...

ძილისპირულსაც ასე იწყებდა დიდი ეკატერინე, ასე ხმადაბლს, ასე თბილად და ალერსიანად. ისევ ჩაესმა პატარა ეკატერინეს ეს ხმა და დაპატარავდა: აკვანში წევს ეკა, მსუბუქადაა ჩაქრული აკვანში, აკვანთან დედა ზის, არწევს აკვანს და ხმადაბლა

მღერის ძილისპირულს. თანდათან ღამდება, ყველაფერი ჭალურ-სულია და სიმღერას უსმენს. რული ფეხაკრეფით ეპარება ეკას, წამწამებზე წაეპოტინა, დაუხუჭა წამწამები, მერე გულში ჩაუძვრა და დაძინა.

ღეღა ისევ ნელ-ნელა არწევს აკვანს, ხმადაბლა მღერის ძილისპირულს და აკვანში ტკბილად სძინავს პატარა ეკატერინეს.

ჩიტი-გვრიტი, მარგალიტი,  
ოვ-ნა-ნი-ნა...

მხარი აუბა დიდ ეკატერინეს რევაზმა და სიმღერამ ფრთები მოისხა, აიწია, გაიშალა და დაბოხდა. მერე დუღუხანას ხმა შეერთო სიმღერას და თავდაპირველი სინაზე დაუბრუნდა. გულასპირმა ხელი შემართა და ბერიკაცებს რაღაც ანიშნა, ბერიკაცებმა ჩახველებით ჩაიწმინდეს ყელი და ბუბუნა ბანით ჭერში ააგდეს სიმღერა, მერე გულასპირ ჩაფიჩაძეს ეზოს გადააფინეს, მინდვრებისკენ გაუჟაფეს გზა, სიმღერა ეკვეთა ხემაღალის ღამეს და შორს გადარეკა.

გამხიარულდა სუფრა. ალექსანდრეც და ხევისბერიც მღერიან, კესარიამაც შეაპარა თავისი წვრილი ხმა სიმღერას, მარტო პატარა ეკატერინე ზის თვალდახუჭული, თავისთვის მღერის გულში და სიმღერას უსმენს.

პატარა ეკატერინეს თავდაპირველად არ ესიაშოვნა რევაზის გაბზარული ხმა. მერე კი ბზარი მოიშორა იმ ხმამ, დაიწმინდა, გაშალაშინდა, სიტკბო შეიმატა და დიდი ეკატერინეს ხმას დაეწყვილა და შეეწყო.

ჰო, ყველანი მღერიან, მარტო პატარა ეკატერინეა გალურსული, სხვათა სიმღერას უგდებს ყურს. ამ სიმღერაში კი ორი ხმა გამორჩეულად ჩაესმის პატარა ეკატერინეს — დედისა და რევაზის ხმები. დედის ხმა აკვანში მწოლარეს ძილისპირულს უმღეროდა, ხოლო რევაზის ხმა დღეს პირველად მოისმინა.

სიმღერა ხომ აეწყო და აეწყო და გულასპირ ჩაფიჩაძეს ახლა ცეკვა მოესურვილა. სიმღერას ნელ-ნელა შეაპარა საცეკვაო, ბერიკაცებმა ტაში აუწყვეს, მერე ხმასაც აუმაღლეს, ხან რევაზს შეეღმიღლებიან, ხან პატარა ეკატერინეს, მაგრამ ორივეს თავები ჩაუქინდრავთ და იატაკს დასჩერებიან. პატარა ეკატერინეს აღერებული მკერდი უტოკავს და სახეზე ფერი წარამარა ეცვლება.

არა, ესენი არ აპირებენ ცეკვას და ისევ გულასპირმა უნდა. აიშუსბუქოს ბებერი სხეული, ჩამოუაროს, აიყოლიოს პატარა ეკატერინე და რევაზი, მერე ესენი აღარ დაიმორცხვებენ და ამ ბებერი სახლის აივანზე ქარბორბალას დაატრიალებენ.

მაშ გულასპირმა ჩამოუაროს? კეთილი და პატიოსანი! ალექ-

სანდრე ჩაფიჩაძისა და მელიკის ქორწილში გულასპირი იყო ცეკვის მოთავე.

... პატარძალი დიდ ზალაში რომ შემოიყვანეს, გუნდმა საცეკვაო წამოიწყო და გულასპირი აცეკვდა... იისფერი ჩოხა ეცვა, თეთრი, მოსირმული ახალუხი, თეთრი უძიროები. გულასპირმა ქორივით შემოხაზა წრე, ხელები გაშალა და მისი თეთრი უძიროები იატაკს არც კი ეხებოდნენ, ჰაერში ცეკვავდნენ გულასპირის თეთრი უძიროები. პატარძალი მორცხვობდა და უკან იხევდა, მაშინ უფროდაუფრო გაახურეს ტაში, ვილაცამ წასათამამებლად ხელიც კი უბიძგა პატარძალს და მელიკიც გაიშალა წელში. გულასპირმა ცეცხლი მოიკიდა უძიროებზე და ჰაერში აფრინდა. მელიკიმ მხოლოდ ორხელ შემოუარა წრეს და დაიქანცა, დამორცხვდა და მოიყუჟა, ასეთი გაგიჟებული მოცეკვავე მელიკის პირველად შეხვდა და ვერ გაუძლო — მუხლები მოეკვეთა, გული შეეკუმშა. თვალეში სინათლე წაერთო... გულასპირი კი უფროდაუფრო ხელდება, უფრო თამამად და უფრო სწრაფად უვლის წრეს, კისერი ამყად აუღერებია, უღვაშებში იღიმება და ქალიშვილებს საცეკვაოდ იწვევს...

მაშ, გულასპირმა ჩამოუაროს? ბატონი ბრძანდებოდეთ! როგორმე აიშსუბუქებს გულასპირი ბებერ სხეულს, აიშსუბუქებს, აცეკვდება და მერე გაუძელით! თქვენ იმღერეთ და ტაში დაუკარით! ჰოო, გულასპირ ჩაფიჩაძე იცეკვებს, ისე იცეკვებს, ისე აბაჯბაჯ-დაბაჯბაჯდება, რომ ამ ძველი სახლის აივანმა კრიალიც კი მორთოს...

...მაგიდას დაეყრდნო, წამოიწია, წელში გაიმართა, ის იყო, ხელები უნდა გაეშალა და აცეკვებულყო, მაგრამ, გულმა უარი უთხრა.

„რას იქაღნები, ბერიკაცო? ხომ ხედავ; არ შეგიძლია!“

ვერა, ვერ იცეკვებს გულასპირი. ყველაფერმა ერთად შემოუტია — წუხილმა და სიხარულმა, სიბერემ და ღვინომ. დიდხანია ყანწი არ გამოუტლია გულასპირს, ესოდენი სიხარული არ უგრძნია, ასე არ აღელვებულა და დღეს ყველაფერი ერთად დაეჯახა. დღავს, ცახცახებს და ვერ იცეკვებს; ცეკვა კი აუცილებელია, აბა, რა ღზინია უცეკვო ღზინი? გესმით, როგორ უკრავენ ტაშს ბერიკაცები? ცეკვით კი არავინ ცეკვავს... მამის გვერდით მორცხვად ზის რევანი, თავი ჩაუქინდრავს და იატაკს დასჩერებია; თითქოს რაღაც დაჰკარგვია და იმას ეძებსო. პატარა ეკატერინესაც თავი ჩაუქინდრავს, აღერებული მკერდი უტოკავს, ლოყები შესწითლებია, მოყუჟულა და დაპატარავებულია.



მაშ გულასპირმა ჩამოუაროს? რომ არ შეუძლია? ან უხერხულად და სასაცილო არ იქნება — პატარა ეკატერინე სუფრას უჯდეს და გულასპირმა ჩამოუაროს? ბერიკაცები ტაშს დაუუკრავთ, ხელისგულეები გვექავება და მაგარ ტაშსაც დაუუკრავთ, ოღონდ მუხლები გვიცახცახებებს და ვერ ვიცეკვებთ! ახალგაზრდებმა უნდა იცეკვონ, ტაშს ბერიკაცები დაუკრავენ...

გულასპირი ისევ ფენზე დგას და სუფრას დასცქერის. პატარა ეკატერინეს მხარს ცახცახით შეახო ხელი გულასპირმა. პატარა ეკატერინე, შეკრთა, თავი ასწია და გულასპირს თვალში შეაცქერდა. პატარა ეკატერინეს ალერსით გადაუსვა თავზე ხელი გულასპირმა და ოთახისკენ გაახედა კედლიდან გულასპირის ვაჟიშვილი აღმასხანი ცოცხალივით იმზირება, ოდნავ იღიმება უღვაშებში, შუბლზე ერთი პატარა ნაოჭი აქდევია აღმასხანს და ის ნაოჭიც იღიმება. სადაცაა ეს სურათი კედლიდან გადმოვა, აცეკვდება და საცეკვაოდ პატარა ეკატერინეს გაიწვევს.

გულასპირს თვალი აუცრემლდა. გატყდა ბერიკაცი. პატარა ეკატერინე ზეზე წამოიჭრა, ხელები გაშალა და სუფრას ჩამოუარა.

ბერიკაცებმა ტაში გაახურეს. გულასპირმა ხმამალა შეუძახა სიმღერას და ბებერი სახლის აივანზე პატარა ეკატერინე მსუბუქოდ აცეკვდა.

გულასპირმა ანიშნა — რევაზი გაიწვიე საცეკვაოდო და პატარა ეკატერინე რევაზის წინ შეჩერდა და თავი დახარა, რევაზი წამოდგა, ხელები გაშალა, ის იყო, წრეში უნდა შეჭყოლოდა პატარა ეკატერინეს, მაგრამ სად იყო და სად არა, იატაკიდან აღმასხანი ამოიჭრა და ცერებზე შემდგარი პატარა ეკატერინესა და რევაზის შუა ჩადგა, შეთამაშდა, ცერები გაუსვ-გამოუსვა, მერე მარცხენა ხელი მკერდზე მიიღო, მარჯვენა ზევით აღმართა და პატარა ეკატერინეს წრეში შეჭყეა.

აღმასხანს იისფერი ჩოხა აცვია. თეთრი მოსირმული ახალუხი. მეშის თეთრი უძიროები. სუფრას სამჯერ შემოუარეს და პატარა ეკატერინე უკვე დაიქანცა, ნაღვლიანად შეაჩერდა აღმასხანს, თითქოს მრუბოდიშაო, ხელები ძირს დაუშვა და სკამზე მოწყვეტილივით დაესვენა... აღმასხანი კი არ იღლება, იატაკს ქუსლებს არ აკარებს და ცერებით თავბრუდამხვევად ცეკვავს და სხვას არა, მარტო პატარა ეკატერინეს ეღიმილება. მარცხენა ხელი მკერდზე მიუდვია, მარჯვენა ზევით აღუმართავს და გამომწვევად ცეკვავს, თითქოს ვიდაცას ეჯიბრება და ახელებს, არა, სხვას არა, მარტო რევაზს ეჯიბრება, რევაზის წინ შედგა და ჩაუცერულა, ზევიდან გამარჯვებულივით დახედა, ნიშნისმოგებით;

დამცინავად გაულიმა, მაგრამ აღმასხანის ღიმილი ნაღვლიანია და სევდანარევი, ეს კარგად დაინახა გულასპირმა და გულასპირის თვალიდან ისევ გამოჟონა ცრემლმა.

მერე აღმასხანი თანდათან დადაბლდა და დაპატარავდა, ნელ-ნელა გაეცალა სუფრას, ლანდივით შეიჭრა თავის ოთახში, კედელზე აბობლდა და ისევ შეეჩარჩოიან სურათად იქცა.

... პატარა ეკატერინემ და რევაზმა ცეკვა დაამთავრეს და ტაშიც შეწყდა.

გულასპირი სკამზე დაეშვა, მალულად გააპარა თვალი ოთახისაკენ და ახლა აღმასხანის შეეჩარჩოიანმა სურათმა თითქოს გულმოსულად გამოხედა.

გულასპირმა ხელისგულით შეიმშრალა ცრემლი და ახალი სასმისი შეავსო.

რევაზმა აივანზე მოისურვა დაწოლა.

ოთახიდან ხის ტახტი გამოიტანა, ლეიბად ჭილობი დაიფინა, სასთუმლად მუთაქა მოირგო და როცა მამამ მატყლის თხელი საბანო წაახურა, შვილი უკვე მსუბუქად ხვრინავდა. მძინარე შვილს ალექსანდრე ცერებზე შემდგარი გაეცალა, უხმაუროდ შევიდა ოთახში, სულის შებერვით ჩააქრო ლამპა, პირჯვარი გადაისახა და დაწვა.

ოთახის კარი ღიაა და ალექსანდრეს ესმის შვილის ძლიერი სუნთქვა.

„რევაზი დადლილია. მთელი დღე ხემადლის ბილიკებზე იხეჩიალა, სასაფლაოზედაც იყო, დედის სამარე მოინახულა და უთუოდ იტირა, ხოლო სევდა და ტირილი საოცრად ჰქანცავს ადამიანს, ძალას გამოუღევს სახსარში და გულს დაუმძიმებს“.

რევაზი აივანზე წევს, ოთახის კარი ღიაა და ალექსანდრეს შვილის ძლიერი სუნთქვა ესმის.

„ხემალის ზაფხულის დამეც გრილია და ბიჭს ეგება შესცივდეს“.

ლამპა არ აუნთია, სიბნელეში იპოვა მეორე საბანი და აივანზე გამოვიდა.

თითქოს ღამე მიწურულა და სადაცაა გათენდება ნამდვილად კი შუალამეა გაცრეცილი თეთრი ნისლი შებურვილა ალექსანდრე ჩაფიჩაძის კარმიდამო და ყოველივე ისე ხილულია, როგორც დღისით, ოღონდ ეს ხეები, ღობე, ჭიშკარი, სამზადი სახლი და დიდი ოდაც თითქოს ამსუბუქებულან, ოდნავ მოძრაობენ და ერთმანეთს ეჩურჩულებიან.

იელისის ერთ კვირა დილით ლოგინიდან ფეთიანივით წამოიჭრა გულასპირი და მეუღლეს უსაყვედურა: — ჩამძინებია ეს ოხერი და რატომ არ გამაღვიძე, ხომ იცი, ღღეს ქალაქში მივდივარო.

აივანზე გავიდა და სვეტზე ჩამოკიდებული უნაგირი ჩამოხსნა. კესარიაც ადგა.

„წუხელ არაფერი უთქვამს ქალაქში წასვლაზე, ღღე რა ალია წამოუფრინდაო“, — გაიფიქრა კესარიამ.

— რომ არაფერი გითქვამს! — საყვედურივით თქვა კესარიამ.

— არაფერი მითქვამს? აკი დილით ვთქვი! დაგავიწყდა? საუღლედ ხმელი თელა შემიპირა ერთმე კაცმა-მეთქი! არ მითქვამს?

— თელა?

— ჰო საუღლე თელა. რატომ გიკვირს?

კესარიას არაფერიც არ გაჰკვირვებია, მაგრამ გულასპირმა იგრძნო, რაღაც იქედნურად გამოხედა მეუღლემ და შეუტია.

— არაფერია გასაკვირალი! ეგერ, წისქვილთან მიგდია თელის ნაპობი, ამოვიღლიავებ და ჩაფურბენიებ. მუქთად ხომ არ დაირჩენს!

კესარია სამზადში წავიდა.

გულასპირი ეზოში ჩაიჭრა, მესერზე მიბმული ცხენი ხელდახელ დააუნაგირა, მერე ხელპირი დაიბანა, დარაიას ახალი ხალათი და მუქმწვანე გალიფე შარვალი ჩაიცვა, ჩექმებიც საგულდაგულოდ გააპრიალა. ვერცხლის ქამარი შემოირტყა, წვერი კოხტად დაივარცხნა და სამზადში მოფუსფუსე კესარიას თავზე წაადგა.

ასე საზეიმოდ „აღკაზმული“ ბაზარში არასოდეს წასულა გულასპირი და კესარიამ გაოცებით შეხედა.

— რავე ყველაფერი გიკვირს ღღეს! — გაცეცხლდა გულასპირი.

ზეზეურად წაიხემსა, ჰქიქა ღვინო დააყოლა და გამოწვდილი ხურჩინი ხელში შეატოვა კესარიას.

— შეიძლება ქალაქში არც შევიდე, ქალაქიდან კაი მოშორებით ცხოვრობს ჩემი მუშტარი, — ეშმაკური ღიმილით თქვა, ცხენზე შეჭდა და ეზოდან თოხნარივით გავიდა.

სატეველასკენ წავიდა. ალექსანდრე ჩაფიჩაძის ეზოს შორიდან მოუარა, არსად შემეფეთოს ალექსანდრე და ქალაქში რამე არ დამაბაროსო. როცა სატეველაზე ჩავიდა, ცხენი ტყეში შეიყვანა, გარშემო ქურდულად მიმოიხედა და თავი სამშვიდობო-

ზე რომ დაიგულა, ცხენი შემოატრიალა, შეჰქუსლა და ითხვი-  
სისკენ მიმავალ ბილიკზე ჩორთით წაიყვანა.

ჰო, ითხვისში მიღის გულასპირ ჩაფიჩაძე.

„ის საუღლე ხმელი თელა ეგერ, წისკვილთან გდია და მომავალ კვირამდე კიდევ უფრო გამოსრება. უფრო შემსუბუქდება და წაღებაც გამიადვილებს. ეგდოს ერთი კვირა იქ, მე შენ გეტყვი და ვინმე გამოივლის და წაიღებს!.. ახლა მე ითხვისში მივდივარ, მეზობლებთან, სახლიკაცებთან“.

ითხვისში წასვლის სურვილი კარგა ხანია აეკვიატა გულასპირს: რატომღაც არავის გაუმხილა, კესარიასაც, არ გაუმხილა, შეიშიშა, ვაი თუ არ მომიწონოს და დამიშალოსო, — ხოლო წუხელ ისე მოესურვილა ითხვისში წასვლა, გათენებამდე სული კბილით ექირა.

ჯერ ბილიკ-ბილიკ ატარა ცხენი გულასპირმა, ხემაღალს რომ გასცდა, გული დაიარხენა და თემშარაზე თამამად გავიდა.

„ჩავეკითხავ მაგ რჯულძაღლებს! ღირსი არიან კი? ჰო, გეკეთხებით, მე ხემაღალიდან გაქცეულებს, ხართ ღირსი მონახულებისა?“

ერთბაშად აიყარენით...

ათასი წელი გვიცხოვრია ერთად და ასე მალე წაიშალა მირონა?

ყველაფერი მორჩა და გათავდა?

ითხვისში დასახლდით და განიდიდენით?

ეგების სახურავი ჩამოერღვა გულასპირ ჩაფიჩაძის სახლს და არ შეეშველეთ?

ეგების საძირკველი მოერყა და არ გაუმაგრეთ.

ეგების მიიცვალა გულასპირ ჩაფიჩაძე და არ დაიტირეთ? განიდიდენით?

„რამეთუ რომელმან აღიმადლოს თავი თვისი, დამდაბლდეს, და რომელმან დაიმდაბლოს თავი თვისი, აღმადლდეს“...

„არა, ღირსნი არა ხართ ნახვისა, მაგრამ გულასპირს მოსიყვარულე გული აქვს, გულასპირი მოდის თქვენთან, კარი გაუღეთ, შემოეგებენით!“

მზე შეშალლდა, მაგრამ გულასპირს არ ცხელა, თხზარკით მიჰყავს ცხენი.

„კაი გზა! კი ჰქონიათ ითხვისელებს“.

„ექნებათ, აბა რა! კლდე აქ არ არის და მთა დავაკებულობი. ღვარი არ წარეცხავს. ერთხელ გაიყვან ასეთ ადგილზე გზას და იქნება ასე, ტახტრევანივით“...

ამ ტახტრევანივით გზაზე საბარგო მანქანამ ჩამოუქროლა გუ-

ლასპირს და მტვერი ნისლივით დააყენა. გულასპირმა ცხენი შეაყენა, ზედიზედ გადააფურთხა და გამომცემელი უღლეგრძელა საბარგო მანქანის მძღოლს.

„ვერ დამინახა, ვითომ? რავე არ დამინახა! ჰოდა, რაკი დამინახე, შე. კაცო, ცოტა შეანელე სვლა. ადამიანი არა ხარ, მე შენ გეტყვი და რაიკომის ბიუროზე მიგეჩქარება! ვილაცის კერძო ტვირთს მიაქროლებ ხერგას ბაზარში“.

მტვერი დაჯდა და გზა ისევ ტანტრევანივით გამოჩნდა.

„მერე მარტო ითხვისელებმა გაიყვანეს ეს გზა?“

არა, შვილოსა! გულასპირ ჩაფიჩაძემ ყველაფერი იცის. განა. მარტო ითხვისელებმა გაიყვანეს ეს ტანტრევანივით გზა! ჩემი მტერი არაა მეტი! მთელი რაიონი ამოუყენეს ითხვისელებს მხარში... ჰო, ამოუყენეს! მოაყარეს და მოაყარეს მანქანები — მიწისმთხრელები, საბარგოები, წყლისმწოველები, ქვებისმღრღნელები, მტკეპნელები... ახლა ითხვისელები ამაყად დადიან ამ გზაზე, სხვები რომ დადიან ამ გზაზე, იმასაც თვითონ იამაყებენ აქაოდა ნახეთ, როგორი გზა გვაქვს ითხვისელებსო“.

გულასპირი არხეინად მიათოხარიკებს ცხენს, კარგა მანძილი გამოუვლია და სადაცაა ითხვისიც გამოჩნდება.

ჰო, ერთს დახედავს. დახედავს. ნახვით კი, არავის მოინახულებს. ღირსნი არ არიან და მიტომაც არ მოინახულებს.

თვალს შეავლებს, ეზოებსა და სახლებს, მორჩა და გათავდა!

თვალს შეავლებს, დახედავს და უკანვე გამობრუნდება. უკვე ჩანს, არა! ჰო, ამ ზეგანსაც ჩაითოხარიკებს და ესეც თქვენი ითხვისი...

ჟივილი და ხმაური შემოესმა. ცხენი შეაყენა.

ბიჭები ნახირს მიერეკებოდნენ.

გულასპირმა ცხენი გზიდან გადაიყვანა და ხის ჩრდილში დაიქვეითა.

... მარაქას სოლომონ ჯინორიძის ბიჭი სანდალა მიუძღვის. პატარა წკნელი უჭირავს სანდალას ხელში და თავის „გუტას“ ეთამაშება. ჰო, ისე, სათამაშოდ თუ მოუქნევს წკნელს, სანდალა გონიერი ბიჭია და მეწველ ძროხას წკნელს არ დაჰკრავს, თანაც „გუტა“ ამაყია, ყოველთვის წინ მიუძღოდა ჯინორიძეთა ძროხებს ხემაღალში და შეხე, ითხვისშიაც ასეა...

„ის მეორე ბიჭი?“

ძალიან დააკვირდა გულასპირი, მაგრამ ის „მეორე ბიჭი“ ვერ იცნო. ყოჩალი ბიჭი კი ჩანს. უფრო დიდი წკნელი უჭირავს ხელში, ვიდრე სანდალას. ჰაერში შეათამაშა წკნელი, ერთი შეუძახა და საქონელი გზიდან გადარეკა. კი, ერთი შეძახილით

გადარეკა საქონელი გზიდან, გზისპირა ფერდობზე გაშალა და საბალახოდ მიუშვა.

მერე პატარა მინდორზე შეგროვდნენ ბიჭები, პაერში ბურთი ააგდეს და ატყდა ერთი კისრისტეხა. ფარნა კიკნაველიძის ბიჭი ნუკრია იცნო გალასპირმა. დაბალ-დაბალი და ჩაფსკენილი ბიჭია ნუკრია. ეჭახებიან მობურთალი ბიჭები ნუკრიას, ნუკრია გაჯგიმული დგას, დამჯახებლები კი მიწაზე ეშხლართებიან. ვერა, ითხვისელი ბიჭები ძვრასაც ვერ უზამენ ნუკრიას. მაგარი, ძალიან მაგარი ბიჭია. პოდა, რატომ? ხემაღალში გაიზარდა და იმიტომ! აბა, ერთი დაეკიდონ! რიგისად წააქცევს ყველას წყვილ-წყვილად რომ დაეკიდონ, მაინც წააქცევს. ხემაღლის ჯანი უდგას მუხლებში, მკლავებშიც ხემაღლის ღონე აქვს ნუკრიას...

საქონელი ფერდობს შეჰყენია და ბალახობს, მინდორზე ბიჭები ბურთაობენ და ხმაურობს პატარა მინდორი, ჩრდილში ზის გულასპირი, სანდალასა და ნუკრიას უცქერის, ეს ორილა შეიცნო, თორემ აქ ბევრი ჯინორიძე და კიკნაველიძე ბურთაობს, პოო; ხემაღალელი ბიჭები ბურთაობენ ითხვისის მინდორზე, ჯინორიძეთა ძროხები ბალახობენ ითხვისის დობერებზე, იქ, დაბლა, ახალი სახლებია და იმ ახალ სახლებში ხემაღალელი ჯინორიძეები და კიკნაველიძეები ცხოვრობენ.

„არა, დახედვდაც არ ღირანო“, რატომღაც დაუძახა გულმა და გულასპირი ადგა, თემშარაზე გამოიყვანა ცხენი და ხემაღლისკენ ქვეითად აუყვა გზას.

„არა, დახედვდაც არ ღირან“, თქვა გულასპირის გულმა და გულს დაუჩერა გულასპირმა.

... ვითომ ხერგაში ვიყავი. არა, ხერგაში არ ვყოფილვარ, ჩემი მუშტარი ქალაქის გარეუბანში ცხოვრობს, ჩავუტანე საულლე თელა და ეზრში დაეუგდე. მორჩა და გათავდა. საყიდელი არაფერი მქონდა, ამიტომაც ქალაქში არ შევსულვარ და უკანვე გამოვბრუნდი... წისქვილთან რომ მივალ, იმ თელას ავიღებ და ტყეში შევაგდებ. ევლოს ტყეში. მე შენ გეტყვი და ვინმე ნახავს და წაიღებს“...

ასიოდე ნაბიჯი გაიარა ქვეითად, მერე თითქოს 'რალაც' გაახსენდაო უცებ ამხედრდა, შემოატრიალა ცხენი და ითხვისისკენ წაათხარია.

კოოპერატივთან დაქვეითდა. იქვე ახლოს, წყაროსთან, ბოძზე აღვირით მიიბა ცხენი.

კოოპერატივში არავინ იყო, ნოქარიც არ იყო. ზედიზედ ბო-

ხად ჩაახველა გულასპირმა. უკან კარი გაიღო და დაბალი, კროლათვალეზიანი ქალიშვილი შემოვიდა.

ეს კროლათვალეზიანი ქალიშვილი კოოპერატივის ყველა მუშტარს იცნობს, გულასპირი კი ვერ იცნო, საგულდაგულოდაც დააკვირდა და მაინც ვერ იცნო.

გულასპირმა ჯერ ფართლეულის დახლი შეათვალეირა, მერე მანეკენზე ჩამოცმულ მამაკაცის კოსტიუმს ახედ-დახედა. გარშემო შემოუარა, ხელითაც შეეხო, ვითომ ყიდვას აპირებდნო, ფასიც იკითხა.

— ფასი ზედვე აწერია, — ცივად თქვა კროლათვალეზიანმა ქალიშვილმა.

— კარგად ვერა ვხედავ, შვილო, — მოუბოდიშა გულასპირმა. ქალიშვილი დახლიდან გამოვიდა.

— ასშვილი მანეთი და სამი კაპიკი:

— ძვირი ღირებულა! ძალიან ძვირი — გაიოცა გულასპირმა, — ეს სამი კაპიკი რაღაა, ჰა? ვითომ ზუსტადაა გამოანგარიშებული ფასი? ასეა, ხომ, ეს სამი კაპიკი ძალიან ღონიერია! ჰო, ძალიან ღონიერია! გულასპირმა ხელდახელ გაზომა ამ სამი კაპიკის ძალა: ფაბრიკამ შეკერა ოცი ათასი ასეთი კოსტიუმი. ახლა გადაამრავლე სამი კაპიკიც ოც ათასზე — მიიღებ სამოც ათას კაპიკს. სამოცი ათასი კაპიკი კი ექვსასი მანეთია. აი, ესეც შენი სამი კაპიკის მყიდველი ჰკვირობს, ეს სამი კაპიკი რაღააო და ხომ ნახეთ რა ღონიერია ეს სამი კაპიკი? ისე კი შენი კოსტიუმი ძვირი ღირებულა, ძალიან ძვირი!

— სიგარეტი გაქვთ? — სხვათაშორის იკითხა გულასპირმა და ირგვლივ მიმოიხედა.

— პრიმა.

— მეორე ფაბრიკისაა?

ქალიშვილი დახლში შევიდა.

— დიახ.

— შემხვებით ოცდაათი. — გულასპირმა ისევე მიმოიხედა.

— საქონელი გაქვთ, მუშტარი კი არ გყოლიათ.

— სადაური ბრძანდებით, ძიაკაცო?

— მეზობელი ვარ.

— მეზობელი?

— ჰო, მეზობელი.

— ქალიშვილი შეცბა.

— მამატიეთ, ვერ გიცანით.

„ვერა, ვერ იცნობ, შვილო, თუმცა ითხვისში ბევრჯერ ყოფილა გულასპირ ჩაფიჩაძე. ეგ ადრე იყო. შენ დაბადებულიც არ“

იქნებოდი მაშინ... ითხვისელ ბიჭებს მუდამ ხემაღალელ ქალიშვილებზე ეჭირათ თვალი და ხემაღალელი პატარძლის თავმაცარი გულასპირი იყო ყოველთვის. რაშევით ცხენი ჰყავდა გულასპირ ჩაფიჩაძეს და ხემაღალიდან ითხვისში მომავალ მაყრიონს ამაყად მოუძღოდა წინ... ელემთელეთი მოსდიოდათ ითხვისელ ქალიშვილებს გულასპირ ჩაფიჩაძის დანახვაზე... ჰო, ეგრე იყო, ნამდვილად ეგრე იყო. ახლა ბარე ოცდაათი წელიწადია, ითხვისში არ ყოფილა და ამ თვრამეტი-ოცი წლის ქალიშვილმა როგორც უნდა იცნოს გულასპირ ჩაფიჩაძე? ვერა, ვერ იცნობს“..

— ჰოო, მუშტარი არა გყოლიათ!

„მუშტარი არ გყოლიათო? მუშტარი იმდენი ჰყავს ითხვისის კოოპერატივს, სამი გამყიდველიც ვერ აუდის. მე ვითომ მოანგარიშედ ვითვლები და ნოქრად მამუშავებენ. ეტყობა, ეს მეზობელი ძიაკაცი პირველადაა ჩვენი კოოპერატივში“.

— ჩვენი მუშტარი დღეს სტადიონზეა.

— სტადიონზე? — გაიკვირვა გულასპირმა.

— ფეხბურთია დღეს!

— ფეხბურთი?

— ითხვისის „ვაზი“ ხერგას „უღელტეხილს“ ეთამაშება საქართველოს თასზე.

„ითხვისის „ვაზი“? ერთი დამიხედეთ ითხვისის ვაზსა! ჯერ პირველი ნაყოფი არ დაუმწიფებია ითხვისის ვაზს და ფეხბურთის გუნდი მიუსახელებია! ბარაქალა, ითხვისის ვაზო! ხერგას ეჯიბრები? ბარაქალა, გაეჯიბრე!“

— ოო, დიდი ამბავია! მამ საქართველოს თასზე თამაშობენ? ნოქრები უთუოდ სტადიონზე ვაქრობენ, ლიმონათს და სივარეტს ყიდიან. — ვითომ მიამიტად თქვა გულასპირმა და ქალიშვილს გაუღიმა.

„აუუ, რას ამბობს ეს ძიაკაცი? ნოქრებმა საქონელი წაიღეს სტადიონზეო? ლიმონათს და სივარეტს ყიდიან სტადიონზე ნოქრებიო? ნუთუ ოთარ კაკუბერი არ გაუგონია? ოთარი ისეთი მეკარეა... ჰო, ოთარი ისეთი მეკარეა, მარღანიას ადარებენ! თბილისის „დინამო“ მიიწვია ოთარ კაკუბერი, მაგრამ ოთარ კაკუბერმა იუარა, ითხვისელ ფეხბურთელებს ვერ ვუღალატებ და ითხვისის კოოპერატივს ვერ მივატოვებო... სივარეტს და ლიმონათს ყიდიან ნოქრები სტადიონზეო? აუუ, ეგ რა თქვა, ძიაკაცმა“...

— თამაშობენ, ძიაკაცო, ფეხბურთს თამაშობენ.

— თამაშობენ? ყოჩაღ!

— მეკარე ოთარ კაკუბერი არ გაგიგონიათ?

— კაკუბერი! ფეხბურთელი კაკუბერი? არა! კაკუბერი ექიმი გამიგონია, კაი ბეითალიაო, ამბობენ.



„მაშ. ამიტომ არ არის კაცის ჭკანება? გზისპირა ეზოებში ჭურღულად ვიხედებოდი და კაციშვილს ვერ მოვკარი თვალი. დიდი და პატარა სტადიონზე წაბრძანებულა. ხუმრობა საქმე როდია — ითხვისის „ვაზი“ ხერგას „უღელტეხილს“ ეჯიბრება საქართველოს თასზე! თამაშს თბილისელი მსაჯი სჯისო, მითხრა კროლათვალე-ბიანმა ქალიშვილმა და ვაიამაყა, — ხერგადან რვაასამდე მაყურებელი ჩამოვიდაო... ბარაქალა, ითხვისის ვაზო, ბარაქალა! ტახტრევანივით გზა გამოუყვანე ითხვისელებს, ჯინორიძეები და კიკნაველიძეები ხემაღალიდან ითხვისში ჩამოასახლე, ღვინის ქარხანა ააგე ითხვისში, ახლა ფეხბურთის გუნდი? მერე-და, ისეთი გუნდი, ხერგას „უღელტეხილს“ რომ ეჯიბრება საქართველოს თასზე... ბარაქალა ითხვისის ვაზო! ჯერ პირველი ნაყოფი არ დაგიმწიფებია და რამხელა საქმეები დაატრიალე, ჰა! ბარაქალა, ბარაქალა ითხვისის ვაზო! ხერგას გაეჯიბრე, გაეჯიბრე და აჯობე!“

— დრო რომ მქონდეს, მეც წავიდოდი სტადიონზე, — ვითომ მოუბოდიშა გულასპირმა ქალიშვილს, ითხვისელებს გამარჯვება უსურვა და კოოპერატივიდან გამოვიდა.

წყაროსთან, ძელსკამზე, ბერიკაცი იჯდა

გულასპირმა ჭურღულად გახედა, ნაცნობი არ იყოსო, ბერიკაცს ეძინა და გულასპირმა ნაბიჯი თამამად წასდგა.

წყაროს ღარს პეშვი შეუშვირა. ცივი, ძალიან ცივი იყო წყაროსწყალი. სველი ხელისგული სახეზე მოისვა და ეამა.

— ოო, კაი, წყარო გქონიათ, ავაშენოთ ღმერთმა.

ძელსკამზე მჯდარ ბერიკაცს ნაცნობი ხმა ჩაესმა, თვალი გაახილა და წამოდგა, ახლოს მივიდა გულასპირთან, ჯერ სახეში შეაკეჭრდა, მერე თავით-ფეხამდე ახედ-დახედა და გაულიმასავით.

— რაო, ბერიკაცო, შვილიშვილებმა სტადიონზე არ წაგიყვანეს? — ჩაუბოხა გულასპირმა და ბერიკაცს თვალი ჩაუკრა.

ბერიკაცი უფრო ახლოს მივიდა გულასპირთან, ისევ ახედ-დახედა, მხრებზე მოუსვა ხელები, მერე თვალი გაუყარა თვალში და მკერდზე მიეკრა.

— ბიჭო, გულო არა ხარ შენ? გულასპირი ხარ, ხომ? — თრთოლვით თქვა ბერიკაცმა.

გულასპირი შეცბა, თვითონ თუ მიცნო, რატომ მე ვერ ვიცანი ეს ბერიკაციო, მკერდიდან ნელა, სათუთად მოიშორა, სახეში ჩააშტერდა და გულასპირი შებტასავით:

— როსტო არ ხარ შენ! ღმერთო კი მომკალი, რავა ვერ გიცანი ჰა, ღმერთო კი მომკალი!

— ჰოო, როსტომი ვარ, ბიჭო! საიდან? როგორ?

ძელსკამზე დასხდნენ.

ძალიან დაბერებულა როსტომ კიკნაველიძე. დაპატარავებულა. მხრებში მოხრილა და მკერდი გაჰქრობია, ამდგარა და სადღაც გაპარულა როსტომ კიკნაველიძის მკერდი. მუხლები უცახცახებს. ხელები უცახცახებს როსტომ კიკნაველიძეს და გულასპირს შეებრაღა დაპატარავებული და დაჩიავებული ბერიაცი.

... კაი ვაუკაცი იყო როსტომ კიკნაველიძე; თავმომწონე. ორმოცს მიწვენილი იყო და ცოლი არ ჰყავდა შერთული. ჩემი მოსაწონი ქალი ვერ შევიხვედრეო, ამბობდა. ერთხელ, რაღაც ჭირად, ქუთაისში ჩასულა საყიდლებზე. კვირა დღე ყოფილა და ქუთაისის ბულვარში გაუელია. ბულვარი ხალხით ყოფილა სავსე. უყიალია ბულვარში და ერთი ქალიშვილი მოსვლია თვალში. ის ქალიშვილი სკამზე მჯდარა. შეუმჩნევია, როსტომი შორიახლო რომ უვლიდა, თვითონაც ამდგარა და სეირნობა დაუწყია. მოახერხა და როსტომმა თვალი გაუსწორა იმ ქალიშვილს და ქალიშვილმაც გაუსწორა თვალი. როსტომმა გაუღიმა და ქალიშვილმაც გაუღიმა. ახლოს მივიდა როსტომი ქალიშვილთან, გამარჯობაო, უთხრა, კაი გაგმარჯოსო, უპასუხა ქალიშვილმა, როგორღაც. შენი სახე მეცნაურება, მე ხომ არ გეცნობებიო, ჰკითხა და როსტომს ხელი გამოუწოდა ჩამოსართმევად. როსტომმა ხელი ჩამოართვა. საოცრად ეფაფუკა ქალიშვილის ხელი როსტომს და გაიტრუნა. კარგა ხანს იყო გატრუნული. მერე ენა ამოიდგა როსტომმა, — არ მეცნობები, მაგრამ ძალიან კი მომწონხარ. როგორც კი დაგინახე, მაშინვე მომეწონე და გული ამიჩქროლდა. ქალიშვილმა გაუღიმა და პირდაპირ უთხრა, მეც მომწონხარ, როგორც კი დაგინახე, მაშინვე მომეწონე, შენი სახელი მითხარიო. როსტომი მკვიდარა, თქვა როსტომმა და ქალიშვილმა გაიღიმა; როსტომი? კარგი სახელია როსტომი. მე გრეტას მეძახიანო და მკლავი გაუყარა როსტომს. ასე მკლავეყარილებმა კარგა ხანს ისეირნეს ქუთაისის ბულვარში; მერე გრეტამ თქვა, მშიაო და ჯაჭვის ხიდთან რომ რესტორანია, იქ შევიდნენ, ცალკე ოთახში დასხდნენ და კარგადაც მოილხინეს. როსტომმაც დალია და გრეტამაც. მერე როსტომი გათამამდა და აღუღუნდა: მე ძალიან მომწონხარ, შენ მეუბნები, რომ შენც მოგწონვარ, თუ მართალს ამბობ, ცოლად გამომყევით. დიახაც, გამოგყვები, პირველი ნახვით მომეწონე, ახლა კი უკვე შემოივარდიო, თქვა გრეტამ და ის ხელები, როსტომს ძალიან რომ ეფაფუკა, კისერზე შემოაქდო და როსტომს ტუჩებში აკოცა. კარგა ხანს კოცნეს ერთმანეთი. მერე როსტომმა კატეგორიულად თქვა: მე დღესვე მივიღივარ სოფელში და თუ ნამდვილად შეგიყვარდი, დღესვე უნდა გამომყვე ცოლადო.

— დღესვე? ცოტა გამიძნელდება, მაგრამ თუ აუცილებლად

დღესვე მიდინარ სოფელში, სხვა რა გზა მაქვს, გამოგყვებო, თქვა გრეტამ და ისევ ტუჩებში აკოცა როსტომს. ექსტრა თანხმობამ ცოტა შეაფიქრიანა როსტომ კიკნაველიძე; შენს მშობლებს არ გავაგებინოთო? ჰკითხა გრეტას. ჩემი მშობლები თბილისში ცხოვრობენო, — თქვა გრეტამ, — მე აქ მამიდასთან ვარ ჩამოსული, მამიდას ვეტყვი და ჩემს მშობლებს წერილს მისწერსო.

ჰოდა, ის იყო, ჩამოიყვანა როსტომ კიკნაველიძემ გრეტა ხელში. საღამოს ჩამოიყვანა. როსტომის დედამ ერთი კი შეიძინა, მაგრამ რას იზამდა. როსტომმა კარის მეზობლები დაპატიჟა და იმ ღამესვე ვახშამივით ქორწილი გადაიხადა.

ახტაჯანა ქალი გამოდგა გრეტა, ახალგაზრდა და ლამაზი კი იყო, ხანდახან მამაკაცივით იგინებოდა.

გათხოვებიდან მეექვსე თვეზე, ქალბატონმა გრეტამ, ბუთხუზა ბიჭი დაუბადა როსტომ კიკნაველიძეს. ეს რა ღვთის წყრომაა ჩემს თავზეო, თქვა როსტომმა და ცოლის მოკვლა დააპირა, მაგრამ მეზობლის ქალებმა დაუყვავეს, ექვსთვიანი კი არა, ხუთთვიანი და ოთხთვიანი ბავშვებიც დაბადებულანო. ვითომ დაარწმუნეს როსტომ კიკნაველიძე ქალებმა და ვითომ გული დაუმშვიდეს. ნამდვილად კი გული გაუტყდა. ახლოს არ ეკარებოდა გრეტას, არც შეიღწა მიაღერებია, მეზობლების დანახვისა რცხვენოდა და შინ ჩაიკეტა.

ერთი წელი გაატარა ქმარ-შვილთან გრეტამ და ერთი წლის ვილი ქმარს დაუტოვა (ქალბატონმა გრეტამ ვითომ ქალაქური სახელი დაარქვა შვილს). თბილისში გაიპარა და თბილისიდან ბარათი გამოუგზავნა როსტომს, თუ თბილისში გადმოხვალ საცხოვრებლად, დაგიბრუნდებიო, ოღონდ იცოდე, მე თბილისში არაფერი გამაჩნია, არც დედ-მამა მყავს, არც ნათესავი. სახელად გრეტა არ მქვია და გვარად სოლომონია არა ვარ. ამ ბარათსაც მოგონილი გვართ ვწერ, მაგრამ თუ თბილისში ჩამოხვალ, ამ მისამართით მიპოვნო.

იმ ბარათმა ჰკუთინა შეშალა როსტომი. ნადირივით აბლავლდა, თავში იცემდა ხელებს: იმ დღეს ქუთაისში რა სიგიჟემ მომიარა, ხელდახელ რომ მებღღვნა და ჩამეკონა, რატომ ვერ მივხვდი, რა სულიერიც იქნებოდაო. იქადა — თბილისში ჩავალ და მოვკლავო, მაგრამ ის ქადილი ქადილად დარჩა. ვიდრე ცოცხალი იყო, ბებია უვლიდა ვილის, მერე მეზობელი ქალბატონი შეეშველნენ და წვალებით გაზარდა როსტომ კიკნაველიძემ ვაჟი-შვილი. ეშმაკი, თავნება და ოხერი გამოდგა. დედის, სისხლი უღულს ძარღვებშიო, ამტკიცებდა როსტომი. წიგნს და; სწავლას სათოფეზე არ გაეკარა ვილი. თორმეტი წლისა თამბაქოს ეწეოდა

და ღვინოს სვამდა. ვითომ შოფრობას სწავლობდა, არაფერი გამოუვიდა და თავი მიაწება. საიდანღაც ფულს კი შოულობდა და პეწად იცვამდა. ვილის დედასაც უყვარდა ჩაცმა-დახურვა. როსტომ კიკნაველიძის მეზობლებს ხანდახან ქათმები დაეკარგებოდათ, ოჩაჩედან ყველი „აუფრინდებოდათ“, უტყუარად იცოდნენ, ამ საქმეში ვილის ხელი ერია, იყრუებდნენ, ებრალებოდათ როსტომ კიკნაველიძე.

ჯინორიძეთა უბანში ერთი ობოლი გოგო იყო, მიმინო ერქვა. ცხვირი მართლაც მიმინოსავით კაუჭა. ჰქონდა, მაგრამ კაუჭა ცხვირი ძალიან შეენოდა მის ხორბლისფერ, მოგრძო სახეს. დედამამისაგან ღონიერი ოჯახი დარჩა მიმინოს. ლამაზი, თანაც შრომისმოყვარე გოგო იყო და ვილი შეუჩნდა, თუ ცოლად არ გამომყვები, შენი სახლის სვეტზე ჩამოვიდრჩობ თავსო. თვრამეტი წლისამ, შეირთო ცოლი. მიმინოს ჩაესიძა. მამისეული სახლ-კარი მიაყიდა და როსტომიც თავისთან გადაიყვანა. ხასიათი გამოეცვალა ვილის, ოჯახს სიყვარულით მოეკიდა, ძველი ღობე აშალა და მთელი ეზო აკაციის მესრით შემომესრა, ეზოში უქმად დარჩენილი მიწა სავენახედ დაბარა, ვაშლის, მსხლის და ლეღვის მობერებულნი ხეები ამოძირკვა და ხეხილის ახალი ნერგები ჩაჰყარა, სახლის სახურავი შეაკეთა და ახალი ურემიც გააწყო. ცას წვდებოდა როსტომ კიკნაველიძის სიხარული.

ვილის და მიმინოს ქალიშვილი შეეძინათ. თინა დაარქვეს. ერთი წლისა რომ გახდა თინიკო, დიდი ნათლობა გადაიხადეს. ჯინორიძეთა მთელი უბანი მოიწვიეს, კიკნაველიძეები და ჩაფიჩაძეებიც დაპატივეს და გულასპირ ჩაფიჩაძის თამაღობით დილაშდგე ილხენდნენ.

ნათლობის მესამე დღეს ვილი გათენებამდე ადგა. ურემზე ოცფუთიანი კასრი შეაგდო და მარანთან მოაგორა. კური მოხდა და კასრი თავანკარა ღვინით გაავსო, ოცდოდე დედალი კალათებში ჩააბუნდა. ამდენივე სულგუნი ვაზისა და ლეღვის ფოთლებში შეახვია და ხურჩინში ჩააწყო. ისაუზმა, ხარები შეაბა და მიმინო გამოაღვიძა. ხერგაში მივდივარ. ღვინო და ყველი მიმაქვს გასაციდად. ეგება დღეს ვერ ამოვბრუნდე და ნუ შეშინდებიო.

და წავიდა ვილი. წავიდა და გაქრა. ერთი წელიწადი გავიდა, ორი, სამი! არ გამოჩნდა და არ გამოჩნდა. ამბობდნენ, ვითომ თბილისში არისო, ვითომ ოდესაში, ვითომ ტაშკენტში. ნამდვილი ვერაფერი გაიგეს. ვილაყამ უსახელო წერილი გამოუგზავნა მიმინოს. წერდა, ვილი, დედამისთან ერთად ქურდობისათვის დაიჭირეს, შორეულ ჩრდილოეთში გაამგზავრეს და ნუ ელოდებიო.

... ჭინორიძეები ითხვისში რომ გადმოსახლდნენ, მიმინოც აიყარა. როსტომს ხემაღალში დაჩჩენა უნდოდა, მაგრამ მიმინო არ მოეშვა. მამასავით შეიყვარა როსტომი და მარტო როგორ დატოვებდა...

— ვილი არ გამოჩენილა?

— ეშმაკმა წაიღოს მისი თავი და ტანი, სადღაც იმალება, — ნაღვლიანად თქვა როსტომმა.

— წერილიც არ მოუწერია?

— არაფერი მოიწერა. დედის სისხლმა დაუძახა და დედის კვალზე წავიდა ღვთისგარეგანი. მიმინო მებრალემა გათხოვდი-მეთქი, ვეჩიჩინები, უარზეა. დამაფიცა, გათხოვებაზე სიტყვას ნუ ჩამომიგდებო და ვარ ასე. მისი ცოდვით ვიწვი...

— მიმინო რას აკეთებს?

— სოფლის საბჭოს მდივანია.

— შენი შვილიშვილი?

— თინიკო? დიღია. სოფლის სკოლა დაამთავრა. მერე რაღაც კურსებზე იყო ხერგაში, და ამ კოლპერატისის მონაგარიშვა.

— აქაურობას როგორ შეეწყვე, როსტომ?

— შევეწყვეო? ხუთი წელია, გულო, აქა ვცხოვრობ და მაინც ხემაღალის სიზმრები მესიზმრება: ხან სატყველზე ვარ, ხან სასაფლაოზე, ხან წისქვილში. აქაური სიზმარი ერთხელაც არ დამსიზმრებია.

პაუზა.

— ჰო, იქაური სიზმრები მესიზმრება. — დასტურებით თქვა როსტომმა და ამოიხენეშა. — რატომ შენსას არაფერს იტყვი? საიდან? როგორ?

— ალექსანდრეა' ავად.

— ჩაფიჩაძე?

— ხემაღალში ახლა ერთი ალექსანდრეა, — დამარცვლა გულასპირმა, — ალექსანდრე ჩაფიჩაძე.

— აკი რეზომ თბილისში წაიყვანაო?

— გამოექცა!

— ცოდოა, კაცო!

— შვილს არ ეცოდება და... წამალი მქონდა საყიდელი ალექსანდრესათვის, ვითომ ხერგაზე უფრო ითხვისი მებახლოვა და შეეცდი. — თავისთავს უსაყვედურა გულასპირმა; ასანთს გაჰკრა, სიგარეტს მოუკიდა და ადგა.

როსტომიც ადგა. ბოძზე მინასკვეული ალვირი გახსნა და ცხენს შუბლზე მოუსვა ხელი.

— წაიღეთ! — თქვა როსტომმა და მერე ხმამაღლა დაიძახა — თინიკო.

კოპერატივიდან თინიკო გამოვიდა.

— დაკეტე, ბაბული კოპერატივი, სახლში წავიდეთ, სტუმარი გვეწვია.

— სტუმარი? — გაიოცა თინამ და გულასპირს გაუღიმა.

— ვერ წამოვალ, როსტომ, — გადაკრით თქვა გულასპირმა.

— ამას როგორ მაკადრებ, გულასპირ? ფეხი შემოგიცდა ითხვისში და ჩემი სახლი არ უნდა ნახო? ამხელა გზა გამოგივლია, დაიღლებოდი! ამაღამ დაისვენებ და ხვალ წახვალ, დღეთისწყალობით...

— ვერა, როსტომ, ალექსანდრეს წამალი დღესვე უნდა ავუტანო.

— მარტო წევს სახლში?

— მარტო. — იცრუა გულასპირმა.

— აჟი რეზომ თბილისში წაიყვანაო? გამოექცა? ცოლოა, ეს ოხერი!

— შეილს არ ეცოდება და...

— რა ქნას, კაცო, რეზომა, ჰა? ხემაღალში დაჯდეს? თბილისში წაუყვანია, ეგ კიდე ამდგარა და გამოქცეულა... ჰოდა, რა ქნას რეზომა? ისე ცოლო კია, ეს ოხერი!

გულასპირი ჯორჯე შეჯდა და როსტომი გატყდა.

— ჰო, თუ მაინცდამაინც გელოდებიან, შეშინდებიან ეს ოხერი და კეთილი. — სასადილოში მაინც წავიხემსოთ, — ვედრებასავით თქვა როსტომმა.

— წამალს რომ მიმზადებდნენ აფთიაქში, მაშინ ვისაუზმე, — ისევ იცრუა გულასპირ ჩაფიჩაძემ და როსტომს აღვირი გამოართვა.

— ცოტაზე გამოგყვები.

ნელი, ძალიან ნელი ნაბიჯით მიდიან როსტომი და გულასპირი. ათიოდე ნაბიჯს გადადგამს როსტომი და შედგება, ვითომ რალაცას იხსენებს და ვერ გაუხსენებია.

— ეს ოხერი, რალაც მინდოდა მეთქვა, — თქვა როსტომმა და თვალები მილულა.

გულასპირიც შედგა, თვალი გაუსწორა როსტომს, მაგრამ როსტომ კიკნაველიძე იმ რალაც სათქმელს ვერ იხსენებს.

— ახავი, დამავიწყდა.

— ახლა დაგემშვიდობები მე.

— ცოტაზე კიდეე წამოვალ...

და მიდიან, ნელა, ძალიან ნელი ნაბიჯით მიდიან. ათიოდე ნაბიჯი გადადგეს და როსტომი ისევ შედგა.

— არ ივარგებს ასე...

— სხვა დროს ჩამოვალ.

— არ ჩამოხვალ! სხვა დროს არ ჩამოხვალ. ახლა ალექსანდრეს ავადმყოფობას ჩამოუყვანიხარ... ეს ოხერი, წამალი რომ არ გედოს ჯიბეში, არ გაგიშვებდი! ჰო, არ გაგიშვებდი!

ნელი, ძალიან ნელი ნაბიჯით მიდიან და როსტომ კიკნაველიძეს მაინც დაუმძიმდა ნაბიჯი.

— ახლა დაგემშვიდობები მე, — თქვა გულასპირმა და როსტომს მხარზე დაადო ხელი...

— ჰო, წადი, — მორჩილად თქვა როსტომმა, — სიზმარივით კია, ეს ოხერი, ჰა! მაშ მიდიხარ, ხომ? წადი, ცოდოა, ეს ოხერი!

გულასპირი ცხენზე შეჯდა. შეჰქუსლა და ცხენი თოხარიკით წავიდა.

როსტომმა გზიდან გადაინაცვლა. ბალახში ჯირკი ეგდო და იმ ჯირკზე დაჯდა. გზას გააყოლა თვალი. გულასპირი უკვე არ ჩანდა.

— ჰა, სიზმარივით იყო, ეს ოხერი! — თქვა როსტომმა და თვალები მილულა, ეგებ ისევ მომიბრუნდეს სიზმარიო.

ამ ტიალმა ცრემლმა ისევ გამოჟონა და გული ეკარგება გულასპირს, ძლივსღა უჭირავს მათრახი ხელში და ითხვისელთა ეს ტანტრევეანივით გზაც ბურუსივით ჩანს, მზე მიმალულა და გარშემო ღრუბელივით სქელი ნისლი ჩამოფენილა, სული ეხუთება გულასპირ ჩაფიჩაძეს, საყელო შეიხსნა და ნიაგმა დაუქროლა, ავჯანდებში ფეხები გაიმაგრა, მათრახი შემოარტყა ცხენს და აღმართზეც ჰენებით გააქანა.

...ჭიშკარი პატარა ეკატერინემ და კოკიმ გაუღეს.

აივანზე ალექსანდრე ჩაფიჩაძე იჯდა და ყალიონს აბოლებდა.

გულასპირმა აივანთან მიაგდო ცხენი და დაქვეითდა.

ადვირი კოკიმ გამოართვა. გაოფლილი ცხენის ერთ ადგილზე გაჩერება რომ არ შეიძლება, ეს კარგად იცის კოკიმ და ცხენს ეზოში გაატარ-გამოატარებს.

— შესვი, ყმაწვილო, მაგ ბიჭი ცხენზე, არ ხედავ, რა თვალით გიყურებს? — აივნიდან გადმოსძახა ალექსანდრემ.

გულასპირმა კოკი ცხენზე შეასკუპა და მათრახიც მისცა.

— მინდორზე გაიყვანე ბაბული, ცოტა სიარულ-სიარულში მოაბალახე.

გულასპირი აივანზე ავიდა და ალექსანდრეს სიგარეტის შეკვრა გაუწოდა.

— თუთუნი არ იყო ბაზარში? — წყენით თქვა ალექსანდრემ და სიგარეტის შეკვრა მაგიდაზე დადო.

— მოგართმევენ! — ხმას აუმაღლა გულასპირმა, — ჯერ თამბაქოს დამზადების გეგმა შემისრულეთ, ბატონო ალექსანდრე და ვაქრობის ნებას მერე დაგრთავთ. . .

— ვითომ ნამალევად არ ყიდიან?

— ყიდიან და იყიდეთ! — უფრო აუწია ხმას გულასპირმა, — ჯიბეში ასანთი მოიძია და სიგარეტს მოუკიდა.

— ცუდი სიგარეტია თუ?

— მიჩვევაა. დალაქი გაწყვეტილა ქალაქში. — ვითომ ხუმრობით თქვა ალექსანდრემ და გულასპირის აბურძგენილ წვერ-ულვაშს საგულდაგულოდ ახედ-დახედა.

პატარა ეკატერინე აივანზე ამოვიდა.

— რომელი გზით იარეთ, ყმაწვილო, ეკა რომ არ შემოგხვდა? — თქვა ალექსანდრემ და პატარა ეკატერინე გვერდით მოისვა.

— ქალაქში იყო ეკა? — გაიკვირვა გულასპირმა და ეკას თვალი აარიდა.

— ერთი ჭებით ამოგასწრო.

— ჰოდა, თუ ამომასწრო, როგორ შეეხვებოდოდი? — დამშვიდდა გულასპირი, ეკას გაუღიმა და თავზე ხელი გადაუსვა.

— არც რეზო შეგხვედრია? — ჩაჰკითხა ალექსანდრემ.

— რომელი რეზო?

— რომელი და ჩემი რეზო!

— ხერგაშია, თუ? — გაიოცა გულასპირმა.

— ეკას შეხვედრია ბაზარში.

— ახლა არ იყო შენი რეზო აქ?

! — ახლა?!

— ჰო, ახლა. ოცი დღის წინათ.

— ჰოო, ოცი დღე კი არა, დღეს მეორმოცე დღეა. — დამარცვლა ალექსანდრემ.

— რაო, სოფელში არ ამოვალო? — ცივად თქვა გულასპირმა, გულში კი ინანა, რაღა მიინცდამაინც დღეს ავიხირე ითხვისში წასვლაო.

— ამოვალო, უთქვამს, რაიკომში ჰქონია რაღაც საქმე. ხვალ თუ არა, ზეგ ამოვა, — რაღაცნაირი ნიშნისმოგებით თქვა ალექსანდრემ და წამოდგა.

— რაო, რაიკომში რა მინდაო?

— ეკას ჰკითხე.



— შენ ვერ მეტყვი? — ცოტა არ იყოს, აენტო გულასპირი, მერე ეკას მიუბრუნდა.

— რაო, რა საქმე მაქვსო რაიკომში?

— ისე თქვა, ხვალ რაიკომში მაქვს საქმე და ხვალ საღამოს თუ ვერ ამოვედი, ზეგ ამოვალო.

— ჰოდა, შენთვის თუ არაფერი უთქვამს და არაფერი დაუბარებია, ეს ვაუბატონი რას ეპოტინება, ჰა? — რიხით თქვა გულასპირმა და ჩაიღიმოდა. — როგორ ბრძანა? ხვალ საღამოს თუ არა, ზეგ ამოვალო? რატომაც არა! მანქანაში ჩაბრძანდება და ამოვა! ჰო, ნაშუადღევზე რომ წამოვიდეს, მაინც არ შემოაღამდება.

სიგარეტი მოქაჩა და ალექსანდრეს შეუტია.

— რაიკომში? რაიკომში მაქვს საქმეო, უთქვამს რეზოს და შენ ფიქრს მოეკიდე? იფიქრე და ფიქრი-ფიქრით გზა გამოიყვანე ხემალში? მოგართმევენ! ჰო, ტანტრევეანივით გზას გამოგიყვანს რაიკომი ხემალში. შენს კიშკარს მოადგება ის გზა. მერე შვილი; რძალი და შვილიშვილები მანქანით ამოიქროლებენ. რეზოს ხომ საკუთარი მანქანა ჰყავს. საქვს მიუჯდება და გამოქანდება, ოღონდ შიგ ეზოში რომ შემოიყვანოს მანქანა, ცოტა განიერი კიშკარი ჩამოჰკიდე... რაიკომი! ჰო, კონსტანტინე კაკუბერს ძილი გასტეხია, აქამდე გზა როგორ ვერ გავიყვანე ხემალშიო, ჰო, ასე იფიქრე, ხომ?

ალექსანდრეს არაფრად ეჭაშნიკა გულასპირის აღრენილი ქაქანი და წასვლა დააპირა.

— არა, კაკუბერის იმედი არა მაქვს მე! — გადაპრით თქვა გულასპირმა, ჩამქრალი სიგარეტი ეზოში მოისროლა და გადააფურთხა.

პაუზა.

— სკოლა? იცი, რატომ არ მოგვეცეს წიგნები? — ისევ აიღერდა გულასპირი, მაგრამ სკოლის ხსენებაზე ალექსანდრე აიფოფრა, პატარა ეკატერინეზე ანიშნა და თვალი ჩაუკრა.

— ეკა, — დაყვავებით უთხრა გულასპირმა, — სამხადში წადი და ჩემს კნენას თხოვე, რამე წაგვახმოსო.

ეკა აღგა, ალექსანდრემ მკლავში წაავლო ხელი.

— მე მივდივარ. — ეგებ მართლა ჩამრვიდეს რეზო და შევემზადები.

ეკა და ალექსანდრე ერთად გავიდნენ გულასპირ ჩაფიჩაძის კიშკრიდან.

კოკიმ კარგა ხანს სიარულ-სიარულში აბალახა ცხენი, ბოლოს მაინც არ მოუთმინა გულმა და ეზოში ჰენებით შემოაჯირითა.

გულასპირმა ცხენს უნაგირი მოხადა და აივანზე დააგდო, ცხენი საბოლოოდ მიუშვა ეზოში და სამზადში შევიდა.

— დაიღლებოდი, — თქვა კესარიამ და გულასპირი აენტო.

— გამოწვლილე ახლა, — დავიღალე? არ დავიღალე? სად ვიყავი? ვინ ვნახე? სასამართლოს მიწყობთ? „ქალაქში იყავი და ჩემი რეზო როგორ ვერ ნახეო“, დიდი ამბავი! რევაზ ჩაფიჩიძე მეძებდა ბაზარში და ვერ მიპოვნა! დაბარებული ვყავდი თუ? გამინაწყენდა — „ქალაქში იყავი და როგორ ვერ ნახე ჩემი შვილიო“, — მე რა ვიცი, როდის მოესურვება რევაზ ჩაფიჩაძეს ხერგაში ჩამობრძანება? „ეკამ“ საცხე კალათი ამოათრია ქალაქიდან, გზაში რატომ ვერ შეხვდიო“, — ცოტაჯერ შევხვედრივარ? ცოტაჯერ შემისვამს ცხენზე თავის კალათიანად ეკა?

კესარია ვერაფერს მიუხვდა გულასპირს და გაოცებული შესცქეროდა.

— თვალს ნუ მიშტერებ! — უფრო აიფოფრა გულასპირი — კაი შვილი რომ იყოს მაგისი რეზო, ასე ყურყუტში არ გამოუბრიაცვდა თვალს! არხეინად ცხოვრობს თავისთვის თბილისში... ეგ საცოდავი ხან შვილს ელოდება, ხან რძალს და შვილიშვილებს...

მერე როგორღაც დაცხრა გულასპირი. სამფეხა სკამზე დაჯდა, ცეცხლზე მიფიცებულ კეცს შეაველო თვალი და კესარიას შეემუღარა:

— მაჭამე რამე, თორემ ლოგინზე მივეგდები, დაღლილი ვარ. ამოქნილ ლობიოს, ცხელ ქაღალს და ჭყინტ ყველს მაღიანად შეეჭა.

ჩუმად იყო.

გულში ითხვისის და ითხვისის მომგონს ლოცვა-კურთხევას უგზავნიდა.

## ნ ა წ ი ლ ი მ ე ხ უ თ ე

### თ ა ვ ი ა ი რ ვ ი ლ ი

„ერთი თვეა, რაც ცალ-ცალკე ვართ. შენ — სოფელში, ჩვენ — თბილისში. ბავშვებმა მოიწყინეს, განსაკუთრებით სანდრომ, არც ამხანაგებთან დადის სათამაშოდ, არც ეზოში ჩადის. სკოლიდან მობრუნებული შინ ფუსფუსებს. ფანჯარას მიუჯდება და ვითომ ხატავს; ვგრძნობ, ქუჩაში იმზირება და შენ გელის.“

დღეს თათიას ამხანაგმა გამოუარა და კინოში წაიყვანა. სანდროსაც უთხრეს, წამოდიო, მაგრამ სანდრო არ წაყვა.

ჩვენი ლელვი მწიფს, მაგრამ არც დარეჯანი და არც ბავშვები ახლოსაც არ ეკარებიან.

უკვე ცხრა საათია. წვიმს და თათია ჯერ არ მოსულა.

შენ რომ გაემგზავრე, იმ ღამით ვერ დავიძინე. თათია და სანდრო ძილში შეფოთავდნენ, დარეჯანიც ჭირვეულობდა. მეორე დღეს სამსახურში არ წავსულვარ. ბავშვები სკოლაში წავიდნენ, დარეჯანი ბაზარში, შინ მარტო დავრჩი და სულში შიში ჩამიძვრა, შევეშინდი. ქუჩაში გამოვედი, მაგრამ ნაცნობი ვერაფერ ვნახე და სახლში მალე დავბრუნდი. შენი მაგიდის ყველა უჭრა გამოვადე, არ ვიცი. რას ვეძებდი... არ მახსოვს, დრომ როგორ გაიარა. ჯერ დარეჯანი მოვიდა ბაზრიდან, მერე თათია და სანდრო. ბავშვები უგუნებოდ არიან, უხალისოდ ისადილეს და თავიანთ ოთახში შეიყუჟნენ. როდის-როდისღა დაღამდა. არავინ ხმას არ იღებს. ეწვეებით. სინათლე მინთია და ლოგინში ვწრიალებ. რატომღაც ბავშვების ნახვა მომინდა. ვდგები და ბავშვების ოთახში შევდივარ. აქაც სინათლე ანთია. თათიას სძინავს, სანდრო კაფხიზლობს.

— რატომ არ გძინავს, სანდრო, რამე ხომ არ გტკივა?

— არა.

— აბა, რატომ არ იძინებ?

— ისე, არ მეძინება.

— სიცხე ხომ არ გაქვს? — შუბლზე ვადებ ხელისგულს, სიცხე არა აქვს სანდროს, მაგრამ არ ეძინება.

— დაიძინე, სანდრო! ხომ ხედავ, თათიას სძინავს.

— დავიძინებ, — ჩურჩულით თქვა სანდრომ და კელდისკენ გადაბრუნდა.

სანდროს საბანი ამოვუკეცე, სინათლე ჩაეაქრე და მცირე ხანს დავაყურადე.

...არ მახსოვს, როდის დამეძინა. არ ვიცი, სანდროს ეძინა თუ არა, დილით კი თათიას დაასწრო ადგომა.

თათია და სანდრო სკოლაში გაწისტუმრე და მეც ტექნიკუმში წავედი.

აღრენილი ვარ, ეტყობა, ამის მიზეზი ყველამ იცის, ყველანი მოკრძალებით მეპყრობიან და მე ეს უფრო მამბრავებს. ტექნიკუმიდან ადრე წამოვედი და ვიგრძენი, რომ სამსახურიდან ჩემი ადრე წამოსვლა ყველას გაუხარდა. წამოსვლისას დირექტორმა მითხრა — დაღლილობა გეტყობათ, კარგი იქნება, თუ რამდენიმე დღეს შინ დაისვენებთო. არ მესიამოვნა მისი ასეთი მზრუნვე-

ლობა, ეგებ ფიქრობს — უმჯობესი იქნება სამსახურს თავი გავანებო, შინ დავჯდე, ოჯახს მივხედო და შვილებს მოვუარო. არა! მე ეს არ შემიძლია. სახლში ყოფნამ შეიძლება გამაგიჟოს. მე მხატვარი ვარ, მიყვარს ახალგაზრდა მხატვრებთან მუშაობა, მე სამსახური მიყვარს და მე სამსახურში ვივლი.

თათია და სანდრო სახლში დამხვდნენ. დარეჯანმა სადილი გააწყო. ერთი ჭიქა ღვინო შევსვი. ნასადილევს მე დავწვექი და დავიძინე. არ ვიცი თათიამ და სანდრომ გაკვეთილები ისწავლეს თუ არა. უგუნებოდ გამომეღვიძა. სალამოსანი იყო. თათიას ამხანაგმა მოაკითხა და კინოში წასვლა შესთავაზა, ნება არ დავრთე. თათია თავის ოთახში შეიკეტა და ვიცი, გულმოსულია ჩემზე. ჭვეყანა არ დაიქცევა ამით. სანდრო ფანჯარასთან ზის, ფანჯრის თაროზე სახატავი გაუშლია და თვითონ ხატავს. ნამდვილად კი ჭუჩისკენ იცქირება და მამამისს ელის... მამამისი კი ხემაღალშია და შვილის დარდი არა აქვს. ჰო, ასეა! შენ ამას უარყოფ, მაგრამ ეს ნამდვილად ასეა! რაც არ უნდა იუარო, ეს ასეა! მე ამას ხილულად ვხედავ და გული მტკივა. შენც ხედავ ამას, მაგრამ გული არ გტკივა — და განსხვავება დედასა და მამას შორის ეგაა! ნუ იცინი, მე ამას სერიოზულად ვამბობ და მე ეს მჯერა.

დარეჯანის საქციელი მოცეცხვს. ისე მედიდგულება და ისე მიბღვერს, თითქოს მე ვიყო მიზეზი შენი სოფელში წასვლისა. თუ არ მოსწონს ჩვენთან ყოფნა, ესეც წამობრძანდეს სოფელში. გავძლებთ უმაგისოდ! თათია და სანდრო უკვე დიდები არიან და მე მოვუვლი. თათია და სანდრო თვითონ მოუვლიან თავიანთ თავს. დარეჯანს შეუძლია ჩანდაბაში წავიდეს, რომ იბღვირება, ნეტავი ვის უბღვერს? დარეჯანის ოფოფების თავი არა მაქვს მე! წერილი მოსწერე და სოფელში დაიბარე.

მუნჯურად ვივანშმეთ. არავის არ ამოულია ხმა. სანდრო ფანჯარასთან მიიჭრა. ცოტა ხანს ვაცალე, მერე სააბაზანოში შევიყვანე, დავბანე და დავაწვინე. დამავიწყდა, რომ ხეალ შაბათია და სკოლაშია წასასვლელი. წვიმის შემდეგ ცოტათი აცივდა. თუ სუსხიანი დილა იქნა, შინ დავტოვებ.

მშვიდად მეძინა. არავითარი სიზმარი. საერთოდ ბოლო დროს არაფერი არ მესაზმრება. დღეს სამსახურში ყველას მივასწარი, ყველას გაღიმებული და მხიარული ვხვდებოდი. ვგრძნობდი, რომ უკვირდათ ჩემი ასეთი საქციელი. მეც ეს მინდოდა და კმაყოფილი ვიყავი. ჩემს დირექტორს ვაგრძნობინე — მე სრულიადაც არა ვარ დაღლილი და ძველებურად შემიძლია მუშაობა, უფრო უკეთაჲ ვიდრე შარშანწინ და შარშან. არ ვიცი, მას უხარია ეს თუ სწყინს? მე კი კმაყოფილი ვარ ჩემი საქციელით; მე გული მტკივა, მაგრამ

ეს ჩემი საქმეა და ჩემს გულისტკივილთან არავის მიუწვდება ხელი. ჩემს გულისტკივილს მე თვითონ მოეუელი, დაეუყვავებ, ვუმკურნალებ და მოვარჩენ. მოვარჩენ და გავახალისებ. ყველამ თავის გულს მიხედოს და მოუაროს. ჩემს სახეს შესაბრალისად არ გამოვარჩენ, ჩემს ცრემლს ვერავინ დაინახავს. მე ვმრომობ და ხალისიანად ვარ. დღეს ფილარმონიის საზაფხულო სეზონის დახურვაა. დარაჯი გავაგზავნე და ორი ბილეთი ვიყიდე. მე და თათია წავალთ. ანდრო დარეჯანთან დარჩება. მე ქვეყანას ვერ გამოვწყდები იმისთვის, რომ ჩემი ქმარი ხემაღალში წავიდა მიწის საჩიჩქნად. მე ახალგაზრდა ქალი ვარ, გართობა მინდა და მე და თათია დღეს კონცერტზე მივდივართ. პოლონური საესტრადო ორკესტრის გამოსვლით დაიხურება ფილარმონიის საზაფხულო სეზონი. ჩემი ამხანაგები და მეგობრები იქ იქნებიან და მეც იქ უნდა ვიყო. სხვებივით მეც გავიცინებ და ტაშს დაუქრავ. შენ არ გჯერა, რომ მე და თათია დღეს კონცერტზე მივდივართ? ცდები. ნამდვილად შემცდარი ხარ. თავს იტყუებ! აი სამსახურის დამთავრებას ჯერ ორი საათი უკლია. მქვტოვებ სამსახურს და სახლში მივდივარ, სახლში კი არა, საპარკმახეროში მივდივარ, მანიკიურს გავიკეთებ, თმას დავიხვევ, სახლში ადრე მივალ და კონცერტზე წასვლის წინ ცოტას დავისვენებ. კი, ასე აკობებს. აბა დალილ-დაქანცული ხომ არ წავალ კონცერტზე?—

...რვეულის თავფურცელს დახედა. ერთი საათია მაგიდას უზის რუსუდანი, დღიურსა წერს და რვეულში სულ რამდენიმე სიტყვა ჩაუწერია: „ჩვენს ეზოში ლელვი მწიფს, მაგრამ არც დარეჯანი და არც ბავშვები ახლოსაც არ ეკარებიან... არ ვიცი, სანდროს ეძინა თუ არა“... ერთი საათი კია წერს და რვეულში მეტი არაფერი წერია. ჰო, საუბრობდა რუსუდანი, რვეაზს ებაასებოდა, დაწერით არ დაუწერია, მაგრამ სატქმელი თქვა და უმთავრესი ეს არის. სატქმელი თქვა და გულზე მოეშვა; ჩუმად ესაუბრებოდა, თავის გულს და რუსუდანის სიტყვა არავის გაუგონია. სიმართლე თქვა: დღეს ორი საათით ადრე წამოვიდა ტექნიკუმიდან. საპარკმახეროში შეიარა, მანიკიური გაიკეთა, თმა დაიხვია. ცოტა ეუხერხულა, მაგრამ მანაც ახალმოდურად დაიხვია თმა. შეღებვით კი არ შეუღებია. რუსუდანს ისედაც ღიაწაბლისფერი თმა აქვს და შეღებვა არ სჭირდება, მეგობრებს კი ჰგონიათ, რომ რუსუდანი თმას იღებავს, დაე, ეგონოთ! ცდებიან კი, ძალიანაც ცდებიან, რუსუდანს ჯერ თეთრი არ გარეგია თმაში, — ჯიში აქვს ასეთი. ჰო, რუსუდანის დედა ქალბატონი თიკლე მხოლოდ ორმოცდაათი წლისა გაჭლარავდა... რუსუდანის ტოლები კი აგერ ათი წელიწადია, უკვე თმას იღებავენ.

რვეული და ფანქარი მაგიდის უჯრაში ჩადო და უჯრა დაკეტა. სარკეში ჩაიხედა. სასკიდან ახალგაზრდა რუსუდანი იმზირება, კოპწიაობს და თავს იწონებს. დახვეული თმა ამალღებს და სახეს სხვანაირ იერს ჰქვნი.

ხვალ ტექნიკუმის თანამშრომლები გაოცდებიან. გაოცდებიან და მოუწონებენ, უსაყვედურებენ, აქამდე ასე რატომ არ იხვევდი თმასო.

ოთახში თათია შემოვიდა, წასვლის დროა და რუსუდანიც მზად განლავთ, დარეჯანს თადარიგი დაუბარა, ერთხელ კიდევ ჩაიხედა სარკეში და დედა-შვილი სახლიდან გავიდა.

...დღეს გვიან დაბრუნდა ტექნიკუმიდან, უკვე შეღამებული იყო. ქიშკრიდან დაინახა — ფანჯარასთან სანდრო იდგა და ქუჩაში იმზირებოდა, დედას რომ მოჰკრა თვალი, მიიმალა.

კიბზე სვენებ-სვენებით ამოვიდა, კარის ზღურბლს ძლივს გადა-  
შობაბიჯა, პორტუელი დარეჯანს მიაჩეჩა და სავარძელში ჩაჯდა.

— ბავშვები? — რატომღაც შეშფოთებით იკითხა რუსუდანმა.

— ისადილეს. სანდრო თავის ოთახშია და გაკვეთილს სწავ-  
ლობს, — მშვიდად თქვა დარეჯანმა.

— თათია?

— თათია? ჰო, თათია კინოში წაჰყვა ამხანაგს.

— რატომ გაუშვი?

— თქვენ დართეთ ნება.

— მე? მე დავრთე ნება? — გაიოცა რუსუდანმა..

— წუხელ, ჩაიხე რომ კისხედით.

— ჰოო, მე დავრთე ნება, — გაიხსენა რუსუდანმა, — მართალია,  
მე დავრთე ნება, მხოლოდ ექვსი საათის სეანსზე.

— ექვსი საათისაზე წავიდნენ.

რუსუდანმა კედლის საათს ახედა. რვა სრულდებოდა.

— სადაცაა მოვა.

ოთახში სანდრო შემოვიდა. ხელში წიგნი ეკავა.

— ჩემთან მოდი, — დაყვავებით უთხრა რუსუდანმა.

სანდრო დედასთან მივიდა, დედამ აჩეჩილი ქოჩორი თითებით დაუეარცხნა, შუბლზე აკოცა, მხრებზე მოუთათუნა ხელები, თვალ-  
ში ჩაიხედა და გაუღიმა.

— ფანჯარასთან რომ ტრიალებ, ვერ მომიწონებია! ფანჯრის  
თაროზე რატომ ხატავ? მაგიდა ხომ გაქვს? გეპატარავება? აგერ  
მამაშენის მაგიდა თავისუფალია, დაჯექი და ხატე...

სანდრო გაილურსა და არაფერი უპასუხა, რატომღაც შეებრა-  
ლა დედა და უფრო მიეკრა. რუსუდანი მიუხვდა, ხელები მაგ-

რად შემოხვია მხრებზე, მერე ხელის თითები ქოჩორში შეუცუ-  
რა, ლოყა ლოყაზე მიადო და თვალეში ჩახედა. სანდროს თვა-  
ლები დახუჭული ჰქონდა და რომ 'გაეღო, აუცრემლდებოდა... ეს  
იგრძნო რუსუდანმა და თითონაც გაიღურსა, გაიღურსა და გაქავე-  
და, გულში ძაფი, ჩაუწყდა, შეუტოკდა გული და დაღლილობა  
უცებ გაჰქრა. ძალა მოიკრიბა რუსუდანმა, ჯერ მუხლებზე დაის-  
ვა სანდრო, მერე სავარძლიდან წამოიმართა და ხელებში აიტა-  
ტა — დაპატარაებულა თორმეტი წლის სანდრო და რუსუდანს ემ-  
სუბუქება პატარა სანდრო. ჰოო, სანდრიკელა პატარაა, მეძუძურია  
სანდრიკელა, დედას აუტატებია და მკერდში ჩაუკრავს. თუ ატირ-  
დება სანდრიკელა, დედა ძუძუს მისცემს, დედის ძუძუ ეამება სან-  
დრიკელას, ტირილს მიატოვებს და გაყუჩდება, არა, სულ არ  
გაყუჩდება, ალულლულდება, სიხარულის გამო ალულლულდება  
და ძუძუს უფრო მიეძალება...

— ჰო, გეყოფა ახლა, — ვითომ საყვედურით თქვა რუსუდან-  
მა და სანდრო სავარძელში ჩასვა..

— თვალეში გატყობ. — ღიმილით ეუბნება რუსუდანი, — გაკ-  
ვეთილი კიდევ დაგრჩენია. სასწაელი, შეხედე, — კედლის საათზე  
ანიშნა, — მეცხრე საათი დაწყებულია.

სანდრო მამის მაგიდასთან მივიდა. სინათლე აანთო და წიგნი  
გადაშალა.

რუსუდანი შეკრთა, სადღაც გულის სიღრმეში ეწყინა შეილის  
ასეთი სითამამე.

აკი ახლახან თვითონ უთხრა — თანჯრის თაროს მოეშვი, თუ  
შენი მაგიდა გეპატარაებდა, აგერაა მამაშენის მაგიდაო, ჰო, თი-  
თონ დართო ნება და როცა სანდრომ სინათლე აანთო და მამისეულ  
სკამზე დაჯდა, რატომღაც ცუდად ენიშნა, შეკრთა და გული ეტ-  
კინა.

... ღამის სამ საათზე გამოელევიდა, ადგა და მეუღლის სამუშაო  
ოთახში შევიდა. ოთახში სინათლე ენთო. სანდროს წიგნი მამი-  
სეულ მაგიდაზე დარჩენოდა. წიგნი აიღო და ბავშვების ოთახში  
ფრთხილად შევიდა. თათიას და სანდროს მშვიდად ეძინათ.

ისევ მეუღლის სამუშაო ოთახში შევიდა, საწერ მაგიდას მიუჯ-  
და, უჯრა გამოაღო და რვეული ამოიღო.

თათიას და სანდროს სძინავთ. დარეჯანსაც სძინავს. ჯერ ოთ-  
ხი საათიც არაა და ბავშვებს უნდა ეძინოთ. ღამის ოთხ საათზე  
რუსუდანსაც ყოველთვის ეძინა, მაგრამ გუშინ ადრე დაწვა რუ-  
სუდანი. ცხრა საათზე დაეძინა დაღლილ რუსუდანს, მოისვენა,  
გამოიძინა და ადგა. ჰო, ღამის სამ საათზე ადგა და რა მოხდა  
მერე? წინათ არ ამდგარა რუსუდანი ღამის სამ საათზე? გამოლვი-

ძებით კი გამოღვიძებია, მაგრამ არასოდეს ამდგარა... გვერდით რევანზი იწვა. რევანზს ეძინა და გამოღვიძებული რუსუდანი გალურსული იწვა ლოგინში, გვერდსაც არ შეიცვლიდა — რევანზს ძილი არ ვავეუკროთო. გალურსული იწვა რუსუდანი, მერე ჩასთვლემდა და ჩაეძინებოდა.

„ჩვენი ლელვი მწიფს, ნაგრამ ბავშვები და დარეჯანი ახლოსაც არ ეკარებიან“...

ღილით დარეჯანს დააკრეფინებს ლელვს და მეზობლებს მოუკითხავს. შარშან თათიამ და სანდრომ დამწიფება არ აცალეს და თუ მოესურვებათ, თვითონვე შეუძლიათ დაიკრიფონ.

„...ღამის ოთხი საათია, მე შენს მაგიდას ვუზივარ და შენს საერთო რვეულში ჩემს დღიურსა ვწერ. მერწმუნე, ნამდვილად ღამის ოთხი საათია, არ გეგონოს, შენზე ფიქრმა არ დამაძინა: არა! გუშინ აღრე დავეწქეი, ამიტომაც აღრე გამომღვლიდა და ავდექი, ეს საერთო რვეული ვიპოვნე და დღიურსა ვწერ. ეგებ ეს დღიური შენ ოდესმე წაიკითხო და ამ დღიურში შენთვის საგულისხმო რამ იპოვნო, ეგებ. ტყუილებრალოდ ვწერ... მაგრამ არა მგონია, დღიურებს სხვების საკითხად წერდნენ.

...ოდეს სანდრო პირველად მიუჯდა შენს საწერ მაგიდას. უნებართვოდ არ დამჯდა, ანება მე დავრთე, მაგრამ როცა შენს სავარძელზე დაჯდა და წიგნი გადაშალა, რატომღაც გული მეტკინა... განა ისეთი რა ჩაიდინა სანდრომ? განა ჩვენი ნივთები ჩვენს შვილებს არ ეკუთვნით? განა მე მწყინს, ხანდახან თათია ჩემს ქოლვას რომ გააპარებს? მაგრამ შენ რომ სახლში არა ხარ და სანდრო შენს მაგიდას ვითომ რომ დაეპატრონა, რატომღაც ცუდად მენიშნა და გული მეტკინა. მინდოდა გავწყრომოდნი, მაგრამ თავი შევიკავე, შემებრალა სანდრო. რაც შენ წადი, როგორც კი მარტო დაიგულებს თავს, ფანჯარასთან მიიჭრება, ქუჩაში იმზირება და გელოდება. მე ეს თავიდანვე შევამჩნიე, მაგრამ არ დავუშალე... ხომ არ შეიძლება სანდრო სულ ფანჯარასთან იდგეს და მამამისს ელოდებოდეს? გუშინ გვიან დავბრუნდი ტექნიკუმიდან, თითქმის შეღამებული იყო, მაგრამ კიშკრიდანვე დავინახე ფანჯარასთან მომდგარი სანდრო. სახატავ რვეულს ფანჯრის თაროზე გაშლის, ვითომ რაღაცას ხატავს, ნამდვილად კი თვალი ქუჩისკენ აქვს მიცეცებული, შენ გელის... ჰოდა, გუშინ ავუკრძალე ფანჯარასთან ტრიალი — თუ შენი მაგიდა გეპატარავება სახატავად; აგერაა მამაშენის მაგიდა-მეთქი. და სანდრო შენს მაგიდას დაეპატრონა. ამხელა მაგიდასთან მჯდომი სანდრო ცოტა სასაცილოდ ჩანდა...

მერე მე დავეწქეი და დავიძინე. არ ვიცი, თათია როდის მოვიდა და ბავშვები როდის დაწვენენ. ის კი ვიცი, სანდრო მე რომ



დაძინებულს დამიგულებდა, მაგიდას მიატოვებდა, ფანჯარასთან დადგებოდა და დაგელოდებოდა...

...ნეტავ ამ ოთახში თამბაქოს სუნი იდგეს ახლა! მეგონებოდა, შენ სახლში ხარ და მალულად ეწევი სიგარეტს. ოთახში თამბაქოს სუნი არ დგას და მე ეს მალონებს.

სადაცაა გათენდება, შენს საწერ მაგიდას ვუზივარ და ამ დღიურსა ვწერ. შენც გვიან ღამემდე ასე იჯექი ამ მაგიდასთან. ნათურას წიგნს ააფარებდი, სინათლე ოთახში რომ არ გაფენილყო, ღია იყო ფანჯარა და ოთახში თამბაქოს კვამლი არ დგებოდა, მაინც დილით, შენს სამუშაო ოთახში შემოსულს თამბაქოს სუნი მეცემოდა... გულს მოვიყვანდი, გესაყვედურებოდი და გებუტებოდი. შენ არაფრად აგდებდი ჩემს საყვედურებს, ისევ ეწეოდი სიგარეტს... და ასე მეორდება ყოველდღე.

ახლა შენს სამუშაო ოთახში თამბაქოს სუნი არ მცემს და შენ შინ არ მეგულები... როდემდის გასტანს ასე და როდემდის შემიძლია ავიტანო ეს მე? შენ მეუბნები — დრო გვიჩვენებსო. კეთილი და პატიოსანი — გვიჩვენოს დრომ! მე კი ვგრძნობ, დიდი ხნით აგრე ყოფნას ვერ შევძლებ. სიმართლეს გეუბნები, რევაზ, და დამიჯერე!

ბოლო დროს შენ მატყუებდი და მე ეს საოცრად მწყინდა. ინსტიტუტის ნაცვლად სამინისტროში დადიოდი და მე მიმალავდი. თათია, სანდრო და მე გაგრამი ვაგვამგზავრეთ, მეც ჩამოვალე, დაგვეპირდი, და არ ჩამოხველ, აუცილებელი საქმე გქონდა და ვერ ჩამოხვედი... შენ წინასწარ იცოდი, რომ გაგრამი ვერ ჩამოხვიდოდი, ჩვენ კი მაინც შეგვეპირდი და ლოდინით გული გადაგველია... რატომ მოიმოქმედე ეგრე? განა მართო ეს? ბევრი რამ გაუგებარია ჩემთვის, ბევრი რამ ვერ ამიხსნია და სული ამიწრიალდა, გული დამიმძიმდა... ხვალინდელი დღე ემუქრება ჩემს ოჯახს და მე მეშინია ხვალინდელი დღისა, არ ვიცი, ხვალ რა მოელის ჩემს შვილებს და მე...

ხედავ, თათიამ როგორ აიშვა თავი? ყოველდღე კინოში წასვლას ითხოვს, უარს ვეუბნები, მაგრამ იმდენს იწრიალებს, ისეთ რამეს მოიმოქმედებს, მაინც დამითანხმებს. ექვსის ნახევარზე დათქმულივით მოაკითხავს გარდაფხაძის ქალიშვილი და ერთად მიდიან კინოში. განა მარტონი დადიან? დანამდვილებით ვიცი, არა! ფილარმონიაში რომ მყავდა თათია, შეენიშნე, ერთი ყმაწვილი არ აშორებდა თვალს. სამი რიგით წინ იჯდა ის ყმაწვილი, სცენისკენ ზურგშექცეული იჯდა და თათიას შესციცინებდა, დარწმუნებული ვარ, იმ ყმაწვილთან ერთად დადის თათია კინოში და ღმერთმა იცის, ვინაა ის ყმაწვილი? შენ არ გაინტერესებს, შე-

ნი თექვსმეტი წლის ქალიშვილი ვისთან დადის კინოში და ისიც ყოველ დღე? და ღმერთმა იცის, კინოში დადიან? ეგებ ბნელ ქუჩებში, ან რომელიმე პარკის ჩაბნელებულ ხეივანებში ხეტიალობენ? შენ ეს არ გაღელვებს? თექვსმეტი წლის ქალიშვილის მამას ეს არ აღელვებს? შენ აღელვება და აღშფოთება არ გეტყობა, მშვიდად, ერთობ მშვიდად ხარ! არხეინად გრძნობ თავს, მეურნეობის გაშენების გეგმას ჩაჰკირაკიტებ, სხვადასხვა ჯიშის თუთის ნერგებს უკვეთავ სანერგეებს, შენი ქალიშვილი კი ვიღაც შენთვის უცნობ ყმაწვილთან კინოსა და პარკში დიაჩრება და ეს არაფრად მიგაჩნია!“

ფანქარი მაგიდაზე დადო, წელში გაიმართა და რვეულს რომ დახედა, გაოცდა — ერთი სიტყვა არ ჩაუწერია რვეულში.

შუბლზე ხელისგული გადაისვა, ისევ ჩააცქერდა რვეულს და შეეშინდა.

გულში რაღაც ქვალივით იგრძნო, თვალში ნაპერწკლები შემოესია, მკლავები მოუღუნდა. თავი რვეულზე დადო და ატირდა.

ოთახში სინათლე შემოიქრა. თენდება. თათიას, სანდროს და დარეჯანს სძინავთ. დღეს კვირა დღეა და თათია და სანდრო ძილით გამოძღებიან, დარეჯანი კი ჩვეულებრივად ადრე ადგება და რუსუდანი და ბავშვები რომ არ გამოაღვიძოს, ჯერ ეზოს მიმოალაგებს, ქალაქის ნახევებს და ღამით ჩამოცვენილ ფოთლებს მოაქუჩებს და ჭიშკართან ყავისფერი სანაგვე ყუთი რომ დგას, იმაში ჩასტენის; მერე ჭიშკრიდან გარაჟამდე დაგებულ ასფალტს დაჰგვის და პურზე წავა. ამ უბანში კარგი თონეა. რაჰველები აცხობენ პურს. ცომს ხელით ზეღენ და რბილი და გემრიელი შოთები გამოჰყავთ. თონეს ბევრი მუშტარი ჰყავს, მეზობელ უბნებიდანაც აქ მოდიან, ამიტომაც დილაადრიან თუ არ იყიდი, მერე მოგკამა ჭირი.

დარეჯანი დილის რვა საათისათვის თონეშია, მას იცნობენ რაჰველი პურისმცხობელები და ყოველთვის შნოიანად დაბრაწულ შოთებს შეურჩევენ, დარეჯანი შოთებს ტილოს შემოახვევს და ისე ჩაალაგებს ხელჩანთაში, თერთმეტ საათზეც რომ ისაუზმონ, შოთები მაინც თბილია. სანდროს უყვარს თბილი პური. მაღიანად ილუქმება და დარეჯანს უხარია.

ადრეა. ჯერ დარეჯანიც არ ამდგარა, რუსუდანი კი რეჟაზის საწერ მაგიდასთან ზის, თავი მაგიდაზე დაუდევს და ჩასძინებია. პო, წერით დაიღალა რუსუდანი. ისე დაიღალა, რომ ადგომაც ვერ შეძლო, ამიტომაც თავი მაგიდაზე დაუდვია და ჩასძინებია... თანდათან ნათდება, საღაცაა მზე ამოვა, თავდაპირველად ფანჯარასთან აღმართულ ალვას შეეთამაშებიან მზის სხივები, მერე მზე. ოდნავ მაღლა აიწევს, ოთახში შემოიხედავს და რუსუდანს გამოაღვიძებს, რუსუ-

დანი გარშემო მიმოიხედავს და გოცდება. ვერაფერს გაიხსენებს, გოცდება და შეეშინდება. უღონოდ წამოდგება საეარძლიდან, უხმაურო ნაბიჯებით შევა საძილე ოთახში და ლოგინში ჩაწევება. სიცივე აიტანს, საბანს მკიდროდ შემოიხურავს, თვალებს დასუტავს და დაიძინებს...

...ქიშკრის ზარმა ნელა დარეკა, მაგრამ რუსუდანმა მაინც გაიგონა ზარის ხმა და შეკრთა. რვეული და ფანქარი უკრამში ჩადო, ფანჯარა გამოაღო და ქიშკარს განედა.

ჯიშკართან რვეაზი იდგა.

ჯერ სიზმარი ეგონა რუსუდანს, მაგრამ ქიშკრის ზარმა ხელახლა რომ დარეკა, გამოერკვა, კიბე ჩაირბინა, ქიშკართან მიიჭრა, მეუღლეს თვალეებში ჩააცქერდა და გაუღიმა.

რუსუდანის ნამტირალევი თვალეები უღიმიან რვეაზს, რვეაზმა თავი დახარა, თვალი მოარიდა მეუღლის ნამტირალევე თვალეებს, ხმას არ იღებს რვეაზი და რუსუდანიც დამუნჯებულა... მთელი ღამე ეკამათებოდა და ტუქსავდა, დილაუთენია სასწაულივით გამოეცხადა და ხმა ვერ ამოუღია.

რუსუდანმა ჩემოდანს წაატანა ხელი, რვეაზმა არ დაანება, ვეებერთელა კალათა და ჩემოდანიც მსუბუქად აიტაცა, და სამზარეულოში შეიტანა.

სააბაზანოში ცივი წყლით დაიბანა ხელ-პირი, მერე უხმაუროდ შევიდა ბავშვების ოთახში. სანდრო კედლისკენა მიბრუნებული, თათია პირაღმა წევს, საბნიდან ხელეები ამოუყვია და ისე სძინავს. ჰო, ღლეს კვირა ღლეა და სანდრო და თათია მაგრად გამოიძინებენ... ცერებზე შედგა, მძინარე თათიას და სანდროს გაუღიმა და კარი უხმაუროდ გამოიხურა.

რვეაზის სამუშაო ოთახში რუსუდანს ფანჯარა გაუღია და ფანჯრის თაროზე დაყრდნობილი ეზოში იმზირება. რვეაზმა მხრებზე მაგრად მოხვია ხელეები და რუსუდანი შეკრთა, უფროდაუფრო მიიზიდა რვეაზმა. მერე ხელეები დაბლა ჩამოაცურა და წელზე შემოაჭდო, ბავშვივით აიტაცა ხელში, დაარწია, საძილე ოთახში შეიყვანა და ლოგინში ჩააწვინა.

რუსუდანმა საბანი თავზე წაიხურა და გაილურსა.

„არა, ნამტირალევე თვალეებს არ ვუჩვენებ“.

რვეაზი ლოგინში შეუწვია, კისრისქვეშ შოუცურა მარჯვენა ხელი და მკლავზე დაიწვინა, მარცხენა ხელით ძუქუსთავებს მოეაღერსა და ნამტირალევი თვალეები დაუკონა.

სექტემბრის, თბილი ღღეა და ჩაფიჩაძეთა ოჯახი არაგვის ხეობაში გაისეირნებს.

სანდრო დილიდანვე გარაჟში ფუსფუსებს. ოდნავ დამტვერილი მანქანა მშრალი ჩვრით საგულდაგულოდ გააპრიალა. მამამისის სასროლი ბადე, მაღალყელიანი რეზინის ჩექმები, თავისი საკეცი ანკესი და ბურთი მანქანის საბარგეში შეაწყო.

თათია, თავდაპირველად, მამასთან სიახლოვეს თავს არიდებდა, დარწმუნებული იყო — დედამ გამამხილა და სადაცაა მამა დამტუქსავსო, მაგრამ რევაზი რომ გაეთამაშა და გაელიმილა, თავის თავი გაპკიცხა — ცილი რატომ დავწამე დედასო, მერე კი გათამამდა თათია, მეტისმეტად გათამამდა, ღღესაც კინოში უნდოდა წასვლა და მამას ყურში უჩურჩულა:

— მამი, ჩემთან პმხანაგები მოკლენ, ერთად ვმეცადინებოთ, შინ დავრჩები.

რევაზმა გამომცდელად ჩახედა თვალებში.

— ნებართვა დედისგან აიღე.

თათია შეკრთა, ასეთ პასუხს არ მოელოდა მამისაგან და ცივად გაშორდა.

რუსუდანი სარკესთან იდგა და თმას ივარცხნიდა. არ ესიამოვნა თათიას შემოსვლა, ცივად შეხედა და ოდნავ ზურგიც შეაქცია.

— დედი, მე შინ დავრჩები, გაკვეთილები მაქვს სასწავლი...

რუსუდანმა იისფერი თავსაბური წაიკრა თავზე, შუბლზე ჩამოშლილი თმა თითებით თავსაბურში შემალა; სარკესთან ახლოს მიიტანა სახე და შუბლი შეიკრა.

— გაკვეთილები გუშინ უნდა გესწავლა, — ცივად მიუგო თათიას და ისეთი თვალით შეხედა, აგრძნობინა, აქამდე არაფერი მიტქვამს მამაშენისათვის, ახლა კი მოვანსენებ შენი კაი ქალობის ამბავსო და კიბეზე ჩქარი ნაბიჯით დაეშვა. თათიაც დედას დაედევნა.

მანქანა ქიშკართან იდგა. რევაზი, სანდრო და დარეჯანი უკვე მანქანაში ისხნენ. სურსათის კალათა დარეჯანს მუხლებზე ედო.

— სანდრო! მამამისთან დაჯდება, — თქვა რუსუდანმა, მანქანის კარი გამოაღო და სანდროს ანიშნა, გადმოდიო.

„მაშ მთელ გზაზე სიგარეტი ვერ მომიწევია...“ გაიფიქრა რევაზმა.

— სიგარეტი შეგიძლია მოწიო, თამბაქოს კვამლი არ შაწუხებს! — ვითომ ღიმილით, მაგრამ ნაღვლიანად თქვა რუსუდანმა.

სანდროს გაჩაჩხული ფეხები ერთმანეთზე მიადებიეს და სურსათის კალათა მის ფეხებთან მოათავეს.

რუსუდანის ფიქრი: „სიგარეტი. შეგიძლია მოწიო, თამბაქოს კვამლი უკვე არ მაწუნებს! დაყვედრებით, გამომწვევად ვთქვი. არ უნდა მეთქვა! ხომ გადავწყვიტე — ერთ საყვედურთან სიტყვასაც არ ვიტყვი-მეთქი? მე ხომ არ ვიცი, რატომ ჩამოვიდა ასე ნაუცბათევად? არც ის ვიცი, რამდენ ხანს დარჩება... თვითონ არაფერი თქვა და ვიდრე თვითონ არ იტყვის, მე არაფერს ვკითხავ! მაგრამ ამ ჩემს უთქმელობას აინუნშიაც რომ არ აგდებს? არხეინად ზის მანქანის საჭესთან, ხანდახან სანდროს გადახედავს და მსუბუქად მიაქროლებს მანქანას“.

ნატანტარს გასცდნენ. ამ გზაზე ბევრჯერ გაუვლია ჩაფიჩაძეთა ოჯახს, მაგრამ რუსუდანი არასოდეს მოხიბლულა არაგვის შემოგარენით.

მოასფალტებული გზა. ახოები. მეჩხერი ტყე. ხან მღვრიე და ხან დაწმენდილი არაგვი.

რუსუდანი პალმებისა და ნაძვისხეების ტრფილია. გაგრაყ პალმებმა და ნაძვისხეებმა შეაყვარა რუსუდანს. რუსუდანი სიამოვნებით მიატოვებდა თბილისს და გაგრაში დასახლდებოდა. ზედ ზღვისპირად დაიდგამდა სახლს. ზღვასთან ისე ახლოს, ზღვის მსუბუქ ფრთონვასაც შემოვლწია საძილე ოთახებში, რუსუდანს ზღვის მსუბუქი ღელვა საოცრად ამშვიდებს.

გაგრაში პალმები ხომ ზღვისპირზეა ჩამწკრივებული და რუსუდანიც თავის ეზოში ზღვისპირად გაახარებს პალმებს. პალმა მცირე ჩრდილს გამაფენს, ამიტომ საჩრდილობლად პალმებთან ნაძვებს დააწყვილებს და რევანის ხატრისათვის თუთის ხეებსაც გაახარებს, თუთის ხეებზე კი იზაბელას მიუშვებს და ქიშკრიდან აივნამდე თალარს გამართავს... მზე აცხუნებს, თალარში გრილა, მსუბუქი ზღვაური ჰქრის და ჩაფიჩაძეთა თალარში სიგრილეა. ზის რევანში ჩრდილში, ოდნავადაც არ აწუნებს სიცხე, გაზეთებს ათვალთვრებს და სიგარეტს ეწევა. იქვე, რევანთან ახლოს, საქანელაში წევს რუსუდანი და ზღვაში მობანავე თათიას და სანდროს უთვალთვალებს, სანდრო და თათია მსუბუქად ცურავენ, გული შორს მიუწევთ, მაგრამ დედა ნებას არ აძლევს, ამიტომაც ცდილობენ, დედის თვალს მოეფარონ, მაგრამ რუსუდანის თვალს ვერ დაემალებიან. საქანელადან ჩამოვა რუსუდანი, დაუცაცხანებს თათიას და სანდროს, ნაპირზე გამოიხმობს.

რევან ჩაფიჩაძეს ერთი სახლი მოეწონა გაგრაში, ახალსა და ძველ გაგრას შუა, ზედ ზღვისპირას იდგა ეს სახლი — ჩვეულებრივი ქართული ოდა. ხეხილიანი პატარა ეზო, ჭა ცისფერი ოწინარით, ღობეც — ცისფერი მავთულის ბადე. ყველაფერზე უფრო აივანმა მოხიბლა რევან ჩაფიჩაძე. აივანი ირგვლივ ჰქონდა შემოვლებული

ოდას, ზოლო ზღვისკენ მოქცეულ მხარეზე აივანი ისეთი განიერად იყო, შემოდგომის მზე ოთახში ვერ ატანდა.

იყიდებოდა რევან ჩაფიჩაძის მიერ მოწონებული კარმიდამო, მაგრამ რევან ჩაფიჩაძემ შორს დაიჭირა თავი.

— ბავშვები დაიზრდებიან, თათია გათხოვდება, სანდრო ცოლს შეირთავს, — მშვიდად მარცვლავდა რუსუდანი, — ჰო, ბავშვები დაიზრდებიან და ჩვენ მოვხუცდებით... ჰო, ყოველთვის ახალგაზრდები ხომ არ ვიქნებით? მოვხუცდებით და ქალაქის ხმაურიანი ცხოვრება-აუტანელი გახდება ჩვენთვის... აქ — ზღვა, სიმშვიდე, სუფთა და ლბილი ჰაერი...

— ზღვა უსაქმურობის დედაა, — მოკლედ მოუჭრა რევანმა.

სიცრუეა, ნამდვილი სიცრუე! ზღვას არავინ გაუზარმაცებია, უზღვაო ქალაქებშიც თავსაყარად არიან უსაქმურები, თბილისშიც ბევრი უსაქმური დაეხეტება. მიუხედა რუსუდანი, სხვა მიზეზი აქვს რევან ჩაფიჩაძეს, გაგრაში რომ არ სახლდება, ნამდვილადაც მიუხედა, მაგრამ არაფერი თქვა და დუმილი ამჯობინა. მერე ინანებს რევან ჩაფიჩაძე, მწარედ ინანებს; უარი თქვა და საქმე მორჩომილია, ბევრიც რომ უჩიჩინოს რუსუდანმა, არაფერი გამოვა, ამიტომაც პირი გაიქვავა და არაფერს ამბობს.

რატომ მინცდამინც ანლა გაახსენდა ეს მივიწყებული ამბავი?

შეყვითლებულმა მეჩხერმა ტყემ, მობალახებულმა ახოებმა, მღვრიე არაგვმა გაახსენა გაგრის პალმები და ნაძვები, ლორთქო ბალახი, ცისფერი, სიწითლეშეკიდებული ჰორიზონტი, მსუბუქად მღვლეარე ზღვა და ტალღები რომ გეალერსებიან და ნაპირზე არ გიშეებენ...

...ჟინვალში შევიდნენ.

სანდრომ მორიდებით თქვა, მწყურიაო და რევან ჩაფიჩაძემ მანქანა გააჩერა. გზის მარჯვნივ, არაგვთან, ცივი წყაროა, ეს იცის სანდრომ, დოქს დაავლო ხელი და წყაროსკენ გაქანდა.

— საით მივდივართ? — ცივად ჰკითხა რუსუდანმა.

— ფასანაურში.

— შორსაა. ბავშვები დაიღლებიან...

ჟინვალიდან ფასანაურამდე სულ ოცდაცამეტი კილომეტრია, გზა მოასფალტებულია, მანქანა მსუბუქად ივლის და ნახევარ საათში ჩაღწევს ფასანაურამდე, მაგრამ რუსუდანი დაღლილია... ჰო, თათია და სანდრო კი არა, რუსუდანია დაღლილი, ეს შეატყო რევანმა და ჟინვალს ცოტათი რომ გასცილდნენ, მთავარ გზას გადაუხვია, არაგვისპირას ჩაიყვანა მანქანა და წიფლების ჩრდილში დააყენა.

არაგვის ტოტზე პატარა წისკვილი დგას. წისკვილთან სამი ნაბდის გაშლა მინდორია. ღარში წყალია მიგდებული, ჩხრიალებს ღარ-

ში მიგდებული წყალი, ბრუნავს წისქვილი და წისქვილის ბუბუნი არაგვის შესუილში იკარგება.

რუსუდანი უხალისოდ გადმოვიდა მანქანიდან, მაგრამ არაგვისპირის სივრცელე და წისქვილის ბუბუნი ეამა, ფეხსაცმელი გაიხალდა და ფეხები ფოსტლებში შეყო, მდინარეზე ჩავიდა, არაგვის ცივი წყალი სახეზე შეისხურა, ქვაზე თავსაბური დააფინა და დაჯდა.

ღარეჯანმა მოლზე ფარდაგი დააგო. თათიამ მანქანის საჯლოში მუთაქად მოირგო და მოლზე წამოწვა.

რევანმა და სანდრომ არაგვს მიაშურეს. რევანი იქვე, წისქვილთან ახლოს ისროდა ბადეს; სანდრომ კი ცოტა მოშორებით, მორევეში ჩაპკიდა ანკესი.

რუსუდანის ფიქრი: „არც ღარეჯა, არც შემოთვალა და მოულრდნელად ჩამოვიდა. ჩამოვიდა და არაფერს ამბობს. რისთვის ჩამოვიდა? რამდენ ხანს დარჩება?“

ერთხელაც არ წამოცდენია — შენი მშობლები როგორ არიანო, თითქოს არც კი არსებობდნენ ისინი, ან ეგებ არც კი აინტერესებს რევანს ჩაფიჩაძეს, როგორ ცხოვრობენ ნიკო დიასამიძის ოჯახში? ზვიადის ამბავიც რომ არ იკითხა?“

რევანმა ბარე ოცჯერ ისროლა ბადე და ერთი ფიჩხულიც ვერ დაიჭირა, არც სანდროს ანკესს გაუღიმა ბედმა, მამა-შვილმა თევზაობას თავი მიანებეს და წისქვილისკენ წამოვიდნენ. წისქვილის კარი ღია იყო, კარის ზღურბლზე ქალიშვილი იდგა და რევანს მოეჩვენა უცნობი ქალიშვილი დამცინაუად იღიმებოდა.

— უქმად ისროდით ბადეს, — თამამად თქვა ქალიშვილმა.

— თქვენ საიდან იცით? — გაიოცა რევანმა და ქალიშვილს თვალი გაუყარა.

— თევზი ხმაურს გაუბრძის. — დარწმუნებით თქვა ქალიშვილმა და წისქვილზე ანიშნა. მერე სანდროს გაუღიმა.

— ანკესი კი კარგი გქონია!

სანდრო დაკეცილ ანკესს ხელში ჯოხივით ათარაშებდა, უცნობმა ქალიშვილმა რომ შეუქო, სანდრომ თავი მოიწონა და ანკესი ავტომატივით გაიღო მხარზე.

ქალიშვილს მუქზოლებიანი შინდისფერი კაბა აცვია, სახეც შინდისფერი აქვს, ოღონდ ოღნავ უფრო მრუმე. თეთრი, ჩაკაწაწებული კბილები, ისეთი თეთრი, რომ საუბრისას კბილებიდან ნათელი გამოკრთის. მთიელ ქალებს აქვთ ასეთი თეთრი კბილები, ამიტომაც მათი ჩვეულებრივი საუბარიც ღიმილიანი გვეჩვენება.

რევანმა ბადე გასაშრობად მოლზე გააფინა და ღარეჯანს ანიშნა, სუფრა გააწყვეო.

თათია წამოხტა, რატომღაც სანდროს ენა გამოუყო და რუსუ-  
დანთან გაიქცა.

უცნობი ქალიშვილი წისქვილში შევიდა და კარი მიიხურა.

ღარში მიგდებული წყალი ჩხრიალებს, რეკს სარეკელა, ბუბუ-  
ნებს წისქვილი და წისქვილის ბუბუნნი არაგვის შხუილში იკარგება.

ჩაფიჩაძეთა ოჯახი მოლზე გაწყობილ სუფრას შემოუსხდა.

უცნობი ქალიშვილის მოსაწვევად წისქვილში დარეჯანი შეაგზავ-  
ნეს. ქალიშვილმა მოუბოდიშა და უარით გამოსიტუმრა. სადაცაა  
საფქვაევი ჩამოთავდება და შინ უნდა წავიდეო. მაშინ  
რევახი შევიდა წისქვილში, ქალიშვილმა ხათრი ვერ გაუტეხა, წა-  
მოჰყვა და სანდროს გვერდით დაჯდა.

უხერხული სიჩუმე ჩამოვარდა.

— რა გქვიათ? — სიჩუმის დასარღვევად ჰკითხა რუსუდანმა  
ქალიშვილს.

— ჯავარა.

— ჯავარა, წისქვილი თქვენია? — მიაშიტად იკითხა სანდრომ.

ჯავარამ სანდროს გაუღიმა და მხარზე დაადო ხელი.

— წისქვილი არავესია.

— როგორ თუ არავესი? — რევახი ჩაერთო საუბარში.

— ახლა არავესი, — დაბეჭითებით თქვა ჯავარამ.

— ადრე?

— ადრე ჩვენი იყო.

— ჩამოგართვეს?

— არა. მამა გარდაიცვალა, დედა დასნეულდა, მე ქალაქში წაველ  
სასწავლებლად, წისქვილი სოფელს გადავეცი.

— უსასყიდლოდ?

— არა, მინდს გვაძლევდა. თვეში სამ ფუთ ხორბაღს.

— ახლა?

— აჟი ეთქვი, ახლა წისქვილი არავესია. ახლა სოფელი არაა და  
წისქვილიც არავესია! — ცივად თქვა ჯავარამ.

— არავესი! არავესი... — ჩურჩულით თქვა რევახ ჩაფიჩაძემ და  
სახე გაუფითრდა, გულში ჰვალღივით გაჰკრა, გული ეტკინა და წა-  
მოდგა.

— მთელი სოფელი წავიდა?

— პატარა სოფელი იყო. ა, ამ მთას ხომ ხედავთ? — ხელი გაიშ-  
ვირა მთისკენ ჯავარამ, — პატარა მთაა, მთის მოთავებაზე ზეგანია,  
იმ ზეგანზე იყო ჩვენი სოფელი, ორმოცამდე კომლი სახლობდა.  
გიორგიწმინდა ერქვა. კარგი სოფელი იყო გიორგიწმინდა. ზაფ-  
ხულობით აგაკარად ამოდინან ზოგიერთნი და მეც ამოვდივარ, —  
სევდიანად თქვა ჯავარამ.



საფქვეავი ჩამოთავდა და სარეკელამ რეკვას უმატა. ჯავარა ლარისთავს მიეკრა, წყალი გადაადგო, წისქვილის ბორბალმა ერთხანს კიდევ იტრიალა, მერე ხმა ჩაიწყვიტა და ჯავარა წისქვილში შევიდა.

წისქვილი დადუმდა და არაგვის ტოტის შხუილმა იმატა, პატარა არაგვის ტოტი, მაგრამ მთებიდან გამოყოლილი ძალა ერჩის და გავაკებულზეც ლალად მიედინება.

ჯავარა წისქვილიდან გამოვიდა, ფქვილიანი თეთრი ნაკრაულა მარჯვენა მკლავში ამოელლიავებია.

— მალე ჩრდილი დაადგება მდინარეს, — დარწმუნებით ეუბნება ჯავარა რევაზ ჩაფიჩაძეს, — წისქვილის ქვემოთ, სადაც არაგვის ლარისწყალი ერთვის, მეჩხერია და კალმახი იცის.

ნაკრაულა მხარზე შეიგდო და აღმართს შეუყვია. რევაზმა თვალი გააყოლა ჯავარას, ყოჩალი ნაბიჯებით მიდის აღმართიან ბილიკზე ქალიშვილი, მერე ბილიკს გადაუხვია და ბუჩქნარში მიიმალა.

...საიდანღაც ხემაღალის ბილიკები გამოჩნდნენ და არაგვისპირის აღმართს დაეკიდნენ. პატარა ეკატერინე ყოჩალი ნაბიჯებით მიამოქებს აღმართზე, მხარზე ფქვილიანი თეთრი ნაკრაული შემოუდვია და შინ მიიჩქარის... ხემაღალის წისქვილიც გამოჩნდა, ლარიდან წყალი გადაუგდია პატარა ეკატერინეს და წისქვილი დადუმებულა, ჩრდილი დადგომია წისქვილს და უსახურავო წისქვილს ბელურები შესეგია, შიგ კოდში ჩაფრენილან ბელურები და იკენებთან, საკენკს ვერ პოულლობენ და ყიფიყიფებენ.

თათია მამამ კინოში არ გაუშვა და გულმოსული თათია მეზობლისას წავიდა.

რუსუდანმა დალლა მოიმიზეზა და უვახშმოდ დაწვა.

დარეჯანმა ვახშაში გააწყრ და რევაზი, სანდრო და დარეჯანი ვახშმად დასხდნენ.

სანდრო მამის პირდაპირ დაჯდა.

— თათია? — იკითხა რევაზმა.

— თათია? თათია გარდაფხაძეებთან. გაღწვიდა, — თქვა დარეჯანმა.

— ახლავე დაუძახე! —

— ხვალინდელი გაკვეთილები? — ისე, სხვათაშორის ჰკითხა რევაზმა სანდროს.

— გუშინ ვისწავლე.

— რატომ არაფერს ჰკამ?

სანდრომ პურსა და ყველს წაატანა ხელი. რევაზმა კარაქწასმული

პურის ნაჭერი გაუწოდა, სანდროს მაინცდამაინც არ უყვარს კარაქი, მაგრამ მამას ხათრი ვერ გაუტეხა, ვითომ მაღიანად ჩაეჭიჩა და ფინჯანიდან ჩაი მოსვა.

ოთახში თათია შემოვიდა.

— როგორ არიან გარდაფხაძეები?

— გარდაფხაძეები? — გაიკვირვა თათიამ.

— ჰო, გარდაფხაძეები.

— გარდაფხაძეები... გარდაფხაძეები თბილისში არ არიან.

— აბა ვისთან იყავი? — რქვაზმა ჯერ თათიას გაუყარა თვალი, მერე დარეჯანს.

თათია გაშრა. დარეჯანმა თავი ჩაღუნა, თათიამ დარეჯანს შეხედა და მიხვდა. თათიამაც თავი ჩაღუნა და გაწითლდა.

— აღარ იტყვი? — ხმას აუწია რევაზმა.

თათიას უფრო გაუწითლდა ლოყები და არაფერი თქვა.

— დაქევი! — გულმოსულად თქვა რევაზმა.

თათია დაჯდა. დარეჯანმა ჩაი დაუხსხა და თათიამ დაუშაქრავი ჩაი დალია.

რევაზი კაბინეტში შევიდა, შუქი ჩართო და საწერ მაგიდას მიუჯდა. მაგიდის შუა უჯრა ღია იყო და უჯრაში ქალაქში შეხვეული ფული იყო. „რევაზ ჩაფიჩაძის უკანასკნელი ხელფასი, ინსტიტუტიდან გამოგზავნილი“. რევაზმა რუსუდანის ხელი იცნო. ქალაქდზე პატარა წერილიც იყო მიწერილი: „ხერგას რაიონი, სოფელი ხემაღალი, რევაზ ჩაფიჩაძე. ეს შენი უკანასკნელი ხელფასი გუშინ მომიტანა. თქვენი ინსტიტუტის მოლარემ. უკლებლივ გიგზავნი. ჩვენ კარგად ვართ. რუსუდანი“.

სიგარეტს მოუკიდა, ადგა და ფანჯარა გამოაღო, ეზოს გახედა.

ლელვის ხეს ელექტრონის შუქი ანათებს და ელექტრონის შუქზე მწიფე ნაყოფი ბზინავს.

დარეჯანს უხმო.

— რატომ არ დაკრიფეთ ლელვი?

— სანდრომ თქვა, — მამა რომ ჩამოვა, მაშინ დავკრიფოთო, — ჩურჩულით უპასუხა დარეჯანმა.

რევაზის ფიქრი: „ლელვი ოდნავ შემწიფდებოდა და თათია და სანდრო ლელვის ძირში ტრიალებდნენ. დარეჯანი დარაჯობდა, რუსუდანი უკრძალავდა და აშინებდა — უმწიფარი ლელვი მუცელს ავიშლითო, მაინც ახერხებდნენ ხეზე აპარვას და უმწიფარ ლელვს ნამალევად ჰამდნენ. ახლა ლელვი გადამწიფებულია და დამსკდარი და ხელი არ უხლიათ... მამა როცა ჩამოვა, მაშინ დავკრიფოთო, უთქვამს სანდროს. სანდროს უთქვამს და ყველას მხარი აუბია“...

და სანდრო შეებრაღა რევაზს. დღეს სანდრო მთელი დღე მამის გვერდით ტრიალებდა. ჯერ გარაჟში შეეშველა, მერე მანქანაში მამის გვერდით იჯდა, მამას მალიმალ ამოხედავდა და თავშეკავებულად ეღიმებოდა, თქმით კი არაფერი უთქვამს. ჟინვალში რომ შევიდნენ, მამინ თქვა, მწყურიაო, რევაზმა მანქანა გააჩერა, სანდრომ დოქს დაავლო ხელი და წყაროზე გაქანდა, აღმართიც ამოირბინა და როცა მამის გვერდით დაჯდა, მამამ შვილის გულის ბაგა-ბუგი გაიგონა, აღმართი რატომ ამოირბინეო, უსაყვედურა და სანდრომ დამნაშავესავით ამოხედა.

რევაზი სასადილო ოთახში შევიდა. დარეჯანს სუფრა აულაგებია. ეტყობა, დარეჯანიც დაიღალა და დაწოლილა. მაგიდასთან სანდრო იჯდა და წიგნს კითხულობდა. მამა შემოვიდა თუ არა, სანდრო ფეტზე წამოდგა.

— აკი გაკვეთილები ვიცო? — მოფერებით, თან ვითომ საყვედურივით თქვა რევაზმა და წიგნს დახედა. ჰადრაკის ბიულეტენი იყო. ჰასტინგსის ტურნირის ანგარიში. ნონა გაფრინდაშვილისა და პაულ კერესის პარტია. რევაზს გაეღიმა, რევაზ ჩაფიჩაძე ჰადრაკის მოყვარულია და კარგად იცის, რაც ჰასტინგსის ტურნირზე მოხდა: ორ დღეს გრძელდებოდა გაფრინდაშვილ-კერესის პარტია და უამით დამთავრდა. გაფრინდაშვილმა ყველა ინგლისელი ოსტატი მამაკაცი დაამარცხა. ჰო, ეს კარგად იცის რევაზ ჩაფიჩაძემ, მაგრამ მან არ იცის, მისმა შვილმა სანდრო ჩაფიჩაძემ ჰასტინგის ტურნირს სურათი რომ მიუძღვნა. „მსოფლიოს“ დედოფალი ამარცხებს რაინდ მამაკაცებს“, ჰადრაკის დედოფალი ბედაურზე ზის, მარცხენა ხელში ყვავილების თაიგული უქავია, მარჯვენაში ხმალი, ხმლით მოცულილი ინგლისელი ოსტატები ნონა გაფრინდაშვილის ცხენის ფერხთით მორიგისად წყნანან...

სურათი „ლელოს“ რედანქციას გაუგზავნა სანდრომ. მხატვარი რედანქციაში დაიბარეს, სურათი მოიწონეს, მაგრამ ჯერჯერობით არ დაუბეჭდავთ, უთუოდ შესაფერის მომენტს ელოდებიან და სანდროც ელოდება, მეტი რა გზა აქვს.

...რევაზმა მხაპი მიიღო და როცა კაბინეტში დაბრუნდა, სანდრო იქ დახვდა. ღია ფანჯარასთან იდგა და ეზოში იტყირებოდა.

„რალაც სათქმელი აქვს და მერიდება“. ჰო, „მცირენი ღუმან დიდთა წინაშე“, რატომღაც გაახსენდა სიმამრის შეგონება. ფრთხილი ნაბიჯებით მივიდა შვილთან და მხარზე მსუბუქად დაადო ხელი, სანდრო იდაყვებით დაეყრდნო ფანჯრის თაროს, და თავი ოდნავ დახარა, ბავშვს ბეჭისთავები უთრთოდა. რევაზმა ალერსით გადაუსვა თავზე ხელი, სანდრო უფრო აცახცახდა და რევაზი შეკრთა.

— რა მოგივიდა, ბიჭო?

სანდრომ არაფერი თქვა და თავი უფრო დახარა.

— აღარ იტყვი, რა მოგივიდა? — ხმას აუწია რევანმა.

ახლაც ხმა არ ამოიღო, სანდრომ და ატირდასავეით.

— დააშავე რამე?

სანდრომ თავი ასწია და წასვლა დააპირა, რევანმა მკლავში წაივლო ხელი, სავარძელში ჩაჭდა და სანდრო პატარა ბავშვივით მუხლებზე დაისვა.

— ლეღვი რატომ არ დაგიკრეფია, პა?

ახლაც არაფერი თქვა სანდრომ, რევანმა თვალებში ჩახედა შვილს და კითხვა უადგილო ეჩვენა... იდლიებში შეუყო ხელები, მუხლისთავეები შეათამაშა და სანდრო ააქან-ჩამოაქანავა, სანდროს ესიამოვნა, მაგრამ ეუხერხულა, ჩამოვიდა და მამის გვერდით დადგა.

რევანის ფიქრი: „რუსუდანი დაღლილია და სძინავს. დარეჯანიც დაღლილია და დარეჯანსაც სძინავს. თათია გულმოსულია, თავის ოთახშია შეკეტილი და უთუოდ იმასაც სძინავს. ახლა სანდროსაც უნდა ეძინოს, მაგრამ რატომღაც არ დაწვა და ჩაფიჩაძეთა სახლში მე და სანდრო ვფხიზლობთ. მამა სავარძელში ზის, მის გვერდით მოწყენილი შვილი დგას, შვილს მამისათვის რაღაც სათქმელი აქვს და ვერ გაუბედავს. მე ვეკითხები, სანდრო მუნჯივითაა და არ მპასუხობს. ალბათ ფიქრობს, უთქმელადაც მიმიხედებაო მამა, მაგრამ მე ვერაფერს ვხედე... მე რომ ვერაფერი გავუთქვ?“

— მე შენთან მინდა, მამი! — გაუბედავად თქვა სანდრომ.

რევანი შეკრთა:

— ჩემთან არა ხარ?

— მე სოფელში მინდა შენთან... — ისევ გაუბედავად თქვა სანდრომ, — მამას მხარზე დაადო ხელი და თვალები აუცრემლდა.

## ნ ა წ ი ლ ი მ ე ე მ ე ს ე

### თ ა ვ ი პ ი რ ვ ე ლ ი

ხერგას რაიონის კულტურულ-შემოქმედებით ცხოვრებაში დიომიდე არჩვამეს გამორჩეული ადგილი უკავია, ამაში, უპირველეს ყოვლისა, ღრმანდაა დარწმუნებული თვითონ დიომიდე არჩვამე, ასევე ფიქრობენ მისი მეგობრები და თანამშრომლები და ეს უტყუარი ფაქტია. ამიტომაც ვალდებულად ჩავთვალე ჩემი თავი დაწვრი-

ლებით მოვეუთხრო მკითხველს დიომიდე არჩვადის შემოქმედებაზე. არჩვადის ბოლოდროინდელ შემოქმედებას, მისივე უსაყვარლესი თქმით, „რომანის მომდევნო თავში გაეცნობა მკითხველი“, მაგრამ ეს მხოლოდ ერთი და ისიც უმნიშვნელო ეპიზოდია მისი ხანგრძლივი და უნაყოფიერესი შემოქმედებისა. სრული, მთლიანი პორტრეტის შესაქმნელად, მე, რამდენადაც ხელი მიმიწვდებოდა, ანა-ანა შევისწავლე დიომიდე არჩვადის ადრინდელი მოღვაწეობაც და მას რომანში ერთი თავი დავუთმე.

დიომიდე არჩვადის პირად არქივში დაცული მასალების გაცნობისას განსაკუთრებით გეცემათ თვალში შემოქმედის დაუოკებელი სურვილი — ყოფილიყო მრავალმხრივი, ყოფილიყო ყველგან და თავისი დიდად დასაფასებელი წვლილი შეეტანა თითქმის ყველა თეატრალური კოლექტივების შემოქმედებაში.

მან, დიომიდე არჩვადემ,

იმოღვაწევა თბილისის თითქმის ყველა თეატრში.

საქართველოს თითქმის ყველა რაიონულ თეატრში,

და ბოლოს ჭეშმარიტად ვალმოხდილი და გამოცდილებით გამდიდრებული ისევ დაუბრუნდა მშობლიურ ხერგას.

ახლახან გაზეთმა „ხერგას ხმამ“ გამოაქვეყნა დიომიდე არჩვადის „თეატრალური მოგონებანი“. მოგონებებს წამძღვარებული სქეს ანოტაცია, რომელიც გვაუწყებს, რომ დიომიდე არჩვადე სახელმონვეჭილი თეატრალური მოღვაწეა, მას დიდი წვლილი მიუძღვის ქართული კინემატოგრაფიის, საქართველოს თეატრალური საზოგადოების, საქართველოს საგუნდო საზოგადოების, ქართული მუსიკალური კომედიის თეატრის შექმნა-დაარსებაში, თბილისის თითქმის ყველა თეატრის; ოპერისა და ბალეტის თეატრის ჩათვლით, აგრეთვე ქუთაისის, ბათუმის, ჭიათურის, გორის და განსაკუთრებით ზესტაფონის თეატრების შემოქმედებით წარმატებებში.

მან, დიომიდე არჩვადემ,

დიდად შეუწყო ხელი ქართული საბჭოთა ბალეტის და ქართული საბჭოთა დრამატურგიის შექმნას და განვითარებას.

ეს „თეატრალური მოგონებანი“, ჩემის ღრმა რწმენით, და პატივცემული დიომიდეც ამ აზრისა გახლავთ. უნიკალურია და გაცილებით უფრო კოლორიტულად წარმოგვისახავს სახელმონვეჭილი ხელოვანის პორტრეტს, ვიდრე ჩემი რომანის ის თავი, რომელიც დიომიდე არჩვადის შემოქმედების გაშუქებას მიეძღვნა. ამიტომაც უმტიკვინეულოდ წავშალე რამდენიმე ფურცელი ჩემი რომანისა და მის ნაცვლად საქართველოს სსრ კულტურის დამსახურებული მუშაკის დიომიდე არჩვადის თანხმობით ძვირფას მკითხველს ვთავაზობ არჩვადის საინტერესო მოგონებების რამდენიმე ფურცელს.

დავბადებულვარ დაბა ხერგაში (მაშინ ხერგა დაბა ყოფილა, რა-  
ონის ცენტრად და ქალაქად ხერგა ჩემი დაბადების შემდეგ გარ-  
დაიქმნა), ხატოვნად რომ ვთქვათ, მეცხრამეტე საუკუნის მიწურულ-  
სა და მეოცე საუკუნის დამდეგს, ე. ი. 1900—1901 წლებში. ძვე-  
ლი წელთაღრიცხვით 1900 წლის 27 დეკემბერს, ხოლო ახა-  
ლი წელთაღრიცხვით 1901 წლის 9—10 იანვარს.

მამაჩემი იონა ასკალონის ძე არჩვაძე, როგორც ამას ძვირფასი  
მკითხველი ცოტა ქვემოთ გაიგებს, დიაკვანი იყო და ძველ წელ-  
თაღრიცხვას ერწმუნებოდა.

ხერგა ერთ-ერთი უძველესი დასახლებული პუნქტია საქართვე-  
ლოში. მართალია, მას ძველი ისტორიკოსები, გეოგრაფები და მოგ-  
ზაურები არ მოიხსენიებენ თავიანთ დღიურებსა და გამოკვლევებში,  
მაგრამ ჩემის ღრმა რწმენით; დაბეჯითებით შეიძლება ითქვას, ხერ-  
გა შორეულ წარსულში უკვე იყო დასახლებული პუნქტი, ცხადია,  
არა ისეთი მასშტაბისა, როგორიც უფლისციხე, იყალთო, ვარძია, ან  
გელათი.

ხერგა და მისი შემოგარენი იმ დროსაც (იგულისხმება მეთერთ-  
მეტე და მეთორმეტე საუკუნე) გაუვალი ტყეებით იყო დაფარული,  
მაგრამ მთავრებს და მებატონეებს ყველგან ტყისმცველები ჰყოლიათ  
დაყენებული და მაშინდელი ტყისმცველები ახლანდელ ტყისმცვე-  
ლებს (მე მხედველობაში მაქვს ხერგას რაიონის ტყისმცველები)  
როდი ჰგავდნენ, ფულს თუ მისცემთ, დანომრილ ხეებსაც რომ  
მოგაქრევიანებენ. იმდროინდელი ტყისმცველები მიუჯარებელი ყო-  
ფილან და ამიტომ ჰირდა საშენი მასალისა და შეშის შოვნა...

ჩვენი დალოცვილი სატყველა კი ხერგას ხეობაში უხვად ეზი-  
დებოდა შეშას (შეშაზე და იმის თაობაზე, თუ რატომ დასახლებუ-  
ლა ხალხი ამჟამინდელ ხერგას მიდამოებში, დაწვრილებით ჩემი  
მოგონებების შემდეგ თავში მოვახსენებ ძვირფას მკითხველს).

ჩემი დაბადების წელს, სულგანათლებული ბებიაჩემის (დედის  
მხრით) მათა ქსენოფინტეს ასულ ბარდაველიძის უეჭველი გადმოცე-  
მით, უჩვეულოდ დიდთოვლიანი ზამთარი ყოფილა და გაზაფხულზე  
მდინარე სატყველა ძალზე ადიდებულა, კინალამ გადმოსულა თა-  
ვის ღრმა კალაპოტიდან და ხერგაც კინალამ წაუღეკია.

მამაჩემი იონა ასკალონის ძე არჩვაძე დიაკვანი იყო და იმ დრო-  
ისათვის განათლებულ კაცად ითვლებოდა. ზოგიერთი ფსალმუნის  
სახარებისა ზეპირადაც კი სცოდნია, ხოლო ბაბუაჩემი ასკალონი მი-  
წისმზომელი და მეწვრილმანე ვაჭარი ყოფილა, მაგრამ ყოვლად პა-  
ტიოსანი და ხვთისნიერი. ხელმოკლე მეზობლებსა და ნაცნობებს  
საქონელს ზანდაზან ნისიადაც კი აძლევდა თურმე.

ბაბუაჩემი (დედის მხრით) სერაპიონ ჯათუს ძე ბარდაველიძე ცნობილი მექოთნე ყოფილა, შრომისმოყვარე, პატიოსანი და განათლებული მოქალაქე, აგრეთვე მთელს სოფელში წისკვილის ქვების შეუცვლელი მკოდავი.

მამაჩემი იონა, როგორც ცხონებულმა დედაჩემმა გადმომცა, ზომიერად ლოთობდა, მაგრამ ძღვედელი ნესტორ ბარდაველიძე (მართალია, დედაჩემის მოგვარე იყო მამაო ნესტორი, მაგრამ ახლო ნათესავი არ ყოფილა, მრევლში კი ხმა იყო გავრცელებული — მამაო ნესტორმა დიაკვნად სისხლით ნათესავი დააყენაო) მკაცრი ხასიათისა ყოფილა და წარამარა უჯავრდებოდა და ემუქრებოდა საცოდავ მამაჩემს.

ლოთობას თუ არ მოიშლი, ეკლესიიდან გაგადგებო, მამაჩემი კი არწმუნებდა თურმე — სმა რომ მივატოვო, ხმა გამიფუჭდებაო, „ლასკალას“ ყველა ტენორი არყისტია და ხმას სწორედ არყით იყენებსო და იყო გაუთავებელი ჩხუბი მამაჩემ იონასა და მამაო ნესტორ ბარდაველიძეს შორის...

დედაჩემი, აგრაფინა სერაპიონის ასული ბარდაველიძე, ძალზე სათნო, გულკეთილი და მაშინდელ კვალობაზე განათლებული მანდილოსანი ყოფილა. დედას ექვსი შვილი ჰყავდა, მე ნაბოლარა ვიყავი. დედას ჩემში თავიდანვე განსაკუთრებული ნიჭი აღმოუჩენია და ამიტომაც შვილებში გამორჩეულად ვყვარებივარ. ჩემს გამო ხშირად წაჩხუბებია მამაჩემს. წირვიდან მობრუნებული მამაჩემი, როგორც კი ჩემთან მოფუსფუსე დედაჩემს დაინახავდა, შეუბღვერდა თურმე. ეს ლაწირაკი ბატონკაცად გინდა გაზარდო, მაგრამ არაფერი გამოგივა, ესეც დანარჩენებზე მუტრუქიაო, — არაფერიცო, მოხდენილად უპასუხებდა თურმე დედაჩემი, — დანარჩენები შენ გგვანან, ეს კი პირწავარდნილი დედამისიაო და ნახავ, რა სასახელო კაციც დადგებაო...

საცოდავი დედაჩემი! მისი ოცნება აღსრულდა, მაგრამ თვითონ შვილის ბედნიერებას ვერ შეესწრო...

დედაჩემის უმცროსი დაი, ქალბატონი ლოლია ბარდაველიძე, ხშირად იყო ჩვენსას და დედაჩემს საოჯახო საქმეებში შეველოდა. ქალბატონ ლოლია ბარდაველიძეს დიდი წვლილი მიუძღვის ჩემს აღზრდაში და მინდა ჩემს მოგონებებში დიდის პატივისცემით და სიყვარულით მოვიხსენიო.

მართალია, მამაჩემი იონა არჩეაძე, ხელმოკლე კაცად ითვლებოდა, მაგრამ ქეიფებს მაინც ხშირად მართავდა. ერთხელ ხერგაში ჩვენი ერის სასიქადულო მგოსანი აკაკი (იგულისხმება წერეთელი) სტუმრად ყოფილა აბაშიძესთან. დედაჩემ აგრაფინას იმდენი უსანველია, რომ მგოსანი ჩვენსას მოუწვევია ვახშმად. იყო დიდი ზეიმი

და ლხინი, ცხადია, ყველა აკაკის შესციცილებდა. მე მაშინ სამი წლისა ვყოფილვარ და ვიდრე ვახშმად დასხდებოდნენ, დედაჩემს აკაკისთან მივეყვანივარ. მგოსანს თავისი უკვდავი და მადლიანი მარჯვენა ჩემს თავზე ალერსით დაუდვია, ჩემი ხუჭუჭთმიანი თავი ოდნავ უკან, გადაუწევია, თვალებში ღიმილით ჩაუხედავს და გოცებულა — ამას რას ვხედავო, წამოუძახია დიდებულ მგოსანს, — როგორი ნათელი შუბლი და მეტყველი თვალები აქვს ამ ბავშვს, კარგად მიხედეთ, ეს ყმაწვილი გაიზრდება და საქართველოს უსათუოდ ასახელებსო. დედაჩემი ცას სწევია სიხარულით და აკაკისათვის ხელები დაუკოცინია... ასეთი წინასწარმეტყველი ყოფილა ჩვენი ერის სასიკადალო მგოსანი.

...ერთხელ, მაშინ ის-ის იყო, ხუთი წლისა ვსრულდებოდი, დედაჩემს სოფელ ლეღვაში წავუყვანივარ. ლეღვაში დედაჩემის უმცროსი დაი ლოლია ბარდაველიძე იყო გათხოვილი კოკინია ამაშუკელზე. კოკინია ამაშუკელს მდიდარი ოჯახი ჰქონია და პირველი წვილის ნათლობაზე მთელი ნათესაობა და ნაცნობ-უცნობი მოუწვევია. სოფელი ლეღვა ხერგას ჩრდილო-დასავლეთით მდებარეობს თორმეტ კილომეტრზე პირდაპირი გზით, მაგრამ მაშინ ხერგადან სოფელ ლეღვამდე პირდაპირი გზით რომ წასულიყავით, საცალფეხო ბილიკით უნდა გველოთ. ცხადია, ხუთი წლის ყმაწვილი ვერ შევძლებდი თორმეტი კილომეტრის ფეხით გავლას, ამიტომაც დედაჩემმა შორი გზით წასვლა არჩია და ჩვენი ურმით ბარე ოცდაათი ოცდათორმეტი ნიკოლოზის ვერსი გაგვივლია. დანტერესებული მკითხველისთვის უთუოდ გაუგებარი დარჩება, მამაჩემი რატომ არ გამოგვეყვა ასეთ შორ გზაზე. როგორც ძვირფასმა მკითხველმა უკვე იცის, მამაჩემი დიაკვანი იყო, ჩვენ კი ლეღვაში შაბათს წავედით, რადგანაც ლოლია ბარდაველიძის და კოკინია ამაშუკელის პირველი პირმშოს — ზეინაბ ამაშუკელის ნათლობა დანიშნული იყო კვირას, დანამდვილებით შემძლია ვთქვა, 29 აგვისტოს. ცხადია, მამაჩემი შაბათს და კვირას ეკლესიას უწირვებოდ ვერ დატოვებდა. მით უმეტეს იმ დროს დიაკვნებს მოადგილეები არ ჰყავდათ... ხერგადან ალიონზე გამოსულებმა მხოლოდ ვახშმობისას მივალწიეთ ლეღვას, ძალზე მოშივებულები ვიყავით და კარგადაც გვავახშმეს. ვახშამზე მე, ახლაც კარგად მახსოვს, შემწვარ წიწილს და ხაჭაპურს მივეძალე. როგორც მოგახსენეთ, აგვისტოს მიწურული იყო, ძალიან ცხელოდა და დედაჩემს და მე ლოგინი აივანზე გაგვიშალეს. საყვარელი დედაჩემი ძალზე დადლილიყო მგზავრობით და როგორც კი დაეწეკით, სასიამოვნო მსუბუქი ფშვინვა ამოუშვა. ჩვენი ლოგინის გვერდით ტახტი იდგა, იმ ტახტზე ოდნავ შემკვნიარი თეთრი ლეღვი ეწყო, უთუოდ დასაჩამიჩებლად. გადავუწვიდნე ხელი და ოდნავ და-



ჩამჩიებული ლეღვი, თუმცა, როგორც უკვე მოვახსენე მკითხველს, ნავახშმევი გახლდით, ძალიან მეგემრიელა და სიამოვნებით გიხან-ლით. ეტყობა, ვერ მოვზომე, მოჭარბებულად მივირთვი უკვე ოდნავ დაჩამჩიებული თეთრი ლეღვი და ლეღვმა მუცელი საოცრად გამიბე-რა და გამისისტიკინა. პატივცემულ მკითხველთან ბოდიშს მოვიხდი, მაგრამ ფაქტი ფაქტია და ფაქტის დამალვა საქმეს ვერ უშველის: რაღაც ვაი-უშველებელი დამიტრიალდა და დამიტრიალდა შიგნულ-ში და მუცელში სასტიკად გამხსნა. უთუოდ იგრძნო ღედის მოსიყ-ვარულე გულმა გასაჭირი და დედაჩემმა თრთოლვით ჩამჩურჩულა ყურში, რა მოგივიდა ღიომიდიკოო და გასისტიკინებულ მუცელზე ალერსით გადამისვა ხელი... მერე დედაჩემი აგრაფინა თოფნაკრა-ვივით წამოიჭრა ზეზე, კოკინია ამაშუკელის მთელი ჯალაბობა, მას-პინძლები და სტუმრებიც, ფეხზე დაყენა, მერე კოკინია ამაშუკე-ლის მეზობლებიც ააფორიაქეს, ბალახების ნაირ-ნაირი ნაყენი მას-ვეს, მაგრამ ჩვენდა საუბედუროდ, ფადართის შემკავებელი არც ერთი არ აღმოჩნდა, დილაადრიან დედაჩემმა ურემზე დამსვა და ვაი-ვივით წამომიყვანა ხერგაში... ასე ჩავუმწარე დედაჩემს სოფელ ლეღვაში წასვლა. საბრალო დედაჩემმა სამოცდაორი-სამოც-დაოთხი ვერსი გაიარა (ხერგადან სოფელ ლეღვაში და სოფელ ლეღვადან ხერგამდე) ჩოჩიალა ურმით და დისწულის ნათლობას კი ვერ დაესწრო...

### ფ უ რ ც ა ლ ი მ ა ო რ ა

...ერთხელ მაშინ უკვე ჭიათურის თეატრში ვიყავი დამდგმელ რეჟისორად, საგასტროლოდ მოვიწვიე იმდროისათვის უკვე სახელ-განთქმული კომიკოსი, ჩემთვის დაუფიწყარი და თეატრის ჯადოქა-რის კოტე მარჯანიშვილის სახელობის თეატრის მსახიობი ალექსანდ-რე ჟორჟოლიანი. ჟორჟოლიანისათვის საგანგებოდ დავდგი ჩვენი დიდებული პროზაიკოსის და დრამატურგის შალვა დადიანის იმ-დროისათვის უკვე ფრიად გახმაურებული კომედია „კაკალ გულში“.

ჩემმა საყვარელმა სანდრომ (შინაურებში ასე ექაზნდი ალექსანდ-რე ჟორჟოლიანს), რასაკვირველია ჩინებულად ითამაშა, ჩემი რეჟი-სორული ნამუშევარი ფრიად მოიწონა მაყურებელმა და მე და სან-დროს აღფრთოვანებული ოვაციები გაგვიმართეს.

ღიახ, იმ საღამოს ზეიმობდა ჭიათურის თეატრი და მისი ფარ-და, ხატოვნად რომ ეთქვათ, უამრავკერ აიხადა. დანამდვილებით მახსოვს, ალექსანდრე ჟორჟოლიანი შეიდჯერ გამოიწვიეს სცენაზე, მე კი თერთმეტკერ. აღფრთოვანებით გვიკრავდნენ ტაშს და ყვავი-ლებსა და შოკოლადის კამფეტებს გვესროდნენ.

ჭიათურის თეატრის მთელმა ხელმძღვანელობამ და დასის კოლექტივმა განსაკუთრებული სიყვარულით მომილოცა ასეთი დიდი წარმატება. მეხვეოდნენ და მკოცნიდნენ.

ეტყობა, სპექტაკლის უჩვეულო წარმატების ამბავი უსწრაფესად გავრცელდა მთელს საქართველოში, ამიტომაც პრემიერის ღამესვე, მეორე დღეს და მომდევნო დღეებში ურიცხვი მოსალოცი დეპეშა და წერილი მივიღე, როგორც სახელგანთქმულ თეატრალურ მოღვაწეთაგან, ისე პირადი მეგობრებისა და ნათესავებისაგან. მოლოცვის წერილები და დეპეშები ჩემს პირად არქივში ინახება და ახლაც, მოცილობის ჟამს, დიდი სიამოვნებით და გულისძგერით გადავიკითხავ ხოლმე.

იმ პრავალ მოსალოც წერილში, რომელიც ასეთი დიდი შემოქმედებითი წარმატების გამო მივიღე, ერთი წერილი განსაკუთრებულია ჩემთვის და ის ცალკე მაქვს გადანახული. ყოველთვის, როცა ხელს შევახებ და გადავიკითხავ იმ წერილს, თვალები ცრემლით ამეცვება. ეს წერილი, ჩემმა თანააღმზრდელმა, ქალბატონმა ლოლი ბარდაველიძემ გამომიგზავნა ცხადია, მისი მეუღლე კოკინია ამაშუკელი ცოცხალი რომ ყოფილიყო, სიხარულით მოაწერდა ამ წერილზე ხელს, მაგრამ ვაგლახ, იმდროისათვის ჩემი თანააღმზრდელის საყვარელი მეუღლე უკვე განსვენებული იყო.

„ჩემო სანუკვარო და გულითგულამდის საყვარელო დიომიდე!

გეხსომება, მე და სულგანათლებულ ჩემს კოკინიას როგორ ჩავვაძარე ჩვენი პირველი შვილის ნათლობა (ჩემს ძვირფას მკითხველს შეფარვით უკვე მოვახსენე, რა მარცხიც მომივიდა სოფელ ლედვაში), სანაცვლოდ ახლა გამაბედნიერე და გამახარე შენი ჩაუქრობელი ნიჭის გამარჯვებით. მე თავიდანვე მწამდა შენი ნიჭიერება. შენ ბავშვობიდანვე სხვანაირი იყავი — რასაც დაიჩემებდი, ბევრიც რომ მეუარა, მაინც შენსას გაიტანდი. ყოველთვის გემრიელი საქმელი და კობტად ჩაცმა გიყვარდა. ასეთი ხასიათი ბოლომდე გაგყვან და იმიტომაც იმარჯვებ, ჩემო საყვარელო დიომიდე! იმოდღაწევე ასე სასახლოდ და აბედნიერე შენი ნიჭის ურიცხვი თაყვანისმცემელი, შენი დედულ-მამული, შენი ნათესავები, მთელი საქართველო!

მე თუ მკითხავ, ვარ ჯერჯერობით, ჩემს ყოფნას თუ ყოფნა ეთქმის ჩემი კოკინიას გარდაცვალების შემდეგ... ვიცი, შენ ვერ მოიცული ლედვაში ჩამოსასვლელად, მაგრამ ასე უღმერთოდ როგორ დაივიწყე შენი აღმზრდელი დეიდა? ერთი წერილი მაინც მოიწერე, ბიჭო!“

ღრმად ვარ დარწმუნებული, ჩემი ძვირფასი მკითხველის თვა-

ლიც აცრემლდება ჩემი თანაღმზრდელის, ქალბატონ ლოლია ბარ-  
დაველიძის წერილის წაკითხვისას.

...პრემიერის შემდეგ, ცხადია, როგორც წესი, დიდი ნადიმი გა-  
იმართა. მე და ალექსანდრე უორუოლიანი სუფრის თავში გვერდი-  
გვერდ დაგვსვეს და ყველანი ჩვენ შემოგვეყურებდნენ.

სანდრო (ზემოთ უკვე მოვახსენე ძვირფას მკითხველს, რომ მე  
ასე ვეძახდი შინაურობაში ალექსანდრე უორუოლიანს) ხმელ-ხმელი  
კაცი იყო, მაგრამ ჭამა-სმის დიდი ტრფიალი, ოღონდ ცხარე, წიწა-  
კიან-აჭიკიან კერძებს ერიდებოდა. ეს მუ კარგად ვიცოდი, როგორც  
მისმა მეგობარმა, გადავწყვიტე, სიურპრიზი მომემზადებია სანდრო-  
სათვის და კიდევაც შევასრულე: წინასწარ მოველაპარაკე მზარეულს  
და სანდროსათვის მისართმევი კერძები ზომაზე მეტად წიწაკიან-აჭი-  
კიანი დავამზადებინე.

ვიწყეთ ჭამა. სანდროს პირველივე ლუკმა ემწარა, ხელება  
აუტყდა და ბორჯომის წყალი მოიშველია. მწყრალად გამომხედა,  
მერე პიჯაკის შიდა ჯიბიდან ვერცხლის სათუთუნე ამოიღო, გახსნა  
და რალაცნაირი ფხვნილი მოაყარა ხაშლამას, — გასანელებელი სუ-  
ნელია და შენც ხომ არ გინდაო, მითხრა, თვალი ჩამიკრა, ერთი თა-  
ვისებურად ჩაიქირქილა და ფხვნილმოყრილ ხაშლამას ვეფხვივით  
შეუტია. მერე მორთმეულ კერძებსაც ასევე ანელებდა თავისი  
ფხვნილით ჩემი საყვარელი სანდრო და იყო ერთი გაუთავებელი  
სიცილ-ხარხარი...

### ფ უ რ ც ე ლ ი მ ე ს ა მ ე

...დიდი სამამულო ომი ახალი დამთავრებული იყო. მე მაშინ  
გორის თეატრში ვმოღვაწეობდი და ჩემის ინიციატივით გორის  
თეატრი საგასტროლოდ მიიწვიეს ზუგდიდის, გალის და ოჩამჩირეს  
რაიონებმა. განსაკუთრებული წარმატება ხვდა ჩემს ორივე დადგმას.  
ამ წარმატების შესახებ დაწვრილებით მოვუთხრობ ძვირფას მკითხ-  
ველს ჩემი მოგონებების მომდევნო თავში, ამჟამად კი ერთი ფრიად  
მნიშვნელოვანი ფაქტი მინდა გაეხსენო.

წარმოდგენების შემდეგ, როგორც წესი, რაიონის ხელმძღვანე-  
ლობა გვიმართავდა ზღაპრულ ვახშმებს. როგორც უკვე მოვახსენეთ,  
დიდი სამამულო ომი ახალი დამთავრებული იყო და სმა-ჭამას და  
ლხინს განსაკუთრებული პეწი ჰქონდა. ზუგდიდში, პირველ ვახშმო-  
ბისას, ყველა კერძი მომეტებულად ცხარე იყო, ხატოვნად რომ-  
ვთქვათ, პირდაპირ პირს გვიწვავდა და ენას გვითუთქავდა, და ცხა-  
დია, ამიტომაც მაღიანად ვერ შევექეცით. ის კი არა, თითქმის მშვი-

არებიც დავრჩით. მთელი ღამე ფიქრში ვავატარე და ღრმად დავრწმუნდი, რომ ზუგდიდელი მზარეულები კერძებს, ლობიოთი და ფხალეულით დაწყებული, ნიგვზის ბაყეთი, საცივით და შემწვარი გოჭით დამთავრებული, აჭიკით ზომასზე მეტად აზავებდნენ. ჩემი შენიშვნა ზუგდიდელმა, შემდეგ კი გალელმა და ოჩამჩირელმა მზარეულებმა სამართლიანად მიიჩნიეს, ამიტომაც მანამდე ზომასზე მეტად ცხარე კერძები ზომიერად ცხარე კერძებად იქცნენ და ჩვენც დიდი სიამოვნებით ვნადიმობდით. ზუგდიდში, გალში და ოჩამჩირეში გასტროლებზე ყოფნისას თეატრის ყველა თანამშრომელმა დაახლოებით ექვს-ექვსი და შეიღ-შვიდი კილოგრამი მოიმატა წონაში...

შენიშვნა: საქართველოს სსრ კულტურის დამსახურებული მუშაკის დიომიდე არჩვაძის „თეატრალური მოგონებები“ მალე გამოვა ცალკე წიგნად და მკითხველს ბედნიერება ექნება, თავიდან ბოლომდე ინტერესით წაიკითხოს. ჩვენ საქართველოს სსრ კულტურის დამსახურებული მუშაკის დიომიდე არჩვაძის „თეატრალური მოგონებებიდან“ მხოლოდ უმნიშვნელოვანესი ეპიზოდები ამოვწერეთ და თუ რატომ, დარწმუნებული ვართ, მკითხველი მიგვიხვდება.

## თ ა ვ ი მ ე ო რ ი

ხერგას რაიონული საბჭოს აღმასკომმა თბილისში „ქართული ჩაის ზეიმზე“ საგანგებოდ მიავლინა ხერგას სახალხო თეატრის დირექტორი და მხატვრული ხელმძღვანელი საქართველოს სსრ კულტურის დამსახურებული მუშაკი დიომიდე არჩვაძე<sup>1</sup>. ეს ზეიმი თბილისში უკვე მესამედ ტარდებოდა, ხერგას რაიონის ხელმძღვანელობას კი როგორღაც გამორჩა ეს ფრიალ მნიშვნელოვანი საქმე. თავდაპირველად ფიქრობდნენ — თბილისის გარდა „ქართული ჩაის ზეიმი“ მხოლოდ მეჩაიების რაიონებში ჩატარდებოდა, მაგრამ სულ მალე ცნობილი გახდა, რომ კახეთის მევენახეობის რაიონებმაც კი

<sup>1</sup> დიომიდე არჩვაძეს უსწოროდ მიაჩნია, — აფიშებში „მხატვრული ხელმძღვანელის“ ნაცვლად „სამხატვრო ხელმძღვანელს“ რომ წერენ. ამის თაობაზე დასაბუთებული მოხსენებითი ბარათი წარუდგინა საქართველოს კულტურის სამინისტროს და საქართველოს თეატრალური საზოგადოების პრეზიდიუმს. შეპირდნენ, ამ საკითხს საგანგებოდ განიხილიათ, მაგრამ მას შემდეგ დიდმა დრომ გაწელო, კულტურის სამინისტრომ და თეატრალური საზოგადოების პრეზიდიუმმა თავი იგვრ შობაზე ამ ფრიალ მნიშვნელოვან და პრინციპულ საქმეს, ამიტომაც დიომიდე არჩვაძემ, რომელიც ღრმად და დარწმუნებული თავისი აზრის სისწორეში, თავის სამოქმედო უბანზე, ე. ი, ხერგას სახალხო თეატრში და ხერგას რაიონის თვითმომკმედ მხატვრულ კოლექტივებში, პრაქტიკულად განახორციელა თავისი მოსაზრება და ყველა აფიშაში „სამხატვრო ხელმძღვანელის“ ნაცვლად, „მხატვრული ხელმძღვანელი“ იწერება.

დიდის ამბით იზეიმეს „ქართული ჩაის დღე“. ამიტომ ხერგას რაიონის ხელმძღვანელობამ მტკიცედ გადაწყვიტა, მომავალ წელს არა თუ ზონალური, არამედ რესპუბლიკური მასშტაბით ედღესასწაულა „ქართული ჩაის დღე“ და ზეიმისათვის სამზადისს სწორედ ერთი წლით ადრე შეუდგნენ.

თბილისის „ჩაის სახლში“ გამართული „ქართული ჩაის ზეიმი“, რომელსაც საქართველოს სსრ კულტურის დამსახურებული მუშაკი დიომიდე არჩვაძე დაესწრო, მართლაც დიდებული იყო.

ტელევიზიის ცნობილმა დიქტორმა ქალმა ტელემაცურებლებს სინარულით აუწყა „ქართული ჩაის ზეიმის“ დაწყება, მერე ჩაის სახლის დირექტორი მიესალმა ზეიმის მონაწილეებს და მოწვეულ სტუმრებს თეთრხალათიანმა ქალიშვილებმა ფინჯანი ჩაი და ნამცხვარი ჩამოურიგეს.

სტუმრებს და ტელემაცურებლებს ქართული ჩაის ღირსებებზე და, საერთოდ, ჩაის მნიშვნელობაზე ბარე ოციოდე წუთი ესაუბრა საზოგადოება „ცოდნის“ ლექტორი. ტელესტუდიის დიქტორმა დიდი მადლობა გადაუხადა პატივემულ ლექტორს უაღრესად საინტერესო საუბრისათვის, ჯანმრთელობა და ნაყოფიერი მეცნიერული მოღვაწეობა უსურვა და ტანის მსუბუქი რხევით ღიმილით მიუახლოვდა ერთ-ერთ მაგიდას.

— პატივემულო სტუმრებო და ტელემაცურებლებო, აქ მოწვეულ სტუმართა შორის გახლავთ რესპუბლიკის დამსახურებული აგრონომი, ჩაის საქვეყნოდ ცნობილი სპეციალისტი, პატივემული გედეონ წივწივაძე (გედეონმა ფინჯანი მაგიდაზე დადო, წამოდგა და დიქტორს გაუღიმა). თქვენ უსათუოდ ბევრი რამ გაგიგონიათ პატივემული გედეონის შესახებ. თქვენი სახელით, ძვირფასო ტელემაცურებლებო, და, აგრეთვე საქართველოს ტელევიზიის თანამშრომელთა სახელით, მხურვალედ ვულოცავ პატივემულ გედეონ წივწივაძეს ქართული ჩაის დღესასწაულს და მინდა ვთხოვო რამდენიმე საინტერესო კითხვაზე მიპასუხოს.

გედეონ წივწივაძე. გმადლობთ. დიდი სიამოვნებით.

ტელესტუდიის დიქტორი: პატივემულო გედეონ, ჩაის სპეციალისტები თვლიან, რომ ყველაზე უფრო არომატული და თან სასარგებლოა „მაისის ჩაი“. თქვენის აზრით ეს სწორია?

გედეონ წივწივაძე: რადგან ჩაის სპეციალისტები ასე თვლიან, რასაკვირველია, სწორია.

ტელესტუდიის დიქტორი: პატივემულო გედეონ, რამდენი წელია აგრონომად მუშაობთ?

გედეონ წივწივაძე: სრული ორმოცი წელი.

ტელესტუდიის დიქტორი: პატივემულო გედეონ, ახ-

ლა რომ ახალგაზრდა იყოთ და უმადლეს სასწავლებელში შედიოდეთ, ისევ აგრონომიას აირჩევდით?

გედეონ წივეწივაძე: რასაკვირველია!

ტელესტუდიის დიქტორი: კიდევ ერთი შეკითხვა, პატივცემულო გედეონ: როგორც თქვენთვის ცნობილია, ჩაი დიდად სასარგებლოა ადამიანის ორგანიზმისათვის, მას სიამოვნებით სვამს მოზარდიც და მოხუციც, ამასთან ჩაის პლანტაცია უხვმოსავლიანია, დიდ შემოსავალს აძლევს სახელმწიფოს და კოლმეურნეობებს, საქართველოში კი შესანიშნავი ბუნებრივი პირობებია ჩაის კულტურის გასავითარებლად, როგორ ფიქრობთ თქვენ, პატივცემულო გედეონ, მომავალში უნდა გავაშენოთ თუ არა ჩაის ახალი პლანტაციები?

გედეონ წივეწივაძე: რასაკვირველია, უნდა გავაშენოთ ჩაის ახალი პლანტაციები.

ტელესტუდიის დიქტორი: დიდად გმადლობთ, პატივცემულო გედეონ, მეტად საინტერესო და ამომწურავი პასუხებისათვის, გისურვებთ ჯანმრთელობას და ნაყოფიერ მეცნიერულ მოღვაწეობას.

ტელესტუდიის დიქტორი ტანის ისევ მსუბუქი რჩევით და ღიმილიანი მაინცდამაინც არც ისე ახალგაზრდა პოეტთან მივიდა, სტუმრების და ტელემაცურებელთა სახელით მიულოცა ქართული ჩაის დღესასწაული, უსურვა ჯანმრთელობა და ნაყოფიერი შემოქმედებითი მოღვაწეობა ერის საკეთილდღეოდ.

ტელესტუდიის დიქტორი: ძვირფასო სტუმრებო და პატივცემულო ტელემაცურებლებო, როგორც თქვენთვის ცნობილია, ჩვენს საყვარელ ახალგაზრდა პოეტს ჩაის პლანტაციებზე და ქართველ მეჩაიეებზე ლექსების რამდენიმე ციკლი აქვს გამოქვეყნებული, თქვენი სახელით ვთხოვ, წაგვიკითხოს ამ ციკლიდან მისთვის საყვარელი ლექსი.

პოეტმა, როგორც პატივცემულმა გედეონ წივეწივაძემ, ფინჯანი მაგიდაზე დადო, დიქტორს გაუღიმა, მაგრამ ცოტა არ იყოს, მწყურლად გამოხედა და თან დაიმორცხვა — რა დროს ჩემი ახალგაზრდობაა, ბარე ოცდახუთი წელიწადია ლექსებს ვწერ და ვაქვეყნებო (ეს პოეტმა მიმიკით თქვა), — მერე პოეტი ადგა, პიჯაკის გულჯიბიდან გაკეცილი გაზეთი ამოიღო, გაშალა და თვალთან მიიტანა. ჩაისადმი მიძღვნილი ლექსების ციკლში ერთადერთი ურითმო ლექსი იყო და პოეტმა მაინცდამაინც ის ურითმო ლექსი წაიკითხა. ვერ ვიტყვი, ტელემაცურებლებზე როგორი შთაბეჭდილება მოახდინა ლექსმა, დარბაზში მსხდომნი კი უკმაყოფილონი დარჩნენ. ლექსის ბოლო სტრიქონი „გაქვს შეწოვილი სურნელება ყოვლადნოყიერ

ქართული მიწის“, პოეტმა ისე წაიკითხა, რომ დარბაზში მსხდომ-  
თაგან ლექსის დამთავრება ვერავენ იგრძნო და ამიტომ ტაშმაც და-  
იგვიანა. პოეტმა დიქტორს მაინც გაუღიმა, თავიც კი დაუქრა მად-  
ლობის ნიშნად, მაგრამ უქმყოფილება ვერ დამალა, სკამზე მოწყე-  
ნით დაჯდა და ფინჯანიდან ჩაი ნაღვლიანად მბოსეა. პოეტის მოწყენი-  
ლობა თითქმის მთელ დარბაზს გადაედო, მაგრამ ეს მოწყენილობა  
წუთიერი იყო. მიკროფონი ხელთ იგდეს ფილარმონიის მსახიობებ-  
მა, მათი სკეტჩები და იუმორისტული ლექსები მისწრებასავით  
იყო. ხარხარი. ტაში. შექაზილები. პოეტსაც წარუმატებლობით გა-  
მოწვეული სევდა მალე განუქარვდა და მთელს დარბაზში გამორჩე-  
ულად ისმოდა მისი ღონიერი სიცილი.

ჩაის ზეიმისათვის მზადებას ხერგაში თვალსაჩინო პრაქტი-  
კული შედეგიც მოჰყვა: რესტორან „უღელტეხილის“ ერთი  
დარბაზი საჩაიედ გადაკეთდა, ხოლო ბაზრის შესასვლელთან  
მდებარე უგამყიდველო მაღაზიის შენობა ორად გაჰყვეს და  
გაჩნდა ახალი აბრა.

საჩაიე „ჯანმრთელობა და სიხარული“.

„ჯანმრთელობა და სიხარულმა“ მთელს ქალაქში მალე გაითქვა  
სახელი. ამის მიზეზად ზოგნი საჩაიეს გამგის ქალბატონ აგრაფინას  
ბეჯითობას და მოსაზრებულობას თვლიდნენ. ქალბატონი აგრაფინა  
ბარე ათი წელი ხერგას რკინიგზის სადგურის რესტორანში მუშაობ-  
და და თავისი მუდმივი კლიენტები „ჯანმრთელობა და სიხარულში“  
გადმოიბირა. ქალბატონმა აგრაფინამ თავისი პირადი მეგობარი და  
თანამებრძოლი, რკინიგზის სადგურის რესტორნის უფროსი მზარე-  
ულიც — საქვეყნოდ განთქმული „ხერგული ღვეზელის“ შემქმნე-  
ლი, საჩაიეში გადმოიყვანა. მაგრამ, საჩაიეს უჩვეულო წარმატების  
მიზეზით, როგორც ამას რესტორან „უღელტეხილის“ უფროსი მზა-  
რეული კაპიტონ კავილაძე ფიქრობს, ის გახლავთ, რომ ქალბატონ  
აგრაფინას ბორჯომის ბოთლებში ჭაჭის არაყი უსხია, ხოლო ლიმონ-  
ნათის ბოთლებში კონიაკიო. ამიტომაც არისო, ამტკიცებს კაპიტონ  
კავილაძე, „უღელტეხილის“ ყოფილი მუშტრები ასეთი მხიარულ-  
ნი და აღაღანებულნი გამოდიან საჩაიედანო.

ასეა თუ ისე, საჩაიე „ჯანმრთელობა და სიხარულში“ დიდიდან  
სადამომდე თუხთუხებს სამოვარი, მხიარულ სიმღერებს უკრავს  
ელექტროფირფიტა და საჩაიეს ფუტკარივით ეხვევა მუშტარი.

აპრილის თვეში ხერგას რაიადმასკომმა საგანგებო სხდომაზე გა-  
ნიხილა „ქართული ჩაის ზეიმის“ ჩატარების გეგმა, რომელიც აღ-  
მასკომს დიომიდე არჩვაძემ წარუდგინა. როგორც მოსალოდნელი

იყო, გეგმა ერთობ ვრცელი და მიმზიდველი აღმოჩნდა, აღმასკომ-  
ნაც ერთხმად დაამტკიცა და გაიშალა პრაქტიკული მუშაობა: სად-  
გურის მოედანზე და წერეთლის ქუჩაზე დარგეს მეზობელი რაიონ-  
ნიღვან ჩამოტანილი ჩაის ბუჩქები, დასამხარ ადგილებზე და მალაზი-  
ების ვიტრინებში გამოაფინეს სპეციალური პლაკატები და დიაგრამ-  
ები, ხერგას სახალხო თეატრის მხატვრის მიერ ზეიმისათვის სპე-  
ციალურად შექმნილი სურათებით შეამკეს საჩაიე „ჯანმრთელობა  
და სიხარული“ და რესტორანი „უღელტეხილი“. სოფელ ლეღვადახ  
ხერგაში ჩამოიყვანეს სახალხო მთქმელი კოკინია აბაშიძის ბიძაშ-  
ვილი (დედის მხრით) კალისტრატე ტრაპაიძე, რომელიც აქამდე,  
როგორც ყოფილი პედაგოგი, უმეტესად სოფლის მასწავლებლებზე  
და მოწაფეებზე თხზავდა ლექსებს, მაგრამ ახლა, დიომიდე არჩვაძის  
მოთხოვნით ათიოდე ლექსი შეთხზა მეჩაიეებზე და ჩაის პლანტა-  
ციებზე, დაიწერა მისასალმებელი სიტყვა, რომელსაც ზეიმზე პენ-  
სიონერთა სახელით ზეპირად წარმოთქვამს ხერგას სახალხო თეატ-  
რის ყოფილი მსახიობი, პერსონალური პენსიონერი ასკალონ დე-  
ლაძე, მომზადდა სკეტჩი, რომელსაც ხერგას პირველი საშუალო  
სკოლის მოწაფეები გაითამაშებენ და თითქმის დაზუსტდა ციფ-  
რობრივი მონაცემები რაივანრობის უფროსის სიტყვისათვის, მა-  
გრამ საშველი არ დაადგა საზოგადოება „ცოდნის“ ლექტორთან, პა-  
ტივცემულ სელვისტორ (იგივე სილიბისტრო) სირბილაძესთან მო-  
ლაპარაკების დამთავრებას. პატივცემული ლექტორის ყოველი  
ლექცია, როგორც წესი, ერთ აკადემიურ საათზეა (ორმოცდახუთი  
წუთი) გაანგარიშებული, ზეიმის ჩამტარებელმა კომისიამ შეუძღბ-  
ლად მიიჩნია საზეიმო სხდომაზე ორმოცდახუთწუთიანი ლექციის  
მოსმენა, თავის მხრივ, არც ლექტორმა დათმო, — ზეიმისათვის ლექ-  
ციას ვერ გავადარიბებო. მერე რაიადმასკომი იძულებული შეიქნა  
საქმეში ოპერატიულად ჩარეულიყო და ბოლოს და ბოლოს შეთანხ-  
მებას მიაღწიეს — პატივცემულმა ლექტორმა თხუთმეტი წუთით  
შეკვეცა ლექცია.

და ხერგას სახალხო თეატრის შემოქმედებითი კოლექტივიც  
უკვე მზადაა ზეიმისათვის.

საქართველოს სსრ კულტურის დამსახურებულმა მუშაკმა დიო-  
მიდე არჩვაძემ შექმნა ერთმოქმედებიანი პანტომიმა-ბალეტი „ქარ-  
თული ჩაის ზეიმი“. ეს პანტომიმა-ბალეტი პატივცემულმა დიომიდემ  
ხუთი წლის წინათ დაწერა და მას ერქვა „ქართული ვაზის ზეიმი“. მისი დადგმა გათვალისწინებული იყო სოფელ ითხვისის მევენახეო-  
ბის საბჭოთა მეურნეობის კლუბში და მიძღვნილი იყო მეურნეობის  
პირველი რთველისადმი. სამწუხაროდ, იმ წელს ვერც კლუბის მშე-  
ნებლობა მოთავდა და პირველი მოსავალიც ისეთი უმნიშვნელო



იყო, ზეიმად არ ღირდა. ჰოდა, პირველი რთველისადმი მიძღვნილი ზეიმი ჩაიფარცხა და მაყურებელმაც ვერ იხილა საქართველოს სსრ კულტურის დამსახურებული მუშაკის დიომიდე არჩვაძის ერთ-მოქმედებიანი პანტომიმა-ბალეტი „ქართული ვაზის ზეიმი“, ახლა „ვაზის ზეიმი“, პატივცემულმა დიომიდემ, ცხადია, მისთვის ჩვეუ-ლი ოსტატობით, გადააკეთა „ქართული ჩაის ზეიმად“. თუ „ვაზის ზეიმში“ მთავარი მოქმედი გმირები მამაკაცები იყვნენ, „ქართული ჩაის ზეიმში“ ისინი დედაკაცებმა შეცვალეს, შეიცვალა მხატვრუ-ლი გაფორმებაც, — ვაზის ადგილი ჩაის პლანტაციამ დაიკავა, მუ-სიკა კი ძირითადად ძველი დარჩა.

და აჰა, „ქართული ჩაის ზეიმის“ დღეც გათენდა.

ჩვეულებრივზე ადრე გაიღო საჩაიე „ჯანმრთელობა და სინარუ-ლის“ ჩაისფრად ასლად შეღებილი კარები. საჩაიეს მთელი პერსო-ნალი ქალბატონ აგრაფინას მეთაურობით თეთრ ხალათებშია გამოწ-ყობილი, მაგიდებს ყუავილების თაიგულები ამკობს, ათუხთუხდა სა-მოვარი, ჩართეს ელექტროფირფიტა და „ჯანმრთელობა და სინარუ-ლის“ საზეიმოდ მორთული „მუღნივი კლიენტებიც“ ჩვეულებრივ-ზე ადრე გამოცხადდნენ, მაგრამ მათ ქალბატონმა აგრაფინამ საჩაიეს კარები ცხვირწინ მიუხურა და მოუბოდიშა — თქვენთვის, ჩემო ძვირფასო მეგობრებო, დღეს მხოლოდ ორ საათზე გაიღება საჩაიეო. რატომაო? — უკმაყოფილოდ იხუვლეს კლიენტებმა. ჩემო ძვირფა-სებო, მაპატიეთ, კვლავ მოუბოდიშა ქალბატონმა აგრაფინამ, ზეიმ-ზე ჩამოსული სტუმრები საუნხებზე გვყავს მოწვეულიო...

საბუთი მაგარი იყო. მაგრამ „მუღნივი კლიენტები“ მაინც უკ-მაყოფილონი დარჩნენ.

„ჯანმრთელობა და სინარულს“ არც რესტორანი „უღელტეხი-ლი“ ჩამორჩა. სადარბაზოს თალი პლაკატმა დაამშვენა: „სვით ქარ-თული ჩაი, ჩაი მარგებელი სასმელია“. მართალია, რესტორან „უღელტეხილში“ სამოვარი არ აქვთ, სანაცვლოდ ოციოდე ჩაიდან, ააღუდეს, ხოლო მთავარმა მზარეულმა კაპიტონ კავილაძემ თვითონ-ვე შეამზადა მათის ჩაის ნაყენი, და „უღელტეხილის“ ჯაზ-ორკეს-ტრი, რომელიც ჩვეულებრივად ეახშობისას უკრავს, დღეს დილი-დანვე გაიჭაჭა.

რაიაღმასკომის თავმჯდომარე ხარიტონ ხიდაშელი, საქართველოს სსრ კულტურის დამსახურებული მუშაკი დიომიდე არჩვაძე, საზეი-მო კომისიის სხვა წევრებიც დილაადრიან გამოვიდნენ რკინიგზის სადგურზე მოწვეული სტუმრების შესახვედრად და თბილისიდან ჩამოსულმა მატარებელმა მათ საზეიმო განწყობილებას ცივი წყალი გადაასხა. სოფლის მეურნეობის სამინისტროს და „საქართველოს ჩაის“ ტრესტიდან ბარე ოცამდე სტუმარი იყო მოწვეული, ჩამოსუ-

ლით კი ერთადერთი კაცი ჩამოვიდა, ტრესტ „საქართველოს ჩაის“ ოფიზორ-პულალტერი, პატივცემული ეპიფანე დოკვირი. დოკვირმა მოუბოდიშა პატივცემულ ხარიტონს — ხვალ სოფლის მეურნეობის სამინისტროში სპეციალური თათბირია დანიშნული ჩაის მრეწველობის განვითარების საკითხებზე და ამიტომაც ვერ ჩამოვიდნენ პასუხისმგებელი ამხანაგები წეიმწეო.

— ეცნობებიანთ და გადავდებდითო, — საყვედურით თქვა ხარიტონ სიდაშელმა.

პატივცემულმა ეპიფანე დოკვირმა უხერხულობა იგრძნო, პირი მოკუმა და არაფერი უპასუხა.

თბილისში მიმავალი მატარებელიც ჩამოდგა, ხარიტონ სიდაშელმა ვაგონების ფანჯრებშივე მოჰკრა ბევრ ნაცნობს თვალი და გახალისდა. ხერგას სადგური ჩამოსული სტუმრებით გაივსო, მათ შორის იყვნენ მეზობელი რაიონების რაიკომებისა და რაიადმასკომების პასუხისმგებელი მუშაკები, ჩაის საბჭოთა მეურნეობების დირექტორები, სახელმძღვანელო მეჩაიეები და აგრონომები.

საუზმის შემდეგ, რომელიც საჩაიე „ჯანმრთელობა და სიხარულში“ თორმეტ საათამდე გაგრძელდა, სტუმრები ხერგას სახალხო თეატრში მიიწვიეს.

„ცოდნის“ ლექტორმა, პატივცემულმა სელვისტორ სირბილაძემ, როგორც წესი, საუბარი ჩაის კულტურის ისტორიის მიმოხილვით დაიწყო. ჩაის კულტურაო, თქვა პატივცემულმა ლექტორმა, უტყუარი მატერიალური მონაცემებით არის დადგენილი, უხსოვარ დროში ყოფილა გავრცელებულიო, პრიორიტეტი ეკუთვნით ინდოეთს და ჩინეთს, უპირატესად კი მაიორკის კუნძულებსო. ჩაის წარმოშობაზე მსოფლიოს ხალხებში მრავალი თქმულება-ლეგენდა არსებობს, ყოველი ლეგენდა-თქმულება თავისებურია და საინტერესო, მაგრამ ისტორიკოსები ერთს ჰინდურ ლეგენდას ანიჭებენ უპირატესობასო. ...ჩვენს წელთაღრიცხვამდე მეშვიდე ათასწლეულში ინდოეთში, დაახლოებით ამჟამინდელი დელის მიდამოებში, ცხოვრობდა ერთი წმინდანი ჯავახ-მენონ-ჰუ. ამ წმინდანს ჯავახ-მენონ-ჰუს პირობა მიუცია მამაზეციერისთვის — ჩემს სიცოცხლეში არ დავიძინებ, ფხიზლად ვიქნები და თვალს ერთხელაც არ მოვხუქავ, რომ ბოროტება არ გავაჰაჰანო დედამიწაზეო. მამაზეციერს მოსწონებია ჯავახ-მენონ-ჰუს ასეთი პირობა და, თავის მხრივ, წმინდანი-სათვის მარადიული სიცოცხლე უბოძებია. ცხოვრობდა ჯავახ-მენონ-ჰუ ამჟამინდელი დელის მიდამოებში და ყოველდღიურად მასთან მითავარია ხალხი მიდიოდა რჩევისათვის. იცხოვრა ასე ჯავახ-მენონ-ჰუმ ერთი, ორი, სამი, ათასი წელიწადი, ხალხის ერთი მოდგმა წყდებოდა, ჩნდებოდა ახალი მოდგმა, წმინდანი კი ამჟამინდელი დელის მიდამოებში არხეინად იჯდა კილობზე, კურთხევით ისტუმრებდა

იმკვეყნად მიმავალთ, ღიმილით ეგებებოდა ახალ თაობებს და მამა-ზეციერის სახელით უქადაგებდა მათ ურთიერთსიყვარულს, პატრისციემას, მორჩილებას განგებისადმი. ხალხიცა და მამაზეციერიც კმაყოფილი იყო წმინდანის წოდებად და აპავი, ერთ მშვენიერ დღეს, დაბადებიდან სამიათსა სამას სამოცდამეჩვიდმეტე წელს, როცა ამჟამინდელი დელის მიდამოებში მცხოვრებნი ეახლნენ წმინდანს, დაბადების დღის მისალოცად, ჭავახ-მენონ-ჰუს არხეინად ეძინა ქროლოზე და თქვენი მოწონებული მაგრადაც ხვრინავდა. ისე ხვრინავდა, სტადიონის სიშორეზეც გაიგონებდით. გაკვირდნენ ჰინდნი და ელდა ეცათ, ფარსავი რაღაცა მოსვლია ჭავახ-მენონ-ჰუს, თორემ როგორ დაიძინებდაო. და შეწუხდნენ ჰინდნი, დასხდნენ ტირილად და მოთქმად. ჰინდთ ტირილი და მოთქმა ღრიალივით გამოუვიდათ და ჰინდთა ღრიალზე გააზმორა ჭავახ-მენონ-ჰუმ, მერე მიბლეთილი თვალები თანდათან გამოაპაპუნა, იგრძნო თავისი უბედურება, ელდნაკრავივით წამოიჭრა ზეზე, ბელტისოდენა ხელები თავში წაიშინა, დაიწყო გოდება. ეს როგორ მომივიდა, ყოვლადღიერო, პირობა როგორ დაგირღვიე, ჩანს შენი მადლი განმერიდა, წმინდანობა დავკარგე, სიკვდილი მომდგომია კარს, დადგა ჩემი აღსასრულის დღე და აპა, ვაგდივარ შენს წინაშე მუხლმოდრეკილი და შენგან ეელი სიკვდილს, მამავ უფალო! „ერთი აღილუია მეც შემწლიაო“, ჩემად უთქვამს მამაზეციერს, მაგრამ ბოძებული მარადიული სიცოცხლე მაინც წაუერთმეგია ჭავახ-მენონ-ჰუსათვის, ამას რომ ვაპატიო ერთი წაძინება, შესაძლოა სხვა წმინდანებიც ასე მოიქცნენ და მაშინ დედამიწაზე ჩემი საქმე ცუდად წავაო. და მამაზეციერს დაუწყევლია ამჟამინდელი დელის მიდამოებში მცხოვრები ჭავახ-მენონ-ჰუ. ჯილობზე ღრიალით თავქვე დამხობილა ჭავახ-მენონ-ჰუ, მისი ღრიალით შეწუხებულან ჰინდნი და ვაჟ-ვიშით ვასცილიან იქაურობას. მთელი ღამე უფიქრია მარტოდარჩენილ წმინდანს და ძილი თვალებისათვის დაუბრალებია, საკუთრივ მარჯვენა თვალისათვის, რომელიც თავისი სიცოცხლის ბოლო ათასწლეულში ხანდახან ასტივდებოდა ხოლმე. განურისხნდა მარჯვენა თვალს ჭავახ-მენონ-ჰუ, უმტკივნეულოდ ამოითხარა და მიწაში ჩამარხა. გავიდა ხანი და იმ ადგილას, სადაც ამჟამინდელი დელის მიდამოებში მცხოვრებმა წმინდანმა თავისი მოღალატე თვალი ჩამარხა, ამოსულა ბალახი, ჩვეულებრივი ბალახი კი არა, ჩვეულებრივი ბალახისაგან ძალზე განსხვავებული, დიდი და ხასხასა მწვანე. ძალიან მალე გაქუჩქუჩებულა ის ბალახი, ისეთნაირად გაქუჩქუჩებულა, რომ სწორედ ამჟამინდელი ჩაის ბუჩქის ფორმა მიუღია. — ეს უძილობის წამალიაო, უთქვამს ჭავახ-მენონ-ჰუს, მოუკრეთია ხასხასა ფოთლები, ჯიგრიანად გაურეცხია და მოუხარშავს. ის ნახარში ამჟამინდელი მაისის ჩაის,

ნაყენივით მუქი გამოსულა, დაუღევია წმინდანს ის ნაყენი და იძის შემდეგ ჯავახ-მენონ-ჰუს მარცხენა თვალს ძილი ახლოსაც ვერ გაჰკარებია. და თუ ლეგენდას ვერწმუნებით, ის ცალთვალა წმინდას ახლაც არხეინად ცხოვრობს ამჟამინდელი დელის მიდამოებში.

ამ ლეგენდაში ერთი აზრი უტყუარია, — ხაზგასმით თქვა პატრიცემულმა სელვისტორ სირსილაძემ, — როცა გვეყვინთება, კარგად დაყენებულ ჩაის თუ მივირთმევთ, გამოვფხიზლდებით. ხოლმეო.

შემდეგ პატრიცემულმა ლექტორმა დაწვრილებით მოახსენა საზეიმო სხდომის მონაწილეებს, თუ რამდენი ტონა ჩაი იკრიფება მსოფლიოში ყოველწლიურად, რა ხვედრითი წონა უკავია ქართული ჩაის მრეწველობას ჩაის მსოფლიო მრეწველობაში, როგორია მისი პერსპექტივები ახლო და შორეულ მომავალში.

ლექციისა და მისასპლმებელი სიტყვების შემდეგ გათამაშებული სკეტჩი და ასკალონ ტრაპაიძის მიერ უშუალოდით წარმოთქმული ლექსები დიდად მოეწონათ ზეიმის მონაწილეებს, მაგრამ მთავარი სიხარული მათ წინ ეღოთ.

გვარიანი შესვენების შემდეგ, სცენაზე, ფარდის წინ, დიომიდე არჩვაძის მალალი და ხმელხმელი ფიგურა აღიმართა და, პროგრამის მიხედვით, ტაშმა იქუხა. დიომიდე ხელების გაშლით მიესალმა ზეიმის მონაწილეებს, მერე მარცხენა ხელით მელოტი თავის მარჯვენა კინკრიხოზე შემორჩენილი რამდენიმე დერი თმა მარცხნივ გადმოფარცხა და მისთვის ჩვეული, ოდნავ ყალბი, მაგრამ მკლერადი ხმით დაიწყო:

— პატრიცემულო მეგობრებო და ძვირფასო სტუმრებო! თენდება ჩვეულებრივი შრომითი დილა და კოლმეურნე ქალი ალათი სეფისკვერაძე... უნდა მოგახსენოთ, რომ ალათი და ქიშვარდი სეფისკვერაძეების ოჯახს, რომელც ჩვენს მეზობელ რაიონში ცხოვრობს, მე ახლოს ვიცნობ, ბევრჯერ ვყოფილვარ მათთან და ბევრჯერ დამილოცნია მათი მრავალწევრიანი ოჯახი. სხვათა შორის, მათ ექვსი შვილი ჰყავთ, ერთი ვაჟი და ხუთი გოგონა. იმასაც მოგახსენებთ, რომ ექვსივენი ჩინებულად სწავლობენ და კოლმეურნეობასაც ეხმარებიან. დიახ, კოლმეურნე ქალი ალათი სეფისკვერაძე უთენია დგება, ზეზეურად წაიხემსებს, ცხადია, რაიმე ნოყიერს და გემრიელს და კალათით ხელში გულმხიარული, აჩქარებული და მოხდენილი ნაბიჯით მიეშურება ჩაის მარადმწვანე პლანტაციისკენ. მიუახლოვდება ჩაის მარადმწვანე პლანტაციას ალათი სეფისკვერაძე, ღიმილით გადახედავს ჩაის ბუჩქებს და თითქოს ჩაის ხასხასა ბუჩქებს, არა, თითქოს კი არა, ნამდვილად, ალათი სეფისკვერაძის ცისკროვანი ღიმილი გადაეფინება. ასე ბეჯითად და მხიარულად იწყებს შრომას დილაადრიან ქეშმარიტი კოლმეურნე ქალი... რა ამხიარულებს ალა-

თი სეფისკვერადის და მრავალ სხვა მისთანათა შრომას? მხოლოდ და მხოლოდ უმაღლესი შეგნება — მათი შრომისმოყვარე ხელებით ასე გახარებული და მოკრეფილი ჩაი შრომით ენერგიას უორკეცებს ათასს და ასი ათასს მშრომელს. თქვენ, პატივცემულო სტუმრებო და ძვირფასო მეგობრებო, ჩემზე უკეთ მოგეხსენებათ, რაოდენ ვსიამოვნებთ ჩვენ. როცა მივირთმევთ კარგად დაყენებულ არომატულ ჩაის და, ჩემს უდროოდ გარდაცვლილ მშობლებს გეფიცებით, სრული ჰეშმარიტებაა, კარგად დაყენებული და არომატული ჩაი ახალი ხილვისათვის აღფრთოვანებს შემოქმედ ადამიანებს. სრული პა. უხისმგებლობით შემოძლია განგიცხადოთ, უბრწყინვალესი მიზანსცენები (დაბალი ხმით, ვითომ სქოლიო ყოფილიყოს, დიომიდე არჩავძემ ძვირფას მეგობრებს და პატივცემულ სტუმრებს წვრილად განუშარტა, თუ რა არის მიზანსცენა) კონსტანტინე სტანისლავსკის, ნემიროვიჩ-დანჩენკოს და ახალი ქართული თეატრის ჯადოქარს, ჩვენს სასიქადულო თანამემამულეს კოტე მარჯანიშვილს სწორედ არომატული ჩაის სმის მომენტებში აქვთ შექმნილი. ამის უშუალო შემსწრე და თანამონაწილე გახლდათ თქვენი მონა-მორჩილი... დიახ, ძვირფასო მეგობრებო და პატივცემულო სტუმრებო, მე ისევ ვუბრუნდები კოლმეურნე ქალის აღათი სეფისკვერადის კეთილშობილურ და შთაგონებულ შრომას: დღეს ჩვენ ვზეიმობთ ისტორიულ გამარჯვებას, ზეიმობს ქართული ჩაი, აღფრთოვანებულნი ვსხედვართ ამ ჩინებულ დეკორაციულ შენობაში და ვადიდებთ ქართული ჩაის ოსტატებს... ჰეშმარიტად, როცა ვეწაფებით არომატულ სითხეს, საამოდ იყლინთება ჩვენი სხეული, ტვინში სიბრძნე გვემატება, მუხლებსა და ხელებში ძალა! და ჩვენ აღვეგზნებით დიდი შემოქმედებითი შრომისა და ხილვისათვის, და ყოველივე ამის ფუძეთათუძე გახლავთ ბეჭითი კოლმეურნე აღათი სეფისკვერადე და მრავალზე მრავალ მისთანათა კეთილშობილური შრომა... და ჩვენმა თეატრმა, აქ შეკრებილთა საყვარელმა თეატრმა, ბევრი ილონისძია, რომ მცირედად მაინც მოეხადა ვალი სახელოვან ქართველ მეჩაიეთა წინაშე. ახლავე, ჩემი სიტყვის შემდეგ, თქვენ ნახავთ ჩვენი თეატრის ახალ დადგმას — „ქართული ჩაის ჩეიმი“.

პატივცემულო სტუმრებო და ძვირფასო მეგობრებო, ჩვენი თეატრის კოლექტივის სახელით მხურვალედ მოგილოცავთ ქართული ჩაის ზეიმს, წარმატებებს ვისურვებთ შრომაში და ბედნიერებას პირად ცხოვრებაში. გმადლობთ ყურადღებისათვის.

დაამთავრა თუ არა სიტყვა დიომიდე არჩავძემ, პროგრამის მიხედვით, ტაშმა იქუხა, ხოლო სახალხო თეატრის მსახიობებმა რაღაც შესძახეს, მერე სინათლე თანდათან, მხატვრულად ჩაქრა, ფარდაც თანდათან, ნელა აბკეცა ჰერში და სცენის წინაპლანზე ამოიშართა ერთობ მსუქანი ასოებით დაწერილი აფიშა.

აქართული ჩაის ზეიმი.

ერთმოქმედებიანი ბალეტი-პანტომიმა.

ლიბრეტოს ავტორი — დიომიდე არჩვაძე, საქართველოს სსრ კულტურის დამსახურებული მუშაკი.

დადგმა — დიომიდე არჩვაძის, საქართველოს სსრ კულტურის დამსახურებული მუშაკი.

მუსიკალური გაფორმება — დიომიდე არჩვაძის, საქართველოს სსრ კულტურის დამსახურებული მუშაკი.

მონაწილეობს სახალხო თეატრის მთელი დასი.

თეატრის დირექტორი და მხატვრული ხელმძღვანელი — დიომიდე არჩვაძე, საქართველოს სსრ კულტურის დამსახურებული მუშაკი“.

შუქით გაჩახახებული აფიშა ნელ-ნელა შემოტრიალდა, ისე შემოტრიალდა, რომ ყველას ადვილად წაეკითხა, მერე ასევე ნელ-ნელა ჩაიკეცა და ჩაიჩუტა.

ტაში. შეძახილები. აქა-იქ თავშეკავებული სიცილი.

დილა. ღრუბლიანი, ძალიან ღრუბლიანი დილა. თენდება და ვერც თენდება. (მუსიკა — გათენების მაუწყებელი — მამლები აყივლდნენ, ძალებმაც წაიყუფეს).

სცენაზე თანდათან ისახება სოფლის სურათი.

წინა პლანზე პატარა მოლიანი ეზო, ოდასახლის რიკულებიანი, გადახურული აივანი, ახლოს — მოასფალტებული გზა, მოშორებით — ჩაის ბუჩქებით დაფარული ფერდობი. ასფალტი ისე ბზინავს, ეტყობა, წუხელ მთელი დამე წვიმდა, ხოლო ღრუბლები ისე დაბლა ჩამოწოლილი, სადაცაა ისევ გაწვიმდება. ოდასახლის კარი კრი-ალით იღება და აივანზე გამოდის ოჯახის დედა — კოლმეურნე ქალი, შესაძლოა ეს იყოს აღათი სეფისკვერამის პროტოტიპი (მუსიკა — შრომის რიტმი). ქალს ხელში კალათი უკავია, იგი ნელი, მსუბუქი ნაბიჯებით ჩამოდის კიბის/საფეხურებზე და ეზოში წაიცეკვებს, მერე უცებ შედგება, ცას ახედავს, სახე შეეკმუნნება და ცეკვა-ცეკვით შებრუნდება ოდაში. ახლა კალათთან ერთად ქოლგაც გამოაქვს, რიტმული ნაბიჯებით ჩამოიბრუნებს კიბის საფეხურებს და ცეკვა-ცეკვით მოასფალტებულ გზაზე გადის, ქოლგას და კალათს ასფალტზე დებს და დილის გამამხნეველ ვარჯიშს ასრულებს. ვარჯიშის დამთავრების შემდეგ ცას ახედა, აიტაცა ქოლგა და კალათი და ქოლგიან-კალათიანი ხელები მალ-მალე დააქნია — ბეჯითი კოლმეურნე ქალი მეზობლებს უხმობს ჩაის საკრეფად წამოდიოთ. ახლა კი მაყურებელი რწმუნდება, რომ ეს ბეჯითი კოლმეურნე ქალი ნამდვილად აღათი სეფისკვერამის განსახიერებაა, კარგა ხანს აღათი სეფისკვერამის პროტოტიპი მარტოა მოასფალტებულ გზაზე

(მუსიკა — ისევ შრომის რიტმი), იგი თანდათან ანერველდება, ქოლგიან-კალათიან ხელებს უფრო სწრაფად იქნევს, ხანდახან კისერსაც ისე წაიგრძელებს, ეტყობა, მეზობლებს უცაცხანებს — რა მოგივიდათ, გამოეტიეთო.

ცეკვა-ცეკვით, თანდათან და რიგ-რიგად მოასფალტებულ გზაზე გამოდიან კოლმეურნე ქალები — ზოგი ერთობ ახალგაზრდა, საშუალო სკოლის მოსწავლის ასაკისა, ზოგი ხანშიშესული, ორი კი შებერებული: ამ შებერებულ ქალებს ერთობ ენერჯული სახეები აქვთ, მათ უფრო დიდი კალათები და ქრელი ქოლგები ხელში მსუბუქად უჭირავთ. ჩაის მკრეფავი ქალები ცეკვა-ცეკვით ავახსცენისკენ გაშოგოგმანდებიან, ალათი სეფისკვერაძის პროტოტიპი ოდნავ შემალდება და ამხანაგებს ხელებით ანიშნებს — შესაძლოა წვიმა წამოვიდეს, მაგრამ ჩვენ ჩაის კრეფის დღევანდელი გეგმა მაინც უნდა შევასრულოთო. თანხმობის ნიშნად კოლმეურნე ქალები ალათი სეფისკვერაძის პროტოტიპს გაუღიმებენ (მუსიკა — შრომის ამალღებული რიტმი) და ალათი სეფისკვერაძის პროტოტიპი ცეკვა-ცეკვით პირველი მიემართება ჩაის პლანტაციისკენ. მას ფეხდაფეხ გაჰყვებიან ქოლგიან-კალათიანი ქალები და პლანტაციაში გაიშლებიან, ქოლგებს მიწაზე დადებენ, მერე ჩაის ბუჩქებს ცეკვა-ცეკვით შემოუვლიან და იწყებენ ჩაის კრეფას (მუსიკა — ისევ შრომის რიტმი, ოღონდ წინანდელზე უფრო გაძლიერებული და ამალღებული). ივსება კალათები, ჯერ ალათი სეფისკვერაძის პროტოტიპი გაიღიმებს და პირს ფართოდ გააღებს, შემდეგ ყველა მკრეფავი გაიღიმებს და გააღებს პირს (მუსიკა — ჩაის მკრეფავის სიმღერა). ფოთლებით საესე კალათები მკრეფავ ქალებს ცეკვა-ცეკვით გააქვთ ფარდის უკან და მალე ისევ ცეკვა-ცეკვით ბრუნდებიან პლანტაციაში. (რეჟისორის ჩანაფიქრი — იგულისხმება და მაყურებელიც ადვილად ხვდება, რომ ფარდის უკან დგას საბარგო მანქანა და ის მანქანა ჩაის ფოთოლს ფაბრიკაში ეზიდება).

ქუხილი. კოლმეურნე ქალები შეკრებიან და ცას ნაღვლიანად ახედავენ.

ელვა. გაბმული ქუხილი. ქარის სისინი. (მუსიკა — განგაშის მაყურებელი, თან გამამხნევებელი). წამოვა წვიმა. ალათი სეფისკვერაძის პროტოტიპი მარცხენა ხელის იღლიაში გაიჩრის ქოლგის ტარს, ქოლგას მარჯვედ მოირგებს და მარცხენა ხელით გამალებით კრეფს ჩაის ფოთოლს, ყველა მკრეფავი მას ბაძავს, ფოთლით საესე კალათები ისევ ცეკვა-ცეკვით გააქვთ ფარდის უკან და ისევ მალე და ცეკვა-ცეკვით ბრუნდებიან პლანტაციაში.

ისევ ელვა. ისევ გაბმული ქუხილი. ისევ ქარის სისინი. წვიმა.

ქოლგიან-კალათიანი ქალები უფრო ბეჭითად და ხალისიანად მუშაობენ.

ავტომანქანის მტორის თახთახი. მკრეფავეები ფარდის უკან გააქრებთან, მერე ცარიელ კალათებით ბრუნდებიან პლანტაციამი, ალათი სეფისკვერამის პროტოტიპი შემალღდება, თანამებრძოლებს ელიმილება და გეგმის შესრულებას ულოცავს (მუსიკა — მელოდიური, თან საზეიმო), საერთო ალტაცება, მკრეფავეები ერთმანეთს ხელს ჩამოართმევენ და კალათებზე მსუბუქად და მოხერხებულად ჩამოჯდებიან.

წვიმა თანდათან წყდება, წუთით ცალი თვალით მზეც კი გამოიხედავს და ჩაის. მკრეფავეთა სახეებს შინდისფრად გაანათებს.

ჩაის მკრეფავენი ილიმებიან, კისერს ოდნავ წაიგრძელებენ და პირს ფართოდ აღებენ (მუსიკა — ჩაის მკრეფავეის სიმღერა). ალათი სეფისკვერამის პროტოტიპი პირველი წამოდგება კალათიდან, მერე იარი მოხუცი ქალი წამოდგება, მერე ყველანი წამოდგებიან და ფერდობიდან ცეკვა-ცეკვით ეშვებიან, ავანსცენაზე გამოსულნი (მუსიკა — ხალისიანი შრომის რიტმი) პლანტაციისკენ შებრუნდებიან და ჩაის ბუჩქებს ხელებს ისე უქნევენ, თითქოს ცოცხალ არსებას ემშვიდობებიანო.

სცენის სიღრმეში ჩაბნელება.

ალათი სეფისკვერამის პროტოტიპი მეგობრებს ემშვიდობება და ეზოში შემოდის (მუსიკა — მელოდიური, თან საზეიმო). შედგება, იარველივ მიმოიხედავს და როცა კიბეზე ჩამომავალ ქიშვარდს და უმცროს ქალიშვილს დაინახავს, კალათს და ქოლგას ხელიდან გააგდება და ცეკვა-ცეკვით კიბისკენ გაქანდება, ქალიშვილს ხელში აიტაცებს, ეალერსება, ჰკოცნის და ახტუნავებს. ქიშვარდი სიხარულს ვეღარ მალავს და ილიმება, მოლზე დაგდებულ კალათს და ქოლგას მოწიწებით აღიებს, ხელებს მალა შემართავს (მუსიკა — ცეკვა „ქართული“), ცეკვის რამდენიმე ილეთს მოხდენილად შეასრულებს და კალათი და ქოლგა ცეკვა-ცეკვით შეაქვს სახლში. ალათი სეფისკვერამის პროტოტიპი, უმცროსი ქალიშვილით, ქიშვარდს გაჰყვება.

დარბაზში სინათლე თანდათან ინთება (მუსიკა — საზეიმო, პატეტიკური).

ტაშის ქუხილი. შეძახილები. მაყურებელი მსახიობებს სცენაზე იწვევს. მსახიობები არ აყოვნებენ და მოლიმარი სახეებით ცეკვა-ცეკვით გამოდიან სცენაზე. მაყურებლებში გეგმიანად ჩამჭდარი თეატრის თანამშრომლები ხმამალა გაჰყვირიან — დიომიდე! დიომიდე! დიომიდე! მათ ძახილს მსახიობები აიტაცებენ, ძლიერდება ტაში. შთაბეჭდილება — მთელი დარბაზი სცენაზე იწვევს საქართველოს სსრ კულტურის დამსახურებულ მუშაკს დიომიდე არჩვამდის... ბოლოს და ბოლოს ფარდის უკან მიმალული დიომიდე კისერს წა-



იგრძელებს და ღიმილიან სახეს გამოაჩენს. უფროდაუფრო ძლიერდება ტაში. ალათი სეფისკვერადის პროტოტიპი ცეკვა-ცეკვით მიეპრება დიომიდეს, მკლავში მაგრად წააელებს ხელს და დიომიდე სცენაზე შემოჰყავს. წარმოიდგინეთ, ტაში უფროდაუფრო ძლიერდება. უფროდაუფრო ხმამალა გაისმის — დიომიდე! დიომიდე! დიომიდე! დიომიდე უხერხულობას გრძნობს და შორცხვად იღიშება, ალტაცეზულ მაყურებელს მდაბლად უკრავს თავს, ხელები გაშალა, მერე თანდათან მოლუნა და მკერდზე მაგრად მიიკრა — თითქოს მთელ დარბაზს შემოაწვდინა თავისი გრძელი ხელები და საყვარელი მაყურებელი გულში ჩაიკრა. შემოაქვთ ყვავილების კოხტად შეკრული თაიგული და დიომიდეს ფეხებთან დებენ. ახალი ალტაცეზა. ტაშის ქუხილი. შეძახილები. დიომიდე თაიგულის შემომტანს ხელზე ეამბორა. ისეთი ტაში, სადაცაა დარბაზის ქერი ჩამოინგრევა. დიომიდე ალათი სეფისკვერადის პროტოტიპს ჰკოცნის, შთაბეჭდილება — სპექტაკლის ავტორ-რეჟისორი მადლობას უხდის თეატრის კოლექტივს ავტორ-რეჟისორის ჩანაფიქრის ოსტატურად შესრულებისათვის.

როდის-როდისღა ტაშის ქუხილში ნელ-ნელა დაეშვა ფარდა.

როცა „ქართული ჩაის ზემის“ ლიბრეტოს ვფურცლავდი, ბოლო ფურცელზე ასეთ ჩანაწერს წავაწყდი.

„წარმოდგენის დამთავრების შემდეგ მაყურებელი სცენაზე გამოვიწვევს მადლობის გამოხატავად (ეს უეჭველად მოხდება), მცირე ხანს შეუოვნდება, მერე სცენის სიღრმეში მორიდებულად გამოჩნდება, გიხარია სპექტაკლის გამარჯვება, ღელავ... ტაში გაძლიერდება და იმრავლებს შეძახილი (შეძახილი აუცილებლად საჭიროა). თეატრის კონტროლიორს და ალათი სეფისკვერადის პროტოტიპის მეუღლეს ბოხი ხმები აქვთ. ისინი დარბაზში ერთმანეთისგან კარგა მოშორებით დასხდებიან და დაიძახებენ — დიომიდე! (სამჯერ), შთაბეჭდილება — თითქოს მთელი დარბაზი გეძახის და გიწვევს. შენ ჯერ კიდევ სცენის სიღრმეში მოკრძალებულად დგახარ. გერიდება სცენაზე გამოსვლა. შენკენ ცეკვა-ცეკვით წამოვა ალათი სეფისკვერადის პროტოტიპი, მკლავზე წაგაელებს ხელს და გექაჩება. ნელი, გამოზომილი ნაბიჯებით გაჰყვები ალათი სეფისკვერადის პროტოტიპს, ალტაცეზულ მაყურებელს მდაბლად დაუკრავ თავს, ხელებს ჯერ გაშლი, მერე თანდათან მოლუნავ და მკერდზე მაგრად მიიდე, შთაბეჭდილება — თითქოს მთელ დარბაზს შემოაწვდინე ხელები და საყვარელი მაყურებელი გულში ჩაიკარი. ტაში და შეძახილები უფრო ძლიერდება (ტაშს მაყურებელთან მსახიობებიც უკრავენ), სწორედ ამ დროს შემოიტანენ ყვავილების თაიგულს და შენს ფერხით დადებენ. ახალი ალტაცეზა. ტაშის ქუხილი. შეძახი-

ლები. თაიგულის შემომტანს ხელზე ეამბოროები, ტაში გაძლიერდება... მაშინ გადაპკოცნი ალათი სეფისკვერადის პროტოტიპს, შთაბეჭდილება — სპექტაკლის ავტორ-რეჟისორი მადლიერია კოლექტივისა მისი რეჟისორული ნააზრევის სრულყოფილად შესრულებისათვის.

ტაშის ქუხილში ნელ-ნელა ეშვება ფარდა.

...ქართული ჩაის ზეიმმა. თეატრიდან რესტორან „ულელტეხილში“ გადაინაცვლა. სამწუხაროდ, ზეიმის ამ ნაწილში კონსტანტინე კაკუბერმა ვერ მიიღო მონაწილეობა. მან ჯერ კიდევ თეატრში, სწორედ მაშინ, როცა საქართველოს სსრ კულტურის დამსახურებული მუშაკი დიომიდე არჩვაძე ამბობდა სიტყვას, თავი შეუძლოდ იგრძნო, ბოლიშით დაემშვიდობა სტუმრებს და შინ წავიდა.

„ხერგას ხმამ“ გაზეთის სპეციალური ნომერი მიუძღვნა ხერგაში გამართულ „ქართული ჩაის ზეიმს“. ყველაფერი დაწვრილებით იყო მოთხრობილი და ამ საერთო-სახალხო ზეიმში დისონანსად ეღერდა საქართველოს სსრ კულტურის დამსახურებული მუშაკის, ხერგას სახალხო თეატრის დირექტორის და მხატვრული ხელმძღვანელის დიომიდე არჩვაძის პანტომიმა-ბალეტისადმი მიძღვნილი სტრიქონები. გაზეთი თავდაჯერით და დიდი ტაქტით, ამასთან გაბედულად წერდა: „პანტომიმა-ბალეტი „ქართული ჩაის ზეიმი“ ჩვენი ნიჭიერი თეატრის სამწუხარო ჩაყარდნაა. ჩვენს გულისტკივილს უფრო ამძიმებს ის, რომ ეს შემოქმედებითი მარცხი, თუ შეიძლება ასე ითქვას, მოუვიდა ქართული თეატრის ისეთ სახელმძღვანელო და დიდად დამსახურებულ მოღვაწეს, როგორც იყო და ამჟამადც უდავოდ გახლავთ საქართველოს სსრ კულტურის დამსახურებული მუშაკი, პატივცემული დიომიდე არჩვაძე, ვისხედით მაყურებელთა დარბაზში, შეეყურებდით ჩვენი ნიჭიერი თეატრის ნიჭიერი მსახიობების თამაშს (თუ შეიძლება თამაში ვუწოდოთ სცენაზე დატრიალებულ ორომტრიალს) და საკუთარ თვალს არ ვუჯერებდით: ყალბი სიუჟეტი, უგემოვნოდ შერჩეული მუსიკა, არაპროფესიული ქორეოგრაფია, უფერული მხატვრობა (ვაგლახ, რომ ყოველივე ეს „ქართული ჩაის ზეიმი“). ერთ ხელოვანს ეკუთვნის), დიახ, ეს ნამდვილი მარცხია, დიდად დასანანი შემოქმედებითი მარცხი. განა შეიძლება ასეთი უღიმღამო ნაწარმოები შევბედოთ სახელგანთქმულ ქართველ მეჩაიებს? სამარცხვინოა, დიდად სამარცხვინო!“

„ჩვენი შეხედულების სისწორე ზეიმის მონაწილე ქართული ჩაის ოსტატებმა დაგვიდასტურესო“, — ეწერა გაზეთში და იქვე იყო მოყვანილი მეჩაიეთა გამოხატულებები. ყველაზე მაგარი კი ის

გახლდათ, რომ თვით პატივცემულ ალათი სეფისკვერაძეს სიტყვა-სიტყვით უბრძანებია: „ამ თამაშის მომწყობთ აუცილებლად თავსხმაში მივიწვევ ჩემს კოლმეურნეობაში, შევიყვან პლანტაციაში, დავაკავებინებ ხელებში ქოლგებს და კალათებს და ვნახავ, ჩაის სველ ფოთოლს ასეთი ხუნტრუც-ხუნტრუცით თუ მოკრეფენო“...

წერილის ბოლოში შენიშვნა:

„ჩვენთვის ყოვლად მოულოდნელი იყო ოვაციები, რაც პანტომიმ-ბალეტის დამდგმელს გაუშარათეს. კულტურული მაცურებელი იოლად მიხვდა, ეს ოვაციები იყო თეატრალიზებული და არა ხალხისმიერი. უმჯობესი იქნებოდა საქართველოს სსრ კულტურის დამსახურებულ მუშაკს პატივცემულ დიომიდე არჩვაძეს თავისი შემოქმედებითი ენერგია და დიდი ოსტატობა, რომელიც მან ოვაციების ორგანიზებას მოახმარა, სპექტაკლისათვის შეეწირა, ეგებ ოდნავ მაინც უკეთესი გამოსულიყო „ქართული ჩაის ზემი“...“

„ხერგას ხმამ“ საზოგადოება „ცოდნასაც“ უსაყვედურა: ასეთი ლექციისათვის ჩაის სპეციალისტი უნდა მოგვეწვია და არა ისტორიკოსი.

დიომიდე არჩვაძე კინაღამ ლოგინად ჩავარდა. ცხელ გულზე გადაწყვიტა, საპროტესტო წერილი გაეგზავნა რედაქციისათვის, ხოლო პარტიის რაიკომში საჩივარი შეეტანა. მერე იყოყმანა და თავი შეიკავა, რატომღაც იფიქრა, „ხერგას ხმაში“ დამბეჭდილი სტატია, ადვილი შესაძლებელია, კონსტანტინე კაკუბერთანაც კი იყოს შეთანხმებულიო. ამ მოსაზრებას ისიც ამაგრებდა, რომ კონსტანტინე კაკუბერი სწორედ მაშინ წავიდა თეატრიდან, როცა პატივცემული დიომიდე არჩვაძე თავის მგზნებარე სიტყვას წარმოთქვამდა. ეს კარგად დაინახა დიომიდემ და ცუდად ენიშნა.

ის იყო და ის. გულიდან იოლად გადაიყარა წყენა პატივცემულმა დიომიდემ, ისევ თავალერილი დადიოდა ხერგას ქუჩებში და ნაცნობ-უცნობებს ღიმილით და ქუდის მოხლით ესალმებოდა.

## ნ ა წ ი ლ ი მ ე უ ვ ი დ ე

### თ ა ვ ი ა ი რ ვ ე ლ ი

ალექსანდრე ჩაფიჩაძემ რძლისა და შვილიშვილების დასახვედრად თადარიგი აღრევე დაიჭირა.

ეზოთი დაიწყო. პირველად ეზოს უკანა, თვალისაგან მოფარე-

ბული ადგილი დაამასმასა, ფოთლები და ფიჩხები ეზოს ბოლოში გაიტანა და დაწვა. მერე ლეიბები, საბნები, ბალიშები და მუთაქები გაანსეურა და ოდასახლის იატაკი საპნიანი წყლით მორეცხა.

რაც მთავარია, ოთახები გაანაწილა:

ზალა, როგორც ყოველთვის, სასტუმრო. სადილიც ზალაში.

პირველი ნომერი ოთახი, მისი ორი ფანჯარა წინა აივანზე რომ გადის, რუსუდანის და რევაზისა გახლავთ. ბუხარი. თეთრი, კამარინი ბუხარი. კამარაში მამალი და ის მამალი ვითომ ყივის. კაკლის ხის მრგვალი მაგიდა. დიდი სარკე. კაკლის ხისავე ორი ტახტი. ფიცრები სოლომონ კიკნაველიძისაგან იყიდა, მეწველი ძროხა მისცა ფიცრებში. სამი თვე თვითონვე იოსტატა, არ მოეწონა თავისი ნახელავე და მერე რაქველი ოსტატი მოიწვია. დიდი, ძალიან დიდი ხნისაა ეს ტახტები და ახლაც არ დაიწუნება: ჩუქურთმიანი ფეხები, ჩუქურთმიანი საბალიშეები — ირემი და შველი. ირმისჩუქურთმიანი ტახტი ალექსანდრესი გახლავთ. შვლისჩუქურთმიანი მელიკისა იყო. ამ საწოლზე პირველად მეუღლესთან ერთად დაწვა ალექსანდრე, რევაზიც ამ ტახტზე დაიბადა. მელიკის გარდაცვალების შემდეგ ამ საწოლებზე არ დაწოლილა. ლოგინი კი არ მოუშლია, ვითომ მელიკი ისევ ცოცხალია და მელიკი და ალექსანდრე ღამღამობით ვითომ ამ ტახტებზე წვანან. ზალაში ლამპას რომ აანთებს ალექსანდრე, ამ ოთახშიაც აანთებს ლამპას, დაწოლის წინ კი ლამპის ჩასაქრობად ფეხაკრებით შემოვა და ვიდრე ლამპას ჩააქრობდეს, კედელზე დაკიდებულ სურათს შეხედავს. იმ სურათიდან თეთრკაბიანი ქალიშვილი და იისფერჩოხიანი ვაჟკაცი გაუღიმებს — მელიკი და ალექსანდრე. ორმოცი წლის წინათ გადაიღეს ეს სურათი ხერგაში. და ეს სურათი უკანა ოთახში გადაიტანა ალექსანდრემ — ხომ შეიძლება არ ესიაშოვნოს რუსუდანს — გამოიღვიძებს და თვალწინ დედამთილ-მამამთილის სურათი რომ წამოეკიმება. პოდა, რუსუდანის დედამთილ-მამამთილის სურათი უკანა ოთახში გადაიტანა ალექსანდრემ. ეს ოთახი ალექსანდრეს და სანდროს ეკუთვნით და სანდროს უყვარს ეს სურათი, პირველად რომ ნახა, იტირა, როგორი ლამაზი ბებია მყოლია და რატომ ვერ მოვესწარიო...

წელს სამაისოდ სამი დღით ამოიყვანა სანდრო მამამისმა. ისადილეს. რევაზი სატეველაზე წავიდა. ალექსანდრე ზალაში ტახტზე წამოწვა. სანდრო წინა ოთახში შევიდა. ბებიასეულ ტახტზე წამოწვა და თვალი მელიკისა და ალექსანდრეს სურათს გაუშტერა. დიდხანს, ძალიან დიდხანს იყო სანდრო გატრუნული. ალექსანდრეს შეგბრალა ბავშვი, კედლისკენ გადაბრუნდა და ვითომ ეზოში ეგულეებოდა, ხმამაღლა დაიძახა — სანდრო, სანდრიკელა! და სანდრო უხმაუროდ ადგა ბებიასეული ტახტიდან, აივანზე გავიდა, აივნიდან

ეზოში ჩახტა, მერე კიბეებზე ამოირბინა და ტახტზე წამოწოლილ ალექსანდრეს თავზე წაადგა.

— წყალი დამალევიწე, ბაბულო, დოქი უკანა ოთახის ბუხარშია...

ახლა ეს სურათი სანდროს და ალექსანდრეს ოთახში ჰკილია. სანდრო დილით რომ გამოიღვიძებს, ამ სურათს შეხედავს, არ ეწყინება და არც იტირებს, იცის, რომ ჯერ ბებია ან ბაბუა უნდა მოკვდეს, დიახ, ასეა დადგენილი — ჯერ ბებია ან ბაბუა მოკვდება და ეს სავიშივიშო არაა, ყოველთვის ასე იყო, ახლაც ასეა და მომავალშიც ასე იქნება. ჰო, ჯერ აუცილებლად ბებია და ბაბუა უნდა მოკვდეს, მერე... მერე? მერე არაფერია! ბებიას და ბაბუას რომ მოჰკლავს სიკვდილი, მერე თავის ტყავში უნდა დაეტიოს! დიახაც, ბებიას და ბაბუას რომ მოჰკლავს სიკვდილი, მერე არაფერი ესაქმება ამ ქვეყანაზე. დიახაც ასეა ეს...

თათია და დარეჯანი? ოთახი ნომერი სამი. ეს ოთახი რუსუდანის და რევაზის ოთახის გაგრძელებაა. ორი სკამი, ორი მაგიდა, ორი სარკე. ქალიშვილები წარამარა იცქირებიან სარკეში და აჰა, ცალცალკე ექნებათ სარკეები, ხელს არ შეუშლიან ერთმანეთს.

ეზოც დაანაწილა ალექსანდრემ.

ეზოს მარჯვენა ყურეში სამი გუნდის ხე დგას. ქვის მრგვალი მაგიდა. მომრგვალებული ძელსკამი. გუნდის ხეების ტოტებში ჰამაკი. ამ ტოტებში მზე ვერ ატანს. ეს „რუსუდანის ტერიტორიაა.“ ალექსანდრე ჩაფიჩაძემ უფრო მყუდრო და ჩრდილიანი ადგილი, რძალს მიაკუთვნა. ჩრდილში მოსვენებას მოისურვებს რუსუდანი? ჰამაკში ჩაწვება. ჰამაკში მწოლიარე წიგნის კითხვით დაიღლება? ხელს გადასწევს და წიგნს მაგიდაზე დადებს. ჩრდილი, სიგრილე. კარგადაც გამოიძინებს და სუფთა ჰაერზე რადგანაც ეძინა, კარგ გუნებაზედაც გამოიღვიძება, მიმოიხედავს და სამზერი დაიწუნება? სამხრეთით — სატეველას ხეობა, თუ დააყურებს, მდინარის შუილსაც გაიგონებს და ყურს ესიამოვნება მდინარის შუილი. ჩრდილოეთით გაიხედავს და ჯინორიძეთა გაცოცხლებული უბანი — ახალი სახლები, ახალი კიშკრები, ხეხილიანი ეზოები. აღმოსავლეთით — სანისლეს ქედი, ტყეები, ტყეები და არხები. დასავლეთით — საჯარისოს მინდორი, მოლი, მერე დობერებს ადევნებს მზერას — ეს ჩვენი მეურნეობაა, მავთულის ბადეებით შემოღობილი, ახლა რომ წვრილ-წვრილ ჯოხებად ჩანან, ის თუთის ხის შარშან ჩაყრილი ნერგებია და გაისად ტანსაც აიყრიან და გაიფოთლებიან. გადახნულ-გადაბურული ადგილები? სავენახე გახლავთ. ჯინორიძის უბანთან იწყება სავენახე და შორს, მთისძირამდეა გადაჭიმული.

გუნდის ხეების ჩრდილში სახატავ დაზგასაც (იცის, რომ მხატვრის სახატავ დაზგას მოლბერტი ჰქვია, მაგრამ ეს სიტყვა თავიდანვე არ მოეწონა ალექსანდრეს) დაუდგამდა ალექსანდრე რძალს, მაგრამ მისი რძალი ღია, საჩინო ადგილებზე ხატვას გაუბრძოლა. სხვა თვალი რომ შემოესწრება, მაშინათვე ანებებს ხატვას თავს.

თბილისი. ზამთარი. ოდნავი სიბნელე. ბუხართან, მაღალზურგიან სავარძელში ზის ალექსანდრე. ბუხარში ცეცხლი დანაკვეთისგან აღელვებულია, ალექსანდრეს თვალი ნაკვეთისგან აღელვებულია და ცეცხლის შუქი წითლად ანათებს მის სახეს.

— შეგიძლიათ ცოტახანს ასე ჯდომა? — ჰკითხა რუსუდანმა.

— შეგიძლია, — მძინარესავით თქვა ალექსანდრემ და სავარძლის საზურგეს მიესვენა.

როცა გამოეღვიძა, ბუხართან მარტო იჯდა. კარგა ხანს იჯდა გაუნძრევლად. ეგონა, რძალი მოფარებულში ზის და მხატავსო. ჩაახველა. არავითარი ჩამოხეობა. მერე თავი ნელ-ნელა შეარხია და გარშემო მიმოიხედა. რუსუდანი არსად იყო. ალექსანდრე ადგა და სასადილო ოთახში შევიდა. სავარძელში გულმოსული რუსუდანი იჯდა.

— მაპატიე, — მოუბოდიშა რუსუდანმა, — დარეჯანი შემოვიდა... კარგად კი გამომდიოდა.

ის სურათი დღემდე არ დაუმთავრებია ალექსანდრე ჩაფიჩაძის რძალს.

...„ხვალ ჩამოვლენ. კიშკართან ცოტა მონაგვიანებულია ეზო. — ფიჩხები და ფოთლები ყრია“.

სამზადიდან თოხი და ცოცხი გამოიტანა.

მანქანის ხმაური შემოესმა. კიშკარს „ვილისი“ მოადგა.

„აქი ხვალ უნდა ჩამოსულიყვნენ?“

თოხი და ცოცხი სამზადის აივანზე დააგდო და კიშკარისკენ გაემართა.

მანქანიდან მძლოლი ჩამოხტა, ალექსანდრემ ვერ იცნო. რევაზი შინ თუ ბრძანდებო, ხმამალა ჰკითხა მძლოლმა.

არაფერი უპასუხა.

კონსტანტინე კაკუბერი მანქანიდან ჩამოვიდა, კუტკარი შეაღო და ალექსანდრეს შეეგება.

— რევაზ ალმაშენებელს სძინავს? — ღიმილით ჰკითხა კონსტანტინემ და ალექსანდრეს ხელი ჩამოართვა.

— ხერგაშია.

— ხერგაში? რატომ არ ვიცოდით? — თავისთავს შეეკითხა კონსტანტინე კაკუბერი და სახეზე გაკვირვება გამოესახა.

— ხვალ ცოლ-შვილს ჩამოიყვანს, — მობოდიშებით თქვა ალექსანდრემ და სტუმარი შინ მიიწვია.

— ცოლ-შვილს ჩამოიყვანს? — რატომღაც კიდევ უფრო გაიოცა კონსტანტინე კაკუბერმა.

— ჰო, ჩამოიყვანს, — დარწმუნებით თქვა ალექსანდრემ, ჭიშკარი ბოლომდე გააღო და მძლოლს ანიშნა, მანქანა ეზოში შემოიყვანეთ.

— მაშ, ხერგაშია? ცოლ-შვილს ჩამოიყვანს? ძალიან კარგი! კანტორაში წავალ, — თქვა კონსტანტინემ და ალექსანდრეს ხელი ჩამოსართმევად გაუწოდა.

— კანტორაში? კანტორაში ჯერ ადრეა.

— რატომ? — მაჯის საათს დახედა კონსტანტინემ — ცხა სრულდებოდა. კვირაობით ხომ მუშაობენ?

— აქ დავიბარებ, — თქვა ალექსანდრემ და მძლოლს ისევ ანიშნა, მანქანა ეზოში შემოიყვანეთ.

— არა! თქვენი ამბავი ვიცი, შემოიყოლიებთ! დრო თუ დამრჩა, გამოგივლით. — თქვა კონსტანტინემ და მანქანაში ჩაჯდა.

— აუცილებლად გელით!

„ადრიანად წამოსულა ხერგადან. ცისკარზე წამოსულა. რეზო რომ არ დახვდა, იწყინა. ეტყობა, საშური საქმე აქვს“.

ალექსანდრემ ჭიშკარი მიხურა და სამზადისკენ წავიდა. კუტკარი ჯახანით გაიღო. მოიხედა. პატარა ეკატერინე და აბესალომ კიკნაველიძის რძალი დუდუხანა ღიმილით მიესალმნენ ალექსანდრეს. მანქანის ხმა რომ გაიგონეს, იფიქრეს, რევანმა ცოლ-შვილი ამოიყვანაო და მოსახმარებლად მოვიდნენ.

— სულზე მომისწარით, — თქვა ალექსანდრემ, — სტუმარი მოგვივიდა და სულზე მომისწარით, ბარაქალა თქვენს ქალობას.

— მანქანა არ ამოსულა? რევანზე არ ამოსულა? — ჰკითხა პატარა ეკატერინემ.

— კონსტანტინე კაკუბერი ჩამოვიდა.

კუტკარი ისევ ჯახანით გაიღო. ეზოში კოკი შემოვიდა. შემოვიდა და დედას რომ შეეფეთა, ჭიშკართანვე შედგა და პატარა კალათა მიწაზე დადო.

— რაო, კოკინია, დედას გამოეკიდე? — გაეხუმრა ალექსანდრე და კოკი ხელის დაქნევით იხმო.

კოკიმ კალათა ჭიშკართან დატოვა.

— გულასპირთან გაქანდი, კოკინია, უთხარი რაიკომის მდივანი კაკუბერი ჩამოვიდა-თქო და ახლავე წავიდეს კანტორაში.

კოკი შეეყოყმანდა. მერე შეხტა, კალათა მოარბენინა და ალექსანდრეს გადასცა. კალათის თავი გოგრის ფოთლებით იყო დაფარული.

— მარწყვია. ამ დილით მრვეკრიფე. მეგონა, სანდრო ჩამოვიდა.  
— თქვა და გაიქცა.

პაუზა.

— აბა, სამზადში! — თქვა ალექსანდრემ, პატარა ეკატერინეს  
და დუღუხანას მკლავებში წაავლო ხელები და სამზადში შეიყვანა.

### თ ა ვ ი მ ე ო რ ა მ

კანტორაში მისვლამდე, მეურნეობის შიდა გზები დაიარა კონს-  
ტანტინე კაკუბერმა და კმაყოფილი დარჩა. შინმობრუნებულთა  
საგზაო ბრიგადას საგულდაგულოდ უშრომია, ხრეში თანაბრად და  
ზომიერად მოუყრია და გზის ორივე მხარეზე დაყოლებული წყალ-  
საწრეტები ისე ღრმადაა ჩათხრილი, არხი გეგონებათ. მაისის წვი-  
მებს გზა ვერ დაუზიანებია, პირიქით, სატეველას წვრილი ხრეში  
ისე დატკეპნილა, კაცმა რომ თქვას, მოასფალტება არცაა საჭირო.

ათი საათი სრულდებოდა, როცა „ვილისი“ მეურნეობის კანტო-  
რასთან გაჩერდა. კონსტანტინე კაკუბერი მანქანიდან ჩამოვიდა,  
მძღოლს კი დაავალა, მშენებელთა ბრიგადირი სადმე იპოვნე და  
მომიყვანეო.

დროებით მეურნეობის კანტორას რევაზ ჩაფიჩაძემ საკუთარ  
სახლში ორი ოთახი დაუთმო, მაგრამ ერთი თვის შემდეგ, როცა მე-  
ურნეობის მოლარემ ხერგადან ფული ამოიტანა, უხერხულობა  
იგრძნო და დირექციის მომავალი შენობის ადგილას მშენებელთა  
ბრიგადას კანტორისათვის ფარდული გაამართვინა: თავდაპირველად  
ფარდული ერთ დიდ ოთახს წარმოადგენდა. ერთ კუთხეში მეურნე-  
ობის დირექტორის მაგიდა იდგა, მეორეში სეიფი და ბუღალტრისა  
და მონაგარიშე-მოლარის მაგიდები. კედელზე მეურნეობის განაშე-  
ნიანების გეგმა იყო გაკრული. როცა გულასპირ ჩაფიჩაძე მოიწვიეს  
ბუღალტრად, მან ეს დიდი ოთახი ორი ტიზარით სამად გაჰყო-  
დირექტორის კაბინეტი. მისაღები ოთახი. ბუღალტერია. და რადგა-  
ნაც ჭერჭერობდო რევაზ ჩაფიჩაძე უმეტესად ხერგაშია, ან მშენებ-  
ლობის ობიექტებზე და ფარდულში იშვიათად შემოვივლის. დირექ-  
ტორის კაბინეტი გულასპირს თითქმის მითვისებული აქვს.

ფარდულის კარი ღია იყო, მაგრამ ჩაშიჩუმიც არ ისმოდა.

— ეტყობა, კარი ღიად დაჩინეიათ, — ხმამაღლა თქვა კაკუბერმა  
და ფარდულის კედელზე ხელით დააკაკუნა.

გულასპირი დირექტორის კაბინეტში იჯდა და ხმა რომ შემოეს-  
მა, სკამზე შესწორდა.

პაუზა.

— თუ სულიერი ხარ, შემოდი! — ბოხად დაიძახა გულასპირმა.



კაკუბერი ფარდულში შევიდა.

— დილა მშვიდობისა, — ცივად თქვა კაკუბერმა.

— იოცხლეთ! — თქვა გულასპირმა, — სტუმარს ახედ-დახედა, ვითომ უცხოდ შეიცნო და დაუმატა, — კეთილი იყოს თქვენი ფეხი ჩვენს...

— მე აქ პირველად არ გახლავართ! — შეაწყვეტინა კაკუბერმა და გულასპირს თვალი გაუყარა.

— მეურნეობაში არაეინა?

— მე გახლავართ.

— მარტო თქვენ? — გაიოცა კაკუბერმა.

— დიახ, მე!

— დანარჩენი გაიფიცნენ?

— ისვენებენ, პატივცემულო...

— კარგი ამბავია! — ირონიულად თქვა კაკუბერმა, გარშემო მიმოიხედა, სიგარეტს მოუკიდა, მერე ისევ გაუყარა თვალი გულასპირს, — აკი კვირადღესაც ვმუშაობთო?

— დიახაც ვმუშაობთ!

— დღევანდელმა კვირამ რა დაგიშავათ?

— მშენებლები ერთი კვირით დაასვენა დირექტორმა.

— რატომ? — ხმაშალა, გაჯავრებით თქვა კაკუბერმა.

— სკოლის შენობა გაარემონტეს, ოცი დღე-ღამე დილიდან შემამებამდე მუშაობდნენ, ჭანცი გამოეღიათ და დირექტორმა პირდაპირ უბრძანა, ერთი კვირა დასვენეთო.

— თქვენ დარაჯი ხართ?

გულასპირი შეცბა.

პაუზა.

— მთავარი ბუღალტერი.

— გულასპირ ჩაფიჩაძე? ბოდიში! — ღიმილით თქვა კაკუბერმა. — თქვენზე ბევრი რამ მსმენია, ნახვით კი, პირველად გხედავთ.

— მეც პირველად გხედავთ, პატივცემულო, თქვენ რაიბრეშუმის წარმომადგენელი ხომ არ ბრძანდებით? — ღიმილითვე შეეკითხნა გულასპირი.

ახლა კონსტანტინე კაკუბერი შეცბა.

„კარგადაც იცის, ვინცა ვარ, მაგრამ განგებ უცხოდ შემეცნო, სამაგიერო გადამინადა“.

— რაიბრეშუმისა არა, — დამარცვლა კაკუბერმა, — რაიკომის წარმომადგენელი კი ვარ, კაკუბერი.

გულასპირი ადგა:

— მაპატიეთ, პატივცემულო კონსტანტინე! თქვენზე ბევრი, ძა-

ლიან ბევრი რამ მსმენია, მაგრამ ნახვით, პირველად გხედავთ, — მაპატიეთ!

კონსტანტინემ სიგარეტი მიაწოდა გულასპირს. უცხოური იყო.

— გამდლობთ; მე მხოლოდ „პრიმას“ ვეწევი, — თქვა გულასპირმა, მაგიდის უჯრა გამოსწია და „პრიმა“ ამოიღო.

— აა, მაშ გულასპირ ჩაფიჩაძე! აკი ბებერი ვარო, ვერ ვიმუშავებ, ბუღალტრობა არ შემიძლიაო... ასე არ შემოგვეთვალე?

— ასე გახლდათ.

— რამდენი წლისა ხართ?

— სამოცდაორის. ხანს რა მნიშვნელობა. აქვს, პატივცემულო კონსტანტინე, კარგად ვერ ვიყავი. ახლა ცოტათი გამოვჯობინდი.

— თქვენ ხომ იცით, რაიკომის ნომენკლატურა ხართ, პატივცემულო გულასპირ. გამოუძახებლად დაგამტკიცეთ. რაიკომი გენდროთ.

— მაღლობა მომიხსენებია რაიკომისათვის.

— ჰოდა, ეს პატივცემული გულასპირ ჩაფიჩაძე, — ხმას აუწია კაკუბერმა, — ხალხში ღაღადებდა, — ხემაღალი კონსტანტინე კაკუბერმა დააქციაო, მევენახეობის საბჭოთა მეურნეობა, მთავრობის კომისიის დასკვნით, ხემაღალში უნდა გაშენებულიყო, კაკუბერმა კომისიის დასკვნა მშრალზე დატოვა და მეურნეობა თავის სოფელში, ითხვისში, გააშენებიაო... მერე კონსტანტინე კაკუბერმა ხემაღალელები გადაიბირა, ჯინოროძეთა მთელი უბანი ხემაღალიდან აპყარა და ითხვისში დაასახლაო... მართალია?

— მართალსა ბრძანებთ, პატივცემულო კონსტანტინე, — ვამბობდი და ვამტკიცებდი! — თამამად თქვა გულასპირმა.

— საშუალო სკოლა გვქონდა. პირველდაწყებითი სკოლა შემოგვრჩა და ის პირველდაწყებითი სკოლაც კონსტანტინე კაკუბერმა გაგვიუქმეო, მართალია?

— მართალსა ბრძანებთ, — ასედაც იყო! — ცივად თქვა გულასპირმა და სიგარეტი ღონივრად მოჭაჩა.

— თითქოს ჩვენთვისაც გაიხსნა ცა, რევან ჩაფიჩაძე საშვილიშვილო საქმეს მოეკიდა, თუ კაკუბერმა ხელი არ შეუშალა, საქმე გაიჩარხება, მაგრამ კაკუბერის იმედი არ უნდა ვიქონიოთ, კაკუბერი მხარს არ აუბამს ჩაფიჩაძეს და ხემაღალელთა ბედი ბეწვზე დაეკიდებაო, — ესეც მართალია? ასე ფიქრობდა პატივცემული გულასპირი?

— ჭეშმარიტებას ბრძანებთ! — ისევ ცივად თქვა გულასპირმა.

— ახლა რას ფიქრობს გულასპირ ჩაფიჩაძე? ჰო, ახლა რას ამბობს გულასპირ ჩაფიჩაძე? — შეძახილივით თქვა კონსტანტინე კაკუბერმა, — ჩაუქრალი სიგარეტი იატაკზე დააგდო, ფეხით მოსრისა და ადგა.

— საქმე გამოაჩენს! — დინჯად თქვა გულასპირმა და კონსტანტინე კაკუბერს თვალი ისარივით გაუყარა.

„ბოლომდე მაგრა დადგა. მაგარი ყაძახი ყოფილა გულასპირ ჩაფიჩაძე“.

— ახლა არაფერს ამბობს გულასპირ ჩაფიჩაძე? რაო, ახლაც ხელს გვიშლის კაკუბერიო?

— მარტო გულასპირი კი არა, ყველა ხემალაღელი ამბობს — კონსტანტინე კაკუბერი გულით მოეკიდა ჩვენს საქმეს და ერთგულადაც გვეხმარებაო. ამას ყველანი ვხედავთ, პატივეცემულო კონსტანტინე!

— მიზეზი?

— სიმართლე გითხრათ?

— მხოლოდ და მხოლოდ სიმართლე! — გაჯავრებით თქვა კონსტანტინემ, სიგარეტს მოუკიდა და პასუხის მოლოდინში სახეზე სიწითლე შემოენთო.

— გამობილი სული ღმერთს შეავედროს, ჩადენილი ცოდვა გამოისყიდოს! — თქვა გულასპირმა და გულიანად გაიღიმა. ისეთი ალალი იყო გულასპირის ღიმილი, უმალვე კონსტანტინეს გადაედო, მერე ღიმილი სიცილად იქცა. ბევრი იცინეს.

— გამობილი სული... სული ცოდვილი ღმერთს შეავედროს... კარგია, ძალიან კარგია, ჩინებული, — ხარხარით თქვა კონსტანტინემ და გულასპირს მხარზე ხელი მსუბუქად დაჰკრა.

— დიხაც, პატივეცემულო კონსტანტინე, — დასტურავით თქვა გულასპირმა, — ცოდვა სულისა უმძიმესია ცოდვათა შორის. „ამისათვის გეტყვიან თქვენ: ყოველი ცოდვა და გმობა მიეტეოს კაცთა, ხოლო სულისა წმიდისა გმობა არა მიეტეოს კაცთა“.

— „ცოდვა სულისა უმძიმესია ცოდვათა შორის“... ეგებ მართლაც ასე იყოს, მაგრამ ახლა ისევ საქმეს მივხედოთ, ამხანაგო ჩაფიჩაძე, — ოფიციალური, საქმიანი ტონით თქვა კაკუბერმა და ფარდულიდან გავიდა. გულასპირიც თან გაჰყვა.

‘მზე უკვე შემალღებულა და სანისლეს ქედი ხასხასებს.

— დღესაც დიდი სიცხე იქნება, — თქვა გულასპირმა, — შუბლზე ხელი მოიჩრდილა და სანისლეს გახედა.

— სიცხე ხერგაში უნდა იკითხოთ, სადაცაა ხევისწყალი აღუდღება. — და კონსტანტინემაც შუბლზე ხელი მოიჩრდილა და სანისლეს გახედა.

— სადაც ჩვენ ახლა ვდგევართ, ზუსტად ამ ფარდულის ადგილზე, მეურნეობის აღმინისტრაციული შენობა აიგება. მშენებლობას გაისაღწე შემოდგომაზე დავიწყებთ. აქედან მთელი მეურნეობის ტე-

რიტორია ჩანს, — თქვა გულასპირმა და კონსტანტინეს „პრიმა“ მი-  
აწოდა.

— მე ბულგარულს ვამჯობინებ, — ღიმილით თქვა კონსტანტინემ  
და სიგარეტს მოუკიდა. — ვიცი. ზუსტად ამ ადგილზე. ოთხსართუ-  
ლიანი შენობა. შენობის გარშემო ხეხილის ბაღი, მთავარ სადარბა-  
ზოსთან ახლოს შადრევანი... — პაუზა. — შადრევანი სკვერშია. მო-  
ედანი. მოედნიდან ექვსი გზა მიემართება: ორი გზა თუთის პლან-  
ტაციებში მიდის, ორიც ვენახებში, ერთი ხეხილის ბაღებში, მეექვ-  
სე გზა სკოლასთან და სოფლის შემორჩენილ უბანთან, — თვალბე-  
ში ჩახედა კონსტანტინემ გულასპირს, — აკავშირებს მეურნეობას.  
ყველაფერი კარგადაა. ჩახატული განაშენიანების გეგმაში. ის გეგმა  
დამაკეტებელია და მაკეტი მინისტრს თავის ვეებერთელა სამუშაო  
მაგიდაზე უდევს. ყველაფერი ისე უნდა გავაკეთოთ, ამხანაგო გუ-  
ლასპირ, როგორც იმ მაკეტზეა. როცა ავაშენებთ, სამინისტრო ჩა-  
მობრძანდება და შეგვემოწმებს... მაგრამ როგორ ავაშენებთ — სა-  
ხერხი ფარდულისკენ გაიხედა კონსტანტინემ, — ჰო, როგორ ავა-  
შენებთ, როცა თქვენი ხერხი არ ხერხავს?

— დინამო გაფუჭდა. გუშინ ოსტატი ამოვიყვანეთ, — შეგვეპირდა,  
დინამო დღეს შუადღემდე ამუშავდებაო.

კონსტანტინემ მაჯის საათს დახედა.

— შუადღეც გვიახლოვდება. ვნახოთ. მშენებლებისთვის დასვე-  
ნება გიბრძანებიათ. გიბრძანებიათ და ისვენებენ. სხვები?

— მუშაობენ. — გადაჭრით თქვა გულასპირმა და კონსტანტინეს  
თვალი გაუხსწორა.

— საგზაო ბრიგადა? საგზაო ბრიგადა სად ბრძანდება?

— მეთორმეტე კილომეტრზეა.

— უნდა შენხვედროდი!

— ბრიგადა ასე-ასე, — სანისლეს ქედისკენ გაიშვირა ხელი გუ-  
ლასპირმა, — მოკლე გზით წავიდა.

პაუზა.

კონსტანტინე კაკუბერმა ნელ-ნელა შემოავლო თვალი მეურნე-  
ობის ტერიტორიას და სიგარეტი შორს მოისროლა.

„ორ ითხვისს დაიტევს. მეტსაც. ფერღობებს როცა დაატე-  
რასებენ, ითხვისს ერთ უბანში დაისახლებს. ციციკა. ძველშავი. ალი-  
გოტე. ჩაფიჩაძე უმეტეს ადგილს ვენახს დაუთმობს. თუთა მოიმი-  
ზეზა. ვაზის ფესვი ექვს მეტრამდე მიდის მიწაში, ამიტომაც ვაზს  
მშრალი ადგილი უყვარს“.

— ასე... — ფიქრიდან გამოერკვა კაკუბერი. — მშენებლები ისვენ-  
ებენ, საგზაო ბრიგადა ასე-ასე, — სანისლეს ქედისკენ გაიშვირა ხე-

ლი, — წავიდა, მეთორმეტე კილომეტრზეა და გზას სრეშავს. მორჩა და გათავდა.

— ლობეს ვლობავთ! ჯინორიძეთა უბანს გახედეთ! — თქვა გულასპირმა და კაკუბერს ჭოგრიტი გაუწოდა.

კონსტანტინემ ჭოგრიტი მოიმარჯვა და ჯინორიძეთა უბანს გახედა.

— ლობავენ... ტრაქტორით ლობავენ?

— დიახ, ტრაქტორით მავთულის ბადეებს კიმპვენ, ბოძებსაც არკობენ ტრაქტორით: ათი კილომეტრი დაგვრჩა გასაღობი. დღეში კილომეტრს ვლობავთ, ათი დღის შემდეგ მეურნეობის ლობე შეიკვრება.

— კარგია, — სხვათა შორის თქვა კონსტანტინემ და ჭოგრიტით ისევ ჯინორიძესთან უბანს გახედა.

მკერდი მზისთვის მიუშვერია ჯინორიძეთა უბანს და ხასხასებს. მავთულისღობიანი, უქიშკრო ეზოები. ეზოებში აგური, მორები, სილა, ცემენტი, ფიცრები...

შუა უბანში ერთი ოდასახლი შემორჩენილა.

— ითხვისიდან ხომ არ ამოსახლებულან? — ვითომ სხვათა შორის ჰკითხა კონსტანტინემ გულასპირს და ჭოგრიტი დაუბრუნა.

— ჯინორიძეები? — განგებ ჩაჰკითხა გულასპირმა.

— ჰო, ჯინორიძეები.

— არა,

— ეგ ძველი სახლი ვისია?

— გრამიტონ ჯინორიძის გახლავთ. — რატომღაც დამარცვულად თქვა გულასპირმა და ჩაიღიმოლა. კაკუბერმა ეს შეამჩნია.

— რაო, ამხანაგო გულასპირ!

— ისე, პატივცემულო კონსტანტინე.

— რა კაცია ეს გრამიტონ ჯინორიძე?

— სურამში იყო გახიზნული, — თქვა გულასპირმა და ისევ ჩაიღიმოლა. — წერილი რომ მისწერა რევაზ ჩაფიჩაძემ, თქვენნი ბრწყინვალეობა ხემაღალში ამობრძანებას ხომ არ ინებებსო, ფეხი აითრია, — სურამში შესანიშნავი ჰაერია და თავს ჩინებულად ვგრძნობო. თონეს განაგებდა პატივცემული გრამიტონი და თავს მართლაც კარგად გრძნობდა. როცა გაიგო, ხემაღალში პურსაცხოზი შენდებო, ფაციფუცით ამობარგდა. სახლი სახელდახელოდ შეაკეთა და ცოლ-შვილი შარშანვე ამოსახა. მშენებელთა ბრიგადაშია. რევაზი შეპირებულია, პურსაცხოზის გამგედ დაგნიშნავო და შეხედეთ, — სახერხის ფარდულისკენ გაახედა კონსტანტინე გულასპირმა, — პურსაცხოზის დამთავრებას არაფერი აკლია. გრამიტონმა და-

აწინაურა. ცემენტი შემოაკლდათ და გრამიტონმა კასპიდან ერთი ვაგონი ცემენტი ამოზიდა.

კონსტანტინემ ჭოგრიტი გამოართვა გულასპირს, ჰურსაცხობის შენობა საგულდაგულოდ შეათვალიერა და ჯიბიდან ბლოკნოტი ამოიღო.

— რა ჰქვია იმ ჯინორიძეს?

— გრამიტონი.

— მაგარი სახელია, — თქვა კონსტანტინემ და ბლოკნოტში რაღაც ჩაინიშნა.

მანქანა მოვიდა. კონსტანტინემ გულასპირი მანქანაში ჩაისვა და ჯინორიძეთა უბანში წავიდნენ.

— ლობჯა. სახლების მშენებლობა. გზა საშუური საქმეა, — თქვა კაკუბერმა და ბლოკნოტში ისევ რაღაც ჩაინიშნა.

— საშუური საქმე ეს გვაქვს. — დაუდასტურა გულასპირმა.

— გასაღობი ბევრი დაგრჩათ?

— ათი კილომეტრი. — გულში: აკი მოგახსენეთ!

— დღეში რამდენს ლობაეთ?

— ერთ კილომეტრს. — გულში: ესეც მოგახსენეთ!

— დღეს სამი ივლისია, ამხანაგო გულასპირ!

— მართალსა ბრძანებთ, დღეს სამი ივლისია და ცამეტი ივლისისათვის ლობვას მოვრჩებით.

— ცამეტი ცუდი რიცხვია, — ღიმილით თქვა კონსტანტინემ.

— ესეც მართალი ბრძანებაა და ამიტომაც თორმეტში დავამთავრებთ.

კონსტანტინემ მანქანა გრამიტონ ჯინორიძის ოდასთან გაჩერებინა, მანქანიდან ჩამოვიდა და გულასპირს შესაშველებლად ხელი გაუწოდა, მადლობა მომიხსენებიაო, თქვა გულასპირმა და მანქანიდან მსუბუქად გადმოხტა.

— აკი ბებერი ვარო?

— ვიყავი, პატივცემულო კონსტანტინე, ახლა გავყოჩაღდი.

„ძველდაც კარგი გზა ჰქონიათ ჯინორიძეებს, ფართო და მოხრეშილი, გზის ორივე მხარეზე დატანებული თხრილები ამოცემენტებული. ახლა ნეშოს ამოუვსია ეს ამოცემენტებული თხრილები. ეზოებში მორები, კასრები და ხრეში ყრია. ჯერ მხოლოდ დასაძირკვლებულია ოდასახლები. დღეს მშენებელთა ბრიგადა ისვენებს, ხერხი არ ხერხავს, ნაჯახი არ აპობს, დურგალი არ რანდავს და სიჩუმეა... მაგრამ ეს მკედარი სიჩუმე არ არის! ეს ხმაურშემდგარი სიჩუმეა. ხვალ კედლებს ამოუყვანენ ოდასახლებს, კარ-ფანჯარას ჩაუსვამენ, გადახურავენ... მერე კიკნაველიძეები, ჩაფიჩაძეები, კიკნაძეები, ხიდაშელეები და აბაშიძეები ამოვლენ ხერგადან, მარელის-

დან, ზესტაფონიდან და ამ ახალ სახლებში ჩასახლდებიან... ძველი მარტო სახელი შერჩება ამ უბანს, ერთი ჯინორიძე, გრამიტონ ჯინორიძე იცხოვრებს ამ უბანში და სახელი კი ჯინორიძეებისა შერჩება“.

ჯინორიძეთა უბნიდან გახედა ხემაღალს კონსტანტინე კაკუბერმა.

„დიდი, ძალიან დიდი სოფელი ყოფილა ხემაღალი. ექვსასზე მეტი ოჯახი მოსახლეობდა ხემაღალშიო, — ახლა კი ჩვიდმეტილა დარჩაო... ჩვიდმეტი ძველი სახლი და ჩვიდმეტი ბებერიო, ამბობს გულასპირი და ეამაყება... პირველად ჩაფიჩაძეები და კიკნაველიძეები დასახლებულან ხემაღალშიო, ჯინორიძეები მერე ჩამოგვესახლენო, ამტკიცებს გულასპირი და პირველ-მოსახლეებმა გადავარჩინეთ ხემაღალიო, დიახაც რომ ჩაფიჩაძეებმა და კიკნაველიძეებმა გადავარჩინეთო. ჩვენი მამაპაპათა ძვალი აქა ყრია და ჩვენც აქ დავიმარხებითო, ჰო, ასე ვთქვით და კიდევაც გავიტანეთ“...

კონსტანტინემ გრამიტონ ჯინორიძის ჭიშკარი შეალო და შედგა.

— ეგებ უხერხულია?

— რა ბრძანებაა! — თქვა გულასპირმა, ეზოში პირველი შევიდა და ხემაღლა დაიძახა:

— გრამიტონ, სტუმრებს გამოგვხედე!

— სახლი გამოკეტილია. — თქვა კაკუბერმა და ეზოში მიმოიხედა.

გულასპირი აივანზე ავიდა და ისევ ხემაღლა დაიძახა:

— სტუმრებს მოგვხედე, გრამიტონ!

ოდის უკან ვილაცამ ჩაახველა.

— მობრძანდება, — თქვა გულასპირმა და ეზოში ჩამოვიდა.

— გრამიტონი შინ არ გახლავთ, — ნაცნობი ხმა გამოეპასუხა და გულასპირი შეტოკდა, ხოლო როცა როსტომ კიკნაველიძე შეიძინო, თვალეზი გაუშეშდა.

პაუზა.

— როსტომ, შეენ?

— მე ვარ, გულო! — მშვიდად თქვა როსტომ კიკნაველიძემ, კონსტანტინე კაკუბერი შეათვალიერა და იცნო.

— როდის ამოხველ? ვინ ამოგიყვანა? — გაიოცა გულასპირმა.

— თვითონ ამოველ. — ისევ მშვიდად თქვა როსტომ კიკნაველიძემ, ჯერ კაკუბერს ჩამოართვა ხელი, მერე გულასპირს და სთხოვა, სახლში შემოსულიყვნენ.

გულასპირმა გაიკვირვა, სხვის სახლში რომ ეპატიებოდა სტუმრებს როსტომ კიკნაველიძე და სიტყვა ბანზე აუგდო.

— ჩვენს სტუმარს იცნობ?

— ვიცნობ. მამამისის ცხენით ამოვედი. ლონგი კაკუბერის ცხენი

ეგერ ბალახობს, — თქვა როსტომმა და ხელი თავის ნასახლარისკენ გაიშვირა.

კონსტანტინე კაკუბერმა როსტომის ეზოს გახედა. „გერშა“ ქალის ჩრდილში ბალახობდა.

„ნასახლარზედაც ბალახი ამოსულა. ბალახს და დურღენს შეუქამია როსტომ კიკნაველიძის ეზო. ვაშლისა და მსხლის ხეებს ტოტები შეხმობია, კომში დაბერებულა, კაკლის ხეებიც. ბუხარი კი დგას არა, ბუხარი არა. ბუხარის ჩონჩხი შავი და გარუჭული“.

— „გერშა!“ — ხმამალლა დაიძახა კაკუბერმა.

ცხენმა ძოვა მიატოვა, თავი მალა ააღირა და ყურები აწურა.

— „გერშა!“ — უფრო ხმამალლა დაიძახა კაკუბერმა. ცხენმა პატრონი იცნო, ჭიხვინით გამოქანდა და ლობეს შოადგა.

— მაშ, სტუმრად ხარ, „გერშა?“ — ვითომ დაუყვავა ცხენს კაკუბერმა, მერე გულასპირს გაუსწორა თვალი.

— აჟი არავინ ამოსულა ითხვისიდანო?

პაუზა.

— მიმინო და ჟუჟუნა? — რატომღაც ცივად ჰკითხა გულასპირმა როსტომს.

— დარჩენენ... ჰო, იქ დარჩენენ! — ნაღვლიანად თქვა როსტომ კიკნაველიძემ და თავი დახარა.

— მარტო შენ? რძალი და შვილიშვილი ითხვისში დატოვე?

— ჰო, დარჩენენ! ბევრი ვეჩიჩინე და მაინც უარზე დადგენენ, არ წამოვალთო თქვეს და მეც გული მომივიდა, დარჩით-მეთქი და წამოვედი. გული კი დამწყდა.

— გამოპარული იქნები, როსტომ! — მიმინომ გამოგიშვა?

— ჩემი თავის უფროსი მე ვარ! — წყენით თქვა როსტომმა და ჯიბიდან ქისა ამოიღო.

— მერე-და, მარტო როგორ იცხოვრებთ? — ახლა კაკუბერი შეეკითხა როსტომს.

— მიცხოვრია... მარტო რატომ ვიქნები? ბევრი სახლი შენდება უბანში.

— გრამიტონი სად ბრძანდება? — ვითომ გულმოსულად ჰკითხა გულასპირმა.

— სურამში.

— ცოლ-შვილი?

— ცოლ-შვილიც წაიყვანა.

— რა მინდაო სურამში გრამიტონმა?

პაუზა.

— ა, ეს ვაშლი დაკრიფა. ამ ღროს სურამში ყოველგვარი ხილი ფასობსო. მანქანით წაიღო.



კაკუბერმა ბლოკნოტი მოიძია და რაღაც ჩაინიშნა.

— წავიდეთ! — თქვა კაკუბერმა და ეზოდან გავიდა.

— შენც მიდიხარ, გულო? — თითქოს კაკუბერის მოერიდაო, დაბალი ხმით ჰკითხა როსტომმა.

— აბა სტუმარს ხომ არ მივატოვებ? — ხმადაბლა თქვა გულასპირმაც. მერე როსტომისკენ წაიწია და ყურში უჩურჩულა, სალამოზე ვინახულებო.

კაკუბერის ფიქრი: „არავინ ამოსულა ითხვისიდანო, მატყუებთ, ამხანაგო ჩაფიჩაძე? გუშინწინ, ისიც ჩემი ცხენით ამობრძანებულა როსტომ კიკნაველიძე! ეგებ ეს პირველი მერცხალია, ჰა? წადი და ნახე, რა კეთდება ხემაღალში, შენი თვალით ნახე და ნამდვილი ამბავი ჩამოგვიტანეო... ვითომ რძალმა დაუშალა? ვითომ შვილიშვილმა დაუშალა და მაინც წამოვიდა როსტომ კიკნაველიძე? ეგებ რძალმა და შვილიშვილმა უნათხოვრეს ცხენი?“

— სკოლა კარგად გაარემონტეს, ამხანაგო გულასპირ?

— ამბობენ, კარგად შეაკეთესო.

— ვნახოთ! — თქვა კაკუბერმა და სიგარეტს მოუკიდა.

გულასპირის ფიქრი: „დავიძახე და არავინ გამომეძახა. კარფანჯარა გამოკეტილი იყო. წამოვსულიყავით. აიენიდან რომ არ გადამეძახა, როსტომი ვერ გაიგონებდა. ეწყინა კონსტანტინე კაკუბერს... მაინც მარტო როგორ გამრუშევა რძალმა და შვილიშვილმა? ვითომ მიმინოს თანხმობით წამოვიდა როსტომი? მაშინ რაღად წაიყვანა ითხვისში? ხალხის სალაპარაკოდ? შეხედე, ხალხო, რა ქალია მიმინო ჭინორიძე! ქმარმა შიატოვა მიმინო, მაგრამ მიმინომ მამამთილი როდი მოიძულა, აიღო და ბერიკაცი თან წაიყვანა და მამასავით უვლისო... ეგებ იმედი ჰქონდა ქმრის მობრუნებისა და იმიტომაც ესიყვარულებოდა მამამთილს, ჰა? ჰოდა, არ მობრუნდა ის ოხერი ქმარი, იმედი გადაუწყდა მიმინოს და მოსიყვარულე რძალმა მარილიანი კვერი გამოუცხო როსტომ კიკნაველიძეს, ეს იმყოფინეო ჩემგან და გარეთ გამოუდგა ლოგინი. როსტომ კიკნაველიძესთან შეხვედრამდე ხალისიანად იყო კაკუბერი, მერე მოიწყენა და ენა დაიძუნჯა“.

მანქანამ კირდეს მინდორი გადაიარა და სკოლის ჰიშკართან ცაცხვის ჩრდილს შეეფარა. კაკუბერი და გულასპირი მანქანიდან გადმოვიდნენ.

— მოვიჩრდილეთ, — თქვა კაკუბერმა, გულასპირს ჰოგრიტი გამოართვა და ჭინორიძეთა უბანს გახედა.

გულასპირის ფიქრი: „მარტო როგორ იცხოვრებო, ჰკითხა როსტომს. მარტო რატომ? თუ ღმერთი გაწყრა და რძალი და შვილიშვილი არ ამოუვიდნენ, ჩვენ ხომ აქა ვართ. და მარტო რატომ იქნება

როსტომ კიკნაველიძე? თქვენ ეგებ არ იცით, პატივცემულო კონსტანტინე და, რძალი და შვილიშვილი თავს ევლებიან როსტომს, კარგადაც ცხოვრობდა ითხვისში როსტომ კიკნაველიძე, ოღონდ ღამეებს თეთრად ათენებდა და როცა ჩაეძინებოდა, ხემაღლის სიზმრები ესიზმრებოდა. ჰო, აგრე მითხრა — „ბიჭო გულო, რახანია ითხვისში ვცხოვრობ და სულ ხემაღლის სიზმრები კი მესიზმრება!“

სკოლიდან ჩაქუჩის კაკუნი მოისმა.

— ეტყობა, ვილაც ოსტატობს! — თქვა კაკუბერმა და ჭოგრიტ გულასპირს დაუბრუნა.

— უთუოდ დირექტორი.

მინდერის ყურეში კოკი გამოჩნდა, რაინახა თუ არა გულასპირი, გამოქანდა, ყურეში რალაც ჩაუჩურჩულა, მერე კაკუბერს მორიდებით შეავლო თვალი და კისრისტეხით გაიქცა.

— რაო შვილიშვილმა? — ჰკითხა კაკუბერმა გულასპირს და გაუღიმა.

პაუზა.

— მე შვილიშვილი არ მყავს, პატივცემულო კონსტანტინე... ჩემი ვაჟი ომიდან არ მობრუნებულა.

გულასპირმა მოუწეველი სიგარეტი მიწაზე ფეხით დაასრისა, ჯიბიდან ცხვირსახოცი ამოიღო და ოღნავ ზურგი შეაქცია კაკუბერს. დუმილი. უხერხულობა.

— ცოტა გაფანტულად ხომ არ ვაშენებთ საცხოვრებელ უბნებს? — შინაურული კილოთი ჰკითხა კაკუბერმა გულასპირს და ჭოგრიტი გამოართვა.

— არა, პატივცემულო კონსტანტინე! — დინჯად, ოღონდ გაბრაზებული ხმით დაიწყო გულასპირმა. — სულ ოთხი უბანია. ერთი ეს — ძველი უბანი, სადაც ჩვენ ახლა ვართ. ამჟამად მთელი სოფელი ამ უბანში ვცხოვრობთ.

— ყველანი ამ უბანში? — გაიკვირვა კაკუბერმა.

— ჰო, ამოსულეები! შევიხიზნეთ. ოცდათორმეტი კაცი. ოცი საგზაო ბრიგადაში მუშაობს, თორმეტი მშენებელთა ბრიგადაში. მოწვეული ხელოსნები ბარაკში ცხოვრობენ.

— გრამიტონ ჯინორიძეც შეხიზნულია? — ვითომ იოხუნჯა კაკუბერმა და გაიღიმა.

— გრამიტონი ოცდამეცამეტე გახლავთ, — გახალისდა გულასპირი. — მაშ ასე, ეს ძველი უბანი გაშენებულად ჩავთვალოთ. საში ახალი დასახლება... ჯინორიძეთა უბანი ხომ მოვიანახლებთ? ეს ერთი ახალი უბანი — სამოცი მოსახლე. მეორე... ფარდულს ხომ ხედავთ? ხედავთ ხომ?

— ვხედავ.

— ფარდულიდან ჭინორიძეთა უბანამდე კილომეტრნახევარია, ახლა ფარდულიდან, პატივეცემული კონსტანტინე, კილომეტრნახევარი სანისლეს ქედისკენ წავიდეთ. წავედით ხომ! ამ ადგილს ნიგეზიანს ვეტყვით. ესეც მეორე ახალი უბანი — სამოცი მოსახლე. ახლა, თუ არ დაიღალეთ, ფარდულიდან აღმოსავლეთით, სატვეელას ხეობისკენ გავიაროთ კილომეტრნახევარი. გავიარეთ, ხომ? შევჩერდეთ. ამ ადგილს განთიადი ჰქვია. ახლა კი არ დაგვირქმევია, ოდითგანვე ასე ეძახიან. ხემაღალში მზე აქედან ამოდის. ესეც მესამე ახალი უბანი — სამოცი მოსახლე. ეს პირველ სამ წელიწადში, პატივეცემული კონსტანტინე!..

— პირველ სამ წელიწადში ასოთხმოცი .ოჯახი. — გაიანგარიშა კაკუბერმა.

— სწორია. — დაუდასტურა გულასპირმა და სიგარეტს მოუკიდა. — უბნები სიგრძეზე არაა გაჭიმული, მომრგვალებულია, დააკვირდით. გზა გარშემო უელის საცხოვრებელ უბანს. ხედავთ ხომ? და ყველა საცხოვრებელი უბანი, — დამარცვლა გულასპირმა, — თანაბრადაა დაშორებული მეურნეობას.

— კარგია, ძალიან კარგი! — თქვა კაკუბერმა და სკოლის ჭიშკრისკენ გააბიჯა. .

— ახლა ცოტა დავისვენოთ.

— ბარემ სკოლაშიც შევიაროთ და მერე წავალ.

— შევიაროთ. წასვლით კი ვერ წახვალთ, პატივეცემული კონსტანტინე! მართალია, ჯერ კომუნისში არ აგვიშენებია, მაგრამ ამ სიშორიდან მოსულ სტუმარს...

— მე სტუმარი ვარ? — ვითომ იწყინა კონსტანტინემ და ჭიშკარი შეაღო.

— საპატიო სტუმარი! — მოუბოდიშა გულასპირმა.

— უფრო უარესი! — ვითომ კიდევ უფრო იწყინა კაკუბერმა და წარბები შეჰყარა.

კიბეზე კოკი შემოეგებათ.

— ეკატერინე? — ჰკითხა გულასპირმა.

— ალექსანდრე ბაბუამ იხმო, სტუმრები მყავსო, — თქვა კოკიმ და კაკუბერი მორცხვად შეათვალიერა.

„როგორ მომივიდა, შვილის დაღუპვა რომ შევახსენე“ — ინანა კაკუბერმა, კოკის გაუღიმა და მხარზე დაადო ხელი.

— აბა, დაგვათვალიერებინე შენი სკოლა, ჭაბუკო.

— ჰაიპარად შეუყეთებიათ! — გულმოსულად თქვა კონსტანტინემ შენობის დათვალიერების შემდეგ და ბლოკნოტში შენიშვნები ჩაიწერა.

— ახალ სკოლას ვაშენებთ!

— ვიცი! — თქვა კონსტანტინემ და გულასპირს თვალი გაუყარა, — ეს იქნება სამი-ოთხი წლის შემდეგ. ისე მაინც უნდა შეეკეთებია თქვენს მშენებელთა ბრიგადას, გაისად მაინც არ დაგვკირდებოდა შეკეთება. კედლებში ჭუჭრუტანებია, კარ-ფანჯარა მჭიდროდ არ იხურება, მოთითხნილია მასწავლებელთა ოთახი, იატაკი ჭრიჭინებს, ფიცარი დაგენანათ სკოლისათვის? არა, არ ვარგა! ეკატერინე კმაყოფილია?

— არაფერი უთქვამს. — თქვა გულასპირმა და კონსტანტინეს სახე მოარიდა.

— ეს როგორ, ამხანაგო გულასპირ, — კომუნიზმს ვაშენებთო და სკოლის შენობა ხეირიანად ვერ შეაკეთეთ? დღე-ღამე მუშაობდნენო, ბეჭითად მუშაობდნენო, ძალიან დაქანცულან და დასვენება გიბრძანებით მშენებლებისათვის, ისიც ერთი კვირით! — კეთილი და პატიოსანი, დაისვენონ! როცა მოლონიერდებიან თქვენი ნაქები მშენებლები, ისევ სკოლაში მოიყვანეთ და რაც სახელდახელოდ გაუკეთებით, საგულდაგულოდ გააკეთონ. მშენებელთა ბრიგადირს პირადად გადაეცი ჩემი დავალება... იცოდეთ, ამოვალ და შევამოწმებ.

სიცხემ იმატა. ცაცხვის ჩრდილში სასიამოდ გრილოდა და შედგენ.

— ცოტა დავისვენოთ. — თქვა კონსტანტინემ, ცხვირსახოცი დაიფინა და მოლზე დაჯდა.

ხემალალი ხელისგულცივით, ჩანს. სანისლეს ქედი, ჭინორიძეთა უბანი, ნიგვზიანი, სატეველას ხეობა და განთიადი, ზეგნები და დობერები.

კაკუბერის ფიჭვი: „ძალიან დიდი სოფელი ყოფილა ხემალალი. ჩვენს რაიონში ამაზე დიდი სოფელი არ მეგულება... და კინალამ ამოიშრიტა, კინალამ წავაქციეთ! ნოყიერი ნიადაგი, ჭანმრთელი ჰავა, წყაროები, ხეხილი, ვენახი, ტყეები... ბებრებმა გაამაგრეს! დიდმა ეკატერინემ გაამაგრა. ჩაფიჩაძეებმა და კიკნაველიძეებმა გაამაგრეს. — ჭინორიძეებმა კი უღალატეს. ჰო, ჭინორიძეებმა უღალატეს“...

ჭინორიძეების გახსენებამ ითხვისის საბჭოთა მეურნეობა გაახსენა კონსტანტინეს.

— ვაზი რამდენი ჩაყარეთ? — ვითომ სხვათა შორის იკითხა კაკუბერმა.

— ხუთი ათასი.

— ჯიში?

— ალიგოტე და ციცქა. ცოტა თაკვერიც.

— გაისად?

— გაისად? — დაფიქრდა გულასპირი, მერე ამაყად თქვა, — გაისად ოცი ათასი!

— ოცი ათასი? ბევრია, ვერ მოერევიო! — თქვა კონსტანტინემ და სიგარეტს მოუკიდა.

გულასპირის ფიქრი: „ოცი ათასი ბევრია? ოცი ათასი ერთი წლისათვის რატომ გვებევრება, როცა ოთხასი ათასი... დიახაც, ოთხასი ათასი ძირი დაირგვება ხემაღალის მამულში. ითხვისის მეურნეობაში ორმოცი ათასი ძირია, მორჩა და გათავდა! აქ დაედო საზღვარი, სავენახე მიწა მეტი არცა აქვს ითხვისს. ჩვენს დობერებს გახედე-პატივემულო კონსტანტინე, სულ ცოტა ოთხასი ჰექტარი სუფთა სავენახეა და ვიანგარიშოთ!“

— ჩვენი მეურნეობა კომპლექსურად გადააკეთეს...

— ვიცი, — თქვა კაკუბერმა, — სამინისტროში მე თვითონ ვესწრებოდი სხდომას.

— თუთა მესამე ნომრად გადმოვიდა.

— ეგეც ვიცი. პირველი ნომერი, — ვენახი, მეორე ნომერი — ხეხილი, მესამე ნომერი — თუთის პლანტაცია. ძაფსაგრეხი ჭარხანა ხერგაში აიგება, ხემაღალში — ღვინის ჭარხანა.

კაკუბერის ფიქრი: „ითხვისის მეურნეობა ყურეში მოუთავდება ხემაღალს. — ასეთი სიმძლავრის ღვინის ჭარხანა რაღად გინდათ ითხვისშიო. ხემაღალის თუთა ვაზს ამოიტყუებს და თქვენი ღვინის ჭარხანა უქმად რომ არ იდგეს, ხემაღალიდან ჩამოგიტანთ ყურძენს... მახსოვს, ამხანაგო რევაზ!“

— ბარში რომ ჩასახლდა ვაზი და ხეხილი, მოგეხსენებათ, პატივემულო კონსტანტინე, გემოც დაკარგა და მაწიერობაც. ვაზი და ხეხილი თანდათან ისევ მაღლობზე უნდა ამოვასახლოთ... აბა, ჩვენი ციკქა შეადარეთ რიონის დაბლობის ციკქას, ხემაღალის ხილი ხევისწყალის ხილს!..

— მაშ ოთხასი ათასი ძირი? — ისევ ვაზს მოუბრუნდა კაკუბერი. — ითხვისის მეურნეობაზე ათჯერ მეტი?

— ხემაღალის მამული ითხვისის შემდეგ დაიბადა, — ღიმილით თქვა გულასპირმა, — „ხოლო რომელი შემდგომად ჩემსა მოვალს, უძლიერეს ჩემსა არს“...

კონსტანტინემ მაჯის საათს დახედა.

— პირველი დაწყებულა, წავიდეთ. — თქვა კონსტანტინემ და ადგნენ.

და მათ ადგომას თითქოს სალუტით შეეგება სახერხი ფარდულის დინამომანქანა. ჯერ მაჭახელასავით ზედიზედ გაისროლა, მერე გამაყრუებელი თახთახი გააბა.

სუფრა ოდასახლის აივანზე გაეშალათ. აივანზე საკმაოდ გრილოდა. ხერგადან უხემსოდ წამოსული კონსტანტინე კაკუბერი მადიანად შეექცა. სუფრაზე ოთხნი ისხდნენ. მასპინძელი — ალექსანდრე ჩაფიჩაძე, დიდი ეკატერინე, კონსტანტინე და გულასპირი. თამალობა გულასპირმა თვითონვე დაილოცა და კაკუბერს რამდენიმე ყანწი შეასვა, ისიც ხემაღალის სამწლიანი ციცქა. ხემაღალის ციცქაკი მაგარია, თორმეტი გრადუსი ხელში გეკავოთ.

პირველად დიდი ეკატერინე აღდგგრძელა გულასპირმა: 'ქალბატონ ეკატერინეს დამსახურებაზე მთელი დღე შემიძლია ვილაპარაკო, ბრძანა თამადამ, მაგრამ ჩვენს სტუმარს ეჩქარება და ამიტომაც მოკლედ მოვჭრიო:

— წაქცევაზე ვიყავით! წაქცევაზე ვიყავით კი არა, წაქცეულივით ვიყავით! მაგრამ დიდმა ეკატერინემ გავგამაგრა. ჩვენს ოჯახებში პირველ სადღეგრძელოთი დიდ ეკატერინეს აღდგგრძელებენ. მე ტრადიციის კაცი განლაგვართ და ამ ტრადიციას ვერ ვულალატებ.

გულასპირმა ყანწი კონსტანტინეს გადასცა. კონსტანტინემაც სიყვარულით აღდგგრძელა დიდი ეკატერინე, 'შეაქო, დიდადაც შეაქო. დიდმა ეკატერინემ მადლობის ნიშნად თავი დაუყრა და არაფერი თქვა.

მეორე სადღეგრძელო გულასპირმა ალექსანდრე ჩაფიჩაძეს მიუძღვნა. ალექსანდრეს კაიკაცობაზე მთელი დღე შემიძლია ვილაპარაკო, ბრძანა თამადამ, მაგრამ ჩვენს სტუმარს ეჩქარება და მოკლედ მოვჭრიო: მაგარი ყანახია, კაი შვილიც გამოგვიზარდა. ალექსანდრეს შვილს კაი სახლ-კარი აქვს თბილისში, შვილმა ალექსანდრე თბილისში გაიტყუა, რძალი და შვილიშვილები შემოახვია, ჩვენთან იცხოვრეო, მართო რა გაგაძლებინებს ხემაღალშიო, მარა ჩვენი ალექსანდრე მაგრა დადგა, შენ ხარ ჩემი ბატონი, და კერა არ დტოვა. მერე? მერე ყველაფერი ვიციო...

მოიბოდიშა გულასპირმა, სიტყვა ცოტა გამიგრძელდაო, მაგრამ ალექსანდრეს უხარია, როცა აქებენო და მაპატიეთო.

ყანწი კაკუბერს გადასცა გულასპირმა და კაკუბერმა ყანწი დასცალა.

ალექსანდრე ჩაფიჩაძე ფეხზე ადგა, კაკუბერს მადლობა მოახსენა და სამადლობელი შესვა.

მეორე ყანწის დაღევა მოგიწევსო, უთხრა ალექსანდრეს დიდმა ეკატერინემ, ჯერ მე არ დამიღევია შენი სადღეგრძელო და სამადლობელს რატომ დაეშურეო. დიდ ეკატერინეს გულასპირმა შეუეგო ყანწი. ალექსანდრეს უსიტყვოდ ვადღეგრძელებო, — თქვა ეკატერინემ და ყანწი გამოცალა.

ალექსანდრე ჩაფიჩაძე ფეხზე ადგა, მადლობა მოახსენა ეკატერინეს დღეგაგრძელობისათვის და სამადლობელო მეორედ შესცა.

ჩვენი სტუმრის სადღეგრძელო მიბრძანებიაო, — თქვა გულასპირმა და ფეხზე წამოდგა. კონსტანტინე კაკუბერის მოღვაწეობაზე ორი დღე-ღამე შემიძლია ვილაპარაკო, მაგრამ კონსტანტინე კაკუბერს ეჩქარება და მოკლედ მოვუპირო: ბევრი, ბევრი კარგი რამ ვიცით და გვსმენია კონსტანტინე კაკუბერზე, ღმერთმა ჯანმრთელად გვიყოფოს მისი თავი და დიდხანს გვყოლოდეს ჩვენი რაიონის ხელმძღვანელადო. მეორე ალექსანდრე ჩაფიჩაძემ შესცა კონსტანტინე კაკუბერის სადღეგრძელო, — რასაც ერთადერთი ვაჟიშვილისათვის ვისურვებ, თქვენთვისაც ის მისურვებიაო.

კაკუბერს სამადლობელი ნახევრად შესმული ჰქონდა, როცა გაახსენდა, დიდმა ეკატერინემ ალექსანდრე რომ დააჯარიმა...

— თქვენც გაჯარიმებთო, — უთხრა დიდმა ეკატერინემ კაკუბერს და გაუღიმა.

და კონსტანტინე კაკუბერს ლამაზ, მომხიბვლელ ქალად წარმოესახა მოღიმარი ეკატერინე, ლოყები ოდნავ შეწითლებია ეკატერინეს, თვალები უღიმიის, მარტო თვალები რატომ? მთელი სახე უღიმიის ეკატერინეს... ყანწი გულასპირმა შეუვსო — კონსტანტინე კაკუბერს ვადღეგრძელებო, — დინჯად თქვა დიდმა ეკატერინემ, — სრულიად ახალგაზრდა შეაქიდეს დიდ და ძნელ საქმეებს და გაუძლო, კარგადაც გაუძლოო. მუშაობაში შეეცდომა ვის არ მოსვლია, — დამარცვლა ეკატერინემ, — და ზოგჯერ ჩვენი კონსტანტინეც შემცდარა, მაგრამ უბედურება შეეცდომა კი არ არის, უბედურება შეეცდომის გამეორებააო, კაკუბერი კი შეეცდომებს არ იმეორებს და ამისათვის სიყვარულით მიდღეგრძელებიაო...

ეკატერინემ ყანწი გამოტალა, კაკუბერისკენ გადაიწია და შუბლზე აკოცა.

კონსტანტინე კაკუბერს დიდი, ძალიან დიდი სითბო ჩაეღვარა გულში და იმ სითბომ თვალები შეუწამა.

— დაჯარიმებით კი დაგაჯარიმე, მაგრამ ნუ დაღევ, გზაზე დგებარო, — უთხრა კაკუბერს ეკატერინემ და მხარზე დაადო ხელი.

კაკუბერმა შორს დაიჭირა თავი, ყანწი თვითონვე შეივსო, მადლობა მოახსენა ეკატერინეს და ყანწი გამოტალა.

პაუზა.

კაკუბერის ფიქრი: „დიდ ეკატერინეს ახლაც სჯერა, თითქოს განათლების განყოფილებას მე ვურჩიე ხემაღალის სკოლის დახურვა. ზრდილობიანად გადმომკრა — შეეცდომა ვის არ მოუვა, უმთავრესია შეეცდომა არ გავიმეოროთო. შეეცდომა რომ ჩაიღინე, იმიტომ ვიყავი

გულმოსული შენზე და რადგანაც გამოასწორე, ის პირვანდელი შეცდომაც მიპატიებიაო“.

რადგანაც ჩვენს სტუმარს დიდად ეჩქარება, — დაიბუხუნა გულასპირმა, — ვინც ჩვენ დაგვანაყრა, პატარა ეკატერინე და დუღუხანა თამადასთან ერთად მიდღეგრძელებიაო.

დიდმა ეკატერინემ და ალექსანდრემ იუარეს — გულასპირის სადღეგრძელო ცალკე უნდა შეესვათო, გულასპირმა თქვა, თამადა მე ვარ, მიბრძანებია და მოვალენი ხართ, ჩემი ბრძანება შეასრულოთო და ის იყო სადღეგრძელო უნდა შეესვა, მაგრამ კაკუბერი დიდ ეკატერინეს და ალექსანდრეს მიემხრო და გულასპირმაც უკან დაიხია.

პატარა ეკატერინე და დუღუხანა სუფრაზე მოიწვიეს, დიასახლისობა შეუქმეს და აღღეგრძელეს.

მერე კონსტანტინე კაკუბერმა თვითონ შეავსო ყანწი, — ჩვენი თამადის სადღეგრძელო, ნება მომეცით, პირველმა დავლიოო, — თქვა და ფეხზე წამოდგა. — ბევრი რამ მსმენია გულასპირ ჩაფიჩაძეზე, მართალია, თქვენს სტუმარს ეჩქარება, მაგრამ ორიოდ სიტყვას მაინც იტყვისო. იყო დრო, როცა გულასპირ ჩაფიჩაძე ჭორებს უფრცელებდა და აძაგებდა კონსტანტინე კაკუბერს, მინდოდა რაიკომში დამებარებია და პარტიული სასჯელი დამედო, მაგრამ სამწუხაროდ, გულასპირ ჩაფიჩაძე უპარტიო აღმოჩნდა... დღეს შეეხვდით ერთმანეთს და პირდაპირ ვიტყვი — ძალიან მომეწონა თქვენი გულასპირი, თავის საქმისა ყველაფერი იცის და იმიტომ მომეწონა. დღეს რაკეთდება, ზეპირად იცის, მომავალში რა გაკეთდება, ისიც ზეპირად იცის. მე მიყვარს ასეთი ხალხი და გულასპირ ჩაფიჩაძეც შევიყვარე...

კონსტანტინე კაკუბერმა მარცხენა ხელით ღვინის ჭიქა აიღო და პატარა ეკატერინეს შეავსებია.

— გულასპირს ვთხოვ, ნუ მიწყენს, მასთან ერთად მინდა ვადღეგრძელო როსტომ კიკნაველიძე.

გულასპირის გარდა ყველამ გაიკვირაჲ.  
პაუზა.

— დიახ, როსტომ კიკნაველიძე! გულასპირმა და მე დღეს ვნახეთ ითხვისიდან თავის ნასახლარში დაბრუნებული ბერიკაცი. რძალი და შვილიშვილი არ წამომყვანენ, მე მარტო წამოვედი, ჩემი თავის უფროსი მე ვარო... მე სიხარულის ცრემლი დავინახე მის თვალში, ვადღეგრძელოთ როსტომ კიკნაველიძე.

...კონსტანტინე კაკუბერი ლალი და ხალისიანი ბრუნდებოდა ხემაღალიდან, ისეთი ხალისიანი, მოუხრეშავი გზაც ტახტრევენად ეჩვენებოდა.



რუსუდანმა კუბეში ვერ მოისვენა. ძილის წამალიც კი დალია, მაგრამ მაინც ვერ დაიძინა.

ნიკოს, თათიას და დარეჯანს მშვილად სძინავთ. ჯერ კიდევ მატარებელი თბილისში იდგა, როცა სამივენი დაწვნენ და მატარებელი დაიძრა თუ არა, დაიძინეს.

რუსუდანმა უხმოდ გამოაღო კუბის კარი, ვაგონის ფანჯრები ღია იყო და დერეფანში სასიამოდ გრილოდა.

ელმავალმა ერთი გაბმულად მიაკივლა და მატარებელი გაჩერდა. სადგური მარელისი.

„აჯობებდა რეზო და სანდრო ჩამოსულიყვნენ თბილისში. თვითონ დამირეკა, სანდრო და შე ჩამოვალთ და თბილისიდან ერთად წამოვიდეთო. შევცდი, უარი რომ ვუთხარი“.

მაისის დღესასწაულზე რეზო და სანდრო ორი დღე იყვნენ თბილისში, პირველ დღეს უცხოსავით ექცეოდა მეუღლეს, მეორე დღეს კი ყველაფერი კალაპოტში ჩადგა. გაშინაურდნენ, ჩვეულებრივად ესიყვარულებოდნენ და ესაყვედურებოდნენ ერთმანეთს...

„ახლაც ასე იქნება“..

მაგრამ რუსუდანი მაინც ღელავს. სადაცაა ხერგაში ჩავლენ და ვერ დაუძინა.

„ორი თვე, დავრჩებით ხემაღალაში. თათია, სანდრო და მე სოფელში ვიქნებით, რეზო — ხერგაში, ხშირად კი ამოგვაკითხავს, შესაძლოა შევებულეზბაც აიღოს. აგვისტოს ბოლოს თათია და მე თბილისში წამოვალთ, სანდრო და რეზო კი ხერგაში დარჩებიან. მორჩა და გათავდა! ეგებ სხვანაირად ფიქრობს რევაზ ჩაფიჩაძე? ბოლო წერილში მომწერა: ლაბორატორიისათვის შენობის აგება მთავრდება და ლაბორატორიის ხელსაწყოები ხემაღალში ავიტანეთო... უკვე სამოცამდე ოჯახი დათანხმდა ხემაღალში დაბრუნებაზე, ამიტომ საბჭოთა მეურნეობის ადმინისტრაციული სახლის მშენებლობა შევაჩერეთ, ოსტატები საცხოვრებელ სახლებს აგებენ და სკოლის შენობას არემონტებენო. ააგებენ ოდასახლებს, ლაბორატორიას, მეურნეობის ადმინისტრაციულ სახლს, ხემაღალის სკოლა ისევე საშუალო სკოლად გადაკეთდება და რეზო და სანდრო ხერგას მიატოვებენ და ხემაღალში დამკვიდრდებიან.“

...ახლა მე და თათია მივყევართ სოფელში, შეეცდება მოგვაწონოს ხემაღალი და თუ მოგვეწონა... მაგრამ თათია? თათია ხომ გაისად ამთავრებს სკოლას? თათია? ნიკო და თექლე, დიდიდღედა და პაპა უპატრონებს თათიას! ჰო, დიასამიძეების ოჯახში იცხოვრებს თათია და ამით არაფერი დაშავდება. ასე ფიქრობს რევაზ ჩაფიჩაძე. ჰო,

თათია თუ გამოცდას ჩააბარებს, უცხო ენათა ინსტიტუტში ისწავლის და დიასამიძეებთან დაბინავდება... სანდრო ხემაღალის სკოლაში ივლისს, რუსუდანის ხემაღალის სკოლაში იმუშავენ ხატვის მასწავლებლად და ეგებ ხემაღალის სანახებმა და სატეველას ხეობამ კვლავ გაუღვიძოს ხატვის წადილი? რევაზ ჩაფიჩაძე? მეურნეობის დირექტორი და მეცნიერული ლაბორატორიის ხელმძღვანელი კიდევ ახალ-ახალ საქმეებს გამოიგონებს: უკვე კულტურის სახლის აგებაზე ფიქრობს, სტადიონის მშენებლობასაც მალე დავიწყებთო, ისე დაბეჯითებით იწერება, ნამდვილად ააგებენ სტადიონს ხემაღალში... მერე კიდევ ახალ საქმეებს გამოიგონებს რევაზ ჩაფიჩაძე. იმორღავენს ამ პატარა სოფელში, მისი სახელი კი, საქვეყნოდ გახმაურდება. მეცნიერმა დაშრეტილი ხემაღალი აღორძინა! იოლი საქმეა? მეცნიერი დაუბრუნდა მშობლიურ სოფელს და როგორი იყო ეს სოფელი, როცა მეცნიერი დაუბრუნდა? ჰო, როგორი იყო? არ იყო გზა, ელექტრონი, კოპერატივი, ბევრი რამ არ იყო, ნასოფლარს ჰგავდა ხემაღალი: ჩვიდმეტი მოსახლე შემორჩა ხემაღალს, ჩვიდმეტი ბებერი, ჩვიდმეტი მოსწავლე და ორი მასწავლებელი, დიახ, ნასახლარს დაემგვანა ხემაღალი... ახლა? მობრძანდით და თქვენის თვალთ ნახეთ (ვაზეთებში ნამდვილად ასე დაწერენ) — გზატკეცილი, ელექტრონი, საბჭოთა მეურნეობა, ახალი ოდასახლები, თუთის პლანტაციები, ვენახი, კულტურის სახლი, სკოლის ახალი შენობა, სამასი მოსწავლე, თორმეტი მასწავლებელი... ეს ამჟამად. ახლო მომავალში? ჰო, ახლო მომავალში კიდევ უფრო გამძღავრდება, დამშვენდება, კეთილმოეწყობა... ვაზეთში დაბეჭდილ წერილს ფოტოსურათი დაამშვენებს — ლაბორატორიის დიდი დარბაზი, რევაზ ჩაფიჩაძე ასისტენტებით..

კუპეს კარი ფრთხილად გაიღო. კარებში ნიკო იდგა.

— ჯერ აღრეა, მამა! — ხმადაბლა თქვა რუსუდანმა.

— მაინც?

რუსუდანმა მაჯის საათს დახედა.

— სულ ცოტა — ორი საათი.

— შენ რატომ არ გძინავს? — ჩურჩულით ჰკითხა ნიკომ.

— კუპეში ცხელა.

ნიკომ კარი ღრიჭოდ დატოვა და დაწვა.

სადგურის მორიგემ ზარს ჩამოჰკრა, ელმავალმა შეიკივლა და მატარებელი დაიძრა.

„მარტო ოჯახი კი არა, ჩემი გულიც ორად გაიყო და მე ორი გული მაქვს. ჩემი ერთი გული ხერგაში ცხოვრობს, რევაზთან და სანდროსთან, მეორე — თბილისში, თათიასთან.“

...ტელეფონის გაბმული ხარი. ვიცი, რევაზი რეკავს ხერგადან და გული შემიტოკდება. სწრაფად ვიღებ ყურმილს.

— რეზო ხარ?

— სანდრო ვარ, დედი!

— როგორა ხარ, შვილო?

— კარგად. შენ? როგორა ხარ, დედი!

— მეც... მეც კარგად ვარ.

— თათია კარგად სწავლობს?

პაუზა.

თათია ჩემს გვერდით დგას და თვლებში შემომცქერის.

— ჰო, თათია? თათია კარგად სწავლობს.

— მეც ხუთებზე ვსწავლობ, დედი! ახლა მამას ელაპარაკე.

— როგორა ხარ, რუსიკო? — მესმის რევაზის ბოხი ხმა.

— კარგად, ძალიან კარგად.

— თათი?

— კარგად.

— ხომ არ გაჯაერებს თათია?

— არა.

— ხომ არაფერი გიჭირთ?

— არა.

— კვირას სანდრო და მე ჩამოვალთ, რა ჩამოგიტანოთ?

— არაფერი.

— როგორ თუ არაფერი?

პაუზა.

— ჰო, გასაგებია, ნახვამდის. კვირას ჩამოვალთ.

— ნახვამდის.

თბილისში მცხოვრები ჩემი გული შენიღბულია, ამიტომაც ასე ესაუბრება სანდროს და რევაზს და ნიღაბი რომ ჩამომეხსნა, ასე იტყოდა: ცუდად, ძალიან ცუდად ვგრძნობ თავს, შვილო! ვიცი, მამა-შენი გულისყურით გიეღის, ჭანმრთელად ხარ და კარგადა სწავლობ, მაგრამ მე მაინც შეთანადრება გული. სიზმრები მაფორიაქებს და დარდი მღრღნის. მენატრები, ძალიან მენატრები, ბიჭო, ლამის თათია მარტო დავტოვეო თბილისში და თქვენთან წამოვიდე. „თათია როგორ სწავლობს?“ თათიამ სწავლას უკლო და კინოში სიარულს მოუხშირა. მამბრაზებს და ნერვებს მიშლის მისი სარკესთან ტრიალად..

„როგორა ხარ, რუსიკო“ — თვითონ არ იცი? საკითხავია როგორა ვარ?

„ხომ არაფერი გიჭირთ?“

ბევრი, ძალიან ბევრი რამ მიჭირს, რევაზ... ხატვაზე სამუდამოდ

ავიცრუე გული, სკოლაზედაც ავიცრუე გული, მეზარება სასწავლებელში მისვლა, თითქოს ოჯახზედაც ავიცრუე გული... ვითომ თეატრში დავდივარ, ვითომ კონცერტებზე და კინოებში დავდივარ, ხან თათიასთან, ხან ამხანაგებთან და კინოში, თეატრსა და კონცერტზე ვზივარ დამძიმებული და გაორებული გულით. დარბაზი ხარხარებს, ტაშს უკრავს, მე ჩუმად ვარ, ჩემს გულში ვიხედები და მეშინია.

„კვირას სანდრო და მე ჩამოვალთ, რა ჩამოგიტანოთ?“ არაფერი. არაფერი არ მინდა, ოღონდ თქვენ ჩამოდით, აუცილებლად ჩამოდით, თორემ“...

— რუსიკო, კიდევ შორსა ვართ? — კარებში ნიკო იდგა.

რუსულდანი შეკრთა. მაჯის საათს დახედა.

— ნახევარი საათილა დარჩა.

— თათიას და დარეჯანს გავაღვიძებ!

— გააღვიძე!

„გათენებულა. ვაგონის გამყოლს სინათლე გამოუერთავს. რკინიგზას ხევისწყალი ადევნებია, სადაცაა ხერგაში ჩავალთ და სადგურზე რევაზი დაგვხვდება“.

წუხელ დაწოლისას, სანდრომ მალვიძარა სასთუმალთან დაიდგა და გათენებულიც არ იყო, მამის ოთახში რომ შევიდა.

რევაზმა თვალები მოიფშვინტა.

— ადრეა, ბიჭო, დაიძინე! — ჩუმად თქვა რევაზმა და კედლისკენ გადაბრუნდა.

სანდრო უხმაუროდ გავიდა ოთახიდან, დერეფანი ფეხაკრეფით გაიარა და სასტუმროს მორიგესთან ჩავიდა.

ძია იპოლიტე სავარძელში თვლემდა, პირი ოდნავ გაეღო და თითქოს ვილაკის ერიდებო, ხმადაბლა და გამოზომილად ხვრინავდა. სანდროს ნაბიჯების ხმაზე მაინც გამოფხიზლდა, ერთი ლაზათიანად გააზმორა და წამოდგა.

— ვითომ მატარებლის დროა? — თავისთავს შეეკითხა იპოლიტე, მერე კედლის საათს ახედა და გაიოცა.

— მატარებელი, ბიძიკო, — ცოტა არ იყოს გაჭავრებით თქვა ძია იპოლიტემ, — ჯერ მარელისში არაა ჩამოსული, — დაიძინე და მე თვითონ გავაღვიძებ.

სანდრო თავის ოთახში შემობრუნდა, ტახტიდან ჩემოდანი გამოათრია და სოფელში წასაღები წიგნები, დაჩუტული ბურთი, კედლები და ანკესები ჩააწყო.

„ახლა მატარებელი წიფის გვირაბიდან გამოსულია, თავდაღმართზე მოექანება და ხერგამდე ერთი საათილა მოუნდება. მამა ახლა

რომ ადგებოდეს, წვერის გაპარსვასაც მოასწრებს. წუხელ თქვა, წვერს დილით გავიპარსავო, ეგებ დაავიწყდა?“

ელექტროსაპარსის ლულუნი შემოესმა და სანდრო მამის ოთახში შეიჭრა.

— რაო ძია იპოლიტემ? მამას თუ სძინავს, გააღვიძეო? გაგვიანდებათო?

სანდრომ არაფერი თქვა.

„ახლა მატარებელი წიფის გვირაბიდან გამოსულია, თავდაღმართზე მოექანება და ხერგამდე ერთი საათილა მოუნდებაო? ასე თქვა ძია იპოლიტემ?“

სანდროს ლოყები შეუწითლდა.

„მამაშენი ახლა რომ ადგებოდეს, წვერის გაპარსვასაც მოასწრებს, აკი წუხელ თქვა, წვერს დილით გავიპარსავო, ეგებ დაავიწყდა?..“ — არა, არ დამვიწყებია! ესეც ასე, წვერი გავიპარსეთ, — ღიმილით თქვა რევაზმა, ელექტროსაპარსი მაგდის უკრაში ჩააგდო და წამოდგა.

მატარებლის ჩამოსვლამდე საათზე მეტი იყო დარჩენილი, მაგრამ რევაზმა სადგურზე წასვლა ამჯობინა.

„აგერ ორი თვეა, სანდროს დედა. არ უნახავს და მოლოდინში გული ეწურება. წუხელ შფოთიანად ეძინა, თათიას წაეჩხუბა ძილში, ვითომ სავარცხელი წაართვა, მერე დაუყვავა და სავარცხელიც უქანვე დაუბრუნა... ჰო, დედისა და დის მოლოდინშია, დედავს, წრიალებს და ადგილი ზერ უპოვია. სადგურზე წავიყვან. იქ დაელოდოს“...

სასტუმროს ეზოში ჩავიდნენ. „ვოლგას“ სახელდახელოდ გადაწმინდეს მტვერი და სადგურისკენ დაიძრნენ.

...რევაზ ჩაფიჩაძე სიმამრს არ მოელოდა. გუშინ საღამოს დაურეკა რუსუდანს, რუსუდანს არაფერი უთქვამს და ვაგონის სარკმელში ნიკოს რომ მოჰკრა თვალრი, შეეშინდა, მაგრამ შიში უმალვე გააქრო ნიკო დიასამიძის ღიმილმა.

ნიკო პირველი ჩამოვიდა ვაგონიდან და სიძე და შევილიშვილი მაგრა ჩაჰკოცნა, მერე რევაზი და სანდრო რუსუდანს, თათიას და დარეჯანს შეეშველნენ ვაგონიდან ჩამოსვლაში.

— არ მომელოდით, ჰა, არ მომელოდით, ხომ? — აბუბუნდა ნიკო დიასამიძე, — ასეა, ხანდახან ისტორიასაც სჩვევია მოულოდნელობა! რუსუდანს ძალზე გაეხარდა სანდროც რომ სადგურზე დახვდა, მაგრამ მეუღლეს მაინც უსაყვედურა, ასე დილაადრიან რატომ გააღვიძე ბავშვიო.

...ოთახები დალაგებული დახვდათ, ფანჯრები ღია იყო და სასიამოლო გრილოდა.

— მაშ, არ მომელოდით, ხომ? ვიცი, დიახაც არ მომელოდით! —

ესე აბუბუნდა ნიკო დიასამიძე და სანდროსთან ერთად აივანზე გავიდა.

— ხევისწყალა, — მდინარეზე მიუთითა სანდრომ.

— ვიცი, ხევისწყალში მიბანაენია, — თქვა ნიკომ და შეილიშვილს მხარზე დაადო ხელი.

— როდის? — გაიოცა სანდრომ.

— შენზე დიდი ვიყავი. აქ კი არა, ე, ზემოთ, მოსახვევთან რომ მორევია. პო, შენზე დიდი ვიყავი, სტუდენტი, კარგადაც ვცურავდი, მაგრამ მორევმა მაინც დამითრია, დამატრიალა, დაბლა-დაბლა, ფსკერისკენ წამიღო, მერე უეცრად ზევით ამომისროლა და ამხანაგებმა წვალეზ-წვალეზით გამომიყვანეს სანაპიროზე... ძალზე შეეშინდი, — მერე ფეხი არ შემიდგამს მდინარეში... შენ ხომ არ ბანაობ იმ მორევში?

— ვბანაობ! — ამაყად თქვა სანდრომ და ბაბუას თვალეზში შეაცქერდა.

— მერე და, არ გეშინია? მამაშენმა იცის?

— ჩემზე პატარებზე ბანაობენ იმ მორევში, — მამაჩემიც ბანაობს!

— კი, სანდრო და მისი ტოლები თევზებივით სრიალებენ იმ მორევში, მეც ამიყოლიეს, — ღიმილით თქვა რევაზ ჩაფიჩაძემ და სიმამრი საუზმეზე მიიწვია.

...ნასაუზმევს დარეჯანი ბაზარში წავიდა. ნიკომ შეილიშვილები აიყოლია და ქალაქში გაისეირნა.

სიცხიანი დილა იყო და სანდრომ ნიკო და თათია აბაშიძის ნაციხარზე აიყვანა. ნაციხარზე პატარა სკვერია, იქ ყოველთვის გრილა და კარგი სამზერიცაა — ხელისგულივით მოჩანს ხევისწყალის ხეობა, ხერგა და მისი შემოგარენი.

ნიკო დიასამიძეს დიახაც გაუჭირდა აღმართის ამოვლა, მაგრამ როცა სკვერში მუხის ჩრდილს შეაფარა თავი და ქალაქს დახედა, დიდად ესიამოვნა.

— არც ისე პატარა ყოფილა ხერგა, თათი, — თქვა ნიკომ და ძელსკამზე დაჯდა.

— არც ისე დიდი, — თქვა თათიამ და ნიკოს გვერდით მიუჯდა.

სანდრომ სიტყვა ბანზე აავლო.

— ხვალ იმ ხეობით წავალთ სოფელში, — თქვა სანდრომ და ხელი ხევისწყლის ხეობისკენ გაიშვირა. — ახალი გზა სოფელ მოკვეთილამდე ხევისწყლის სანაპიროს მიჰყვება. ამ გზაზე სიარული ჯერ ნებადართული არ არის, მაგრამ ჩვენ სამსახურის მანქანით წავალთ.

— მერე? მერე საით მიდის ჩენი გზა? — ჩაჰკითხა ნიკომ შეილიშვილს და გვერდით მოისვა.

— ხევისწყალი სოფელ მოკვეთილთან დასავლეთით უხვევს, პატარა ხევის გავივლით, სატეველას ხეობაში შევალთ და ჩრდილოეთით წავალთ.

— საიდან იცი? — ჰკითხა თათიამ.

— ამ გზით სამჯერ ვიყავი სოფელში. — რალაცნაირი სიამაყით თქვა სანდრომ.

— შეენ?

— მამამ წამიყვანა.

— მანქანები უკვე დადიან ხემაღალში? — გაიოცა ნიკომ.

— უჭირთ, მაგრამ დადიან. საბარგოები და „ვილისები“ დადიან. მთელ გზაზე კი არ უჭირთ მანქანებს, მოკვეთილამდე გზა მოხრეშილია, ოღონდ ჭერ უასფალტოა. მოკვეთილიდან ჩვენს სოფლამდე მარტო ყამირგზაა, ბულდოზერებმა გაჭრეს. წელს მოხრეშავენ, გზა დაჭდება და გაისად დაასფალტებენ.

— საიდან იცი? — ჰკითხა თათიამ.

— ძია ლევანმა მითხრა.

— ძია ლევანი? ძია ლევანი ვინლა? — ჩაჰკითხა თათიამ.

— გზის ინჟინერი. ეს გზა ძია ლევანს გაჰყავს.

— დავიხსომოთ, თათი, — თქვა ნიკომ და ხალათის ჯიბიდან ბლოკნოტი და ფანქარი ამოიღო, ჩაეწეროთ: ხერგადან მოკვეთილამდე გზა მოხრეშილია, ოღონდ ჭერ უასფალტოა, მოვა დრო და ასფალტსაც დააგებენ.

— ხერგადან მოკვეთილამდე ასფალტს წელს დააგებენ, — დარწმუნებით თქვა სანდრომ.

— კეთილი, — თქვა ნიკომ და განაგრძო: — მოკვეთილამდე გზა მყარია, უტალახო. მერე? მოკვეთილთან ხევისწყალი დასავლეთით უხვევს. გავივლით მცირე ხევის, შევალთ სატეველას ხეობაში და წავალთ ჩრდილოეთით. აქედან ცოტა გვიჭირს, ყამირგზაა, მხოლოდ მშრალ ამინდში ახერხებენ საბარგო მანქანები სიარულს.

— მშრალ ამინდში „ვილისებიც“ თავისუფლად დადიან, — ჩაურთო სანდრომ.

— კეთილი, მშრალ ამინდში „ვილისებიც“ თავისუფლად დადიან. წელს გზას მოხრეშავენ, გაივლის ერთი წელი, გზა დაჭდება და დაასფალტებენ. სანდრო ჩაფიჩაძე ჩაჭდება მანქანაში და ხერგადან ხემაღალში ერთ საათსაც არ მოუნდება. დავიხსომოთ, თათი, — თქვა ნიკომ, ჩაწერილი გადაიკითხა, ბლოკნოტი დაკეცა და ხალათის ჯიბეში ჩაიღო.

— ახლა ხერგას დავხედოთ, — თქვა ნიკომ, შვილიშვილებს მხრებზე დაადო ხელები და ადგა. — მდინარე ვიცი — ხევისწყალი, — ის თეთრი შენობა ჩვენი სასტუმროა „უღელტეხილი“. ახალ ბაზარსაც

გხედავ... აი, ეს დიდი შენობა, ეზოიანი და კრამიტით გადახურული, არ მეცნობა.

— ჩემი სკოლაა, — თქვა სანდრომ.

— ჰო, კარგი სკოლა გქონიათ, — იმ სკოლის გვერდით კი საზოგადოება „ცოდნა“ არისო, მითხრეს. პირველ საათზე იქ უნდა ვიყო, — თქვა ნიკომ და მაჯის საათს დახედა. — თორმეტი გათავებულა წავიდეთ ნელ-ნელა.

— ხვალ დილაადრიან წავალთ სოფელში, — უფრო სიჩუმის დასარღვევად თქვა რევაზმა.

— დღესვე წავსულიყავით! — თქვა რუსუდანმა და სავარძლიდან აღდა.

— დღესვე? განა არ დაიღალე?

— რატომ? მთელი ღამე მეძინა.

რუსუდანი აივანზე გავიდა. რევაზმა სავარძელი აივანზე გაიტანა, სავარძელს დაბალი სამფეხა სკამი მიუდგა და რუსუდანის გვერდით დაჯდა.

რევაზის გული: „ვითომ მთელი ღამე ეძინა რუსუდანს? დაღლილი, ძალიან დაღლილი კი ჩანს. ცივი წყლით დაიბანა ხელ-პირი და თვალები მაინც ელულება, თვითონ კი ამბობს, მთელი ღამე მეძინაო, მკვირს!“

— თუ გულით გინდა, წავიდეთ! — თქვა რევაზმა და ხელები რუსუდანის მუხლებზე დააწყო.

— დაღამებამდე ჩავალთ?

— ხუთ საათზედაც რომ წავიდეთ, დაღამებამდე ჩავალთ... ოღონდ საბარგო მანქანით მოგვიწევს მგზავრობა; ჩვენი „ვილისი“ თბილისშია.

— იყოს საბარგო მანქანა. ბავშვები ხომ არ შეწყუხდებიან?

რევაზი ოთახში შემოვიდა და ტელეფონით დაურეკა გზის მშენებლობის ინჟინერს, სთხოვა მანქანა გაემზადებინა ხელმძღვანელის წასასვლელად.

რუსუდანის გული: „ვთქვი, მეძინა-მეთქი და დამიჯერა. განა ვერ ხედავს, დაღლილი ვარ თუ არა? შეხვედრისას მკითხა — როგორა ხარ რუსიკოო, კარგად ვარ-მეთქი, ვუპასუხე და უმაღლვე დამიდასტურა — „მართლაც კარგად გამოიყურებიო“. ვითომ გამამხნევა? ცუდად, ძალიან ცუდად ვარ, რევაზ. პირველად ვითომ არ გავტყდი და მაგრად დავდექე, არ მეგონა სამუდამოდ თუ გადმოსახლდებოდი ხერგაში, ან როგორ ვიფიქრებდი, სანდროც შენთან წამოვიდოდა?“



სახლი დაყრუვდა. გული დამიციარიელდა... შენ და სანდრო არხეინად ხართ, სანდრომ იოლად დაივიწყა დედა, შენ კი — მეუღლე“...

რევაზი. აივანზე გამოვიდა, რუსიკოს გვერდით დაჯდა და ხელები ისევ მუხლებზე დაუწყო.

— მამაშენიც წამოვა სოფელში?

— მგონი, მივლინებითაა ჩამოსული, „ცოდნამ“ სთხოვა ლექციების წაკითხვა.

— ხემაღალში?

— არა, ხერგაში.

რევაზის გული: „კარგად ვერა ხარ, რუსუდან. თვალთ გამწვანდა, ფერი სახისა გამწვანდა. ვიცი, გული ორად გაქვს გაყოფილი და მძიმეა ორად გაყოფილი გული. ვიდრე სანდრო თბილისში იყო, თითქოს მაგრად იყავ, მერე კი გატყდი. ვიცი, ყველაფერს მე მამბრალე. ეგებ მართალი ხარ, მაგრამ სხვაგვარად მე არ შემეძლო! ჩემს ადგილზე რომ ყოფილიყავ, ვფიქრობ, შენც ასე მოიქცეოდი. მე არაფერი განსაკუთრებული არ ჩამიდენია... სანდრო თუ სწავლობს ხერგაში, განათათიას არ შეუძლია ისწავლოს? დიხააც შეუძლია! უმჯობესიც იქნება! მუსიკა? ხერგაშიც ასწავლიან მუსიკას... თუმცა თათია აგერ მერვე წელია, მეცადინეობს და თავს არ ვუტყდებით... მე და სანდრო იოლად შეგვლიეთ შენ და თათიას? ასე რომ არ არის! კინოში რომ წავიყვან სანდროს, აუცილებლად მეტყვის — ახლა დედა და თათია სახლში სხედან, ჩვენ კი კინოში ვართო. არა-მეთქი, ვეუბნები, დედაც და თათიაც. კინოში, ან კონცერტზე იქნებიან, დედაშენს თათია საგანგებოდ დაჰყავს კონცერტებზე... — შემომხედავს და არაფერს იტყვის. ვიცი, არ სჯერა ჩემი ნათქვამი, მაგრამ ვითომ ირწმუნა და ჩუმაღ ზის“.

— თუ სოფელში კარგად ვერ იგრძნობ თავს, შენ და ბავშვები გაგრაში წახვალთ, — თქვა რევაზმა და სიგარეტს მოუკიდა.

გაგრის ხსენებაზე რუსუდანს შეტოვდა. უკვე ორი წელია, გაგრაში არ ყოფილან. გაგრა თითქმის დაივიწყდა რუსუდანს. შარშანწინ შეიღებინა კოჯორში მოიაგარაკა მშობლებთან, შარშან კიკეთში, წელს კი ხემაღალში მიჰყავს მეუღლეს... თვითონ? აგერ მესუთე წელია, არ დაუსვენია. ჭერჭერობით მაგრად ხარ, რევაზ! მერე დაგიძახებს გული და ნახავ...

— გაგრაში? ურიგო არ იქნება! — თქვა რუსუდანმა და გაიღიმა.

რუსუდანის გული: „გაგრა! ვითომ წკიბურტი გადმომკრა? ვითომ დამცინის? ქალბატონ რუსუდანს სოფელში თუ მოეწყინება, რევაზ ჩაფიჩაძე შეიღებთან ერთად გაგრაში გაამგზავრებს... მეუღლესთან და შეიღებთან რუსუდანს სოფელში მოეწყინება? რატომ ფიქრობს რევაზი ასე?“

— საგზურებს პირველ აგვისტოდან დავიბევებ, შეგიძლია დარეჯანიც წაიყვანო, — მშვიდად თქვა რევაზმა და ჩაუმპქრალი სიგარეტი საფერფლეს დაასრისა.

— დარეჯანი? რა საჭიროა?

— დარეჯანსაც სჭირდება დასვენება, — საყვედურივით თქვა რევაზმა და სიგარეტს მოუკიდა.

— წამოვიდეს. დარეჯანიც წამოვიდეს!

რევაზის გული: „მაშ გავრაში გაემგზავრებით, ქალბატონო რუსუდან? თათიასა და სანდროს წაიყვანო? დარეჯანსაც გაიყოლიებო? კეთილი. მამაჩემი და მე სოფელში დავრჩებით, რა მოხდა მერე! მამაკაცები მარტობას ქალებზე უფრო იტანენ“.

— დედა როგორ არის?

— დედა? არაუშავს. მოკითხვა დამაბარა შენთან.

რუსუდანის გული: „გვიან გაიხსენა დედაჩემი. ახლაც სხვა რაშე უნდოდა ეთქვა, მაგრამ უცებ ვერ მოიგონა და დედაჩემი მოიკითხა. როგორ იქნება დედაჩემი, საკითხავია? სიძე სოფელში გამოექცა, რძალი სახლიდან გაიქცა. ვაჟიშვილი გარეგარე დაეხეტება. საკითხავია, როგორაა დედაჩემი?“

— ეგებ დედაშენიც წამოვიდეს გავრაში?

— არა. დედა სახლს ვერ მიატოვებს.

რევაზის გული: „კარგ დროს კი მოიკითხა დედაჩემი, უთუოდ ასე თქვა გულში. დილაუთენია ჩამოვედით, აგერ შუადღემ მოატანა და მაშინდა გაახსენდა სიდედრი. რევაზ ჩაფიჩაძემ არ იცის, რა დღეშია მისი სიდედრი? სიძემ ქალიშვილი და შვილიშვილი თბილისში დაუტოვა და თვითონ ხერგაში დაიდო კერა, ვაჟიშვილმა რძალი სახლიდან გაუქცია და თვითონაც ხანდახან შემოიხედავს შინ. ორი შვილი, ორი შვილიშვილი. სიძე და რძალი ჰყავთ ვითომ დიასამიძეებს და ყველანი განერიდნენ. დაცარიელდა დიასამიძეთა სახლი. მარტოდმარტო დარჩნენ თეკლე და ნიკო. სიჩუმე, მოწყენილობა, დარდი. ეს კიდევ კითხულობს, თეკლე როგორ ბრძანდებაო. — გმადლობთ, საყვარელო სიძეე! არის და არც არის ქალბატონი თეკლე. ღივლავობს, რუსუდანიც თვეში ერთხელ შეივლის და მაშინაც ცოტა ხნით, ზოდნავ გახალისდება დიასამიძეთა სახლი, გამოცოცხლდება თეკლე, საუზმეს გაუწყობს რუსუდანს და თათიას, ნიკო-ბატონიც გამობრძანდება თავისი ოთახიდან, — როგორაა, თათი, საქმე, წინ მიგლიჯინობს თანამედროვე მუსიკა? — ვითომ გაიოხუნჯებს ნიკო, თათია კი წითლდება და ვერაფერს პასუხობს“...

— ზვიადი? ლილი? როგორაა მათი საქმე?

— ლილი? ლილი კარგადაა. ვილაც შეიყვარა და, მგონი, თხოვ-

დება. ზვიადი? ზვიადი გულს ასკდება. ისევე ფიზიკულტურელობს. გალოთდა.

რუსუდანის გული: „ცოლისძმა ც მოიკითხა. ყოფილი რძალიც. ლილის რა უქირს? სხვა შეიყვარა და გათხოვდება. ჰო, შეილი არ ჰყავს და გათხოვდება! ოჯახი არ ჰქონდათ და მათი გაშორებით ოჯახი არ დანგრეულა. რამდენი უშვილძარო ცოლქმარი გაყარა, მაგრამ ქვეყანა არ დაქცეულა. ზვიადი და ლილიო, ჩვენც ასე არ ვართ? შენ ცალკე ხარ და მე ცალკე. გაუგებრობაა? როდემდის ვიქნებით ასე? მე რომ გაგშორდე, შვილები ამიტირდებიან? ამას ებლაუქები? ლილი და ზვიადი გაიყარნენ და ამის გამო არავინ ატირებულა?“

— ცუდი ამბავია! მიზეზი არაფერი ჰქონდათ. სრული გაუგებრობაა.

რევაზის გული: „ცოლისძმა და ყოფილი რძალიც მოიკითხა. ლილი და ზვიადი უმიზეზოდ გაიყარნენო, თავის ამბავს კი არ კითხულობს. „მე რომ გაგეყაროთ, მე რომ ოჯახი დაეტოვო, უმიზეზო იქნება? ასე რატომ ფიქრობს რევაზ ჩაფიჩაძე?“ დიასამიძის ქალი ჯერ კიდევ ახალგაზრდაა და ცხოვრება წინ უძევს! მაგრამ შვილები? სანდრო და თათია? სანდრო მამას მიეკედლა? თათია? რატომ არ არიან სანდრო და თათია ერთად? აბა მიპასუხეთ, ქალბატონო რუსუდან! თათია ვერ ისწავლიდა ხერგაში? სკოლას გაისად ამთავრებს თათია? იმერგაისად სანდროც დაამთავრებს და სტუდენტი და-ძმა უჩვენოდ ვერ იცხოვრებენ თბილისში? საქმელს ვერ შეიკაზმავენ და პერანგს ვერ გაირეცხენ? მე დედა არ წამომყოლია თბილისში, არც სახლ-კარი შექონდა, ინსტიტუტი ისე დავამთავრე, ერთხელაც არ ჩამოუკითხავს მამაჩემს. ახლა საბავშვო ბაღიდან ინსტიტუტის დამთავრებამდე კუდში ვდევთ, სურთ თუ არ სურთ, შეუძლიათ თუ არა, მაინცდამაინც უმაღლეს სასწავლებლს ვამთავრებინებთ, მერე სამსახურს ვუშოვით, მერე დავაქორწინებთ, მერე სიძესაც და რძალსაც ჩვენ ვარჩენთ, მერე შვილიშვილებს შევეწირებით!.. ჩვენ თვითონ ვამაზინებთ ჩვენს შვილებს და მერე მიზეზს სხვაგან ვეძებთ, რა მოხდა, რა ვაი-უშველვებელი დატრიალდა ჩვენს თავზე?“

— დედი! — სანდროს ხმა შემოესმა რუსუდანს და შეკრთა.

სასტუმროს სადარბაზოსთან ნიკო, თათია და სანდრო იდგნენ.

სანდრომ კიბეები კისრისტეხით ამოირბინა, დედას მიეჭრა და ყურში ჩასჩურჩულა.

— ვერ მოასწრებთ, ჩვენ მალე წავალთ! — თქვა რუსუდანმა. სანდრო გვერდით მოისვა და გაუღიმა.

საბარგო მანქანის კაბინაში, მძღოლთან, ნიკო ბატონი დასვეს, ჩაფიჩაძეთა მთელი ოჯახი კი, ბარგიანად მანქანის ძარაში მოეწყო.

ამ საბარგო მანქანას ხერგა-ხემაღლის გზის მშენებელი მუშები გადაჰყავს და გზის მშენებლობის ინჟინერმა თითქოს ავტობუსივით გამართა: ძარაზე დასაჯდომად დამაგრებული ფიცრები დერმატინგადაკრულია, ძარა ბრეზენტითაა გადახურული, ბრეზენტის სახურავში ქუჭრუტანებივით პატარ-პატარა საკმლებია დატანებული და იმ ქუჭრუტანებიდან იმდენი სინათლე მაინც ატანს ოღროზოღრო გზებზე სიარულისას, რომ ძარაში მსხდომმა მგზავრებმა ერთმანეთთ გაარჩიონ და თავები არ მიახალონ.

სიცხე. მტვერი. ხრეში დატყეპნილი არაა და მანქანა რყევა-რყევით მიდის.

— მხოლოდ ნახევარი გზაა ასეთი, — მოუბოდიშა ნიკოს მძღოლმა და კაბინის საკმლის მინა დაბლა დასწია.

— მე რა მიშავს! — ძარაზე მსხდომნი მებრალეებიან, — თქვა ხიკომ და მძღოლს გაუღიმა.

— ნელა ვივლი, — თქვა მძღოლმა და სიჩქარეს უკლო.

— ამ გზაზე ხშირად დადიხართ?

— ახლა დღეში ორჯერ, დილით ხერგადნ მომყავს გზის მშენებლები, საღამოთი კი ხერგაში მიმყავს. შარშან დილიდან საღამომდე ამ გზაზე ვიყავი გაკრული.

— მაგარი საქმეა, — თქვა ნიკომ. ეტყობა, სიცხეს მტვერი არჩია ნიკო-ბატონმა და კაბინის საკმელი ბოლომდე ჩახსნა. მერე კაბინიდან გამოყო თავი და შეეცადა ძარაში შეეხედა, მაგრამ ამაოდ.

ძარაში მსხდომნი არც ისე ცუდად გრძნობდნენ თავს. კილომეტრიც არ ჰქონდათ გავლილი, თათია და დარეჯანი დერმატინგადაკრულ დასაჯდომიდან ნელ-ნელა ჩამოცურდნენ იატაკზე. თქვები ჩემოდნებს მიადეს და დაიძინეს. რუსულანი რბილ ჩემოდანზე იჯდა, ხელეები მეუღლის მხრებზე შემოეწყო, თავი ზურგზე მიედო და თვლემდა. რევაზი კარგა ხანს ფხიზლად იყო, ხმადაბლა ესაუბრებოდა სანდროს, მერე თანდათან მასაც მიებლიტა თვალი. მარტო სანდრო იყო ყოჩაღად, სახურავის ქუჭრუტანაში იმზირებოდა და ანგარიშობდა — რამდენი კილომეტრი გამოიარეს ხერგადან და რამდენი რჩებოდა სატყეველას ხეობამდე.

„სატყეველას ხეობაში გზა მოუხრეშავია, რბილია და აღმართიანი, მანქანა ნელა ივლის და გზიდან მტვერი არ ადგება. მანქანის სახურავს გადავხდით და იოლად ვივლით“.

ნიკომ მაჯის საათს დახედა.

„ეს რა მუნჯი მძღოლი ჰყოლია რევაზ ჩაფიჩაძეს: საათნახევარია მოვდივარ და სულ ორიოდე სიტყვა გადმოისროლა“.

— სადაური ხარ, ძმობილო? — სიჩუმის დასარღვევად ჰკითხა ნიკომ მძღოლს.

— ქიზიყელი.

— ქიზიყი დიდია.

— სიღნაღელი გახლავართ.

— გეტყობათ. იმიტომაც ლაპარაკობ მძიმედ. აქ როგორ მოხვდი?

— თქვენმა სიძემ ჩამომიყვანა. ჩვენი ხელრბა ასეთია — დღეს აქ ვართ, ხვალ — იქ.

— რამე გამორჩენა გაქვს?

პაუზა.

— აბა, ისე როგორ იქნება, ბატონო! — თქვა მძლოლმა და გაიღიმა.

— კარგია. საბარგო ავტომანქანის მძლოლს გამორჩენა თუ აქვს, მაღლია! — თქვა ნიკომ და მძლოლს მხარზე დაუთათუნა ხელი.

— მტვერი, ტალახი, ოღროჩოღრო გზები, მძიმე ტვირთი... დიახაც, მაღლია საბარგო მანქანის მძლოლის გამორჩენა. ტაქსის მძლოლებისა კი, რა გითხრა. — დამარცვლა ნიკო-ბატონმა, — ნამეტანს შერებთან! მეზობელი მყავს ტაქსის შოფერი, დღეგამოშვებით უზის საქვს, პარკეტივით ასფალტზე დაასრიალებს მანქანას და პროფესორი ვინაა მასთან? ნამეტანია, ნამდვილად ნამეტანია!

— თქვენზე მეტს ღებულობს? — გაიოცა მძლოლმა და ნიკოს თვალი გაუსწორა.

— ახლოსაც ვერ მივალ! — ხმას აუწვია ნიკომ, — შენც კარგად იცი და განგებ მეკითხები.

შორს თაღებიანი თეთრი ხიდი გამოჩნდა.

— იმ ხიდამდე სამი კილომეტრია, ხევისწყალი იქ დასავლეთით უხვევს...

— ვიცი, იმ ხიდს გადავალთ, პატარა ხეცს გავივლით და სატეველას ხეობაში შევალთ. — შეილიშვილმა მითხრა.

— ხიდის გაღმა ნასოფლარია, მოკვეთილს ეტყვიან.

— ეგეც მითხრა სანდრომ. სატეველას ხეობაში გზა ჯერ არ არის მოხრეშილი, წელს ხრეშს დააყრიან, ზამთარში გზა დაჯდება და შერე ასფალტს დააგებენო, — ასე თქვა გზის ინჟინერმა ძია ლევანმა.

მძლოლს გაეღიმა და ნიკოს ცერად გახედა.

მანქანამ სიჩქარეს უმატა და თაღებიანი თეთრი ხიდი უფრო და უფრო მოახლოვა.

— ლამაზი ხიდია, — თქვა ნიკომ, კაბინიდან თავი გამოჰყო და ძარას ახედა.

— ზედასართულს სძინავს, — თქვა მძლოლმა და მანქანა ხიდთან ჩრდილში გააჩერა.

მძლოლმა ძარას სახურავი გადახსნა. მანქანიდან პირველი სანდრო გადმოხტა, მერე რევაზი გადმოვიდა და რუსულანს შეეშველა.

— თათია და დარეჯანი? — იკითხა ნიკომ.

— სძინავთ. — უხალისოდ თქვა რუსულანმა.

— სძინავთ? — გაიოცა ნიკომ, — ასეთ ხეობაში მოვლიოდით და დაიძინეს?

— ჩვენ ვერაფერს ვხედავდით! — საყვედურით თქვა რუსულანმა.

ნიკომ შეატყო, რუსულანი უგუნებოდ იყო და არაფერი უპასუხა.

ხილთან წყაროა. გზის მშენებლებმა წყაროს აუზი ამოუშენეს და თალარით მოაჩრდილეს. თალარში ქვის გრძელი მაგიდაა, ქვისავე სკამები, მაგიდაზე დოქი და თიხის ჭამები. რევაზ ჩაფიჩაძემ კალათი მაგიდის ძვიდზე დადო, სანდრომ ლიმონათის და ღვინის ბოთლები აუზში ჩააწყო, რუსულანმა კი სველი ჩვრით გადაწმინდა მაგიდა და კალათიდან საკმელი ამოალაგა.

ლევანმა რეზინის სარწყულით მდინარიდან წყალი ამოიტანა და მანქანის მორტორში ჩაასხა.

ნიკომ მაინც მოახერხა თათიას და დარეჯანის გაღვიძება და თალარში შემორეკა.

— აბა, წავიხემსოთ და გზას ვუტიოთ, — თქვა ნიკომ და ხაჭაპურს წაატანა ხელი, — უკვე ექვსი საათია, ოცი კილომეტრის გამოვლას ორი საათი მოუწოდებოდითო, გვაფრთხილებს მძლოლი, — აბა, ღვინო დამისხი, სანდრო, დავილოცოთ...

გაღმიდან ხილს „ვილისი“ მოადგა. ლევანმა იცნო რაიკომის მანქანა და თალარიდან გამოვიდა.

„ვილისი“ საბარგო მანქანასთან გაჩერდა და მანქანიდან კონსტანტინე კაკუბერი გადმოვიდა.

— ექსკურსიაზე ბრძანდებით? — მისალმებისთანავე ცივად ჰკითხა კონსტანტინე კაკუბერმა გზის იწყინერს.

— ჩაფიჩაძეს ოჯახი მიჰყავს სოფელში... — ცივადვე მიუგო ლევანმა.

— რომელი ოჯახი?

— შვილები, მეუღლე, სიმამრი.

— ამ მანქანით?

— დიახ.

კაკუბერმა გარშემო მიმოიხედა.

— მერე-და, სადაა ჩაფიჩაძის ოჯახი?

— თალარში.

— წავიდეთ, — თქვა კაკუბერმა და ლევანს მკლავი გაუყარა.

რაიკომის „ვილისი“ რევაზ ჩაფიჩაძემაც იცნო, მაგრამ არ ეგონა მანქანაში კაკუბერი თუ იქნებოდა, — კაკუბერის ხმა რომ მოესმა,

რატომღაც უხერხულობა იგრძნო და თალარიდან ფეხათრევით გამოვიდა.

— რატომ არ მითხარი, ოჯახს თუ მოელოდი? — თქვა კონსტანტინემ და რევაზს თვალი გაუყარა.

პაუზა.

თალარში შევიდნენ. კონსტანტინე ხალისიანად მიესალმა რუსუდანს და ნიკოს, თათიაც შეიძინო, რამხელა გაზრდილა თქვენი ქალიშვილიო და თათიას გაუღიმა, მერე დარეჯანს დააკვირდა, ძალიანაც დააკვირდა, მაგრამ ვერ იცნო და ვერაფერი თქვა, — ჩვენი ნათესავიაო, უთხრა რუსუდანმა, — კარგია, ნათესავიც სოფელში რომ წამოგიყვანიათო, — თქვა კონსტანტინემ, მერე სანდროს მხარზე დაჰკრა ხელი და თვალი ჩაუკრა.

— სიდედრი ცოცხალი მყოლიაო, — ვითომ ირონიულად თქვა კონსტანტინემ და ჯამი აიღო. — მივესალმები თქვენს ჩამობრძანებას, მაგრამ საყვედურით უნდა დავიწყო: თქვენგან არ მოველოდი, ქალბატონო რუსუდან! თქვენმა მეუღლემ დამასმინა? რაო, კონსტანტინე კაკუბერი ცუდად მეპყრობაო? ასე გითხრათ და თქვენ ერწმუნეთ? თქვენც გულმოსული ხართ ჩემზე? არა? აბა, რაშია საქმე? ერთმანეთს დიდი ხანია ვმეგობრობთ, ხერგაში ჩამობრძანდით და კონსტანტინე კაკუბერის ოჯახი არ უნდა მოინახულოთ?

— ნაუცბათევად ჩამოვედით, — ბოდიშით თქვა რუსუდანმა.

— ხერგადან დღესვე წამოსვლა აუცილებელი იყო? — აღექსანდრე თქვენ ხვალისთვის გელით.

— ჩემი ბრალია, მე ვითხოვე დღესვე წამოსვლა.

— ეს ცუდი გზა გამოვლილი რომ არ გქონდეთ, აუცილებლად უკანვე წაგიყვანდით, — თქვა კონსტანტინემ და რევაზს მიუბრუნდა.

— თქვენი „ვილისი“. სად არის?

— თბილისში: ხვალ ჩამოვა.

— ცუდად მოქცეულხარ, ძალიან ცუდად! — საყვედურით თქვა კონსტანტინემ და რევაზს მწყურალად გახედა.

დუმილი. უხერხულობა.

კონსტანტინემ ღვინო შესვა, ჯამი შეავსო და ნიკოს გადასცა.

— რახან დღეს მოისურვილა ქალბატონმა რუსუდანმა სოფელში წამოსვლა, შენც ადგიქ და საბარგო მანქანაზე შესვი? ეტრაბახები — კომუნისტებს ვაშენებ ხემაღალშიო და ამ ოღროჩოღრო და აყრილდაყრილ გზაზე საბარგო მანქანით მიაყაყაყაყებ. ან პატივცემული ნიკო რას იფიქრებს? მე ისიც ვიცი, რევაზ, ძლივს დაითანხმე ქალბატონი რუსუდანი სოფელში ჩამოსვლაზე და...

— პატივცემულო კონსტანტინე! — აენტო რევაზი.

— კარგი. რაც მოხდა, მოხდა! აქედან ჩემი „ვილისით“ წახვალთ.

მანქანებს გავცვლით. — დასტურებით თქვა კონსტანტინემ და მძლოლს გასძახა, პორტფელი მომიტანეო.

— მაპატიეთ, — მოიბოდიშა კონსტანტინემ, — უდროო დროს შემოგესწარით, მგონი, რევებს ქამის მაღა გავუფუჭე.

დუმილი. უხერხულობა.

მძლოლმა პორტფელი მოიტანა.

— დავსხდეთ! — ნიკოს და რევებს მიმართა კონსტანტინემ და თვითონ მათ შუა დაჯდა.

ნიკომ ჯამი შეავსო, ჩაახველა და წამოდგა.

— ნება მიბოძეთ, პატივცემულო კონსტანტინე, ვადლეგბრძელო ეს ოღროხოღრო გზა. ამ გზას სიცოცხლე მიაქვს მთიან სოფელში. ეს გზა დიდი სიხარულია.

ნიკომ ჯამი გამოსცალა, შეავსო და კონსტანტინეს დაუდგა.

— სწორედ ამ გზაზე მინდა მოგახსენოთ, — თქვა კონსტანტინემ და პორტფელიდან „საქმე“ ამოიღო. საქალაქებზე მსუქანი ასობები ეწერა „ხემაღლის მეურნეობა“. ღვინით საესე ჯამი გადადგა და „საქმე“ გადაშალა. — დღეს სამი იელისია, ამხანაგო რევებ, ამ საქმეში ჩანიშნულია: ხერგადან მოკვეთილამდე — სულ 22 კილომეტრი, 15 იელისისათვის დამთავრდეს ასფალტის დაგება. მოვასწრებთ? ზღაპარია! გზა დასაასფალტებლად მოუშზადებელია. სადაა გზის სატყეპნი მანქანები? იმედი გაქვთ თქვენს „ვილისს“ ჩამოჰყვება? ვნახოთ!

— ექვსის ნაცვლად თორმეტი. — დაჯერებით თქვა რევებ ჩაფიჩაძემ.

თათიამ დედას ყურში რაღაც ჩაუჩურჩულა. კონსტანტინემ ყური მოჰკრა ჩურჩულს და უხერხულობა იგრძნო.

— ბოდიშს მოვიხდი, ქალბატონო რუსუდან, თქვენთანაც პატივცემულო ნიკო, სამსახურებრივ საქმეებზე რომ ჩამოვაგდე საუბარი, ვიფიქრე, — დამარცვლა კონსტანტინემ, — თქვენთვისაც საინტერესოა წერილად იცოდეთ, რამხელა საქმეს შეეკიდა რევებ ჩაფიჩაძე...

— ძალზე საინტერესოა, — თქვა ნიკომ და კონსტანტინეს გაუღიმა.

— მხოლოდ თქვენგან თუ გავიგებ, — თქვა რუსუდანმა და თავი დახარა.

— ახალგაზრდებს შეუძლიათ მდინარეს გაეთამაშონ, — თქვა კონსტანტინემ და თათიას გაუღიმა.

თათიამ დარეჯანი გაიყოლია და თალარიდან გავიდა. სანდრო ძია ლევანს უფრო ახლო მიუჩოჩდა და კისერი წაიგრძელა — საქალაქდღეს ჩააცქერდა.

— მაშ, ექვსის ნაცვლად თორმეტს მოელი? ძალიან კარგი რამდენი დღე დასჭირდება გზის გასწორება-დატყეპნას?



— იელისის ბოლომდე მოვასწრებთ, — თქვა ლევანმა და ჩაფიჩაძეს თვალი ჩაუკრა.

— იელისის ბოლომდე, აუცილებლად! — დაადასტურა რევაზ ჩაფიჩაძემ.

— ასფალტის დაგება? — ირონიულად თქვა კონსტანტინემ. ჯერ ლევანს და მერე რევაზს გაუყარა თვალი. ჰო, ასფალტის დაგება?

— ერთდროულად! გასწორება-დატკეპნა და ასფალტის დაგება ერთდროულად იწარმოებს. გზა დამჯდარია და გასწორება ძნელი არაა, ასფალტის დაგებასაც ორივე მხრიდან — ხერგადან და მოკვეთილიდან ერთდროულად დავიწყებთ, — დარწმუნებით თქვა რევაზ ჩაფიჩაძემ, მერე ხალათის გულჭიბიდან ბლოკნოტი ამოიღო, რალაც ჩაინიშნა და ადგა.

— ყოველ შემთხვევისათვის, მე ქუთაისში კაცი გავგზავნე, ორ ბულდოზერს და ოთხ გზისმტკეპნს გამოგიგზავნიან. ხეალ მანქანები ჰორგაში იქნება და გამოიყენება. — მაშ, გზის საქმე კარგად ყოფილა, დავლით მისი სადღეგრძელო, — ღიმილით თქვა კონსტანტინემ, ჯამი გამოცალა, შეავსო და რევაზს გადასცა.

— მოკვეთილიდან ხერგამდე გზა გაქრილია, ხრეშიც მოტანილია, ხრეშის გაშლას რატომ ვაგვიანებთ?

რევაზმა ბლოკნოტში ჩაიხედა.

— ექვსიდან დავიწყებთ. რამდენიმე დღით გზისმშენებლები ხერგებს და კალატოზებს მივანხმარე. ლაბორატორიის შენობის დამთავრებას დავეშურე, ლაბორატორიის მოწყობილობის ნაწილი მიღებულია, ნაწილიც გზაშია. დილიდან საღამომდე, ხანდახან ღამეც მუშაობდნენ. ექვსამდე შვებულება მივეცი გზისმშენებლებს... სოფელში ამოსულებმა ცალკე საგზაო ბრიგადა ჩამოაყალიბეს შიდა გზების გასაყვანად. ეს ბრიგადაც დავეხმარება.

— მაშ, გზის საქმე ძალიან კარგად ყოფილა! — განმეორებით შევსეთ მისი სადღეგრძელო! — თქვა კაკუბერმა, ჯამი შეავსო, ადგა და რუსუდანს-მიაწოდა.

— გთხოვთ, ქალბატონო რუსუდან!

რუსუდანმა ჯამი გამოართვა კონსტანტინეს და მეუღლეს ალმაცერად გახედა.

— ბატონმა კონსტანტინემ ორხელ შესვა გზის სადღეგრძელო, შენ კი ერთხელაც არ დაგიღევიო, — თქვა რუსუდანმა და სასმისი რევაზს გადასცა.

პაუზა.

„მე გადმომკრა, დიახ, კონსტანტინე კაკუბერს გადმომკრა ქალბატონმა რუსუდანმა, — თქვენ გზა ადღეგრძელებთ! ორჯერაც კი ადღეგრძელებთ გზა! რუსუდანი? მაპატიეთ, ქალბატონო რუსუდანი!

ნიკო? თქვენც მამატიეთ, ნიკო ბატონო. ქალიშვილები? მათ წინაშე-  
დაც ბოდიშს მოვიხდი. ლევანი და სანდრო? ესენი ჩვენებურებია.  
სანდრო და ლევანი გამიგებენ“...

გზას იმიტომ ჩავეკირკიტე, ქალბატონო რუსუდან, — ბოდიში-  
ვით დაიწყო კონსტანტინემ, — ჰო, იმიტომ... დიას. ამ გზას შეუძლია  
ჩვენი საქმე წინ გააქენოს, შეუძლია ერთ ადგილზე გააშეშოს, შეუძ-  
ლია, — სიტყვა გამართა კონსტანტინემ, — უფსკრულშიდაც გადაჩე-  
ხოს და მერე უფსკრულიდან ამოსვლა გაგვიძნელდება... დიას, მამა-  
ტიეთ! თქვენს ჩამობრძანებას ვაღლეგრძელებ, მივესალმებით ნიკო  
ბატონის ჩამობრძანებას...

კონსტანტინემ გარშემო მიმოიხედა და რადგანაც თათიას და  
დარეჯანს თვალი ვერ მოჰკრა, ცივად თქვა:

— თქვენს საღვებრძელოს ვსვამ, ქალბატონო რუსუდან.

წყლით სავსე ჭიქას წაავლო ხელი, წყალი გადაღვარა, ჭიქა ღვი-  
ნით შეავსო და შესვა.

პაუზა.

„დიას, წელს სამოცი ოდა და სამოცი სამზადი უნდა ავაგოთ.  
შემოვიღობოთ სამოცი ცხო და სამოცი ჭიშკარი ჩამოვკიდოთ. ამ  
გზამ უნდა აზიდოს ხემაღალში ხე-ტყე, ცემენტი, აგური და კრამი-  
ტი... ეს გზა ააბარებებს ოჯახებს... დიას, ამიტომ ჩავეკირკიტე ამ გზას,  
ქალბატონო რუსუდან! მამატიეთ!“

კონსტანტინემ მჯის საათს დახედა.

— ნებას თუ მომცემთ, დაგემშვიდობებით; — თქვა კონსტანტინემ,  
რეზოს მკლავი გაუყარა და თალარიდან გამოიყვანა.

— მამაშენთან ვიყავი, გულასპირიც იქ იყო, მერე დიდი ეკატე-  
რინე შემოგვემატა, ცოტა დავლიე და რუსუდანს და ნიკოს რამე  
ჩომ არ ვაწყენიეო, — ხმადაბლა, ჩურჩულით თქვა კონსტანტინემ  
და რევაზს თვალი გაუყარა.

— რას ბრძანებთ! — თქვა რევაზმა და გაუღიმა.

პაუზა.

კონსტანტინემ სიგარეტს მოუკიდა.

— ლევანს საქმე ჰქონია ხემაღალში და მძლოლებიც გაცეკუ-  
ლოთ... დღეს სამია, ხომ? რვაში რაიკომის ბიუროზე განვიხილავთ  
მეურნეობის მშენებლობის საქმეს. მომხსენებელი შენ იქნები, თანა-  
მომხსენებელი -- მე. დიას, დაჩქარებაა საჭირო, სამინისტროს და  
პირებები საქმეს წინ ვერ წაიყვანს... თუმცა, — თვალი ჩაუკრა კონ-  
სტანტინემ რევაზს, — შენ დიდ იმედებს ამყარებ სამინისტროზე...

„ვილისს“ ლევანმა სახურავი გადახსნა.

მძლოლთან ისევ ნიკო დასვეს.

მცირეხევის ოღროხოღროებიც მსუბუქად გაიარა მანქანამ. გზა

სატეველას ხეობაში შეიქრა და ლევანმა სიჩქარეს მოუმატა. აგრილ-და.

— როგორი 'თეთრი ყოფილა სატეველა! — გაოცებით წამოიძახა ნიკომ და თვალი ხეობას აადევნა.

გზა მდინარისპირს მიეჭრა და თვალწინ მიღეწილ-მოღეწილი ნაცობარი წამოიმართა. სასწაულად შემორჩენილი ერთადერთი ქონგური თითქოს ქანაობს, ქარმა ერთი რომ შემოუჭროლოს, მდინარეში გადისვრის...

„აქ დიდი ბრძოლები გაუმართავეთ თათრებთან. ამ ციხეს ჭავახიშვილი. რამდენჯერმე მოიხსენიებს. „გლეხის ქალმა... ჰო, გლეხის ქალმა“...“

ვერა, ვერ გაიხსენა ნიკო დიასამიძემ, მრავალი საუკუნის წინათ გლეხის ქალმა რა გმირობა ჩაიდინა თათრებთან ბრძოლაში და ვერც სახელი გაიხსენა ნაცობარისა.

„ჩემიანები ისტორიაზე არ ფეთდებიან, — არც სიძე, არც ქალიშვილი. თათია და სანდრო?“

— ამ ნაცობარს „უტეველას“ ეტყვიან. ნიკო-ბატონო, — თქვა მძლოლმა და სვლა შეახელა.

— დიახ, გამახსენდა, სწორედ „უტეველი“ ჰქვია, — თქვა ნიკომ და მძლოლს გაუღიმა.

— სტრაბონი „უტეველად“ მოიხსენიებს. ვახუშტი ბაგრატიონი „უტეველად“ და „სატეველად“, ბოროზდინი ორივეს ეკამათება: „სატეველა“ და არა „უტეველი“. მდინარეს სატეველა ჰქვია, ხეობას — სატეველას ხეობა, ციხე მდინარე სატეველაზეა აგებული, „უტეველი“ საიდან, მოიტანეთო.

— ჭავახიშვილი?

— ჭავახიშვილი? ჭავახიშვილთან არ მახსოვს, ნიკო ბატონო, საქართველოს ისტორიის სახელმძღვანელოები კი არ მოიხსენიებენ ამ ციხეს.

— მაშ „სატეველა“ ჰქვია და სტრაბონი და ვახუშტი ცდებიან?

— ერთი ხალხური ლეგენდა სტრაბონს უმაგრებს მხარს.

— ლეგენდა? რომელი ლეგენდა? — გაიოცა ნიკომ.

— არც ეს ლეგენდაა ჩაწერილი და გამოქვეყნებული.

...თურქთა ჭარი სამჭერ შემოწყობია ციხეს და მეციხოვნეებს სამჭერვე უჭუშქევიათ. მერე მეოთხედ შემოწყობია. ამჭერად ციხე დუმილით შეკგებებია მტერს და მტერს უფიქრია — მეციხოვნენი ამოწყვეტილანო. მაინც კანტი-კუნტად უხვრიათ. ციხე ისევ დუმდა. სათოფურებისათვის დაუშენიათ ცეცხლი. არავითარი გამოძახილი, მაშინ კართან მიჰკრილან. კარი ღია დახვედრიათ; ნამდვილად ამოწყ-

ვეტილან მეციხოვნენი, ან გაქცეულანო, უფიქრიათ და მტერი ჯგროდ შეჭრილა ციხის ეზოში. მტრის უკანასკნელი ჯარისკაციც რომ შესულა ციხეში, ციხის კარი უცებ გადარაზულა და ქონგურებში შემალულ მეციხოვნეებს მტერი ერთიანად გაუშლევით. ციხიდან სისხლის მდინარეს გადმოუხეტქია და მთელი სატეველაც სისხლად ქცეულაო... ამიტომაც ხალხმა ციხეს „უტეველი“ შეარქვაო.

„საქართველოს ყველა ციხე უტეველია, — თავისთვის ჩუმად თქვა ნიკომ და თვალები მილულა.

მანქანა ხემაღალის ზეგანზე შეიჭრა.

## თ ა ვ ი მ ე ო თ ხ ა

რევას ეგონა, დილაუთენია ვდგებო, ოთახის კარი ფრთხილად გამოაღო და აივანზე ფეხაკრეფით გამოვიდა.

ღრუბლიანი დილა იდგა. ნისლში შეხვეულიყო სანისლეს ქედი. კიშკარმა გაიჭრიალა.

ნიკო იყო, ხელში თუნგი ეკავა და სატეველას ბილიკს დაუყვარევაზი დაედევნა და დაეწია.

— ცუდად გეძინათ?

ნიკო შედგა და რევას გაუღიმა.

— ასე მშვიდად დიდიხანია არ მძინებია.

— ეს თუნგი?

— სატეველაზე ჩავალ.

— ასე ადრინანად?

— ადრინანად? — გაიკვირვა ნიკომ და ჯიბიდან საათი ამოიღო, — რვა სრულდება. მამაშენი და სანდრო კარგახანია სატეველაზე წავიდნენ, სანდრომ შენი ცხენი წაიყვანა, დასაბანიათ, თქვა.

რევას ჩაფიჩაძე მუდამ ექვს საათზე დგება. დღესაც უთუოდ ექვს საათზე გამოელვოდა, მაგრამ ოთახში ბნელოდა და ისევ ძილს მიუბრუნდა.

„ახლა ვეტყვი. — გადაწყვიტა ნიკომ, — ხელს არავინ გვიშლის და ახლა ვეტყვი. ორი დღეა ერთად ვართ და ერთხელაც ვერ დაემარტოხელე“.

— ხვალ რომელ საათზე გაქვთ ლექცია? — ჰკითხა რევასმა და სიგარეტს მოუკიდა.

ნიკომ თუნგი მიწაზე დადო და წარბებზე შეჰყარა.

— შენც ზვიადივით დაიწყე?

— მიჩვევაა. თუ არ მოვწიე, ვერც ვისაუზმებ... რომელ საათზე გაქვთ ლექცია?

— ლექციებისათვის არ ჩამოვსულვარ, რეზო, — დაბალი შიშნარევი ხმით თქვა ნიკომ.

— კარგია! ათიოდე დღეც რომ დაისვენოთ...

— არა! წასვლით ხვალ წავალ. კაკუბერი დილით გამომიგზავნის მანქანას.

— ლექციას წაიკითხავთ და ამობრუნდებით.

— ხვალვე თბილისში წავალ, თეკლე მარტოა.

— აკი ზვიადიც თბილისშიაო?

— ზვიადი? ზვიადი არის. და არც არის! ზვიადის გამო ჩამოვედი შენთან, — თქვა ნიკომ და თავი დახარა.

პაუზა.

— რა დაემართა? — გაიოცა რევაზმა და სიგარეტი შორს მოისროლა.

ნიკომ თავი მალლა ასწია, რევაზს თვალებში შეაქკერდა და ამოიხვნეშა.

— გალოთდა. — დანანებით თქვა და თავი ისევ დახარა.

— გალოთდა? ზვიადი გალოთდა? საოცარიო! ვერ დავიჯერებ!

— სახლიდან თუ გავიდა, უსათუოდ გაღეშილი დაბრუნდება.

— აკი რუსუდანმა მითხრა, მუშაობსო?

— რუსუდანმა თქვა, მუშაობსო? ჰო, მუშაობს! დღეში ორი საათი და ისიც დღემონაცელებით. ფიზკულტურელობს... „მწკრივში დადექით!“ „სწორდით!“ „სმენა!“ „გაითვალეთ!“ „ნაბიჯით იარ!“ მორჩა და გათავდა. ეს არის მუშაობა? რუსუდანმა თქვა მუშაობსო? კარგად სცოდნია ძმის ამბავი! — საყვედურივით თქვა ნიკომ, თუნგი აიღო და გააბიჯა.

— კანტორაში გავიაროთ, მერე მეც წამოვალ სატეველაზე, — თქვა რევაზმა და ბილიკს გადაუხვია.

„სიტყვა ბანზე ამიგდო. არ ესწამოვნა, რუსუდანს რომ ვუსაყვედურე“.

— გავიაროთ. — დაეთანხმა ნიკო და რევაზს კვალში მიჰყვა.

სატეველას ხეობიდან ქარმა დაუბერა და სანისლეს ქედზე ნისლი აიშალა.

— შეიძლება გაწვიმდეს, ნარგავებს მოუხდება. — თქვა რევაზმა და სიგარეტს მოუკიდა.

„ზვიადისთვის გაუსწრია. უზმოზე ასე ზედიზედ ზვიადიც არ ეწევა“.

მეურნეობის გზაზე გავიდნენ. ფართო გზაა, მოხრეშილი, ხრეში მაგრად დაუტკეპნიათ. გზის გაღმა-გამოღმა ნორჩი თუთის ხეები...

— შარშანდელი დარგულია. გაისად გზას მოაჩრდილებენ. ადგილობრივი ჯიშია, ძალიან მალე იზრდება. — თქვა რევაზმა.

„რუსუდანს მართალი უთქვამს: ქვეყანა რომ იქცეოდეს რევოლუციონარული თეთის ხეებზე, ჩამოგიგდებს საუბარსო“.

ფარდულს მიუახლოვდნენ.

„სათქმელი მაინც ვერ ვუთხარი. არა, თვითონ არ მათქმევინა. მე: ზვიადი გალოთდა-მეთქი, ვეუბნები. ის: კანტორაში გავიაროთ, მერე სატეველაზე მეც წამოვალ, შეიძლება გაწვიმდეს, ნარგავებს მოუხდება“.

გზისპირად მორი აგდია. ნიკო მორზე ჩამოჯდა.

— მაშ, შარშანდელი დარგულია? ძალიან გაზრდილა. გზას წელსვე მოაჩრდილებენ, ბარაქალაი კარგი ჭიშისა ყოფილა ხემაღალის თუთა... — თქვა ნიკომ, შუბლზე ხელი. მოიჩრდილა და სანისლეს ქედს გახედა.

— უთუოდ გაწვიმდება და ნარგავებს მოუხდება.

„გულმოსულია ნიკო-ბატონი. ზვიადზე რომ დაიწყო საუბარი, ნიკაპი აუცახცახდა, სახეზე ფერი ეცვალა, ხმა გაეზარა, ამიტომაც განგებ აეუგდე სიტყვა ბანზე. ფარდულისკენაც განგებ წამოვიყვანე, — ვრფიქრე — ვინმე შემოგვხვდება-მეთქი...“

— მაშ, ზვიადი დღემონაცვლეობით მუშაობს და ისიც ორი საათი?

— რუსუდანს ხომ უბრძანებია, მუშაობსო... მაშასადამე, მუშაობს. — „დაეწყვეთ!“ „ნაბიჯით იარ!“ დიახ, მუშაობს. — ირონიულად თქვა ნიკომ, ისევ მოიჩრდილა ხელი შუბლზე და სანისლეს ქედს გახედა.

— აუცილებლად გაწვიმდება. ნისლი ვერ გაიფანტა. პირიქით, შეხედე, ღრუბელი შეერია ნისლს. ქედზე უკვე წვიმს. წვიმა თანდათან აქეთ წამოვა, აქაც გაწვიმდება და ნარგავებს გაახარებს.

პაუზა.

— რუსუდანმა ბრძანა ზვიადი მუშაობსო? დიხაც მუშაობს: სადისერტაციო შრომას სანაგვეში გადაუძახა. დაანაკუწა და ისე გადაყარა. სადისერტაციო შრომას წიგნებიც მიაცოლა. ხარხარებდა — ეს წიგნები სოფლის მეურნეობის მექანიზაციის საკითხებს აშუქებენ და ამ წიგნებს მეც მექანიზებულად ვამუშავებო. მერე ლილის სურათებს დაერია. დაფლითა და გადაყარა, სანაცვლოდ ოთახი ფეხბურთელთა, მოჭიდავეთა, მორბენალოთა და კალათბურთელთა სურათებით დაიმშვენა. — აი, ასე მუშაობს რუსუდან ჩაფიჩაძის ძმა ერთხელ მთვრალი მიუვარდა სილოვან რამიშვილს — დამლუბე, შენი სოფლის მეურნეობის მექანიზაციისათვის მიმიფურთხებიაო... რამდენჯერმე დაიბარა რამიშვილმა, სათოფეზედაც არ მიეკარა.

— ცოდოა, — დანანებით თქვა რევოლუციონარი.

პაუზა.

— რუსუდანი ფიქრობდა, შეილი არ ჰყავთ და ადვილად დაივიწყებენ ერთმანეთსო. შემცდარი აზრია. ხუთი წელიწადი იცხოვრეს ერთად. ერთი წელიც რომ იცხოვრებ ადამიანთან, მისი სული შენს სულს შეერთვის, გაგზორდება და სიცარიელე ჩნდება სულში და ეს სიცარიელე თუ არ შეივსო, ხშირ შემთხვევაში, ილუპება ადამიანი. მამაკაცები უმეტესად გალოთდებიან ხოლმე, ვითომ ღვინით ერეკებიან სევდას, ქალები კი საყვარლებს გაიჩენენ, ან... გაკაპასდებიან და მტრისას...

პაუზა.

— თეკლე მებრალება. შელამდება და ფანჯარას აეკვრება. შუალამემდეგ რომ არ მოვიდეს, ფანჯარასთან დგას, ქუჩაში იმზირება და ელოდება... თვებს მოჰკრავს ფუ არა, თავის ოთახში შეტუხტუხდება, თავს მოიმძინარებს და ვითომ ზვიადის შემოსვლაზე გამოელვძება, ხშირად კი გათენებამდე ელოდება, ჩემთვის ვერაფერი უთქვამს და იმდულრება, დაილია და სადაცაა გათავდება...

— ცოდოა, — ისევ დანანებით თქვა რევაზმა.

— ამიტომაც ჩამოვედი შენთან. ეგებ წერილი მოსწერო და დაიბარო.

პაუზა.

„დისერტაცია დაუნაკუწებია და სანაგვეში ჩაუყრია. ლილის სურათები დაუხვევია... ლილი იქაღდა — თავის ამხანაგებში ჩემი მეუღლე პირველი გახდება დოქტორიო და ლილის მეუღლემ კანდიდატობასაც ვერ მიაღწია... რომელიღაც ქარხანაში ფიზკულტურის წრეს ხელმძღვანელობს ზვიად დიასამიძე. მეუღლე, გაქცა. ზვიადს ადგილი ვერ უპოვნია, გულს ასკდება და ლოთობს. ორივე ფეხი ერთბაშად დაუსხლტა, ძირს აგდია და ვერ წამომდგარა... ცოდო, ძალიან ცოდოა ზვიად დიასამიძე“...

— კარგი, — თქვა რევაზმა, მორიდან ადგა და სიგარეტს მოუკიდა. — წერილი? წერილი არა! ჩამოვალ. თუ ორ დღეს დაიცდით, თქვენთან ერთად წამოვალ თბილისში.

წერილი წვიმა წამოვიდა.

— კანტორაში გადავიწვიმოთ, — თქვა რევაზმა და ნიკოს მკლავი გაუყარა.

— შინ წავალ. — თქვა ნიკომ, თუნგს დაავლო ხელი და წავიდა. მთელი დღე ცრიდა.

მეორე დღეს დილიდანვე გაისარკა და პაერი შეიხუთა.

რევაზი სადილად არ მოვიდა. შემოთვალა, ქუთაისიდან გზის ოსტატები ამოვიდნენ და სალამომდე ვერ მოვალო.

ნამდვილი მიზეზი კი სხვა იყო და ის მიზეზი მხოლოდ რუსუდანმა იცოდა.

უხალისოდ ისადილეს.

ნასადილევს სანდრომ და კოკიმ ეზოში კარგახანს იბურთავენ. მონაცვლეობით ხან ერთი იღვა კარში და ხან მეორე. ერთმანეთს თერთმეტმეტრიანს ურტყამდნენ. მერე სანდრომ და კოკიმ სატეველაზე წასვლა მოისურვეს, მაგრამ რუსუდანმა დაუშალა — დილით მე ვიყავი სატეველაზე, გუშინდელ წვიმას აუდიდებია და ვერ გაგიშვებთო. საქმე ალექსანდრემ მოაგვარა — ბიჭებთან ერთად მეც წავალ და ვანშმისათვის მურწას მოგართმევთო და წავიდნენ.

თათიამ პატარა ეკატერინესთან საკაბე წაიღო. გუშინ პატარა ეკატერინე იყო ჩაფიჩაძეებთან, მოკლესახელოებიანი ცისფერი კაბა ეცვა, თეთრი საყელოთი გაწყობილი. თათიას ძალზე მოეწონა და როცა პატარა ეკატერინემ უთხრა, მე თვითონ შევიკერეო, შეიკვირვა და რატომღაც არ ერწმუნა, მერე კი სთხოვა, ასეთი საკაბე მაქვს და შემიკერეო.

ნიკო და რუსუდანი ეზოში ჩავიდნენ. შეიღმა მამას შესთავაზა ჰამაკში ჩაწოლა, მამამ — შეიღს, მერე კენჭი ყარეს. ნიკო-ბატონი ჰამაკში ჩაწვა და რუსუდანმა ჰამაკი დაარწია.

— ნაწვიმარზე ძალიან აცხუნებს მზე, მაგრამ მაინც სხვა პაე-რია, — თქვა ნიკომ და რუსუდანს გაუღიმა.

— მამი, ხვალ წახვალ?

— უნდა წავიდე, ხომ იცი, დედაშენი მარტოა.

— ვიცი, ნეტავ მეც მოვდიოდე! — თქვა რუსუდანმა და ამოიხენეშასავით.

„ქალიშვილი სხვაა, დიახ, მაინც სხვაგვარია ქალიშვილის გული. ქალიშვილის სიყვარული მშობლებისადმი ძლიერია! დედამისი ებრალება რუსუდანს“...

— ჩავალ და მეორე დღესვე კოჯორში წავიყვან დედაშენს. შარშანდელი ბინა დავიბევე, — არ დამყაბულდება და ძალით წავიყვან! — გადაქრით თქვა ნიკომ. მერე ხმას აუწია ნიკომ და დამარცვლა — ვაჰბატონსაც შევთავაზებ ჩვენთან წამოსვლას, წამოვა და აეთილი, თუ არ წამოვა, ეგდოს თბილისში.

პაუზა.

— ნეტავ, მე და თათიაც კოჯორში წამოვსულიყავით, მამი!

„ასეა, ქალიშვილის გული უფრო ესიყვარულება დედ-მამას, ვიდრე ვაჟიშვილისა. თათია და რუსუდანი რატომ უნდა წამოვიდნენ კოჯორში. რუსუდანს შვილები და ქმარი ჰყავს მოსავლელი, მაგრამ უყურადღებოდ დედ-მამასაც არ სტოვებს, ჩვენსკენ მოუწევს გული, — ზვიადი კი გვაფორიაქებს, არც დედა ებრალება და არც მამისა. ერიდება“...

— შენ და თათია კოჯორში? რატომ? დედაშენი და მე როგორმე



მოვევლით ერთმანეთს! — რატომღაც გაცხარდა ნიკო და ქალიშვილს თვალი გაუსწორა.

— ეგებ ვოჯორი სჯობია ხემაღალს, პა? არ თქვა, კოჯორი სჯობიაო, არაეინ დაგიჯერებს, რუსუდან!

პაუზა.

„ვითომ ვერ მიმიხვდა? დიახაც, მიმიხვდა, მაგრამ, განგებ ამოდო სიტყვა ბანზე: შენ და თათია ნუ შეწუხდებით, მე და დედამშენი როგორმე მოვევლით ერთმანეთსო, ჰო, გაეყვილს გატეხილი სჯობიაო და მეც პირდაპირ ვეტყვი“...

— არც კოჯორში წამოვალ და არც აქ დავერჩები! — გადაჭრით თქვა რუსუდანმა და ძელსკამზე დაჯდა.

„რაო? რა ბრძანა? არც კოჯორში მოედვიარ და არც აქ დავერჩებიო? მომესმა, არა? არა, ნამდვილად ასე ბრძანა რუსუდანმა.

— არ ჩამოსულხარ და უკვე მოგეწყინა? — გააკვესა ნიკო დიასამიძემ და ჰამაკში შეიმართა.

— მოწყენა! რევაზივით. ლაპარაკობ, მამი!

— დიახაც რომ რევაზივით ვლაპარაკობ და...

— რომელი ჰარიჰარალეს მოტრფიალე მნახეთ მე? — შეაწყვეტინა რუსუდანმა. — მოწყენა! აქ სიწყენარეა, სუფთა ჰაერი, ხეხილიანი ეზო, კარგი სახლი... — თითქოს მშვიდად თქვა რუსუდანმა და გაიღმასავით.

„დამცინის. მზე ნაწვიმარზე აცხუნებს, მაგრამ მაინც სხვა პაეა“, მე ვთქვი, დაუმახსოვრებია და უკან გადმომიგდო. „როგორი სიწყენარეა! სუფთა ჰაერი, ხეხილიანი ეზო“... წუხელ აივანზე რომ ვისხედით, მაშინ ვთქვი, დაუმახსოვრებია და დაცინვით გადმომიგდო უკან“...

ნიკო ჰამაკიდან გადმოვიდა და რუსუდანის გვერდით დაჯდა.

„აღრენილი გული... გახევეებული სახე. გაბზარული ხმა. ჩამუქებული თვალები... რაღაც უმძიმს რუსუდანს, მამას მიკიბულ-მოკიბულად უხსნის და ნიკო დიასამიძე ვერ მიმიხვდარა. ჰო, ვერ მიმიხვდარა, ახლა ჩაჰკითხავს და გაიგებს“...

— რაო, რევაზმა გაწყენინა?

პაუზა.

„არ მინდა მე ეს სიმშვიდე და სიწყენარე, ხემაღალის სუფთა პაეა, ეს მოლი... მე გული მინდა, ჩემთვის რომ ძგერს, ისეთი გული! რევაზ ჩაფიჩაძის გული კი დიდხანია ჩემთვის აღარ ძგერს, მამი! დიახ, სოფელს რომ დაუბრუნდა რევაზ ჩაფიჩაძე, გავიყარენით, ნამდვილად გავიყარენით. რევაზი — დაშრეტული დედულ-მამულის აღ-“

მდგენელი, მე — მისი მოწინააღმდეგე. პო, რევაზი ცალკე, მე კიდევ ცალკე. ხემაღალი ცალკე, და თბილისი — ცალკე. მე და თათია, რევაზი და სანდრო. სკოლა იყო ხემაღალში და მოიშალაო, წუხს რევაზ ჩაფიჩაძე. სკოლა იყო და მოიშალა? დიდი ამბავი! ხემაღალში სკოლა დაიხურა და რუსუდან დიასამიძემ იღარღოს? რატომ? მიშრეტილია ხემაღალი და რევაზ ჩაფიჩაძე გულს ასკდება... მიშრეტილია ხემაღალი? სულაც დაიშრიტოს, ნასოფლარად და ნამოსახლარად იქცეს, ტყედ და ბალახად, რუსუდანი არ დაღონდება, გულს არ აიტკივებს, ცრემლს არ ჩამოიდენს: ასე ირწმუნა რევაზ ჩაფიჩაძემ და მამინ გაიბზარა გული, მამინ ოჯახსაც წყალი შეუღდა, ქარი ეძგერა ჩაფიჩაძეების ოჯახს და ჩემი შიში გამართლდა“...

— ამ სახლში გული არ არის, მამი! — ყრუ, დახშული ხმით თქვა რუსუდანმა და როცა სიტყვებს დააყურადა, თვითონვე შეეშინდა თავისი ნათქვამისა და შეკრთა.

„რაო? გული არ არისო ამ ოჯახში? ასე თქვა, არა?“

— როგორა თქვი, რუსუდან? — ამ სახლში გული არ არისო, ასე თქვი, ხომ? — და რუსუდანმა რომ არაფერი უპასუხა ნიკო ძელსკამიდან წამოიჭრა.

— არაფერი გამეგება! ღიახ, არაფერი მესმის!  
პაუზა.

— რევაზმა ყველაფერი იცის! — მშვიდად, ძალიან მშვიდად თქვა რუსუდანმა და მამას თვალი გაუყარა.

წუხელ არც მას დაუძინია. არც მე. ნუ გეშინია, მამი, შენი ქალიშვილი საყვარლებს არ გაიჩენს და არც გაკაპასდება... რევაზ ჩაფიჩაძეც არ გალოთდება.

და ნიკო დიასამიძე გაწითლდა. ყურებიც კი გაუწითლდა ნიკო დიასამიძეს. შუბლის ნაოჭები შეჰყარა, გაირინდა, მერე ფეხქვეშ მიწა დაერყა და ძელსკამზე დაესვენა.

გაბზარული იყო ნიკო დიასამიძის ოჯახი. ლილიმ გაბზარა. ლილიმ რატომ? ნიკო დიასამიძის ვაჟიშვილმა გაბზარა დიასამიძეების ოჯახი. ახლა რუსუდანი წააქცევს.

ერთს დაეჯახება და წააქცევს...

„მე და შენ ხემაღალში ვიცხოვრებთო. მეურნეობის განაშენიანება დამთავრდება თუ არა, მეურნეობის დირექტორად სხვას დანიშნავენ, მგ მარტო ლაბორატორიაში ვიმუშავებო, შენ კი სკოლაში, ხატვას შეასწავლი ბავშვებს, შესაძლოა რომელიმე მათგანში ნიჭიცი აღმოაჩინო და ამისათვის დიდად დაგაფასებენო... თათია და სანდრომეთქი? ვკითხე და მეკვთა: თათია და სანდრო? აგიჩემებია თათია და სანდრო, თათია და სანდრო უშენოდაც იცხოვრებენ თბილისში, ნიკო და თეკლე მიათვალყურებენ, მორჩა და გათავდაო. შენ ვერ

ელევი თბილისს, შენ სოფელი გძულს, სოფელში სული გეხუთება და თათიას და სანდროს ებლაუქებიო... სიცრუეა!

ეგებ ავჩქარდი? არა! ყველაფერი ავწონ-დავწონე და მერე გადავწყვიტე.

მძიმეა ეს გზა, მაგრამ ამ გზაზე ბევრს გაუვლია და მეც გავევლი..."

— ხომ არ აჩქარდი, რუსუდან? — შიშდაკრული ხმით თქვა ნიკომ და თვალები დახუჭა, თვალდახუჭული უფრო გავიგონებ რუსუდანის ხმასო.

— არა! ყველაფერი ავწონ-დავწონე:

რომ შენი შვილი ვარ.

რევაზ ჩაფიჩაძის მეუღლე.

თათიას და სანდროს დედა...

ავწონ-დავწონე და მერე გადავწყვიტე.

ყოველი სიტყვა გარკვევით გაიგონა ნიკომ და თვალები უფრო დახუჭა, გული ეკარგება ნიკო დიასამიძეს, გონება ეჭვობა, ყური უყრუედება, ენა უშეშდება, ძელსკამი ირყევა და ძელსკამთან ერთად ნიკოც ბარბაცებს, სადაცაა ძელსკამიდან გადმოვარდება, შეეშველეთ!

— მამი! — ხმამალლა თქვა რუსუდანმა, ნიკოს მკერდზე დაადო ხელი და ოდნავ შეარყია.

ნიკომ თვალები გაახილა, შუბლზე მიმოიხევა ხელი, თავი გააქან-გამოაქანა, თითქოს ფიქრები შემოიბერტყაო და ძელსკამიდან ადგა.

— ჰო, ჩემი თავი ჯანდაბას! დედაშენი? დედაშენი ისედაც შერყეულია და ახლა გაგიყდება...

— ყველაფერი ძველებურად იქნება, მამი, — მშვიდად თქვა რუსუდანმა. — მე და თათია თბილისში ვიცხოვრებთ, რევაზი და სანდრო ხემაღალში. წინანდელივით ხანდახან ჩამოგვაკითხავენ თბილისში მამა და შვილი... ჰო, ყველაფერი ძველებურად იქნება. მამი...

— რევაზი ჩემთან ერთად რომ მოდის თბილისში?

— ვიცი. ზვიადს მოელაპარაკება. ეგებ ხემაღალში ჩამოიყვანოს ზვიადი, რევაზს აგრონომიკ კირდება და ფიზკულტურელიც.

რუსუდანი ძელსკამიდან ადგა.

— თქვენ ხვალ თბილისში გაემგზავრებით, თათია და მე ზეგ გაგრაში წავალ.

— სანდრო და დარეჯანი?

— სანდროს აქ ურჩევნია. ცხენი. სატეველა. ბურთაობა. კოკი. თათიას და მე დარეჯანი არ გვჭირდება და დარეჯანიც აქ დარჩება.

ჭიშკარი გაიღო. ეზოში რევაზი შემოვიდა. ოდისკენ მიდიოდა, ნიკოს და რუსუდანს რომ მოჰკრა თვალი, მათკენ გადმოუხვია.

რუსუდანი სამზადში წავიდა.

მერე ყველაფერი ისე მოხდა, როგორც რუსუდანმა თქვნიკო და რევაზი თბილისში გაემგზავრნენ.

რუსუდანი და თათია გაგრაში.

სანდრო და დარეჯანი ხემაღალში დარჩნენ.

## თ ა ვ ი მ ა ხ უ თ ი

პატარა ეკატერინემ სატეველადან რეთრი ქეები ამოაზიდინა და ჭიშკრიდან ოდასახლის კიბემდე ისე დააწყო, ქვაფენილი გეგონებოდათ.

მერე პატარა ეკატერინემ მეურნეობიდან თუთის ნერგები მოიტანა და ჭიშკრიდან ოდასახლის კიბემდე ჩაამწყკრია.

ახლა დათოვლილია თუთის ნერგები.

წელს ოქტომბერიც არ იყო მიწურული და სანისლეს ქელი გადაითეთრა.

მერე ხემაღალის დობერებსა და ზეგნებზეც ჩამოთოვა მსუბუქი, მშრალი, ჭრიჭინა თოვლი.

წაიშალა ბილიკები და ორშარები, დაიბარდა ეკალნარი და ძეძვიანი, აქახჭახდნენ სუროებში შებუღრებული შაშვები.

ბუხარში ნაკვერჩხალი ღუის, დაბალ სამფენა სკამზე ზის დიდი ეკატერინე, მაგიდაზე რვეულები დევს, მაგრამ რვეულებისთვის არა სცალია დიდ ეკატერინეს, გაღუებულ ნაკვერჩხალს ჩასცქერის და ფიქრსა ფიქრობს.

„გუნება გამოეცვალა ჩემს ეკას, ნამდვილად!“

ბუხარში ნაკვერჩხალი ღუის, ზალაში თბილა, და მაინც ზურგზე შალი მოუხურავს დიდ ეკატერინეს.

ეს შალი პატარა ეკატერინემ მოუქსოვა, თბილია და ლბილი.

გაუსწორებელი რვეულები განზე გასწია, საქსოვი მოიძია, წინდისჩხირებს შეეთამაშა და ისევ ნაკვერჩხალს გაუსწორა თვალი.

„გუნება გამოეცვალა ჩემს ეკას. ნამდვილად:

თვლებში ლიცლიცა სხივი ჩაუდგა.

წარამარა ეცვლება ფერი სახისა.

ტუჩის უბეები უტოკავს.

შფოთიანად სძინავს.

ახალი კაბები შეიკერა. წინანდელივით თვითონ კი არ შეიკერა... სამსახურის საქმე მოიმიზეზა და თბილისში წავიდა. ვითომ გამოაპარა ეს ამბავი დიდ ეკატერინეს? კარგად მეყოლეთ: მაგრამ დიდმა

მკატერინემ კრინტიც არ დაძრა, არც კი გამოუკითხავს თბილისის ამბები.

სიარულიც რომ გამოეცვალა?“

ასეთი შეშინებული ნაბიჯებით არ დადიოდა პატარა ეკატერინე. ვზოს მოახლოებული გამოიქცეოდა. სიმღერით შემოიჭრებოდა სახლში, ახალ ამბებს ჩაუმარცვლავდა დიდ ეკატერინეს და ხელსაქმეს გამოსტაცებდა — პატარა ეკა რაკი მოვიდა, დიდმა ეკატერინემ დაისვენოსო და ტრიალებდა და ტრიალებდა ოდაში და სამზადში, ეზოსა და ბოსტანში.

ახლა?

კარგა ხანია მისი სიმღერა არ გაუგონია დიდ ეკატერინეს. უხმაუროდ შემოაღებს ჭიშკარს, ქურდული ნაბიჯებით ამოივლის კიბეს და უხალისოდ შემოდის სახლში.

მალაც დაეკარგა პატარა ეკატერინეს.

ბელურასავით იციცქნება. ხან ის პატარა ლუქმაც გაუქვევდება პირში, თვალები აემღვრევა და გაოგნებული ზის, მაშინ დიდი ეკატერინე განგებ ჩაახველებს, ან ჯამ-ჭურჭელს გადაადგალებს სუფრაზე და ხმაურზე შეტოკდება პატარა ეკატერინე, პატარა ტუჩებს ააცმაკუნებს, ვითომ ხალისიანად ილუქმება, მერე დაღლას მოიმიზებებს. ზანტად წამოდგება, თავის ოთახში ლასლასით შევა, ტახტზე მიწევება და თავს მოიმძინარებს.

შარაგზაზე ვინმემ თუ ჩაახველა, ტახტიდან ფეთიანივით წამოიჭრება და აივანზე გავარდება.

ვილატას ელოდება პატარა ეკატერინე.

დღეს აღრე დაწვა.

შეღამდა თუ არა, თქვა თავი. მტკიეაო და დაწვა.

...ნაკვერჩხალი ინავლება და სითბო უნელდება ბუხარს, სანაცვლოდ შალს ემატება სითბო, ბუხართან შალმოხვეული ზის დიდი ეკატერინე და წინდისჩხირები თავისთავად ქსოვენ ხელთათმანს.

„აიცივდა. ეკას ოთახში ბუხარი არ ანთია და უფრო ეცივება“.

საქსოვს ხელი შეუშვა, უხმაუროდ გამოაღო პატარა ეკატერინეს ოთახის კარი.

ოთახში შუქი ანთია, ეკა პირაღმა წევს, მარცხენა ხელი თავქვეშ ამოუღვია და მკერდზე საბანი გადაძრობია. მშვიდად, მსუბუქად სინნავს, პერანგქვეშ რიტმულად უტოკავს ძეძუსთავები და პატარა ტუჩებზე ოდნავი, სულ ოდნავი ღიმილი დაჭდობია.

ფანჯარა ღია დაუტოვებია, ღამის სიცივე შემოჭრილა ოთახში, მაგრამ პატარა ეკატერინეს არ სცივა.

დიდმა ეკატერინემ ფანჯარა დახურა, შუქი გამორთო და აჩრდილივით გავიდა ოთახიდან.

„უბედური! საწოლთან რევებ ჩაფიჩაძის სურათი უკიდია... ეკითხე, ეგ სურათი საიდან გაჩნდა-მეთქი და გაწითლდა, გაწითლდა და ეკრაფერი თქვა. ხელახლა რომ ჩავკითხე, სანდრომ მომიტანაო, იცრუა,—ნამდვილად იცრუა... ვთქვათ და, სანდრომ მოუტანა მამამისის სურათი, ჰო, ვთქვათ, მოუტანა, სასთუმალთან სანდრომ ჩამოუკიდა? ვითომ რევებ ჩაფიჩაძემ არ იცის, მისი სურათი ეკას სასთუმალთან რომ უკიდია?“

აქანდაზით ნაკვერჩხლები მიმოჩხრიკა, წიფლის ნაპობი შეაგდო ბუხარში და მაგიდას მიუჯდა.

„ნამეტანი მოიშინაურა სანდრო და უთუოდ რევების სიყვარულით. სანდრო ნიჭიერი მოწაფეაო, მერე რა? იყოს ნიჭიერი მოწაფის გამორჩევა მასწავლებლის მიერ არააუბედოგოა. გულში შეიძლება მოესიყვარულოს ნიჭიერ მოწაფეს, თვალებით და სიტყვით კი არა, არავითარ შემთხვევაში! ეს კი სულში იძვრენს: დილით სანდრო გამოუვლის და სკოლაში ერთად მიდიან, დაუმთავრდება სანდროს გაკვეთილები და ეკაც ვერ ჩერდება, სანდროც საჯარისოზე ტრიალებს და ეკას ელოდება... კლასებს შეგიცვლი, ეკა! ჰო, კლასებს შეგიცვლი. მეშვიდე კლასს გურგენიძეს ჩავაბარებ, შენ კი მეხუთეში დაგაბრუნებ. — ვგრძნობ, გურგენიძე უკმაყოფილოა, მაგრამ ჩემი ერიდება და არაფერს ამბობს, ერთხელ კი შემახსენა — ხერგაში მეშვიდე და მერვე კლასებს ვასწავლიდი და კლასები რატომ შემიცვალეთო. შენი ბრალია, ეკა, ჰო, შენი ბრალია, შენ შემაცდინე და ზვალვე გამოვასწორებ შეცდომას“...

ზალაში ეკა შემოვიდა.

— სიზმარს აჰყევი? — ცივად ჰკითხა ეკატერინემ.

პაუზა.

— რაო, ახლაც გძინავს? — შეუწყრა ეკატერინე.

— საუბარმა გამომალღიძა, დედი! — მშვიდად თქვა ეკამ და ორგვლივ მიმოიხედა.

— საუბარმა? — შეიკვირვა ეკატერინემ.

— ვილაც ხმამალა გელაპარაკებოდა, დედი!

დედი ეკატერინე შეკრთა.

— მერე-და, სტუმართან პერანგისამარა გამოლიან?

— ვინ იყო, დედი!

— არავინ ყოფილა და არც არავის ველოდები. წადი და დაიძინე, დილით წისქვილში ხარ წასასვლელი.

— ვიცი, სანდროსაც წავიყვან.

— სანდროს მოეშვი! — იფეთქა ეკატერინემ და თვალი გაუყარა — ზვალიდან მეთხე და მეხუთე კლასებში გადაინაცვლებ, მეექვსე-მეშვიდეს...

— ხვალ კვირაა, დედი! — შეაწყვეტინა ეკამ.

— ბოდიში! მაპატიეთ! ზეგ იყოს, დიახ, ორშაბათს, — უფრო ეფეთა ეკატერინემ, — ლია გურგენიძეს შეუცვლი კლასებს. თავი-დანვე შეცდომა იყო. წადი, დაიძინე.

ეკა თავის ოთახში შეიჭრა, სინათლე აანთო და ლოგინში ჩაწვა.

კედლისკენ გადაბრუნდა, კედლიდან ზევან ჩაფიჩაძის თვალებმა შემოხედეს და ეკა შეშინდა, შუქი გამორთო და თავზე საბანო წაიხურა.

და სიბნელეშიც იმზირება რევან ჩაფიჩაძის თვალი, ლოგინში შემოუჭრა ეკას, მკერდზე დააცქერდა და ეკამ ხელები დაიფარა ძუ-ძუებზე და რევან ჩაფიჩაძის თვალი მანაც ხედავს, როგორ უტოკავს ეკატერინეს ძუძუსთავები... მერე თვალში გაუყარა თვალი და ეკას თვალში შემალული ცრემლი დაინახა რევან ჩაფიჩაძის თვალმა. გაუღიმა, გაუღიმა და წამწამები წამწამებზე მიაღო — „ნუ გეშინია, ეკა!“ ჩურჩულით თქვა რევან ჩაფიჩაძის თვალმა.

...სიმღერა. ტაში. გულასპირ ჩაფიჩაძის ოდასახლის აივანი. რევან ჩაფიჩაძე და პატარა ეკატერინე ცეკვავენ... რევან ჩაფიჩაძის თვალმა ეკას სულში ჩაახედა და შეატოკა და მერეც, ცეკვა რომ დამთავრდა და სუფრას შემოუხსდნენ, პატარა ეკატერინეს გულში ისარივით იყო ჩარკობილი რევან ჩაფიჩაძის თვალი.

...მერე? სამი წლის მერე, სწორედ წელს, ერთი თვის წინათ, რევან ჩაფიჩაძის „კაბინეტში“ შევიდა პატარა ეკატერინე.

— ძია გულასპირი არ ბრძანდება?

— სახერხშია, — თქვა ჩაფიჩაძემ და გაუღიმა.

— სახერხში წავალ...

— მეც იქ მივიღივარ. წავიდეთ, — თქვა რევან ჩაფიჩაძემ და წავიდნენ.

ოლაგე. ეკა შედგა.

რევან ჩაფიჩაძემ მკლავებში ჩააგლო ხელები, ღონიერად ჩააგლო, ასწია და ოლაგეზე გადასვა

— გულასპირს რისთვის ეძებ?

პატარა ეკატერინე გაწითლდა და გაირინდა.

„რომ არაფერი ვუთხრა, იფიქრებს, გულასპირთან არაფერი ესაქმება, ჩემს სანახავად მოვიდოა“.

— ხერგაში მიდის და რაღაც მინდა დავაბარო.

— გულასპირი კი არა, ხერგაში მე მივიღივარ, დამაძარეთ! — თქვა რევანმა და პატარა ეკატერინეს მხარზე მსუბუქად დაადო მარჯვენა.

პატარა ეკატერინე კვლავ გაირინდა და ლოყები გაუწითლდა... უფრო დაბლა: დახარა თავი.

— თქვენ ვერ შეგაწუხებთ! — ჩურჩულით თქვა პატარა ეკატერინემ.

— რაო, მე ვერ შემაწუხებთ? — ვითომ გული მოიყენა რევაზ ჩაფიჩაძემ, — დედაშენს ვეტყვი, ასე უცხო სახლით რომ მექცევი, მე ჩემიანად მეგულები! — თქვა რევაზ ჩაფიჩაძემ, ორივე ხელით თავი მალა აუწია პატარა ეკატერინეს, თვალებში ჩახედა, ჯერ შუბლზე და მერე ლოყაზე აკოცა... პატარა ეკატერინე გაიტრუნა, მერე მხრებზე შემოაქლო ხელები რევაზ ჩაფიჩაძეს, მიიზიდა, ტუჩებში აკოცა და გაიქცა. ჩიტივით გადაფრინდა ოლაგეზე და გაიქცა, ოღონდ სახერხისკენ კი არა, სახლისკენ მიფრინავდა პატარა ეკატერინე.

„უთუოდ დედაჩემს უთხრა, ამიტომაცაა აღრენილი დედა“.

ბუხართან შალმონხურული ზის დიდი ეკატერინე და წინდისჩხირები თავისთავად ქსოვენ ხელთათმანს.

„მომიგონა, ხმამალა. ლაპარაკობდიო, სიზმარს აპყვა და დაიწყებინა. გამიეშმაქდა პატარა ეკა! პატარა? ალუ-ალუ, ოცდაშვიდი წლის ქალო. ეგებ ჩემი ბედი გიწერია, უბედურო?“

და საიდანღაც ზურაბ ბარბაქაძე გამოეცხადა დიდ ეკატერინეს. გვერდით დაუჭდა, ჯერ მწყურალად გამოხედა, მერე თვალი ჩაუკრა და გაუღიმა.

— დავიჭერო, არავის უყვარხარ, ეკა? — ცოცხალივით შეეკითხა ზურაბ ბარბაქაძე.

და დიდი ეკატერინე შეტოკდა, თვალი გაუშეშდა, ლოყები შეეფაკლა, ენა დაუმუნჯდა და ვერაფერს ამბობს.

— მაშ არავინ შეგიყვარა? — თვალი ისევ ჩაუკრა ზურაბ ბარბაქაძემ და დამცინავად გაუღიმა.

— არავინ! — ხმამალა თქვა ეკატერინემ და გაიღიმა.

— საღიმოლო არაფერია, ეკა, მამიდაშენის გზაზე დამდგარხარ. პაუზა.

— მი-წა. წყა-ლხ. ჰაე-რი. ცე-ცხლი. — დამარცვლა ზურაბ ბარბაქაძემ.

— ეპიკურე! — წამოიძახა ეკატერინემ.

— დიახ ეპიკურე! — ეპიკურე ჰგმობს ქედმალლობას და სიამაყეს — შენ კი, ამაყი ხარ! ჰო, მამიდაშენმა გაგზარდა ასეთი ამაყი! — მერე ყურში ჩაუჩურჩულა, — მამიდაშენი კარგი ქალი იყო, ეკა, მაგრამ უკარებელი და მის ხელებს არავინ გაუთბია... ჰო, მამიდაშენის ხელებს არავინ გაუთბია, ეკა!

და ზურაბ ბარბაქაძე ადგა, მხარზე დაუთათუნა ხელი ეკატერინეს, მოეფერასავით. — თენდება და სატეველაზე მეჩქარებაო, — თქვა, უკანა კარიდან გავიდა და კარი ღიად დატოვა.

...ბუხართან შალმონხურული ზის დიდი ეკატერინე, წინდისჩხირები



თავისთავად ქსოვენ ხელთათმანს და მაგიდაზე გასასწორებელი რვე-  
ულები აწყვია.

სუსხი და სინათლე შემოჰკრილა ზალაში.

„ეკას ოთახში ბუნარი არ ანთია და უფრო ეციება“.

შეშისათვის უკანა აივანზე გავიდა.

გათენებულა. წუხელ მოუყინავს და ხემაღალის ცა გადასარკუ-  
ლა, ანათებს დათოვლილი სანისლეს ქედი, სერებს და დობერებს ამო-  
მავალი მზის შუქი ეთამაშება.

— ქვევით წავიდეთ!

რევან ჩაფიჩაძის ხმა შემოესმა ეკატერინეს, თვალები მოისრი-  
ნა და ჰიშკარს გახედა. ჰიშკართან სანდრო და რევანი. ს. დრო თხი-  
ლამურებზე შემდგარა, ზურგზე ნაკრაულა ჰკიღია და ეკატერინეს  
ოღისკენ იმზირება.

— ქვევით მივდივართ, სანდრო! — ხმამალა თქვა რევან ჩაფი-  
ჩაძემ.

სანდრო ნელა, სულ ნელა გასრიალდა მოყინულ თოვლზე და  
უკან რევანზე მიჰყვა.

— სანადიროდ მიდიან. — თავისთვის, ჩუმად თქვა ეკატერინემ  
და შუბლზე ხელი მოიჩრდილა.

„მართალი ნაბიჯებით მიდის... ჰო, მართალი ნაბიჯებით მიაბიჯებს  
რევან ჩაფიჩაძე მოყინულ თოვლზე. დიახ, სიარული სიარული სა-  
ოცრად ამხელს ადამიანის ბუნებას: შემტვეი ნაბიჯით მოსიარულე  
ადამიანი საშიშია, ძალზე საშიში, მას უკმარი ბუნება აქვს, ის ყო-  
ველთვის უკმაყოფილოა, ამის მიზეზად სხვას სთვლის და ის სხვა  
ხელში თუ მოიგდო, მოგუდავს, გასრესს, გააჩანაგებს... ფრთხილი,  
მორიდებული და გამოზომილი ნაბიჯით მოსიარულე შემტვეი ნაბი-  
ჯებით მოსიარულეზე უფრო საშიშია, — შენიღბულია, მორიდებული  
ნაბიჯებით მოსიარულე. კეთილშობილი, უმწიკვლო ადამიანის როლს  
თამაშობს, სახე ყოველთვის საღიმილოდ აქვს შემზადებული, თით-  
ქოს დიდად გაიხარა შენთან შეხვედრით, გულში კი ღვარძლი აქვს  
ჩაგებული და გადაგებს... უხმაუროდ მიაბიჯებს, ვითომ არავინ შევა-  
წუხო, ნამდვილად კი ყველანი და ყველაფერი ფეხებზე ჰკიღია...  
დიდად საშიშია მორიდებული ნაბიჯით მოსიარულე ადამიანი. ეს  
ჩინებულად ვიცი, არ მოვტყუვდები... რევან ჩაფიჩაძის ნაბიჯი ხან  
სწრაფია, ხან შენელებული და ფიქრიანი, ხანაც უდარდელი, — და  
ეს ბუნებრივია — ზოგჯერ გვეშურება, ზოგჯერ გულმოსული ვართ,  
ზოგჯერ მხიარული, — დიახ, მე სიარულში გამოვიცნობ ადამიანს“...

წუხელ მოუყინავს და ხემაღალის ცა გადასარკულა, თეთრად ანა-  
თებს სანისლეს ქედი, მზის შუქი დასდგომია ხემაღალის დობერებს  
და დიდი ეკატერინე ხედავს თოვლში თავამოყრილ ვაზის ლერწებს,

თითქოს ვერძების ურიცხვი ფარა დაბანაკებულა ხემაღალის დობე-  
რებზე, თოვლში ჩაწოლილან ვერძები და რქები ზევით აუყრიათ და  
ეს დაგრეხილი რქები ცისა და მიწის შემაერთებელ სითეთრეში ყა-  
ვისფრად გამოსჭვივიან.

„პო, წუხელ მოუყინავს და ცივა. ეკას ოთახში ბუხარი არ ენთო  
და უფრო ეციება“.

წიფლის ნაპობები ამოიიღლია და ეკას ოთახში შევიდა.

ისევ პირალმა წევს ეკა. მარცხენა ხელი თავქვეშ ამოუდვია.  
მკერდზე საბანი გადასძრობია და მსუბუქად სძინავს. პერანგისქვეშ  
რიტმულად უტოკავს ძუძუსთავები და პატარა ტუჩებზე ოღნავი,  
სულ ოღნავი ღიმილი დაქლობია.

## წიგნი მერე

### ნაწილი პირველი

#### თავი პირველი

ღილით ზარის ხმამ გამოაღვიძა.

საათს დახედა. რვა საათი იყო. ეცნაურა.

როცა რეზო ჩაფიჩაძე ხემაღალის სკოლაში სწავლობდა, სკოლას  
დარაჯი ჰყავდა — ნადიკენარი გუგა ჩაფიჩაძე. გუგა ოსტატურად  
რეკდა სკოლის ზარს.

ღილის რვა საათისათვის გაბმულად ჩამორეკდა: „აღექით!“  
„აღექით!“ „აღექით!“ ბუბუნებდა სკოლის ზარი და მისი ხმა ხემა-  
ღალის ყველა უბანში ისმოდა.

რეზო ლოგინიდან ავარდებოდა, წიგნებს და რვეულებს ჩანთაში  
ჩააწყობდა, ხელ-პირს დაიბანდა და სამზადში შეიჭრებოდა.

სამზადში მოფუსფუსე დედა მელიკი დახვდებოდა და ტაბაკზე  
გაწყობილი საუზმე: გაფიცებული ჭადი, ყველი და რძე.

და როცა გუგა ჩაფიჩაძის ზარი ცხრისნახევრისთვის ჩამორეკ-  
და — გამოეშურეთ, არ დაგაგვიანდეთო, რეზო ჩაფიჩაძე უკვე სკო-  
ლაში იყო, ეშინოდა დაგვიანებისა. ყველა მოწაფეს ეშინოდა სკო-  
ლაში დაგვიანებისა, მაგრამ სოფლის განაპირა უბნებში მცხოვრებ  
ბავშვებს ზანდახან მაინც აგვიანდებოდათ.

უცნაური დარაჯი იყო გუგა ჩაფიჩაძე: ზუსტად ცხრა საათისათვის სკოლის ჭიშკართან ჯარისკაცებით გაიჭვივებოდა; ჭიშკარი ღია იყო. მაგრამ დაგვიანებული მოწათფები ეზოში შესვლას ვერ ბედავდნენ. დიდი ეკატერინე, ვითომ შემთხვევით გამოვიდოდა სკოლის აივანზე, გრძელ აივანს ნელი ნაბიჯით ბოლომდე გაივლიდა, მერე ვითომ შემთხვევით გამოიხედავდა ჭიშკრისკენ და გუგა ჩაფიჩაძეს დაუყვავებდა.

— ამ ერთხელ გამოატარეთ, გუგა ბატონო!

გუგა მოიღრუბლებოდა. მწყურალად გამოიხედავდა ეკატერინეს და გულმოსულად ჩაიბურღოუნებდა:

— „ამ ერთხელ“ არ გამოგელევათ. ქალბატონო, და ფუქლებიან ეს ოხრები!

მერე გუგა ჩაფიჩაძე დაგვიანებულ მოწათფებს ზურგს შეაქცევდა და მზერას ზეცაში ალაპყრობდა — შემოეხეტენით, ვითომ მე ვერ გხედავთო.

და როგორც ოცდაათი წლის წინათ, დღესაც ზარის ხმამ სკოლისკენ მოუხმო რევაზ ჩაფიჩაძეს. ისე სახელდახელოდ, სწრაფად ჩაიხვია, როგორც მოწათფობისას, ხელ-პირი დაიბანა და სამზადში შევიდა. სამზადში ალექსანდრე ფუსფუსებდა და ტაბაქზე საუზმე იყო გაწყობილი: ხაჭაპური, შემწვარი წიწილი, გაფიცებული ქაღი, ქყინტი ყველი, პრასის წნილი, დოქით ღვინო.

— როდის მოასწარი, მამი! — გაიკვირვა რევაზმა.

— მე? ჰოო... არა... — დაიბნა ალექსანდრე.

პაუზა.

— პატარა ეკამ მოიტანა.

— პატარა ეკამ? რატომო? — რატომღაც გულმოსულად თქვა რევაზმა.

— დედამ მოგიკითხათო, — კალათი აივანზე დადო და გაიქცა. სკოლის ზარმა მეორედ ჩამორეკა.

— სანდრო? — იკითხა რევაზმა და სამზადი მოათვალიერა.

— ადრე წავიდა.

პაუზა.

— შენ ისაუზმე, მამი, მე სკოლაში წავალ, საქმე მაქვს, — თქვა რევაზმა და სამზადიდან გავიდა.

ეზო ნელი ნაბიჯით გაიარა, ოლაგეს მსუბუქად გადაახტა, მერე, სკოლაში არ დამაგვიანდესო, ნაბიჯს აუჩქარა.

...მესამე ზაფხულია რუსუდანი და თათია ცალკე არიან, სანდრო და მე — ცალკე. მესამე ზაფხული რატომ? მთელი მესამე წელიწადი! შარშანწინ მხოლოდ ერთი კვირა იყვნენ სოფელში, შარშან კოჯორში მოიაგარაკეს, წელს კი, გაგრას მიაშურეს... თუმცა შეთანხმებული კი ვიყავით, როგორც კი სამხატვრო ტექნიკუმის მოსწავლეებს დაითხოვდნენ, რუსუდანი და თათია ხემალალში ჩამოვიდოდნენ, ხოლო აგვისტოში ყველანი ერთად წავიდოდით გაგრაში. მერე საქმეები მოიმიწუნა რუსუდანმა, ჩემი თბილისში დარჩენა აუცილებელია, მე მარტო ვერ გავძლებ და თათიაც ჩემთან დარჩებაო.

თათია წელს არ შედის უცხო ენათა ინსტიტუტში. საერთოდ უარი თქვა ინსტიტუტში სწავლაზე, კონსერვატორიაში შესვლა მოუსურვებია და დედამისსაც მხარი აუბამს: დალი გარდაფხაძეზე უკეთესი სმენა აქვს ჩემს ქალიშვილს, დაკვრითაც უკეთ უკრავსო და ღმერთო კი მომკალი, დალი გარდაფხაძე თუ მოეწყოს კონსერვატორიაში, თათია ჩაფიჩაძე რატომ არ უნდა მოეწყოსო, — უბრძანებია რუსუდანს და კიდევაც გაიტანს თავისას. ამიტომაც წელს მოამზადებს თათიას და გაისად ჩააბარებინებს გამოცდას კონსერვატორიაში.

ჰო, გაგრას მიაშურეს. რუსუდანმა მომწერა, შგნ თუ ვერ ჩამოხვალ, სანდრო მაინც გამოგზავნეო. მე წასვლა არ შემეძლო, სანდროს კი შეეთავაზე წასვლა, მაგრამ იუარა, შავ ზღვას სატეველა მირჩევნიაო, მითხრა და არც მე დავაძალე.

გაგრიდან გამომგზავრების დღეს არ შემატყობინა რუსუდანმა იფიქრა, რევაზმა კარგად იცის, როდის და რომელი მატარებლით წავალთ მე და თათია თბილისში და, თუ სურვილი აქვს, ხერგას სადგურზე დავგვხვდებო.

ჩემზე გულმოსულია, მაგრამ სანდრო? სანდრო არ ენატრება? მე ყოველთვის თუ არა, ორ თვეში ერთხელ მაინც თბილისში ვარ, სანდრო კი შარშან საშვიდნოემბროდ, მხოლოდ ორი დღით მყავდა თბილისში... მიკვირს, ძალიან მიკვირს, ქალბატონო რუსუდან, თქვენი საქციელი!

...რუსუდანი ფიქრობს, კიდევ ერთი წელი და ხემალალში რევაზ ჩაფიჩაძის საქმე მოთავდება: სოფელი თითქმის ამოსახლდა, თუთის ხეები დაიზარდნენ და ლაბორატორია მუშაობს, ვაზი წელს პირველ ნაყოფს გამოისხამს... სკოლის ახალი შენობის აგება პქონდა ამოჩემებული და ესეც აშენდა! რას გააკეთებს ხემალალში რევაზ ჩაფიჩაძე? ჰო, რა უნდა გააკეთოს? მეურნეობის დირექტორობას ვერ შევლევა? არა, ასეთი არ გახლავთ რევაზ ჩაფიჩაძე! მე შენ გეტყვი, ვინმე იუარებს გამართული მეურნეობის დირექტორობას! ლაბორატორიის ხელმძღვანელიც გამოიძებნება, რევაზ ჩაფიჩაძეს შეუძლებ და ქალიშვილი თბილისში ჰყავს, სახლი აქვს და კარი, ინსტიტუტი

ელოდება, პოდა, ადგება და წამოვა თბილისში, — დიანაც ეყო რევანზ ჩაფიჩაძეს ოჯახისგან განდგომა! მიხვდა, კიდევ კარგი, რომ მიხვდა, მადლობელიც გახლავთ, რუსუდანმა თავისი რომ გაიტანა.

დიდი-დიდი ერთი წელიწადი და რევანზი და სანდრო თბილისში გადმობარგდებიან. თბილისში ჩვენი ჩასვლის დღეც კი იცის რუსუდანმა. პო, დილით გამთენიისას დაირეკება ჩვენი კომპიუტერის ზარი, თათია ძილფხიზელია, პირველად ის გაიგონებს ზარის ხმას და კომპიუტერის გასაღებად გამოიქცევა, ფართედ გააღებს კომპიუტერს და მამას მკერდზე შეაფრინდება. სანდრო კიბეს სულმოუთქმელად აირბენს, დედის ოთახში შეიჭრება და ლოგინში შეუგორდება... სახელდახელოდ მოიჩრთება რუსუდანი და მეუღლეს გამოეგებება, ვითომ მწყურალად გამოხედავს, მაგრამ გულში უხარია, გულის სიხარულს კი ვერ დამალავს რუსუდანი, ხელს ჩამოართმევს მეუღლეს და გაუღიმებს... რევანზი დარცხვენილია, თვალს ვერ უსწორებს მეუღლეს, თავს დაბლა დახრის და ხმადაბლა, ძალიან ხმადაბლა იტყვის:

— მამაკიე, რუსუდან! აჰა, ჩამოვედით...

ასე ფიქრობს რუსუდანი, ფიქრობს კი არა, დანამდვილებით სჯერა.

...ვიცოდი, ოცდაათ აგვისტოს ჩამოვიდოდნენ გაგრიდან და უქველად სოჭის მატარებლით, ვაგონი №7. კარგად მახსოვს, სანატორიუმ „თბილისის“ დამსვენებელთათვის სოჭის მატარებელზე მხოლოდ მეშვიდე ვაგონშია ბილეთები დაჯავშნული.

სალამოს ხერგაში წავალთ-მეთქი, ვუთხარი სანდროს და ნასადილევს დავაძინე, რვა საათი ვახდა და გამოღვიძებას არ აპირებდა, შემებრალა, მაგრამ მაინც გავაღვიძე, მინდოდა ხერგაში დალაშქვამდე ჩავსულიყავი. რატომღაც ღამით მანქანის ტარებისა მეშინია, როცა მარტო ვარ, იმდენად არა, მაგრამ თუ ვინმე მიზის მანქანაში, ნამდვილად მეშინია.

ხერგას რომ მივუახლოვდით, მხოლოდ მაშინ მკითხა სანდრომ, რატომ მოვდივართ ხერგაშიო. დედაშენი და თათია თბილისში მიდიან და სადგურზე უნდა დაეხვედეთ-მეთქი.

— წერილი მოიწერეს?

პაუზა.

— შემოგვითვალეს, — ვიცრუე მე და სანდროს თვალი აგარიდე.

— ვაგონი? — ჩამკითხა სანდრომ.

— მეშვიდე... — დარწმუნებით ვთქვი მე და მანქანა სასტუმრო „უღელტეხილთან“ გავაჩერე.

— ჩვენი სახლი! — თქვა სანდრომ.

საათს დავხედე, მატარებლის ჩამოდგომას ბარე ორი საათი

უკლდა. სანდროს ეშიება, ცოტას წავახემსებ-მეთქი და „ულელტენი-ლის“ დიდ დარბაზში შევიყვანე.

დარბაზი სავსე იყო ხალხით და მთელი დარბაზი ერთი სუფრა იყო. ეს სუფრა ჩერ წრედ უვლიდა დარბაზს. მერე ორ ადგილას ხი-დივით კედლიდან კედლამდე იყო გადაჭიმული, დარბაზის შუაგულ-ში მრგვალი მაგიდა იდგა, მრგვალ მაგიდას ხუთიორდე კაცი უსხდა და სუფრა ყვავილებით იყო სავსე.

სანდროს ხელი ჩავავლე და კარისკენ გავაბიჯე და თითქოს იატაკიდან ამოიჭრაო, ჩვენს წინ დიომიდე არჩვაძე აღიმართა.

— ბატონო რევაზ, გთხოვთ, — ლიმილით თქვა დიომიდე არჩვაძემ, ჩემი პასუხისათვის არ დაუტეია, მარჯვენა მე ჩამავლო, მარცხენა სანდროს და მრგვალ მაგიდასთან მიგვიყვანა.

დარბაზს თვალი მიმოვაველე. სუფრაზე ბევრი ნაცნობი იყო.

— ბატონებო, — დაიბუხუნა პატივცემულმა დიომიდემ, — ბენიერ ქორწილს ძვირფასი სტუმარი შემოესწრო — და მექორწილეთ ჩემი თავი წვრილად წარუდგინა: ჩვენი საყვარელი და დიდად პატივსაცემი პროფესორი დიანაც რომ სხვანაირი პროფესორი გახლავთ. ღრმად განსწავლულ რევაზ ჩაფიჩაძეს ზოგიერთივით ცისკენ კი არ აქვს თავი აღერებულო, ხალხში ტრიალებს და დედულეთ-მამულეთის დიდი მოსიყვარულეაო და ასეო და ისეო... არც მეურნეობა დაივიწყა პატივცემულმა დიომიდემ, არც თუთის პლანტაციები, არც აბრეშუმის ქია და კატეგორიულად განაცხადა — ახალი პიესა დაწვე-რეო „აბრეშუმის ქიის ძალა“. პიესაში მთავარი მოქმედი პირები სწორედ რევაზ ჩაფიჩაძე, ეკატერინე ხიდაშელი, ალექსანდრე და გულასპირ ჩაფიჩაძეები არიანო და იმ პიესას მალე წარმოვადგენ თქვენს დიდად საყვარელ ხერგას სახალხო თეატრშიო; პირველად კი, როგორც სიურპრიზი, ეს პიესა ხემალალის მეურნეობის მოედანზე დაიდგმებაო... მერე რუსუდანი, თათია და სანდრო შეაქო რუსუდანიო, ბრძანა ბატონმა თამადამ, ჩვენი რესპუბლიკის ერთი უნიკიერესი მხატვარიო (დანამდვილებით ვიცი, რუსუდანის არცერთი სურათისათვის თვალი არ შეუვლია პატივცემულ დიომიდეს), მაგრამ მისგან მომავალში კიდევ უფრო მეტს მოველით და დარწმუნებული ვართ, ქალბატონი რუსუდანი მისი ნიჭის თავყვანისმცემლების იმედს გაამართლებსო... ისეთი ლამაზი და ეშხიანი ქალიშვილი ჰყავს ქალბატონ რუსუდანსო, დედა ხომ ლამაზია და ლამაზი, მაგრამ ნუ მიწყენს და ქალიშვილის ჩრდილი გახლავთო, სანდრო კი, ავერ მხარს რომ უმშვენებს საყვარელ მამას, თვითონვე ხედავთ, როგორი შეღერებული ყმაწვილია, ნიჭიერებას კი ნუ იკითხავთო, ყველა მასწავლებელი პირდაპირ გაგიყებულება მისი ნიჭიერებითო. მამაჩემს როგორ დაივიწყებდა — ალექსანდრე ჩაფიჩაძე შებერებულია, მაგრამ

ქაბუკივით მოუსვენარია, მარტო ოჯახში კი არა, მეურნეობაშიც თავ-  
კაციაო... აბა ექსტრა, ყველასთან ალავერდი ვარო, ყანწი გამოცალა,  
ჩახველა, ხმა კიდევ უფრო დაიბოხა და ძალიან ხმამაღლა შესძანა, —  
„ჩვენს რევაზ ჩაფიჩაძეს გა-უ-მარ-ჯოს!“ და მთელმა დარბაზმა, დიო-  
მიდეს მეთაურობით, სამეგრეო დაიგუგუნა — „ჩვენს რევაზ ჩაფიჩაძეს  
გა-უ-მარ-ჯოს!“

მერე მე ყანწი შემივსო დიომიდემ, სანდროს პატარა ჭიქა და  
დაუყვავა, შენ ამით დამილიე, ბიძიკო, სამაძლობელიო: შეგვასვა და  
ნეტე-დედოფალი წარმოგვიდგინა.

პატარძალი: ჩვენი პატარძალიო, ბრძანა თამადამ, ბიჭაჰია საკან-  
დელიძის ქალიშვილი გახლავთო, ისტორიკოსი ბრძანდებო, მართა-  
ლია, ქუთაისის პედინსტიტუტის დაუსწრებელი ფაკულტეტი დაამ-  
თავრა, მაგრამ დასწრებულის დამთავრებულზე მეტი ცოდნა აქვსო.  
ხოლო თვითონ ბიჭაჰია საკანდელიძე ფუტკარივით მშრომელი და  
დიდად საყვარელი კაცი რომ გახლავთ, ჩემზე უკეთ მოგეხსენებათ  
და ამიტომაც ბიჭაჰიაზე არაფერს ვიტყვიო...

ეს მართალი ბრძანა პატივცემულმა დიომიდემ, მე კარგად  
ვიცნობ ბიჭაჰია საკანდელიძეს: ხერგადან ხემაღალში გზა რომ გაგ-  
ვეყვდა, მშენებლობის მომმარაგებელი იყო ბიჭაჰია საკანდელიძე,  
კეთილშობილ კაცად მივიჩინე, მისი მუშაობითაც კმაყოფილი ვი-  
ყავი და ვენდობოდი. ერთ მშვენიერ დღეს წერილი მივიღე, — ეს  
ქურდი და ღვთისგარეგანი ბიჭაჰია საკანდელიძე სულში რომ ჩაიძ-  
ვრინე, რაშია საქმეო. მართალია, მოუცლელი ბრძანდებით, მაგრამ  
როგორმე ერთხელ ჯორჯიაშვილის ქუჩაზე გაიარეთ და № 12 სახ-  
ლი და მისი ეზო-კარი შეათვალიერეთო: ამ თქვენს საყვარელ ბიჭაჰია  
საკანდელიძეს მოტიტვლებულ ეზოში ერთოთახიანი ფიქრული ედ-  
გა და ერთ წელიწადში იმხელა ხვითო როგორ აპოვნინეთო, ორ-  
სართულიანი სახლი რომ წამოჰქიმაო. ხუთასი ძირი ვაზი ჩაყარა და  
ასამდე მსხალი, ვაშლი და კომში დარგო, ეზო მავთულის ბადით  
შემოღობა, კიშკარი რკინისა დაიკიდაო. თუ მოისურვებთ და ბიჭა-  
ჰია საკანდელიძის სახლში შებრძანდებით, ბევრ სხვა რამესაც ნა-  
ხავს თქვენი თვალიო და ჩვენ, გზის მშენებლები, წინადადებას გაძ-  
ლევთ, ეს ქურდი და ღვთისგარეგანი მოგეაშორეთო. წერილს ბარე  
ათი კაცი აწერდა ხელს. 7

ზერელე შემოწმებითაც ყველაფერი დადასტურდა. ბიჭაჰია  
საკანდელიძე სამუშაოდან მოიხსნა და გზისმშენებელთა განცხადება  
და შემოწმების მასალები პროკურატურას გადაეგზავნა. საქმეს რომ  
გაეცვენენ, გვაცნობეს, საკანდელიძე სასამართლოს წინაშე წარსდგე-  
ბაო, მაგრამ სასამართლოს არ განუხილავს ბიჭაჰია საკანდელიძის

საქმე... აშბობენ, რაიადმასკოში მიეშველაო და სამსახურიდან მოხსნა აკმარაო.

საკანდელიძე კარგახანს არ გამოჩენილა ხალხში. მერე ხერგას ღვინის ქარხანაში მოეწყო და ახლა აგერ რესტორანში იხდის ქალიშვილის ქორწილს.

თამადა რომ მადლეგრძელებდა, მაშინ შემომხედა ბიჭაქია საკანდელიძემ, ფეხზე ადგა, გამიღიმა და გაწითლდა. მე უხერხულობა ვიგრძენი, დაბრძანდით-მეთქი, ეთხოვე ბიჭაქიას, ისიც უმაღლეს ვენა სკამზე, თავი ხელებში ჩარგო და გაირინდა.

სიძე: ახლა სიძე-ბატონზე მოგახსენებთო, ბრძანა პატივცემულმა თამადამ და ხმა უფრო დაიბოხა, — ჩემი ახლო ნათესავია სიძე-ბატონიო, კოკინია ამაშუექელის შვილიშვილი გახლავთ და ჩემი მეუღლე ამაშუექელი რომ ბრძანდება, უექველში გეცოდინებათო, მაგრამ უმთავრესი ისაა, რომ ჩემი ნათლულია სიძე-ბატონი. ჰოდა, დედით ამაშუექელია ბიჭაქია საკანდელიძის სიძე, მამით კი სიმონია და სოლში ჩასაძვრენი ყმაწვილიაო. მართალია, ვერც ქუთაისის და ვერც თბილისის ინსტიტუტებში ვერ მოეწყო და თქვენ ჩემზე უკეთ იცით, რატომაც ვერ მოეწყობოდაო, — გადმომკრა დიომიდე არჩვაძემ, — მაგრამო, არ იფიქროთ, ჩემი ნათლული რომ არის, იმიტომ ვაქებდეთ, ღმერთმა ინსტიტუტდამთავრებულებს მისცეს მაგისი განათლება და შრომისმოყვარეობაო, აგერ, ბარე ხუთი წელია რაიუნივერსიტეტის სექციის გამგეა და ერთი საყვედურიც არ მიუღიაო... ჰოდა, ჩვენ ვართ შემსწრენი შესანიშნავი დაწყვილებისა, კიდევ ერთმა ახალმა კერამ დაისაძირკვლა საქართველოს ცისქვეშ და ეს ახალი კერა დამილოცეთ, რევაზ ბატონოო...

ყანწი დიომიდე არჩვაძემ გადმომცა, სიძე-ბატონმა შემივისო, დაელოცე ნეფე-დედოფალი, მერე ბატონ თამადას მოეუბოდიშე და გამოვეთხოვე.

კარებში შადიმან შარანგია იდგა.

მოგვესალმა, სანდროს მხრებზე მოუთათუნა ხელი და სახეში: ჩააცქერდა.

— რამხელა გაზრდილხარ! მიცანი, ბიძიკო?

სანდრომ დაიმორცხვა და თავი დაბლა დახარა, მერე ხმადაბლა, ძალიან ხმადაბლა თქვა:

— გელას მამა!

— ჰო, გელას მამა ვარ! — გაუხარდა შადიმანს, — შენ მეცხრეში ხარ, ხომ? გელაც მეცხრე კლასშია და დღეს წავიდა თბილისში. შენც თბილისში მიდიხარ?



— არა! — გათამამდა სანდრო, — მე ხემაღალის სკოლაში ვსწავლობ.

— ოჰო! — ვითომ გაიკვირვა შადიმანმა, — მაშ ხემაღალის სკოლაში სწავლობ? ყოჩაღ შენ! გელა კი თბილისში სწავლობს. ახლა საით თქვენი მგზავრობა?

— სადგურზე, — ვთქვი მე და შადიმანს სიგარეტი მივაწოდე.

— ერთი თვეა არ გავკარებივარ, — ხელი გულზე დაიდო შადიმანმა, — ამან დამიძახა, რევაზ ბატონო. სადგურზე? — გაიკვირვა. — თბილისში მიდიხარ?

— რუსუდანი და თათია გამოივლიან სოჭის მატარებლით.

— ააა, მივხვდი! რომ მცოდნოდა, ჩემიანებსაც ამ მატარებლით ვავამგზავრებდი.

ქუჩაში გამოვედით, ხევისწყლბდან ნიავე ქრის და გრილა.

— მაშ ხემაღალში სწავლობ? დედის და დაიკოს აცილებთ თბილისში? კარგია! — თქვა შადიმანმა და სანდროს ისევ მხრებზე მოუთათუნა ხელი.

ჩვენი ოჯახის ამბავი წვრილად იცის შადიმან შარანგიამ: რუსუდანი და თათია მთელი ზაფხული გაგრაში იყვნენ და დღეს თბილისში მიდიან. მე და სანდრო ხემაღალში ვცხოვრობთ. დარეჯანი გავითხოვედა და სახლში ახლა სამი მამაკაცი ვართ. — ალექსანდრე, სანდრო და მე. ლილიმ ზვიადი მიატოვა, ნიკო ბატონი და ქალბატონი თეკლე ცდილობენ რძალი შინ მოაბრუნონ, მაგრამ ჭერჭერობით ეერაფერი მოახერხეს... ჰო, ჩვენი აწეწილი ამბავი წვრილად იცის შადიმანმა. ის კი ისეთ რამეებს კითხულობს, ვითომ არაფერი იცოდეს.

სანდრო მანქანაში ჩავსვი, შეგიძლია ერთი საათი დაიძინო-მეთქი. მე და შადიმანი ქუჩის მეორე მხარეს გადავედით და ხევისწყლის პირას ძელსკამზე დავსხედით.

აქ გავაკებულა ხევისწყალი, კალაპოტიც ფართო აქვს და უხმაუროდ მიედინება. ხანდახან მსუბუქად გაიშრიალებს ტალღა; მაგრამ ეს შრიალი უმალვე შეერწყმის სიჩუმეს და არავითარი ჩამიჩუმი.

ძელსკამზე ვზივართ, სახეში გვანათებს რესტორნის ფანჯრებიდან გამოჭრილი შუქი, მე სიგარეტს ვეწევი, შადიმანს თავი ჩაუქინდრავს, ვაკვირდები და მუდამ შემართული, შედერებული და ხალისიანი შადიმანი. მოთენთილი. სევდიანი და დაღლილი მეჩვენება.

— ქორწილებს ხშირად იხდიან რესტორანში? — სხვათაშორის ვკითხე შადიმანს.

— არც ისე. — უხალისოდ თქვა შადიმანმა და ჭიბიდან სიგარეტი ამოიღო.

— აკი არ ვეწევიო?

— ხანდახან. ვითომ დარღს ვერკეები.

— ბიკაქია საკანდელიძეს ორსართულიანი ოდა უდგას. დიომიდე არჩვაძის ნათლული ჩაუსიძებია: რატომ სახლში არ იხდის ქორწილს? პაუზა.

— ერიდება სტუმრების სახლში მიყვანას, — ირონიულად თქვა შადიმანმა.

— ნაქურდალის გამოჩენას! მაგრამ რესტორანი უფრო არ ყვირის?

— ქორწილს სიძე იხდის, — თქვა შადიმანმა და მოუწეველი სიგარეტი ხევისწყალში ისროლა.

— ეტყობა, სიძეც ღონიერია!

— თუ დაეკიდა, სიმამრს წააქცევს, — ღიმილით თქვა შადიმანმა, — მაგრამ სიძეს რას ვერჩით, შრომისმოყვარეა, შეძლებული ოჯახის შვილია, ახალგაზრდა დედ-მამა ჰყავს... ქონების შექმნა ცუდი როდია, ბატონო რევაზ, ოღონდ უკუღმართად შექმნილი ქონება ყარს და ჰაერს წამლავს.

შადიმანი ადგა. საათს დახედა.

— ჩემი ბარათი არ მიგიღიათ? — მკითხა შადიმანმა და თვალს გამისწორა.

— არა.

— თქვენი საბარგო მანქანის მძღოლს გამოვატანე გუშინ.

— არ მიმიღია.

— ხვალ მიიღებთ. პასუხს ნუ მომწერთ. პასუხისათვის მე თვითონ ამოვალ ხემალაღში.

პაუზა.

რესტორნიდან სიმღერის ხმა გამოიჭრა.

შადიმანმა ისევ დახედა მაჯის საათს.

— სადგურზე გამოგყვებოდით, მაგრამ, ეტყობა, ქორწილი ეშხში შევიდა და ჩემი. იქ ყოფნა აუცილებელია.

ბოდიშით გამოემშვიდობა და რესტორნისკენ გააბიჯა.

სანდრო არ გამოკალვიძო-მეთქი და მანქანის კარი ფრთხილად გავალე.

— მამი, არ ვიგვიანებთ? — მკითხა სანდრომ და ხმაზე შევატყვევლე ვადა.

— ახლავე წავალთ. — ვთქვი მე და მოტორი ჩაერთე.

„წასვლით კი წავალთ, მაღე სოჭიდან თბილისში მიმავალი მატარებელიც ჩამოდგება ხერგას სადგურზე, მაგრამ ხომ შეიძლება იმ მატარებელში რუსუდანი და თათია არ აღმოჩნდნენ? სამხატვრო ტექნიკუმში ხომ პირველ ოქტომბერს იწყება სწავლა, თათიასაც არაფერი ესაქმება თბილისში და რუსუდანი და თათია...“

— მამი, მე შევიდე ვაგონია, ხომ? — მკითხა სანდრომ.

— აქი გითხარი, დაგავიწყდა? — ცოტა არ იყოს მწყურალად ვთქვი მე და მანქანა დაეძარი.

„ჰო, ხომ შეიძლება, თათიას და რუსუდანს ჯერ არც უფიქრიათ გაგრიდან გამომგზავრება. თბილისში ცხელა და მათ გაგრაში დარჩენა გადაუწყვეტიათ, — მე კი სანდრო ხემალიდან ჩამოვიყვანე, ზერგას სადგურზე ვდგავართ და სოქის მატარებელს ველოდებით... კარგი საქმეა!“

ჰა და ჰა, მატარებელი ჩამოდგება. მე ველავ, სანდროც ერთ დღილზე ვერ ჩერდება და რამდენჯერმე მკითხა, — სადაც ჩვენ ვდგავართ, აქ ჩამოდგება მეშვიდე ვაგონი?

ელმავალმა მიაკივლა და სადგურის ბაქანი აფუსფუსდა.

შემოდის მატარებელი. ეტყობა ვაგონებში ძალზე ცხელა, ფანჯრები ბოლომდეა ჩაწეული.

მეშვიდე ვაგონი სწორედ იქ ჩამოდგა, სადაც სანდრო და მე ვდგავართ.

— დედა! — შესძახა სანდრომ.

რუსუდანი ფანჯარასთან იდგა; სანდრო და მე რომ დაგვინახა, ჯერ ვითომ გაიოცა, მერე ხელი დაგვიქნია და გაგვიღიმა.

— გამარჯობა, რუსიკო, — ხმამალა ვთქვი მე, ვაგონთან ახლოს მივედი და მარჯვენა გავუწოდე.

რუსუდანმა ცივად ჩამომართვა ხელი.

სანდრო ვაგონში ავიარდა, დედას მიეჭრა, აებლაუჭა და სახე დაუკონა.

კუბედან თათიამ გამოვიდა. ახლა თათიამ დაისაკუთრა სანდრო, რუსუდანი მათ შესცქერის და დაეინახე, რუსუდანს თვალეზი აუცრემლდა.

თათია ისე გაშავებულა, არაბი გეგონებათ. თვალის გუგები თეთრი, ძალიან თეთრი, კბილებიც ძალიან თეთრი ნამდვილი არაბია თათია. რუსუდანსაც ჭარბად მოჰკიდებია მზე. ადრე კი მზეს არ იკარებდა რუსუდანი, ეტყობა, ქალიშვილმა აიყოლია.

თათია ფანჯარას გადმოეყრდნო, მე ცერებზე შევდექი, ერთმანეთს მივეწვდით და ვაკოცეთ. რუსუდანსაც შეეძლო ასე მოქცეულიყო, მაგრამ რუსუდანმა არ მოისურვა. მე უნდა ავსულიყავი ვაგონში; თავდაპირველად ეს ვერ მოვიზარე და ახლა უკვე გვიანაა.

— მამი, რატომ არ ჩამოხვედით გაგრაში? — მეკითხება თათია. პაუზა.

— როგორ ხარ, რუსიკო! — ხმამალა ვთქვი მე და რუსუდანს თვალეზში შევაცქერდი.

— კარგად! ძალიან კარგად! — თქვა რუსუდანმა და გამიღიმა.

გულში: „ვითომ არ იცი, როგორა ვარ! განგებ მეკითხები! იცი,

ძალიან კარგად იცი, მოუსვენარი და აწეწილი ვარ, იმ იმედით წავედი გაგრაში, რომ შენ და სანდრო ჩამოხვიდოდით. ჰო, შენ მოცლა არ გაქვს, მაგრამ სანდრო? სანდრო რატომ არ გამოუშვი გაგრაში? ჯიბრში მიდგებარ? და მეკითხები, როგორა ხარო, გრცხვენოდეს”.

— შენ, თათი? დღელამე წყალში იყავი, არა?  
თათია ხელით მანიშნებს, გაჩუმდით.

— რუსიკო, მე საშვიდნოემბროდ ჩამოვალ.

— კარგი იქნება, — ცივად თქვა რუსუდანმა.

— სანდროსაც ჩამოვიყვან.

რუსუდანმა გამიღიმა.

გულში: ნოემბრამდე თუ ვერ მოახერხებს რევაზ ჩაფიჩაძე თბილისში ჩამოსვლას, საშვიდნოემბროდ აუცილებლად ჩამოვა; სანდროსაც ჩამოვიყვან და ორად-ორი დღე დარჩებიან თბილისში... შეიძლება მანქანითაც ჩამოვიდნენ და თათიას და რუსუდანს ქალაქგარეთაც კი გაასეირნებენ... დიდი იმედია! ნოემბრამდე ორი თვეა, სამოცი დღელამე!

— ბაბუა ალექსანდრე როგორაა, მამი! — მეკითხება თათია.

— ბაბუა ალექსანდრე გულმოსულია შენზე. — ჩემს მაგივრად უპასუხა სანდრომ.

თათია თვალეებში ჩააცქერდა სანდროს.

— რატომ?

— რატომ და, კოჭორსა და გაგრაში რომ დადიხარ და ბაბუასთან რომ არ ჩამოდი...

— მართალს ამბობს, მამი?

— კი, მართალს ამბობს. — დავემოწმე სანდროს.

რუსუდანი მიხვდა, სანდრომ დედას ვერ შეჰხვდა და თათიას უსაყვედურა. კარგადაც მიხვდა რუსუდანი, არ ესიამოვნა სანდროს ასეთი სითამამე; უხერხულობა იგრძნო, და მომეჩვენა, თითქოს დამცინავად გამიღიმა რუსუდანმა და მაგრძნობინა — მიგიხვდი, შენი სათქმელი სანდროს ათქმევიანო.

მე გულში: რუსუდანმა კი არ მოიკითხა მამამთილი. რუსუდანი გულმოსულია მამაჩემზე, — ალექსანდრე რომ არა, მე! არ წამოვიდოდი სოფელში, აი, ამაში ღრმადაა დარწმუნებული რუსუდანი. წამოსულიყო ეს კინკილა ბერიკაცი თბილისში, ეცხოვრა. შვილთან და შვილიშვილებთან! გააჩქადა — დედ-მამის კერას ვერ გავაცივებო ხემაღალში... თავის ვაჟიშვილს კი უცივებს კერას თბილისში; აუწეწდაუწეწა ოჯახი. არის ახლა არხეინად, არც კი ახსოვს რძალი და მიტომაც არ მოიკითხა ალექსანდრე ჩაფიჩაძე რძალმა...

— დარეჯანი როგორაა, მამი! — ისე, სხვათაშორის იკითხა თათიამ.

— დარეჯანი გაგვითხოვდა. — ვთქვი მე და რუსუდანს გავუღიმე.  
— უი! — შეჰკივლა თათიამ.

— იმიტომაც დარჩა სოფელში. — დარწმუნებით თქვა რუსუ-  
დანმა, — მერე სანდროს თავზე გადაუსვა ხელი და ხმამაღლა უთხრა:

— შენ თბილისში წაგიყვან, სანდრო, მამაშენი ვერ მოგივლის  
შენ!

— ვნახოთ. — ვთქვი მე და საათს დავხედე.

კიდევ სამი წუთი უკლია მატარებლის წასვლას. სულ სამი წუთია,  
რაც ჩამოდგა და ჩვენ სათქმელი მოვათავეთ. უცნაური კია, დიდ-  
ხნის უნახავები შევხვდით, ერთმანეთს ორიოდ სიტყვით გავეპასუ-  
ხეთ და სათქმელი გავვითავდა.

ძალიან მინდა გავესაუბრო რუსუდანს, თათიას ჭკუა, დავარიგო  
და ვერ ვახერხებ. რუსუდანიც არაფერს ამბობს და ცივი გამოხედ-  
ვით მტუქსავს: თუ არაფერი გქონდა სათქმელი, რა საჭირო იყო ეს  
შეხვედრაო. არ გელოდითო, ვერ იტყვის რუსუდანი, ვაგონში ყვე-  
ლას ეძინა, მხოლოდ რუსუდანი და თათია იყვნენ ფხიზლად, რუ-  
სუდანი ღია ფანჯარასთან იდგა, თავი გარეთ ჰქონდა გამოყოფილი  
და უთუოდ შორიდანვე დაგვინახა სანდრო და მე. კი, დარწმუნებუ-  
ლი იყო რუსუდანი, სანდრო და მე ზერგას სადგურზე დავხვდებო-  
დით სოკიდან თბილისში მიმავალ მატარებელს. ჰოდა, დავხვდით,  
რუსუდანმა ვითომ გაიკვირვა, მაგრამ გაუხარდა, ძალიანაც გაუხარ-  
და, სანდროს და მე გავვიღიმა და ხელი დაგვიქნია: შეეხვდით. მერე?  
რუსუდანს ვკითხე, როგორა ხარ-მეთქი. კარგად, ძალიან კარგადო,  
მიპასუხა რუსუდანმა. საშვიდნოემბროდ ჩამოვალ თბილისში, სან-  
დროსაც ჩამოვიყვან-მეთქი და რუსუდანმა ცივად თქვა, შენი ნე-  
ბააო, მორჩა და გაათავდა. დგას რუსუდანი ვაგონის ღია ფანჯარასთან.  
ცივი თვალებით დამკვიერის ზევიდან და გულში მტუქსავს. ვითომ  
რუსუდანს შემოელია სათქმელი? დიხაც ბევრი აქვს რუ-  
სუდანს სათქმელი, მაგრამ არ ამბობს, დარწმუნებულია უთქმელ-  
დაც მიეუხვდები მე, მე კი, ვერაფერს მიემხვდარავარ და გამიქვავებია  
ენა.

ღიღი, ძალიან ღიღი დრო ყოფილა ექვსი წუთი და როგორც იქნა  
მიიღია. სანდროს ავძახე, ჩამოდი-მეთქი, რუსუდანმა და თათიამ კი-  
დეე ჩაჰკოცნეს სანდრო. სანდრო ვაგონიდან ჩამოვიდა, ორივე ხელი  
მაგრად ჩამავლო მარჯვენაში და მომეკრა. ცახცახებდა სანდრო.

მატარებელი დაიძრა, რუსუდანი და თათია უფრო გაღმოეყრდ-  
ნენ ფანჯარას და ხელებს გვიქნევენ, სანდრომ და მეც დაუუქნიეთ  
ხელები. თათიამ ცხვირსახოცი დაგვიქნია, სანდრომაც დაუქნია  
ცხვირსახოცი...

ნელა, ძალიან ნელა დაიძრა მატარებელი, მერე უცებ ელმავალმა გაბმულად მიაკივლა და ხალხით გაჭედილი ვაგონები თბილისისკენ გააქანა. წავიდა, გაქანდა ჩვენი მეშვიდე ვაგონიც და წაიყვანა ჩვენი რუსულდანი და თათია.

მატარებელი უკვე შორსაა ჩვენგან, რუსულდანი და თათია მაინც ფანჯარასთან დგანან, კისრებს იგრძელებენ, სადგურისკენ იხედებიან და ხელებს გვიქნევენ. სანდრო და მე იქ ვდგავართ, სადაც მეშვიდე ვაგონი ჩამოდგა და ჩვენც ხელებს ვუქნევთ თბილისისკენ მიმავალ მატარებელს, თუმცა მატარებლის მხოლოდ ხმაური-ლა გვესმის. მატარებელი გამალებით მიჰქრის თბილისისკენ და უფრო და უფრო გვაშორებს ერთმანეთს.

მჯერა, რუსულდანმა და თათიამ მოიწყინეს, ისეე ღია ფანჯარასთან დგანან და ნაღელიანად გასცქერიან სიბნელეს.

სადგური განათებულია და დაცარიელებული, თითქოს თბილისში მიმავალ სოკის მატარებელს მარტო სანდრო და მე დაეხვდით, თითქოს მარტო მეშვიდე ვაგონი ჩამოდგა ხერგას სადგურში და იმ მეშვიდე ვაგონში მარტო რუსულდანი და თათია იყვნენ.

ნელა, ძალიან ნელა კი დაიძრა მეშვიდე ვაგონი, წამდვილად ენანებოდა ხერგას სადგურის დატოვება, მაგრამ უცებ გაბმულად მიაკივლა ელმავალმა, მეშვიდე ვაგონიც გაქანდა და მალე მიეთარა თვალს.

ხერგას სადგური განათებულია და დაცარიელებული. სამორიგეოში წითელქუდიანი მორიგე ფხიზლობს და ახლა თბილისიდან როსტოვში მიმავალ მატარებელს ელოდება.

სანდროს და მე არაფერი გვესაქმება თბილისიდან როსტოვში მიმავალ მატარებელთან, ვტოვებთ სადგურს, ვსხდებით მანქანაში და ხემაღლისკენ მოვეშურებით.

...მანქანა ჩქარა წამოვიყვანე. მოტეხილს გამოვცდით, გზა სატყველას ხეობაში შემოიქრა. მდინარის ხმაური შემოგვესმა და სანდრო გახალისდა.

— რატომ არ თევზაობ, მამი?

— დრო არ მაქვს.

— ბადეს / მათხოვებ?

ბაუზა:

— შეგიძლია ბადის სროლა?

— კოკინიას ბადით მე ვიჭერ, — კოკინიას ბადე ჩვენს ბადეზე დიდია! — დარწმუნებით, თან ოდნავ ტრაბახით თქვა სანდრომ.

— თუ ასეა, შენი იყოს ჩემი ბადე.

სანდროს გაუხარდა და საჯდომზე შესწორდა, მხრებში გაიმართა.

— აბა, ხვალ დილით წავალ სათევზაოდ.

— მარტო არ წამოხვიდე სატეველაზე.

— ბაბუა ალექსანდრე არ გამომიშვებს მარტო...

„ხვალ დილაუთენია სანდრო ჩემს ბაბუს მოიგდება მხარზე და სათევზაოდ წამოვა. სანდრომ კარგად იცის, თევზები დილაუთენია ტოვებენ ჭილებს და საუზმეს ეძებენ. ბაბუა ალექსანდრე მარტო არ გამოუშვებს სანდროს და ორივენი დილაუთენია მოაშურებენ სატეველას. სატეველას მურწყს დაიჭერენ და სალამოს, როცა მე შინ მოვალ, კეცზე შემწვარ მურწყას დამახვედრებენ. ბაბუა ალექსანდრე იტყვის — სანდრო ძალიან ყოჩალი მებადური ყოფილაო, სანდრო დაიმორცხვებს, მაგრამ გულში კი გაიამაყებს. მე გემოს გავუსინჯავ თევზს, მომეწონება და ვიტყვი — ასეთი გემრიელი მურწყა ჯერ არ მიჭამია-მეთქი, და სანდრო უფრო დაიმორცხვებს, ქვეშად გამომხედავს, მართალი თქვა თუ არა მამაჩემმაო და როცა დარწმუნდება, თევზი მართლა მომეწონა, თავს ნამდვილ მებადურად წარმოიდგენს და გულში უფრო გაიამაყებს.

მოსახვევი დაიწყო და მანქანის სიჩქარე შეეანელებ.

— ცუდად ხომ არა ხარ. მამი! — შეშინებული ხმით მკობხა სანდრომ.

— არა. ცოტა დავიღალე.

— აწი მალე ჩავალთ. — თქვა სანდრომ და დამშვიდდა.

— კი, მალე ჩავალთ. შენ გეძინება?

— არა, არ მეძინება. — თქვა სანდრომ და შხრები შეათამაშა.

— ჰო, მალე ჩავალთ, დავწვებით და დავიძინებთ.

„სანდრო დაწვება და დაიძინებს. ბალიშზე დადებს თუ არა თავს სანდრო, უმალვე ჩაეძინება... მე კი, ამაღამ არ დამეძინება. ძალიან დაღლილი ვარ, მაგრამ ვიცი, მაინც ვერ დავიძინებ... ტუსუდანი და თათია მატარებელში სხედან და თბილისში მიდიან, სანდრო და მე მანქანაში ვზივართ და ხემაღალში მოვემგზავრებით... ეს ამბავი ოღონადაც არ ადარდება სანდროს. უკვე თხუთმეტისა შესრულდა სანდრო და ასე გულცივია დედისა და დის მიმართ. მიკვირს. ძალიან მიკვირს! ეგებ დარდს გულში იხვევს და მე არ მაგრძნობინებს? მე ვებრალები?“

სანდრომ შემატყო, ფიქრმა რომ გამიტაცა.

— ახლა მარცხნივ მოუხვევს გზა; ბოლო აღმართს ავივლით და ხემაღალი გამოჩნდება, მამი!

— კი, გზა მარცხნივ მოუხვევს, ბოლო აღმართს ავითავებთ და ხემაღალში შევალთ. დიდი-დიდი ხუთი წუთი დაგვიკირდეს. შენ გეძინება?

— არა!

„ზედიზედ დაამთქნარა სანდრომ. ძილი მოეკიდა, ცდილობს გა-

მოფხიზლდეს და ვერ ახერხებს; ამბობს კი, არ მეძინებო, ვითომ ვაეკაცობს? ერთი ამას დამიხედეთ! გეძინება სანდრიკელა შენ, მე ხომ ვხედავ, რომ გეძინება... აჰა, აღმართიც ამოვთავეთ! აგერ ჩენი სასლიც ჰო, უკვე მოვედით დაწვები და დაიძინებ..."

ოღაში შუქი ენთო. აივანზე მამაჩემი იჯდა.

მე არაფერი მითქვამს, მაგრამ დარწმუნებული ვარ, მამაჩემმა უეჭველში იცის ყველაფერი. თვითონაც წამოვიდოდა ხერგაში, საღ-გურზე დახვდებოდა რძალსა და შვილიშვილს, მოესიყვარულებოდა, შეეხვეწებოდა და ეგებ სოფელში ამოეყვანა.

ჰო, მე არ გავუბზილე, სანდრო და მე ხერგაში რუსუდანთან და თათიასთან შესახვედრად რომ მივდიოდით, თვითონ კი მიგვიხვდა, მაგრამ არ გვაგრძნობინა. მე არც ახლა მკითხავს არაფერს, მაგრამ სანდროს რომ დაიმართხვლებს, მაშინ კი, მოგეცათ ლხენა, წვრილად გამოჰკითხავს ყველაფერს: — ხომ კარგადაა, ბაბული, დედაშენი? თათია გაიზარდა? ძალიან გაიზარდა? შენზე მალაღია თათია? უნდა იყოს! ჯერ კი იქნება თათია შენზე მალადი, მაგრამ შენ მალე გაასწრებ სიმაღლეში თათიას, შენ ბიჭი ხარ და ბიჭები... რაო, არ აპირებენ ჩვენთან ჩამოსვლას? არაო? ვითომ რატომაო, ჰა? მაშ, არ ჩამოვალთო? არ ჩამოვლენ და იყვენ თბილისში, — გულმოსულად, მაგრამ დანანებით იტყვის მამაჩემი. — რაო, არ ჩამოვალთო? — კიდევ ჰკითხავს სანდროს, სანდრო ვერაფერს უპასუხებს და მაშინ კი იფეთქებს მამაჩემი — ვითომ შენ თათიაზე ნაკლები ხარ, თუ? ღმერთო კი მომკალი? იყოს ის თათია თბილისში, ვნახოთ რამდენ ხანსაც გასძლებს უჩვენოდ, აბა ერთი ვნახოთ!.. რძლის საყვედურს კი არ იტყვის მამაჩემი, რძალი მაინც სხვაა, ჰო, სხვისი შვილია რძალი და სხვის შვილს ვერ გაუჯავრდება ალექსანდრე. ამიტომაც თათია მოიგდო ხელში და თათია დატუქსა. ისე კი კარგად იცის მამაჩემმა; თათიას რომ არავინ ჰკითხავს სოფელში წამოსვლას. რუსუდანია მთავარი. თუ რუსუდანმა მოისურვა, ყველაფერი მორჩება და გათავდება...

მეოთხე საათი იყო დაწყებული, ალექსანდრე და სანდრო რომ დაწვნენ.

მე გავიშლილფე და სამუშაო მაგიდას მივუჯექი. მაგიდაზე წერილი დევს; მივხედი, შადიმან შარანგიას წერილია. წერილი წავიკითხე. ისედაც ცუდ ხასიათზე ვარ და შადიმანის წერილმა გული მატკინა. ძალიან შემებრალა შადიმანი, შევეცდები ხელი მოვეუმართო.

შუქი გამოვრთე და აივანზე გამოვედი.

სივრილეა და სიჩუმე. ისეთი სიჩუმე, ოქართეში! ძროხა რომ იცოხნება, ისიც კი მესმის.

...ახლა მატარებელი წიფის გვირაბიდან გამოსულია და ხაშურს



უახლოვდება. თათიას კუბეში სძინავს. რუსუდანი კი ისევ ვაგონის ღია ფანჯარასთან დგას, გასცქერის სიბნელეს და გულმოსულია ჩემზე.

„ასე არ შეიძლება, რევზ! — გულში ამბობს რუსუდანი, — ალბათ სულ მალე საბოლოოდ დაეშორდებით ერთმანეთს... კარგი ოჯახი კი გექონდა... რუსუდანი მაგარი ხასიათის ქალია, მაგრამ გული მაინც შეუტოვდება და თვალეში ცრემლი მოადგება.

მატარებელი რომ ჩამოდგა და ფანჯარაში რუსუდანს მოეკარი თვალი, სანდროსთან ერთად მეც უნდა ავკრილიყავი ვაგონში. გადაეკოცინიდი რუსუდანს და თათიას და ვიტყვოდი — მოიტათ თქვენი ჩემოდნები, აბა, ვიჩქაროთ! რუსუდანი, ვითომ გაიკვირებდა და მკითხავდა, ჩვენი ჩემოდნები რად გინდაო, როგორ თუ რად მინდა, ვაგონში დაეტოვოთ ჩემოდნები? ჩქარა, თორემ მატარებელი დაიძვრის. რუსუდანის პასუხს არ დავუცდიდი, შევალბედი კუბეს და დარწმუნებული ვარ, რუსუდანის და თათიას არც ისე პატარა ჩემოდნები საწოლზე იქნებოდა დაწყობილი. ხედავთ, თვითონვე შემზადებულან! აბა, თათი, რუსიკო, წავიდეთ. რუსუდანი ვითომ მაინც ვერ მიმიხვდებოდა — სად მივდივართ, რევზ? სად და სახლში! ჰო, სახლში მივდივართ, დედა, ბაბუა ალექსანდრე გველოდება, — შემომეშველებოდა სანდრო. ავილებდი ჩემოდნებს, რუსუდანი და თათიაც უსიტყვოდ გამოიხვედბოდნენ, ჩავსხდებოდით მანქანაში და ჰაილა!

მანქანაში რუსუდანი ჩემს გვერდით დაჯდებოდა. თათია და სანდრო ერთმანეთს ეჩურჩულებიან. რუსუდანი და მე ვღუმევართ. მერე რუსუდანი მიმიხვდებოდა, მასთან სიგარეტის მოწვევას რომ ვერიდები, და ვითომ გულმოსულად მეტყვოდა.

— ვგრძნობ, სული მივდის, მოწიე!

მე უღვაშებში ჩავილიმბედი და რუსუდანს ასანთს გავუწვდილი.

— მომიკიდე, რუსიკო!

რუსუდანი ერთს ვითომ შემომიბღვერდა, მერე ოდნავ, სულ ოდნავ გამილიმბედა და ასანთს გაჰკრაედა.

ჰოდა, მთელი ჩემი ოჯახი მანქანაში მიზის, ვაბოლებ სიგარეტს და მანქანას სატეველას ხეობაში მოეაქროლებ...

ჰო, ასე, ნამდვილად ასე უნდა მოვექცეულიყავი!

მე კი: ჩამოდგა მატარებელი, რუსუდანმა გამილიმა, — გამარჯობა რუსუდან, როგორ ხარ? — კარგად, მიპასუხა რუსუდანმა. მე: საშვიდნოფემბროდ ჩამოვალ თბილისში. ის: შენი ნებაა... და გავვითავდა სათქმელი.

თითქოს დიდი ხნის უნახავ მეუღლეს და ქალიშვილს კი არა, მოჩუქუნულ ნაცნობებს შევხვდი ხერგას სადგურზე. თითქოს კი არა, ნამ-

დვილად შორეულ ნაცნობს შეეხვდი, ერთმანეთი მოვიკითხეთ, სა-  
ოცრად გაიწელა ექვსი წუთი, მერე, როგორც იქნა, მატარებელი  
ზღაზვნით დაიძრა და ერთმანეთს ხელების ქნევით დავემშვიდობეთ.

შემებრალა რუსუდანი, თათიაც შემებრალა და გულის სიღრმეში  
ყრუ ტკივილი ვიგრძენი.

სანდრო დიდხანს უქნევდა ცხვირსახოცს სიბნელეში დაკარგულ  
მატარებელს და სანდროც შემებრალა...

...რუსუდანი და თათია თბილისს უახლოვდებიან, რუსუდანი ისევ  
ვაგონის ღია ფანჯარასთან დგას და ეშინია თბილისს რომ უახლოვ-  
დება.

„ერთხელაც არ წამოსცდა რევანს სოფელში ავიდეთო. ჰო, ერ-  
თხელაც არ წამოსცდა! როგორ ვიფიქრებდი ამას! რა საჭირო იყო  
ხერგაში დახვედრა? ჰო, რისთვის დამხვდა შუალამისას ხერგას სად-  
გურში? რომ ეკითხა, როგორა ვარ? რა საჭირო იყო? აგრე მცოდნო-  
და, არ წამოვიდოდი გაგრიდან. კიდევ შთელი ერთი თვე შემემძლო  
დავრჩენილიყავი გაგრაში. ახლა? ხატვას გულს ვერ ვუღებ და  
უთუოდ უსაქმურობა, სიჩუმე და სევდა გამაგიჟებს...“

თათიას კი სძინავს კუბეში, არხენად სძინავს, გულში თათიას  
ჩიტი უფრთხიალებს და მამის თვალს გაურბის თათიას გული...

ეგებ რუსუდანიც წევს, თვალებიც დახუჭული აქვს რუსუდანს,  
მაგრამ ძილი შორს გაქცევია და ფხიზლობს. — ცოდოა რუსუდანი,  
ღმერთმანი ცოდოა!

„ასე არ შეიძლება, რევანს! ალბათ მალე საბოლოოდ დავშორდებ-  
ით ერთმანეთს... კარგი ოჯახი კი გექონდა“.

ვდგავარ ოდის აივანზე და სადაცაა გათენდება. ჯერ კი ხემაღალს  
სძინავს, თბილისსაც სძინავს ახლა, სოჭიდან თბილისში მიმავალი მა-  
ტარებლის მგზავრებსაც სძინავთ, მარტოდმარტო რუსუდანია ფხიზ-  
ლად, ვაგონის ღია ფანჯარასთან დგას და განთიადსაა დადარაჯებული.

ეგებ განთიადმა გადაუყაროს ჯავრი გულისა...  
ღმერთმა ქნას!

„ასე არ შეიძლება, რუსუდან! თუ ასე გაგრძელდა... მაგრამ არა!“  
ალექსანდრეს და სანდროს სძინავთ, ხემაღალს სძინავს, მე კი  
ფხიზლად ვარ, ოდის აივანზე ვდგავარ და სანისლეს ჭედს გავცქერია,  
უკვე ივერცხლება სანისლეს ჭედი, მალე გათენდება!

ვდგავარ აივანზე, შუბლზე ხელს ვიჩრდილებ, შორს გავცქერია და  
ვხედავ თბილისისკენ მიმავალ სოჭის მატარებელს, მეშვიდე ვაგონს  
ვხედავ, ღია ფანჯარასთან რუსუდანი დგას, თბილისს გასცქერის  
და ეშინია თბილისში ჩასვლისა...

ვხედავ?

ვერაფერსაც ვერ ვხედავ!

თავს ვიტყუებ...

ეგონა ჩქარა მოდიოდა და სკოლაში მაინც დააკვირანდა.

რევან ჩაფიჩაძის სახლიდან სკოლამდე კილომეტრიც არ იქნება, აღმართი კია, მაგრამ არადაკიდებული აღმართი ცხრაწყაროს აღმართებზე სიარული არ ეძნელება რევანს, ხემაღლის აღმართები, კი ხუმრობასავითაა ცხრაწყაროს აღმართებთან, მაინც ერთი საათი მონდომა ერთი კილომეტრის გავლას და უკვე დაღლილიცაა.

სკოლის ჰიშკართან ძელსკამზე დაჯდა.

დღეს მეათე დღეა, რაც შადიმან შარანგიას წერილი მიიღო: წერილის წაკითხვისთანავე გადაწყვიტა, მეორე დღესვე ენახა დიდი ეკატერინე, მისთვისაც წაეკითხა შარანგიას წერილი და დახმარება ეთხოვა. იმ მეორე დღემ დღემდე მოატანა. შარანგია კი პასუხს ელის. მართალია, შადიმანი იწერება, პასუხისათვის მე თვითონ ამოვალო. განა მართლა ვმოვა? როგორ გეკადრებათ! შადიმანი მოკრძალებული კაცია, აგერ ათი დღეა პასუხს ელის, რევანს კი ჯიბით დააქვს შადიმანის წერილი.

ეს ათი დღე უგუნებოდაა რევან ჩაფიჩაძე და საქმეზე გული არ მიუღდის.

ალექსანდრემ უმაღვე შეატყო, ცუდ ხასიათზე რომ ამოვიდა ხერგადან რევანში. იმ დღიდან მოყოლებული გვიან ღვება და სამუშაოზე გვიან მიდის, ადრე კი ბრუნდება, ცოტას წახემსებს და ოთახში შეიკეტება, მასთან არავინ მოდის და თვითონაც არავისთან დაიარება. სამსახურშიც შეატყვეს უგუნებობა, ლაბორატორიის თანამშრომლებმა ვერაფერი შებედეს, გულასპირ ჩაფიჩაძემ კი პირდაპირ დააჯახა:

„რაო, არ ჩამობრძანდა ქალბატონი რუსუდანი? ძნელია ასე ცხოვრება!

— ვიცი, — ყრუდ უპასუხა რევანმა.

— ცოდნა არ კმარა! ამხელა საქმე დაატრიალე და მეუღლისა და ქალიშვილისთვის ვერ მოგივლია, დაგიჭრებს ვინმე ამას?

მაგრად, ძალიან მაგრად შეევაგულიანე და ახლა კი იფეთქებს რევანში, იფიქრა გულასპირმა.

რევანმა არაფერი უპასუხა. თვალი გაუყარა გულასპირს და ისეთნაირად გაუღიმა, აგრძნობინა, ცოტა კიდევ დამაცადეთ ბატონო გულასპირ და მეუღლესაც მოვეუწოდე და ქალიშვილსაცო...

ხალათის ჯიბიდან შარანგიას ბარათი ამოიღო; გადაწყვიტა, ვიდრე ეკატერინეს წაეკითხებდა, ერთხელ კიდევ გადაეკითხა.

...ქვეყანა სცენაა, ცხოვრება მასთან მისასვლელი: მიდი, ნახე, წადი!“ უბრძანებია ბრძენ ფილოსოფოსს და არც მე მოვიციდი დიდხანს — ვნახე და წავალ, მაგრამ სულში ხინჯი მაქვს და ხინჯიანი სულით არ მინდა ამ ქვეყნიდან წაქცევა. სულში დიდი ხინჯი მაქვს, ბატონო რევან! რა ჩავიდინე ასეთი? თქვენ კარგად იცით: ჩემმა პირადმა ცხოვრებამ მომთხოვა, სკოლას განვეერიდე და რესტორანში დავიწყე მუშაობა. ომი ახალი დამთავრებული იყო და სამი შვილის მამა შევემინდი. რატომ უნდა გავიოცოთ ეს? ვიქურდე? ღმერთმანი არა! განა ვაჭრობის ყველა მუშაკი ხელმრუდეა? მაგრამ როგორც დავრწმუნდი, ხალხი ასე. როდი ფიქრობს და რამდენიც არ უნდა ეამტკიცო ახლა მე, ეს ასე არ არის-მეთქი, არავინ დამიჯერებს. და ხინჯი გამიჩნდა სულში, ამ ხინჯმა ხედვა გამიმრუდა, ნაბიჯი ამიშალა, შფოთიანი სიზმრები დამახვია და ლამისაა გული ამომართვას... დამერწმუნეთ, უწინდებურად ვერ ვესიყვარულები ოჯახს, ვერიდები დედასთან შეხვედრას, მას მხოლოდ ბარათებს და მოსაკითხს ვუგზავნი ითხვისში, ყოველ ბარათში ვპირდები მალე გინახულებ-მეთქი და ჩასვლით კი ვერ ჩავსულვარ.

პირველად განათლების განყოფილების გამგესთან საუბარმა შემძრა. იგი მე კარგად მიცნობს და ვთხოვე, რომელიმე სკოლაში ისტორიის ან ქართული ლიტერატურის მასწავლებლად დამნიშნე-მეთქი. შეტოკდა და გაოცებით ამხედ-დამხედა, ძალიან გაიკვირვა, მერე დამცინავად გამიღიმა და პირდაპირ მომახალა — ხატოვნად რომ ვთქვაო, რესტორნის ვირთხას სკოლის კედლებში ვერ შევეშვებო...

გავმრი. უცებ გამახსენდა, რომ ისიც ისტორიულ-ფილოსოფიურ ფაკულტეტზე სწავლობდა და ფილოსოფია მოვიშველიე:

„ის, რაც უარესს, არ ჰყოფს კაცს, არ შეიძლება ვნებდეს. მისი არსების შინაგან თუ გარეგან მხარეს“.

ისევ შეტოკდა, დამცინავად ამხედ-დამხედა, ახარხარდა.

— აუუ; რამხელა სიბრძნე დამახეთქეო (ბოდიში ამ სიტყვისათვის). — მოთხრა და ისევ უაზროდ გაიცინა, მერე საათს დახედა და ყმაწვილივით შეხტა, — ექვს საათზე ფეხბურთის მატჩის რეპორტაჟი იწყებოო ტელევიზიით. ახლა კი ექვსს ათი წუთი უკლიაო, არც კი დამემშვიდობა და კიბეებზე დაქანდა..

მე პირდაპირ პარტრაიკომში წავედი და კონსტანტინე კაკუბერს ვეახელე. ეტყობა, ძალზე ველავდი; კაკუბერმა მკითხა, რა მოგივიდაო. ისეთი არაფერი-მეთქი და შევეცადე თავი დამემშვიდებია, მაგრამ ვერ შევძელი და ძალიან ხმამაღლა ვთქვი, — თქვენი განათლების განყოფილების გამგე თავხედიო, რა უფლება აქვს, მე სასაღილოს ვირთხა მიწოდოს-მეთქი?

კონსტანტინე კაკუბერმა გაიღიმა და მე უფრო ავენთე. — ყვეუ-  
ჩია და ცინიკოსი, ასეთია და ისეთია-მეთქი.

კაკუბერმა ისევ გაიღიმა, ისეთნაირად გაიღიმა, ვერ მივხვდი,  
დამკინოდა თუ მამშვიდებდა. დაწყნარდიო, მითხრა კაკუბერმა, სი-  
გარეტი შომაწოდა. დაბრძანდიო, — თქვა და საეარქელში ჩაე-  
ჩქეი. კაკუბერმა გაიარ-გამოიარა, ჩაახველა და მშვიდად მკითხა,  
რაზე წაიჩხუბეთო. ვუთხარი: თვალეში ჩამაქეირდა და ისევ  
მკითხა, რაზე წაიჩხუბეთო. ვუთხარი. სკოლაში მასწავლებლად?  
ისტორიის მასწავლებლად? კი-მეთქი. განათლების განყოფილების  
გამგე რომ ახარხარა, იქეთნაირად ახარხარა კაკუბერი; მერე მო-  
ზიანლოვდა, მხარზე მაგრად დამკრა მარჯვენა და საათს დახედა.

— სადაცაა სტუმარი ჩამომივა თბილისიდან და შენთან უნდა  
ვაეახშმოო; ახლა წადი და რესტორანს მიხედე, ეგ საქმე ხვალ გაეარ-  
ჩიოთ. — მითხრა კაკუბერმა და კაბინეტის კარებამდე მიმაცილა.

მეორე დღეს დილითვე რევიზორები დამახვიეს. ყველაფერი წეს-  
რიგში მქონდა და რევიზორებმაც შარი ვერაფერი მომდეს. გული  
მოსვლია კაკუბერს, ცუდი რევიზორები გაგიგზავნიათ შარანგიასთა-  
ნო და სხვა რევიზორები დამესხნენ, მათაც ვერაფერი აღმოაჩინეს  
და რაიკომში დამიბარა კაკუბერმა: შენ მართლა გამაგიჟებო, არაფე-  
რი დაგიშავებია და რესტორანს გინდა თავი დაანებო, მეორეჯერ არ  
გამაგონო ასეთი სისულელეო, — ღიმილით მითხრა და დამითხოვა.

...თქვენ გამიგებთ, პატივცემულო რევაზ! ეგებ თქვენი სოფლის  
სკოლაში გამოიძებნოს ჩემთვის მასწავლებლის ადგილი, მიშუამ-  
დგომლეთ ეკატერინე ხიდაშელთან...“

სიგარეტს მოუკიდა და საათს დახედა.

ათი წუთი და ზარი დაირეკება. მივა ქალბატონ ეკატერინესთან,  
წაუკითხავს შადიმანის წერილს, თვითონაც შეეხვეწება; როგორმე  
უნდა უსაშველოს შადიმანს.

— ალექსანდროვიჩს სალაში დილისა! — თავზე წაადგა გულას-  
პირი.

რევაზი ადგა, ხელი ჩამოართვა გულასპირს და სიგარეტი მიაწო-  
და.

— თქვენც სკოლაში? — ჰკითხა რევაზმა.

— დიდ ეკატერინესთან, — რატომღაც ნაღვლიანად თქვა გულას-  
პირმა და სიგარეტს მოუკიდა.

— ზარი მალე დაირეკება და ერთად ვნახოთ.

— დიდი ეკა ავადაა, რევაზ, სახლში წევს.

— გუშინ რომ სკოლაში იყო? — გაიკვირვა რევაზმა.

— საღამო ხანზე გაჩდა ცუდად. გულმა შემოუტია. გატყდა დიდი  
ეკა, ვიდრე გვიჭირდა, მაგრად იყო; საწადელს მიადწია და გატყდა.

დავხედავ, ხომ არაფერი სჭირდება და კანტორაში მერე მოვალ. თქვე გულასპირმა და წასვლა დააპირა.

„დიდი ეკატერინე ავად ყოფილა და ჩვენ როგორღა მოგვიკითხა? რალაცას ეშმაკობს პატარა ეკა“.

რევაზმა მკლავი გამოსდო გულასპირს და ეკატერინე ხიდაშელის სახლისკენ წაიყვანა.

## თ ა ვ ი მ ე ო რ ა

„ახლა კი წავიდეთ!“

ხმადაბლა, ძალიან ხმადაბლა თქვა გაბრიელ კიკნაველიძემ, საბარგო ავტომანქანის კაბინის კარი უხმაუროდ მიიხურა და საკვს მიუჯდა.

„შეეცდი“.

ახლა კი წავიდეთო — გულში თქვა გაბრიელ კიკნაველიძემ, ნამდვილად იცოდა, მანქანაზე დაბრძანებული ცარიელი ქვევრები აიტაცებდნენ გაბრიელის ხმას და გაბრიელმა პირი დიახაც არ გააღო. გულში თქვა — ახლა კი წავიდეთო და საბარგო ავტომანქანა ნელა, ძალიან ნელა დაძრა ადგილიდან.

ხერგადან შეღამებულზე გამოვიდა.

მანქანის ძარაზე თივაა დაფენილი და თივაზე ქვევრებია დასვენებული — სამი ათკოკიანი ქვევრი. ამ ქვევრების გამო წამოვიდა ხერგადან შეღამებულზე. იფიქრა, ეს ცარიელი ქვევრები დღისით რომ ავადმანო ხემაღალში, სასაცილოდ ამიგდებენო.

დიახაც აიგდებდნენ სასაცილოდ: ცარიელ-ტარიელი, უვენახო ეზო და ქვევრები!

მაგრამ გაბრიელ კიკნაველიძეს თავისი ანგარიში აქვს, ჯერ ქვევრებს ააბრძანებს ხემაღალში, ეზოს ყურეში დააბინავებს და მერე...

როგორც კი მოტეხილს გამოსცდა და სატეველას დაემგზავრა გზა, მანქანა გააჩერა, შუქი ჩააქრო, კაბინიდან გამოვიდა, მდინარის პირას ლოდზე ჩაიმუხლა, ხელები წყალში ჩაყო და ჩუმად, ძალიან ჩუმად თქვა:

„გამარჯობა სატეველა!“

ცივი წყალი ეამბ, ხალათის სახელოები აიკაპიწა და მკლავები იდაყვამდე ჩაყო მდინარეში, თავი დახარა და მდინარეს დააყურადა.

აქ ვაკეა და უხმაუროდ, სულ ოდნავი, შრიალით მიედინება სატეველა, ჰოდა, ნამდვილად გაიგონა გაბრიელის ხმა სატეველამ, მაგრამ არ გამოეპასუხა.

„რაო, ჩემზე გულმოსული ხარ, სატეველა?“

სატეველამ ამოიფშენინა, ვითომ რაღაც კი წართქვა სატეველამ, მაგრამ გაგიმარჯოსო არ უთქვამს გაბრიელ კიკნაველიძისათვის...

— ჰოო, მივხვდი, რატომაც არ მიფხარი გაგიმარჯოსო, — შვებით ამოთქვა გაბრიელმა, — ჰოო, შენ აქ ჩემი არა ხარ, აქ სხვისი ხარ შენ! აქ არ მიბანანია მე, ანკესები არ ჩამიყრია აქ... ეგ ძეწნები არ მიცნობენ მე, არც ეს ლოდი მიცნობს... შენ აქ სხვისი ხარ, სატეველა! ეს ძეწნებიც და ეს ლოდიც სხვისია, — ნიგვზიანელებსა! აქ ნიგვზიანელები ხელობდნენ, ნიგვზიანელები ბანაობდნენ... აჰავაი, როგორ შეეცდი! რატომ გავიკვირე, შენად რომ არ მიმიღე? მე ხემაღალის სატეველა მიცნობს, აბესალომ კიკნაველიძის წისქვილთან რომ მიედინება, ისაა ჩემი სატეველა, ის სატეველა მიცნობს მე... შენთვის კი, ნიგვზიანის სატეველავ, ბოდიში მომიხდია... აჰა, ბოდიში მოგიხადე, მჯერა, მაპატიებ და გულდამშვიდებული წაეღ ახლა მე, — ხმადაბლა, ძალიან ხმადაბლა თქვა გაბრიელ კიკნაველიძემ, ხელები ხალათზე შეიმშრალა და ადგა.

ახლაც შეეცდი.

ხმა არ ამოუღია გაბრიელს, გულში მოუბოდიშა ნიგვზიანელთა სატეველას, დააყურადა და ხელები დაუქნია; აჰა, წავედიო, ანიშნა, უხმაუროდ მიიხურა კაბინის კარი და მანქანა ნელა, ძალიან ნელად იძრა და სატეველას ზემოწელს შეუყვია.

„ნიგვზიანელთა სატეველამ ვერ მიცნო და გავიკვირე. კიდევ კარგი, თავი შეიკავა მდინარემ და მაგრა არ შემომიკურთხა! ვინა გდიხარ და. საიდან, მოთრეულხარო, რომ ეთქვა, მართალი იქნებოდა. რას ვუპასუხებდი? შენთან ამივლ-ჩამივლია-მეთქი? რამდენ მავანსა და მავანს აუვლ-ჩაუვლია აქაო, მიპასუხებდა ნიგვზიანელთა სატეველა. ჩემს ეზო-კართან ვისაც კი ჩაუვლია, დამიმახსოვრებია მე? ვერა, ვერ დამიმახსოვრებია; ჰოდა, მდინარე როგორ დამიმახსოვრებდა? მე კი, გული ჩამაწყდა, ვიფიქრე, დედამ შეილი ვერ იცნო-მეთქი“.

მანქანა შეაჩერა, კაბინიდან გამოვიდა და გარშემო მიმოიხედა.

„ახლა სოფელს სძინავს. ჩაფიჩაძეთა უბანსაც სძინავს და. ახალ უბანში ამოსახლებულელებსაც; სოფელში აღრე იძინებენ და დილითაც აღრე დგებიან. ხემაღალში რომ ვცხოვრობდი, მეც აღრე ვიძინებდი და აღრეც ვდგებოდი. ჰოდა, ახლა ყარგა ხნის დაღამებულია, მოვდივარ გაბრიელ კიკნაველიძე, მოვდივარ და ქვეყრები. მომაქვს... კიდევ კარგი, გულასპირ ჩაფიჩაძეს სძინავს და ვერ დამინახავს, თორემ სიცრულს დამაყრიდა... მამა გიცხოვრდება, გულასპირ ჩაფიჩაძე, თებერვალში რომ ორწლიან ნერგებს ჩაყერი და გაისად რთველში რომ მოგიწევ, მაშინა? მაშინაც დამაყრი სიცრულს? ვერ მოგართვი! გავაჯიბროთ ჩაფიჩაძის „ცოლიკოური“ და კიკნაველიძის „ციცქა!“, ჰო, შენი „ცოლიკოური“ და ჩემი „ციცქა!“ აღრეც გიმტკიცებდი,“

ხემაღალის დობერაზე „ციცქა“ უფრო მწიფდება, უფრო შაქრიანდება-მეთქი. მიჭერებდი? არა. ჭინორიძის ჯორზე იჯექი და იხტიბარს არ იტეხდი. წელს ცუდი ამინდი იყო „ცოლიკოურისათვის“, გაისად ნახავ, გადალება დაევაგვიანე და ცოტათი იმიტომაც მოიძმარებლსო, გაისად დროულად გადავიღებო და ყოველთვის ამართლებდა შენს „ცოლიკოურს“. ისე კი, ჩემს „ციცქას“ უფრო ხალისით მაირთმევდი, ვიდრე შენს „ცოლიკოურსა“. შეგარგოს ღმერთმა“.

— ახლა კი წავედი. ჩემს სატეველასთან, — ხმამაღლა თქვა გაბრიელ კიკნაველიძემ, კაბინის კარი ჩახანით მიიხურა და მანქანა ჩიხით დაძრა.

„ერთი მოსახვევიც და აბესალომ კიკნაველიძის წისქვილი გამოჩნდება. ახლა არ მოტყუვდება გაბრიელი, მანქანას ზედ წისქვილთან მივადებ, მე შენ გეტყვი და იქნება ვინმე წისქვილში! თუ იქნება და იყოს, შენ ხარ ჩემი ბატონი, კიდევ უკეთესი! უტეხო ხომ არ იქნება და ნახოს ჩემიანმა ჩემი ქვევრები. ასი წლისა გახლავან ეს ქვევრები და ხერგას მიწაში ვერ ჩავტოვებდი, დიახაც, რომ პაპი-ჩემისეულია, შრომელები გახლავან და ვისაც შრომის ქვევრების ქება არა სმენია, იქირჩილოს რამდენიც მოესურვება, რა ფასი ექნება იმის ქირჩილსა?“

— აჰა, მოვედით! — დარწმუნებით თქვა გაბრიელ კიკნაველიძემ და მანქანა წისქვილის კართან გააჩერა.

— დიახაც. მოვედით, პატივცემულო ქვევრებო! როგორა მყავს თქვენი თავი, გზაში ხომ არაფერი ვეტყინათ? გიხარიათ ნაფუძვარში დაბრუნება, ხომ? ვიცი, რომ გიხარიათ და ამიტომაც ღიღინებდით... არ მითხრათ, არ გვიმღერიათ, მე სიმღერა მესმოდა და თქვენს მერხი ხომ არავეინ მეჭდა მანქანაში? გიხარიათ შინმობრუნება და მიტომაც მღერობხართ: აი, ახლაც მესმის თქვენი სიმღერა!

მანქანის ძარაზე მსუბუქად ავიდა გაბრიელი, ბრეზენტი გადააძრო ქვევრებს და სამივე ქვევრს სათითაოდ ჩასძახა:

— ამოვედით და ეგ არი!

„ამოვედით და ეგ აარი!“ — გაიმეორეს ქვევრებმა.

— ამაღამე დაგაბინავეთ, — ხმადაბლა თქვა გაბრიელმა, ქვევრებს ბრეზენტი გადააფარა და მანქანიდან ჩამოხტა,

— ჰოდა, ვითომ არც ყოფილხართ ხერგაში! მე ხომ ვიცი, ისე ამოვასვენეთ ხემაღალის საბრძანებლიდან და ისე ჰაერჰაერ ჩაგაბრძანეთ ხერგაში, თვალი არავის მოუკრავს... აბა, გაიხსენეთ. როგორ გამომლანძლა გულასპირ ჩაფთიანძემ! ამ ოხერმაო, მამისეული გენახი მოახმო და პაპისეული ქვევრები უპატრონოდ დატოვაო, გახსოვთ ხომ? ჰოდა, ეგრე იყოს: აქ, ხემაღალში მყავდით დატოვებული, ხემაღალის მიწაში განისვენებდით, მელოდით და ჰა, მეც მო-



ვედი! მართლა მოვედი! შემოვდივარ მარანში და პირველად შენ, აი, კართან ხელმარჯვნივ რომ ხარ ჩამარხული, მოგხდი, ავიღებ ორშიმოს, ამოვიღებ ღვინოს, მოვსვამ და ნამდვილად ჩემი „ციცქაა“, დედას გეფიცებით, ჩემი „ციცქაა“, ვისაც არ სჯერა, დამილიოს! ჰო, დამილიოს! თავად გულასპირ ჩაფიჩაქემ დამილიოს.

რაო, ღირდად პატივცემულო გულასპირ, ჩემი „ციცქა“ პირველ ხმაზე მღერის?

მე ვარ და ჩემი ნაბადი,  
გამთენებელი ღამისა-ა-ა-ა

ნამდვილად პირველ ხმაზე მღერის, ხომ? შენი „ცოლიკოური“ ეტყვის მეორეს? ვერ ეტყვის? ვერ მიუბანებს? ვერა, ვერ მიუბანებსო, ამბობ შენ და ავაშენა ღმერთმა, სიმართლე რომ თქვი. მაგრა-მაო, — თავს იმართლებ შენ — „ცოლიკოური“ რა შუაშია, გვიან გადავიღეო და იმიტომაც მოიძმარებსო ცოტათი... შარშანაც უდი ამინდი იყო „ცოლიკოურისათვის“? შარშანწინაც? იმის წინათაც? არაფერიც! ჰოდა, ავიღოთ, ბატონო გულასპირ, თქვენი გადაბერებული „ცოლიკოური“ და ამოვყაროთ! მე შეგეშველები, მე გაგვგზავნები არგვეთაში და „ციცქას“ ნერგებს ჩამოგიტან, — მოვეშვათ „ცოლიკოურს“ — კანი სქელი აქვს და ოთხჯერ უნდა შეიწამლოს, ოთხჯერ შეწამვლა კი ძნელია. ახერხებ? ვერა. დრო არ გაქვს და იმიტომ, ხომ? ეგებ ჯანიც... გამოტყდი! სეიფში რომ გისვენია შეურნეობის განაშენიანების გეგმა, გამოიღე, გაშალე და ჩახედე, რა წერია შიგ? „ციცქა“, „მგალობლიშვილი“, „იზაბელა“, „ალიგოტე“... „ცოლიკოური“ წერია? არ წერია! ჰოდა, რატომ ზიხარ ჯინორიძის ჯორზე? არ ზიხარ? ავაშენოს ღმერთმა! აბა, ჭიქა აიღე. ჩემი „ციცქათი“ შეგიცსებ. მღერის? პირველ ხმაზე მღერის? ჰოდა, მიდღეგრძელე ჩემი „ციცქა“! მიდღეგრძელე? გაამოს! მადლობა მომიხსენებია... მე კი, შენ ახალ ვენახს ვადღეგრძელებ. ესეც ასე. ახლა თითო ჭიქა კიდევ შევსვათ და ეგებ ავმღერდეთ, რატომაც არ უნდა ვიმღეროთ? მე პირველი ხმა, შენ — მეორე ხმა, ბანი? მებანებებიც აგერ გახლავთ: მე ავალ მანქანაზე, გადავხსნი ბრეზენტს მანქანის ძარას, ჩავეტუქვლები და ვიწყებ.

მე ვარ და ჩემი ნაბადი-ი-ი-ი...

შენ ცოტათი უფრო ხმამალლა:

გამთენებელი ღამისა-ა-ა-ა...

და სიმღერას ბანი აიტაცებს, მაგარი, შენი მოწონებული მაგარი ბანი! ჰოდა, ეს ჩემი ქვევრები გვებანებიან, მაშა! ჩემი ქვევრები მღერიან! თანდათან უფრო დაიბოხებენ ხმას, ხმამალლა, ძალიან

ხმამალა ამღერდებიან ჩემი ქვევრები და... შენ ჯერ გაოცდები, მერე გაიცინებ, მერე ხარხარი აგიტაცებს. რა არის აქ სასაცილო? გეკითხები მე, შენ კი ისევ ხარხარებ და ხარხარებ. მე გული მომივა და მანქანიდან გადმოვძახებ — ამობრძანდით, ბატონო გულასპირ, მანქანაზე, ნახეთ — ქვევრებია, ბაბუასეული ქვევრები! უპატრონოდ არ დამიტოვებია ხერგაში, ერთი ეგ შინდის ჯოხი მაგრად დაპკარი ქვევრებს, ნუ გეშინო, არ გატყდება, შროშელები გახლავან და შროშა მოგეხსენებათ! შენ ვითომ გულმოსული ამოხვალ მანქანაზე, შენს შინდის ჯოხს მოუღერებ ქვევრებს და უცებ ჰაერში გააშვებ, გეშინია არ გატყდეს ქვევრი. მე გამოგტაცებ ჯოხს, ქვევრზე შევღებები და შენს რკინადქვეულ შინდის ჯოხს მაგრა-მაგრა დაეცხებ და დაეცხებ ქვევრს და ჩემი ქვევრი ეკლესიის ზარივით დარეკავს... შეტი არ დაპკარო, მეტყვი შენ, ეს ხმა სოფელში აიჭრება და ხალხს გააღვიძებსო. ეს სიმართლეა მეტს აღარ დავკრავ, მაგრამ ქვევრი მაინც ბუბუნებს, ფენა-ფენა გამოსცემს ბანს, მერე თანდათან დაეწმინდება ხმა, ღამისაო, ღამისაო, ჩათაყვებს სიმღერას ქვევრი და ჩაჩუმდება. შენ ხელს გადაუსვამ მუტელზე ქვევრს, მოეაღერებ და დაილოცები. კიდევ შევსვათ თითო ჭიქა! აჰა, ჩემი „ციცქათი“ შევაფსე წელში გამოყვანილი ღვინის ჭიქები, ჭიქებს შევაჯახუნებთ და ახლა მე ვილოცები:

კეთილად იყვნენ ქვევრები ესე,  
 კეთილად მეყოლოს გულასპირ ჩაფიჩაძე,  
 კეთილად ეგდოს გაბრიელ კიკნაველიძეც!  
 შეესვათ!

„გაშენოს ღმერთმა, ამ ბნელში რომ მომაკითხე. კაბინაში ჩაგისვამ, ჩემს ახალ სახლში მიგიყვან, შენ იქნები ჩემი მეფეხური...“

აგერ აბესალომ კიკნაველიძის წისქვილიც! ესეც გაბრიელ კიკნაველიძის სატეველა... ეს ბებერი წიფელიც აქა დგას, ძეწნებს მდინარისათვის გადაუწვდენიათ ტოტები და არ შრიალებენ, ახლა ძეწნებსაც სძინავთ და სატეველასაც.

მდინარესთან მივიდა გაბრიელი, ჩაიმუხლა, ხელები წყალში ჩაყო და ხმადაბლა, ძალიან ხმადაბლა თქვა:

— გამარჯობა, სატეველა!

ემა ცივი წყალი, ხალათის სახელოები აიჟაპიწა და მკლავები იდაყვამდე ჩაყო მდინარეში, დააყურადა, როგორც ნიგუზიანთან, აქაც უხმაუროდ, ოდნავი, სულ ოდნავი შრიალით მიედინება სატეველა ბნელში, უთუოდ გაიგონა გაბრიელის ხმა, მაგრამ არ გამოეპასუხა.

— რაო, გულმოსული ხარ ჩემზე, სატეველა? არ მოველოდი! — ხმამალა თქვა გაბრიელმა, ჩაახველა, ადგა და მდინარეს ზურგი შეაქცია.

— ვითომ მიტოვებული მყავდი? — ჩაჰკითხა მდინარეს გაბრიელმა.

სატეველამ ამოიფშვინა და რაღაც წართქვა, რაღაც კი არა, პოო, თქვა, მდინარემ, ძალიან ხმადაბლა თქვა, მაგრამ გაბრიელმა მაინც გაიგონა და იფეთქა.

— არა ხარ მართალი! დიხხაც არა ხარ მართალი! დროს ვიხელთებდი და მოვდიოდი შენთან, სათევზაოდ არა, შენთან სასაუბროდ და სააღერსოდ მოვდიოდი. დილაადრიან მოგაშურებდი და შეღამებამდე შენთან ვრჩებოდი, არ გაგზონდება? ვადამივიწყებ?

მდინარისკენ შემოტრიალდა, ჩაიმუხლა, ხელები წყალში ჩაყო, თავი დაბლა დახარა და მდინარეს დააყურადა.

უხმაუროდ მიედინება ბნელში სატეველა, სძინავს ბებერი წიფელს, ძეწნებსაც სძინავს, ბაიბური არ ისმის. გარშემო, ხელები წყალში ჩაუყრია გაბრიელ კიკნაველიძეს და სატეველას ეჩურჩულება:

— გულმოსული ხარ ჩემზე? აბა, იმათ რაღას ეტყვი? ხვალ და ზევ მოგცვივდებიან, ბადეებით და ანკესებით მოგცვივდებიან, ლაღუმებსაც გაკადრებენ, რაც თევზი გაბადია, ამოკრეფენ და ამოყლებენ და ცარიელ-ტარიელს დაგტოვებენ... ჰოდა, იმათ რაღას ეტყვი?

აბესალომ კიკნაველიძის წისქვილი ნმაგაკმენდილია, ეს ბებერი წიფელიც არაფერს ამბობს, ძეწნებს ტოტები მდინარისთვის გადაუწვდენიათ და არ შრიალებენ. ვერც წისქვილმა იცნო გაბრიელ კიკნაველიძე, ვერც ბებერმა წიფელმა და ძეწნებმაც ვერ იცნეს. აკი ხე და წყალი სიბნელეში იხედებაო! სიცრუე ყოფილა, თორემ კიკნაველიძეთა და ჩაფიჩაძეთა სატეველა, აბესალომ კიკნაველიძის წისქვილი და ეს ბებერი წიფელი როგორ ვერ იცნობდნენ აბესალომ კიკნაველიძეს? ღმერთო კი მომკალი! სიცრუე ყოფილა — ხე და წყალი სიბნელეშიც იხედებაო, ღიღი სიცრუეა!

— სიბნელეში ვერ იხედები, სატეველა? მე გხედავ და შენ ვერა მხედავ? აკი გულასპირ ჩაფიჩაძე მიმტკიცებდა, ღამით, უკუნეთ ღამითაც რომ მივალ სატეველასთან, უმაღვე მიცნობს, მომიკითხავს და მომიალერსებსო. მატყუებდა? მართლაც ვერ იხედები და მიტომაც ვერ მიცანი? მე კი, გხედავ: ყველაფერს ვხედავ მე: ეს ჩემი ნაპირია, ჩემი ქვები, ჩემი თეთრი კენჭები, ეს ხავსიანი ლოდიც ჩემია, ეს ბილიკიც! რატომ გაიკვირებ? ეს ბილიკი ჩემია, თუმცა გულასპირ და ალექსანდრე ჩაფიჩაძეები თავისად იჩემებენ, მაგრამ ნამდვილად

ჩემია ეს ბილიკი, კიკნაველიძეთა უბნიდან წისქვილამდე მე და ვა-  
ბილიკე! სიბნელეში ვერ იხედები შენ და მიტომაც ვერ მიცანი, ეს  
ჩემი ბილიკიც ვერ იხედება სიბნელეში, თორემ, როგორ არ მიც-  
ნობდა? განა მართლა ვერ მიცანით? განა მართლა ვერა მხედავთ?  
კარგად ვიცი, რომ სიბნელეშიც იხედებით, დამინახეთ და მიცა-  
ნით, — დარწმუნებით თქვა გაბრიელმა, — ოღონდ ხმას არა მცემთ  
და გულში მსაყვედურობთ — კერია არ უნდა დაგეტოვებინაო, ასე  
ამბობთ, ხომ?

და თითქოს მდინარემ ხმა ამოიღოო, რაღაც შრიალივით შემო-  
ესმა გაბრიელ კიკნაველიძეს, ზედ ნაპირთან, ხავსიან ლოდთან მსუ-  
ბუქად, ძალიან მსუბუქად შეაჩახა ტალღას ტალღა სატეველამ, ტალ-  
ღები ერთმანეთს გადაეხვივნენ, რაღაც წაიჩურჩულეს და გაბრიელმა  
გარკვევით გაიგონა — არაო... არაო... არაო...

— არ უნდა წავსულიყავი? შენ ამბობ ამას? აბა, რა მექნა? — შე-  
უტია სატეველას გაბრიელმა, მაგრამაც შეუტია და საბუთები გად-  
მოულავა:

— ვიდრე კოლმეურნეობა იყო და ვიდრე მანქანა იყო, მეც აქ  
ვიყავი და კარგად იცი, როგორადაც ვმუშაობდი! პირველად კოლმე-  
ურნეობა დაიშალა, მერე გზა მოიშალა, მერე მანქანა წაიყვანეს და  
რა მექნა მე? ავდექი და წავედი! არ უნდა წავსულიყავიო, ამბობ შენ,  
მაგრამ მე გეკითხები — აბა რა მექნა? ბერიკაცებს ამოვდგომოდი  
მხარში? მერე და არ ამოვუდექი? გულასპირ ჩაფიჩაძეს, აბესალომ  
კიკნაველიძეს, ალექსანდრე ჩაფიჩაძეს ამოვუდექი მხარში, მაგრა-  
დაც ამოვუდექი; სანისლედან შეშა მე მომქონდა მათთვის, მათ ყანას  
მე ვტეხდი, მე ვიდექი გულასპირ ჩაფიჩაძის საწნახელში, ახალ წელ-  
საც მე ვიყავი მათი მეკვლე... მაგრამ დიდხანს ვერ შევძელი ხერგას  
ბაზარში წაწალი, ოცი წლისა ვიყავი და დიანაც შესირცხვილებო-  
და ხერგას ბაზარში დგომა და ყვირბლი — აბა, ხემაღალის ყველი!  
აბა, ხემაღალის კაკალი! აქეთ ხემაღალის პრასის წნილი! შენ რომ  
ოცი წლისა იყო, დღისით, მზისით დადგებოდი ხემაღალის ბაზარში  
და იყვირებდი: აქეთ ხემაღალის პრასის წნილიო! იკადრებდი? არ  
იკადრებდი, ხომ? რატომ არაფერს ამბობ? არ წავსულიყავი? აბა,  
რა მექნა? ავდექი და წავედი: მაგრამ სულ არ მიმიტოვებინაო, ოღო-  
ჩოღორობებზე ამომყავდა მანქანა და მოვდიოდი: შენთან... ზო გახ-  
სოვს? ჰოდა, რატომ არ მეუბნები ვაგიმარჯოსო? გულმოსული ხარ?  
მიჯავრდები?

უხმაუროდ მიედინება ბნელში სატეველა, ხმაგაკმედილია აბე-  
სალომ კიკნაველიძის წისქვილი, ოღნავ არხევენ ტოტებს ძეწნები,  
ისე ოღნავ, სატეველასაც არ ესმის მათი შრიალი.

— იყოს დღეს ასე — დაღონებით თქვა გაბრიელმა, — მაგრამ

ზეგ კი, — და უცებ ხმას აუწია, — შემირიგდები, მომიკითხავ და მომიალერსებ! ჰო, ხვალ ვერა და ზეგ გაახლებ ჩემს ოჯახს და შემირიგდები, ვიცი, რომ შემირიგდები... ჩემს მეუღლეს ვერ იცნობ შენ, არგვეთელი გახლავთ და ვერ იცნობ, მერე კი შეიყვარებ ციციას, ისეთი ყოჩალი ქალია, თვითონ შეგაყვარებს თავს. ჩემს შვილებსაც ვერ იცნობ — ასმათს, ტარიელს, მაიას, სანდალას. — ჰოდა, ზეგ, მზე რომ შემალდებო, ყველას გაახლებ, ნახონ როგორი ხარ დღისით — დაწმენდილი, ჩხრიალა, ალერსიანი... აქ, აქ, სწორედ ამ ლოდთან მოვიყვან და უფროს-უმცროსობით გავამწკრივებ: ციცია... არა, ჯერ მე დავდგები, მერე ციცია, ასმათი, ტარიელი, მაია და სანდალა.

— აბა, გავიხადოთ და მოვინათლოთ სატყველაში, — ხმამალა, ზეიმურად ვიტყვი მე, პირველი მე შემოვალ მდინარეში, მუხლამდე შემოვალ და ლოდზე შექუჩულ ჩემს ოჯახს ამაყად გავხედავ. ისინი მე შემომმკვირიან, უნდათ გაიგონ, ცივი ხარ თუ თბილი.

— თბილი მდინარე სად გინახავსო, — გაკვირებული შემეკითხები შენ! და მე გიბასუხებ:

— მინახავს, ბატონო, თბილი მდინარე, არგვეთში მინახავს! უცნაური სახელი კი აქვს იმ მდინარეს. — ოჯაჭურა! პატარა, ძალიან პატარა მდინარეა ოჯაჭურა, ლელესავითაა და თბილია. ოჯაჭურაში ბანაობდა ციცია; ასმათსაც და ტარიელსაც უბანავით ოჯაჭურაში და ნატრობენ, ნეტავ შენც ოჯაჭურასავით თბილი იყო... შენ კი ცივი ხარ, მე შემეცივდება. მაგრამ არ შევიმჩნევ, უფრო ღრმად, წელამდე შემოვალ წყალში და ხმამალა დავიძახებ — ცხონებო, ცხონებო და მეუღლეს შევუტევ:

— რას უტდი, ქალო, ჩამოდი წყალში!

ციცია გარშემო მიმოიხედავს, როცა დარწმუნდება, ჩვენს მეტრარავინაა ახლომახლოს, კაბას გაიხდის და წყალში შემოვა. ციციასაც ჩემსავით შესცივდება, მაგრამ იხტიბარს არ გაიტებს, აკი გითხარი, ისეთი ხასიათი აქვს, თავს შეგაყვარებს-მეთქი. მომიახლოვდება ციცია და პეშვით მკერდზე შემომამსხამს წყალს. ვალში დავურჩები? ცხადია, არა! ციციას მკლავებში ჩავაფრინდები და კისრამდე ჩავსვამ წყალში. ძალიან შესცივდება ციციას, მაგრამ იხტიბარს მაინც არ გაიტებს. გათამამდებიან ბავშვები, ჯერ ასმათი და ტარიელი — ისინი უკვე დიდებია, ასმათი თექვსმეტისაა, ტარიელი კი — თოთხმეტის, — ჩამოხტებიან წყალში, ასმათსა და ტარიელს მაია და სანდალაც ხტუნვა-ხტუნვით ჩამოჰყვებიან, შესცივდებათ ბავშვებს, შეიკივლებენ, ფაცხა-ფუცხით ამოცივდებიან წყლიდან და ლოდზე გაწვებიან. ასეა, მათ ჯერ ტყუილი არ ენებრნებათ... ციციასაც სცივა, მაგრამ ჩემს გვერდით მაინც ყოჩალად დგას. შევიბრალებ ციციას,

მკლავში წავავლებ ხელს, გაღმა გავიყვან და ეგერ დიდი ლოდი რომ ასვენია, ციცია და მე იმ ლოდზე გავწვებით და მზეს შივეფიცხებით. მზე კარგად გვაცხუნებს, გესიამოვნებს და ვდუმვართ. მე რული მომჭკიდება. ჩავთვლემ და სანდალას ხმა გამომაფხიზლებს. გაეახელ-თვალს და ვხედავ — ასმათს სანდალა აუტაცებია და მდინარეში შემოჰყავს, — ჩამსვი წყალში, ჩამსვი! — იძახის სანდალა და კისკისებს. ასმათი მუხლამდე ჩასვამს სანდალას წყალში, სანდალა თამამდება და ეხვეწება დას ხელი გამიშვიო, ასმათს ეშინია და სანდალას მკლავებში უფრო მაგრა ჰკიდებს ხელებს, — მამი, გამიყვანე გაღმა! მიძახის სანდალა. მე ავდგები, შვეალ მდინარეში, სანდალას მხრებზე შევსევამ და გაღმა გავიყვან. სანდალა, ციცია და მე ლოდზე ვწევართ და მზეს ვეფიცხებით. ეს შენი მარცხენა ნაპირია. შენს მარჯვენა ნაპირზე, ეგერ იმ ხავსიან ლოდზე, ჩემი სამი შვილი ეფიცხება მზეს — ასმათი, ტარიელი, მათა. ჩვენს შუა მიედინები შენ და გვეალერსები. შერიგებულები ვართ, ხომ? ნამდვილად შერიგებულები ვართ და მე ლოდთან ავდგები, წყალში ჩამოვაცურებ ხელებს, დავიხრები და ხმამალა, თამამად ვიტყვი:

— გამარჯობა, სატეველა!

— გაბრიელს გაუმარჯოს, იტყვი შენ და გამიღიმებ.

როგორ ხარ, სატეველა?

— ახლა კარგად! — გაბზარული ხმით იტყვი შენ და ცოტათი მოიღრუბლები, რაღაცას გაიხსენებ და ცოტათი მოიღრუბლები; მე მიგიხვდები, დიახაც, რომ მიგიხვდები და სიტყვას ბანზე აგივდებ.

— ახლა გულასპირი მოვა და ცოტა მურწას დავიჭერთ, გეწყინება?

— არა! — იტყვი შენ და იქედნურად გამიღიმებ, მიმიხვდები, სიტყვა რომ ბანზე აგივდე, მაგრამ მაპატიებ.

— ჰოდა, შერიგებაც ეგ არის, — ვიტყვი მე და პეშვით წყალს შეგასხამ.

უხმაუროდ მიედინება ბნელში სატეველა. ხმაგაკმედილია აბესალომ კიკნაველიძის წისქვილი, სძინავს ბებერ წიფელს, ძეწნები ოდნავ არხევენ ტოტებს, ისე ოდნავ, სატეველასაც არ ესმის მათი შრიალი.

— ახლა კი წავედით! — თქვა გაბრიელმა და პეშვით წყალი შესვა, მერე სატეველას ხელები დაუქნია, აბესალომ კიკნაველიძის წისქვილს მდაბლად დაუკრა თავი და ხმადაბლა უთხრა, მიპატიებია, რომ ვერ მიცანო, ზეგ დილით კი შენც მიცნობ და შემირიგდებით.

მანქანაში შუქი ჩართო და ჯიბიდან საათი ამოიღო.

— თერთმეტი შესრულებულა, ახლა გულასპირსაც კი ეძინება; —

დარწმუნებით თქვა გაბრიელმა და მანქანა ხემაღალის აღმართს შეუყენა.

სოფელს მართლა ეძინა, მხოლოდ მთავარ ქუჩაზე აქა-იქ ენთო ელექტრონათურა, ოღა-სახლებს კი ღრმა ძილით ეძინათ.

— აკი ვთქვი, სოფელი აღრე იძინებს-მეთქი! ჰოდა, ეგ არი, სძინავს. — გახალისდა გაბრიელი, მანქანა ჭიშკართან გააჩერა და, როცა სახლის აივნიდან შექმა შემოანათა, გაიკვირვა, აივანი აათვალიერ-ჩაათვალიერა და აივანზე არავინ იყო.

— გუშინწინ რომ ვიყავი, შუქი გამოურთველი დამრჩენია, — ჩურჩულით, თავისთვის თქვა გაბრიელმა, — თავი დაიმშვიდა და ჭიშკრის ორივე კარი ბოლომდე გააღო.

— ძალიან კი დავიგვიანე, გაბრიელ!

გულასპირ ჩაფიჩაძის ხმა იყო და გაბრიელი შეკრთა. შეკრთა კი არა. გაშეშდა და ხმა ვერ ამოიღო.

გულასპირი კიბის საფეხურზე იჯდა და ყალიონს აბოლებდა.

— რაო, ვერ მიცანი, გაბრიელა? — ვითომ დაყვავებით თქვა გულასპირმა, დაცინვასავით კი იყო, მიუხედავად გაბრიელი და გაბრიელს სული ყელში მოებჯინა, ვრთს შევეუქურთხებო, გაიფიქრა გულში, მაგრამ რატომღაც ენა გაუქვავდა.

— რაო, მართლა ვერ მიცანი? — ჩაჰკითხა გულასპირმა.

— შუქი რომ ენთო აივანზე, ალბათ შინ დამიგულეთ, — დამნაშავესავით თქვა გაბრიელმა და კიბისკენ წადგა ნაბიჯი.

— შუქი მე ავანთე! მაგარი სიგარეტი გექნება შენ და მისახსოვრე, — ცივად თქვა გულასპირმა: ყალიონი ხელისგულზე დაიბერტყა, ჩაახველა და ადგა.

— ჩემი სახლის დარაჯობა ვინ გაკადრათ, ბატონო გულასპირ! — თამამად და სიცილით თქვა გაბრიელმა და გულასპირს სიგარეტი მიაწოდა.

— დარაჯიო! — იფეთქა გულასპირმა, — დარაჯიო თქვი შენ? ბოდიში მოიხადე, გაბრიელა! დარაჯები კიკნაველიძეებში მოიკოთხე! გულასპირ ჩაფიჩაძე კომენდანტი გახლავთ, დიახ, მე კომენდანტი ვარ! ჩემი სახლიო, თქვი შენ და უკაცრავად ბრძანდებით, ჯერჯერობით მეურნეობისაა ეს სახლი და მეურნეობა ჯერჯერობით მე ვარ!

— რაო, ჩემი არ არის. ეს სახლი? მომეცით და უკანვე მიგაქვთ? რევაზ ჩაფიჩაძემ წამართვა? — ვითომ გულმოსულად, ხმამაღლა, ყვირილით თქვა გაბრიელმა.

— პროვოკაციას ნუ ეწევი, გაბრიელ! მე ვთქვი, დღესდღეობით ჩენია-მეთქი ეს სახლი და სიმართლე მოგახსენე. — ამოაბრძანებ ხვალ შენს ქალბატონს, ამოასხამ შენს გენიოს შვილებს, ამოზიდავ ბარგი-ბარხანას და შეადგენს გულასპირ ჩაფიჩაძე აქტს ორ ცალად,

ჯერ რევან ჩაფიჩაძე მოაწერს ხელს იმ აქტებზე, მერე გაბრიელ კიკნაველიძე, მერე გულასპირ ჩაფიჩაძე ბეჭედს დრუზავს იმ აქტებზე. ერთს შეინახავს სეიფში, ერთს გიბოძებს შენ და გახდება ეს სახლი გაბრიელ კიკნაველიძისა, რა არის აქ გასარკვევ-გამოსარკვევი? შემოიყვანე მანქანა ეზოში, რაღაცა გიყრია ზედ.

— არაფერიც არ მიყრია! ბრეზენტი აგდია ძარაზე. — ცივად თქვა გაბრიელმა.

— ჰოდა, ვილაცყები : გახვეულან შენს ბრეზენტში, აბა, შეხედე!

— გეჩვენება. წავალ ხერგაში, ჩემი მაინც არ ყოფილა ეს სახლი და... — ვითომ გულდაწყვეტით თქვა გაბრიელმა : და მანქანისკენ გააბიჯა.

— ხართ ღირსი ამ სახლებისა? მარტო გაბრიელ კიკნაველიძეს არ ვეკითხები მე, ყველას : ვეკითხებით. გამიჩემდი? პასუხს ვერ მეუბნები? ასეა, ხომ? ჰოდა, თქვენს მაგიერ, მე ვიტყვი:

— არამც და არამც არა: ხართ და არა ხართ ღირსი ამ სახლებისა. იმიტომ წავედითო, ამბობთ ახლა თქვენ... ჰო, იმიტომ წავედითო. რომაო... რაო, რატომაო? რატომ წავედითო?

პაუზა.

— ჰო, გამახსენდა... — ეს ბავშვებიო, ეს სკოლაო, ეს უგზოობაო... აშაღეთ ფუძე და მოუსვით! ისე გარბოდით, წერეთლის მწვეარიც ვერ დაგეწოდათ! ჰადაჰა, ვინ ვის გაუსწრებსო და გარბოდით... მერე? მერე კაი ხანი გავიდა. მერე ამინდი მოუტრიალდა ხემაღალს. გზა გამოვიყვანეთ, ახალი ოდა-სახლები აგიშენეთ, ეზოები შემოგიღობეთ და ისიც მავთულის ბადით. ეს წყალსადენიო, : ჰო, ეზოებში შემოგიყვანეთ სატეველა... ეს ელექტროგანათებაო... ეს სკოლის ახალი შენობაო, გაქვთ ხერგაში სკოლის ასეთი შენობა? : არ გაქვთ! და ზოზინზოზინით გვიბრუნდებით ახლა, მობრძანდით ბატონებო, განანათლოს მობრძანებამ თქვენმან ჩვენი სოფელი ყრუნი...

რისით, გულმოსულად ლაპარაკობდა გულასპირი, მერე უცებ დაუდაბლა ხმას და დაყვავებით ჰკითხა გაბრიელს:

— რატომ აგვიანებთ ხერგელები ამოსვლას, ჰა?

— ხვალ და ზეგ მოვითავებთ საქმეებს და ერთად ამოვალთ. — ტრახანით თქვა გაბრიელმა.

— ერთად ამოხვალთ თუ არა, მე შენ გეტყვი და დიდი კულტარია ამოილაშქრებთ! — ვითომ ხუმრობასავით თქვა გულასპირმა და გაბრიელს გაუღიმა, მაგრამ გაბრიელი მიუხვდა და წარბები შეჰყარა.

— რაო, არასაქირო ხალხი ვართ, თუ?

— ეგ არ მიბრძანებია მე! — გაიკვირვა !გულასპირმა. — მონკაე-შირი, პურტრესტი, წყალკანალტრესტი, კოპვერტივეები, რესტორნები და სასადილოები, სადალაქოები... და ხართ თქვენ მზარტულები,



ნოქრები, მძლოლები, მცხობელები, დარაჯები და ლაქიები... აბა, ხერგას სახალხო თეატრში ხომ არ თამაშობდით? არ თამაშობდით! საზოგადოება „ცოდნას“ ხაზით საგანმანათლებლო ლექციებს კითხულობდით? არ კითხულობდით! და როდის თქვა გულასპირ ჩაფიჩაძემ მძლოლები არ გეჭირდებო? ოცდათორმეტი ავტომანქანა და თექვისმეტი ტრაქტორი ჰყავს მეურნეობას! სასადილო ხომ გვაქვს და როდის ვთქვი მე, მზარეულები და ლაქიები არ გეჭირდება-მეთქი, პა, როდის ვთქვი? — თანდათან, ვითომ უფრო და უფრო გაცხარდა გულასპირი. — ფურნეც გვაქვს, კოპერატივიც, ფოსტაც, სადალაქოც და სამუშაოს გავუჩინეთ პურის მცხობელსაც, ნოქარსაც, დალაქსაც, დარაქსაც და შიკრიქსაც... განა ვთქვი მე, არასაჭირო ხალხი ხართო? პაუზა.

— პროვოკაციას ნუ ეწევი, გაბრიელ, შემოიყვანე მანქანა ეზოში და ე, იმ ყურეში მიაყენე. მერე, აქეთ გამომხედე, ჭიშკართან ფიცრები რომ აწყვია, ისიც მიიტანე ეზოს ყურეში და დავაბინაოთ შენი ქვევრები! — ბრძანებასავით თქვა გულასპირმა და შინდის ჯოხი კიბის საფეხურს დაჰკრა.

— ქვევრები? რომელი ქვევრები? — ძალიან გაიოცა გაბრიელმა.

— ქვევრები, აბა ბიბლიოთეკას ამომიტანდი შენ ხერგადან! ვიცი მე შენი ხასიათი, დიახაც, რომ ქვევრები გისვენია მანქანაზე, სამი ათკოკიანი ქვევრი! შემოაგორე მანქანა! მე, აგერ, აღმასხანს გადავძახებ და შეგეშველება. — თქვა გულასპირმა, გაბრიელს მხარზე მსუბუქად დაჰკრა შინდის ჯოხი და ეზოდან გავიდა.

...გაბრიელმა მანქანა ეზოს ყურეში მიაყენა, მერე ფიცრებიც მიზიდა მანქანასთან, ბრეზენტი გადახადა ქვევრებს და გულასპირი და აღმასხანს კიკნველიძეც თავზე წაადგნენ.

გულასპირმა შინდის ჯოხი შემოჰკრა ქვევრებს და ქვევრებმა ზარივით დარეკეს.

— ყოჩაღ, გაბრიელ, არ გაგიყიდა ბაბუასეული ქვევრები! — აბა, გადაეხვიეთ ერთმანეთს კარის მეზობლები და დავაბინაოთ ქვევრები, — ცოტა მეჩქარება მე.

მანქანის ძარას ფიცრები შეუყენეს და ქვევრები სვენებ-სვენებ-ბით ჩამოაცურეს.

— ახლა ეს სახლი და მარანი დამილოცეთ, ამხელა ქვევრებს ერთ დოქ ღვინოს როგორ არ ამოატანდა გაბრიელიო, — თქვა გულასპირმა და ოდა-სახლის კიბეზე ააბიჯა.

გაბრიელი გაშრა. აღმასხანს მიუხვდა გასაჭირს და ყურში უჩურჩულა: — გადავალ სახლში და რამეს მოვიტანო.

ჭიშკართან მისეულ აღმასხანს თვალი ჰკიდა გულასპირმა და დაუძახა:

— გამობრუნდი, ალმასხან, შენმა მეუღლემ აღრე გაგვიწყოს სუფრა!

ახლა ალმასხანი გაშრა. ჩემი მეუღლე გუშინ წავიდა ხერგაში და მხოლოდ ზეგ თუ ამოვაო, უნდოდა ეთქვა, მაგრამ ვერაფერი უპასუხა და ადგილზე გაქვავდა.

— ამოდით, ჰო, ნუ მაგვიანებთ! — ბრძანა გულასპირმა, ზალის კარი გააღო, სინათლე აანთო და ხმამაღლა, ძალიან ხმამაღლა შესძახა:

— აქა მშვიდობა!

მერე აივანზე გამოვიდა და გაბრიელს და ალმასხანს შეუძახა:

— ღიმილიანი შემოდით სახლში!

აივნის კართან შეეგება, ჭერ გაბრიელს ჩამოართვა ხელი და გადაკოცნა, მერე ალმასხანი შემოიწვია, ორივეს მკლავებში გაუყარა ხელები, ზალაში შეიყვანა და ისევ ბოხად თქვა:

— აქა მშვიდობა!

ზალაში პატარა, სამფეხა დაბალი მაგიდა, სამი ჭორკო, მაგიდაზე თავსახურავიანი თეთრი კალათი.

კალათი იცნეს გაბრიელმა და ალმასხანმა: გულასპირის კალათია, ხემაღალში მარტო გულასპირი წნავს ასეთ კალათებს, თხილის წყნელის თეთრ კალათებს, სახელურები კი შინდისა აქვს კალათს, შინდის წყნელი თხილის წყნელზე მაგარია და ამიტომაც შინდის სახელურებს უკეთებს კალათს გულასპირი, სახურავი კი თხილის თხელი, ძალიან თხელი წყნელისაგანაა მოწნული, კალათზე უფრო თეთრია სახურავი და მსუბუქია, ჰაერივითაა.

— ვიყვეთ ახლა ასე მუნჯებივით? — გაბზარული ხმით თქვა გულასპირმა და კალათს სახურავი ახადა.

სამი თეფში, სამი წელში გამოყვანილი ღვინის ჭიქა, ჭყინტი ყველი, ერთი კეცი ჰადი და ერთი თონის პური, ქოთნით ლობიო, შემწვარი წიწილი, პრასის წნილი, ცოტა დარჩეული ნიგოზი. სამი ტარო მობარშული სიმინდი, ერთი დოჭი, კაი მოზრდილი დოჭი ღვინო; ექვსლიტრიანი მაინც იქნება ეს დოჭი.

— ცხონებულ დედაშენს გულთმისანი ვეგონე, გაბრიელ, და ცდებოდა. შენც გულთმისანი ხომ არ გგონივარ? ვილაცამ მითხრა და ვიცოდი, დღეს რომ ამოხვიდოდი და ვითომ შეხვედრასავით მოგიწყვეთ კესარიამ და მე. მეტი ვერ შეძლო კესარიამ და ვაპატიოთ; დაახსი ჭიქებში ღვინო.

სუფრას შემოუხსდნენ და გაბრიელმა ჭიქები შეავსო.

პაუზა.

და გაბრიელ კიკნაველიძეს ამ სუფრამ როგორღაც ხერგას ბაზარი გაახსენა.

ღვინო. ყველი. პრასის წნილი. დარჩეული ნიგოზი. და იძახის გულასპირი — აბა, აქეთ, ხემაღლის „ცოლოკოური“, ხემაღლის პრასის წნილი, ყველი და ნიგოზი... მყიდველები ევაპრებიან გულასპირს, გულასპირი ფასს უკლებს და იყიდება ხემაღლის „ცოლოკოური“, ხემაღლის პრასის წნილი, ყველი და დარჩეული ნიგოზი... მერე მყიდველები შემოაკლდათ და გულასპირმა მხარზე დაჰკრა ხელი გაბრიელს — აბა ერთი ყოჩაღად შეუძახეო და გაბრიელმა დაიძახა, — ხემაღლის „ცოლოკოური“, ხემაღლის ყველი! — პრასის წნილი და ნიგოზი დაგვიწყდაო, თქვა გულასპირმა და გასათამამებლად ისევ დაჰკრა ხელი მკერდზე გაბრიელს და გაბრიელმა დაიძახა — ხემაღლის პრასის წნილი, ხემაღლის დარჩეული ნიგოზი! და მოვიდნენ მყიდველები, გულასპირმა ფასს დაუკლო და გაიყიდა ღვინო, ყველი, პრასის წნილი და დარჩეული ნიგოზი. მერე დაჩუტული ტიკტორები კალათებში ჩააფინეს და ბაზრის ყურეში მიდგნენ.

გულასპირმა ფული დათვალა და შუაზე გაყო. მერე სავაჭროები შემოიარეს, მეკონ-მოკონი იყიდეს, და ხემაღლის გზას დაადგნენ. ძალიან ნელა, სვენებ-სვენებით იარეს და მხოლოდ შეღამებულზე ამოაღწიეს ხემაღალს.

— გაბრიელ კიკნაველიძის ახალ ოჯახს ჯანმრთელობა და გამრავლება, — თქვა გულასპირმა, პირჯვარი გადაისახა და შესევა.

— ვიცი, ურწმუნოები ხართ, მაგრამ მე მამატიეთ, მე ასე ვარ მიჩვეული.

პაუზა.

„...დედაჩემი ჭიშკართან შემომეგება, კალათი გამომართვა, მაკოცა და ყურში მიჩურჩულა — ძია გულასპირს სახლამდე აუტანე კალათიო. გულასპირმა იუარა, მაგრამ მე ჩემი გავიტანე... მაშინ ყოჩაღად იყო დედაჩემი, ჯერ კიდევ იმედი ჰქონდა მეუღლის შინ მობრუნებისა და ყოჩაღად იყო. ცნობა კი მოგვივიდა — უფროსი ლეიტენანტი აფრასიონ კიკნაველიძე ქერჩისათვის ბრძოლაში უგზო-უკვლოდ დაიკარგაო, მაგრამ დედაჩემმა იმედი არ გადაიწყვიტა, შავები არ ჩაიცვა და პენსიის დანიშვნაზე უარი თქვა: ბარე სამი წელი იცოცხლა იმედით, მერე მამაჩემივით უგზო-უკვლოდ დაკარგული კონდრატე კიკნაველიძის უმცროსი ვაჟიშვილი ჩამღვიდა და დედას გამოუტყდა — აფრასიონი ჩემი ხელებით დემარხე ქერჩის მიწაშიო და დედაჩემისთვის ყველაფერი გაათავდა...“

— სევდას დაბალი, ძალიან დაბალი ჭერი აქვს, ადამიანს მხრებზე დააწვება, გადრეკს და ძირს დაანარცხებსო, ამიტომ სევდა ახ-

ლოს არ უნდა მიიკარო, იტყოდა დედაჩემი და ჩემს თვალწინ სევდამ გაათავა დედაჩემი მაგრად დააწვა მხრებზე, შოლტივით იყო და მხრებში მოხარა. სახეზე ფერი კი არ შეუცვალა — თვლები გაუფართოვა. სახე დაუპატარავა, ცხვირი დაუგრძელა, ოცდათვრამეტი წლისა იყო დედაჩემი და სევდამ კისერზე ნაოქები დააყარა, ხელები დაუწვრილა, მერე უძილობა შეჰყარა და ღამეებს თეთრად ათენებინებდა, შემოლილივით იყო... და გატყდა, დაილია, გათავდა დედაჩემი“.

— ვისხდეთ ახლა ასე მუნჯებით? შენც კაი წმინდა სულივით მიზიხარ აქ! — აღმასხან კიკნაველიძეს შეუტია გულასპირმა, — სული მიგდის და თავს იკავებ? აიღე და დალიე!

აღმასხანი ფეხზე წამოდგა.

— სიტყვა არაა საჭირო, თქვი, ამ ოჯახს მრავალუამიერიო და დალიე. — ბრძანებასავით თქვა გულასპირმა და ახლა გაბრიელს შეუწყრა.

— თუ გწყინს ჩვენი აქ ყოფნა, გვითხარი და წავალთ, რას ჩამოგტირის სახე? სატეველა შემოგიწყრა?

აღმასხანმა „ამ სახლს მრავალუამიერიო“ — თქვა, შესვა და დაჭდა.

— ძალიან ამაღლევა შენმა ასეთმა შეხვედრამ, ძია გულასპირ, დავიბენი, მაღლობაც არ მითქვამს და ახლა მომიხსენებია მაღლობაო... და გაბრიელმა ოღნავ მოსვა.

— ეს რატომ? — იქეკა გულასპირმა, — მაღლობა იქით იყო! და ღვინო შემისვი.

— ამაღამვე უნდა გავბრუნდე ხერგაში. — მორჩილად, დამნაშავესავით თქვა გაბრიელმა.

— ამაღან გაბრიელ კიკნაველიძის სახლში ვათევთ ღამეს ჩვენ! ზვალ კვირაა, დილაუთენია რომ არ ჩაახრიგინო შენი მანქანა ხერგაში, არაფერი დაშავდება. შესვი და გვიმასპინძლე! ჰო, შესვა და გვიმასპინძლე! — და გულასპირმა მხარზე დაჰკრა ხელი გაბრიელს.

გაბრიელმა შესვა და კიქები შეავსო.

— თქვას შენმა „ციცქამ“ პირველი! აღმასხანი მეორეს გვეტყვის და ჩემი „ცოლიკოურის“ ბანიც აქ გახლავთ. აბა, წამოუძახე!

დაბალ, ძალიან დაბალ ხმაზე დაიწყო გაბრიელმა. ძლივს გაიგონეს „მე ვარ და ჩემი ნაბადიო“, თითქოს ბოდის იხდისო, მაპატიეთ, რომ ვმღერით; აღმასხანმაც დაბალი მეორე თქვა, მაგრამ გულასპირმა მაღალი ბანი შემოსძახა და ხელებით ანიშნა გაბრიელს და აღმასხანს ხმა აამაღლეთო და სიმღერა აეწყო. უფრო ხმამაღ-

ლაო,—ეშხში შევიდა გულასპირი,—ამ სახლში არავის სძინავს, არც მეზობელ სახლებში სძინავთ, არავისი გვერიდება და ახალ სახლს რომ შეჰფერის, ისე ვიმღეროთო და ისევე გაიხმო „ციცქას“ პირველი, აღმასხანის მეორე, თვითონ დაუბანა და დაუბანა, მერე ღვინის ჭიქა აიღო და ჭერს შეასხა ღვინო — დამილოცინხარ ახალ სახლოო, — სიმღერაში ჩაურთო. გამხიარულდა, ძალიან გამხიარულდა გულასპირ ჩაფიჩაძე, გული აუმღერდა, მკლავებში ძალა იგრძნო, თვალში სინათლე მოემატა... ჰო, ძალიან მოილხინა გულასპირმა, შვილები და შვილიშვილები დაუბრუნდნენ გულასპირს, ხვალ და ზეგ რძლები და შვილთაშვილები დაეხვევიან, დაეხვევიან და არ მოასვენებენ — აბა, ზღაპარი მოგვიყევითო, შენვეწებთან შვილიშვილები და დაიწყებს ზღაპრის მოყოლას გულასპირი, შეაჩერებენ შვილიშვილები, ეს ზღაპარი არა, წიქარამ რომ პატარა ბიჭი გადაარჩინა, ის ზღაპარი მოგვიყევით. გაბრაზდება გულასპირი და ერთს მაგრა დაუცაცხანებს. რასაც გიყვებით; ის მოისმინეთო, მერე შეიბრალებს შვილიშვილებს, დაჰყაბულდება და მოუყვება წიქარას ზღაპარს...

...ზურგზე შეისვა პატარა ბიჭი წიქარამ და შურდულივით გაფრინდა — ცხრა ტყე გაჩეხა, ცხრა მინდორი, ცხრა მთა და ცხრა კლდე გადაირბინა, ცხრა მდინარე, ცხრა ტბა და ცხრა ზღვა გაცურა. გადაარჩინა პატარა ბიჭი და ბოროტი დედინაცვალი მშრალზე დატოვა.

და უხარიათ ბავშვებს პატარა ბიჭის გადაარჩენა და ისევე სთხოვენ გულასპირს — კიდევ მოგვიყევი ზღაპარიო: ახლა კი მაგრა დაუცაცხანებს გულასპირი — გეყოფათ, ახლა უბელო ცხენებზე შეჩვევით და აღმა-დაღმა იჯირითეთ. შეაფრინდებიან ეს ჭინკა ბიჭები და კუდიანი გოგოები უბელო ცხენებს და საჯარისოს მინდორს აიკლებენ ჭირით-ჭირითით. ხედავთ? გესმით? როგორ ახმინან და უქმებულნი და დაყრუებულნი სოფელი და გულასპირის ბებერმა გულმა არ გაიხაროს?! ჰოდა უხარია კიდევ.

...სიმღერა ჩაათავეს და გულასპირმა ჭიქები შეავსო.

— რაო, ვერ გებანება ჩემი „ცოლიკოური“? — გამომწვევად ჰკითხა გაბრიელს და თვალი გაუსწორა.

პაუზა.

— ამოვყაროთ გულასპირის ბებერი „ცოლიკოური“? — ასე შეუთანხმდი სატეველას? დაარწმუნე? რა გიპასუხა სატეველამ?

— სატეველაზე არ ვყოფილვარ. — თქვა გაბრიელმა,

გულში: გულასპირი მართლაც გულთმისანია, ან აბესალომ კიკნაველიძის წისქვილს იყო ამოფარებული, მე რომ სატეველასთან ვსაუბრობდი.

— იყავი! — დარწმუნებით თქვა გულასპირმა, — შენ შელამებულზე გამოდი ' ხერგადან.

— არ იყო შელამებული!

— ნამდვილად შელამებულზე გამოდი ხერგადან. თან ნელა იარე, სოფელში გვიან ავალ და ვერავინ დამინახავსო, ასე იყო ეს პაუზა.

— აბესალომ კიკნაველიძის წისქვილს რომ გაუსწორდეს; შეუხვიე, მანქანა წისქვილთან დააყენე, შუქი გამორთე, არავინ დამინახოსო. მერე მდინარესთან მიდი, ხელები წყალში ჩაყავი, ცივი წყალი გემა, სახეზე შეისხი და ხმადაბლა ეუბნები სატეველას.

— გამარჯობა, სატეველა, შენი! — ასე იყო, ხომ?

პაუზა.

— აგრე წვრილად საიდან იცი? — დამნაშავესავით თქვა გაბრიელმა.

გულში: მართალი ყოფილა დედაჩემი, გულასპირი მართლაც გულთმისანიც.

— რაო, რა გითხრა სატეველამ? არ გამოგეპასუხა? შენი ხმა ვერ გაიგონა სატეველამ და იმიტომაც არ გამოგეპასუხა? შენ ვითომ ხმადაბლა გაესაუბრე სატეველას? ცდები.

— წისქვილს იყავი ამოფარებული? — გაუბედავად შეეკითხა გაბრიელი.

გულში: ნამდვილად წისქვილს იყო ამოფარებული, მოკლე გზით გადმოქრა და სახლშიაც ამომასწრო, ეშმაკი კაცია გულასპირი.

— შენი სახლის აივანზე ვიჯექი, აქედან გხედავდი და ისე ხმამაღლა ელაპარაკებოდი ' მდინარეს, ყოველი სიტყვა...

ჯარაუდობ და გიმართლდება! — შეაწყვეტინა გაბრიელმა.

გულში: მაგრად კი ჩამქიდა ხელი!

გულასპირი დარწმუნდა გამოვიჭირეო და უფროდაუფრო შეუტია:

ამოვყაროთ გულასპირის ბებერი ცოლიყოფრიო, — ასე შეუთანხმდი სატეველას? დაარწმუნე? დაითანხმე?

— ჯერ კიდევ არ ამოგიყრია? — ვითომ გაიკვირვა გაბრიელმა.

— არც ამოვყრი! დიხაც რომ არც ამოვყრი! რაო, ცუდად ებანებოდა შენს „ციცქას“ ჩემი ცოლიყოფრი? ცუდად ებანებოდა? თქვი!

— სხვა ბანი არ იყო და... — კარგად მოვეუქერიო, იფიქრა გაბრიელმა და დამცინავად გაუღიმა.

გაცხარდა გულასპირი.

— სამ-სამი შევსვით! — რიხით თქვა გულასპირმა და ჭიქები ერთმანეთს მიუდგა. — ჯერ შენ დალიე, ალმასხან, მოწმესავით რომ დაყუნცულხარ აქ და ხმას არ იღებ, — არც შენ ხარ წმინდა სული! ადრევე შემოგივალეთ, ღურგლები ძალიან გვეჭირდება და როგორმე მალე ამოგვეშველეთო, შენ კი... ჰო, შენ მითავებაზე რომ იყო საქმე, მაინც ინებე ამობრძანება, — შენი კაცობა, აგერ ხელისგულზე მიწერია, წაგიკითხო?

ალმასხანი ადგა.

— დაბრძანდი, ბატონო, და ისე შემისვი, სადღეგრძელო არ გახლავთ ეს! — ჯარიმასავით შევსვით.

ალმასხანი დაჯდა და სამივე ჭიქა გამოცალა. გულასპირმა შეავსო ჭიქები და გაბრიელს ანიშნა, დალიეო. გაბრიელმაც უსიტყვოდ გამოცალა სამივე ჭიქა. მერე გულასპირმა ისევ შეავსო ჭიქები, თვითონაც უსიტყვოდ შესვა და ისევ გაბრიელს მიუბრუნდა:

— გულასპირ ჩაფიჩაძის ცოლიკოურს მე ვკრეფდი და მე ვწურავდიო, რომ ჩაუკაკლე სატეველას, რავა, მე არ დამიკრეფია შენი ციციქა? მე არ ვმღვარავარ შენს საწნეხელშიც, არ დამიწურია შენი ყურძენი? შენი ქვევრები არ გამირეცხია მე? აბესალომ კიკნაველიძის, ალექსანდრე და გულასპირ ჩაფიჩაძეების ყანებს ვთესავდი, ვამოროდებდი და ვტეხდიო, მათთვის სანისლედან შეშას ვეზიდებოდიო... ის რატომ არ უთხარი სატეველას, შოფრების კურსებზე მე რომ გაგაგზავნე, კოლმეურნეობის ავტომანქანაზე მე რომ დაგსვი, მერე ხერგაში ხალტურაზე რომ დაგიჭირეს, კოლმეურნეობის თავმჯდომარემ რომ მოგხსნა და თავდებად მე დაგიდექი? ვითომ კაი წმინდა სულები იყვეთ, თავი მოგიკატუნებიათ და ენა გაგიქვავებიათ. — და გულასპირმა ჯერ გაბრიელს დაჰკრა ხელი მხარზე, მერე ალმასხანს, ჭიქები დააბალკევა, შეავსო და დაიბუხუნა:

— მეყოფა ამდენი ქაქანი მე, ახლა თქვენ თქვით სადღეგრძელო, ბიჭებო!

პაუზა.

გაოგნებული სხედან გაბრიელი და ალმასხანი, თავები ჩაუჭინდრავთ, სახეები გასწითლებიათ, თვალი ვერ გაუსწორებიათ გულასპირისათვის.

— გაწყენინეთ, განა? — დანანებით თქვა გულასპირმა.

გულში: ნამეტანი მომივიდა. ჰო, გადავაჭარბე. ნაფუძვარს დაუბრუნდნენ, გულში ჩიტი უფროთხიალებთ, ვარხივარალო უნდა შემომეძახა, ქუდი ჭერში მესროლა, მე კი მივდექი და მივდექი—

ასეთები და ისეთები ხართ, ვითომ წმინდა სულები იყვეთ, თავები მოგიკატუნებიათ, ენა გაგიქვავებიათ-მეთქი... ნამეტანი მომივიდა!

— მაპატიეთ, ყმაწვილებო! ჩემი სისხლი და ხორცი ხართ, ჩემი შვილები ხართ თქვენ, ძალიან გამიხარდა თქვენი დაბრუნება, ავლელდი და გაგითამამდი! აპატიეთ თქვენს გულასპირს და ერთი სადღეგრძელო დააღვიწიეთ. — მუდარასავით თქვა გულასპირმა და ხელი თვალეზზე აიფარა.

და გაბრიელი ადგა, მალა აალირა თავი, ჰერს ახედა, ელექტრონათურასთან ჰერს კიდეც აჩნდა ღვინის წვეთები და ყურში ჩაესმა გულასპირის ხმა — „ღამილოცნიხარ ახალო სახლო“ და გაბრიელს სითბო ჩაეღვარა გულში... უთუოდ დილიდანვე დასაქმა კესარია, თვითონაც შეელოდა, მერე ეს სავსე კალათი და დოქი აქ ჩამოიტანა, დაჯდა ჩემდ სახლის აივანზე, გზას გასცქეროდა და მელოდა. მელოდა და ლოდინში დაიღალა, დაიღალა და მაინც მელოდა. დაღამდა, იმედი არ გადაიწყვიტა და მელოდა... მასპინძელივით დამხვდა ჩემს სახლში, არა, მასპინძელივით კი არა. მშობელივით დამხვდა: იჯდა მამა ოდის აივანზე და ქალაქიდან ვაეიშვილის მობრუნებას ელოდებოდა, დაგვიანებით მოვიდა ვაეიშვილი და მამამ უსაყვედურა — „ძალიან დაიგვიანე, გაბრიელ!“ სიყვარულიანი საყდვედური იყო ეს, მამის სიყვარულიანი საყვედური... მე კი, გავიოცე! ჰო, არ მოველოდი და მიტომაც შემაკრთო გულასპირის ხმამ! „ჩემი სახლის დარაჯობა ვინ გაკადრათ-მეთქი“. — ვითომ გავეხუმრე და გულასპირმა იფეთქა. ეგ ოხერი ქვევრები, თორემ ამას როგორ ვიტყვოდი! ჰოო. ქვევრებმა მათქმევინეს... უნდა მივჭრილიყავი გულასპირთან, გადავხეოდი, გადამეკოცნა. — „აგაშენოს ღმერთმა, მამასავით რომ დამხვდი, განათებული სახლი რომ დამახვედრე, მადლობელი ვარ. დიდი მადლობელი“... და გაბრიელი გულასპირის მხრებს შეეხო ხელებით, ძალიან სათუთად შეეხო, მერე გათამამდა და ხელები თანდათან ზურგზე ჩაუკურა და იგრძნო გაბრიელმა, მხრები აუცახცახდა გულასპირს, არა, მარტო მხრები არა, მთელი სხეული აუცახცახდა გულასპირს, ახლა დაიხრება გაბრიელი, მოეფერება და დაამშვიდებს; გულასპირი მიუხვდა, წამოიწია, წამოიმართა და ხელები იდლიებში შეუკურა გაბრიელს, მერე წელზე შემოაქლო და თავისკენ მიიზიდა.

მკერდებით ეკვრიან ერთმანეთს, —

დგანან, ცახცახებენ, უხარიათ!

არ უკოცნიათ ერთმანეთისათვის, არც სიტყვა დასცდენიათ...



ნელი, ძალიან ნელი ნაბიჯებით გაიარა აივნიდან ჰიშკრამდე და მაინც დაიღალა.

„ჩერ კიდევ ავად ვარ, მაგრამ ლოგინში წოლა არ შემიძლია“. შედგა, წელში გაიმართა და ოდისკენ მოიხედა.

აივანზე ეკა იდგა. ეკამ გაუღიმა, ხელი დაუქნია და ზალაში შევიდა.

„სკოლამდე სვენებ-სვენებით ვივლი“.

კუტკარი გააღო და თვალში ეცა ჰიშკართან დადგმული გრძელი სკამი.

საღლაც უნახავს დიდ ეკატერინეს ეს სკამი; კი, ნამდვილად უნახავს! უნახავს რომელია, ამ სკამზე მჭდარა დიდი ეკატერინე. ალექსანდრე ჩაფიჩაძის ჰიშკართან იდგა ეს სკამი, დიხაც რომ ეს ალექსანდრე ჩაფიჩაძის სკამია, აუღიათ და დიდი ეკატერინეს ჰიშკართან დაუდგამთ, ვითომ რატომო, ჰა?

„ავად რომ ვიყავი... ჰო, ექიმი ბრძანებდა — სრული სიმშვიდე და სიწყნარე, არაერთარი მნახველებიო. ჰოდა, მნახველები მაინც მოდიოდნენ, ეკა მათ სახლში კი არა, ეზოშიაც არ უშვებდა. აუღიათ ალექსანდრე ჩაფიჩაძის სკამი და ჩემს ჰიშკართან დაუდგამთ. მოდიოდნენ მნახველები და გვიან ღამემდე ისხდნენ ამ სკამზე. მერე ეკა მოვიდოდა ჰიშკართან და ჩურჩულით ეტყოდა მათ:

— ჩაეძინა, ჰო, ჩაეძინა და მშვიდად სძინავს, ახლა თქვენც წაბრძანდით სახლებში და დაიძინეთ, დიდი მადლობა მომიხსენებიაო.

ზოგნი წავიდოდნენ. აბესალომ კიკნაველიძე, ალექსანდრე და გულასპირ ჩაფიჩაძეები ჩურჩულით ეტყოდნენ ეკას, ცოტახანს კიდევ დავრჩებითო და დარჩებოდნენ და ეგებ გათენებამდეც კი ისხდნენ ამ სკამზე.

შინ შებრუნება დააპირა.

„ეკას ეცოდინება, ვინ დადგა ალექსანდრე ჩაფიჩაძის სკამი ჩვენს ჰიშკართან. მე ახლა კარგად ვარ, მნახველები არ მოდიან და ეს სკამიც საჭირო არაა. არც ისე მძიმეა ეს სკამი, დუღუნანა და კოკინია შეეშველებიან ეკას. აიღონ და ალექსანდრე ჩაფიჩაძის სახლში წაიღონ ალექსანდრე ჩაფიჩაძის სკამი...“

— დილა მშვიდობისა, ქალბატონო!

გულასპირ ჩაფიჩაძის ხმა შეიცნო. ეკატერინე შეკრთა და სკამზე დაჯდა.

არაფრად ეკაშნიკა. გულასპირის შემოფეთება.

ეკატერინეს ხალათის ჯიბეში სკოლის ახალი შენობის გასაღები უდევს. დარაჯი დაანამუსა და გასაღები გამოართვა. ჰო, გულმა ვერ მოუთმინა დიდ ეკატერინეს და სკოლის ახალ შენობას დაათვალიერებს. შენობის აგება ერთი თვის წინ მოათავეს, იმ დღეს პატარა მიტინგივითაც კი ჩატარდა სკოლის ეზოში, რევანზ ჩაფიჩაძემ მშენებლებს მადლობა გადაუხადა, მერე ცეკვოთამაში გააჩაღეს, საღამოს კი ვახშამი გაუმართა მშენებლებს და მასწავლებლებს რევანზ ჩაფიჩაძემ.

— დილა მშვიდობისა, გულასპირ! ამ დილით საით გაგიწევია? — როგორღაც უხალისოდ და ცივად: თქვა ეკატერინემ და გულასპირს გულში გაკკრა.

— სამსახურში! — თქვა გულასპირმა და სკამზე ეკას გვერდით დაჯდა.

— სამსახურში? დღეს ხომ კვირაა? — გაიკვირვა ეკატერინემ.

— კვირობით მუშაობა ცოდვად არ ითვლება, ქალბატონო!

— სახარებაში წერია? — ვითომ დაცინვით თქვა ეკატერინემ.

— დიახაც წერია! — დაბეჯითებით თქვა გულასპირმა. გულში: გულასპირი თქვენს სანახავად მოეშურებოდა, ქალბატონო ეკატერინე, — ერთს დაგხედავ, ხომ არაფერი სჭირდება-მეთქი და ჰა, მოვიდა გულასპირი, ჭიშკართან ეკატერინე შემოხვდა და იფიქრა გულასპირმა — გაუხარდება ეკას გულასპირის ნახვა, მოუალერესებს, შინ შეიწვევს, პატარა სუფრას გაუშლის და ლედვის არყით ეკატერინეს გამოჯანმრთელების სადღეგრძელოს შეასმევს, მოადგა ეკატერინეს ჭიშკარს გულასპირი და ეკატერინე ეკითხება — ამ დილით საით გაგიწევიაო, კაი საქმეა! გულასპირი თქვენსკენ მოისწრაფოდა, ქალბატონო ეკატერინე და, რადგანაც არ გესიამოვნათ მისი მოსვლა და შინ არ შეიწვიეთ, მეურნეობის კანტორაში წავა. თქვენ უსაქმო ხომ არ გგონიათ გულასპირ ჩაფიჩაძე? ღმერთო კი მომკალი!

— ჯანზე მოსულხარ, ეკა! — ღიმილით თქვა გულასპირმა, სიგარეტს მოუკიდა და ადგა.

— მართლაც კანტორაში მიდიხარ, გულო? — ცოტა ხნით შეკსულიყავით სახლში! — ვითომ მოესიყვარულა, ეკატერინე გულასპირს, გულში: რაღა მინცადამაინც ახლა გამომეცხადე! გიკვირს, რა ცივად შემხვდა ეკაო და მართალი ხარ. რომ იცოდე, სად მივდივარ, მაპატიებდი ასეთ შეხვედრას. მაგრამ სად მივდივარ ვერ გეტყვი.

— სახლში? არა, გენაცვალე, ძალიან მეჩქარება! — შორს დაიჭირა გულასპირმა თავი. — დიდი მადლობა მომხსენებია. გულ-

ში: ზრდილობისათვის თქვე, ცოტა ხნით სახლში შევსულიყავით და გგონია ვერ მიგიხვდით? ჯერ სუსტად ხარ და არ გაქვს ჩემთან ქირქილის თავი. ალბათ, პატარა ეკაც შინ არ არის, შენ კი, საუზმეს ვერ გააწყობ...

— წავედი მე, — თქვა გულასპირმა, ეკას ხელი ჩამოართვა და ჩქარი ნაბიჯით წავიდა.

— წავიდა. გულმოსული ადამიანის ნაბიჯებით მიდის, — თავისთვის, ჩურჩულით თქვა ეკატერინემ და თვალები დახუჭა. გულში: მაპატიე, გულასპირ. ჩემს გულს არასოდეს მოუტყუებია — ლოგინს თავი დავალწიე, წამოვდექი — კი, მაგრამ... ჰოდა, ეოთხელ კიდევ მინდა მოვინახულო ახალი სკოლა. ვიცი, ავეჯი ჯერ არ ამოუტანიათ, მაგრამ ცარიელი დარბაზების ნახეაც მემამბა... ჰოდა, მაპატიე ჩემო გულასპირ, შეუწდე შენს ეკას ასეთი გულცივი შეხვედრა.

სკამიდან ადგა, ირგვლივ მიმოიხედა და, რაკი დარწმუნდა ახლომახლო არავინ იყო, ნელი ნაბიჯით დაუყვა დაღმართს.

„სვენებ-სვენებით ვივლდ და მივალწიე სკოლამდე“.

...კიდევ ოცი დღე და დაირეკება სკოლის ზარი და ხემალაღელი მოსწავლენი სკოლის ახალი შენობის კარებს შეაღებენ... დიდი ეკატერინე პირველსავე დღეს მოაწყობს ზეიმს, მოწაფეებსაც და მათ მშობლებსაც დაიტევს სკოლის კლუბი, თავისუფლად დაიტევს. ჰოდა, ეკატერინე მოსწავლეთა და მასწავლებელთა სახელით მადლობას ეტყვის სკოლის ამშენებელთ, ღირსი კია რევაზ ჩაფიჩაძე ცალკე მოიხსენიოს, მაგრამ რევაზ ჩაფიჩაძეს შექება არ უყვარს, პირიქით, სწყინს, ძალიანაც სწყინს... თბილისი რომ დატოვა, განა ქვეყანას გააგებინა? გადაწყვიტა, ადგა და წამოვიდა. ჩუმად, უხმაუროდ წამოვიდა: ახლა ნანობს? არა! კმაყოფილია, საქმით კმაყოფილია, გული კი სტკივა, მაგრამ თავის გულისტკივისს არავის უმხელს. მოტყუებდა. რუსუდანი და თათია ფიქრდაც არ ფიქრობენ თბილისის დატოვებას, რევაზი კი დარწმუნებული იყო, წელს თუ არა, გაისად მაინც წამოვლენო და მოტყუებდა. აგერ მესამე წელია, ჰო, უკვე სამი შესრულდა, სანდრო მეექვსეში იყო, როცა ჩამოვიდნენ და ახლა მეცხრე კლასშია. ებრალება, ძალიანაც ებრალება ეკატერინეს რევაზ ჩაფიჩაძე და გამამხნევებელი სიტყვა ვერ შეუბეღია, პატარა ეკას კი ეშმაკურად უთამაშებს თვალი, მაგრამ დიდი ეკატერინე თვალს ამოუგდებს პატარა ეკას, დიხაც ამოუგდებს თვალს და დააბრმავებს... ჰო, ასე მოიქცევა.

ასიოდე ნაბიჯი გაიარა და დაიღალა, გული მაინც სკოლისკენ მიუწევს და მიდის სვენებ-სვენებით.

ე.ძალიან ცუდად რომ იგრძნო თავი, პატარა ეკა დაითხოვა და ანდერძი დაწერა დიდმა ეკატერინემ.

„სკოლის ახალ შენობაში ვერ შევებიჯებ მე. გულით კი მინდოდა ორიოდე თვე მაინც მემუშავა ახალ სკოლაში. თუ უხერხულად არ მიიჩნევთ, ახალი სკოლის ეზოში, ჭიშკართან, დამასაფლავეთ. ჩემი სამარე ბალახმა დაფაროს და მოწაფეები ყოველ დილით გადავილიან ჩემს საძარეზე, მე გამიხარდება, გაცოცხლდება სული ჩემი, სამარიდან ამოვიპრები, სკოლაში შევიპარები, უჩინრად ჩამოვვადები მერხზე და, თუ მოწაფე მასწავლებლის კითხვას ვერ უპასუხებს, პასუხს მე ჩავჩურჩულებ ყურში, თან დავანამუსებ, ბეჯითად ისწავლოს... ასე ვიცოცხლებ მე, ვიდრე მოწაფეები ივლიან ხემაღალის სკოლაში“...

როცა გამომჟობინდა და ანდერძი გადაიკითხა, გიყის ნაბოღვარად მიიჩნია და ანდერძი ნაკუნებდალ აქცია. საათს დახედა. ჯერ ათი საათიკ არაა და მზე შემალღებულია, სატეველას ხეობაში ჩაუნათებია მზეს და სატეველას შხუილი შემოესმა ეკატერინეს. მდინარის ნაპირს გზატკეცილი მოჰყვება, მარცხნივ სატეველას ტალღები ეთამაშება გზატკეცილს, მარჯვნივ თუთის ხეები აჩრდილებენ, დობელას სარტყელივით შემორტყმია გზა, თანდათან მალღდება, ზევითხვევით მოიწევს და ხემაღალში სიმღერასავით შემოდის.

შხუის სატეველა, შრიალებენ თუთის ხეები და მზეში ელავს გზატკეცილი.

„ღღეს კვირაა, სოფელი ისვენებს; გულასპირ ჩაფიჩაძე კი მეურნეობის კანტორაში ზის და საანგარიშოსს აჩხაკუნებს. უცნაური კაცია გულასპირი, მაინცდამაინც ამ დილით შემომეფეთა, ვერ მივუალერსე და გული მომიყვანა, არაფერიკ არ ესაქმება მეურნეობის კანტორაში, მე რომ გული მომიყვანა, იმიტომაც მიაშურა მეურნეობის კანტორას, იჯდეს კანტორაში და აჩხაკუნოს საანგარიშო. გულს მოიოხებს და შემირიგდება ჩემი გულასპირი... ეგებ რევაზ ჩაფიჩაძეკ კანტორაშია. ჰა?—და ეკატერინეს ფიქრი ისევ რევაზ ჩაფიჩაძეს დაუტრიალდა: მეურნეობის კანტორაზე უფრო სკოლის შენობა დააწინაურა—როგორკ კი კანტორის პირველი სართული მოათავეს და ლაბორატორია გამართეს, მშენებელთა მთელი ბრიგადა სკოლის მშენებლობას დაახვია, კანტორისათვის ამოზიდული საშენი მასალის, ნაწილიკ სკოლას მოახმარა რევაზ ჩაფიჩაძემ, არც სამინისტროს შეუშინდა და არც მშენებლობის ტრესტს... ჰო, ჯერ სკოლა ააგეო, მერე კი, მეურნეობის კანტორა, ჰოდს, თა-

ნასოფლელებმა არ უნდა იცოდნენ ეს? ზეიმი რომ გაიმართება სკოლაში, ავდგები და ვიტყვი, ყველაფერს გავამხელ, ხალხი ტაშს დაუკრავს და დაე, გაწითლდეს რევაზ ჩაფიჩაძე, არაფერი დაშავდება ამით. ვიცი, ალექსანდრეს გაუხარდება და მადლობას მეტყვის... ვიცი, აფორიაქებული ხარ, რევაზ, შენს გულისტივილს ვერაყის უმხელ, მებრალეები, ჰოო, ძალიან მებრალეები, მაგრამ შეველა რომ არ შემოძლია!.. შარშანწინ რუსუდანი ორიოდე დღით ჩამოვიდა, შარშან არ გამოჩენილა, წლევანდელი ზაფხულიც მიიწურა და მისგან ბაიბურიც არ ისმის. ჯავრობს მამაშენი და შენთვის ვერაფერი უთქვამს... სანდროს საქციელი კი არ მომწონს, არხეინადაა და თითქოს ზარც კი ახსოვს დედა! გაგონილა ასე? ჩემს ეკას მგონი უხარია ეს! ეგებ თვითონ ჩემი ეკაა ამის მიზეზი? შავ დღეს დავაყენებ ეკას. ა, სკოლიდან მოვბრუნდები და შავ დღეს დავაყენებ: ავუკრძალავ სანდროსთან ხეტიალს, მეურნეობის კანტორაში სიარულსაც ავუკრძალავ, შინ დავამწყყედევ! გამოფხიზლდი, გონს მოეგე, შე უბედურო, ეკა!“

წელში გაიმართა და ნაბიჯს აუჩქარა.

სკოლის ეზო საგულდაგულოდ შეათვალიერა, არავინ იყო და სადარბაზოსთან მაინც შედგა.

...წინა კვირას ალექსანდრე ჩაფიჩაძემ უსაყვედურა ეკატერინეს, შენ თვითონ ავად ხარ და მოსაკითხებს რატომ გვიგზავნიო: მართალია, მამაკაცები ვართ სახლში, მაგრამ შენ ხომ იცი, ბარე ოცი წელიწადია ვდიასახლისობ და ძალიან გთოხტო ნუ შეწუხდებიო. მოსაკითხიო — გაიკვირვა ეკატერინემ, ალექსანდრეს კი ღიმილით მიუგო, ჩვენს შორის ეგ რა სათქმელიაო.

და მიხვდა ეკატერინე: ვითომ ალექსანდრეს, ვითომ სანდროს, ნამდვილად კი რევაზს უგზავნის მოსაკითხს ეკა და ისიც ეკატერინეს სახელით.

„წარამარა აცხოვდა ხაჭაპურებს, ყველიან კვერებს ხარშავდა, წიწილებს აპიწკინებდა. მეგონა, ჩემს მნახველებს უმასპინძლდებოდა, ეს კიდევ ხაჭაპურს, წიწილს, მოხარშულ ყველიან კვერებს, ლელვის არაყს ჩემი სახელით უგზავნიდა რევაზ ჩაფიჩაძეს, ერთი ამას დამიხედეთ!“

ჰოდა, ახლა ცოტა ხანს შეიცდის სკოლაში ეკატერინე, მერე შინ მიბრუნდება და ვაი პატარა ეკას, ნახავთ, რა დღესაც დააყრის...

სადარბაზოს კარი ფრთხილად მიიხურა და იქვე, დარაჯის სკამზე დაესვენა.

დაიქანცა ეკატერინე და ცოტას შეისვენებდა. სკოლამდე ხომ მოაღწია? ჰოდა, არსად ეჩქარება, დაისვენებს და დარბაზებს მერე შემოივლის. დარბაზები ცარიელია? იყოს ცარიელი! ეკატერინეს თვალს ცარიელი დარბაზების ნახვაც ეხალისება. ამ კვირია მარე-ლისიდან ავეჯს ამოიტანენ, ეს დარბაზები მოირთვება და გალა-მანდდება, მაშინ სკოლას ოფიციალურად ჩაიბარებს დიდი ეკატე-რინე, დღეს კი ისე, შემთხვევით გამოიარა, მიმოიხედავს და წავა.

პირველი სართულის დერეფანი შეათვალიერა. ვრცელი, ძალი-ან ვრცელი დერეფანია. პირველ სართულზე სწორედ ასეთი ვრცელი დერეფანია საჭირო, კლუბი და ფიზკულტურის დარბაზი ხომ პირველ სართულზეა?

კლუბში შევიდა. მარტო სკოლას არა, მთელ სოფელს მოემსა-ხურება ეს კლუბი, პირველ წარმოდგენას ამ კლუბში სკოლის დრამატული წრე გამართავს, როდის? სექტემბრის ბოლოს. დრამატული წრე „მამის მკვლელს“ ამზადებდა, მაგრამ ეკატერინემ „მამის მკვლელი“, „ტარიელ გოლუათი“ შეაცვლევინა. ზურაბ ბარბაქაძეს ეწყინებოდა „მამის მკვლელი“. რომ დაედგათ, სამარეში იგრძნობდა, სული აუწვრიალდებოდა... დრამწრელებმა ცოტა კი იუარეს „მამის მკვლელის“ როლები შესწავლილი გვაქვსო, მაგრამ ზურაბ ბარბაქაძეს ვერ გაანაწყენებდა ეკატერინე და დრამწრელები დაიყაბულა.

მეორე სართულზე ავიდა და მუხლი მოეკვეთა.

ჰოდა, ჯერ დირექტორის კაბინეტში შევა ეკატერინე, იქ ერთი სკამი ეგულება, ცოტას დაისვენებს და მეორე და მესამე სართუ-ლებს მერე შემოივლის.

კაბინეტის კარი შეაღო... ამ კვირია ავეჯს ამოიტანენ და სა-მუშაო მაგიდას იმ კუთხეში, ფანჯარასთან ახლოს დაადგმევენებს. „იმ კუთხისკენ“ გაიხედა და შეტოკდა, თვალი მიმოავლო ოთახს. თვალებს არ დაუჯერა, თვალები დახუჭა და, როცა გაახილა — იგივე სურათი — დირექტორის კაბინეტი გაწყობილია და მორ-თული: ფანჯრებზე აბრეშუმის თეთრი ფარდებია ჩამოკიდებული, დირექტორის მაგიდა სწორედ ფანჯარასთან დგას, იქვე სავარძე-ლი, დირექტორის მაგიდას გრძელი, ძალიან გრძელი მაგიდა აქვს მიდგმული, გრძელი მაგიდას გარშემო რბილდასაჯდომიანი, ხოლო კაბინეტის ორი კედლის გასწვრივ, მარელისის ხის სკამებია გამ-წვრივებული. დირექტორის მაგიდასთან ახლოს, კედელთან, შინდის-ფერი წიგნის კარადა.

ნელა, სვენებ-სვენებით მივიდა დირექტორის მაგიდასთან და სავარძელში ჩაჯდა.

— ესეც ასე! დირექტორის კაბინეტი მორთულია, ქალბატონო ეკატერინე, დაბრძანდით!

კაბინეტის კარი გაიღო, ეკატერინემ ქუშად გახედა, კარებში ეკა იდგა და იფეთქა:

— როგორ მომაგენი?

პაუზა.

„ვითომ დარაჯმა უთხრა? აკი დევანამუსე!“

— რისთვის მოსულხარ, ეკა!

— საუზმე მოგიტანე, დედი! — შორჩილად თქვა ეკამ, და პატარა თეთრი კალათი, მარცხენა ხელში რომ ეჭირა, ოდნავ გააქან-გაშოქანა.

— შინ ვისაუზმებ, ახლა კი წადი! — ცივად და ხმამალა თქვა ეკატერინემ და სავარძლიდან ადგა,

ეკა დაფეთებული გაიძურწა.

კაბინეტს იქვენულად მიმოავლო თვალი ეკატერინემ, მერე ყველაფერი წვრილად აწონ-დაწონა, ვერაფერი ვერ მოიქარბა და ვერც ვერაფერი მონინაკლისა. ოდნავ დაუშვნიდა გული, მაგრამ კართახ გაშეშებული ეკა ისევ წარმოესახა და ისევ იფეთქა.

— მორთული კაბინეტის ნახვა არ გაიკვირვე, ეკა? რატომ გაიკვირვებდი? შენ ყოველივე იცი, რასაც რევაზ ზაფიჩაძე მოიმოქმედებს.... რევაზი გეგულებოდა აქ და ჩემი საუზმე მოიმიზეზე. მე რომ შემომეფეთე, შეტოკდი და კარებშივე გაშეშდი... როდის იყო, საუზმე მოგქონდა ჩემთვის სკოლაში? ცრუობ, ეკა, ნამდვილად ცრუობ და ვაი, საბრალოე, მალე აგირიდება გული, ვერავინ გაგამხნევებს, მე ცოცხალი აღარ გეყოლები, ეკა!

ისევ სავარძელში ჩაესვენა. იდაყვებით მაგიდას დაეყრდნო, ხელები სახეზე შემოიფარა და თვალები მილულა.

...ჯანზე მოსულხარო, უთხრა ეკატერინეს გულასპირმა და ეკატერინეს გული მოეცა. ვითომ მართლა გამოჯანმრთელდა? სვენებ-სვენებით გამოიარა მცირე მანძილი და მაინც დაიქანცა. სადარბაზოს კარი ქლივს შემოაღო და იქვე სკამზე დაესვენა. მერე ერთი სართული ამოიარა და დაღლა იგრძნო... ჯანზე რომ იყო ეკატერინე, ფეხით ჩადიოდა ხერგაში, დაულღელად ჩააღწევდა ხერგამდე, დაუტრიალდებოდა რაიკომს, რაიამასკომს, რაიგანათლებას. მათთან თუ ვერაფერს გააწყობდა, თბილისს მიშურებდა... ჰოდა, გატყდა ეკატერინე, საწადელს კი მიაღწია, ხემაღლის სკოლა არ მოაშლევიანა, თვითონ კი გატყდა და მოიშალა.

დირექტორის კაბინეტში ზის ეკატერინე. შესვენებაა: წვიმს.

მოწაფეები ეზოში ვერ ჩასულან და დერეფნებში ხმაურობენ. პო. ახალგაზრდობას ხმაური უყვარს და იხმაუროს... დღეს სალამოსაც ახმაურდება სკოლის დერეფნები და კლუბი. სკოლის დრამატული წრე პირველ წარმოდგენას გამართავს. კარგად მოიქცა ეკატერინე „მამის მკვლელი“ რომ არ დაადგმევენა, „მამის მკვლელი“ რომ დაედგათ, ზურაბ ბარბაქაძის სული აწრიალდებოდა და განა ეკატერინეს შეუძლია ააწრიალოს ზურაბ ბარბაქაძის სული? ზურაბმა აღზარდა, ზურაბმა მოიწვია მასწავლებლად, ზურაბმა ჩააბარა ხემალალის სკოლა.

...კლუბის დარბაზი გაქვდილია.

დაირეკა მეორე ზარიც, მალე დაიწყება წარმოდგენა. ეკატერინე დარბაზში შედის და მეხუთე რიგში განაპირა სკამზე ჯდება.

„ვერ მოვესწრები სკოლის ახალ შენობას, ვფიქრობდი მე და მოვტყუვდი. სწორედ ახალ შენობაში მართავს ჩვენი დრამატული წრე წარმოდგენას და მე წარმოდგენას ვესწრები“...

დაირეკა მესამე ზარი. ახლა სცენის სიღრმეში კოკი კიკნაველიძე ხმადაბლა იმღერებს „ჩელას“, ნელ-ნელა აიხდება ფარდა, გამოჩნდება სცენა-მინდორი, მინდვრის ყურეში ბებერი მუხა, შემოვა გელა ჩაფიჩაძე — ტარიელ გოლუა და მუხის ძირში დაჯდება.

კოკი კიკნაველიძე „ჩელას“ მღერის, ნელ-ნელა იხდება ფარდა და სცენის სიღრმეში გამოჩნდება... ზურაბ ბარბაქაძე! პო, ტარიელ გოლუას ნაცვლად სცენაზე შემოდის ზურაბ ბარბაქაძე... ეკატერინეს გული შეუტოკდება, პირს დააღებს, უნდა შეჰკვილოს, მაგრამ ყელიდან ხმა არ ამოსდის. დარბაზი ფეხზე დგება. ჰქუხს ტაში. ზურაბ ბარბაქაძე ფეხშიშველაა და თეთრი პერანგი აცვია, შარვლის ტოტები მუხლებამდე აუკაპიწვებია, მარჯვენა ხელში ანკესის ტარი უჭირავს, შარვლის ჯიბიდან ამოაქვს ასანთის კოლოფი. ჭიას ჩამოაცმევს ანკესს და სატეველას მორევში ისვრის... პო, სცენაზე სატეველა მოედინება... დარბაზი ჩუმდება და დარბაზში გაისმის ზურაბის ხმა:

„მოუსაფარი ვიყავ მე, და შენ შემიფარე!  
მშიერი ვიყავ მე, და შენ დამაპურე!“

და ბებერი მუხის ნაცვლად სამი თელა ამოიძარტა სცენაზე და ეკატერინემ იცნო ის სამი თელა. იქვე, თელების ძირში, ზურაბ ბარბაქაძეს კარავი უდგას. დარბაზში მსხლომნი მას ვერ ხედავენ. კარავი კი ნამდვილად დგას თელების ძირში, კარავში ცეცხლი ანთია: ნაჭაზე ქვაბი ჰკიდია და იმ ქვაბში სატეველას მურწა იხარ-



შება. თევზაობას რომ მოითავებს, კარავში შევა ზურაბი, ქვაბს ჩამოდგამს, მოხარულ მურწას ქინჭრის ფოთლებზე დააწყობს. ვაიმტკიცება თევზი, მერე კალათიდან ყველსა და მკაღს ამოიღებს, პრასის წნილსაც, წელგამოყვანილ ჭიქაში იზაბელას დაისხამს და დაილოცება.

...ასეა, ყოველთვის ხელი უნდა შეუშალოს ზურაბ ბარბაქაძემ ეკატერინეს! ხელავთ ახალ შენობაში პირველსავე წარმოდგენაზე გამოეცხადა. აბორგებულა, სამარეში ვერ დატეულა მისი სული და სცენაზე ტარიელ გოლუას ნაცვლად შემოიჭრა ფეხშიშველი. პერანგის ამარა, ანკესით ხელში.

ზურაბ ბარბაქაძე ხავსიანი ლოდიდან დგება... საზეიმოდ მორთულა ბატონი ზურაბი დღეს — შავი კოსტუმი, თეთრი პერანგი თეთრწინწკლებიანი შავი ჰალსტუხი, შავი ფეხსაცმელი... სუფთად, ძალიან სუფთად გაუპარსავს წვერი და თეთრი გრუზა თმა საგულდაგულად დაუვარცხნია.

ზურაბმა მარჯვენა ხელი მალლა შემართა და დარბაზმა ხმა გაიკმინდა.

— ძალიან მომეწონა სკოლის ახალი შენობა, მეგობრებო, — დინჯად თქვა ზურაბ ბარბაქაძემ, — დარბაზი შეათვალიერა, იოლად იბოვა ეკატერინე და თვალი ჩაუკრა, — თქვენ ბედნიერები ხართ და ამ ბედნიერების აეტორი ამ დარბაზში ზის. მე თქვენი სახელით მივესალმები მას...

— ეკატერინე ხიდაშელი! ეკატერინე ხიდაშელი! — ისმის შეძახილები და ხალხი ფეხზე დგება. პირველი რევან ჩაფიჩაძე მიდის ეკატერინესთან, თავს მდაბლად დაუკრავს და ხელზე ეამბორება; ეკატერინემ მხრებზე მოჰხვია ხელები ზურაბს და შუბლზე აკოცა... მერე გულასპირი, მერე აბესალომ კიკნაველიძე, მერე ალექსანდრე ჩაფიჩაძე, მასწავლებლები, მოწაფეები... და ეკატერინე უცებ შეკრთა, — მის წინ ეკა და სანდრო, ეკამ თვალი მოარიდა და თავი ჩაქინდრა, სანდრო კი, თვალებში შესცივინებს ეკატერინეს.

ეკატერინემ ეკას შეუბღვირა, სანდროს თავზე გადაუსვა ხელი. სკამზე დაჯდა და თვალები დახუჭა.

— და ვითხოვოთ, — კვლავ გაისმა ზურაბ ბარბაქაძის ხმა. — ამ სკოლას ეკატერინე ხიდაშელის სახელი მიეკუთვნოს. ტაში. შეძახილები.

როდის-როდისლა დაწყნარდა დარბაზი. ეკატერინემ თვალი გაახილა და ზურაბს შეხედა, ზურაბმა გაუღიმა, თვალი ჩაუკრა და ნელ-ნელა უკან, სცენის სიღრმეში დაიხია.

და ის სამი თელა გაუჩინარდა, ბებერი მუხა ამომიმართა სცე-

ნაზე, სწორედ ის მუხა, სატეველას მორევთან რომ დგას, ისევ გამოესმა ეკატერინეს სატეველას შხუილი, მერე ხავსიანი ლოდოც გაჩნდა. ლოდზე ზის ზურაბ ბარბაქაძე — ფეხშიშველი და პერანგის ამარა, მორევში ანკესი ჩაუგდია და ბუბუნებს.

„მოუსაფარი ვიყავ მე, და შენ შემოიფარე.  
შვიერი ვიყავ მე, და შენ დამაპურე“.

ზურაბმა ნელ-ნელა ამოიღო ანკესი, თევზი არ ამოჰყვა ანკესს, ზურაბს გული მოუვიდა, დაატრიალა ანკესის ტარი და მორევში მოისროლა.

ლოდიდან ადგა და კარავისკენ გაემართა.

— ძლივს — თქვა ეკატერინემ, სული ამოითქვა და გარშემო მიმოიხედა.

სინჟემე. ფანჯრებზე აბრეშუმის თეთრი ფარდებია ჩამოთარებული, მის სამუშაო მაგიდას გრძელი, ძალიან გრძელი მაგიდა აქვს მოდგმული, გრძელი, მაგიდის გარშემო რბილდასაჯდომიანი, ხოლო კაბინეტის ორ კედლის გასწვრივ მარელისის ხის სკამებია გამწკრივებული.

და გული ისე უცემს ეკატერინეს, გულზე ხელის დადებისა შეეშინდა.

„ნეტაე ეხლა მოვილოდნეს ეკა, შინ წამიყვანდა!“...

სავარძელი ზურგით მოსინჯა, თითქოს შეამოწმა, ცოცხალი ვარ თუ არაო, მერე საათს დახედა.

— აქი ცოტას დავისვენებ-მეთქი, მთელი საათი გასულა! — ჩურჩულით თქვა, ადგომა დააპირა, მაგრამ მუხლი ვერ გამართა, ისევ იდაყვებით დაეყრდნო მაგიდას და თავი ხელებში ჩაჩუკა.

...იღება კაბინეტის კარი, ეკა გამოჩნდება კალათით ხელში მორიდებით, ხმადაბლა ეტყვის — საუზმე მოგიტანეო, დედი, და ეკატერინე განრისხდება.

— შენც აქ ისაუზმებ, ყველა მასწავლებელი აქ ისაუზმებს! მე-სამე სართულზე ადი, ეკა, სასაუზმე ღიაა, მეც ახლავე მოვალ.

ეკა გაუჩინარდა და კაბინეტის კარი თავისთავად მიიხურა.

— აცუტებული ხარ, საცოდავო! აცუტებული ხარ, ეკა! ყოველდღე რამეს მოიმჩივებ და მეურნეობის კანტორაში შეითრევ თავს... წისქვილამდე ახალი გზა უმოკლესია, შენ კი, ისევ ძველი გზით დაიარები წისქვილში, ალექსანდრე ჩაფიჩაძის სახლთან ჩაივლი, ეზოში ჩაიხედავ, თუმცა ეზოში ჩახედვა რა საჭიროა, შეპირებული გყავს და კიშკართან დაგხვდება სანდრო, ისიც შემოიგდება ზურგზე ნაკრაულას და... ვიცი, ეკითხები, — სანდროდღა მალე ჩამოვა? არაო, გიპასუხებს სანდრო და შენ ვითომ

გწყინს, გულში კი გიხარია და ეს ვერ მომიწონებია, ეკა! მერე, უფრო რომ დარწმუნდე, ისევ ჰკითხავ სანდროს, — მოიწერა არ ჩამოვალო? სანდრო გიპასუხებს — არა, წერილი არ მოუწერიაო. რატომღაც დედა წერილებს არ გვიგზავნის... შენ ვითომ გაიკვირ-ვებ და გულში კი გიხარია, რუსუდანი წერილებს რომ არ უგზავნის რევაზს და სანდროს. რატომ გიხარია? ვიცი, ყველაფერი ვიცი! ხავს ეჭიდები, ეკა! შესაბრაალისი ხარ და მებრალები, როგორმე უნდა გიშველო, ეკა!

— ჰოო, უნდა უშველო! — ჩაესმა ყურში ზურაბ ბარბაქაძის ხმა, — და ეკატერინე შეკრთა, თვალი გაახილა, კაბინეტში მიმოიხე-და, არავინ იყო, იფიქრა მომეყურაო, ისევ მილულა თვალი და ისევ შემოესმა ნაცნობი ხმა. ხმადაბლა, ძალიან ხმადაბლა, მაგ-რამ გარკვევით ლაპარაკობდა ზურაბ ბარბაქაძე.

— სიყვარული მინდვრის ყვავილია, ქალბატონო ეკატერინე! არა-ვის დაუთესია მინდვრის ყვავილი, თვითონვე ამოიფეთქა, გაისამ-ყურა, მერე აიქოჩრა და გაიყვავილა... მოიბალახეს და ისევ გაი-სამყურა, ისევ აიქოჩრა და ისევ გაიყვავილა და სიყვარულიც ასეა, ქალბატონო ეკატერინე!

— როცა მარტოს დამიგულებ, მაშინ გამომეცხადები, ზურაბ, და მე მეშინია შენთან შეხვედრისა. ნუ მიწყენ, და მეშინია. — ხმადაბლა და ნაღვლიანად თქვა ეკატერინემ, სავარძლიდან ადგა, სვენებ-სვენებით მივიდა ფანჯარასთან, ფარდა გადასწია და ფან-ჯარა გააღო, იფიქრა ზურაბ ბარბაქაძის ხმას გარეთ გავიტყუებო. ეკატერინემ ეზოში ჩაიხედა და თვალი გაუშეშდა.

— მეც ვხედავ, — ისევ ჩაესმა ყურში ზურაბის ხმა, — ჰო, ვხედავ: შენი ეკა ჭიშკართან დგას, მარცხენა ხელში თეთრი კალათი უჭირავს, მარჯვენაში მინდვრის ყვავილების თაიგული, ის თაიგული სანდრომ მოუტანა.

ბაუზა.

— და რევაზ ჩაფიჩაძეც იქვეა, ხედავ, ეკა?

— ვხედავ! — გაჯავრებით თქვა ეკატერინემ.

— იღიმება შენი ეკა! სანდროს უღიმის და სანდროც თვალებში შესიცოცინებს ეკას. შენ ფიქრობ, შენი ეკა რევაზსაც უღიმის? მარ-თალი ხარ, რევაზ ჩაფიჩაძესაც ეღიმოლება შენი ეკა. ჰო, ორივეს, რევაზსაც და სანდროსაც... ფანჯარა მიხურეთ, ქალბატონო ეკა-ტერინე, თვალი რომ შეგავლონ, შეკრთებიან, გუნება გაუფუჭ-დებათ, მიხურეთ ფანჯარა.

— დაილუბება! — დარწმუნებით თქვა ეკატერინემ და ფან-ჯარა მიხურა.

— დაიღუპოს! მისი გული სიყვარულის გზაზე მიაბიჯებს და სიყვარულის გზაზე დაღუპვა...

— ეპიკურე? — დაცინვით თქვა ეკატერინემ.

— ცხოვრება! ღიახ, ცხოვრება, — სიმტკიცე შეემატა ზურაბ ბარბაქაძის ხმამ, — შენ არ გივლია სიყვარულის გზაზე, ამიტომაც მისი გულის ტკივილი არ გესმის, ქალბატონო ეკატერინე! იგი კი თამამად მიაბიჯებს სიყვარულის გზაზე... იფეთქა და მიდის, სიმღერით და გოდებით მიდის... შენ ამბობ, ეს გზა უფსკრულზე გადისო? გაიაროს უფსკრულზე! შენი ეკა უფსკრულს არ უკრთის. სიყვარულის გზაზე მიაბიჯებს და არაფრისა ეშინია...

სანდროსა და ეკას ხმამალალი სიცილი შემოესმა ეკატერინეს და. თვალი გაახილა.

სიჩუმე. ფანჯრებზე აბრეშუმის თეთრი ფარდებია ჩამოფარებული, მის სამუშაო მაგიდას გრძელი, ძალიან გრძელი მაგიდა აქვს მოდგმული. გრძელი მაგიდის გარშემო რბილდასაჯდომიანი, ხოლო კაბინეტის ორი კედლის გასწვრივ მარელისის ხის სკამებია გამწკრივებული.

„ნეტავ ახლა მოვიდოდეს ეკა, შინ წამიყვანდა.

დაველოდები... ჰოო, დაველოდები და მოვა!

დავისვენებ. ცოტას დავისვენებ, ეკა მოვა და შინ წამიყვანს“...

...და მაგიდაზე ეკას რვეული გადაიშალა. საოცარი კია, ეს რვეული ეკატერინეს სკივრში ყველაზე დაბლა, ზედ ფსკერზე დევს და ეკატერინეს კარგა ხანია სკივრისათვის ხელი არ უხვლია. ჰოდა, როგორ გაჩნდა ეს რვეული ეკატერინეს მაგიდაზე? უთუოდ არ ახსოვს ეკატერინეს, სხვა რვეულებთან ერთად მოიტანა სკოლაში, თორემ... ჰო, მოიტანა და აგერ დევს: ეკატერინე ხიდაშელი — „რა მახსოვს ჩემი ბალღობიდან. მოგონება“. დიდხნის წინანდელი. ამბავია. ახლა ეკა ოცდამეშვიდეშია, ეს მოგონება რომ დაწერა. თერთმეტისა იყო. — თერთმეტი წლისამ დაწერა ეს პატარა მოგონება და ქართული ენის მასწავლებელს სთხოვა გამისწორეო. ქართული ენის მასწავლებელმა ეკატერინეს გადასცა და იმ დღიდან მოყოლებული ეკატერინე სკივრში ინახავს ამ რვეულს. ყოველწლიურად კი წაიკითხავს, ხანდახან ორჯერაც წაიკითხავს წელიწადში, წელს კი, არ წაუკითხავს, ჰოდა, აგერ მაგიდაზე უდევს და წაიკითხავს.

„ოთხი წლისა როცა შევსრულდი...! ღიახ, ამ დროიდან მოყოლებული ყველაფერი კარგად მახსოვს, ცოტა უფრო აღრინდელი — მხოლოდ აქა-იქ, კანტიკუნტად“.

ეკატერინეს მინაწერი: ვითომ ყველაფერი გახსოვს? მგონი, ცოტას ტრებახობ. არ ვარგა.

„დედაჩემი ძალიან ადრე იღვიძებდა. ხემაღალში ყველაზე ადრე დედაშენი ღებდა, მეც კი მასწრებს ადგომასო, — ხშირად მეტყო- და ხოლმე ძია გულასპირი... ადგებოდა დედაჩემი ადრე, ძროხას მოწველიდა, ყველს ამოიყვანდა, ეზო-კარს მიალაგებდა, კობტად. ძალიან კობტად მოირთვებოდა და სკოლაში წასვლის დრო რომ დაუდგებოდა, შემეხმიანებოდა“.

ეკატერინეს მინაწერი; „ძალიან კობტად მოირთვებოდა“. სიც- რუეა. შენ გეჩვენებოდა დედაშენი „ძალიან კობტად მორთული“, შესაძლოა, ეს შენი სურვილი იყო. შენ ჰგინდოდა, დედაშენი ყო- ფილიყო „ძალიან კობტად მორთული“. ჰო, ყველა ბავშვს, განსა- ცუთრებით კი ქალიშვილის სურვილია, დედამისი „ძალიან კობ- ტად იყოს მორთული“...

— „გამოიღვიძე, ეკა, კარგა ხანია გათენდა. ნახე რამხელა მზე ამოსულა!“

მე ძილღვიძილში ვიყავი, მეზარებოდა გამოღვიძება და ისედაც დახუჭულ თვალებს კიდევ უფრო დავხუჭავდი; ვიცოდი, დედაჩემი მძინარეს არ დაშტოვებდა და ვიყავი ჩემთვის გატრუნული.

ეკატერინეს მინაწერი: ეგ სწორია — ბავშვობისას ცოტა ზარ- მაცი კი იყავი. ეშმაკიც რომ ყოფილხარ, არ ვიცოდი.

„— მაშ, არ გაიღვიძებ? აბა, მე წავედი! — ხმამაღლა, ძალიან ხმამაღლა იტყოდა დედაჩემი, საძილე ოთახის კარს ხმაურით გა- აღებდა და ზალაში გავიდოდა“.

ეკატერინეს მინაწერი: ნამღვილია, ზუსტად ასე იყო.

„ვითომ რამე დაავიწყდებოდა დედაჩემს საძილე ოთახში და ცოტა ხნის მერე ისევ შემობრუნდებოდა.“

„— კიდევ გძინავს, ეკური? — გაიკვირებოდა, ხელებს ჩემს ლოგინში შემოაცურებდა და ცივი თითებით ფეხისგულებზე მსუ- ბუქად მომიქავებდა. თანდათან ზევით-ზევით წამოიღებდა ხელებს დედაჩემი, კიბთან მომილუტუნებდა, გულმკერდზე გადამისვამდა ხელისგულებს, კისერს და ლოყებს დამიკოცნიდა, მერე საჩვენე- ბელი და შუა თითებით ქუთუთოებს გადამიწევდა და თვალებს და- მაქყვეტინებდა“.

— „რაო, ცივი ხელები მაქვს, ეკური? გამოგაღვიძე? — და სა- ბანს გადამხდიდა. — ნახე, როგორ გაზრდილხარ წუხელ, ფეხებზე დაიხედე! — დარწმუნებით იტყოდა დედაჩემი და წამომახტუ- ნებდა. მე სწრაფად დავიბანდი ხელ-პირს, დედა ჩამაცმევდა და ჰაიდა, კარის მეზობელთან, დედა ანეტასთან წავიდოდიო.“

დედა ანეტა აუცილებლად ჰიშკართან შემოგვეგებებოდა, — რა ხანია თამრიგელა საუზმეზე გელოდებო, — ღიმილით მეტყო-

და, ხელს ჩამეკლებდა და სამზადისაკენ წამიყვანდა. დედაჩემი კი სკოლისკენ გაეშურებოდა“.

ეკატერინეს მინაწერი: ყოველივე წვრილად დაგიმახსოვრებია, ეკუსი! შენმა პირველმა აზრამა-მაფიქრებინა, ხომ არ ტრაბახობს-მეთქი... წამიშლია პირველი მინაწერი.

„მამა არ მახსოვს, მამაჩემი ჯარში რომ გაუწვევიათ, ორი თვის შემდეგ დავბადებულვარ მე. ოთხი წლისა რომ შევსრულდი, თამრიკოს და არჩილის მამა, ძია ესტატე ჩამოვიდა; ცალფეხა კი ჩამოვიდა ძია ესტატე, მაგრამ ოჯახში ისეთი სიხარული დატრი-ალდა, ნუ იტყვი! და მამინ ვკითხე დედაჩემს, თამრიკოს და არ-ჩილის მამა თუ ჩამოვიდა, რატომ მამაჩემი არ ჩამოვიდა-მეთქი. დედაჩემი შეკრთა, ახლაც კი მახსოვს, სახე გაუფითრდა, მე თვა-ლი ამარიდა და ისე თქვა:

— ძია ესტატე, ხომ ნახე, ცალფეხა ჩამოვიდა, განა ცალფეხა კაცს შეუძლია იომოს? არ შეუძლია. მამაშენი, ჯანმრთელადაა და ომი ჯერ არ დამთავრებულა...

— მამაჩემი ჯანმრთელადაა? გამიხარდა მე, თან გავიკვირე, მინდოდა შეკითხა საიდან იცი-მეთქი, მაგრამ დედაჩემი უკვე ტი-როდა; შემეშინდა, კალთაზე ავეკარი და მეც ავტირდი“.

...და ყოველივე ეს თითქოს გუშინ და გუშინწინ იყო: ფეხშიშ-ველა დატანტალებს ეზოში ეკა, უკვე შებინდებულია და მაინც ეზოში დატანტალებს, ხატულის დასდევს დასაჭერად, ვერ დაუ-ჭერია და კისკისებს, გუტა მოადგება ჭიშკარს, დაიბლავლებს შე-კუნტრუშდება ხბო და ჭიშკარისკენ გაქანდება, პატარა ეკაც გაქან-დება ჭიშკარისკენ, ეზოში შემოუშვებს გუტას. ეკატერინე სამზა-დიდან გამოსძახებს და პატარა ეკა ოქართეში შემორეკავს გუტას და ხატულის.

...მერხზე გასუსული ზის პატარა ეკა და მასწავლებელს თვა-ლებში მისჩერებია...

„ჰო, გუშინ და გუშინწინ იყო ეს, და ერთი დამიხედეთ, რო-გორ გამიეშმაკდა ის პატარა ეკა! ხაჭაპურებს და ლელვის არაყს ჩემი სახელით მიართმევს რევაზ ჩაფიჩაძეს... აი, ახლაც სკოლის ეზოშია, მინდვრის ყვავილების თაიგული უკავია ხელში და რე-ვაზს და სანდროს ელიმება... ჰოდა, ახლავე დაეუძახებ ეკას“.

კედლამდე ძლივს მილასლასდა, ფანჯრის სახელურს კი წაავლო ხელი, ფანჯარა კი ვერ გამოაღო, ვერა, ვერაგზით ვერ გამოაღო და ისეთი ხმა სადა აქვს ეკატერინეს, კარ-ფანჯარადახურული ოთა-ხიდან ჭიშკრამდე მიაწვდინოს? აჰაეი, ცუდად, ძალიან ცუდადაა დიდი ეკატერინე! შეხედეთ, ხელებით მიპყრდნობია კედელს და

მინც ვერ იმაგრებს თავს — სავარძელში მოისვენოს? მეტი არაა ჩემი მტერი, სავარძლამდე მიაღწიოს ეკატერინემ... აჰა, ახლა ზურგითაც მაგრა მიეყრდნო კედელს და მინც ქანაობს და ბარბაცებს, მუხლებში იკეცება, ქვევით-ქვევით მიიწვეს და პატარავდება... ჩაიკეცა უკვე.

მეშველენით!

სადა ხარ პატარა ეკა! დედაშენი გიხმობს! გულასპირს, ალექსანდრეს, აბესალომს გამოუძახე და გამოქანდით, თორემ ცოცხალს ვეღარ მოუსწრებთ, ჰო, ვერ მოუსწრებთ და ცოდნა დიდი ეკატერინე, შენთვის ანდერძი აქვს სათქმელი. წვრილი, გაკაწრული, უმწეო ხმით ჩიფჩიფებს, სიტყვა ყელში გასჩხერია და ვერ ამოუთქვამს... ცოცხალს მოუსწარი, — თვალებით გეტყვას თავის სათქმელს ეკატერინე. გამოესწრაფე!

თვალი მიმოავლო ოთახს და ყოველივე შავად ეჩვენა — კედლები, ქერი, კარ-ფანჯარა, იატაკი, თეთრი ფარდებიც გაშავებულა, ჰაერიც შავია... წყვილიადი შემოჭრილა ოთახში, გულზე დააწვა ეს წყვილიადი ეკატერინეს და სადაცაა გასრეს!

და წყვილიადის მიღმა ნათელს ჰკიდა თვალი ეკატერინემ — მთელი სოფელი დაძრულა ეკატერინეს საშველად, სოფელს ეკა მოუძღვის წინ, რევაზ ჩაფიჩაძე და სანდრო ფეხდაფეხ მოჰყვებიან ეკას... მთელი ხემაღალი დაძრულა და მოდის! ჰო, ბებრებიც დაძრულან — გულასპირი, ალექსანდრე, აბესალომი... აჰა, ხმაც მოაწვდინა გულასპირმა — გამაგრდი, ეკა!

სკოლის ეზოს მოუახლოდნენ და სად იყო, სად არა, ხალხის ტალღა ზურაბ ბარბაქაძემ გამოარღვია და პირველი შემოიჭრა ეზოში...

...ზურაბმა მაგრად ჩაავლო მკლავში ხელი და სხეული აუმჩატდა ეკატერინეს, მსუბუქად, ძალიან მსუბუქად აჰყვა ზურაბის ხელს, წელში გაიმართა, თვალი ჩაუკრა ზურაბმა, გაუღიმა და ყურში უჩურჩულა — წავიდეთ, ეკა!

ნაბიჯი წადგეს და ოთახის კარი თვითონ გაიღო, ცეკვა-ცეკვით ჩაირბინეს კიბეები, ეზოში გავიდნენ, სკოლის კიშკარიც თვითონ გაიღო, გარშემო არავინ იყო, ჰო, არც სკოლის ეზოში, არც თემშარაზე არავინ იყო და ზურაბ ბარბაქაძემ სასაფლაოსკენ გაიტყუა დიდი ეკატერინე...

იატაკზე პირაღმა წევს ეკატერინე.

ღია თვალები ქერისთვის გაუყრია.

ვერარას ხედავს,

რამეთუ თვალნი მისნი აღარ არიან ხედვად!

პატარა ეკატერინეს მოთხოვნები

I

დღეს დედაჩემის ორმოცია.

რომ ამბობენ, დრო სწრაფად გარბისო, სიცოცხლე ყოფილა!

უთუოდ მხიარული დრო გარბის სწრაფად, გვენანება მხიარულ დღეებთან გამოთხოვება და მიტომაც გვეგონია, დრო სწრაფად მირბის.

მეც ასე მეგონა დედაჩემის გარდაცვალებამდე. დედაჩემის გარდაცვალების შემდეგ კი, ჩემთვის დრო ტაატიო, ძალიან მღორედ მიდის, ხანდახან კი მგონია, თითქოს ერთ ადგილზე დგას. მაგრამ დგას და არასოდეს არ დაიძვრება, მზე კი ამოდის და ჩადის, თენდება და ღამდება, დრო კი მაინც იგივეა, დღევანდელი დღე გუშინდელსა ჰგავს, გუშინდელი გუშინწინდელს და იმისწინანდელი კიდევ იმისწინანდელს. ნამდვილად დრო ერთ ადგილზე დგას, ხოლო ჩვენ მოვდივართ და მივდივართ, — ვიბადებით. ვიზრდებით. თანდათან ვებრდებით, ვკარგავთ სიცოცხლის უნარს და მივდივართ მოუსაველეთში.

...ეს ორმოცი დღე ჩემთვის ერთ დღედ გაიწეა.

დედაჩემიერთადრე ვდგები. პაიპარად მივხედ-მოვხედავ სახლკარს. უმთავრესია გუტა არ დამრჩეს მოუწველავი, ძროხა თუ დროზე არ მოწველე, ძროხას ჯიქანი ასტკივდება და შესაბრაღისად აბღავლდება. დედაჩემის დაკრძალვის მეორე დღეს მე გუტა არც გამხსენებია, სული შინ ვერ დავატიე და გათენებისას წავედი სასაფლაოზე, კიდევ კარგი, დეიდა ანეტას გაეგონა გუტას ბღავილი და სირბილით მოვარდნილა ჩვენსას.

ჰო, ინათებს თუ არა, სული ამიფორიაქდება, შინ ვერ ვჩერდები და სასაფლაოზე მივდივარ. მივდივარ რომელია, სატყველას ბოგირზე რომ გადავალ და თავს მარტო დავიგულეკებ, აღმართიან ბილიკს სირბილით შევეუხვები, გულს ბაგაბუგი გააქვს, მაგრამ მაინც მივრბივარ, მივადწევე სასაფლაოს, დედაჩემის სამარეს დავხედავ, ჩავიჩოქებ, სამარის ფხვიერ მიწას ხელის თითებით ვითომ უფრო გავაფხვიერებ და სული უმალ დამიმშვიდდება...

დასაფლავების მეორე დღესვე, გულასპირ ჩაფრჩაქემ სამი თეთრი ვარდი მიწიანად ამოთხარა თავის ეზოში და დედაჩემს ფეხებთან დაურგო.



დედაჩემს თეთრი ვარდი უყვარდა, ეს მთელმა სოფელმა იცოდა და ბავშვებსაც მხოლოდ და მხოლოდ თეთრი ვარდები მოჰქონდათ დედაჩემთან.

სასაფლაოსთან ახლოს წყაროა, იმ წყაროდან ღოჭით მოვიტან წყალს, მაგრამ არც სამარეს და არც ვარდებს ჯერ არ მოვრწყავ, ისევ ჩაჭიჩოქებ და ზელის თითებით ისევ სამარის ფხვიერ მიწას ვითომ გავაფხვიერებ და მერე ისე, როგორც დედაჩემი მეფერებოდა, ცივ სამარეს ვეფერები: ჯერ ფეხებზე მსუბუქად, ძალიან მსუბუქად, გადავუსვამ ხელის თითებს, მაგრამ მერიდება და ვერ მოვუქავებ, მერე ხელისგულებს გავშლი, თანდათან ზევით-ზევით წამოვიღებ და ხელისგულებით მუხლისთავეებს მოვეალერსები, მერე, როგორც თვითონ იცოდა, გულმკერდზე მიმოვუტარებ ხელისგულებს, თავს დავხრი, „ქისერსა“ და „ლოყებს“ დავუჟოცნი და თვალებში ჩაეხედავ.

— რაო, დედი, გამოგაღვიძე? ჩემმა ცივმა ხელებმა გამოგაღვიძეს?

ხმადაბლა, ძალიან ხმადაბლა, ჩურჩულით ვიტყვი მე, სიჩუმე.

გარშემო მივიხედ-მოვიხედავ და ისევ ჩავეკითხები.

— ვერ გამოიღვიძე, დედი?

— მეძინება, ეკა, დედაშვილობას თავი დამანებე, — დედაჩემის მაგივრად ვიტყვი მე. დავუჭერებ, ავდგები, ჯერ თეთრ ვარდებს მოვრწყავ, მერე სამარეს მსუბუქად მოვასხურებ წყალს, ქოთანში მინდვრის ყვავილებს გამოვცვლი და მორჩომილია ჩემი საქმე.

სამარის თავთან დიდი, სწორზედაპირიანი თეთრი ქვა დევს, დავაფენ ჩემს შავ თავსაბურავს ამ ქვაზე და დავჯდები.

ცოტახნით დავჯდები. დიდიხნითაც შემიძლია დავისვენო, მე შენ ვეტყვი და რამე საქმე მქონდეს, მაგრამ ეს თეთრი ლოდი ძალზე ცივია... მე სატეველაში ვბანაობდი, სატეველას სველ ლოდებზე გავწოლილვარ და აგრე არ შემცივნია. ეს ლოდი სატეველას ლოდებზე უფრო ცივია; უთუოდ სამარის სიცივე წყალზე უფრო აციებს ლოდს. ჰოდა, მოდი და გაუძელი სამარის სიცივეს! გაუძლებ? ვერა! ეტყობა მიცვალებულნი ცოცხლებზე ძლიერნი არიან და ამიტომაც იტანენ სამარის სიცივეს.

გულასპირ ჩაფიჩაძემ მითხრა, მიცვალებულნი თვითონვე ქმნიან ამ სიცივესო და მე ვერწმუნე.

ამ გავანია სიციხეში ვზივარ დედაჩემის სამარესთან და მცივა, ძალიან მცივა, ხანდახან კბილებსაც კი მაცემინებს. ავდგები ლოდიდან, გავალ სასაფლაოს ეზოდან, მზეს მივეფიცები და მაინც ვერ ვთბები.

სიცივე სულში მაქვს ჩაჭრილი და მზე სულს ვერ მითბობს.

...ერთხელ ძალიან შემცივდა და გასათბობად სასაფლაოს ეზოდან რომ გავედი, შემთხვევით დავხედე ჩვენს სოფელს... აგერ საჯარისოს მინდორი, აი, ჩენი სკოლაც, მერე მარცხნივ გავაყოლე მზერა და ჩენი ეზო-კარი დავინახე: ვითომ საღამოხანია, ოდასახლის აივანზე დედაჩემი ზის, წიგნს კითხულობს და მე მელოდება და მე გავქანდები, ჰო, სირბილით გავეშურები, ხმაურით გავაღებ კიშკარს და ეზოში შევირბენ, დედაჩემი ჩემი ნაბიჯების ხმას გაიგონებს და უხარია, მაგრამ არ გამომხედავს, ვითომ ვერ შემამჩნია და ისევ აგრძელებს წიგნის კითხვას და როცა კიბეზე შევდგამ ფეხს, ვითომ შეკრთება, მწყურალად გამომხედავს და მაინც დაყვავებით მკითხავს.

— ვისთან იყავი, ეკა?

— დუღუხანასთან ვიყავი, დედი, — მეც დაყვავებით ეუბასუხებ.

ამხედ-დამხედავს, თვალს გამისწორებს, წიგნს დაკეცავს და წამოდგება.

— ასე დიდხანს? სხვასთანაც გამოვივლიდი შენ. — დარწმუნებით იტყვის დედაჩემი, ნელი, უხმაურო ნაბიჯით ჩაივლის კიბეს და სამზადისკენ წავა.

„სხვასთან“ მინიშნებით თქვა დედაჩემმა. „სხვასთან“ — ეს ალექსანდრე ჩაფიჩაძის ოჯახია — ალექსანდრე, რევაზი და სანდრო, მე უთუოდ გამოვივლიდი ჩაფიჩაძეებთან, ამაში დარწმუნებულია დედაჩემი, ეს საკითხავი არ გბლავთ დედაჩემისთვის, ოღონდ არ იცის, მე რომ ჩაფიჩაძეებთან გამოვიარე, შინ იყო თუ არა რევაზი. ამას მე არ მკითხავს, თვითონ ვერ მიმხვდარა, ძალიან კი აინტერესებს და არის ხმაგაკმედილი და გაბუსუნებული...

ცხადად წარმოვიდგინე ეს და მე გავთბი, დამცხა კიდევაც, ისე დამცხა, მზეზე დგომა ვერ შევძელი, შემოვბრუნდი სასაფლაოზე. მივედი დედაჩემის სამარესთან, დავაფინე ჩემი შავი თავსაბურავი თეთრ ლოდზე, დავკეპი და უმაღლეს შემცივდა, ჰო, უმაღლეს ამიტანა სიცივემ და კბილები დამაცემინა.

მაინც ვზივარ ლოდზე, ვფიქრობ დედაჩემზე და ჩემს თავს ეკამათები...

## II

დედაჩემის უეცარი სიკვდილის მიზეზად ჩემი თავი მიმაჩნია, ნამდვილედ ასეა და ეს ვერ მიმატოვებია ჩემი თავისთვის.

გარდაცვალების წინა ღამით ცუდად ეძინა. გვიანობამდე ვიჯექი

მის ფეხებთან, მერე დამითხოვა, წადი და დაიძინე, სადაცაა გათენდებო. დავარწმუნე, ჩემს ოთახში რატომღაც ვერ ვიძინებ-მეთქი და ლოგინი ზალაში გავიშალე. ვიფიქრე ახლოს მაინც ვიქნები დედასთან, თუ რამე დასჭირდება, დაბალი ხმითაც რომ დამიძახოს, მაინც გავიგონებ-მეთქი.

დავწეკი. ლოგინში გავიტრუნე და ვფხიზლობ. ვგრძნობ, დედაჩემსაც არ სძინავს და ფხიზლობს. ვართ ასე ცალ-ცალკე გატრუნულები. გავიდა მცირე ხანი და დედაჩემი მეკითხება — ეკა, დაიძინე? მე თავი მოვიმძინარე. დარწმუნდა მეძინა და სინათლე აანთო. ცოტახანს ვაცალე. მერე შევეხშიანე, დედი, ხომ არაფერი გჭირდება-მეთქი, არაო, მიპასუხა, შენ დაიძინე, მე ცოტას წავიკითხავ და დამეძინებო.

მე რომ დილით გამოვიღვიძე, დედაჩემი ფეხზე იყო. ფეხზე იყო კი არა, სამზადში რომ შევედი; კეცი ცეცხლზე იყო გადამხობილი და ყველი ამოყავდა.

მეწყინა.

დედაჩემი მიმიხვდა.

— უქმად ყოფნა არ შემეძლია, ეკა, — დაყვავებით მითხრა და გამიღიმა. ღიმილი ნაძალადევი იყო და ტუჩებზე უცებ შეაშრა.

...ნასაუზმევს დედაჩემი მოირთო. თმა კოხტად დაივარცხნა და თეთრკოპლებიანი ცისფერი კაბა ჩაიცვა. ეს კაბა ახალგაზრდად აჩენდა დედაჩემს და ხშირად იცვამდა. შავი ფერის ტანსაცმელი ჭირვიით ეჭაერებოდა, ფეხსაცმელსაც არ იცვამდა შავი ტყავისას. მე რომ მოვკვდებო, ხშირად მეტყოდა ხოლმე, მხოლოდ ორმოცი დღე ჩაიცვი შავი ტანსაცმელი. ორმოცდამეერთე დღეს უსიკვდილოდ გაიხადე და დაწვიო; თორემ სული ამიწრიალდებო. მე პირობა მიეცი, ხვალ შენს შავ კაბას, შავ თავსაბურავს, შავ წინდებს და შავ წალებს გავიხდი და დავწვავ.

...პო, მოირთო დედაჩემი და მეუბნება:

— ცოტა ჰაერზე გავივლი, ეკა!

შევხედე და ძალიან ფერწასული მეჩვენა, ნამდვილად მიტკალივით ჰქონდა სახე, გულმა მითხრა, დაუშალეო, მაგრამ ვერ შევბედე და დედაჩემი წავიდა.

მე ფანჯრიდან ვუთვალთვალე. ნელი, ძალიან ნელი ნაბიჯებით გაიარა ეზო, ჭიშკართან შეყოვნდა, ეზო მოათვალიერა, მერე კუტკარი გააღო და ქუჩაში გავიდა. ვხედავ, ჩვენი სახლისკენ გულასპირ ჩაფიჩაძე მოაბიჯებს, გამიხარდა, მეგონა, დედაჩემი გულასპირს შინ შემოიწვევდა, მაგრამ მოვტყუედი. გულასპირმა, დედაჩემის ავადმყოფობისას, ჭიშკართან რომ გრძელი სკამი დაგვიდგა, იმაზე დასხდნენ. მცირე ხანს ისხდნენ, მერე გულასპირა

ადგა და მეურნეობის კანტორისკენ ჩქარი, ძალიან ჩქარი ნაბიჯით წავიდა.

სახტად დავრჩი.

დედაჩემი სკამიდან ადგა, ეზოში ჩამოიხედა და საგულდაგულოდ მოათვალიერა, მერე ოდას შემოაჯერდა, კარგა ხანს იდგასე, ვიფიქრე, მე თუ მიხმობს-მეთქი და აივანზე გამოვედი, არაფერი მანიშნა, ეგებ ვერც კი დამინახა, და წავიდა.

ნელი, ძალიან ნელი ნაბიჯებით წავიდა.

როგორ ვიფიქრებდი, რომ დედაჩემმა უკანასკნელად გაიარა ეზოში, უკანასკნელად მოათვალიერა თავისი ეზო-კარი და უკანასკნელად გაიხურა კიშკარი.

...კიშკრამდე სვენებ-სვენებით რომ გაიარა, უნდა ავდევენებოდი, მეთქვა, შენთან ერთად წამოვალ-მეთქი. ვიცი, დამიშლიდა, მაგრამ მე გავჯიუტდებოდი და ეგებ შინ მობრუნებულყო დედაჩემი და იცოცხლებდა კიდევ კარგა ხანს.

კიდევ კარგა ხანს იცოცხლებდა, ნამდვილად.

და ვიტანჯები მე, ეს ორმოცი დღეა სასაფლაოზე ვიღამებ და ღამე ლოგინში ვფხიზლობ და ვწრიალებ.

აპაევი, გვიანია სინანული.

...გულასპირ ჩაფიჩაძის სახლში რომ შევხვდი რევაზ ჩაფიჩაძეს... ჰო, პირველი შეხვედრისთანავე სულში ჩამიძვრა რევაზ ჩაფიჩაძე, ეგებ თვითონ არა, ეგებ მე ჩავიძვრინე სულში და გულზე დავიჭიდე!

და დედაჩემმა ეს იგრძნო.

იგრძნო და აწრიალდა.

რისი გეშინოდა, დედაჩემო?

დედაჩემი: რევაზ ჩაფიჩაძე უკმაყოფილოა რუსუდანიტ, მაგრამ ჩვენ ვერ დავადანაშაულებთ რუსუდანს. ორი ბავშვის დედა, თბილისში დაბადებული და აღზრდილი, მხატვარი, საკუთარი სახლი, მეუღლე — კათედრის გამგე, მშობლები ხელმისაწვდენზე... მიატოვე ყოველივე ეს, აიყარე და გადაბარგდი სოფელში, რომელსაც ხეირიანი გზაც კი არა აქვს... რევაზ ჩაფიჩაძე რატომ მოიქცა ასე? მშობლიურმა კერამ დაუძახა. მოხუცმა მამამ, დაუქმებულმა ეზო-კარმა, ხემაღალის ბილიკებმა, სატყველამ აბესალომ კიკნაველიძის წისქვილმა და გულასპირ ჩაფიჩაძემ დაუძახეს და გულმა აქეთ გამოუწია. სკოლამაც გამოიხმო რევაზ ჩაფიჩაძე. ჩვიდმეტმა მოსწავლემ, ორმა მასწავლებელმა, იმ ჩვიდმეტი მოწაფის დიდებებმა და პაპებმა; — ჰო, ესენი გამოუძახებდნენ რევაზ ჩაფიჩაძეს

მოგვეშველო, მან გაიგონა მათი ძახილი და თბილისში ვერ დაედგომებოდა... ალექსანდრე ჩაფიჩაძის სახლში მთელი ღამეები სინათლე ენთო, ფხიზლობდა ალექსანდრე და ის ანთებული სანთელი და ალექსანდრე რევან ჩაფიჩაძეს ელოდნენ... დაედგომებოდა თბილისში? არა, არ დაედგომებოდა. ადგა და წამოვიდა. წამოვიდა და გაუშარტლდა. და მას ვაჟიშვილმა გაუმაგრა გული. ის სანდრო პატარა რევან ჩაფიჩაძეა. სწორედ სანდროსხელა რევან ჩაფიჩაძე სწავლობდა ხემაღალის სკოლაში, საფეკვაი დაჰქონდა აბესალომ კიკნაველიძის წინქვილში, სატეველაში ბანაობდა და ხელობდა სატეველაში, ხემაღალის ბილიკზე დახტოდა, უბელო ცხენს დააჯირითებდა დობერებზე... მამა-შვილს რომ შეეხვდები მე, ორ რევან ჩაფიჩაძეს ვხედავ — ყმაწვილს და დაჰარმაგებულს. სანდროსავით ბეჯითი მოწაფე იყო რევანში, სანდროსავით მოკრძალებული და მოუსვენარიც... ეგებ ყველაზე უფრო დედის სამარემ უხმო რევან ჩაფიჩაძეს? დიახაც რომ დედის ძახილს სხვათა ძახილზე უფრო გაიგონებდა. ჰო, დედის მოსიყვარულე გულმა უსაყვედურა, რად მიმატოვე, შვილო, და დაედგომებოდა თბილისში: არა, არ დაედგომებოდა! ადგა და გამოსწია და შვილი დაუბრუნდა დედას. აკი, კვირაში ერთხელ მაინც მოინახულებს დედის სამარეს რევან ჩაფიჩაძე და სანდროსაც თან იახლებს. კმაყოფილია რევან ჩაფიჩაძე, ძალიან კმაყოფილია და, ღმერთო, ყოველთვის გაუშარჯვე მას! რუსუდანიო? მკითხავ შენ და მე გიპასუხებ: იყვენ რუსუდანი და თათია თბილისში. თათიამ ხომ თბილისში უნდა ისწავლოს. სანდროც ჩვენს სკოლას დაამთავრებს და თბილისში წავა სასწავლებლად. წავიდეს. მამამისივით აბრეშუმის ჭიას არ გამოეკადება? დიასამიძეებივით ისტორიას უკირკიტებს? მიეძალოს ისტორიას, ისტორიკოსად მოგვევლინოს სანდრო ჩაფიჩაძე, ქვეყანა არ დაიქცევა ამით! ისტორიკოსები, ლიტერატორები, მხატვრები, მათემატიკოსები, აგრონომებთან, და ექიმებთან ერთად იმოდღაწებენ სოფელში და ისტორიკოსი სანდრო ჩაფიჩაძეც იპოვის საასპარეზოს... და მაშინ დარწმუნდება რუსუდანი, რომ რევან ჩაფიჩაძე სწორად მოიქცა, გულს მოიბრუნებს, ჯავრს გადაიყრის და ჩაფიჩაძეთა ოჯახი გამთელდება. ხვალ თუ არა, ზევ მაინც ასე იქნება; ეკა? შენ? შენ ეს მცირე დრო გინდა მოიხელთო, ოდნავ გაბზარული ოჯახი დაშალო, თათიას და სანდროს მამა წაართვა, რუსუდანს შეუღლე და რევან ჩაფიჩაძე დაისაკუთრო... განა ასე არ არის?

პაუზა.

ისევ დედაჩემი: ვიცი, რევან ჩაფიჩაძეს შეხვდნი და შენმა გულ-

მა იფეთქა. არ გადანაშაულებ, ქალიშვილობა მარტობაში გაატარე, უმეგობროდ, უამხანაგოდ. უფერული, სევდიანი წლები. სკოლა, წისქვილი, ხერგაში ფეხით სიარული, ინსტიტუტში დაუსწრებლად სწავლა, ზამთრის გაუთავებელი ღამეები, მარტობა და მარტობა... შეგხვდა რევაზ ჩაფიჩაძე, აგიწრიალდა და აგიფეთქდა გული, გაიღიმეს შენმა უსიხარულო თვალებმა. — ეს ბუნებრივია და არ გადანაშაულებ, ეკა! შენ სიხარულით მიიჩქარი სკოლაში, იცი, სკოლაში რევაზ ჩაფიჩაძის შვილი დაგხვდება, რიდით მოგესალმება, შენ გაუღიმებ, სანდრო გათამამდება და სანდროც გაგიღიმებს, და შენ გგონია, თითქოს სანდროს ნაცვლად რევაზს გაუღიმე და შენც სანდრო, კი არა რევაზ ჩაფიჩაძე გელიმილება. ასეა, ზომ?

პაუზა.

ისევ დედაჩემი: სიმართლე გითხარი და მიტომაც გაიქვავე ენა, ეკა! სკოლიდან შინ მობრუნდები და გუნება გეცვლება. პაიპარად მოათავებ საქმეს, ეზოსაც დაამასმისებ ვითომ, სადღაც მიგეშურება და ჩიტვივით გაფრინდები და საით გაგიწევია? მეურნეობის კანტორისაგან, კანტორაში გულასპირ ჩაფიჩაძე ზის, საანგარიშოს აჩნაკუნებს და დავთრებს ფურცლავს და ფურცლავს, შენ ვითომ გულასპირთან გაქვს გადაუღებელი საქმე, ნამდვილად კი რევაზ ჩაფიჩაძის სანახავად მიდიხარ. შეხვალ მეურნეობის კანტორაში, თვალს მოჰკრავ რევაზს, გული გაგიხალისდება და სახე გაგიწითლდება, გაგიღიმებს რევაზი და სხვათაშორის გკითხავს — რაო, რა გვიბრძანაო დიდმა ეკატერინემ? შენ დაიბნევი, თავს დაბლა დახრი და ხმადაბლა, ჩურჩულით იტყვი — დედამ გულასპირთან გამონვზავნაო. რა მიბრძანა დიდმა ქალბატონმაო, ახლა გულასპირი გკითხავს და შენც რაღაცას მიკიბ-მოკიბავ...

და შენ მხიარული და აცეტებული ბრუნდები.

როგორ ფიქრობ, გულისპირი და რევაზი ვერ ხვდებიან, მათთან უსაქმოდ რომ შეივლი? მიპასუხე, ეკა!

მე: ჩემს საოქმელს, შენ ლაპარაკობ, დედი!

დედაჩემი: შენს გატაცებას ფრთები აქვს შექრილი მებრალე-ბი, ეკა!

მე: ვიცი, მაგრამ არ მინდა დავიჭერო! ჩემს გატაცებას შეგეწირები? შევეწირები! უთუოდ ეგ მიწერია და აღსრულდეს! გული არ დამწყდება, დედი!

დედაჩემი: ჩემს თავს ვის უტოვებ, ეკა!

პაუზა.

ისევ დედაჩემი: მარტო ჩვენს თავს არასოდეს ვეკუთვნი, ჩვენ!

მე: ეგეც ვიცი, მაგრამ ახლა მე მარტო ჩემს თავს ვეკუთვნი...  
დედაჩემი: მაგრამ რევაზ ჩაფიჩაძე მარტო თავისთავს არ  
ეკუთვნის!

მე: მე ეგ არ ვიცი, დედაჩემო.

დედაჩემი: ეს ბოროტებაა, ეკა!

მე: ბოროტებისათვის დავისჯები.

დედაჩემი: მოვა დრო და დაისჯები, ნამდვილად დაისჯები  
და მებრალები, ეკა!

მე: შენ ზოგი რამ არ იცი, დედაჩემო!

პაუზა:

ისევ მე: შენ გგონია, მარტო მე მიყვარს რევაზ ჩაფიჩაძე და  
მას არ ვუყვარვარ? ასე ფიქრობ, ხომ?

პაუზა.

ისევ მე: დიახაც ასე ფიქრობ, დედაჩემო და ნამდვილად ასე  
არ არის...

ეს შარშან იყო, მაისის მიწურულში, რატომღაც დღე ვერ  
დავიმახსოვრე.

სალამო ხანი. წისკვილიდან შინ ვბრუნდებოდი დაღლილი და  
ბოწყენილი.

საჯარისოზე ამოვედი, ნაკრალა მოლზე დავდე, მეც მოლზე  
დავჯექი და სანისლეს ქედს გავხედე;

რამდენჯერმე დაგვეკვირებოდა მზის ჩასვლისას სანისლეს ქედს,  
ყოველთვის სხვადასხვანაირი იყო, მაგრამ არ გამკვირვებია; იმ სა-  
ღამოს კი განსაკუთრებულად სხვანაირი და უცნაური ჩანდა: ქე-  
დის ქიმი თითქოს ელაედა, თითქოს კი არა, ნამდვილად ელაედა.  
ორნაე უფრო დაბლა ქედი შინდისფერს დაიკრავდა, ცოტა უფ-  
რო ქვემოთ მრუმე იყო, ხოლო უფრო ქვევით მოლისფერი; ჩა-  
მავალი მზე კი მთელ ქედს თანაბრად ანათებდა. შევცქეროდი  
სანისლეს ქედს და სული ჩემი ისვენებდა, ვმსუბუქდებოდი, თით-  
ქოსდა ფრთებიც გამომესხა, აფრენა შემიძლია და ნელ-ნელა ვი-  
თომ მართლაც ავფრინდი... ჰო, სანისლეს ქედი მიხმობს, ჟერ თვა-  
ლი გამიქვავა სანისლეს ქედმა, თანდათან მომწუსხა, მერე ამა-  
სუბუქა; ფრთები გამომასხა და ახლა თავისკენ მიმაფრენს... და  
ვიღაცამ ხელი მხარზე დამადო, ვიგრძენი, რევაზ ჩაფიჩაძის მარ-  
ჯენა იყო, შევეკრთი, მაგრამ არ შევიმჩინე.

მოლზე ჩემს გვერდით დაჯდა რევაზ ჩაფიჩაძე, მარცხენა ხელი  
სანისლეს ქედისკენ გაიშვირა, ლოყა ლოყაზე მომადო და ყრუდ  
თქვა:

— უცნაურია ხომ?

პაუზა.

— საქართველოში არც ერთი ქედი ასე მრავალფერად არ იქარგება მზის ჩასვლისას, თვით ცხრაწყაროს ქედებიც და კოლიანიც? — დარწმუნებით თქვა რევაზმა და მე მხარზე მისი მარჯვენის სიმბიძემ ვიგრძენი.

ვზივარ მოლზე, გავცქერით სანისლეს ქედს, თანდათან მუქდება სანისლეს ქედი და ჩვენს გარშემოც ბნელდება თანდათან.

რევაზს არ უკვირს, მარჯვენა ხელი მხარზე რომ დამადო და მე არ ვიუცხოვე, არც მე მიკვირს, შელამებულზე დათქმულივით რომ შემხვდა ამ მინდორზე და ჩემს გვერდით ზის.

არ მახსოვს რამდენ ხანს ვისხედით.

უცებ ნაბიჯების ხმა შემომესმა, ვიფიქრე, დედაჩემი ხომ არ წამოვიდა ჩემს შესაგებებლად-მეთქი, შევეტოკდი, ზეზე ავიტყერი, არ დავშვილობებივარ რევაზს, არც ნაკრაულა 'გამხსენებია და სირბილით გამოვქანდი სახლისკენ.

— ეკა! — ვითომ მსუბუქად დამიძახა რევაზმა, მაგრამ მისი ხმა გაბზარული მეჩვენა.

არ შეეყოვნდი. მალე მისი ნაბიჯების ხმა შემომესმა, დამეწია, ნაკრაულა მიწაზე დადო და წინ დამიდგა.

— რატომ არ თხოვდები ეკა?

პაუზა.

— რატომ არ თხოვდები, ეკა? — ხმამალა თქვა რევაზმა, ხელში მხრებზე დამადო და თვალებში ჩამაცქერდა.

— არავის ვუყვარვარ. — ჩუმად, ჩურჩულით ვთქვი. — მე და თაგი დაცხარე.

— სცდები! დიხაც სცდები! — ხმამალა, ძალიან ხმამალა თქვა რევაზმა, — ხელები კისერზე შემომაჭდო, მიმიზიდა და ტუჩებში მაკოცა... მერე უცებ შემიშვა ხელები და უკან, თავის სახლისკენ, ჩქარი ნაბიჯებით წავიდა.

თვალს გავადევნე, მაგრამ სიბნელეში მალე გაუჩინარდა.

მოლზე დავჯექი, მოლი გრილი იყო და მემამა.

„სცდები! დიხაც სცდები!“ ეს სიტყვები გულში ჩამეჭრა, მერე გულიდან მთელსხეულს ხანძარივით მოედო, და ვზივარ მოლზე, გარშემო ვიხედები და ყველაფერი თეთრი და ნათელი მეჩვენება. მზე სანისლეს ქედს მოჰფარვია და მაინც მზით განათებული ჩანს სანისლეს ქედი, სოფელსაც მზე ადგას, სატყველას ხეობაც მზეში ჩახვეულა, ხმაურობს სატყველა, ბალახი და მინდვრის ყვავილები მღერიან და ქვეყანა სიკეთით ავსებულა.

პირაღმა გავწექი ბალახებში, ზეცას ავაპყარი მზერა; ცა მზივი იყო, შემეშინდა და თვალები დავხუტე.

— ხომ გაიგონე, დედაჩემო, მასაც ვუყვარვარ! — ხმამალა და



თავმომწონედ ვთქვი, — გადავბრუნდი, გულმკერდით დავეკარი მიწას, ვიგრძენი მიწაც მომეკრა; ჰო, მომეალერსა მიწა და გავიტრუსე.

შესაძლოა ვიტირე, ბალახი დაცვარული იყო და ეგებ ცვარმა დამისველა სახე.

ავდექი, ნაკრალა მოვიძიე და საჯარისოს მინდორი მსუბუქი ნაბიჯებით გამოვიარე.

შენ ჰიშკართან დამხვდი.

— რატომ დაგაგვიანდა, ეკა? — გულმოსული, მაგრამ შიშნარევი ხმით მკითხე.

მე არაფერი გიპასუხე. ჰიშკარი ჭიქურ გავალე და სამზადისკენ წავედი.

შენ, ჰიშკართან დარჩი.

ფქვილი გავცერი, ქადისთვის ცომი მოვზილე და შენც შემოხვედი სამზადში.

— წისქვილში ბევრნო იყავით? — გამომწევეად მკითხე და საჭფება სკამზე დაჯექი.

— მარტო მე ვიყავი! — ცივად ვთქვი მე.

— მარტო არ იქნებოდით!

პაუზა.

— მარტო ვიყავი, დედი!

— წისქვილი ხომ არ მოშლილა?

— არა!

— მამ მარტო არ ყოფილხარ! — დარწმუნებით თქვი შენ და თვალი გამიყარე.

— მე მას ვუყვარვარ, დედი, გესმის? ვუყვარვარ! — წამოვიძახე მე, ავტირდი და სამზადიდან გავიჭერი.

მერე ფეხშიშველი დავდიოდი ეზოში. დავდიოდი და ისევ ჩამესმოდა რევაზის სიტყვები: „სცდები, დიახაც სცდები!“ მციოდა და მაურყოლებდა. — მერე, როდის-როდისღა, შენ ხმადაბლა მიხმე, მაგრამ მე მაინც გავიგონე შენი ხმა და სამზარეულოში შემოვედი.

ტაბაკი გაწყობილი იყო.

ისე ვივახშმეთ, ერთმანეთისთვის ხმა არ გავციცა. შენ ერთი ჰიქა ლელვის არაყიც კი შესვი, მინდოდა დამეშალა, მაგრამ ვერ შემოგბედე.

შენ ჩემზე აღრე გახვედი სამზადიდან და ოდის კიბე ისეთი ნაბიჯებით აიარე, მაგრძნობინე, ძალზე გულმოსული იყავი.

მე ტაბაკი ავალაგე, ცეცხლი შევახვით, უკანა კარიდან შემოვედი ოდაში, ზალა ფეხაკრეფით გავიარე, ჩემს ოთახში შევიპარე და დავწექი.

ვეწევარ, მაგრამ, ვაი, ასეთ წოლას.

ჯერ რევანზ ჩაფიჩაძე დამიღვა. თვალწინ. თვალი ჩამიკრა და ოთახიდან გამიტყუა, მერე ეზოდან გამიტყუა, საღარიბოს მინდორს. გამიყვანა, იპოვნა ის ადგილი, სადაც ორიოდ საათის წინ ვისხედით, წინ ჩქიქრად დამიღვა, მხრებზე დამადო ხელები და შეკითხება:

— რატომ არ თხოვდები, ეკა?

პაუზა.

— რატომ არ თხოვდები, ეკა? — ხმამალა თქვა რევანზმა.

— არავის ვუყვარვარ! — ჩუმად ჩურჩულით ვთქვი მე და თავი დაეხარე.

— სცდები! დიხაც სცდები! — ხმამალა, ძალიან ხმამალა თქვა რევანზმა, — ხელები კისერზე შემომაქლო, მიმიზინდა და ტუჩებში მაკოცა... მერე უცებ შემიშვა ხელები და უკან თავის სახლისკენ, ჩქარი ნაბიჯებით წავიდა...

წავიდა და ტრიალ მინდორზე მარტოდ დამტოვა. მე მეშინია, შინდა შინ წამოვიდე და ადგილიდან ვერ დავძრულვარ. ბედად თანდათან ნათდება და ვხედავ, სანდრო მოაბიჯებს მინდორში, ხელში მინდორის ყვავილების თაიგული უკავია და ჩემსკენ მოდის თავდახრილი, დარცხვენილი, არეული ნაბიჯებით. მომიახლოვდება სანდრო, ყვავილების თაიგულს გამომიწედის, მე თაიგულს გამოვართმევ და გაუღიმებ, სანდრო არ შემომხედავს, ზურგს შემაქცევს და სახლისკენ გაიქცევა.

— სანდრო დავიყვირე მე. — სანდროს ჩემი ყვირილი არ ესმის და გარბის...

ისევ მარტო დავრჩი ტრიალ მინდორზე და ისევ შემეშინდა. შინ შინდა წამოსვლა და ფეხი ვერ გამიდგამს... და ბედად, ისევ შემომესმა ნაბიჯების ხმა — ეს ბატონი ალექსანდრე ჩაფიჩაძე გახლავთ, უთუოდ აბესალომ კიკნაველიძესთან იყო სტუმრად; ახლა ძილის დროა, შინ შვილი და შვილიშვილი ელოდება ალექსანდრეს და ალექსანდრეც შინ მიეშურება. მე დამინახა და გაიოცა; ასე, ათიოდე ნაბიჯზე მომიახლოვდა და შედგა. ამხედ-დამხედა. კარგა ხანს იდგა და გარცეხული შემომცქეროდა. ეუცხრა ჩემი ალანძული სახე, მომიახლოვდა, თვალი გამისწორა, ნოკებიანი სახე უფრო დამანჭა ალექსანდრეს და ვიგრძენი, შევებრაღე.

— აქ რატომ დგახარ, ეკა? — ალერსიანი ხმით მკითხა ალექსანდრემ, — მერე ნაღვლიანად გამიღიმა და ნელი, ძალიან ნელი ნაბიჯებით წავიდა სახლისაკენ.

მინდორის ყურეს რომ მიაღწია, შედგა და გამომხედა. კარგა ხანს იდგა, მერე ხელით მანიშნა, სახლში წადიო. შორს იყო, მაგ-

რამ მაინც დაეინახე, ესეც ნაღვლიანად რომ გამიღიმა, მერე ისევე დამიქნია ხელი და თვალს მიეფარა.

ქანდაკებასავით ვდგავარ ტრიალ მინდორზე. მეშინია, შინ წამოსვლა მინდა და ფეხი ვერ გადამიდგამს... მერე მანქანის ხმა შემომესმა. სულ ახლოს გაჩერდა მანქანა, და ჩემს წინ რუსულდანი და თათია გაჩნდნენ, ხელებში მსუბუქი ხელჩანთები უჭირავთ, მე შემომმკეპრიან და ერთმანეთს რაღაცას ეჩურჩულებიან. მინდა მათ გავეცალო და ფეხი ვერ გადამიდგამს. ვწითლდები და თავს დაბლა ვხრი. თათია მომიახლოვდა, დაიხარა და დაბლიდან შემომამკეპრდა თვალეებში, ვითომ თვალი ჩამიკრა და დამცინავად გაიღიმა, მერე თითი დამიქნია და ახარხარდა, დიდი ქალივით ახარხარდა, ზურგზე შემომამკეპია და გაიქცა, კისრით ტუჩებით გაიქცა... სანდრო შემოეგება თათიას, ხელჩანთა გამოართვა, ერთმანეთი გადაკოცნეს, მე ხელით მანიშნეს, შინ წადიო და დაძმამ ხტუნე-ხტუნევით გადაიჩინეს მინდორი.

რუსულდანი კი ისევე ჩემთან დგას, მერე რუსულდანმაც თათიასავით დამცინავად გამიღიმა, ხმამალა თქვა — საბრალოო — და წავიდა. გულმოსული ნაბიჯებით წავიდა... რევაზი შემოეგება რუსულდანს, ხელჩანთა ჩამოართვა და მიწაზე დაღო, ჯერ მხრებზე შემოხვია ხელები, მერე კისერზე შემოაქრო, მიიზიდა და ისე აკოცა ტუჩებში, როგორც ორი საათის წინ მე მაკოცა,

მერე მარცხენა ხელით ჩანთა აიღო, მარჯვენა მკლავში გაუყარა რუსულდანს და მსუბუქი ნაბიჯებით სახლისკენ წაიყვანა.

მინდვრის ყურეში შედგნენ, ჩემსკენ შემოტრიალდნენ და რევაზმა ხელით მანიშნა, შინ წადიო.

მონუსხული ვდგავარ ტრიალ მინდორში, შინ წამოსვლა მინდა და ფეხი ვერ გადამიდგამს. მეშინია და ვცახცახებ.

...ამ დროს შენ შემოდი ჩემს ოთახში და გონს მოვეგე. შუქი არ აგინთია, იცოდი, ვფხიზლობდი, ჩემს ლოგინზე ჩამოჯექი და მშვიდად, ალერსიანად მკითხე.

— რევაზი ნასევამი იყო?

— არა! — წამოვიძახე მე და ლოგინში წამოვიმართე.

— ნასევამი იქნებოდა! — დარწმუნებით თქვი შენ და მერე გესლიანად დაუმატე: — შენ რუსულდანზე ახალგაზრდა ხარ, პოდა, თავის მეუღლეზე ახალგაზრდა ქალი, დიხაც მოეწონება მამაკაცს. ეს ჩვეულებრივი ამბავია, და რევაზ ჩაფიჩაძეც ჩვეულებრივი მამაკაცია, ეკა!

ჩემი პასუხისათვის არ დაგიცდია და ოთახის კარი ხმაურით გაიხურე.

შენი სიტყვები მახვილივით მეძგერა გულში და მაშინ მე პირველად ვიგრძენი გულისტკივილი.

მძიმე ყოფილა...

შენ კი ოცდაათი წელიწადი გტკიოდა გული.

### III

სექტემბრის თბილი, უქარო საღამოა.

ვზივარ ოდასახლის აივანზე. და სანისლეს ქედს გავცქერო.

ხშირად საღამო ხანზე ასე ვისხედით დედაჩემი და მე ოდასახლის აივანზე. გავცქეროდით სანისლეს ქედს და ველუმდით.

დედაჩემი ქსოვდა, მე უსაქმოდ ვიჯექი ხოლმე.

დიდხანს ვისხედით ასე.

— არ დაიღალე, ეკა? — ვითომ დაცივებით მეტყვოდა დედაჩემი.

— დავიღალე, დედი, და ვისვენებ.

— ასედაც უნდა; როგორც კი იგრძნობ დაღლას, საქმეს უნდა შეეშვა და აუცილებლად დაისვენო. კარგია, რომ ისვენებ. — დინჯად, დარწმუნებით იტყოდა დედაჩემი, მერე გამიღიმებდა და დაუმატებდა; შენი არ იყოს, მეც დავიღალე და ცოტას მეც დავისვენებო, — აღგებოდა, ერთს გამომხედავდა, კიბეს სვენებ-სვენებით ჩაათავებდა და ჭიშკრისკენ გააბიჯებდა.

ჩვენი ჭიშკრიდან უფრო ლამაზი ჩანს ჩამავალი მზეო, — მიმტკიცებდა დედა.

დედაჩემი ჭიშკარს მიეყრდნობოდა; ხელებს ოდნავ განზე გასწევდა და თითებს ჭიშკრის ზედა ლარტყას მსუბუქად ჩაავლებდა; ისე ჩანდა, იფიქრებდით, სადაცაა აფრინდება.

და იღვა ასე, ვიღრე მზე სანისლეს ქედს ამოეფარებოდა.

იღვა და რაღაცას მღეროდა, ისე ხმადაბლა მღეროდა, სიტყვებს ვერ ვარჩევდი, ჰანგი კი ჩამესმოდა და სევდიანი იყო ეს ჰანგი.

ერთხელ ძალიან ახლოს მივეპარე, ისევ ისე მღეროდა, მაგრამ სიტყვები მაინც ვერ გავარჩიე. მერე გავბედე და პირდაპირ მხარში ამოვუდექი, იგრძნო, მაგრამ არ შემომხედა და სიმღერა-ლილინი განაგრძო, დავაყურადე, და დავრწმუნდი, დედაჩემი უსიტყვოდ მღეროდა, მაგრამ შევეცი, სულ უსიტყვო არ იყო მისი სიმღერა, ერთსიტყვიან სიმღერას მღეროდა, და ის ერთი სიტყვა კი ვერ გავიგონე, ვიგულისხმე, რომ „ნანაია“ იყო. და ეს „ნანაია“ მის სიმღერა-ლილინში მრავალნაირად უღერდა. უფრო სევდიანად უღერდა. აღამიანს დიდი სევდა რომ შემოაწვება გულზე, ამოიკვნი-

სებს ზოლზე, „ეჰ, ნანაია ჩემი ცოდვაო“, და დედაჩემის ლილინში ასე შემომესმა „ნანაია“.

ვღვაკართ ჭიშკართან, შევცქერით ჩამავალ მზეს, მე ვღუშვარ, დედაჩემი კი ხმადაბლა ძალიან ხმადაბლა ლილინებს.

ჩავიდა მზე. დედაჩემმა ხელები შეუშვა ჭიშკარს, მხრებში გაიმართა, გაიღიმა და ხალისიანად, ძალიან ხალისიანად და ხმამაღლა ამოიძახა „ნანაია!“ თითქმის ვიღაცის მოლოდინში იყო დედაჩემი, გამოჩნდა იგი, გაუხარდა დედაჩემს და ისეთნაირად ამოიძახა ნანაიაო, თითქოს ეუბნებოდა — შენ გაგახაროს ღმერთმა, შენი მოსვლით მე გამახარეო...

ახლაც მახსოვს, მხარზე დამადო ხელი, თვალებში ჩამხედა, გამიღიმა

— გიტარა გამოიტანე, ეკა, დაუკარი და იმღერე, ხომ ხედავ მზე ჩავიდა და სანისლედან სიჩუმე მოეფინება, დაუკარი და იმღერე.

...ახლა მარტო რომ ვზივარ აივანზე და ჩამავალ მზეს გავცქერო, მეჩვენება, თითქოს დედაჩემი ისევ ისე დგას ჭიშკართან, ხელები ოდნავ განზე გაუწვდია, ჭიშკრის ზედა ლარტყისათვის. მსუბუქად ჩაუვლია თითები, ძალიან ხმადაბლა, უსიტყვოდ მღერის და სადაცაა აფრინდება.

ჭიშკარს სანდრო მოადგა. დამინახა. კუტკარი შემოაღო და ეზოში შემოვიდა. ხელში თეთრი კალათი უკავია და ნელი, გამოზონილი ნაბიჯებით მოდის.

აივანზე ამოვიდა, მომესალმა და კალათი იატაკზე დადო.

მსხლით და ლელვითაა კალათი სავსე. ასეთი წულაღელვი ხემაღალში მარტო ალექსანდრე ჩაფიჩაძის ეზოში დგას, ისიც ერთდერთი ძირი.

— მამაშენმა გამომიგზავნა? — დაუფიქრებლად კვითხე სანდროს.

პაუზა.

სანდრომ თავი დახარა, იატაკი მოათვალიერა, მერე კალათს გაუხსწორა თვალი, ნელ-ნელა ასწია თავი ზევით, შემომხედა და გამიღიმა.

— მე დაეკრიფე, ეკა დეიღ, — მორცხვად თქვა და გაწითლდა.

შემრცხვა და სანდროზე უფრო მე გაწითლდი. სანდრომ ლელვი და მსხალი დაკრიფა, იცის, ჩემს ეზოშიც მწიფს ლელვი და მსხალი? მაგრამ მე ხეზე არ ავდივარ და არ ვკრეფ არც ლელვს და არც მსხალს, გადამწიფდა და ახლა თანდათან ლპება ჩემი ეზოს ხილი. დედაჩემის გარდაცვალების შემდეგ არ ავდივარ ხეზე, თორემ ადრე? ადრე შეზობლებს მე თვითონ ვუკრეფდი ხილს, კაკლის

ხეებს ვუბერტყავდრი, ერთ კაკალსაც არ შევარჩენდი ხეს... ესეც კარგად იცის სანდრომ. ჰოდა, სანდროს შეებრალა ეკა დეიდა, დარჩეული ლელვი და მსხალი მოუტანა, გაეხარდებოდ, ეკა დეიდამ კი არც აცხელა, არც აცივა და მიახალა:

— მამაშენმა გამომიგზავნა?..

და სანდროს ეუხერხულა, თვალი ძლივს გამისწორა და თუმცა ღიმილით, მაგრამ ბოდიშით მითხრა:

— ეკა დეიდა, მე დავეკრიფეო, — და სანდროს სახეზე სიწითლე შემოენთო...

ღიმილით უნდა შეეგებებოდრი, მადლობა მეტქვა, რატომ შემიწუხდი, სანდრო, აგერ ჩემს ეზოშიც მწიფს ლელვი და მსხალი; მე კი, დაუფიქრებლად — მამაშენმა გამომიგზავნა? — სანდროს ეუხერხულა ასეთი კითხვა და მიმიხვდა, მე ამ მწუხარების უამსაც მამამისზე ვფიქრობ და მაინტერესებს მე, მამამისი თუ ფიქრობს ჩემზე, ვახსოვარ? ჩემთან არაფერი დააბარა? სანდრო ნამდვილად მიმიხვდა და გაწითლდა. ეგებ რევაზმა ურჩია ლელვი და მსხალი დაეკრიფა სანდროს და ჩემთან მოეტანა? ურჩია და თან დაარიგა, თუ ეკამ გკითხოს, მამაშენმა ხომ არ გამომიგზავნაო, უპასუხე, რომ შენ თვითონ დაკრიფე. ეგებ ასეა, ა? ეგებ ასეა და სანდროც ისე მოიქცა როგორც მამამისმა დაარიგა. სანდრო იმხელაა... ჰო, სანდროს ხელა ბიჭებს, ვერაფერს გამოაპარებ...

— საფქვევი თუ გაქვთ, წავიღებდი. — თქვა სანდრომ.

— ხვალ კოკი წაიღებს.

— კოკი რატომ? მე, წავიღებ!

— ახლა სადაცაა დაღამდება და წისქვილში წასვლა გვიანაა, სანდრო, — დაწყევებით ვთქვი მე.

— სახლში წავიღებ, ხვალ დილით სათევზაოდ მივდივარ სატეველაზე, დავფქვევ და ამოგიტანთ.

ახლალა დავინახე, რომ სანდრო ფეხზე იდგა. ოთახიდან სკამი გამოვიტანე და სანდრო და მე ერთმანეთის გვერდით დავსხედით.

— რატომ არ მიირთმევთ? — სულ ახლახან დავეკრიფე, აბა, გასინჯეთ, ეკა დეიდა!

კალათი ოთახში შევიტანე, ლარნაკი მსხლითა და ლელვით ავაგსე, ერთი სკამიც გამოვიტანე და სანდროსა და ჩემს შუა ჩავდგი.

— ორივემ ვკამოთ, — ვთქვი მე და ლელვი ავიღე.

სანდრომ მსხალი აირჩია.

— სათევზაოდ მარტო დადინხარ? — ვითომ სხვათა შორის ვკითხე სანდროს.

— მამასთან ერთად,

„აბა, მამამ დაგაბარა, ეკა დეიდას დასაფქვევი ექნება და წამო-

იღვო ხვალ დილით სათევზაოდ მივიღივართ სატეველაზე. დავეჭვა-  
ვავთ და მერე შენ აუტან. თევზსაც წაუღებ ეკას. დიახაც ასე გით-  
ხრა მამაშენმა. ვიცი, ასე გითხრა, მაგრამ შენ ვითომ დაგავიწყდა  
და არ მეუბნები. გაეშმაკებულხარ სანდრო!“

— ანკესით იჭერთ? — ისე ვკითხე, თითქოს დიდად ვიყავი და-  
ინტერესებული გამეგო სანდრო და რევანში ანკესით თევზაობენ,  
თუ ბალით.

— ბაღეებით! მე ჩემი ბაღე მაქვს, მამას—თავისი! — ამაყად  
თქვა სანდრომ.

— ნამდვილი ბაღე გაქვს? დიდი ბაღე?

— ისეთივე, როგორიც მამაჩემს.

— მერე და დიდ ბაღეს ბოლომდე შლი?

სანდრო გაწითლდა.

— ცოტა ნაოჭი მრჩება, მაგრამ თევზს მანც ვიჭერ, — იმდენას  
ვერა, რამდენსაც მამაჩემი.

„ჰოდა, ხვალ დილით მამაშენი სატეველაში პირველად ჩემს  
სახელზე გადაისვრის ბაღეს, ბაღე ბოლომდე გაიშლება და ბევრი  
თევზიც მოჰყვება ბაღეს, იმდენი მოჰყვება, რომ წვალებით ამო-  
იღებს. ათიოდე მურწას გადაარჩევს და ჩემთან გამოგატანს. რე-  
ვანზ ჩაფიჩაძემ იცის, რომ მე სატეველას მურწაზე ვგოულები. გა-  
დაარჩევს და გამომიგზავნის. შენ მომიტან და მეტყვი: ეკა დეილა,  
მე დავიჭირეო, ასე იმიტომ მეტყვი, რომ მამაშენი დაგაბარებს ასე;  
მე მადლობას მოგახსენებ, მაგრამ არ დავიჭერებ, დიახაც არ და-  
ვიჭერებ და მე მართალი ვიქნები, ამიტომაც არ გაეწითლდები.  
შენ კი გაწითლდები და თვალს ვერ გამისწორებ. ნამდვილად ასე  
იქნება, ჩემო პატარა მეგობარო.“

— ხვალვე მამას ხერგაში მივყვები, ხომ არაფერს დამაბარებთ?  
საქმიანად მკითხა სანდრომ.

„ესეც ვითომ სანდრომ მოიფიქრა? რამდენჯერ წაუყვანია მამა-  
მისს სანდრო ხერგაში, მაგრამ ჩემთვის არასოდეს უკითხავს, რამე  
ხომ არ გპირდებათ, რამეს ხომ არ დამაბარებთ ხერგაშიო. რევანზ  
ჩაფიჩაძემ იცის, დედაჩემის გარდაცვალების შემდეგ მე მხოლოდ  
და მხოლოდ სასაფლაოზე დავიარები, მეზობლებთანაც კი არ  
გამიდგამს ფეხი. მთელი ორი თვეა ეკა ხერგაში არ ყოფილა, ადრე  
კი კვირაში ერთხელ მაინც ჩადიოდა საყიდლებზე, იფიქრა, უთუ-  
ოდ რამე სპირდებო და სანდროს დააბარა. მადლობა მომიხსენებია,  
ბატონო რევანზ, ყურადღებისათვის.“

— თქვენი მანქანით მიდიხართ?

სანდრომ დასტურის ნიშნად თავი დამიქნია.

— თუ არ შეწუხდებით, ცოტა პურის ფქვილი მიყიდე, ხუთიოდე კილოგრამი.

— პურის ფქვილი ჩვენს კოოპერატივში იყიდება, ეკა დეიდა! — მკვირცხლად და ცოტა გაოცებით თქვა სანდრომ. — სხვა არაფერი?

პაუზა.

ვერაფერი მოვიფიქრე.

— სხვა არაფერი, სანდრო!

და სანდრომ უცებ მოიწყინა. მოუკებჩაფი მსხალი ლარნაკზე დადო, ხელისგულებით მუხლის თავები მოისრისა; შევატყვე, წასასვლელად შეემზადა.

„საფქვეს წაგიღებო და ვიუარე. ხერგაში მივდივართ მამაჩემი და მე და ეგებ რამე გჭირდებათო, ცოტა პურის ფქვილი მიყიდეთ-მეთქი და პურის ფქვილი აგერ ჩვენს კოოპერატივში იყიდება თურმე... წავა ახლა სანდრო სახლში, ჭიშკართან, დანამდვილებით ვიცი, მამამისი დახვდება, და მოაქვს სანდროს მარტო კალათი და რევანზი იფიქრებს, ეკას მიერ გამოტანებული საფქვავე კალათში უღევს სანდროს. ცოტა მსუბუქად კი მოაქვს სანდროს კალათი, მაგრამ ეკას პატარა ნაკრაულათი დააქვს საფქვავე, ის პატარა ნაკრაულა სანდროს არ ემძიმება და ასე მსუბუქად მიტომატ მოაქვს კალათი... მიუახლოვდება სანდრო ჭიშკარს, გარშემო მიმოიხედავს რევანზ ჩაფიჩაძე და როცა დარწმუნდება, ახლომანლო არავინაა, ხმამალა ჰკითხავს სანდროს:

— როგორაა დეიდა ეკატერინე?

— კარგად. — რატომღაც ცივად უპასუხებს. სანდრო და რევანზი ამას შეამჩნევს.

— შენი მისვლა გაუხარდა?

— ეს ლეღვი და მსხალი მამაშენმა გამომიგზავნაო? მისვლისთანავე მკითხა.

— შენ რა უპასუხე?

— მე დაეკრიფე-მეთქი. — მორცხვად იტყვის სანდრო.

— მერე?

— კალათი გამომართვა, ზალაში შეიტანა, ლარნაკი აავსო ლეღვითა და მსხლით და შემომთავაზა, მიირთვიო და მე მსხალი ავიღე.

— თვითონ?

— თვითონ ერთი ლეღვი გაფცქენა და შეკამა. ძალიან გემრიელიაო, თქვა. — ვითომ სანდროს რამე დაეშვევინოს, რევანზი მწყრალად ჰკითხავს:

— საფქვავე გამოგატანა ეკატერინემ?



— არა, ხეალ კოკი წაიღებსო.

— კოკი ვინლა? — გაცხარდება რევან ჩაფიჩაძე.

— როგორ არ იცი, მამი, კოკი ვინაა? ჩემი ამხანაგი. — მშვიდად იტყვის სანდრო და ცოტა არ იყოს, ნიშნის მოგებით გაუღიმებს.

— ჰოო, ჩვენი კოკი? აბესალომ კიკნაველიძის შვილიშვილი? — და რევან ჩაფიჩაძეც დამშვიდდება.

— საყიდელი? საყიდელი არაფერი დაგაბარა? —

— ცოტა პურის ფქვილი მჭირდებაო...

— ვუყიდოთ! ხომ არ დაგავიწყდება?

პაუზა.

— პურის ფქვილი ჩვენს კოოპერატივში იყიდება-მეთქი და გაიკვირვა, არ ვიცოდი ჩვენს კოოპერატივში თუ იყიდებოდა პურის ფქვილიო და რახან ეგრეა, მე თვითონ იყიდო.

— არ უნდა გეთქვა, პურის ფქვილი ჩვენი სოფლის კოოპერატივში რომ იყიდება, დიხაც არ უნდა გეთქვა! — გაჭყრებით იტყვის რევან ჩაფიჩაძე. — რაკი გთხოვა მიყიდეთო, მორჩა და გათავდა! კარგიო; ვეტყოდი და წამოვიდოდი. მერედა, ჩვენი სოფლის კოოპერატივში ყოველთვის როდი იშოვება პურის ფქვილი! იშოვება? არა! გუშინ ბაბუაშენი ხელცარიელი მობრუნდა კოოპერატივიდან. იმკვირია მოგვაკითხეო, უთხრეს. არ დაგავიწყდეს. აუცილებლად ვუყიდოთ ხეალ პურის ფქვილი ეკა დეიდას...

მერე სანდროს თვალს აარიდებს რევან ჩაფიჩაძე და გულში იტყვის: „სანდრომ არ იცის, რატომ თხოვა პურის ფქვილის ყიდვა ეკატერინემ. ნამდვილად არ იცის და მე უმიზეზოდ ვუჩაგრედი. იმ პურის ფქვილით ხაჭაპურებს გამოაცხობს, პატარა ეკატერინე და ჩვენ არა, მე და სანდროს არა, ალექსანდრეს გამოვუზავნის, ლელვის არაყსაც ჩადებს კალათში, ქოთნით ლობიოსაც... ებრალება პატარა ეკატერინეს ალექსანდრე ჩაფიჩაძე. ადრე ხშირად უგზავნიდა მოსაკითხებს, მაშინ დიდი ეკატერინეც ყოჩაღად იყო და ისიც, შველოდა. დიდრ ეკატერინე აეად რომ იყო, მაშინაც უგზავნიდა, ოლონდ ზანდახან... იცის, ჩვენი ოჯახის დიასახლისი რომ ალექსანდრეა და ებრალება ბერიკაცი პატარა ეკატერინეს, ჰო, ებრალება და შრომას უმსუბუქებს“.

„რასაც ნამდვილად ფიქრობს, იმას გულსაც არ ათქმევინებს რევან ჩაფიჩაძე. ეშინია, არავინ გაუგოს გულისთქმა.

„ეზოში კოკი შემოვიდა. მე და სანდრო აივანზე რომ დაგვინახა, გამოიქცა აივნის კიბეც სულმოუთქმელად ამოირბინა.

— გულასპირმა გამომგზავნა, ეკა დეიდა. — ამოხენეშით თქვა კოკიმ და მე შევშინდი.

— რაო, ცუდად ხომ არ არის?

კოკიმ გაიღიმა.

— ხვალ დილით, შემოგიტვალა ძია გულასპირმა, დილით კი არა. ოღონე რომ ინათებსო, ეკამ, მე რომ მეკადრება, ისეთი საუზმე დამახვედროს ოთხი კაცისათვისო, — მეტი არაფერი უთხრა, თვითონ მიხვდებო.

და მე მივხვდი.

გულასპირი დედაჩემის სიცოცხლეშიც ასე იქცეოდა. ოღონდ, კი არ შემოგიტვლიდა, საღამო ხანზე თვითონ მოგვინახულებდა, საკულდაგულოდ შეათვალაერებდა მსხლისა და ლედვის ხეებს, მერე ჩაიღიღინებდა და დედაჩემს ეტყოდა.

— ხვალ დილით, ქალბატონო ეკატერინე, გულასპირ ჩაფიჩაძეს რომ ეკადრება ისეთი საუზმე დამახვედრე.

ცოტა მბრძანებლურად იტყოდა გულასპირი, ხეხილის ხეებს ერთხელ კიდევ შეავლებდა თვალს და ეზოდან ღიღინ-ღიღინით გავიდოდა.

მეორე დღეს გულასპირი, დილაუთენია მოგვადგებოდა და ლედვით გიდელს რომ გაავსებდა, ხმამაღლა, ძალიან ხმამაღლა დაიძახებდა:

— ეკუსი. გამიცალე გოგო. გიდელი!

მე ლოგინიდან წამოვხტებოდი და აივანზე გავიჭრებოდი.

— აი შე ძილის გულაო, — ჩამომძახებდა ხიდან. — მალე ჩიცი და მომეშველეო.

სულ ცოტა ხანში მეც ხეზე ავფოფხდებოდი და გულასპირს ეშველოდი. დედაჩემი კი მიშლიდა ხეზე ასვლას, ეშინოდა, მაგრამ გულასპირი ამხნევებდა:

— მე რომ ჩამოვხტებო ამ სიმაღლიდან, სული არ დამყვება, თორემ ეკუსიას რა უქირს! ეკუსია ჩიტია, ფრთები აქვს, გაშლის ფრთებს და მიწაზე ფრენა-ფრენით დაფრინდებო.

...ერთი თვის შემდეგ, ისევ საღამო ხანზე გამოვივლიდა გულასპირი ჩვენსას, ლედვითა და მსხლით სავსე ქუჩებს თავებზე მოხდიდა, ხირკათი წვეწვს ამოიღებდა, დაყნოსავდა და ენითაც გასინჯავდა წვეწვს, მაგრამ შეავებულაო, იტყოდა და გადააპურკვებდა. ეკაო, ეტყოდა დედაჩემს, ხვალ დილით, გულასპირ ჩაფიჩაძეს რომ ეკადრება, ისეთი საუზმე დამახვედრეო... და მეორე დღეს დილაუთენია მოვიდოდა გულასპირი და ვხდილით არაყს. არაყის გამოხდისას გულასპირი ოხუნჯობდა, დედაჩემი მხარს აუბამდა და სჩუვარულიანად იყვენენ, ხოლო როცა მეორე ნახალზე მიდგებოდა ხაქმე, ერთი ფაი-უშველელი ატყდებოდა.

— დიასახლისი მე ვარ, არაყიც ჩემია და მე უნდა დამიჭერო, — ბოხი, მამაკაცური ხმით ეტყოდა დედაჩემი გულასპირს.

— ბოლნში მოიხადეთ, დიღო ქალბატონო, გულასპირ ჩაფიჩაძე უკეთესი ოსტატია, ვიდრე ეკატერინე ხიდაშელი და რატომ უნდა დაუჭეროს გულასპირ ჩაფიჩაძემ ეკატერინე ხიდაშელს, ჰა? რატომ უნდა დაუჭეროს? თქვენო, დიღო ქალბატონო, — ამას უკვე გესლიანად ამბობდა გულასპირი, — მანდილოსნების დასაღვეი არაყი გნებათ გამოგახსდევინოთ, მე კი გავითამამდებით და მოგახსენებთ, რომ მანდილოსნები ახლოსაც არ უნდა ეკარებოდნენ არაყს. აბა, ერთი მიბრძანეთ, რომელი კეთილშობილი მანდილოსანი ყლურწავს არაყს. ჰო, ერთი ბოლიში კი, შენთვის მიპატიებია, ეკა, მარტო შენთვის! შენ მაგარი ქალი მყავხარ!

— მაგარი არაყი შენთვის გამოხადე, შენთვისო, — ჟუჯღუნით, მაგრამ ღიმილიანად ეტყოდა დედაჩემი ეს უკვე დათმობა იყო, ისე კი გირჩევო, — მაინც ჩაუგესლავდა, — შენთვისაც მსუბუქი გამოხადო, ალექსანდრე ჩაფიჩაძის მაგარ არაყს ერთ ჭიქას რომ გადაკრავ, ქადაგად დავარდები და ჯვარი აქაურობას, ისეთ რამეებს ბეუტურობ.

ამ დროს კი იფეთქებდა, გულასპირ ჩაფიჩაძე...

— აბა, ერთი დამიმტკიცე! ჰო, გამახსენე, აბა რას ვბეუტურობ!

— სიმთვრალეში ნეტავ შენ არ ჩურჩუტებდე იმ სისულელესო, თორემ მე როგორ გავიმეორებო, — ახლა გამარჯვებულივით გაიღიმებდა დედაჩემი, — მითხარი, გამახსენეო! ჯვარი აქაურობას! მაგრამ გულასპირი მაინც არ გატყდებოდა.

— მსუბუქი არაყი გინდა გამომახდევინო და ვიცი, იმიტომაც ჭორაობ, — ერთ ჭიქა არაყს გადაკრავს გულასპირი და გამობეუტურდებო, ასეო და ისეო... სიცრუეა! მაგრამ, აბა, იყოს ნება შენი, — გულმოსულად იტყვოდა გულასპირი და ცეცხლს შეუმატებდა.

— მერე და მე როდის ვსვამ? — ძალიან გაჯავრდებოდა დედაჩემი.

— იპი! — ჭირქილ-ჭირქილით იტყოდა გულასპირი, — ვითომ არა სვამს ქალბატონი ეკა, — ვიცი, დიასაც ვიცი, რომ ჩუმ-ჩუმად, ნამალევად სვამ, გულასპირ ჩაფიჩაძეს არაფერი დაემალება.

— აბა, ბოლო დადგმაზე რასაც გამოხდი, შენი იყოს და როგორც გინდა, ისეთი გამოხადე! მორჩა და გათავდა — დამთავრებულად ჩათელიდა დავას დედაჩემი და სამზადში წავიდოდა.

— იპი, კაი ვაყოფაა, მე და ჩემმა ღმერთმა, — ორმოცი ლიტრი ქალბატონს და ათი-და გულასპირ ჩაფიჩაძეს. მონა ვარ მე შენი? —

ვითომ გულმოსულად მიაძახებდა გულასპირი უკვე მარნიდან გასულ დედაჩემს.

და გრძელდებოდა ასე მთელი დღე შეხლა-შემოხლა, ჟუჯღური, ღიმილიანი გაკილვა... გულასპირი კი მაინც ისეთ მსუბუქ არაყს გამოხდიდა, როგორც დედაჩემს ესურვილებოდა.

სალამო ხანზე ალექსანდრე ჩაფიჩაძე და აბესალომ კიკნაველიძე მოგვაკითხავდნენ, უფრო გვიან გულასპირის მეუღლე კესარია და აბესალომის რძალი დუდუხანა. დედაჩემი ოდასახლის აივანზე გააწყობდა სუფრას, დავსხდებოდით ვახშმად და გვიან ღამემდე ქილიკობდნენ ალექსანდრე, აბესალომი და გულასპირი, ვიმღეროდით და ვიღებდით...

ის სამი დღე დღესასწაულივით იყო ჩვენს სახლში

— ვინ ოთხი კაცი მოჰყავს-მეთქი, — ვკითხე კოკის.

— დედაჩემი, სანდრო და მე. მეოთხე — თვითონ, ძია გულასპირი.

— სანდრომ და შენ დღეს ადრე დაიძინეთ, ხვალ დასაძინებელი არ გამიხდეთო, და წავალთ ახლა სანდრო და მე. — თქვა კოკიმ და სანდრო და კოკი ადგნენ.

— ხვალ სანდრო ხერგაში მიჰყავს შამამისს, მეოთხე მე ვიქნები, ახლა კი წადით, — ვთქვი მე და სანდროს თვალეზში შევხედე.

— არ წავალ ხერგაში, ეკა დეიდა! — მხიარულად თქვა სანდრომ და გამიღიმა.

— როგორ თუ არ წახვალ? აკი მამას მიყვებარო?

— მამა თბილისშია, ეკა დეიდა!

— თბილისში? აკი ადილით სატეველაზე მივდივართო? — როდის წავიდა თბილისში? — გავიოცე მე.

— უკვე სამი დღეა თბილისშია. წასვლისას დამიბარა, ჩემი ბადის ჭიბეები აქა-იქ შორღვეულია და ამომიკემსეო, კვირას სატეველაზე წაგიყვან, მერე ხერგაშიო. ამალამ ჩამოვა მამა. — ვეტყვი, დღეს დეიდა ეკას უნდა მივხმარო-მეთქი და არ წავალ.

კოკი და სანდრო წავიდნენ და მე ავტირდი, მერე სულელივით გამეცინა.

ხვალ დილაუთენია მოვა გულასპირი, კოკი და სანდროც მოვლენ...

ვიცი, ამალამ დუდუხანა გადმოვა ჩემთან და თადარიგს დაიჭერს: არყის სახდელ ქვაბს გამორეცხავს, ქათამს დაკლავს და გაბუტავს, ლობიოსაც მოხარშავს, მწვანეხილს დაარჩევს, მერე ნაშუალამევს ადგება და გულასპირი, სანდრო და კოკი რომ მოვლენ, ქა-

თამსაც შემწვარს დაახვედრებს, ლობიოს შეკმაზულს და ქაღს გამომცხვარს.

დაიკრიფება ჩემი ეზოს მსხალი და ლეღვი და ჭურებში ჩაიყრება... გაივლის ერთი თვე და აუცილებლად შაბათ საღამოს გამომივლის გულასპირი, ჭურებს თავებს მოხდის, ხერკათი წვეწვს. ამოიღებს, დაყნოსავს და ენის წვერითაც გასინჯავს წვეწვს, — მაგრამ ამქავებულაო, იტყვის და გადააპურჭყყებს, მერე მე გამომხედავს და დედაჩემს რომ ეუბნებოდა, ისეთნაირად დამიბოხებს. — ხეალ დილით, ეკა, გულასპირ ჩაფიჩაძეს რომ ეკადრება, ისეთი საუზმე დამახვედრეო.

კვირა დილით უთენია მოვა გულასპირი, მე საუზმეს დაეახვედრებ, წაიხმსებს და არყის გამოხდას დაიწყებს გულასპირი, მერე სანდროც და კოკიც მოვლენ, შეეშველებიან ძია გულასპირს. შეღამებულზე ალექსანდრე და აბესალომი მოგვინახულებენ, უფრო გვიან ქალბატონი კესარია და დუდუხანაც შემოგვიერთდებიან კესარია, დუდუხანა და მე ოდასახლის აივანზე გაეშლით სუფრას, ჩუმად, სიტყვაუთქმელად შემოუხსდებიან სუფრას გულასპირი, ალექსანდრე და აბესალომი, ალექსანდრე სანდროს დაისევამს გვერდით, აბესალომი — კოკის, მერე ქალებიც დავსდებით სუფრაზე, ადგება ძია გულასპირი და წარმოთქვამს პირველ სადღეგრძელოს.

— ღმერთმა გაანათლოს. ჩვენი ეკატერინეს სული!

ყველანი უთქმელად შევსევამთ დედაჩემის სადღეგრძელოს. გულასპირს, ალექსანდრეს და აბესალომს თვლები აუცრემლდებით, მაგრამ თავებს დაბლა დახრიან და მე დამიმაღავენ ცრემლს, მე კიდევ მათი მომერიდება, თავს შევიკავებ და არ ავტირდები, ძაფი კი ჩამიწყდება გულში და გული დამიმძიმდება.

...დაღამებამდე აივანზე ვიჯექი. მერე ჩამძინებოდა. დუდუხანამ გამომადვიძა, წავივანშმეთ, საუბარი არ აეწყო და დავწეკით. დუდუხანას მალე ჩაეძინა, მე ავდეკი, ზალა ფეხაკრეფით გამოვიარე და პერანგისამარა გამოვედი აივანზე, იდაყვებით დავეყრდნე აივნის მოაჯირს და სანისლეს ქედს. გაეხედე!

ღამის სიბნელეს წაუშლია სანისლეს ქედი, სიბნელეში ჩამალულა ხემალაღი, თბილა და სიჩუმეა, არც სატეველას ხმაური ისმის, წრიკინობლებსაც ხმა გაუკმენდიათ, სძინავს სიბნელეში შეხვეულ სოფელს და სასაფლაოზე სძინავს დედაჩემს, მე პერანგისამარა ვდგავარ აივანზე, ვფხიზლობ და მაინც ვერაფერს ვხედავ.

საახალწლო არდადეგების დამთავრებამდე ჩვენი სკოლის დირექტორად არავინ დაუნიშნავეთ. ვერ ვიტყვი დედაჩემის ხსოვნას სცეს პატივი, თუ შესაფერისი კაცი ვერ შეარჩიეს.

სკოლის ახალ შენობაში დირექტორის კაბინეტი დაკეთილი ყოფიდა და ეს მე მსიამოვნებდა. რატომ? ვერ ავხსნი. რალაცნაირად კი მიხაროდა, თითქოს მემამაყებოდა კიდევც.

საახალწლო არდადეგების დამთავრებამდე არც მე მივსულვარ სკოლაში.

შევცდი.

ერთი მისვლა კი მივედი!

ოღი თვე თუ იყო გასული დედაჩემის გარდაცვალებიდან, სასწავლო ნაწილის გამგემ ქეთევან კიკნაველიძემ, სანდროს ხელით, ბარათი გამომიგზავნა და სკოლაში დამიბარა.

დილაადრიან ავდექი, სახლი ჰაიპარად მივალაგ-მოვალაგე, ცოტა ხანს დედაჩემის ოთახში დავჯექი, ვითომ ბოდიში მოვუხადე დედაჩემს, მაპატიე, სკოლაში რომ მივდივარ და სახლში შენ-მარტო გტოვებ-მეთქი და წავედი.

ის იყო, ჭიშკრიდან გავედრი და დედაჩემის ხმა შემომესმა:  
— მეც მოვდივარ, ეჭ!

შევშინდი.

ირგვლივ საგულდაგულოდ მიმოვიხედე, ეზოში ჩავიხედე, სამზადი და ოდა-სახლიც მოვათვალიერე, ახლომანლო არავინ იყო, დედაჩემის ხმა კი გარკვევით შემომესმა. შინ დაბრუნება გადაწყვიტე, მაგრამ ქალბატონ ქეთევანისა მომერიდა და შეშინებულმა განვაგრძე გზა.

ჩქარა, ძალიან ჩქარა მივდიოდი. მერე გული მომივიდა ჩემს თავზე. დედაჩემის ხმას როგორ შევეშინდი-მეთქი, — და როცა სკოლის ჭიშკარი შევადე და კვლავ შემომესმა დედაჩემის ხმა — აჰა, მოვედით, ეჭა, ჩქარა მოვდიოდით და დავიღალეო, იქვე სკოლის ჭიშკართან ძელსკამზე დავჯექი და წარმოვიდგინე თითქოს დედაჩემიც ჩემს გვერდით დაჯდა, ისიც ჩემთან ერთად მოვიდა სკოლაში, ცოტას დავისვენებთ და მერე სკოლაშიაც ერთად შევალთ.

ჰოდა, ახლა მეშინია კი არა, ძალიან მიხარია, ვითომ დედაჩემის გვერდით რომ ვზივარ და მინდა დიდხანს, ძალიან დიდხანს, თუნდაც დაუსრულებლად ვაგრძელებდე ასე.

— მაპატიე, დედი, შენი ხმის გაგონებაზე, რომ შევეშინდი, — გულში ვთქვი და; თვალეზი დავხუჭე.

თვალდახუტული ვზივარ ძელსკამზე და მაინც ვხედავ სკოლის ახალ შენობას, იმ შენობაში დედაჩემის კაბინეტს ვხედავ, მის საძუშაო მაგიდას, სამუშაო მაგიდაზე მიდგმულ გრძელ მაგიდას, დედაჩემის სავარძელს და გრძელი მაგიდის გარშემო შემომწყრივებულ რბილდასაჯდომიან სკამებსაც ვხედავ. ძალიან დიდი სიჩუმეა, კედლის საათის მომართვა დავიწყებიათ, საათიც დაჩუმებულია, შეხუთული ჰაერი და სიჩუმე, ძალიან დიდი სიჩუმეა დედაჩემის კაბინეტში.

ჩქარა ვიარე და დავიღალე: ცოტა ხანს, სულ ცოტა ხანს დავისვენებ, მერე შევალ სკოლის შენობაში, მესამე სართულზე ავიჭრები, გავაღებ დედაჩემის კაბინეტის კარს, საათს მოვმართავ და საათი დაიწყებს ტიკტიკს, ფანჯრებს გავაღებ, გადავწევ აბრეშუმის თეთრ ფარდებს, დილის სუფთა ჰაერი, მოწაფეთა ყივილ-ხივილი. შემოიჭრება და მოწყენილობა და სიჩუმე გაიბურწება დედაჩემის კაბინეტიდან...

— ძალიან ჩქარა მოდიოდი, ეკა მოგდევდი და ვერ დაგეწიე, — ხმა ვერ შევიცანი, გონს მოვეგე და თვალი გავახილე.

ჩემს წინ ქეთევან კიკნაველიძე იდგა. ღიმილიანად მომესალმა და ძელსკამზე ჩამოჯდა.

— ასე ჩქარა რატომ მოდიოდი, ეკა? რაც შემეძლო, მეც ავუჩქარე ნაბიჯს, მაგრამ ვერ დაგეწიე.

ქეთევანმა მაჯის საათს დახედა.

— კიდევ ოცი წუთი უკლია მეცადინეობის დაწყებას.

პაუზა.

ქეთევან კიკნაველიძე ხერგას სკოლაში ასწავლიდა; შარშანწინ ჩვენი სკოლა რომ დასრულდა, დედაჩემმა სასწავლო ნაწილის გამგედ და ისტორიის მასწავლებლად მოიწვია.

— ასე განმარტოება და სახლში ჩაკეტვა როგორ შეიძლებაო, მისაყვედურა ქეთევანმა, რა მარტოობა და რა სიკვდილიო, მარტოობა და სიკვდილი ერთი და იგივეა, ახალგაზრდა ხარ, ცხოვრება წინ გიძევს, შენ კიო... კიდევ ბევრი რამ თქვა ქეთევან კიკნაველიძემ, მაგრამ მე ბურანში ვიყავი და ესლა დამამახსოვრდა.

სამასწავლებლოში შევედი თუ არა, მეგობრები შემომეხვივნენ. ძალიან გაეხარადათ ჩემი სკოლაში მისვლა; ზოგი ისე შემომაცქერდა, თითქოს დიდი ხანია არ ვენახე; მე გული ამიჩვილდა; თავი ვერ შევიკავე და ავქვითინდი.

უხერხულობა.

ბედად ზარი დაირეკა და ქალბატონმა ქეთევანმა რატომღაც ხმამაღლა შეუძახა მასწავლებლებს — ხომ გაიგონეთ, ზარი დაირეკა და აქ რას უდგახართო.

სამასწავლებლოში მარტონი რომ დავრჩით, ქეთევანმა ყურში მიჩურჩულა, იტირეო და თვითონაც ატირდა.

შემრცხვა. როგორღაც ცრემლი შევიკავე და გულსაც ძალა დავატანე.

— მაპატიე, ქალბატონო ქეთევან, — ვედრებით ვთქვი მე.

— რა უნდა გაპატიო? — ამოოხვრით თქვა ქეთევანმა, — დედაშენი სხვა ქალი იყო, ვეა, როცა გამახსენდება, მეც შენსავეთ ვტირდი.

პაუზა.

— შეიდი წელიწადი მასწავლიდა დედაშენი, შენ მაშინ დაბადებული არ იყავი და უთუოდ არ იცი.

— ვიცი.

— მერე მამიდამ თბილისში წამიყვანა. უნივერსიტეტში შესასვლელად რომ ვემზადებოდი, ეკატერინემ თბილისში ჩამომაკითხა, მთელი ერთი თვე დარჩა ჩვენსას და მამეცადინებდა, — ესეც იცი?

— არა. ეს არ უთქვამს დედაჩემს ჩემთვის.

— არ უთქვამს ხომ? — ჩამკითხა ქალბატონმა ქეთევანმა, — ასეთი იყო, თავის ღვაწლს ყოველთვის მალავდა.

ქეთევანს ისევ აუცრემლდა თვალები და სახე მომარინდა.

— დირექტორს არ გვინიშნავენ? — განზრახ ბანზე ავუგდო სიტყვა ქალბატონ ქეთევანს.

პაუზა.

— დირექტორს კი დაგვინიშნავენ, მაგრამ ეკატერინეს შემცვლელს ვერ იპოვნია, — დამარცვლით თქვა ქეთევანმა და ვითომ ჩემგან ნამალევად შეიმშრალა ცრემლი და თვალებში ჩამხედა.

— თქვენ?

— როგორ თუ მე? — მე შემძლია ეკატერინეს შეცვლა? — უცებ გაბრაზდა და აენთო ქალბატონი ქეთევანი.

უკან არ დავიხიე.

— განა არ შემოგთავაზეს?

— შენ საიდან იცი? ვინ გითხრა? — ხმას აუწია ქეთევანმა.

პაუზა.

— თვითონ ვიგულისხმე! აბა სხვა ვინ უნდა დანიშნონ? — გავიკვირე მე.

თითქოს მენდო, ისე გამომხედა, მაგრძნობინა, ვიცი, რომ სიმართლეს არ ამბობო.

— უთუოდ ვილაცამ გითხრა! — დარწმუნებით თქვა ქეთევანმა და მაჯის საათს დახედა.



„თვითონაც კარგად იცის ქალბატონმა ქეთევანმა, რომ ახლა მასწავლებლად არ გამოედგები მე. ვებრალეები და ფიქრობს. ეგებ მუშაობაში გავერთო და მარტობას და სევდას დავაღწიო თავი, ამიტომაც მიტხრა, შენი შევებულება დამთავრებულია, ხვალვე დაიწყე მუშაობაო. ვპირდება მე ახლა სკოლას? არა. დედაჩემმა ხომ ჩამომართვა მეექვსე და მეშვიდე კლასი და ღია გურგენიძეს გადასცა. ახლა ჩემს მაგივრად მეოთხე და მეხუთე კლასებშიც ღია გურგენიძე ასწავლის, ხელფასი კი მე მომიტანა ღია გურგენიძემ, მადლობა მრგახსენე და უკანვე დავუბრუნე... ესეც იცის ქეთევან კიკნაველიძემ, ამიტომაც ვებრალეები და უნდა როგორმე მისაშველოს“.

— წავალ. — ვთქვი მე და ავდექი.

— სად უნდა წახვიდე, ეკა! — ძალიან გაიოცა ქეთევანმა, მკლავზე მომკიდა ხელი და დამსვა.

— სახლში წავალ, ქალბატონო ქეთევან, აქ გაჩერება არ შემიძლია...

დარწმუნდა, სკოლაში განჩერება არ შემეძლო. მეორე გაკვეთილი თავისუფალი მაქვს და მეც გამოგყვებით, — თქვა და წამოვედით.

როგორც კი სკოლის ჭიშკრიდან გამოვედით, ისევ შემომესმა დედაჩემის ხმა.

— მეც მოვდივარ, ეკა! — და თითქოს მისი ნაბიჯების ხმაც გავიგონე.

შეედექი.

— ხომ არაფერი დაგჩა სკოლაში?

პაუზა.

— რამე დაგჩა? — ჩამეკითხა ქეთევანი.

— დედაჩემის ხმა შემომესმა, — ნალვლიანად ვთქვი მე და ქეთევანს თვალეებში შევაჩერდი.

— დამშვიდდი, ეკა! — მომესიყვარულა ქეთევანი, — დედა შენი და შენ ერთად მოდიოდით სკოლაში და შინაც ერთად ბრუნდებოდით, გაგახსენდა ახლა და უთუოდ ამიტომაც შემოგესმა მისი ხმა, წავიდეთ.

ცოტა რომ გავიარეთ, ოღნავ დავმშვიდდი.

„ახლა კი ნამდვილად დარწმუნდა ქალბატონი ქეთევანი, რომ მე უკანე შესულივით ვიქცევი, არარსებული მეჩვენება და მელანდება, თითქოს დედაჩემის ხმაც მესმის; ეგებ ეშინია კიდევ გვერდით რომ მომყვება, მაგრამ ებრალევა ეკატერინე ხიდაშელის ქალიშვილი ქეთევანს და შინ რომ მიმიყვანს, მომეალერსება, გამამხნეებს, დამარიგებს და ხმამალა მტყუის: სევდას უნდა მოე-

რომ... ეკა! ყველანი სიკვდილის შეილები ვართ! ასეა, ჯერ მშობ-  
ლები ტოვებენ ქვეყანას, მერე... დაფიქრდება ქალბატონი ქეთე-  
ვანი, ხმას დაადაბლებს, თვალბში შემომხედავს — შენზე ახალ-  
გაზრდას გარდამეცვალა დედა. მეც შენსავით ვიგლოვე. მერე ზა-  
ნი გავიდა. ძალა მოვიკრიბე და სევდა გადავიყარე, სკოლასაც  
დაუბრუნდი და გავთხოვდი. ისევ დაფიქრდება ქალბატონი ქეთე-  
ვანი, გულს გაიხალისებს და გამილიმებს და დასტურივით მეტ-  
ყვის: შენც ასე მოიქცევი, ეკა! დაუბრუნდები სკოლას და საქმე  
გაგიქარებებს სევდას, ჰოო, შენი მოწათყეები გელოდებიან, შენი  
მეგობრები და ამხანაგები, მე გელოდები, ეკა!“

სკოლიდან ჩემს სახლამდე ისე მივალწვიეთ, ერთმანეთისათვის  
სიტყვაც არ გვითქვამს.

ქიშკართან შემაჩერა ქეთევანმა.

ვიფიქრე, ლექციას ახლა წამიკითხავს-მეთქი.

შევცდობი.

ქეთევანმა მაჯის საათს დახედა და შეცბა.

— გავექანდები ახლა მე სკოლაში, თორემ გაკვეთილზე დამაგ-  
ვონდება. — ისევ დახედა საათს, — ჰო, გავექანდები და სამ სა-  
ათზე მოვალ, აუცილებლად მოვალ.

დავიბენი.

„მე სასაფლაოზე მიინდა წასვლა. ქალბატონი ქეთევანი სკოლი-  
დან პირდაპირ მე გამომივლის, მოშიებულცი იქნება და რამე  
რომ არ დაეახვედრო“...

— დუღუხანამ დამიბარა, ქალბატონო ქეთევან, რაღაც საქმე  
მაქვსო, — ვიცრუე მე.

— ოჰო, კიდევ უკეთესი, — ღიმილით თქვა ქეთევანმა, — მეც  
დუღუხანასთან მრავალ; ერთ კოვზ ლობიოს და ერთ ნატეხ ჭადს  
ჩემთვისაც მოაძიებს დუღუხანა.

ხელი დამიქნია და წავიდა. ჩქარი, ძალიან ჩქარი ნაბიჯებით  
წავიდა.

მთელი გზა ისე გამოვიარეთ, ვერ შევებდებ ხელახლა მეკითხა;  
რატომ იუარა სკოლის დირექტორობა, თვითონ კი არაფერი თქვა.  
ერთხელ რომ ვკითხე. იმისთვისაც გამიჯავრდა — საიდან მოიგო-  
ნო. ნამდვილად შესთავაზეს...

მე კი, წვრილად ვიცი, რატომ თქვა უარი სკოლის დირექტო-  
რობაზე ქეთევან კიკნაველიძემ და პატარა ეკატერინეს ამ მოთ-  
ხრობაში, ამ ამბავს, ეკატერინეს ნაცულოად მე ჩავწერ:

დიდი ეკატერინეს ორმოცზე კალისტრატე ტაბატაძე ამოვიდა ხერგადან, მას განათლების განყოფილების თანამშრომლები ახლდნენ, პანაშვიდზე მოკლე სიტყვა წარმოთქვა კალისტრატე ტაბატაძემ და დამსწრეთ აუწყა — რაიონის ხელმძღვანელობის შუამდგომლობა დააკმაყოფილეს და დღეიდან ხემაღალის სკოლა ეკატერინე ხიდაშელის სახელობისა გახლავთო.

სიტყვა რომ დაამთავრა კალისტრატე ტაბატაძემ, ქეთევან კიკნაველიძე მოიხმო და მეორე დღისათვის ხერგაში დაიბარა, მერე პატარა ეკატერინეს ბოდიში მოუხადა, პარტრაიკომში მელოდებიან და ამიტომ მივდივარ, ჩემი თანამშრომლები კი დარჩებიანო.

და მეორე დღეს ქეთევან კიკნაველიძე ხერგაში ჩავიდა.

კალისტრატე მხიარულად შეეგება ქეთევანს, სუარძელი შესთავაზა და გაუღიმა, მერე მაგიდის უკრა გამოაღო. უკრიდან საქალღდე ამოიღო, საქალღდედან ერთი ფურცელი, ადგა და ფურცელი ქეთევანს გაუწოდა.

— მომილოცნია, ამხანაგო ქეთევან! აბა თქვენ იცით, როგორ გაამართლებთ ჩვენს ნდობას.

ქეთევანმა ფურცელი გადაათვალიერა, წარბები მოლუშა და ფურცელი ცივად დადო მაგიდაზე.

— მე თანახმა არა ვარ! — გადაწყვეტით თქვა ქეთევანმა. პაუზა.

— მიზეზი? — ხმას აუწია კალისტრატემ.

— დროზე რომ გეკითხათ, მოგახსენებდით.

— საკითხი გადაწყვეტილია, ამხანაგო ქეთევან, ბრძანება ბრძანებაა, — ახლა უფრო აუწია ხმას კალისტრატემ, — წაიღეთ ბრძანება და წაბრძანდით, საქმე მორჩომილია.

კალისტრატემ დამცინავად გაუღიმა ქეთევანს და ქეთევანმა იფეთქა.

— მე არ ვემორჩილები თქვენს ბრძანებას! თქვენი ბრძანება თქვენთანვე დარჩეს. — ახლა ქეთევანმა გაუღიმა დამცინავად კალისტრატეს, — მე კონსტანტინე კაკუბერთან წავალ, — ბრძანების ქალღდი მაგიდაზე დატოვა, ადგა და კარისკენ გააბიჯა.

— მიბრძანდით კაკუბერთან, კარგს იზამთ, თუ კაკუბერთან წახვალთ, სწორედ მან მიჩრია თქვენი დანიშვნა, — ნიშნისმოგებით მიადახა კალისტრატემ კართან მისულ ქეთევანს და როცა ქეთევანმა კარი გაიხურა, კალისტრატეს ხარხარი შემოესმა.

ქეთევან კიკნაველიძე ჩინებულად იცნობს კალისტრატე ტაბატაძეს. სხვა რომ არა იყოს რა, ერთი წელი ერთად სწავლობდნენ

ზეშალალის სკოლაში. მერე, ხერგაში რომ მასწავლებლობდა ქეთევანი უფრო ახლოს გაიცნო განათლების განყოფილების გამგე. ქეთევანი ასწავლიდა ისტორიას კალისტრატეს ვაჟიშვილს და კალისტრატეს, როგორც განათლების განყოფილების გამგე და მშობელა, ხშირი სტუმარი იყო ხერგას პირველი საშუალო სკოლისა და ერთხელ, სრულიად მოულოდნელად, პირველი საშუალო სკოლის ქიმიის მასწავლებელი სხვა სკოლაში გადაიყვანა კალისტრატემ და სკოლის დირექტორი, რომელიც ცოტა უხერხემლო კაცი იყო, ადვილად დაარწმუნა, თითქოს ეს კონსტანტინე კაკუბერის სურვილი ყოფილიყო. ნამდვილი და ერთადერთი მიზეზი კი ის გახლდათ, რომ კალისტრატეს ვაჟიშვილი ქიმიის მოისუსტებდა და ქიმიის მასწავლებელი მას არ ეშელავათებოდა და ახლა, კალისტრატემ ნიშნისმოგებით რომ უთხრა, სკოლის დირექტორად შენი დანიშვნა სწორედ კონსტანტინე კაკუბერმა მირჩიათ, კალისტრატეს ჩვეულებრივ ფანდალ მიიჩნია და ქეთევანმა პირდაპირ პარტრაიკოსს მიაშურა.

ბედად, კონსტანტინე კაკუბერი რაიკომში იყო და მისაღებ ოთახშიც არავინ უცდიდა.

როგორც კი მოახსენა მდივანმა კონსტანტინეს, ქეთევან კიკნაველიძე გთხოვთ მიღებასო, კონსტანტინემ თვითონვე გამოალო კარი, ქეთევანს გაუღიმა, მერე თავი ოდნავ დაბლა დახარა, — ახალი სკოლის ახალ დირექტორს ჩვენი უმდაბლესი სალამი, — ხმამაღლა თქვა და ქეთევანი კაბინეტში შეიწვია.

ქეთევანი შეცბა.

იეტუობა ზოგჯერ სიმართლეს ლაპარაკობს კალისტრატე ტაბატაძე.

კონსტანტინემ ქეთევანს რბილი სავარძელი შესთავაზა და თვითონაც ქეთევანთან გვერდით დაჯდა.

პაუზა.

ქეთევანი ხმა არ იღებს, არც კონსტანტინე ეკითხება არაფერს.

— უთუოდ სკოლის საქმეებზე, არა? — უფრო სიჩუმის დასარტყევად თქვა კონსტანტინემ.

— დი-ი-ახ! — დამარცვლით, მაგრამ ცოტა დაბნეულად თქვა ქეთევანმა და კონსტანტინემ ეს შეამჩნია.

კონსტანტინე სამუშაო მაგიდას მისწვდა, სიგარეტის კოლოფი აიღო და გახსნა.

— შეიძლება მოეწიო?

ქეთევანმა გაუღიმა და თანხმობის ნიშნად თავი დაუქნია.

— ახლა მასწავლებლების კარგი კოლექტივი გყავთ. — ისეთ-ნაირად თქვა კონსტანტინემ, დასტურს არ საჭიროებდა.

— კარგი, ძალიან კარგი! — ალაღად თქვა ქეთევანმა.

— შენობაც კარგია.

— ჩინებულად აგებული შენობაა.

— რევაზ ჩაფიჩაძეს ვუმაღლი, მშენებელთა კარგი ბრიგადე ჰყავს მეურნეობაში, მთელს რაიონში ვერ მოიძიებ ასეთ ოსტატებს. განსაკუთრებით სპორტული დარბაზი და კლუბი! საშუალო სკოლის ასეთი შენობა, არა მგონია, რესპუბლიკაში მეორე იყოს, — კმაყოფილებით თქვა კონსტანტინემ და სიგარეტს მოუკიდა.

— სპორტული დარბაზი კი ნამდვილად კარგი გვაქვს...

— ვიცი, ფიზკულტურის მასწავლებელი არ გყავთ, — შეაწყვეტინა კონსტანტინემ, — რაიონში ვერავინ შეარჩია ვერც განათლების განყოფილებამ და ვერც ფიზკულტურის კომიტეტმა, ახლახან თბილისში ვიყავი, ფიზკულტურის რესპუბლიკურ კომიტეტს ვთხოვე და უეჭველში შემპირდა, მალე გეყოფებათ ფიზკულტურის მასწავლებელი.

„მე არ დამიბარებია, თვითონ მოვიდა, არაფერს მეკითხება, და არაფერს თხოულობს“.

— მე ჩემს საქმეზე მოვედი, ბატონო კონსტანტინე, — თითქოს ფიქრს მიუხვდა ქეთევანი.

— ბრძანეთ, ნუ მომერიდებით!

— სკოლის დირექტორობას ვერ შევძლებ მე, — ყრუდ თქვა ქეთევანმა და თავი დახარა.

კონსტანტინე სავარძლიდან ადგა, კაბინეტის ერთი ფანჯარა ღია იყო და მიხურა, მერე თავისი სავარძელი უფრო ახლოს მიაჩოჩა. ქეთევანის სავარძელთან.

— მიზეზი?

პაუზა.

— ვთხოვთ, ნუ მკითხავთ — ისევ ყრუდ თქვა ქეთევანმა.

ქეთევანს მხრები აუცახცახდა და თვალები აუცრემლდა:

კონსტანტინემ უხერხულობა იგრძნო, სავარძლიდან ისევ ადგა, ნელი ნაბიჯებით გაიარ-გამოიარა კაბინეტში, მერე სამუშაო მაგიდას მიუჯდა, უჯრა გამოაღო, უჯრიდან საქალაღე ამოიღო და გადაშალა.

— სიძე და ქალიშვილი უკანვე ხომ არ გინმობენ ხერგაში? — ისე თქვა კონსტანტინემ, თითქოს ეს იმ საქალაღეში ამოიკითხა. კონსტანტინემ საქალაღე დახურა, ისევ უჯრაში ჩადო და ქეთევანს შეაკვირა.

— სიძე და ქალიშვილი მეურნეობაში გადმოყავს რევაზ ჩა-

ფიჩაძეს, — თამამად თქვა ქეთევანმა და უცებ გახალისდა. — ჩემი სიძე აგრონომია, ქალიშვილი ბიოქიმიკოსი...

— ვიცი. მე მათ კარგად ვიცნობ. რევაზ ჩაფიჩაძემ იცის, ვინ უნდა მოიწვიოს მეურნეობაში. კარგი საქმეა. გამეხარდა. შვილიშვილი გყავთ?

— ველოდები. — ახლა უკვე სახე გაებადრა ქეთევანს.

— ბედნიერი ქალი ყოფილხართ, მალე ელოდებით შვილიშვილს?

— მალე! ჰა და ჰა, ერთი კვირა!

— ოჰო, — თავი მოიმხიარულა კონსტანტინემ — ნათლობაში რომ არ დამპატიოთ, მეწყინება.

კონსტანტინე კაკუბერის ფიქრი: „თავდაპირველად რევაზ ჩაფიჩაძემ გვიჩაია, მერე მთელმა სკოლამ მოითხოვა ქეთევანის დანიშვნა სკოლის დირექტორად. ჰო, მთელმა სკოლამ — მასწავლებლებმა, კომკავშირის კომიტეტმა, მშობელთა საბჭომ... ეკატერინე ხიდაშელის გარდაცვალების დღიდან ქეთევანი უძღვება სკოლას, კარგადაც უძღვება, ამიტომ დავნიშნეთ დირექტორად, ეგ კიდევ უარზეა და მიზეზსაც არ მიმხელს... ვიფიქრე, ხერგაში შვილი და სიძე უხმობს-მეთქი. და მოვტყუევი!“

— თქვენი დირექტორად დანიშვნა რევაზ ჩაფიჩაძემაც გვიჩაია, — დიხად თქვა კონსტანტინე კაკუბერმა და მაგიდის უჯრიდან ისევ ის საქაღალდე ამოიღო და გადაშალა.

— რევაზ ჩაფიჩაძემ? — გაიოცა ქეთევანმა, — სკოლასთან რა საქმე აქვს რევაზ ჩაფიჩაძეს?

— ცდებით, ძალიან ცდებით, ამხანაგო კიკნაველიძე, — გულმოსულად თქვა კონსტანტინემ, — რევაზ ჩაფიჩაძეს არა თუ თქვენი სკოლის, ჩვენი რაიონის ყველა საქმესთან ესაქმება!

კონსტანტინემ საქაღალდე დახურა, სიგარეტს მოუკიდა და ადგა.

— როგორ თუ რა ესაქმება ჩაფიჩაძეს სკოლასთან! ეგ როგორ ბჭვით? — გაცხარდა კონსტანტინე, — სწორედ თქვენი სკოლის გადასარჩენად წამოვიდა თბილისიდან ჩაფიჩაძე, განა თქვენ ეს არ იცით? თქვენი სკოლა გაუქმებული იყო, ეკატერინე ხიდაშელმა სოფელს დაუშალა ეს, ქალიშვილსაც დაუშალა, ერთი წელი უხელფასოდ ასწავლიდა ეკატერინე ხიდაშელი, ქალიშვილს კი თავისი პენსიიდან აძლევდა ხელფასს, ჰო, ერთი წელი კერძო სასწავლებელივით იყო თქვენი სკოლა. — განა ესეც არ იცით?

— არა, არ ვიცოდი!

— მეურნეობის კანტორის და ლაბორატორიის მშენებლობა უფრო ადრე დაიწყო ჩაფიჩაძემ, თუ სკოლის შენობისა?

— ვერ გეტყვით. მე მაშინ ხემაღალში არ ვიყავი.

— ჰოდა, მე გეტყვით! — ჯერ მეურნეობის კანტორა და ლაბორატორია დაასაძირკვლა, მერე სკოლის შენობა. უფრო ადრე როგორ მელი ააშენა?

— სკოლა. ეგ კი ვიცი.

— როგორ ფიქრობთ, ამისათვის მადლობა მოახსენეს ჩაფიჩაძეს? კლუბი? კლუბის შენობა ცალკე უნდა აეგოთ, მეურნეობის ტერიტორიაზე, ასე იყო დაპროექტებული. ჩაფიჩაძემ კი იმდენად ილონისძია, კლუბი სკოლის შენობას მოადგა. რატომ? მხოლოდ იმიტომ, რომ სკოლამაც ისარგებლოს კლუბით. თქვენ კიდევ ამბობთ, სკოლასთან რა ესაქმებაო რევაზ ჩაფიჩაძესო, თქვენგან არ მოველოდი ამას, ქალბატონო ქეთევან, ნამდვილად არ მოველოდი!

— თქვენ ვერ გამიგეთ, ბატონო კონსტანტინე, — მოზოდიშებით თქვა ქეთევანმა.

— კარგადაც გაგიგეთ, — დამცინავად გაიღიმა კონსტანტინემ, — აქაოდა, რევაზ ჩაფიჩაძე მეურნეობის დირექტორია, ლაბორატორიის გამგეა და თავის მეურნეობას და ლაბორატორიას მოუაროს. სკოლასთან რა ესაქმებაო, — ასე იყო თქმული და მეც ასე გავიგე!

— მაბატიეთ, მაგრამ ცდებით! — მტკიცედ თქვა ქეთევანმა და კონსტანტინეს თვალი გაუსწორა, — მე უკეთ ვიცი, სკოლაში რა მდგომარეობაა, ვიდრე რევაზ ჩაფიჩაძემ-მეთქი, — ეს მინდოდა მეთქვა, ეტყობა, გასაგებად ვერ გამოვთქვი.

— მერე და რატომ არ მეუბნებით, რა უჭირს სკოლას? ჰაუზა.

— თქვით, ნუ გერიდებათ!

— ჩვენს სკოლას მამაკაცის ხელი სჭირდება, ბატონო კონსტანტინე, — დინჯად თქვა ქეთევანმა.

— მამაკაცის ხელი? — გაიკვირვა კონსტანტინემ, — სიგარეტს მოუკიდა და ქეთევანის გვერდით დაჯდა.

— აუცილებლად მამაკაცის ხელი, მაგარი მამაკაცის ხელი, — დასტურივით თქვა ქეთევანმა. — მეცხრე და მეთათე კლასელმა ბიჭებმა ლამის აიკლონ სკოლა. თამბაქოს ეწევიან, უწმაწურად ლაპარაკობენ, გაკვეთილებზე ხმაურობენ, აცდენენ გაკვეთილებს... დანამდვილებით ვიცი, ზარსაც თამაშობენ. ისეთი თავქეიფა მეთაური ჰყავთ...

— ვინ?

— მეცხრეკლასელია... ასკალონ ჭინორიძე.

— გრამიტონ ჭინორიძის ვაჟი? —

— თქვენ იცნობთ გრამიტონ ჯინორიძეს? — გაიკვირვა ქეთევანმა.

— კარგადაც ვიცნობ. პურსაცხოების გამგეა, არა? — ისევ აენტო კონსტანტინე. — პირველი გაიძურწა ხემაღალიდან, სურამში თონის გამგის ადგილი იყიდა. მყიდველებს ატყუებდა, სახლ-კარი არ მოიშალა ხემაღალში, ხემაღალის ხილს სურამში ეზიდებოდა, პირველად უარი თქვა ხემაღალში მობრუნებაზე, როცა გაიგო პურსაცხოებს ვაშენებდით, ისე დატრიალდა და ისე შეაყვარა თავი რევაზ ჩაფიჩაძეს... დიდი გაიძვერაა, ბანქოსაც თამაშობს და ზარსაც... ყველაფერი ვიცი. გრამიტონს მოვახსნევენებ პურსაცხოების გამგეობიდან, თუ მოისურვებს, მჭურნეობაში იმუშაოს მუშად, მისი ვაჟიშვილი გააფრთხილეთ და, თუ არ გამოსწორდა, გარიცხეთ სკოლიდან.

ჩაუშქრალი სიგარეტიდან ახალ სიგარეტს მოუკიდა კონსტანტინემ.

— სხვანაირი წარმოდგენა მქონდა თქვენს სკოლაზე. — დანაწებით თქვა კონსტანტინემ, — შარშან, შარშანწინ ასე იყო?

— არა! — დარწმუნებით თქვა ქეთევანმა. ეკატერინე ხიდაშელი სხვა ქალი იყო, ბატონო კონსტანტინე, ხორხოცს თუ ატეხდნენ მოწაფეები დერეფანში, ვითომ შემთხვევით გაივლიდა ეკატერინე და მორჩა და გათავდა. არავითარი ხმაური გაკვეთილებზე, არავითარი უმიზეზო გაცდენები. თვითონ ხომ ხმაშაღლა არ დაილაპარაკებდა და მოწაფეებს ხმააწეულად არ ეტყოდა სიტყვას. ისეთი გამოხედვა იცოდა... მაგარი ქალი იყო, ბატონო კონსტანტინე, ეკატერინე ხიდაშელი, მისი შემცვლელი არა მგონია გამოიძებნოს...

— მართლაც მაგარი ქალი იყო ეკატერინე ხიდაშელი, — დაუდასტურა კონსტანტინემ. — ერთხელ ძალიან აღელვებული შემოვიდა ჩემთან, სწორედ ამ კაბინეტში, — ამხანაგო კაცებერო, — რატომღაც ეკატერინე ყოველთვის გვართ მომპართავდა მე, — ჩვენი სკოლის სახურავი ქარმა წაიღო. რაიგანათლება და რაი აღმასკომი ორივე ფეხს ითრევს, თქვენი სკოლის რემონტი წლებადღელ ბიუჯეტში არ გვიზის, ამიტომაც ვერ გადავხურავთო. დალპეს შენობა? უსკოლოდ დარჩეს სოფელი? უბრძანეთ რაი აღმასკომს და რაიგანათლებას გადახურონ ხემაღალის სკოლა.

— მე შემიძლია განათლების სამინისტროს ვთხოვო ეგებ დაგვეხმარონ...

— ეგ უარს ნიშნავს, დიპლომატური უარია. — მკვახედ მიპასუხა.



— ზოგჯერ სახურაუის მასალა ვიშოვეთ, ხემაღალში როგორ აუზიდოთ, გზა რომ არ არის?

— მერედა თქვენი რაიკომი რას აკეთებს? რატომ არ გაჰყავს გზა?

— ხემაღალში გზის გაყვანა ძნელი საქმეა, ქალბატონო ქეთევან.

— ჰო-და, რაიკომმა ძნელი საქმეები უნდა მოაგვაროს, — ძნელ საქმეებს რომ ვერ გააკეთებს, ისეთი რაიკომი რად გვჭირდებაო, — ირონიულად თქვა.

გაეწითლდი და ვერაფერი ეუბასუხე..

წავიდა თბილისში ეკატერინე ხიდაშელი და ერთ თვეში ყავრით კი არა, კრამიტით გადაგვახურინა ხემაღალის სკოლა. შვიდი ათასი კრამიტი ცხენებით აგვაზიდინა ხემაღალშია, მაგარი ქალი იყო ეკატერინე ხიდაშელი, მარტო სკოლას კი არა, მთელ სოფელს პატრონობდა.

კაბინეტი თუთუნის კვამლით აივსო. კონსტანტინემ ფანჯარა გააღო და ქალბატონ ქეთევანს მოუბოდიშა.

— მაპატიეთ, როცა ავლელდები, ასე ვეწევი, — და ისევ სიგარეტს მოუკიდა, — ოღონდ აქ, ფანჯარასთან მოვწევ.

და კონსტანტინე კაკუბერმა ეკატერინესთან ბოლო შეხვედრა გაიხსენა.

„ეს შარშანწინ იყო. ზაფხული. ხემაღალი. ალექსანდრე ჩაფიჩაძის ოდასახლის აივანზე. სუფრას ვუსხედვართ ეკატერინე ხიდაშელი, ალექსანდრე და გულასპირ ჩაფიჩაძეები და მე. თამადა გულასპირ ჩაფიჩაძე. ჩემი სადღეგრძელო. ეკატერინემ, ალექსანდრეს და გულასპირს რომ არ გაეგონათ, ყურში მიჩურჩულა — შეცდომის დაშვება კი არ არის უბედურება, უბედურება შეცდომის გამეორებაშიაო, დარწმუნებული ვარ აწი აღარ შეცდებიო, — დამიყვავა, მომეალერსა, შუბლზე მაკოცა, მაპატია დანაშაული“.

კონსტანტინე კაკუბერს ცრემლი მოადგა თვალებზე, ეს ქეთევანმა შეამჩნია, ეუხერხულა და ადგა.

— მე წავალ, ბატონო კონსტანტინე, — მორიდებით თქვა ქეთევანმა.

— მაპატიეთ, ფიქრმა გამიტაცა, — სევდიანი ღიმილით თქვა კონსტანტინემ და ცრემლიანი თვალები შეანათა ქეთევანს.

კონსტანტინემ ფანჯარა მიხურა, სიგარეტი საფერფლეში ჩაასრისა, ჯიბიდან ცხვირსახოცი ამოიღო და ცრემლი შეიმშრალა.

— წაბრძანდით. რამეს ვიღონებთ: მე თვითონ ამოვალ თქვენთან... პირდაპირ სოფელში მიდიხართ?

— დიან, სადამოს მშობელთა კრება გვაქვს.

— სადარბაზოსთან ჩემი მანქანა დგას, მძღოლს უთხარით და სოფელში წაგიყვანთ.

## V

სულ სამი დღეა, რაც შადიმან შარანგია ჩვენი სკოლის დირექტორად დანიშნეს და სოფელი ქორებით აივსო.

და ყოველდღე კი არა, ყოველ. საათობით ახალ-ახალი ქორი იბადება.

გუშინ ღია გურგენიძე იყო ჩემთან და ქორები დაავივისტა და მოქუბა: შადიმან შარანგიაო, უკვე საბოლოოდ დადგინდაო, ისტორიკოსიც ბრძანებულა, ლიტერატორიც და ფილოსოფოსიც. ოღონდ ბარე ოცი წელიწადია სკოლას და წიგნს სათოფეზე არ გააკარებიაო, რესტრონებისა და სასადილოების დირექტორად მუშაობდა თბილისში, ხაშურში, ფოთში, ზესტაფონში, ხოლო ბოლო ოთხი წელი ხერგას რესტორანის „ულელტეხილის“ დირექტორად ბრძანებულა. მთელი სკოლა შეშფოთებულა, ეს რა ვაიუშველებელი დაატრიალეს ჩვენს თავზეო, შებღალეს ეკატერინე ხიდაშელის ხსოვნა, არა, ეკატერინე ხიდაშელის სახელისათვის ეს არ უნდა ეკადრებიათო, მაგრამ ფულმა თავისი. საქმე გააკეთაო, შარანგიას ჩეჩქივით აქვს ფული და უეჭველად კალისტრატე ტაბატაძე მოიხყიდაო. იმასაც ამბობენო, თქვა ღია გურგენიძემ, თითქოს რევაზ ჩაფიჩაძის მეუღლის ხელიც ერიოს ამ საქმეში, რევაზ ჩაფიჩაძის მეუღლის მშობლები და შადიმან შარანგიას ოჯახი თბილისში კარის მზობლები ყოფილან და რევაზ ჩაფიჩაძის მეუღლე ისეთი მტკიცე ხასიათის ბრძანებულა, რასაც მოიწადინებს, აუცილებლად შეისრულებსო. ეს ვაჟბატონი შარანგია ითხვისელი ბრძანებულა, აეღოთ და ითხვისში დაენიშნათ, ხოლო ჩვენი სოფლელი არჩილ ჭინორიძე ითხვისის სკოლიდან ჩვენს სკოლაში გადმოეყვანათო, მაგრამ ეტყობა, ითხვისის ვერ შებედეს, ჩვენ კი იოლად დაგვჯაბნესო.

სკოლა შეძრულია. მასწავლებლების ერთმა ჯგუფმა გადაწყვიტა, კონსტანტინე კაჯუბერს ეახლოს და შადიმან შარანგია ჩვენი სკოლის დირექტორობიდან მოახსნევიოსო...

კიდევ ბევრი ქორი თქვა შადიმან შარანგიაზე ღია გურგენიძემ. მაგრამ მე ესლა დავიმახსოვრე.

ეთხოვე ვახშმად დარჩენილიყო, მაგრამ იუბრა, ეტყობოდა, გული ახალი ქორების გასაგებად მიუწევდა.

ქიშკრამღე მივაცილე. უკან რომ გამოვბრუნდი და აივანზე

ამოვედი, ღიას ხმა შემომესმა ეკაო, დამიძახა ლობეზე შემომღ-  
გარმა, კინალამ დამაეიწყადა რისთვისაც მოვედიო, ხვალ დილით  
შადიმან შარანგიამ სკოლაში დაგობარაო, აუცილებლად მოეოდე-  
სო. ხომ არ გამოგიარო?

— არა, მე თვითონ მოვალ.

— ფიზკულტურის მასწავლებელიც დაგვინიშნეს, რევან ჩაფი-  
ჩაძის ცოლისძმა, — მომეჩვენა, თოქოს 'დამცინავად თქვა ლია  
გურგენიძემ.

შეეცბი და გულში გამკრა.

შადიმან შარანგიას დანიშვნას უთუოდ რევან ჩაფიჩაძეს აბრა-  
ლებენ, მაგრამ ლია გურგენიძემ რატომღაც დამიძალა. კონსტან-  
ტინე კაკუბერი თუ დაითანხმეს, მხოლოდ და მხოლოდ რევანის  
წყალობით, რა შუაშია რევანის მეუღლე რუსუდანი? რუსუდანმა  
თვითონ არ მოდგა ფეხი ხემაღალში და აბა რაში ენაღვლება ვინ  
ჩენება ხემაღალის სკოლის დირექტორი? ვითომ ძმაც რუსუდანმა  
გამოგვიგზავნა ფიზკულტურის მასწავლებლად? — არა. ეგ არ  
უთქვამს ლია გურგენიძეს, მაგრამ რევან ჩაფიჩაძის ცოლისძმა  
ფიზკულტურის მასწავლებლად დაგვინიშნესო, ხაზგასმულად ოქვა  
და მე რაღაცაზე მიმანიშნა.

ეგებ მომეჩვენა, ა!

მთელი ღამე შფოთიანად გავატარე.

შუალამედუ ბუხართან ვიჯექი, სულხან საბა-ორბელიანის  
„სიბრძნე-სიცრუისას“ ვფურცლავდი, რამდენჯერ წაკითხულ იგა-  
ვებს კითხულობდი და იგავის აზრს ვერ ვიგებდი, შერე კითხვას  
თავი გავანებე. ცეცხლი შევახვიე და დავეწექი.

მაინც რა გაუთავებელია ზამთრის ღამეები? შუალამეა და გათე-  
ნებამდე ორჯერ გამოიძინებ.

...რაც ლია გურგენიძემ მიაშბო, დანამდვილებით ვიცი. ყვე-  
ლაფერი ჭორია. ამის უტყუარი საბუთი დედაჩემის არქივში ინა-  
სება. ეს შადიმან შარანგიას წერილია რევან ჩაფიჩაძისადმი. ის  
წერილი დედაჩემს წაუკითხა რევანმა. დედაჩემს ძალიან შეებ-  
რალა შარანგია და რევანს პირობა მისცა, აუცილებლად დაე-  
ნიშნავ ისტორიის მასწავლებლადო, ახალ შენობაში რომ გადა-  
ვალთ, ჩემს გაკვეთილებსაც დაეუთმობო. კარგად მახსოვს,  
ნამდვილად ასე უთხრა, — ახალ შენობაში ერთ-ორი თვე ვიმუშა-  
ვებ, გულით მწადია, თორემ ძალა უკვე აღარ შემწევსო. შერე  
შარანგიას წერილი დედაჩემმა დაიტოვა, — ვინმემ რომ წაკით-  
ხოს, კაცნი ვართ, ეგებ ტაბატაძეს და კაკუბერს მიაწვდინოს ამ-  
ბავი და არც ჩაფიჩაძისათვის ივარგებს და არც შარანგიასთვისო. იმ  
დღიდან წელიწადნახევარი გავიდა და აი, ასლა გამოჩნდა

შადიმან შარანგია. კალისტრატე ტაბატაძემ ახლოსაც არ გაიკარა შარანგიას თხოვნა — რომელმე სკოლაში, თუნდაც დაბალ კლასებში, დაენიშნათ მასწავლებლად, არც კონსტანტინე კაკუბერმა შეიწყნარა მისი თხოვნა. რევზმა უშუამდგომლა, რევზმა დაითანხმა კაკუბერი და საბრალო შარანგია ჯერ მუშაობაც კი არ დაუწყია და ენის წვერზე შეიგდო სოფელმა: „უღელტეხილის“ დირექტორი ბრძანდებოდა ბარე ხუთი წელიწადი. ქონება დაიხვავა, ფული ჩეჩქივით აქვს, მოყირკდა რესტორანში მუშაობა, მარტო კი არ მოყირკდა, სამარცხვინოდაც მიიჩნია, ისტორიკოსი, ლიტერატორი და ფილოსოფოსი კაცი და რესტორანი სად გაგონილაო, უკვირს ანლა... როცა გამდიდრება მოიწადინა, სკოლას ზურგი შეაქცია და რესტორნებს მიაშურა, კარგადაც მოითბო ხელი და ახლა ისევ პატიოსანი ადამიანის გვირგვინი მოისურვა და აგერ ხემაღლის სკოლის დირექტორობა იყიდაო, რატომ ითხვისის სკოლაში მუშაობა არ მოისურვა? ითხვისელები კარგადაც იცნობენ, რა კაციც ბრძანდებარ და ასეო და ისეო...

შადიმან შარანგიამ არ იცის, რომ რევზ. ჩაფიჩაძისადმი მიწერილი მისი ბარათი დედაჩემის არქივშია, რომ ის წერილი მე სამჯერ მაინც მაქვს წაკითხული, თორემ სხვანაირად მიმიღებდა. ახლა-კი, სკოლაში დისციპლინა შერყეულია, არათუ მოწაფეები, მასწავლებლებიც აცდენენ ვაკეეთილებს, მე კიდევ, აგერ მესუთუ თვეა სკოლაში არ დავდივარ და მაინც მასწავლებლად ვირიცხები, მეცხრე-მეათე კი არა, მეექვსე, | მეშვიდე და მერვე კლასის მოწაფეებიც ეწვეიან თამბაქოს, უწმანურ სიტყვებს გაიძახიან... ჰო, არასასურველი, მძიმე მდგომარეობაა სკოლაში და ამიტომაც ჩვენი ხვალისდელი შეხვედრა და საუბარი... ჯერ შარანგიას აღნაგობა წარმოვისახე: რაქან ოცი წელიწადია რესტორნებსა და სასადილოებში მუშაობს, ზომაზე მეტად თუ არა, ზომიერად შესუქებული მაინც იქნება, ეს რესტორნებისა და სასადილოების მუშაკთა საერთო სენია; სახე — აღაუღაფებული, თვალები — მსხვილი, ჩაწითლებული, მკლავები — მსხვილი, თითები — მსუქანი და წკიპა. უღვაშები.

აჰა, შადიმან შარანგიას პორტრეტი დავხატე. ევებ სრულებითაც არაა ასეთი პატივცემული შადიმანი, მაგრამ ხვალ დილაძედ ასეთნაირად დარჩეს, არაფერი დაშავდება.

ჩვენი საუბარი დაახლოებით ასე წარიმართება:

ეს-ესაა სკოლაში. მეცადინეობა დაიწყო. დირექტორს პირველი ვაკეეთილი თავისუფალი აქვს და კაბინეტში ზის.

მე კაბინეტის კაქს შევალე. შარანგია ამხედ-დამხედავს.

— ეკატერინეს ქალიშვილი? — მკითხავს შარანგია.

— დიახ, — ცივად ვიტყვი მე და თვალს გავუსწორებ.

— გამარჯობათ, ამხანაგო ხიდაშელო, — დამარცვლით იტყვიან შარანგია და ისევ ამხედ-დამხედდავს.

— გაგიმარჯოთ, ბატონო ღირექტორო, — არა, რაკი ვიცი შადიმანი ჰქვია, ბატონო ღირექტოროს არ ვეტყვი, — გაგიმარჯოთ, ბატონო შადიმან, — მე მხოლოდ მის სახელს დავმარცვლაე და მეც ავხედ-დავხედავ.

— დაბრძანდით, — იტყვის შადიმანი და სავარძელს შემომთავაზებს.

მე დავჯდები და თავს დაბლა დავხრი.

პაუზა.

— ამხანაგო ეკატერინე, თქვენ, თუ არ ვცდები, უკვე მეხუთე თვეა სამსახურში არ დადინხართ; როგორ ფიქრობთ, ეს მოსათმენია? — მოჩვენებითი თავშეკავებით დამცინავად იტყვის შარანგია და მაგიდის უკარიდან დავთარს ამოიღებს.

— სიმართლეა, შემოწმებას არ საჭიროებს! — დავუდასტურებ მე.

— თან ვითომ მსახურობთ, არა? — ახლა უფრო მეტის დაცინვით იტყვის შარანგია და დავთარს ისევ მაგიდის უკარაშდ ჩადებს.

— ასეა...

— ჰოდა, თუ ასეა, — შემაწყვეტინებს შარანგია, — ცოტა ულამაზოდ ჩანს, არ გეუხერხულებათ?

— ჩემი ვაკვეთილები არ გაცდენილა.

— ვიცი: — ისევ შემაწყვეტინებს შარანგია, თქვენს ნაცვლად ღია გურგენიძე ასწავლის, ხელფასის უწყისზე ხელს თქვენ აწერთ და თქვენს ხელფასს კი ღია გურგენიძე ღებულობს, ვითომ მართო ფორმალური დარღვევაა? — გაიკვირვებს შარანგია.

მე უხერხულობას ვიგრძნობ და ვერაფერს ვუპასუხებ.

— კარგი, თვალი მოუხუჭოთ ამ უხერხულობას, განა ერთ მასწავლებელს ოთხ კლასში, ისიც მეხუთე, მეექვსე, მეშვიდე და მერვე კლასებში, შეუძლია ასწავლოს მშობლიური ლიტერატურა და ენა? დაუჯერებელია! — დარწმუნებით იტყვის შადიმან შარანგია, — დიახაც, რომ დაუჯერებელია!

— ღია გურგენიძე გამოცდილი პედაგოგია...

— ეჭვი არ მეპარება! — ცოტა ხმას აუწევს შარანგია, — იყოს ნიჭიერიც და გამოცდილიც, — მაგრამ ოთხი კლასი, ისიც, — დამარცვლავს შარანგია, — მეხუთე, მეექვსე, მეშვიდე და მერვე და ერთი მასწავლებელი? ისიც მშობლიურ ლიტერატურასა და ენაში? გასაბიებელი. ამბავია, ყოვლად წარმოუდგენელი!

— ამიტომ დამიბარეთ? — ცივად ვიტყვი მე და ავდგები,

— მინდოდა გამეგო, როდის დაიწყებთ მუშაობას.

— მე სამსახურიდან განთავისუფლება ვთხოვე სასწავლო ნაწილის გამგეს, მაგრამ...

-- კოვბადაც სოქცეულა ქალბატონი ქეთევანი, რომ არ გაუთავისუფლებინხართ, — შემაწყვეტინებს შადიმან შარანგია, — ადგება და თვალბში შემომხედავს, — მეც ასე მოვიქცეოდი, მაგრამ ყველაფერს თავისი დრო აქვს, ამხანაგო ეკატერინე, ასე გაგრძელება შეუძლებელია, გთხოვთ, ხვალიდანვე დაუბრუნდეთ სკოლას.

-- ახლავე მოგართმევთ გაცხადებას, გნებავთ გამათავისუფლეთ, გნებავთ მომხსენით. მე სკოლას ვერ დაუბრუნდები.

— რატომ? ჩემი დანიშნა...

-- სრულებითაც არა, — ახლა მე შევაწყვეტინებ შარანგიას სიტყვას, — სევდიანი გული მაქვს, ბატონო დირექტორო, სევდიანი გულით მოწაფეებთან შესვლა შეუძლებელია!

შარანგია მიმიხვდება საყვედურს, უცებ ვერაფერს მიპასუხებს. კაბინეტში გაიგდ-გამოივლის.

ერთხელაც არ ვკითხე, როგორ ცხგოვრობს დედამისის გარდაცვალების შემდეგ, როგორ უძლებს მარტობას, რითი შემიმოღია დაგეხმაროთ? სკოლა დედამისის სახელობისაა, პირველად მეწვია მისი ქალიწვილი, დამწუხრებელი და დალონებული, ისეთი სევდიანი სახე აქვს, თითქოს დედამისი ეს-ესაა გარდაცვლილიყოს, შე კიდევ: თქვენ უკვე მეხუთე თვეა, ამხანაგო ხიდაშელო, სკოლაში არ დადიხართ, თან შტატში ირიცხებით, უწყისზე ხელს თქვენ აწერთ, თქვენს ხელფასს კი ღია გურგენიძე ღებულობს: ეიცო, თქვენი გაკვეთილები არ გაცდენილა, მაგრამ ხარისხი? შეიძლება ოთხ კლასს, ისიც მეხუთეს, მეექვსეს, მეშვიდეს და მერვეს ერთმა მასწავლებელმა ასწავლოს მშობლიური ლიტერატურა და ენა? შეუძლებელია, დიახაც, რომ შეუძლებელია... თქვენ ზეაღვე უნდა დაუბრუნდეთ სკოლას“...

მაგრამ ახლა მობოდიშება გვიანაა, საკითხი საბოლოოდ უნდა გადაწყდეს, შარანგია მომიახლოვდება, შეეცდება თვალბში ჩამხელოს. მაგრამ მე სახეს ავარიდებ და შარანგია თვალბში ვერ შემწნედავს.

— პროფესიას გამოიცვლით? — ცოტა შეშინებული ხმით მკითხავს შარანგია.

— ნამდვილად! — გადაჭრით ვიტყვი მე.

პაუზა.

— რა გაეწყობა! გნებავთ, სკოლის ბიბლიოთეკის გამგედ დაგნიშნავთ?

-- არა!

— აბა, სხვა რა შეიძლება გამოეძებნოთ? — გაიკვირებენ შარანგია.

— რატომაც არა! კოოპერატივი, სასადილო... — ნიშნისმოგებით ვიტყვი მე, თვალბეჭდით შეეხებად შარანგიას და ირონიულად გავუღიმიე.

-- სასადილო? — დაბალი, ძალიან დაბალი ხმით მკითხავს შარანგია, ირგვლივ მიმოიხედავს და აღუღუნებული ლოყები კიდევ უფრო ვაუწყებლდება.

-- ჩვენი სასადილო ისეთია, ხერგასას არ ჩამოუვარდება, — ღიმილით ვიტყვი მე: შარანგიას ის ღიმილი გესლად შეენთხევა, ხანჯალივით შეერქობა გულში, შეტოკდება შარანგია, მე შევეზიზღები და ზურგს შემაქციევი.

„მაგრად გადმომკრა! ჰგონია ვერ მიეუხედი? თქვენი ამბავი ზღლისგულზე მიწერია, ამხანაგო შარანგია, დიახ, ზღლისგულზე მიწერია! ცოდვილიანი ბრძანდებით! თქვენ თუ სკოლიდან სასადილოებს მიაშურეთ, როგორ გგონიათ, მე ვერ შევძლებ ამას? რა, უფრო სხვა აზრითა თქვა. გუშინ რესტორანის დირექტორი იყავით, დღეს სკოლის დირექტორი ბრძანდებით და სკოლაში გუშინ მოსული კაცი, დღეს მე ლექციას მიკითხავთ? გავიწყდებთ, რომ ოცი წელიწადია სკოლაში ფეხი არ შეგიდგამთ? ჩანს დაგავიწყდათ, და მე შეგახსენებთ. გეწყინათ? გულში მოგხვდათ? მაპატიეთ. მე ეკატერინე ხიდაშელის ქალიშვილი ვახლავართ და პირდაპირი ლაპარაკი მიყვარს: მე დედაჩემის შემცვლელად ვერ გიგულვებთ, მე ვერ ვიმუშავებ თქვენთან!

— თქვენ აღვლევებული ხართ, ამხანაგო ეკა, — ვითომ დამიყვავებენ შარანგია; — კარგი, სხვა დროს მოვილაპარაკოთ.

— ჩვენი მოლაპარაკება დამთავრებულია, ბატონო შადიმანი! შეგიძლიათ ხვალეე სხვა მოიწვიოთ ჩემს ადგილზე. განცხადებას კანცელარიაში დაეტოვებ... ნახვამდის...:

შარანგიას პასუხს არ დაველოდები და წამოვალ.

რატომღაც მჯერა, რომ ასეთია შარანგიას და ჩემი ხვალინდელი საუბარი.

ვერაფერს გავაწყობ, რაც მოსავალია ჩემს თავზე, მოვიდეს! ახლა კი დავიძინებ.

მამლებმა უკვე შეორე ყვილი მოათავეს, ერთს კიდევ გამოიძინებენ, მესამედ დაიყვილებენ და ხემალალს ცისკარი მოადგება და თანდათან, მაგრამ მალე გათენდება.

— ჰოდა, ახლა დავიძინოთ, — ვუთხარი ჩემს თავს, საბანი თავზე

წავიხუტე, თვალეზი დავხუტე, მარცხენა ზედი ბალიშქვეშ შევაცურე... და უმაღლეს მივხვდი, ფეხები რატომ მაქვს ცივი — წინდა ავერ ბალიშქვეშაა, ამიტომაც მცივა და ვერ დამიძინია...

ჩვენი უბანში ყველაზე ოსტატურად დედაჩემი ქსოვდა შალის წინდას და ყველა მეზობელი ემადლიერებოდა. ახლა მე შევცვალე დედაჩემი: ჩვენი ხერგას ბაზარში, ვიყიდე მატყლი, დავჩეჩე, სწორედ ისე წმინდად დავჩეჩე, როგორც დედაჩემი ჩეჩავდა. ძაფის დართვაში კი აღრევე ვშველოდი მე დედაჩემს, თავდაპირველად ცოტას კი მსაყვედურობდა დედაჩემი, მსხვილ ძაფს ართავო, მაგრამ მე ვუმტკიცებდი, მსხვილი ძაფით მოქსოვილი წინდა უფრო თბილია-მეთქი, ალექსანდრე და გულასპირ ჩაფიჩაძეები, აბესალომ კიკნაველიძე და ქალბატონი კესარიაც მემოწმებოდნენ, მერე დედაჩემმაც ირწმუნა და ჩემ მიერ დართული მსხვილი ძაფით ხალისიანად ქსოვდა. ჰოდა, წელს მე მოვქსოვე რამდენიმე წყვილი შალის წინდა, სწორედ ისეთები, დედაჩემი რომ ქსოვდა და ვუსახსოვრე გულასპირს, ალექსანდრეს; აბესალომს, ქალბატონ კესარიას და დუღუხანას... გამოგიტყდებით, რევაზ ჩაფიჩაძისათვისაც მოვქსოვე, მაგრამ რევაზისათვის არ მისახსოვრებია, ჩემთვის მაქვს შენახული, სიცივეს რომ ვიგრძნობ, ჩავიცვამ და მიხარია რევაზ ჩაფიჩაძის წინდა რომ მაცვია, ჩემთვის ცოტა სრული კია, მაგრამ ჩავიცვამ თუ არა, უმაღლეს გამათბობს და დამაძინებს.

ა, გამოვიღე ახლა ბალიშქვეშიდან რევაზ ჩაფიჩაძის წინდა, ჩავიცვი, უმაღლეს გავთბი და მეძინება...

ნახვამდის, თქვენც ძილი ნებისა...

სკოლის ჰიშკარი შევალე და ზარიც დაირეკა. სწორედ დროზე მოვსულვარ, — გავიფიქრე გულში, სკოლის ეზო ნელი ნაბიჯებით გავიარე და შენობაში მხოლოდ მაშინ შევედი, როცა დერეფნებში დაცარიელდა და ხმაური მიწყდა.

დირექტორის კაბინეტის კარი ოღნავ ღია იყო, კაბინეტში შევიხედე და კედლიდან დედაჩემის სახემ შემომანათა.

შევკრთი.

თვალეზი დავხუტე, სიზმარში ხომ არა ვარ-მეთქი, — და როცა გავახილე, ისევ ცოცხალი დედაჩემი წარმომესახა.

სამუშაო მაგიდას თავდახრილი უზის შადიმან შარანგია, მის ზურგს უკან, კედელზე დედაჩემის ღიდი, ძალიან ღიდი სურათი ჰქონდა.

კაბინეტში უხმაუროდ შევდგი ფეხი, კართანვე გავშემდი და ისევ დედაჩემის სურათს შევატყერდი.



შემართული დგას დედაჩემი.

მარცხენა ხელისგულზე — გადაშლილი წიგნი.

— მარჯვენა ხელი — წინგაწვდილი.

ბაგეები — ღია, ოღნავ თითქოს ზედა კბილებიც კი მოუჩანს.

ცისფერი, თეთრკაპლებიანი კაბა.

შეჭადრაკებული თმა, ახალგაზრდა სახე.

წარმოვიდგინე — დედაჩემი გაკვეთილს უხსნის მოწაფეებს.

ღიმილიანი თვალები.

ნამდვილად ასეთი ღიმილიანი თვალები ჰქონდა დედაჩემს, თვალების უბეებთან. პატარ-პატარა ნაოჭებს დაიყრდილა. და ის ნაოჭებიც იღიმებოდნენ.

წარმოვიდგინე დედაჩემი გაკვეთილს უხსნის მოწაფეებს.

შარანგიამ იგრძნო, რომ მე დედაჩემის სურათმა მომნუსხა და ისევ თავდახრილი ზის, ვითომ ჩემი მოსვლა არც გაუგია. მაცალა, კარგა ხანსაც მაცალა, მერჩ თავე უცებ ასწია და ისე შემომხედა, თითქოს გაიოცა, რატომ ვერ გავიგე თქვენი მოსვლაო, ადგა, ჩემსკენ წამოვიდა, ხელი მაგრად ჩამომართვა, კაბინეტის კარი მიხურა და თავისი სავარძლის გვერდით რბილსაჯდომიანი სკამი შემომთავაზა.

დავსხედით.

პაუზა.

მე დედაჩემის სურათს გავუხსწორე თვალი, ახლა სურათთან ახლოს ვარ და უფრო ხილულად ვხედავ. უფრო და უფრო რომ დავაკვირდი სურათს, შევნიშნე, რომ დედაჩემის მოღიმარ თვალებში, არა, თვალებში კი არა, თვალების უბეებთან სევდაა მიმაღული... სევდას გულში ღრმად იმარხავდა დედაჩემი, ყველას უმაღავდა, მეც მიმაღავდა, მაგრამ ის სევდა გულიდან გამოპარულა და თვალის უბეებში მიმაღულა და დედაჩემის ის სევდა მე ვარ. ვაკვირდები სურათს და თითქოს ახლაც მიმაღავს დედაჩემი თავის სევდას, თვალებით მიღიმის, ოღნავ გაღებული ზაგეებითაც მიღიმის, მაგრამ მე ვხედავ იმ პატარა სევდას, დედაჩემის გულის სიღრმიდან. რომ გამოუყოვნავს, თვალების უბეებთან შეყუყუღა და დამალვას ცდილობს.

/ ვიცი, კარგადაც ვიცი, შენი ის სევდა მე ვარ, დედაჩემო!

— ჰგავს? — მკითხა შადიმან შარანგიამ.

პაუზა.

„რომ მეტყვა, არათუ მარტო პორტრეტული მსგავსებაა, ამ სურათში დედაჩემის სულია გამოსახული, დედაჩემმა, ბატონო შადიმან, ბევრი სიღუბეჩირე გამოიარა, მაგრამ ყოველთვის შედერებულად

და ამაყი იყო და სურათზეც ასეა აღბეჭდილი-მეთქი“, მაღალფარ-  
ლოვნად გამოვიდოდა და უბრალოდ მიეუბნე:

— ძალიან ჰგავს, — და შადიმანს მიეხედე.

ხმელ-ხმელი; ფერმკრთალი, ზედმეტად ფერმკრთალი; მაგრამ  
ჯანმრთელი სახე. მაღალი შუბლი. ოდნავ შექალაქავეებული გრუზა  
თმა, თეთრი პერანგი, შავი პალსტუხი. ნაცრისფერი პიჯაკი.

— ეგ იმიტომ, რომ რუსუდანი ახლოს იცნობდა ქალბატონ ეკა-  
ტერინეს, — თბილი, ალერსიანი ხმით თქვა შადიმანმა და შემომხედა.

— ეინ რუსუდანი? — გავიკვირვე მე.

— რუსუდან დიასამიძე, ჩვენი რევაზ ჩაფიჩაძის მეუღლე, —  
განა თქვენ არ იცნობთ რუსუდანს?

— როგორ არა, ვიცნობ, — ვთქვი მე, თავი დაბლა დაეხარე.

— სურათი გუშინ ჩამოიტანა რევაზმა თბილისიდან, ჩარჩოც  
რუსუდანის ნახელავია, — ისევ თბილი, ალერსიანი ხმით თქვა შა-  
დიმანმა.

შემკრცხვა და გაწითლდი. ვიგრძენი, რომ სიწითლე მარტო სა-  
ხეზე კი არ მომედო, მთელ სხეულზე, ლოყები მიხურს და მცხელა,  
და დედაჩემის პორტრეტიდან რუსუდან დიასამიძის თვალები შე-  
მომკვერის და თითქოს მიღიმის რუსუდანი, ოდნავ გაღებული ბაგე-  
ებით და სიხარულიანი თვალებით მიღიმის და რუსუდან დიასამი-  
ძის მოლიმარ თვალებშიც სევდა შეყუყულა, გულის სიღრმიდან გა-  
მოუყონავეს სევდას და ცდილობს თვალების უბეებში მიიმალოს.

— თქვენ ხვალ დაიწყებთ მუშაობას, ეკა, — შინაურული კილო-  
თი თქვა შადიმანმა, — ჩემი პასუხისათვის არ დაუცდია, ადგა და  
ოთახიდან გავიდა.

სახტად, დავრჩი.

ისეთი კილოთი მითხრა ხვალ დაიწყებთ მუშაობასო, უარს ვერ  
ვეტყვი...

და დედაჩემსაც უხარია ჩემი სკოლაში დაბრუნება, აბა ერთი  
შეხედვით და დაინახავთ როგორადაც უხარია, ახლა უფრო ხალისი  
ანად მელიმილება, ბაგეებიც უფრო გაეხსნა და თითქოს თვალების  
უბეებში შემალული სევდაც სადღაც გამქალა.

სულში სიმშვიდე ჩამისახლდა, ამიმსუბუქდა, მარტო გული კი  
არა, მთელი სხეული ამიმსუბუქდა, ლოყებიდან სიწითლე გამიქრა,  
თვალებზე თბილი, სიხარულის ძალიან თბილი ცრემლი მომადგა,  
მაგრამ ცრემლი თვალებშივე შევიკავე და არ ავტირდი. არა, მე  
არ ავტირდებო, ხვალ დავუბრუნდები მე სკოლას, მე ეს მახარებს,  
დედაჩემსაც ძალიან უხარია ეს, ამიტომაც მელიმილება და მეც გა-  
ვულიძე დედაჩემს; — კი, დედი, ხვალ ყველაზე ძღრე მე მოვალ

სკოლაში, ყველას დავასწრებ სკოლაში მოსვლას, თუმცა შენ ვერა... აღრიანად მოსულსაც აქ დამხვდები, დედაჩემო.

— მაპატიეთ, მარტო რომ დაგტოვეთ, — თქვა კაბინეტში შემობრუნებულმა შადიმანმა და წინ ორი საკლასო ეურნალი დამიდო.

— კლასები შეგშლიათ, ბატონო შადიმან, — მობოდიშებით ვთქვი მე და საკლასო ეურნალები შადიმანისკენ გავწიე.

— ვითომ შემეშალა? — გაიკვირვა შადიმანმა, ეურნალებს დააცქერდა, მერე ოდნავ გაიღიმა და მხრები აიჩეჩა.

— მეცხრე და მეათე კლასის ეურნალებია. ბატონო შადიმან. — ღიმილითვე მივუგე მე.

— სწორედაც ეგ გახლავთ.

— ამ კლასებს დედაჩემი...:

— დიხაც ვიცი, — შემაწყვეტინა შადიმანმა, — ვიცი, განა როგორ არ ვიცი, მეცხრე-მეათე კლასებს დიდი ეკატერინე რომ ასწავლიდა. ჰოდა, დედათქვენს თქვენ შეცვლით...

— დედაჩემს მე შევცვლი? — ძალიან გავიკვირვე მე.

— დიხაც, თქვენ შეცვლით! სხვამ რატომ უნდა შეცვალოს? განა თქვენ არ შეგიძლიათ დედათქვენის შეცვლა? არაო, რომ მითხრათ, ვერ დაგერწმუნებით, — დაბეჭითებით თქვა შადიმანმა, საკლასო რვეულები ისევ წინ დამიდო და დაუმატა:

— შინ წაიღეთ და გადაათვალიერეთ, ზოგადი წარმოდგენა მაინც შეგექმნებათ კლასებზე... მეათე კლასის დამრიგებელიც თქვენ იქნებით.

მე ავდექი.

— ვიცი, რომ მძიმე კლასია, მე შეგეშველებით.

ისეთი ტონით მელაპარაკება შადიმან შარანგია, ვერაფერზე უარს ვერ ვეუბნები. ეს ტონი არც ვედრებითია და არც მპრძანებლური, ორივეს კი შეიცავს. და უმაღლვე გარწმუნებს, ეს საქმე ასე უნდა გაკეთდეს. მე. ეს ბევრჯერ აეწონ-დაეწონე და საქმისათვის ასე აჯობებსო.

— არ დაგავიწყდეთ, ეკა, ხვალ პირველი ვაკვეთილი მეათე კლასში გაქვთ, — თქვა შარანგამ, კაბინეტის კარამდე მომაცილა და ხელი მაგრად ჩამომართვა.

სკოლის ეზოდან გამოვედი და ზარიც დაირეკა. ნაბიჯს აეუჩქარე, პალტოს საყულო შეხსნილი მაქვს, სანისლედან ცივი ნიავი ჰქრის და მაინც არ მცია.

მთაზე აქა-იქ დევს თოვლი, წელს საერთოდ თბილი ზამთარია ხემაღალში, ნოემბრის მიწურულში კი მოთოვა ხეავრიელად; ის იყო და ის; და აგერ ახლა, ნაახალწლევს კიდევ ჩამოთოვა ცოტა.

ისე ცოტა, სახლების სახურავებზე ძლივს მოიკიდა ფეხი თოვლმა. ჰო, თოვლის ნაფლეთებს ვადგამ ფეხს და ჩემი ნაკვალევი არ აჩნდება, სკოლისკენ რომ მოვდიოდი, ვითომ მოყინულიც კი იყო ეს თოვლის ნაფლეთები და მაშინ კი აჩნდებოდა ჩემი ნაკვალევი, ეტყობა, ძალიან ამიმსუბუქდა სხეული.

ჩემს სახლამდე მოვედი და სრულიადაც არ ვარ დაღლილი.

ჭიშკართან ძელსკამზე შევედექი და მეურნეობის კანტორას გავეხედე. კანტორას ეტყვიან, თორემ დიდი და ნათელი სამსართულიანი შენობაა და ვრცელი, ძალიან ვრცელი ეზო აქვს. შენობის მეორე სართულზე, აღმოსავლეთის განაპირა ოთახში, პირდაპირ ჩემსკენ რომ იხედება, გულასპირ ჩაფიჩაძე ზის, საანგარიშოს აჩხაკუნებს, ეწევა „პრიმას“ და ხანდახან გამიხსენებს მე, — „სახლში მართა პატარა ეკა, მარტოღმარტო ზის ბუხართან, ქსოვს წინდას და... ცოდოა პატარა ეკა!“

დიდი ოთახი, გულასპირის ოთახს გვერდით რომ აკრავს, დირექტორის კაბინეტი გახლავთ.

სამუშაო მაგიდას უზის რევაზ ჩაფიჩაძე. მაგიდაზე მეურნეობის დიდი დავთარი უდევს, ფურცლავს და უზის წიგნაკში რაღაცას ინიშნავს... ჰოდა, ახლა გულასპირი შევა დირექტორთან, ერთმანეთს მიესალმებიან, რევაზი სიგარეტს შესთავაზებს გულასპირს, მაგრამ გულასპირი არ გამოართმევს, „პრიმა“ შირჩევენიაო, ეტყვის და რევაზის გვერდით დაჯდება.

— რა ამბავია თბილისში? — ჰკითხავს გულასპირი.

მე ვიცი, თბილისიდან ჩამოსულ რევაზ ჩაფიჩაძეს ყოველთვის ასე ეკითხება გულასპირი.

— ჩვეულებრივი...

— რუსუდანი? თათია?

— კარგად არიან. ჩვენთან რა არის ახალი? —

— როგორც იქნა, სკოლას დირექტორი...

— ვიცი, — შეაწყვეტინა რევაზ ჩაფიჩაძემ, — შადიმან შარანგია.

— იცნობ? — ჩაჰკითხავს გულასპირი და თვალებში შეაქქერდება.

— ვიცნობ, კარგა ხანია ვიცნობ, — ჩვენთან სხვა არაფერი.

პაუზა.

— არაფერი. — იტყვის გულასპირი და ადგება.

გულასპირ ჩაფიჩაძემ ისიც იცის, რომ რევაზ ჩაფიჩაძის ცოლისძმა ჩვენი სკოლის ფიზკულტურის მასწავლებლად დანიშნეს, მაგრამ ამას არ ეტყვის, ეგებ ეუხერხულოს რევაზ ჩაფიჩაძეს და ამის გამო არ ეტყვის.

სხვა რამეც მოხდა, მაგრამ გულასპირმა არ იცის და რევაზი კი არ უმხელს: გუშინ რევაზ ჩაფიჩაძემ თბილისიდან დედაჩემის სურათი ჩამოიტანა. ის სურათი რევაზის მეუღლემ ქალბატონმა რუსუდანმა დახატა. გუშინვე, საღამოს რევაზ ჩაფიჩაძემ, შადიმან შარანგია და ზვიად დიასამიძემ დედაჩემის სურათი სკოლის დირექტორის კაბინეტში დაჰკიდეს... მე კი გუშინ არ გამიმხილეს, ვერ ამიხსნია კი რატომ.

დღეს დილით რაც მოხდა, არც გულასპირმა იცის და არც რევაზმა. რომ იცოდნენ, დარწმუნებული ვარ, ახლავე მოვიდოდნენ ჩემთან, მომილოცავდნენ, მომიწონებდნენ და გამამხნეებდნენ — აბა, შენ იცი, ეკა, არ შელახო დიდი ეკატერინეს სახელიო, ჰო, გულასპირმა და რევაზმა ჩემი ამბავი არ იციან, სხედან ოთახში, სიგარეტს ეწევიან და უხალისოდ საუბრობენ.

... ეზოში შევედი, ოდა-სახლი ხალისიანად მეჩვენა და კიბე ავირბინე. დედაჩემის ოთახში შევედი, ბუხარში ცეცხლი გავაღვივე და დედაჩემის სამუშაო მაგიდას მივუჯექი.

დედაჩემის საკლასო ჟურნალები...

ახლა ეს ჟურნალები ჩემს წინ დევს და ეს ჟურნალები ჩემია.

ვფურცლავ სათუთად, ძალიან მორიდებით ვფურცლავ.

მოსწავლეთა სახელი და გვარი რამდენჯერმე გადავიკითხე, უმრავლესობას მე კარგად ვიცნობ, მე მათ ვასწავლიდი მეხუთე-მეექვსე კლასებში.

ხვალ დილით მეთე კლასში პირველ გაკვეთილზე შადიმან შარანგია შემყვება და მოწაფეებს ჩემს თავს წარუდგენს..

უცებ დაღლა ვიგრძენი.

შუალღეც არ მეგონა და დაღამებულა, ბუხარში ცეცხლი მინავლულა.

ლოგინი გავშალე და დავწექი.

ხვალ ყველას მივასწრებ სკოლაში... არა, დედაჩემს ვერ მივასწრებ ახალგათენებულზეც — რომ მივიდქ, დედაჩემს ვერ მივასწრებ, დედაჩემი სკოლაში დამხვდება... ჰო, დედაჩემი მელოდება და მოტომაც სხვებზე ადრე მივალ სკოლაში და კლასში შესვლამდე დირექტორის კაბინეტში შევალ, შადიმან შარანგია კაბინეტში იქნება, მაგრამ ჩემს მისვლას არ გაიკვირებს, მე დედაჩემის სურათს შევხედავ, დამინახავს დედაჩემი ბაგეებს უფრო გახსნის და თავისი სიყვარულიანი თვალებით გამიღიმებს, მეც გავუღიმებ დედაჩემს და მეთე კლასში თამამად შევალ.

ადამიანის ორგანიზმის ჯანმრთელობისათვის რომ აუცილებელია სისტემატური ფიზიკური ვარჯიში, ეს ჯერ კიდევ ეპიკურემ და დემოკრიტემ დაამტკიცესო, — ბრძანა ზვიად დიასამიძემ. ფიზიკური კულტურა ყველა მეცნიერების ფუძეთა-ფუძეც გახლავთო. პედაგოგიკაც და კოსმონავტიკაც, დიახაც, რომ ფიზიკურ, კულტურას ეფუძნებაო, პედაგოგები ბრძანდებით და ჩემზე უკეთ მოგეხსენებათ ჯანსაღი სული მხოლოდ ჯანსაღ სხეულში რომ არისო, ვერც სოფლის მეურნეობა, ვერც მრეწველობა, მეცნიერების და ტექნიკის ვერც ერთი დარგი უფიზკულტუროდ ნაბიჯსაც ვერ წადგამს წინო, ასეო და ისეო, და რაღა ბევრი გავაგრძელო, იმდენი გვიქადაგა, ყველა მასწავლებელი აგვაგარჯიშა.

კიდევ კარგი, მარტის მიწურულამდე სპორტულ დარბაზში გვაშეცადინებდა და ვერავენ ხედავდა ჩვენს სასაცილო ვარჯიშს.

პირველი გაკვეთილი არასოდეს დამავიწყდება.

სიმაღლის მიხედვით გაგვამწკრივა ორმოცდაორი ქალი და გვიბრძანა, რიგზე გაითვალეთო — გაითვალეთ. მერე სმენაზე დავვაყენა, მოგვიანლოვდა და მთელი მწკრივი აიარ-ჩაიარა, მერე მოშორებით დადგა და ისევ საგულდაგულოდ გახედა მწკრივს.

— ქალბატონო მარიაშ, აი, თქვენ, მეთერთმეტე ნომერი, ცოტა მოშვებულად დგახართ, მხრები გაშალეთ და გულმკერდი წინ წამოსწიეთ!

გეოგრაფიის მასწავლებელს, ქალბატონ მარიაშს ცოტა არ იყოს, აღუღუნებულნი გულმკერდი აქვს და ყოველთვის ცდილობს მამაკაცის თვალს მოარიდოს.

— კიდევ უფრო გაშალეთ მხრები, — ბრძანებასავით თქვა ზვიად დიასამიძემ, — არაფერი გვაქვს დასამალი.

აქა-იქ ჩავიცინეთ.

— სასაცილო არაფერია! — ცივად თქვა დიასამიძემ, — თქვენ კი, ამხანაგო ეკა, — მომმართა მე და ამხედ-დამხედა, — ფეხები გაჩაჩხული გაქვთ, ფეხების ასე დადგმა უხერხულია, მით უფრო ქალისათვის.

გავწითლდი და ფეხები ერთმანეთს მივუახლოვე.

ზვიად დიასამიძემ ცოტა ხანს მიყურა, მერე მომიახლოვდა, დახარა, მუხლებს ქვემოთ მომკიდა ხელები და ჩემი ფეხები ერთმანეთს მიატყუპა. უკან დაიხია და ისევ შემომამცქერდა.

— ასე დგომა შეგიძლიათ?

— შემიძლია, — მორცხვად ვთქვი მე.

— თქვენ სწორი ფეხები გაქვთ, ისე კი იდებოთ, მეგონა, მოლუ-

ნული ფეხები კონდათ... ქალი ყოველთვის უნდა ეცადოს არ გაჩაჩხოს ფეხები და სიარულის დროსაც მოკლე ნაბიჯებით იაროს, ჯერ კიდევ არისტოტელეს უბრძანებია, ქალის სიარული თავისებური ხელოვნებააო, ზოგიერთი თქვენგანი კი, მამატიეთ და მანდილოსნისათვის შეუფერებელი გრძელი ნაბიჯებით დაიარება. — აბა, შემხედეთ, ლამაზია?

და ზვიად დიასამიძემ შარვლის ტოტები მუხლებამდე აიკაპიწა, კისერი მოიღერა, მკერდი წინ წამოსწია, ვითომ ქალივით გაიღიმა და გრძელი, ძალიან გრძელი ნაბიჯებით გააღაჯა.

მართლაც სასაცილო იყო და ჩვენც ავხარხარდით. ზვიად დიასამიძემაც ვერ შეიკავა თავი და გულიანად გაიციხა.

— ახლა ყველანი სწორად დგახართ, — თქვა და მწკრივი აათვალიერჩაათვალიერა. — სხვათაშორის, უნდა გაგიმზილოთ, რომ ქალის ორგანიზმი დიდად ჩამორჩება მამაკაცის ორგანიზმს, ამის მიზეზი გამორკვეულია და დადგენილი: კუნთები ქალების სხეულის წონის ოცდსამ პროცენტსაც ვერ აღწევს, მამაკაცების სხეულში კი ორმოცდახუთ პროცენტსაც აჭარბებს, ამიტომაც ქალებს მეტი ვარჯიში გმართებთ... ჯერჯერობით მსუბუქად ვივარჯიშებთ: ადგილზე სიარული, განმკლავი, წინმკლავი, ზემკლავი, მერე სამჯერ შემოევლით დარბაზს ცოტა ჩქარი ნაბიჯებით და თუ შეეძელით, წავიძუნძულებთ. ვივარჯიშებთ თხუთმეტ წუთს. ეს პირველ დღეებში, მერე თანდათან გავართულებთ ვარჯიშს. ახლა კი დავიწყით.

ავაბაყუნეთ ფეხები, მერე განზე გაგვაშლევინა მკლავები, მერე წინ, მერე ზევით, სამჯერ შემოევუარეთ დარბაზს ჩქარი ნაბიჯებით და ცოტა კიდევაც წავიძუნძულეთ.

კმაყოფილი, ძალიან კმაყოფილი დავრჩით.

— ერთი ათი დღის შემდეგ, ფეხების მეტი გავარჯიშება მოგვიწევს, აი, ასე შემომხედეთ, — და ზვიად დიასამიძემ ჯერ მარცხენა ფეხი გადგა განზე, მერე მარჯვენა, მერე შეაერთა და მარცხენა ფეხი ასწია მაღლა, მერე მარჯვენა, მერე ფეხები ისევ ერთმანეთს მიატყუპა, დაიხარა და ხელის თითებით ფეხის წვერებს დასწვდა. — ასეთი ვარჯიშისათვის კაბები არ გამოგვადგება, ყოველ შემთხვევაში, ხელს ძალიან შეგიშლის და გთხოვთ, სპორტული კოსტიუმები შეიკეროთ, თუ თქვენ ვერ მოახერხებთ შეკერვას და მოქსოვას, თქვენი. ზომები მიბოძეთ და თბილისიდან ჩამოგიტანთ.

მეორე დღესვე ჩვენი კოსტიუმების ზომები ჩავაბარეთ ზვიად დიასამიძეს და ერთი კვირის შემდეგ ყველას თეთრკანტებიანი იისფერი კოსტიუმი გვეცვა, ფეხზე — თეთრი კედები.

თავდაპირველად გვეუხერხულა სპორტული კოსტიუმები, ზოგს თეძოები ზედმეტად გამოსკვანჩული უჩანდა, ზოგს ბარძაყები, ზოგ-

საც გულმკერდი, მაგრამ მალე ისე შევეჩვიეთ, ვარჯიშის დროს კი არა, შინმობრუნებულნი უმალვე ვიხდიდით კაბებს და სპორტულ კოსტიუმებს ვიცვამდით.

აპრილი დადგა და სკოლის ეზოში გაგვიყვანა სავარჯიშოდ. საგანგებოდ დილაადრიან მოსული მოწაფეები გვიცქეროდნენ და ხშირად სიცილი წასკდებოდათ ჩვენს მიერ უხეიროდ შესრულებულ ილეთებზე, მაგრამ მათ დაცინვას არ ეთაკილობდით, ჩვენც გულიანად ვიციხოდით და ვაგრძელებდით ვარჯიშს.

მერე ფრენბურთის თამაში შეგვასწავლა ზვიად დიასამიძემ, ასე თუ ისე რომ ვისწავლეთ, შადიმან შარანგიაც შემოგვიერთდა, ერთ გუნდში შადიმანი თამაშობდა, მეორეში ზვიადი და ისე გაგვიტაცა ფრენბურთმა, ხშირად სკოლაში სწავლის დამთავრების შემდეგაც ვრჩებოდით სათამაშოდ.

ასე აგვათამაშა და გაგვახალისა მასწავლებლები ზვიად დიასამიძემ. თუმცა მარტო მასწავლებლები რატომ?

სკოლაში: ფიზკულტურის გაკვეთილები სხვა გაკვეთილებზე უფრო შეაყვარა მოწაფეებს, ეს სირბილი და სიმაღლეზე ხტომაო, ეს ტანვარჯიშო, კალათბურთო, ჩოგბურთო, ფრენბურთო, უმთავრესი კი, რასაკვირველია, ფეხბურთი გახლავთ! ბიჭები ხომ გიჟდებიან ფეხბურთზე და ზვიადმა ჩვენს სკოლაში ფეხბურთის ხუთი გუნდი შექმნა, მაგრამ არა თუ ოროსნები, სამოსნებიც კი სათოფეზე არ გააკარა ბურთს და შედეგმაც მალე იჩინა თავი.

სოფელში: ახლა ყველა მამაკაცი ბურთს თამაშობს ხემაღალში, ეზოებში, გზისპირა მინდვრებზე, საჯარისოზე, სტადიონზე ბურთს თამაშობენ ბავშვები, მოზარდები, კაბუკები, სიბერეს მიტანებული და... ქალიშვილებიც. დიხაც თამაშობენ ქალიშვილები, თეთრი ტრუსები და ნომრებიანი მაისურები აცვიათ და ნამდვილ ფეხბურთს თამაშობენ.

მეურნეობის დირექციის და ლაბორატორიის თანამშრომლებსაც ჩვენსავე ავარჯიშებს ზვიად დიასამიძე, საექიმო პუნქტის, ფოსტის, პურსაცხობის; სოფლმავის თანამშრომლებსაც ავარჯიშებს და დიასახლისებს კიდევ ცალკე: მას ბევრი ასისტენტი და თანამემწე ჰყავს. არა მგონია, რომელიმე ქვეყნის პრეზიდენტს ჰყავდეს ამდენი თანამემწე. ზვიად დიასამიძის მთავარი საზრუნავი მაინც ჩვენი სოფლის ფეხბურთელთა ნაკრები გუნდია — „სატეველა“. „სატეველაში“ ძირითადად მეურნეობის ავტომძლოები და ტრაქტორისტები თამაშობენ. ვარჯიში თებერვალში დაიწყო „სატეველამ“ და აპრილში პირველივე შეხვედრა მოუგო ითხვისის „ვაზს“, ისიც ითხვისის სტადიონზე. მატჩის საყურებლად მთელი ხემაღალი ჩავიდა ითხვისში. ორმოცდათხ საბარგო მანქანაზე შეჯდა ხემაღალი და ითხ-



ვისს ეწვია, გაიმარჯვა. და სიმღერ-სიმღერით დაბრუნდა შინ. მომავალ კვირას ითხვისის „ვაზი“ გვეწვევა ხემაღალში და ზვიად დიასამიძე დიდ ფაციფუცშია.

ჯერჯერობით შორი გზით კი დაეიარებით ერთმანეთთან ხემაღლელები და ითხვისელები, ისე კი სულ ექვსიოდე კილომეტრით ვართ დაშორებული. ჯერ მოტეხილამდე ჩავდივართ ხემაღლელები, ბერე ხერგა-ითხვისის გზატკეცილით ავდივართ ითხვისში. ითხვისელებიც ასე ამოდინან ჩვენთან. ახლა ხემაღალის გზას უმოკლესი გზა გაჰყავს და ძალიანაც დავეუახლოვდებით ერთმანეთს. ამ საქმის მოთავე კონსტანტინე კაკუბერი გახლავთ და ერთხელ ხუმრობით უთხრა რევაზ ჩაფიჩაძემ კაკუბერს, — ამხანაგო კონსტანტინე, ეს გზა იმიტომ გაგყავთ, რომ ითხვისის ღვინის ქარხანა უქმად არ იდგესო: დარწმუნებული ბრძანდებით, ხემაღალი იმდენ ყურძენს მოიწვეს, ვერავენ მოახერხებს ითხვისში მისი ზურგით ჩაზიდვასო. — კონსტანტინე კაკუბერმა ბევრი იცინა და მერე გადმოჰკრა, — გულჩათხრობილი კაცი ხარ, რევაზ, ადამისდროინდელი ცოდვა შემახსენეო...

...იმ დღეს მთელი სოფელი სტადიონზე ვიყავით.

— მასწავლებლები აუცილებლად წამოიყვანე, — მთხოვა ზვიად დიასამიძემ, — სიურპარიზს გიმზადებთო.

მე კი ზვიადის საიდუმლო კარგა ხანია ვიცი: ჭალიშვილთა ფეხბურთის ორი გუნდი შექმნა ზვიადმა და ნამალევედ სოფლის ბოლოში, სატეველასთან ახლოს, თვალისგან მოფარებულ მინდორზე ავარჯიშებს. მე ამ გუნდების სახელებიც ვიცი: დირექციის და ლაბორატორიის თანამშრომელთა გუნდს „ოცნება“ ჰქვია, ხოლო ჩვენი სკოლის გოგონათა გუნდს — „მერცხალა“, ითხვისის „ვაზის“ და ჩვენი „სატეველას“ მატჩის დაწყებამდე, ზვიადი „ოცნებას“ და „მერცხალას“ შეაჯიბრებს ერთმანეთს.

ჰო, მთელი ხემაღალი სტადიონზე ვართ. არც ერთი შვილიშვილი, ბებია და ბაბუა არ დარჩენილა შინ. მე კესარიას და გულასპირის გვერდით ვზივარ. ხერგადანაც ჩამოვიდნენ ფეხბურთის მოყვარულნი, ითხვისელები ხომ ჩამოვიდნენ და ჩამოვიდნენ, აქაოდა, ხემაღლელებს რითი ჩამოუყვარდებითო და ორმოცდაათი მანქანით გვეწვიენენ ითხვისელები.

ნამდვილი ზეიმი იყო სტადიონზე.

ჩართეს რადიო და რეპროდუქტორებში ზვიად დიასამიძის ბოხი ხმა გაისმა. ჯერ სტუმრებს მიესალმა ზვიადი, ცხადია, ხემაღალელთა სახელით. — ძალიან კარგიაო, — ბრძანა ზვიად დიასამიძემ, — ჩვენს სოფლებში ასე ძლიერად რომ მოიკიდა ფეხი ფიზიკურმა კულტუ-

რამო, შეაქო ითხვისელები, ითხვისელი ფიზკულტურელები, ითხვისის სტადიონი და მყურებელი.

ბოლოს სიურპრიზი: — ევროპის ქვეყნებშიო, — ბრძანა ზვიად დიასამიძემ, ინგლისშიო, იტალიაშიო, საფრანგეთშიო, უნგრეთსა და ჩეხოსლოვაკიაშიო, ლათინური ამერიკის ქვეყნებში და კიდევ სხვაგან და სხვაგანო დიდი ხანია ქალები თამაშობენ ფეხბურთსო. ლამაზადაც და ტექნიკურადაც თამაშობენო, ქვეყნის პირველობაზე და თასზედაც კი ეცილებიან ერთმანეთს და, ღმერთო კი მომკალი, როდის იყო, რომ ქართველი ქალები და ქალიშვილები რომელიმე ქვეყნის ქალებს და ქალიშვილებს ჩამორჩებოდნენო? პირიქითო, ქართველი ქალები და ქალიშვილები ყოველთვის სამაგალითონი იყვნენ სხვა ქვეყნის ქალებისა და ქალიშვილებისათვისო. კდემამოსილებაო, გონიერებაო, რაინდობაო, სამშობლოსათვის თავგანწირვაო, ცხენით ჭირითიო, შვილდ-ისრის ტყორცნაო, ესაო და ისაო და... ჩვენ, ხემაღალელებმა უკვე ჩამოვაყალიბეთ ქალთა და გოგონათა ფეხბურთის გუნდები და შეჯიბრებაში ითხვისელებს ვიწვევთო და ეს რომ უკვე მომხდარი ფაქტია, ამას ახლავე დავადასტურებთო, „ვზის“ და „სატეველას“ მატჩის დაწყებამდე, ჩვენი ქალთა ორი გუნდი — „ოცნება“ და მერცხალა“ საჩვენებელ თამაშს ჩაატარებსო.

რეპროდუქტორები ჩაჩუმდა, მსაჯის ფორმაში გამოწყობილმა ზვიად დიასამიძემ სტადიონის შუაგულს მიაშურა და დაუსტვინა. მყურებელთა ტაშის ქუხილში შემოირბინეს „ოცნებასა“ და „მერცხალას“ მოთამაშეებმა სტადიონი, მერე მსაჯის ზელმარცხნივ გამწყარივდნენ, უყარეს კენჭი, სათამაშოდ განლაგდნენ, ისევ დაუსტვინა ზვიადმა და თამაშიც დაიწყო... და თამაშის დამთავრებამდე ტაშის ქუხილი და შეძახილები არ შეწყვეტილა...

...წისქვილში საფქვავეი მქონდა დატოვებულნი და სტადიონიდან წისქვილში წავედი. უთუოდ ძია როსტომიც სტადიონზე იყო, მაგრამ არ ამხელს; ახლა იფქვის ჩემი საფქვავეი. ვიცი; ქალების ფეხბურთი არ მოეწონებოდა ძია როსტომს და გულმოსულია. მალე ჩამოიფქვა ჩემი საფქვავეი, ნაკრაულა ამოვიიღლიავე და ნელი ნაბიჯებით წამოვედი.

საჯარისოზე შევისვენე. ჩამავალი მზის სხივებში, როგორც ყოველთვის, ნაირფერად ელავდა სანისლეს ქედი.

თავსაბური მოლზე დავიფინე, დავჯექი და სანისლეს გავუსწორე თვალი.

ნაბიჯების ხმა შემომესმა. გავიხედე, რევაზ ჩაფიჩაძე მოდირდა ჩემსკენ.

რატომღაც არ გამკვირვებია.

მომიახლოვდა და ჩემს გვერდით მინდორზე დაჯდა.

— სტადიონზე იყავი, ეკა? — მცირე ხნის შემდეგ მკითხა რევაზმა.

მე არაფერი მივუგე...

— უცნაური სილამაზეა, — თქვა რევაზმა და მარცხენა ხელი სანისლეს ქედისკენ გაიშვირა.

— ეგ სიტყვები...

— შესაძლოა, — შემაწყვეტინა რევაზმა, — მე ყველას ვეუბნები ამას... თუ დრო მაქვს და ასეთი საღამოა, აქ მოვდივარ, ბალახებში ვჯდები და სანისლეს ქედს გავცქერი. — დააკვირდი, ქედის ქიმი მოვერცხლილია, იქვე, ოდნავ ქვემოთ, უკვე სხვა ფერი, კიდევ უფრო დაბლა, უკვე მოლისფერი, უცნაურია მართლაც.

პაუზა.

— ჩვენს შორის ყველაფერი დამთავრდა! — ცივად ვთქვი მე, თვალი გავუხსწორე რევაზს და არ გავწითლებულვარ.

— რა უნდა დამთავრებულიყო? — ვითომ გაიკვირვა რევაზმა, თვალეში ღრმად ჩამხედა და დამცინავად გაიღიმა.

პაუზა.

— მაინც რა? რა დამთავრდა? — ჩამკითხა რევაზმა.

სახეზე დავაკვირდი. უცხოდ მეჩვენა, პირველად მეჩვენა უცხოდ რევაზ ჩაფიჩაძე და შიში ჩამეჭრა გულში და გული შემეკუმშა. — მე ყოველთვის ცალკე ვიყავი, ეკა, და შენც ყოველთვის ცალკე იყავი — მეუბნება რევაზ ჩაფიჩაძის სახე მე. მერე სახე შეეცვალა რევაზ ჩაფიჩაძეს, მოსიყვარულე, ალერსიანი და სევდიანი გაუხდა სახე, დამცინავი ღიმილიც გაეცალა ტუჩებს და სევდიანი ხმით მეუბნება მე:

— დაუქმებულ სოფელში ცხოვრობდი, ეკა, მარტოდმარტო იყავი შენ და აი, მე შოვედი, შენზე ხნიერი, მაგრამ მაინც ახალგაზრდა და შენმა გულმა იფეთქა, მე ეს მაშინვე ვიგრძენი, ეკა!

მე გულში: „ნამდვილს მეუბნება რევაზ ჩაფიჩაძის სახე. მე ხელახლა დავიბადე, მეოცნებე გავხდი მე, ოცნებას კი მსუბუქი და ძლიერი ფრთები აქვს, შორს, ძალიან შორს გამათრინა ოცნებამ“.

უთქმელად ვზივარბ. ისევ ვაკვირდები რევაზ ჩაფიჩაძის სახეს, ალერსიანს და მოსიყვარულეს და ეს სახე ისევ ნალვლიანის ხმით მეუბნება მე.

— ვფიქრობდი, დრო გაივლის და ეს გატაცება გაუნელდება ეკას, მაგრამ მე მოვტყუვდი, შენ უფრო მომენდე და შემიყვარე, მე შემეშინდა და განგერიდე...

მე გულში: „მეც ნამდვილია, თანდათან მივხვდი, ფუჭი იყო

ჩემი ოცნება, მაგრამ მე მაინც მიყვარდი: გაკვეთილს ვუხსნიდი მოწაფეებს და შენი სახე მედგა თვალწინ, წისქვილში მიმქონდა სატყეავი და ჩემს გვერდით შენ მოაბიჯებდი, ლოგინში ჩავწვებოდი და დიდხანს, ძალიან დიდხანს გეჩურჩულებოდი... ახლა ეს წარსულს ეკუთვნის და ჩვენს შორის ყველაფერი დამთავრებულია..."

სიტყვაუთქმელად ვისხედით ბალახებში, შეეცქეროდით სანისლეს ქედს და ჩამავალ მზეს.

მზე რომ ამოეთვარა სანისლეს, გრილმა ნიავმა დაჰქროლა, მე შემცივდა და ავდექი. რევაზიც ადგა.

— მშვიდობით, — ვთქვი მე, ნაკრალა ამოვიიღლიავე და წამოვდი.

— ნახვამდის, — თქვა რევაზმა.

მსუბუქი, ძალიან მსუბუქი ნაბიჯებით გამოვეშურე შინ. გულიც ამიმსუბუქდა, თითქოს მძიმე ნაღველი მოეცალა ჩემს გულს.

გავხედე. მსუბუქი ნაბიჯებით მიდრიოდა რევაზ ჩაფიჩაძე.

## VII

დღეიდან საზაფხულო არდადეგები დაგვეწყო.

მე ხვალ თბილისში მივდივარ და ხვალვე დედა გავხედები, ვაჟიშვილის დედა.

თბილისში რომ მივდივარ, არავისთვის გამიმხელია, არ მინდოდა თქვენთვისაც გამემხილა, მაგრამ, ეტყობა, ჩემს სიხარულს უკვე ვეღარ ვმაღავ და ეგ არი.

პირველი რეისის ავტობუსს გავყვები და პირველი რეისის ავტობუსი დილის ექვს საათზე გადის, ხანდახან კი აგვიანებს წასვლას, მაგრამ ხვალ ზუსტად ექვს საათზე დაიძვრება და ისეთი სიჩქარით გაქანდება, მგზავრები იფიქრებენ, მიფრინავსო.

მე მძლოლს არაფერს ვეტყვი, მძლოლი თვლებში ჩამხედავს და მიმიხვდება, რომ საშურ საქმეზე მივდივარ და სიხარულისგან გული მიფართქალებს და ფრენაფრენით გააქროლებს ავტობუსს, მგზავრებს კი შეეშინდებათ, მაგრამ ჩემის ხათრით არაფერს იტყვიან, პირიქით, თავს ისე დაიქვრენ, თითქოს ეს ჩვეულებრივი ამბავი იყოს, თითქოს ყოველთვის ასე მიფრინავდეს ხემალიდან ხერგაში მიმავალი ავტობუსი.

სატყველას ხეობა რომ მოთავდება, მოტეხილს რომ გავცდებით ღა სწორ გზაზე გავალთ, მძლოლი ერთხელ კიდევ ჩამხედავს თვლებში და სისწრაფეს მოუმატებს.

დროზე ადრე ჩავალ ხერგაში, სადგურის ბაქანზე აწრიალებული ვივლი და, აჰა, შეხედეთ, ქუთაისიდან თბილისში მიმავალი მა-

ტარებელი დროზე ადრე ჩამოდგება ხერგას სადგურში, ჩაეკლებოთ თუ არა მატარებელში, ელმავალი მიაკივლებს და უმაღლვე დაიძვრება. დაიძვრება რომელია, კისრისტეხით გაქანდება. უთუოდ მეელმაველემ დამინახა, როგორ ვწრიალბდლი ბაქანზე, მიმიხვდა, ძალიან მიმეშურება და მატარებელი კი არ წაიყვანა, გააფრინა.

მატარებელი გრაფიკს დაარღვევს და დროზე ადრე ჩამიყვანს თბილისში.

მე უკვე მანქანაში ვზივარ და მანქანა კოჯრის გზაზე მიმაქროლებს და ვუახლოვდება ჩემი ვაჟიშვილის სახლს. ვუახლოვდება კი არა, უკვე მივედი.

რკინის ღობით შემოღობილი ვრცელი ეზო.

ეზოს შუაგულში ორსართულიანი თეთრი სახლი.

ქიშკრიდან სახლამდე ქადრების ხეივანი.

მზე საშუაღღეოზეა, მაგრამ ხეივანი მაინც ჩრდილშია, აქაურ ქადრებს ძალიან ფართე ფოთლები ჰქონიათ.

მანქანას ქიშკართან ვტრვებ და მე ხეივანში გავრბივარ; აჰა, ეს სახლიც!

ამ სახლში ჩემი ვაჟიშვილი ცხოვრობს, მას აღმასხანი ჰქვია და მისი გვარი... ჰო, მისი გვარი ხიდაშელი გახლათ.

...სკოლაში მუშაობის დაწყებამდე მე ერთი ღამეც არ დავრჩენილვარ მარტოდ. დუდუხა, კოკი და ასმათი მორიგისად წვებოდნენ ჩემს სახლში და მათ ისე შევეჩვიე... ჰო, ისე შევეჩვიე, თითქოსდა ჩვენ ერთი ოჯახი ვიყავით და ნამდვილადაც ასე იყო: ერთად ვსაუზმობდით, ერთად, ევახშმობდით და ერთად ვიძინებდით.

მე რომ სკოლას დავებრუნდები, იმ საღამოს ასმათი გადმოვიდა ჩემსას, წუხელიც ასმათი „მორიგეობდა“ და ცოტა არ იყოს, გამიკვირდა.

— დღეს დედაჩემი აპირებდა მოსვლას, მაგრამ კოკი ყელს იტკიებს და სიცხე აქვს, — ნაღვლიანად თქვა ასმათმა.

— კოკის სიცხე აქვს? ჰო, იმიტომაც არ იყო დღეს სკოლაში, — გაეხსენე მე და ასმათი დავითხოვე.

— დედას მიეშველე, მე უკვე საქმე გავიჩინე, — მაგიდაზე დახვავებულ რვეულებზე მივუთითე ასმათს, — ამღამ აღბათ არც დავიძინებ...

შევატყვე, ასმათს გაუხარდა, კარგო, თქვა და წავიდა. და ქიშკრის კუტკარი ხმაურით რომ გაიკეტა, რატომღაც შევშინდი, ძალიან შევშინდი, უმაღლვე კარებს ურდულები გავუყარე, სინათლე ჩაეაქრე და ლოგინში. ჩავწექი.

თვალეზდახუჭულმა კარგა ხანს ვიწროალე ლოგინში, მაგრამ დაძინება ვერ შეეძელი, ან როგორ შეეძლებდი, როცა ახალი შეღამებული იყო.

ავდექი, სინათლე ავანთე, ბუხარში ცეცსლი გავაღვივე, პატარა მაგიდა ბუხართან მივაჩოჩე, რვეულებში კოკის რვეული გამოვარჩიე და გადავშალე, უბრალოდ გადავშალე, წაკითხვის თავი ღარ შექონდა.

მომშვივდა, ოდაში არაფერი მქონდა, სამზადში წასვლა კი ვერ გავბედე, პირიქით, კარების ურდულები საგულდაგულოდ შევეამოწმე... ჰო, ფანჯრებიც და ფანჯრის დარაბებიც საიმედოდაა ჩაეკტილი. რისი უნდა მეშინოდეს? ვკითხე ჩემს თავს და ვითომ გავიციინე, მაგრამ სიცილი უმაღვე მიმეყინა ტუჩზე და შემეცივდა. წიფლის ნაპობები შევეყარე ბუხარში, მაგიდას მიუჯექი და ისევ კოკის რვეული გადავშალე.

შარშან, სწორედ იანვრის მიწურულში, ახალ შეღამებულზე მე და დედაჩემი ასე ვუსხედით ბუხარს. დედაჩემი წიგნს კითხულობდა, მე ცეცხლს შევცქეროდი და ფიქრში ვიყავი წასული. რომ ვთქვა, ის ფიქრი მახსოვს-მეთქი, სიცრუე იქნება. შესაძლოა, რვეაზ ჩაფიჩაძეზე ვფიქრობდი, შესაძლოა... არა, ის ფიქრი არ მახსოვს, დედაჩემის იმდამინდელი საუბარი კი არასოდეს დამავიწყდება.

დედაჩემმა წიგნი დახურა, ბუხრისკენ შემოტრიალდა და ხელი წსუბუქად დამადო მხარზე.

იცო, რა ბედნიერი ვიქნებოდი ახლა, ეკა, შეილიშვილი რომ მყავდეს? შენც ბედნიერი იქნებოდი, ეკა, და შენი შეილიც... გინდ ბიჭი იყოს, გინდ გოგო... ვთქვათ, ბიჭი, რატომ გაიკვირვე? (თუმცა მე არაფერი გამკვირვებია, ისევ ფიქრში ვიყავი წასული და ბუხარში ცეცხლს შევცქეროდი. მეგონა, დედაჩემი ზღაპარს კითხულობდა). ჰო, ერთი წლის ბიჭი.

დედაჩემმა აქანდაზით აშიშინებული წიფლის ნაპობი ჩააჩუმა.

— მაშ, ბიჭი! სახელი რა დავარქვათ? — სერიოზულად მკითხა დედაჩემმა.

— რაც შენ მოგესურვება. — უხალისოდ ვუპასუხე მე.

— მე რაც მომესურვება? — ვითომ გაიკვირვა დედაჩემმა, — მე დავარქმევ ახლავე, ჰო, ახლავე... მე დავარქმევ სანდროს! კარგი სახელია ალექსანდრე!

შე გავწითლდი და თავი დავხარე.

— მაშ, ჩემს შეილიშვილს ჰქვია სანდრო, იგი უკვე ერთი წლისაა, აგერ კალთაში მიზის, ჰქვიაანი ბიჭია სანდრო, გრძნობს, რომ უკვე დაღამდა და მისი დაძინების დრო ახლოვდებოდა. ჰო, გონიერი ბიჭია

სანდრიკელა, დაღამდა და დაიძინებს. სანდრიკელამ იცის, რომ დაძინების წინ მას დაეხანთ, მას უყვარს თბილ წყალში ჭყუმპალი და ღულუნებს სანდრიკელა — ლუ-ლუ-ლუ...

ისე დარწმუნებით ლაპარაკობდა, თითქოს ერთი წლის შეილიშვილი მართლა კალთაში ეწვა და ღულუნებდა. თვალები ისე უღიმოდა დედაჩემს, აღგზნებული მომეჩვენა და შემეშინდა.

— სანდროს მამა ხომ ჰყავს? — ცხადია, ჰყავს. ეკა, რა ჰქვია სანდროს მამას? — მკითხა დედაჩემმა და შეილიშვილი ვითომ ხელებში შეათამაშა, — ჰო, რა ჰქვია სანდროს მამას?

კინლამ წამომცდა, რევაზი-მეთქი, მაგრამ სიტყვა ენის წვერზე დავიჭირე.

პაუზა.

— ეკა, რა ჰქვია შენს მეუღლეს? — ისევ სერიოზულად მკითხა დედაჩემმა.

— არ დავწვეთ, დედი? — ბანზე ავუგდე სიტყვა.

— რა დროს ჩენი დაწოლაა — შემომიტია, — ჯერ სანდრიკელა დაეხანოთ, მერე შენ აკვანში ჩააწვენ სანდრიკელას, ძუძუს მოაწოვებ, იავნანას უმღერებ, დაიძინებს სანდრიკელა და ჩვენ მერე დავწვებით... რა ჰქვია სანდროს მამას?

— რაც დედაჩემს მოესურვება! — ისევ უხალისოდ ვუპასუხე მე.

— რაც მე მომესურვება? — ჩამკითხა დედაჩემმა და თვალებში ჩამხედა.

მე ისევ გავწითლდი და თავი დავხარე.

— სანდროს მამას მე ვარქმევ...

პაუზა.

— ახლავე დავარქმევ სახელს სანდრიკელას მამას, დიახ, ახლავე! სანდროს მამას ჰქვია... ჰო, შენს მეუღლეს ჰქვია ალმასხანი. ჰო, ალმასხანი ჰქვია სანდრიკელას მამას, კარგი სახელია ალმასხანი, მე მომწონს, შენ?

— კარგი სახელია და მომწონს. — დაუუმოწმე მე.

— ჰოდა, ახლა ალმასხანი სამზადშია, — დარწმუნებით ამბობს დედაჩემი, — ნაჭაზე ქვაბი ჰკიდია, ქვაბი სავსეა წყლით, დიახაც, რომ სანდროსთვის წყალს აცხელებს ალმასხანი, შენ გამოაღებ კარს და გასძახებ:

— ალმასხან, მოიტა წყალი! — რომ გაიგოს, შენ ხმამალა გასძახებ ალმასხანს, მაგრამ ალერსიანი ხმით... მეუღლესთან ალერსიანად ილაპარაკებ, ეკა! (თითი დამიქნია) ალმასხანი გამოგძახებს, ახლავეო, ისიც ხმამალა, მაგრამ ალერსიანად გამოგძახებს.

მცირე ხნით დაჩუმდა. მერე ოთახში მიმოიხედა.

— გახედე, ე, იმ კუთხეში (ხელით მიმითითა) ცაცხვის ღრმა გობი დგას, გობი კი არა, პატარა საწნახელი, ჰო, საწნახელისმაგვარი გობი, რად გიკვირს? ძალიანაც ჰგავს ის გობი საწნახელს. გულასპირმა არ მოართვა სანდრიკელას? მოიტა ის გობი და აგერ ბუხართან ახლოს დავდგათ, სულ ახლოს კი არა, აი, აქ! — დედაჩემმა დაბალი მაგიდა გააჩოჩა, — კარგია, აი აქ დავდგათ გობი. ახლა ის წყლით სავსე კოკაც მომიტანე. ეგერ კართან დგას. შენ გეუბნები, ეკა, მომიტანე გობი და კოკა.

დედაჩემი წარმოდგენას დგამს, როლში შევიდა და მეც ამიყოლია.

ავდექი. ჯერ ოთახის კუთხეში მივედი და ვითომ გობი მოვიტანე და იქ დავდგი, სადაც დედაჩემმა მიუჩინა ადგილი. მერე კართან მივედი, წყლით სავსე კოკას დავავლე ხელი. კოკა ვითომ შემძიმა და წვალეზ-წვალეზით გობს გვერდით ამოვუდგი.

— აღმასხანს კარი გაუღე, ეკა, გესმის მისი ნაბოჯები!

— მესმის. — მორჩილად ვთქვი მე, — კართან მივედი, კარი გამოვალე, აღმასხანი შემოვიდა და კარი ისევ მივხურე. აღმასხანმა ვითომ დიდი ქვაბით შემოიტანა წყალი. მე მივეშველე, გობში ჯერ ცხელი წყალი ჩავასხით, მერე ცივით გავანელეთ. მერე მე ხელი ჩავყავი წყალში.

— ნელთბილია? — მკითხა დედაჩემმა.

— ისეთი ნელთბილი, როგორიც სანდრიკელას უყვარს. — თანდათან მეც შევედი როლში.

— ახლა სანდროს ფეხებს ჩავაყოფინებ წყალში, — თქვა და ვითომ სანდრიკელას ტანთ გახადა და სანდრიკელას ფრთხილად ჩააყოფინა ფეხები წყალში.

— ჰო, სანდრიკელა ქკვიანი ბავშვია, ფეხებით გასინჯავს, როგორია წყალი. როცა დარწმუნდება, ნელთბილია, ჩამომეჭაჩება, მეუბნება, ჩამსვიო, მე ხელებს შევეშვებ და სანდრიკელა ძუძუკებად ჩადგება წყალში და პატარა ხელებს აატყაპუნებს წყალზე, უხარია და ღუღუნებს.

— ნელა, ბიჭო, — შესძახებ შენ, — იატაკი არ დამისველო! სანდრიკელა კი ისევ ღუღუნებს, ხან შენ შემოგცინებს, ხან მამამისს, ხან მე და ხელებს ატყაპუნებს წყალში, იცინის სანდრიკელა, ჩვენ გვიხარია, შევეცქერით სანდროს და ჩვენც ვიცინით.

და დედაჩემმა გულიანად გაიცინა. შემეშინდა. ძალიან შემეშინდა.

— შენ რატომ არ იცინი? — შემომიტია და მეც გავიცინე.

— სანდრიკელას მე დავებან, მე კი არა, შენ დავებან, ეკა! საპონს ხელებში აიჭაფებ, საპნიანი ხელებით ჯერ გულმკერდს და ზურგს



დაბან, მერე ქვევით-ქვევით... ჰო, იქაც გულდაგულ გამობან... სანდრო ატყაპუნებს და ატყაპუნებს ხელებს წყალში, საპნიან, წყლის შხეფებით 'გვასველებს მე, შენ და მამამისს, მაგრამ ჩვენ ეს არ გეწყინს, პირიქით, გეიხარია და სანდროს ველიმილებით.

— ამოვიყვანოთ ახლა! — იტყვის ალმასხანი.

— ცოტა ხანს კიდევ იყევს. — ვიტყვი მე, — ბანაობა უყვარს სანდრიკელას და თოთო სხეულისათვის მარგებელია ნელთბილ წყალში ბანაობა. თქვენ დამიჯერებთ, ცოტა ხანს კიდევ იქუშუმბალავენს სანდრო საპნიან წყალში და მერე დედამისი ამოიყვანს, მე აგერ ქვაპში ნელთბილი წყალი მაქვს, გადავავლებ სანდრიკელას, კიდევ გადავავლებ და მორჩა, დაბანილია ჩვენი სანდრო.

დედაჩემი ოდნავ დაიხარა, ხეწარში შეახვია სანდრიკელა, მერე ვითომ ხელებზე დაიწვინა და ხელები ფრთხილად გააქან-გამოაქანა.

— გესმის, ძუ-ძუ, — იძახის ბავშვი და მოაწოვე ძუძუ, — გეტყვი მე. შენ დამიჯერებ და სანდროს ძუძუს მოაწოვებ. გახალისდება სანდრო და ტიტინებს დე-და, ტა-ტი, მა-მა... მერე ძილისპირულს ეუმღერებ სანდროს. არა! მე კი არა, შენ უმღერებ სანდროს იავნანას, დედის გალობა ადვილად აძინებს ბავშვს, ხომ გახსოვს, სანდრიკელას ხელა რომ იყავი...

— მახსოვს, — ვთქვი მე და შიშმა ამიტანა, — ასე არასოდეს დავცემულა დედაჩემი ქადაგად.

— არაფერიც არ გახსოვს, ცრუობ! — მაგრად შემომიტია, — გათმომიხვედი ახლა შენ გენიოსი!.. მერე უცებ დაუდაბლა ხმას, ჩურჩულზე გადავიდა, — დაბალი ხმით უმღერებ იავნანას, თანდათან უფროდაუფრო დაუდაბლებ ხმას და სანდრო დაიძინებს. მერე აჯვანს ფრთხილად აიღებ, შენს ოთახში შეიტან და ალმასხანის და შენ საწოლებს შუა დადგამ...

პაუზა.

— ასე მოიქცევი, ხომ? \

— ჰო, ასე მოვიქცევი, დედი! — ალერსიანად ვთქვი მე და დედაჩემმა გამოიღიმა.

— ჰოდა, სანდროს რაკი სძინავს, ჩვენც დავწევთ და დავიძინებთ... ხომ იცი, დილით ადრე გამოიღვიძებს სანდრიკელა, ატიტინდება და ძუძუს მოგთხოვს... ასეა, ბავშვი დროზე აძინებს და დროზე აღვიძებს ოჯახს, ასეა ეს...

— ვიცი, — ღიმილით ვთქვი მე და დედაჩემმაც გამოიღიმა... ორთვენი მაგრა შევიჭვართ როლში.

— ჰოდა, დილით შენ სკოლაში წახვალ, შენი მეუღლე... რა მოხდება ხელეა ალმასხანი? — სერიოზულად მკითხა დედაჩემმა.

— იყოს აგრონომი. — ვთქვი მე და ისევ გავუღიმე დედაჩემს.

— რატომ მაინც დამაინც აგრონომი? რატომ მასწავლებელი არა? რატომ არ შეიძლება ტრაქტორისტი იყოს შენი მეუღლე? — გაცხარდა დედაჩემი.

— იყოს ტრაქტორისტი! — დავყაბულდი მე.

— დაცინვით ნუ ამბობ, — შემომძვინვარებდა დედაჩემმა, — იყოს ტრაქტორისტი! დიხაბა ტრაქტორისტია შენი ალმასხანი! ჰოდა, შენ სკოლაში წახვალ დილით, ალმასხანი — მეურნეობაში, დავრჩებით სანდრო და მე შინ... ჰო, დამავიწყდა, — მომიბოდიშა, — სანდრიკელა რომ დაიბადა, მე სკოლას თავი დაუეუარი და ვარ სანდროში ჩემს შეილიშვილთან... დავბაჩუნობთ სანდრო და მე ხან ოდაში, ხან სამზადში, როცა კარგი დარი იქნება, ეზოში გავივალ-გამოვივლით, ბოსტანშია ჩავიყვან... მზე რომ შემალღებდა, დავაპურებ და აკვანში ჩავაწვენ, ვუმღერებ იავანას, დაბალის ხმით ვუმღერებ, მერე იმ დაბალ ხმასაც, უფრო და უფრო დავადაბლებ, ვილიღინებ და ჩემს დიღინში ჩაეძინება სანდრიკელას.

და დედაჩემი დაჩუმდა. ვითომ სანდრიკელამ ნამდვილად დაიძინა, დედაჩემი ფრთხილობს, ბავშვი არ გამოვადვიძოო და დაჩუმდა. აქანდაზი აიღო და ნაკვერჩხლები გააღვია, ბუხარის შუაგულში მოაქუჩა, მერე ისევ მიმოფანტა ნაკვერჩხლები და ნაცარი გადაჰყარა:

— ეჰ, სანდრო არ დავიბანია, აკვანში არ ძინავს სანდრიკელას, სანდრიკელას ტიტინი არ გამოვადვიძებს დილაადრიან, მაგრამ მაინც დავწვეთ, ეკა, ხვალ სკოლა გველოდება ჩვენ, — სინანულით, ძალიან სევდიანი ხმით თქვა დედაჩემმა, აქანდაზი ბუხარს მიაყუდა და დაბალი მაგიდა გააჩოჩა.

მერე იმ კუთხეს გახედა, სადაც საწინახლისმაგვარი ცაცხვის გობი იდგა, მერე კარს შეავლო თვალი, რაღაც წაიჩურჩულა, თავის ოთახში შევიდა და კარი გაიკეტა...

წარმოდგენა დამთავრდა.

ფარდა დაეშვა.

დაცარიელდა დარბაზი.

ცაცხვის გობი არ დგას კუთხეში, არც წყლით სავსე კოჯა, სამზადში ცეცხლი არ ანთია, ნაჭაზე არ ჰკიდია ქვაბი და ალმასხანი წყალს არ აცხელებს სანდრიკელასათვის.

მარტო მე შევრჩი ბუხარს, ვცდილობ ავხსნა, რატომ გაითამაშა ასეთი წარმოდგენა დედაჩემმა, მაგრამ ფიქრს თავი ვერ მოვაბი და საწოლს მივაშურე.

დედაჩემის ოთახში საათმა დარეკა, გამოვფხიზლდი და გონს მოვეგე. აქანდაზით ცეცხლი გავაღვივე და დაბალ მაგიდას მივეუქეჩი.

კარგა ხანია ვფიქრობდი ამ წერილის დაწერას, მაგრამ ვერ გა-

დამეწყვიტა, ახლა კი დედაჩემის მიერ იმ ღამით გათამაშებული წარმოდგენა რომ გავიხსენე, უმაღვე გადაეწყვიტე და წერილიც დაეწერე.

...ვცხოვრობ ხემაღალში. ვარ პედაგოგი, მარტოხელა. მაქვს ესა და ეს. ძალიან მინდა ვიშვილო ბავშვი. გთხოვთ პასუხი არ დამიგვიანოთ.

გადავიკითხე ჩემი მოკლე წერილი და შიში გამინელდა, გამინელდა კი არა, შიში გამიქრა და გული გამიხალისდა, ზალის კარს ურღული ავხსენი, კარი გავალე და აივანზე გავედი.

თოვს.

ქათქათა თოვლს დაუფარავს ჩემი ეზო. სამზადს გავხედე. გადაფეთქილია სამზადის სახურავი, მე ხელი გავიწვდინე, თოვლის ფანტელები დამაცვივდა ხელისგულზე და თბილი, ძალიან თბილი მენვენა თოვლი.

პასუხი თვენახევარი დამიგვიანეს. იმედი გადავიწყვიტე და სწორედ მაშინ მივიღე უღედმამო ბავშვთა სახლის დირექტორის ქეთევან ყანჩაველის ბარათი. რაც წერილში გიწერიათ, იმისი დამადასტურებელი ცნობები გამოგვიგზავნეთო. გოგო გინდათ იშვილოთ, თუ ბიჭიო, რა ხნისა და როდის ჩამოხვალთ ბავშვის წასაყვანადო.

წერილი და ცნობები მეორე დღესვე გავაგზავნე. მივწერე, აუცილებლად ვაყი მინდა ვიშვილო, ერთი წლისა-მანც და ბავშვის წამოსაყვანად ათი იენისისათვის ჩამოვალ-მეთქი.

პასუხი მალე მივიღე. ერთი ისეთი ბიჭი გვყავსო — მწერდა ქეთევან ყანჩაველი, — მე რომ ხუთი შვილის დედა არ ვიყო, უსიკვდილოდ ვიშვილებდიო, გოჩა ჰქვია და სწორედ ათი დღის წინ გახდა ერთი წლისა და ისეთი ბიჭია, ისეთიო... როცა ჩამოხვალთ, თვითონ ნახავთ; როგორიც არისო.

ქეთევან ყანჩაველის წერილი რომ მივიღე, იმავე დღეს ჩემი აკვანი-საპნიანი წყლით გავრეცხე. აკვანი რომ გაშრა, ოდნავ ფერშეცვლილი და გამოხუნებული მეჩვენა, არ მომეწონა და აკვანი სხვენზე ავიტანე, საღამო ხანს კესარიას და გულასპირს ვეწვიე. ძალიან გაუხარდათ ჩემი მისვლა კესარიას და გულასპირს და უვახშმოდ არ გამომიშვეს. ნავახშმევს გულასპირმა გამომაცილა და ჩემი სახლის კიშკართან რომ შევდექით, გულასპირმა სხვათაშორის მკითხა, რამე ხომ არ გკვირდებო.

პაუზა.

— აკვანი მინდა. ძია გულასპირ, — თამამად ვთქვი მე.

— აკვანი? — შეტოკდა გულასპირი და თავით ფეხამდე ამათვლიერ-ჩამათვალერა.

— ჰო, აკვანი, ოღონდ ცაცხვისა, ჩემს აკვანზე ოდნავ განიერი. — ისევ თანამად ვთქვი მე.

— შენს აკვანზე განიერი აკვანი? შენი აკვანი ჩემი გამოთლილია, სწორედ რომ კარგი ზომისაა.

— ახლა უფრო განიერი აკვანი მჭირდება, — დარწმუნებით ვთქვი მე.

— ვისთვის გჭირდება? შეპირდი ვინმეს?

— ჩემთვის მჭირდება, — ისევ თანამად ვთქვი მე და არ გავწითლებულვარ. შემეძლო მეთქვა, სხვისთვის მჭირდება, ჰო, სხვას შევპირდი-მეთქი, მაგრამ ჩემს შვილს სიცრუე ვერ ვაქადრე.

— სწორედ ცაცხვის ხმელი ფიცრები მაქვს, ეკა, — ხმადაბლა, აღერსიანად თქვა გულასპირმა, — მალე გჭირდება?

— რაც შეიძლება მალე.

გულასპირმა ისევ ამათვალერ-ჩამათვალერა, თქვეენტან ბოდიში და მუცელზე დამაკვირდა. ასანთიც კი გაჰკრა, ვითომ სიგარეტის მოსაკიდებლად, მაგრამ მე მივუხვდი.

— ჰო, ჩემთვის მჭირდება. ერთ თვეში გამიკეთებ?

— უფრო ადრეც. — თქვა გულასპირმა, — ხელი მაგრად ჩამომართვა და დამემშვიდობა.

ნელი, ფიქრიანი ნაბიჯებით წავიდა გულასპირი.

... და ცაცხვის მსუბუქი და ჩემს აკვანზე უფრო განიერი აკვანი ახლა აგერ, ჩემს ოთახშია. ისეთი აკვანია, რომ შეხედოთ, იცინისო, იფიქრებთ, მაგრამ ჩემი აკვანი მარტო კი არ იცინის, ბავშვს ეალერსება და ეუბნება, აბა, ჩამიწეკი, ნახე, როგორ საამოდ დავარწიო და დაგაძინო.

მე ჩემს ვაყიშვილს აღმასხანი დავარქევი. სანდროც კარგი სახელია, ზრევანიც, მაგრამ რევანი ან სანდრო რომ დამერქმია, ათასნაირ ჭორს გამოაბამდნენ... და მე აღმასხანი დავარქევი. ხვალ ათი ივნი-სია და ხვალ აღმასხან ხიდაშელი ერთი წლის და სამი თვისა გახდება. ჯერ თბილისთან ახლოს, უდემამო ბავშვთა სახლში ცხოვრობს აღმასხანი, მას ქეთევან ყანჩაველი ეალერსება და აღმასხანს ბალიშის ქვეშ ჩემი სურათი, დედამისის სურათი უდევს. ჰო, დედის სურათი ბალიშის ქვეშ უდევს აღმასხანს და პატარა აღმასხანი დედას ელოდება.

— მალე ჩამოვა დედაშენი, ახლა კი დაიძინე, — თბილი, ძალიან თბილი ხმით ეუბნება აღმასხანს ქეთევან ყანჩაველი და ეფერება. — რაც მალე დაიძინებ, დედაშენიც უფრო მალე ჩამოვა, — არწმუნებს

ქეთევან ყანჩაველი აღმასხანს, აღმასხანიც თვალებს ხუჭავს და იძინებს.

და მეც ხომ ასე ვარ!

აღმასხანის სურათი საპირველმაისოდ გამომიგზავნა ქეთევან ყანჩაველმა. ვიცოდი, ბარათში აღმასხანის სურათი იღო და კონვერტი შიშით გავხსენი, ჭერ ცალი თვალით, ისიც მოჭუტული თვალით, დავხედე სურათს, მერე ორივე თვალი ფართოდ გავაღე და ხარბად დავაცქერდი სურათს და სიხარულისაგან გული შემიტოკდა, სითბო ჩამელვარა გულში. სწორედ ისეთია აღმასხანი, როგორსაც ვნატრობდი: ხორბლისფერი სახე, ოდნავ მოწყურული თვალები, სწორი ცხვირი, თუ ძალიან დააკვირდებით, მოგეჩვენებათ, რომ ცხვირი ოდნავ კეხიანია, მაგრამ ჭერ თოთო სახე აქვს და კეხი არ ემჩნევა, პატარა ყურები, მაღალი შუბლი და წაბლისფერი თმა. დიდხანს, ძალიან დიდხანს ვატრიალე აღმასხანის სურათი, მერე აბრეშუმის ცხვირსახოცში შევახვიე და უბეში ჩავიდე. და უბეში ჩავიდე თუ არა სურათი, უმალვე სითბო მომედო გულშეკერდზე, მერე მთელს სხეულში მომედო სითბო.

იმ დღეს ბევრჯერ, ძალიან ბევრჯერ ამოვიღე უბიდან აღმასხანის სურათი, დაძინებისას კი ბალიშის ქვეშ ამოვდევი და მე და აღმასხანს ერთად ჩაგვეძინა. დილით უბეში ჩავიდევი და სკოლაში მიმქონდა, მაგრამ ჭიშკრიდან გამოვბრუნდი, შემეშინდა, ვაითუ ვერ მოვიტმინო და სკოლაშიც უბიდან ამოვიღო-მეთქი და ისევ ბალიშის ქვეშ ამოვდევი.

ჰოდა, დღისით ხომ წარამარა ვატრიალებ და დავცქერი აღმასხანის სურათს, საღამოთი, რვა საათზე (ვიცი, ამ დროს აძინებენ აღმასხანს), ბალიშიდან გამოვიღებ, ახლოს, სულ ახლოს მივიტან თვალებთან, გავუღიმებ, მერე ლოყას მივადებ აღმასხანის სურათს და ჩურჩულით ვეუბნები:

— ახლა დაიძინე, შვილო!

აღმასხანი კი ოდნავ მოწყურულ თვალებს აპარპალებს და არ იძინებს.

— რაო, დედას ელოდები და იმიტომ არ იძინებ — აგერ არა ვარ დედაშენა! ჰო, მე ვარ დედაშენი. გინდა გიმღერო? მიმღერეო, თვალებით მეუბნება აღმასხანი, მე აღმასხანის სურათს უბეში ჩავიდე, თვალებს მივლულავ და დაბალი, ძალიან დაბალი ხმით იავნანას ვუმღერებ აღმასხანს. აღმასხანი გაიტრუნება, მკერდში ჩამეკვრება, თვალებს დახუჭავს და დაიძინებს, მეც დავიძინებ და ისე ღრმა ძილით გვძინავს, ვერც მამლების ყვილი გვალვიძებს, ვერც ძაღლების ყუფა, მზე რომ შემალღღებდა და ჩვენს ოთახში შემოანათებს, მხოლოდ მაშინ გავვეღვიძება...

ეს დღეც გათენდა.

დღეს დილით მამლებმა ადრე იყვილეს და განთიადისას მზე ჩვეულებრივზე ადრიანად ამოიწვერა.

ნამდვილად ადრე გათენდა დღეს.

და მე მივდივარ.

ალმასხანის ტანსაცმელი ნაკრაულაში მაქვს შეხვეული და ეს ნაკრაულა ერთობ მსუბუქია.

კალათი კი მძიმეა. გაჯექილია ჩემი კალათი. ხაქაპურები, წიწილები, ქყინტი ყველი, სამი ბოთლი ლედვის არაყი, ჩემი ბოსტნის მწვანელი, ლედვის ჩირი და დარჩეული ნიგოზნი.

ავტოსადგური ერთი ფეხის ნაბიჯზეა და ავტოსადგურამდე როგორმე მივიტან ამ მძიმე კალათს.

მე განთიადს ფეხზე ამდგარი შევხვდი.

ზალის კარი გავაღე და აივანზე გამოვედი. ჩემი ეზოს მოლი, მსხლისა და ვაშლის ხეები ალერსიანად მომესალმნენ, მეც გავუღიმე მათ, ეზოში ჩავედი და ფეხქვეშ ბალახი გუშინდელზე უფრო რბილი მეჩვენა, სამზადში შევიკერი, რძის ქოთანს დავავლე ხელი და ოქართეში ჩვეულებრივზე ადრე ვეწვიე გუტას. გუტა იწვა და იცოხნიდა; როგორც კი ოქართეში შევედი, თითქოს მიმინვდა, რომ მეჩქარებოდა, ერთი დაიხმულია და ადგა. გუტა მოვწველე, ხბო მივუშვი, მერე ძროხა ეზოდან გავიყვანე. ამ სალამოს დუღუხანა მოწველის გუტას.

ნაკრაულა ამოვიიღლიავე, კალათს ხელი დავავლე, ძალიან მემძიმა, მაგრამ მაინც ჩქარი ნაბიჯებით გავიარე ეზო.

კიშქართან კოკი დამხვდა.

„უთუოდ დუღუხანამ უთხრა კოკის, ხერგაში რომ მივდივარ. უცნაური ქალია დუღუხანა“.

— ხერგაში? — მკითხა კოკიმ.

— ხერგაში! შენ რამ აგაყენა ასე ადრიანად? დედამ გითხრა?

— სატეველაზე მივდივარ.

— სათევზაოდ?

— კი, სათევზაოდ.

— ასე ხელცარიელი? — გავიკვირვე მე.

პაუზა.

— ბადეს და ანკესებს სანდროს წამოიღებს. — იცრუა კოკიმ და სახე ამარიდა.

— ვიცი, სანდროს კარგი ბადე აქვს, — ვთქვი მე და გავიღიმე.

კოკი გაწითლდა. ჩემს კალათს დაავლო ხელი, ზურგზე მსუბუქად შეიგდო და გააბიჯა.

„უთუოდ დუღუხანამ წამოაგდო ასე დილაადრიანად. ეკა ხერგაში მიდის და მიეშველეო. ეგებ ისიც იცის დუღუხანამ, თბილისში რომ მივდივარ? ალმასხანის შარვალს რომ ვკერავდი, შემომისწრო, გაიკვირვა და მკითხა, ვის უკერავო, მე არაფერი ვუპასუხე და დუღუხანა გაწითლდა. ერთხელ კიდევ, საღამოხანზე, იავნანას რომ ვმღეროდი ნმადაბლა, მოულოდნელად დამადგა თავზე, გამოლიმა და მკითხა, ვის აძინებო. მე სიმღერა შეწყვიტე. კარგად მღერიხარ, ეკა, რატომ შეწყვიტე? მე თუ შეგიშალე, წავალ, — და წასვლა დააპირა. მე არ გავუშვი და მთელი საღამო მდუმარენი ვისხედით აივანზე... უთუოდ რაღაც იცის დუღუხანამ“.

ჩემი სახლიდან ძალიან ახლოსაა ავტოსადგური და მალე მივედით.

ავტოსადგურში გულასპირი დაგვიხვდა და ძალიან გამიკვირდა.

— ხერგაში? — მკითხა გულასპირმა.

— ხერგაში, — ვთქვი მე და გავწითლდი.

გულასპირმა ხალათის გულჯიბიდან ხუთმანეთიანი ამოიღო და გამომიწოდა.

— ნუ დაიზარებ, ეკა, მეორე ფაბრიკის „პრიმა“ მიყიდე. ამიტომ გამოვედი ასე ადრიანად, — ბოდიშივით თქვა გულასპირმა.

— აუცილებლად, — ვთქვი მე და ფული გამოვართვი.

გულასპირმა გამილიმა და მეც გავუღიმე.

— შენც ხერგაში? — ახლა კოკის ჰკითხა გულასპირმა.

— არა. კოკი სატეველაზე მიდის სათევეზაოდ, — კოკის მაგივრად ვუპასუხე მე და კოკი გაწითლდა.

— ასე ხელცარიელი? — გაიკვირვა გულასპირმა.

— ბადეს და ანკესებს სანდრო წამოიღებს, — ისევ კოკის მაგივრად ვთქვი მე და თანხმობის ნიშნად კოკიმ თავი დააქნია.

— ჩემი მურწები არ დაიჭიროთ, — ვითომ დაცინვით თქვა გულასპირმა, — მეც მალე ჩამოვალ.

— ახლა კი წადი, კოკი, სანდრო გელოდება, — ალერსიანად ვუთხარი კოკის, ხელი ჩამოვართვი და ვაკოცე.

კოკი წავიდა.

— ბადეები ამათ აქვთ და ანკესები, დაგვიტოვებენ რამეს? კიდევ კარგი, ლალუმებს არ ესვრიან სატეველას! — სინანულით თქვა გულასპირმა და ჩქარი ნაბიჯებით მიმავალ კოკის თვალი გაადევნა.

მგზავრები თანდათან მოგროვდნენ და ავტობუსიც მოვიდა.

ჩემი კალათი მძლოლმა კაბინაში დაიდგა.

გულასპირს ვუთხარი, მე ეგებ ხვალამდე ვერ ამოვიდე და სიგარეტს მძლოლს გამოვატან-მეთქი. გულასპირმა გაილიმა, ისეთნაირად გაილიმა, მაგრძნობინა, ვიცი ხვალამდე რომ არ ამოხვალო.

„უთუოდ რაღაც იცის გულასპირმა. ვისთვის გინდა აკვანიო, მარტო იმ საღამოს კი არა, მერეც რამდენჯერმე შეგეკითხა, რომ ვუპასუხებდი, ჩემთვის მინდა-მეთქი, ეშმაკურად გაიღიმებდა და თქვენთან ბოდიში, საგულდაგულოდ ამათვლიერ-ჩამათვალერებოდა და მერე მუცელზე დამაკვირდებოდა... რაღაცას მიმხვდარია ძია გულასპირი, დანამდვილებით კი არაფერი იცის, მე არ გავუშხილე და, აბა. საიდან ეცოდინება, ირონიულად რომ მეღიმილება! ისე, სხვათაშორის, აქაოდა, ვიცი შენი ამბავი, მაგრამ შენ რადგანაც არ ამხელ, მეც საიღუმლოდ შეგინახავო...“

წამოვედით.

მგზავრები ჩუმად სხედან, ზოგი კიდევაც თვლემს.

ჩემს პირდაპირ ბავშვიანი ქალი ზის. ასე, ერთი წლის ბიჭი უწევს კალთაში, ბავშვს სძინავს და ეგებ მგზავრებიც ამიტომ არიან ჩუმად. ეგებ მძლოლსაც ამიტომ მიჰყავს ასე ფრთხილად მანქანა.

ვიცი, ეს ქალი მეურნეობის ლაბორატორიაში მუშაობს, მაგრამ მე მას ახლო არ ვიცნობ და მერიდება გამოსაუბრებისა, თვითონ კი გამიღიმა შეხვედრისას, ეს ჩვეულებრივი ამბავია, თავაზიანობის ნიშანია, მასზე უფროსი ვარ და...

ბავშვმა გამოიღვიძა, მოკუტტული თვალებით შემომხედა, მერე გამიღიმა, თვალები თანდათან გაახილა, პირი გააღო და დედაო თქვა... ასე დამიძახებს ალმასხანი მე დედას, გავიფიქრე გულში და გული შემიტოკდა.

და მთელი ავტობუსი გამოფხიზლდა. აქ-იქ ჩაახველეს, მგზავრები ერთმანეთს გამოესაუბრნენ. ვილაც ისე გათამამდა, სიგარეტსაც კი მოუკიდა, მაგრამ გვერდით მჯდომმა მამაკაცმა შეუტია, ახლავე ჩააქრე, ხომ ხედავ, მანქანაში ბავშვი ზისო, სიგარეტის მწვეველი გაწითლდა; ავტობუსის სარკმელი ჩამოსწია და მოუწვეველი სიგარეტი გადააგდო.

— ძუ-ძუ, — თქვა ბიჭმა, — მგზავრებმა ისეთი პოზა მიიღეს, თითქოს არ უყურებდნენ ბიჭის დედას, დედამ ძუძუ ამოიღო და ბიჭი წაეტანა ძუძუს.

ყველანი ჩუმად ვსხედვართ, ფრთხილად, უხმაუროდ მიჰყავს მძლოლს ავტობუსი და ისეთი სიჩუმეა, გარკვეულად გვესმის, ტონტორა ბიჭი როგორ წოვს ძუძუს.

სატყველაზე ჩავედით, ბიჭმა პირი უშვა ძუძუს და ღი-ღი, ღა-ღა, ღუ-ღუ, დაიღულუნა, მგზავრები აყვევით ბიჭს და თითქმის ერთხმად დავიღულუნეთ, ღი-ღი, ღა-ღა, ღუ-ღუ... ბიჭი გახალისდა, დედის კალთაში წამოჯდა, სათითაოდ დააკვირდა მგზავრებს და ახ-



ლა უფრო ხმაძალდა დაიღუღუნა — დე-და, ჩიტი და გაიცინა, პირი ფართედ დაალო და ორი წინა კბილი გამოაჩინა. მგზავრებმა გაუღიმეს ბიჭს და ახლაც ერთხმად აპყენენ, დე-და, ჩი-ტი... იცინის ბიჭი და მთელი ავტობუსი იცინის... და გამახსენდა დედაჩემის ნათქვამი — ბავშვი როცა იცინის, მაშინ მთელი სახლი იცინისო. ხვალ სალამოს, დაძინების წინ, სასეირნოდ ეზოში ჩამოვიყვან აღმასხანს, გავეთამაშები და აღმასხანი გაიციინებს და ჩვენი ეზოც გაიციინებს, ჩვენი ოლა-სახლიც გაიციინებს, ჩვენი სამზადიც... ჰო, აღმასხანი და მე ვიციინოთ, იღიმება და იცინის ჩვენი ეზო-კარი...

...მსუბუქად და ფრთხილად მიჰყავს მძღოლს ავტობუსი, ტიკტიკებს პატარა ბიჭი და მთელი ავტობუსი ტიკტიკებს და ამ ტიკტიკში მე სიყვარულის სიმღერას ვისმენ, სატეველას ტალღები ხანდახან რომ გაიშხუილებენ, იმ შხუილშიაც სიყვარულის სიმღერა მესმის, გზატკეცილის გაღმა-გამოღმა ჩამწყკრივებული აკაციები რომ შრიალებენ, სიყვარულის სიმღერას მღერიან, ეს ავტობუსიც, ეს გზატკეცილიც სიყვარულის სიმღერას მღერის, ჰო, ჩემი გულიც დილიდანვე სიყვარულის სიმღერას მღერის და მე ყველა მიყვარს — დუდუხანა, კოკი და ასმათი, ქალბატონი კესარია და ძია გულასპირი, სანდრო, რევაზი, თათია და ქალბატონი რუსუდანი, აღექსანდრე ჩაფიჩაძე და აბესალომ კიკნაველიძე, შადიმან შარანგია და ზვიად დიასამიძე, მაგრამ ყველამ მომიტევეს, ყველაზე უფრო აღმასხანი მიყვარს მე, ხელახლა მან აამღერა ჩემს გულში სიყვარულის სიმღერა.

...მერე აღმასხანი დავაეკაცდება და დავაქორწინებ. მე შვილივით შევიყვარებ რძალს და რძალი დედასავით შემეყვარებს მე... და ვიღრე მე მოვხუცდები, შვილიშვილები დამიმრავლდება, ექვსი შვილიშვილი მეყოლება მე, სამი გოგო და სამი ბიჭი. უფროსი გოგო იქნება, ასე სჯობია; უფროსი ქალიშვილი დედას შეეშველება უმცროსი და-ძმების აღზრდაში.

პირველი შვილიშვილი რომ შემეძინება, მე სკოლას თავს დავუტრავ, ჩემი შვილი და რძალი იელიან სკოლაში, მე კი სახლში ვიფუსფუსებ ჩემს შვილიშვილთან. ჰო, პირველ შვილიშვილს ეკატერინეს დავარქმევ, ჩემი სახელის უკვდავსაყოფად კი არა, დედაჩემის ხსოვნისათვის. მერე დები და ძმები გაუჩნდება ჩემს უფროს შვი-

ლიშვილს, სახლი აივსება დოვლათით და სიხარულით და არასოდეს არ მოიშლება დიდი ეკატერინე ხიდაშელის ფუძე.

ვიცი, თავი შეგაწყინეთ ჩემი მოთხრობებით. გთხოვთ მპატიოთ, მეტს აღარ დავწერ.

მშვიდობით ბრძანდებოდეთ!

მე უკვე ვაუიშვილის დედა ვარ და მოთხრობების საწერად ვეღარ მოვიცლი.

# სიკვდილი ერთი დღით აღრე



## პ რ ო ლ ო გ ი

ტალღაზე წელა ირწყევა წაე,  
სიყვარულს ზღერის შაეი ზღვის ტალღა.

ამბავს მე ვყვები და უპირველესად ჩემს თავს გაგაცნობთ:  
ჯუანშერ ალექსანდრეს ძე გარსევანიშვილი.  
იურისტი გახლავართ.

ჩემს სადოქტორო შრომას — „ნარკვევები ქართული სამართლის ისტორიიდან“ — მაინცდამაინც დიდი შეხლა-შემოხლა არ გამოუწვევია, სამეცნიერო საბჭომ ხარისხი ხმის უმრავლესობით მომანიჭა და ფრიად კმაყოფილი დავრჩი. ბანკეტზე ჩემმა ოფიციალურმა ოპონენტებმა მირჩიეს, „ნარკვევები ქართული სამართლის ისტორიიდან“ ცალკე წიგნად გამოაქვეყნე, ეს სულ ადვილიაო, მარწმუნებლდნენ: შესავალ წერილს ცოტათი შეკვეცავ, ზოგიერთ თავს გადააადგილებ, ბოლოსიტყვაობას და გამოყენებული ლიტერატურის სიას ამოიღებ და მორჩაო! თავდაპირველად მეც ჰკეუაში დამიჯდა ჩემი ოფიციალური ოპონენტების რჩევა, მაგრამ მერე როგორღაც თავი შევიკავე ცდუნებისაგან და მკითხველისათვის შეუტრაცხყოფა არ მიმიყენებია.

მამ ასე: იურისტი გახლავართ, ვმუშაობ იუსტიციის სამინისტროში და, როგორც გამონაკლისი, უნივერსიტეტში ნახევარი განაკვეთი მაქვს. სამწუხაროდ, — მაგრამ არა უმიზეზოდ, — ჯერჯერობით უცოლშვილო ვარ. მიზეზს, თუ რომანში ადგილი დამრჩა, გაგიმხვლო.

ახლახან მე და ჩემი მეგობარი როსტომ ჯორჯაძე სამოციანელები ვავხდით. დიახ, სამოცი წლისა შევსრულდით. ჩვენი განუყრელი მეგობრის ნოშრევან ბეთანელის ცხოვრების ჩარბი უკუღმა რომ არ დატრიალებულიყო, ისიც ჩვენსავეთ სამოციანელი გახ-

დებოდა, მაგრამ ჩვენი მეგობარი ახალგაზრდობაშივე გარდაიცვალა. მისი ნეშტი დიდი ხანია არადეთის სასაფლაოზე განისვენებს, ჩვენ კი, მისი მეგობრები — როსტომ ჯორჯაძე და მე, ღვთის წყალობით, ჯერ კიდევ ცოცხლები ვართ, თბილისში ვცხოვრობთ და არ ვივიწყებთ ნოშრევან ბეთანელს.

სამივენი ერთსა და იმავე წელს ვართ დაბადებული, ოღონდ სხვადასხვა თვეს: ნოშრევან ბეთანელი — აპრილში, როსტომ ჯორჯაძე — მაისში, მე — ივნისში. ოდესაში ყოფნისას დაეთქვით და დაბადების დღეს სამივე ერთად ვიხდით მაისის პირველ კვირას.

და აი, ახლახან, მაისის პირველ კვირას, როსტომ ჯორჯაძემ, ნოშრევან ბეთანელმა და მე, ჩვეულებრივად, ჩემს ერთოთახიან ბინაში გადავიხადეთ დაბადების დღე.

სუფრა სამი კაცისათვის გავაწყვე.

შვიდ საათზე როსტომ ჯორჯაძე მეწვია. ათლიტრიანი კასრით ღვინო მოიტანა, საბუედან ჩამომივიდო, იცრუა. ნამდვილად იცრუა. კასრში რვა ნომრის მასალაა, მე ეს ჩინებულად ვიცი, მაგრამ არაფერს ვამბობ, ვგრძნობ, როსტომ ჯორჯაძე კმაყოფილია და გულში ილიმება.

— ნოშრევანი არ მოსულა? — ვითომ გაჯავრებით იკითხა და ოთახში მიმოიხედა.

— იგვიანებს, როგორც ყოველთვის, — ვთქვი მე და სკამი შევთავაზე.

— აჰა, წაიკითხე! — რატომღაც ხმამალლა, გაჯავრებით მითხრა როსტომ ჯორჯაძემ და ჩემს საწერ მაგიდაზე გაზეთი დააგდო.

გაზეთი გავშალე. გაზეთის მესამე გვერდიდან ჩვენი ამხანაგის სურათმა შემომანათა. „სოლომონ ტყეშელაშვილი. ღვაწლშოსილი მეცნიერი და პედაგოგი“.

გავიღიმე და როსტომს შევხედე.

— წაიკითხე! — ბრძანებასავით მითხრა როსტომმა.

— ნოშრევანს დაველოდები, — ვთქვი მე, გაზეთი დავეკეცე და მაგიდის უჯრაში ჩავდე.

როსტომ ჯორჯაძე ადგა და ოთახიდან გავიდა. მცირე ხანს სადარბაზოს კართან დადგება და ვითომ ნოშრევან ბეთანელს დაელოდება. მერე ხმაურით ამოჰყვება კიბეს და ზარს კი არ დარეკავს, კარებზე ორივე ხელით დააბრაახუნებს, — ნოშრევან ბეთანელი და როსტომ ჯორჯაძე გეახელით და კარი გაგვიღეო.

— მობრძანდით! — ვიტყვი მე და კარს გავაღებ.

— აჰა, ნოშრევანიც! — იტყვის როსტომი და ოთახში! დიმილიანი შემოვა.

— როგორც იქნა! — ვითომ ორივეს ვუსაყვედურებ მე, მერე

ნაბიჯს წავდგამ წინ, ნოშრევანსა და როსტომს ხელს ჩამოვართმევ და დაბადების დღეს მივულოცავ.

აი ახლაც, ვითომ ნოშრევანი უკვე მოსულა და როსტომი და ნოშრევანი ხმაურით ამოდიან კიბეზე, აჰა, კიბის ბოლო საფეხურიც ამოათავეს, ჩემი ოთახის კარს მოადგნენ და კარზე ხელით მიბრახუნებენ.

— მობრძანდით! — ვთქვი მე და კარი გავაღე.

— აჰა, შენი ნოშრევანიც. — თქვა როსტომმა და გამიღმა.

მე ნაბიჯი წავდგი წინ, ნოშრევანს და როსტომს ხელი ჩამოვართვი, დაბადების დღე მივულოცე და სუფრაზე მივიწვიე.

...დღეს თითქოს მართლა მეწვია ჩემი სიყრძის მეგობარი არადეთიდან. ნოშრევან ბეთანელს თეთრი ხალათი აცვია, ოღნავ დაქმუქნილი ნაცრისფერი შარვალი, შავი წაღები. მელიძლემა ნოშრევანი, მაგრამ მისი ღიმილი ნაღვლიანია. ჰო, ეს-ეს არის ჩამოვიდა არადეთიდან და უთუოდ გზაში დაიღვებოდა... დღეს რუსთაველის თეატრში „მეფე ოიდიპოსის“ წარმოდგენენ და ნოშრევან ბეთანელს, ვიცი, გული თეატრისკენ მიუწევს, აკი თვითონ თამაშობდა ტირეზიას, — მაგრამ როსტომ ჯორჯაძეს და მე არ გვიღალატა და ჩვენთან მოვიდა. თუმცა ჰო... „თუმცა“ კი არა, „მეფე ოიდიპოსის“ პრემიერაზე ნოშრევან ბეთანელი ჩვენთან ერთად იყო!

— მართალია, ერთად ვიყავით! — თითქოს ფიქრს მიმიხვდაო, დამიმოწმა როსტომ ჯორჯაძემ და შეეკრთი; მერე კი ყველაფერი გავიხსენე: პარტერის მეოთხე რიგში ვისხედით, ჩვენს შუა ნოშრევან ბეთანელი „იჭდა“. ვიღაც შებერებული მანდილოსანი შემოგვიჩნდა, სკამი თავისუფალია და დამსვითო, როსტომმა მიუგო — ჩემი მეგობრისაა, სადაცაა მოვაო, და მანდილოსანი გულმოსული გაგვშორდა... როცა სცენაზე ტირეზია შემოვიდა, როსტომ ჯორჯაძემ ნოშრევანის სკამის საზურგეს გამოაყოლა ხელი, მხარზე ფრთხილად დამადო, ჩემსკენ გადმოიხარა და ყურში მიჩურჩულა:

— ნოშრევანი „მეფე ოიდიპოსში“ პირველად ალექსანდრე იმედაშვილთან გამოვიდა, გახსოვს?

— გახსოვს. იმედაშვილმა მასში ღირსეული მეტოქე შეიქნო; — ვუპასუხე და როსტომმა თანხმობის ნიშნად თავი დამიქნია...

...დაქმუქნილი ნაცრისფერი შარვალი აცვია ნოშრევან ბეთანელს, თეთრი ხალათი; ხალათის საყულო შეუხსნია, დალილია და მაინც გვიღიმის, ოღონდ სევდიანია მისი ღიმილი...

— დავსხდეთ. — ვთქვი მე და მაგიდასთან სკამები შევასწორე.

როსტომ ჯორჯაძემ სამი ჰიქა შეავსო:

— დღევანდელი ჩვენი თავშეყრა, მეგობრებო, — დავიწყე მე და ხმა გამებზარა, — განსაკუთრებულია...

პაუზა.

— ჰო, დიახაც, განსაკუთრებულია, — ხმა დავიბოხე. — დღეს ჩვენ სამოციანელები გავხდით და სიბერეში ღრმად შევდგით ფეხი...

— ბოდიში მოიხადეთ! მე ჭეული ვარ! — რიხით თქვა როსტომ ჯორჯაძემ, მარცხენა თვალი მოჭუტა, თავი მალლა აადირა და დამცინავად გადმომხედა.

— ნოშრევანი? — ვიკითხე მე და როსტომს მივაჩერდი.

პაუზა.

— ჰო, ნოშრევანი?

— მე თქვენზე მეტი მტკენია, მეგობრებო, მე ბებერი ვარ, — ნოშრევან ბეთანელის ხმაზე თქვა როსტომ ჯორჯაძემ, შუბლზე ნაოჭები შეიყარა, ღვინო მოსვა და ნოშრევანის სკამს დახედა.

— ჰო, თქვენზე მეტი მტკენია, თქვენზე მეტი ნალველი დამილევია, ძმებო! ცხოვრებას პირდაპირ შევეჭიდე და ადრე გამიტეხეს გული, სული წამართვეს, ფეხქვეშ მიწა გამომეცალა, გრიგალი დამეჩახა და წამაქცია... მაგრამ დღეს წუხილი შორს ჩვენგან, — ხმა აიმაღლა როსტომმა, — დღეს ჩვენი დაბადების დღეა. სიკვდილს თვალი მოვუხუჭოთ, სიცოცხლეს გაუუღიმოთ, მოვილხინოთ, შენებურად შემოსძახე, ჯუანშერ!

როსტომ ჯორჯაძემ ნოშრევან ბეთანელის ჭიქა აიღო, შესვა და ისევ შეავსო. მერე ნოშრევანივით ჩაახველა და სიგარეტს მოუკიდა.

— ოთახს აგვიყროლებ! — გაჩავრებით ვთქვი. მე.

— რაც ოდესაში გიწვალეზივართ, ის იმყოფინე, — შეპომიტა როსტომმა და ერთი სიგარეტი ნოშრევანის თეფშთან დადო.

— ნოშრევანს დაველოდებიო, აგერ არა ზის ნოშრევანი? წაუკითხე სოლომონ ტყეშელაშვილის ნეკროლოგი.

— იუბილეზე მე თვითონ გახლდით.

— ჰოდა, მოგვიყვი!

— ჯერ ჩვენი სადღეგრძელო შევსეათ.

— კეთილი, — თქვა როსტომმა, ჭიქა აიღო და ნოშრევანის ჭიქას მიუჩახუნა.

პაუზა.

— ჰოდა, გვადირსეთ, ბატონო თამადა! — როსტომ ჯორჯაძე ფეხზე ადგა.

ნოშრევანს ვადღეგრძელებ, — ვთქვი და მეც ფეხზე ავდექი, — ნოშრევანი აპრილშია დაბადებული და ცოტათი ჩვენზე ხნიერია, მაგრამ მართო ამიტომ არ ეკუთვნის პირველი სადღეგრძელო...

— ჩვენზე მეტი გაუკეთებია, ჩვენზე ხნიერიც გახლავთ და ამიტომაც პირველი სადღეგრძელო მისია, დღეგრძელობა ნოშრე-

ვანს! — ჩამომართნა როსტომმა, ჭიქა მომიჭახუნა და შესვა. მერე ნოშრევანის ჭიქა აიღო როსტომმა და ნოშრევანის ხმაზე თქვა:

— მაღლობა მომიხსენებია, ძმებო.

პაუზა.

როსტომმა თვალი გამიყარა, მერე ოთახში მიმოიხედა და ნოშრევანის ხმით განაგრძო:

— სულ თბილისში რომ მიბარებთ, თქვე კაიკაცებო, ეგებ ერთხელ არადეთში ჩამომაკითხოთ, პა! რახანია ანა მეუბნება, ისეთი სიზმრები მესიზმრება, დღეს ან ხვალ უთუოდ შენი მეგობრები ჩამოვლენო. არა და არ აუხდა სიზმრები ანასა! დედაჩემის დაკრძალვაზე კი ჩამოხვედით და ის იყო! იმის მერე დიდი დრო გავიდა; პოო, ძალიან დიდი დრო გავიდა და ეგრე გავიხილა?

როსტომმა ნორშევანის ჭიქით ღვინო შესვა და დაჭდა.

...არადეთი. მაისის დილა. ბეთანელების ეზო. მსუბუქი ნიაეი. ოღნაე ირხვეიან ხეხილის ხეები. ნოშრევანმა ეზო გადმოიარა და წისქვილში მიდის: ნელა მიაბიჯებს, შედგა, გარშემო მიმოიხედა, ახლომახლო არავინ იყოსო და რაკი დარწმუნდა, მარტოკაა, ჩურჩულთ ამბობს, მაგრამ მე მაინც მესმის ნოშრევანის ხმა: „წუთია წუთის სოფელი, წუთის წებოთი იწეება, — ზოგი ლხინსაა, თამაშას, ზოგიც უცეცხლოდ იწეება“... წისქვილის კარს ნელა გამოაღებს, მძიმედ აიტატებს ხორბლით სავსე ტომარას, ხორბალს ზემირში ჩაჰყრის. გარეთ გამოვა, ღარში წყალს მიუგდებს, დატრიალდება ბორბალი და წისქვილი ახმიანდება... თავისთვის, ხმადაბლა ღიღინებს ნოშრევანი, წისქვილის კედელზე მიყუდებულ წენელის კონას ამოიღლიავენ და წისქვილში შეიტანს. ჭოროჯოზე დაჭდება... პოო, კალათებსა წნავს ნოშრევან ბეთანელი; საღამომდე ორ კალათს დაწნავს, ხვალ მეზობლის ბიკს გორის. ბაზარში გაატანს და კარგ ფასადაც გაიყიდება ნოშრევან ბეთანელის კალათები.

...შუადღემ. მოატანა. ზეხილის ბაღში მსუბუქი ნაბიჯებით მოაბიჯებს ანა, ხელში პატარა, ნოშრევანის მიერ მოწნული თეთრი კალათი უკავია; კალათში — თბილი შოთი პური; გუდის ყველი, კომბოსტოს წნილი, ქოთნით ლობიო და დოქით ღვინო. სადილად რაკი შინ არ მივიდა, უთუოდ ვერ მოიცალა ნოშრევანმა და ანას წისქვილში მიაქვს სადილი. მოულოდნელად წაადგება ანა თავზე ნოშრევანს და გაუღიმებს, ნოშრევანიც გაუღიმებს ანას, ოღონდ ნაღვლიანად გაუღიმებს, ებრალება ნოშრევანს მეუღლე — სოფელში გამოამწყვდია ქალაქში გაზრდილი ქალი! ძალიან ებრალება, ამიტომაც ასე სევდიანია ნოშრევანი, მაგრამ ანა უმსუბუქებს სევდას: ქალაქში ცხოვრებას არადეთში ცხოვრება მირჩევნიაო, აქ მშვიდადა ვართ, ჯანიანად ვართ, მეზობლები გვესიყვარულებიან და

ჩვენც გვიყვარს მეზობლები... ჰოო, მშვიდადა ვცხოვრობთ არა-  
დეთში, მე კმაყოფილი ვარ და მიხარიაო... ნოშრევანი ერწმუნება  
ანას და გულს გაიხალისებს, ოღონდ მცირე ხნით, — ისევ სევდა  
მოერევა, ისევ წაღველი მოერევა ნოშრევანის გულს, გული ჩაუ-  
მუქდება და ისევ სევდიანად გუალიმებს შეუღლეს...

და ნამდვილად ნოშრევან ბეთანელის ხმა შემომესმა:

— ჰო, რამდენი წელი გავიდა დედაჩემის გარდაცვალებიდან?  
გავწითლდი. როსტომს შევხედე. როსტომს თავი ჩაუქინდრავს  
და თვალს მარიდებს.

ორივემ კარგად ვიცით, რამდენი წელი გავიდა ნატო ბეთანელის  
გარდაცვალებიდან. გვრცხვენია და ვღუშვართ.

სამზარეულოში გავედი, ცოტა ხანს ვიწვრიალე. საქმე ვერაფერი  
გავიჩინე და ისევ ოთახში შემოვედი.

— ჰო, რამდენი წელი გავიდა? — ჩურჩულით მეკითხება როს-  
ტომ ჭორჭაძე, თითქო ეშინია, ნოშრევანმა არ გაიგონოსო.

— ოცდაორი! ვითომ არ იცი? — განგებ ხმამაღლა ვთქვი მე.  
პაუზა.

— დიდი დრო გასულა, ძალიან დიდი! მომავალ კვირას წავი-  
დეთ არადეთში. — თქვა როსტომმა და ნოშრევანის ჭიქა გამოს-  
ცალა.

...არადეთი. ბეთანელთა სახლ-კარი. ჭიშკარს ვაღებთ და ეზოში  
შევდივართ. ანა მოეჭანება ჩვენს შესახვედრად, მას ვაჟიშვილები  
მოსდევნენ, გვესმის ნიკო ბეთანელის ხმა: — ჩამოხველით, ჰბებუე-  
ბო? ჩამოხველით, ზომ? ბარაქალა! ჩამოხველით და ბქვენი ნოშ-  
რევანი გაცოცხლდა, მეც გავცოცხლდი! აგერაა ბქვენი ნოშრევან-  
ი, მეც აქა ვარ, ჰა, აგერა ვარ, გამომხედეთ! მეზობლებო, სახლი-  
კაცებო, იმღერეთ, საცეკვაო დაუქართო, დაუტაშუნეთ, ვიცეკვით,  
აბა, ჰე!

მე ვღუშვარ და როსტომ ჭორჭაძეც ხმზაკმენდილია.

ოთახში სიბნელე და სიჩუმე ჩაშოწვა და გული დამიძმძმდა.

ვგრძნობ, როსტომ ჭორჭაძესაც დამძიმებია გული, მაგიდას  
ილაყვებით დაყრდნობია, სახე ხელებში ჩაურგავს და თვლემს.

მეც როსტომს მივბაძე, ილაყვებით მაგიდას დავეყრდნე, სახე  
ხელებში ჩავირგე, მივთვლიმე და... რაღაც ხმაურივით შემომესმა.  
თვალი გავახილე და კარს გავხედე, არაეინ იყო. ჰო, ზარი არაეინ  
დაურეკია, მე კარი არ გამიღია, ვინ უნდა ყოფილიყო-მეთქი? გავი-  
ფიქრე და თავი დავიმშვიდე. და ისევ, ახლა უფრო გარკვევით, მსუ-  
ბუქი, ძალიან მსუბუქი ნაბიჯების ხმა შემომესმა.

გავიკვირვე.

ვიღაც დააბიჯებს ჩემს ოთახში და თვალი ვერ შემვივლია...



შევშინდი.

როსტომს შევხედე და როსტომი ისევ თვლემს. თვლემს კი არა, თქვენთან ბოდიში და, კაი მაგრადაც ხერინავს. ოთახს მიმოვავლეთ ვალი, მერე ნოშრევანის სკამს დავხედე და შევკრთი! მინდოდა დამეყვირა, მაგრამ ნოშრევან ბეთანელის ლანდმა ხელით მანიშნა, ხმა არ ამოიღო და მეც დავემორჩილე.

დედას გეფიცებით, ნამდვილად ნოშრევან ბეთანელი იჭდა ჩემს გვერდით... ოთახში სიბნელეა, ნოშრევან ბეთანელი ნათელივით ზის სკამზე და ეს ნათელი მარტო მას ანათებს... შებერებულა, მაგრამ ჭანიანი ჩანს, შუბლი დაღარვია, წვერი ანანიასავით მოუშვია და თვალეებში დამცინავი ღიმილი ჩაუბუღებია.

— ჩემი დანა-ჩანგალია? — დააკვირდა. დანა-ჩანგალი თეთშზე დააწყობ და თეთში ჩემსკენ გამოსწია.

— სიგარეტიც ჩემია? კარგა ხანია არ ვეწევი, — თქვა და სიგარეტი დაფშენა, თამბაქო ხელისგულზე დაიყარა, სული შეუბერა და ჰაერში გააბნია.

მერე ღვინით სავსე ჭიქას დახედა:

— ამას კი შევსვამ! ვაზის საღლეგრძელო იყოს. — ყრუდ თქვა, ჭიქა ასწია და ოღნავ მოსვა, ჯერ მძინარე როსტომს გახედა, მერე მე, და სხვებ მოედრუბლა, ჭიქას თავისი ნათელი მიაფინა და გალანდა. ხელმეორედ მოსვა და ჭიქა მაგიდაზე დადგა: — ნამდვილი არა ყოფილა, — თქვა და, თქვენთან ბოდიში მომიხდია, ჰაერში გაათურთხა.

გამომცდელად ამხედ-დამხედა, მარცხენა მხარზე დამადო ხელი, გადმოიხარა და სურში მიჩურჩულებს:

— ვითომ თან მიახლებთ? გარდაცვალების შემდეგაც ვითომ თან იახლებთ ნოშრევან ბეთანელს? თეატრში ერთად დავდივართ? ღამით რუსთაველის გამზირზე ერთად მივაბიჯებთ? დაბადების დღეს სასწაულს ერთად ვიხდით?

პაუზა.

— შენ გეკითხები, ჯუანშერ!

მე გაოჯნებული ვარ და ვდუმვარ.

ნოშრევან ბეთანელმა თვალეებში ჩამხედა და დამცინავად გამიღიმა.

— წარმოდგენას თამაშობთ? ყალბი პიესაა, უნიკოდ დაწერილი, და თქვენი თამაშიც ყალბია! გულში შემონახული სიყვარულია, ვითომ? ვერ გერწმუნებით! კი, ჩემს დაკრძალვაზე იყავით არადეთში, თიფო. მუჟა მიწა მოაყარეთ ჩემს საგარეს და მორჩა! იქ დამთავრდა ჩვენი მეგობრობა... შესანდობარი შესვით, კირისუფალი ანუგეშეთ, იმავე დღესვე მოაშურეთ თბილისს და მორჩა!

დინახ, მორჩა და გათავდა. მერე ერთხელაც არ მოგინახულებიათ ჩემი ოჯახი! ეგებ თქვენი ხმა ენატრება? თქვენი ხმის გაგონებამ ეგებ სევდა შეუმსუბუქოს? ადრე კი ხშირად ჩამოდდიოდი არადეთში. მაგარ-მაგარ სადღეგრძელოებს წარმოთქვამდა მამაჩემი, თქვენ ტაშს უკრავდით, გონებამახვილობას უქებდით, შეილობას ეფიცებოდით... ჰო, ხშირად ჩამოდდიოდი არადეთში — მაისობაზე, მარიაობაზე, რთველში... ახალი წელიც ვაგითევიათ არადეთში! ცოცხალი ვიყავი და გზა გემსუბუქებოდათ? ჩემი სიკვდილის შემდეგ გზა დაგიძმობდათ? არ იფარო! ჯუანშერ გარსევანიშვილი და როსტომ ჯორჯაძე მეგობრობდნენ ნოშრევან ბეთანელს, მეგობრობდნენ და ესიყვარულეობდნენ, ნოშრევან ბეთანელსაც უყვარდა როსტომი და ჯუანშერი. ნოშრევან ბეთანელი მოკვდა და მათი მეგობრობა და სიყვარული დაილია, განქარდა, წაიშალა...

„მახლობელ არს ჩემდა ერი ესე პირითა მათითა, და ბაგითა მათითა პატივსმცემს მე; ხოლო გული მათნი შორს განშორებულ არიან ჩემგან“.

დინჯი, ოდნავ გაბზარული ხმით თქვა ნოშრევან ბეთანელმა და შუბლი უფრო დაედარა, თვალებში დამცინავი ღიმილი აუთამაშდა და ფეთჩი, სულ თეთრი კბილები გამოაჩინა.

შემრცხვა და თავი დაბლა დაეხარე, მაგრამ ნოშრევან ბეთანელის ლანდმა დაბლიდან ამომანათა და ამომხედა, ცივად, მომნუსხველად გამიღიმა, ყინულივით იყო ის ღიმილი და მაისის ამ თბილ საღამოს მისმა ღიმილმა ამაცახცახა.

ფეხქვეშ მომიგდო ნოშრევან ბეთანელის ლანდმა, მკილავეს, მაქიაქებს, მთელავს. და მე ხმა ვერ ამომიღია... ნოშრევან ბეთანელი დიდი ხანია არადეთის სასაფლაოზე ჭანისვენებს, მისი ძვლებილა თუ იქნება დარჩენილი და ისიც ღმერთმა უწყის! ვითომ სამაროდან ამოიპრა მისი ლანდი? ამოიპრა და თბილისში გამოქანდა? პეტრიაშვილის ქუჩაზე და მაინცდამაინც ჩვიდმეტ რომერში მოვიდა? ჩემი ბონის ზარი არ დარეკა, უჩინრად შემოიღანდა ჩემს ოთახში და გვერდით დავიჯდა?

ეგებ ჩემმა სულმა გამოიხმო ნოშრევან ბეთანელის ლანდი? ნოშრევან ბეთანელისთვის მიჩენილ სკამზე ეგებ ჩემი სულის ნაწილი ზის, სწორედ ის ნაწილი, რომელიც ნოშრევან ბეთანელს ესიყვარულება? ჰო, ჩემი სულიდან ნაწილი გამომეყო, ნოშრევან ბეთანელის სკამზე დაბრძანებულა, მე ბნელში მამყოფებს. თავისი თავი კი ნათელით შეუუმოსავს, ცივად და დამცინავად მიღიმის ჩემი სულის ნაწილი და ანაანა კითხულობს ჩემი ცხოვრების წიგნს.

— დუმილს ირჩევ, ჯუანშერ? თავს ვერ იმართლებ? მკვლელებს; ქურდებს, მექრთამეებს; ხომ თავგამოდებით იცავ: მდგომარეობამ

აიძულა ეს მოქალაქე ექურდა, ქრთამი აეღო, კაცი მოეკლა, თორემ მისი შინაგანი ბუნება უმწიკვლოა, და მართლმსაჯულებას ვთხოვ, ეს გაითვალისწინოსო, — ასე არ ღალატობ? ახლა რატომ დამიჩუმდი?

პაუზა.

— გულში დასციინი და ვიფიქრო ამით ასამარებ სოლომონ ტყეშელაშვილს? ერიპაა, კარგად მიმყოფოს შენი თავი ღმერთმა და ამით ფონს ვერ გახვალ.

ვერაფერი ვუპასუხე და ნოშრევან ბეთანელის ლანდი ზედ მომეკრა, მხარზე მხარით გამეხახუნა, თავისი ცივი ხელი გულმკერდზე მიმომიტარა და არავინ გაიგონოსო, ყურზე მომადლო ცივი ბაგე:

— ლაჩარი ხარ, ჯუანშერ!

ახლა კი ავენთე, ლანდს ხელი ვკარი და ზეზე წამოვიკერ. არა; ასეთ შეურაცხყოფას მიცვალებულსაც ვერ ვაპატიებ!

ჩანს არ ავმდგარეარ და არც ხელი მიკრავს ნოშრევან ბეთანელის ლანდისათვის, ლანდს ცივი ბაგე ისევ ჩემს ყურზე ჰქონდა მოდებული.

— ლაჩარი! მიტომაც გადაიხადა იუბილე სოლომონ ტყეშელაშვილმა! ჰო, გულით ლაჩარი! — ხმას აუწია ლანდმა და დამარცვლა:

„რამეთუ გულისაგან გამოვლენ გულის სიტყვანი ბოროტნი, კაცის კვლანი, მრუშობანი, სიძვანი, პარვანი, ცილისწამებანი, გმობანი... ესენი არიან, შეაგინებენ კაცსა, ხოლო უბანელითა ხელითა ჰპაზა არა შეაგინებს კაცსა“...

გარშემო მიმოიხედა, მერე სუფრაზე დაძინებულ როსტომ ჯორჯაძეს დააცქერდა, მე რომ გამიღიმა, ისეთი ცივი ღმილით გაუღიმა; ხელი ჩაიქნია, ოდნავ შეირხა და ზურგი შემომაქცია.

— უჩემოდ მოეწყინებოდა ჩემს სამარესა... წავალ, აჰა, წავედი! მოვდივარ, არადეთო! აჰა, წამოვედი!..

და კარისკენ გააბიჯა. არავითარი ნაბიჯის ხმა. ნოშრევან ბეთანელის ისედაც მსუბუქმა ლანდმა კიდევ უფრო აიძულებუქა თავი და იატაკზე უხმანუროდ მიაბიჯებს. კართან შედგა, გაშომხედა და ნალვლიანად გამიღიმა, მერე თანდათან გაიწვრილა სხეული, ძალიან გაიწვრილა და კარის გაუღებლად გავიდა ოთახიდან.

ამოვისუნთქე და ოთახი შევათვალე, ლანდი სადმე ხომ არ მიიმალა-მეთქი, თვალი რომ ვერ შევაეღე, როგორღაც დავმშვიდდი, მაგრამ ნოშრევან ბეთანელის სკამს მაინც შიშით გავხედე — სკამი ცარიელია, თავთავის ადგილზე დევს ნოშრევანის თეფში, დანაჩანგალი, ღვინით სავსე ჭიქა, ხელსახოცი, მოუწვეელი სიგარეტი, და ახლა ამან დამწყვიტა გული. კარს გავხედე, ლანდი არ ჩანდა. თვალი რამდენჯერმე დავხუჭე და გავახილე, ხელითაც ამოვისრისე: თვა-

ლები... ნოშრევანის სკამი ცარიელია, შემეშინდა და ხმაბალა დავიყვირე:

— როსტომ, გაიღვიძე, როსტომ!

ჩემს შეძახილზე როსტომ, ჯორჯაძე არც შერბეულა.

ცხრა საათი შესრულებულა. ორი საათია როსტომ ჯორჯაძე და მესაღლეობო სუფრას ვუსხედვართ და ხელი არაფრისთვის დაგვიკარებია. მოსვლისას შედგებულ იყო როსტომ ჯორჯაძე, რიხით შემოიტანა კასრი, ხელიც ღონივრად ჩამომართვა, მერე როგორღაც მოეშვა, მოუსვენრად კი იყო. ხან მე გამომხედავდა, ხან ოთახს მოათვალიერებდა, ნოშრევანის დანა-ჩანგალს და თეფშს რომ დაატქერდებოდა, სახე მოედრუბლებოდა... ნოშრევან ბეთანელის ხმაზე რომ ალაპარაკდა, ეგებ ჩემსავით არადეთს ეწვია ფიქრით, წისქვილში მიმავალ ნოშრევანს შეეფეთა და ნოშრევანმა უსაყვედურა—ჩემს ოჯახს ერთხელ მაინც რატომ არ ჩამოაკითხეო, როსტომ ჯორჯაძემ თავის გასამართლებელი ვერაფერი მიუგო და დალონდა. ეგებ სამარბდან ნიკო ბეთანელის ხმამ ამოსძახა და იმ ხმამ მონუსხა და დაზაფრა? ჰო, დაზაფრულია როსტომ ჯორჯაძე, დაზაფრულია და ძინავს. ეძინოს.

სამზარეულოში გავედი, გაზქურა ავანთე, ნელ ცეცხლზე ტაფა დამდგი და ფერმის გრძელკანჭებიანი წიწილა გასაცხელებლად ტაფაზე დავატყეპე.

სამზარეულოს ფანჯარა გავაღე. თუ არა, შემომესმა — ლაჩარი. ლაჩარი! — დავიძაგრე და ეზოში გადავიხედე. ჩემი კარისმეზობლის თორმეტი წლის სანდალს ვიღაც ტონტორა ბიჭი ჩაებლუჯა და საჭიდაოდ ითრევედა, ის ტონტორა კი განზე მიიწევდა და დაძვრომას ლამობდა.

ფანჯარა მივხურე.

„გულით ლაჩარი! ტყეშელაშვილის იუბილე... ჰო, გულით ლაჩარი!“

ისევ შემომესმა და შევეკრთი.

ეს სანდალას. ხმა არ იყო,

არც ნოშრევან ბეთანელის ლანდისა,

ეტყობა, ჩემმა გულმა დამიძახა.

...ეს შარშან იყო, გაზაფხულზე, თუ არ ვცდები, აპრილის დასაწყისში. იმ დღეს, სამსახურის შემდეგ, უნივერსიტეტში ორი ლექცია წავიკითხე და შინ დაღლილი მოვედი. ისეთი გასავათებელი ვიყავი. ვერც კი ვისადილე, გავიშილიფე და ტახტზე გავიშობე.

ზარი.

წაუყურე. ზარი განმეორებით, ახლა უკვე გაბმულად რეკავს, სხვა რა გზაა, ზანტად ვლგები და კარს ვალებ, ჩემი ყოფილი სტუდენტია. გავიკვირე, შემატყო და მომიბოლიშა. შინ შევიწვიე, შემოვიდა, მაგრამ დაჯდომა არ მოისურვა:

— მაპატიეთ, ბატონო პროფესორო, მიცანით?

როგორღაც გავიხსენე. მაინცდამაინც ბეჯითი სტუდენტი არ იყრ.

რასაკვირველია, გიცანით.

— მაპატიეთ უდროო დროს მოსვლა.

— რისთვის გარჯილხართ? — ვიგრძენი, ცივად მომივიდა.

— პროფესორი სოლომონ ტყეშელაშვილი გაგეგონებათ?

— რა დაემართა? — ისე, სხვათა შორის ვკითხე.

ჩემი ყოფილი სტუდენტი რატომღაც გაწითლდა.

— გარდაიცვალა? — ჩავეკითხე მე.

ჩემი ყოფილი სტუდენტი შეკრთა, მერე, ცოტა არ იყოს, გაოცებულად ამხედ-დამხედა.

— რასა ბრძანებთ?!

— აბა, რაშია საქმე? — გავიკვირე მე.

— იუბილეს იხდის — თქვა ჩემმა ყოფილმა სტუდენტმა და ირონიულად გამიღიმა.

— იუბილეს იხდის?

— დიახ, სამოცი უსრულდება.

„სოლომონ ტყეშელაშვილი იუბილეს იხდის? რომელი მეცნიერი და მოღვაწე ეგა მყავს, იუბილეს გადახდა რომ მოუსურვებია?“

— მაშ, ბატონი სოლომონი იუბილეს იხდის? სასიამოვნო ამბავია, ფრიად სასიამოვნო, მივესალმები! მაგრამ... მგონი გეშლებათ! მგონი კი არა, ნამდვილად გეშლებათ! ბატონი სოლომონი ცოტათი ჩემზე ახალგაზრდაა და სამოცისა ჯერ მე არა ვარ! — დაბეჯითებით ვთქვი. ახლა მე გაუფლიმე ირონიულად ჩემს ყოფილ სტუდენტს და თითქოს ჩემი ნათქვამი დავადასტურეო, ჩაეახველე.

— მართალი ბრძანდებით, პროფესორო, მაგრამ საინიციატივო ჯგუფმა გადაწყვიტა ადრე დაიჭიროს თადარიგი, — რატომღაც რიხით თქვა ჩემმა ყოფილმა სტუდენტმა, მერე პორტფელი გახსნა, საქალაღდე ამოიღო, საქალაღდეღან — მანქანაზე გადაბეჭდილი ფურცლები და ჩემს საწერ მაგიდაზე გაშალა.

— ეს განცხადება წაიკითხეთ, პროფესორო, და ხელი მომიწერეთ! — მომეჩვენა, თითქოს მიბრძანა ჩემმა ყოფილმა სტუდენტმა.

— ჰოო, თადარიგი... მართალი ბრძანდებით, თადარიგის ადრე დაჭერა ურიგო როდია! — ვითომ ირონიულად ვთქვი მე.

ჩემმა ყოფილმა სტუდენტმა არაფერი მიპასუხა, ოღონდ ისეთ-

ნაირად გამიღიმა, მაგრძნობინა — კარგადაც ვიცი, გულზე არ გახატია სოლომონ ტყეშელაშვილი, მაგრამ ამ განცხადებაზე ზელს მაინც მოაწერო...

— განცხადება-წარდგინებაში წვრილად იყო მოთხრობილი სოლომონ ტყეშელაშვილის მდიდარი ბიოგრაფია. ერთი სტრიქონი დამარცხდებოდა ჩაებქდათ: სოლომონ ტყეშელაშვილი ორმოცი სამეცნიერო შრომის ავტორი გახლავთ. ამან, ცოტა არ იყოს, გამოაცხადა. დანამდვილებით ვიცი, პატივცემულმა სოლომონმა ნახევარი საუკუნე ისე მოითავა, ერთი მეცნიერული შრომაც არ დაუწერია, თუ მეცნიერულ შრომებად არ მივიჩნევთ სასამართლოს სხდომის ანგარიშებს, რომლებსაც ხანდახან სადამოს გაზეთებში აქვეყნებდა. ჩანს, ბოლო ათწლეულში დიდად უმარჯვია სოლომონ ტყეშელაშვილს და ყოველწლიურად ოთხ-ოთხი მეცნიერული შრომა უწერია და უქვეყნებია, ხოლო მის კოლეგას. ჭუნაშვილს გარსევანიშვილს, იმ ორმოცი მეცნიერული შრომიდან ერთიც არ წაუკითხავს!.. ბოდიში მომიხსენებია, პატივცემულო სოლომონ! ჭეშმარიტად დატუქსვის ღირსი ვარ, და აჰა, კიდევაც დამიტუქსავს თავი ჩემი...

განცხადება-წარდგინებას რამდენიმე ჩემი ნაცნობი პროფესორი აწერდა ზელს, ავიღე და მეც მოვაწერე.

ის განცხადება-წარდგინება ინსტიტუტის რექტორატს წარედგინა, მერე, საინიციატივო ჯგუფის ინიციატივით, ინსტიტუტის რექტორატმა სამინისტროს მიართვა არზა. სამინისტრომ ბრძანებით გააფორმა საიუბილეო კომისია. ბრძანებით გაფორმებულმა საიუბილეო კომისიამ, თავის მხრივ, შეიმუშავა და დაამტკიცა იუბილეს ჩატარების გეგმა და ძირითად მომხსენებლად გამოჰყო იურიდიულ მეცნიერებათა კანდიდატი, დოცენტი (ბოდიშს მოვიხსნი — დოცენტის სახელი და გვარი ვერ გამიხსენებია)... მერე პატივცემულმა სოლომონ ტყეშელაშვილმა, მომხსენებლისთვის შრომის გასაადვილებლად, ერთობ ვრცელი მოხსენება დაწერა პროფესორ სოლომონ ტყეშელაშვილის ფრიალ ნაყოფიერ სამეცნიერო-პედაგოგიურ მოღვაწეობაზე. მერე მოხსენება სტეკლოგრაფზე გადაამრავლა და საიუბილეო კომისიის სახელით დაუგზავნა მეცნიერებათა აკადემიას, ინსტიტუტებს, სამეცნიერო დაწესებულებებს, შემოქმედებით ორგანიზაციებს, გამოჩენილ მწერლებს და მეცნიერებს, ნათესავებს, მეგობრებს და ნაცნობებს. არც სამტრედიის და ჩოხატაურის რაიონის ხელმძღვანელობა დაივიწყა იუბილარმა, და მერე პირადად დალაშქრა ჩოხატაურის და სამტრედიის რაიონები, აქაოდა, ჩემი მშობლიური სოფელი ამჟამად სამტრედიის რაიონს თუ ეკუთვნის, აღრე ხომ ჩოხატაურის რაიონში მდებარეობდა და, ღმერთო კი

მომკალი, ჩოხატაურის რაიონმა რა დააშავაო. ამიტომაც იუბილარ-  
მა სამტრედიისა და ჩოხატაურის რაიონების მშრომელებს თანაბ-  
რად დართო იუბილეში მონაწილეობის ნება და ბანკეტისათვის სა-  
ჭირო სურსათ-სანოვაგე ორივე რაიონს თანაბრად შეაწერა.

საზეიმო სხდომაზე და ბანკეტზე ბევრი ვიჭორავეთ და ბევ-  
რზე ბევრი ანეკდოტი გავიხსენეთ პატივცემული სოლომონ ტყეშე-  
ლაშვილის სამეცნიერო-პედაგოგიურ მოღვაწეობაზე. ბევრი ვიცი-  
ნეთ და ვიხარხარეთ, მაგრამ მომხსენებელს, მისმალმებელთ, საღ-  
ღეგრძელოს წარმომთქმელთ ტაშს ბეჯითად ეუკრავდით და მოწო-  
ნების დასტურად ხმამაღლა გავიძახოდით — „ბრაუო... ბრაუო!“...

შეცხელებულმა ფერმის გრძელკანკებიანმა წიწილამ სამხარე-  
ულოში უსიამო სუნი დააყენა. ფანჯარა გაუღღე. წიწილას წვრილად  
დაქრილი ხახვი მოვაყარე და ტყემლის წვენი დაეახი, ეგებ სუნი  
ცოტათი მაინც გაუნელდეს-მეთქი.

...როსტომი უკვე აღარ ხვრინავდა, თვლემით კი თვლემდა.

— რატომ არაფერს ჰამ, როსტომ? — ხმამაღლა ვთქვი და შე-  
ცხელებული წიწილა წინ დავუღდე.

როსტომი შეკრთა, დაბნეულად გამომხედა, მერე თანდათან გა-  
მოფხიზლდა, ნოშრევან ბეთანელის თეფშიდან შოთიპურის ყუა  
აიღო, შუაზე გატეხა და ნახევარი მე მომწოდა.

გამოვართვი.

როსტომ ჯორჯაძეს ხელები უცახცახებს. ეგებ ჩემი ხელებიც  
ცახცახებენ? ჩემს ხელებს დავაკვირდი, — არა, ჩემი ხელები არ  
ცახცახებენ, მე ყოჩაღად ვარ.

— ღღეს ცუდი თამადა ხარ, — ისე, სხვათა შორის თქვა როს-  
ტომმა, დოქს დაავლო ხელი და თავისი და ნოშრევანის კიკები შე-  
ავსო.

ჩემს კიქას დავხედე, საესე იყო, ავიღე და უსიტყვოდ შევსვი.  
როსტომმა მეც შემივსო კიქა.

ჰო, სამოციანელები გავხდით, სადღეობო სუფრას ვუსხედ-  
ვართ, ერთმანეთისთვის სათქმელი ბევრი გვაქვს და ვერაფერი გვი-  
თქვამს. ადრე გარდაცვლილი, მეგობარი ვადღეგრძელებთ. ვითომ  
ვადღეგრძელებთ? ჰო, თითო ხმელი სიტყვა ვუთხარით და ამით  
ყველაფერი მორჩა... ფანჯარა ღიაა და მაინც სულისშემხუთველი  
ჰაერია ოთახში, გულს ამძიმებს ეს ჰაერი.

როსტომმა ჯერ ნოშრევანის კიქა გამოცალა, მერე თავისი და  
აღდა.

წასვლას აპირებს-მეთქი, ვიფიქრე და შეწყინა.

— სინათლეს ჩავაქრობ, — ხმადაბლა, მორჩილად თქვა როს-

ჯომმა, — რაღაც არ მსიამოვნებს სინათლე, მეტყუილება და თვალსა შპრის.

ჩემი პასუხისთვის არ დაუტყდა, სინათლე ჩააქრო, სიბნელეში ჟრთხილი ნაბიჯებით შემოუარა სუფრას და — ფანჯარასთან ახლოს, სავარძელში ჩაესვენა. ფანჯარას საიდანღაც მკრთალი სინათლე ეთამაშებდა, ის მკრთალი სინათლე ოდნავ უნათებს სახეს როსტომ ჯორჯაძეს და მისი სახე თითქოს თეთრ ბურუსში გახვეულა.

კარგა ხანს მარტო ვიყავი სუფრაზე, მერე მეუხერხულა, სასაცილოდაც მეჩვენა ჩემი თავი, ავდექი და როსტომის გვერდით სავარძელში ჩავჯექი.

— ცუდად ხომ არა ხარ, როსტომ?

— ვიცი, როსტომს არ სძინავს, ჩემი ხმა გაიგონა, მაგრამ არ გამომეპასუხა. ეტყობა, გაწყვეტილი ფიქრი მოიბრუნა, გაამთელა, შიშობს ფიქრი ხელახლა არ გაუწყდეს და იმიტომაც არ გამცა ხმა.

...გაწყობილი სუფრა სიბნელეში მიიპარება. ნოშრევან ბეთანელი არადეთში გაბრუნებულა, როსტომ ჯორჯაძე მამადავითის აღმართს შესდგომია, თითქოს არც მე ვარ შინ და ჩემი ბინა დაცარიელებულა. სინათლე გაპარულა ჩემი ბინიდან, სადღეობოდ გაწყობილი სუფრა გაპარულა, კარადები, კედლის სკაათი, ჯამ-ჭურჭელი და სავარძლები გაცვენილან ოთახიდან, მარტო კედლები დარჩენილა, უსახო, შიშველი კედლები, დაკეტილი კარი, სიციარილე.

ნეტავი ვინმე მოვიდოდეს და ზარს ჩამორეკდეს, შლეგივით მიექრებოდი კართან და, სულერთია ვინც იქნებოდა, ჩავეჭიდებოდი, შინ შემოვიყვანდი, შევეხმიანებოდი, სინათლეს ავანთებდი და სიციცხლე დაუბრუნდებოდა ჩემს ბინას.

მძიმე ყოფილა სამოცი წელი!

ბევრი ჭირ-ვარამი, ბევრი ჭიდილი, დაკარგული მეგობრები, დამძიმებული გული...

გამომეძახე ნოშრევან ბეთანელო!

აკი, ჩუდავ, როსტომ ჯორჯაძემ სადღეობო სუფრა მიგვიტოვა, სავარძელში ჩაბრძანებულა და თვლემს, სიბნელეში თვლემს როსტომ ჯორჯაძე და მისი ბურუსში გახვეული სახე ისე იღიმება, თითქოს სამიენი გემზე ვისხდეთ და ოდესაში მივმგზავრებოდეთ. პო. ისიკბუე დაგვბრუნებია ჩვენ, სტუდენტები ვართ, ზღვისპირას ღსეირნობთ და ზღვაში ჩამავალ მზეს თეთრ კენჭებს ვესვრით.

ჩვენი პირველი სადღეობო სუფრა გამახსენდა:

ხავსიანი ლოდი, ძეხვი, პური, ერთი ბოთლი ღვინო.

იმ ერთი ბოთლიდან მორჩესად ვსვამდით ერთმანეთის სადღეგრძელოს და ვმღეროდით, მთელი საღამო ვმღეროდით და ვიცი-



ნოდით... ჩვენ მაშინ უეშმაკონი ვიყავით და გულწრფელი სიცილით ვიციოდით.

ოდესაც ჩვენი დაბადების დღეა, — ნოშრევან ბეთანელი, როსტომ ჯორჯაძე და ჯუანშერ გარსევანიშვილი სამოციანელები გაბდნენ. ჰოდა, ეს საზეიმო სუფრა მე გაგიწყვეთ, ღვინო როსტომ ჯორჯაძემ მოგვითანა, თამადალა ჰირდება ჩვენს სუფრას, სადღეგრძელოები და სიმღერა, და ამ საზეიმო სუფრის თამადად შენ დამინიშნისხარ, ნოშრევან. აჰა, სასმისებიც შეეავსე, ფეხზე წამოდექით; ბატონო თამადა, ბრძანეთ სადღეგრძელო...

ხავსიანი ლოდი. ძეხვი. პური. ერთი ბოთლი ღვინო. სიმღერა და სიცილი. მყუდრო ბინა. გაწყობილი სუფრა. სიჩუმე. თელემა.

### თ ა ვ ი პ ი რ ვ ე ლ ი

ჩვენ წელს დაეამთავრეთ თბილისის ვაჟთა გიმნაზია.

ახლა სექტემბრის დამდგია, ვზივართ „პეტროლოვორეცზე“ და ოდესაში მივემგზავრებით.

ნორვეგიელებს ოცი წლის წინათ აუგიათ „პეტროლოვორეცია“, გეგონებათ კი, ზღვაში დღეს ჩაუშვესო: თეთრი გემია, ისეთი თეთრი, ჩრდილსაც რომ არ გამოაფენს.

1. რომელი წელი გახლავთ ეს წელი?

2. ვინ ხართ, ბატონებო, თქვენ?

3. და რატომ მიემგზავრებით ოდესაში?

ბუნებრივია, იკითხავს განათლებული მკითხველი. ეს კითხვები, ჩემი ღრმა ჩრწმენით, არსებითია და მე სიამოვნებით ვაკმაყოფილებ განათლებული მკითხველის ცნობისმოყვარეობას:

1. ეს წელი გახლავთ ათას ცხრაას ცამეტი წელი..

2. ჩვენ: ნოშრევან ბეთანელი, როსტომ ჯორჯაძე, ჯუანშერ გარსევანიშვილი. — ე. ი. მე.

3. უმაღლესი ცოდნის საზიარებლად მივემგზავრებით ოდესაში.

რატომ მაინცდამაინც ოდესაში გაემგზავრეთ უმაღლესი ცოდნის საზიარებლად და არა მოსკოვსა და პეტერბურგში — შესაძლოა ასეთი კითხვაც დაებადოს განათლებულ მკითხველს. ჩემი ღრმა ჩრწმენით, ეს კითხვა არაა არსებითი, მაგრამ მე ხატრს ვერ გავუტეხ განათლებულ მკითხველს და ვუპასუხებ ამ, ე. წ. არაარსებით კითხვაზეც:

იმ დროს, ე. ი. როცა ნოშრევან ბეთანელი, როსტომ ჯორჯაძე და მე ოდესაში გაემგზავრეთ უმაღლესი ცოდნის საზიარებლად, ოდესის უნივერსიტეტი ტოლს არ უდებდა მოსკოვის და პეტერ-

ბურგის უნივერსიტეტებს და გასათვალისწინებელია ისიც, რომ თბილისიდან ოდესამდე მგზავრობა უფრო მოსახერხებელი იყო, ვიდრე მოსკოვამდე და პეტერბურგამდე მგზავრობა.

წყალი არ გაუვა, დასაბუთებული პასუხია და დარწმუნებული ვარ, ჩემთან ერთად, მკითხველიც ფრიად კმაყოფილი დარჩა.

როსტომ ჯორჯაძე ბუნებისმეტყველების (ახლანდელი გამოთქმით აგრონომიულ) ფაკულტეტზე ისწავლის, ნოშრევან ბეთანელი და მე — იურიდიულზე.

გიმნაზია კი დაგიმთავრებიათ, მაგრამ საკითხავია, როგორ დაამთავრეთო, ვიცი, აუცილებლად იკითხავს განათლებული მკითხველი და ახლავე ვუპასუხებ:

როსტომ ჯორჯაძე ყველა საგანს ჩინებულად სწავლობდა, განსაკუთრებით სიბრძნისმეტყველებას, იყო საოცარი მანიპულატორი და სიტყვათა შეუღლების დიდოსტატი.

ნოშრევან ბეთანელმა გიმნაზია სიმღერისა და მსახიობობის წყალობით დაამთავრა. ჭეშმარიტად შეუღარებელი მსახიობი იყო რუსულ პიესაში რომ ითამაშებდა, ნამდვილი რუსი გეგონებოდათ, ხოლო ქართულად ისე მეტყველებდა, მთელი დარბაზი დაპყრობილი ჰყავდა. არა, მას გიმნაზიაში ტოლი არ ჰყოლია. წარმოიდგინეთ, თვით ლაღო მესხიშვილმა სთხოვა, ქართული დასის რამდენიმე წარმოდგენაში ეთამაშა, თვითონაც ყაბულს იყო, მაგრამ გიმნაზიის ადმინისტრაციამ ნება არ დართო, თან არადეთიდან მამამისი ჩამოეჭრა და კინალამ სახრით არა სცემა.

მე როგორ დავამთავრე? გიმნაზიის მასწავლებლები მეტწილად ჩვენი ოჯახის მეგობრები იყვნენ და ეს ჩვენი ოჯახის მეგობრები, ყოველ შაბათ საღამოს, გარდა იშვიათი გამონაკლისისა, ჩვენსას იკრიბებოდნენ, იმართებოდა კულტურული ღონისძიებები: წარმოთქვამდნენ პატრიოტულ სადღეგრძელოებს, მღეროდნენ, ცეკვავდნენ, თამაშობდნენ ბანქოს და მე რხინ-რხინით გადავდიოდი კლასიდან კლასში.

რატომ გაიკვირვებ?

ახლა რომ შედიხართ ინსტიტუტში, კურსიდან კურსზე რომ გადადიხართ, როცა ამთავრებთ ინსტიტუტს, ფიზკულტურა, ცეკვა-სიმღერა და ნაცნობ-ნათესაობა ცოტათი მაინც ხომ გშველით? ჰოდა, რაღაც ამის მსგავსი ან ამის მსგავსის მსგავსი იმ დროსაც იყო...

უნივერსიტეტში შესასვლელად, ახლანდელივით, გამოცდები როდი იყო, ჩასაბარებელი, — დაამთავრებდი გიმნაზიას და თუ მოისურვებდი უნივერსიტეტში შესვლას, კარი ღია იყო. სწავლა

ში კი არბევითარა შეღავათი! თუ დროზე არ ჩააბარებდი საგნებს, უბოდიშოდ მიგარიცხავდნენ.

პოდა, ნოშრევეან ბეთანელმა, როსტომ ჯორჯაძემ და მე მიეწერეთ ოდესის უნივერსიტეტის რექტორს: თბილისის. გიმნაზია დავამთავრეთ, საჭირო საბუთებს გაახლებთ და თქვენს უნივერსიტეტში ჩავვიცხეთო. შემოგვითვალა ოდესის უნივერსიტეტის რექტორმა — ჩარიცხული ხართ და ჩამობრძანდითო. ვზოვართ ახლა „პეტროდვორეცზე“ და ოდესაში მივემგზავრებით.

ჩვენ სამადგილიანი კაიუტა გვიკავია, ჩვენი კაიუტის მომიჯნავე კაიუტა ორადგილიანია და იმ ორადგილიან კაიუტაში ერთი. მგზავრია — გაქართველებული ბერძენი პოლიხრონ იაკიმიდი. პატივეცემულმა პოლიხრონმა ერთი ღერი ბერძნული არ იცის. ქართულს მეგრულად უქცევს და ფრიად საფუძელიანად ასწორებს რუსული ენის გრამატიკას.

მომხიბვლელი და ლამაზი კაცია. შავ-შავი, მაღალი და ჩასუქებული, დანაოქებული შუბლი, სულ ოდნავ შევერცხლილი ხუჭუჭი თმა, სქელი ტუჩები, ძალიან თეთრი კბილები. თურმე პატივეცემული პოლიხრონი ძალიან ხმამაღლა ხვრინავს, თან ერთობ მორიდებული გახლავთ და ვინმე რომ არ შეაწუნოს, თუ მატარებლით მგზავრობს, მთელ კუპეს იკავებს, თუ გემით — კაიუტას.

გემზე მეუღლემ და სამმა ვაჟიშვილმა ამოაცილეს პოლიხრონი. ბიჭები ჩასუქებული და ჯანიანი იყვნენ, საბრალო მეუღლე კი სიფრიფანა, ისეთი სიფრიფანა და მეწეწინა, ხელისგულზე რომ დაგესვათ, სიმძიმეს ვერ იგრძნობდით.

მესამეჯერ რომ დაიკვილა „პეტროდვორეცმა“ და ნავსადგურს მოსცილდა, პატივეცემულმა პოლიხრონმა შარვლის ჯიბიდან ბაი-რალიჯით ფართო, ჭრელი: ცხვირსახოცი ამოიღო და დაუქნია მეუღლესა და ვაჟიშვილებს, მერე ხმამაღლა დაუძახა, მშვიდობითო. მერე ცხვირსახოცი სახისაკენ წაიღო და პატივეცემული პოლიხრონის თვალებში რალაც ცრემლისმავგარი დაეინახე.

ორიოდე მილი გამოვცურეთ და პოლიხრონმა კაიუტაში შეგვიწვია.

სუფრა გაეწყო: ნამცხვარი. ხილი. სარაჯიშვილის კონიაკი. სადილობამდე ცოტა პირი გავისველოთო, — ღიმილით თქვა და ჭიქები კონიაკით შეავსო.

დავიმორცხვეთ და შემოგვითია: თქვენ განათლებული ყმაწვილები ჩანხართ, მაგრამ მე ბეყეირათი არ გეგონოთ, ბიძიკობო, და ზედიზედ ორ-ორი ჭიქა კონიაკი შეგვასვა.

გავთამამდით და მესამე და მეოთხე ჭიქა შეუპატივებლად შევსვით.

— კონტრაქტორ ვორექმე, — რიხით თქვა პატივეცემულმა პოლიხრონმა და ჭიკები ხელახლა შეავსო.

— კონტრაქტორ? — ჰკითხა როსტომმა, მხრები აიწურა და თავი გააქან-გამოაქანა, ვერ გავიგო.

— ნანდული კონტრაქტორ! — გახმეორა პოლიხრონმა, პორტფელიდან მაგარყდიანი პატარა დავთარი ამოიღო, გადაშალა და ფურცელს მსუქანი საჩვენებელი თითი დაადო. — ჰოდა, კონტრაქტორ!

პაუზა.

— წაიკითხე! ხომ ქართულად სწერია? — თქვა და დავთარზე დაიხარა. — ა, თავში ჩაქვი სწერია. მერე? — თავი მალღა აიღო პოლიხრონმა, დავთარს თვალი მოარიდა და ამაყად თქვა: — შერე ქობულეთი სწერია, მერე გონიო და ბოლოში სარფი. ახლა ჩაქვს დამიხედე! ნახე ხომ? ასთოთხმეტი! ჰო, ჩაქვში ასთოთხმეტი ოჯახი მყავს; ლიმონი რამდენი მიწერია? შეიდას ოცი, ნანდულად შეიდას ოცია! ყოველი ძირიდან ოცდახუთი ლიმონი ჩემია. გავამრავლოთ ახლა შეიდას ოცი ოცდახუთზე, რას მივიღებთ: იქვე სწერია — თვრამეტ ათასს! წყალი არ გაუვა, ნანდულად ამდენია. — ახლა გონიო ნახე! — ისევე ამაყად თქვა პოლიხრონმა და როსტომს მხარზე დაუთათუნა ხელი. — არა, გონიო არა, სარფი ნახე, რამდენი სწერია?

როსტომთან ერთად ნოშრევანიც და მეც დავაცქერდით დავთარს.

პაუზა.

— გიკვირთ, არა? ხართ ნამყოფი გონიოსა და სარფში? არ ხართ და იმიტომაც გიკვირთ. გონიოსა და სარფში ცაცხვისოდენა ფორთოხლის და ლიმონის ხეებია, ჰოდა, ეს ხეები აგერ მიწერია ჩემს დავთარში. ჩავალ ახლა მე ოდესაში, დაუვლებ კონტრაქტს ოდესეღ ვაჭრებს, გამოვართმევ ბეს, წამოვიღებ ფულს, ჩავალ ჩაქვში, ქობულეთში, გონიოში, სარფში და ლიმონის და ფორთოხლის მოსავალს წინასწარ შევისყიდო. შეხედეთ; — ხმა დაიბოხა პოლიხრონმა: — ფორთოხლისა და ლიმონის უმწითლარი ნაყოფი ჯერ ხეზე ასხია და პატრონს უკვე გაყიდული აქვს და მყიდველს შესყიდული. ა, აქ ვარ მე — კონტრაქტორ! სამივე მოგებული ვართ — გამყიდველი, მყიდველი და შუამავალი... დასწიფდება ლიმონი და ფორთოხალი, მოკრეფენ, ჩააწყობენ ყუთებში, მერე აგერ გემი, აგერ მე და ჰაიდა, ოდესაში... ა, ეს არის კონტრაქტორი. ძნელი საქმე კია, ეს ოხერი!

პოლიხრონმა დავთარი გამოართვა როსტომს, დახურა, სათუთად გადაუსვა ხელი და პორტფელში ჩადო.

— ზეპირად ვიცი ჩემი, დავთარი მე, — ღიმილით თქვა და კი-  
ქები ისევ შეავსო.

ჩვენ წამოვდექით.

— ერთი კიდეც და გაგიშვებთ, — თქვა პოლიხრონმა და თვი-  
თონაც ადგა. — კონიაკი და სადღეგრძელო — არა, მაგრამ ერთი  
მაინც მათქმევინეთ — ოჯახი დამილოცეთ, ჩემი შეუღლე და ჩემი  
ბიჭები დამილოცეთ. მე ძალიან მიყვარს ჩემი მეუღლე და ჩემი  
შვილები. თქვენც რომ დაქორწინდებით და მერე შვილები შეგე-  
ძინებათ, თქვენც ასე შეგიყვარდებათ მეუღლე და შვილები. მეუღ-  
ლეს გაუფრთხილდით, მამაკაცები ძლიერნი ვართ, ქალები სუს-  
ტები, ძლიერებმა სუსტები არ უნდა დაეჩაგროთ, ოჯახს არ ელა-  
ტება... — და რაღაც ცრემლისმაგვარი დავინახე პატივცემული  
პოლიხრონის თვალში.

...შუადღეა.

ნოშრევანმა ვითომ წიგნი წაიღო წასაკითხად და გემბანის ყუ-  
რეში მიიმალა, ნამდვილად კი ოცნებაში ცურავს და ნუ გაიკვირ-  
ვებთ, ცაშიაც ფრენდეს... როსტომი ისევ პოლიხრონთანაა და მჯე-  
რა, პოლიხრონ იაკიმისი, ფილოსოფიურად ფრიად გაწვრთნილი  
ჩაბრძანდება ოდესაში და იგი ამიერიდან სხვაგვარი თვალთ შე-  
ხედავს სამყაროს, სხვაგვარად აღიქვამს სინამდვილეს, და ბევრ-  
დღემდე მოუგვარებელ საქმეს იოლად მოაგვარებს. მააშ, ასეთი  
ძალა აქვს ფილოსოფიას, ასეთი ძლიერი და შეუპოვარია ფი-  
ლოსოფიით აღჭურვილი ადამიანი.

კუბეში მარტო ვარ, ვთვლემ, მაგრამ ვერ ვიძინებ და ერთობ-  
ბრძნული აზრები მიტრიალებს თავში. ვიცი, შედეგები მხო-  
ლოდ და მხოლოდ ასეთ ვითარებაში შეუქმნიათ შემოქმედთ. ხელ-  
ჩანთიდან ვიღებ ჩემი ჩანაწერების რვეულს და ვიწყებ ჩემი მე-  
გობრების პორტრეტების ხატვას.

მკითხველს გამოვეუტყდები: ახლა რომ ვაქვეყნებ, ასეთნაირად  
როდი მქონდა ჩაწერილი ჩემი დღიურების რვეულში. ახლა მკი-  
თხველისათვის ოდნავ მოსაწონად თუ ვწერ, ეს ნაყოფია იმ დიდი,  
ღრმა და ფუნდამენტური ცოდნისა, რომელიც მე ოდესის უნი-  
ვერსიტეტმა მიწყალობა; არანაკლები ცოდნა და გამოცდილება  
შემძინა იუსტიციის სამინისტროში მუშაობამაც. ყურიც მქონდა  
მოკრული — გამოჩენილი მწერლები თავიანთი ნაწარმოებების  
პირვანდელ ვარიანტს რამდენჯერმე შეცვლიან, გადაამუშავენ  
და გადასწერენო. იმათი წაბაძვით მეც ასე მოვიმოქმედე და შე-  
დევი ხელთა გვაქვს: ახლა რომ ტექსტს გთავაზობთ, ჩემი რომა-  
ნის ბოლო ვარიანტია.

როსტომ ჯორჯაძის პორტრეტისათვის:

როსტომ ჯორჯაძის უმთავრესი ფილოსოფიური აზრები:

1. „ჩემი გასაკეთებელი საქმე სხვას რომ გავაკეთებინე, გული მეტკინა. მე რომ გავაკეთე, წელი მეტკინა, სჯობია მე გავაკეთო და წელი მეტკინოს“.

2. „ყველაფერი ნაადრევი სჯობია, გარდა სიკვდილისა, ზოგერთი კაცის სიკვდილი ნაადრევი სჯობია“.

3. „ცოლს შეირთავ, ინანებ, არ შეირთავ, ინანებ. სჯობია შეირთო და ინანო“.

მაგრამ მეგობრებსა და ამხანაგებში ფილოსოფიით მაინცდამაინც ვერ გაითქვა სახელი როსტომ ჯორჯაძემ. ამის მიზეზი, ჩემი ღრმა რწმენით, უთუოდ ის გახლდათ, რომ გიმნაზიელთა ზოგადი განათლების დონე შედარებით დაბალი იყო და ჩვენ ვერ ჩაწვდით როსტომ ჯორჯაძის გამონათქვამების სიბრძნეს. სანაცვლოდ მისმა კომპოზიტებმა საყოველთაო აღიარება ჰპოვა, დიდადაც გაუთქვა სახელი და წარმოიდგინეთ, მასწავლებლებიც კი ალაფრთოვანა.

გთავაზობთ როსტომ ჯორჯაძის რამდენიმე კომპოზიტს:

„მონებრი“ — მონაზონი და ბერი. (დააკვირდით, როგორი ოსტატობითაა ორი სიტყვა შეუღლებული!)

„წვიმქარი“ — წვიმა და ქარი. ამ კომპოზიტზე ნოშრევან ბეთანელი აუხიარდა, — შესანიშნავი კომპოზიტი გაქვს „ქარწვიმა“ და ეს „წვიმქარი“ საიდან მოიტანეო. როსტომი არ დაეთანხმა, დაბოლოება „რი“ უფრო უღერს, ვიდრე „მა“-ო. მაშინ სხვაგვარი მოუტრიალდა ნოშრევანი: ჯერ ქარი დაიქროლებს და წვიმა მერე წამოვაო, ამიტომაც ჯერ ქარი უნდა იყოს კომპოზიტში და მერე წვიმაო. ძალიანაც უკაცრავად ბრძანდებო, ბრძანა როსტომმა, — კახეთში, ალაზნის ქალებში, ჩემს სოფელ საბუეში ჯერ წვიმა წამოუშნაპუნებს და ქარი მერე დაუქროლებსო, და თავისი გაიტანა — „წვიმქარი“ დატოვა.

„მონკაე“ — ეს ფრიად სიცოცხლისუნარიანი და განვითარებადი კომპოზიტი გამოდგა, დროთა ვითარებაში მას მიემატა ჯერ „ში“, მერე ამ „შის“ მიემატა „რი“ და ახლა სრულიად ბუნებრივად და სასიამოდ უღერს: — „მონკაეშირი“. როსტომს კი თავის კომპოზიტებში ყველაზე უფრო მაინც „სახგუთ“ (სახნის-გუთანი) მოსწონდა, ჩემი ღრმა რწმენით კი, „სახგუთს“ ოდნავადაც არ ჩამოუყარდება კომპოზიტი, რომელიც როსტომმა ჩვენი ფოთში წაბრძანების პირველსავე საათებში შექმნა — „გემკაე“ — გემის კაპიტანი.

ბევრი, ძალიან ბევრი კომპოზიტი შექმნა როსტომ ჯორჯაძემ, მისი კომპოზიტები სწრაფად გავრცელდა ხალხში, გავრცელდა და.

მაგრადაც მოიკიდა ფეხი, თანამედროვე მწერლები და ლიტერატურის მკვლევარი ჯარბადაც. მოიშველიებენ როსტომ ჯორჯაძის კომპოზიტებს, მაგრამ რატომღაც სქოლიოშიაც კი არ მოიხსენიებენ ამ იშვიათი კომპოზიტების შემქმნელსა და დამამკვიდრებელს... სირცხვილია!

როსტომ ჯორჯაძე — მანიპულატორი.

ამას მე ცოცხლად წარმოგიდგინო:

ცხელა. „პეტროდვორეცის“ მგზავრები გემბანის მოაჯირთან დგანან და სოკის სანაპიროს გასცქერიან. გემბანის შუაგულში ქილის მსუბუქი სავარძლებია ჩამწკრივებული. ჩემი კაიუტიდან ვხედავ — ასე ოცდაორი, ოცდაოთხი წლის ქალიშვილი ზის სავარძელში. მზემოკიდებული ლამაზი სახე, თეთრი კაბა, ძალიან ღრმა დეკოლტე, შეღერებული მკერდი. თავი ოდნავ ჩაუქინდრავს, მუხლებზე წიგნი უდევს და კითხულობს.

ახლა მე პარტიცემული პოლიხრონის კაიუტიდან გამოვიყვან როსტომ ჯორჯაძეს, ნელი, გამოზომილი ნაბიჯებით გავასეირნებ გემბანზე, ხოლო როცა ქალიშვილს მიუუახლოვებ, ნაბიჯს კიდევ უფრო შევანელებინებ, მერე, ვითომ სხვათა შორის, ქალიშვილის გვერდით დავსვამ. შესაძლოა, ეს ცოტა უხერხულიც იყოს, მაგრამ მე ასე მჭირდება.

ქალიშვილი თავს ისე დაიჭერს, თითქოს ვერ შეაქჩნია, რომ მის გვერდით ყმაწვილკაცი დაჯდა. როსტომიც ვითომ...

შეხედეთ, გამოხმობა არ დამჭირდა. როსტომი თვითონ გამოვიდა პარტიცემული პოლიხრონის კაიუტიდან, გემბანს მოავლო თვალი და სწორედ ნელი, გამოზომილი ნაბიჯებით ქალიშვილისაკენ წავიდა. აი, მიუახლოვდა ქალიშვილს, ნაბიჯი შეანელა და ქალიშვილის გვერდით სავარძელში ჩაჯდა.

როსტომს ხალათის ჯიბიდან პაპიროსის ღერი და ასანთი ამოაქვს და ქალიშვილს ეკითხება:

— შეიძლება მოვწიო?

ქალიშვილი კუშტად გამოხედავს.

როსტომი ხელმეორედ ეკითხება.

— თქვენი ნებაა, — ცივად უპასუხებს ქალიშვილი.

— გნებავთ ფოკუსი გაჩვენოთ?

ქალიშვილი შეიშმუშნა, მაგრამ, ეტყობა, მოეწონა როსტომის სითამამე და გაუღიმა; და როსტომის მარჯვენა ხელისგულზე ძალიან პატარა, მაგრამ ძალიან წვერწამახული ჯიბის დანა გაჩნდა.

— გასინჯეთ! — თქვა როსტომმა და მარჯვენა ხელისგული ქალიშვილის მკერდს მიუახლოვა.

ქალიშვილმა საჩვენებელი თითით მოსინჯა დანისპირი.

— ბასრია?

— ძალიან ბასრია.

როსტომმა დანა პირთან მიიტანა და ქალიშვილი გაოცებულად შეაქცერდა როსტომს.

მერე როსტომმა პირი ფართოდ გააღო, დანისწვერი ენისწვერზე დაიდო, ჰაერი ღრმად შეისუნთქა. დანა გადაყლაპა, პირი დამუწა და ქალიშვილს ხელით ანიშნა, თვალელებში მიეჭირეთ. როსტომმა ხელები მუცელზე შემოიწყობ და მუცელი მოისრისა, მერე ხელები თანდათან ამოაყოლა მკერდს. მკერდიც მოისრისა, ბოლოს კისერზე წაიჭირა ხელები, პირი გააღო, ხმამაღლა დაიძახა „ხაპ“ და დანა ქალიშვილის ფეხებთან იატაკში ჩაეჭრა.

...მერე როსტომმა ქალიშვილს მკლავი გაუყარა და რესტორანში მიიწვია, რესტორანში კიდევ მრავალი ფოკუსით აოცებს როსტომი ქალიშვილს, მაგრამ მე ეს რომანისათვის არ მჭირდება.

ასეთი გულდია კაცი გახლავთ ჩემი მეგობარი როსტომ ჯორჯაძე, ფიქრი სახეზე აწერია და იოლად ეკითხულობ.

ნოშრევან ბეთანელის პორტრეტისათვის:

ჩემი მეორე მეგობარი ნოშრევან ბეთანელი კი... მე პირდაპირ მაოცებს მისი ხასიათი, მაოცებს რომელია, — ვშიშობ, ჭკუიდან არ შემშალოს.

აგერ ათი წელია ვმეგობრობთ და გული ერთხელაც არ გადაუხსნია ჩემთვის, გამესაუბრება და აშკარად ვგრძნობ — გულში ერთს ფიქრობს, სიტყვით მეორეს მეუბნება, ხოლო ფიქრი მისი კიდევ სხვას ფიქრობს. სულსაა აყოლილი. აყოლილი კი არა, დამორჩილებულია სულს და სულიც გაორებული აქვს. ის მეორე სული გულის სიღრმეში აქვს შემალული და აი მეორე სული რასაც ფიქრობს, მეგობრებს კი არა, თავისთავსაც არ უმხვლს.

თბილისიდან გამომგზავრების წინა დღეს, საღამოხანს, შინ მეწვია ნოშრევანი, გამომცდელად ამათვალისწინებ, ჩამათვალისწინებ, მერე ვითომ გამიღიმა და სავარძელში მძიმედ ჩაჯდა.

— მაშ, მიღიხარო ოდესაში? — ყრუდ თქვა და თვალი აშარქა.

ეს მოულოდნელი იყო ჩემთვის. სამივეს მატარებლის ბილეთები აღებული გვაქვს... სამი დღის წინ რომ ჩამოვიდა არადეთიდან, მშობლებისგან სახარჯოდ გამოტანებული ფული მე მომბაბრა, ის ფული ჩემს ხელჩანთაში დევს და ახლა მეკითხება, ოდესაში მიღიხარო?

არაფერი მივუგე.

— მაშ, მიღიხარო? — სავარძლიდან ადგა, გაიარა-გამოიარა, ფანჯარა გამოაღო და ხმამაღლა, მაირამ მე რომ გამეგონა, ისე



თქვა: — „ჩემი ცხოვრების გზა გავლიე და სიკვდილს ველოდები“.

„ოჰო, ანანიას სიტყვები! როლს იზეპირებს, ეტყობა, თეატრში იწყებს მუშაობას ნოშრევან ბეთანელი“, გავიფიქრე მე.

— „განა დაგვიწყდა, სიკვდილო, ჩემი მისამართი?“ — ახლა ხმამაღლა თქვა და ნამდვილად დამცინავად გამიღიმა.

გული მომივიდა და ზურგი შევაქციე.

— ანანია სცენაზე ითამაშე! აქ შენ ნოშრევანი ხარ! — თითქმის შევუყვირე.

— ეგ სიმართლეა! გარსევანიშვილის ბინაში ნოშრევანია, ანანია კი შორსაა ჩვენგან: ოდესაშია ახლა ანანია და თქვენ გელოდებათ. — დარწმუნებით თქვა, მომიახლოვდა, მხარზე ხელი დამადო, შემომამტრიალა და ისეთნაირად გამიღიმა, გამოგიტყდებით, შეეშინდი.

— გაცნობა ოდესას ანანია. ნახავს, რა უნივერსიტეტიცაა ოდესის უნივერსიტეტი და ამავეს დაგახვედრებთ. — ფანჯრის მინაზე მარჯვენა ხელის საჩვენებელი თითით რალაც მოხაზა და მერე ისეთნაირად შემომხედა, თითქოს მიჯავრდებოდა, რატომ არა იჯერა, რასაც გეუბნებიო.

— რისთვის მიღიხართ ოდესაში თქვენ? — რიხით მკითხა.

გავიკვირვე და მხრები ავიჩიჩე.

— ჰო, რისთვის მიღიხართ? — ჩამკითხა.

— განა შენ არ იცი?

ბაუზა.

— დიხაც ვიცი! სასწავლებლად მიღიხართ შენ და როსტომი ოდესაში. როსტომი წინაპართა გზას ადგას და ბუნებისმეტყველებას შეისწავლის. შენც მამაშენის კვალს მიჰყვები, იურისპრუდენციას შეისწავლი და გახდები სასამართლოს მოხელე.

— მოსამართლე! — შევეუსწორე მე.

— ერთი და იგივეა! — ხმას აუწია ნოშრევანმა. — გახდები სასამართლოს მოხელე და საქმეს გაარჩევ, საბუთებს მოიძიებ, დაპკითხავ მომჩივანს და მოპასუხეს, მერე ასწონ-დასწონი და გამოიტან განაჩენს, და ღმერთმა იცის, რამდენად სწორი იქნება შენი განაჩენი... ანანიას კი არ სჭირდება საბუთები! მომჩივანსა და მოპასუხეს პირდაპირ სულში ჩახედავს და შეუმცდარად დაადგენს, ვინაა მარჯალი და ვინ დამნაშავე. მე სიმართლეს გეუბნები, ჭუნაშერ, რასაც შენ და მე ოდესის უნივერსიტეტში შევისწავლით, ის უკვე იცის ანანიამ და ანანიას სული ჩემში ზის.

როლში შევიდა. მე თითქოს თეატრში ვარ, ოღონდ დარბაზში მარტო ვზივარ, სცენაზეც მარტოდმარტო ნოშრევან ბეთანელია. ანანიას უღალი ჩოხა ჩაუცვამს ნოშრევანს, წვეკრი მოუშვია, თვალე-

ზი დაუხუჭავს და მე მაინც მხედავს, პირი მაგრად მოუკუმავს და მაინც მესმის მისი სიტყვები:

— ჭუნშერ გარსევანიშვილს დანაშაული შეუნდებ, ყოვლად-  
ძლიერო! მან საბუთები მოიძია, ის საბუთები ყალბი იყო და დამ-  
ნაშავე გაამართლა და მართალი დაადანაშაულა... აჰა, თქვენი სა-  
მართალი! ანანია კი... სულში ჩაჩედავს აღამიანს ანანია და უტ-  
ფუარად შეიცნობს, რა კაციც ბრძანდება! ანანიას სული ჩემშია,  
ანანიას თვალთ იხედება ჩემი თვალი და მე არ მოვდივარ ოდეს-  
საში...

დედაჩემი შემოვიდა ოთახში და ნოსრევანი უცებ დაცხრა.  
დედაჩემს ხელზე ეამბორა, მოუბოდიშა: ზმამდლა ვლაპარაკობდი,  
უთუოდ შეგაწუხებთ და მაპატიეთო.

დედაჩემმა ჩაიხე მიგვიწვია.

— ზვალ როსტომიც და შენც ადრე მოხვალთ ჩვენსას, აქ ისა-  
ღილებთ და გზას დაგილოცავთ, — თქვა დედაჩემმა და ჩაი დაგ-  
ვისხა.

მინდოდა დედაჩემისათვის მეთქვა, ნოსრევანი ოდესაში აღარ  
მოღის-მეთქი, მაგრამ ნოსრევანმა ისეთი თვალებით შემომხედა,  
მომნუსხა. თან ტუჩზე მიიღო ხელი, მანიშნა, არაფერი თქვაო.

ნოსრევანმა წასვლა რომ დააპირა, მე ჩემს ოთახში შევედი,  
ხელჩანთა მოვიძიე და ნოსრევანის მიერ მობარებული ფული ჭი-  
ბეში ჩავიდე. სადარბაზომდე ჩამოვაცილე.

— აჰა, შენი ფული! — ცივად ვთქვი მე და ფული გავუწოდე.

— ეს ვითომ რატომაო? — გაიკვირვა.

— შენ ხომ არ მოღიხარ ოდესაში, დაიბრუნე შენი ფული! —  
ისევ ცივად ვთქვი მე.

— სიტრუეა! ანანიამ თქვა, ოდესაში არ წამოვალო, ნოსრევან  
ზეთანელი კი ზვალ მიღის ოდესაში! — რიხით თქვა და მხარზე  
დამკრა ხელი, ხელამდეთ, დაიბუხუნა და ჩქარი ნაბიჯებით წა-  
ვიდა.

...აი ჭხლაც, გემბანის ყურეში ჩრდილი უპოვნია, იატაკზე დამ-  
ჯდარა, პირი მოუკუმავს და თვალები მიულულავს, ვითომ ცის  
დასალიერს გასცქერის და სულის ფიქრი გაულადებია. ნოსრევან  
ზეთანელი ცალკეა, მისი სულის ფიქრი ცალკე; ის სული ყველა-  
ფერს ხედავს, ყოველივეს შეიცნობს და დანამდვილებით ვიცი,  
ღმერთს ეუბნება: „ჩემი ცხოვრების გზა გავლიე, დავავიწყდა ჩემ-  
თვის სიკვდრლის გამოგზავნა? როდის, ჰა, როდის გამომიგზავნი  
სიკვდილს?!“

თვალს ოდნავ გაახელს, ბურუსივით მოეჩვენება ქვეყანა, უფ-  
რო გაახელს თვალს და ზღვას დაინახავს, ზღვის სანაპიროს, მწვა-

ნეში ჩადგმულ თეთრ სახლებს, ყურს მოჰკრავს თოლიების ეი-  
ეის, ნათელი ჩაუდგება სულში, თვალს ისევ მილულავს და ახლა  
ასე შეევედრება ღმერთს: „მალე კი არ გამომიგზავნო სიკვდილი,  
ყოვლადძლიერო! ჭერ დაღვინება მაცაღე, მერე ცოლს შევირთავ,  
ძე შემეძინება, ჩემს ძეს დაეტოვებ ჩემი ფიქრის შემკვიდრედ და  
მაშინ გამომიგზავნე სიკვდილი! ლალად მოგვედები, ღიმილით მოვ-  
კვდები, რადგან ძე ჩემი გააგრძელებს ფიქრს ჩემსას და მის ფიქრ-  
ში ვიცოცხლებ მე...“

მერე ისევ ოღნავ გაახელს თვალს და ისევ ბურუსივით მოეჩ-  
ვენება ქვეყანა, მერე... მაგრამ ცოლოა ნოშრევანი, ახლავე მივალ  
მასთან და გამოვაფხიზლებ.

კაიუტიდან გამოვედი. გემბანი გავიარე, უხმაურო ნაბიჯებით  
მივუახლოვდი და მხარზე ფრთხილად დავადე ხელი. როგორღაც  
მიხვდა, რომ მე ვიყავი, ოღნავაღაც არ გაიოცა, არც ამოხვდა,  
ისე თქვა:

— რაო, ვითომ გამომაფხიზლე? ვითომ ფიქრმა მიმაძინა და  
შენ გამომაფხიზლე? შენ გგონია, ჩემი ფიქრით ცაში ვფრენდი და  
ღმერთს ვეჩურჩულებოდი? არაფერიც!

მარად აღვა, თვალეებზე ხელები მოისვა და გამიღიმა.

— აბა, სად იყავ? — ჩავკითხე და მეც გაუღიამე.

— არადეთში. ჰო, ჩემს სოფელში ვიყავი. საღამო ხანი იყო,  
დედაჩემმა ჭიშკარი გააღო და ძროხა ეზოში შემოუშვა, სამზადის  
სვეტზე მიბმულმა ხბომ აიწყვიტა და ჭიქანში შეუვარდა ძრო-  
ხას, დედაჩემი არ გაუჭაერდა ხბოს. შია, მოწოვოს და გაიხაროსო,  
გულში თქვა დედაჩემმა და მე აქ გავიგონე. ღიად დარჩენილ  
ჭიშკარში შეუბრუნვლად შემოვიდა მამაჩემი და წარბები შეჰყარა:

— გამოშტერიდი, დედაკაცო? — დაიქუხა მამაჩემმა.

დედაჩემმა ჭერ ქულად გამოხედა მამაჩემს და მერე გაუღიმა:

— ჰიი, ადამიანო, ხბოსა შია და გაიხაროს, ჰა, არ გაიხაროს,  
მამე?

მამაჩემს გულმოსვლა გაუნელდა. მაგრამ წარბები მაინც არ  
გახსნა, საუღლედ მოტანილი მორჩილი მორი მოლზე დააგდო,  
ზურგი შეაქცია დედაჩემს და სამზადში შეაბიჯა... მერე შენ მხარ-  
ზე დამადე ხელი და ფიქრი გამექცა...

თვალეებში ჩავხედე და ვირწმუნე, რომ ნოშრევანი ნამდვილად  
არადეთში იყო.

მე გულში ბოდიში მოვუხადე ნოშრევანს და ვიგრძენი, ნოშ-  
რევანმა შემინდო.

...ნოშრევანის ფიქრი ვერ ამომიკითხავს. თორემ სხვისი ფიქ-  
რის შეუმცდარად ამოკითხვა დიახაც შემიძლია. მამაჩემი მარტო

იურიისტი როდი იყო, ფსიქოლოგიც გახლდათ. იურიისტი, რომელმაც ადამიანის ფსიქოლოგია არ იცის, ბრმააო, ამბობდა მამაჩემი და... ქმაწვილობიდანვე ბევრი ფსიქოლოგიური სიბრძნე შემაგონა. მანვე შემასწავლა სხვისი ფიქრის ამოკითხვა: იშვიათია ადამიანი ზუსტად იმას ამბობდეს, რასაც გულში ფიქრობსო, — ეს უკვე დამტკიცებული ჰქონდა მამაჩემს, ჰოდა, ეს სხვადასხვაობა სიტყვისა და გულის ფიქრისა აირეკლება თვალში. ეს თითქოს შეუმჩნეველია, მაგრამ თუ ჩემსავით დაოსტატდებით, იმ შეუმჩნეველს შეამჩნევთ და სხვისი ფიქრი ერთხელ თუ ამოიკითხეთ...

ბებიაჩემი ანასტასია ოთხმოცდათექვსმეტი წლისა მიიცივალა, მე შინ კალთაში გაეიზარდე, დედაჩემზე უფრო მეალერსებოდა ბებია ანასტასია და, ბუნებრივია, მისმა სიკვდილმა დიდად დამალონა. ჩემი ყველაფერი მოსწონდა ბებიაჩემს, ოღონდ ჩვენი კარის მეზობლის ვაჟთან, ჩემს თანაკლასელ სანდალასთან თამაშს მიკრძალავდა. რატომღაც გულზე არ ეხატა და სანდალაც გრძნობდა ამას. ყოველ საღამოს, დაძინების წინ, ბებიაჩემი ყურში ჩამიჩურჩულებდა, დღეს იმ ღვთისგარეგანთან ხომ არ გითამაშიაო, და შეც ყოველთვის ერთსა და იმავეს ვპასუხობდი — არა-მეთქი. ბებია ანასტასიას სახე გაებადრებოდა, — ნურც ნურასოდეს ითამაშებო. — დაყვავებით მეტყოდა და შუბლზე მაკოცებდა.

ჰოდა, ეს ჩემი თანაკლასელი სანდალა, ბებია ანასტასია რომ მიიცივალა, აგარაკად იყო წაყვანილი. აგარაკიდან ჩამოსვლის დღესვე მომინახულა და ვითომ დიდად დანაღვლიანებულმა მომისამძიმრა.

თვალეში შევაკქერდი, მიეუხვდი, გულში იღიმებოდა და აქენთე.

— ვითომ მართლა დაგწყდა გული? — ვკითხე და უფრო ჩავაკქერდი თვალეში.

— ძალიან, — თქვა სანდალამ, მზერა ამარიდა და თავი დახარა.

— სტყური! გულში სხვა რამეს ფიქრობ... გრცხვენოდეს! — დარწმუნებით და ძალიან ხმამაღლა ვთქვი.

სანდალა გაწითლდა, თავდახრილივე შეტრიალდა და გაიქცა.

მაშინ მე თოთხმეტი წლისა ვიყავი და ვირწმუნე, რომ უკვე შეუმეცდარად შემეძლო სხვისი ფიქრის ამოკითხვა. ახლა? ახლა თვალში ჩახედვაც არ მჭირდება, ხმაზე ამოვიკითხავ ხოლმე სხვისი გულის ფიქრს... ჰოდა, ზოგიერთი ჩემი ამხანაგი და მეგობარი პირში რომ მეღიმილება და გულში სხვანაირად ღიღინებს, იმისი გულის ნაღიღინევი მე ხელისგულზე მიწვრია და მაინც თავი ისე მიჭირავს, თითქოს ვერწმუნები.

გულში არც მე ვრჩები და ეს ჩემი მეგობარი, თავისი ფიქ-

რით, ცაში რომ ფრენს, მე მას მიწაზედაც არ ვალოლებ და ხალხში არ მიწერია. იგი აინუნშიაც არ არის, გულში ვერ ჩამხედავს და კიდევაც რომ ჩამხედოს, რა ფასი ექნება? მას ხომ არ შეუძლია სხვისი ფიქრის წაკითხვა! მე კი კარგად მიმოყოფოს თქვენი თავი ღმერთმა.

სადილობის დროა, — შემოგვესმა პატივცემული პოლიხრონის ხმა. პოლიხრონს პირი გაუპარსავს, ახალი პერანგი ჩაუცვამს, სახეზე ღიმილი დასთამაშებს და შეღერებულია.

— როსტომი სად არის? — იკითხა პოლიხრონმა და გარშემო მიმოიხედა.

— რესტორანში ბრძანდება, — ვთქვი მე.

— ჰოდა, ჩვენც წავიდეთ, — ბრძანა პატივცემულმა პოლიხრონმა და ნოშრევანს და მე მკლავებში გამოგვლო ზელები.

— როსტომი დიდი მეცნიერი დადგება, — დარწმუნებით თქვა პატივცემულმა პოლიხრონმა და ისედაც ნელი ნაბიჯი უფრო შეგვანელებინა, — ნანდულად დიდი მეცნიერი: მერცხალმა ასწავლა ადამიანს სახლის აგებაო, მითხრა როსტომმა და მეც დავემოწმე, ნანდულია და იმიტომ დავემოწმე. როგორაა შეკრული მერცხლის ბუდე, ჰა! არაა გასაკვირი? ღია „კარი“ აქვს მერცხლის ბუდეს და როგორადაც არ უნდა იქროლოს ქარმა, იმ ღია კარში ვერ ჩაიჭრება. არაა გასაკვირი? ადამიანს ქსოვა ობობამ ასწავლაო და მეც დავემოწმე. კაი ოსტატი მქსოველები ვერ ქსოვენ ობობასავით, ესეც ნანდულია და დავემოწმე; სიმღერა ადამიანს ბუბუბულმა ასწავლაო, აუუ, ნანდულზე ნანდულია! ჰოდა. ახალგაზრდა კაცმა ყველაფერი ეს რომ იცის, ახლა კიდევ რომ ისწავლის და ისწავლის... დიდი, დიდი მეცნიერი უზრდება საქართველოს...

...ნასადილევს ბატონი პოლიხრონი ძილისთვის განეწყო, ნოშრევანმა — თავი მტკივა და მეც დაეიძინებო, როსტომი ფოკუსების მოყვარულმა ქალებმა გაიტაცეს, მგზაურების ნაწილი რესტორანში ზის, ნაწილი კაიუტებში. შეკეტილა და გემბანზე მე მართო ვარ. მშვიდია ზღვა, მეალერსება სექტემბრის მზე, ლალად მიცურავს გემი, არა, გემი კი არ მიცურავს, თითქოს ზღვის სანაპირო მიცურავს; „პეტროდვორეცი“ და მე ერთ ადგილზე ვდგავართ, სანაპირო კი მიცურავს, მიცურავენ ჩინარები, ფიჭვები, ქადრები და ალვის ხეები, — მე და „პეტროდვორეცი“ ვდგავართ გაშლილ ზღვაში; ზღვის სანაპირო კი მიცურავს, გამოჩნდება მწვანეში ჩადგმული თეთრი სახლები, მერე ისევ მოეფარება თვალს, მერე ისევ გამოჩნდება. ხანდახან რაღაც ძახილისმაგვარი

ჩამესმის ყურში, უთუოდ სანაპიროდან მეხმიანებიან — რა ბედნიერი ხარ, აგრე ლაღად რომ მიცურავ გაშლილ ზღვაშიო.

ჰოდა, მალლა ღმერთია, დაბლა მე, მე მემორჩილება ყოველივე და ყველაფერი, ხელსაც ვერავინ დამაქარებს, მწადია მზეში ღვომა და ვდგავარ...

— მოქალაქე! — ბოხი ხმა შემომესმა.

სახე ხელისგულებით მოვიჩრდილე. ჩემს წინ გემკაპი იდგა (ნახეთ, როგორ გამომადგა როსტომ ჭორჯაძის კომპოზიტი). გავუღიმიე. გემკაპმა თითი დამიქნია და დამცინავად გამიღიმა.

— მოქალაქე, მზეზე ასე დიდხანს ღვომა საშიშია.

— მე კი მსიამოვნებს მზეში ღვომა! — ვითომ ნიშნისმოგებით მიუვგე გემკაპს და სახე ისევ მზეს მიუშვირე.

— მოქალაქე, — ხმას აუწვია, გემკაპმა, — თქვენ რომ მზემ დაგკრათ და მოკვდეთ, მე პასუხს არავინ შრომთხოვს, მაგრამ მე არ მსიამოვნებს, როცა ჩემს გემზე უბედურება დატრიალდება. ახლავე შეაფარეთ თავი ჩრდილს! — ბოლო სიტყვები ბრძანებდასავით თქვა გემკაპმა და მაგრძნობინა, აქ კანონმდებელი მე გახლავართო...

გული ჩამწყდა, კაიუტაში შევიძურწე და გაქრა. ჩემთვის მზეც, ზღვაც, ზღვის სანაპიროც და მწვეანეში ჩადგმული თეთრი სახლებიც.

...და ოდესაში ისე ჩავედით, საგულისხმო არაფერი მომხდარა „პეტროდვორეცზე“, გარდა იმისა, რომ პატივცემულმა პოლიზრონმა ერთხელ კიდევ მიგვრწვია თავის კაიუტაში, კარგადიც გაგვიმასპინძლდა და საფუძელიანად დაგვარიგა, როგორ მოექცეულიყავით ოდესაში.

ოდესის ნავსადგურში ისეთი დიდი გემები იდგა, „პეტროდვორეცი“ კატარღასავით გამოჩნდა, მაგრამ ეს ოდნავ არ შეიძინია „პეტროდვორეცმა“, ზედიზედ სამჯერ გაბმულად და ძალიან ხმამაღლა დაიყვირა. ამაყად ჩაუარა წოწოლიკა გემებს და ზუსტად გრაფიკის მიხედვით, დილის ცხრა საათსა და ოცდახუთ წუთზე, ჩაუშვა ღუზა.

ოდნავ ნისლიანი დილა.

ეგებ ვცდები.

შესაძლოა ეს იყო რაღაც ბურუსის მაგვარი, ზღვისპირს დილით რომ დაეფინება. მალე თვალდახელშეუა გარცრიცა ეს ბურუსი თუ ნისლი და „პეტროდვორეცის“ გემბანიდანაც დავინახეთ ოდესის დიდი ნაწილი:

შემადლებული სანაპირო.

თეთრად შეფეთქილი სახლები.

ეკლესიების მზინავე გუმბათები.

ტრაპი ჩაჰკიდეს და დამხვდურნი ამოვიდნენ გემზე. ჩვენ არავინ გვხვდება და არც ჩვენ ვჩქარობთ. მამაჩემმა ოდესეღ კოლეგასთან გამოგვატანა ბარათი (მისამართი ზეპირად მახსოვს — პუშკინის ქუჩა № 7, ვადიმ ზალატარიოვი), ის ბარათი ხელჩანთაში მიღვეს და თავს არხეინად ვგრძნობ. შესაძლოა უართაც გამოგვისტუმროს ზალატარიოვმა, მაგრამ ოდესა ამხელა ქალაქი ყოფილა და ვინმეს შევეყვედლებით.

— ახლა არ დაიბნეთ, ჯიმაიებო! — დაგვარიგა პოლიხრონმა, — გახედეთ, ეგერ, — ხელი ნავსადგურის პატარა მოედნისაკენ გაიშვირა, — ხალხი რომ დგას საპატიო, ყარაულივით, ბინის გამჭირავებლები არიან, ყველა თავის სახლს აქებს, არ აჩქარდეთ და წინასწარ არ გაურიგდეთ, ჯერ სახლები მოინახულეთ, ჰოდა, ასე! დაგემშვიდობებით ახლა მე...

სწორედ ამ დროს, გემბანზე ფარფაშა ქალი ამოიჭრა: მაღალი, სასტე მკერდი, მზემოკიდებული ღიმილიანი სახე, დახვეული ქერა თმა, მაღალი კისერი, საოცრად ცნობისმოყვარე თვალები. იმ საოცრად ცნობისმოყვარე თვალებმა უმაღვე იპოვნეს პოლიხრონი. ეს ფრიად სახიერი მანდილოსანი ჩვენსკენ გამოქანდა და დამშეული ხბო რომ დაეტაკება ჯიქანს, ისე დაეტაკა პატივცემულ პოლიხრონს, ჩაეხვია და ჩაჰკოცნა.

ჰკოცნიდა, იცინოდა, ტიროდა.

მერე როგორღაც გაითავისუფლა თავი პოლიხრონმა, ჩვენ დარცხვენილად შეგვათვალეირა, ქალს მკლავი გამოსდო და ტრაპისკენ წაიყვანა. მიწას რომ დაადგეს ფეხი, ხალხისაგან განაჯ პირდნენ და ისეე ჩაეხვიენენ ერთმანეთს და ახლა უკვე აღარ მორცხვობდა პატივცემული პოლიხრონი — მკლავები ზურგზე ღონივრად შემოაჭდო ქალს, მისი ათქვირებული მკერდი მკერდზე მიიწება, კისერი, ლოყები, შუბლი, თვალები და ხვეული თმა დაუკოცნა. მერე, ეტყობა, დაცხრნენ და მჭუბუჭი ნაბიჯით წავიდნენ.

...ბინის გამჭირავებელთა საპატიო ყარაულში უმეტესობა დედაბრები და ბერიკაცები იყვნენ. პატივცემულმა პოლიხრონმა რომ ბრძანა, ყველა თავის სახლს აქებსო, ტყუილი გამოდგან, არავითარი ჩამიჩუმი!

წინ მე მივდივარ, მამაჩემის წერილი ჩემს ხელჩანთაში დევს და ეგებ ამიტომაც მგონია, რომ მასპინძელი მე ვარ. მე ნოშრევაინი მომყვება, ბოლოში როსტომი ქოღის.

ის იყო, ბინის გამჭირავებელთა საპატიო ყარაულის ბოლოში გავედით და მოკრძალებული ხმა შემოგვეცხმა:

— ბინას ზომ არ ინებებდით?

სამივენი ერთდროულად შევლექით.

ჩვენ წინ გოგონა იდგა, ასე თხუთმეტი წლისა, ოდნავ გამ-  
ზღარი, მაგრამ მკვრივი სხეული. მოკლესახელოებიანი თეთრი კაბა  
და თეთრი წაღები ეცვა. თავდახრილი იდგა და თვალების ფერი  
ვერ დაეინახე.

სამივენი ბეჯითად მივაჩერდით ქალიშვილს. მან უთუოდ იგრ-  
ძნო ეს და შემოგვხედა, დაიმორცხვა და სახეზე სიწითლემ გადაჰ-  
კრა.

მე ძალიან მომეწონა ქალიშვილი და ჩემი ხელჩანთა მიწაზე  
დავდე. ნოშრევანმა და როსტომმაც მიწაზე დადეს ხელჩანთები.

— ქართველს ჰგავს. — ჩურჩულით თქვა როსტომმა და მე შე-  
მომხედა. მე მხრები ავიჩეჩე.

— თქვენი სახელი, ქალიშვილო? — ნოშრევანმა ჰკითხა.

— ანა, — ხმადაბლა თქვა ქალიშვილმა და რატომღაც თვალი  
მე გამისწორა.

„კი, მართლა ჰგავს ქართველს“, — გულში ვთქვი მე.

— ვიცნობდეთ ერთმანეთს, — ნოშრევანმა წინ წადგა ნაბიჯი  
და ანას. ხელი ჩამოართვა.

— სტუდენტები ხართ? — იკითხა ანამ და გაგვიღიმა.

— ვიქნებით! — ამაყად ვთქვი, მეც წავდგი ნაბიჯი წინ და  
ანას ხელი ჩამოვართვი, როსტომს თვითონ ანამ გაუწოდა ხელი.  
პაუზა.

— ბინა კარგი გაქვთ? — ვითომ გაუშინაურდა ნოშრევანი და  
ანას მხარზე მსუბუქად დაადო ხელი. ანა შეეკრთა, განზე გადგა  
ნაბიჯი და ნოშრევანის ხელი შეუმჩნეველად ჩამოიშორა.

— ჩვენ სახლი გვიდგას!

— მერე და კარგია თქვენი სახლი? — რატომღაც გაჯაერებით  
ჩაჰკითხა ნოშრევანმა.

— მოგეწონებათ! — ამაყად თქვა ანამ.

— მართალი უბრძანებია პატივცემულ პოლიხრონს, ყველა  
თავის სახლს აქებსო, — ხმადაბლა ჩაილაპარაკა როსტომმა და  
ხელჩანთა აიღო.

— წავედით! — ვთქვი და ხელჩანთა ავიდე.

— მე კი ანას გავყვები, — გადაჰკრით თქვა ნოშრევანმა და  
წელით მეეტლეს მოუხმო.

„ეს ნოშრევანი ასე რამ აამჩატა? — ვთქვი გულში, ნოშრე-  
ვანს თვალებში შევატყერდი და ცოტა არ იყოს, ხმამაღლა შევეუ-  
ძახე:

— რაო, გვეყრები?



— რატომ? სამივენი წავიღეთ ანას 'სახლში. ეტყობა უჭირს, ცოდოა...

ანას შეეხედე, ისევ თავდახრილი იდგა და შემებრალა.

ეტლიც მოგვადგა და ჩავსხედით.

ანა კოფოზე აიჭრა.

მსუბუქად მიგვარწევს ეტლი და ვღუშვართ:

„სად მივდივართ? ვისთან მივდივართ?“ — გავივლე გულში და ნოშრევანი მიმიხვდა.

— არ მოგეწონებათ და შენ და როსტომი ზალატარიოვთან წაბრძანდით, მე კი ანასთან დავრჩები.

ანა ჩვენსკენ შემოტრიალდა.

— ჩენი სახლი ზღვასთან ახლოსაა, — ამაყად თქვა და გაგვიღიმა.

— უნივერსიტეტთან? — ვკითხე მე.

— არც ისე შორს...

„ამბობს, ჩენი სახლი ზღვასთან ახლოსააო, ეტლი კი გვაშორებს და გვაშორებს ნავსადგურს და ზღვას“, — გავივლე გულში და სწორედ ამ დროს ეტლმა მარცხნივ მოუხვია, პატარა ქუჩა გაიარა, ისევ მარცხნივ მოუხვია და ზღვისკენ აიღო გეზი.

— შინ ბევრი ხართ? — როსტომმა ჰკითხა.

• — დედაჩემი და მე.

— მამა?

— მამა? — როგორღაც გაიკვირვა ანამ. შეეკრთა, ღიმილი ბაგზე შეაკვდა და ზურგი შემოგვაქცია.

— აკი ვთქვი, უჭირს და ცოდოა-მეთქი, — ჩურჩულით თქვა ნოშრევანმა.

ანამ ნაღვლიანად შემოგვხედა.

— მამაჩემი მეზღვაური იყო... — თვალეზზე ცრემლი მოადგა, სადაცაა ატირდება-მეთქი, გავიფიქრე, მაგრამ თავი შეიკავა — მეზღვაური იყო. ოდესიდან ფოთამდე დაცურავდა მისი გემი. სატიერთო გემი იყო, მარგანეცს ეზიდებოდა ფოთიდან, მე პატარა ვიყავი... — ახლა კი ვერ შეიკავა თავი, ლოყები დაეცრემლა, შერცხვა, სახე მოგვარიდა და დაჩუქმა.

„ცოდოა, ნამდვილად ცოდოა, მაგრამ რა სახლის პატრონი იქნებ ეს ობოლი გოგონა?..“ — გავიფიქრე გულში. ნოშრევანმა შემომხედა, ახლაც მიმიხვდა და მხარზე დამკრა ხელი.

— ისეთი კობტა გოგონაა, დარწმუნებული. ვარ, სახლიც კარგი უდგას.

„სხვისი ფიქრის ამოკითხვა შეუმცდარად შემიძლია და ნოშრევანის ფიქრი ვერ ამომიკითხავს, ეს კი გულში გაფიქრება ვერ

მომისწრია .და უმაღლ მიმიხვდება... ჰო, აკი დაიტრახება — შენ შეისწავლი იურისპრუდენციას და სასამართლოს მოხელე გახდები, ჩაუკირკიტდები საბუთებს და საქმეს სწორად მაინც ვერ განსჯიო, ანანია კი სულში ჩახედავს ადამიანს და უმაღლვე მიუხვდება, მართალია თუ დამნაშავე.... და ანანიას სული ჩემში ზისო...“

ნოშრევანმა ისევ დამკრა ხელი მხარზე, თვალეში ჩამხედა და მაგრძნობინა, ახლაც მიგიხვდი, რაც გულში გაიფიქრეო, მაგრამ არაფერი თქვა.

ეტლმა ზღვის სანაპირო ქუჩაზე გაგვიყვანა. ზღვა მართლაც რომ ახლოსაა, დიდი-დიდი სამასი ნაბიჯი თუ იქნება ზღვამდე. ქუჩის ერთ მხარეზე სახლებია ჩამწკრივებული, თეთრი სახლები, ეზოები პატარაა, მაგრამ მაინც ეზო ეთქმის. ეს ეზოები მწვანედ შეღებილი დაბალი მესერიითაა შემოკავეებული, კიშკრები კი თეთრი უკიდით ეზოებს. ლამაზი სანახავია და თვალს ახარებს.

ეტლი გაჩერდა.

ანა კოფოდან გადმოხტა, პატარა თეთრი კიშკარი ბოლომდე გააღო და დედაო, ხმამალა დაიძახა.

მოლიანი ეზო, ათიოდე ძირი შებერებული ვაშლის ხე, ეზოს ყურეში, სახლის გვერდით, პატარა ბოსტანი.

თეთრი ქვით მკვრივად ნაშენი ორსართულიანი სახლი.

ანას დედა ღიმილით გამოგვეგება, თითქოს გველოდა და ჩვენი მოსვლით გაიხარა.

ავგხედ-დაგვხედა, სათითაოდ ჩამოგვართვა ხელი, გვარი და სახელები გვკითხა; როცა მიხვდა, ქართველები ვიყავით, ანას კისერზე გამოდო ხელი და თავისკენ მიიზიდა, — ჩვენი გვარი ლოგინოვიანო, მე ვასილიანა მქეიანო, ჩემს ქალიშვილს კი ანაო, — დამარცვლით თქვა და გაიღიმა. ჩემი სახელის გამოთქმა გაუძნელდა და გამიღიმა, მე კი მის გაღიმებულ სახეზე სევდა ამოვიკითხე, გულში ღრმად ჩამჯდარი სევდა.

პირველ სართულზე დავბინავდით.

ვრცელი აივანი, ორი დიდი ოთახი, არც ისე ღარიბულად გაწყობილი. განიერი ტახტები, რბილი ავეჯი, კედლებში დატანებული წიგნის კარადები. სასადილო ოთახში წითელი აგურის ბუხარი.

ნასაუზმევს ცოტა დავისვენეთ და მერე ანამ პლაჟზე წაგვიყვანა.

— ყველა სახლს თავისი ქოლგა აქვს, აი, ის, ცისფერი ქოლგა ჩვენია, — თქვა ანამ და გაიქცა, ჯერ ნოშრევანი გაედევნა, მერე როსტომი, მერე მე. ქოლგის ჩრდილში დავსხსა — თქვენ დღეს ნუ იბანავენბო, — დავგარიგა, თვითონ ხალათი უცებ გაიხადა, ზღვა-

სთან რომ მივიდა, შედგა, მერე ძალიან მაღლა ახტა და ჩაყვინთა. სულ ცოტა ოცდაათი ნაბიჯი მაინც გასცურა წყალქვეშ, თავი რომ ამოჰყო, ჩვენ გამოგვხედა, ხელი დაგვიქნია და წყალზე პირალმა გაწვა. კარგჯ ხანს იტიტივია, მერე ჯერ მარცხენა ფეხი აღმართა, მერე მარჯვენა, მერე ფეხები ერთმანეთს მიატყუპა და წყალზე ნახევარი ტანით გაწვა. ძალიან ლამაზი სანახავი იყო. ხელი დაგვიქნია — ნახვამდისო და ჩაყვინთა. ძალიან ღრმად ჩაყვინთა, შევშინდით, ნოშრევანი ჩვენზე უფრო შეშინდა, წამოდგა და ზღვისკენ გააბიჯა, და ის იყო ანაც ამოსრიალდა. ნოშრევანმა რაღაც შესძახა და გაგვიღიმა, მერე ანას დაუძახა, გეყოფა, ამოდით. ანა კი ისევე პირალმა გაწვა, მარცხენა ფეხის ტერფი მარჯვენა ხელში მოიმწყყვია, მარჯვენა ფეხის ტერფი მარცხენა ხელში და ასე მორგვევით შეკრული დატრიალდა და დატრიალდა, წყალი ისე ააშხეფა, გეგონებოდათ, ზღვაში პატარა შადრევანმა ამოხეთქაო. მერე ყირაზე დადგა და ისე დატრიალდა, თითქოს ღერძზეა ჩამოკიდებულიო — წამიდან წამზე ანას ხან ფეხები იყო წყალზევით, ხან ზედატანი და ხელები. როგორც იყო, შედგა, ხელი დაგვიქნია, გაგვიღიმა და ნაპირისკენ თევზით გაშოსრიალდა.

სექტემბერი ისე მიიწურა, ერთხელაც არ წამოუწვიმია. ასეთი სექტემბერი ჯერ არ მახსოვსო, გვითხრა ვასილისამ, კარგი ფეხისა ყოფილხართ, ღმერთმა აგაშენათო.

ქალბატონი ვასილისა მქარგველია. მამაკაცის ხალათებს, ქალეზის კაბებს და პერანგებს ქარგავს და მუშტარი გამოულეველი ჰყავს. ეს პატარა ანა თხუთმეტი წლისა რომ მეგონა, ჩვიდმეტი წლისა ბრძანებულა. ბავშვური სახე კი აქვს. მუსიკალური სასწავლებლის ფორტეპიანოს კლასი დაუმთავრებია, ახლა მოწაფეები დაუდის სახლში და თან მოსკოვის კონსერვატორიაში შესასწავლელად ემზადება. ქართულის შესწავლას დაეწაფა ანა, ნოშრევანი ასწავლის. დილით რომ ჩამოგვიქროლებს, დილა მშვიდობისაო, გვეტყვის და გაგვიღიმებს. სალამოს ზედა აივნიდან ჩამოგვძახებს ძი-ლი ნ-ე-მი-საო, ორი სტრიქონი ლექსიც იცის:

ბერსა აქვს ბერის სურვილი,  
მაგრამ გამგები ვინ არის?

ნოშრევანმა თბილისში შეთვალა, „დედაენა“ და „ბუნებისკარი“ გამომიგზავნეთო, მალე მიიღებს და დარწმუნებული ვარ, ანას საფუძვლიანად შეასწავლის ქართულს. ანა და ნოშრევანი ზედასართულის აივანზე ან ეზოში განაპირდებიან, ვასილისაც იქვე

ტრიალებს, — ეგებ ვასილისასაც სწადია ქართულის შესწავლა? ეგებ... არ ვიცი!

ჩვენი საქმე ოდესაში ჩინებულად აეწყო. უნივერსიტეტში სიყვარულით მიგვიღეს, კარგ ოჯახშიც დავბინავდით, საღამოობით, როცა დრო გვაქვს, ანა როიალზე უკრავს და ნოშრევანი და როსტომი ცაში ფრენენ, მე კი დარდიანად ვარ და გული ვერ გავიხალისე. პოო, ნოშრევანისა და როსტომის მშობლები კარგა ხანია ცალკე ცხოვრობენ, მე კი პირველად გავდგი ფეხი ჩემი ოჯახიდან, სევდა მომერია და გული შინისკენ მიმიწევს. ალუუ, დედა მონატრებია ამხელა ვირიკელასო, — უთუოდ დამცინებს მკითხველი, რა ვქნა, მომენატრა, ძალიან მომენატრა დედაჩემი!

...ახლაც ნოშრევანსა და როსტომს სძინავთ, ანასაც სძინავს, მე ღია კიშკართან ვდგავარ და ზღვას გავცქერია. ზღვა ოდნავ ღელავს, ვარსკვლავები ჩაცვენილან ზღვაში და თითქოს ხანძარი წაპკიდებია ზღვას...

თბილისშიაც ასეთი დამეა. აივანზე ზის დედაჩემი, ხანძარწყიდებულ ზღვასაც ხედავს და მეც მხედავს. ვიცი, ვასილისა ზედასართულის აივანზე ზის, მას გულმა უგრძნო, დედა რომ მომენატრა და ვებრალეები. ხმადაბლა დამიძახა: დაიძინე, ჯუანშერ! — და მე გავიგონე. როცა სიყვარულიანი ხმა გეძახის, ძალიან დაბალიც რომ იყოს ის ხმა და ძალიან შორსაც რომ იყო, მაინც გაიგონებ. თქვენ რატომ არ გძინავთ-მეთქი, ვკითხე ვასილისას, — მეო, ჩემი არჩივი ძილი გამოძინებული მაქვს და ახლა ჩემი შვილის ძილს ვდარაჯობო. — ისევ ხმადაბლა, დედაჩემის ხმაზე თქვა ვასილისამ...

პო, დედაჩემის ხმამ დამიძახა. მეც ახლავე შევალ შინ, დავწევები და ტკბილად ჩამეძინება.

## თ ა ვ ი მ ე ო რ ე

ჩვენ უკვე მესამე კურსელები ვართ. გუშინ მეორე კურსის უკანასკნელი საგანი ჩავაბარეთ, ხვალ შევემზადებით და, ზეგ, ჩვეულებრივად, საქართველოში გავემგზავრებით.

მომავალ კვირას ნოშრევანი არადეთში იქნება, როსტომი საბუეში, მე თბილისში.

გვიხარია.

— მე მოსკოვში მივდივარ, — გვეუბნება როსტომსა და მე ნოშრევანი.

— მოსკოვში? — გავიოცეთ.

— ჰო, მოსკოვში მივდივარ და შეიძლება სამუდამოდაც იქ დავრჩე.

ეს დიდად მოულოდნელი იყო ჩვენთვის. მოსკოვში წასვლაზე ერთი სიტყვაც არასოდეს დასცდენია ნოშრევანს.

...ნავსადგურში გამოგვაცილა როსტომი და მე ნოშრევანმა. დამშვიდობებისას მე ცალკე გამიხმო.

— თუ მამაჩემმა ჩამოგაკითხოს თბილისში, უთხარი, რომ მე ოდესის თეატრში დავიწყე მუშაობა.

პაუზა.

მერე თავი დახარა და ყრუდ თქვა:

— გერწმუნება! აკი ბარათიც მიგიწერია!

გავშრი და ვერაფერი ვთქვი. რა უნდა შეთქვა? დამნაშავე ვიყავი.

ცივად ჩამომართვა ხელი და წავიდა. თვალი გავადევნე, უკან ერთხელაც არ მოუხედავს, ისე გაიარა ნავსადგურის მოედანი.

### პირველი ჩამატება

ადრე უნდა გამემხილა მკითხველისათვის: მეორე კურსზე რომ გადავედით, ნოშრევანი ოდესის დრამატული თეატრის სტუდიაში შევიდა. ორი თვის შემდეგ კი თეატრის დასში ჩარიცხეს. ეს იშვიათი მოვლენააო, ამბობდნენ.

ბუნებრივია, ნოშრევანის პირველ კურთხევას ოდესის თეატრის სცენაზე მოუთმენლად ველოდით და ეს დროც დადგა. ქალბატონი ვასილისაც კი წამოზრძანდა თეატრში. ანას ატმის ყვავილისფერი კაბა ეცვა, გულმკერდი და სახელოების ბოლოები თეთრი აბრეშუმით იყო გაწყობილი და თვალს არასასიამოდ კრიადა, თავად კი ამაყობდა, ეს კაბა დედაჩემმა ჩემი გემოვნებით შეკერაო. ვოდღევილი წარმოადგინეს. მაშინ ვოდღევილი მონაშთი იყო. მარტივზე მარტივი დრამატული კვანძი: ორი მეზობლის თანაცხოვრება. ერთი ოჯახი შეძლებითაა დაწინაურებული და საზოგადოებაში გასული, გონებრივად კი ღარიბია. მეორე ოჯახი ძალზე ღარიბია. მდიდარი. მეზობელი ღარიბ მეზობელს ქედმალურად ეპყრობა. მდიდარს ვაჟიშვილი ჰყავს, ღარიბს — ქალიშვილი. ღარიბის ქალიშვილი თავს შეაყვარებს მდიდრის ვაჟიშვილს, ბოლოს ღარიბი. მეზობლის ქალიშვილი რძლად შემოდის მდიდარი მეზობლის ოჯახში და ქმრის მშობლებს მონებად გაიხდის. სულ ეს იყო და ეს. ჩემის აზრით წარმოდგენა უფერული იყო. მდიდარი მეზობლის ვაჟიშვილის როლი ნოშრევანმა შეასრულა და მე არ

მომეწონა მისი თამაში. დარბაზი კი გადაირია, მთელი დასი რამდენჯერმე გამოიწვია სცენაზე. იმ დღიდან მოყოლებული ნოშრევანი ყოველ წარმოდგენაში თამაშობს და ოდესის გაზეთებიც ყოველთვის ქებით მოიხსენიებენ. ანა და როსტომი ყოველ პრემიერას ესწრებიან, ხანდახან ქალბატონი ვასილისაც აუბამს მათ მხარს, მე კი, იმ პირველი ვოდევილის ნახვის შემდეგ, ფეხი არ შემიდგამს თეატრში და ეს ნოშრევანს სწყყინს.

ჰოდა, არის ასე: დილით ჩვენთან ერთად უნივერსიტეტში დადის ნოშრევანი, ნაშუადღევრიდან თეატრშია და შინ გვიან დამით მოდის. ძალიან იქანცება და ეძნელება დილით ადგომა, მაგრამ ჯერჯერობით ინტიბარს არ იტებს.

...კარგა ხანია დაღამდა. ვახშმის სუფრას ვუსხედვართ ვასილისა, ანა, როსტომი და მე, ნოშრევანი კი თეატრშია. მაგიდის შუაგულში მოვერცხლილი სამოვარი დგას და ნელა შიშინებს. ჩუმად ვილუკმებით, ვიცი ყველანი ნოშრევანზე ფიქრობენ და არაფერს ამბობენ.

და მე დავიწყე:

— განა დიდხანს გაუძლებს ნოშრევანი?

ყველანი გამოცოცხლდნენ.

ვასილისა: ახლა ნოშრევანი ცაში ფრენს და ძნელია მისი მიწაზე ჩამოყვანა.

როსტომი: ძალიან მებრახლება, მაგრამ ვერაფერს ვეტყვი.

ანა: ნოშრევანი ბედნიერია, აკეთებს იმას, რაც სწადია და რაც უყვარს.

ანას ასეთი ბრძნული გამონათქვამი მეოცა, გავიფიქრე, ეს ჩვიდმეტისა კი არა... შევხედე, იღიმება მისი ბავშვური სახე.

პირველმა მე ვუმუხტლე ნოშრევანს.

ვასილისას, ანას და როსტომის გასაგონად კი ვთქვი:

ნოშრევანი დიდად ნიჭიერია. იურისპრუდენციასაც შეისწავლის და უპირველესი მსახიობიც გახდება. გიმნაზიაშიც ასევე იყო, კარგადაც სწავლობდა და კიდევ მსახიობობდა. ჰოდა, ხალხის საყვარელი მსახიობი გახდება (ახლაც მახსოვს, ყალბად ამიჯღერდა ხმა). ოო, ისეთი მსახიობი (დაეფიქრდი, მაგრამ ორიგინალური ვერაფერი მოვიგონე), როგორიც... ჩვენი მესხიშვილია და თქვენი დანილოვი (მე გაგონილი მქონდა, რომ დანილოვს ოდესის დრამატულ თეატრში ყველაზე ნიჭიერ მსახიობად თვლიდნენ). მერე სხვადასხვა ქალაქების თეატრები მიიწვევენ ნოშრევან ბეთანელს, მაგრამ ნოშრევანი თბილისში დამკვიდრდება და აალორძინებს ქართულ თეატრს (ცოტა დაცინვასავით გამომივიდა, მაგრამ ვასილისამ, ანამ და როსტომმა ვერ შეამჩნიეს)...

ლიახაც, რომ უკვდავი გახდება ჩვენი ნოშრევან ბეთანელი (ეს რიხით და დაჯერებით ვთქვი).

და იმავე დღეს ბარათი გავუგზავნე არადეთში ნიკო ბეთანელს, მივწერე: შენი ვაჟიშვილი ოინბაზებს და ქუჩის ტაკიმასხარებს აედევნა, ოდესის თეატრში მსახიობობს და სწავლაზე გული აიცრუა, ეგებ ჩამოხვიდე და სწორ გზაზე დააყენო, ან მანდღედან მოუვლინე რისხვა...

მერე კი ვინანე, ძალიანაც ვინანე, მაგრამ გვიანლა იყო.

და დღემდე ვერ ამიხსნია, რატომ მოვიმოქმედე ასე.

ეგებ იმის გამო, რომ ნოშრევანი დამცინოდა? უნივერსიტეტს დაამთავრებ და სასამართლოს ბედოვლათი მოხელე გახდებიო. ჰო, როგორღაც მაღლიდან დამცქეროდა ნოშრევანი, მე ამაყი ვიყავი და არაფრად მსიამოვნებდა მეგობრისგან ასეთი დაცინვა. ეგებ, ნოშრევანის მამის სიბრალულის გამო მოვიმოქმედე ასე? მე ხომ ვიცოდი ნიკო ბეთანელის სურვილი და საწადელი?

ქარგად მახსოვს, ნოშრევანის მამა, ნოშრევანი, როსტომი და მე მარიამობის მეორე დღეს არადეთიდან გორში მივდიოდით ფეხით. ძალიან ცხელოდა და ბუდი იდგა. ტაბით მივდიოდით. თქარათქური შემოგვესმა და გზიდან გავდექით. ეტლი გვიახლოვდებოდა. სამი ცხენი ება ეტლში, ორი წაბლისფერი და ერთი თეთრი, სამივე ჭიშიანი ცხენი იყო. ეტლმა ქარივით ჩაგვიქროლა და გზაზე მტვერი დააყენა. ნოშრევანის მამამ ხურჯინი მიწაზე დადო, ეტლს თვალი გააყოლა და ხმამაღლა თქვა.

— ჩვენი მოსამართლის ეტლია. გორში ყველაზე უკეთესი სახლი მაგისია, ყველაზე გავლენიანი ეგ არის, ეტლი და ცხენები ხომ თავად ნახეთ! ამისათვის კი ღირს სწავლა, თორემ, ანაბანას და გალობას ჩვენი ზოფლის გამოჩურჩუტებული დიაკვანიც კი ასწავლისო.

სამივე სათითაოდ შეგვათვალიერა. გვაგრძნობინა, ამას თქვენს გაააგონად ვამბობო.

ვითომ ეს გამახსენდა, შემებრალა ნიკო ბეთანელი და ამიტომ დავაბეზლე ნოშრევანი?

ვატყობ, ამაში თქვენ არ დამერწმუნებით და, მართალი ვიხიბათ, არც მე მჯერა.

ჰოდა, დღემდე ვერ ამიხსნია, რატომ მოვიმოქმედე ასე.

...ვახშმის სუფრას ვუსხედვართ ვასილისა, ანა, როსტომი და მე. ვზივართ და ჩუმად ვილუკვებით. მაგიდის შუაგულში მოვერცხლილი სამოვარი დგას და ნელა შიშინებს. ნოშრევანი თეატრშია. ჩვენ ყველანი ნოშრევანზე ფეიქრობთ და არაფერს ვეუბნებით ერთმანეთს. ვიცი, ვასილისას ვბრალევა ნოშრევანი

რამეს მოიმიზეზებს, სასადილო ოთახიდან აივანზე გავა, ეზოს, კიშკარს და ქვედა სართულს შეათვალიერებს და დააყურადებს და როცა დარწმუნდება, ნოშრევანი ჯერ არ მოსულა, ნაღვლიანი შემობრუნდება სასადილო ოთახში, მაგიდას მიუჯდება და ჩაის დასხამს;

როსტომაც ებრალება ნოშრევანი, გვიან წვება ნოშრევანი და დილით გამოუძინებელი დგებაო. ანა მოლხენილია და ჩიტი უფართქალებს გულში, იცის, მალე ახალ წარმოდგენაში ითამაშებს ნოშრევანი და იმ წარმოდგენისათვის ახალ კაბას აკერიებს დედას.

მე კი... მე დამნაშავედ ვგრძნობ თავს, მაგრამ ამით არ ცუმხელ და ეს უფრო მიმიძიმებს გულს. იმ ბარათში, ნიკო ბეთანელს რომ გავუგზავნე არადეთში, ღიცრუე სწერია, უნივერსიტეტისათვის თავი არ დაუნებებია ნოშრევანს, ერთი ლექციაც კი არ გაუცდენია! ხომ შეიძლება აფორიაქებულმა ნიკო ბეთანელმა ჩამოაკითხოს შვილს, ან ისეთი ბარათი გამოუგზავნოს, შორიდანვე გამოუთაოს სიცოცხლე? ნოშრევანმა კი არაფერი იცის, ჩემთან ერთად დადის უნივერსიტეტში, გვერდიგვერდ ვზივართ ლექციაზე, ალალის გულით მელიმილება და მეც ველიმილები, დაგვიმთავრდება ლექციები და ერთად ვბრუნდებით შინ, ერთად გეახლებით სადილს და მერე ნოშრევანი თეატრში მიდის.

ამდამაც გვიან მოვა ნოშრევანი, როსტომი და მე დაწოლილი ვიქნებით, დაძინებული კი არა, ჰო, როსტომსაც და მეც ძილი გაგვიკრთო ნოშრევანმა... ვასილისა კი დაელოდება ნოშრევანს, მოვა ნოშრევანი და ვასილისა ვახშამს გაუწყობს, ჩაისაც შეაცხელებს, ანაც მიუჯდება სუფრას, ნოშრევანის ხათრისათვის წახებმსებს და ჩაისაც დალევს.

და გუშინწინ როსტომი და მე ოდესაში რომ ჩამოვედით, ნოშრევანი აქ დაგვხვდა.

უხალისო, სევდიანი, გამხდარი.

თვითონ არაფერი მითხრა და ვერც მე ვკითხე ვერაფერი.

ანა დავიმარტოხელე, — ათი დღეა მოსკოვიდან ჩამოვიდა, სხვა არაფერი ვიციო.

მიუხედავად, ანამ ბევრი რამ იცოდა, მაგრამ მე მიმაღავდა.

სალამოხანს ქალაქში გასეირნება შევთავაზეთ როსტომმა და მე ნოშრევანს. იუარა.

ვგრძენით, ნოშრევანს მარტოობა ერჩია, როსტომი და მე წავედით და განგებ გვიანობამდე ვიხეტიალეთ.



შინ რომ მოვბრუნდით როსტომი და მე, ნოშრევანი კიშკართან ძელსკამზე იჯდა, ნაპირისკენ გაიჩინა, ჩამოსხედითო, ხმადაბლა თქვა და პაპიროსს მოუკიდა.

ჩვენს ოთახში ლამპა ანთია, ფანჯრებიდან მკრთალი შუქი გამოკრთის და ის მკრთალი შუქი ოდნავ ანათებს ჩვენს ძელსკამს.

ზედა სართულზე ბაიბური არ ისმის, ეტყობა, ვასილისას და ანას სძინავთ.

— მამაჩემი არ მოგინახულებია? — მე მკითხა ნოშრევანმა.

— არა! — ცივად ვუპასუხე.

— არც შენ, როსტომ?

— ძალიან მინდოდა არადეთში ჩასვლა, ვერ მოვახერხე! — მოუბოდიშა როსტომმა.

— ყველაფერი კი იცის! — დარწმუნებით თქვა ნოშრევანმა. პაუზა.

— ბუნებისმეტყველება ეგებ მესწავლა! — დამარცვლა ნოშრევანმა, — იურიდიულზე რომ შევედი, შევეციდი! დიდად შევეციდი!

— რატომ? გიძნელდება? — ხმამალა ჩავეკითხე მე.

— იმიტომ, რომ ყალბია შენი იურიდიული მეცნიერება, ჟუან-შერ, გესმის, ყალბია!

ძელსკამიდან ადგა და ჩემს პირდაპირ დადგა.

— არ მითხრა ახლა; — ხმას აუწია ნოშრევანმა, — დემოკრიტეს ასე აქვს ნაბრძანები სამართალზეო, ეპიკურემ ესა თქვაო, სოკრატემ ასე ბრძანაო, კი აქვთ ნაბრძანები ბრძნული აზრები და იყვნენ. თავისთვის, ღმერთმა აცხონოს მათი განათლებული სული მე ჩემი აზრი მბაღია და არავისი აზრი სავალდებულო არაა ჩემთვის! გასიგებია? მერე და იმ სულგანათლებულებს, ეპე, როდის უბრძანებიათ ის ბრძნული აზრები მამინ სხვა დრო იყო! მე დღეს ვცხოვრობ და ძალიან შორსა ვართ ერთმანეთისგან დემოკრიტე და მე. მე განსხვავებული აზრი გამაჩნია და მე სხვაგვარად ვხედავ! ჩემს გვერდით დაჯდა და სული მოითქვა.

პაუზა.

— ვთქვათ, ქალაქისთავმა ჩაიდინა დანაშაული, თქვენი სამართალი მას დასჯის? ვერა, ვერ დასჯის! კანონში ვიწერიათ დანაშაულისათვის დასჯა? გიწერიათ! ვთქვათ მინისტრმა ქრთამი აიღო, გამოაცხადებთ თქვენ მას მექრთამედ? ვერა, ვერ გამოაცხადებთ! კანონში ვიწერიათ. ქრთამისათვის დასჯა? გიწერიათ! ჰოდა ასეა, კანონში ერთი უწერია სამართალს, ცხოვრებაში კი... ასეა და ამას არ ჰირდება ფიც-მტკიცე!

ისევ ადგა და პირისპირ დამიდგა.

— მამაშენი სახელმწიფოვეპილი ვექილია და ყოველთვის მარ-

თალ ადამიანს იცავს? მე ვიცი, რომ არა! დამნაშავეებს, აშკარა დამნაშავეებს ექომაგება ხშირად და სასჯელის შემსუბუქებას კი არ მოითხოვს, დამნაშავეთა გამართლებას! ეს შენც იცი, ამას შენც ხედავ. მაგრამ ამას მალავ შენ და, არც მე მოვითხოვ შენგან სი-მართლის თქმას! შენ მამაშენის გზას ადგეხარ და ღმერთმა მოგი-მართოს ხელი! ჰო, ეს ასეა და არც ამას სკირდება ფიცი-მტკიცე!.. დავიძინოთ ახლა, — უცებ დაუწია ხმას, — ჩაახველა, კუტკარი შე-ალო და სახლისკენ გააბიჯა.

როსტომი და მე სახტად დაერჩით.

ცოტა ხნის მერე როსტომმაც შეალო კუტკარი და წავიდა.

...გზა თვითონ გაიმრულა და მე მაბრალეებს. სწავლაზე გუ-ლი აიკრუა და ამის მიზეზი იურიდიული მეცნიერება ყოფილა, — ყალბია თქვენი მართლმსაჯულება და მე სიყალბეს ვერ შევეგუ-ებო...: ეტყობა, ვერც თეატრში მოიკიდა საფუძვლიანად ფეხი და გაბოროტებულია, კი ბატონო, იყოს გაბოროტებული, მაგრამ ჭუნაშერ გარსევანიშვილმა რა დააშავა?

ანა კი მიიკედლა და აიღვენა, საღამოხანს ჯერ ანა გაიპარება სახლიდან, მერე ნოშრევანი შეუმჩნეველად აორთქლდება და გვიან, ცალ-ცალკე მობრუნდებიან შინ, ვითომ ერთად არ ეხეტიალოთ. ვასილისამ, როსტომმა და მე ყველაფერი ვიცით და ვერაფერი გვითქვამს ნოშრევანისთვის.

კარგი ბრძანებაა — იურისპრუდენციას გულს ვერ დავუღე-ბო, ახლანდელი სამართლის სამართლიანობა არა მჯერათ, რო-გორმე გასძლებს იურისპრუდენცია უნოშრევანოდ.

თეატრშიც რომ ვერ დაიდგა გვირგვინი? ჰაერში გამოეკიდა ნოშრევან ბეთანელი და მიზეზი ამისა ჭუნაშერ გარსევანიშვილი გახლავთ?

კარგი ამბავია!

მე კარგად ვიცი, ასე რატომ დატრიალდა მისი საქმე. ახლავე წაუუკითხავ ლექციას.

ოთახში რომ შევედი, ნოშრევანსაც და როსტომსაც ეძინათ. ლამაზა ჩავაქრე და დაეწექი.

ღობხანს ვეკამათებოდი გულში ნოშრევანს, ნოშრევანს კი არ-ხეინად ეძინა.

ღილით ადრე ადგა ნოშრევანი და სახლიდან ისე გავიდა, ხმა არ გაუცია ჩვენთვის.

— როსტომ, არაფერი უთქვამს?

— ხვალ თბილისში შიღის.

— თბილისში? — გავიკვირვე მე.

— ქართულმა თეატრმა მიმიწვიაო, ასე თქვა.

— უნივერსიტეტს თავს ანებებს?

— ანებებს, ანაც მიჰყავს, — დარწმუნებით თქვა როსტომმა.

— ყველაფერი გცოდნია, მიმალავდი? — ვუსაყვედურე როსტომს.

— წუხელ, შენ რომ გეძინა, მაშინ გამენლო.

კუტყარი გაიღო. გავხედე. ეზოდან ანა გავიდა.

როსტომმა ანკესებს დაავლო ხელი და წავიდა. სადილობამდე ხუთიოდე ლიფსიტას თუ დაიქერს და მაინც კმაყოფილია.

...თავგზა აებნა ჩვენს მეგობარს და ჩვენ ვერაფერი გვიშველია. ქართულმა თეატრმა მიმიწვიაო, უბრაძანებია. თეატრი კი არა, პატარა დასია. იყავი თუნდაც უპირველესი მსახიობი ამ პატარა დასისა, იცხოვრებ ამით? ქვეყანას გააკვირვებ? ძეგლს დაიდგამ? ანაც რომ აუქიდებია და მიჰყავს, რისი იმედით?

ისევ სულმა აიყოლია ნოშრევან ბეთანელი...

ქვითინი შემომესმა და ეზოში გამრევდი. ზედა სართულის აივანზე ვასილისა იდგა, თვალი ავარიდებდა, ჭიშკრისკენ გავაბიჯე და ეზოდან გავედი.

როსტომს პირდაპირ ჩვენი სახლის წინ ჩაუყრია ანკესები.

— როსტომ? — ძალიან ხმამაღლა დაიყვირე, მაგრამ როსტომამდე ჩემმა ხმამ ვერც მიაღწია.

გაუჩქეცი. როსტომს მიუუახლოვდი, და ხელახლა დავეუძახე. როსტომი ჩემსკენ შემობრუნდა, ეტყობა შეშინდა და შემომყვირობდა, რა მოგივიდაო.

— ვასილისა ტირის! — ვთქვი მე და ქვიშაში ჩავეჭეკი.

— ვასილისა დიდი ხანია ტირის, — ნაღვლიანად თქვა როსტომმა, ანკესები ამოყარა და ჩემს გვერდით დაჯდა.

— წავიდეთ! — ვთქვი მე და ავდექი.

— მე დავრჩები, — ბოდიშივით თქვა როსტომმა, ადგა და ანკესები წყალში ჩაჰყარა.

ეზოში შემოვედი და ზედა სართულის აივანი მოვათვალიერე. ვასილისა აივანზე იდგა, გამიღიმა და ხელით მანიშნა, ამოდიო.

ავედი. ნამტირალევი თვალები აქვს ვასილისას, მაგრამ ვითომ გამიღიმა. დავსხედით.

გზივართ და ეზოს დავყურებ. მე ხანდახან ზღვას გავხედავ და ვითომ როსტომს ვეძებ. რომ წამოვდგე, ნამდვილად დავინახავ როსტომს, მაგრამ რატომღაც მეუხერხულდება, მეუხერხულდება კი არა, არ მინდა ეს სიჩუმე დავარდვიო. ვასილისა და მე ვსაუბრობთ ამ სიჩუმეში. პო, უხმოდ ვსაუბრობთ. ვასილისა მე-

კითხება და მე ვპასუხობ. ისე შემომხედა, მივხვდი მეუბნება ვასილისა მე: — თავი ისე გიჭირავს, ვითომ არაფერი იციო, მეც შეხედვით ვეუბნები: — არაფერი ვიციო და დღეს დილით გავიგე, როსტომმა მითხრა. თქვენ კი — ვასილისას და როსტომს, ადრევე გკოდნიათ ეს ამბავი და მე არ გამიმხილეთ. არც ანამ მითხრა, არაფერი და არც ნოშრევანმა. რატომ გამინაპირეთ? გამოუცხოვეთ? ვასილისა, ანა, ნოშრევანი და როსტომი ცალკე არიან და მე ცალკე? რატომო ვითომ?

— ჩაი ადუღებუღია, — თქვა ვასილისამ და ადგა.

— დაველოდოთ, — ვთქვი მე.

— ვის დაველოდოთ? — გაიკვირვა ვასილისამ.

— ანას, ნოშრევანს, როსტომს...

— ანა და ნოშრევანი გვიან მოვლენ.

— რატომ?

— ვითომ არ იცით!

— არაფერი არ ვიცი.

— ნოშრევანს არაფერი უთქვამს?

— არაფერი.

ვასილისა დაჟდა, თვალეში ჩამაცქერდა, მერწმუნა, რომ მართლაც არაფერი ვიცოდი და ვასილისას სახე აემღვრა, თვალის უბეები დაუნაოჭდა, ქვედა ტუჩი ოდნავ აუცახცახდა, მუხლებზე დაწყობილი ხელებიც აუკანკალდა, უფრო ჩამაცქერდა თვალეში და ხელახლა მკითხა.

— მართლა არაფერი იცით? ანა და ნოშრევანი დაქორწინდნენ, — მშვიდად თქვა ვასილისამ, სახე უცებ გაიმხიარულა და გამიღიმა.

პაუზა.

— გუშინწინ დაქორწინდნენ: ნაძალადევად კი არა, ჩემის დასტურით (ეს რატომ თქვა ვასილისამ, ვერ მივხვდი), გამეხარდა და დავლოცე. წავეიდნენ ეკლესიაში და დაქორწინდნენ. ამაღამ მცირე ქორწილს გადავიხდით, ხვალ კი, თბილისში გაემგზავრებიან, — და უფრო გაიმხიარულა თავი, — ბედნიერები არიან, ძალიან უყვართ ერთმანეთი, — ღიმილითვე დაუმატა.

მართლაც, მოულოდნელი არაფერი მომხდარა: სამი წლის წინათ ჩამოვედით ოდესაში, შევხვდით ანას, დავბინავდით ლოგინოვების ოჯახში, ნოშრევანს თავიდანვე მოეწონა ჩვენი დიასახლისის ქალიშვილი, ანასაც მოეწონა ნოშრევანი და ერთმანეთი შეიყვარეს. ნოშრევანის სიყვარულით ანამ ქართული ენაც შეიყვარა. ახლა ანა ნოშრევანს, როსტომსა და მე უმეტესად ქართულად გვესაუბრება, ქართულ მოთხრობებს და ზღაპრებს კითხუ-

ლობს, ბევრი ლექსი დაიხვეპირა... ჰო, შარშან მოსკოვის კონსერვატორიაში უნდა შესულიყო ანა, კიდევაც წაეიდა მოსკოვში, მაგრამ მალევე მობრუნდა. არ ვიცი, გამოცდები ვერ ჩააბარა, თუ ნოშრევეანის სიყვარულმა გამოიხშო ოდესაში. და პირველი დიდი შიში მაშინ ჩაუსახლდა გულში ვასილისას. ჰადაჰა, ორმოცდაათი წლისა თუ იქნება ვასილისა და შარშანდელამდე ხანი არც კი ეტყობოდა, შედგებულ იყო, მზიარული, ხალისით აკეთებდა ყველაფერს, კიდევაც ქარგავდა და ოქახსაც ჩინებულად უვლიდა, ხოლო როცა დარწმუნდა, მისმა ქალიშვილმა ნოშრევეანი შეიყვარა და საქმე გადაწყვეტილად მიიჩნია, ერთბაშად გატყდა და მოიშალა. იცოდა ვასილისამ, დღესა თუ ხვალ ნოშრევეანი ოდესიდან წავიდოდა და ანასაც წაიყვანდა. ჰოდა, გულში დიდი შიში ჩაუსახლდა ქალბატონ ვასილისას, იმ შიშმა ჭერ თვალის უბებთან დააყარა ნაოკები, მერე შუბლზე, მერე მთელს სახეზე, ძალა და ხალისი წაართვა, უძილო ღამეები შემოუსია... ჰოო, ერთბაშად გატყდა და მოიშალა ვასილისა.

ახლა ყველაფერი მორჩომილია: ანა და ნოშრევეანი დაქორწინდნენ, ამაღამ პატარა ქორწილს გადაიხდის ვასილისა, ხვალ კი, თბილისში გაამგზავრებს სიძესა და ქალიშვილს და თითქოს უხარია და არხეინობს, ზის ჩემს პირდაპირ, თვალებში ჩაშტქერის და ოღიმება...

ცრუობს!

ქალბატონ ვასილისას დაავიწყდა, რომ მე ფილოსოფიურად მოაზროვნე ფსიქოლოგი ვახლავართ და არაფერში მოეტყუებდები.

შემებრალა, ძალიან შემებრალა ქალბატონი ვასილისა, მინდოდა გამემხნეებინა, მაგრამ რატომღაც დუმილი ვაჭობინე და არაფერი ვუთხარი. სკამიდან ავდექი, მივუახლოვდი, გაუღიმე, მხრებზე შემოვხვიე ხელები, მკერდზე მივეყარი და ვაკოცე, მივულოცე ქალიშვილის გაბედნიერება.

ეზოში ჩავედი, მცირე ხანს ვიწვრიალე, მერე როსტომთან საუბარი მომიხდა და ზღვრსკენ წავედი.

...ავადმყოფობა მოვიმიზეზე და ნოშრევეანის და ანას ქორწილს არ დავესწარი.

ანამ და ნოშრევეანმა გამიუცხოვეს და გულმოსული ვარ.

ლოგინოვების სახლის ზედან სართულზე ქორწილია, მე ქვედა სართულზე მარტო ვარ და გულს ვასკვები.

ქორწილი? ჰადაჰა, ათიოდე კაცი თუ იყო. არც ლხინი იყო მაინცდამაინც ხმაურიანი, თანდათან მოვკრიე გულს და დავიძინე.

დილით უფრო მოვიავადმყოფე თავი. ისღა მაკლდა, ნავსადგურში გამეცილებია ნეფე-დედოფალი!

ნოშრევანი ცივად დამემშვიდობა, ანამ გამოჯანმრთელება მისურვა და ვითომ გამიღიმა, ვასილისამ და როსტომმა ნამდვილად დამცინავად გამიღიმეს, ჩვენ მალე მოვბრუნდებითო, თქვეს და წავიდნენ.

ეზოდან გასული არც იყვნენ, ფანჯარასთან რომ მივიპერი. ქიშკართან ორი ეტლი იდგა, ერთში ბარგი ჩააწყვეს, მეოხეში თვითონ ჩასხდნენ, ნოშრევანმა მარჯვენა ხელი ასწია და ეტლები დაიძრნენ.

სახელდახელოდ ჩავიცვი და ოთახის კარი გამოვიკეტე.

## თ ა ვ ი მ ე ს ა მ ე

...დიდხანს ვიხეტიალე ქალაქში, ნავსადგურს კი ახლოსაც არ გავკარებდითარ. ვიცოდი, „პეტროდვორეცი“ დილის ათ საათზე გავიდოდა ნავსადგურიდან, იქ არც ანა და ნოშრევანი, არც ვასილისა და როსტომი შემხვდებოდნენ, მე კი, რატომღაც მაინც ვშობდი და ზღვისკენ არც კი გამიხედავს.

ქალაქის ბაღში ცირკის მსახიობთა საბავშვო წარმოდგენას შევესწარი, წარმოდგენაზე ბავშვებზე მეტი მშობლები იყვნენ და მშობლები უფრო ხარხარებდნენ, ვიდრე ბავშვები. ცირკმა თეატრი გამახსენა, თეატრმა — ნოშრევანი, ტანში შემზარა, ბალიდან გამოვედი და ქუჩას ავყევი...

...რუსეთის რომელიღაც ქალაქის ოპერეტა იყო საგასტროლოდ ჩამრსული თბილისში. ნოშრევანმა მთხოვა და წავყევი. ჩვენ რომ ვნაჩეთ, იმ ოპერეტაში ქალის როლს ერთი აყლაყულა მამაკაცი ასრულებდა. მკერდი ჩერებით ამოეტენა (ეგებ ვცდები და მაპატიოს), ეს კი იყო, ერთობ დიდი ძუძუები ჰქონდა, თქმელებიც მსუქანი, ჭრელაჭრულა მოკლე კაბა და მაღალქუსლებიანი თეთრი ფეხსაცმელი ეცვა, მოკლე-მოკლე ნაბიჯებით დადიოდა. ვითომ ნამდვილად მანდილოსანი ვარო და ქალური, წვრილი ხმით მღეროდა და კისკისებდა. ცეკვის დროს ისე სწრაფად სრიალებდა და ბუქნაობდა ის შეჩვენებული, ისეღაც მოკლე კაბა, ზევით უფრიალებდა და ნიფხავი უჩანდა.

მაყურებელი ხარხარებდა და ტაშს უკრავდა. ნოშრევანიც იცინოდა და ტაშს უკრავდა.

მე შემებრაღა ის საცოდავი, თავად კი ფრიად მოლხენილი იყო და კიდევაც ამაყობდა.

ოპერატა რომ დამთავრდა და ტაში დაუკრეს, ისევ ქალის ხმაზე გადაიკისკისა და თქმობის რხევად-რხევით გავიდა კულისებში. — ამ მსახიობს გარდასახვის დიდი ნიჭი აქვსო, — თქვა ნოშრევანმა, მერე უფრო და უფრო შეაქო და შეაქო. ერთობ ბუნებრივი იყო, მსუბუქად, ძალდაუტანებლად მღეროდა და თამაშობდაო, ვერც კი შეატყობდი, მამაკაცი იყო თუ ქალიო, ისეთი ბუნებრივობით გარდაისახაო...

მე გავიკვირე, მაგრამ დუმილი ვამჯობინე და არაფერი ვთქვი. ოპერეტა თავისთვის იყოს და მე დრამატულ თეატრსაც ვერ შევეწყვე.

განა არ დავდივარ თეატრში? დავდივარ, დრამებსაც ვნახულობ, ტრაგედიებსაც, ვოდევინებებსაც...

ვზივარ მე ჩემთვის დარბაზში, მსახიობები თავისთვის თამაშობენ სცენაზე, მაყურებელი ხან ტაშს უკრავს, ხან იცინის, ხან ხარხარებს, მე კი...

გაბედულად ვიტყვი:

მჩვენება, თითქოს ყველა მსახიობი ყალბად მეტყველებს. იცინის მსახიობი და დარბაზსაც აიყოლიებს, მე კი, ვლუმვარ და ვეკითხები ჩემს გულს, შენ რატომ არ იცინი?

ჩემი გული: სცენიდან ყალბი სიცილი მესმის და ამიტომაც არ მეცინება.

იტანჯება მსახიობი სცენაზე, დიდი უბედურება დაატყდა თავს და სიცოცხლეს. ეთხოვება, სწუხს ჩემს გვერდით მსხდომი მაყურებელი, სახე წინ წაუწევია, თვალებში ცრემლი ჩასდგომა და საცაა ატირდება.

მე ვზივარ ცივად და ვეკითხები ჩემს გულს, სცენაზე კაცი კვდება და შენ რატომ არ განიცდი?

ჩემი გული: ეს მომაცვდავის კენესა არ არის, მსახიობი ცდილობს მომატყუოს, მე კი არ ვტყუვდები.

ვითომ უყვართ,

ვითომ სძულთ,

ვითომ ხოცავენ ერთმანეთს და ყველაფერი ეს ერთობ ყალბად, მარტივად და სწრაფად ხდება. — ამასაც ჩემი გული ამბობს.

მე ხომ ფილოსოფიურად მოაზროვნე ფსიქოლოგი ვახლავართ და მე ყურს ვუგდებ ჩემი გულის ხმას...

დიდი ბოდიში მომიხდია მე რეჟისორებისა და მსახიობებისათვის, მაგრამ ნამდვილად ასეა: ვზივარ მე ჩემთვის დარბაზში ცქცე, და სცენაზე მსახიობები თამაშობენ თავისთვის ცალკე.

ოპერა?

ტრაბანად თუ არ ჩამომართმევთ, ვიტყვი: მუსიკა ჩემს სულში

ზის, მუსიკის მოსმენის ჩემეული ზერხი გამაჩნია და თან ადვილად შევიცნობ, ჩემს ახლომახლო მსხდომნი რუგორ აღიჭვამენ მუსიკას.

როცა სცენიდან სიმფონიას ვისმენ, და დარბაზში ვზივარ...

უფრო სახიერად ვიტყვი:

საკონცერტო დარბაზი. ორკესტრი ასრულებს სიმფონიას, ამ სიმფონიას მე ვარქმევ „ტყის ზღაპარს“. ვზივარ მეთორმეტე რიგში (ასეთი დისტანცია აუცილებელია მუსიკის ჰარმონიული აღქმისათვის), ზოგიერთი კი საგანგებოდ სხდებიან პირველ რიგში, აქაოდა, დაინახეთ, თქვენ რომ გგონიათ ისე არაა საქმე, ჩვენც გვესმის და გვიყვარს სიმფონიური მუსიკაო.

მეთერთმეტე რიგში, ზედ ჩემს ცხვირწინ, მანდილოსანი ზის. მე ვაკვირდები მის მოწიშვლებულ მხრებს, მაღალ კისერს და შნოიანად დავარცხნილ წაბლისფერ თმას. კისერი ისეთი თეთრია, ამ მანდილოსანს უეჭველში ლამაზი და მიშვიდველი სახე აქვს და კიდევაც ამაყობს თავისი სილამაზით. ვგრძნობ, რომ თვალებს არ აცეცებს, მისჩერებია ერთ წერტილს და უსმენს მუსიკას. მარჯვენა ხელში უთუოდ მარაო უკავია და ის ხელი მუხლისთავეებზე უსვენია. ხანდახან თვალს დაბლა გააბარებს, ამოწმებს, შნოიანად აქვს თუ არა დადებული ხელი მუხლისთავეებზე.

ამ მანდილოსანს გვერდით შესუქებული მამაკაცი უზის, ვიგულისხმობ, რომ ეს მისი მეუღლეა, თუმცა ისე მოშვეტულად ზის ამ სახიერი ქალბატონის გვერდით, ნამდვილად მეუღლეა.

და უკრავს ორკესტრი... ტყის შუაგულში თეთრი ტბა და იმ თეთრ ტბაში თეთრი ქალიშვილები ცურავენ, შვევცქერი მე. ამ მოცურავე თეთრ ქალიშვილებს და მღერის სული ჩემი, ტყეც მღერის, თვითონ ტბაც მღერის და გალობენ ფრინველები... თვალი მკიდეს მე თეთრ ტბაში მოცურავე ქალიშვილებმა, დაიმორცხვეს და თანდათან იძირებიან წყალში, მე ვხუჭავ თვალებს...

და მესმის ჩურჩული. სახიერი მანდილოსანი და მისი მეუღლე ეჩურჩულებიან ერთმანეთს.

ვთქვათ, ქალს ანასტასია ჰქვია, მამაკაცს ფილიმონი.

ანასტასია: ვახშმად წავალთ კირილესთან?

ფილიმონი: უეჭველში.

ანასტასია: რომ გვაგვიანდება?

ფილიმონი: ზაშლამა გვიანაც შეიძლება მიირთვა.

და იგრძნეს ტბაში მოცურავე ქალიშვილებმა, რომ მე თვალდახუჭული ვზივარ და ჯერ თავები ამოჰყვეს წყლიდან, მერე ხელები ამოაცურეს, მერე გულმკერდი, მერე მთელი სხეულით



გაწენენ წყლის ზედაპირზე, და კი არ ცურავენ, თითქოს ეს ტბა ჰაერია და ჰაერში ფრენენ თეთრი ქალიშვილები.

და ისევ მესმის ჩურჩული.

ანასტასია: არ დაიღლებიან ეს დამკვრელები?

ფილიმონი: მგონი აბოლავენ.

ანასტასია: დავაგვიანეთ ვახშამზე!

ფილიმონი: მარტო ხაშლამას შეეკამთ, ქალო!

მე მუსიკამ მთავარის შუქით განათებული ბილიკით ტბასთან მიმიყვანა. ტბის პირად თეთრი ლოდი ძვეს, ვჯდები მე ამ თეთრ ლოდზე და ვთეთრდები. ხელმისაწვდენზე ცურავენ. თეთრი ქალიშვილები, მე მათ შევცქერი და ვეღობილები, ისინიც მე შემომცქერიან, მაგრამ მე ვერ ვხედავენ, რადგან მე ლოდივით თეთრი ვარ. შემიძლია ხელი გავიწვდინო და მოვიხელთო თეთრი ქალიშვილი... არა, ამას არ ჩაეიდენ! მე ცოდვილიანი ვარ, ის კი ანგელოსი და მე რომ ხელი შევახო, თეთრ ქალიშვილს სხეული დაუშმობდება, ცურვას ვერ შესძლებს და ჩაიძირება.

თეთრი ტბის პირად ვზივარ. თეთრ ლოდზე და ტბაში მოცურავე თეთრი ქალიშვილების გალობა მესმის... უსიტყვოდ გალობენ, ეს გალობა ხალხით გაქედნილ დარბაზში აღწევს და სცენაზე ორკესტრი კი არ უკრავს, თეთრი ქალიშვილების უსიტყვო გალობა ეღერს სიმფონიად...

მთვარე ეფარება მთას, ტბას წამოეპარა ჩრდილი, მუქდება ტბა, მოცურავე თეთრი ქალიშვილები დაიღალენ და ტბის ფსკერზე ეშვებიან დასაძინებლად...

მე ლოდიდან ვდგები, ახლა ჩამუქებული ბილიკით გამომიყვანა ტყიდან მუსიკამ, დარბაზში შემომპარა, მეთორმეტე რიგში დამსვა, თანდათან ნელდება მუსიკა, მე თვალებს ვახელ...

და პირველი ფილიმონი წამოიჭრა ზეზე, ვეებერთელა ხელებით დასცხო ტაში და ზედიზედ შემოსძახა, — ბრავო! ბრავო! ბრავო!

ტაშს უკრავს ფილიმონი, იძახის ბრავოს და აქეთ-იქით იხედება, — ხალხო, დაინახეთ, როგორ აღაგზნო სიმფონიურმა მუსიკამ პატივცემული ფილიმონი.

ანასტასია: ხაშლამა გაცივდება, ფილიმონ!

ფილიმონი: გავაცხელებინებ, ქალო! — ბრავო, მესტრო, ბრავო!

და პატივცემული ფილიმონი სცენისკენ მიიწევს, მისწი-მოსწია ხალხი, მიუახლოვდა დირიჟორს, ისედაც მაღალი ფილიმონი ცერებზე შედგა და შემადლდა, კისერი წაიგრძელა, ისევ დასცხო

ტაში და ახლა კი არ შესძახა, პირდაპირ იქეჟა—ბრავო, მაესტრო, ბრავო!

მთელი დარბაზის ყურადღება მიიქცია ფილიმონმა და მანამდის არ დაიხია უკან, ვიდრე დირიჟორმა მადლობის ნიშნად, პირადად არ გაუღიმა და მდაბლა არ დაუკრა თავი. მერე სახემლიმარი ფილიმონი ზალხსკენ შემობრუნდა, სწრაფად მიიჭრა მეუღლესთან, მკლავი გამოსდო და აქოშინებულმა ხმამაღლა წამოიძახა — ახლა კი მოვეუსვით!

...ქალაქის გარეუბანში აღმოვჩნდი. ერთმანეთს დაშორებული ერთსართულიანი სახლები და ეზოები, მოუკირწყლავი ქუჩები, სულ ახლოს დაბურული ტყე, ძაღლებიც კანტიკუნტად ჰყეფენ, სოფელივითაა თითქმის.

ნამდვილად „ტყის სიმფონიამ“ გამომიხმო აქეთ, ამ ტყეში ნამდვილად თეთრი ტბაა, თეთრი ქალიშვილები ბანაობენ ამ თეთრ ტბაში და უხმოდ გალობენ.

და მე მივდივარ ტყისკენ.

შევცდი.

მე ტყის სიჩუმემ დამიმორჩილა, გზიდან გამომიხმო და ტყეში შემომიყვანა, შემიერთა, ახლა ამ ვეებერთელა წიფლის ქვეშ დაჯდომა მიბრძანა და მეც ვზივარ... დაბურული ტყეა, ერთმანეთშია შერეული ვერხვი და წიფელი, მუხა და კოპიტი, აქა-იქ ნაძვი და არყის ხე.

ხმაურზე უფრო ძლიერია სიჩუმე, ეგებ იმიტომაც, რომ სიჩუმეში ჩვენი წინაპრების სულია შეზავებულიო. აკი გვიმტკიცებენ, როცა გარდაეცვლებითო, სხეულს ჩვენსას მიწა მიიბარებს, ხოლო სული ჩვენი ზეცაში აფრინდებაო, ეს სულები ერთდებიან ზეცაში, ბჭობენ ჩვენზე, ვებრალებით და ეშვებიან მიწაზე, რომ აქა-იქ მაინც სიჩუმე დაგვიმკვიდრონ თავშესაფარადო.

სუფევს სიჩუმე თავისთვის და ხმაურს ახლოსაც არ იკარებს.

ასეთ სიჩუმეს თუ შეერწყმი, მარადისობას ეზიარები.

და მე თვალხილულად ვიგრძენი ეს: სიჩუმეს შერწყმული ვზივარ ვეებერთელა წიფლის ქვეშ, თანდათან ვმალდები, სიბრძნე მომეძალა და შემიძლია მოკვდავისათვის შეუცნობელი შევიცნო, მადლიდან დავცქერი შავ ზღვას და თვალს ვუწვდენ ტრაპიზონამდე და ფოთამდე...

აგერ „პეტროდვორეცი!“

საოცარი კია, ეს პატარა გემი, ასე ყელაღერებულად რომ მიცურავს ამხელა ზღვაში და ოდნავადაც არ ეშინია აღელვებული ზღვისა და ტალღები კი არ ეხეთქებიან გემს, ვალერსებიან და გზას მიუკვლევენ.

ოდესიდან შორს გაუცურავს „პეტროდვორეცს“, მაგრამ ფოთამდე სულ ცოტა, ხუთი დღე მაინც მოუნდება; მე კი, სიჩუმეს შერწყმული, ოდესის გარეუბნიდან ვხედავ ფოთის ნავსადგურს. განა მარტო ფოთს ვხედავ? უფრო შორს ვიხედები: აქარა-გურიის მთები, სამეგრელო და იმერეთი, ლიხის მთა, ქართლი და აგერ თბილისი, ნარიყალა, ჩემი სახლიც! აივანზე დედაჩემი ღვას და ჩემსკენ იმზირება, მაგრამ მე ვერ მხედავს! მე კი, პირდაპირ თვლებში ჩავცქერი დედაჩემს, დარდიანი მეჩვენება მისი სახე, მინდა გავამხნევო და ვეძახი — დედი!

დედაჩემი სიჩუმეს არაა შერწყმული და მას ჩემი ხმა არ ესმის.

ჩვენი ეზოშიც, ნარიყალაზე, თითქმის ისეთივე ხეებია, როგორც ამ ტყეში, მაგრამ ჩვენი ეზოს ხეები დარგულია, ტოტებიც ისე შეევსხებეთ, ძელსკამები მოაჩრდილოს, ჩამოსხდებიან ამ ძელსკამებზე ჩვენი შორებელნი თუ ახლობელნი და ათასნაირ სისულელეს როშავენ, სისულელემ კი ღრმად იცის ფეხის გადგმა და სისულელე და სიჩუმე ერთად ვერ ძლებენ... ამ ტყის ხეები მიწიდან არის ამოხეთქილი, ნებაზე გაზრდილი და გალადებული, ახლო-ახლო უდგანან ერთმანეთს, მაგრამ არ ქიშპობენ, ტოტებით ჩაპკერიან ერთმანეთს, ძირებზე ხავსი მოჰკიდებიან და მიწა ნეშოს დაუფარავს, — ნამდვილი ტყეა!

ჰოდა, ამ პატარა ნამდვილ ტყეში დიდი სიჩუმეა დასადგურებული და ეს სიჩუმე, ახლოსაც არ იკარებს ხმაურს: აგერ, ტყის განაპირას, ბავშვები თამაშობენ, ოღნავ მოშორებით, ეზოიანი სახლი რომ ღვას, იმ ეზოში ძაღლი ყეფს, ამ ხის ტოტებში, რომლის ძირშიც მე ვზივარ, ბელურები ჟიჟივებენ, მაგრამ ტყეში არც ბავშვების ხორხოცი ისმის, არც ძაღლის ყეფა, არც ბელურების ჟიჟივი...

...და ამ სიჩუმეში ნოშრევეან ბეთანელი დამიდგა თვალწინ.

ეს გუშინწინ იყო. ჩვენი სახლის აივანზე ვისხედით და ზღვაში ჩამავალ მზეს გავცქეროდით.

— ყოველი ადამიანი თავის ბედს თვითონვე შეიცნობს, — სევდიანად თქვა ნოშრევეანმა, — ზოგიერთი ზედმიწევნით, მიახლოებით კი, ყველა.

ჩახველა და პაპიროსს მოუყიდა.

— თუ ბედი მაინცდამაინც არ ელიმილება ადამიანს, გაიბუნდოვანებს და თავს ისე დაიჭერს, თითქოს არ იცოდეს, ხვალ და ზეგ რა დატრიალდება მის თავზე, მაგრამ უკაცრავად: ბედი ადამიანის სულში ზის და აღმაღალმა დაატარებს თავის ნებაზე...

პაუზა.

— მე ორმოცი წლისა მოვეკვდები, — დაბეჯითებით თქვა ნოშრევანმა.

მე გულში გამკრა, ვითომ ირონიულად გაეუღიმე, — შეხედე რა საოცრად ჩადის მზე — სიტყვა ბანზე ავუგდე.

მიმიხვდა, მხარზე დამადო ხელი, თვალეზში ჩამხვდა და ისევ დარწმუნებით თქვა.

— ნოშრევან ბეთანელი გარდაიცვლება ორმოცი წლისა, შენ რატომ შეშინდი?.. ამიტომაცაო, ნოშრევანი ადრე დაქორწინდება და დაქვრივებულ მეუღლეს დაზრდილ შვილებს დაუტოვებსო...

ბედმა შეაყვარა ნოშრევან ბეთანელს თეატრი, უნივერსიტეტის კარი გამოუხურა და თეატრალურ სტუდიაში შეაგდო, ანა შეათვევინა ცოლად, „პეტროდვორეცზე“ დასვა და სამშობლოში გამგზავრა.

ახლა ანას ეალერსება, სამშობლოსკენ მიუხარის გული და ეს სიტყვები არ ახსოვს ნოშრევან ბეთანელს, მაგრამ ვაი რომ ფეხდაფეხ მიჰყვება ბელი.

...ისევ ზღვას გაეხედე. ლალად მიცურავს „პეტროდვორეცი“, მზიანი დარია, თბილა და მგზავრები გემბანზე გამოფენილან. ანა და ნოშრევანი? ნეფე-დედოფალი კაიუტაში შეეკეტოდა, მაგრამ ჩემი თვალი კარდაკეტილ კაიუტაშიც შეიხვდავს, ახლავე გიპოვით, მეგობრებო!

საოცრება კია, ყველა კაიუტა მოვათვალეიერე და თვალი ვერ ვკიდე ანას და ნოშრევანს.

მიგიხვდით: გეშე ისეთი მოფარებული ადგილი გიპოვიათ, სადაც ჩემი თვალი ვერ შემოიხვდავს, მაგრამ ჩემს გულს ვერ დაემალებით, ჩემი გულის ამბავი ხომ იცით!

ჩემი გული: ვასილისა ეტლში მსუბუქად ჩაჯდა და ნავსადგურში მისვლამდე მის სახეზე ღიმილი არ გამქრალა. ახოვან და ნიქიერ ვაუკაცს გაჰყვა მისი ქალიშვილი და მღერის გული ბედნიერი დედისა. ნავსადგურში რომ შივიდნენ და ეტლიდან ბარგი გადმოაწყვეს, ვასილისას გული შეუკრთა. მერე ნოშრევანმა და როსტომმა ბარგი გემზე აიტანეს, ტრაპთან დედა-შვილი მარტოდ დარჩნენ და იგრძნო დედის გულმა, რომ შვილს სამუდამოდ ეთხოვებოდა და ბუდიდან ამოვარდა დედის გული... საშველად ანას მიაპყრო თვალი ვასილისამ და ვასილისას თვალმა ვერ დაინახა ანა, გარშემო მიმოიხვდა და ვერაფერი დაინახა, ვერც ზღვა, ვერც გემი, ვილაციის ხმა კი ჩაესმის ყურში, მაგრამ სიტყვებს ვერ არჩევს... ტრაპს წაავლო ხელი ვასილისამ, ძალა ვერ მიატანა და ძირს დაენარცხა. ანამ შეჰკივლა და ზედ გადაემხო გულწასულ დედას... მთელი ნავსადგური შეჩოჩქოლდა, ნოშრევანმა და როს-

ტომმა გაარღვიეს ხალხის ტალღა, ვასილისა და ანა ეტლში ჩასვეს, მერე ფრიალ-ფრიალით ჩამოიტანეს ბარგი „პეტროდვორეცი-დან“ და შინ მიბრუნდნენ.

წევს ახლა ვასილისა ტახტზე პირალმა, შესცქერის ჰერს და ვერაფერს ხედავს, ფეხებთან ანა უზის, მოშორებით ნოშრევა-ნი და როსტომი სხედან და ვასილისა მაინც მარტოა, არავის იკარებს ვასილისას გული.

ვასილისამ დედა გამახსენა.

დედაჩემის ნახვა მომინდა და ისევე ნარიყალას გავხედე.

აივანზე დგას დედაჩემი, აივნის მოაჯირს ხელებით დაყრდნობია და ჩემსკენ იხედება, მაგრამ სიჩუმეს არაა შერწყმული დედაჩემი და მე ვერ მხედავს. დედაჩემის ფიქრი კი მესმის. გახედეთ, რა შორსაა დედაჩემი ჩემგან, ეგერ, ნარიყალაზე ჩვენი სახლის აივანზე დგას, გულში ფიქრობს და მისი გულის ფიქრი მე აქ, ოდესის გარეუბანში, ტყეში შეჟუჟულს მესმის.

მეოთხე წელია დედაჩემი ასე დგას აივანზე, ოდესისკენ იყურება და ჩემზე ფიქრობს.

და დაქანცული დაწვება თუ არა, ჩემი თავი დაესიზმრება. წერილებში კი არ მწერს ამას, მაგრამ მე დანამდვილებით ვიცი, რომ ეს ასეა. მე კი, თბილისიდან ოდესაში რომ ჩამოვედი, მხოლოდ თვენახევარი მესიზმრებოდა დედაჩემი და, ყოველთვის გათენებისას, როცა ხელახლა ჩამეძინებოდა.

...მე აღრე მეღვიძება. როგორც კი გამეღვიძება, ვდგები. როსტომს და ნოშრევანს არხეინად სძინავთ. თბილ ხალათს მოვისხამ, კარს უხმაუროდ ვაღებ და ეზოში ჩავდივარ. ღრმად ამოვისუნთქავ, თვალებს ფართოდ ვახელ და მიმოვიხედავ — სიბნელეა, მაგრამ ვაშლის ხეებს მაინც ვხედავ, რომელი ვაშლის ხე სად დგას, ვიცი, ამიტომ სიბნელეშიც ვხედავ ამ ვაშლის ხეებს. დილა ჯერ შორსაა, — მე კი არა, ზღვასაც არ ესმის მისი ნაბიჯების ხმა. ჰო, ზღვასაც ვხედავ. ვიცი, ჩემგან სამას ნაბიჯზეა ზღვა და ამიტომაც ვხედავ, ვითომ ზღვის ფრთონვაც მესმის, ნამდვილად კი ზღვა გალურსტულია, თვალდახუჭული და ძინავს ზღვას.

ფრთხილი ნაბიჯებით წავალ ჰიშკრისკენ, ჰიშკარი თეთრია და ჰიშკარს ნამდვილად ვხედავ. ჰიშკართან ფართო და დაბალი ძელსკამია, გავაფენ ხალათს ძელსკამზე, დაეწევი პირალმა და ცას შევაცქერადები. ოქტომბერში უმეტესად ღრუბლიანია ოდესის ცა და ვერაფერს ვხედავ, მაინც შევსცქერი ბნელ ცას, ვუთვალთვლებ ღრუბლებში შემალულ ვარსკვლავებს, ხანდახან ღრუბელი გაიცირიცება, ან ქარი გადარეკავს ღრუბელს და ვარსკვლავები გა-

მოჩნდებიან, — ცივი, მოწყენილი ვარსკვლავები, და მეც შემცივ-  
დება.

კიდევ კარგი, დედაჩემი ვერ მხედავს, თორემ გადაირეოდა სა-  
ცოდავი დედაჩემი.

ჰოლა, ცოტა, შემცივნებულს, ჩამთვლემს თუ არა, სიზმარი წა-  
მიღებს.

სიზმარი: ნარიყალა. პატარა ეზო. ორსართულიანი სახლი. ზე-  
და სართული. სასადილო ოთახი, ოთახში დედაჩემი ფუსფუსებს,  
სუფრას შლის და მამაჩემს ელოდება. არა, მარტო მამაჩემს არ  
ელოდება. დღეს შაბათია და ჩვენი ოჯახის მეგობრები ჩვენსას მო-  
იყრიან თავს (ეს კი არ მესიზმრება, ამას მე ვუმატებ სიზმარს)...  
ჩვენს სახლში ყველაფერი ძველებურადაა, კი, ყველაფერი ისეა  
როგორც დავტოვე, ოღონდ ჩემი ოთახია გამოცვლილი, გამო-  
ცვლილი კი არა, პირწმინდად გამოცარიელებულია ჩემი ოთახი,  
ყველაფერი გაუტანიათ და კარიც დიდაა დატოვებული.

ასე რატომ გამიმეტეთ-მეთქი, ვიტყვი, სიზმარში, შევზინდები  
და მამაჩემზე მომივა გული.

ვიცი, მამაჩემმა მოიმოქმედა ეს! გულმოსულია ზალატარი-  
ოვებთან რომ არ დავბინავდი და ჩემს ოთახზე იყარა ჯავრი... დე-  
და კი ჩვეულებრივად უვლის ჩემს ოთახს და შინ ვეგულები.  
დილით შემოაღებს ჩემი ოთახის კარს და დაყვავებით მეტყვის —  
ადექი, ჭუანშერ, საუზმე მზადააო. მერე შუადღისას სასადილო  
ოთახიდან ხმამალა დამიძახებს, მალე შემოდი, ჭუანშერ, კერძი  
გაგიცივდებაო. მერე ნასადილევს, მე რომ ვითომ ამხანაგთან წა-  
ვალ, დედაჩემი ჩემი ოთახის ორივე ფანჯარას გააღებს, გაანიავებს  
ოთახს, თვითონ ფანჯარაზე გადმოეყრდნობა და მელოდება...

ოღესაში ჩამოსვლის პირველ წელს ოქტომბრის მიწურუ-  
ლამდე მესიზმრებოდა ასეთი სიზმარი. მერე აცივდა, ვერ ვბე-  
დავდი გამთენიისას ეზოში ჩამოსვლას და ჩემი სიზმარიც გაქრა.

...ჰოლა, ახლა ისევ დგას დედაჩემი აივანზე, ჩემსკენ იხედება  
და ფიქრობს ჩემზე:

კიდევ ერთი წელი და ჭუანშერი დაამთავრებს უნივერსიტეტს,  
ჩამოვა, სამსახურში დადგება და ცოლს შეირთავს. მალე შვილი-  
შვილი შეეძინება გარსევანიშვილების ოჯახს და გამრავლდება  
გარსევანიშვილების გვარი...

ასე ფიქრობს ერთადერთი შვილის დედა. ბუნებრივია მისი  
სურვილი, მაგრამ დანამდვილებით ვიცი, ეს სურვილი არ  
აუსრულდება. უნივერსიტეტს კი დავამთავრებ და შინ მივბრუნ-  
დები, მაგრამ ცოლის შერთვისა რა მოგახსენოთ. ამქვეყნად ერ-  
თადერთი ბედნიერება მარტოობააო, შეგვაგონებს შოპენჰაუერი.

მე არ ვიზიარებ შოპენჰაუერის შეგონებას, ყველაზე დიდ უბედურებად სწორედ მარტობა მიმაჩნია, მაგრამ გული რატომღაც მარტობისკენ მიმიწევს.

ნოშრეევანი უკვე დაქორწინდა, როსტომს დანიშნული ჰყავს, ჩემს გულს კი, ჭერ არავინ გაჰკარებია და ვიცი, ვერავის შევიყვარებ, რატომღაც რომ მკითხვით, ვერ გიპასუხებთ...

სიკვდილივით კი შეშინია მარტობისა, მაგრამ ჩემს სიცოცხლეს მარტობაში გავატარებ.

ჰოდა, როგორც ნოშრეევან ბეთანელს აქვს ნაბრძანები, დავამთავრებ უნივერსიტეტს და გავხდები სასამართლოს მოხელე. ვიქნები ვეჟილი, გამომძიებელი, ან მოსამართლე, პროკურორი კი, არავითარ შემთხვევაში! პროკურორი ჩემზე მტკიცე ხასიათისა უნდა იყოს.

...რა მყუდრო ყოფილა ეს პატარა ტყე! სულ ცოტა, ორი საათი მაინცაა ვზივარ ზურგით ხეს მიყრდნობილი და არავინ გამოჩენილა. ფიქრისათვის კი აუცილებელი ყოფილა სიჩუმე და მარტობა, შოპენჰაუერი ფიქრის კაცი გახლდათ და უთუოდ ამიტომაც მიაჩნდა მარტობა ბედნიერებად.

ხარ შენთვის ცალკე, არავინ გიშლის ხელს და ფიქრობ და ფიქრობ, — გინდ შავად დანახვ ცხოვრება და გინდ თეთრად, ტყეში გაჰკიდე შენი ბილიკი, მოგეწყინა? ზღვაში შეტურდი უიალქნო ნავით, ქარიშხალი და გრივალი ამოაგდე, ააღელვე ზღვა და ერთმანეთს მიაშხვრიე ხომალდები... მერე დაამშვიდე ზღვა. ამოიყვანე მზე, გაანათე და გაათბე დედამიწა; ნელა მიედინება მდინარე და ზღვა არ დელავს, ოდნავ ჰქრის გრილი ნიავი, მარტო ხარ სიჩუმეში და გაილაღე ოცნება: ბოროტება ქვესკნელში ჩამძვარა და დედამიწაზე სიკეთე მიაბიჯებს, ყველა ჯანმრთელია და ყველა თავის საქმეს აკეთებს: ხურო აშენებს, გლეხი ხნავს, მხატვარი ხატავს, ბავშვი დედაენას სწავლობს, ბებია ზღაპარს უყვება შვილიშვილს, ქახქახებს შაშვი და გალობს ბუღბული.

...მიმოვიხედე: ახლომახლო არავინ იყო და შევშინდი. კიდევ კარგი, ქუჩაში მოსიარულეთ მოვკარი თვალი, მერე მათი საუბარიც შემომესმა, ბურანიდან გამოვერკვიე და ავდექი.

— სად მიდიხარ? — მკითხება გული.

— ვასილისა და როსტომი შინ 'არიან, უკვირთ, ავადმყოფი ჭუნაშერი სად წაეხეტათო, მელოდებიან და მეც წაველ შინ.

— ანა და ნოშრევანი?

დამაფიწყდა. აკი უკუღმა დაუტრიალდა საქმე. ნოშრევან ბეთანელს!

მივალ სახლში მე, გაოცებული შემომაცქერდება ნოშრევანი და საყვედურით მეტყვის... არა, ნოშრევანი ხმას არ გამცემს, ისეთი თვალთ ამხედ-დამხედავს, მტრისას:

— აკი, ავად იყავი ყმაწვილო? — თვალებით მეტყვის ნოშრევანი, — წავედით ჩვენ და ერთ საათში მორჩენილხარ! დიხაც რომ ერთ საათში მორჩენილხარ, უფრო ადრეც! საათიც კი არ იყო გასული, ჩვენ რომ მოებრუნდით! რაო, რა ამბავია ქალაქში?

რას ვეტყვი მე?

მართალი ბრძანდება ნოშრევანი და მე ვერაფერსაც ვერ ვეტყვი.

ნოშრევანი ერთხელ კიდევ ამხედ-დამხედავს და ზურგს შემეპყვეს.

ახლა ანა?

ანას ცრემლიანი თვალები აქვს და იმ ცრემლიან თვალებს დედას უმაღავს, სახე ვითომ უღიმის და იმ ღიმილიანი სახით დედას ამხნეებს, — ისეთი არაფერი მომხდარაო, ეუბნება დედას, უცაბედად გული შეგიღონდა და სულ ეგ იყო. მე რომ დამინახავს ანა, შეტოკდება, სახეზე ღიმილი გაუქრება, თვალებში ცრემლი შეაშრება, კუშტად გამომხედავს, არაფერს მეტყვის, ადგება და ოთახიდან გავა.

ახლა როსტომი?

ეს როსტომი გამაგიჟებს! მიმჯდარა ფანჯარასთან, ეთომ ზღვას გასცქერის და სახე ისე უღიმის, ყველაფერი ფეხზე ჰკიდია; იგრძნობს ჩემს მისვლას როსტომი, და კი არ გამომხედავს, მხრებს შეათანაშებს, აქაოდა, რა პირით მოხვედითო.

მიმესვლება ასეთ სახლში მე? არა, არ მიმესვლება! და არც მივალ!

ავდგები ახლა მე და პირდაპირ ზალატარიოვებს მივადგები. მე შენ ვეტყვი და ეწყინებათ, პირიქით, ცას ეწყვიან სიხარულით. — სულ შენი დარდი მქონდაო, რა კარგი ჰქენი, ჩვედთან რომ მოდიო, მეტყვის ქალბატონი ანასტასია, მკერდში ჩამიკრავს და მაკოცებს.

ბარგის გადმოტანაში შემეშველე-მეთქი, ვთხოვ მე ზალატარიოვების ვაჟიშვილს ვოვას და, თქმა არ უნდა, შემეშველება. ჩაეჭლებით ეტლში და წამოვალთ. გზაში ჩემს გასაპირს გავუხმელ



ვოვას; ლოგინოვების სახლს რომ მივუახლოვდებით, მე ჩამოვალ ეტლიდან და ვოვა მართო მინა ლოგინოვებთან, ჯერ მოერიდება, მაგრამ მერე ეტყვის სათქმელს და ყველაზე უფრო როსტომი მიმიხვდება. იცის როსტომმა, ნოშრევანს ჰირივით რომ ევჯავრები. ნოშრევანიც მიმიხვდება და კი არ ეწყინება ჩემი აბარება, გაუხარდება. ანაც გაიხარებს... ვასილისა? ახლა არ ეტყვიან ვასილიასას. როცა გაიგებს, დარწმუნებული ვარ, ეწყინება, მაგრამ მაინც დამაინც გულს არ გაიხეთქავს...

გადაეწყვიტე, მე ზალატარიოვებთან მივდივარ!

— რომ იქაღნები ზალატარიოვებთან წავალო, კალთას ვინ გაღლეტს, აღეკი და წაბრძანდი, ბატონო! — მეუბნება გული.

მე კი წავალ ზალატარიოვებთან, მაგრამ ქართული თეატრი რომ იღუპება, ვინლა უშველის? თბილისიდან შემოუთვალეს ნოშრევან ბეთანელს, ქართული თეატრის ბედი ბეწეზე ჰკიდა, მოგვეშველე, უშენოდ ვერაფერს გავმხდარვართო, და ნოშრევანმა შეუთვალა, — გამაგრდით, მალე ჩამოვალ და, ახლა ნოშრევან ბეთანელის სიდედრის ავადმყოფობას შევწიროთ ქართული თეატრის ბედი! კარგი საქმეა!

...ერთ კვირაში მომჯობინდება ქალბატონი ვასილისა, დილაადრიან ისევ მოადგება ორი ეტლი ლოგინოვების ჰიშკარს, ერთში ბარგს ჩააწყობენ, მეორეში თვითონ ჩაბრძანდებიან, აღმართავს ხელს ნოშრევანი და ეტლები დაიძვრიან. ნავსადგურში „პეტროდვორეცი“ დახვდებით, ნოშრევანი და როსტომი ბარგს გემზე აიტანენ, ტრაპთან ანა და ვასილისა დარჩებიან. იგრძნობს დედის გული, შვილს სამუდამოდ ვეთხოვებით, შეკრთება, შეიკუმშება გული, დაბარბაცდება ვასილისა და ქვაფენილზე დაენარცხება. შეკივლება. ჩოჩქოლი. ნოშრევანი და როსტომი გემიდან ფრიალ-ფრიალით ჩაპოიტანენ ბარგს, მერე ანა და ნოშრევანი აიტატებენ ვასილისას, ჩასხდებიან ეტლში და ჰაიდა, შინისაკენ!

კიდევ ერთი კვირა დაიცდის ქართული თეატრი.

ერთი კვირის შემდეგ ისევ...

ვინ მეკითხება მე კიდევ ერთი კვირის შემდეგ რა მოხდება? ან რატომ ვიმტვრევ მე თავს? ქართულმა თეატრმა და ნოშრევან ბეთანელის სიდედრმა თვითონვე მიხედონ თავიანთ ბედს!

მე დავიდალე ამდენი ფიქრით, უკვე მოსალამოვდა, თან წაეიხემსებ რომელიმე სასაუზნეში, მერე მივადგები ზალატარიოვებს და გავახარებ მათ ოჯახს...

მე წავედი ზალატარიოვებთან.

...სად იყავი? — შემომესმა როსტომის ხმა.

შევეკრთი. თვალები ფართოდ გავახილე და დავაკვირდი — როსტომია. ენდე ახლა გულს! სად მივდიოდი და სად მოვუყვანივარ?

როსტომი ჭიშკართან ძელსკამზე იჯდა. მე რომ მივუახლოვდი, ადგა.

— შენ მარტო ხარ? — ვკითხე მე.

ვასილისაც სახლშია.

— ვასილისაც სახლშია.

— ანა და ნოშრევანი? — გავიკვირვე მე.

როსტომმა გაიღიმა და ამხედ-დამხედა.

გონს მოვეგე: მე რომ ნავსადგურიდან შინ მოვებრუნე ანა და ნოშრევანი, ჰაიდა, „პეტროდვორეცით“ მიტურავენ...

მე რომ გული შევუღონე და ქვაფენილზე დავანარცხე ვასილისა, — არაფერიც ამისდაგვარი.

გზა დაულოცა ქალიშვილს და სიძეს ვასილისამ, ღიმილიანი დაემშვიდობა და შინ დაბრუნდა. ცოტა დაღლილია, ადრე დაწოლილა და ძინავს.

მართლაც რომ მაგარი არსებაა დედაკაცი.

როსტომი და მე სახლში შევედით.

სუფრაზე ვახშამი იყო გაწყობილი.

— შენ გელოდი, — თქვა როსტომმა და სუფრას მიუჯდა.

მსუბუქად ვივანშემეთ და თითო ჭიქა ღვინოც შევსვით.

— მაინც სად იყავი? — სხვათა შორის მკითხა როსტომმა და ტანთგაუხდელი ლოგინზე წამოწვა.

წუხანდელი ნაჭეიფარი გახლავთ როსტომი, ამ დილითაც წაჩქეიფა, მერე ნავსადგურშიც დალოცა ნეფე-დედოფალი, დაღლილია, დაწვეს და დაიძინოს.

— არსად! ახლა დავწვეთ! — ვთქვი მე და სუფრა ავაღაგე.

მსუბუქი ფშვინმა შემომესმა... ლამპას ჩავუწიე და ავივანზე გამოვედი.

ნელი ზღვაური ჰქრის, მეზობელ სახლში ხმადაბლა უკრავს გარმონი, ეს ნატაშაა, საღამოობით, როცა მარტოა ნატაშა, ყოველთვის გარმონს უკრავს და რალაც უსიტყვო სიმღერას მღერის...

ქალბატონი ვასილისა დაღლილია და წვეს, მაგრამ არ ძინავს, დანამდვილებით ვიცი, ამღამინდელ ღამეს თეთრად გაათენებს ვასილისა, მარტოობისა ეშინია! და ვერ დაიძინებს. მისი ბედი მე ხელისგულზე მიწერია, კარგი არაფერი მოგელით ქალბატონო ვასილისა, ძალიანაც მეზრალეობით, მაგრამ ვერაფერს ვიშველით.

ანასა და ნოშრევანის ბედიც ხელისგულზე მიწერია და მეზ-

რალებიან... ღმერთო, ნუ: გაამართლებ ჩემს წინასწარმეტყველებას! არა, მე არაფერი მიწინასწარმეტყველებია ანასა და ნოშრევანისათვის! — მშვიდად ჩაიყვანე ნეტე-დედოფალი თბილისში, დაუღე მყუდრო ბინა და აცხოვრე ბედნიერად!

ქვითინი შემომესმა.

რა მიხვედრა სჭირდება, ვასილისა ქვითინებს! ძალიან ხმადაბლა ქვითინებს ვასილისა, ეტყობა ოთახის კარი ღიაა და ისეთი სიჩუმეა, ვასილისას ჩუმი ქვითინიც ქვედა სართულამდე აღწევს.

აჲალ, გავესაუბრები, გავამხნევებ, — გავიფიქრე გულში და ეზოში ჩავედი, განგებ ხმამალა ჩაეხველე, კიშკარისკენ გავაბიჯე და ზედა სართულის აივანს ავხედე — ვასილისას ოთახში სანათლე ანთია და აივანზე გამომავალი კარი ღიაა, მაგრამ ეზოში არ მესმის ვასილისას ქვითინი.

უთუოდ იგრძნო, რომ მე არ მძინავს და თავს იკავებს.

არა, ზევით არ ავალ, მას ახლა მარტოობა ურჩევნია, მარტოობაში მოიოხებს გულს და ჩაეძინება.

ძილი ნებისა, ქალბატონო ვასილისა!

...ინათა თუ არა, როსტომი ადგა, ანკესები ამოიიღლია და ოთახის კარი ფრთხილად გაიხურა. ლოგინიდან წამოვდექი და როსტომს მივადევენე თვალი. ეზოც ფეხაკრეფით გაიარა როსტომმა და კუტკარში ლანდივით გაძვრა.

ჩავიცვი და აივანზე გამოვედი.

ღურბლიანი დილაა და ცივი ზღვაური ჰქრის. ზღვისპირას უფრო ეციება, როსტომი კი ხალვათადაა ჩაცმული, ამოვიიღლია ვებ როსტომის თბილ მოსასხამს, მეც ფეხაკრეფით გავივლი ეზოს, კუტკარსაც გაუჭრიალებლად გავაღებ და ზღვისკენ მოვკურცხლავ.

ვითომ ლიტესიტების დასაჭერად გაუწია გულმა როსტომს ამ ადრიან დილით? ვერ მომატყუებს: ვასილისასთან შეხვედრა ეუხერხულემა როსტომს, მაგრამ როდემდის დაემალება ვასილისას? სადილად ხომ უნდა მობრძანდეს? არ მოვა? ვასილისა გამაგზავნის მასთან. გამიჩიუტდება? ერთს მაგრა შევეუბლვერ, მის ანკესებს და ლიტესიტებს ზღვაში მოვისვრი, მკლავში ჩავავლებ ხელს და წამოვიყვან.

დავსხდებით სადილად. ვილუკმებით და არაფერს ვამბობთ. სუფრის ერთ მხარეს როსტომი და მე ვზივართ, ჩვენს პირდაპირ ვასილისა ზის. არც ვასილისა იღებს ხმას. როსტომი და მე თავდახრულები ვზივართ, მაგრამ ვგრძნობთ, ვასილისა ხან მე შემომხედავს, ხან როსტომს და გულმოსულია ჩვენზე. რატომ? ჰო, რატომ? რა დავუშავეთ როსტომმა და მე ვასილისას?

ნოშრევანმა რომ ანა შეიერთო, ამაში მცირე წვლილი მაინც უღვეს როსტომ ჯორჯაძეს; კი ეგ, სიმართლეა! ჰოდა, ამიტომაც არია როსტომზე გულმოსული ვასილისა. გრძნობს ამაა როსტომი და მიტომაც გაიპარა დილაადრიან სახლიდან.

მე, როგორც ფილოსოფიურად მოაზროვნე ფსიქოლოგს, ვასილისას გულში ნათქვამი ყოველი სიტყვა მესმის. ფილოსოფიურად უნც განსწავლული ჰყევხარ, როსტომ, მაგრამ ფსიქოლოგიაში მოიკვლებ, ამიტომაც შენ, ჰადაჰა, მართოდენ გრძნობ, რომ ვასილისა გულმოსულია შენზე, მაგრამ საკუთრივ რაში გადანამაულებს, ვერ ამოხსნი და მე შეგეშველები.

ვითომ სადილობის დროა.

ჰოდა, სუფრას ვუსხეღვართ ვასილისა, როსტომი და მე.

ვზივართ და ვილუკმებით. ვასილისა დაღონებულია, როსტომი დამორცხვებული, მე თამამად ვზივართ.

შევხედავ ვასილისას და ვკითხულობ:

— ერთადერთი შეილი მკერდიდან ამაგლიჯეთ, სამართალია ეგა?

როსტომს შევაგლებ თვალს, აშკარაა, როსტომსაც გაუგია ვასილისას გულში ნათქვამი სიტყვები და ცოტა არ იყოს, გავიოცებ.

ისევე ვკითხულობ:

— განა თქვენ არ ამაგლიჯეთ გულიდან? დიახაც, თქვენ მომტაცეთ ანა! როსტომსა და ჯუანშერს ხელი რომ არ შეეწყოთ ნოშრევანისთვის, ეს არ მოხდებოდაო.

ცდება ვასილისა: როსტომი მართლა იყო ხელშემწყობი, მე არა! ამიტომ ვასილისას შეცდომას მე გავასწორებ და როსტომს ასე მოვახსენებ:

— შენ არაო, ჩემზე თქვა ვასილისამ, ჰო ჯუანშერს ხელი არ შეუწყვია ნოშრევანისთვისო, ჯუანშერმა ბარათიც კი გაუგზავნა ნოშრევანის მამასო, ჯუანშერი ანასა და ნოშრევანის ქორწილსაც არ დაესწროო, როსტომი კი, უპირველესი ხელშემწყობი იყო: ვითომ ანასთან დალიოდა თეატრშიო, ნამდვილად კი, თეატრამდე მიაცილებდა ანას და ვიღრე ანა და ნოშრევანი თეატრიდან არ მობრუნდებოდნენ, ქალაქში ხეტიალობდა როსტომიო, მერე ჩვენს სახლთან ახლოს შემოუერთდებოდა ანასა და ნოშრევანს და ეზოში საუბარ-საუბართ შემოდრიოდნენ, ვითომ ერთად ყოფილიყვნენ თეატრშიო.

გენიშნათ, პატივცემულო როსტომ? მაშ, მართალი უბრძანებია ქალბატონ ვასილისას გულს. ჰოდა, ორივე ფეხით დგახარ ცოდვაში... დუმხარ? არაფერი გაქვს სათქმელი და მიტომაც დუმხარ...

— ეგ შენი მეგობარი, — ჯვრძელებს ვასილისა, — დილაუთე-

ნია რომ გაიძურობა სახლიდან, ჰგონია თვალი ვერა ვკიდე? დიახაც დავინახე ლანდივით რომ გავიდა ჰიშკარში და ზღვისკენ გააბიჯა. ვითომ სათევზაოდ გაუწია გულმა? მეძალეობა! რაღაც-რაღაცები მინდა გამოვკითხო და მემალეობა! როდემდის დამეძალეობა? ჰო, როდემდის?

ეს მართალი თქვა ვასილისამ და მეც ასე მოვახსენებ როსტომს. მართალი უბრძანებიაო, იტყვის როსტომი. კი, ორივე ფეხით ცოდვაში დგას როსტომ ჯორჯაძე.

...ზღვაური ცოტა შენელდა და ჰაერიც შეთბა. — აედგები ახლა მე და როსტომთან წავალ, — გაეფიქრე და აივანზე გამოვედი. ნაბიჯების ხმა შემომესმა. კიბეს აუხედე. კიბეზე ვასილისა ჩამოდიოდა და შეეცბი. შემხედდა თუ არა, გამოიღმა, როგორა ხარო, მკითხა, მსუბუქად ჩამიარა და ჩვენს ოთახში შევიდა. შეეყვივი. აბურღული ლეიბ-საბანი თვალში მეცა, ჩემს საწოლთან მივიკერი და საბანს დავევლე ხელი. არაო, თქვა ვასილისამ, შალითები და ზეწრები, გამოსაცელებლიაო, საბანებს შალითები შემოხსნა, ლეიბებს ზეწრები ააცალა, დაახვია და ოთახიდან გაიქანა. — მებადურს უხმე და საუზმეზე ამოდიოთ, — ეს უკვე ზედა სართულიდან ჩამომძახა.

ნახევარი საათის შემდეგ სამივენი ვილუკებოდით. ვასილისა და მე მადიანად, როსტომი ცოტა მორცხვობდა და უხასიათოდ იყო, მაგრამ ერთი ჰიქა არაყი რომ გადაჰკრა, ხასიათი უცებ გამოუსწორდა და რაღაც უხეირო ანეკდოტიც კი შემოგვაპარა.

— ჩემს ანას და ნოშრევანს ბედნიერი სიცოცხლე! ჩემი ანა და ნოშრევანი... — უცებ ხმა ჩაუწყდა ვასილისას, წუთით გახვედა, მაგრამ უცებ მოეგო გონს, პატარა ჰიქა მარცხენა ხელში გადაინაცვლა, მარჯვენა ხელით პირჯვარი გადაისახა და არაყი მოსვა.

როსტომმა და მე უხერხულობა ვიგრძენით, ვასილისა მივიჩვენა და და შემოგვიტია, — თქვენ რატომ არ შესევამთ? არ ადლეგრძელებთ ჩემს ანას და ნოშრევანს?

მე უსიტყვოდ შევსვი.

როსტომმა თქვა: ზღვა მშვიდია, „პეტროდვორეცი“ ლალად მიცურავს, ანა და ნოშრევანიც საუზმობენ ახლა და ჩვენ გვადლეგრძელებენ... შეეცდი. — დაუმატა როსტომმა, — სამივეს არა, ვასილისას ადლეგრძელებენო.

და ვასილისა ადგა, გაგიღმა, — თქვენი სადლეგრძელო იყო-სო, — ხმაძალდა, ყალბი ზეიმურობით თქვა; უმაღლე იგრძნო და შერცხვა, სახე აგვარიდა, ხელჩანთას დაავლო ხელი, ოთახიდან სწრაფად გავიდა და კიბე ჩქარი ნაბიჯებით ჩაათავა. — ბაზარში მეჩქარებო, — ეზოდან ამოგვქანა.

როსტომი და მე ერთმანეთს შევაჩერდით.

— თამაშობს! — ვთქვი მე და ავდექი.

პაუზა.

— სიძე მსახიობი ჰყავს, ქალიშვილიც მოიმსახიობებს და არც თვითონ ჩამორჩება სიძეს და ქალიშვილს. შეხედე, როსტომ, როგორ გულდაგულ დაუმასმასებია ზედა სართული და განა ამ დილით მოასწრო? წუხელ თვალი არ მოუხუჭავს, თავი კი ისე მოგვაჩვენა, ვითომ მთელი ღამე არბენად ეძინა, ვითომ ბედნიერია, რომ მისი ანა ნოშრევანმა შეირთო და ასე შორს წაიყვანა ჰო, უჩვეულო და მოულოდნელი არაფერი მომხდარა: ანას და ნოშრევანს ერთმანეთი შეუყვარდათ და დაქორწინდნენ, აბა რა უნდა ექნათ? და დედას უხარია! არ გაიხაროს დედის გულმა შვილის ბედნიერებით?

თამაშობს და მოხერხებულადაც თამაშობს ბედნიერი დედას როლს ქალბატონი ვასილისა, ღმერთმა მოუმართოს ხელი! ახლა განა ბაზარში წაეიდა? სადმე ყრუ ადგილს იპოვის, ტირილით მოიჯერება გულს, მერე საჩელოდახელოდ იყიდის რამეს და შინ დიმილიანი მობრუნდება.

ანა და ნოშრევანი გაემგზავრნენ და მეორე დღესვე ვიგრძენი, რომ ჩვენი სახლი დაცარიელდა და დაყრუვდა. აჭარბებსო, გაიფიქრებთ თქვენ, თორემ იმასაც ვიტყვი — მთელი კარმიდამო დაუშნოვდა-მეთქი. ჰო, ლოგინოვების ორსართულიანი კოპწია სახლი დაცარიელდა, დაყრუვდა და დაუშნოვდა. მოლიანმა და ყვავილებიანმა ეზომ მიმზიდველობა დაკარგა, მებზობლები და ნაცნობები გვერდს გვივლიან, წარმოიდგინეთ, იმ პატარა ნატაშამაც ფეხი მოიკეთა ჩვენი სახლიდან.

...კუთქარი მსუბუქად რომ გაიჭრიალებდა, ვიცოდით, ეზოში ანა შემოდისო, ვიდრე ზედა სართულზე ავიდოდა ანა, აუცილებლად შემოალებდა ჩვენი ოთახის კარს, — როგორა ხარო, ჯელებო, გკითხავდა და გაგვიღიებდა. გაიღიებდა ანა და ჩვენს ოთახს სინათლე ემატებოდა; დედაჩემი ხომ შინააო, დიმილითვე იკითხავდა და კიბეს აირბენდა. მეშინია არ იფიქროთ აჭარბებსო, თორემ ვიტყვოდი: ანა რომ კიბის საფეხურზე შეადგამდა ფეხს, კიბე ამღერდებოდა. კი, ნამდვილად ასე იყო... მერე სასადილო ოთახში მოვიყრიდით თავს, ხალისიანად შემოვუსხდებოდით სუფრას, ყველა კერძი გვეგემრიელებოდა და ერთმანეთს ველიმილებოდით.

როსტომი და მე ძალიან დაგვადონა ნოშრევანის წასვლამ.

თითქოს შუათანა ძმა გამოგვკლდაო. ყოველთვის მოუთმენლად ველოდით ნოშრევანის მოსვლას. ნოშრევანი კი ხშირად იგვიანებდა, კვირაში ორჯერ კი, ძალიანაც იგვიანებდა, რადგან რიგითი წარმოდგენის დამთავრების შემდეგ, ახალი წარმოდგენის რეპეტიციებს ატარებდნენ. არ მახსოვს, როსტომი და მე დაძინებული დავხვედროდეთ ნოშრევანს და ნოშრევანი შემოგვიწყობდა, რატომ მელოდებითო. ჩვენ თავს ძალას როდი ვატანდით. ისე, თავისთავად ვერ ვიძინებდით, გრძნობდა ამას ნოშრევანი და გულში ნამდვილად უხაროდა.

ახლა ჩვენს ოთახში ორი საწოლი დგას. ნოშრევანის საწოლი, ქორწილის მერე დღესვე ზედა სართულზე აგვატანინა ვასილისამ და ანას საწოლს მიუდგა. შელამდება თუ არა, ვასილისა თავის ოთახში შეიყუყუება, როსტომი და მე ჩვენს ოთახში; ვართ ასე ცალ-ცალკე, ვფიქრობთ ჩვენს საფიქრალს და დაცრუებულია ჩვენი სახლი:

ამინდი აიშალა. ზღვა ღელავს და ტალღები ეხეთქება ნაპირს. ხომ ასე ხსლოა ჩვენი სახლი ზღვასთან და ღელვის ხმა მაინც ვერ აღწევს ჩვენს სახლამდე, რატომო, შეიძლება იკითხოთ თქვენ და გიპასუხებთ: ის ხმა სველია, სველი ხმა კი მშრალ ჰაერს ვერ ჰკვეთს და ზღვაშივე ბრუნდება. ეს ჩემი აღმოჩენა გახლავთ და მთელი ქვეყნის ფიზიკოსებმა საწინააღმდეგო რომ დაამტკიცონ, მაინც ვერ ვერწმუნები. პოდა, ის ღელვის ხმაური ჩვენს სახლამდე რომ აღწევდეს, არ ვიქნებოდით ასე გამოყრუებული. ხმა ცოცხალ არსებასავითაა, ფიქრის აღმძვრელია ხმა, გეკითხება და პასუხს თხოულობს შენგან, ძირისძირამდე ჩაგყვება ხმა და აგალაპარაკებს.

ჩვენ კი, ვზივართ დაცრუებულ ოთახში, ახლოს, ყურისძირთან ღელავს ზღვა, ნაპირს ეხეთქება ტალღები და ღელვის ხმაური ვერ აღწევს ჩვენამდე. რადგან სველია ხმა, ხოლო სველი ხმა ვერ ჰკვეთს მშრალ ჰაერს და ზღვაშივე ბრუნდება.

როსტომი ტახტზე წევს და ვითომ წიგნს ჩაჰკირკიტებს, ფურცლავს კი წიგნს, შავრამ არა მგონია კითხულობდეს. მე ფანჯარასთან ვზივარ, ეზოში ვიხედები და ფიქრდსთვის თავი ვერ მომიბამს.

ზედა სართულის დიდ ოთახში ლამაზა ანთია, ფანჯრებიდან გამოჰკრილი მკრთალი მუქი ოღნავ ანათებს კიშკარს, აივანზე შალ-მოხურული ვასბლისა ზის და ოღნავ განათებულ კიშკარს მისჩერებია.

...პირველი ორი დღე როგორღაც მოახერხა გაორება ვასილისამ, მერე კი ძალამ უმტყუნა და მოეშვა.

ჯერ ჩვენთან საუზმობას აარიდა თავი, — მე, დილაადრიაან

ვლგებიო, ვერ დაგვლოდებით და მაპატიეთო. მერე ვახშაპი იუარა, — უძილობა დამჩემდა და ექიმმა მირჩია, ნუ ივახშმებო, სადილად კი, ერთად შემოვუსხდებით სუფრას, კერძებს ისევ გემრიელს გვიზადებს და ჩვენ უწინდებურად გვაძალებს, — ვაჟაკები ხართ და რატომ იციცქნებითო, ძალიანაც ცდილობს თვითონაც ხალისიანად იყვეს, მაგრამ მე კი არა, როსტომიც ამჩნევს, გული გაზოცილი აქვს ვასილისას და თვალები გამომშრალი. ხანდახან დაავიწყდება რომ ჩვენთან ზის, კისერს შეიმაღლებს, ჭიშკარს გაუსწორებს თვალს და სახე გაუშეშდება.

მე ვაკვირდები ვასილისას გაშეშებულ სახეს და ვკითხულობ:

„თქვენთვის, — როსტომსა და ჩემზე ამბობს ვასილისა გულში, — გაუგებარია ჩემი ტკივილი და დარდი. ჩიტი გიფრთხილებთ გულში. კიდევ ერთი წელი და დედ-მამას დაუბრუნდებით. ეს ოთხი წელი თქვენი ნახევარი დედა მაინც ვიყავი, გადგამთ ფეხს ჩემი სახლიდან და ვერ გისაყვედურებთ. ნახევარი დედა სამუდამოდ დაგავიწყდებათ, — საკუთარმა შვილმა დამადგა ფეხი გულზე და ცის ანაბარა დამტოვა! არა, როსტომსა და ჭუნაშერს ჩემი ტკივილი არ ეტკინებათ“.

ცდები-მეთქი, მინდა ვუთხრა ვასილისას, მაგრამ მის გაშეშებულ სახეს რომ ვხედავ, ხმა ვერ ამომიღია. განა დავივიწყებთ როსტომი და მე ვასილისას? განა არ გვებრალება ვასილისა? მაგრამ სანუგეშო ვერაფერი გვითქვამს. რითი ვანუგეშოთ მარტოდ დარჩენილი დედა? როგორ გავამზიარულოთ? ვიმღეროთ? ტაში დავუქრათ და ვიცეკვოთ? საცეკვაოდ გავიწვიოთ. ვასილისა? არაფერი გამოვა!

თქვენი ბედი ხელისგულზე მიწერია ქალბატონო. ვასილისა, კარგი არაფერი მოგელით და მებრალებით. როსტომსაც ებრალებით, მაგრამ ვერც როსტომი და ვერც მე ვერაფერს გიშველით.

## თ ა ვ ი მ ე ო თ ხ ე

ცხენი ჭიშკართან დგას და პატრონს ელოდება.

ნიკო ბეთანელმა ისაუბმა, აივანზე ზის და ყალონს აბოლებს. ცოტაც და გორში წავა

დღეს კვირა დღეა, ქალაქში გარბლ-გამოივლის, თვალს წყალს დაალევიანებს, ქვეყნის ამბავს გაიკითხავს, საყიდელიც აქვს.

მაგარი კაცია ნიკო ბეთანელი: წისქვილი საკუთარი აქვს და ის წისქვილი თვითონვე გამართა, მთელი უბანი მის წისქვილში ფქვავს, მაგრამ თავის უბნელებს მინდს არ ახდევინებს, არც გაღმა



უბნელებს ადგია დარაჯად, დატოვებენ მინდს და კარგი, არა და, ალბათ დაავეიწყდათ, ეგებ უჭირთ და, ღმერთმა შეარგოთ. ეს ხეხილიანი ეზო მამის ნაანდერძევი არ გახლავთ.

ნიკო ბეთანელის მამა მეტხანს გორში ცხოვრობდა, მოპლტენი კაცი იყო და მთელი ცხოვრება ისე გალია, მიწისთვის ბარი არ დაუქრავს.

მტკვრის პირას, შემალღებულზე ვენახი აქვს ნიკო ბეთანელს. ეს ვენახები კი, მამამ დაუტოვა, ნიკომ მხოლოდ გააახალგაზრდავა და ყარგადაც გაახარა.

ახლა თვალს შეაელებს ვენახს და ცოტა გზას კი გაიმრულებს, მაგრამ გორში დაშვებულნი წავა.

შეეცდი.

ვენახიდან პირდაპირ გორში არ წავა ნიკო, შინ გამოივლის, წისკვილიდან წამოღებულ მინდს აივანზე შემოღებს, შუადღისას ქათმებს დააპურებს, ეტყვის ნატოს, ვენახშიაც ვიყავი და ნუ ჩააკითხავო, თუ დავიგვიანე, არ შეშინდეთო...

უფრო ზემოთაც შეეცდი.

რომ, ეთქვი: წისკვილი ნიკომ გამართა, ხეხილი ნიკომ დარგო, ვენახი ნიკომ გააახალგაზრდავა-მეთქი.

ნიკო ბეთანელი ამბობს:

წისკვილი ნატომ და მე გავმართეთო, ვენახი ნატომ და მე გააახალგაზრდავეთო, ეზოში ხეხილი ნატომ და მე დავრგეთო და ნამდვილიცაა. გორელი ქალიშვილი ნატო ისე დატრიალდა ბეთანელების მოტიტვლებულ ეზო-კარში... ღმერთმა თქვენს ოჯახში შემოიყვანოს ნატოსთანა პატარძალი! სოფელში სკოლა არაა და მთელი უბნის ბავშვებს ნატო ასწავლის ანა-ბანას, შაბათ საღამოს ეკლესიის ეზოში მოაქუჩებს იმ ბავშვებს და აგალობებს, მარტო ბავშვები არა, დიდებიც აქ არიან და იმათაც აგალობებს ბეთანელების რძალი...

...ჰოდა, ეგ სიმღერაო, ეგ ცეკვაო, ეგ ბერიკაობაო... დედამ შეაყვარა ოინაზობა ნოშრევანს! დიხაც ამან შეაყვარა და ახლა გულში კიდევაც უხარია, რომ მისი ვაჟიშვილი სცენაზე ტლინკებს ისერის და ხალხს ტაშს აკვრევიანებს. კი, უხარია და მე მიმაღავეს! უთუოდ თბილისშიაც ჩააკითხა, დაუყვავა და მიეალერსა და ამასაც მიმაღავეს. რძალი? რძალსაც გაეცნო, საჩუქრები ჩაუტანა და მე მიმაღავეს! როდემდის? როდემდის ითამაშებთ დედა-შვილი და რძალი? როდემდის მამყოფებთ ცალკე? ნიკო ბეთანელი მაგარი კაცია, ქალბატონო ნატო, შენც მოგივლის, ნოშრევანსაც და ანასაც... ეგებ მკითხო, საიდან იცი რძლის სახელიო? შენგან! გუშინ-წინ საღამოს კიშკართან რომ ეჩურჩულებოდი სალომეს, მე

ვანზე ვიჭექი და მესმოდა, ასეთიო, ისეთიო, ყური წაიღე იმის ქე-  
ბითა. ვაცნობიხარ, მოგწონებია, შეგყვარებია და თავი კი ისე გი-  
ჭირავს, თითქოს არცა გყავდეს რძალი! გასულ კვირას ორხელ  
იყავი გორში შენს დასთან, ვიცი, თექლე ავადაა და ჩააკითხე. ორ-  
ხელვე დილაუთენია წახვედი და გვიან ღამე ჩამობრძანდი. ვითომ  
თბილისში არ ჩაბრძანებულხარ? სამივეს მოგივლით ნიკო ბეთა-  
ნელი! როგორა? კარგადაც მოგივლით:

ჩამოვიყვან ნოშრევანსა და ანას, ნოშრევანს მეწისქვილედ და-  
ვაყენებ, ვენახსაც მას ჩავაბარებ. შენ და ანა? აგერ სახლი და  
ეზო, ხეხილი და ბოსტანი, საქონელი და ფრინველი... ჩემს ცხენს  
მე მოვუვლი. ავიყოლიებ ქიტესას, იმასაც ხომ ჰყავს ცხენი! წა-  
ვიყვანთ ცხენებს მინდორში მე და ქიტესა, დაესხდებით ჩრდილ-  
ში, ვილაყებთ და ლაყბობაში სადილობის დროც მოატანს, შეფ-  
ჯდებით ნაბალახარ ცხენებზე, გვაპუნ-გამოვაპუნებთ, ქიტესა  
სახლს მიაშურებს, მე ჯერ ვენახს შევაველებ თვალს, მერე წის-  
ქვილში გამოვუვლი ნოშრევანს, შემოვისვამ ცხენზე, ნოშრევანი  
ჩუმადაა, გულმოსულია ჩემზე, მაგრამ ვერაფერს მიბედავს... განა  
მე ვარ დამნაშავე, რომ ნოშრევანი გულმოსულია ჩემზე? თავის-  
თავს დააბრალოს! კაცად მინდოდა გამომეყვანა და არ ინდომა!  
მიტომაც დავაყენე მეწისქვილედ... მოვედით. ვიცი, სადილი მზა-  
დაა, მაგრამ მე მაინც დავიბუხუნებ, — ხელგვიანია ჩვენი ქალები...  
ნატო არაფრად ჩააგდებს ჩემს სიტყვებს და გულით ჯანდაბაში  
გამგზავნის, ანა კი, გაწითლდება და შეფაცურდება... შემო-  
ვუსხდებით სუფრას. დუმილი. მე ქიქებს შევავსებ და უხტიყვოდ  
შევსვამ. არც ნატო, არც ანა და არც ნოშრევანი ხელს არ ახლე-  
ბენ ქიქებს. ჩემზე გულმოსულები ხართ და იმიტომ არ სვამთ.  
კეთილი და პატიოსანი, ნუ დაღვეთ! ანას გავხედავ, მიმიხვედება  
ანა, ჭიქას ასწევს და ცოტას მოსვამს, მე დიდ ჭიქას შევივსებ, ანას  
თვალს ჩავეუკრავ, ვაგვიმარჯოს ჩემო რძალო-მეთქი, ვეტყვი და  
შევსვამ. დავნაყრდები, კიდევ შევსვამ დიდი ჭიქით, ავდგები,  
ჩემს ოთახში შევალ და წამოვწვები, თქვენ ისხდით სუფრაზე,  
გინდ ჭამეთ და გინდ დალიეთ... ხომ კარგად მყევხართ მოვლილი?  
აბა როგორ გეგონათ, მაგარი კაცია ნიკო ბეთანელი!

...ცხენმა დაეჭიხვინა და ნიკო შეკრთა. ჭიშკარს ეტლი მოადგა,  
მეეტლემ მაინძელოო დაიძახა და ეტლიდან ქალიშვილი გადმოვიდა.

კარგად დააკვირდა ეტლიდან გადმოსულ ქალიშვილს ნიკო ბეთა-  
ნელი, თავისიანი ვერავინ შეიცნო და უცებ გულმა დაუძახა —  
ეს ქალიშვილი შენი რძალიაო! წამოხტა, ოთახში შევარდა, ნატოს  
მიუგდო — ვილაც სტუმარი მოვიდა და მიხედეთ, თვითონ უკანა კა-

რით ეზოში გაიჭრა, ეზო ძუნძულით გაიარა და წისკვილისკენ დაუყვა გზას.

წისკვილში არავინ იყო. ეწყინა. ვითომ ვილაცას დაუძახა და უხალისოდ გააღო წისკვილის კარი. წისკვილში შევიდა და ვითომ კიდევ დაუძახა ვილაცას. კოდს ჩახედა, კოდში ბლომად ეყარა ხორბალი, გაუხარდა და გარეთ გაეარდა, ღარში წყალი მიუშვა, დატრი-ალდა და ახმაურდა დოლაბი; წისკვილის კართან ჩამოჯდა, დოლაბის ხმაურს მიუგდო ყური და ახლა წისკვილში მარტო არ იყო ნიკო ბეთანელი.

— ეგლა მაკლდა! — გულში კი არა, გაჯავრებით ხმამაღლა თქვა, თავად კი არ ჩამოვიდა, რძალი მომიგზავნა და, ვიცი, რატომაც მომიგზავნა რძალი:

ნახეთ რა კარგი ქალია და თქვენ რატომ იწუნებთო.

მომიგონა, ნიკო ბეთანელი რძალს იწუნებსო?

ჯერ უნახავს როგორ დავიწუნებდი?

მე შენთან მაქვს საქმე! ბაღი ხომ არა ხარ, ოცდამეოთხეში გადააბიჯე. ჰო, შენ ოცდამეოთხეში გადააბიჯე, მე კი, ორმოცდამერვეში, — მე მალე დავებრდები და ამ სახლკარს ვინა მოუვლის? დედაშენი? მარტო დედაშენი ცოდო არ იქნება? შეეშველები? სიცრუეა! ქალაქიდან ქალაქში იხეტილებ, სოფლიდან სოფელში იხეტილებ და აბა, როგორ შეეშველები? მერედა რატომ უნდა იხეტილო? წარმოდგენებს გამართავ? ხალხს ახარხარებ? ვაი სირცხვილო!

...და ნიკო ბეთანელი ავლაბრის თეატრში ზის...

ეგ ათი წლის წინათ იყო:

თბილისში ჩავიდა შეილის სანახავად ნიკო ბეთანელი და შეუჩნდა შეილი, ავლაბრის თეატრში წამიყვანეო, ქართული დასი ვოდევილებს წარმოადგენსო, ბევრი ხალხი ესწრებაო, ძალიან სასაცილოაო...

ხათრი არ გაუტეხა და წაიყვანა.

და ვითომ ახლაც, თოთხმეტი წლის ნოშრევანთან ერთად, ავლაბრის თეატრში ზის ნიკო ბეთანელი. დარბაზი გაკვილია ხალხით, როგორც იქნა მესამეჯერ დარეკეს ზარი, ხალხი ჩაჩუმდა, ფარდა აიხადა.

ვოდევილი:

ქალიშვილი და ვაჟი დგანან სცენის შუაგულში, მათ ჯერ არაფერი უთქვამთ და მაყურებელმა დასცხო ტაში. ნოშრევანმაც შემოჰკრა. ტაში. ნიკო გაკვირვებულია...

ქალიშვილს ჰრელაჰრულა კაბა აცვია და იკრიჭება. ჯერ არაფერიც არ მომხდარა და ქალიშვილი კი იკრიჭება. ვაჟი აყლაყუ-

დაა, უცნაურად აცვია, ვერ გააჩევ რომელი ქვეყნის ჩინ-მეფლე-  
ბითა აქვს დაშვენებული საახრეები და შკერდი, ვეებერთელა ხმა-  
ლი ჰკილია, ვითომ რაინდია. და ამ რაინდმა ამოიძღერა „ქალო,  
ქალო, ირმისაოო, წამომყევი წყლისპირსაოო“. ქალიშვილი აკის-  
კისდა, რათაო, რათ უნდა წამოგყვეო, რაინდმა წაიძღერა, იქა  
გეტყვიო, არა, აქ მითხარიო, ბრაზდება და ფეხებს დააბაკუნებს  
ქალიშვილი. რაინდი ხმალს მალლა შემართავს, ფეხებს ხარიხად გა-  
დადგამს, მკერდს წინ წამოსწევს და, შესძახებს — აი ჩემი ხმალი!  
აი ჩემი მკერდი! აი ჩემი მკლავები! მე რაინდი ვარ! რაინდი! ქა-  
ლო, ქალო ირმისაოო... ისევ დაიძღერა რაინდმა და ხელები შე-  
მოჭნია ქალიშვილს, ქალიშვილი გაუსხლტა, უფრო ხმამალლა  
აკისკისდა, თუ რაინდი ხარ, შემომფიცე, რასაც ვთხოვ, შემისრუ-  
ლებო, და წამოგყვებიო... რაინდის ფიცი მომიციაო, დაიღრიალა  
აყლაყულამ. ქალიშვილი მიუახლოვდა აყლაყულას, თვალეში შე-  
აქქერდა, გაულიმა და ღიმილითვე უთხრა, დაოთხდიო. დაევო-  
თხდეო? გაიკვირვა აყლაყულამ. რათაო? ზურგზე შეგაჯდები და  
გაგაქენ-გამოგაქენებო, ისევ ღიმილით თქვა ქალიშვილმა და აყლა-  
ყულა შეკრთა.

— რაინდის ფიცი რომ მომგციო: აუცილებლად უნდა და-  
ოთხდეო, მე ზურგზე შეგაჯდები და გაგაქენ-გამოგაქენებო, — ისევ  
კისკისით, სიმღერა-სიმღერით თქვა ქალიშვილმა და მკერდში მაგ-  
რად ჩაჰკრა მუშტები...

მერე წარმოუდგენელი მოხდა: რაინდი დაოთხდა, ქალიშვილი  
ზურგზე შეაჯდა რაინდს და შესძახა, გამაქენო.

დარბაზი ხარხარებს და ტაშს უკრავს.

ნოშრევანიც იცინის და ტაშს უკრავს.

ნიკო ბეთანელი კი, მუნჯად ზის და, გულს ასკდება.

— აბა დაეძრათ! — ისევ შესძახა ქალიშვილმა, ხმალი აართვა  
რაინდს და უკანალზე შემოჰკრა. რაინდმა ჯერ ტლინკები მოისრო-  
ლა და მერე შეძუნძულდა. ქალიშვილმა უფრო მაგრა-მაგრა შე-  
მოჰკრა და შემოჰკრა ხმალი უკანალზე რაინდს და რაინდმაც უმა-  
ტა და უმატა ძუნძულს.

მთელი დარბაზი ფეხზე დგება. ხარხარი. ტაში. შეძახილები:

...ფარდა დაიხურა და ნიკომ ხელი დააელო შეილს. წავიდეთო,  
ხმამალლა უთხრა.

ეგ პირველი ვოდევილი იყო, თქვა ნოშრევანმა, კიდევ ორს  
წარმოადგენენო. ვოდევილი კი არა თავსლაფდასხმააო, გაჯავრე-  
ბით თქვა ნიკომ, დარბაზიდან გაიყვანა შეილი და სახლამდე ისე მი-  
ვიდნენ, ხმა არ გაუცია.

მეორე დღეს, დამშვიდობებოსას მტკიცედ დაუბარა ნიკო ბეთა-

ნელმა შვილს, ასეთ წარმოდგენებზე თუ ივლი, სასწავლებლიდან გამოგიყვან და არადეთში წაგიყვანო.

შეასრულა მამის დანაბარები ნოშრეევანმა? არხეინად მეყოლეთ! წარმოდგენებსაც ესწრებოდა... ესწრებოდაო? თვითონ დაიწყო თამაში! ჰო, გიმნაზიის დრამატულ წრეში შევიდა, პირველივე თამაში მოუწონეს და მერე გათამამდა და გათამამდა. ხან კინტო იყო, ხან ბოქაული, ხან მათხოვარი... დედის სისხლია! როგორც კი გაერევა დედამისი მეზობლის ქალებში, ხარხარი ატყდება. ნატო ახარხარებს: ქალს რომ შეყვარებული მოუკვდება — ასე მოთქვამსო, ბიქს რომ დანიშნული გაუთხოვდება — ასე იღრინებაო, ქმარი შინ რომ მთვრალი მოვა — ცოლი ასე ემუქრებაო, რძლისმოძულე დედამთილი — შვილიშვილებს ასე ლოცავსო... ჯანდაბა და დოზანა! სისხლია, დედის სისხლი!

ბოლოსდაბოლოს ხომ შეურიგდება ნიკო ბეთანელი შვილს? შეურიგდება.

ნატოსა და ნიკოს ერთადერთი შვილი ჰყავთ და სამუდამოდ ვერ მოიძულებენ. ნოშრეევანი და ანა არ ჩამობრძანდებიან არადეთში? ქალბატონი ნატო და ბატონი ნიკო ჩაეღენ თბილისში, დაუყვავებენ, მოეფერებიან, მოეპყვარულებიან, ქორწილს გადაუხდიან... ასე იქნება!

ჰოდა, ცხოვრობენ თბილისში შვილთან და რძალთან ნატო და ნიკო ერთი კვირა... ორი კვირა... საღამოობით ნოშრეევანი თეატრში თამაშობს, ვიდრე მშობლები ჩამოუვიდოდნენ ნოშრეევანს, საღამოობით ანაც თეატრში იყო. იქდა ანა დარბაზში, ხან ილიმებოდა, ხან იცრემლებოდა, ტაშს კი არ უკრავდა სხვებივით, ტაშის დაკვრას ეკრძალებოდა, ეგონა, ვინც დარბაზში ზის, ყველამ იცის, რომ ანა ნოშრეევან ბეთანელის მეუღლეა. ახლა ნატოსა და ნიკოს დასტრიალებს ანა და თეატრში წასასვლელად ვერ იცლის. დედამთილ-მამამთილს კი ერთხელაც არ წამოცდენიათ, თეატრში წავიდეთო. და ნიკო ბეთანელი მიუხედება რძალს გასაჰირს და იტყვის, თეატრში წავიდეთო, და წაეღენ.

ჰოდა, სხედან ახლა თეატრის დარბაზში... დარეკეს მესამე ზარი და ნიკო ბეთანელი ღელავს. გაღახედავს მეუღლესა და რძალს, — მშვიდად სხედან, უხარიათ კიდევაც წარმოდგენა რომ იწყება. იხდება ფარდა, სცენის სიღრმეში ქალიშვილი და ვაჟი დგანან. ვაჟი ნოშრეევანია. ჯერ არაფერიც არ მომხდარა და მაყურებელმა დასცხო ტაშე.

ვაჟი ამოიმღერებს, — ქალო, ქალო, ირმისაო... მერე ყველაფერი ისე დატრიალდება, როგორც იმ საღამოს ავლაბრის თეატრის სცენაზე:

დაოთხდება, ეს შენი ნოშრევანი, ზურგზე შეახტება ქალიშვილი, შემოჰკრავს ქალიშვილი უკანალზე ხმალს, ნოშრევანი ჯერ ტლინკებს მოისვრის, მერე კი, აძუნძულდება და აძუნძულდება.

ხარხარი. ტაში. შეძახილები.

ხომ გაუსკდება გული ნიკო ბეთანელს?

რა თქმა უნდა, გაუსკდება გული...

...საუბარი შემოესმა. შეკრთა და გზას გახედა.

ნატოს ის ქალიშვილი წისქვილში მოჰყავს. და იქ ქალიშვილი ნიკო ბეთანელის რძალია! როცა ეტლიდან გადმოსულს ნიკომ თვალი შეავლო, გულმა უთხრა, რძალი მოგივიდაო და ნიკო ბეთანელი გულს არასოდეს მოუტყუებია...

ჰოდა, მეუღლე და რძალი წისქვილში მოდიან, წისქვილის კართან გაოგნებული ზის ნიკო, გაეჩქევიო, გაიფიქრა, მაგრამ გაქცევას ვინლა ჩივის, ადგომაც ვერ მოუხერხებია.

ნატომ და პატარძალმა ნაბიჯი შეანელეს და პატარძალი მამამთილს შეაცქერდა: „თამამი ჩანს“...

ხელისგული მიმოისვა თვალებზე ნიკო ბეთანელმა, გამოფხიზლდა, ადგა და თვალებში შეხედა რძალს. მორცხვი, საოცრად თეთრი სახე. იმ სახის ნათელი პირდაპირ შეიჭრა ნიკოს გულში და ნიკო ბეთანელს გული გაუთბა, მერე გაუღიმა ნიკოს იმ სახის ნათელმა, ნიკომაც გაუღიმა...

— რძალი ჩამოგვივიდა, ნიკო, — ყრუდ თქვა ნატომ.

რძალი მიუახლოვდა მამამთილს, ახედ-დახედა.

„ეგ უფრო მაღალია, ვიდრე ნოშრევანი, ბექებში უფრო განიერი, წელში უფრო წვრილი. ნოშრევანის თვალები. ნოშრევანის სახე. ნიკოს უღვაში უმშვენებს სახეს, ნოშრევანს უღვაში არა აქვს... დაშვენდებოდა კი“.

ნიკომ წადგა. ნაბიჯი და რძალს ხელი ჩამოართვა.

„ისეთი კეთილი სახე აქვს... ბავშვია, ამიტომაც მიენდო ნოშრევანს. გაუმართლებს?“

...და ზის ნიკო ბეთანელი აივანზე რძალთან ერთად, ნატო კი სამზადში ფუსფუსებს და საუზმეს უმზადებს რძალს.

უბანში ხმა დაირხა, ნიკოს და ნატოს რძალი ჩამოუვიდათო და ხან ერთი და ხან მეორე მეზობელი მოადგათ კარზე, — ერთმა ფქვილი მასესხეო, მეორემ — მარილიო, მესამემ — ღორი გამომეჭეო და თქვენს ეზოში ხომ არ შემოპარულაო. კარის მეზობელმა სალომემ კი ცოცხი თხოვა ქალბატონ ნატოს — ჩემსას ვერ მივაგენიო, ნატომ ჭიშკართან მიუბრუნებია ახალთახალი ცოცხი, შენთან დარჩესო, უთხრა, გუშინ ნიკომ ზუთი ცოცხი შეკრაო.

მიუხედა ნატო მეზობლების აწრიალებულ ქალებს და შინ

არც ერთი არ შეიწვია, ახლოდან არცერთს არ შეაეღებია თვალი რძლისთვის.

და რძალი და მამამთილი სხედან აივანზე. არც მამამთილი იღებს ხმას, არც რძალი. ბოლოს მამამთილმა აპოილო ხმა და, ოღესაში ვინ დაგრჩაო, ჰკითხა რძალს.

— დედა. — თქვა ანამ და თავი დაჭარა.

— მარტო დედა? — გაიკვირვა ნიკომ.

ანას გაახსენდა პირველი შეხვედრა ნოშრევანთან:

— სახლში ვინ. გყავს? — ჰკითხა ნოშრევანმა.

— დედა. — ყრულ თქვა ანამ.

— მარტო დედა? — ჩაჰკითხა ნოშრევანმა.

ანამ სახე მოარიდა ნოშრევანს და თვალუბზე ცრემლი მოადგა. და ახლაც, ნიკოს სახე მოარიდა ანამ და თვალები აუტკემლდა, ნიკო ბეთანელს გულში გაჰკრა, ნამდვილად შეებრალა ოღესაში მარტოდ დარჩენილი რძლის დედა და ალაღად თქვა.

— წამოგეყვანათ!

ანამ არაფერი უპასუხა. ნიკომ დუმის ვერ გაუძლო, უხმაურად, ნელი ნაბიჯებით ჩაათავა აივნის კიბე, მერე თანდათან აუჩქარა ნაბიჯს, 'სამზადში შევიდა და ნატოს შეუტია.

— უშობელი ხომ არ დაგიკლავს, საუზმეს ასე რომ აგვიანებ?

— ცივად ნუ მოეპყრობი, ნიკო, — შეევედრა ნატო.

— საიდან მოიტანე? — გაბრაზდა ნიკო ბეთანელი, — ხმაც არ გამოიცია!

— რატომ?

— თვითონ არაფერს ამბობს და...

— შენი ერიდება.

— რატომ ერიდება ჩემი? მაგას რას ვერჩი, მე ჩემს შვილზე ვარ გულმოსული.

— დარწმუნებულია, ამის მიზეზი ეგ არის.

— რაო, რა დამაბარაო ნოშრევანმა.

— დამაბარაო? ნოშრევანმა არც იცის...

— ჰო, ვითომ არ იცის ნოშრევანმა, რომ მისი მეუღლე ჩვენთან ჩამობრძანდა! გამოეპარა ნოშრევანს?

— ნოშრევანი ქუთაისში ყოფილა წასული. — დარწმუნებით თქვა ნატომ.

— ეგეც თამაშობს! — უფრო გაჭაერდა ნიკო.

— ეგ გოგო ცოდოა, ნიკო, იცო რა მითხრა? ჩემი გულისთვის ნოშრევანს თუ მოიძულებთო, ავდგები და გავიპარებო, ოღესაში კი არ ჩავალო, ვიცო; ნოშრევანი ჩამომაკითხავს და ისევ წა-

მომიყვანსო, ამიტომაც სხვაგან გადავიკარგებიო, იტირა და მეც მატირა, ძალიან მებრალებათ...

და ნიკო ბეთანელსაც შეებრალა რძალი, ნოშრევანიც ებრალებათ, ნატოს შეხვდა და ნატოც შეებრალა და როგორ დაიტოს გულში ამდენი სიბრაალული ნიკო ბეთანელმა? არ გებრალებათ ნიკო ბეთანელი?

ღვინით სავსე დოქს დაავლო ხელი ნიკომ, შემთბარი შოთი პურიც აიღო, — გვალირსე ეგ შენი საუზმეო, — შეუყვირა ნატოს და სამზადიდან გავიდა.

ნატოც უკან მიჰყვა. ხონჩაზე შემწვარი წიწილი უღევს ნატოს, გუდის ყველი, კომბოსტოს მწნილი, მოხარშული კვერცხი...

სუფრა გააწყო ქალბატონმა ნატომ, სამივენი შემოუხსდნენ სუფრას; ნიკომ ჩაახველა და კიქებში ღვინო დაასხა.

ჰოდა, უსხედან სუფრას...

ნატო ჩუმად ზის, ნიკოსაც პირი გაქვევებია, რძალი ხომ მორცხვობს და მორცხვობს...

გრძნობს ნიკო ბეთანელი, დედამთილი გულში ეღიმილება რძალს და რძალიც ეღიმილება დედამთილს. გულში არც მამამთილი უბღვერს რძალს, მაგრამ სახე? წარბები მოუღუშავს ნიკო ბეთანელს, შუბლზე ნაოქები დაუყრია, თვალებიდან იჭვი გამოსქვივის... ნოშრევანზეა გულმოსული? კეთილი. იყოს ნოშრევანზე გულმოსული, მაგრამ ნიკოს პირისპირ ნოშრევანი კი არა, ანა ზის და ნიკოს ეს გულმოსული სახე ანას ესაყვედურება.

რა დააშავა ანამ?

ჩავიდა ოდესაში ნოშრევანი სასწავლებლად, (სასწავლებლად? იმდენი მამა უცხოდა!), შეხვდა ანას, მოეწონა და შეიყვარა.

ანამაც შეიყვარა ნოშრევანი.

მოაწია ხანმა და შეუღლდნენ. კეთილი.

„პატროსან არს ქორწილი ყოვლითავე და საწოლი შეუგინებელ; ხოლო მეძავნი და მემრუშენი საჯნეს ღმერთმან“.

და წამოიყვანა ქმარმა ანა თბილისში.

ვისი იმედით?

როგორ თუ ვისი იმედით? ნოშრევან ბეთანელი მსახიობი გახლავთ, ნიჭიერი მსახიობი! ქართულმა დასმა მოიწვია და მიტომაც ჩამოვიდა თბილისში... ჰოდა, მეუღლესთან ერთად იხეტიალებს ქალაქიდან ქალაქში, სოფლიდან სოფელში და როგორმე დაირჩენს თავს ნოშრევან ბეთანელის ოჯახი. არც ჩემი რძალია ხელებმოკვეთილი, მე ყველაფერი წვრილად ვიცი. საიდან ვიცი? არ გეტყვით! ჰოდა, ნიკო ბეთანელის რძალი მუსიკოსი გახლავთ, რომ



იალზე დაკვრას ასწავლის, მოწაფეებს გაიჩენს, შეეშველება მე-  
ულღეს და წელში გაიმართება ოჯახი... კეთილი.

„უფალი არის მწე ჩემდა, არა შემეშინოს; რა მიყოს მე კაც-  
მან?“

ჰო, მაცხოვარი მიემხრო ნოშრევანს და ანას და დაა-  
ქორწინა, მე წინააღმდეგი ვიყავი, მაგრამ მაცხოვარმა მაჯობა მე:  
და იყვნენ ბედნიერ!

და ზის ახლა ანა ბეთანელების სასლის სივანზე და მამამთილი  
აკვირდება რძალს.

„და თავი და თმანი მისნი სპეტაკ... და თუალნი მისნი, ვითარ-  
ცა ალი ცეცხლისაი“...

ჰოდა, რა დააშავა ანამ?

არაფერიც არ დაუშავებია ანას, მაგრამ რომ გიბრძანებია, ჩე-  
მო პატარა რძალო, ნოშრევანის ნამაღევად ჩამოვედი არადეთშიო,  
ვერ გერწმუნებ! მერე ისიც რომ გიბრძანებია, ძალიან გვიყვარს  
მე და ნოშრევანს ერთმანეთი, მაგრამ ჩემი გულისათვის შევიღს  
თუ მოიძულებთ, დავტოვებ ნოშრევანს და გადავიქარგებო, ამა-  
შიც ვერ გერწმუნებ! ვითომ ახლა ნოშრევანი ქუთაისშია? კიო,  
ამბობ შენ და ნიკო ბეთანელს ეს არა სჯერა. გითხრა, სად არის  
ნოშრევანი? გორის სადგურშია და შენ გელოდება, მაგრამ მე  
ჯერ არ გაგიშვებ. იყოს ნოშრევანი გორის სადგურში და გელო-  
დოს. შენ ამაღამ აქ დარჩები, ხვალ მე გაგყვები გორის სადგურ-  
ში და ნოშრევანიც იქ დაგხვდება. გაუკვირდება ჩემი ნახვა ნოშ-  
რევანს? არა უნდა გაიკვიროს: როგორ, ნიკო ბეთანელი რძალს  
მარტო გამოუშვებდა? ნოშრევანი სადგურში არ დაგხვდებაო, ამ-  
ბობ შენ, კეთილი, თბილისში გამოგყვება მამამთილი, არ გამომ-  
ყვებაო, ფიქრობ შენ და, ვნახოთ!

ჰოდა, უსხედან სუფრას...

ნატო ხმას არ იღებს, ნიკოსაც პირი გაუქვავებია, რძალი ზომ  
მორცხვობს და მორცხვობს.

და ნატრობს გულში ნიკო ბეთანელი, ნეტავ ახლა მოადგებოდეს  
რომელიმე მეზობელი კარზე, ხომ შეიძლება კარის მეზობელი რო-  
მანოზ ბეთანელი მოვიდეს! მოხუცებული კია რომანოზი, მაგრამ  
ასიოდე ნაბიჯზეა და ასიოდე ნაბიჯის გავლას რა ძალი უნდა! გა-  
მოჩნდება კინკართან რომანოზი და ნიკო შეეგებება, ეზოს ნელა  
გამოატარებს, კიბეზე ამოსვლაში შეეშველება, რძალს გააცნობს  
და გვერდით მოისვამს, მერე უსაყვედურებს კარის მეზობელს ნი-  
კო ბეთანელი, ჩემს რძალს რატომ არ აკოცეო, წამოდგება რო-  
მანოზი, ანაც ადგება, რომანოზი შუბლზე აკოცებს ანას და ანა  
გაწითლდება.

ახლა ნიკო წამოდგება, მარჯვენა ხელით ასწევს კიქას..

შეეცდი.

ნიკო ბეთანელი ღვინის კიქით არ აღდგარძელებს რძალს. მართალია ქორწილი არ გახლავთ, მაგრამ პირველად ლოცავს რძალს ნიკო ბეთანელი, ზალაში შევა, ყანწს გამოიტანს, ღვინით გამოირეცხავს ყანწს, შეავსებს, მალა ასწევს და ხმადაბლა, მორიდებულად ეტყვიან რძალს.

— ბედნიერი იყოს შენი ფეხი ჩვენს ოჯახში...

ამ პატარა სუფრაზე ასე მოკლედ იტყვის სადღეგრძელოს ნიკო, ქორწილში კი... ქორწილში ეწვიეთ და ნახათ, როგორ სადღეგრძელოებსაც წარმოთქვამს ნიკო ბეთანელი.

რომანოზი ალავერდს არ დაუცდის, თვითონვე გამოართმევს ნიკოს ყანწს, შეესებით კი ნიკო შეუესებს, და წამოდგება რომანოზი, ნატოს შეებრალება ბერიკაცი და ეტყვის რატომ წუხდებით, რომანოზი ქუშად გამოხედავს ნატოს, — რატომ იკადრებთო, — და ერთი სიტყვით დალოცავს მარტო პატარძალს კი არა, ნეფედლოფალს.

— დამილოცინხართ!

ამ ერთი სიტყვითა თქვა რომანოზ ბეთანელმა თავისი სათქმელი: ბედნიერებას გისურვებთო, ჯანმრთელობას გისურვებთო, გამრავლებას გისურვებთო... მერე ანას ჰკითხავს, მარტო რატომ ჩამოსულხარ, ნოშრევანი სად არისო.

ეს კი ნიკოს უნდა ეკითხა რძლისათვის, მაგრამ დაისირცხვილა, როგორ არ უნდა ვიცოდე ჩემი შეილის სამყრფელიო და აი რომანოზი შეეშველა, ღმერთმა გაახაროს რომანოზ ბეთანელი!

— ნოშრევანი ქუთაისშია და ხვალ ჩამოვაო, — მორცხვად იტყვის ანა და ახლა ნატო გახალისდება, — ხვალ მეზობლები მოვიწვიოთ ვახშამზეო, ქორწილს მერე გადავიხდითო, კეთილიო, დაეთანხმება რომანოზი ნატოს, ხვალ დილით ჩემს შეილიშვილებს გაახლებო, შეგეშველებიან, ყველაფრის გაკეთება იციანო, იმათ ენაცვალოს მათი პაპაო...

ამეტყველდა მუნჯი სუფრა. პატარძალი ალაპარაკდა, ნატომაც ამოიღო ხმა, გახალისდა ნიკო...

ღმერთმა ააშენოს კარის მეზობელი რომანოზ ბეთანელი!

...ცხენმა დაიჭიხვინა და ნიკო ბეთანელი გამოერკვა.

„თავს მახსენებ და მესაყვედურები, თუ სადმე არ მიდიოდი, რატომ გამაუხნავირეო. დღეს ვერსად წავალ, ცოტა ჩილდე და ცაღე და უნავირს აგზდი“.

ისევე დაუბრებულებით სხედან.

არც ანას დაუკარებია ხელი საჭმლისათვის, არც ნატოს, ნიკო

ნასაუზმეგვია და არც არა უნდა, ნიკოსთან ერთად ნატომაც წაიხემსა ცოტა, ანამ კი ამხელა გზა გამოიარა, უთუოდ შია ანას და მაინც არაფერს ჰკამს.

წიწილის ბარკალი, ცოტა მწნილი და ყველის ნაჭერი დაუდო ანას ნატომ თეფშზე, მერე ხელისგული ზურგზე მორიდებით შემოუტარა, გაუღიმა და დაყვავებით უთხრა, — ნუ გერიდება, შვილო, ჰამეო. თქვენ რატომ არ მიიართმევთო, ნატოსა და ნიკოს ჰკითხა ანამ და წიწილის ბარკალი აიღო, ნატომაც აიღო ყველის ნაჭერი, ნიკომ დოქს წაატანა ხელი, ჯერ ანას შეუღესო ჰქიქა, მერე ნატოს, ბოლოს თავის ჰქიქაში დაასხა, დაელოცოთო, თქვა და შესევა. ისევ სიჩუმე. ნეტავ დიდი ჰქიქით შეესევა, გულს დაუძახებდა. გათამამდებოდა. ნიკო და იტყოდა თავის სათქმელს.

მეორედ შეიღესო ჰქიქა ნიკო ბეთანელომა და რძალს გაუსწორა თვალი, ეტყვის ვინ მოგახსენა პატარძლო, მე რომ ნოშრეევანზე ვარ გულმოსულნი, ამისი მიზეზი შენ იყევო? ძალიანაც ცდებიო... მაგრამ ბედად ნატოს შეავლო თვალი და ნატოს სახემ უთხრა ნიკოს, ვიცი, რაც გინდა თქვა და ნუ იტყვიო. კეთილიო, ანიშნა ნიკომ, აბა როგორა ვთქვაო და ნატოს სახე ეუბნება ნიკოს:

კეთილად დალოცე, ადამიანო, ალალის გულით დალოცე, დღეიდან შენ და ნოშრეევანი ერთნაირად გვეყვარებით-თქო, თუ თბილისში იცხოვრებთ, თქვენი ნებაა-თქო, თუ ჩვენთან ჩამოხვალთ საცხდვრებლად, ძალიან გავგახარებთ-თქო, ოღონდ ხმამალა ნუ ეტყვი, ცოტა გაირბილე ხმა, სიყვარულიანი ხმით დალოცე...

და ნიკო ბეთანელმა ჩაახველა, ხმა ჩაიწმინდა, მერე ადგა ნიკო და ოთახიდან ყანწი გამოიტანა, ნატოს ანიშნა, შენ შემიღესო. ნატომაც შეუღესო ყანწი, ისევ ჩაახველა ნიკო ბეთანელმა, რძალი მიუხვდა, გაწითლდა და ფეხზე ადგა.

— დღეიდან ჩემი შვილი ხარ — ამისლა თქმა მოახერხა ნიკო ბეთანელმა და გულით გაუღიმა რძალს.

საღამოს:

რძალ-დღეამთილი: ქალბატონმა ნატომ ვენახში წაიყვანა რძალი. — ეს „თაკვერიანო“, ეს „მგალობლიშვილიო“, ამას „ალიგოტეს“ ეტყვიანო. მერე, ვენახის ბოლოში, ცაცხვის ქვეშ ძელსკამზე დასხდნენ და რძალს თითო მტევანი „თაკვერი“, „მგალობლიშვილი“ და „ალიგოტე“ მიართვა.

მეზობელ ვენახებისკენ გაახვდა რძალი. — ყველამ მოირთველა, ჩვენ კი; არაო. ახლა ოქტომბერი რომ დადგება, გრილ ღამეებს დაიქერს, ეს გრილი ღამეები მარცვალს შეამცინებს, უფრო დატკბება მარცვალი და მაშინ დავკრეფთო, ამიტომაც მთელს სოფელში გამოირჩეულია ჩვენი ღვინო.

ცოტა წაიტრიაბახა ქალბატონმა ნატომ, მაგრამ სიმართლე თქვა და ვაპატიოთ.

მერე ერთი კალათა „თაკვერი“ დააკრფინა რძალს ნატომ, ხვალ ამ ყურძენს ანა ნოშრევანს ჩაუტანს თბილისში. ნოშრევანი უთქმელადაც მიხვდება, რომ დედამ გამოუგზავინა და გაიხარებს.

ვენახიდან მობრუნებული რძალი ბოსტანში მოატარა ქალბატონმა ნატომ, შემორჩენილი პომიდორი, თეთრი ბოლოკი და წიწყა მოახელვინა, თვითონ საზამთრო „იპოვნა“, მერე საზამთრო, პომიდორი და თეთრი ბოლოკი კალათაში ჩაალაგა, კალათას სახურავისოდენა გამტკიცული თეთრი ტილო მოარგო თავზე და ამოკეცა.

ამ კალათასაც ხვალ თბილისში წაიღებს ანა, ნოშრევანი უთქმელადაც მიხვდება, რომ დედამ გამოუგზავნა და გაიხარებს.

უფრო გვიან მარანს აწვია რძალი ქალბატონმა ნატომ, კაკალი; თურაშაული და კეხურა ვაშლი ჩააწყო კალათაში, მერე ამ კალათასაც გამტკიცული თეთრი ტილო მოარგო სახურავად და ამოკეცა. ამასაც ხვალ ანა ჩაუტანს ნოშრევანს თბილისში, ნოშრევანი უთქმელადაც მიხვდება, რომ დედამ გამოუგზავნა და დიდად გაიხარებს... შენ ნუ შეგვეშინდება რძალო, ამ კალათებს შენი მამამთილი ჩააწყობს ზაქარია ბეთანელის ეტლში, მერე გორის სადგურში ზაქარია შეგეშველებათ და ჰაიდა!..

ნიკო: თბილისში წასვლა გადაწყვიტა ნიკომ. ზაქარია ბეთანელი მონახულა და ეტლი დილისათვის დაიბარა. წვერი. გაიპარსა, ახალთახალი შარვალ-ხალათი და ლაბადა კარადიდან გამოიღო და საწოლთან ჩამოჰკიდა. მერე ვენახსა და წისქვილს მიაკითხა ნიკომ და შინ შელამებულზე მობრუნდა.

ღამით:

ნოშრევანის ოთახში, ნოშრევანის ტახტზე წევს ანა.

თბილა. ოთახის ფანჯარა ღიაა.

ოთახის ერთ კუთხეში, პატარა მაგიდაზე დგას ჩაწეული ლამპა. ლამპის შუშას ყვითელი ქალაღლი აქვს ჩამოფარებული და ლამპა მხოლოდ თავისთვის ანათებს.

მღელვარება დაუცხრა, მაგრამ გული მაინც არ აძინებს ანას.

დიდი ამბავი!

სულაც არ დაიძინებს! ჰო, თეთრად გაათენებს! ეს დღე ღირსია ამისა!

ჰოდა, რადგანაც ანას არ ეძინება, დედას გაესაუბრება. როგორ? დახუჭავს თვალებს და როგორც სიზმარში: აქ, არადეთში გამოიხმობს დედას, ან თვითონ ეწვევა ოღესაში... უმჯობესია ოღესაში ეწვიოს.

დახუჭვა თვალები ანამ და გაჩნდა ოღესაში.

სალამოხანია, სხედან აივანზე და ზღვაში ჩამავალ მზეს გასცქე-  
რიან.

— დედი, უჩემოდ ძალიან მოგეწყინა? — ალერსიანად ჰკითხა  
ანამ დედას.

— შენ იყავი, შვილო, კარგად! — ვითომ მხიარულად თქვა დე-  
დამ.

ანა მიუხვდა, პირდაპირ რომ არ უპასუხა... ერთადერთი შეი-  
ლის მიერ მიტოვებული დედა შეიძლება მოლხენილი იყვეს? შენ  
იყავი, შვილო, კარგადო და ჩემი თავი... ჰო, ჯანდაბაში ჩემი თავიო,  
ასე თქვა გულში დედამ.

ანას შერცხვა და გაწითლდა.

— შენს წასაყვანად ჩამოვედი, დედი! — თამამად თქვა ანამ.

დედას გაელიძა.

— ჰო, შენს წასაყვანად ჩამოვედი! — გაიმეორა ანამ.

— სად მიგყევარ? — სევდანარევი ღიმილით თქვა დედამ და  
თვალი გაუსწორა.

— ჩვენთან!

პაუზა.

— ჰო, ჩვენთან! ნოშრევანი აღრევე მეუბნებოდა წაიყვანოთო,  
მაგრამ მაშინ ვერ შემოგებდე. ახლა? დღეს პირველად გავიცანი  
ნოშრევანის მშობლები და ბატონმა ნიკომ რომ გაიგო, შენ მარ-  
ტოდმარტო დაგტოვეთ, მისაყვედურა, რატომ არ წამოიყვანეთო.  
მერე ქალბატონმა ნატომ იტირა და იტირა, როგორ დატოვეთ დე-  
დაშენი მარტოო, უსიკვდილოდ უნდა წამოგეყვანათო. ახლა, რო-  
გორც კი მოახერხებთ, ჩააკითხეთ და აქ ჩამომიყვანეთო...

— აღრე ნოშრევანმა გითხრა და შენ ვერ შემომბედე? — დინ-  
ჯად დაიწყო დედამ, — კარგად მოქცეულხარ. ახლა ისევ ნოშრევა-  
ნი და მისი დედ-მამა მთხოვენ მათთან წამოვიდე საცხოვრებლად?  
კარგი ხალხი ყოფილა, მადლობის მეტი რაღა მეთქმის? ღმერთმა  
გაახაროთ! ოღონდ შენ მაინც არ უნდა გაგემხილა ჩემთვის; ანა!  
გულშიაც არ უნდა გაგეველო! შენ ჩვენი ოჯახი მარტო ეს სახლი  
გგონია? ეს ეზო? ეს ჯამ-ჰურჰელი? შემცდარი ხარ! რატომ გაიკ-  
ვირვე? ნამდვილად შემცდარი ხარ! კარგი, მე წამოვედი, მამაშენი?

— მამა? — შეკრთა ანა.

— ჰო, მამაშენი! სამარადის ვერ აღსდგება მამაშენი და ჩვენ-  
თან ერთად ვერ წამოვა, მარტოდმარტო დაგტოვოთ? ერთგული  
მეუღლე და შვილი დარჩენია იმედად! — ეს დაცინვით თქვა დე-  
დამ, ანა მიუხვდა და გული ეტკინა. უცებ გაჰქრა ზღვაში ჩამავა-  
ლი მზე და სიბნელე ჩამოწვა, დედა გამორდა ანას და მის ნაცე-  
ლად სიბნელეში სამარის თეთრი ლოდი გამოისახა. შეცივდა და  
შეაერუოლა.

თვალი გაახილა და ირგვლივ შიშით მიმოიხედა. როგორღაც დაირწმუნა თავი, რომ არადეთში, ნიკო ბეთანელის სახლში, ნოშრევანის ტახტზე წევს.

ოთახის ერთ კუთხეში, პატარა მაგიდაზე დგას ჩაწეული ლამპა. ლამპის შუშას ყვითელი ქალაღი აქვს ჩამოფარებული და ლამპამხოლოდ თავისთავს ანათებს.

საბანი თავზე წაიხურა, მაგრად დახუჭა თვალი, ძილი ენატრება და ძილინებისა ვუსურვოთ ანას.

...ქალბატონმა ნატომ დიდხანს იფუსფუსა მარანში. თბილისში წასაღები სამივე კალათა კართან დააწყო. ნიკო წაადგა თავზე: იმ კალათებს მოზრდილი ტიკი მიუწვინა ნიკომ და ბრძანა, დავწვითო.

უხმაუროდ გამოიხურეს მარნის კარი, ეზოც უხმაურო ნაბიჯებით გამოიარეს, ფრთხილად ამოვიდნენ სახლის კიბეზე.

ნატომ ანას ოთახში შეიხედა. ლამპა ისევ თავისთავს ანათებს და ანას სძინავს.

გულში დალოცა რძალი, მშვიდი ძილი უსურვა, ფრთხილად შეალო საძილე ოთახის კარი, დაწვა და ლამპა ჩააქრო.

უხარია.

ღამეს თეთრად გაათენებს ქალბატონი ნატო.

ნიკო: „ოჯახში ახალი წევრი შემოვიდა. სხვისი შვილი შემოგვეშინაურა, ჩვენიანი გახდა. ამიერიდან მისი წუხილი ჩვენ უნდა ვიწუხოთ და მისი სიხარული ვისიხარულოთ... ნატოს ძალიან უხარია, ღმერთმა გაუმართლოს ეს სიხარული! მეც მიხარია, მაგრამ ნოშრევანზე მაინც გულმოსული ვარ: ქალაქიდან ქალაქში ხეტიალი? სოფლიდან სოფელში ხეტიალი და ოჯახი? არა! ხვალ ჩავალ თბილისში და მოველაპარაკები!

პოო, მზგარი კაცია ნიკო ბეთანელი!

!

### თ ა ვ ი მ ე ხ უ თ ე

ჯერ გორის სადგური მიიარ-მოიარა ნიკო ბეთანელმა, მატარებელში რომ ჩასხდნენ, თავისი ვაგონი ძირიან პირიანად მოათვალიერა, შერე რაღაც მოიმიზეზა, მეზობელი ვაგონები მოინანულა და ნოშრევანს რომ ვერსად ჰკიდა თვალი, კი არ უსაყვედურა გულს, მაგრად გაუჯავრდა, რატომ არ ერწმუნე რძალს და ნოშრევანი ჩამოსულად რატომ დაიგულეო.

ანა იოლად მიუხვდა, შვილს ეძებდა-ნიკო. ცხადია, მამამთილო არ ერწმუნა რძალს და ანას გული ეტყინა.

რძლის გვერდით მორიდებით დაჭდა, გულში მოუბოდიშა და პატიება სთხოვა, გულმა უთხრა რძალმა გაპატიო და გუნება გამოუყეთდა ნიკოს.

— უხერხულად ხომ არ ზიხარ, ანა! — ჰკითხა ნიკომ და კალათა, ანას ფეხებთან რომ იდო, თავისკენ გამოაჩოჩა.

...მატარებელი მცხეთას გასცილდა და კუბეში მარტო ნიკო და ანა დარჩნენ, მცირებარგიანები გასასვლელისკენ გაქუჩდნენ.

— დიასახლისს როგორ შეეწყვე, ანა! — სიჩუმე დაარღვია ნიკომ.

— დიასახლისს? — გაიკვირვა ანამ.

— ჰოო, ქალბატონ ქეთევანს?

— ქალბატონ ქეთევანს? — უფრო გაიკვირვა ანამ.

— ხომ საგინაშვილებთან ცხოვრობთ?

— საგინაშვილები? ვინ არიან საგინაშვილები?

— არც სტუმრად ყოფილხართ საგინაშვილებთან? — ახლა ანაზე უფრო გაიოცა ნიკომ.

— არა, საგინაშვილებთან არ ვყოფილვართ!

• ცუდად ენიშნა ნიკოს: „არც საგინაშვილებს გაეკარა ნოშრევანი? ქალბატონმა ქეთევანმა და ბატონმა ბენედიქტემ რა დაუშავეს ნოშრევანს? ქეთევანი ხომ ჩვენი სისხლთაგანია და შვილივით არ გაზარდა ნოშრევანი? ცხრა წელიწადი ცხოვრობდა საგინაშვილებთან და გიმნაზია ისე დაამთავრა, თავი არ წამოსტყენია. აკი გვექადნებიან საგინაშვილები — ნოშრევანი ჩვენი შვილიცააო და მართალნიც გახლავან! ჰო, შვილი არ ჰყავთ საგინაშვილებს და შვილივით გაზარდეს და შეიყვარეს ნოშრევანი. მაშ საგინაშვილებთან არ დაიდებინა? მოგერიდა, ვითომ? არა, აქ სხვა ამბავია!..

— სად ცხოვრობთ? — ცივად ჰკითხა ნიკომ.

— მეტეხის ციხესთან ახლოს, ავლაბარს ეტყვიან.

ესეც ავლაბარი. აღმართი. ვიწრო, მოუკირწყლავი ქუჩა, ღობემორღვეული, უჭიშკრო ქზო. ეზოში სამი ერთსართულიანი ფიცრული სახლი. ანა დაწინაურდა, გასაღები მოიძია და კარი გააღო.

პატარა ოთახი. დაბალი ჰერი. ერთი ფანჯარა. ფანჯარა ეთქმის, თორემ სიგრძე-განი ერთი მტკაველი თუ ექნება. ხის ორი ტახტი. მომცრო, დაბალი მაგიდა. ორი სკამი. მაგიდაზე დოქი, ფინჯანი, კიჭა.

ერთი ჩემოდანი ფანჯარასთან დევს, ერთიც ტახტთან.

კალათები რომ მიაშვრივეს ოთახის ერთ კუთხეში და ტიკიც

გვერდით მიუწვინეს, ანამ მაგიდიდან სკამი გამოსწია და ნიკოს მიართვა, თვითონ ტახტზე ჩამოჯდა.

ნიკო ბეთანელს გუნება გაუფუჰდა.

— ნოშრევეანი როდის ჩამოვა? — ყრუდ იკითხა ნიკომ.

— ხვალ! ხვალ აუცილებლად ჩამოვა ნოშრევეანი.

„კარგია, რომ ხვალ ჩამოდის. მოკვლუპარაკები და ამ ბინიდან ხვალვე გადავიყვან!“

მერე ანა ადგა, მამამთილს მოუბოდიშა და ოთახიდან ორი კალათა გაიტანა.

„უთუოდ საერთო სამზარეულო აქვთ“.

ისევ მიმოიხედა ოთახში ნიკო ბეთანელმა და ეს დაბალჭერიანი და ერთფანჯრიანი ოთახი ეუბნება ნიკო ბეთანელს:

ამაყი და შეღერებულია შენი შვილი ნოშრევეანი, მაგრამ რიდიანი და მოკრძალებული. მშობლებს მოგერიდათ! შენ კი ესაყვედურები, რატომ საგინაშვილებთან არ დაბინავდი, საგინაშვილების მოგერიდაო? ახლა ხომ დარწმუნდი? გულში გიხარია, რომ ეგეთია შენი შვილი ნოშრევეანი, გინდა ეს გაუმხილო რძალს და ვერ მოგიხერხებია...

დადუმებული ნიკო ბეთანელი მაგიდასთან ზის, იატაკს დანჯერებია და ყურს უგდებს ამ დაბალჭერიანი და ერთფანჯრიანი ოთახის ლაპარაკს:

ძალიან ხელმოკლედ ცხოვრობს შენი შვილი ნოშრევეანი! ქალბატონ ნატოს არ მოუნახულებია შვილი და რძალი! რომ მოენახულებია, შეგაბრალებდა და ნიკო ბეთანელი არ დაელოდებოდა რძლის არადეთში ჩამოსვლას, უფრო ადრე ჩამოვიდოდა თბლისში, მოესიყვარულებოდა და მოეფერებოდა ანასა და ნოშრევეანს, საგინაშვილებთან დააბინავენდა.

დამნაშავედ იგრძნო თავი ნიკომ მეუღლის წინაშე, შეებრალა, ამოუბოდიშა და გულში პატიება სთხოვა.

ოთახში ანა შემოვიდა, ერთი კალათა შემოიტანა და საუზმე გააწყო. მოუბოდიშა და გაუღიმა მამამთილს, — მე ნაუცბათევად ვერაფერი მოვახერხე, ეს ქალბატონმა ნატომ გამოგვატანა, ცოტა დავნაყრდეთ, თქვენ დაისვენეთ და მე სადილის თადარიგს დავიკერ...

გულით გაუღიმა რძალმა ნიკო ბეთანელს, იგრძნო ეს ნიკომ და თითონაც ალალის გულით გაუღიმა რძალს, ეღიმილებიან ერთმანეთს მამამთილი და რძალი და ამ დაბალჭერიანმა და ერთფანჯრიანმა ოთახმა ვერ შეიშნო ეს ღიმილი, ისევ სევდიანია და ცივი... არა, გული არ უჩერდება ამ ოთახში ნიკო ბეთანელს, ჰადაჰა, კიდევ ორი-ორე წუთს გასძლებს, ადგება და წავა!



საუზმეს ხელი არ დააკარა ნიკო ბეთანელმა.

— ეს დედაჩემის მიერ დაყენებული ნაყენია, — ღიმილით თქვა ანამ, და ღვინის ჭიქები შეავსო.

ნიკოს მოეწონა ნაყენი. მეორედ და მესამედ თვითონ შეივსო ჭიქა; მერე უცებ აღგა, — მე ამაღამ საგინაშვილებთან დავრჩებიო, — თქვა, ანას დაემშვიდობა და ოთახიდან გავიდა.

პატარა ეზო ჩქარი ნაბიჯით გაიარა. ჭიშკრიდან გამოხედა მიწაზე გართხმულ ერთსართულიან პატარა სახლს; გულთან სიმძიმე იგრძნო ნიკო ბეთანელმა და დამძიმებული გულით ტატიო დაუყვა მეტეხის დაღმართს.

...ღილით ნიკო ბეთანელს შეიღმა გაულო კარი.

თვალებში ჩააცქერდა მამა შეილს, ნოშრევანმა თავი დახარა და სახე აარიდა, მაშინ ზურგზე მიმოუტარა მარჯვენა ნიკომ და შეილი მკერდზე მიიკრა.

მცირე ხანს უთქმელად იდგნენ.

— დედა როგორ არის? — მორიდებული ხმით ჰკითხა ნოშრევანმა.

— დე-და-შე-ნი? — დამარცვლა ნიკომ, — კარგად! გელოდება!

შავიდას მიუსხდნენ და ნიკომ ოთახს მიმოაელო თვალი. ეუცხოვა: მაგიდაზე თეთრი, ქათქათა ტილოა გადაფარებული. გუშინდელი დოქის ნაცვლად ბროლის გრაფინი დგას, ბროლის ფინჯანი და ორი ჭიქა. ხის ორი დაბალი ტახტი ერთმანეთისთვის მიუდგამს ანას, ზედ ლოგინი გაუწყვია და აბრეშუმის შინდისფერი მსუბუქი ხალიჩა გადაუფარებია, სასთუმალთან ორი თეთრი ყურთბალიში დევს. იატაკი ისეა დარეცხილი, ბზინავს. ფანჯარას თეთრი, აჭა-იქისფერი ძაფით ამოქარგული ფარდა ამშვენებს. კალათები, ნაკრავულები და ტიკი გაუტანიათ ოთახიდან და ოთახი გუშინდელზე უფრო დიდი ჩანს.

გულში სიმსუბუქე იგრძნო ნიკო ბეთანელმა და ნოშრევანს გაუღიმა.

„არ მეკითხება, დედამის როგორ მოეწონა რძალი. ვეტყვდი — ძალიან მოეწონა დედაშენს ანა! ნახვისთანავე შეესიყვარულენ ერთმანეთს! წამოსვლისას დედაშენმა დამაბარა, ისე მოაგვარე საქმე, ანა მალე ჩამობრუნდეს არადეთშიო... ეს კი არ მეკითხება! რატომ? ჰოო, დარწმუნებულია ნატოს მოეწონებოდა რძალი და იმიტომაც აღარ კითხულობს“.

— დედა სესილია? საურმაგის არაფერი იცის?

— სე-სი-ლია? — ისევე დამარცვლა ნიკომ, — ცუდად! საურმაგისგან არაფერი ისმის და სადაცაა გაგიყვდება საცოდავი ქალი. არც დღე ძინავს და არც ღამე. ლანდალ იქცა...

ნოშრევანს სახეზე ფერი ეცვალა და თვალები აუცრემლდა.  
„გებრალება დეიდა სესილია? გახსოვს, შენ რომ მეძუძური იყავი, დედაშენი ავად რომ გახდა და ერთი თვე დეიდა სესილია გაწოვებდა ძუძუს? შენ საურმაგის ნახევარი ძმა ხარ! შვილივით უყვარხარ დეიდა სესილიას, ყოველდღე გვეკითხება შენს ამბავს, შენ კი სამი წელიწადია, ერთი ბარათიც არ გამოუგზავნე დეიდა სესილიას! სირცხვილია!..“

— მაშ, სულ მარტოდაა დეიდა სესილია?

— მარტოდ! არავის რკარებს!

— ჩვენც მარტოდ ვართ! ჰოო, დედაშენიც მარტოდაა. არც საურმაგია თავის დედასთან, არც ნოშრევანი და სესილიას და ნატოს თვალები გამოულამდათ საურმაგისა და ნოშრევანის მოლოდინში... შევეციდი: მოუხსაველეთშიც რომ ყავდეს შვილი დედას, თუ ჯანმრთელი ეგულება, — მხნედაა. ჰო, ცოდნა დეიდა სესილია! კარგია რომ გახსოვს და გებრალება!!.

ნიკომ ყალიღნი გააწყო, ადგა, ფანჯარასთან მივიდა და ფარდას შეახო ხელი.

— ანას დედის ნახელავია?

ნოშრევანი შეკრთა.

„იცის, ქალბატონი ვასილისა ქარგავს! ესეც ჯუანშერ გარსევანიშვილის წყალობაა“.

— არა! ანამ მოქარგა. — დარცხვენით თქვა ნოშრევანმა.

— ანაც ქარგავს? — გაიკვირვა ნიკომ, — ჩინებული ნახელავია!

„წვრილად მოუწერია ჯუანშერ გარსევანიშვილს ჩვენი ამბავი მამაჩემისთვის: დედა თქვენი რძლისა, ქალბატონი ვასილისა მამაკაცის ხალათებს, ქალების კაბებს და პერანგებს ქარგავს, მუშტარი ბევრი ჰყავს და ოჯახს ამით არჩენს. ქალღმშვილცი ეხმარება დედას ქარგევაში, მაგრამ მალავს, რატომღაც ესირცხვილებს, შესაძლოა იმიტომ რომ, მუსიკოსისა და მეზობლის ბავშვებს როიალის დაკვრას ასწავლის! ყოჩაღ, ჯუანშერ გარსევანიშვილო!“

ოთახში მიმოიხედა ნიკომ, მერე ჰერს ახედა და ამ დაბალმა ჰერმა ისევე გაუფუჭა გუნება.

— მე გუშინ დავიარე ქალაქი, — შვილს გამოხედა ნიკომ, — ბაზრებშიც ვიყავი და დუქნებიც მოვინახულე. სიტარიელეა. მიკვირს, რით ცხოვრობს ხალხი!..

— კი. ძალიან ჰერს ცხოვრება.

— ჰოდა, ასეთ ღროს სადმე თავშესაფარი თუ აქვს ადამიანს, ქალაქში გაჩერდება? ჩამოსულიყავით არადეთში, ჯერჯერობით ღვთის წყალობით არც გვშია და არც გვწყურია, არც გვცივა! არ აჯობებდა?

— მალე გამოსწორდება...

— რა გამოსწორდება? როდის გამოსწორდება? — ხმას აუწია ნიკომ, — თქვენი მთავრობის დაპირებებისა გკერა? აჯერ ორი წელიწადია გაიძახის თქვენი მთავრობა — მთელი ევროპა აღმდგარია საქართველოს დასახმარებლად და მერე იმ ოჯახ-აშენებულმა ევროპამ ამ ორ წელიწადში ერთი ბიჯიც ვერ გადგა საქართველოს დასახმარებლად? სიცრუეა და ზღაპარი! პური ხომ არ არის და არ არის! მალე დაჯამორდება და სად იშოვის ხალხი ნავთსა და შეშას? ერთი კოლოფი ასანთი ვერ ვიყიდე ქალაქში, რით გაათბობ ამ ცივ და ნესტიან ოთახს? ჰოდა, — ხმას დაუწია ნიკომ, — წავიდეთ არადეთში, გაახარებ დედაშენს, დეიდა სესილიას გაახარებ, ვიცხოვრებთ მშვიდად...

ნოშრევენი მამასთან შივიდა.

— მეგობრებს ვერ ვუღალატებ, მამი! — დარწმუნებით თქვა ნოშრევეანმა.

— ლალატი? რატომ?

— მე რომ ახლა დაეტოვო თეატრი, მოღალატე გავხდები, მამი! ნამდვილი მოღალატე! ძალიან უჭირს თეატრს, ზურგი შეაქცია მაყურებელმა...

— მასხარაობთ სცენაზე და იმიტომ! — შეაწყვეტინა ნიკომ.

— ახალი რეჟისორი მოვიდა დასში, ერთდროულად ორ პიესას დგამს „ღალატსა“ და „სამშობლოს“, ორივეში ვთამაშობ მე (შეეძლო ეთქვა — მთავარ როლებს ვთამაშობო, მაგრამ მამას არ დაეტრახანა). ვიცი, შენ არ გიყვარს თეატრი! ჩვენს ახალ წარმოდგენას ცო, მერწმუნე, ბევრი მაყურებელი ეყოლება. მაყურებელი გაიხარებს და თეატრი გამაგრდება! ჰოდა, ახლა შემოიძლია ზურგი შეაქციო ჩემს ამხანაგებსა და მეგობრებს?

ნიკო მაგიდასთან დაჯდა და ხელახლა გააწყო ყალიონი.

„ნამდვილად დავიგვიანე! თბილისში ჩამოსვლა კი არა, ოდესაში ჩასვლა დამაგვიანდა! ჯუანშერმა ხომ მომწერა, შენი შეილი ოდესის ოინბაზებს აეკიდაო, უნდა დამეკრა ფეხი და ოდესაში ჩავსულიყავი... მე კი, როგორღაც დავიმშვიდე თავი და ბარათი გავუგზავნე. ჰოო, ოდესაში უნდა ჩავჭრილიყავი, დამეტუქსა! არ დამიჯერებდა? წამოვიყვანდი არადეთში, მორჩა და გათავდა, ახლა წასულია საქმე!“

— გაზეთები უკვე წერენ ახალ...!

— გაზეთები! — ირონიულად გაიღიმა ნიკომ, — ახლანდელი გაზეთები ბევრ სისულელეს წერენ. კი, ჯრუბოზენ ახლანდელი გაზეთები! ამინდზე რომ წერენ, ისიც უსწოროა და სიცრუე... კითხვით კი, ვკითხულობ გაზეთებს, მაგრამ არ ვუჭერი! ვითომ აღორძინდება

თქვენი დასი? მოეწონება მაყურებელს თქვენი წარმოდგენები? ვეო  
დავიჭერებ!

„ყველაფერი იცის მამაჩემმა, ოღონდ თუ არ გამოიწვიე, არა-  
ფერს იტყვის!“

ნოშრევანმა არაფერი უბასუხა და ნიკო დარწმუნდა — მისი  
შვილი ფებს არ გამოდგამს თეატრიდან.

„ამას ველოდი? არც დედა არსებობს ნოშრევანისთვის ახლა  
და არც მამა! მისი სული თეატრში ტრიალებს, მე კი, ვეუბნები  
არადეთში წამოდი-მეთქი, როგორ გეკადრებათ? ნოშრევან ბეთ-  
ნელ რ თეატრისთვისაა გაჩენილი!“

— საგინაშვილები გემდურჩიან, ნოშრევან! — საუბრის თემა  
შეცვალა ნიკომ:

— ვიცი. მართალნიც არიან.

— მთელი ღამე მოუსვენრად იყო ქალბატონი ქეთევანი. ბევრი  
ვამშვიდეთ ბენედიქტემ და მე, ვერაფერი გავაწყვეთ, — უთუოდ  
დიდი საწყენი მივაყენე ნოშრევანს და იმიტომ არ შემოდგა ფეხი  
ჩემს ოჯახშიო. ნოშრევანმა ცოლი შეირთო და ჩვენსას არ მოიყვა-  
ნაო? დილით ადრე ამაყენა, წადი და თუ გულიდან არ ამოეუგლი-  
ვარ ნოშრევანს, ნოშრევანი და მისი მეუღლე ბარგიანად ახლავე აქ  
მომგვარეო... უთუოდ ჭიშკართან დგას და გველოდება. წელგამარ-  
თულად არიან, ფრინველიცა ჰყავთ და მეწველი ძროხაც, თონე გა-  
უმართავთ და პურსაც აცხობენ, მეც შეგვეშველებით არადეთიდან  
და დამშვიდდება დედაშენი.

— ვიცოდი, არ გამოგვიშვებდნენ და იმიტომაც ვერ მივედი, მამი  
მოვერიდე!

„რავა ყველასი ერიდება ამ კაცს! ვინ აღზარდა ეგეთი? მე? დე-  
დამისმა? საგინაშვილებმა? დედ-მამისა ერიდება: თბილისში რომ  
მიდიოდით ანა და შენ... ჰო, ოდესიდან ფოთში რომ ჩადით და  
ფოთიდან მატარებლით რომ მიდიოდით თბილისში, გორის სადგურ-  
ში რომ ჩამოდგა მატარებელი, ანამ გითხრა, — არადეთში წავიდეთ  
ნოშრევან, რამდენიმე დღე მაინც დავრჩეთ, გაიხარებენ შენი მშობ-  
ლები! შენ არაფერი უბასუხე. ანა: არ გაიხარებენ? არ გაუხარდე-  
ბათ შეილისა და რძლის ნახვა? შენი პასუხი გვემანსოვრება: მეგობ-  
რები მელოდებიან თბილისში, ანა; დღედღეზე მელოდებიან, საშუ-  
რი საქმეა. მალე მოვაგვარებ საქმეს და არადეთში მერე ჩავიდეთ  
რა უნდა ექნა ანას? გერწმუნა და დაგიჭერა ანამ. მესამე თვე მიი-  
წურა, რაც თბილისში ხარ და დრო ვერ გამოძებნე არადეთში ჩა-  
მოსასვლელად? ვერა, ვერ დავიჭერებ! შენ დედ-მამისა გერიდება  
და იმიტომაც ვერ ჩამოდიხარ არადეთში! ასეა ხომ? თქვი! გამოტყ-  
დი!“

— მოსარიდებელი არაფერია! — ბრძანებასავით თქვა ნიკომ, — აკო-  
გითხარი, წუხელ მთელი ღამე მოუსვენრობდა ქალბატონი ქეთევან-  
ნი, ზედა სართულის ორი ოთახი გააწყო თქვენთვის, თუ დასკირდე-  
ბათ, ზედასართულს დავუთმობთ, მე და ბენედიქტე დაბლასარ-  
თულზედაც არხეინად ვიგრძნობთ თავსო. — ნუ ვალოდინებთ, ცო-  
დონი არიან!

— ანა შორსაა წასული?

— მეზობელი ქალია ავად. მიხედავს და მოვა.

— ანა მკურნალიცაა? — ვითომ გაიკვირვა ნიკომ.

— სახლს მიულაგებს, ასაუზმებს და მოვა.

„მეზობლებს უკვე გაშინაურებია ანა. ყოჩალი ქალია ჩემი რძა-  
ლი!“

— მაშ, საგინაშვილებთან დღესვე უნდა გადავიდეთ?

— აუცილებლად დღესვე! — ისევ ბრძანებასავით თქვა ნიკომ. —  
ადგა და ფანჯარასთან მივიდა. ისევ გააწყო ყალიონი.

— დღეს ადრე ვარ. მისასელელი თეატრში. ხვალ პრემიერაა, მე  
არ ვთამაშობ, მაგრამ გენერალურ რეპეტიციას აუცილებლად უნდა  
დავესწრო. — თითქოს ვედრებასავით თქვა ნოშრეევანმა და მამასთან  
ახლოს მივიდა. ეზოში ანა გამოჩნდა.

ნიკოს გულში გაჰკრა, მაგრამ უკან არ დაიხია.

— აგერ, ანაც მოდის! თქვენ ბარგი შეჰკარით, მე ეტლებს მოვი-  
ყვან! ორ ეტლში ხომ ჩავეტევით? ახლავე გადავალთ საგინაშვილებ-  
თან და თეატრში მერე წაბრძანდები!

ოთახში ანა შემოვიდა, მამამთილს გაუღიმა და მკერდზე მიეკ-  
რა...

...საგინაშვილები კიშკართან დახვდნენ ბეთანელებს.

ნასადილევს ნიკო ბეთანელი გორში გაემგზავრა. ნოშრეევანმა  
სადგურზე გააცილა მამა და მერე თეატრს მიაშურა.

კინალამ დამავიწყდა: ანამ ბევრი იუარა, მაგრამ ნიკომ მაინც  
დაუტოვა სახარჯო ფული. დათქვეს; — საგინაშვილები, ანა და ნოშ-  
რეევანი მომავალ კვირას ჩავლენ არადეთში.

## თ ა ვ ი მ ე ე ტ მ ს ე

ნოშრეევანმა მხოლოდ ბოლო მოქმედების რეპეტიციას მიუსწ-  
რო.

პიესა წაკითხული აქვს ნოშრეევანს, მაინცდამაინც არ მოსწონს  
და მისი შექმნის ისტორიაც ჩინებულად იცის: ახალგაზრდა დრა-  
მატურგმა ეს პიესა შარშან მოიტანა თეატრში, პიესას „უტეხი სუ-

ლი“ ერქვა. მოქმედების დრო — შორეული წარსული. ფონი — მტრის მიერ დაპყრობილი ქართული სოფელი. დამპყრობნი სასტიკად ეპყრობიან ქართველებს: უწვავენ და უჩანაგებენ სახლ-კარს, ართმევენ საქონელს და სურსათს, იტაცებენ ქალებს, მაგრამ სოფელი მაინც არ ტყდება და არ ნებდება მტერს. სასიყვარულო კვანძი: დამპყრობთა მეთაურს შეუყვარდება ქართველი გლეხის ქალიშვილი ასმათი. შეყვარებული ძვირფას საჩუქრებს მხარბმევს ასმათს და ცოლობას თხოვს. ასმათი უარზეა. მოიტაცებენ. ასმათი დაუსხლტება მომტაცებელთ და თავს იკლავს. (ეს მეოთხე მოქმედებაში ხდება).

დასის რეჟისორმა, პატივცემულმა ბარნაბამ, პიესის იდეა მოუწონა დრამატურგს, ოღონდ მოქმედ, გმირთა ხასიათები ვერ არის ფსიქოლოგიურად გამოკვეთილიო, პიესა ერთობ ხალხური ენით არის დაწერილი, დიალოგები მოშვებულია და რაც უმთავრესია, მეტისმეტი სისხლის ღვრა და გოდებაა პიესაშიო. უმჯობესი იქნებოდა თანამედროვე ცხოვრების ამსახველი მხიარული პიესა დაგეწერათ ჩვენთვის, „კატა აწონეს“ ხომ დაესწართ? უბრალო ამბავია, მაგრამ მაყურებელი იცინის და ხარხარებს.

ახალგაზრდა დრამატურგი გულგატეხილი წავიდა თეატრიდან.

ერთი თვის შემდეგ, დასის ხელმძღვანელის მეგობარი მსახიობის რჩევით, ახალგაზრდა დრამატურგი შინ ეწვია პატივცემულ ბარნაბას.

— შეასწორეთ? გადააკეთეთ? — ლიმილიანად ჰკითხა ბარნაბამ დრამატურგს.

— ვცადე...

— მერე?

— ვერაფერს გავხდი! — დარცხვენით თქვა დრამატურგმა, თავი დაბლა დახარა და დაუმატა, — დავრწმუნდი, უთქვენოდ ვერაფერს გავხდები, უნდა შემეშველოთ!

— მე? მე უნდა შეგეშველოთ? ეს როგორ? — ვითომ გაიოცა ბარნაბამ.

პატივცემული ბარნაბას მოჩვენებითი გაოცება შეიცნო ახალგაზრდა დრამატურგმა და გათამამდა.

— თქვენ უკეთ იცით რა სჭირდება და რა გამოასწორებს ამ პიესას: მირჩიეთ, მიმითითეთ, მომიხაზეთ გასასწორებელი და ამოსაღები ადგილები, მე ჩავუჯდები, გადავაკეთებ, ზოგიერთ სურათს ხელახლა დაწერ, მერე წავიკითხოთ და თუ მოგეწონებათ, ორივენი ვიყვეთ პიესის ავტორი...

ხანგრძლივი პაუზა.

— დამიტოვეთ პიესა და ერთი კვირის შემდეგ მეწვიეთ! — ბრძა-

ნა პატივცემულმა ბარნაბამ და დრამატურგს ხელი გაუწოდა.

ერთი კვირის შემდეგ:

ახალგაზრდა დრამატურგი დილაადრიან ეწვია პატივცემულ ბარნაბას. მასპინძელმა მსუბუქად ასაუბრა ახალგაზრდა დრამატურგს და სამუშაო მაგიდასთან მიიწვია. მაგიდაზე „უტეხი სულის“ ოთხ-ვე მოქმედება ცალ-ცალკე იდო.

პატივცემულმა ბარნაბამ პირველი მოქმედება აიღო ხელში და დრამატურგს თვალი გაუსწორა.

— ჩაიწერეთ. — შესწორება პირველი: — „უტეხი სულის“ ნაცვლად პიესას დაერქვა „უკვდავი“. ვინც სამშობლოსათვის იბრძვის და ამ ბრძოლას შეეწირება, უკვდავი რჩება! ეს ქვეშაირიტებაა. ამ პიესისათვის ზედგამოჭრილია სიტყვა „უკვდავი“. საერთოდ, ჩემის აზრით, პიესის სათაური უნდა იყოს „ერთსიტყვიანი“, „მაკბეტი“, „ოტელო“, „ჰამლეტი“, „სამშობლო“, „ღალატი“, „უკვდავი“. — ჩინებულად უღერს.

შესწორება მეორე: პიესაში ერთობ ბევრია მთავარი მოქმედი პირი. მე ზუსტად დავთვალე — თორმეტი. ამდენი ნიჟიერი მსახიობი, სამწუხაროდ ჯერჯერობით არ გვყავს დასში, ამიტომ მთავარ მოქმედ პირთა რაოდენობა განახევრდება. დიდი-დიდი, შვიდი და-ტოვეთ. პიესა რომ ძალიან არ შემცირდეს, არც ისე დიდია პიესა, ამოღებულ მოქმედ პირთა ტექსტს შესაბამისად გაუნაწილებთ პიესაში დატოვებულ მოქმედ პირებს, ამით არაფერი დაშავდება, პირიქით, ღრმად ვარ დარწმუნებული, ნაწარმოები მოიგებს, უფრო სრულყოფილი გახდება მთავარი მოქმედი პირნი.

შესწორება მესამე: — პირველი მოქმედების პირველი სურათი და მეოთხე მოქმედება მთლიანად „დაიწერება“ თეთრი ლექსით, მაჩაბლურით. ამას პიესის სიუჟეტი მოითხოვს. პირველ სურათში ქართველთა მუყაითი შრომა და ლაღი, მხიარული ცხოვრებაა ასახული, — სხვათა შორის, აქ სასურველია ერთი ან ორი კომიკური ეპიზოდის ჩართვა, — მეოთხე მოქმედებაში ქართველთა ბრძოლა სამშობლოს ღირსების დასაცავად და თავგანწირვა. — დიახ, აქ დაგვიჩრდება თეთრი ლექსი, მაჩაბლური! პირველსა და მეოთხე მოქმედებაში ჩაეურთავთ პატრიოტულ სიმღერებს. პირველ მოქმედებაში ერთს, მეოთხეში ორს. შეარჩიეთ სამი პატრიოტული ლექსი ხალხური პოეზიიდან, ისეთები, რომლებზედაც ჯერ მუსიკა არ შექმნილა, მუსიკას მე თვითონ დაწერ! სამწუხაროდ, დღეს-დღეობით დასში ორკესტრი არ გვყავს, მაგრამ ამ საქმეს მე მოგავაარებ.

პაუზა.

— კინაღამ დამავიწყდა: ერთ მოქმედ პირს სახელი შეეუცეა-

ლე — სიმონის ნაცვლად, დავარქვი სამუელ. სამუელ უფრო სასიამოდ უღერს, ვიდრე სიმონი.

ისევ პაუზა.

პატივცემულმა ბარნაბამ ჩაახველა.

— დიახ, სულ ეს გახლავთ ჩემი შესწორებანი! თუ ჰკუაში დაგიჯდებით და გულით იმუშაებთ, ერთი თვე ფრიად საკმარისია... ერთი თვის შემდეგ:

პიესა განიხილა დასმა. პირველი და მეოთხე მოქმედება წაიკითხა პატივცემულმა ბარნაბამ, მეორე და მესამე მოქმედება ახალგაზრდა დრამატურგმა. „უკვდავი“ ერთსულოვნად მოიწონეს. დადგმა, დასის თხოვნით, უკვე პიესის თანაავტორმა პატივცემულმა ბარნაბამ დაივალა. დამდგმელმა როლები მეორე დღესვე გაანაწილა, მოიწვია მხატვარი, შეუდგა მუსიკის წერას... და სრულიად მოულოდნელად პატივცემული ბარნაბა განათლების სამინისტროში გადაიყვანეს სამოღვაწეოდ... შურიანი მეგობრები ჰყავს პატივცემულ რეჟისორს: ხმა გაუვრცელეს — ერთი წელიწადია იბრძვის ამ ადგილისათვის და როგორც იქნა მიაღწია საწაღელსო, თვითონ კი თავს ისაწყლებს და იძახის — დამღუპეს, შემოქმედებას მომწყვეტეს და ჩინოენიკი გამხადესო.

თავდაპირველად ვერ იპოვეს ბარნაბას შემცვლელი დასში, ბარნაბამ კი, ვერ მოიცალა და „უკვდავის“ დადგმა შეფერხდა. წელს ახალი რეჟისორი მოვიდა დასში, ამ ახალმა რეჟისორმა წაიკითხა „უკვდავი“ და მისი დადგმა სასურველად არ მიიჩნია. მერე პატივცემულმა ბარნაბამ შინ მიიწვია დასის ახალი რეჟისორი, ხალისიანად და სიყვარულით გაუმასპინძლდა, შესჩივლა, ღვიძლ საქმეს მომწყვეტეს, მათი ჰკუთით კი თითქოს დამაწინაურეს, განათლების მინისტრის მოადგილე გამხადეს და ხელოვნების საქმეების ხელმძღვანელად დამსვეს. რა თავში ვიხლი მე მინისტრის მოადგილეობას? მე მწერალი და კომპოზიტორი გახლავართ-მეთქი, მაგრამ ძალიან შემეხვეწნენ, გვიჭირს და როგორმე გვისაშველეთ და დამითანხმეს.

მერე, სრულიად ბუნებრივია, თეატრზე გაუბა საუბარი მწერალმა და კომპოზიტორმა ქართული დასის ახალ რეჟისორს: ძალიან ახალგაზრდა ხარ და დიდი, საშვილიშვილო საქმე მოგანდეთო, თქვენი ნიჭიერების ამბავი ვიცო, მოსკოვის მცირე თეატრში მე ბევრი მეგობარი მყავს და იმათგან ვიცი შენი ნიჭიერების ამბავიო. დარწმუნებული ვარ, გვასახელებ და გავგახარებო. მჭიმე საქმეა, მაგრამ ნუ შეშინდები, შეგეშველები და ხელს გაგიმართავო.

საგანგებოდ შესვა ქართული დასის და მისი ახალი ხელმძღვანელის სადღეგრძელო პატივცემულმა ბარნაბამ და სტუმარს ბრძანებასავით შეაპარა თხოვნა:



— ვიცი, გეტყოდნენ, მე თვითონ მქონდა დაწყებული ჩემი პიესის დადგმა (თანაავტორი ახალგაზრდა დრამატურგი არ უხსენებია), მაგრამ იძულებული გავხდი თავი მიმენებებია, მიზეზი შენც იცი. „უკვდავის“ დადგმის მსურველი ბევრი იყო, მაგრამ ვერ ვენდობოდა ახლა როგორც იქნა მივალავ-მოვალავე სამინისტროს აწეწილ-დაწეწილი საქმეები და დროს კი გამოვძებნიდი ჩემი პიესის (არც ახლა უხსენებია თანაავტორი ახალგაზრდა დრამატურგი) დასადგმელად, მაგრამ მეუხერხულება, თან ქალაქში ქორიკანა ხალხი ბევრია და ათასნაირ კორს გამიერცელებენ... „უკვდავი“ კარგი პიესაა, მაყურებელი ეყოლება, შემოსავალი გექნებათ და წელში გაიმართებით!

პატივცემული ბარნაბა ღიმილით შეაცქერდა სტუმარს და მის სახეზე თანხმობა ვერ ამოიკითხა.

პაუზა.

— გითხარით, ჩემი პიესის (არც ახლა ახსენა თანაავტორი ახალგაზრდა დრამატურგი) დადგმის მსურველი ბევრი იყო, მაგრამ მე მათი ნიჭისა არაფერი მწამს და მიტომაყ არ დავრთუ ნება! თქვენს ნიჭს კი, მთელის გულით ვენდობი და დარწმუნებული ვარ, ამ ჩემს ნდობას გამიმართლებთ!.. როლები შესწავლილი აქვთ მსახიობებს, ხუთჯერ ჩავატარე რეპეტიცია, ასე რომ მაინცდამაინც დიდი ჯაფა არ დაგადგებათ... იმედი იქონიეთ, მიზანსცენების გამართვაში მე შეგეშველებით!

მერე მრავალმნიშვნელოვნად დაუმატა.

— პიესისათვის მუსიკა უკვე დაწერე! — და ნოტები წინ დაუღა სტუმარს.

დამშვიდობებისას:

— მხატვრობაც ჩემი იქნება! დიახ, მე გავაფორმებ „უკვდავს“. ესკიზებს მოგართმევთ და ესკიზების ტილოზე გადახატვა თეატრის ყოველ თანამშრომელს შეუძლია.. არც პროგრამაში და არც აფიშაში მუსიკის ავტორსა და მხატვარს არ მოვიხსენიებთ...

...ახლა „უკვდავის“ მეოთხე მრკმედების გენერალურ რეპეტიციას ესწრება ნოშრევან ბეთანელი.

ჩაბნელებული დარბაზი. სცენაზე მკრთალი სინათლე, სადაცაა დაღამდება.

მოლიანი ბორცვი. წყარო. წყაროსთან სურით ხელში ქალიშვილი, დგას. ეს ასმათი გახლავთ. ასმათთან შორიახლოს — ვაჟი. ეს დამპყრობთა მეთაურია, მისი სახელი ვერ გაიხსენა ნოშრევანმა და ვაჟად მოვიხსენიოთ.

ნოშრევან ბეთანელმა გულდაგულ მოათვალიერა დარბაზი და პატივცემულ ბარნაბას ვერ მოჰკრა თვალი.

სცენის მარჯვენა კუთხეში მომცრო მაგიდა და ერთი სკამი დგას. სცენაზე შემოდის დასის ახალი რეჟისორი ლევანი. უკმაყოფილო და დაღლილი სახე. ჯერ ჩაბნელებული დარბაზი მოათვალიერა ლევანმა, მერე წყაროსთან მდგომი ქალ-ვაჟი და მაგიდას მიუჯდა.

ლ ე ვ ა ნ ი: ასმათ, თქვენი სურა ვითომ წყლითაა სავსე, ამიტომაც მარჯვენა მხარი ოდნავ დაბლა დახარეთ.

(ასმათმა მარჯვენა მხარი დაბლა დახარა, ნაგრამ უხერხულად დადგა. ლევანი დგება და წყაროსთან მიდის).

— სურა (სურას გამოართმევს ასმათს), ხომ ხედავთ პატარაა. დიდი-დიდი სამი ლიტრი ჩაეტევა, ოდნავ გამძიმებს, აი ასე დადექით, ოდნე წინ წახრილი დგებარ ვაჟის წინ, მართალია უეცრად, მოულოდნელად შემოგეფეთა, მაგრამ არ შეკრთი, რადგან იცი გითვალთვალებს და კვალდაკვალ დაგდევს. ასე, ამაყად, დგებარ, თავი ოდნავ განზე, მას შეხედვის ღირსად არა ივლე დაეიწყით.

ვ ა ჯ ა: ბრმა ეყოფილიყავ, შენი ხილვა თვალს ამიხელდა, უგულო, — გული ჩამედგმოდა მკერდში მაგარი, — გამომესხმოდა უცნაური და მძლავრი ფრთები, ფრთებზე დაგვამდი სანეტარო ტურფა. დედოფალს...

ლ ე ვ ა ნ ი: შეეჩერდეთ! ყალბი მაღალფარდოვანი ფრაზებია. შეეცადე არ დაემორჩილო ფრაზის სიყალბეს, უფრო ალაღად წარმოთქვი — „ბრმა ეყოფილიყავ, შენი ხილვა თვალს ამიხელდა!“ მომდევნო სტრიქონი — „უგულო, გული ჩამედგმოდა მკერდში მაგარი“, — ამოვშალოთ. აზრს ვერ ამძაფრებს და ცუდი ქართულიცაა. „გამომესხმოდა უცნაური და მძლავრი ფრთები“, — აქ სიტყვა უცნაური ზედმეტია და ამოვადგებთ, ან სხვა სიტყვით შევცვლით. თქვენ თითქოს სცენაზე დგებართ და ლექსს უკითხნავთ მაყურებელს, უნდა გახსოვდეთ, თქვენ სოფელში ხართ, წყაროსთან, წყაროსთან ქალიშვილი დგას, იგი თქვენ თავდავიწყებით გიყვართ და ცდილობთ დააქეროთ თქვენს სიყვარულში. „ბრმა ეყოფილიყავ, შენი ხილვა თვალს ამიხელდა!“ — ამას რომ წარმოთქვამთ, ნაბიჯი გადადგით ქალიშვილისკენ, თვლებში შეაცქერდით, წარმოიდგინეთ, რომ ნამდვილად ბრმა ხართ, აი ბედად შემოგხვდათ ულამაზესი ქალიშვილი და თვალბნეში სინათლე ჩაგიდგათ... „გამომესხმოდა... მძლავრი ფრთები“, — მხრები შეარხიეთ, მკერდიც ასწიეთ. თითქოს ეს არის მოგემატათ მკლავებში ძალა და სადაცაა ფრთებიც გამოგესხმებათ! განვაგრძოთ.

ა ს მ ა თ ი.

ვიცი, ყალბა ეყოფილე, რასაც შენ ამბობ,  
და ყურთასმენას უსიამოდ ესმის ეს ფიცი! —  
თქვენ გსურთ გაქურდოთ საქართველო, გააჩანავოთ

და რადგან ერთის დაკერით ამათ ველარ ანერხებთ,  
(ასმათი მოუახლოვდება ვაჟს)  
გსურთ აქ დასახლდეთ, მოიკიდოთ თეხი ძლიერად...

ლევანი: ცხადია, რომ თქვენ მტერი გეზიზღებათ, ერთი წუთის წინ მან შეხედვის ღირსადაც არ თვლიდით, ამიტომაც ასე მიახლოვება გაუმართლებელია (ასმათი უკან დაიხევს). განაგრძეთ.

ასმათი

„გსურთ აქ დასახლდეთ,  
მოიკიდოთ თეხი ძლიერად,  
ქართული ხალხის კერიაში დაიღოთ წილი,  
და ჩვენ, დედებმა ვშვათ შეილება,  
რომელნიც შემდეგ  
უარსა ჰყოფენ ჩვენს რჯულსა და ჩვენს დედაენას!  
ეს არ მოხდება,  
არასოდეს ეს არ მოხდება!  
თქვენ ჯერ არ იცით, როგორია ქართველი ქალი!

ლევანი: თქვენი რტექსტიც მაღალფარდოვანია და ყალბი-უბრალოდ რომ ვთქვათ, თქვენი ფიცის არ მჯერათ, თქვენ გალობასავეთ ეუბნებით — „და ყურთასმენას უსიამოდ ესმის ეს ფიცი!“ „და ყურთასმენას. უსიამოდ ესმის“ — ძალიან უხეირო გამოთქმაა, რომ ამბობდეთ „უსიამოდ ჩამესმის ყურშიო“, გასაგები იქნება და ბუნებრივიც. მერე, რა საჭიროა ასეთი მოკრძალებული მიმართვა დამპყრობისადმი: — „თქვენ გსურთ გაქურდოთ საქართველო“... „გსურთ აქ დასახლდეთ“... მას დამპყრობილი ყავნართ, აწიოკებული, გაქურდული და ახლა სიყვარულს გეფიცება, რომ ხასად გაგიხადოს. თქვენი ყოველი სიტყვა ზიზღითა და რისხვით უნდა იყოს სავსე. თქვენი ეს ტექსტი ხელახლა უნდა დაიწეროს. განვაგრძოთ.

ასმათი

თქვენ ჯერ არ იცით, როგორია ქართველი ქალი!

ვაჟი

იმის თვალეში განთიადის ციმციმებს სხივი...

ასმათი

ცეცხლი ელვარებს მის თვალეში მტრის გამგმირავი!

ვაჟი

მის სათნო გულში სიყვარულის ცეცხლი ანთია.

ასმათი

შურისძიების ხანძრად იგი გარდაიქცევა!

ვაჟი

არა! გაათბობს სიყვარულთ მის მოტრფიალეს.

ასმათი

თვითონ იქროლებს იგი, როგორც სუსხი, ქარყინვა  
და გამოახშობს მოძალადის სხეულს ხესავით.

ვაჟი

ის ეღვარებას შეუმატებს შირაზის ვარდებს

ასმათი

სუღარის ფერი დაედება წინანდლის ვარდებს,  
ქართველ ქალს მტერი მოსისხარი რომ შეუყვარდეს.

ლევანი: მამატიეთ, თქვენ სიყვარულს უგალობთ ერთმანეთს. ტექსტიც ხელს გიწყობთ. თავისთავად ეს ტექსტი ცუდა როდია, მაგრამ თქვენს მდგომარეობას, თქვენს სულიერ განწყობილებას ვერ გამოხატავს. (ასმათს) „სუღარის ფერი დაედება წინანდლის ვარდებს, ქართველ ქალს მტერი მოსისხარი რომ შეუყვარდეს“, — თითქოს გიტარაზე დაამღერეთ, ისე უნდა წარმოთქვათ, რაინდობა ჩანდეს სულისა. თან გეზიზღებათ! დაგავიწყდათ, რომ გეზიზღებათ? იგი ჩვენს სამშობლოში შემოიჭრა როგორც ურჯულო, გული მისი სავესეა სინარბით, საც კი ძვირფასი გაგვაჩინია, სურს წარიტაცოს. უფრო მრისხანე, უფრო რისხვიანი იყავი! განვაგრძოთ:

ვაჟი

თადღობირველად, ქალი უნდა გაგიჯიუტდეს,  
უფრო აღვანთოს, გაგიღვიძოს მწველი ხანძარი,

ლევანი: „გაგიღვიძოს მწველი ხანძარი“, არ ვარგა. დაიმახსოვრეთ და შეეცვალოთ. ახლა კი განაგრძეთ.

ვაჟი

მაგრამ გულში კი მოკრძალება აქვს ჩამარხული...  
ვიცი, შენ მალავ შენი გულის ნამღვილ საწადელს  
და თანაც ჰშიშობ...

ასმათი

ჰოი, ვშიშობ, ნამღვილად ვშიშობ!

ლევანი: უფრო დაცინვით! ეგ შენი ქვეყნის მოსისხარია, მაგრამ შენ მისი არ გეშინია. იგი მტერია, რომელმაც დროებით შენ დაგვაბნა, მაგრამ შენ გჯერა შენი ხალხის უტეხი სულის, რომ საქართველოს ვერ დაიმონებს ვერც ერთი მტერი და ამითა ხარ შენ ძლიერი! შენ მას დასცინი — „ჰოი, ვშიშობ!“ ჩავათათ ეს სურათი.

ვაჟი

...და თანაც ჰშიშობ!

ასმათი

ჰოი, ვშიშობ, ნამღვილად ვშიშობ!

ვაჟი  
ჰტიქრობ, დაგტოვებ გამოტანჯულს ბედის ამარად  
და სიყვარული არ გგონია ჩემი გულწრფელი.

ასმათი  
გზა გამიტიე! მამაჩემი შინ მელოდება!

ვაჟი  
ჩერ ხომ აღრეა, შებინდება შორს არის კიდეც!

ასმათი  
დღეც საშიშია; ავაზაკნი როცა დაძრწიან...

ვაჟი  
ჩუ გეშინია, როცა შენთან, მე ვიმყოფები

ასმათი  
ჩემს წინა ღვებარ ავაზაკი უპირველესი!

ვაჟი  
ავაზაკი ვარ?.. ავაზაკი გულს გაგიგმირავს  
და თავისთავსაც მოაკვდინებს იმავ მახვილით  
ასმათ, არ გჭერა?

ასმათი  
გზაჰ მიტიე! მახვილს არ ვუჭერთი  
შენ შეგიძლია ამომკვეთო მკერდიდან გული,  
ვერ ჩამისახავ სიყვარულს კი გულში მცირედსაც.

ვაჟი  
მაშ შეეეიდრე შენს ღმერთს, ზეცას  
ალაპყარ თვალნი,  
უკანასკნელად მიმოჰხედე ამ შენს მიწა-წყალს,  
აღმართე ხელნი სალოცავად!

«თითქოს ხმალი იშიშვლა და ასმათისკენ წაიწვეს. სცენაზე შემო-  
ვარდება ასმათის მამა სიკო).

სიკო  
ჩააგე ხმალი!

ვაჟი  
სიკვდილს ეძებ?

სიკო  
ვიპოვე კიდეც!

ვაჟი  
:ეგებ გგონია, შევიბრალებ შენს გამო, შენს ქალს?

სიკო  
:არც ვინღა ითხოვს შებრალებას შენგან...

ვაჟი  
სთქვი, ვინა ვარ?

სიკო  
:შენ უკეთ იცი!

ვ ა ჟ ი

ბერიკაცო, მსურს შენ ამოთქვა!

ს ი კ ო

შენ ხარ სატანა!

უწმინდურის თესლო ხარ, ბილწო!

(სიკოს თამაში საოცრად ყალბია. რეჟისორი მოთმინებას ჰკარგავს და შესძახებენ):

ლ ე ვ ა ნ ი: შეჩერდით! პირდაპირ მათებს, სალანძღავ სიტყვებს რატომ წარმოთქვამთ ასე რბილად და ალერსით. უნდა თქვათ სა-ტა-ნა! დიახ, დამარცვლოთ და სამივე ა-ზე დაარტყაოთ მახვილი. თქვენ კი განსაკუთრებით რბილად გამოთქვამთ ტა-ს და სა-ტა-ნანს ნაცვლად ჩვენ გვესმის სა-თა-ნა, ხოლო ბილწოს ნაცვლად, ბილ-ცო! ცხადია, მაცურებელი დაგვცინებს! გავიმეორაოთ!

ს ი კ ო

შენ ხარ სატანა,

უწმინდურის თესლო ხარ, ბილწო!

ბებრებს პატივს ვღებთ,

ვიდრე გონზე სრულად არიან.

ვ ა ჟ ი

ქალს გზად უხედები ურჩხულივით

და ხმლით აშინებ,

სიკვდილის კართან ათამაშებ...

(გამოთქმაში ისევ შეეპარება სიყალბე სიკოს და რეჟისორი ისევ აენტო).

ლ ე ვ ა ნ ი: სიკვდილის კართან! (ლევანმა სიკოს ორივე ხელი მხრებზე დაადო და თვალბეჭეში ჩააქცერდა.) „ქალს გზად უხედები ურჩხულივით და ხმლით აშინებ!“ უმწეო ქალი! მოიმწყვდია, მკერდთან ხმალს უტრიალებ და თანაც სიყვარულს ეფიცები, გაგონილა! შეუტეე, შერისხე!

ს ი კ ო

ქალს გზად უხედები ურჩხულივით

და ხმლით აშინებ,

სიკვდილის კართან ათამაშებ...

ვ ა ჟ ი

რადგან სიყვარულს რაინდისას...

ს ი კ ო

რადგან სიყვარულს ბოროტისას...-

ვ ა ჟ ი

შერე ვინა თქვა

ბოროტი ვარ და გაცთმობულე?

შენ დამიმტკიცებ? შევიბრალო...-

შენი ოჯახი  
გადავარჩინე აოხრებას, აწოკებას,  
შვილს და მამასაც მე სიციოცხლე შეგინარჩუნეთ  
ეს არის ჩემი ბოროტება?

ასმათი

მხოლოდ იმიტომ,  
უფრო სასტრუაოდ დაგვიმონო და გაგვაწაშო...

სიკო

ყურში მიწივის სახლიკაცთა გმინვა და კვნესა,

ვაჟი

რომ მოეკვეთათ ეს ყურები, ვერ მოისმენდი  
წადით! გამშორდით!

უკოდე, ასმათ,

შენ უჩემოდ აღარ გაცოცნლები

(ასმათი და სიკო მიდიან. რეჟისორი სიკოს მოაბრუნებს)

ლევანი: მართალი კაცი, დამნაშავესავით მიაბიჯებ. აბა შემ-  
ხედე! (გაივლის სიკონ ნაბიჯებით, დარბაზში ჩუმი სიცილი) შენ  
ის სიმართლით დაამარცხე! განა დაგინდობს? წუთით ქალიშვილს  
მოაჩვენა თავი რაინდად, მცირე ხნის შემდეგ თავის დამქაშებს  
დაგადევნებს და ქალიშვილს წარგტაცებს. ასეთი ურჩხულის წინ  
თამამად უნდა გაიარო, უნდა შეაკრთო და შეაშინო. (ნაბიჯებს გა-  
დადგამს) აბა, მოშყევი! (სიკო ცდილობს მიბაძოს რეჟისორს, მაგრამ:  
ვერ ახერხებს. დარბაზში ისევ ჩუმი სიცილი).

ხმადარბაზიდან: მტერი არ არის, სიკომ ასე ვერ გაი-  
როს!

(რეჟისორი შედგება და სიკოს სიარულს აკვირდება)

ლევანი: არა, არ ვარგა! ანლა ცოტა შევისვენოთ და შემ-  
დეგ განვაგრძოთ.

ხმადარბაზიდან: ბატონო ლევან, ნება მომეცით!

დარბაზი განათდა: ახალგაზრდა დრამატურგი დარბაზის ბო-  
ლოში იდგა, მას არ დაუცდია ლევანის ნებართვისათვის, დარბაზი-  
ჩქარი ნაბიჯებით გაიარა, სცენაზე ავიდა და ლევანის წინ  
დადგა.

—მე უარს ვამბობ პიესაზე! — ხმამაღლა, გადაწყვეტით თქვა  
ახალგაზრდა დრამატურგმა.

ლევანი შეკრთა. სკამიდან ადგა და გაღიმება სცადა.

—ასე ნუ აღელდებით! კიდევ ბევრი მუშაობა დაგვიკირდება,  
ვიდრე მაყურებელს ვუჩვენებდეთ წარმოდგენას... ეს ჩვეულებრი-  
ვი ამბავია!

—მე სხვა რამეს მოგახსენებთ, პატივცემულო ლევან, — თავ-  
დაპირველად სულ სხვანაირად მქონდა დაწერილი პირველი და

მეოთხე მოქმედება, პატივცემულმა ბარნაბამ შემაცვლეინა, მე დაუჯერე და აშკარა შეეცდი. და ახლა უარს ვამბობ ამ პიესაზე.

— ერთად არ დაწერეთ? — გაიკვიროა ლევანმა.

— არა, პიესა მე დავეწერე! წაეიკითხეთ დასში და დასმა დაიწუნა პიესა.

ხმა დარბაზიდან: დასს არ დაუწუნებია პიესა, პიესა ბატონმა ბარნაბამ დაიწუნა.

პაუზა.

— მერე მე დახმარება ვთხოვე პატივცემულ ბარნაბას და თანა-  
გეტორობა შევთავაზე. შევთანხმდით. მან წაიკითხა პიესა და მი-  
ჩია ზოგი ადგილის ამოღება, ზოგის გადაკეთება; პატივცემულ  
ბარნაბას რჩევითვე პიესიდან ამოვიღე ექვსი მოქმედი პირი და  
პიესა ქალზე რომ არ შემცირებულიყო მათი ტექსტი გავანაწილე  
პიესაში დატოვებულ მოქმედ პირებზე. პირველი მოქმედების პირ-  
ველი სურათი და მეოთხე მოქმედება მთლიანად თეთრი ლექსით  
უნდა დაიწეროსო, — დამარწმუნა ბატონმა ბარნაბამ, სიმღერებიც  
უნდა ჩაეურთოთო და მე პიესაში ზოგი ადგილი შევასწორე. ზო-  
გიც ხელახლა დავეწერე, სიმღერებიც. ჩაეურთე...

— ბატონი ბარნაბა ცუდს არაფერს გირჩევდათ! — შეაწყვეტო-  
ნა სიკო აზარაშვილმა და ახალგაზრდა დრამატურგს დამცინავად გა-  
უღიმა.

— მეც ასე მეგონა. ახლა, პიესა რომ სცენაზე ვიხილე, დავრწ-  
მუნდი, რომ შევმცდარვარ.

თუნდაც ერთი მაგალითი:

პირველ ვარიანტში ეს უცნო ვაჟი სიყვარულს ეფიცება ასმათს.  
ასმათი: შენ ურჯულო ხარ!

ვაჟი: ჩემი რჯული ალაჰია! — ცხადია, ამაყად თქვა.

ასმათი: ის შენი. ალაჰიც ურჯულოა ჩემთვის...

აქ, მეორე ვარიანტში:

სუდარის ფერი დაედება წინანდლის ვარდებს,

ქართველ ქალს მტერი მოსისხარი რომ შეუყვარდეს!

ამას მანანა ორბელიანი, ან ნინო ჭავჭავაძე რომ ამბობდენ, ბუ-  
ნებრივი იქნებოდა, გლეხის უსწავლელი გოგოს მიერ თქმული ეს  
სიტყვები კი ყალბად უღერს. ასმათი იმას ამბობს, რაც უნდა ეთქ-  
ვა, მაგრამ ისეთი სიტყვებით არ გამოთქვამს, როგორც მას შე-  
ეფერება, ამიტომაც ყალბდება ფრაზა და მსახიობიც უხერხულ  
შდგომარეობაში ექცევა. მე მოგართმევთ, ბატონო, ლევან, ჩემი პი-  
ესის პირველ ვარიანტს, წაიკითხეთ, თუ მოგეწონებათ, დაშიდგით.  
პიესის ამ ვარიანტზე მე კატეგორიულად ვამბობ უარს...



მართალი აღმოჩნდა ახალგაზრდა დრამატურგი:

ლევან კარგარეთელმა წაიკითხა „უკვდავნი“ პირველი ვარიანტი და უყოყმანოდ ამჯობინა მეორე ვარიანტს.

დასწი ხელახლა წაიკითხეს პიესა და მოიწონეს:

და თავისთავად გაუქმდა ბარნაბა დარახველიძის თანაავტორობა

შევეცი.

რეჟისორმა და დასმაც, პიესის სათაურად — „უკვდავნი“ ამჯობინა „უტეხ სულს“; ასე რომ; პიესის სათაურის ავტორობას ვერავინ წაართმევს პატივეცემულ ბარნაბა დარახველიძეს და პიესაში ჩართული ოთხი სიმღერის მუსიკის ავტორიც პატივეცემული ბარნაბა გახლავთ.

მაგრამ პატივეცემულმა ბარნაბა დარახველიძემ კატეგორიულად იუკადრისა აფიშაში და პროგრამაში მოეხსენებიათ, როგორც „უკვდავნი“ მარტოოდენ მუსიკის ავტორი, ნოტები უკანვე გაითხოვა და... შემდეგ ვალში არ დარჩენილა ქართული დასის მიმართ.

ლევან კარგარეთელმა კვლავ გამოიჩინა თავი. სეზონის ბოლოს ორი ახალი დადგმა უჩვენა მაყურებელს, „ოიდიპოს მეფე“ და „უკვდავნი“.

თუ ცოტა ხნის წინათ დასის ახალ დადგმებს, ორ-სამჯერ, ან დიდი-დიდი, ოთხჯერ და ხუთჯერ წარმოდგენდნენ თბილისში და შემდეგ მაყურებლის სიმციროს გამო, პერიფერიებში მართავენ სპექტაკლებს, ახლა სურათი შეიცვალა: ქუთაისიდან, ზესტაფონიდან, გორიდან, თელავიდან და სხვა ქალაქებიდან ჩამოდიან თბილისში ქართული დასის დადგმების სანახავად.

გაზეთებმაც თავდაპირველად დიდად შეაქვს ლევან კარგარეთელი. და ნოშრევან ბეთანელი: კარგარეთელისთანა ნიკიერ რეჟისორს ყველა თეატრი ინატრებდაო, ნოშრევან ბეთანელი პირველ სკრიპკაზე უკრავსო, ასეთ რთულ როლებს — ტრაგიკულს, სახასიათოს და კომიკურს ასეთი ახალგაზრდა მსახიობი ასეთის ოსტატობით რომ ასრულებდეს, იშვიათი მოვლენააო. ყველას გირჩევთ — ნანოთ ქართული დასის წარმოდგენები და დარწმუნებული ბრძანდებოდეთ კმაყოფილნი და მადლიერნი დარჩებით.

წელში გაიმართა ქართული დრამატული დასი.

ნოშრევან ბეთანელის პირადი ცხოვრებაც კარგად აეწყო: ვაჟიშვილი შეეძინა. გიორგი დაარქვეს ვაჟიშვილს.

— ვიდრე ფეხს აიდგამდეს, მანამდე ანას მარტო გაუძნელდება. ბავშვის მოვლაო, დაარწმუნეს გიორგის ბებიამ და ბაბუამ

ნოშრევანი და ანა და გიორგი არადეთში წაიყვანეს, ეშხიანი და ჯანმრთელი ბიჭი ეზრდება ნოშრევანსა და ანას, ხარობდა ნატო და ნიკო, ხალისმა დაისადგურა ბეთანელების ოჯახში.

და ნოშრევანი, ვიდრე ორი წლისა გახდებოდა გიორგი, თვეში ორხელ მანც ჩავიდოდა არადეთში. მერე, გიორგიმ ფეხი რომ აიდგა, თუ ნოშრევანი ვერ მოახერხებდა არადეთში ჩასვლას, ანა და გიორგი ჩამოაკითხავდნენ თბილისში, ანასა და გიორგის ხან ნატო ჩამოჰყვებოდა, ხან ნიკო...

მერე?

...ანა და ნოშრევანი რომ დაქორწინდნენ და ოდესიდან თბილისში გამოემგზავრნენ, მე იმავე ღამეს ვიწინასწარმეტყველე ანასა და ნოშრევანის ბედი და რვეულში ჩავიწერე.

ეს რვეული ხელთა მაქვს. ჩავხედავ.

რაც ანას ეუწინასწარმეტყველე, იქიდან ახლა მხოლოდ ერთ სტრიქონს ამოვწერ:

„ისეთი მკვირცხლი ქალია ანა, პირველი შვილი აუცილებლად ვაჟი ეყოლება“.

აჰა, გამართლდა!

ნოშრევან ბეთანელის ბედი:

„სიყვარულით მიიღებს ნოშრევან ბეთანელს ქართული დრამატული დასი. უადრესად ნიჭიერია და მიტომაც შეიყვარებს მაყურებელი; დიდად შეაქებენ, შეიძლება კიდევაც გააღმერთონ და უკვდავება უწინასწარმეტყველონ. (ესეც გამართლდა) ასე გაგრძელდება ორი, სამი, დიდი-დიდი ოთხი წელიწადი. მერე? მერე ჩვეულებრივი ამბავი დატრიალდება: რომელიმე, შესაძლოა უახლოეს და უსაყვარლეს მეგობარს შეშურდება მისი სახელი და დიდება. იმ მოშურნეს მხარს აუბამენ ნაკლებნიჭიერნი. შეიძლება ნოშრევან ბეთანელს, წინ აღუდგებიან, გზას გადაუტრიან, ეგებ კიდევაც გააგდონ თეატრიდან“...

ენახოთ, როგორ გამართლდება ჩემი ნაწინასწარმეტყველება.

გაზეთების ფურცლებზე თანდათან გახშირდა საყვედურები თეატრის მიმართ. რეპერტუარის უმეტესი წილი ისტორიული და პრეისტორიულიაო, ბატონმა ლევან კარგარეთელმა ერთობ მოუხშირა უცხოური და რუსული პიესების დადგმაო, ერთი სპექტაკლიც ვერ დადგა ქართველი ხალხის დღევანდელი მღელვარე ცხოვრების ამსახველიო, მართალია, ნოშრევან ბეთანელი უნიჭიერესი მსახიობი განლავთ, მაგრამ ყოვლად აუტანელია, ყველა პიესაში — ტრაგიკულში, დრამატულში და კომიკურშიც — მთავარ როლებს ყოველთვის ერთი და იგივე მსახიობი თამაშობდესო, განა დასში სხვა

არეინ არის ნიჭიერი? და თუ მართლა არ არის, მაშინ დადუქულად უნდა მივიჩნიოთ ქართული თეატრი.

თავის მხრივ პატივცემულმა ბარნაბა დარახველიძემ გააჩალა და გააჩალა შემოქმედებითი მოღვაწეობა. ჯერ იყო და საგუნდო კაპელა ჩამოაყალიბა და მას ბინა ქართულ კლუბში დაუდო. კაპელას თავდაპირველად „უპკდავისისათვის“ დაწერილი სიმღერები შეასწავლა; პირველ კონცერტს თავადვე ულოტბარა და განუთებსაც დიდად შეაქებინა კომპოზიტორი, ლოტბარი და გუნდი. მუსიკა რომ შექმნილი იყო და იყო: უძველესი ქართული ნალხურა მუსიკის მოტივებზეა შექმნილი, უაღრესად ეროვნულიაო, მაგრამ ქეშმარიტმა შემოქმედმა ბატონმა ბარნაბა დარახველიძემ უპირველესად გაგვაოცა და მოგვზიბლა როგორც ლოტბარმაო. ლოტბარობისას ხელებს და თითებს; განსაკუთრებით კი მარცხენა ხელის თითებს, ისე ამოძრავებდა, რწმუნდებოდით, ადრე დაწერილ მუსიკას კი არ ლოტბარობს უნიჭიერესი კომპოზიტორი; არამედ ახლა, თქვენს თვალწინ ქმნის ამ დიდებულ მუსიკასო.

იტალიიდან და საფრანგეთიდან მომღერლები მოიწვია და მათ სოლო კონცერტებს ქართულ კლუბში ამართინებდნენ. მერე უფრო და უფრო გააახშირა პატივცემულმა ბარნაბამ კონცერტები და „მიზნობრივი საღამოები“ ქართულ კლუბში და ქართულ დრამატულ დასს კვირაში მხოლოდ ორი დღე დაუნარჩუნა წარმოდგენებისათვის...

## თ ა ვ ი მ ე უ ვ ი დ ე

ათას ცხრაას ცხრამეტი წელი.

სექტემბრის ბოლო შაბათი. თბილი საღამო.

დღეს ქართულ კლუბში განათლების სამინისტრო ვახშამს უმართავს იტალიელ მომღერალ ქალს.

ეს კლუბი ქალაქელთა ერთადერთი თავშესაყარია: უპირატესად დიდი მოხელენი, ვაჭარ-მრეწველნი, ბანქოს მოთამაშენი, ჭორიკანა ქალები ისამხრებენ აქ... და მწერლები, მსახიობები, საზოგადო მოღვაწენიც აქ იყრიან თავს.

კლუბის დიდ დარბაზში დიდი თადარიგია და ვიდრე ლხინი დაიწყებოდეს, შევიხედოთ კლუბის ოთახებში.

ოთახი პირველი: დიდი და ნათელი. რბილი სავარძლები. კედელზე დიდი სარკე ჰკიდია. სარკესთან ახლოს სავარძელში ქალბატონები, ფლორენცია და პარასკევა სხედან და ხმადაბლა საუბრობენ. ფლორენციას და პარასკევას, მათ მეუღლეებს — ბატონ კირი-

ლეს და ბატონ ოლიფანტეს ყველა ქალაქელი იცნობს: მაგარი ვაჭრები განლავან — აღრე კრამიტს ეზიდებოდნენ მარსელიდან, ანლა იტალიის სავაჭრო ფირმას დაუკავშირდნენ და მაკარონით ვაჭრობენ. მოგვხსენებათ, პურის სიმცირეა ქალაქში და მაკარონი კარგ ფასად იყიდება.

თქვენ ხედავთ, ბატონი კირილე და ბატონი ოლიფანტე ღია ფანჯარასთან დგანან, ჩიბუხებს აბოლებენ და კლუბის ეზოში იყურებიან.

ქალბატონი პარასკევა დაბალია და ჩათქვირული, ქალბატონი ფლორენცია — ოდნავ მაღალი და ხმელ-ხმელი.

— იმ დაფეხვილ მკერავთან რომ მიმასწავლე, შე ქალო, უკეთესი ვერ გაიმეტე ჩემთვის? — უსაყვედურა პარასკევამ ფლორენციას.

— ცუდად კერავს თუ? — გაიკვირვა ფლორენციამ.

— ვითომ ვერ ხედავ? — წყენით თქვა პარასკევამ. მერე ადგა ქალბატონი პარასკევა, სარკეში ჩაიხედა და მხრები მიმოარხია.

— ხომ ხედავ, როგორიცაა?

— რავა, შენ არ ამოირჩიე ფასონი? — შეუტია ფლორენციამ.

— ჩემს ნებაზე ვინ მიმიშვა, — ხმას დაუდაბლა პარასკევამ და ფანჯრისკენ გაიხედა, — წამომყვა ჩემი ვაჟბატონი, — მკლავები ფართე იყოსო, მკერდი დახურული, წელში გამოყვანილი არააო! საჭირო, შენს ურემივით ტანს არ დაშვენდებო, დაუჯერა შენმა მოწონებულმა მკერავმაც და ა, ტომარასავით არ გამოვიდა?

სარკის წინ შეტრიალ-შემოტრიალდა პარასკევა, მერე დაიხარა, ხელები მარჯვენა ფეხის მუხლს ჩაავლო, სავარძელში მოწყვეტით ჩაეშვა და ყრუდ ამოიგმინა.

— რა მოგივიდა, ქალო — შეკრთა ფლორენცია.

— გადატყაული მაქვს ფეხის თითები...

ფლორენცია კაბას აუკალთავს პარასკევას და ფეხებზე დააცქერდება.

— ნამეტანი მოსხებილი ფეხსაცმელებია, პარასკევა!

— ესეც ჩემი ვაჟბატონისა წყალობაა, — ჩურჩულით ამბობს პარასკევა, — ორი ნომრით პატარას აკერვინებს, მაღალ საწოგადობაში ყველას პატარა და კობტა ფეხები აქვსო, შენი სპილოს ფეხები რა გამოსაჩენიაო...

— როგორ უძლებ, შე საბრალოვ!

— დმერთო დიდებულო, ერთი ფეხშიშველა გამარონიე ჩემს ეზოში და მერე მომკალი! — ალაღად ინატრა პარასკევამ, მერე ფანჯრისკენ გაიხედა და უფრო დაუწია ხმას, — ვართ ჩემო ფლორენცია წვეულებაში და... კოწიამ დაგვპატიუა...

— უჩემოდ? — გაიკვირვა ფლორენცია.

— შენ ქალაქში არ იყავი... თეთრ ღუქანში წაგვიყვანა, ვილაც. უცხოელები ჰყავდა სტუმრად... გვერდით კავალერი მიწის...

— ლონგინოზი?

— არა, შენ არ იცნობ!

— ვინაა ეგეთი?

— მერე გეტყვი... ჩემს პირდაპირ ჩემი ვაჟბატონია გაჭგიმული...

— ექვიანობს, წომ?

— ტყუილა ფახიფუხობს, სადა აქეს ექვიანობის თავი! დამა-  
ცადე, ფლორენცია!.. მაგარი სმავ, ვილხენტ და მომიჭირა ფეხ-  
საცმელმა, ჯერ ერთზე, მერე მეორე ფეხზე. მომიჭირა და მომიჭი-  
რა! მეც ავიღე და შეუმჩნევლად ჩავაცურე ხელი და გავიხადე. არ  
ამოვისუნთქე, ღმერთო დიდებულო!

— ფეხშიშველა უზიხარ სუფრას? გამაგიყებ, პარასკევა!

— არხეინად გზივარ ფეხშიშველა და უცებ არ დამთავრდა  
ლხინი? დამთავრდა ლხინი და წამოიშალნენ, ჰო, წამოიშალნენ  
და ჩემი კავალერიც ადგა. დამცეცხლა: გავაფაჩუნე ფეხები, მაგ-  
რამ შეტი არაა შენი მტერი, სადაა ჩემი ფეხსაცმელები! დავხარე  
თავი და გავუჭკრიტინე ცალი თვალით, არაა! მერე ვიკადრე თავის  
შეყოფა მაგიდის ქვეშ, გავუჭკრიტინე და გავუჭკრიტინე, არაა და  
არაა! სიცოცხლე გავათავე და შევკვივლე, გული შემიღონდა... მერე  
ეტლში მრვსულიერდი, მარცხენა ფეხზე კი მეცვა ძალის მიერ  
დაკბენილი ფეხსაცმელი, მარჯვენა ფეხი ჩემი ვაჟბატონის ცხვირ-  
სანოცით მქონდა შეხვეული...

ფლორენცია და პარასკევა ხმადაბლა, მაგრამ გულიანად იცინი-  
ან.

ოთახი მეორე: ოთახში სამი მრგვალი მაგიდა დგას. მაგიდებს  
მამაკაცები (თვითნებულ მაგიდას რვა-რვა) უსხედან. ხანშიშესულნიც  
და ახალგაზრდებიც და ბანქოს თამაშობენ.

პირველი მაგიდის მებანკე ჩამოარიგებს ჟარტს.

მ. მ. ბ. ა. ნ. კ. ე: სტუკია, ბატონებო!

ქ. ა. ლ. ო. ს. ა. ნ. ი: სტუკია? ასე მალე?

მ. მ. ბ. ა. ნ. კ. ე: დიახ, ბატონო ქსენოფონტე, სტუკია გახლავთ!

ქ. ს. ე. ნ. ო. ფ. ო. ნ. ტ. ე: (მაგიდის შუაგულში დახვავებულ ქალა-  
ლის ფულს ბელით აურ-დაურევს, წამოდგება), მომეცით თქვენი  
ბანკი!

მ. მ. ბ. ა. ნ. კ. ე: ბანკი? ბევრია, ბატონო ქსენოფონტე, ნახევარი  
ინებეთ!

ქსენოფონტე: ნახევარი? (თვლებში შეაკერდება მებანკეს) ნახევარი უთამაშოდ!

მებანკე: გაფრთხილებთ, ბატონო ქსენოფონტე, კარგი კარტი მაქვს!

ქსენოფონტე: (დაჯდება) ნუ გვაშინებთ, ბატონო, მომეცით კარტი. ქსენოფონტემ კარტი დინჯად და მალულარ გასინჯა. მერე კიდევ იყიდა ერთი კარტი.

მებანკე: ხომ არ მოვრიგდეთ!

ქსენოფონტე: (თამამად) კიდევ ერთი კარტი!

ბაუზა.

მებანკე: ხომ არ მოვრიგდეთ? გნებავთ, ნახევარი იყვეს, გნებავთ, მესამედი!

ქსენოფონტე: კიდევ ერთი კარტი!

მებანკე: (დაყვედრებით) ინებეთ! ახლა კი ნამდვილად დიწვეთ!

ქსენოფონტე ხელებს ნელ-ნელა წაიღებს დაბლა. მებანკე მას გაფაციცებით აღეგნებს თვალს და დაინახავს, ბატონმა ქსენოფონტემ როგორ გამოაცურა მარცხენა ხელის თითებით ერთი კარტი, მერე იატაკზე დააგდო და ფეხი დაათარა. მებანკე წამოიჭრება და შეჰყვირებს: — როგორ ბედავთ, ბატონო ქსენოფონტე, თქვენ ხუთი კარტი გაქვთ! სირცხვილია! — იფეთქებს ბატონი ქსენოფონტეც, წამოიჭრება და შეუბღვერს: — როგორ მკადრებთ? სიკვდილი მოგენატრათ? წაიწევა. ყველანი წამოიშლებიან. ჩოჩქოლი... მიწევ-მოწევა... გავეცალოთ!

—ოთახი მესამე: კედლების გასწვრივ ჩამწკრივებულ სკამებზე ყმაწვილები სწედან. ერთი მათგანი ფეხზე დგას და ლექსს კითხულობს:

„ბერძი ვეფხვი დაუზრდია ქართველ დედას,

რაინდები, ვაჟაკები უშიშარი —

საქართველოს ძლიერების დაჩეხვად!

ციხის კარი —

თვითონ დედის გულში არი.

თვითონ კედლა მტრის ურდოზე გამარჯვებას. —

უკვდავების შუქი მოსაეს ქართველ დედას!

წყველიადს ჰკვეთდა, ბნელში შეუქად ბრღვეალებდა,

გულს აქდია საქართველოს იხრებო!

ხეხილს რგავდა, ნასახლარზე აშენებდა,

და მოსისხარათ ხელმანდილთ აშველებდა, —

უკვდავება დაემკვიდრა ქართველ დედას!

ავკაცობას იავნანას ხმაში ჰზარავს,

გვიგალობდა — კაცურ კაცად ქვეყნად გვევლო:

თუნდაც, ერთი რუსთაველი. გაეზარდა,

უკვდავებას ვინ წაართმევს საქართველოს!

დიდი დარბაზი: აქ უკვე მრავლად არიან. ნაცნობ-მეგობრები ჯგუფ-ჯგუფად დგანან და საუბრით ერთობიან; დროს ჰკლავენ სტუმრის მოლოდინში. მამაკაცებს შეუსრულებიათ განათლების სამინისტროს თხოვნა და ფრაკები ჩაუცვამთ. გამონაკლისი მხოლოდ ბატონი დოროთე ავალიშვილი გახლავთ. მას იისფერი ჩოხა და თეთრი ახალუხი აცვია. ბატონი დოროთე ორმოცდაათს გადაცილებულია და მაინც ვერა და ქერ შეეგუა ფრაკს. ერთ-ერთ ფრიად გემოვნებიან მანდილოსანს დაურწმუნებია ბატონი დოროთე — თქვენს აღნაგობას ფრაკი არ უხდებაო. პირდაპირ უთქვამს იმ მანდილოსანს — ფრაკში ბებერი ჩანხართ. ჩოხაში კი, ჰაბუკოვით შელერვებულიო. ირწმუნა ეს ბატონმა დოროთე ავალიშვილმა და როცა ჩოხაში გამოწყობილს შეხვდებით, უმორჩილესად გთხოვთ, გაუღიმოთ, მოუწონოთ, ორიოდ სიტყვით შეაქოთ და ნახავთ, როგორ შეიღერება და როგორ მოგესიყვარულებათ დოროთე ავალიშვილი. ინიც იცოდეთ, პატივცემული დოროთე ისეთი ამყვი და თავნებაა, ჰალიშვილმა რომ ჰკადროს, ბებერი ხარ, რას შელაციცებო, იფეთქებს. და შესაძლოა თავისი პატარა ხანჯალი პირდაპირ მუცელში ატაკოს. ჰოდა, ფრთხილად იყავით!

ფრიად განსწავლული პიროვნება გახლავთ ბატონი დოროთე ავალიშვილი.

სად შეიძინა ცოდნა?

ხარკოვში, მოსკოვში, სანკ-პეტერბურგში!

ნმა კი გაუერცელეს — ხარკოვში, მოსკოვში, სანკ-პეტერბურგში პატივცემული დოროთე ილხენდა და დროს ატარებდა, ნატამალი ცოდნა არ შეუძენიაო, წიგნს ახლოსაც არ გაჰკარებიაო, მაგრამ მე დანამდვილებით შემეძლია ვთქვა და გთხოვთ, თქვენც მერწმუნოთ, იმ აღამიანებს, რომლებმაც პატივცემულ დოროთეს ასეთი ჭორი გაუერცელეს, ჰშურთ და ეხარბებათ დოროთეს განსწავლულობისა, დაბოღმნი არიან და გულს ასკდებიან.

გამოესაუბრეთ ბატონ დოროთეს.

ხომ ანლახან დამთავრდა პირველი მსოფლიო ომი? ბატონი დოროთე წვრილად განგომარტავთ ომის წარმოშობის მიზეზებს. რატომ ჩაება რუსეთი ომში, ომის მონაწილე რომელ ქვეყანას რამდენი ჯარისკაცი დაეღუპა, და რომელმა ქვეყანამ რა მატერიალური ზარალი ნახა. ავსტრალიაში ცხოვრების ისეთი დონეაო, ამტკიცებს პატივცემული დოროთე, ევროპის და აზიის არც ერთ ქვეყანას სიწმირადაც არ მოელანდებო.

მთელი ქართული მწერლობა ფურცელ-ფურცელ აქვს წაკითხული პატივცემულ დოროთეს და თუ გაჭირდა, შესაძლოა რომანისა და მოთხრობის დაწერა გაუჭირდეს, თორემ ლექსი რას მიქ-

ვიაო, — ამბობს ბატონი დოროთე, — ლექსს მძინარეც შევთხზავო.

გთხოვთ, ერწმუნოთ!

ახლა თეატრები!

ოპერის თეატრშიც უპირველესი მაყურებელია და დრამატულ თეატრშიც.

ღამით, ქართული კლუბიდან, ყველაზე გვიან ბატონი დოროთე გამობრძანდება.

ერთადერთი ნაკლი აქვს ამ ფრიად საყვარელ ადამიანს, — არაფერი არ გააჩნია, თავისი უძრავ-მოძრავი ქონება მიჰყიდ-მოჰყიდა და ახლა უფროს ძმასთანაა შეკედლებული და რძალი ისე უყვარს, დედის მარიამს ეძახის.

...ქალბატონი ფლორენცია, პარასკევა და ფლორენციას დისშვილი ლეილა დიდ დარბაზში შემობრძანებულან, მყუდრო კუთხე უპოვიათ, სავარძელში სხედან და საუბრობენ. კირილე და ოლიფანტე აქაც ღია ფანჯარასთან დგანან, ჩიბუხებს აბოლებენ და კლუბის ეზოში იყურებიან.

დოროთე მოწინებით მივიდა ფლორენციასთან და პარასკევასთან, ქალბატონებს ხელზე ეამბორა, ლეილას კი ლოყაზე მოუთათუნა ნელისგული.

— ეს იტალია ხმების საწყობია პირდაპირ! — ამყად და დარწმუნებით თქვა ქალბატონმა ფლორენციამ და დოროთეს ახედდა.

— ფიგურალური გამოთქმაა, ქალბატონო! — ღიმილით თქვა დოროთემ.

— „უე ენ მაგაზენ დე ვუა ლირიკ“. — დაბალ ნმაზე წაიმღერა ლეილამ. (დამაფიწყდა მეთქვა: ქალბატონ ფლორენციას დისშვილი ლეილა მომღერალი გახლავთ. არ ვიცი სად დაამთავრა მუსიკალური სასწავლებელი, ის კი, ვიცი, დღეს სტუმრად მოწვეულ იტალიელ მომღერალ ქალს იტალიაში მიჰყვება ლეილა, უთუოდ ბატონ კირილეს ნელშეწყობით).

— რომელ ენაზე იგალობეთ, სულიკო? — დაინტერესდა დოროთე.

— ფრანგულად, ბატონო დოროთე!

— გადმომიქართულეთ, სულიკო!

— „ლირიკული ხმების დიდი საწყობი!“

— ოო, დიდებულია, დიდებული!

— ეეჰ, მადირსებს კი ოდესმე ჩემი ქმარი იტალიის წახვას? — სევდიანი ღიმილით ამბობს ქალბატონი ფლორენცია და მარათი იგრილებს სახეს.



— ერთხელ კიდევ შემომამუქეთ თქვენი თვალები, ქალბატონო ფლორენცია!

— ცოტა ამჩატებული ჩანხართ, ყმაწვილო, — დაცინვით ამბობს ფლორენცია და დოროთეს გაუსწორებებს თვალს.

— მარტო ცალ თვალში იმდენი ეშხი გაქვთ, თუ თანაბრად გაუუნაწილებთ, ყველა ქართველ ქალს ეყოფა.

— ჩემი მეუღლე თვლებში არ მიცქერის მე, — თავადიშვილო.

— აბა სად? — გაიკვირვა დოროთემ.

— ფეხებში! — სიცილით თქვა ფლორენციამ და დოროთეს ისევ გაუსწორა თვალი.

დოროთემ თავი დახარა, ერთი ნაბიჯით დაიხია უკან და ფლორენციას ფეხები შეათვალიერა.

— ოო, არ ჰქონია ცუდი გემოვნება ბატონ კირილეს!

— და ჩამჩინებებს, — კვლავ სიცილით ამბობს ფლორენცია, — სწორად გაადგი, ქალო, ფეხი, ვერა გრძნობ ფეხსაცმელის ქუსლი. ცალ მხარეზე იღევო.

— ნამდვილი ვაჭარი ბრძანებულა თქვეხი ქმარი! ასეთი ღვთაური არსებისათვის ხარის ტყავი ენანება? — გაბრაზდა დოროთე, — შორიდან ჯერ ვითომ გაუღიმა ბატონ კირილეს, შერე მისკენ გადადგა ორიოდ ნაბიჯი და ზიზღით ახედ-დახედა.

ჭირილემ ჩიბუხი ჩააქრო, ოლიფანტეს გამოსდო მკლავი და ორივენი პარასკევას გვერდით სავარძელში ჩასხდნენ.

— თავადი დოროთე მუდამ აღზნებულია! — სხვათა შორის თქვა კირილემ.

— გვაქვს მიზეზი, ბატონო კაპიტალიზმო!

— რომელი როტმილდი ჩვენა ვართ, თავადიშვილო! — საუბარში ჩაერთო ოლიფანტე.

— თავს ნუ იკატუნებთ! თქვენ აძრობთ ტყავს მშრომელებს!

— ბატონი დოროთე მშრომელთა დამცველი? — სიცილით თქვა ფლორენციამ.

— ჩვენს მთავრობას და თავადიშვილებს მარტო პოლიტიკა შეერჩათ! — დინჯად, დარწმუნებით ბრძანა კირილემ და დოროთემს გაუღიმა.

— ადგილ-მამული თქვენ წარგვტაცეთ და...

— რატომ? — ისევ ჩაერთო საუბარში ოლიფანტე, — ზარავო ულში კიდევ დაგრჩათ ვენახი!

— თქვენი ჭირი წაიღო, — დანანებით თქვა დოროთემ.

— ასე გაგიჭირდათ? — ჩაჰკითხა კირილემ.

— დამარწმუნეს, ხვალ-ზეგ ბოლშევიკები გაიმარჯვებენ, მამულს წაგართმევენ და მშრალზე დაგტოვებენო.

— და თქვენ შეშინდით? — გაიოცა ფლორენციამ.

— შიში რა შუაშია, — რაღა ბოლშევიკებმა წამართვან, შიშველი ხელებით შეეხვდები პროლეტარიატს, ცარიელ-ტარიელი!

— და გიძმობს, შეგიაძხახაგებს პროლეტარიატი? — ვითომ დაციხვით ბრძანა ოლიფანტებში.

— თქვენ შიხც არ დაგაყრით პროლეტარიატო ხეირს! — შეუტია ღორთემ, — ახლა ფულით ურევიხართ საზოგადოებაში, პროლეტარიატს კი ვერ მოისყიდით ფულით და შემოგძახებთ პროლეტარიატი — აბა, ძარში! მოუსვით აქედან!

— ჩვეხი საქმე, ჩვეხი ცოდნა დაგვარჩენს! — დარწმუნებით თქვა კირილემ.

— ცოდნა? ხელოვნების დიდი ძცოდნენი ბრძანდებით, დღას რომ შიხისტრმა ვანშაშხე შოგიწვიათ? ერთი მიბრძახეთ, როკოკოს სტილი მოგწონთ, თუ პუჩინის მუსიკა? პო, რომელი მოგწოხთ?

ღორთე ფრად კძაყოფილი დარჩა თავისი ძახვილსიტყვაობისა, იქედურად განედა ოლიფანტეს და კირილეს, შერე ქალბატონ ფლორენციას გაუსწორა თვალი, შეეღიმილა, მდაბლად დაუქრა თავი, მკლავი გაუყარა და მსახიობთა ჭგუფთან მიიყვანა. აქ, პატივეცემული ბარნაბა დარახველიძე და ლევან კარგარეთელი ცხარედ კამათობდნენ.

— აკი მოგახსენეთ, ბატონო ლევან, ყოველდღე ტრაგედიის დატრიალება სცენაზე არაა საჭირო, მოსაბეზრებელია! — ხმააწეულად ბრძანა ბარნაბამ, — ქალბატონ ფლორენციას ხელზე ეამბორა, ბატონ ღორთეს ღიმილით მიესალმა და ისევ ლევანს მიუბრუნდა. — თეატრში გასართობად დადის ხალხი და არა სატირლად...

— გართობა დაირითაც შეიძლება. დაუკარით და იცეკვეთ! — თქვა ლევანმა, ბარნაბას ზურგი შეაქცია, ქალბატონ ფლორენციას გაუღიმა და ხელზე ეამბორა, ბატონ ღორთეს მდაბლად დაუქრა თავი.

— ჩვენ მაშინ ვერთობით, ბატონო რეჟისორო, როცა სხვანი ცეკვავენ და ჩვენ ვუცქერთ, — შეუტია ბარნაბამ, — ვიცით, გვეომებოდნენ და ვეომებოდით, ვმარცხდებოდით და ვიმარჯვებოდით, სააკაძეც გვანსოვს, ერეკლე მეფეც, დიდგორიც, მარაბდაც და კრწანისიც... გადაგვხყოლეთ, გვიჩინეთ და გვიჩინეთ!

— ახალი ტიპის მგოსნები! მოგვევლინენ, ბატონებო! — ჩაერთო საუბარში ღორთე ავალიშვილი, — ჰმ, ჰმ, ფილოსოფიურნი და გვიქადაგებენ (ღორთე ახალუხის ჭიბიდან გაზეთის ნახევს ამოიღებს).

„სიახლის მტვერი  
სახეს ალარ ამტვერიანებს,  
ეს — ძველის ჭუჭყი  
მოგვღება გულზე ჟანგივით...“

— გადმოვთარგმნოთ ახლა ეს უბრალო მოკვდავის ენაზე: ძველი ღროის, ე. ი. ჩვენი დღევანდულობის მტვერი მტვერია, ხოლო ახალი ღროება რომ მობრძანდება, იმისი მტვერი თვალმარგალოტიანო, — დასაჯერებელია ეს, ქალბატონო ფლორენცია? დასაჯერებელია?

— ნამეტანს ღელავთ, ბატონო დოროთე! — გაეღიმილა ფლორენცია.

— შესაძლოა გავვიდე კიდეც! — ხმას აუწია დოროთემ, — ინებეთ:

„თვალებს აცეცებს  
ეს თავადი გაქსუებული —  
ალტაცებული  
უცხოური მოდის კაბებით!..“

— ეს ბატონებო, უკვე ნამდვილი ლანძღვაა! მაშ, გაქსუებულ და აბეზარი ვარ მე, თუ კობტა (ფლორენციას შეატყერდება დოროთე), სათნო, ჰაეროვნად ჩაცმული მანდილოსანი მომეწონება? ამ ლექსის შემთხვევლმა შეიყვაროს ჩემქმებიანი და პოლიციის სამხრეებით დამშვენებული ქალი! დმერთმა შეარგოს!.. ისლანდია რომ ინგლისის კულტურას არ ზიარებოდა, ველური ქვეყანა იქნებოდა დღესაც... (ღევან კარგარეთელმა ჩაიციხა და ეს შეუშინეველი არ დარჩა დოროთეს) — დიახ, მე ქეშმარიტებას მოგახსენებთ და აქ საქირქილო არაფერია!

— დამშვიდდით, ბატონო დოროთე! — კვლავ გაუღიმა ქალბატონმა ფლორენციამ დოროთეს, მკლავი გაუყარა და პარასკევას გვერდით სავარძელში ჩასვა.

— სამინისტრო უმიზნოდ ვერ დახარჯავს ფულს! — გადაჭრით ხეკვა ბარნაბამ და ასანთს გაჭკრა.

— ფული? მე ფული არ მითხოვია სამინისტროსათვის! — გაიკვირვა ლეჯანმა, — მე მოვითხოვ ოთხი დღე დაეთმოს ქართულ დრამატულ დასს ქართულ კლუბში.

— დღეები ფული ღირს! — მთავარი ის გახლავთ, რომ თეატრი მაყურებლის ინტერესს უნდა უწყევდეს ანგარიშს, ბატონო რეჟისორო! — რინით თქვა ბარნაბამ და თავი მალლა ააღირა.

— მაყურებელი... ხალხი...

— უკაცრავად, — შეაწყვეტინა ბარნაბამ, — თქვენთვის! ხალხი და მყურებელი მხოლოდ მუშაა, ხელოსანი, მეწვრილმანე და მეკურტნე! თქვენ ინტელიგენციას ხალხად არ თვლით... დიახ, — ნჰა დაიბოხა ბარნაბამ, — არისტოკრატია თქვენთვის არ არსებობს!

— სამწუხაროდ, „დღევანდელი ჩვენი არისტოკრატისათვის თეატრი, ლიტერატურა, სამშობლო — სულ ცარიელი ფლასტი-ფლუსტებია და მეტი არაფერი!“

— როგორ ზედაეთ? — აფეთქდა პატივცემული ბარნაბა.

— ამას აკაკი წერეთელი მოგახსენებთ, მამულიშვილო: — დინჯად თქვა ლევანმა და ბარნაბას დამცინავად გაუღიმა.

— დიდებული მგოსანი იყო ცხონებულის, მაგრამ ენამწარე და აღვარდლიანი... სამწუხაროდ, ზოგჯერ ცდებოდა ჩვენი აკაკი წერეთელი. — ბარნაბამ ისევ გაჰკრა ასანთს და ჩამქრალ პაპიროსს მოუყიდა.

— შესაძლოა, მაგრამ ამ შემთხვევაში ცამდე მართალია!

— ბრძანდებოდეს მართალი აკაკი წერეთელი! მეც სიმართლეს მოგახსენებთ, თქვენს თხოვნას ვერ დავაკმაყოფილებთ! მოვრჩეთ!

— უარის თქმაში მაგარი ბრძანდებით! — ისევ დამცინავად გაიღიმა ლევანმა.

— თქვენი თავი აიგდეთ სასაცილოდ! — კვლავ იფეთქა ბარნაბამ, — გამოჩნდებიან ხელოვანი, რომელნიც ჩვენს არისტოკრატის გაუწევენ ანგარიშს, როგორმე უთქვენოდ მოგვარდება ქართული თეატრის საქმე!

— გასტროლიორთა ყველა წარმოდგენას და კონცერტს მთელი წამინისტრო ესწრებით და წვეულებებისათვის დიდ თანხასაც ხარჯავთ. ამას როგორ ანერხებთ თქვენ და ბატონი მინისტრი?

— მაღლობა ღმერთს, ჯერჯერობით ზრდილობა არ დაგვიკარგავს!

— ქართული დასის წარმოდგენებს სათოფეზე რომ არ ეკარე-ბით თქვენ და მინისტრი? ეგეც ზრდილობაა?

— ეს მოუცლელობის ბრალია, ბატონო რეჟისორო, დიახ, მოუცლელობის ბრალია და როგორმე გვაპატიეთ! — პატივცემულ ბარნაბას ფრიად მოეწონა თავისი ნათქვამი და ჩაიქირჩილა.

...დარბაზში შემოდინ ანა და ნოშრევანი, ლევანი მათ შეეგებებოდა. დოროთემ თვალი მოჰკრა თუ არა ნოშრევან ბეთანელს, ფლორენციას უჩურჩულა:

„ყოფნა! არ ყოფნა! საკითხავი, აი ეს არის! ვატრადიკულა მხიარული ჩვენი ვახშამი“.

(შორე სტრიქონი საკუთრივ ბატონ დოროთესი გახლავთ, აკო გვეტრამბახება, ლექსს შინარეც დავეწრო და დაგვიმტკიცა).

ქალბატონი ფლორენცია მიუხედა დოროთეს, მკლავი გაუყარა, გაიყოლია; ანასა და ნოშრევანს ჩაუარეს და შორიახლო შედგნენ.

— ეს სიფრიფანა ქალია ნოშრევანის მეუღლე? — გაიკვირვა ფლორენციამ.

— დიახ, მეუღლე გახლავთ! ლოგინოვის ქალი ბრძანდება. — უჩუჩჩულა დოროთემ.

— ოდესელი ლოგინოვის ქალი რომ ბრძანდება, ვიცი, — საყვედურივით თქვა ქალბატონმა ფლორენციამ, — ნოშრევან ბეთანელმა საქართველოში ვერ იპოვა თანამეცხედრე?

— მაგას ნუ იტყვიო!

— ვითომ და რატომ?

— საოცარი ქალი ბრძანდება, — დარწმუნებით ამბობს დოროთე, მე მათ მეზობლად ეცნოვრობ და ახლოს ვიცნობ ანას, — სათნო, მომხიბვლელი, განათლებული ქალია. მას მარტო ნოშრევანი კი არ უყვარს, მთელი საქართველო!

— ქართველი ქალი! საქართველო! ეხაზე გაკვირათ ჩვენს მამაკაცებს და უცხო ქალებით კი აავსეთ საქართველო.

— უცხო? როგორ გეკადრებათ! გაესაუბრეთ და თეად დარწმუნდებით. ერთი მოისმინეთ მისი ქართული!

— მამაკაცები იოლად ტყუევდებით, ბატონო დოროთე! საკმარისია უცხო ქალმა წარმოთქვას „საკართველო“ და თქვენ გგონიათ მას დიდად უყვარს ჩვენი სამშობლო... ეჰ, თქვენგან მაინც არ მოველოდი ამას, ბატონო დოროთე!

— აი ახლავე დაგარწმუნებთ...

დოროთე ანას გააცნობს ფლორენციას და ლეილას. ქალები განაპირდებიან და ხმადაბლა საუბრობენ.

სადარბაზო კარებში გამოჩნდება ფრეაკში გამოწყობილი ლაქია და დოროთე მისკენ გაქანდება.

— მამულიშვილო, მომამეველე სწავლულება შენი და ცხონდება სული მამიშენისა!

— რა გაგიჭირდათ, ბატონო დოროთე! — მოკრძალებით ჰკითხა ლაქიამ.

— გადამიიტალიურე ორიოდ სიტყვა, ჰირიმე!

დამცინის ეს გაქსუეჭებული თეადიშვილიო, გაიფიქრა ლაქიამ და მკეახედ მიუგო.

— არა მცალია, თეადიშვილო!

აფეთქდა დოროთე.

— ჯერ არ გაბატონებულა პროლეტარიატი და ასე იბღვი-

რები? ასე უნდა უფრონის პატივისცემა? ხომ არ ფიქრობ, ბოლ-  
შევიკები ლაქიებს, მრეცხავებს, მეპურეებს, მეეტლეებს და მე-  
კურტნეებს მინისტრებად დასვამენ? ისე ცხონდეს სული მამიშე-  
ნისა! ჰაიტ, შე გლახაკო! ვახშამზე თვალით არ დამენახვო, თორემ  
შემწვარ წიწილასავით გაგგლეჯ, აი, ასე!

ლაქიამ არაფერი უპასუხა, ხელი ჩაიჭინა და გაეცალა.

ახლა ლეილა დაიმაჯრტოხელა დოროთემ.

— გადამიიტალიურე, სულიკო, ორიოდე სიტყვა.

— ზისთვის გკირდებათ, ბატონო დოროთე?

— მინდა სტუმართან განათლებულ კაცად გამოვჩნდე.

— მე იტალიური არ ვიცი. — დაიმორცხვა ლეილამ.

— ქალბატონი ფლორენცია და თქვენ სულ იტალიაზე კი ლა-  
პარაკობთ და...

— ფრანგულად მოახსენეთ თქვენი სათქმელი, შან ჩინებულად  
იცის ფრანგული.

— იყოს ფრანგული, — დათანხმდა დოროთე, — გადამითარგმ-  
ნე — მე უცოლო თავადიშვილი გახლავართ.

პაუზა.

— ეე სუი ენ პრენს სოლიტერ! — დამარცვლულად თქვა ლე-  
ილამ.

დოროთემ ქაღალდი და ფანქარი მოიმარჯვა.

— ჩავიწერ, სულიკო, ვიკარნახე.

— ეე სუი ენ...

— ბატონებო, სტუმარი და მინისტრი მობრძანდნენ! — გაისმა  
ლაქიას ხმა.

ჩოჩქოლი. დარბაზში მყოფნი სადარბაზო კარისკენ. გაიწევენ,  
ყველას სურს ახლოს შეავლოს თვალი სტუმარსა და მინისტრს.  
მხოლოდ ქალბატონი პარასკევა დარჩა სავარძელში, ეტყობა მას  
მაზოლმა შეახსენა თავი და პარასკევა ნატრობს — ერთი ფეხშიშ-  
ველა გამარონიე მინდორში, ღმერთო დიდებულო, და მერე მომ-  
კალიო.

მინისტრი დარბაზში შეკრებილთ რიგრიგობით წარადგენს,  
სტუმართან. ქალები იტალიელ მომღერალს თავის მსუბუქი დაკე-  
რით და ღიმილით ესალმებიან, მამაკაცები კი ხელზე ამბორით.

— ჩვენი მრეწველნი, — კირილეს და ოლიფანტეს წარუდგენს  
მინისტრი სტუმარს, — ხელოვნების მგზნებარე მეცენატები, ღი-  
დად მოხიბლულნი თქვენი ჯადოქრული შემოქმედებით, ამათ უყ-  
ვართ მუსიკა...

დოროთეს ხმა: განსაკუთრებით სიმფონიური მუსიკა!

საერთო ჩუმი სიცილი.

— დიახ, ესენი იყვნენ, — ხმას აუწია მინისტრმა, — რომის, ჰარიზის, ვენის, ბერლინის თეატრებში და უშურველად იღვწიან თბილისის ოპერის თეატრის ასაღორძინებლად.

იტალიელი მომღერალი ქალი გაუღიმებს კირილეს და ოლიფანტს.

— სასიამოვნოა, დიდად სასიამოვნო.

— ქალბატონი ფლორენცია, მეუღლე ნატონ კირილესი, თქვენი მუდმივი მსმენელი ოპერაში და კონცერტებზე.

— გთხოვთ, დაუმატოთ, ბატონო მინისტრო, აღფრთოვანებული მსმენელი!

დოროთეს ხმა: დიახ, — როცა თქვენ, სინიორინა, სიყვარულზე მღერით, ქალბატონი ფლორენცია ცრემლად იღვრება.

საერთო ჩუმი სიცილი.

— ეს ჩვენი იმედი, — მოგვიანლოვდით, ხელით ანიშნა მინისტრმა ლეილას, — მას წელსვე მოვაუღებთ რომში და გვჯერა, თქვენის შემწეობით დაოსტატებული დაგვიბრუნდება.

— აუცილებლად, აუცილებლად, სინიორ მინისტრო, — სტუმარმა გაუღიმა ლეილას და მხარზე მსუბუქად შეახო ხელი.

— რუსეთის ასული, ჩვენი რძალი, მეუღლე ჩვენი ნიჰიერი მსახიობისა, ფრიად განსწავლული მუსიკაში.

— სასიამოვნოა; დიდად სასიამოვნოა!

— ახლა ანას გაუღიმა სტუმარმა და მასაც მხარზე მსუბუქად შეახო ხელი.

— ამ რაინდმა კი, — ხმას აუწია მინისტრმა, — თვითონ გაგაცნობთ თავი, საქართველოს ბრწყინვალე თავადი, გონებაბახვილი და მუდამ მხიარული, ტრფიალი და ოცნება თავისუფალ საქართველოსი, ბატონი დოროთეო ავალიშვილი!

(ეს „ო“ რაღა ჯანდაბაო, თავისთვის თქვა დოროთემ გულში).

დოროთე ახლოს მივიდა სტუმართან. თავი დაუქრა, ხელზე მოწიწებით ეამბორა, მერე ახალუხის ჯიბიდან პატარა ფურცელი ამოიღო, წელში გასწორდა და ბორძიკ-ბორძიკ წაიკითხა.

— ეე... სუ-ი... ენ... პრე...ნს...სო...ლიტ: ერ!

დარბაზი ახარხარდა. სტუმარსაც წასკდა სიცილი და კარგახანს თავი ვერ შეიკავა, მერე დოროთეს წაბაძა და დამარცვლულად წარმოთქვა — ეს... და...ნა...შა... უ...ლი... ა...

— ქართველი ქალები, მწუნობენ, სინიორინა, ეგებ იტალიელმა ქალებმა გამიღიმონ! — როლში შევიდა პატივცემული დოროთე.

როცა გადაუთარგმნეს დოროთეს სიტყვები, სტუმარმა კვლავ ბევრი იცინა და ბოლოს სიმღერასავით თქვა.

— აუტილებლად, აუცილებლად, სინიორ დოროთეო!

პატივცემული დოროთე კვლავ მოწიწებით ეამბორა ხელზე საყვარელ სტუმარს და გულში თქვა — ეს „ო“ ჩოხის კალთაზე სამუდამოდ მომეკერებაო.

— ესენი კი, სინიორინა, — ქართული დრამის მსახიობებზე მიუთითა მინისტრმა, და მათკენ ნაბიჯი გადგა, — ჩვენი ხელოვანნი გახლავან, რეჟისორი, მხატვარი, მსახიობები.

— ოო, მონარული ვარ, დიდად მონარული! — შეაწყვეტია სტუმარმა.

— ამათ უფრო ახლოს სუფრაზე გაიცნობთ, სინიორინა, ესენი არიან ჩვენი მასპინძლები.

— ჩინებულოა, დიდად მონარული ვარ! — კვლავ ღიმილით თქვა სტუმარმა.

— სამწუხაროდ, მათ შორის...

მინისტრმა დაკვირვებით მიმოიხედა გარშემო, ეტყობა ვიღაცას ეძებს და ვერ უპოვნიაო, პატივცემული ბარნაბა დარახველიძე უმაღლეს მიუხედა და ყურში ჩასჩურჩულა — მე აქა ვარ, ბატონო.

— დიახ, თავდაპირველად უნდა გამეცნო თქვენთვის, — ჩემი მეგობარი და პირველი მოადგილე, კომპოზიტორი, მწერალი, რეჟისორი და დირიჟორი, ბატონი ბარნაბა დარახველიძე!

— ოო, ეს დიდებულია! ოო, ეს იშვიათი მოვლენაა — კომპოზიტორი, მწერალი, რეჟისორი, დირიჟორი! ოო, ეს საოცრებაა, სინიორ მინისტრო!

პაუზა.

და ნოშრევან ბეთანელს გული მოუვიდა: ვინაა ეს კირილე და ოლიფანტე, ეს ფლორენცია და ლეილა, ლხინზე რომ მოუწვევია მინისტრს და ასეთი ზარზემით რომ წარუდგინა სტუმარს, დანარჩენი კი არაფრის ღირსად არ ჩათვალა და დაამკირაო და ნოშრევან ბეთანელის ხმამ დაარღვია სიჩუმე.

— სამწუხაროდ, ბატონი მინისტრი ჩვენ ახლოს არ გვიცნობს!

ლევანი მიეჭრა ნოშრევანს, მკლავში ჩავლო ხელი და გაანაპირა.

მინისტრს თითქოს არც გაუგონია ნოშრევან ბეთანელის სიტყვები, ხელები გაშალა და რიხით თქვა.

— ჩვენს სანეტარო სტუმარს ნუ მოვაწყენთ! იტალიასა და საქართველოში მოწყენა წარმოუდგენელია, ბატონებო! ვიმხიარულოთ! მუსიკა! სიმღერა!

მარჯვენა ხელის აწევით მინისტრმა თითქოს ნიშანი მისცაო, დარბაზის ერთ კუთხეში როიალი ახმიანდა, მერე ლეილა მივიდა როიალთან, დარბაზმა ტაში დაუკრა და ლეილამ იმღერა.

„დავშორდით,

გემი მოსცილდა ნაპირს,

ქააო ტალღა — ლურჯი ყაშირი;

ვარდი ამკობდა ქათქათა აპრილს

და ყვავილები ნაირ-ნაირი.



დაეშორდით,  
ბედად არ გაუხდით დიდხანს  
ერთად ყოფნის და ალერსის ღირსი,  
შან საყვედური თუმცა არ მიხრია,  
მსაყვედურობდნენ თვალები მისი

მინდოდა მეთქვა,  
მაგრამ იმჯერად,  
ერთ გულთბილ სიტყვას ვერ მივაგენი  
რასაც თვალები იტყვის პირველად,  
მას გამოთქვამენ შემდეგ ბაგენი“...

ტაში. მოწონების შეძახილი. დოროთემ ყვაილები თაიგული  
მიართვა. ლეილას და ორივე ხელზე ეამბორა, მერე მოწიწებით  
გამოდო მკლავი და სტუმართან მოიყვანა.

როიალი ხმადაბლა უკრავს.

ვანშმის მოლოდინში დარბაზში მყოფი ხმადაბლა საუბრო-  
ბენ. როიალთან ახლოს მინისტრი, იტალიელი, მომღერალი ქალი,  
ანა, ფლორენცია და ლეილა, (საცოდავი პარასკევა განცალკევებით  
მარტოდმარტო ზის საეარძელში) კიწილე და ოლიფანტე, პატივ-  
ცემული ბარნაბა. მათგან შორიახლოს ლევან კარგარეთელი და  
ნოშრევან ბეთანელი, და თეატრის მხატვარი.

პატივცემული დოროთე ხან ერთ ჯგუფს მიეტმანება, ხან  
მეორეს.

— შეიძლება ქართული დრამის წარმოდგენას დამსწროთ? —  
ეკითხება იტალიელი მომღერალი ქალი განათლების მინისტრს.

პაუზა.

— შეიძლება, მაგრამ არ გირჩევთ. — ხმადაბლა თქვა მინისტ-  
რმა.

— რატომ? — გაიკვირვა სტუმარმა.

პაუზა.

— არა მგონია სასიამოვნოდ დაგჩვენო. — ისევ ხმადაბლა და ცე-  
ვად თქვა მინისტრმა.

— პირიქით, სინიორ! მომღერლებს მობეზრებული გვაქვს  
ოპერები და კონცერტები. მე ძალიან მინდა ენახო ქართული დრა-  
მის წარმოდგენა! სინიორინამ — ანაზე მიუთითა, დამარწმუნა,  
ფრიად საინტერესოაო.

— აღსრულდეს თქვენი სურვილი! ხვალ ნახავთ ქართული  
დრამის წარმოდგენას. — ყალბი ზეიმურობით თქვა მინისტრმა და  
ირონიულად გაიღიმა.

ყველამ ერთმანეთს გადახედა. საერთო ღუმელი. უხერხულე-  
ბა.

ნოშრევან ბეთანელმა მინისტრისკენ წადგა ნაბიჯი.

— სინიორინა თვითონვე განსჯის, ბატონო მინისტრო, წინასწარ ასე რატომ უცრუებთ გულს, ან ჩვენ რატომ გვამცირებთ ასე?

ანა სწრაფად მივიდა ნოშრეევანთან, უნდრდა დაემშვიდებია, მაგრამ მის თვალებს რომ შეხედა, ვერაფერი უთხრა.

— ვიცი ჩვენი სტუმრის გემოვნება! გსურთ დაესწროს თქვენს წარმოდგენას? კეთილი და პატიოსანი: დაესწროს და ნახოს! რას მოუთხრობს თქვენი წარმოდგენა სტუმარს? როგორ ვებრძოდით ირანელ და თურქ დამპყრობთ, მერე რუსეთს როგორ შეაკავშირებთ ერეკლემ საქართველო... ომები. სისხლისღვრა. ყოველივე ეს წარსულს ჩაბარდა! საქართველო თავისუფალ ევროპას ეძმო და ამიერიდან მონადირის თოფი თუ გავარდება საქართველოში! ღიახ, ეს ჭეშმარიტებაა, მომხდარი ფაქტი! ამოდოცნებობენ ზოგიერთნი და თქვენც, პატივცემულო ხელოვანო (ყალბად აუხდერდა ხმა მინისტრს), საქართველოში განმეორდეს ის, რაც რუსეთში მოხდა. ჩვენი სამშობლო თავისი გზით მიდის...

— სამწუხაროდ, უსწორო გზით! — ეს ლევან კარგარეთელმა თქვა.

— ნამეტანს ბედავთ! თანაც ცრუობთ! — ხმა დაიბოხა მინისტრმა.

— ახალი გზა! ევროპის ქვეყნებს ელაქუცებით, ქართველი ხალხი მონობაში რომ იყოლიოთ. ეს არის თქვენი ახალი გზა?

უხერხული სიჩუმე: მინისტრმა ხელით ანიშნა და ბატონმა დოროთემ, ქალბატონმა ფლორენციამ და ლეილამ იტალიელი სტუმარი მეზობელ ოთახში გაიყვანეს. ბატონი კირილე და ბატონი ოლიფანტეც მათ მიჰყვნენ.

მინისტრი ლევან კარგარეთელს და ნოშრეევან ბეთანელს შეეპარა.

— ქვეყანაზე ზრუნვას შეეშვიტ, ბატონებო, თქვენს საქმეს მიხედეთ! მეგობრულად გირჩევთ მე! სამშობლოს როგორმე მოუფლეთ ჩვენ. მერე და დღეს (ხმა დაიდაბლა მინისტრმა) — საკამათოდ ვართ შეკრებილი? განა ამისათვის მოგიწვიეთ? თქვენგან არ მოველოდი ამას! დღეს თქვენ ხართ ჩვენი მასპინძლები.

ნოშრეევანი მიუხედა დაცინვას და გულში გაჰკრა.

— ვიცით, რომ განგებ მოგვიწვიეთ, ბატონო მინისტრო! თითქოს გვაფასებთ, ნამდვილად კი არაარაობად მივაჩნივართ და ყოველმხრივ ცდილობთ ქართულ თეატრს კარი მიუგლოთ. მე თქვენ თეატრში არ მინახიხართ, ხოლო თქვენი ემისრები...

— ემისრები?

— ღიან, თქვენი ემისრები. ყოველ წარმოდგენაზე გვესწრები-

ან, ვითომ დიდად უყვარდეთ თეატრი და იმავე ღამეს დაწვრილებით მოგახსენებენ...

— ბატონო ბარნაბ! — შეჰყვირა მინისტრმა, — ჩინებული წესრიგი გქონიათ თეატრში!

— მარტო კარგარეთელი და ბეთანელი არ გახლავთ, ბატონო მინისტრო, ქარბული თეატრი! — ირონიულად თქვა ბარნაბამ.

— ჩვენ ისიც ვიცით, — ახლა ნოშრევანმა აუწია ხმას, — სწორედ თქვენის და ბარნაბას წყალობით ქართულ თეატრში არ იდგება ყაზბეგი, ვაჟა, წერეთელი! დღეს წერეთელი შეგვიგინა თქვენმა მოხელემ...

— თქვენ პასუხს აგებთ! დიახ, ცილისწამებისათვის პასუხს აგებთ, ბატონო ბეთანელო ტრალიკოსი! — ბოლო სიტყვა ზიზღით წარმოთქვა ბარნაბამ და ხელები შემართა.

ნოშრევანმა არაფრად ჩააგდო ბარნაბას გაცეცხლება და ღინჯად განაგრძო.

— დიახ, რეცენზენტები ხომ მოისყიდეთ, ბატონო ბარნაბა? ისინი ჩვენს წარმოდგენებს აქიაქებენ და ქება-დიდებას გასხამენ თქვენ, როგორც კომპოზიტორს, ლიბრეტოების და სიმღერების ავტორს, მწერალს, დირიჟორსა და ლობბარს, მრავალმხრივ და განუზომოებელ შემოქმედს. ის რეცენზიები თქვენი რჩევით, უმეტესი წილი კი, თავად თქვენს მიერაა დაწერილი! სირცხვილია!.. ამ საქმეში თქვენი /უპირველესი თანამდგომი მინისტრი გახლავთ! ეს საშარცხვინოცაა და სავალალოც! თქვენ ზრუნავთ ქართული თეატრისათვის? გვიჩვენეთ ვიტაკიმასხაროთ, დავეწაფოთ ფარსს და ვოდვეილს, ქურდბაცაცების, კაცისმკვლელთა, ხაძირალების, როსკიბ ქალების ავხორცობა წარმრვადგინოთ: ბანდიტს მდიდარი ქალი როგორ შეუყვარდება, მერე სიმდიდრე ნელთ რომ იგდოს იმ გარეწარმა, ცოლს საწოლშივე გამოახჩიობს საკუთარი ხელით... აი, ეს გინდათ, ამას ეტრფით, აი თქვენი გზა! სამწუხაროა, რომ თქვენს ხელთ არის თეატრის ბედი, მაგრამ იცოდეთ, ამ უსწორო გზაზე ჰეშმარიტი ხელოვანნი არ გაგყვებიან! ეს მტკიცედ მჯერა!

პაუზა.

— ვიცი, დღეიდან ჩემს თეატრში მუშაობას თქვენ ვერ მოითმენთ და მშვიდად ბრძანდებოდეთ, მე თვითონ მივდივარ თეატრიდან...

ნოშრევანმა მდაბლად დაუკრა თავი მინისტრს და ბარნაბას, მერე ანას ხელში წაავლო ხელი და სადარბაზო კარისკენ. ნელი ნაბიჯით წაიყვანა.

ანას და ნოშრევანს ლევან კარგარეთელი მიჰყვა...

ეტლი არადეთს მიუახლოვდა და უხერხულობა ვაგრძენი. რატომღაც ვირწმუნე, ნოშრევანს გულზე არ მოეფონება ჩემი სტუმრობა. დარწმუნებული ვარ, გარეგნულად არ მაგრძნობინებს ამას, მაგრამ გულში ნამდვილად იტყვის: მოგიწვიე, ძმობილო, რომ მესტუმრე? არ მომიწვევიხარ! შემომითვალე, რომ ჩამოხვიდოდი? არ შემოგითვლია! რამდენი წელიწადია ერთმანეთის არაფერი ვიცით? ოთხი წელიწადი! თბილისში გუშინწინ ჩამოხვედი პეტროგრადიდან და დღეს რომ არადეთისკენ გამოქანდი, ვითომ ასე ძალიან გიყვარვარ? არაფერიც! გამოსიერიხე? კეთილი და პატროსანი, სტუმარი ღვთისაა, მობრძანდი!

მესამე, ბოლო ჩამატება

ოდესის უნივერსიტეტი რომ დავამთავრე მამაჩემმა აუცილებლად მიიჩნია ჩემი პეტროგრადში გაგზავნა. შენი სამსახური არ მეჩქარებაო, ორი-სამი წელი კარგად გაიწაფები, სულ სხვაა პეტროგრადის იურიდიული სკოლაო.

ვიცოდი, დედაჩემი წინააღმდეგი იყო ჩემი პეტროგრადში გამგზავრებისა, მაგრამ მამაჩემის გადაწყვეტილებას ვერავინ შეცვლიდა და მე ოდესიდან პირდაპირ პეტროგრადს მივაშურე.

იმ დაუვიწყარ დღეებზე მოგონებები მაქვს დაწერილი. ჩემს უახლოეს მეგობრებს წავუკითხე, ზოგმა მომიწონა, ზოგმა არა. ზოგმა თავი შეიკავა შეფასებისაგან. მათი შენიშვნები ჩაწერილი მაქვს, თუ დრო დამიჩრჩა, გადავხედავ. შევასწორ-შემოვასწორებ ჩემს მოგონებებს და გამოვაქვეყნებ, არა მგონია, მკითხველმა უხალისოდ წაიკითხოს.

...თბილისში ოქტომბრის დამდეგს ჩამოვედი.

კვირა დღე იყო. თბილი და მზიანი.

სადგურზე მარტო დედაჩემი დამხვდა და შევშინდი, დედა მიმხვდა, შემომძახა, მამაშენი ქუთაისშიაო და მკერდში მერე ჩამიკრა. მე სახე და თვალები დაფუკოცნე დედას. მერე დედაჩემმა საგულდაგულოდ ამხედ-დამხედა, მხრებზე დამაწყობ ხელები, თვალებში სიყვარულით ჩამხედა და ატირდა. სამი წელია შვილი არ უნახავს დედას და ატირდა. ჩვეულებრივი ამბავია და მე არ გამეკვირვებია.

სადგურიდან მამადავითს გავხედე. მზის სხივებში იყო გახვეული მამადავითი და ახლა თბილისიდან უკეთ დავინახე პეტროგრადის ცივი, ნისლიანბურუსიანი შემოდგომა. სუსხიანი, გაყინული

დღეები და ღამეები და გაეიკვირვე, როგორ გაუძლო ჩემმა სუსტმა სხეულმა ჩრდილოეთის სიცივეს... მაგრამ გაძლებაცაა და გაძლებაც — ჩრდილოეთიდან ძვალ-ტყავი ჩამოვედი და ალბათ, ამიტომაც ატირდა დედაჩემი...

...დედაჩემმა და მე რომ ვისადილეთ, მე ნოშრევანი და როსტომი მოვიკითხე.

როსტომის ამბავს წვრილად შომიყვა დედაჩემი, ნოშრევანისა კი არაფერი ვიციო მითხრა.

მეწყინა. ძალიან მეწყინა და ავწრიალდი.

ერთხელ კი ყოფილა ჩვენებთან ნოშრევანი, ჩემი მისამართი უკითხავს. წერილი კი არ მოუწერია ჩემთვის. საგინაშვილებთან გავექანდი და აი ახლა, არადეთში მივდივარ.

...მინდა მეეტლეს გამოეცნაუბრო და ფიქრი გავიფანტო, მაგრამ ვიცი, არაფერი გამოვა და თავს ვიკავებ. გორში რომ გაუურიგდი და ეტლში ჩავეჭეი, ვკითხე, გორში როგორა ცხოვრობთ-მეთქი, არც როგორაო, მიპასუხა. შენ სადაური ბრძანდები ძია კაცო-მეთქი, შემომხედა და შემომიბღვირა, — სხიდან მეცოდინება მე სადაური ვარო და ცხენები გარეკა და გარეკა. მაგარი ცხენები კი უბია ეტლში. და ა, ისე ჩამოვედით არადეთში, ერთმანეთისთვის ხმა არ გავვიცოია...

ეტლი ხრადეთს მიადგა:

• მე აქ ბევრჯერ ვყოფილვარ და სოფელს კარგად ვიცნობ, დიანაც რომ კარგად ვიცნობ. არადეთელებთან მომიღხენია, მიმღერია და მიცეკვია, არადელ ყმაწვილებთან მიჭიდავია და ბურთი მითამაშია, მე ნიკო ბეთანელის სტუმარი ვიყავი და არადელები მესიყვარულებოდნენ... ბევრი, ძალიან ბევრი მხიარული დღე გამიტარებია არადეთში. და ჩემი გული ყოველთვის სიხარულით მოისწრაფებოდა არადეთისკენ. ნოშრევანი, როსტომი და მე ერთად ჩამოვდიოდით და უხაროდათ ნატო და ნიკო ბეთანელებს, ნატო და ნიკო ბეთანელების მეზობლებსაც უხაროდათ ჩვენი ჩამოსვლა.

მაშინ სხვა დრო იყო?

მართალია, მაშინ სხვა დრო იყო;

ჩვენ გიმნაზიელები ვიყავით, დღითიღვე ვაქვაცდებოდა ნოშრევან ბეთანელი და ნატო და ნიკო ბეთანელები სიხარულით ცაში ფრენდნენ და ამიტომაც უხაროდათ ვაჭიშვილისა და ვაჭიშვილის ამხანაგების ჩამოსვლა.

ახლა?

ახლა ნატოს და ნიკოს სახლში ჰყავთ ხელმოცარული და გულგატეხილი ნოშრევანი, რძალიც შინ ჰყავთ და შვილიშვილიც და ნატომ და ნიკომ უნდა არჩინონ შვილიც, რძალიცა და შვილიშვი-

ლიც... კარგი საქმეა? ახლა იმედი არ ელიმილება ბეთანელების ოჯახს.

ცდებით, მეტყვით თქვენ:

ნოშრევანს და ანას ჯანი არ აკლიათ, ბეთანელებს კი, ვენახიცა აქვთ, ხეხილიანი ეზო, ბოსტანი, წისქვილიც, ძროხებიცა ჰყავთ და ცხენიც, ამოუდგებიან მხარში ნატოს და ნიკოს ნოშრევანიცა და ანაც, მერე შვილიშვილი წამოიზრდება და უფრო გაძლიერდება ოჯახი...

მე მგონია, თქვენ ჩემზე უფრო ცდებით:

ფრაკში გამოწყობილი ახალგაზრდა კაცი, პრინცივით რომ დააბიჯებდა სცენაზე და გაიძახოდა — „ყოფნა არ ყოფნა! საკითხავი აი ეს არის!“ — ვენახს დაგიბარავეს და ვაზს შეგიწამლავს? არაყს გამოგიხდის? წისქვილში დაგიდგება? ძროხას და ცხენს საბალახოდ გაგირეკავს? როიალის კლავიშებზე გაზრდილი ქალი ძროხას მოგიწველის? ქათმებს დაგიპურებს? ბოსტანს გამოგიხელავს? კომბოსტოს დაგიმწნილებს? მეტი არაა ჩემი მტერი!

წელი გაიმაგრეთ ნატო და ნიკო ბეთანელებო!

ამ მეეტლეს, ჩემსავით, სხვისი ფიქრის ამოცნობა რომ შეეძლოს, მოატრიალებდა ეტლს და უკან გამოაქანებდა, ეს კი, უფრო და უფრო აჩქარებს და აჩქარებს ცხენებს.

ეტლი ბეთანელების ჭიშკართან დადგა. მეეტლემ გადმომხედა, მაგრძნობინა, მოვედითო.

ეზოში, კაკლის ხესთან, ნიკო ბეთანელი დგას, შორიახლოს პატარა ბიჭი დაცუტქულა და ძაღლს ეფერება. გამახსენდა, იმ ძაღლს გიშერა ჰქვია. კი, მე და გიშერა ძველისძველი ნაცნობები ვართ.

გიშერამ შეიყვება და ნიკო ბეთანელმა ჭიშკარს გამოხედა, მიცნო, შორიდანვე გამიღიმა და ჩქარი ნაბიჯით წამოვიდა ჩემსკენ. გიშერამაც მიცნო, დაიწკმუტუნა და კუდის ქიციან-ქიციანით გამოჰყვა პატრონს. პატარა ბიჭი ადგილზე დარჩა, ეტლი და მე შეგვათვალეირა და მერე სახლისკენ გაიქცა.

ისეთი ღიმილით მომიახლოვდა ნიკო, დავრწმუნდი, ჩემი ჩამოსვლა ძალიან გაუხარდა, მეც გავუღიმე და მაგრა ჩამოვართვი ხელი. ნიკომ მეერღზე მიმიკრა და შუბლზე მაკოცა.

— მარტოკა ჩამოხვედი? — მკითხა ნიკომ, — ეტლს შეხედა და ეტლში რომ ვერავინ ნახა, ვზგრძენი, ნიკო შეკრთა.

— მაშ, მარტოკა ჩამოხვედი? — ისევ გაიმეორა კითხვა და თვალებში ჩამაქცერდა.

ვერაფერი ვუპასუხე.

— მეგონა ნოშრევანმა ჩამოგიყვანა, — ნაღვლიანად თქვა ნიკომ, — მხარზე შემომხვია მარჯვენა ხელი და სახლისკენ წამიყვანა.

— შეეტლეს დავიბარებ, — ვთქვი მე და შემოვტრიალდი.

— რა დაბარება უნდა, არადელია... მერე და, დღეს არ გაგიშვებ! ხვალ მეც წამოვალ თბილისში, — ისევ ნაღვლიანად თქვა ნიკო ბეთანელმა და სახლში შემიყვანა.

დავსხედით და ოთახში ქალბატონი ნატო შემოვიდა. თეკლემაც უმალვე მიცნო, მკერდში ჩამიკრა და მომეფერა, მერე ოთახს მიმოაეღო თვალი, ეზოშიც გაიხედა, მერე ნიკოს გაუსწორა თვალი და ყრუდ ჰკითხა.

— ნოშრევანი არ ჩამოსულა?

პაუზა.

მევხვდი: ბეთანელები შეილს ელოდნენ და ნოშრევანის ნაცვლად მე ჩამოვედი. ჩემი ჩამოსვლით კი გაიხარეს, მაგრამ შიშს ვერ მალავენ, სახეზე გამოეხატათ შიში, შიშმა ხმა გაუბზარა ნატოს და ნიკოს.

მე მათ ვერ გავამხნევებ. მე ნოშრევანი არადეთში მეგულებოდა და მიტომაც ჩამოვედი, ნოშრევანი კი თბილისში ბრძანებულა.

პატარა ბიჭი შემოვიდა ოთახში, ჯერ მე დამაკვირდა და მერე ნატოსთან მიიკრა. ნატომ ჩემსკენ გამოახედა და ხმადაბლა ეუბნებდა, — ეგ ძია მამაშენის მეგობარია, მიდი და აკოცე.

მე ავდექი, ხელებში ავიტატე ბიჭი, გავუღიმე და ვაკოცე.

— შენი სახელი? — ღიმილით ვკითხე.

— გიორგი! — ხმამაღლა, ამაყად თქვა ბიჭმა და გამიღიმა.

სახე დედამისივით თეთრი აქვს გიორგის, თვალები და თმა კი მამისა — წაბლისფერი.

— ჰოდა, ჩვენი გიორგი, — ნიკომ 'გვერდით ამოიყენა შეილიშვილი, — ოთხი წლისა შესრულდა გუშინ და, თბილისიდან მამას ელოდა. ჩვენც ველოდით... ვითომ დაავიწყდა ნოშრევანსა, რომ მისი გიორგი ოთხი წლისა გახდა? ვითომ შეილის დაბადების დღე დაავიწყდა?

და ნიკომ მე შემომხედა.

მე ვერაფერს ვამბობ. ნატოც ჩუმად არის, პატარა გიორგიც გალურსულა.

„ჩინებული დრო შემირჩევია არადეთში ჩამოსასვლელად: ნოშრევანი თბილისში ბრძანებულა. მის ვაჟიშვილს, გიორგის, გუშინ ოთხი წელი შეუსრულდა, ვაჟიშვილი, მეუღლე, დედამა გუშინ ელოდებოდნენ ნოშრევანს, ნოშრევანი არ ჩამოსულა გუშინ და გიორგის დაბადების დღე უსიხარულოდ გადაიხადეს... დღეს ღიმილით ეტლი მოადგა ბეთანელების კიშკარს, მამას ეგონა შეილი ჩამომივიდაო და ნოშრევანის ნაცვლად მე გამოვეცხადე... კარგი საქმეა!“

— ანა როგორ ბრძანდება? — უფრო სიჩუმის დასარღვევად ვიკითხე მე.

— რა უშავს, პატარას აძინებს, — თქვა ქალბატონმა ნატომ და ვიფიქრე გაიღიმა.

— ოჰო, უკვე მეორე შვილიშვილიცა გყავთ? — გავიკვირე მე.

— ჩვენი პატარა ნიკო უკვე მეორე წელშია, ისეთი ყოჩაღია, რომა... 'შეაქო შვილიშვილი ნიკო ბეთანელმა.

„ნიკო ბეთანელის მეორე შვილიშვილი, პატარა ნიკო, უკვე მეორე წელში გადამდგარა, და ის პატარა ნიკო ძალიან ყოჩაღია, ფუნდამენტულია და დააბიჯებს, შენ კი მისი დაბადება არც გაგიგონია და დიდის ამბით ჩამოდიხარ ბეთანელებთან სტუმრად... ყოჩაღ ჟღანშერ გარსევანიშვილო! რაც შენ პეტროგრაღში იყავი, ნოშრევან ბეთანელს ფეხი არ შემოუდგამს გარსევანიშვილების ოჯახში და შენმა დედ-მამამ არაფერი იციხ ბეთანელებისა. საგინაშვილებთან რომ ბრძანდებოდი გუშინ, უფრო წვრილად ვერ გამოიკითხე ანასა და ნოშრევანის ამბავი? არადეთში წავიდნენ საცხოვრებლადო, გითხრეს და შენც თავი დაუკარი და გამოემშვიდობე. ვერა ჰკითხე, რატომ წავიდნენო? ნოშრევანმა თავი დაანება თეატრს და სოფელში გადაბარგდა? რატომ არ გაიკვირე? ვერა ჰკითხე, რატომ მოიმოქმედა ასეო? ეს მაინც ეცოდინებოდათ საგინაშვილებს. სირცხვილი! რითი გაიმართლებ თავს ბატონ ნიკოსა და ქალბატონ ნატოს, წინაშე? ვერაფრით!“

ბედად ანა შემოვიდა ოთახში, შემხედა და გამიღიმა, ჩქარი ნაბიჯით წამოვიდა ჩემსკენ, მერე უცებ შედგა და ხელი გამომიწოდა. მე ორივე ხელი დაუშკოცნე.

ანა ჩემს გვერდით დაჯდა.

ოდნავადაც არ შეცვლილა ანა.

ისევ ბავშვური სახე, ღიმილიანი თვალები, კოხტად ჩაცმული, — ფიქრადაც ვერ გაივლებ ორი ბავშვის დედააო.

ესხედვართ და არაფერს ვამბობთ. უხერხული სიჩუმე.

— თქვენები როგორ ბრძანდებიან? — მკითხა ანამ.

„არც ბატონ ნიკოს და არც ქალბატონ ნატოს არ მოუკითხავთ ჩემი მშობლები. არც ანა მოიკითხავდა, მაგრამ სიჩუმემ შეაწუხა ანა და ანამ სიჩუმე დაარღვია.

— არა უშავთ! — ხმადაბლა, ბოდიშით ვთქვი მე.

„ჩერ მე უნდა მომეკითხა ქალბატონი ვასილისა, ჩემი მშობლების სალაში და მოკითხვა გადამეცა ქალბატონ ნატოსა და ბატონ ნიკოსათვის, მეთქვა — პეტროგრადიდან თბილისში გუშინწინ ჩამოსული, დღეს თქვენმა სიყვარულმა ჩამომიყვანა არადეთში...“



— ქალბატონი ვასილისა ხომ კარგად ბრძანდება? — ვკითხე ანას და გაუღიმე.

ანა შეკრთა. ნიკო აღდა და აივანზე გავიდა, გიორგიც გაიყოლია. ქალბატონმა ნატომ თავი დახარა და სახე ხელებით დაიფარა.

ანა ატირდა. ქალბატონი თეკლე ანასთან მივიდა, გვერდით დაუჯდა, მარჯვენა ხელისგული ზურგზე მიმოუტარა, დამშვიდდო, თხოვა.

მე თავდახრილი შტერივით დავცქერი იატაკს და ვერაფერს ვამბობ.

საცოდავი ვასილისა შარშანწინ გარდაცვლილა.

„კარგი ამბავია! მშობელ ღედსავეთ გვივლიდა ნოშრევენს, როსტომს და მე ქალბატონი ვასილისა. — თქვენი ნახევარი ღედა მაინცა ვარო, — გვესიყვარულებოდა და გვეფერებოდა, და ეს ჩემი ნახევარი ღედა ორი წლის წინათ გარდაცვლილა და მე არაფერი გამიგია. ვარ მე ამ ოჯახის მეგობარი? არა! მე არა ვარ ამ ოჯახის მეგობარი და პეტროგრადიდან თბილისში გუშინწინ ჩამოსული დღეს რამ ჩამომიყვანა არადეთში? ვითომ გულმა დამიძახა? არაფერიც! ანა და ნოშრევენი მე მეგობრად არა მთვლიან, თორემ არ შემატყობინებდნენ ვასილისას გარდაცვალების ამბავს? ერთ მუჟა მიწას ვერ მივაყრიდი ჩემი ნახევარი ღედის საფლავს? და ახლა, გარდაცვალებიდან ორი წლის შემდეგ, მაინც არ ვკითხავდი ანას, ქალბატონი ვასილისა როგორ ბრძანდება-მეთქი“...

მე ხელისგულზე მეწერა ვასილისას ბედი და სწორედ ისე დამთავრებულა მისი სიცოცხლე, როგორც მე მქონდა ნაწინასწარმეტყველები.

მარტოობას გაუსრესია საცოდავი ვასილისა...

ეს მერე, მოგვიანებით მიაშბო ანამ, მაგრამ მე ახლა მოგიტხრობთ:

როსტომი თბილისში გამომეგზავრა, მე პეტერბურგში წავედი და დაცარიელდა ვასილისას სახლი და ეზო. ჩვენი ოდესიდან წასვლის დღეს ანასაგან მიიღო წერილი ვასილისამ. ქალიშვილი სწერდა, მალე შეილიშვილი შეგეძინება და აუცილებლად უნდა ჩამოხვიდე თბილისშიო. მე თვითონ ჩამოვიდოდი ოდესაში, მაგრამ ამ სიშორეზე ჩვილი ბავშვი როგორ წამოვიყვანო, ვიცი, შენ თვითონ არ მომცემ ამის ნებასო. რომ იცოდე, როგორ გაიხარებენ ნოშრევეანის მშობლები შენი ჩამოსვლითო, ამ ბარათის მიღებისთანავე წამოხვიდოდო...

წავედით როსტომი და მე და სახლის კარი გამოუქეტავს ვასილისას. მეზობლებისათვის უთქვამს, მალე შეილიშვილი, ქალიშვილი და სიძე ჩამომივალ და არაეინ აუყვანია მდგმურად.

და ცხოვრობდა მარტოდმარტო და ელოდებოდა შვილიშვილს, შვილს და სიძეს.

მხოლოდ ხანდახან გამოჩნდებოდა ეზოში.

უთვალთვალეებდა მეზობლის ქალიშვილი ნატაშა ვასილისას და ებრალებოდა. საღამო ხანს, აუცილებლად შევიდოდა მასთან, რამე ხომ არ გჭირდებაო, ჰკითხავდა. არაფერი მჭირდებაო, უპასუხებდა ვასილისა, ამით მთავრდებოდა ნატაშასა და ვასილისას საუბარი და შეხვედრა.

ორი დღეა ეზოში არ გამოჩენილა ვასილისა. ჰო, ეს ორი დღეა ლოგინში წევს, თვალები ღრიჭოდ დატოვებულ კარისთვის მიუშტერებია, ელოდება შვილს, შვილიშვილს და სიძეს და არ ჩანან...

...საღამო ხანია... და კიბეზე ამომავალი ნაბიჯების ხმა შემოესმა ვასილისას. როგორც იქნა! ეს ანა ამოდის კიბეზე! დიახაც ანა გახლავთ! ყოველთვის ასეთი ნაბიჯებით ამოდიოდა კიბეზე ანა და ღრიჭოდ დატოვებულ კარიდან ანას სახემ შემოიხედა ოთახში, ხელებში შვილი. ჰყავს ანას. შვილმა და შვილიშვილმა გაუღიმეს ვასილისას და ენა ამოიდგა ვასილისამ.

— მობვედი, შვილო? მჯეროდა რომ მოხვიდრდი...

ნატაშა დააკვირდა ვასილისას და შეკრთა, მიხვდა, რომ ვასილისამ ანად შეიცნო.

— ოო, შვილიშვილიც მომიყვანე? შენ' გაიხარე, ანა!

და ვასილისამ ხელები გაუწვდინა ნატაშას, მცირე ხანს ასე იყო ხელებგაწვდილი, მერე თითქოს ხელებში მოიქცია შვილიშვილი და მკერდზე დაიწვინა.

— ვიცოდი, ვაჟი გეყოლებოდა, ანა, და შარვლები შევეუკერე, ხალათებიც შევეუკერე, წაღებიც...

შიშმა აიტანა ნატაშა, იფიქრა, შევკვივლებ და მეზობლუბს მოვუხსობო, მაგრამ ისე მშვიდად იწვა გულზე შვილიშვილმხუტული ვასილისა, შეკვივლება ვერ გაბედა, ვასილისას ლოგინთან ჩაიჩოქა და ატირდა.

— თვალეში მზე უჭყიტებს ბიკს, ფარდა ჩამოუშვი, ანა! — ყრუდ ამოთქვა ვასილისამ.

გაქვარტლული ლამპა ბეუტავს, ჩაბნელებულია ოთახი, ლოგინში პირადმა წევს ვასილისა, მკერდზე შვილიშვილი დაუწვენია, ამ შეღამებულზე საიდანღაც მზე იმზირება ამ ოთახში და ბებიას და შვილიშვილს თვალეში უჭყიტებს.

— ფარდები ჩამოუშვი, ანა! — კიდევ ამოიკენესა ვასილისამ. ფარდები ჩამოშვებულია, ლამპაც მიინავლა და მაინც საიდანღაც მზე იმზირება ვასილისას ოთახში, ოღონდ ოთახს კი არა, მარტო ვასილისას სახეს ანათებენ მზის სხივები...

პირაღმა წევს ვასილისა ლოგინში, თვალები მიუღულავს და შვილიშვილი მკერდზე დაუწვევია...

...ანას და ნოშრევანს ოდესაში ჩასვლა დაავიანდათ და მეზობლებმა დაკრძალეს ვასილისა...

სახლს რომ ალაგებდა, ანამ კარადაში იპოვა კობტად ჩაწყობილი ვასილისას მიერ გიორგისთვის შეკერილი სამი შარვალი, სამი ხალათი და სამი წყვილი წაღები — თეთრი, ცისფერი და წითელი...

ეს ორი წლის წინათ მოხდა, მე კი დღეს ღიმილით შევეკითხე ანას დედათქვენი ხომ კარგად ბრძანდება-მეთქი... ვაი, სირცხვილო! ...ნასადილევს ნიკოს წისქვილში წაყვევი.

სადილზე სიმხიარულე იყო. კარის მეზობელი რომანოზ ბეთანელი მოიწვია სადილზე ნიკომ და სუფრას თვითონ უთამადა. თავდაპირველად გიორგი აღდგებდა, გუშინ ოთხი წლისა შესრულდა გიორგი და ეს პატარა ამბავი არ გახლავთო... ახლა ყველაფერი გიორგისა და მისი თანატოლებისააო.

მზე ამათიაო, მთვარე ამათიაო, ვარსკვლავებიც ამათიაო, ზღაპრები, ხომ ამათი და ამათიაო; ჩვენცო, დედ-მამაო, დეიდები, მამიდები, ბიცოლები და ბიძებიო, ბებიები და ბაბუები ხომ ამათი საკუთრება ვართო; ეს სახლ-კარიცაო, ეს ბაღ-ვენახიცაო, ეს წისქვილიცო, ჰოო, ყველაფერი გიორგისაა, ამიტომაც გაუმარჯოს გიორგისო.

ყველამ ყანწით შევსვით გიორგის სადღეგრძელო და კაი მაგარი მრავალყამიერიც დავაგუგუნეთ.

მერე ბატონმა თამადამ ყოჩალი პატარა ნიკო მოაყვანიხა სუფრასთან ანასა და ნატოს და გააცინეთ ბავშვიო, ბრძანა თამადამ. დედამ სკამზე დააყენა პატარა ნიკო, ბებიამ მარცხენა ხელის საჩვენებელი თითი ნიკაპზე მოუხიციხა, ყოჩაღმა პატარა ნიკომ თვალბი დააპყვიტა, პირი დააღო და ხი-ხი-ხიო დაიძახა, მერე და მერე მოუმატა და მოუმატა სიცილს და პატარა ნიკო კინაღამ გადაფრინდა. ახლა ეყოფათ, თქვა ნიკო ბეთანელმა და პატარა ნიკო წუთით დაჩუმდა, მერე ისევ დააღო პირი და ხი-ხი-ხიო, მოუხშირა და მოუხშირა და ჩვენც ბევრი ვიცინეთ. თამადამ ხელში აიყვანა შვილიშვილი, ზეასწია, უკანალზე ცხვირი გაუხახუნა და პატარა ნიკომ ხი-ხი-ხიო, ახლა დიდმა ნიკომ გადაიხარხარა და უკანალზე აკოცა პატარა ნიკოს.

პატარა ნიკოს სადღეგრძელოც კაი მაგარი მრავალყამიერით დავგვირგვინდა...

მერე მე სადღეგრძელო თამადამ, — საყვარელ სტუმართან ბოდიშს მოვიხდი, აქამდე უნდა შედღეგრძელებიო, მერე კარის მეზობელი რომანოზ ბეთანელი აღდგებდა, მერე ანა და ნოშრევან-

ნ. მერე ქალბატონი ნატო, ბოლოს ქალბატონ ვასილისას შესანდობარი შესვა ნიკო ბეთანელმა, ყველანი ფეხზე ავდექით, მაგრამ არავინ აცრემლებულა, არც ანას აცრემლებია თვალები. პატარა ნიკომ ისევ შემოგვძახა ხი-ხი-ხიო, თამადა გახალისდა და განმეორებით აღდეგძელა გიორგი და პატარა ნიკო, ისევ და ისევ მოესიყვარულა შვილიშვილებს ნიკო ბეთანელი და სუფრიდან ავიშალენით.

— ახლა სტუმარი მოვასვენოთო, — ბრძანა ნიკო ბეთანელმა და ნატოს უჩურჩულა, — მე წისქვილში წავალ, ახალ ფევილს ამოვიტან და ვანშმისათვის შოთი პურები გამოვაცხოთო, — მერე ანას დაუყვავა — ხვალ თბილისში მივდივარ და თადარიგი დაიჭირეო.

მე დასვენება ვიუარე და ნიკოს წისქვილში წავყევი.

მარანში შევიარეთ, ნიკომ ხორბლით სავსე მოზრდილი ტომარა მოიგდო ზურგზე და წისქვილისკენ წავედით.

ეზო რომ გავიარეთ, ნიკომ ტომარა მიწაზე დადო, სახე ამარიდა და ამოხენებით თქვა.

— ცუდადაა ნოშრევანის საქმე!

— ცუდად? რატომ? — გავიკვირვე მე და ნიკოს მხარზე ხელი დავადე.

— ცუდად! — დარწმუნებით თქვა ნიკომ, — ჩემსკენ შემოტრიალდა და თვალებში ჩამხედა.

მეც თვალებში ჩაეხედე ნიკო ბეთანელს და შემებრალა: თვალებში სევდა, სახეზე შიში, მოთენთილი სხეული, ძლივსლა დგას ფეხზე.

მხრებზე დავაწყევე ხელები და ტომარაზე დავსვი.

პაუზა.

უცებ წამოიპრა ნიკო ბეთანელი, წელში გაიმართა და ტომარას დაავლო ხელი. არ დავანებე. მემძიმა, ძლივს მივიტანე წისქვილამდე.

კოდში ხორბალი მე ჩაეყარე, ნიკომ წყალი მიუგდო ბორბალს და წისქვილის კართან მორზე ჩამოვსხედით.

ნიკო ბეთანელი მიწას ჩასცქერის და დუმს, ისევ უცახცახებს მხრები, მე მებრალება ნიკო ბეთანელი, მინდა რამე ვუთხრა და გავამხნეო, მაგრამ ვერაფერი მომიხერხებია.

— კიშკართან რომ ეტლი გაჩერდა, — ხმადებლა ამბობს ნიკო, — ზურგი ოდნავ შემომაქცია და სახე ამარიდა, — გულმა მითხრა, ნოშრევანიაო და ცუდად გავხდი.

— აკი ელოდით ნოშრევანს! — შევასხენე მე.

ნიკო უცებ შემოტრიალდა ჩემსკენ და მხრებზე დამადო ხელები.

— მიძალავ? მიძალავ, ხომ?

მე არაფერი ვიცი ნოშრევანისა და ედუმვარ.

— შენი მეგობარი ეტლზე რუმ ზის, განა არ იცი? პაუზა.

— ჰო, ნოშრევანი ეტლზე ზის. კი, მეეტლეა ჩემი შვილი შავი ცხენები უბია ეტლში, მეეტლის შავი ჯუბა აცვია ნოშრევანს და შავი წვერი აქვს მოშვებულში... მთელმა თბილისმა იცის ეს, არადელეზმაც იციან, შენც იცი და მე მიმაღაე! მარტო ანა და ნატო სხედან. კურში...

და მერე ნიკო ბეთანელი წვრილად მოჰყვა:

— თეატრიდან რომ წავიდა ნოშრევანი, გეცოდინება! — თავი გავაქნიე, ვანიშნე, არ ვიცი-მეთქი, — არ მერწმუნა. ჰო, თეატრიდან წავიდა. ერთი თვე ისე იარა, მერე ნოშრევანი და მისი მეგობარი ლევან კარგარეთელი ავლაბრის მუშათა თეატრს შეეკედლენ, და უფასო წარმოდგენებს მართავდნენ. გაუჭირდა. მიანება ავლაბრის თეატრსაც თავი და ცოლშვილიანად არადეთში ჩამოვიდა. მე და ნატოს ძალიან გაგვეხარდა: ანაც კმაყოფილი იყო. საყვარელი ქალია ჩემი რძალი! გულთბილი, მოსიყვარულე, დაუზარელი. შვილები რთგორიცა ჰყავს, ხომ თვითონ ნახე! დარჩა ათი დღე ნოშრევანი არადეთში, ვითომ მხიარული და ხალისიანი იყო, დილაადრიან დგებოდა, ზეზეურად წაისაუზმებდა, ხან წისქვილში მიჰქონდა საფეკავი, ხან ვენახს მიაკითხავდა, უფრო კი ეზოში ტრიალებდა — ჭიმკარი შეაკეთა და შეღებდა... ჰო, უმეტესად შინ იყო, ეთამაშებოდა შვილებს და ნატოსა და ანას ეხმარებოდა. ათი დღე იყო ასე. მერე უტებ მოიწყინა. უძილობა დასჩემდა და უთქმელი გახდა. ერთ საღამოს, ნავახშმევს, ეზოში გამიხმო და ხეალ თბილისში მიედივარო, მეუბნება: დარჩენილი ბარგის ჩამოსატანად თუ მიდის-მეთქი, გავიფიქრე. თურმე არ არის ასე საქმე! გულში სსვა რამე ჰქონია გადაწყვეტილი ნოშრევანს.

— ზეგ ხომ იჩამოხვალ? — ვკითხე მე.

— მე თბილისში დავრჩები, მამი! — ხმადაბლა, მორიდებულად მიპასუხა ნოშრევანმა.

— თეატრს უბრუნდები? — ხმას ავუწიე, მე.

— არა! — გადაჰკრით თქვა ნოშრევანმა.

— აბა რა უნდა გააკეთო ქალაქში?

— სამსახური მაქვს შეგულებული. —

ისეთი ხმითა თქვა, მივუხვდი, სიცრუე იყო, თვითონაც მიმიხვდა, რომ არ ვერწმუნე.

— ცოლ-შვილს მერე წავიყვან ქალაქში მამი — ესეც ხმადაბლა და მორიდებულად თქვა.

— ცოლ-შვილი რატომ უნდა წაიყვანო ქალაქში?

— აბა ცალ-ცალკე ხომ არ ვიცხოვრებთ! — გაიკვირვა ნოშრევანმა.

— „ჰოო, მართალია ნოშრევანი! ცალ-ცალკე ვერ იცხოვრებენი შეილები და დედ-მამა ერთ ჭერქვეშ უნდა. ცხოვრობდნენ, ერთ ჭერქვეშ უნდა გაითენონ და დაიღამონ... გაძლებს ცალკე ნოშრევანი? ვერა, ვერ გაძლებს! ანას და ბავშვებსაც გაუძნელდებათ უნოშრევანოდ! ჰოდა, ახლა მარტო წავე ნოშრევანი თბილისში, დადგება სამსახურში, თანდათან მოიმაგრებს წელს, მერე ანას, გიორგის და პატარა ნიკოს წაიყვანს და გამოყრუვდება ნიკო ბეთანელის სახლ-კარი!“.

და მიმხვდა ნოშრევანი.

— „ზაფხულ-შემოდგომობით ანა და ბავშვები თქვენთან იქნებიან, რთვლობისას მეც აქ ვიქნები, სამტრობით დედა და შენ ჩამოხვალთ ქალაქში და ვიქნებით ასე...“

„კარგად გადაუწყვეტია ნოშრევან ბეთანელს, ღმერთმა გაუმართლოს!“

— დედაშენმა იცის?

— იცის.

— ანამ?

— ანას ახლა ვეტყვი...

...და მეორე დღეს სახლიდან დილაუთენია წავიდა ნოშრევანი. ბავშვებს ეძინათ, შუბლზე ფრთხილად აკოცა ჯერ გიორგის და მერე პატარა ნიკოს, პატარა ნიკო სულ ექვსი თვისა იყო მაშინ, ბავშვებს რაღაც უჩუჩულა ყურებში და ოთახიდან სწრაფად გავიდა.

ანა, ნატო და მე ჭიშკრამდე მივყვეით...

წავიდა ნოშრევანი და მეორე დღეს ნატო ჩაწვა ლოგინში. დარდმა უცებ გატეხა ნატო. კი, ძალიან მალე გატყდა. არაფერი მტკივნაო, ამბობდა და ფეხზე კი ვერ დგებოდა. ეალერსებოდა ანა, პატარა ნიკოს შეუწვევდა ლოგინში, ვითომ გახალისდებოდა ნატო, მაგრამ ცოტა ხნით, მეძინებო, იტყოდა და თვალებს მილულავდა.

გიორგისა და პატარა ნიკოს ეზოში ჩაიყვანდა ანა და ვითომ იძინებდა ნატო. მეტი არაა ჩემი მტერი! დღისით კი არა, ღამითაც ფხიზლობდა. ჰოდა, დაილია ქალი... და მერე ისევ ნოშრევანმა უშველა. ნიკოლოზ ბეთანელის შეილიშვილი ბაჩანა ჩამოვიდა თბილისიდან და ნოშრევანისაგან ბარათი და საჩუქრები ჩამოგვიტანა. ძალიან კარგად ვარო მალე გინახულებთო, გვწერდა:

და ნატო მორჩა. ადგა და დატრიალდა. მოეფერა და მოეფერა შეილიშვილებს, თავადაც გაიღიმა და ჩვენც გაგვახალისა.

ჩამოვიდა ნოშრევანი. ეტლი მოაგრიალა ჭიშკართან. დატვირთული ჩამოვიდა. წვერი ჰქონდა მოშვებულთ. ძალიან აღამაზებდა

წვერი, მაგრამ მე მაინც არ მესიამოვნა. შეილებმა ვერც კი იცნეს და შორს დაუდგნენ. — ცალი ფეხით თეატრში ვარო, მითხრა, ავლაბრის მუშათა თეატრმა მთხოვა და უარი ვერ ვუთხარიო, როლისათვის მკირდება წვერიო... ძალიან შეღერებულად იყო, მეზობლები მოინახულა, ვახშმად სახლში გადმოიწვია მეზობლები, და მოვილხინეთ, იმღერა და იცეკვა, ანაც აცეკვა. გიორგიცა და ნატოც.

კარგ სამსახურში დამდგარა ნოშრევან ბეთანელი. რკინიგზის სამმართველოში იურიდიული განყოფილება. ყოფილა და იმ განყოფილების უფროსი ბრძანებულა ნოშრევანი. ვარდისუბანში, საგინაშვილებთან ახლოს, სამოსახლო ადგილი შეუგულებია ნოშრევანს. — ჰოდა, სახლს რომ ააშენებს, ჩამოვა ნოშრევანი არადეთში, ეტლებში ჩააბრძანებს დედ-მამას, ცოლსა და შვილებს და ჰაიდა, თბილისში!

ღიახ, თბილისში, ვარდისუბანში დასახლება ბეთანელების ოჯახი.

ღმერთო, ხელი მოუმართე, ნოშრევან ბეთანელს!

დაგვალხინა, დაგვაიმედა და წავიდა. სამსახური უხმობდა და თბილისს მიუბრუნდა ნოშრევანი. ბარათებს ხშირად გვიგზავნიდა. თვეში ორხელ მაინც უგზავნიდა საჩუქრებს ანასა და ბავშვებს, არც ნატოს ივიწყებდა და არც მე. ჩვენც უუგზავნიდით თბილისში ბარათებს და მოსაკითხს და ვიყავით ასე...

ჩამოსვლით კი არ ჩამოვიდა ნოშრევანი. ურთი თვე, თვენახევარი, ორი თვე გავიდა და არ ჩამოგვაკითხა, გვითელიდა კი ჩამოვალლო.

და თავდაპირველად ისევ ნატო შეშინდა, მერე ანა, მერე მეც შევეშინდი, მერე გიორგიმ აიჩემა — მამასთან წამიყვანეთ თბილისშიო და, მოუსვენარი გავხდით.

ისევ ჩამოვიდა თბილისიდან ნიკოლოზ ბეთანელის შვილიშვილი ბაჩანა, ჩვეულებრივად საჩუქრები და ბარათი ჩამოგვიტანა, კარვად ვარო, გვატყობინებდა, არადეთში ჩამოსვლაზე კი არაფერს. წერდა.

ერთ საღამოს წისქვილში მომაკითხა ბაჩანამ, წისქვილში მარტო ვიყავი, თვალებში შემომხედა ბაჩანამ, მე სახეზე დავაკვირდი და მისი სახე არ მომეწონა. ვიგრძენი, ცუდი რამ უნდა ეთქვა ჩემთვის.

ასეც მოხდა: შენი შვილი ნოშრევანი მეეტლეაო, მითხრა ბაჩანამ და თავი დაბლა დახარა. — ძალიან კარგი ეტლი ჰყავსო, დაუმატა.

სულელივით გამეცინა. ხომ ხდება ხანდახან, ისეთ ცუდ ამბავს ბეტყვიან, გული უნდა გაგისკდეს, შენ კი, გავეცინება, ნამდვილად

სულელივით გაგეცინება და ახლა მეც სულელივით გავეცინე. ბაჩანა შეკრთა, მე მართალს გეუბნებიო, აღელვებით თქვა და იქვეწულად ამხედ-დამხედა.

გავშეშდი. არც დოლაბის ხმა მესმის და ბაჩანაც გამიქრა თვლიდან, ცხენების თქარათქური შემომმესმა, ფართოდ გავალე თვლები, ბაჩანა ისევ ჩემს წინ დგას, მე შემომმცქერის და ცახცახებს, შევატყვე, უნდოდა დაეყვირა და ბაჩანას მხრებზე დავადე ხელები.

— მაშ კარგი ეტლი ჰყავს ნოშრევანს? — დინჯად, სერიოზულად ვკითხე.

— კარგი! ძალიან კარგი ეტლი ჰყავს ნოშრევანს, — გახალისდა ბაჩანა, — ბედაურები უბია, ქარივით დააქროლებს ეტლს ნოშრევანი.

— კარგია! ღმერთმა აგაშენოს!

— ქარვასლასთან ეტლში რომ ჩავჯექი და მეეტლემ რომ მკითხა საით წავიდეთო, უმალვე ნოშრევანის ხმა შევიცანი და მეეტლეს დავაკვირდი. ცოტა რომ გავიარეთ, შემომხედა და თვითონაც მიცნო. უმალვე ამარიდა თვალი და ცხენები გარეკა. სადგურზე რომ მოვედით, ფული გავუწოდე, შემომხედა და ფული არ გამომართვა, — მიცანიო? მკითხა, ეტლი მოატრიალა და გაქანდა... კი, ქარვასლიდან სადგურამდე ნოშრევანის ეტლით მოვედი!

ჰოდა, ნამდვილია: მე არადეთში ვარ, ნოშრევანის ცოლშვილიც არადეთშია, არადეთშია ნოშრევანის დედაც და ჩვენ გვეგონია — ნოშრევანი რკინიგზის სამმართველოში მუშაობს, რკინიგზის სამმართველოში იურიდიული განყოფილებაა და იმ განყოფილების უფროსი გახლავთ ნოშრევან ბეთანელი და დიდი ჯამაგირი აქვს. მართალია ცალი ფეხი ავლაბრის მუშათა თეატრში უდგას, ამის გამო წვერიც მოუშვია, მაგრამ ეს სამსახურში ხელს არ უშლის, სამოსახლო ადგილი აქვს შეგულებული ნოშრევან ბეთანელს ვარდისუბანში, საეგინაშვილების სახლთან ახლოს, მალე სახლს ააგებს ნოშრევანი და დედ-მამასა და ცოლ-შვილს თბილისში დაასახლებს... ეს ნოშრევანი კი მეეტლე გამხდარა, კარგად გამართულ ეტლზე ზის, ბედაურები უბია ეტლში და ეტლს ქარივით დააქროლებს... ნოშრევანის ეტლს ჩემი მეზობლის ვაჟიშვილი ბაჩანა, ქარვასლიდან სადგურამდე გრიალ-გრიალით მოუყვანია.

გაიხარე, ნიკო ბეთანელო!

ბაჩანა დამემშვიდობა, თბილისში მივდივარო, მითხრა. მე არაფერი არ დავაბარე ნოშრევანთან.

სახლში გვიან მივედი. ანას, გიორგის და პატარა ნიკოს ეძინათ. ნატოს ვახშამი გაეწყო და მელოდა. ვივანშმეთ. ნოშრევანის ხომ არაფერი გაგივიაო, ვითომ სხვათა შორის მკითხა ნატომ. არაფერი



გამიგია-მეთქი, ცივად მიეუბნე, გულში კი, შეეშინდი, ეგებ რამე იცის და მე მიმალავს-მეთქი. რა უნდა გაუჭირდეს, კარგად იქნებაო, ვითომ დარწმუნებით თქვა ნატომ: — ვაი, შე უბედურო დედავ, — ვთქვი გულში, — კარგადაა შენი ნოშრევანი? ეტლი შეუძენია შენს ნოშრევანს, ბედაურები უბია ეტლში და ეტლს ქარიჯით დააქროლებს თბილისის ქუჩებში, მუშტარი ბლომდაა ჰყავს, სარგებელიც ბევრი აქვს და მიტომაც უგზავნის საჩუქრებს დედას, მამას, ცოლსა და შვილებს... გაიხარენით!

ის ღამე თეთრად გავათენე. ერთი დღე კიდევ გავძელი სასლში. მერე წავედი თბილისში. ორი კალათი მიმაქვს. ერთი ნატომ გამომატანა, ერთიც ანამ. ბაჩანა კი დავანამუსე, სოფელში ნურაგის ეტყვი ნოშრევანის ამბავს-მეთქი, მეორე დღეს ყველა მეზობელმა იცოდა. სათითაოდ ჩამოუარე მეზობლებს, შეეხვეწე, ანასა და ნატოს ნუ გააგებინებთ, თორემ გავიყდებიან და ცოლონი არიან-მეთქი. შეპირებით ყი შევიპირე ყველა, მაგრამ ვან იცის! მატარებელში ვზივარ, თბილისში მივდივარ და ქალების დარდიც თან მიმყვება.

ჩავედი თბილისში. შუა სექტემბერია და მანც ცხელა. მივათარიე ჩემი კალათები ეტლების სადგომთან. გავიხედ-გამოვიხედე, ეგებ აქ იყვეს-მეთქი ნოშრევანი, მაგრამ არაა. ვერ ვიპოვე ნოშრევანი და პატარა იმედი მომეცა გულში. ეტლები წავიდ-წამოვიდნენ.

სად უნდა წავიდე მე? ჯერ საგინაშვილებთან მივალ, დაეტოვებ კალათებს საგინაშვილებთან, მერე მივდგებ-მოვდგები, ნოშრევანის ამხანაგებს მოვიანახულებ და ისინი მაპოვნინებენ ნოშრევანს. გადავწყვიტე ასე და ეტლი მომადგა. საით წავიყუანო, ძია კაცო. ხმა-მალლა დამიძახა მეეტლემ. ავხედე, ჩემი. ხნისა მანც იქნება მეეტლე, გული მომივიდა და არ გავეპასუხე. ისევ ხმამალლა დამიძახა მეეტლემ, ყურში ცერი თითი ჩაიყო, დანარჩენი თითები აასხმართალა, მანიშნებს — ყრუ ხომ არა ხარო და მიღიბის. ნაცნობ მეეტლეს ველოდები-მეთქი, ვეუბნები. რომელსაო, ჩამკითხა. შენ რა გეცოდინება ის მეეტლე-მეთქი, და ზურგი შევაქციე. მე ყველა მეეტლეს ვიცნობო, ჩამომძახა. ნოშრევან ბეთანელსა იცნობ? გულმოსულად ვკითხე. არტისტსაო? ჰო-მეთქი; ჩემი მეგობარიაო ნოშრევან ბეთანელი და კოფოდან ჩამოვიდა; ხელი ჩამომართვა, ამხედ-დამხედა, ჩემი კალათები ეტლში ჩააწყო, დაბრძანდით, მითხრა. ჩავჯექი ეტლში. ისევ გამომიწოდა ხელი, ვიცნობდეთ ერთმანეთსაო, მე იაგორა მქვიაო, შენი სახელი მიბოძეო. შევკოვნიდი. სახელი დაგავიწყდაო, იცინის! ჩემი სახელი როსტომია-მეთქი, ვიცრუე და ხელი ჩამოვართვი. არტისტი შეგპირდა სადგურზე დაგხვდებიო? თავს ვუქნევ. ტყუილია! ჩვენი არტისტი დღისით არ დაატარებს ეტლსა, არ შეგპირდებოდაო, გადაჭრით თქვა იაგორამ.

მერე კოფოზე შესწორდა იაგორა, ხელებში აღვირები მოი-  
მარჯვა და ჩემსკენ შემობრუნდა, საით მიბრძანებ, ძია კაცო, —  
არტისტთან! არტისტთან? — გაიკვირვა. შენ რა ხარ არტისტი?  
მამა! — პირდაპირ ეუთხარი. დაეკვდა. არტისტის მამას ნიკო ჰქვია,  
შენ კი როსტომი ბრძანდებიო, გაიცინა. მამა ვარ ნოშრევანისა, და-  
ნანებით ვთქვი და იაგორა მერწმუნა. სახლთან ახლოს მიგიყვამ; მე  
ყველაფერი ვიციო, თქვა იაგორამ და ეტლი დაძრა. მალაქების  
ქუჩაზე გავიდა, რკინიგზის ხილქვეშ გაიარა, მერე მარჯვნივ შეუხ-  
ვია და აღმართს შეუდგა. აიარა აღმართიც და ეტლი შეაყენა. ეგე-  
რაო, ხელი წინ გაიშვირა იაგორამ, — ცისფერი ჭიშკარი რომ ჰკი-  
დია, ხარი ჩამორეკე, სახლი ეზოში მოშორებით დგას, დაელოდე  
და ჭიშკარს გაგიღებენ, იმ სახლში ცხოვრობს შენი შვილიო, არ კა-  
უთხარა მე რომ მოგიყვანეო; ჩამოვედი ეტლიდან, იაგორამ უცებ  
მოატრიალა ეტლი და გაქანდა.

ჩამოტრეკე ჭიშკარის ხარი... კარგა ხანს ველოდე. დედაბერმა გა-  
მილო ჭიშკარი, დავრდომილი დედაბერია. ვისთან ხარ შვილოო,  
ჩიფჩიფით მეკითხება. ნოშრევან ბეთანელთან-მეთქი, მობრძანდიო,  
თქვა და ჭიშკარი ბოლომდე გააღო. შევდივარ ეზოში. მოშორებით,  
ეზოს შუაგულში ერთსართულიანი სახლი დგას, ყავრისსახურავი-  
ანი, კედლები თითქოს ტალახითა აქვს შეზღელილი. ეზოს ყურეში  
დიდი ფარდული, ისიც ყავრით გადახურული. ფარდულში ეტლი  
დგას. ფარდულთან ახლოს — ჭადარი, ჭადრის ჩრდილში ორი ცხე-  
ნი წევს.

დედაბერი სახლისკენ წამიძღვა. მიყევი. შეაღო კარი და ვიდ-  
რე სახლში შევიდოდი, ნოშრევანს მოკვარი თვალი — ტახტზე გაუხ-  
დელი წევს და სძინავს. კალათებზე იატაკზე დაჭდე. დაბრძანდიო,  
მეუბნება დედაბერი. დავჯექი. ოთახში მიმოვიხედე. ნოშრევანის  
ტახტთან მაგიდა დგას, მაგიდაზე ღვინის ცარიელი და ნაკლები  
ბოთლები, ჭუჭყიანი თეფშები და ჭიქები, პურის, ძეხვისა და მწვა-  
ნილის ნარჩენები. ნოშრევანი პირაღმა წევს.

— გავალვიძო? — მეკითხება დედაბერი.

— არა! მე არ მეჩქარება.

— კარგია, სულ ახლახან დაიძინა. — თქვა დედაბერმა და ოთა-  
ხის ერთადერთ ფანჯარას ფარდა ჩამოათარა, მერე ჩემს პირდაპირ  
დაჯდა და სახეში შემომაცქერდა.

მივხვდი, დამიწყებდა გამოკითხვას — ვინ ვარ, რატომ მოვედი,  
რა საქმე მაქვს ნოშრევანთან და მე დავასწარი.

— მე მამა ვარ ნოშრევანისა.

— მამა? — გაიკვირვა.

— ჰო, მამა ვარ!

— ჯეელი ჩანხარ, არ იქნები მამა! — თვალეზი მოქუტა, სახე ჩემსკენ გამოსწია, მიყურა, მიყურა და მერე გაიცინა.

— კი, უბედური მამა ვარ! — ნაღლიანად ვთქვი მე.

დედაბერი შეკრთა.

— მაშ მამა ბრძანდებით ნოშრეევანისა? ვინ მოგასწავლათ?

— ამ უბანში რომ ცხოვრობდა, ვიცოდი, თქვენს სახლს კი ადვილად მოვაგენი.

ისევ იჭვენულად შემომხედა დედაბერმა, ისევ მოქუტა თვალეზი და კარგა ხანს ვლუმდით.

— ეეხ, ცოლოა ნოშრეევანი! — ამოიკვნესა დედაბერმა, ნოშრეევანს გახედა და მოქუტული თვალეზი აუტკრემლდა.

ჰოდა, მოჰყვება ახლა, — გავიფიქრე გულში, — ნოშრეევანის ამბავს: შუადლიდან შელამებამდე სადღაც მუშაობს, შელამდება და ეტლს გააწყობს და გვიან ღამე ბრუნდება შინ, დილით მეგობრები ესტუმრებიან, სუფრას გაუშლის ეს დედაბერი ნოშრეევანის მეგობრებს, ნოშრეევანი უთამაძებს სუფრას, ჰო, დიდი ბოღმა ახრჩობდ ნოშრეევანს და ნოშრეევანის მეგობრებს, ღვინით გაიქარებებენ ბოღმას, მერე ნოშრეევანის მეგობრები წავლენ, ნოშრეევანი კი მიეგდება ტახტზე და აი, როგორც ახლა, შუადღემდე სძინავს, მერე გიჟივით წამოვარდება და სადღაც გარბის.

ყველაფერი ვიცი-მეთქი, ვუთხარი დედაბერს და მასაც ხმა არ ამოუღია.

ეზოში გამოვედი და დედაბერიც გამომყვა. ფარდულში შევედი და ეტლი შევათვალიერე. ხომ კარგი ეტლია? მეკითხება დედაბერი. თავი დავექნიე. მერე ცხენებთან მივედი, შავი, ყორნისფერი ცხენები, სუფთა. ხომ კარგი ცხენებია? მეკითხება დედაბერი. თავი დავექნიე. ვინ უვლის-მეთქი, კვითხე, თვითონ ნოშრეევანი უვლისო, ცხენებს როცა ბანს, წყალს შე ვუსხამო.

ერთი საათი ეზოში მივდექ-მოვდექი. დედაბერი ფეხდაფეხ დამყვებოდა. მერე დედაბერმა მზეს გახედა და თქვა, ახლა გავიძებული იქნება ნოშრეევანიო.

სახლში შევედით და ნოშრეევანი ტახტზე ზის. ერთმანეთს შეეხედეთ, არც ის შემკრთალა და არც მე. თითქოს მელოდაო, ტახტიდან მშვიდად ადგა, ჩემსკენ გამოადგა ნაბიჯი და ხელი ჩამომართვა.

— მარტო ჩამოხვედი?

— მარტო!

გაუხარდა. სუფრის ალაგება დაიწყო და დედაბერი შეეშველა. ნოშრეევანი არაფერს მეუბნება და არც მე ვეკითხები. ხანდახან შევხედავთ ერთმანეთს.

დედაბერმა სუფთა თეფშები შემოიტანა. მე კალათები მოვდგი

მაგიდასთან. ნოშრევანმა კალათებს სახურავები ახადა და სუფრა გააწყო. პო, ანას კალათში წერილი იდო. ის წერილი ნოშრევანმა ჯიბეში ჩაიღო და შემომხედა.

— დედა როგორ არის?

— კარგად.

— ანა და ბავშვები?

ანა და ბავშვებიც კარგად არიან.

— ვიცი, რომ ყველანი კარგად ხართ, თქვენი ამბავი ყველაფერი ვიცი.

— ჩვენც ვიცი თუ შენი ამბავი.

— ყველამ? გაიკვირვა.

— ვერ გეტყვი!

— როგორ თუ ვერ მეტყვი?

— მე ხომ ვიცი და ნატოს და ანას არ ვუმხელ, ეგებ ნატომა და ანამაც იციან და მე არ მიმხელენ!

ეწყინა. სახეზე ფერი ეცვალა. თვალები გაუშეშდა.

— დღეს ჩამოხვედი? — სხვათა შორის მკითხა.

— კი. ამ დღით ჩამოვედი.

— იოლად მომაგენი?

— იოლად.

მე და ნოშრევანი სუფრას შემოვუსხედით. დედაბერი მეორე ოთახში გავიდა. შოთ პურს, ყველსა და ტარხუნას წაეტანა ნოშრევანი. მოშიებული იყო. მერე ჭიქებში წითელი ღვინო დაასხა.

ჯანმრთელად ვიყვეთო, თქვა, შესვა და ჭიქა მომიჭახუნა. მეც შევსეი. ახლა წავალ მეო, თქვა და ადგა. ძალიან მეჩქარება მაჩვენებდა, ნურათფერს მკითხაო, ერთი თვე მადროვეო, რაც საქმე მაქვს მოვითავებ, ეტლსაც გავყიდი, წვერსაც გავიპარსავ და არადეთში სამუდამოდ ჩამოვალო. ჯიბეში ფული ჩამიღო, ნატოს, ანას და ბავშვებს საჩუქრები უყიდეო, შენთვისაც იყიდე რამეო. ხელი ჩამომართვა და წავიდა. ისე ალაღად მითხრა, ვერწმუნე. იმის მერე ორი თვე გავიდა, ველოდები და არ ჩამოდის. მოსაკითხებს კი გვიგზავნის და გვიგზავნის, მალე ჩამოვალო, გვითვლის. ჩამოვა? ვიცი, ისევ შეეტლვა, ისევ იმ დედაბერთან უღევს ბინა, შუალამემდე დაატარებს ეტლს, ლოთობს და ნადგურდება.

თავი შეგაწყინეო, მომიბოდიშა ნიკო ბეთანელმა.

მხარში ამომიდგება შვილიო, დარწმუნებული იყო ნიკო ბეთანელი. შვილს კი გაუნადგურებია მამა და მარტო გული კი არ დაუძძიმა სევდამ ნიკო ბეთანელს. მხრებზედაც აწვება სევდა, თვალებშიც სევდა აქვს ჩაბუღებული. ზის ჩემს გვერდით და მხრები უცახცახებს, გაბზარული, სევდიანი ხმით მოჰყვება შვილის ამბავს, თვალებს წარამარა აცეცებდა, სხვას ხომ არავის ესმის

ჩემი ნათქვამიო. გავამხნევო? აბა როგორ გავამხნევო? რა უნდა ვუთხრა? შორს იხედება ნიკო ბეთანელის თვალი, დარწმუნებულია, ერთადერთი შვილი ხელიდან ეცლება და ვერაფერი უშველია.

მოულოდნელად თავზე ანა და გიორგი დაგვადგნენ. ბიჭი ნიკოსთან მოიქრა და მუხლებზე დაუჭდა, თავი ყელზე მიადო და გაუხახუნა. ვითომ გული გაიხალისა ნიკო ბეთანელმა, შვილიშვილს ილღიებში შეუხიციანა, მერე მალა ასწია და ღიმილით ეუბნება

— რაო, დიდდა გვეძახის? ფქვილი მალე მოიტანეთო? შოთი პურები გამოვაცხოთო? გიორგის უყვარს შოთი პურიო? ჰა, ასე დაგაბარა დიდდამ? წავიღეთ!

ნიკო ბეთანელი ადგა. ტომარა არც მე დამანება და არც ანას, მე და გიორგი წავიღებთო, თქვა და წინ გავეიწღვა.

### თ ა ვ ი მ ე ტ ხ რ ე

თბილისში მობრუნებულს, ერთი საათიც არ იყო გასული, როსტომ ჭორჭაძე მომადგა კარზე.

დიდად გავიხარე.

საბუედან სურსათი წამოელთ როსტომს. არ დაგავიწყდეთ, 1919 წელია — თბილისის დუქნები მიკეტილ-მოკეტილია, ბაზარი გამოცარიელებული, თუ რამეს იშოვი, მამასისხლად.

ღმერთმა ააშენოს როსტომ ჭორჭაძე, კაი ათი დღე ბაზარ-ბაზარ არ იწრიალებს დედაჩემი.

როსტომმა პეტერბურგის ამბების გამოკითხვა დამიწყა, მერე მოგიყვები-მეთქი, შეეპირდი, ჩვენი ნოშრევანის ამბავი გამაგებინე — სადაა? როგორ არის? რასა იქმს? ვითომ არც ვყოფილვარ არადეთში და ნიკო ბეთანელს არაფერი ეთქვას ჩემთვის.

როსტომმა ყველაფერი იცის. ნოშრევანის ეტლშიც მჯდარა, ვითომ ვერ უტყვია ნოშრევანს როსტომი და როსტომიც არ გამოცნაურებია.

— დაღუპულია ნოშრევანის საქმე! — დარწმუნებით თქვა როსტომმა და ხელი ჩაიქნია.

კედლის საათს გავხედე.

— ახლა ნოშრევანი შინ არის, ვინახულთ! — ეთქვი მე და ავდექი.

როსტომი უარზე დადგა. თან გაიკვირვა, საიდან იცი ნოშრევანი სად ცხოვრობს და ახლა შინ რომ იქნებაო.

— ამას მერე გეტყვი! — აეწრიალდი მე, — თუ გვინდა შინ მივუსწროთ ნოშრევანს, ახლავე უნდა წავიდეთ, თან ცოტა სასამელ-საქმელიც წავიღოთ და ნოშრევანთან ვისაუბროთ.

დედაჩემმა კალათა გამოგვიწყო, მე როსტომისეული ქაჭის არა-  
ყი და სამი ბოთლი ღვინო ხელჩანთაში ჩავიწყვე, და წავედით.

... დედაბერმა ცივად მიგვიღო. ახლახან დაიძინა და ვერ გავალ-  
ვიძებო. ბევრი ვეჩიჩინეთ, დავარწმუნეთ, რომ ნოშრევანის სიყრ-  
მის მეგობრები ვართ და როგორც იქნა, სახლში შეგვიყვანა.

როგორც ნიკო ბეთანელმა დამიხატა: ჩაბნელებული ოთახი.  
კუთხეში დაბალი ტახტი. ტახტზე პირალმა წევს ნოშრევანი. სძი-  
ნავს. ტახტთან ასლოს დაბალი მაგიდა, ოღონდ მაგიდაზე არ აწყვია  
ნაკლული და ცარიელი ღვინის ბოთლები. ფანჯარასთანაც ასეთივე  
დაბალი მაგიდა და დაბალი სკამები. დედაბერმა ფანჯარასთან მიგ-  
ვიწვია, ხელით გვანიშნა, დასხედითო და თვითონ მეორე ოთახში  
გავიდა.

დავსხედით და ნოშრევანმაც ჩაახველა. მარჯვენა ხელის თითე-  
ბი წვერებზე შეაჯურა, მოიქექა, კიდევ ჩაახველა და ბალიშიდან  
თავი აიღო, მერე მარცხენა ხელისგულით თვალები მოისრისა და  
გადმოგვხედა. ცოტა ხანს გვიყურა, საბანი შეისწორა და კედლის-  
კენ შებრუნდა. ეტყობა, ძილს ვერ წაართვა თავი, ან ეგებ გვიცნო,  
არ ესაძივნა ჩვენი ნახვა და ზურგი შემოგვაქცია.

ვერ მოვითმინე და განგებ ხმამალლა დავახველე.

ნოშრევანი შემოტრიალდა და წამოჯდა; ხელისგულებით მაგ-  
რად მოისრისა თვალები და გადმოგვხედა, მერე ტახტიდან წელა  
ჩამოაცურა ფეხები, ფოსტლებში შეპყო და ადგა.

— ვითომ თქვენა ხართ? — ყრუდ კოქვა ნოშრევანმა, — შარვა-  
ლი ჩაიცვა და ჩვენსკენ გამოაბიჯა. ცივად მოგვესალმა, ხელი ჩა-  
მოგეართვა და ჩვენს პირდაპირ დაბალ სკამზე დაჯდა.

პაუზა.

ქუჩაში რომ შემხვედროდა ნოშრევანი, ნამდვილად ვერ ვიც-  
ნობდი: გამხდარი, შუბლზე ნაოჭებდაყრილი. ხშირი, შავი წვერით  
დაფარული სახე. ბებერივით, მოთენთილი და მხრებშიც ოღნავ  
მოხრილი...

— ძველი მეგობარი მოინახულეთ? — ისევ ყრუდ თქვა, შემოგვ-  
ხედა და გაღივება სცადა, მაგრამ ვერ გაიღიმა.

როსტომი, ამ ჩაბნელებულ ოთახს რომ ერთი ფანჯარა აქვს,  
იმ ფანჯრიდან ვითომ ეზოში იყურება, მე ნოშრევანს შევეცქერი,  
ნოშრევანი თავდახრილი ზის და სამივენი ვლუმვართ...

— დარეჯან! — ხმამალლა დაიძახა ნოშრევანმა.

კარი გაიღო და ოთახში დედაბერი შემოვიდა. ჯერ ნოშრევანის  
ტახტთან მივიდა დარეჯანი, ლეიბ-საბანი მიმოასწორა, ზედ შინდის-  
ფერი ქუჩყიანი ფარდაგი გადააფარა და მერე ნოშრევანთან ახლოს  
დადგა და თვალებში შეაჩერდა.

— ამათი საკადრისი არაფერი გვაქვს, ღარეჯან, მაგრამ მაინც შეეებდეთ! — მორჩილად. ღარცხენით თქვა ნოშრევანმა, — უცებ აღვა, როსტომსა და მე მხრებზე დაგვარტყა ხელი და ღარეჯანს გაჰყვა.

მე კალათი და ხელჩანთა ხელებში შევაჩეჩე როსტომს, — შენი ჩამოტანილია და შენვე მიართვი-მეთქი. როსტომი დამემორჩილა და კალათი და ხელჩანთა მეორე ოთახში გაიტანა.

გადაწყვეტილი მქონდა, ნოშრევანს რომ შეევხვებოდი, თამამად შემეტია; დამცინავად გაუღიმებდი და ხმამალლა შევძახებდი — ოო, მამაზეციერო, მიპატიე ცდუნებლისაგან! ეს ნოშრევან ბეთანელი გახლავთ? ნიკო ბეთანელის ვაჟიშვილი? ანას მეუღლე? ჩემი სიყრმის მეგობარი? იურისტი და არტიტი? მიდასტურებენ, ნოშრევან ბეთანელიაო? ვერა, ვერ გერწმუნები! მერე ახლოს მივიდოდი ნოშრევანთან, მხრებზე დაეაწყობდი ხელებს, სახეში შევატყერებოდი და ახლა უფრო ხმამალლა შევძახებდი, — ვერა, ვერ ვირწმუნებ! ვერ დავიჭერებ!

მერე ნოშრევანიც მეტყოდა რამეს და მე უფრო და უფრო შეეუბნებოდი.

აი ეს არის შეევხვდი და ხმა ვერ ამოვიღია.

ნოშრევანის გამხდარმა და სევდიანმა სახემ, გაბზარულმა ხმამ, მოხრილმა მხრებმა დამთრგუნა და გული დამიძძიმა.

...ღარეჯანმა და ნოშრევანმა სუფრა გააწყვეს, მერე ღარეჯანი მეორე ოთახში გავიდა და ჩვენ სუფრას შემოვუხსხედით.

ისე წავიხემსეთ, არაფერი გვითქვამს.

— ვითომ ისევ შევიყარენით? — გაბზარული ხმით თქვა ნოშრევანმა, — ჭიქებში ღვინო დაასხა, მერე თავისი ჭიქა მალა ასწია, თვალები ოდნავ მოჭუტა და ჭიქას გახედა, — რაკი შევიყარენით, ჩვენი შეხვედრისა იყოს! — მარცხენა ხელისგული წვერზე ჩამოისვა, ჭერ როსტომს მიუჩახუნა ჭიქა, მერე მე და შესვა.

— შენი ღვინოა, როსტომ?

— ჩემია! — თქვა როსტომმა და შესვა.

— იურისტი ვის ელოდება? — ჩემზე თქვა ნოშრევანმა და შემომაჩერდა.

მეც ნოშრევანივით მალა ავწიე ჭიქა, თვალები ოდნავ მოვხუტე, გავხედე ჭიქას, — ვთქვი, ჩვენი შეხვედრისა იყოს-მეთქი და შევსვი.

— ახლა ასეთ ღვინოს ქალაქში ვერ იშოვი, — თქვა ნოშრევანმა, ბოთლს დაავლო ხელი და ჭიქები ისევ შეავსო.

...სამი მეგობარი ვუსხედვართ სუფრას, ერთი ხნისანი, თანშეზრდილნი და ვითომ ძველებურად დაბადების ღღეს ვიხდიდეთ. როს-

ტომ ჯორჯაძის წყალობით არც ისე ღარიბული სუფრაა. ჩუმაღ ვზივართ, უხალისოდ ვილუკმებით და საუბარი ვერ აგვიწყვია.

— ჩვენ შორის, — ვამბობ გულში, — ყველაზე ბედნიერი როსტომ ჯორჯაძეა. მე ასე ვიწინასწარმეტყველე და გამიმართლდა: ანის თავისთვის სოფლად, მაგრად დგას მიწაზე, ცხოვრობს ლალად, უყვარს შრომა, არავის ექიშება და არავისი და არაფრისა არ ეშინია. შემდეგ მე: წარჩინებით დავამთავრე უმაღლესი სასწავლებელი, გავიწაფე და დავხელოვნდი ხარკოვსა და პეტროგრადში, დღეს-ხვალ ჩავდგები სამსახურში, გავხდები „სასამართლოს მოხელე“, (ეს ნოშრევან ბეთანელის საყვარელი გამოთქმაა), მექნება კარგი ხელფასი, სხვა შემოსავალიც მექნება მე, როგორც იურისტს (ამაში დარწმუნებულია ნოშრევან ბეთანელი), ვიტრიალებ მაღალი საზოგადოების წრეში და მეტს არაფერს მოვიტხოვ მე. ახლა ნოშრევანი? ნოშრევანსაც გაუმართლდა ჩემი ნაწინასწარმეტყველევი: სცენაზე პირველი გამოჩენისთანავე შეიყვარა მყურებელმა. ნათქვამი მაქვს, პრესაც დიდად შეაქებს ნოშრევან ბეთანელს-მეთქი და აკი კიდევაც შეაქო: „ნოშრევან ბეთანელი პირველ სკრიპკაზე უკრავს“, „ნოშრევან ბეთანელი უჩვეულო მოვლენაა ქართული თეატრისა, — დიდი ტალანტი!“ „გვხიბლავს და გვატყვევებს ნოშრევან ბეთანელის ქეშმარიტად ქართული მეტყველება!“ და ეს უჩვეულო ნიჭი და ტალანტი იძულებული შეიქნა თეატრის კარი გამოეხურა და ეტლზე დამჯდარიყო. რატომ? იმიტომ რომ ნოშრევან ბეთანელის ნიჭსა და ტალანტს სხვა განაგებს, ისეთი კაცი განაგებს, რომელსაც არც ნიჭი გააჩნია და არც ტალანტი“...

— ვითომ უბრალოდ მომინახულეთ? — ფიქრიდან გამომარკვია ნოშრევანის ხმამ. ხმაში შევატყვე, ჩინებულად იცის რისთვისაც ვართ მოსული.

— ანა და ბავშვები როგორ არიან! — ვითომ სიტყვა ბანზე ავუბდე მე.

— განა ვიცი? — თავი დახარა ნოშრევანმა.

— ქალბატონი, ნატო და ბატონი ნიკო?!

— მითელიან, კარგად ვართო. კარგა ხანია არ ვყოფილვარ სოფელში.

პაუზა.

მე კარგადაც ვიცი როგორ არიან ნოშრევანის დედ-მამა და ცოლ-შვილი, მაგრამ ნოშრევანთან ვერ გავამხელ. როსტომს კი წვრილად ვუამბე ყოველივე, მაგრამ როსტომი არაფერს იტყვის, იტყვის კი არა, სახეზე ეტყობა, ნანობს, ნოშრევანთან რომ წამომყვა.

— ცალ-ცალკე ჩვენ თითო ვართ და ამითა ვართ თანაბარნი, — დინჯად დაიწყა ნოშრევანმა, — ჯუანშერი — ერთია, — თქვა და მე



შემომსენდა, როსტომი — ერთი, — ახლა როსტომს გაუსწორა თვალი, ნოშრევანიც — ერთი. — წვერებზე ჩამოსვა მარცხენა ხელი, მარჯვენათი ჭიქა აიღო, ღვინო ოდნავ მოსვა და ჩაახველა. — ეს რაოდენობრივად! ღირსების მიხედვით კი, — ხმას აუწია და დამარცვლა — ს'ხვადასხვა გვარნი! დიახ, სხვადასხვა გვარნი! როსტომი სხვაა, — ისევე შეხედა როსტომს, ჭუნაშერი სხვა, — ახლა მე გამისწორა თვალი, ნოშრევანიც სხვა! — კვლავ ჩამოსვა წვერებზე მარცხენა ხელისგული, მარჯვენათი ჭიქა ასწია და ღვინო ოდნავ მოსვა. — ეს ბუნებრივია, ეს ასე არის და არ უნდა გაეიკვიროთ...

პაუზა.

— ჯერ კიდევ, შენს საყვარელ არისტოტელეს აქვს ნაბრძანები, ჩემო ჭუნაშერ, რომ ბუნებას არ დაუდგენია დედამიწაზე საყოველთაო თანასწორობა. ჰოდა, — სიმტიცე შეემატა ხმაში, — რაც ბუნებას არ დაუდგენია, იმას ჩვენც ნუ მოვიდომებთ! ამიტომაც ვარ მე მეეტლე, როსტომი აგრონომი, ჭუნაშერი იურისტი! ჩვენ სხვადასხვაგვარნი ვართ და ასე დავრჩებით...

ადამიანთა ასეთი სხვადასხვაგვარობა გიმნაზიაშივე ჰქონდა აჩემებული ნოშრევანს. ეტყობა, მერე უფრო ღრმად დარწმუნებულია ამაში და ახლა ტრაქტატივით წაგვიკითხა როსტომსა და მე.

მე უხერხულად ვიგრძენი თავი. როსტომიც გაბრუებული ზის. ნოშრევანი მიგვიჩხვდა.

— განათლებული სტუმრები მეწვიეთ და მეც ჩემი ცოდნა მიწადა გამოვაჩინო, — აშკარად დაცინვით თქვა, — ჯერ ცოტა შევსვათ და საუბარს მერეც მოვესწრებით.

ჭიქები შეავსო. ჩვენთვის არ დაუცდია, ჭიქას წაავლო ხელი და ბოლომდე შესვა.

— არა, ახლა ასეთ ღვინოს წაშლადაც ვერ იმოვი ქალაქში! გადავწყვიტე ვუთხრა:

„ისე გვესაუბრები, ნოშრევან, თითქოს როსტომი და მე სტუდენტები ვიყავით, შენ — კი, ლექტორი! რატომ გგონია ასე? დაგვცინი?“

1 ნამდვილად კი ვეუბნები:

— ჩვენ სხვადასხვაგვარნი ვართ? საიდან მოიტანე?

— კი არ მოვიტანე, ნამდვილად ასეა! — ხელისგულები მკერდზე დაიწყო, — მე მეეტლე ვარ, ნამდვილია! როსტომი აგრონომი, ესეც ნამდვილია! შენ იურისტი ბრძანდები და ცალ-ცალკე ვაკეთებთ იმას, რისი მაქნისიცა ვართ და რაც შეგვიძლია.

თამაშობს.

ახლა კი გადავწყვიტე, ავდგები და ვეტყვი:

„ჩვენ თეატრში არ მოვსულვართ, ნოშრევან! მოვედით ჩვენს მეგობართან და გვინდა გულახდილად ვისაუბროთ. შენ ახლა გიკირს, ჩვენ ეს გაგვიგეთ, გვინდა შეგეშველოთ და ხელი გაგიმართოთ, შენ კი იქედნურად გველაპარაკები და ჰკუთს გვასწავლი! ლამაზია ეს? მოსაწონია?“

ნამდვილად კი ვეკითხები:

— მერედა, მეეტლეობის მეტი არაფერი შეუძლია ნოშრევან ბეთანელს?

ეცტობა ამას ელრდა და იფეთქა.

— როგორ? მეეტლეობა წაძრახისია? განათლებული ადამიანი ბრძანდებით და გეცოდინებთ, საფრანგეთის პრემიერმინისტრი თანამდებობიდან რომ გადადგება, არ თაკილობს ნელსაცხებლის დუქნის გახსნას! გაგიგიათ? იცით, ხომ? აქაოდა, ნოშრევან ბეთანელს თბილისის გიმნაზია დაუმთავრებია, ოდესის უნივერსიტეტში ლექციები მოუსმენია, ორიოდე როლი უთამაშია სცენაზე და მეეტლეობა არ ეკადრება? აუუ; რამხელაზე შესტოპე ჯუანშერ? ვინ მოგახსენათ, რომ მეეტლე აუცილებლად უფიცი და ხეპრე უნდა იყვეს?

აღელდა. მაგრა შემომიტია ნოშრევანმა და ვერაფერი ვუპასუხე.

როსტომი გამაგიჟებს! ამ ერთადერთი ფანჯრიდან ვითომ ეზოში იყურება და ჩვენს საუბარში არა და არ ერევა.

სულისშემალონებელი სიჩუმე ჩამოდგა.

ისე კი ამ ოთახს სიჩუმე უფრო შვენის. ვლუმვართ და ყველაფერი თავის ადგილზეა: დაბალი ხის ტახტი სწორედ იქა დგას, სადაც უნდა იდგეს, ეს ერთადერთი ფანჯარაც თავის ადგილზეა გამოჭრილი და ეს ნაცრისფერი სინათლეც ამკობს ოთახს... ავლაპარაკდებით და ყველაფერი იცვლება: ნაცრისფერი სინათლე აიჭრება, უშნოდ გამოისახება ხის დაბალი ტახტი, ეს ერთადერთი ფანჯარა მოიქუფრება და ჩამუქდება. ხმაურს ვერ იტანს ეს ერთფანჯრიანი ოთახი და უთუოდ მეტომაც ვერ ავაწყვეთ საუბარი:

სახზე დავაკვირდი ნოშრევანს და წაუვიკითხე:

„თქვენ ჩემი დედამის და ანას მოგზავნილები ხართ და საქმეს შორიდან უვლით. რატომ?“

ნოშრევანმა კიქები შეავსო.

— ჩვენი თავშეყრისა ხომ შევსვით? შევსვით. ჰოო, ვითომ ისე მომინახულეთ? არა, ისე რატომ? ჯუანშერი პეტროგრადიდან ჩამობრძანდა, ეს გაიგო მისმა მეგობარმა როსტომმა და საბუედან თბილისში ჩამოვიდა ჯუანშერის სანახავად. დასხედით. გააბით საუბარი და გაგახსენდათ თქვენი მესამე მეგობარი. კი, გაგახსენდათ

და უცებ გადაწყვიტეთ მოგენახლებიათ ნოშრევან ბეთანელი. გა-  
იკითხ-გამოიკითხეთ, მომაგენით, მობრძანდით და გამაბედნიერეთ.  
მადლობა ხომ მოგახსენეთ? კიდევ მომიხსენებია მადლობა: ღმერთ-  
მა გაგახარო!

ცხენმა დაიჭიხინა. ნოშრევანი ადგა, გაიღიმა და კიქა აიღო  
ხელში.

— იცით, როგორი მოსიყვარულენი არიან ცხენები? — აღტაცე-  
ბით თქვა და როსტომსა და მე შემოგვაჩერდა.

ჩვენ ღუმლით ვუპასუხეთ.

— არ იცით! მე ძალიან ვუყვარვარ ყორანასა და გიშერას. მეც  
მიყვარს. ახლა იმიტომ დაიჭიხინეს, რომ მონატრათ ჩემი თავი.  
ეზოში გავდგამ ფეხს და უმაღვე იგრძნობენ, ჩემსკენ გამოიხედა-  
ვენ, ადგებიან და დაიჭიხინებენ, ჩვენთან მოდიო, მეუბნებიან. მი-  
ვუახლოვდები და კისრებს წაიგრძელებენ, უფრო აქლოს მოდიო, —  
მივალ, მათ შუა ჩავდგები, ორივეს შუბლზე მოვუსვამ ხელისგუ-  
ლებს და ყორანა გიშერა კისრებით მხრებზე რზილად მეხახუნებიან,  
ფრუტუნებენ. და შეფერებთან, მერე კისრებს დაზლა დაწევენ, მე  
კისრებზე გადავაქდობ ხელებს და ვართ ასე კარგა ხანს. კვლავ  
დაიჭიხინებენ და კისრებს მალა აღეგრებენ, გვეყო მოფერებო...  
მაპატიეთ და ყორანასა და გიშერას სადღეგრძელო შევსვათ!

ჩვენთვის არ დაუცდია, კიქა ბოლომდე გამოცალა.

„ქეშმარიტი მსახიობია. რომ თქვა. — ეზოში გავდგამ ფეხს და  
ცხენები უმაღვე იგრძნობენო, — მე თვალწინ წარმომესახა კარი-  
დან ფეხგადგმული ნოშრევანი, ეზოს ყურეში წამოწოლილი ყორა-  
ნა და გიშერა, ვხედავ, ცხენებმა თვალი მოკრეს ნოშრევანს, წა-  
მოდდგნენ და დაიჭიხინეს... მათი ჭიხინიცი შემომესმა! ცხენების-  
კენ მიაბიჯებს ნოშრევანი, ცხენები აკანტურებენ კისრებს, წინა  
ფეხებს აბაკუნებენ და უხარიათ პატრონის მოახლოება.

— ჯერ მათრახი არ დამირტყამს მე ყორანასა და გიშერასათვის!  
ჰოო, აღმართებს რომ ავლივართ, არც მაშინა! — ალაღად თქვა  
ნოშრევანმა.

ისევე შემოგვხედა როსტომსა და მე.

— თქვენ რომ იცოდეთ, როგორი ცხენებია ყორანა და გიშე-  
რა, ადღეგრძელებდით!

როსტომმა და მე კიქები დავცალეთ.

— მადლობა მომიხსენებია, მეგობრებო! — ეტყობა დაავიწყდა  
ყორანასა და გიშერას სადღეგრძელო შესმული რომ ჰქონდა და ხე-  
ლახლა შესვა.

„წასვლა ჯობია, — ისე ააწყო საუბარი ნოშრევანმა, დღეს არა-

ფერი გამოვა. ხვალისათვის სახლში მოვიწვევ, საგინაშვილები თბილისში არიან და იმათაც მოუხმობ, ეგებ რამეს გავხდეთ“...

— მაშ მომინახულეთ! იმას კი არ მეუბნებით, რისთვისაც მოხვედით. გუუხერხულებათ? გერიდებათ? — ფანჯარასთან მივილა და ეზოში გაიხედა, კარგა ხანს იყურა ეზოში, მერე უცებ შემოტრიალდა ჩვესკენ, — მე ვიცი რისთვისაც მოხვედით!

ჩაახველა.

— ჩემმა შშობლებმა და ანამ დაარწმუნეს ჯუანშერი და როსტომი, ნოშრევანი იღუპება, ეგებ შეეშველოთ და გადაარჩინოთ. პაუზა.

— მაძაჩემი გეტყოდათ: ძალიან გვიან გავიგე ჩემს თავზე დატრიალებული უბედურება. ჰოოდა, ერთი წელია ეტლზე ზის ნოშრევანი, მე — კი მხოლოდ ორი თვის წინათ გავიგე. — დამპირდა ეტლსა და ცხენებს გაჰყიდა და სხვა საქმეს მოეკიდებოდა, ანდა სოფელში ჩამოვიდოდა საცხოვრებლად. ვერწმუნე, მან კი სიტყვა არ შემისრულა. მომეშველენით... ნამდვილად ამას გეტყოდათ მაძაჩემი.

— დედაჩემი, გეტყოდათ: — მე გამისწორა თვალი, ნოშრევანმა, მაგრძნობინა, როსტომი თუ არა, “შენ მაინც იქნებოდი არადეთშიო, — ჰოო, დედაჩემი გეტყოდათ... რაო, რა დაგაბარა დედაჩემმა?

მე მკითხა ნოშრევანმა.

ღუმელი.

— დედის გული ელოდება და მალე ჩამოვიდესო, — კი ასე გეტყოდათ დედაჩემი.

ნოშრევანს თვალეზე ცრემლი მოადგა და სახე აგვარიდა.

როსტომი ადგა და ხელით მანიშნა, წავიდეთო, მეც ხელით ვანიშნე დამჯდარიყო.

ნოშრევანმა თავი დაბლა დახარა და ჩურჩულით განაგრძო, თითქოს მარტო თავისთავს ელაპარაკებო.

— ანა გეტყოდათ: ცალკე ოჯახს ვარცხვენ, ცალკე ამხანაგებს და მეგობრებს. ვნადგურდები... გიორგიმ არაფერი დაგაბარა, ჯუანშერი?

ცრემლიანი თვალებით ამომხედა ნოშრევანმა, მერე ისევ დახარა თავი.

— ჩავალ არადეთში და მომეკვრება გიორგი. ხან მარჯვენა მუხლზე დამიჯდება, ხან მარცხენაზე, ხან ზურგზე შემალოდდება, მერე კისერზე ჩამომეკიდება, აღრუტუნდება და იქნება ერთ ამბავში პატარა ნიკომ რაო, მამიკო ჩამომიყვანეთო? — ენამოჩლექით თქვა.

როსტომმა ხელი აიფარა თვალებზე.

— ჰოდა, — უცებ ხმა დაიბოხა ნოშრევანმა, — თქვენ შეასრულეთ ჩემიანების თხოვნა, მოდით ჩემთან და გინდოდით დაგერწმუნებინეთ, რომ მე უსწორო გზას ვადგევარ; ცხოვრების ფსკერზე დავეშვი, ვარცხვენ ოჯახს, ამხანაგებს და მეგობრებს, ვნადგურდები და თუ ასე გავაგრძელებ, მალე გამოვესალმები წუთისოფელს, მაგრამ ეს ვერ მითხარით და თქვენი სათქმელი ვთქვი მე. — ეგებ ახლა მაინც დარწმუნდეს ჯუანშერ გარსევანიშვილი, რომ სხვისი ფიქრის ამოკითხვა ნოშრევან ბეთანელსაც შესძლებია. ხომ ეკუნდა გვთქვათ, რაც მე თქვენს მაგივრად ვთქვი? ხომ ამის სათქმელად მოვიდა ჩემთან ჯუანშერ გარსევანიშვილი? მარტო ჯუანშერი რატომ? როსტომ ჯორჯაძეც ამის სათქმელად მობრძანდა შეეტლენოშრევან ბეთანელთან... თქვენი სათქმელი კი, მე დავისაკუთრე და მე ვთქვი! ასეა ხომ? რამეს დაუმატებთ? დუმხართ? მაშ, ახლა მე მოგახსენებთ: დიდი მადლობა მომისხენებია ეგეთი ზრუნვისათვის, მაგრამ მე ეტლს ვერ შეველევი! რატომ? იმიტომ რომ მე ჩემი ცხენები მიყვარს და ცხენებსაც ვუყვარვარ მე! — ჯერ როსტომს გაუსწორა თვალი, მერე მე, — თქვენ ამას ვერ გაიგებთ და იმიტომაც გელიმებათ გულში... ჰოო, არ მესირცხვილება შეეტლეობა! ვინ თქვა ესირცხვილებათ? ახლავე შევაბამ ყორანსა და გიშერას ეტლში, თბილისის ქუჩებს შემოგატარებთ, ორთაქალაშბ გაჯაქროლებთ, მერე ერთ ოჯახში მიგიყვანთ, კარგად გაგვიმასპინძლებიან, მოვილხინოთ!

მოვილხინოთ! — შვებით ამოთქვა როსტომმა.

„გარდასახვის დიდი ნიჭი აქვს. დაგვარწმუნა, თითქოს თეატრი შეიძულა და შეეტლეობა ეხალისება. ჰოო, კმაყოფილი და მოლბენილია ნოშრევან ბეთანელი; შავფ ეტლი, შავი ცხენები, შავწვეროსანი ნოშრევან ბეთანელი ღიმილიანი დააქროლებს ეტლს თბილისის ქუჩებში! უყვარს ყორანა და გიშერა! — ვერა, ვერ მიატოვებს ყორანასა და გიშერას! დედ-მამა, მეშულლე და ბავშვები კი მიუტოვებია... ისინი არადეთში ცხოვრობენ, ეს კი — თბილისში და გული სევდით აქვს სავსე და თავი მხიარულად მოგვაჩვენა. ვერა, როსტომი და მე ვერაფერს გავხდებით ნოშრევანთან, ვერც ჩემი დედ-მამა, ვერც საგინაშვილები... მორჩენილია ნოშრევან ბეთანელის... საქმე“.

ნოშრევანმა გაუღიმა როსტომს და მწრებზე დაჰკრა ხელი.

— მაშ წავიდეთ და მოვილხინოთ

— მოვილხინოთ! — ისევ შვებით ამოთქვა როსტომმა.

— თქვენ გაისეირნეთ და მოილხინეთ, მე აგერ, მეზობელ ქუ-

ჩაზე მეგობარი უნდა მოვინახულო, — ვიცრუე მე და ნოშრევანს და როსტომს არც დაემშვიდობებივარ ისე გამოვედი ოთახიდან.

ოთახიდან გამოვედი და თან გამომყვა ოთახის ნაცრისფერი სინათლე. მოვდივარ და ვითომ ჩიფჩიფა დარეჯანი ყურში მიჩურჩულებს — უშველეთ ნოშრევანს, ცოდოა ნოშრევანი, შფოთიანად სძინავს... მერე ამ ნაცრისფერ სინათლეში ვითომ ქალბატონი ნატო დამემგზავრა. ჩემს გვერდით მოაბიჯებს გამწარებული დედა, მე ვერაფერს შეუბნება და ქვითინებს...

თვალებს ფართოდ ვახელ და მაინც ნაცრისფერი სინათლეა ჩემს გარშემო, ქვაფენილი და სახლებიც ნაცრისფერია; გავხედე — ნარიყალა და მამადავითიც ნაცრისფერ ბურუსში გახვეულა, გულში დამიმძიმდა და დაღმართზეც ძლივს მივაბიჯებ.

ის დამე უძილოდ გავათენე.

მეორე დღეს დილაადრიან გავემგზავრე არადეთში.

## თ ა ვ ი მ ე ა თ ე

მარტის ცივი, სუსხიანი დამე.

ქართული კლუბის სადარბაზოს შესასვლელის წინ, ქუჩის მეორე მხარეს ორი ეტლი დგას. ერთი იაგორას ეტლია, „მარტისტის“ პირველი მეგობრისა, „უფლისწულისა“ (დმერთმაც არ იცის რატომ შეარქვეს მეეტლეებმა იაგორას უფლისწული) მეორე ახალგაზრდა მეეტლის, ტუგრიასი.

მაყალი გაუჩაღებიათ.

იაგორა მაყალზე ითბობს ხელებს და ცას შესცქერის.

— თითქოს ვარსკვლავებსაც სცივათ!

ტუგრია ცას ახედავს.

— ჰოო, როგორღაც ცივად ანათებენ.

— ტუგრი, თვითონ ნახე? ბევრია ხალხი?

— ბევრი!

— ანათებენ ოჯახქორები?

— ხვალ კვირაა, ბატონო იაგორა.

— მერე რა, რომ ხვალ კვირაა? — გაჯავრებით ამბობს იაგორა, — შაბათ დამეს უნდა გამოსკდნენ?

— უმიზეზოდ ჯავრობთ, უფლისწულო, ამ კლუბზე უნდა' ლოცულობდე, შენს ეტლში გამომთვრალი და თვალები განდაგანას რომ უთამაშებს ისეთი კაცი თუ ჩაჯდება, თორემა...

— თორემა შენი ეტლი ჯობია, აი! — გაბრახდა უფლისწული.

— ჯობიაო? ჯობია რომელია, ვერაზე რომ ჩავაქროლებ, ზუბალოვის კნენია აივანზე გამოფრინდება და თვალებით მანიშნებს, ტუგრი, შენ გენაცვალოს თბილისელი მეეტლეებით.

— იფ, იფ!;— გაიცინა იაგორამ.

— აი, რომ მანიშნებს და მანიშნებს...

— ჰო, ჰო, როგორ აფრენ! ზუბალოვის კნენიას მოსწონხარ, აი! იმიტომაც დაბრძანდება ზუბალოვის ქალბატონი შენი ეტლითა! ზუბალოვის კნენია შენს ხარახურა ეტლში ნაგავსაც არ ჩაპყრის, ბიჭო!.. მაყალს შეუბერე, იმ კნენიას თვალებს გაფიცებ, თორემა გავიყინე კაკალი კაცი...

— მერე და იცი, უფლისწულო, როგორი თვალები აქვს ზუბალოვის კნენიას? — ახლოს მიჩოჩდა იაგორასთან ტუგრია, — იცი იმისი თვალები რასა მღერიან?

— თვალები მღერიანო? — აქირქილდა იაგორა, — გრამაფონი ხომ არ უდგას თვალებში შენს კნენიას, ბიჭო!

— შებერებული ხარ, უფლისწულო, მიტომაც ვიკვირს, შენ ვერ გაიგებ ლამაზი ქალის თვალების სიმღერას, აი მე კი მესმის და მესმის.

ბიჭო, წყალში გამოყვანე,  
წითელ-ქუდა ცხენიანო,  
მე ამის მეტს ვერას გეტყვი —  
ქალი ვარ და მრცხენიანო!

— ჰოდა, შენც მიუბანე და მიუბანე, ტუგრი! ოღონდ მაყალი გააჩაღე, ბიჭო!

ტუგრიამ მაყალს შეუბერა და შეუბერა.

კლუბის სადარბაზოსთან ეტლი გაჩერდა. იაგორამ გახედა და იცნო.

— არტისტი მობრძანდა! — თქვა იაგორამ და ხელები მაყალზე შეითბო.

— კარგია, ღმერთს სამება უყვარს და ჩვენც გავსამდით. — ტუგრიამ მაყალთან ადგილი დაუთმო ნოშრევანს.

— არისტოკრატიას ჩვენი უმდაბლესი სალამი, — წამოდგა იაგორა და ნოშრევანს მიესალმა:

— ადრე მობრძანებულა თქვენი ბრწყინვალეობა, მსუბუქად ხართ? — იკითხა ნოშრევანმა და ხელისგულები მაყალს მიუშვირა.

— როგორც თქვენი თეატრი, არტისტო! — ვითომ იხუმრა იაგორამ.

— ცდებით, უფლისწულო, ჩვენი თეატრი სავსე იყო ხალხით.

— მუქთი ფლავის საკმელად, მკვდარიც ადგებაო. — უკან არ დაიხია იაგორამ.

კლუბის სადარბაზო შესასვლელთან ქალ-ვაჟი გამოჩნდება. შედგებიან. ტუგრია მიუახლოვდება მათ. ქალიშვილს შეაქებრდება, თითქოს იცნოდ და გაუღიმებს, — ეტლს ხომ არ ინებებდით? — მორიდებით ჰკითხავს. ქალ-ვაჟი ზურგს შეაქცევინ ტუგრიას და კლუბში შებრუნდებიან.

— ეეჰ, ვერ მიცნო, აჟი ჩვენი უბნელა! ლამაზი ქალები ეტლში მისხდებიან, გულში კი არა! რა იციან, როგორი სიყვარული შეუძლია ამ გულს!

— ლამაზი ქალები რომ ჩასხდებიან ეტლში, — ტუგრიას აჰყვავთ ფლისწული, — თითქოს ცხენებიც გრძნობენო, ქარივით მიაქროლებენ ეტლს! —

— არ მეგონა, თუ შენი ცხენებიც ეგეთები იყვნენ! — თქვა ტუგრიამ და იავორას მხრებზე ხელისგული მოუთათუნა.

კლუბიდან მუსიკის ხმა გამოიჭრა.

— გამოფრეული იქეჟი კლუბში! არ გერჩივნა? — ნოშრეევანს შეხედა იავორამ.

— არა! — გადაქრით თქვა ნოშრეევანმა.

— ავანგებებ! — ტუგრია ჩაერია საუბარში, — სცენაზე გაივლამოივლიდი და ორიოდ სიტყვას იტყვოდი, ჯამაგირს გაძლევენ... ბერე კლუბი, ვახშამი, ქალები!

— არ მერჩივნაო, ამბობ! — ისევ შეხედა ნოშრეევანს იავორამ, — იმათ მუცელში ქორწილია, შენს მუცელში ნიშნობაც არ არის, არ გერჩივნა?

— შემძულდა, იავორა, თეატრი!..

— შეგძულდა? — გაიკვირვა ტუგრიამ, — თეატრი ქალი ხომ არ არის, შეიძლო?

— ეეჰ, როგორ აგიხსნათ თქვენ...!

— ახსნა რად მინდა?, — იუკადრისა იავორამ, — შე განა არ ვყოფილვარ თეატრში? ვყოფილვარ! შენც მინახინარ და ვიცი, ცრუ საქმეა თქვენი თეატრი!

— სიცრუეს ათამაშებენ და იმიტომ...!

— შენც აიღე და ნუ ითამაშებ სიცრუეს! — რატომღაც გაცხარდა იავორა.

— მერე ვინ მომცა ამის ნება?

— ნება ვინ მომცაო? ნება ჩემი არ არის? იმე არა ვარ? არ მინდა და არ ვითამაშებ! აი თბილისის ყველა ეტლი რომ მაჩუქონ, კაცისმკვლელის, მოღალატისა და ჯიბგირის როლს არ ვითამაშებ!

— რატომ, იავორა? — სერიოზულად ჰკითხა ნოშრეევანმა.

— იმიტომა რომა, — დამარცვლა იავორამ, — ქურდსა და კაცისმკვლელს რომ ითამაშებ, გაიწაფები და მერე შეიძლება ნამდვილადაც მოგიჩინოს... ანა და, თუ არ იცი ხელი როგორ ჩააპარო



სხვის ჯიბეში... არა, ცუდი ხელობა! ცრუ საქმეა თქვენი თეატრი!

— ეტლი! მოისმა კლუბის სადარბაზო კარებიდან.

— ტუგრო, შენი ჯერი; წაიყვანე. — ჯერი კი იაგორასი იყო. მაგრამ რატომღაც ტუგრიას დაუთმო.

— აქა ვარ, ჭირიმე! — გამოეჭიმა ტუგრია.

— ჭირი იქით იყოს, ცხენები კარგი გიბია?

— რაშები! აღმართსაც აირბენენ, დაღმართსაც ჩაირბენენ, სწორზე გაფრინდებიან, ვნებათ, ტრაპიზონში ჩაიყვანთ.

— შენც ხომ არტისტი არა ხარ, მონოლოგებს რომ კითხულობ!

— წავიდეთ!

ნოშრეევანმა და იაგორამაც, გაიგონეს დამქირავებლისა და ტუგრიას შებაასება, იაგორამ უხერხულობა იგრძნო და თვალი აარიდა ნოშრეევანს. ნოშრეევანს გული ჩაწყდა, გაიფიქრა, ახლოს შეეთვალე რებიანა ეტლის დამქირავებელი, მაგრამ თავი შეიკავა, თავის ტლისკენ გააბიჯა მორიდებული ნაბიჯით და მალე მიუბრუნდა მკაულს.

ნოშრეევანმა არყის ბოთლი გაუწოდა იაგორას. !

— ჭიქები შენ გაქვს, მოიტა!

იაგორამ ჭიქები მოიტანა. მოზრდილი ჭიქები იყო. დაისხეს არაყი და გადაჰკრეს.

— კიდევ დაასხი

იაგორამ დაასხა და კიდევ გადაჰკრეს.

— ცეცხლია! — თქვა იაგორამ და ზედიზედ დაახველა. ხმა ჩაეხრინწა იაგორას.

ნოშრეევანი მაყალს მიეფიცხა და დაბალ ხმაზე ამღერდა.

„დამისხი, დამალევინე, ეგ ღვინო ოხერ-ტიალი,

ეგების წალმა ვიფიქრო ქვეყნის უკულმა ტრალი“.

— ეეჰ, არ გამიმართლდა ჩემო იაგორა, არ გამიმართლდა... მე გავლოთდი, ქვეყანა — კი, ისევე უკულმა ტრიალებს... ტრიალებს და ჩვენც ჭიალუასავით დავლოდათ ამ უკულმართ გზაზე... ცეცხლი კი გამიჩნდა გულში! მწვავეს მანადგურებს!

კლუბის სადარბაზოდან ქალი და კაცი გამოვიდა. ქალმა ნოშრეევანის ხმა შეიცნო. კავალერს მკლავზე წაავლო ხელი და ადგილზე გაშეშდა.

— დააყურადე! — ჩუმად ეუბნება ქალი კაცს.

— რა იყო?

— სუუ, გესმის?

— ჰო, მესმის, მეეტლეები ლაზლანდარობენ..

— ის არის!

— ვინ?

— არტისტი! ნოშრეევან ბეთანელის წავიდეთ!

— ნოშრევან, წაიყვანე! ვერა ხედავ, გელოდებიან! — თქვა იაგორამ და ხრინწიანად დაახველა.

ნოშრევანი გამოერკვა, ადგა და ეტლისკენ გააბიჯა.

— ბატონებო, ეტლს არ ინებებთ? — უხალისოდ ჰკითხა.

— ო, არა, არა. ჩვენ აგერ ვცხოვრობთ! — დაბნეულად უპასუხა ქალმა.

ქალი და კაცი ჩქარი ნაბიჯებით წავიდნენ. ნოშრევანმა მზერა გააყოლა, მცირე ხანს გარინდული იღმა, მერე უცებ შეტრკდა და იაგორასთან მოიჭრა.

— ჰკუიდან შევიშლები, იაგორ! ერთი გახედე, ის ქალი ჩვენსკენ მოდის?

იაგორა გვერდით ამოუდგა ნოშრევანს და შუბლზე ხელი მოიჩრდილა.

— მერე რატომ უნდა შეიშალო ჰკუიდან? მშვიდად ამბობს იაგორა.

— დააკვირდი! ჩვენსკენ მოდის, ხომ?

— განა ვერა ხედავ, ჩვენსკენ რომ მოდის? რატომ ცახცახებ?

— კი, ნამდვილად ის არის! მე მივდივარ იაგორა, ეტლს შენ გიტოვებ!

— ორი ეტლი მე რაღად მინდა! აღარ იტყვი, რა მოგივიდა?

— მერე გეტყვი! — ჩემზე თუ გკითხოს იმ ქალმა, არაფერი უთხრა! არც კი იცი ვინ ვარ მე! — ნაწყვეტ-ნაწყვეტად, ცახცახით წარმოთქვა ნოშრევანმა და სიბნელეში მიიშალა.

და ანას ხმამ დაუძახა — ნოშრევან!

ყურებმა კი არ მოისმინეს ეს ხმა, გულმა გაიგონა! და ამ ხმამ ადგილზე გააქევა ნოშრევანი... მერე ანასკენ გადმოადგმევინა ნაბიჯები.

— ნოშრევან! — ისევ გაიგონა გულმა ანას ხმა და ნოშრევანს თვალები აუცრემლდა.

ანა მკერდზე მიეკრა ნოშრევანს და აქვითინდა.

— ვინ გაგაგებინა? ვინ მოგასწავლა?

— ყველაფერი ვიცი!

— განა ყველაფერი?

— საღამოს — თეატრში, დამით ეტლზე, დღისით — სარდაფში... ყველაფერი ვიცი!

— რომელმა ოხერტიალმა არ დამინდო!.. სხვა გზა ვერ ვიპოვე, ანა!

— პატარა ნიკომ დამაბარა, — ოღნავ დამშვიდდა ანა..:

— რაო, რა დაგაბარა პატარა ნიკომ? — შეაწყვეტინა ნოშრევანმა.

— მამა ჩამომიყვანე, მხრებზე უნდა შევაჯდე და გავაქენ-გამოვაქენო.

— უყურე იმ ყაჩაღანასა? — ვითომ ნოშრევანიც დამშვიდდა ოღნავ, — მამას ზურგზე უნდა შევაჯდე და გავაქენო! უყურე ერთი!

— წადი შეილო, — (ნოშრევანსა და ანას მიუახლოვდა გიორგი), — შეილთან წადი, მე სხვა რამეში არ გამოვდეგებო, თორემა მეეტლეობა... აბორგებული ხარ, გული დაიმშვიდე... შეილები გელოდებიან, მამა გელოდება, დედა გელოდება, წადი, გაიხარე! მეეტლეებად ჩვენც ვეყოფით ამ ხალხსა.

— მაშ, მხრებზე უნდა შევაჯდე და გავაქენ-გამოვაქენო, — ასე თქვა პატარა ნიკომა?... უყურე ერთი, იმ ყაჩაღანასა! — ნოშრევანმა მხრებზე შემოხვია ხელი ანას;

— მშვიდობით უფლისწულო! ჩვენ წავედით!

— კეთილად გველოთ ქვეყანაზედა, წადით, გაიხარენით!

ნოშრევანმა კოფოზე გვერდით მოისვა ანა და ყორანასა და გიშერას. პირველად დაჰკრა მათრახი...

## თ ა ვ ი მ ე თ ე რ თ ი მ ე ტ ი

ანა ჩქარობდა არადეთში გაბრუნებას. შიშობდა, მეგობრებმა არ გადააფიქრებინონ ნოშრევანს სოფელში წასვლაო და წერილმანი საქმეები ხელდახელ მოაგვარებინა.

ლევან კარგარეთელმა ორჯერ ზედიზედ მოინახულა ნოშრევანი, მოძრავ თეატრს ვაარსებ და ეგებ მალე გამობრუნდეს სოფლიდანო.

— მოვიწვევთ ნიკიერ მსახიობებს, რეპერტუარსაც კარგს შევარჩევთ, სპექტაკლს შოვამზადებთ თბილისში და მერე საქართველოს დაბა-ქალაქებში გავმართავთ წარმოდგენებს. ნახავ, როგორი წარმატებაც ექნება ჩვენს თეატრს, როგორი სიყვარულით მიგვიღებს მაყურებელი! — არწმუნებდა ლევან კარგარეთელი ნოშრევანს.

ნოშრევანმა განზრახვა მოუწონა ლევან კარგარეთელს, ოღონდ მეო, ისე ვარ გამოფიტული და გუნებაწამსდარი, ამჟამად ვერაფერში გამოვადგებითო, ვნახოთ, უფრო მოგვიანებით თუ დაგვირდობ ჩემი თავი, მიმსახურეთო.

მერე საღამოობით ამხანაგებმა მოუხშირეს ნახვას, ეზოში ნახიმობენ ნოშრევანს და კარგა ხანს ბაასობენ და ანას გულში შიშმა იმატა.

„ო, ჩველა საქმე მოათავეს და შაინცდამაინც. ეტლის გაყიდვა

გაძნელდა. მყიდველებმა გაიგეს, რომ ნოშრეევანს სასწრაფოდ უნდა გავეყიდა ეტლი და ისეთი მცირე ფასი შეაძლიეს, არც კი ოქმის; ანა იმ მცირე ფასზედაც თანახმა იყო, უსასყიდლოდაც დათმობდა ეტლს, მაგრამ ნოშრეევანი გაჯიქდა: რაც ღირს, მხოლოდ იმ ფასად გავყიდი, არა და ყორანასა და გიშერას სოფელში წავიყვანო.

ბედად აღმოჩნდა ერთი ღვთისნიერი მყიდველი, ეს საქმეც მოგვარდა და ანა და ნოშრეევანი არადეთში გაემგზავრნენ.

შუადღისას უკვე გორში იყვნენ; ანას სადგურში ბარგი დაუტოვა ნოშრეევანმა, თვითონ საყიდლები მოიმიზეზა და ქალაქში წავიდა.

მხოლოდ საღმო ხანს მობრუნდა სადგურში.

ჩასხდნენ ეტლში და წვიმაც წამოვიდა, ცივი და წერილი წვიმა.

ეტლმა მხოლოდ ვახშმობისას მოაღწია არადეთს.

გიორგის და, პატარა ნიკოს ეძინათ.

ნატო და ნიკო მარანში იყვნენ.

დღეს მეორედ გადაიღო „თაკვერი“ ნიკომ და ახალ ქუჩაში დაბინავა.

„ანას შემოთელილი ჰქონდა — დღე-დღეზე გველოდეთო. ჩამოვედით და მაინც გაიკვირვეს. როგორ წამოხტა საცოდავი დედაჩემი! ხელები ლოყაზე რომ მომისვა, შეკრთა; ხელებით იგრძნო დედაჩემმა, — კი არ მომეჩვენა, ნამდვილად დალეულს ჩემი შვილიო, ვითომ არ შეიძინია, გამიღიმა, მხრებზე რბილად მომისვა ხელისგულები, ეთხელა და ეუძლურა დედაჩემის ხელისგულებს. ჩემი ბეჭები და ისევე შეკრთა დედაჩემი. გაილურსა, მერე გამოეერკვა და წამოიძახა, ბიჭებს გავადვიძებ, გაიხარებენო...“

მამაჩემმა შემომხედა და მის, გამოხედვაში აშკარად ვიგრძენი საყვედური: აქამდე რად არ ჩამოდი, გული დამელია შენს მოლოდინშიო. მერე მაინც გამიღიმა, — რადგან სანლს დაუბრუნდი, ყველაფერი მიპატიებიაო... თაკვერი გამასინჯა. მოუწონე და გაიხარა“.

მსუბუქად ივახშმეს. საუბარი არ გაუბამთ და დაწვნენ.

ანა ბავშვებთან ჩაწვა და მალე ჩაეძინა.

ნატოს და ნიკოს მშვიდად ეძინათ გვერდით ოთახში.

ნოშრეევანი: „გიორგი და პატარა ნიკო, ანა, ჩემი დედ-მამა — ხუთნი, ცალკე იყვნენ და მე ცალკე. ესენი მოუსვენრობდნენ ჩემს გამო: დედაჩემს შფოთიანად ეძინა, მამაჩემი გულს ასკდებოდა, გიორგი და პატარა ნიკო ნატობდნენ მამას და აწრიალებული იყო ანა... აჰა, ჩამოვედი და ხუთივენი დამშვიდდნენ. ხუთსავეს

მშვიდად სძინავს და ხეალ და ზეგ უფრო გაიხარებენ და გამხიარულდებიან... მე? გული დამძიმებული მაქვს და არაფერი არ მიხარია! რატომ? ისევე დამიძახა თეატრმა? არა. თეატრი მე არ დამიძახებს და თეატრისკენ არც მე მიმიწევს გული! თბილისი მისმობს? არა! მე თბილისში არაფერი და არავინ არ გამაჩნია და არც თბილისისკენ მიიწევს გული! სახლიცა მაქვს და ეზო-კარიც, ჯანიანი დედ-მამა მყავს და საყვარელი ცოლ-შვილი! გიორგი და პატარა ნიკო, ანა, ჩემი დედ-მამა ხომ დამშვიდდნენ ჩემი ჩამოსვლით? ხომ გაიხარეს? მეც უნდა დავიმშვიდო თავი და მეც უნდა გავიხარო! ანამ კი მიჩრია, გორში დაიწვე სამსახური, გორი ახლოს არის, შენც ხშირად ჩამოხვალ და მე და ბავშვებიც მალ-მალე ჩამოვაკითხავთო. არა! დაიტანჯება ანა წოწიალით. საბრალო ქალია ანა, არავინ გააჩნია ჩემს გარდა და მეც გარე-გარე ვიარო? არა! მაშ ასე, ჩემო საყვარელო ბიჭებო, ჩემო ქალბატონო ანა, ჩემო ბატონებო ნატო და ნიკო, მე სამუდამოდ ჩამოვედი, არადეთში“.

თითქოს დაიმშვიდა გული, მერე ხელახლა მიუბრუნდა ფიქრს და მხოლოდ გამთენიისას ჩაეძინა ნოშრევეან ბეთახელს.

...მთელი კვირა სახლიდან ფეხი არ გამოუდგამს ნოშრევეანს, არც მეზობლები მოსულან მის სანახავად, მეუღლესთან და დედ-მამასთან საუბარსაც არიდებდა თავს, მხოლოდ გიორგის და პატარა ნიკოს თუ გაეთამაშებოდა ხანდახან...

საყვარელი კერძები დაუმზადა დედამ ნოშრევეანს, სამნაირი ღვინო გაასინჯა, დაჩამიჩებული ყურძენი და ჩურჩხელეები მოართვა, სოფლის ახალ ამბებს მოუყვა — სამწუხაროც და სასიხარულოც, — მაინც ვერ გაახალისა ნოშრევეანი.

ანა: „მხოლოდ გუშინ გამოვიდა აივანზე. მამამისს ჰკითხა, ვაზი როდის უნდა გავსხლათო? ათი ღლის მერეო, უპასუხა ნიკომ. მე უნდა გავსხლა, არავინ შეიპიროთ. შეთანხმდნენ. მერე ეზოში ჩავიდა, გიორგი და პატარა ნიკოც ჩაჰყვნენ. ცოტა წაათამაშა ბავშვები და მე მისმო, ყური უგდებ ამათო და თვითონ ისევე სახლში შეიკეტა... ჩემს თავს არ ვჩივი, ნატო და ნიკო მებრალებენ! შვილისთვის თვალი ვერ გაუსწორებია ნიკოს: ხან რას მოიმიზეზებს და ხან რას და მთელი დღე გარე-გარე დადის, მხოლოდ შეღამებულზე შემოვა შინ... ნატო? ისეა მორიდებული, თითქოს სხვის სახლში ცხოვრობსო, — ფეხაკრებით დადის, ყველას გვასწრებს ადგომას, ძროხებს მოწველის, ბავშვებს რძეს მოუღლეებს, ყველს ამოიყვანს და მერე დილიდანვე სამზარეულოსა და მარანში ფუსფუსებს, მეზობლებს თვალს არიდებს, შვილიშვილებიც ვითომ გაიუცხოვა, ჭავრმა დააპატარავა ქალი!..“

აჯობებდა თბილისში დარჩენილიყო ნოშრევეანი. მჭდარიყო ეტლზე, ხანდახან მაინც ხვდებოდა მეგობრებს და დარდს იქარებდა

და... მაგრამ როდემდის? დიდხანს გასძლებდა? არა მგონიაა ჯანგატეხილია უკვე, წუთით წათამაშება გიორგის და პატარა ნიკოს და ილღება... უხალისოა და გულჩათხრობილი. პოო, აღარაა ძველი ნოშრევანი!“

მზიანი თბილი ღღუა. ნიკო საბოსტნეს ბარავს, ნატო ჩვეულებრივად, მარანში ფუსფუსებს, გიორგი და პატარა ნიკა ბაბუასთან ტრიალებენ, ანა სახლს ალაგებს...

ნოშრევანი?

ნოშრევანმა უხალისოდ ისაუბმა: არავისთვის ხმა არ გაუცია. გიორგიმ ჰკითხა, წისქვილში ხომ არ წავიდეთო, ვითომ არც გაუგონია. ნასაუზმევს აივანზე გამოვიდა. ერთი მიმოიხედა ეზოში, მერე ანას უთხრა, წუხელ არ მძინებიაო, ოთახში შევიდა, ტახტზე წამოწვა და თვალები ჰკერს მიაპყრო...

...თბილისის ვაჟთა გიმნაზიის დიდი დარბაზი. მე პირველად ვთამაშობ გიმნაზიის დრამატიკის წარმოდგენაში: სცენაზე ორი უპატრონო ბიჭი ვართ, ერთი მე, მეორე უფროსკლასელი რევაზ მებურიშვილი. დაკონკილი შარვალ-ხალათი გვაცვია, გვცვია და მობუხულები ვართ. ჩაბნელებული ქუჩა. უსიტყვო სცენა. თავმესაფარს ვეძებთ, ორსართულიანი სახლის კიბის ქვეშ შევიყუყუებით და დავსხდებით. მე უბიდან პურის ნაჭერი ამომაქვს, შუაში გავტეხ და ნახევარს რევაზ მებურიშვილს ვუწვდი, რევაზი აცახცახებული ხელში მომიწყვდევს პურის ნატეხს, მერე ერთმანეთს ზურგით მივეყრდნობით და ვილუქვებით... დარბაზიდან ტირილის ხმა შემომესმა. აჩურჩულდა დარბაზი. ოდნავ შემოებრუნდი და დარბაზს მიმოვაგლე თვალი. პირველ რიგში თხუთმეტობედ წლის გოგონა ზის და იცრემლება. თვალები მოკვუტე და ის მომტირალი გოგონა კარგად დავინახე. გოგონას გვერდით შეჭადარავებული მანდილოსანი ზის, მანდილოსანი შეუწყრა გოგონას და გოგონა დაჩუმდა.

წარმოდგენა დამთავრდა. მაყურებელი ტაშს გვიკრავს უპატრონო ბიჭებს. ის ნამტირალევი გოგონა სკამიდან წამოხტა, საიდანღაც ის ხელებში ორი წითელი ვარდი გაჩნდა და იმ ნამტირალევა გოგონამ ის ორი ვარდი სცენაზე ამოაგდო. მე ვარდი ავიღე, გოგონას შევატყეპრდი და გავუღიმე, გოგონამაც გამიღიმა და ხელი დამიჭინა...

ის გოგონა თინათინ მაყაშვილი იყო, სასამართლოს მოხელის ტარიელ მაყაშვილის ერთადერთი ქალიშვილი.

მეორედ, ეს უკვე შვიდი წლის შემდეგ, ისევ თეატრში შევხვდი თინათინ მაყაშვილს. მე ისევ სცენაზე ვიყავი და თინათინ მაყაშვილი მაყურებლის დარბაზშია და ისევ პირველ რიგში იჯდა. ჩემი პირველი გამოსვლა ქართული დრამატული დასის წარმოდგენაში. დარ-

ბაზი სავსეა მაცურებლით. იხსნება ფარდა. წარმოდგენის დასაწყისში სცენა და დარბაზი განათებულია. კულისებიდან სცენაზე დაღლილი ნაბიჯით შემოვლივარ მხრებში ოდნავ მოხრილი, სიბერეს მიტანებული მაღალი მამაკაცი, ერთადერთი ვაჟიშვილისგან მიტოვებული მამა. სცენის შუაგულში შეედგები და მაცურებელს მივმართავ.

— ხალხო, ერთადერთი შვილი დაკარგე!

პაუზა.

— არა! თვითონ დამკარგა შვილმა და მე მას ვეძებ!

ისევ პაუზა.

თვალი ისევ მიმოვავლე დარბაზს, თითქოს მაცურებლებში ვეძებდი ჩემს შვილს და ვხედავ, პირველ რიგში, სწორედ ჩემს პირდაპირ, თინათინ მაცუაშვილი ზის, ხოლო მის გვერდით მუნდირებით მხრებდამშვენებული ახალგაზრდა კაცი. თვალი გაუქსწორე თინათინს და მან იგრძნო, რომ მე ის ვიციანი, თინათინმაც ღიმილით მანიშნა, რომ მანაც მიცნო. თვალს ვერ ვაშორებ თინათინს, ვშემდეგობი, და თითქოს სათქმელიც დამავიწყდა, მაგრამ ბედად მალე მოვეგე გონს და თინათინის გვერდით მჯდომ ქაბუქს დავაკვირდი, თითქოს ის ყოფილიყოს ჩემი დამკარგავი ვაჟიშვილი.

ორივე ხელი დარბაზისკენ ვავიშვირე.

— ბატონებო, თვალი მოკვარი ჩემს ვაჟიშვილს!

პაუზა.

— ჰოო, თვალი მოკვარი! აი, იქ იჯდა! ნამდვილად იჯდა! როცა დარწმუნდა ვიციანი, შეერთა და სახეზე ფერი ეცვალა, უცებ წამოდგა ჩემი ვაჟიშვილი, უხმაურო ნაბიჯები გადადგა და გაუჩინარდა... ღმერთო და ხალხო, დამეხმარეთ, მაპოვნინეთ ჩემი ვაჟიშვილი!

მერე ზეაშვერილი ხელებით კულისებში მივიმალე.

...იმ საღამოს ყვაეილების ბევრი თაიგული მომართვეს, მე კი, მხოლოდ ერთადერთი, თეთრი ყვაეილებით გაწყობილი პატარა კალათა მომეწონა. არავის უთქვამს და არც მე მიკითხავს, ღინ გამომიგზავნა ეს თეთრი ყვაეილები. კალათა ხელში რომ ავიღე და დავაცქერდი, იმ თეთრ ყვაეილებში თინათინ მაცუაშვილის მლოიმარი სახე გამოისახა.

მესამედ ჩემს ეტლში შევხვდი თინათინ მაცუაშვილს.

ღამე. ქართულ კლუბთან ახლოს მიდგას ჩემი ეტლი და მუშტარს ველოდები. ქალ-ვაჟი მოუახლოვდა ეტლს, დავაკვირდი და უმალვე ვიციანი თინათინი.

„ეს ახოვანი ვაჟკაცი ორეულივით ახლავს, თქმა არ უნდა, მეუღლეა!“

— საით, ბატონებო?

— ჰავკავადის ქუჩა, ოცდამეორე ნომერი! — ბოხი ხმით თქვა მაკაემა, — ქალს შეეშველა და ეტლში ჩასხდნენ.

„გასაგებია! ჰავკავადის ქუჩაზე, ოცდამეორე ნომერში თინათინ მაყაშვილი ცხოვრობს. თქვენ ზედსიძედ შებრძანებულხართ მაყაშვილების ოჯახში...“

ცხენებს შეეუძახე და ეტლი უცებ დავძარი.

„თხუთმეტორედ წლისა თუ იქნებოდა ეს ქალიშვილი, ჩემმა და ჩემი მეგობრის — რევაზ მებურიშვილის თამაშმა რომ აატრია. წარმოდგენა რომ დამთავრდა, წითელი ყვავილი მესროლა, ხელი დამიქნია და გამიღიმა. მერე? შვიდი წლის შემდეგ ქართულ კლუბში შევხვდით ერთმანეთს. მე ვაჟიშვილისაგან მიტოვებული მამის როლს ვთამაშობ, თინათინი დარბაზში ზის, მე ვიცანი თინათინი და თინათინმაც მიცნო მე... თეთრი ყვავილებით გაწყობილი კალათა გამომიგზავნა თინათინმა... ახლა ეს ქალიშვილი ჩემს ეტლში ზის და მე ზურგი შემიქცევია მისთვის. შემოვტრიალდები ახლა მე და ვეტყვი:

— მაპატიეთ, ქალბატონო! გახსოვს ქართული დასის წარმოდგენა? გეხსომებათ! მე ვაჟიშვილისგან მიტოვებული მამის როლს ვთამაშობდი, თქვენ პირველ რიგში ისხედით და თქვენს სახეზე სიბრაღული ამოვიკითხე. ჰო, თქვენ შეგებრალათ შვილისგან მიტოვებული მამა! გაიხსენეთ, ხომ?

თინათინი შეკრთება, თვალებს ფართოდ გაახელს. შემომამკერდება და მიცნობს. ეს ვაჰბატონიც მიცნობს უთუოდ და ორივენი გაიოცებენ.

— ჰოდა, ის შვილი, — ვეტყვი მე მათ, — მამას რომ ემალებოდა, მე გახლავართ! დიახ, მე ვემალები მამაჩემს და მიზეზი ამისა თქვენ ბრძანდებით! გიკვირთ, არა? ჰოო, სწორედ თქვენის წყალობით დავტოვე მე თეატრი: თქვენ ყველაფერი მოგწონთ და ყველას ტაშს უკრავთ, ყველაფერზე ხარხარბეთ და იცრემლებით! დღეს ხომ თეატრში ბრძანდებოდით? ცხადია, თეატრში იყავით! შეგებრალათ საცოდავი კატა? შესაბრალისი კია: ქმრის მოღალატე ქალმა შეყვარებულს შეაჭამა სუკი და კატას დააბრალა. შეიპყრეს კატა, სასწორზე დააკრეს და ასწონეს. უცოდველი აღმოჩნდა კატა... თქვენ ბევრი იცინეთ და იხარხარეთ, ტაში დაუკარით, ყვავილები მიართვით მსახიობებს... ჰოდა, თქვენს გამო დავტოვე თეატრის შემხედეთ, მეეტლე ვარ! წვერი მომიშვია და ვემალები მამაჩემს...

ეტლი ჰავკავადის ქუჩის აღმართს შეუყვავ. თინათინმა რაღაც



გადაუჭურჩულა ქმარს. მე ცხენები ავაჩქარე, მალე ავათავე აღმართი და მაყაშვილის სახლთან გავაჩერე ეტლი.

თინათინი და მისი მეუღლე ეტლიდან გადმოვიდნენ.

— ხვალ დილით თუ მოიცლით, დიდად დამავალებთ, სვეტიცხოველში გვინდა წასვლა, — ბოხი ხმით თქვა თინათინის მეუღლემ და ფული გამომიწოდა.

— ხვალ დილით? არა! დილით მე ვერ მრვიცილი! ჩემს მეგობარს გამოვიგზავნით, დაელოდეთ! — მკვახედ ვთქვი, ეტლი სწრაფად მოვატრიალე და დაღმართზე დავექანდი.

თინათინ მაყაშვილის ქმარს ფული ხელში შერჩა.

— „დამთხვეულია! — უთუოდ იტყოდა თინათინ მაყაშვილის ქმარი და თინათინიც დაეთანხმებოდა“.

...დღეს შაბათია. ქართულ კლუბში ქართული დასის სპექტაკლია. რომელიღაც ვოდევილს წარმოადგენენ... პირველ რიგში თინათინ მაყაშვილი და მისი მეუღლე სხედან. იცინიან, ხარხარებენ, იცრემლებიან... დამთავრდება წარმოდგენა, ტაშს დაუკრავენ, ყვავილებს მიართმევენ მსახიობებს და მხიარულნი და კმაყოფილნი დაბრუნდებიან შინ.

ნოშრევან ბეთანელი პირაღმა წევს განიერ ტახტზე, ჰერისთვის მიუბჰყრია თვალი და არადეთიდან ხედავს ხალხით გაქედილ დარბაზს, ესმის მაყურებელთა ხარხარი და თინათინ მაყაშვილის ღიმილიან სახეს შესცქერის...

...დღევანდელი დღეც ჩვეულებრივად ჩათავდა.

აღრე ივახშემს ბეთანელების ოჯახში და დაწვენენ.

კენჭი ჰყარეს და პატარა ნიკოს დედასთან დაწოლა ერგო, გიორგის — მამასთან

სულ პატარა ზღაპარს ხმადაბლა მოჰყვა ანა და ბავშვებს ჩაეძინათ.

გიორგის ხათრით კარგა ხანს გაუნძრევლად იწვა ნოშრევანი, მერე ფრთხილად გადმოვიდა ლოგინიდან, სიბნელეში რომელიღაც წიგნს დაავლო ხელი და ანას უჩურჩულა — მაინც არ მეძინება და სასადილო ოთახში რამეს წავიკითხავო.

ანას არ გაუგონია ნოშრევანის ჩურჩული, მას უკვე ეძინა.

ლამპა აანთო და კარგახანს იჯდა მაგიდასთან, მერე ოთახის კუთხეში განიერ ტახტზე პირაღმა წამოწვა და როგორც ყოველთვის, ჰერს მიაბჰყრო თვალი.

— კი, ბეთანელების დიდ ოჯახს მშვიდად სძინავს, — გაიფიქრა გულში ნოშრევანმა და ოთახში დედა შემოვიდა.

ნოშრევანი ტახტიდან წამოიჭრა, ვითომ გაუღიმა დედას, შეაკრთო დედის შეშინებულმა სახემ და ვერაფერი თქვა.

— რამეს იტყვიან? — ჰკითხა დედამ.

— არაფერს, დედი!

1 — მაშ რატომ ვერ იძინებ?

ზანგრძლივი დუმილი.

— დაწევი, ეგებ დაგეძინოს, მე წავალ! — დაბალი ხმით თქვა დედამ და კარისკენ ფრთხილად გააბიჯა.

— ზღაპარი მომიყევი, დედი! — რბილად, უხერხულად თქვა ნოშრევანმა.

— ზღაპარი? — გარკვეირვა დედამ.

— ჰოო, ზღაპარი მომიყევი დედი! — ახლა უკვე ვედრებასავით თქვა ნოშრევანმა და თავი დახარა.

ნატოს გულში გაჰკრა, მაგრამ არ შეიმჩნია, ნოშრევანს გაუღიმა, მიუხალოვდა, მარჯვენა ხელი მხარზე დაადო, მარცხენათი სახე აუწია თვალებში ჩახედა და დედის თვალებში ნოშრევანი ყმაწვილად გამოისახა, მერე თანდათან დაპატარავდა: ოთხი წლისაა ნოშრევანი, მოკლე შარვალი აცვია, ილიმება, დედის კაბისთვის წაუფელია ხელი და ეხვეწება — ზღაპარი მომიყევი, დედი!

— რომელი ზღაპარი, შვილო? — მოესიყვარულა ნატო და ცოტათი ენაც კი მოიჩლიქა.

— მე რომ პატარა ვიყავი! — ნოშრევანმაც მოიჩლიქა ენა.

— ცხრათაიანი დევის ზღაპარი? — ალერსიანად ჩაჰკითხა ნატომ.

— არა! დევების ზღაპარი არა! დევებისა მეშინია, დედი!

— კარგი, დაწევი, მოგიყვები!

ნოშრევანი ტანტზე დაწვა და თვალები მილულა (დედის ზღაპარს ყოველთვის თვალებდახუჭული უსმენდა ნოშრევანი), ტანტის კიდზე ჩამოჯდა ნატო, ნოშრევანს გულზე დაადო ხელი და გალობასავით დაიწყო:

იყო და არა იყო რა,  
დედის უკეთესი რა იქნებოდა!  
იყო შაშვი მგალობელი,  
მერთი ჩენი მწყალობელი...

იყო ძალიან დიდი და ძალიან ძლიერი სახელმწიფო. ამ სახელმწიფოს ერთ კიდზე ამოდიოდა მზე და მეორე კიდეში ჩადიოდა. და ხალხიც ბევრი იყო ამ სახელმწიფოში, ძალიან ბევრი! ვერ დათვლიდი.

და ჰყავდა იმ სახელმწიფოს ფრიად გონიერი ნეფე-დედოფალი. ნეფე-დედოფალს ერთადერთი შვილი ჰყავდათ, რომელსაც სახელად ერქვა არმაზ.

ლამაზი, ოღონდ ჯანსუესტი იყო უფლისწული არმაზ.

...და ბეთანელების სახლში, ხის განიერ ტახტზე წევს უფლისწული არმაზ, ტახტის კიდეზე ჩამომჯდარა დედოფალი და დაძინების წინ ზღაპარს უყვება უფლისწულს...

პოო, გონიერი, გულჩახვეული, სევდიანი და ჯანსუსტი იყო უფლისწული.

„გულჩახვეული და სევდიანი“.

იმეორებს გულში დედის სიტყვებს ნოშრევანი.

ღამეებს თეთრად ათენებდა უფლისწული.

ნაღვლობდა მეფე და ნაღვლობდა დედოფალი, რატომ არის ჩვენი შვილი ეგეთიო და მიზეზს ვერ მიმხედარიყვნენ.

მკურნალებმა ვერ უმკურნალეს არმაზს და ვერც მკითხაებმა ურჩიეს რამე.

და ერთ მშვენიერ დღეს ერთი დაღუული დედაბერი მოვიდა მეფის სასახლეში და ეუბნება ნეფე-დედოფალს: მე ვუმკურნალებ თქვენს შვილს..

ხის განიერ ტახტზე დასვა უფლისწული დედაბერმა, თვითონ ტახტის კიდეზე ჩამოჯდა და თვალებში ჩააცქერდა უფლისწულს (ნოშრევანი ტახტზე ჩამოჯდა და დედას შეაცქერდა თვალებში), მერე ხელის გულები გულმკერდზე შემოუტარა უფლისწულს და გაუღიმა (ნატომაც იმ დედაბერივით ხელისგულები შემოუტარა გულმკერდზე ნოშრევანს და გაუღიმა) და ეუბნება დედაბერი უფლისწულს — ტახტზე დაწეკი და დაიძინეო. უფლისწულმა ბალიშზე დადო თავი და დაეძინა. (ნოშრევანიც დაწვა ტახტზე, თვალები დახუჭა, მაგრამ არ ეძინება).

პო, დაიძინა უფლისწულმა და მკითხავი ეკითხება ნეფე-დედოფალს.

— ბავშვებთან თუ თამაშობს უფლისწული?

— რომელ ბავშვებთან? — გაიკვირვეს მეფემ და დედოფალმა.

— თავის ტოლ გოგო-ბიჭებთან?

— უფლისწულს ტოლი არა ჰყავს! — ამაყად თქვა დედოფალმა და მეფეს შეხედა, მეფემ თავის დაქნევით დაუდასტურა.

— მიზეზიც ეგ არის! — დარწმუნებით თქვა დედაბერმა, — მძინარე უფლისწულს პირჯვარი გარდასახა და ადგა.

— უფლისწული მალე გამოიღვიძებს, — თქვა დედაბერმა, — და სათამაშოდ გაუშვით ბავშვებთან, ასე გამოწყობილი კი არა, ფეხშიშველა! აი იქ, დიდ მინდორში...

და ირწმუნეს დედაბრის რჩევა მეფემ და დედოფალმა.

და ფეხშიშველა უფლისწულს მეთვალყურე გააყოლეს.

გავიდა ეზოდან უფლისწული არმაზ და გაიქცა, ისე სწრაფად

გაიქცა, მეთვალყურე ახლოსაც ვერ მიჰყვია... და გაერია სოფლის გოგო-ბიჭებში უფლისწული...

ჯერ რიკ-ტაფელას ეთამაშნენ თანატოლები უფლისწულს, მერე ლანტს, ცოტა დაისვენეს, მერე ბურთი გაჩნდა მინდორზე და ბიჭები ბურთს მიესიენ...

საღამოს დაღლილი, მაგრამ მხიარული მობრუნდა სასახლეში უფლისწული, მადიანად ივახშმა და მერე დილაზე მშვიდად ეძინა...

და ხედავს ნატო:

შვიდი წლის ნოშრევანმა ფეხშიშველამ გადაირბინა ეზო, მერე დიდ მინდორს მიაშურა, ბიჭებში შეერია და ბურთს გაეკიდა...

საღამოხანს დაღლილი, მაგრამ მხიარული დაბრუნდა ნოშრევანი შინ, დედას კალთაში ჩაუდო თავი, მიეალერსა დედა ნოშრევანს და ნოშრევანს ჩაეძინა... და წევს ნოშრევანი ახლა ტახტზე და დედა ხმადაბლა უყვება უფლისწულის ზღაპარს:

— და მერე ძალიან დაუმეგობრდა უფლისწული არმაზ სოფლის ბიჭებს და გამოკეთდა და გამოკეთდა უფლისწული:

მკლავები გაუმაგრდა.

მუხლები გაუმაგრდა.

მხრებში გაიშალა.

სახეზე მზე მოეკიდა.

ხალისიანი შეიქნა უფლისწული არმაზ!..

ნოშრევანს ჩაეძინა და ნატო დაჩუმდა. თავისი თბილი მოსახლამი მსუბუქად დაახურა ნოშრევანს და ფეხაკრეფით შევიდა ანასთან...

...მზე შეეთამაშა ფანჯარას და ნოშრევანს გამოეღვიძა. მიმოიხედა გარშემო და ოთახი ეუცხოვა: კარ-ფანჯარა, კედლები, ჭერიც გუშინდელზე უფრო ღია ფერისა ეჩვენა. ეჩვენა კი არა, ნამდვილი იყო: მზის სხივებმა იციან ასე, შემოიჭრებიან და გაახალისებენ ჩამუქებულ და სევდიან ოთახს.

ტახტიდან ადგა და აივანზე გავიდა, ანასა და ბავშვებს მიაყურა და, ჩუმად იყენენ. მერე ფანჯარასთან მივიდა და ოთახში შეიხედა. ნოშრევანის საწოლიც ცარიელი იყო, ანა პირადმა იწვა და ეღვიძა. მარცხენა მკლავზე პატარა ნიკო ეწვა, ფეხებთან გიორგი. ანამ გამოხედა ნოშრევანს და გაუღიმა, ნოშრევანმაც გაუღიმა ანას, თან ხელებით ანიშნა, არ ადგე და ბავშვები არ გააღვიძოო.

ეზოში ჩავიდა ნოშრევანი, ყურადღებით მიმოავლო თვალი ეზოს და ეს ეზო ჩემიო, თქვა ნოშრევანის გულმა. მერე ეზოს გადააწვდინა თვალი და ის დიდი მინდორი დაინახა, სადაც ყმაწვილობისას ბურთაობდა და ეს მინდორი ჩემიო, თქვა ნოშრევანის

გულმა. ახლა უფრო შორს გაიხედა, ეს ხევი, ეს ფერდობები და გორაკები ჩემიანო, უფრო ხმამაღლა თქვა გულმა. — ესენი მე მეკუთვნიან. მე ამათი ვარ და სიკვდილამდე ერთად უნდა ვიყვეთო...

მხრებში გაიმართა ნოშრევანი, მერე მზეს გახედა და გაუღიმა ნოშრევანმა, რალაც ამოიმღერა და წისქვილისკენ მიმავალ ბილიკს ჩქარი ნაბიჯით დაუყვა.

წისქვილის კარი ღია იყო და წისქვილში მამა დაუხვდა.

— წუხელ აქ გაათიე? — გაკვირვებით ჰკითხა ნოშრევანმა.

— არა! უთენია წამოვედი, გუშინ უნდა გამოგვეცხო პური! საფქვევი ჩამოთავდა. ნოშრევანმა წყალი ღარიდან გადაადგო, ფქვილით სავსე ტომარა მხარზე შეიგდო და სახლისკენ გააქანა.

ნიკო კარგად დააკვირდა ვაჟიშვილს, ძალმოცემული და ხალი-სიანი ეჩვენა. გაუხარდა და მიაძახა, მე ვენახში გავივლიო.

დედა სამზადში დახვდა ნოშრევანს.

— რაო, დედი, პური გაგვითავდა?

— გამოვაცხობ! — ღიმილით თქვა ნატომ.

— შენ რატომ? მე გამოვაცხობ, შენ ფქვილი გამიცირო!

ნაჯახს დაავლო ხელი ნოშრევანმა და მოჩი დაანათოტა.

— მეზობლებმა რატომ მოგვიძულეს, დედი?

ნატოსთვის მოულოდნელი იყო ეს კითხვა და შეცბა, მაგრამ არ დაიბნა.

— ნოშრევანი ცოტა შეუძლოდ არის-მეთქი და მოგერიდნენ...

— შეუძლოდ როცა ხარ, მაშინ უნდა მოგინახულონ მეზობლებმა, დედი! — და დედას თვალი გაუსწორა ნოშრევანმა.

ახლა კი ვერაფერი უპასუხა ნატომ.

„სხვა რალაც მიზეზია“, — გაიფიქრა გულში ნოშრევანმა და ისევ გაუსწორა თვალი დედას.

— ერთ საათში მღორჩები გაცრას?

— უფრო ადრეც.

— ჰოდა, დედა სესილიასთან გადავალ და მოვიყვან, მებრალე-ბა საცოდავი...

— სესილიასთან? დღეს ხომ კვირაა? უკვე სასაფლაოზე იქნება სესილია და შედამებულზე თუ მობრუნდება შინ!

— მე შაბათი იყო მეგონა! — დარცხვენით თქვა ნოშრევანმა და სახლისკენ გააბიჯა. კიბეზე ფრთხილად ავიდა და ისევ ფანჯრიდან შეიხედა ოთახში. ახლა გიორგი და პატარა ნიკო ანას საწოლში იწვნენ, ანა კი ნოშრევანის საწოლში.

ნოშრევანმა ოთახის კარი შეაღო და ანა რატომღაც შეკრთა.

ჩქარი ნაბიჯით მივიდა საწოლთან ნოშრევანი, ანა ბავშვივით აიტაცა ხელში, მკერდზე მიიკრა, შუბლი, თვალეები, ლოყები და

ყელი დაუკონა, გააქან-გამოაქანა, ტუჩებში აკოცა და ლოგინში ჩააწვინა.

— მე დღეიდან გლეხი ვარ, ანა! — მძინარე შვილებს არ მოერიდა და ხმამაღლა თქვა ნოშრევანმა. — მე ვარ მწყემსი, მეწისქვილე, მხენელ-მთესველი, და ნუ გამახსენებ თბილისს, თეატრს ნუ გამახსენებ!

ისევ აკოცა ტუჩებში ანას და ოთახიდან გავიდა.

ჯერ გიორგიმ გამოიღვიძა, ლოგინზე წამოჯდა, თვალები ხელისგულებით მოიფშენიჭა, ოთახში მიმოიხედა, მერე დედას შეაჩერდა და ეკითხება.

— სადაა მამა?

გიორგის ხმამ პატარა ნიკო გამოაღვიძა, ისიც წამოჯდა ლოგინში, ფართოდ გაახილა თვალები. ოთახში მიმოიხედა და ეკითხება დედას:

— სადაა მამიკო?

— მამიკო კარგა ხანია ადგა, ხელ-პირი დაიბანა, წვერი გაიპარა, რძე აადღლა, ახლა საუზმეს გვიმზადებს და ჩვენ გველოდება, ავდგეთ! — სხაპასხუპით თქვა ანამ, ლოგინიდან წამოხტა, ბავშვებს საბანი ახადა, ხელისგულები გულმკერდზე მიუსვ-მოუსვა და აპყარა.

...დედა მაინც შეეშველა ცომის მოზელვაში ნოშრევანს. თბილისიდან როსტომსა და ჯუანშერს რომ ჩამოიყვანდა ნოშრევანი, მაშინაც ასე იყო, — დედა-შვილი ერთად აცხობდნენ პურს, ოღონდ ცომს დედა აგუნდავებდა და აბრტყელებდა და თონეშიც დედა აკრავდა. ახლა როლები შეიცვალა: მოზელილი ცომი ნოშრევანმა დააგუნდავა, მოუბოდიშა დედას, ეგებ შენ რომ აცხობ, ისეთი კოხტა შოთები ვერ გამოვაცხობ, მაგრამ ეს პირველადო, მერე გავიწაფებო, დღეიდან კი პურისმცხობელი ჩვენს ოჯახში მე ვიქნებო, შენ უნდა დაგასვენო. ცომის პირველი გუნდა აიღო ნოშრევანმა და ხელისგულებით ისე გააბრტყელა, როგორც ქალბატონი ნატო აბრტყელებს, მერე თითებით გაბრტყელებულ ცომს გვერდები შემოულამაზა და თავები გაუწვრილა. — ეს პირველი შოთი შენი არისო, უთხრა დედას და მარჯვენა ხელის საჩვენებელი თითით ცომზე ასო „ნ“ გამოსახა. მერე მეორე გუნდაც ასე გააბრტყელა, მასაც თავები გაუწვრილა, გვერდები შემოულამაზა და ისევ ასო „ნ“ გამოსახა, ეს მეორე შოთი მამაჩემისააო. მესამეზე „ა“ გამოსახა, ანასი გახლავთო. მეოთხეზე „გ“, ჩემი უფროსი ვაჟიშვილისააო. მეხუთეზე... ცომის გუნდა შუაზე გაპყო, ჩემს უმცროს ვაჟიშვილს ორი სახელი ჰქვია, ყველა „პატარა ნიკოს“ ვეძახითო, ამიტომაც ორი შოთი ეკუთვნისო და პატარა შოთებზე „პნ“ გამოხაზა. შევც-

დიო თქვა ნოშრევანმა, დედას შეხედა და უსაყვედურა, შენ რატომ არ შემახსენებ? რა უნდა შემეხსენებინაო, გაიკვირვა ნატომ. მეოთხე შოთხე „ს“ უნდა დამეწერაო. მეოთხე შოთი დეიდა სესილიასიაო...

აილო ცომის გუნდა და გამორჩეულად გააბრტყელა, გვერდებიც უფრო შნოიანად და საგულდაგულოდ შემოულამაზა და ზედ „ს“ გამოსახა.

დეიდა სესილია ჩვენთან უნდა გადმოვიყვანოთ! — გადაწყვეტილივით თქვა ნოშრევანმა და დედას გაუსწორა თვალი.

პაუზა.

— ფეხს არ ადგამს ეზოდან სსცოდავი! — თქვა ნატომ და თვალზე ცრემლი მოადგა.

— ჰოდა, მით უფრო! მოვესიყვარულოთ, დავითანხმობთ და გადმოვიყვანოთ. იცხოვროს ჩვენთან, მის სახლ-კარს მე მოუვლი, კი, ჩვენთან გადმოვიყვან საცხოვრებლად დეიდა სესილიას. ვეტყვი — მე ხომ მიწოვია შენი ძუძუ, დეიდა სესილია? ახლა შეილები ალზრდაში შემეშველე-მეთქი, უარს არ მეტყვის...

— ღმერთმაც ჰქნას, სცადე, შეილო. — თქვა ნატომ და ცრემლი შეიმშრალა.

...როცა ნიკო ბეთანელმა ჭიშკარი შემოაღო, გიორგიმ და პატარა ნიკამ თონე მიატოვეს და ბაბუას მიაშურეს.

ბიჭებს შოთი პურები ეჭირათ ხელეშში.

— რაო, ჩველებო, — მოესიყვარულა ნიკო შეილიშვილებს, — თან თვალი თონესკენ გააპარა, — პურს აცხობთ?

— მამამ გამოაცხო პური! — თქვა გიორგიმ და ბაბუას გაუღიმა.

— კი, მამიკომ გამოაცხო პური! — თქვა ნიკამაც და ბაბუას თავისი პატარა შოთი გაუწოდა.

ნიკო მიუახლოვდა თონეს და ნოშრევანმა ბოლო შოთი პური ამოაგდო თონედან.

## თ ა ვ ი მ ე თ ო რ მ ე ტ ი

### დეიდა სესილია

დეიდა სესილია, მეუღლე ალექსანდრე ბეთანელისა, ნოშრევანის მორღუა, ნახევარი დედა, უფრო მეტიც:

სულ შვიდი თვისა იყო ნოშრევანი, დედა ავად რომ გაუხდა, ექიმმა ურჩია და მეძუძური მარტო დედას კი არა, სახლსაც გაარიდეს და დეიდა სესილიას მიჰგვარეს.

იმ დღიდან დეიდა სესილიას მარჯვენა ძუძუს სესილიას პირველი ვაჟიშვილი ათი თვის საურმაგი სწოვდა, მარცხენას ნოშრევანი. ორი თვე იავადმყოფა ნოშრევანის დედამ. ჰო, გამომჯობინდა ქალბატონი ნატო და ნოშრევანი შინ მოაბრუნეს, მაგრამ უკაცრავად, დედის ძუძუს ახლოსაც არ გაეკარა ნოშრევანი, იუარა და იუარა, ტირილით გაიქჳა, გადაფიჩინდა, იშიმშილა... და დეიდა სესილია დღეში ხუთჯერ მაინც ვადმოდოდა ნოშრევანთან, ან ნოშრევანი მიჰყავდათ დეიდა სესილიასთან და ხშირად ღამითაც დეიდა სესილიასთან რჩებოდა მეძუძური ნოშრევანი. ასე გაგრძელდა, ვიდრე ორი წლისა შესრულდებოდა ნოშრევანი. კი, საურმაგი წლინახევრისა დაეთხოვა ძუძუს, ნოშრევანი მხოლოდ ორი წლისა და ბოლო თვეებში დეიდა სესილიას მარჯვენა ძუძუსაც დაეპატრონა ნოშრევანი და ფრიად გააყოჩაღდა და დაიღვინა.

მერე მეორე ვაჟიშვილი შეეძინა დეიდა სესილიას — მიხაკო.

და პატარა მიხაკომაც ფეხი რომ აიდგა, ისევ სესილია და ალექსანდრე ბეთანელების ოჯახში ტრიალებდა 'ნოშრევანი.

და ვიდრე შვიდი წლისა შესრულდებოდა ნოშრევანი, ღვიძლ ძმებივით იზრდებოდნენ საურმაგი, ნოშრევანი და მიხეილი.

მერე კი, უცებ და სამუდამოდ დაშორდნენ ერთმანეთს:

ნოშრევანი თბილისში წაიყვანეს სასწავლებლად.

საურმაგი გორში წაიყვანა სესილიას ძმამ, ჯერ გორში ისწავლოს, თბილისში მერე გავაგზავნიო.

მიხეილი თავისთან დაიტოვა სესილიამ: მარტო ყოფნა არ შემძლიაო, — აუცილებელი არაა ყველამ სასწავლებელში ისწავლოსო, წერა-კითხვას მეც კარგად შევასწავლიო, მერე რაიმე ხელობას შეისწავლისო, მარტო მასწავლებელი და მოსამართლე არ სჭირდება სოფელსო.

და იმ დაშორების შემდეგ, ნოშრევანმა ისე დაამთავრა თბილისის გიმნაზია და სასწავლებლად ოდესაში ისე გაემგზავრა, საურმაგს არ შეხვედრია.

ახლა დაქცეულია დეიდა სესილიას ოჯახი...

დიდ მწუხარებას ალექსანდრე ბეთანელმა დაუღო სათავე:

არადეთში პირველი მონადირე და მებადური იყო ალექსანდრე ბეთანელი. ერთ შაბათ-კვირას რომ თევზაობდა, მეორე შაბათ-კვირას ნადირობდა.

თოთხმეტი წლისა რომ შეიქნა მიხეილი, სანადიროდ და სათევზაოდ ყოველთვის იახლებდა მამა. და სესილიაც უფრო მშვიდად იყო. იმ დღეს კი, სანადიროდ მიდიოდა და გაჯიუტდა, ძალიან გაჯიუტდა — სუსხიანი ამინდია, ცივი ქარი ქრის, ბიჭი გაცივდებოდა და არ გაიყოლია სანადიროდ. ჰო, მარტო წავიდა სანადიროდ და



არც დაბრუნებულა. მთელი სოფელი გაიკრიფა საძებნელად, ახლო-მახლო კი არა, შორეული ტყე და ღრეც მტკაველ-მტკაველ მოიხელეს, მაგრამ ვერსად მიაგნეს ალექსანდრე ბეთანელის კვალს.

მეუღლის დაღუპვიდან ორი წელიც არ იყო გასული და საურ-მაგი ჭარში წაიყვანეს... დედასთან იყო არადეთში ჩამოსული საურმაგი, გორიდან ჩამოაკითხეს და წაიყვანეს... იმის შემდეგ ხუთი წელი გავიდა, წელიწადზე მეტია, რაც ომი დამთავრდა და საურ-მაგი ჯერ არ მობრუნებულა შინ და დედამ არ იცის, ცოცხალია თუ მკვდარი მისი უფროსი ვაჟიშვილი.

შარშანწინ კი საბოლოოდ გასწირა მამაზეციერმა დეიდა სესილია:

მამასავით მოუსვენარი იყო მიხეილი. მისდია მამის კვალს და მონადირეც გახდა და მეზადურიც.

ბევრი ეხვეწა და ემუდარა დედა და როგორც იქნა ნადირობაზე ხელი ააღებინა, ბადე კი, ვერა და ვერ გააგდებინა ხელიდან.

იმ კვიმატ დღეს დაიჩემა, კაკალი უნდა ჩამოებერტყო. ქარიანი დღე იყო და დაუშალა დედამ. დედის ნამალევად მიინც აიპარა მიხეილი კაკლის ხეზე და ჭოკი რომ დაჰკრა დასაბერტყად, დედამ ხმა გაიგონა და სახლიდან გამოენთო, ჯერ დაუცაცხანა, მერე შეევედრა და მიხეილიც ჩამოვიდა ხიდან.

გულნატყენმა მიხეილმა ბადე მოიგდო ზურგზე და მტკვრისკენ გასწია.

სესილიას გულმა გაჰკრა და ეს ცუდად ენიშნა, მაგრამ რატომღაც გულმა უთხრა, ნუ დაუშლიო და მოტყუვდა დედის გული.

მხოლოდ მეორე დღეს, შუადღისას, გორთან ახლოს იპოვეს ბადეში გახლართული — მიხეილი.

ნატომ და ნიკომ ერთი კვირის შემდეგ გაიგეს, რომ უბედური სესილია სასაფლაოზე ათევდა ღამეებს და ძლივს ააგლიჯეს მიხეილის სამარეს. მერე კარგა ხანს, მორიგისად, ხან ანა გიორგითა და ნიკოთი ათევდა ღამეებს სესილიასთან, ხან ნატო...

და მაინც ცოცხალია და ცხოვრობს უბედური და საცოდავი სესილია. ნატო და ნიკო, ანა და მისი ბავშვები აცხოვრებენ. მეზობლები აცხოვრებენ.

ერთი ძროხა ჰყავს სესილიას და ერთი ხბო. თვითონ წველის და თვითონ ამოჰყავს ყველი. დილით რომელიმე მეზობელი გამოუვლის და საბალახოდ გაიყოლიებს სესილიას ძროხას.

ახლა ეზოში ხე არ უდგას სესილიას. მიხეილი რომ მტკვარში დაიხრჩო, კაკლის ხეს დააბრალა და იმ კაკლის ხეს ხეხილის ხეებიც მიაყოლა. კი, ხის სახსენებელი ამოწყვიტა ეზოში

სესილიამ და ეზო ყანად მიუშვა. მახობელას უთესავენ და უმკიან მეზობლები და ეზოს მოსავალი წლიდან წლამდე ჰყოფნის.

ათიოდე ქათამიცა ჰყავს სესილიას და ეზოს ყურეში პატარა ბოსტანიცა აქვს. ქათმებს თვითონ აპურებს და ბოსტანსაც თვითონვე უვლის. ჯანი ჯერ კიდევ მოსდევს სესილიას, ჰადა-ჰა, რომოცდათორმეტისა თუ იქნება, ოღონდ გული არა აქვს სესილიას და უგულოდ ცხოვრობს ამ ცოდვით სავესე ქვეყანაში.

მიხეილის დაღუპვის მერე დღისით ეზოდან არ გადადის, თვალმა არ გაიხაროსო, მხოლოდ კვირა დღეს, დილაადრიან გაჩნდება სასაფლაოზე, შეღამებამდე შვილის სამარესთან ზის და უხმოდ ტირის. საღამოხანზე უფროდაუფრო მოეაღერსება მიხეილს, ალექსანდრეს და საურმაგის საფლავებისათვის ვერ მიუგნია სესილიას და მეუღლეს და შვილებს ამ ერთ საფლავზე ტირის და ტირილით გულმოჭვრებული ბრუნდება შინ.

დღეს ხომ უთენია წავიდა სასაფლაოზე და სახლი დაუღაგებელია. სასაფლაოდან მობრუნებული სესილია ჯერ სახლს დააღაგებს და მერე ცოტას წაიხემსებს. ხომ შესაძლოა საურმაგი მობრუნდეს და დედა მისიკვდილებული არ უნდა დახვდეს შვილს...

შუა ღამე დადგაო, — დაიცივლებს მამალი, მამინ ლოგინში ჩაწვევა სესილია, თვალებს ჰერს მიაპყრობს და ხედავს:

დაბურული ტყე. ძალიან დაბურული. მუხნარი, აქა-იქ ძელქვა და წაბლი. მუხის ძირში წევს ალექსანდრე, თავი აუღერებია, ბერდანკა შეუმართავს და თვალებს აცეცებს, გარეულ ღორსაა ჩასაფრებული ალექსანდრე. ჰოდა, ალექსანდრეს ლაწალუწი შემოესმება და უფრო შეიძარბება; დარწმუნდება ღორი მოშლიგინობსო და მუხას მოეფარება. და უცებ ვეებერთელა დათვი დაადგება თავზე ალექსანდრეს, თოფზე დაუკრავს ტორს და განზე გადაუგდებს, სახეში ჩააცქერდება და შემზარავად დაიღმუვლებს... მერე დათვი და ალექსანდრე ხელდახელ შეებმიან ერთმანეთს, ხან ალექსანდრეა გართხმული მიწაზე, ხან დათვი. ბოლოს, როგორც იქნა, ალექსანდრე გაუსხლტა დათვის და თოფს მიაშურა, მაგრამ დათვი ზედ გადაენტო, მძლავრად დაჰკრა ტორი და თოფი ისევ გააგდებინა ხელიდან ალექსანდრეს და ერთმანეთს შეებმული ალექსანდრე და დათვი ლიწინლიწინით ეშვებიან ხრამში... მცირე ხანიც და ტყე ჩაჩუმდა და ჩაწყყნარდა...

არა, დათვი ვერ მოერეოდა ალექსანდრეს, არწმუნებს სესილიას ნიკო ბეთანელი. ალექსანდრე ისეთი მარჯვეა, დათვი ვერაფერს დააკლებდაო, ელოდე და აუცილებლად მოვაო... ჰოდა, ერწმუნა სესილია ნიკო ბეთანელს და აგერ რა ხანი გავიდა და სადაა ალექსანდრე? მოვა? დამით მოადგება ჰიშკარს? დაძახება არ დასჭირდება ალექსანდრეს! დადარაჯებულია სესილია და ჰიშკართან შეეგებება, სვენებ-

სვენებით ამოიყვანს სახლში, რბილად წამოაწვენს ტახტზე, თბილ რძეს დააღვინებს, მერე მალამოს დაუფენს კრილობებზე და მომჯობინდება ალექსანდრე. მეტი არაა ჩემი მტერი!

მერე საურმაგი მოელანდება დედას... როგელი ქვეყანაა ის ქვეყანა, არ იცის არადეთელმა დედაკაცმა. პოდა, ის ქვეყანა ძალიან შორსაა არადეთიდან. იმ შორეულ ქვეყანაში წაიყვანეს საურმაგი. დიდი მდინარე მიედინება. იმ მდინარის მარცხენა ნაპირზე გაამწკრივეს საურმაგი და მისი ამხანაგები და ეუბნებიან: მდინარის მარჯვენა ნაპირზე რომ მამაკაცები დგანან, თქვენი მტრები არიან. ესროლეთ და დახოცეთ! თუ არ ესვრით და არ დახოცავთ, ისინი გესვრიან და დაგხოცავენო... მოიმარჯვეს თოფები საურმაგმა და მისმა ამხანაგებმა. დაუმისნეს და ესროლეს იმ დიდი მდინარის მარჯვენა ნაპირზე მდგომ მამაკაცებს, მდინარის მარჯვენა ნაპირიდანაც ისროლეს და ისროლეს და გაჩაღდა უმოწყალო ხოცვა-ჟლეტა... ჭერ საურმაგის გვერდით მებრძოლი ვაჟაკი დაემხო მიწაზე, ისე შემზარავად დაიგმინა, ვაი, დედაო, აგერ ამ სიშორეზე, არადეთში გაიგონა დეიდა სესილიამ... მერე საურმაგი მოიცელა, ხელები ასაესაეა, თოფი გააგდო ხელებიდან და მიწაზე პირაღმა გაიშხლართა, ოღონდ თანამებრძოლივით გულშემზარავად არ ამოუგმინია, ვაი, დედაო, ხმადაბლა დაიძახა და დაჩუმდა. თანდათან მიწელდება სროლა, საიდანღაც საკაციანი მამაკაცები და ქალები გაჩნდებიან და საურმაგსა და მის ამხანაგს ბრძოლის ველიდან გაიყვანენ. კვამლით დაიფარა მდინარე და თვალი ვერ მიაწვდინა სესილიამ; საით წაიყვანეს საურმაგი. მერე იმ უზარმაზარ ველსაც მოეფინა კვამლი, გაიშალა და გაიშალა, მთელი ქვეყანა დაჰფარა კვამლმა და სესილიამ არ იცის, საით წაიყვანეს მისი ვაჟიშვილი...

— დედა! — მეორე ოთახიდან დაუძახებს მიხეილის ხმა და სესილია არ შეკრთება. კი, მიხეილი სასაფლაოზე წევს, მაგრამ მიხეილის ხმა ამ ოთახში დარჩა და ის ხმა ესაუბრება დედას.

— კაკალი არ ჩამოვებრტყოთ, დედი? — ახლა უფრო მკაფიოდ ეკითხება მიხეილის ხმა სესილიას.

— არა! — იტყვის დედა, — ცოტადა ასხია ჩვენს კაკლის ხეს, ქარია და იმ ცოტას ქარი ჩამოჰყრის!

— ცოტა იმიტომ ასხია, დედი, რომ შარშან არ დაგვიბერტყია კაკლის ხეო, ბევრი ასხია თუ ცოტა ასხია, ყოველწლიურად მაგრად უნდა დაიბერტყოსო, ასე ბრძანებს რომანოზ ბეთანელი! მე ასე ვებრტყავო და იმიტომაც ასხია ჩემს კაკლის ხეებს ეგრე ბევრიო. ხომ გინახავს რომანოზ ბეთანელის კაკლის ხეები?

მიხეილის ხმა მართალს ამბობს და დედა ვერაფერს უპასუხებს მიხეილს, გაჩუმდება და გაიტრუნება.

...ჰოდა ადგება მიხეილი, უხმაუროდ ჩაიცვამს, უკანა კარიდან გავა ეზოში, ლაფარეში რომ დიდი ჭოკი აგდია, იმ ჭოკს კაკლის ხეზე მიაყუდებს, მერე თვითონ აცოცდება კაკლის ხეზე და ჭოკს აითრევს, მაღლა-მაღლა აიწევს და აიწევს და კაკლის ხეს ტოტებს დაურეჯგვავს და დაურეჯგვავს, ჩამოცვივა და ჩამოცვივა კაკალი... ტოტების ლაწალუწის ხმა შემოესმება სესილიას, გამოვარდება გარეთ, ჯერ დაუცაცხანებს და დაუცაცხანებს მიხეილს, დაცაცხანებით რომ ვერაფერს გახდება, თავს შეავედრებს მიხეილს და ხიდან ჩამოიყვანს...

გულნატყენი მიხეილი ბადეს მოიგდებს ზურგზე და მტკვრისაკენ გახწევს. სესილიას გულში გაჰკრავს და შეშინდება, მაგრამ რატომღაც უთხრა გულმა ნუ დაუშლიო და მოტყუვდა დედის გული...

ამღვრეული და აღიდებული მტკვარი... ბადე ტანზე შემოხვევია მიხეილს და მღვრიე ტალღები გორისკენ მიაქანებენ...

წყალზე პირალმა წვეს მიხეილი, თვალები ზეცისკენ აღუპყრია და ვერაფერს ხედავს:

ვეებერთელა შავი ღრუბელი მოეფინება ზეცას, დაბნელდება და დაყრუვდება ქვეყანა...

პირქვე ჩაემხობა ლოგინში სესილია, თვალდახუჭულია და მაინც ხედავს: შავდება ოთახის კედლები, ჭერი და კარ-ფანჯარა, აივანი, სახურავი, მთელი სახლი შავდება, ეზოც შავდება, ველ-მინდვრებიც და გორაკებიც...

ჩაეძინება სესილიას და ინათებს. და მზე რომ შემოიხედავს ფანჯარაში, სესილია დგება. საქათმედან ქათმებს გამოაქშიებს, ხორბალს დაუყრის, მერე ძროხას მოწველის, ეზოდან გაიყვანს და რომელიმე მეზობელს დაელოდება. მთელი დღე ჭიქანახევარი რძე ჰყოფნის სესილიას. საუზმე — ერთი ნატეხი პური და ნახევარი ჭიქა რძე. სადილი — ერთი ნატეხი პური და ნახევარი ჭიქა რძე. ვახშამი — ცოტა კომბოსტოს მწნილი, ერთი ნატეხი პური და ნახევარი ჭიქა რძე.

ნაირ-ნაირი კერძების მომზადება კიდევაც გადაავიწყდა სესილიას... ადრე? სამეზობლოში პირველი დიასახლისი გახლდათ: მეზობლის ქალები გულში კიდევაც ეჭვიანობდნენ სესილიაზე. მიზეზიც ჰქონდათ: ქმრები ეუბნებოდნენ — ეგებ ისეთი ხინკალი მოხარშო, როგორსაც სესილია ხარშავსო, მწვადი ისე შეაშიშხინო, როგორც სესილიამ იცისო, ჩიხირთმა ისე შეეკმაზო, როგორადაც სესილია კმაზავსო... დიახაც, პირველი დიასახლისი იყო სესილია მთელს სამეზობლოში. ეშხიანი და ლამაზიც იყო და მუხრანიდან გამოთხოვილი გლეხის გოგო ბაგრატიონის კნეინად მონათლეს მეზობლებმა.

აღექსანდრე იშვიათად მობრუნდებოდა ნადირობიდან ხელცარიელი და იმავე საღამოს, ან თუ გვიან მოვიდოდა აღექსანდრე, მეორე დღეს კარის მეზობლებს აუცილებლად მოიწვევდა სესილია ნანადი-

რევზე. ხელცარიელი ხომ მობრუნებულა ალექსანდრე? მობრუნებულა. ჭერ გაექილიკებოდა მეუღლეს — რაო, თავი შეგაბრალა ნადირ-მაო? თავი მოგაწონაო? თბილი წყლით ხელ-პირს და ფეხებს დააბანინებდა, დააპურებდა, ლოგინს გაუშლიდა, — დაღლილი და უძინარი ხარ, დაისვენე და დაიძინეო. ალექსანდრე დაწვებოდა და დაიძინებდა. დატრიალდებოდა სესილია, მოიშველიებდა საურმაგს და მიხეილს, შეღამებულზე ვახშამი მზად იყო და კარის მეზობლები სუფრას უსხდნენ...

— ეს ინდაურიო, — ძალიან სერიოზულად და დარწმუნებით იტყოდა სესილია — ჩვენს მონადირეს ერთის გასროლით მოუკლავსო, და სუფრაზე შამფურზე შემწვარ ინდაურს შემოდგამდა, — ეს ქათმები კი, ამ ინდაურის ნათესაეები გახლავთ და მონადირეს ინდაური რომ წამოუღია, ქათმები უკან დაღვევები და კორკოც კორკოცით შემოფრთხილდნენ სამზარეულოშიო. — მიირთვიო, ძალიან გემრიელია ჩემი ქმრის ნანადირევიო.

ენაწყლიანობდა და ტრიალებდა სესილია, იღიმებოდა ალექსანდრე, იღიმებოდნენ სესილიას ბიჭები, სუფრას უსხდნენ მხიარული კარის მეზობლები, და ლოცავდნენ და ლოცავდნენ დიასახლისს.

...ალექსანდრე რომ არ მობრუნდა ნადირობიდან, გულის ნახევარი მაშინ მოუკვდა სესილიას. ელოდა და ელოდა. საურმაგი და მიხეილი რომ დაიძინებდნენ, აივანზე გამოვიდოდა სესილია, აივნის სვეტს შემოხვევდა ხელებს, იდგა გარინდული და სიბნელეში გასცქეროდა ჭიშკარს... ელოდა!

მერე ერთ წვიმიან დღეს, დედასთან ჩამოსულ საურმაგს არადეთში რომ ჩამოაკითხეს გორიდან და ჭარში წაიყვანეს, გულის მეორე ნახევარი მაშინ შეეკუმშა და გაუტყდა სესილიას...

მერე ის შავი დღეც გათენდა! სასაფლაოდან შინ კი მოაბრუნეს სესილია, მაგრამ მისი შეკუმშული და გამტყდარი გული სასაფლაოზე დარჩა და მიხეილის გულთან ერთად შვილის სამარეში წევს სესილიას გული.

ჰოდა, უგულოდ ცხოვრობს სესილია!

მაინც ცოცხლობს და ცხოვრობს!

ნიკო და ნატო ბეთანელები, ანა და მისი შვილები, კარის მეზობლები, აცოცხლებენ და აცხოვრებენ დეიდა სესილიას.

პურს ნიკო ბეთანელის ოჯახი უცხობს სესილიას:

ყოველ პარასკევ საღამოს გამოუვლის ნიკო ბეთანელი. ჭიშკარს მოადგება და ხმადაბლა დაუძახებს სესილიას. დაიძახებს ნიკო და სესილია ჭიშკართან გაჩნდება, პატარა ნაკრაულას გაუწვდის, ნიკო გამოართმევს ნაკრაულას და არაფერს ეტყვის. შაბათს, შუადღისას ნატო, ანა, ან ნიკო მოვა სესილიასთან და ოთხ შოთიბურს მოუტანს.

სულ პირველად რვა შოთი პური მოუტანა ნიკომ სესილიას და სესილია გაუჭავრდა. მე ოთხი შოთი პურის ხორბალი გავატანე, შენ კი რვას მაძლევო, ეს ოთხი შენს შვილიშვილებს მიუტანე, მე სამოწყალო არაფერი მჭირსო და ოთხი შოთი პური უკანვე გაატანა ნიკოს. — მე ოთხი პური მყოფნის და იმიტომაც გაატანე ოთხი პურისათვის სამყოფი ხორბალიო... გაცეცხლდა, ძალიან გაცეცხლდა დეიდა სესილია და იმ დღიდან ასეა: პარასკევს საღამოხანზე გამოუვლის ნიკო ბეთანელი სესილიას, პატარა ნაკრაულას გამოართმევს, წისქვილში წაიღებს, მაგრამ არ დაფქევს. სახლში რომ მობრუნდება მარანში შევა, მარანში ერთი დიდი კოდი აქვს და იმ კოდში ჩაპყრის სესილიას ხორბალს. ცალკე ინახავს სესილიას ხორბალს ნიკო ბეთანელ:

## თ ა ვ ი მ ე ც ა მ ე ტ ი

დღეს სესილია შინ არ დახვდა ნიკოს და ნიკო ხელცარიელი მობრუნდა.

ჭიშკართან, დაბალ სამფეხა სკამზე, რომანოზი იჯდა. რომანოზმა თქვა.

— დილაუთენია მოვკარი თვალი, მგონი ძროხა წაიყვანა სესილიამ გორში.

— გორში რატომ?

— გასასყიდად. მეუბნებოდა ძროხის მოვლის თავი არა მაქვს, უნდა გავყიდოო.

„სესილია ძროხას წაიყვანდა გორში გასასყიდად და ჩვენ არ გვეტყოდა? აქ რალაც სხვა ამბავია!“

და ეს ცუდად ენიშნა ნიკო ბეთანელს.

და გული არ უჩერდება სახლში ნიკო ბეთანელს.

ნასადილევს დასვენება არ ისურვა:

— სესილიას პურს მივეუტან, მერე წისქვილში წავალ, გაღმაუბნელებს ქორწილი აქვთ და ბლომად დატოვეს საფქვავი.

— დღეიდან მეწისქვილე მე ვარ! დეიდა სესილიასაც მე გავუვლი და პურს მე მივეუტან, გაღმაუბნელების საფქვავსაც მე დაფქვავე! — გადაჭრით თქვა ნოშრევანმა, პატარა კალათში სესილიას შოთი პურები ჩაალაგა და ეზოდან ჩქარი ნაბიჯით გავიდა.

ნიკო სახტად დარჩა.

— ღარში ნახევრად მოუშვი წყალი და გაღმაუბნელების ხორბალი ცივად დაფქვი — ხმა დაადევნა ნიკომ ეზოდან გასულ ნოშრევანს.

დეიდა სესილიას კიშკართან, დაბალ სამფეხა სკამზე იჯდა რომანოზი და ეზოში იყურებოდა.

— სესილია შინ არ არის? მამაშენმა არათფერი ვითხრა?

— არა! — გაიკვირვა ნოშრევანმა.

— აკი ვუთხარი მამაშენს, — დილაუთენია ძროხა წაიყვანა სესილიამ, მალე დეკეული მოიგებს ხბოს და ორ ძროხას ვერ მოკუევილი. მგონი გორში წაიყვანა გასაყიდად. ველოდები და არ ჩანს.

„დეიდა სესილია ძროხას წაიყვანდა გორში გასაყიდად და ჩვენ არ გვეტყოდა? არა, აქ რალაც სხვა ამბავო!“

და ეს ნოშრევანსაც ცუდად ენიშნა.

— სადაცაა მობრუნდება! — ვითომ გაამხნევა რომანოზი ნოშრევანმა. დეიდა სესილიას შოთი პურები რომანოზს დაუტოვა და თვითონ წისქვილში წავიდა.

წისქვილი დამასმასებული იყო.

კოდი, პირთამდე აევსო ხორბლით ნიკოს და ერთი თავმოსნნილი ტომარაც კოდზე იყო შემოდებული.

ღარში მოზომილად მიუგდო წყალი ნოშრევანმა, დოლაბი ნელა ტრიალებს და ცივად იფქვება ხორბალი...

...ნელა ბრუნავს დოლაბი, ხვიმირი საესეა ხორბლით, დიდხანს, ძალიან დიდხანს არ ჩამოთავდება საფქვევი, ნოშრევანი ფიცარზე პირალმა წამოწვება, ხელებს თავქვეშ ამოიღებს, თვალებს მილულავს და ფიქრი წაიღებს ნოშრევანს...

„ადამიანი, რომელიც შეეჩვევა მწუხარებას, ვერასოდეს გახდება ბედნიერი, — რომელიღაც ბრძენს უბრძანებია და მართალია! მაგრამ ზოგიერთი ადამიანო, იმავე ბრძენს უბრძანებია, უმნიშვნელო რამეს მიიჩნევს მწუხარებად და ასეთი ადამიანი უბედურზე უბედურაიო და ეს ადამიანი მე ვარ!“

ვითომ გულმა წამომიყვანა წისქვილში? უფრო გადაწყვეტილებამ! აკი გადავწყვიტე — დღეიდან მე ვიყო მეწისქვილე და პურისმცობელი! პური გამოვაცხვე და ყველა გავახალისე... მე თვითონ არ ვახალისდი? ნამდვილად გახალისდა ჩემი გული, ფიქრი დამეწმინდა, სხეული ამიმსუბუქდა, მკლავებში ძალა მომემატა...

დედაჩემი რომ გამხიარულდა, იმან მომიმატა ძალა მკლავებში.

ანას ღიმილიანმა შემოხედვამ ამიმსუბუქა სხეული;

გიორგისა და პატარა ნიკოს ტიტინმა და შეხტომა-შემოხტომა გამაქაბუკა;

მამაჩემი? თონესთან რომ მომისწრო მამაჩემმა, ჯერ გაიოცა, მერე თვალბში ჩამხედა, გულში თქვა, — ყოჩაღ, ნოშრევანო, და გამიღიმა.

კი, მთელი ოჯახი გავამხიარულე და მეც დარდი გადამეცალა გუ-  
ლიდან!

რატომ წამოვედი მარტო წისქვილში?

თვეზე მეტია; ერთად ვცხოვრობთ და მე. მაინც მარტო ვიყავი.  
დღეს კი... ჰო, დღეს ყველანი ერთად ვიყავით.

შემომიერთდა ანა, გიორგი და პატარა ნიკო, დედაჩემი და მამა-  
ჩემი!

მე შევეუერთდი მათ!

ეს-ესაა დავსვრდები მათ და ისევ მარტო დავრჩი... არა, აწი მარტო  
არ წამოვა ნოსრევეანი წისქვილში! გიორგის გამოიყოლიებს, მერე  
ანა და პატარა ნიკო ჩამოაკითხავენ წისქვილში გიორგის... მარტო  
გიორგის რატომ? ნოსრევეანს და გიორგის ჩამოაკითხავენ ანა და პა-  
ტარა ნიკო, საუბმესაც ჩამოუტანენ წისქვილში, დასხდებიან და საუ-  
ბარს გააბამენ... მერე პატარა ნიკო შეეხევეწება დედას ზღაპარი მო-  
მიყვიო, ანა დაიწყებს ზღაპრის მოყოლას და პატარა ნიკოსთან ერ-  
თად გიორგი და ნოსრევეანიც მოისმენენ ზღაპარს... მერე ხომ ჩამო-  
თავდება საფუკავი? ღარს გადაკეტავს ნოსრევეანი, გამოიკეტავენ წის-  
ქვილის კარს და საუბარ-საუბრით დაადგებიან გზას პატარა ნიკო,  
გიორგი, ანა და ნოსრევეანი.

ჭიშკართან ნიკო დახვდება მეწისქვილეებს, პატარ ნიკო გაქანდება  
და აეტატება ბაბუას, გაეტიკტიკება, დედა წისქვილში მომიყვა ზღა-  
პარს, დაძინებისას შენ უნდა მომიყვიო. კიო, ეტყვის ნიკო შვილი-  
შვილს, ხელში აიყვანს და მერე ყველანი სამზადში შეველაგდებით.

ჰო, სამზადში დედაჩემი გველოდება...

ახლა კი მარტოა ნოსრევეანი, პირალმა წევს, ხელები თავქვეშ ამო-  
უღვია, თვალები მიუღულავს და ფიქრს წაუღრია...

... კი. ზოგიერთი ადამიანი უმნიშვნელო რამეს მიიჩნევს რისხვად  
და, სამწუხაროდ, უბედურზე უბედურია ასეთი ადამიანი. ეს ადამიანი  
ნოსრევეან ბეთანელი გახლავთ: დროებით თავი მივანებე თეატრს,  
ცოლშვილთან და დედ-მამასთან ჩამოვედი, კანში ვერ დავტეულვარ,  
ვერ მოვერიე გულს და სადაცაა არარაობად ვიქცევი ნიკო ბეთანე-  
ლი ამბობს, ოინბაზობაა დღევანდელი თეატრიო, ჩემი მეგობარი  
ჯუნანშერ გარსევანიშვილი — ტაკიმასხარაობაა თეატრიო. ამ ოინბა-  
ზობას და ტაკიმასხარაობას ზურგი შევაქციე და ვერ მომიხელებია,  
ისევ თეატრში მეძახის გული...

...ოთარ ბეგის ტანსაცმელს აცმევენ ნოსრევეან ბეთანელს...

გიმნაზიელი ნოსრევეან ბეთანელი ოცნებობდა ამ როლზე და პირ-  
ველად რომ ნახა „ღალატი“, სწორედ ოთარ ბეგის როლის შემსრუ-  
ლებელი არ მოეწონა. ცივი, გამყივარი ხმა ჰქონდა მსახიობს. კი, ხმას  
ძალას ატანდა ოთარ ბეგის როლის შემსრულებელი მსახიობი. ოთარ



ბეგის მოძრაობაც ეუცხოვა ნოშრევანს — ზედმეტად აჩქარებული და ზედმეტად შენელებული, დინჯი ნაბიჯები, ხელების არაბუნებრივი გაშლა, მხრების გაუთავებელი რხევა, უდროო დროს ჩახველება და შექანვა...

პოდა, ოთარ ბეგის ტანსაცმელს მაძკევენ!

სულ ათი დღე მავარჯიშა რეჟისორმა ოთარ ბეგის როლზე, მე კი ანანიას როლისთვის ვემზადდებოდი. მერე და მერე ანანიას როლი უფრო მომეწონა, ჭანმაგარი, ალალი, შეუპოვარი გლეხია ანანია. ავად გახდა ოთარ ბეგის როლის შემსრულებელი და რეჟისორმა მე დამავალა მისი შეცვლა. მინდოდა უარი მეთქვა, მაგრამ ვერ შევებდე, სხვა არავინ იყო დასში ოთარ ბეგის როლის შემსრულებელი და უფრო ამის გამოც ვერ ვთქვი უარი...

წარმოდგენის დაწყებისას ძალზე შევეშინდი. ეს არასოდეს მომსვლია, პირიქით, ყოველთვის მოუთმენლად ველოდი წარმოდგენის დაწყებას...

გამოვედი სცენაზე. პირველი ფრაზა. ტაში. ზეინაბი წამოვიდა ჩემსკენ, მომიახლოვდა, გამომცდელად ამხედ-დამხედა, მერე თვალი გამისწორა ზეინაბმა და მე როგორღაც მოვიჩუხე, თავი დაეხარა: ზეინაბმა რაღაც მკითხა და მე ვერ გავიგე. პო, არ მესმის ზეინაბის ხმა! ეგებ უხმოდ ლაპარაკობს ზეინაბი? ჩემი როლი ზეპირად ვიცი, ისიც ვიცი, რა უნდა მითხრას ზეინაბმა, მაგრამ ჩემი სათქმელიც მავიწყდება და ვერც ზეინაბის ნათქვამი გავიგე. მოკარნახემ ხმას აუწია და ჩემს სათქმელ სიტყვებს მკარნახობს, ვერც ამან უშველი საქმეს.

დარბაზში ჩურჩული. ჩახველება.

ხმას უფრო აუწია მოკარნახემ და სიტყვებს მიმარცვლავს. როგორც იქნა გონს მოვეგე და ამოვიდგი ენა.

— არა, დედოფალო ზეინაბ, ეგ როგორ გაივლეთ გულში!

ზეინაბი უხერხულად შეირხა, — ოდნავ უკან დაიხია დედოფალმა, დამცინავად გამიღიმა და ხმამალლა შესძახა:

— რუქაია!

სცენაზე რუქაია შემოდის.

მე ისევ მავიწყდება ჩემი სათქმელი და უხერხულად ვდგავარ.

ხმა დარბაზიდან:

— ხმა ამოვიდგი, ოთარ ბეგ!

ჩუმი სიცილი. ჩახველება.

ისევ მოვეგე გონს და გაცდენილი დროის ასანაზღაურებლად სხაპასხუპით ავლაპარაკდი.

ხმა დარბაზიდან:

— ყოჩაღ, ოთარ ბეგ!

ისევ სიცილი და ჩახველება.

მე რე არაფერი შემშლია და არ შეეფერხებულვარ, დროზე და გამოსახვით ვამბობდი ჩემს სათქმელს, ვილიმებოდი, ვბრაზობდი, სეკუნდიანიც ვიყავი, ხალისიანიც, მაგრამ წარმოდგენამ უსიცოცხლოდ ჩაიარა.

წარმოდგენის დამთავრებისას გარკვევით გავიგონე:

„ეტყობა, დღეს ბატონი ბეთანელი სხვაგან მიდიოდა და თეატრში შემთხვევით შემოცდენია ფეხი“...

მამაკაცის ბოხი ხმა იყო.

მე თავი დავეხარე, თვალები დავხუჭე და დარბაზს ზურგი შევაქციე.

ტაში მაინც დაუკრა მაყურებელმა.

ზარც რატომ?

ანანიას, ზეინაბის და რუქაიას როლების შემსრულებლებს უკრავდა ტაშს მაყურებელი.

ცხადი იყო, მე არავინ მიკრავდა ტაშს... ფარდა რომ ასწიეს და სცენაზე მე რომ ვერ მიხილა მაყურებელმა, ტაშმა იმძლავრა.

ღიას, მაყურებელმა განაჩენი გამომიტანა! მე ეს ჩინებულად ვიგრძენი, ტანსაცმელი სწრაფად გამოვიცვალე, არავისთვის ხმა არ გამიკია და თეატრიდან გავიძურწე.

თეატრის სადარბაზოსთან ანა დამხვდა. თვალებში შევხედე. ანა იცრემლებოდა. მკლავი გავუყარე და წამოვედი.

ოციოდე ნაბიჯი გავდგივით და ვილაცამ მხარზე დამადო ხელი.

სიკო აზმაიფარაშვილი იყო.

ნომერი პირველი უნიჭო მსახიობი.

ოცი წელიწადია თეატრში ჩალიჩობს, ორმოცს გადაცილებულია და ჯერ კიდევ ვერ მიმხვდარა, რომ ზედმეტია თეატრში.

რამდენჯერმე დაითხოვეს დასიდან, მაგრამ ისევ და ისევ აღიდგინა თავი. დიდი მფარველი ჰყავს. ამბობენ პრემიერ-მინისტრის მეგობარია სიკოს მფარველიო. უხმია პრემიერ-მინისტრის იმ მეგობარს ქართული დასის რეჟისორი და დაუცაცხანებია, რას ერჩით ამ სიკო აზმაიფარაშვილსო! ხომ ხედავთ, ხელოვნებისათვის თავგადაკლულია ეს კაცი და ნიჭს რატომ უხშობთო, ხელი მოუშართეთ და წაახალისეთო. და დადის ამაყად და თავაღერებულად სიკო აზმაიფარაშვილი. მეო, უკაცრავად ბრძანდებოდეთ, უდიდესი დამსახურება მიმიძღვის ქართული თეატრის წინაშე და არავისზე ნაკლები არ განსჯავართო, მე ჩემებურად განვასახიერებ როლებს და ჩემი საკუთარი სტილი გამაჩნიაო...

— მგონი კარგად ჩაიარა წარმოდგენამ, ქალბატონო ანა! — თქვა სიკომ და ნაბიჯი შეანელა.

ანამ არაფერი უპასუხა.

— კარგად, — დავმარცვლე მე და მეც ნაბიჯი შეევანელე.

— ასეც მოველოდი! ჩემი მოლოდინი ყოველთვის მართლდება! —  
დარწმუნებით თქვა სიკომ.

ანამ და მე ნაბიჯს ავუჩქარეთ.

— არ დავბრუნდეთ, ბატონებო? — ხმამალა გვკითხა სიკომ.

— სად უნდა დავბრუნდეთ? — გავიკვირვე მე.

სიკომ გაიღიმა და აგვხედ-დაგვხედა.

— დაგავიწყდათ, ვახშმად რომ ვართ მიწვეული ბატონ კირილეს-  
თან?

— ბატონ კირილესთან, ვახშამზე? — ისევ გავიკვირვე მე.

— ბიჭი გვყავს ავად. — იცრუა ანამ და მკლავზე მომიჭირა ხე-  
ლი, — ჩვენს გამო ნუ დაიგვიანებთ, სიკო ბატონო, თქვენ გაბრუნ-  
დით.

— ბიჭი გყავთ ავად? — ისე თქვა სიკომ, გვაგრძნობინა, ვიცი რომ  
ცრუობთო, — სამწუხაროა, განათლების მინისტრიც (ეს ორი სიტყვა  
დამარცვლა სიკომ) მოწვეულია ვახშამზე.

პატივცემული სიკო დაგვემშვიდობა და წავიდა.

ჩემთვის გულში: „ნოშრევან ბეთანელი ახლა მტკვარს უნდა უახ-  
ლოვდებოდეს, ეს კი მეუღლესთან ერთად მიიჩქარის შინ. თითქოს  
სამსახურში ყოფილიყოს. ეს-ესაა დამთავრდა სამსახური, დაქანცუ-  
ლია ნოშრევან ბეთანელი, მივა შინ, გაიშლილფებს, ცოტას დანაყ-  
რდება, მერე წამოწვება და დაისვენებს!

სახლს მივუახლოვდით და ანამ ამოიდგა ენა.

— ეგებ წასულიყავი ვახშამზე? — მივუხვდი, უფრო სიჩუმის და-  
სარღვევად თქვა ანამ.

არაფერი ვუპასუხე.

— მაინც რა მოხდა? სცენაზე ისე დადიორდი, თითქოს სხვისი ფე-  
ხები გება! ხმა? საიდან გამოიხმე ასეთი ხმა?

ახლაც არაფერი ვუპასუხე ანას.

ჩემთვის გულში: „მართლაც საიდან გამოვიხმე ისეთი ხმა? ზეინ-  
ბის ხმამ გამოიხმო? ზეინაბის კილომ? მისმა ცბიერმა ლიმლიმა? უშ-  
უალო არ იყო ზეინაბი და ვითომ მისი სიყალბე გადმომედო მე? მიმ-  
ბაძველის სული ამოტრიალდა ჩემში? არა! ზეინაბი არაფერ შუაშია!  
ჩემი უმწეობა სხვას მინდა გადავაბრალო. ყოჩაღ, ნოშრევან ბეთანე-  
ლო! „ხმა ამოიდგო“ რომ შემომესმა, გრიმი უნდა მომეხსნა და მა-  
ყურებლისათვის მეთქვა:

— დიდად პატივცემულო საზოგადოებავ! აპატიეთ ნოშრევან ბე-  
თანელს, იგი ნამდვილად სხვაგან მიდიოდა და შემთხვევით შემო-

უცდა ფეხი თეატრში! მეტად აღარ შეგაწუხებთ ნოშრევან ბეთანელი, მშვიდობით ბრძანდებოდეთ!”

მერე? მერე ჩქარი ნაბიჯებით უნდა წასულიყო მტკვრისკენ... მე კი, მეორე დღეს დილაადრიან მივდივარ თეატრში, თამამად და ამაყად შევდივარ რეჟისორთან და უკმეხად ვეუბნები:

— თქვენ დიდად შეცდით, ოთარ ბეგის როლი რომ მათამაშეთ!

— სხვა გამოსავალი არ მქონდა! — მომიბოდიშა რეჟისორმა.

— მე ანანიას როლი მზად მაქვს და გთხოვთ მალე დანიშნოთ წარმოდგენა!

— შევეცდები, რაც შეიძლება მალე...

საფეკვაო ჩამოთავდა და დოლაბი ანმაურდა. ნოშრევანს ფიქრი გაუწყდა. ადგა და ღარი ჩაქეტა. საღამოვდებოდა. გაღმაუბნელებს რომ ეჩქარებოდეთ, მოაკითხავდნენ. დანარჩენს ხვალ დილით დაფეკვავს ნოშრევანი. ფეკვილით სავსე ტომარა კართან ახლოს მიიყუდა, ახლა წისქვილის კარს გამოკეტავს და შინ წავა.

— მამაშენი მეგულებოდა წისქვილში! — სესილიას ხმა შემოესმა ნოშრევანს.

სესილია იყო. ორივე ხელით ნაკრაულა ეჭირა და წისქვილის კართან თავდახრილი იდგა.

ნოშრევანმა ნაკრაულა გამოართვა და კოდზე შემოდო.

— გუშინ უნდა გამოეელო მამაშენს ჩემთან! ეტყობა დავავიწყდი. — მკვანედ თქვა სესილიამ და წისქვილის კართან ძელსკამზე ჩამოჯდა.

— დღეს იყო მამა თქვენთან, დეიდა სესილია, თქვენ კი არ იყავით შინ.

— დღეს რატომ? გუშინ უნდა გამოეელო! დღეს შაბათია! წვრილად დამიფეკვი!

ნოშრევანმა ხორბალი კოდში ჩაჰყარა, ღარში წყალი მიუშვა და სესილიას გვერდით დაჯდა.

— ძია რომანოზმა პური დაგახვედრა?

— აივანზე დავტოვე. შენ რომ სახლში მიბრუნდები, უკანვე გაგატან! — ეს უკვე გულმოსულად თქვა დეიდა სესილიამ.

— უკან გაგატან? რატომ? — ძილან გაიკვირვა ნოშრევანმა.

— მამაშენს მათხოვრად გავუხდევარ მე!

— მათხოვრად? ეს როგორ? — თვლებში ჩახედა ნოშრევანმა დეიდა სესილიას.

— შენმა გიორგიმ მითხრა, ჩემგან წაღებულ ხორბალს, მარანში რომ დიდი კოდი გიდგათ, იმაში ჰყარის და ინახავს, მე კი, შოთი პურებს მიგზავნის, ვითომ ჩემი ფეკვილით გამომცხვარს; ჩემთვის არ უნდა ეკადრებია ნიკოს ეს, მე მათხოვარი არასოდეს ვყოფილვარ!

გუშინწინ დაცდა ეს შენს ბეჭს და მთელი ღამე არ ძძინებია... გუშინ ველოდი მამაშენს და არ მოვიდა. ვიცი, განგებ არ გამომიარა წისკელიში მიმავალმა, რცხვენოდეს!

ნოშრევანმა ვერაფერი უპასუხა და სესილია დარწმუნდა, ნოშრევანსაც სცოდნია ეს ამბავი და უფრო გაცეცხლდა.

— ჩემი ქელეხისთვის ინახავთ ჩემს ხორბალს? არ დაგვირდებათ! მე ჭერ სამარეში ჩავეწვები და მერე მოვეკვდები, არავის შეეაწუხებ ჩემი სიკვდილით და დაკრძალვით.

ნოშრევანს თავი დაბლა დაუხრია და სდუმს. ძალიან ებრალება დეიდა სესილია, მაგრამ ნუგეშს ვერაფერს ეუბნება.

— განა მარტო მე დამადგით ფეხი გულზე? ჩემს შეილებსაც, ჩემს მეუღლესაც.

სათქმელი თქვა და დაცხრა დეიდა სესილია. გული გაუთბა და თვალეზში ცრემლი მოადგა. კი, თვალეზი აუცრემლდა დეიდა სესილიას, მაგრამ ნოშრევანს ცრემლს არ დანახებებს, ნოშრევანთან არ ატირდება დეიდა სესილია, თავს არ დისაწყულებს. სახე მოარიდა ნოშრევანს, ძელსკამიდან ადგა და შინისკენ გაუყვა.

— ნაკრაულას მე ამოგიტანთ, დეიდა სესილია, — ხმა დაადევნა ნოშრევანმა.

— სახლში წაიღე! — უკანმოუხედავად თქვა დეიდა სესილიამ და ნაბიჯს აუჩქარა.

ნოშრევანმა თვალი გააყოლა და იგრძნო, გზაზე ადამიანი კი არა, შიშველი დარდი მიაბიჭებდა.

განა არ იცოდა ნოშრევანმა დეიდა სესილიას ხორბალი სად ინახებოდა? იცოდა! რამდენიმე დღის წინათ, დილით, მარანში, შეიყვანა ნოშრევანი, საწნახელის გვერდით დიდი კოდი რომ დგას, იმ კოდთან მიიყვანა და სახურავი ახადეო, უთხრა. ნოშრევანმა სახურავი ახდა კოდს, კოდი სავესე იყო ხორბლით. თუ იცი, ვისი ხორბალიაო, ჰკითხა გიორგიმ. რა საკითხავიაო, გაიკვირვა ნოშრევანმა; აბა თქვი, ვისი ხორბალიაო, განმეორებით ჰკითხა გიორგიმ. ჩვენი სათესლე ხორბალიაო, უპასუხა — ნოშრევანმა. გიორგიმ გაიცინა და ნიშნის მოგებით უთხრა მამას: არა გცოდნია! ამ კოდში რაც ხორბალია, დეიდა სესილიასია, პაპა ნიკოს სესილიასგან მოაქვს და ამ კოდში ჰყრის...

ღიანაც იცოდუ, მაგრამ ვერ ეტყოდა ნოშრევანი, ან თქმა ვინ აცალა? სხაპასხუპით ლაპარაკობდა დეიდა სესილია, მის ხმაში მადლიერებაც იყო, სინანულიც, საყვედურიანი და გაბოროტებულიც იყო მისი ხმა: მადლობელი ვარ, რომ ხელი გამომიწოდეთ, ღვთისნიერი გული გაქვთ და ღმერთმა! გაცოცხლოთ, მაგრამ მე საპყრად და მათხოვრად რატომ დამადგეთო? არა გრცხვენითო? ღმერთს რას ეტყვიტო?

საფქვევი ჩამოთავდა და წისქვილშიც ჩამობნელდა.

ნოშრევანმა ლამპა აანთო, დეიდა სესილიას ნაკრაულა მოიძია და ფქვილით გაავსო.

წისქვილში ნიკო შემოვიდა.

— რატომ შეგაგვიანდა?

— სესილიამ მოიტანა საფქვევი! — ყრუდ თქვა ნოშრევანმა.

— სესილია იყო წისქვილში? რა მინდოა? — აღელდა ნიკო.

— გუშინ ხომ პარასკევი იყო? ნიკომ რატომ არ გამომიართ?

— სხვა არაფერი უთქვამს?

— ყველაფერი თქვა და ყველაფერი იცის!

ხანგრძლივი დუმილი.

— ცოდოა! — სინანულით თქვა ნიკომ და სესილიას ნაკრაულას დაავლო ხელი, — მივუტან, მოვუბოდიშებ, დავამშვიდებ...

— ნუ დაენახვები! დეიდა სესილია ახლა ტირის და ჩვენ გვემალება, ცრემლი რომ მოადგა, ჩემს გვერდით იჯდა, თვალეზში ჩაეცქერდი და მინდოდა მენუგეშებინა, უმაღვე სახე ამარიდა, ძელსკამიდან წამოიჭრა და გაქანდა, უკანმოუხედავად დამიყვირა — ეგ ფქვილი სახლში წაიღე და ჩემთვის ნუ გამოაცხობ პურსო... ნუ მიხვალ, ნუ დაენახვები! ცოდოა, დეიდა სესილია! ახლა მარტოობა ჯობია მისთვის... გულში: „თვითონ რომ მოესმინა მამაჩემს სესილიას საყუდურები... არა! კიდევ კარგი, რომ წისქვილში მე დავხვდი და არა მამაჩემი!“

— წავიდეთ შინ, ცოტა დაწყნარდება დეიდა სესილია და მოგვიანებით მე მოვინახულებ, — თქვა ნოშრევანმა და წისქვილიდან გავიდა.

ნიკომ ლამპა ჩააქრო, წისქვილის კარი გამოკეტა, დაეწია ნოშრევანს და სესილიას ნაკრაულა ილლიოდან გამოუღო.

ფრთხილი ნაბიჯებით ჩაუარეს მამა-შვილმა სესილიას ეზოს, ნიკომ ცალი თვალით გახედა სახლს, მოეჩვენა, თითქოს სესილია აივანზე იდგა და ნაბიჯი აიჩქარა და აიჩქარა...

...ადრე ივანშემს ბეთანელების ოჯახში და ნავახშმევს ნოშრევანი სესილიასთან გადავიდა.

ცალკე ჭაბო შეეხვეწა, ცალკე ანა, წაგვიყვანეო, მაგრამ ნოშრევანმა არცერთი არ გაიყოლა.

არც ნაკრაულა წაუღია ნოშრევანს;

დეიდა სესილიას ჭიშკართან შედგა ნოშრევანი და ხმადაბლა დაიძახა — საურმაგ! — მერე ეზოს მიმოავლო თვალს და სახლს შეხედა. ფანჯრებიდან გამოჭრილი სინათლე აივანსაც ანათებდა და ჭიშკარსაც.

სიჩუმეა.

და ახლა უფრო ხმამაღლა დაიძახა ნოშრევანმა.

— საურმაგ!

ღეიდა სესილიამ პირველი დაძახებაც გაიგონა, ნოშრევანის ხმაც შეიძინო, სესილიას გულს კიდევაც გაეხრდა და კიდევაც ეტყინა, მომეყურაო იფიქრა და გაირინდა.

მეორედ რომ ჩაესმა შვილის სახელი, აივანზე გამოიქრა.

ნოშრევანმა ჭიშკარი შეაღო, ეზო ჩქარი ნაბიჯით გაიარა, კიბესთან შეყოვნდა, უნდოდა ეკითხა ღეიდა სესილიასათვის, ხომ არ გაგაღვიძეო, მაგრამ არაფერი უთხრა, კიბე აიარა, თავი დაუქრა სესილიას, შეუპატიეებლად შევიდა ოთახში და მგიდასთან დაჯდა.

სესილია ფეხდაფეხ მიჰყვა ნოშრევანს.

სევდიანი, დაღონებული სახე აქვს ნოშრევანს და ნოშრევანი შეებრალა ღეიდა სესილიას.

„ნოშრევანთან რა ხელი. მქონდა, ნიკო უნდა მენახა!“ (მაგრამ სესილია ბოდიშს არ მოუხდის ნოშრევანს!)

„ამანაც იცოდა! ნამდვილად იცოდა და არაფერი მითხრა! ნამუსი შეუნახა მამას“.

სევდიანი, დაღონებული გამოსხედვა აქვს ნოშრევანს და ნოშრევანი ებრალება ღეიდა სესილიას...

„მგებ გიორგი დატუქსა და მიტომ არის დაღონებული ნოშრევანი?“

— ბიჭები ხომ კარგად არიან, ნოშრევან! (ვითომ დღეს არ ენახოს სესილიას გიორგი და პატარა ნიკო!)

— კარგად!

„არა, გიორგი კარგი ბიჭია და გიორგის არ დატუქსავდა ნოშრევანი“.

— ანა?

— ფეხდაფეხ დასდევს ბიჭებს...

„ნეტავ საურმაგს მოეყვანა ცოლი, ახლა რძალი მეყოლებოდა შინ, შვილიშვილიც“...

— ქალბატონი ნატო და ბატონი ნიკო?

— დედა ჩემთან ერთად მოდიოდა...

— და ნიკომ დაუშალა? — შეაწყვეტინა სიტყვა ღეიდა სესილიამ ნოშრევანს.

— არა, შვილიშვილები აეკიდნენ და დედამ თქვა, გვიანიაო. — იცრუა ნოშრევანმა.

„კი, ნატოს კალთას არიან გამობმული გიორგი და პატარა ნიკო, ბედნიერია ქალბატონი ნატო!“

საკითხავი და სათქმელი გამოუთავდა ღეიდა სესილიას.

ხანგრძლივი სიჩუმე.

ახლა ნოშრევანი ალაპარაკდება, ოღონდ ცოტახანს დავაცადოთ. ჯერ თუთუნის ქისას მოიძიებს ნოშრევანი. პაპიროსი არადეთში კი არა, თბილისშიაც არ იშოვება. არც ასანთი იყიდება თბილისსა და არადეთში. ჰოდა, თუთუნით დატენის ჩიბუხს ნოშრევანი, მერე კვესს გაჰკრავს, მოუკიდებს ჩიბუხს და გააბოლებს ბეთანელების თუთუნი მაგარია და კვამლის პირველ ჩასუნთქვანზევე ზედიზედ დაახველებს ნოშრევანი. მერე ხველა თანდათან გაუნელდება, მოუბოდიშებს დეიდა სესილიას და ჰკითხავს.

„რაო, როგორ გითხრა ჩემმა ვიორგიმ?“

არა, ამას არ ჰკითხავს! ახლა დამშვიდებულია დეიდა სესილია, ხორბლის ამბავი რომ გაახსენოს, აღელდება და გულს მოიყვანს.

„თქვენი ნაკრავლა სახლში ავიტანე, დეიდა სესილია!“

არა! ვერც ამას ჰკითხავს: ისევ ფქვილი, ნაკრავლა, შოთი პურის „ახალი ხომ არაფერი იცი საურმაგისა?“

აუუ, განა შეიძლება ეგ შეეკითხოთ დეიდა სესილიას? გაგიყდება! ახალი რამე რომ გაეგო საურმაგისა დეიდა სესილიას, მთელ სოფელს გვეცოდინებოდა.

გაახსენდა ნოშრევანს:

ეს სამი თვის წინათ იყო. ნოშრევანი სოფელში იყო ჩამოსული და კვირა დღით მამაკაცის ყვირილმა შესძრა ბეთანელების უბანი. ეტლი მისდგომია დეიდა სესილიას ჭიშკარს. სესილიას ცხენების ფრუტუნე გაუგონია და აივანზე გამოსულა. ხედავს ცარიელი ეტლი დგას ჭიშკართან და კოფოზე ბებერი მეეტლე ზის. ჭიშკართან მიიჭრა სესილია და ეკითხება ბებერ მეეტლეს, ვის ეძებო. შენ გეძებდი და კითხვა-კითხვით მოგაგენიო, ეუბნება მეეტლე. მე გეძებდი? უფრო გაჰკვირვებია და შეშინებულია სესილია. რატომ გეძებდიო? საურმაგის დედა შენა ხარ? უკითხავს მეეტლეს და სესილია შეტოკებულია, თვალები დაბნელებია და წაქცეულა. კარგი ამბავი ჩამოგიტანეო, ჩასძახა მეეტლემ, მაგრამ სესილია უგონოდ ეგდო მიწაზე; მეეტლე შეშინდა, ეს ქალი ხელში შემომაკვდებაო და ყვირილი მორთო... ის იყო ანამ და მე მოვირბინეთ და ძლივს მოვასულიერეთ დეიდა სესილია... საყვედურობდა მეეტლე — შეილის კარგი ამბავი ჩამოგიტანე და ხელში კინალამ შემომაკვდიო.

წინა კვირას ერთი ცალფეხა ჯარისკაცი აუყვანია გორიდან ცხინვალში მეეტლეს. იმ ჯარისკაცს უთქვამს მეეტლისთვის, არადეთელი საურმაგ ბეთანელი ჩემთან ერთად იბრძოდაო, ჩემთან ერთად დაიჭრა, იმასაც მარცხენა ფეხი მუხლთან მოაჭრესო, მერე კი დაგვაშორესო, თუ ჯერ არ ჩამოსულა, უთუოდ ფეხს ირჩენს და მალე ჩამოვაო... თუ არადეთში მოხვდი, ვიცი, დედა ცოცხალი ჰყავს და გააგებინეო...



მერე კი კარგად გაუმასპინძლდა და უხვად დაასაჩუქრა ბებერი მეეტლე დეიდა სესილიამ...

არა, საურმაგის შესახებ ვერაფერს ვკითხავ, იმის შემდეგ რომ არაფერი გაუგია საურმაგისა, ცხადზე ცხადია, მაინც რომ ვკითხო, იფიქრებს, მე თვითონ ვიცი რაღაც და ვუმაღავ და გული გაუსკდება დეიდა სესილიას.

კინალამ დამაეიწყდა: ცხინვალში იყო დეიდა სესილია, იპოვა საურმაგის ის ცხინვალელი თანამებრძოლი და იმედინი ჩამოვიდა ცხინვალიდან.

ახლან ის იმედიც თანდათან ჰკრება...

ნოშრევანს არც შეუმჩნევია, ისე შემოუწყვია დეიდა სესილიას სუფრაზე ღოჭით ღვინო, ყველი, დარჩეული კაკალი, შოთი პურის ნატეხები.

ღვინო სესილიამ დაასხა ჭიქებში, თვალი გაუსწორა ნოშრევანს და ანიშნა, შესვიო.

— გუშინ, პო, — დაბნეულად დაიწყო ნოშრევანმა, — გუშინ პარასკევი იყო, მამაჩემს უნდა გამოეგლო შენთან, სამწუხაროდ დაავიწყდა და არ გამოგიარა, დღეს დილაადრიან მოგაკითხა მამამ და შენ არ იყავი...

— დღეს ქარელში ვიყავი, — თქვა სესილიამ და ღვინო ოდნავ მოსვა.

— ქარელში? ძროხა ქარელში წაიყვანე?

— კი.

— გასაყიდად?

— ოსტატს მიუყვანე. ქარელიდან ლოდი ამოვიტანე მიხეილის საფლავისათვის. — მშვიდად თქვა სესილიამ და ღვინო კიდევ მოსვა.

და დეიდა სესილიას თვალებმა ეზო გადაიარეს, ჩაიარეს სოფლის ბოლომდე, მერე სასაფლაოსკენ შეუყვენენ აღმართიან გზას, მსუბუქად აიარეს აღმართი, შეაღეს სასაფლაოს ჭიშკარი, მივიდნენ მიხეილის საფლავთან და დააცქერდნენ ლოდს. ლოდს მსხვილი, ლამაზი ასოებით აწერია:

„შვილო მიხეილ! დედაშენი მალე მოვა შენთან. უბედური სესილია“.

მერე დეიდა სესილიას თვალები ლოდს მოეაღწერსნენ, ნახვამდისო, ჩურჩულთ უთხრეს, გადმოიარეს სასაფლაო. მალე ჩამოათავეს დაღმართი, სოფელიც მალე გამოიარეს, შემოვიდნენ ეზოში, უხმაუროდ გამოაღეს ოთახის კარი, შემოუსდნენ მაგიდას და სახეში შეხედეს ნოშრევან ბეთანელს.

ნოშრევან ბეთანელი დაღონებული უზის მაგიდას, მარჯვენა ხელი

ღვინის ჰიქისთვის წაუვლია, ჩასტკერის ჰიქაში ღვინოს და ვულში ფიქრობს:

„ნახეთ, როგორი ქალია დეიდა სესილია. ლოდის მოსატანად დღე-ღამე წავიდა ქარელში და მე არ გამიყოლა, არც მამაჩემი გაიყოლა. ორივენი გავყვებოდით. გიორგისაც წაიყვანდი. გამართული ურემი გვაქვს, მაგარი ხარები გვიბია“...

— ლოდი თავისი ურმით ამოიტანა ოსტატმა. — სხვათა შორის, უფრო სიჩუმის დასარღვევად თქვა სესილიამ.

„სირცხვილიც ეგ არის! არ იფიქრებდა ოსტატი, ამ ქალს არავინ ჰყოლია სოფელშიო!“

— ძროხა ლოდში მიეცი?

— კარგი ლოდა!

— ფულს მოგცემდით მამა და მე ლოდის საყიდლად:

— მერე ხომ უნდა გადამეხადა?

„ახლა რომ ვუთხრა, რატომ უნდა გადაგეხადა-მეთქი, იფეთქებს — მათხოვარი თქვენთანებში მოიძიეთო, მეტყვის. კი, ასე მიპასუხებს ნამდვილად“...

— მამაშენს უთხარი ჩემი დანაბარები? — განგებ შეცვალა საუბრის თემა სესილიამ.

— ვუთხარი, რომ გულმოსული ხარ და თვითონ მიხვდა ყველაფერს.

— კარგია, თუ მიხვდა! რაო, რა თქვა?

— ხმა არ ამოუღია!

სესილია გულში: „ვიცი შენი გულის ამბავი, ნოშრევან! შენ ჩემი ძუძუ გიწოვია და ამიტომაც ვიცი: შენ სევდიანი სახით შემომყურებ და გიკვირს, როგორ ცივად და გულდამშვიდებულად ვლაპარაკობ მე მიხეილის საფლავის ლოდზე: ქარელში ვიყავი. ძროხა მივუყვანე ოსტატს. ოსტატმა მომცა ლოდი მიხეილის საფლავისათვის და ის ლოდი თავისი ურმით ამომიტანა ოსტატმა. კარგი ლოდა! შენ: რატომ არ გაგვიყოლიე მამაჩემი და მე? რად გინდოდა ოსტატის ხარურემი? განა ჩვენ გამართული ურემი არა გვაქვს? ჯანიანი ხარები არ გვიბია? და შენ ეგ რომ არ გეთქვა, მე შეგეკითხე — მამაშენს უთხარი ჩემი დანაბარები? ეგ ჩემმა ენამ თქვა, ჩემს გულს კი ქარელიდან ამოტანილი ლოდი აწევს! მძიმეა, მაგრამ თბილია ის ლოდი მე მალე მოგვკვდები და სხვა არავინ გაულამაზებდა საფლავს ჩემს შვილს... მიმიხვდი?“

— გუშინ, დეიდა სესილია, შენი ეზო მოვათვალიერე, ბევრგანაა გამოშპალი ლობე, — ხვალ გიორგის გავიყოლებ და ურმით წავალ ტყეში, თხილის წკნელს მოვიტან და უნდა გამოვლობო. — ახლა ნოშრევანმა შეცვალა საუბრის თემა.

— ხვალ მიხეილის დღეა. ჳვირაა ხვალ!

— მერე რა? ტყეში მე და გიორგი წავალთ!

— არა! ჩემი ღობის წყნელისათვის მე უნდა წამოვიდე ტყეში. კიდევ მეგულება კარგი თხილნარი. ზეგ წავიდეთ ტყეში!

ნოშრევეანი გულში: „ძალიან მაგარი ქალია დეიდა სესილია. ბრძანებასავით თქვა — ტყეში ზეგ წავალთ! მორჩა და გათავდა... ახლა რომ ჭიქა ავწიო, სადღეგრძელო ხომ უნდა ვთქვა? სადღეგრძელოს თქმა აუცილებელია! ვინ უნდა ვადღეგრძელო თავდაპირველად? ცხადია, დეიდა სესილიას დაკარგული მეუღლე, ძია ალექსანდრე! ისედაც დამძიმებული გული უფრო არ დაუძიმდება დეიდა სესილიას? წამით სესილიას გულში გაცოცხლება მისი ახოვანი მეუღლე და სული აუფორიაქდება დეიდა სესილიას... გარეგნულად კი არ შეიმჩნევს, ერთს ამოიოხრებს მარტო და მეტყვის — მადლობა მომიხსენებია ალექსანდრეს გახსენებისთვის, იმის ხანი შენ შეგეწიოსო... ვთქვათ, როგორც იქნა, შევსვი ეს სადღეგრძელო. მორჩება ამით საქმე? მეორე სადღეგრძელო ხომ უნდა შევსვა? მეორე სადღეგრძელო, ცხადზე უცხადესია, დეიდა სესილიას უფროს ვაჟი-შვილს საურმაგს ეკუთვნის! როგორ დავლოცო საურმაგი? თათქის ადვილია: ამ ჭიქით ჩემი ძუძუს მოზიარეს, ამჟამად თავისი სახლიდან შორს მყოფს, ჩემს ძმას საურმაგს ვადღეგრძელებ. მალე მორჩენოდეს ჳრილობა, დაბრუნებულიყოს შინ და გაეხარებინოს დედის გული! ივარგებს? ცხადია, არა! შორეთში, ძალიან შორეთში გადაუსახლდება დეიდა სესილიას გული, უცნობ მხარეში აღმოჩნდება, იქ ახლაც თოვლი დევს და ცივა, და საურმაგსაც სცივა და მუხლთან მოკვეთილი ფეხი არ ურჩება. ხომ შეიძლება თვალზე ვერ მოჰკრას საურმაგს დეიდა სესილიამ? მაშინ დაღუპულად მიიჩნევს შვილს და დედის გული მოკვდება. და ამის მიზეზი მე ვიქნები. არა, მეორე სადღეგრძელოს ვერ დაღვეს ნოშრევეან ბეთანელი. ვთქვათ, ძალიან მოკლედ და უბრალოდ ვთქვი საურმაგის სადღეგრძელო — მალე დაბრუნებულიყოს ჩვენი საურმაგი შინ, დეიდა სესილია. ჭიქას მიეუქნახუნებ დეიდა სესილიას, სესილია თვალბეჭეში ჩამხედავს, ვითომ გამიღიმებს და მადლობას მეტყვის, მაგრამ გული ხომ შეეკუმშება? ცოდოა, დეიდა სესილია და მე საურმაგის სადღეგრძელოს არ შევსვამ... მესამე სადღეგრძელოს ახლოსაც ვერ გავეკარები! დღეს დაადვა ღობე მიხეილის სამარეს დეიდა სესილიამ და ახლა მიხეილის სული გამოვიხმო? არავითარ შემთხვევაში! ნამდვილად გაგიყდება საცოდავი ქალი!

მაგრამ მე ვცდები. თვალბეჭე შევხედე დეიდა სესილიას და ვიგრძენი, რომ მას სამივე თვალწინ უდგას:

დათვისაგან დაფლეთილი ალექსანდრე,

ფეხმოჭრილი საურმაგი,  
ბადეში გახლართული მიხეილი...

სამივე აქ უზის, ამ მყუდრო ოთახში, ამ მაგიდასთან, მათ შესცქერის, ესაყვედურება — რატომ დამტოვეთ მარტო? მე ვარო დამნაშავე — მე უნდა გავყოლოდი ალექსანდრეს სანადიროდ, საურმაგს ომში, მიხეილს სათევზაოდ... და სამივე ცოცხალი მეყოლებოდით ახლა, ჯანმრთელები მეყოლებოდით და ბედნიერი ვიქნებოდით...

მე კი შემომცქერის დეიდა სესილია, მაგრამ ხედავს ალექსანდრეს, საურმაგს და მიხეილს...

მარტო არ უნდა წამოვსულიყავი დეიდა სესილიასთან... წამოსულიყო დედაჩემი და ანა, ქალებს უკეთ ეხერხებათ საუბრის აწყობა...

• ვზივართ ახლა მუნჯებივით მე და დეიდა სესილია ერთმანეთის პირისპირ, ორივე დაღონებული და სევდიანი, მინდა გავამხნევო და ვერაფერი მომიფიქრებია და ისეთი დიღია დეიდა სესილიას სევდა, რომ ამ ოთახში ვერ დატეულა და გაჭრილია ტყეში, სასაფლაოზე, შორეულ ცივ ქვეყანაში“...:

— რატომ არაფერს დააკარე ხელი, ნოშრევან? — საყვედურით თქვა სესილიამ.

ნოშრევანმა დარჩეული კაკალი აიღო.

— მამაშენის ღვინოს ვერ გაუტოლდება, მაგრამ დალევა შეიძლება.

ნოშრევანმა ჭიქა აიღო და ადგა.

— რატომ ადექი? უცხოსთან ხარ? ისევ საყვედურით თქვა სესილიამ.

ნოშრევანი დაჯდა.

— მაშ ტყეში ზეგ წავალთ?

— აუცილებლად! გამოლობვაშიც მე შეგეშველები. მე თვითონ მინდოდა მეთხოვა, — რბილად და ალერსიანად თქვა სესილიამ.

ასეთმა კილომ გაათამამა ნოშრევანი.

— ახალი ჭიშკარი უნდა დავკიდო!

— გაგიძნელდება. მერე იყოს! — დაუყვავა სესილიამ.

— ბოძებიც მზადა მაქვს და ფიცარიც! — რატომღაც იცრუა ნოშრევანმა. ისე კი, არადეთში ჩამოსვლის მეორე დღესვე, თვალი რომ შეავლო დეიდა სესილიას გვერდზე გადაწვენილ ჭიშკარს, გული დაუღონდა ნოშრევანს და მისი გამოცვლა მაშინვე გადაწყვიტა.

— რახან მზად გქონია...

ნოშრევანი უფრო გათამამდა.

— დღეს ღობისა და ჭიშკრისთვის არ ვარ მოსული მე, დეიდა სესილია!

— რატომ მიმალავ? თქვი!

— რასაც გთხოვ, უნდა შემიხრულო!

სესილია რატომღაც შეკრთა.

— თუ შემძლება შეგისრულები! — შიშდაკრული ხმით თქვა სესილიამ და ნოშრევანს თვალი გაუსწორა.

— ჩვენთან უნდა იცხოვრო, დეიდა სესილია! — ხმამალლა თქვა ნოშრევანმა. მერე თავი დახარა, კიქა ნელა მიიტანა პირთან და გამოსცალა.

— განა ერთად არ ვცხოვრობთ? — ვითომ ვერ გაიგო ნოშრევის ნის ნათქვამი სესილიამ.

— ჩვენთან გადმოხვალ, დღისითაც ჩვენთან იქნები და ღამესაც ჩვენთან გაათევ...

— თბილისში? თბილისში ბრუნდებით შენ და ანა? ხელზე მოსამსახურედ გინდივარს? — ამას არ მოველოდი თქვენგან! — გაჭყარდა სესილია, ადგა და აივანზე გავიდა.

ნოშრევანი არ მოელოდა ასეთ შემოტევას და სახტად დარჩა. დღინო დაისხა და სულმოუთქმელად შესვა. ჩუმი ნაბიჯებით გავდა აივანზე. სესილიას აივნის სვეტისათვის შემოეკლო ხელები და ლამპის შუქით განათებულ კიშკარს გასცქეროდა.

ნოშრევანი სესილიას გვერდით დადგა.

— მე სულ სხვანაირად ვფიქრობდი, — ნაწყვეტ-ნაწყვეტ, ნამტირალევი ხმით თქვა სესილიამ, — ნოშრევანის სახე ხელებში მოიქცია, შუბლზე აკოცა და ქვითინით დაუმატა, — მაშ, მოსამსახურედ დაგიდგეთ?

ნოშრევანსაც მოადგა ცრემლი.

— კარგად ვერ გითხარი ჩემი სათქმელი, მაპატიე! ვინ თქვა ანა და მე თბილისში მივდიოდეთ? მე სამუდამოდ დავტოვე თბილისი! არადღეთში დავბერდები, აქვე მოვკვდები და აქვე დავიმარხები! აქ, ამ ჩვენს სახლში მინდა გადმოხვიდე! ერთად გავითენოთ და ერთად დავიღამოთ. მე ხომ შენი ძუძუთი ვარ გაზრდილი, განა შენი გაზრდილი არა ვერ მე?

სესილია აქვითინდა და ოთახში შევიდა.

— შინ გელოდებიან და წადი! — ოთახიდან გამოსძახა ნოშრევანს სესილიამ.

ნოშრევანიც ოთახში შევიდა, გვერდით დაუჭდა სესილიას, დაიხარა და თავი კალთაში ჩაუდო.

— მე სხვას ვფიქრობდი, ნოშრევან, — ჩურჩულით თქვა სესილიამ და ხელისგულები მსუბუქად გადაუსვა თავზე.

ისეთი სიჩუმე ჩამოდგა, როცა სიტყვის თქმა უხერხულია. ვერც სესილია ამბობს ვერაფერს და ვერც ნოშრევანი. ორივეს ზედმეტი გაუხდა სიტყვა. მსუბუქად უდევს სესილიას კალთაში თავი ნოშრე-

ვანს და გულში იმეორებს — „მე ხომ შენი ძუძუთი ვარ გაზრდილი, განა შენი გაზრდილი არა ვარ მე?“ სესილიას ხელისგულები მსუბუქად და რიდით ეალერსება ნოშრევანს და სესილია გულში იმეორებს — „მე სხვას ვფიქრობდი, ნოშრევან!“ — და ეს სხვა ფიქრი მძლავრად მოაწვა სესილიას გულს და ხმა ამოაღებინა.

— მე ვებრალები გიორგის! რასაც მოინაქვრებს, ჩემთან მოაქვს: ვაშლი და მსხალი, კაკალი და ყურძენი. ჰო, შენს პატარა გიორგის ვებრალები მე. დღეში ორ-სამჯერ მაინც შემოირბენს ჩემთან, სკამზე დამსევამს, კალთაში ჩამიჯდება, ხელებს ილღიაში შემომმიყოფს და მილიტინებს, — გაიცინეო, მეხვეწება. პატარაა შენი გიორგი, მაგრამ მაინც იცის, რომ სკვდიანი და მოწყენილი ვარ და ცდილობს გამამხიარულოს. დედაშენმა და ანამ იციან, რომ გიორგი ჩემთან დადის, არ უშლიან, ეს ვიცი მე და არც მე ვაჩერებ დიდხანს გიორგის... შენთვის არაფერი უთქვამს ანას და ნატოს? ჰოდა, გიორგი მომეცით მე! გიორგის მინდა დავეუტოვო ჩემი სახლ-კარი! ჩემი ძუძუ რომ გაქვს ნაწოვები, ეგებ იმის გამო ვუყვარვარ და ვებრალები გიორგის? ჩემი შვილიშვილიცაა გიორგი და იყოს ეს ეზო-კარი გიორგისა, მე არაფერს მოვაკლებ მას!

დღედა სესილიას ჩუმი, ძალიან ხმადაბალი გალობა ჩაესმის ნოშრევანს, გალურსულაია ნოშრევანი და გულში სითბო ეღვრება.

— ახლა ნურაფერს მეტყვი, ნოშრევან! ჩემი გული გრძნობს, რომ შენ თანახმა ხარ, ეგებ ცდება ჩემი გული, მაგრამ ახლა არც „ჰო“ მინდა და არც — „არა“. დედას მეტი უფლება აქვს შვილზე. ანას გაუმხილე ჩემი ფიქრი. ასწონ-დასწონეთ, ჩემს პატარა გიორგისაც უთხარით და იყვეს ისე, როგორც თქვენი გული გადაწყვეტს. ახლა გვიანაა, ნოშრევან და წადი, შინ გელოდებიან...:

დღედა სესილიას გალობა დამთავრდა.

ადგნენ და თვალეზში შეაცქერდნენ ერთმანეთს.

ქიქები შეავსო ნოშრევანმა. სესილიამ და ნოშრევანმა უსიტყვოდ შესვეს. მერე ნოშრევანმა ნამტირალევი თვალები დაუქოცნა დღედა სესილიას და ნელი ნაბიჯით გავიდა ოთახიდან.

## თ ა ვ ი მ ე თ ო თ ხ მ ე ტ ე

მეორე დღეს დილით გიორგის ხმა შემოესმა დღედა სესილიას და კიშკარი გაიღო.

სესილია სამზადიდან გამოვიდა და ხედავს — წინ გიორგი მოდის, უკან ანა და ნოშრევანი მოჰყვებიან. ნოშრევანს ჩემოდანი მოაქვს. სესილიამ იცის — ეს ჩემოდანი გიორგისაა და ჩემოდანში გიორგის ტანსაცმელი აწყვია.

გიორგიმ, თვალი მოჰკრა თუ არა დეიდა სესილიას, ნაბიჯი აიჩქარა, ნაბიჯი აიჩქარა კი არა, გამოქანდა, ახლოს მიეჭრა სესილიას, მერე რატომღაც დაიმორცხვა, შედგა და თავი დახარა. დეიდა სესილიამ ჩაიჩოქა, მკერდში ჩაიკრა ბიჭი და მხრები დაუყოვნა. უმაღლვე ადგა, გიორგი გამოიყოლია და ანასა და ნოშრევანს შემოეგება.

მერე სესილია და გიორგი ჩქარი ნაბიჯებით ავიდნენ სახლში...

სესილიამ ზალის კარი და ფანჯრები გააღო და მაგიდას ახალი სუფრა გადააფარა.

აბრილის თბილი, მზიანი დილაა.

და სხედან ზალაში. სხედან და ხმას არ იღებენ, ხანდახან შეხედვენ ერთმანეთს.

დეიდა სესილიას თვალები ამხელენ, რომ მან წუხელ თეთრად გაათენა, მაგრამ უღონო და დაღლილი არ ჩანს დეიდა სესილია, შემართული ზის, მარცხენა ხელი გიორგის მხარზე უდევს, ის მარცხენა ხელი ოდნავ კი უტახტახტებს, მაგრამ ასე დამშვიდებულ სესილიას პირველად ხედავს ნოშრევანი და ნოშრევანს გულში უხარია.

დეიდა სესილია: „ყველაზე უფრო შენ გემადლიერები, ანა! ნოშრევანი საურმაგივითაა ჩემთვის! ჩემი ძუძუ აქვს ნაწოვი ნოშრევანს და მისი შვილი შვილიშვილად მეკუთვნის... შენც ჩემი რძალო ხარ, მაგრამ მაინც სხვა ხარ! შენ ჩაიხედე ჩემს გულში და ხელი გამომიწოდე და დღეიდან შვილად გიგულე. პოო, დღეიდან ღვიძლი დედა ვარ შენი... შენ, ნოშრევანი, გიორგი და ნიკო ჩემი ხართ და მე თქვენნი!

ეს სახლი და ეზო-კარი გიორგისია! — ჩემი გიორგი დამიტირებს მე და მეც. ღარიბად არ დავტოვებ ჩემს გიორგის“...

გიორგის მხარზე დადებული მარცხენა ხელი უფრო აუტახტახტდა დეიდა სესილიას, გიორგიმ იგრძნო ეს, მარჯვენა ხელი ნელა ააცურა ზევით და ხელისგული სესილიას თითებს დააფარა.

— წისკვილში არ წავალთ? — მამას ჰკითხა გიორგიმ.

— არა! დღეს წისკვილში არ წავალთ! დედაშენი და მე გავსა უბანში მივდივართ და აქეთობისას გამოვივლით. თუ დეიდა სესილია სასაფლაოზე წავა, — სესილიას თვალეზში შეხედა ნოშრევანმა, — შენ წაჰყვები, ოღონდ სადილზე არ დაიგვიანოთ, დედაჩემი გველოდება.

სესილიამ და გიორგიმ ჰიშკრამღე გააცილეს ანა და ნოშრევანი.

... იმ დღეს სესილია სასაფლაოზე არ წასულა.

სახლში აიყვანა გიორგი და ოთხივე ოთახი შემოატარა, — ეს ოთახიო, ზალაზე ეუბნება გიორგის, დღეიდან ჩვენი საძილე ოთახი იქნება, ამ დიდ ტახტზე შენ დაწვები, მეც ჩემს ტახტს აქ შემოვიტან, ა, აქ, შენი ტახტის გვერდით დავდგამო. ახლავე შემოვიტანოთო, თქვა გიორგიმ და სესილიამ და გიორგიმ ჩოჩიალჩოჩიალით უკანა ოთახიდან ზა-

ლაში შემოიტანეს ტახტი, მერე ლეიბებზე ახალი ზეწრები გადაათინა სესალიამ, ბალიშებსაც ახალი პირები ჩააცვა, საბნებსაც ახალი შალითები შემოაქრა... მერე სამზადში წაიყვანა გიორგი. სესილია ელოდა გიორგის და დილაადრიან ყველიანი კვერები მოხარშა, ახლა ცხელ წყალში შეათბო კვერები და გიორგი, თუმცა ნასაუზმევი იყო, ყველიან კვერს მაინც მიეძალა. თვითონაც მადიანად ისაუბმა სესილიამ. მალე ბოჩოლა გვეყოლებო, თქვა სესილიამ და გიორგი ბოსელში წაიყვანა. მაკე ძროხა თივაზე იწვა და იცოხნებოდა. სესილიამ გობი წყლით შეავსო და ძროხამ წყალი შესვა. ბოსელიდან ბოსტანში წაიყვანა. სანაქებო ბოსტანი აქვს დეიდა. სესილიას, ყველაფერი უთესია და ყველაფერა ჩინებულად აქვს მოვლილი. წელს კი, მარწყვი პირველად გაიხარებს სესილიას ბოსტანში, — გიორგის და პატარა ნიკოს ძალიან უყვართ მარწყვი და მხოლოდდამხოლოდ ამიტომ მიუჩინა საუკეთესო ადგილი მარწყვის ბოსტანში სესილიამ. შეხედეთ, როგორ გამოუსხამს სესილიას მარწყვს! თბილი გაზაფხულია, რამდენიმე დღეც და დამწიფდება მარწყვი, სესილია მარწყვს დაუტკრევს გიორგის და პატარა ნიკოს და ნახეთ, როგორ გაიხარებენ ბიჭები... ვაზი კი დაგვიბერდაო, სინანულით თქვა სესილიამ, ცოტას ისხამს, მეჩხერი მტევნები აქვს და მარცვალი არც მწიფდებაო, მაგრამ წელს ამოვყრი ამ დაბერებულ ვაზს და გაზაფხულზე ახალს ჩავეყრიო, შენ რვა წლისა რომ გახდები, ის ახალი ვაზი ნაყოფს გამოისხამს და ისეთი ვენახი გვექნება, როგორიც ბაბუაშენს აქვსო...

ძია რომანოზი ნაბოლარა შვილიშვილით, ოთხი წლის ნათელათი ეწვია სესილიას და გიორგის. ნიკომ მითხრა და ძალიან გამეხარდაო. თქვა ძია რომანოზმა. — ოჯახში მამაკაცი გეყოლება და ოჯახი გაიხარებსო. რომანოზი აივანზე დასვა სესილიამ, ყველიანი კვერი, ახალი მწვანილი და ბოთლი ღვინო მიართვა, თვითონაც გვერდით მოუჯდა, ბიჭი დამილოცეო, თხოვა.

კარგა ხანს ისხდნენ აივანზე სესილია და რომანოზი, გიორგი და ნათელა. ეზოში დარბოდნენ და თამაშობდნენ. ბიჭი დაიღალა და უნდა დავასვენოო, თქვა სესილიამ, რომანოზი მიუხვდა, კიდევ ერთხელ დალოცა გიორგი და სესილია და შვილიშვილი შინ წაიყვანა.

ერთი ყველიანი კვერი კიდევ შეაჭამა სესილიამ გიორგის, მერე ხელ-პირი დააბანინა, ხალაში შეიყვანა და ლოგინი გაუშალა.

— დღეს აღრიანად ხარ ამდგარი, ცოტა დაიძინე და მერე ბებია ნატოსთან წავიდეთო, — აღერსიანად უთხრა გიორგის და ლოგინში ჩააწვინა.

გიორგი დადლილი იყო და მალე ჩაეძინა.



დეიდა სესილიაც დაწვა. ხელები გულზე დაიკრია. მშვილად ძვერდა სესილიას გული და სესილიამაც დაიძინა.

დღისით ოდესმე დაუძინია დეიდა სესილიას?

ვერ გაიხსენებს.

...კმაყოფილია ნოშრევანი; სიცოცხლენზე ხელჩაქნეული დეიდა სესილია ნამდვილად ხელახლა დაიბადა: არ მოერიდა ნიკოსა და ნოშრევანს სესილია, ეზოს ღობე აქა-იქ ახალი წყნელით რომ გამოუღობეს, დაუწუნა, — უშნოდ ჩანსო, გამოარღვევია და ხელახლა გამოაღობვინა. თეთრი ქიშკარი ჩამოაკიდვინა, სახლში ბიჭი იზრდება და ეზო მხიარული უნდა იყოსო. გიორგი რომ გადმოვიდა სესილიასთან, მეორე დღესვე შავი კაბა გაიხადა და შინდისუფრი ჩაიცვა. ახლა კერძებს როგორს ამზადებს! ისეთ ხინკალს ხარშავს, ნიკო და ნოშრევანი რა სათქმელია, გიორგი და პატარა ნიკოც გიუღებიან და კვირაში ორხელ მაინც ახარშეინებენ. ახალი სამუშაო გაუჩინა ნოშრევანს: ნოშრევანი და გიორგი ურმით წაყვანა ტყეში, მწვილ-მსხვილი თხილის წკნელები ჩამოიტანეს, მერე ნოშრევანს შეეშველა და თხილის ის მსხვილი წკნელები თხელ-თხელ ტყეჩებად დაახრევიანა და სამივემ — სესილიამ, ნოშრევანმა და გიორგიმ ერთფუთიანი კალათი მოღობეს; ისეთი კობტა და ლამაზი იყო ეს კალათი, რომ მსხვილი ძაფით მოქსოვილს ჰგავდა. გორში ნაყიდი კალათი ამოუდგა გვერდით ამ ახალ კალათს სესილიამ. — შეხედეთ, რასა ჰგავს და ერთი ფუთი ხორბალი მივეცი ამ კალათშიო. შე დღეში ერთ კალათს მაინც მოვლობავ, რომანოზის შვილიშვილი ყოველკვირა ურმით დადის გორის ბაზარში, ის გამიყიდის კალათებს, ოჯახში ბიჭი მეზრდება და შემოსავალი უნდა გავიჩინოო. შენც თუ ასე მოიქცევიო, ეუბნება ნოშრევანს, კარგი იქნება, წისქვილის და ვენახის შემოსავალს მიემატება და ოჯახი კიდევ უფრო გაგიძლიერდებაო. სხვა რამის გამოც ურჩია სესილიამ ეს ნოშრევანს: წისქვილიდან ყოველთვის მოთენთილი და სევდიანი ბრუნდება ნოშრევანი. რატომ? წისქვილში უმეტესად მარტოა ნოშრევანი და ადამიანი როცა მარტოა, ფიქრი გაიტყუებს, ფიქრი მოერევა და სამხიარულო მოსაგონარი არაფერი აქვს ნოშრევანს: გუნახია დაამთავრა, ოდესაში-ისწავლა, თეატრში მიიწვიეს, ხალხს შეაყვარა თავი და სახელოვანი გახდა. ახლა? ჩვენთან არის სოფელში. წისქვილი, ვენახი, ბოსტანი... და მარტო რომ დარჩება, ფიქრა, — იცის ეს დეიდა სესილიამ, — ნოშრევანი თეატრში მიჰყავს, ხალხით გაჰვდილი დარბაზი სულგანაბული უსმენს ნოშრევანს, მერე ტაში, შეძახილები — ბეთანელი! ბეთანელი! ბეთანელი!.. ჰოდა, კალათების ღობევს რომ დაიწყებს ნოშრევანი, ფიქრისათვის დრო არ დარჩება. კი, ნამდვილად ასე იქნება!

დეიდა სესილიას რჩევა ჰკუთხდა დაუჯდა ნოშრევანს. ბლომად მ...

ზიდა მსხვილ-მსხვილი თხილის წენელები ტყიდან და სესილია კი არა, მარტო გიორგი მოიშველია და სწორ, თხელ-თხელ ტყეჩებად დახსნა, მერე მარტომ სწორედ ისეთი ერთფუთიანი კალათი მოწნა, როგორც დეიდა სესილიამ, გიორგიმ და ნოშრევანმა ერთად, — კობტა და ლამაზი.

ახლა წისქვილში ლობავს კალათებს ნოშრევან ბეთანელი, თითქოს ეჯიბრებაო დეიდა სესილიას და გიორგის. შედერებული ბრუნდება წისქვილიდან ნოშრევანი. ჯერ დეიდა სესილიასთან და გიორგისთან გამოივლის, ახლადმოწნულ კალათს მოიტანს, გაეთაძაშენა გიორგის, მერე ეზოში მიიხედ-მოიხედავს, ვახშმად გელოდებითო, ჭიშკრიდან გამოსძახებს სესილიას და ხალისიანი ბრუნდება შინ.

„ორი ოჯახი გამთელდა და გამაგრდა ჩემი შინ მობრუნებით. ბიჭებმა ხომ გაიხარეს და გაიხარეს! გაახალგაზრდავდა დედაჩემი, გულიდან ჯავრი გადაიყარა მამაჩემმა. ანა? ძვალტყავი იყო, სევდიანი, გულგატეხილი. ღამე არ ეძინა და დღისით მოუსვენრად იყო. სისხლხორციოთ აივსო, გალამაზდა, სახე უცინის, თვალებიც უცინის, დილიდან შეღამებამდე ტრიალებს და არ იქანცება!

დედა? დედა როგორ არ ახსოვს ანას! მაგრამ. სევდას არც ჩემს დედ-მამას უმხელს, არც მე, არც ბიჭებს... ახლა სესილია? სესილიაც გაახალგაზრდავდა, ჯანი მოემატა, გიორგის შესტყერის თვალებში და გიორგიმ სიცოცხლე დაუბრუნა დეიდა სესილიას. დაიზრდებიან ბიჭები... გიორგი დილიდანვე ბოსტანში ტრიალებს და გიორგი აგრონომი გახდება, ოღონდ ოღესაში არ გავაგზავნი გიორგის სასწავლებლად, არა, არავითარ შემთხვევაში! ნიკო? პატარა ნიკო? პატარა ნიკო თბილისის გიმნაზიას დაამთავრებს, მერე თბილისის უნივერსიტეტში ისწავლის პატარა ნიკო, მერე არადეთში ჩამოვა და ვალმაუბნის სკოლაში იმასწავლებლებს... პოო, შინ გვეყოლება აგრონომი და მასწავლებელი! დალხენილი, იქნება ნატო და ნიკო, სესილია და ანა... მეც ბედნიერი ვიქნები და გახარებული!“

...და სექტემბრის ერთ თბილ და მზიან დღეს ყველაფერი აიწეწა და აირ-დაირია.

სიკო აზმაიფარაშვილი ჩამოვიდა არადეთში.

ნატო, ნოშრევანი და პატარა ნიკო დილიდანვე დეიდა სესილიასთან გადავიდნენ, გიორგის ექვსი წელი შეუსრულდა დღეს და ბეთანელები სესილიასთან ისადილებენ:

ნიკო დილაუთენია წავიდა ვენახში.

ანამ სახლი დაალაგა და ის იყო, სესილიასთან წასასვლელად შეემზადა, რომ ჭიშკარს ეტლი მოადგა.

სიკო აზმაიფარაშვილმა ძალიან ხმამაღლა, ყალბი ხმით დაიძახა. — ნოშრევან ბეთანელო! მეგობარი გეწვიე და გამომეგებე!

ანა ჩამოვიდა ეზოში, იცნო სიკო აზმაიფარაშვილი. არ ესიაშოვნა და გულში გაჰკრა. ნელი ნაბიჯით მიუახლოვდა ჭიშკარს. გულმა არ უთხრა ანას — სტუმარი შინ შევოეწვია და ნოშრევანისათვის მოეხმომო. სიკო ხელზე ეამბორა ანას, მერე ხელები გაშალა.

— არტისტი? მისი ბრწყინვალეობა არტისტი შინ ბრძანდება? — ისევ ყალბად და ხმამაღლა თქვა სიკო აზმაიფარაშვილმა და სახლს შეხედა.

— ნოშრევანი შინ არ გახლავთ! — ცივად უპასუხა ანამ.

— შორს ბრძანდება მისი ბრწყინვალეობა?

— არა... აგერ... დეიღამისთანაა. — ცოტა დაიბნა ანა.

— უხმეთ! მე მცირე ხნით გეწვიეთ! — ახლა უფრო ხმამაღლა, თან ბრძანებასავით თქვა სიკო აზმაიფარაშვილმა, — ანას კი გაუღიმა და ხელზე ისევ აკოცა.

გულმა ახლაც არ ურჩია ანას სტუმარი შინ შეეწვია და სიკო დეიღა სესილიასთან მიიყვანა. გზაში კი უთხრა სტუმარს, ესეც ჩვენი სახლი არისო.

სიკო და გიორგი ეზოში იყვნენ, აივანთან ახლოს სასროლი. ბადე მინდორზე დაეფინათ, ნოშრევანი მოლზე იჭდა და გამორღვეულ ადგილებს კემსავდა.

ჭიშკარი გამოღებული იყო და სიკომ ანიშნა ანას, არ დაუძახო. ნაბიჯი აიშსუბუჟა, პირდაპირ წაადგა თავზე ნოშრევანს სიკო აზმაიფარაშვილი და მხარზე დაჰკრა ხელი.

— არტისტს ჩვენი უმდაბლესი სალამი! — ახლაც ხმამაღლა და ყალბად წარმოთქვა სიკომ, — ნოშრევანს წამოდგომა არ აცალა, დაბლა დაიხბარა და მაგრად ჩამოართვა ხელი. — ბადე... მდინარე... თევზი... არტისტი... რომანტიკა... ჩინებულია! ნაწყვეტ-ნაწყვეტად წამოისროლა სიტყვები და მერე ნოშრევანს თავით ფეხამდე ახედ-დახედდა. — გლეხურად ცხოვრობს ჩვენი არტისტი? მაშ, გამარჯობა გლეხო-კაცო!

ნოშრევანმა არაფერი უპასუხა, ბადე აკრიფა და გიორგის გადაადლო მხარზე.

— ოო, ბოდში, მომავალ არტისტო! — გიორგის შუბლზე აკოცა სიკომ, მხარზე ხელი დაუთათუნა და გაუღიმა. — ეს უფროსი ვაჟი გახლავთ, არა? — ანას ჰკითხა და პასუხისთვის არ დაუცდია.

— დიან-დიან, ვიცი, გიორგი ჰქვია. — და გიორგის ისევ გაუღიმა.

გიორგიც ღიმილით შეაქებდა სტუმარს და ბიჭს ეუცხოვა სტუმარის ჩაცმულობა: ჭრელი პიჯაკი, ნაცრისფერი შარვალი, გაპრიალე-ბული შავი ფეხსაცმელები, თეთრი პერანგი, საყელოსთან შავი ბაფთა, ფართეფარფლებიანი შავი შლაპა, მარცხენა ხელში ძალიან წვრილი და კაუჭიანი მსუბუქი ჩოხი... კიდევ გაუღიმა სტუმარს, ააედ-

დახედა, მორცხვად დაუკრა თავი და ბაღე მარანში შეიტანა. ანაც გიორგის გაჰყვა.

სამზადიდან ქალბატონი ნატო და დეიდა სესილია გამოვიდნენ და უცხო სტუმარს რომ მოჰკრეს თვალი, უმაღლვე შებრუნდნენ და საუზმის თადარიგი დაიჭირეს.

ნოშრევანმა სტუმარი სახლში აიყვანა და აივანზე დასხდნენ.

— მე სასიხარულო ამბავი მოგიტანე, ნოშრევან! შენ კი არაფერს შეეითხები — წყენით თქვა სიკო აზმაიფარაშვილმა, ადგა, ქული აივანის სვეტზე მირჭობილ ლურსმანზე ჩამოკიდა, და იდაყვებით მოაჯირს დაეყრდნო.

— მაპატიე, ცოტა ფიქრში გავერთე! — მოუბოდიშა ნოშრევანმა.

ფიქრი: „რატომ ჩამოვიდა ჩემს სანახავად სიკო აზმაიფარაშვილი? რემი ახლო მეგობარია და ჩემი ოჯახის ნახვად მოენატრა? არა! ერთმ შეაწუხა ჩემმა ამბავმა, ვებრალეები და ხელი უნდა გამომიწოდოს? არა მგონია! ინტრიგის ახალ ქსელს ქსოვს? შესაძლოა. მე უნდა ჩამაბას ინტრიგაში? ბოდიშა მოიხადეთ, სიკო ბატონო!“

— მე სასიხარულო ამბავი ჩამოგიტანე, ნოშრევან! — გაიმეორა სიკომ და ნოშრევანის გვერდით დაჯდა.

— სასიხარულო ამბავი? მაინც რა?

— აბა შენ თუ მიხედები?

პაუზა.

— ასეთ მიყრუებულ სოფელში არტისტი? წარმოუდგენელი!

— ძალიან კარგად და მშვიდად ვგრძნობ თავს! — დარწმუნებით, თქვა ნოშრევანმა და ქისა მოიძია.

— თავს იტყუებ! გინდა მეც მომატყუო, მაგრამ მე არ მოვტყუებდები, მეგობარო! გაზეთებს ხომ კითხულობ?

— ანა მიკითხავს ხანდახან. — უხალისოდ თქვა ნოშრევანმა. — ბოდიშინ, ვიცი, რომ თამბაქოს არ ეწევით და ქისა მიტომ არ მოგაწოდეთ.

სიკო მიხვდა, რომ ნოშრევანმა სიტყვა ბანზე აუგდო.

— ანა მიკითხავს გაზეთებსო, შენ არ გეკადრება? — უცებ აენტო სიკო.

— დროც არა მაქვს და გულიც არ მიმდის! — მშვიდად თქვა ნოშრევანმა და კვესს გაჰკრა.

— დრო? — გაიკვირვა სიკომ და დამცინავად გაიღიმა.

— ჰო, დრო! წისქვილი... ყანა... ვენახი... კალათებსაც ვწნავ... ჩემი კალათები კარგ ფასად იყიდება გორის ბაზარზე... თუ არ მიწყენ, ერთს შენ გაჩუქებ, ერთსაც ბეჟანთან გაგატან, ვიცი, გაუხარდება. კობტა, მსუბუქი, ლამაზი კალათებია! — სვენებ-სვენებით თქვა ნოშრევანმა და ანთებულყო აბედი ჩიბუხს დააწება.

— დიდი სიამოვნებით! კი ბატონო, კალათებს წავიღებ, ოღონდ ჰე უფრო მნიშვნელოვანი საქმის გამო ჩამოველი შენთან, თეატრმა და მინისტრმა გამომაგზავნა.

— თეატრმა და მინისტრმა? რომელმა თეატრმა? — გაიკვირვა ნოშრევანმა და სიკოს თვალეში შეხედა.

„სახე კი აქვს სევდიანი, მაგრამ ღვარძლი შაინც შერჩენია“ — გაიფიქრა სიკომ და ხმას აუწია.

— ჯერჯერობით საქართველოში ერთი ქართული თეატრია (ბოლო სამი სიტყვა დამარცვლა სიკომ), ჩვენი თეატრი! რაღაც მოძრაეი დასი რომ დააარსეს შენმა მეგობრებმა, ის ჰაერი გახლავი! დიანხ, ჰაერი და არარაობა! — ეს კარგად იცი შენ და შაინც შეკითხვები, რომელმა თეატრმა მიმიწვიაო. დამცინი? არაფერი საკადრისი საქმეა! ამას არ მოველოდი შენგან, ნოშრევან! არა, არ მოველოდი შენ ისევე ქედმაღლობ და ძველებურად დაგვიცი, მაგრამ. — უცებ დაუწია ხმას სიკომ, — მე დღეს საქამათოდ და სანხებრად არ ჩამოვსულვარ. მეგობარო, ჩვენი თეატრი, — ასლა ხმა აღიმაღლა სიკომ, — დიანხ, ჩვენი თეატრი თავის დასში იწვევს ნოშრევან ბეთანელს! — არ, ამიტომ მოავლინა შენთან არადეთში თეატრმა და მინისტრმა სიკო აზმაიფარაშვილი!

— დიდი მადლობა მომიხსენებია თქვენი თეატრისა და მინისტრისათვის, ბატონო სიკო! ნოშრევანი ფეხზე წამოდგა და მდაბლად დაუკრა თავი, — რატომ შეწუხდით? მე რა ვიყავ, ან ახლა რა ვარ, მთელი დასი რომ შეწრილდა ჩემი გულსათვის? მე რე მინისტრიც შეაწუხეთ...

ფიქრი: „თქვენ რომ არარაობად მიგაჩნიათ, ის მოძრაეი დასო, პატივცემულო სიკო, ხვალ და ზეგ წარმოდგენებს გამართავს და ხალხს შეაყვარებს თავს. მე ჩემმა მეგობრებმა მიმიწვიეს, ეს თქვენს თეატრმა იცის, ამიტომაც მიწვევთ თქვენ, მაგრამ მე ჩემს მეგობრებს უარი შევეუთვალე და თქვენთვისაც უარი მომიხსენებია“...

— არაფერია! შენი ნიჭით შენ თვითონვე დაიმსახურე...

აივანზე დეიდბ სესილია გამოვიდა.

— დედაა თქვენი? — სიკომ დეიდა სესილიასკენ, გადგა ნაბიჯი.

— დეიდაა ჩემი, დედასავით საყვარელი, ქალბატონი სესილია!

— სე-სი-ლია! დიდებულნი სახელია. — სიკომ გაუღიმა დეიდა სესილიას და ხელზე აკოცა.

სესილიამ სტუმარი და ნოშრევანი ზალაში შეიწვია.

გაწყობილი სუფრა.

— ჰო, ეს მესმის! — გამხიარულდა სიკო აზმაიფარაშვილი, — სამხიარულო ამბავს, სწორედ დალოცვა ქირდება...

ზალაში ნატო და ანა შემოვიდნენ. სიკო ხელზე ეამბორა ქალბატონ ნატოს და შეწყვეტილი სიტყვა განაგრძო.

— დიახ, დავლოცოთ ნოშრევან ბეთანელის თეატრში დაბრუნება! მაშ ასე, ნოშრევან ბეთანელი უბრუნდება თავის დიდების გზას! გილოცავ საყვარელო მეგობარო, — ხმას აუწი: სიკომ, — ამ ბედნიერ დღეს და ხელმეორედ დაბადებას, ეს სადღეგრძელო მანდილოსნებმაც უნდა მიირთვან!

სიკომ სადღეგრძელო შესვა და ხინკალს მიეტანა.

ქალებმა ერთმანეთს გადახედეს, მერე ნოშრევანს გაუსწორეს თვალი.

ნოშრევანს ოდნავ დაუხრია თავი, სახე უღიმის და ხინკალს მიირთმევს.

— ქალაქელებმა ხინკლის გემო დაგვარგეთ, — სინანულით თქვა პატივცემულმა სიკომ, — ჭიქა თვითონ შეივსო, — დაილოცოს ამის გამკეთებელიო, ადგა, მანდილოსნების სავსე ჭიქებს რომ შეავლო თვალი, გაიოცა, — თქვენ არ მიესალმებით ნოშრევანის თეატრში დაბრუნებას? არ გიხარიათ მისი ხელახლა დაბადება? ეგებ ჩემს ნათქვამს არ ერწმუნეთ! შე არ მიყვარს ზეპირი ლაპარაკი!

სტუმარმა პიჯაკის ჯიბიდან თეთრი ტუციანი კონვერტი ამოიღო, გახსნა და ორი თითით ქალაღის პატარა ფურცელი ამოაცოცა და ანას გაუწოდა — ეს მინისტრის ბრძანება არის, წაიკითხეთ! ამ კონვერტში კი ფულია, ავანსი! და კონვერტი ანას გაუწოდა.

ნოშრევანი ადგა, კონვერტი და ქალაღის ფურცელი გამოართვა ანას და თეფშზე დადო.

— თქვენთანვე დარჩეს, ბატონო სიკო, მინისტრის ბრძანებაც და ავანსიც. — ჩემი დიდი მადლობა მოახსენეთ მინისტრს და ბატონ ბარნაბა დარახველიძეს, ღირსად არ ვთვლი ჩემს თავს, მათი ბრძანება მე დავიტოვო! — მეწისქვილე ვარ, ხეხილს ვამყნობ, კალათებს ვწნავ და თეატრისთვის დღესდღეობით არა მცალია... გთხოვთ, ასე ჰოპსენოთ ბატონ მინისტრს და ბატონ ბარნაბა დარახველიძეს. შეეწყვიტოთ თეატრზე ლაპარაკი! სუფრას ვუზივართ, შევსვით და მოვილხინოთ?

ნოშრევანმა ჭიქა შეუვსო სიკოს.

პაუზა.

დეიდა სესილიამ შემწვარი წიწილები შემოიტანა და გიორგი და პატარა ნიკო შემოიყვანა.

სიკომ მაჯის საათზე დაიხედა და ადგა.

— წავალ მე! გორში პირველ მატარებელს უნდა ჩავუხსწრო, საღამოს სპექტაკლი მაქვს!

— ჯერ ადრეა, სიკო ბატონო, მატარებლამდე, — თქვა ნოშრევანმა და სტუმარს წიწილი დაუღო თეთშზე.

— წასვლა სჯობია, გზა გზას არა ჰგავს, წვალებით მოვალწიე თქვენამდე. — ისევ საათს დახედა სიკომ, — ცხენებსაც და მეეტლესაც ეყოფოდათ დასვენება.

— მეეტლემ ბიჭებთან ერთად ისაუბრა სამზადში, მათთან ირჩია, — თითქოს მოუბოდიშა დეიდა სესილიამ სტუმარს.

— მადლობა მომიხსენებია, ქალბატონო! — და სიკო ადგა, ნოშრევანს მხარზე დაადო ხელი და ნოშრევანიც ადგა, — უცნაურ აზრებს ეჭიდები, მეგობარო და მე ცხედავ, რასაც მიაღწიე. კმაყოფილი ხარ? არა მგონია! ვიცი, რომ დაგვეცინი მე და ჩემს მეგობრებს, მაგრამ ახლა ჭაცინვისაგან თავი შეიკავე და როგორც სტუმარს, პატივი დამდე. გულში კი ფიქრობ: „გამოვლატაკდით, მოვექექით ჩინში და ვიბრძვით გავიხანგრძლივით არსებობა... ამოო ცდაა! „არარა“-სგან არ იქმნების არარაიცა!“ ჩვენ კი ვარსებობთ! დიახ, ვცოცხლობთ, ბატონო ნოშრევან! ჩვენს სიყვარულს, შენდამი ზრუნვას შენ წიხლი ჰკარი. დე, იყოს ეგრე! ბატონ მინისტრს და ბატონ ბარნაბას მოვახსენებ, რაც დამაბარე, შენ კი, შენს თავსვე დააბრალე, რაც მოგივიდეს! ნახვამდის, კარგად ბრძანდებოდეთ!

სიკომ ჭიქა აიღო, ნატოს, სესილიას და ანას ყალბად გაულიმა, მოუბოდიშა შეწუხებისათვის, მდებლად დაუკრა თავი და მათი სადღეგრძელო შესვა. მერე სწრაფად გავიდა აივანზე, სვეტიდან შლაპა ჩამოხსნა, კიბე ჩაირბინა და ჭიშკართან მდგომ ეტლს მიაშურა.

დეიდა სესილია, ანა და ბიჭები სტუმარს ფეხდაფეხ მიჰყვნენ.

ეტლში ხილით სავსე ორი კალათი იდო. სიკომ უარი თქვა წაღებაზე, მაგრამ დეიდა სესილია შეეხვეწა და დაიყოლია.

## თ ა ვ ი მ ე თ ე ჯ ვ ს მ ე ბ ე

1 ... მეორე დღეს ადრეიანად ადგა ნოშრევანი. წიგნს წაატანა ხელი, მაგრამ უმალვე ადგილზევე დადო. ეზოში ჩამოვიდა და ხეხილი შეათვალიერა. საზამთრო მსხალს ბლომად ესხა და დასაკრეფი იყო. გადაწყვიტა კიბე და გიდელი მოეტანა და მსხალი დაეკრიფა.

„სადაცაა ანა და ნიკოც ადგებიან, მერე გიორგი გადმოირბენს. გიორგის სესილია მოჰყვება და შემეშველებიან!..“

კიბე და გიდელი მარანშია და ნოშრევანმა. მარნისკენ გააბიჯა, მაგრამ მარნის ნაცვლად ბოსელში აღმოჩნდა. ორივე ძროხა მოწველილი იყო, იდგნენ და საბალახოდ გარეკვას ელოდებოდნენ. —

გავირეკავ ძროხებს საბალახოდ და მეც მინდორში გავივლი, — თქვა გულში, სამზადში კი შევიდა და ეუბნება დედას, — გიორგის და სესილიას გავუვლი, მერე წისქვილში წავალო. უსაუზმოდ ნუ წახვალო, თხოვა დედამ. მალე მოვბრუნდებიო, უთხრა დედას და წამოვიდა...

დეიდა სესილია და გიორგი აივანზე მაგიდასთან ისხდნენ და დეიდა სესილია წერაში აეარჩიებდა ბიჭს. გაღმაუბნის სკოლაში პირველ ოქტომბერს იწყება სწავლა და პირველ ოქტომბერს გიორგი ბეთანელი პირველკლასელი გახდება. ნოშრევანიც მაგიდას მიუჯდა. თვალი შეავლო გიორგის ნაწერს. კობტა, გულდაგულ გამოყვახილა ასოები. დეიდა სესილიასაც ასე კობტად და მოხდენილად გამოჰყავს ასოები. ჰგავს გიორგის ნაწერი დეიდა სესილიას ნაწერს, ისეთი კი ვერ არის, როგორიც დეიდა სესილიასია, მაგრამ ძალიან ჰგავს... ესიამოვნა, მაგრამ არც დეიდა სესილიას და არც გიორგის არაფერი უთხრა. ერთი კონა ტყეჩი გამოართვა დეიდა სესილიას, კალათი მაქვს მოსათავებელიო. საუზმე იუარა და სესილიამ ყველიანი კვერები გაატანა.

დეიდა სესილიას მიერ მოხარული ყველიანი კვერი ცივიც გემრიელია...

წისქვილში არავინ იყო. კარს ფეხი ჰკრა და ისე შეალო, კონა გახსნა და ტყეჩები კუთხეში მიჰყარა, ტილოში გამოხვეული ყველიანი კვერები კოდზე შემოდო. წისქვილიდან გამოვიდა და ძელსკამზე დაჯდა. ცოტახანს იჯდა. ყალიონი გააწყო და ადგა. ვენახში წასვლა ურჩია გულმა და ნოშრევან ბეთანელი ევენახისაკენ მიმავალ ბილიკს დაადგა. ჩქარი ნაბიჯით წავიდა. გარშემო შემოუარა ვენახს. უქარო ღღეა, სექტემბრის მზე აცხუნებს და ყურძენი მწიფს. ვაზის ფოთლები შემქქნარან და მტევნები იცინიან. „თაკვერი“ უფრო მწიფს, ვიდრე „ალიგოტე“. „თაკვერს“ მალე მოვკრეფთ, „ალიგოტეს“ უფრო გვიან. ჭურები და საწნახელი კარგა ხანია დარეცხა ნიკო ბეთანელმა. გიდელები და კალათები? საჭიროზე მეტი აქვთ ბეთანელებს. მეზობლებში ხომ გააჩქეა? მალე რთველი დაიწყება არადეთში და ახალ კალათებს მიართმევს ნოშრევან ბეთანელი კარის მეზობლებს... ძალიან მალე შემოუარა ვენახს, მზე ღრუბელს შეეფერა, შემქქნარმა ფოთლებმა დაფარეს მტევნები და მტევნები ვერ იცინიან... ახლა წადიო, უთხრა გულმა და ნოშრევანი კვლავ წისქვილში წამოვიდა.

ახლაც არავინ დახვდა წისქვილში. კარი თვითონ დაუტოვებალია.

ძელსკამზე დაჯდა. ყალიონი გააწყო და ზურგით კედელს მიეყარა.

„ახლა ანა, პატარა ნიკო და დედაჩემი საუზმობენ. მამაჩემი ადრე



ისაუზმებდა და ძროხებს გარეკავდა საბალახოდ. მე უნდა გამერეკა საბალახოდ ძროხები! მოწველილი ხომ იყო? ანა ჰკითხავს დედაჩემს, ნოშრევანმა თუ ისაუზმაო. ნოშრევანმა თქვა, მალე მოგბრუნდებით — უსაუზმო წავიდაო უპასუხებს დედაჩემი. წისქვილში წავიდა მამიკო? — ახლა პატარა ნიკო ჰკითხავს ბებიას. კი, ოღონდ დეიდა სესილიას და გიორგის გაუვლიდაო, ეუბნება დედაჩემი პატარა ნიკოს... და ანა აჩქარდება, პატარა ნიკოსაც ააჩქარებს და დეიდა სესილიასთან და გიორგისთან წამოვლენ. წამოვლენ თუ არა, ახლა უკვე დეიდა სესილიასთან და გიორგისთან არიან ანა და ნიკო. და ანამ უკვე იცის, რომ მე არც დეიდა სესილიასთან მისაუზმია, ტყეჩის ერთი კონა წამოვიღე და წისქვილში წამოვედი. სესილიას არაფერს ეტყვის ანა, პატარა ნიკოს სესილიასთან და გიორგისთან დატოვებს, თვითონ სახლში გაბრუნდება... გაბრუნდება კი არა, ახლა უკვე სახლშია ანა და კალათში ჩემს საუზმეს აწყობს... ძალიან მოუსვენრობს ანა! წუხელ ჩემსავით არ ეძინა ანას. არა, მე ერთხელ ჩამეძინა და თვალი რომ გავახილე, ანა ლოგინში იყო წამომჯდარი. იგრძნო რომ გამომეღვიძა, ხელები პატარა ნიკოს საწოლისკენ წაიღო, ვითომ საბანი შეუსწორა ბიჭს და ლოგინში ჩაიმალა... უკვე წამოსულია ანა სახლიდან, დეიდა სესილიას ჰიშკარს უახლოვდება, მივა ჰიშკართან და დაუძახებს დეიდა სესილიას, ბიჭები წამოიყვანე და ნოშრევანს მივაკითხოო წისქვილშიო. ხელში ჩემს მიერ მოწნული თეთრი კალათი უკავია ანას, იმ კალათში ჩემი საუზმეა ჩაწყობილი, მოუსვენრად დგას ჰიშკართან და დეიდა სესილიას და ბიჭებს ელოდება.

„და ვიდრე დეიდა სესილია, ანა, გიორგი და ნიკო მოვიდოდნენ. წისქვილში შედი, ფიცარნაგზე წამოწეკი და დაიძინე!“ — უთხრა გულმა და ნოშრევანი ადგა, მოუწვეელი ჩიბუხი დაბერტყა, წისქვილში შევიდა, ფიცარნაგზე პირალმა დაწვა, ხელები თავქვე ამოიღო და თვალები მილულა...

... ვრცელი კაბინეტი. დიდ მაგიდას გულმოსული უზის ბარნაბა დარახველიძე, მის პირდაპირ ლევან კარგარეთელი ზის.

— მაშ ნოშრევან ბეთანელის გამო სტრვებთ თეატრს? — ხმამალლა, ვაჭავრებით ეკითხება ბატონი ბარნაბა დარახველიძე ლევან კარგარეთელს!

— მარტო ბეთანელის გამო არა.

— კიდევ რა არის მიზეზი?

— რეპერტუარი!

— რომელი რეპერტუარი?

თქვენს მიერ შემოთავაზებული, დიახ, სამინისტროს მიერ შემოთავაზებული რეპერტუარი!

— ეგ სხვა საქმეა, უფალო რეჟისორო! — დაცინვით თქვა ბარნაბა დარახველიძემ, — თქვენი ნებაა, მიბრძანდით! ვიპოვით თქვენს შემცვლელს!

ლევან კარგარეთელი ადგა.

— კვირაში ერთი საღამო სარეპერტიციო დარბაზი შეგიძლიათ მოძრავ დასს დაუთმოთ?

— რამდენი ხართ მოძრავ დასში?

— ჯერჯერობით თორმეტი.

— ბეთანელიც თქვენს დასშია?

— არა! ბეთანელი ეტლზე ზის! თუ დაგვირდათ, შეგიძლიათ მონხმით და მოგემსახურებათ!

ეს აშკარა დაცინვით თქვა ლევან კარგარეთელმა და ბარნაბა დარახველიძეც იოლად მიუხედა.

— თორმეტი კაცი? — ჩემს ბინაზე ერთ ოთახს გამოგიყოფთ!.. თორმეტი კაცისათვის სარეპერტიციო დარბაზს ვერ გავაცდენ! ნახვამდის!

— ნახვამდის! ჩვენ კიდეც შევხვდებით ერთმანეთს!

— ყოველ შემთხვევაში მოძრავი დასის წარმოდგენაზე არა! — ბარნაბა დარახველიძეს მოეწონა თავისი ნათქვამი, ადგა და გაიშორა, — დიახ, მოძრავი დასის წარმოდგენაზე, არავითარ შემთხვევაში!

...სიკო აზმაიფარაშვილს ვუთხარი გაზეთებს არ ვკითხულობ-  
მეუჭი, მასთან საუბარი არ მინდოდა და მიტომ ვიცრუე. ვკითხულობ  
გაზეთებს! რა ბევრი გაზეთი გამოდის საქართველოში და მის წა-  
კითხვას რა დრო სჭირდება? ჰო, გაზეთებს ვკითხულობ. რაც ჩემზე  
დაწერეს, ყველაფერი წავიკითხე: „არტიტის მოვალეობაა თქვენ  
გაგრძნობინოთ ის, რასაც იგრძნობდით, რომ ცხოვრებაში გენაათ  
ნამდვილი, ცოცხალი ხიმშიაშვილი. ასე წარმოსახა ხიმშიაშვილის  
როლი ნოშრევან ბეთანელმა „სამშობლოში“. მაყურებელი მსახიობ-  
თან ერთად ლელავს, მოქმედებს, იტანჯება და უხარია...

ამ როლს ასე თამაშობდა ნოშრევან ბეთანელი,

ამ მონოლოგს ხმადაბლა, შთაგონებით კითხულობდა ნოშრევან  
ბეთანელი“.

და ყოველივე ეს მორჩომილია და მკვდარი! დიახ, მორჩომილია  
და გათავებული!

აბა ახლა ათამაშეთ ნოშრევან ბეთანელი „ლალატში“, „ოიდიპოს  
მეფეში“, „სამშობლოში“. განა შეიძლება წინანდებურად ითამაშოს

და წარმოსახოს? ვერა, ვერ ითამაშებს და ვერ წარმოსახავს და მ-  
ნოლოგსაც წინანდებურად ვერ წაიკითხავს!  
რატომ?

მაშინ ნოშრევან ბეთანელის გული მთელი იყო!

ახლა?

ახლა ნოშრევან ბეთანელის გული გატეხილია და გატეხილი გუ-  
ლის ხმა გაბზარულია, ყალბი და უსიამო...

ვინ გაუტეხა გული ნოშრევან ბეთანელს? თქვენ გაუტეხეთ!  
როგორაო? უნიჭოთა ქებით! დიახაც რომ უნიჭოთა ქებით! კი. „სამ-  
შობლო“ აქეთ და ზედიზედ ათჯერ დაიდგა, მაგრამ უფრო მეტად  
აქეთ და მოიწონეთ „კატა აწონეს!“ მსუბუქი წარმოდგენაა, მაყუ-  
რებელი ბევრს ბინისო... და მე გული გამიტყდა! ჩემს მეგობრებსაც  
გაუტყდოთ გული!

ვერა, ახლა წინანდებურად ვერ წარმოსახავს და ვერ ითამაშებს  
ნოშრევან ბეთანელი!

...ზის ახლა დედაჩემი სამზადის კართან, კიშკრისკენ იყურება და  
მე მელოდება, მე კი, წისქვილში ფიცარზე პირალმა ვწევარ და სიკო  
აზმაიფარაშვილს ვეკამათები...

სიკო აზმაიფარაშვილის სტუმრობამ ყველა მოგვშალა: მე, დედა-  
ჩემი, ანა, დეიდა სესილია. მამაჩემი? მამაჩემიც გრძნობს, რაღაც  
უსიამო ამბავი დატრიალდა ჩვენს ოჯახში, მაგრამ რატომღაც თავი  
ისე უქირავს, თითქოს არაფერი მომხდარიყოს.

სიკო აზმაიფარაშვილმა რომ თქვა, ნოშრევანი თეატრს უბრუნ-  
დებოა, დედაჩემი შეკრთა, სახე გაუფითრდა, ხელები აუცახცახდა  
და ხელები მუხლისთავებზე დაიწყო, მაინც უცახცახებდა ხელები,  
იგრძნო. რომ მე მის მოცახცახე ხელებს ეუცქეროდი, შემომხედა,  
ადგა და. ოთახიდან გავიდა...

მერე მე ანას შევხედე. ანას ამღვრეული სახე ეუბნება სიკო აზ-  
მაიფარაშვილს: ნიკოს, ნატოს და სესილიას შენ ართმევ შეილს,  
გიორგის და პატარა ნიკოს — მამას, მე — მეუღლეს და დალუპვის  
გზაზე აყენებ ნოშრევანს!.. ამიტომ მოგვინახულეთ? ამიტომ გვეწ-  
ვიეთ არადეთში? სადაცაა იფეთქებს ანა და სიკო აზმაიფარაშვილს  
უბოდიშოდ შესძახებს მიბრძანდითო, მაგრამ ანამ ვერაფერი შეებდა  
სტუმარს, თავდახრილი ზის და თავის ცარიელ თეფშს დასცქერის...

დეიდა სესილია ვითომ მშვიდად იჯდა, მაგრამ მერე დეიდა სე-  
სილიასაც სიწითლე შემოენთო სახეზე: ჯერ ნოშრევანი წავა თბი-  
ლისში, მერე ნოშრევანი ანას წაიყვანს, მერე ნოშრევანი და ანა ბავ-  
შვებს წაიყვანენ თბილისში... გიორგის დამიტოვებენ მე? ცოლო იქ-  
ნება დედ-მამას და ძმას მოწყვეტილი ბიჭი! ვერა, გიორგის ვერ და-  
ტოვებენ ჩემთან ანა და ნოშრევანი და მე გული მომიკვდება! გიორ-

გზ და პატარა ნიკო იყვნენ კარგად და ჯანდაბას იქით ჩემი თავი ნატო შვილიშვილებს ვერ შეეღევა და თბილისში გაჰყვება. ნიკო? ნიკო ბეთანელი ოჯახს არ მიატოვებს! არა, სახლ-კარს, ეზოს, წისქვილს, ვენახს, საქონელს უპატრონოდ არ დატოვებს ნიკო ბეთანელი! ჰო, ნიკო ხანდახან ჩააკითხავს თბილისში და ნიკოს მალე გაუტყდება ჯანი, დაბერდება და დაჩაჩანაკდება. ნატო მშვიდად იქნება თბილისში? ვერა, ვერ იქნება მშვიდად, ნატოსაც მალე გაუტყდება ჯანი, დაბერდება და დაჩაჩანაკდება... მეც გული არ გამიჩერდება არადეთში, ხან ნიკოს გაყვები თბილისში, ხან კიდევ მარტო ჩავლ... ზაფხულობით ხომ ჩამოვლენ გიორგი და პატარა ნიკო არადეთში? კი ანა და ნატოც ჩამოვლენ. ჰო, ბიჭებთან ერთად ჩამოვლენ ანა და ნატო არადეთში, ნოშრევანიც ჩამოვა! ჩემმა გიორგიმ გაიხაროს და დეიდა სესილიას თავი ჯანდაბას იქით!

და მე რომ ვუთხარი სიკო აზმაიფარაშვილს ეს ბრძანება თქვენთან დარჩეს, მე ხეხილს ვამყნობ, კალათებს ვწნავ, ვენახს ვუვლი, მეწისქვილე ვარ და თეატრისთვის არა მცალია-მეთქი, დედაჩემი, დეიდა სესილია და ანა თითქოს უცებ დამშვიდდნენ, თვალეში სინათლე ჩაუდგა სამივეს, შემომხედეს და გამილიმეს, მაგრამ ეჭვი მაინც ჩაიტოვეს გულში და მოუსვენრად იყვნენ.

დედაჩემზე და ანაზე უფრო დეიდა სესილია მერწმუნა, ადგა, აივანზე გავიდა და ეზოში მოთამაშე ბიჭებს გაეხმინა, გეყოფათ თამაში, დაღლილები ხართ, სახლში ამოდითო, ხმამაღლა დაუძახა გიორგის. დაგავიწყდა დღეს რომ შვიდი წლისა შესრულდი? ნიკოც წამოიყვანე, უნდა დაგლოცოთო“...

ნაშუადღევს დეიდა სესილია, ანა და ბიჭები წისქვილში წამოვიდნენ.

წისქვილი დუძდა და წისქვილის კარი ღია იყო.

წისქვილს რომ მიუახლოვდნენ, მამიკო, ხმამაღლა შესძახა გიორგიმ და გაქანდა, პატარა ნიკოც ფეხდაფეხ მიჰყვა.

ბიჭები წისქვილის კართან შედგნენ.

მამა პირაღმა წევს ფიცარზე, ხელის მტევნები თავქვეშ ამოუღვია და ძინავს.

ახლა პატარა ნიკომ ხმადაბლა თქვა მამიკო და ნოშრევანმა შვილის ხმა გაიგონა, გამოიღვიძა, შეკრთა და წამოჯდა. პატარა ნიკო წისქვილში შევიდა და მამას მუხლისთავეებზე მიეყრდნო.

ანა და დეიდა სესილიაც შემოვიდნენ წისქვილში.

— ვითომ მცირე ხნით მივწყეი და დამძინებია, — ბოდიშით თქვა ნოშრევანმა, — რაო, დედაჩემი საუზმეზე მელოდება?

— სადილზე, — ხმადაბლა თქვა ანამ და ვითომ გაუღიმა ნოშრევანს.

დეიდა სესილიამ თვალი შეავლო იატაკზე მიმოჟანტულ ტყეჩებს, მერე კოდზე შემოდებული ყველიანი კვერებიც ნახა და დეიდა სესილიას გულში გაჰკრა.

წამოვიდნენ.

სახლამდე ისე მოაღწიეს, ხმა არ ამოუღიათ. კი, გიორგი და პატარა ნიკოც ჩუმად იყვნენ.

ნატო ჭიშკართან იდგა და შორიდან მოჰკრა თვალი შინ მომავალთ, უმაღლვე აიჭრა სახლში და სუფრის გაშლას შეუდგა.

უხალისოდ ისადილეს.

დეიდა სესილიამ სცადა სუფრის გამხიარულება. ჰერ ბიჭებს გაეთამაშა და თან ვითომ დაუცაცხანა, ვაჟაკები ხართ და უფრო მადიანად უნდა ჰამდეთო, მერე ნოშრევნს გადაჰკრა, წისქვილში რომ ყველიანი კვერები დაგრჩა, იმაზე ხომ არ ღარღობო, მერე ვითომ ნატოსაც უსაყვედურა, ნიგვზის ბაჟს მარილი და წიწკა აკლიაო, ნიკოსაც შებედა, დაღვრემილი რატომ ზიხარ, დაილოცე და ღვინო შეგვასვიო; — მაგრამ დეიდა სესილიას ცდა ამო გამოდგა.

ნასადილევს გიორგი და პატარა ნიკოც სესილიამ წაიყვანა შინ.

ნიკომ თქვა, ვენახში გავივლიო და წავიდა.

ნოშრევანმა მოუბოდიშა დედასა და ანას, დაღლილი ვარ დავისვენებო და საძინებელ ოთახში გავიდა.

სუფრას ქალბატონი ნატო და ანა შემორჩნენ; უთქმელად ისხდნენ მცირე ხანს, მერე სუფრა ჩუმად, უხმაუროდ აალაგეს, გვერდით ოთახში ნოშრევანს სძინავს და არ გავალვითო.

ანა გულმა არ გააჩერა სახლში, ბიჭებს მივაკითხავო, უთხრა ქალბატონ ნატოს და წავიდა.

და ზის მარტოდმარტო ქალბატონი ნატო აივანზე. ეზოს გასცქერის. ფიქრს წაუღია და ბოლო ვერ მოუბამს ფიქრისათვის: არც მეუღლე იტკიებს რამეს, არც შვილი და რძალი, არც გიორგი და პატარა ნიკო, არც დეიდა სესილია, არც მე და ყველანი კი ავადა ვართ! მანც რატომაო?

კი. ნოშრევანის უგუნებობამ მოშალა ბეთანელების დიდი ოჯახი!

ღამით გული არ აძინებს ნოშრევანს. გაუხშირდება და გაუხშირდება გულისცემა, მერე მიინავლება გული და სუნთქვაც უძნელდება, მაგრამ ანას არ უმხელს;

დღისით წისქვილში ყოფნა დაიჩემა და ფიქრი აგიჟებს! ჰო, დღისით თეატრშია ნოშრევანი:

ხან ანანიაა,

ხან კოტე ხიმშიაშვილი,

ხან შვილისგან მიტოვებული მამა...

ხან ოდესაშია, წარმოდგენის დამთავრების შემდეგ შინ კმაყოფილად

ფილი და მხიარული ბრუნდებიან ანა და ნოშრევანი, — კიშკართან როსტომ ჯორჯაძე შემოხვდებათ და საშვივენი ერთად შემოდინან ეზოში, მერე კიბეზე ხმაურით ამოვლენ, ვითომ ანა, ნოშრევანი და როსტომი ერთად იყვნენ თეატრში, ეს იცის ქალბატონმა ვასილისამ, მაგრამ არ ამხელს და არ საყვედურობს ანას და ნოშრევანს...

ეს უხარია ნოშრევანს და მაინც ტკივა გული!

ჰო, ლამით გული არ აძინებს ნოშრევანს და დილამდე წრიალებს ლოგინში, გათენდება, წაიხმსებს და წისქვილს მიაშურებს...

სწორედ ერთი კვირა იყო გასული სიკო აზმაიფარაშვილის სტუმრობიდან და დილით ისევ მოადგა ეტლი ბეთანელების კიშკარს.

— ანანია! ანანია! — მოისმა ხმამალა ძახილი.

ნოშრევანმა უმაღლვე შეიცნო ბეჟანის ხმა, ძალიან გაუხარდა, სახლიდან გამოვარდა და კიშკართან მიიჭრა.

ანამაც შეიცნო ბეჟანის ხმა, მაგრამ არ გაუხარდა, პირიქით, შეშინდა და რატომღაც სიკო აზმაიფარაშვილის სტუმრობაზე უფრო ეწვინა ბეჟანის მოულოდნელი ჩამოსვლა.

ოთახი ხელდახელ მიალაგა ანამ და სტუმარი მაინც ხალისიანად მიიღო.

— როგორ ბრძანდება თქვენი მეუღლე? თქვენი პატარა თალიკო როგორაა, — ღიმილით ჰკითხა ანამ.

— ჩემი პატარა თალიკო უკვე სამი წლისაა! — დაიტრბაბა ბეჟანმა.

— უკვე სამისა? — ვითომ გაიკვირვა ანამ, — თქვენი თალიკო თუ სამი წლისაა, შეიძლება ჩემი გიორგისთვის მოვიტაცო!

— ეგებ მოტაცება არ დაგჭირდეთ, ისე შეიყვარონ ერთმანეთი! — მერე ნოშრევანი საგულდაგულოდ შეათვალიერა ბეჟანმა, — არ მოეწონა მისი გამწდარი და ფერმკრთალი სახე. არც წვერი მოუვიდა თვალში, მაინც ხალისით დაჰკრა მხარზე ხელი.

— აი ნამდვილი გლეხი! ნამდვილი ანანია!

— გლეხი ვარ ბეჟან, ნამდვილი გლეხი! ნეტავ შენც გლეხი იყვე!

— აი, ხომ ხედავ, — თამამად, ნიშნისმოგებით ეუბნება ანა ნოშრევანს, — როგორ დაგვცინის ბეჟანი, დღესვე გაიპარსავ წვერს და პაკიჭებსაც გაიხდი.

— არა, ქალბატონო ანა! ეს წვერი და პაკიჭები სწორედ ზედგამოჭრილია! — ოღონდ წვერი (წვერზე ხელს მოუსვამს)... ჰო, ფქვილი, თეთრი ფქვილი, თეთრი სიმინდის ფქვილი...

ნოშრევანმა ყურში უჩურჩულა ანას და ბეჟანი მიუხვდა.

— მე ახლავე უნდა წავიდდე!

— გაგიჟდი? როგორ თუ ახლავე! არც დღეს და არც ხვალ! — აენტო ნოშრევანი.

— ხვალ შენ თვითონ ჩამოხვალ გორში შენი წვერით და პაქიკე-ბით, ხვალ შენ თამაშობ, ნოშრევან! — დინჯად და დარწმუნებით თქვა ბეჟანმა. — მერე ჯიბიდან დაკეცილი აფიშა ამოიღო, გაშალა და მაგიდაზე დააფინა.

„ანანიას რრლში — მსახიობი ნოშრევან ბეთანელი“. — გამორჩეული ასოებით სწერია აფიშაზე.

პაუზა.

— სისულელეა, ჩემო ბეჟან, აღარც კი მჯერა, თუ ოდესმე ვიყავი მსახიობი! მსახიობი ბეთანელი? მკვდარია და გათავებულნი!

— მართალია „ლალატს“ ვთამაშობთ, მაგრამ დარწმუნებული ვარ, შენ არ გვილალატებ! — ისევ დინჯად ამბობს ბეჟანი, — ამხანაგებისთვის ნათქვამი მაქვს, რომ თანახმა ხარ. აფიშებიც გაკრულია გორში, ნიკიერი კოლექტივი შეჰყრა შენმა საყვარელმა ლევან კარგარეთელმა და ლევანს ელალატება? შენს მეგობრებს გვილალატებ? ხვალ და ზეგ გორში ვითამაშებთ, მერე ზესტაფონსა და ქუთაისში, მერე ახალ-სენაკში, ფოთში, ზუგდიდში, მერე უთუოდ თბილისშიაც აღმოჩნდება ჩვენთვის აღვილდ... მაშ, ასე, მე წავედი!

— ასე უცებ?

— დასი გორშია, ლევანი დღეს ჩამოვა თბილისიდან და რეპეტიცია უნდა ჩავატაროთ... განა შენთან ყოფნა არ შირჩევნია? მაგრამ დრო არა მაქვს, ნოშრევან! აჰა, მივიღივარ!

ბეჟანი ადგა და ნოშრევანიც ადგა.

— ანა, გააცილე სტუმარი, ოღონდ ჩემს მოსვლამდე ეტლი არ დაიძრას.

ნოშრევანი მარანში შევიდა. შოთი პურები, ყველი, ჩურჩხელები, კაკალი და ვაშლი ჩააწყო კალათში, სამი ბოთლი ქაქის არაყიც მონერხებულად ჩააწვინა, მერე თავი თეთრი ტილოთი მოუყრა კალათს.

ბეჟანს ხმა არ ამოუღია, სიამოვნებით გამოართვა ნოშრევანს კალათა და ეტლში მოწიწებით ჩადგა.

ნოშრევანმა თვალი შეავლო მეეტლეს, მოეწონა. შეღერებული, ჯანიანი მეეტლე იყო. მერე ცხენები შეათვალიერა და ცხენებიც მოეწონა.

მარჯვენა ხელი ასწია ნოშრევანმა და ხმადაბლა თქვა.

— ნახვამდის ბეჟან, არ დაგავგიანდეს, წადი!

— ხვალ ვინმე გამოგიგზავნო?

— არა! მე თვითონ ჩამოვალ! — ისევ ხმადაბლა, ოღონდ ახლა

სევდიანად, შიშდაკრული ხმით თქვა ნოშრევანმა. — ცხენები ისევ შეათვალიერა და გულში შეუძახა ცხენებს, ეტლი დაიძრა.

ანამ და ნოშრევანმა თვალი გააყოლეს ეტლს.

მერე ანა და ნოშრევანი სიტყვაუთქმელად კარგა ხანს იდგნენ ჭიშკართან. ბოლოს ანამ თქვა, დედას და ბავშვებს ჩავაკითხავო და დეიდა სესილიასთან წავიდა.

სახლში რომ შებრუნდა ნოშრევანი და ტახტზე ჩამოჯდა, ყველაფერი ასტივდა: გული, მხრები, მუხლისთავეები, ხელის მტევნები, თავიც ასტივდა და ყურებიც. მაინც გაუძალიანდა ტკივილს და არ დაწვა.

საძილე ოთახში „ღალატი“ მოიძია, აივანზე გამოვიდა, კიბეზე ჩამოჯდა, წიგნი მუხლისთავეებზე დაიდო და გადაშალა.

„სამი დღეა პატარა ნიკო დეიდა სესილიასთანაა. ცოტა შეციებულია პატარა ნიკო და მე მიმაღავენ. დედაჩემი დილაადრიან მიდის დეიდა სესილიასთან. ახლაც იქაა. მამაჩემმა აღრე ისაუბრა ამ დილით და ძროხები გაირეკა საბალახოდ, ახლა ვენახშია მამაჩემი, რთელისთვის ემზადება, უკვე საკრეფია ყურძენი და მამაჩემმა არ იცის, რომ შვილი განზე გაუდგება. ანამ უკვე უთხრა დედაჩემს და დეიდა სესილიას — ძალიან ხაყვარელი მეგობარი ჩამოუვიდა ნოშრევანს, ახალი თეატრი შეუქმნიათ, ის თეატრი ხეალგორში პირველ წარმოდგენას დგამს და აფიშაში სწერია, რომ „ღალატში“ ანანას როლს მსახიობი ნოშრევან ბეთანელი შეასრულებსო. კი. ჩემი თვალით წაივითხეო, აფიშა სტუმარმა ჩამოიტანა და თქვენც წაგაკითხებთო. ნოშრევანი დაეთანხმაო და ხეალგორში წავა ნოშრევანო. და ახლა აწრიალებულია დედაჩემი და დეიდა სესილია, ანაც აწრიალებულია, მე კი ვერაფერს მეუბნება. ბეჟანის წასვლის შემდეგ კარგა ხანს ვიდექით ჭიშკართან ანა და მე, მაგრამ ანამ ხმა არ გამცა. მიმატოვა და დეიდა სესილიასთან წავიდა... ჰოდა, ამ სახლში ახლა წე და ჩემი სევდა ვართ მართო. სამზადშიც და მარანშიც ჩემი სევდა ტრიალებს. ეს სევდა თეატრმა გამომაყოლა. ბეჟანი რა ქარივით მოიჭერი ადამიანო! ვერა, თქვენ ვერ გიღალატებთ“...

...ნავახშმევს ქალბატონმა ნატომ თქვა, ბიჭები ტანდასაბანია, სესილიას უნდა შევეშველო და წავიდა. ნიკო აღრე ასადგომია და დაწვა.

უსხედან სუფრას ანა და ნოშრევანი. ანას ბევრი რამ აქვს სათქმელი ნოშრევანისთვის, მაგრამ დუმილს ირჩევს. ნოშრევანსაც ბევრი რამ აქვს სათქმელი ანასთვის, მაგრამ ახლა ნოშრევანს ამისი დრო არა აქვს: შენ დაწეკი და დაიძინეო, ეუბნება ნოშრევანი ანას, მე კი



მარანში წავალ და ანანიას როლს გაერთამაშებ, ხეალ რომ არ შეე-  
რცხეო. ხმამალა უნდა ვილაპარაკო და მარანში მიტომ მივდიო-  
რო, აქ ჩემი ხმა ვერ მოაღწევს და მამაჩემს და შენ არ შეგაწუხებ-  
თო. ანას პასუხისთვის არ დაუცდია, ადგა, „ღალატი“ აიღო და  
სახლიდან გავიდა.

მარანში შევიდა, ლამპა აანთო და საწნახელზე დადგა. საწნახელ-  
თან ფიცრები რომ იდგა, კედელზე მიაყუდა. საწნახელთან მოშორე-  
ბით ქურისთავზე ჩამოჯდა.

— განა მართლა დამეიწყდა რომ მსახიობი ვიყავი? რა ჯანდაბა  
დამეიწყებს! ვიცრუე ბეჯან, და მპატიე! მე ძილშიაც თეატრში  
ვცხოვრობ... აი სცენაზე დავაბოტებ ნამდვილი გლეხი, გავიხედავ  
და მაყურებლებში ანაც ზის, იგი მოხიბლულია ჩემი თამაშით და  
იცრემლდება. ასეა — თავისიანს ყოველთვის მოსწონს თავისიან...  
მაგრამ ხალხი! ჰო, ხალხსაც მოსწონს ჩემი თამაში! დავამთავრებ  
მონოლოგის კითხვას და ტაშს მიკრავენ... თვალს გავახელ და ჩემი  
სახლის ქერი დამტირის... მაგრამ ახლა სიზმრების დრო არ არის.  
ახლა ნამდვილად უნდა ვითამაშო...

ეს საწნახელი ვითომ ოთარ-ბეგის სახლის ანენია და აივანზე  
დგას ოთარ-ბეგი. მე კიდევ მის ეზოში, აივანთან მოშორებით, აი  
აქ. დამინახავს ოთარ-ბეგი და მიცნობს, მაგრამ მაინც განგებ საგულ-  
დაგულოდ ამხედ-დამხედავს, ჯმუხად აიშართება ჩემს წინაშე და შებ-  
ღვერით მკითხავს, სადაური გდიხარ გლახაო. მე არ შევეუშინდები  
ოთარ-ბეგს, მაგრამ მორჩილად ვეტყვი:

— „ანანურელი გახლავარ, შენი ჰირიმე, სოფლის მამანახლისი.  
მეტსახელად გლახას მეძახიან. თქვენი გზირი გეახლათ და ბრძანება  
მოგვიტანა — ამ სამ დღეში სამი ცხენი და სამი ყმაწვილი ქალი  
იშოვეთ და მოგვართვითო. ცხენები ისეთები მოგართვი, რომ ადა-  
მიანის თვალი უკეთესს ვერას ნახავს, ქალები — კი, არ გახლავან,  
ბატონო. ვინც პატარა რიგიანი იყო და თვალში ჩინი ჰქონდა. შარ-  
შან წაასხეს ტფილისსა და ვინც უნასი იყო, თქვენმა ჩაფრებმაც დი-  
რიგეს მაშინვე“...

ოთარ-ბეგი გამირისხდება და წარბებს შეჰყრის, რაებს მიჰქარაე,  
შე ბებეროო.

მე მაინც არ შევეუშინდები და ჩემს ნათქვამს ბეჭედს დავაწვამ:

— „შენს გზირებსა ჰკითხე, დიღო ბატონო, მე ნუ დამიჯერებ  
შენი ჰირიმე. გარეშემოც კი არსად არ არის პატარა რიგიანი გოგო-  
ები... მინდოდა დამეჭორწინებინა ე ბიჭები და საპატარძლოები ვერ  
ვიშოვე. უცოლონი დარჩნენ. ავერ მოგართვი და შენს ნებაზედ იმ-  
სახურე. ოდესმე მეც მამაშენს ეემსახურებოდი და ახლა შენთვის

შვილები დაეზარდე. მინდა გემსახურონ თავიანთი ჯანითა და ვაჟაკობით.

ბიჭებს რომ შეათვალეებებს ოთარ-ბეგი, მოეწონება და გახალისდება. სახელებს გამოჰკითხავს, წლოვანებას, დაყვავებით ეტყვის მაჰმადიანები გახდებითო, მაშინ აყვირდებიან ჩემი ბიჭები, მაგრამ მე მათ დავტუქსავ და ოთარ-ბეგსაც ხანძარს შეევუნებ.

— „ჩუმიად ეყარენით ე მანდა, თქვე საძაგლებო! როგორ ჰბედავთ და ეურჩებით დიდის ბატონის სურვილსა? ჩვენზედ კარგად იცი, რომელი რჯულია კარგი და რომელი ავი! თუ უარი სთქვა მამა-პაპისა და თავის ქვეყნის რჯულზედ, ჩანს, რომ ამისმა სინდისმა აგრე მოინდომა: სვინდისი! გესმით თქვე სულელებო რა არის სვინდისი? ერთი ათადაც მეტს გვახდევინებენ, ძალღებვიითაც გვეყენ, სხვა ხეირიც არა გვაყრია-რა... გესმით სულელებო? გამოვიცვლიდი, მაგრამ ერთი რამ მაწუხებს, — განსვენებულს მამაშენს რა პირით შეეხვდე იმ სოფელში? ხომ პირში ჩამაფურთხებს და მეტყვის — ვაი, ანანია, რომ მეორე თვალი სპარსელებმა გამოგიტხარეს, როცა ჩემს გვერდით იბრძოდი, თორემ თვალებში ჩაგაფურთხებდიო. აი ასე მეტყვის“...

პაუზა.

დამვიწყებია? ჩანს რომ არა. მაშ ვთამაშობ ანანიას! მოვდივარ, ბეჯან! ანა, მივდივარ!

ანა ფეხდაფეხ გამოჰყვა მარანში ნოშრევანს და მარნის კართან იყო დადარაჯებული, ანა, მოვდივარო, რომ წამოიძახა ნოშრევანმა, შეშინდა და კარი შეაღო.

ნოშრევანმა შეხედა ანას და ხმამიღლა შესძახა:

— ანა, მივდივარ!

— ამ ღამეში ვისთან მიდიხარ?

— გორში, ბეჯანთან! შენ დაგავიწყდა?

თავისი ჩაცმულობა შეათვალეირა ნოშრევანმა.

— დე ეგრე მეცვას! მე ხომ გლეხი ვარ! ეს წვერებიც, ჰო, ეს წვერებიც საჭიროა, მე ხომ ანანია ვარ!.. შენ არ გამიჯავრდები, მე მხოლოდ ერთი დღით მივდივარ, ანა! არა, შენ არ გამიჯავრდები, მე ხომ ვიცი შენი გულის ამბავი! ჰოო, ვიცი! განა არ ვიცი?

— შენ ხომ ხვალისთვის გიხმო ბეჯანმა. — დინჯი, ალერსიანობით თქვა ანამ.

— ხვალისდვის? — იფეთქა ნოშრევანმა, — შენ სცდები ანა! ის ხვალე დღესაა! განა ხვალ გვიანდა არ იქნება? არა, მე დღეს მივდივარ, მე დღეს ვთამაშობ! აი, აქ დადექ!

ანას წაავლებს ხელს და საწინახელთან მიიყვანს.

— შენ ოთარ-ბეგი ხარ. მე კი, ანანია! აი, მე აქა ვდგევარ!

გადმოხედე ერთი რისხვითა... რაო, ოთარ-ბეგ ველარა სცნობ შენს ანანიას? მიცანი, მაგრამ გეშინია ჩემთან საუბრისა? ჰაი-ჰაი, რომ მიცანი და სახეს მარიდებ! დიახაც მიცანი, მაგრამ გრცხვენია...

.ნოშრევანს დაავიწყდა ანანიას შემდეგი სიტყვები, ანას შეაჩერდა და მიუახლოვდა.

— გულს ნუ მოიყვან, რომ უშენოდ მივდივარ ერთი დღით, მხოლოდ ერთი დღით.

თვალებში ჩააცქერდება ანას.

— მებუტები? განა არ ვიცი, როგორ გაგტანჯე ჩემი აწეწილი ცხოვრებით? კი, შენ შეასრულე შენი დანაპირები — ჩემთან იარე ამ ცხოვრების ხორკლიან გზაზე, მე კი, წამიერი სიხარულიც ვერ მოგანიჭე...

— ნუ ამბობ, ასე, ნოშრევან! — შეეხვეწა ანა.

— როგორ არა ვთქვა, როცა მე მივდივარ და შენ გტოვებ! ყოველივეს გულში რომ იკლავ, ის უფრო მტანჯავს! — ჰოო, წუთია წუთის სოფელი, წუთის წებოთი იწეება...

მომდევნო სტრიქონი დაავიწყდა ნოშრევანს და ანამ შეახსენა.

— ზოგი ღზინსაა, თამაშას, ზოგიც უცეცხლოდ იწეება!

— ჰოდა, მე ვიწვი! ხანძარი მომედო და ვიწვი...

მარჯვენა ხელი მხრებზე შემოაჭდო ანას ნოშრევანმა და ანამ იგრძნო, როგორ უცახცახებს სხეული ნოშრევანს, სადაცაა წაიქცევა ნოშრევანი, — ნიკოს მოუხმოს? უკვე გვიანაა.

— ჩემი ცხოვრების გზა გავლიე და ოხერტილო სიკვდილო, ჩემი მისამართი დაგავიწყდა? აი აქა ვარ, მოდი, მიპოვე! არ შეშინია, მაგრადა ვდგევარ! მე გლეხი ვარ, მაგრადა ვდგევარ და სიკვდილის არ შეშინია... არ გიღალატებთ მეგობრებო, აი, ხომ ხედავთ დროზე მოვედი! აბა დავიწყეთ წარმოდგენა! ასწიეთ ფარდა, წარმოდგენა უნდა დავიწყეთ! რად აგვიანებთ ფარდის ახლას? ანა, მიშველე! ღალატი არა მე-გო-ბრე-ბო!

უკანასკნელი სიტყვა ნაწყვეტ-ნაწყვეტად ამოიხრიალა, მარჯვენა ჩამოუტყურდა ანას მხრებიდან და საწნახელთან თავქვე ჩაემხო...

## ეპილოგი

გიორგი და პატარა ნიკო მხოლოდ ნოშრევანის დაბადების დღეს მოიყვანეს მამის საფლავზე დეიდა სესილიამ და ანამ... თორმეტ წლები.

შევეცი.

ნოშრევანის და მიხეილის საფლავზე.

მიხეილი და ნოშრევანი სასაფლაოზე გვერდი-გვერდ წვანან.

მიხეილის სამარეს შავი ქვის ლოდი ადევს, ნოშრევანისას ნაც-რისფერი.

ეს ნაცრისფერი ლოდიც ქარელელ ოსტატს გამოათლევინა დეიდა სესილიამ და გასულ კვირას ურმით ჩამოიტანა.

არც ნიკო გაიყოლია, არც რომანოზ ბეთანელის შვილიშვილები, არც გიორგი.

საფლავებთან ეს ძელსკამებიც დეიდა სესილიამ დაადგმევინა.

და სხედან ახლა ძელსკამზე ანა, დეიდა სესილია, გიორგი და პატარა ნიკო.

ქალები არ მოთქვამენ და ბიჭებიც ჩუმად სხედან.

ანას იდაყვები მუხლისთავეებზე დაუყრდნია, სახე ხელების მტვე-ნებში შეუმალავს და თავდახრილი დასცქერის სამარის ლოდს.

...და სამარიდან ნოშრევანი ეღიმილება ანას, გაპარსული და კოხ-ტად ჩაცმული.

ჰოო, დღეს ნოშრევანის დაბადების დღეა, ოცდარვა წლის შეს-რულდა ნოშრევანი და უხარია! ნოშრევანის დედ-მამამაც უნდა გაი-ხარონ დღეს, ანამ, დეიდა სესილიამ, გიორგიმ და პატარა ნიკომ.

კი. დღეს ნოშრევანის დაბადების დღეა და ტირილი და მოთქმა არ ეგების...

ანა და დეიდა სესილია არ მოთქვამენ და გიორგი და პატარა ნი-კოც ჩუმად სხედან.

— ბიჭები ხომ კარგები არიან, ანა! — ღიმილით ეკითხება ნოშ-რევანი. ვიცი, რომ კარგები არიან!.. მალე დაიზრდებიან ბიჭები. მხარში ამოგიდგებიან, შეგეშველებიან და გაგახარებენ... კი. რაც მე დაგაკელი სიხარული, გიორგი და პატარა ნიკო შეგითავებენ...

ნიკო და ნატო ფრთხილი ნაბიჯებით მოადგნენ შვილის სამარეს. გიორგი და პატარა ნიკო ძელსკამიდან ადგნენ.

გიორგი — ბაბუამ დაიყენა წინ, პატარა ნიკო — ბებიამ.

ეკლესიის ზარმა დარეკა და ნოშრევანმა სამარიდან ისევ გაუღიმა ანას.

— მეც მესმის ზარის ხმა, ანა! კე-თი-ლი... კე-თი-ლი... კე-თი-ლი! რეკს ეკლესიის ზარი, ჰოო, სიკეთისაკენ გვიხმობს ზარის ხმა, მე გამამხნევა და გამამხიარულა, შენც ყური მიუგდე ზარის ხმას, ჩემსავით გაიმხნევე და გაიმხიარულე გული! მიმოიხედე, ანა: ბიჭები მხარში გიდგანან, დეიდა სესილია, ქალბატონი ნატო და ბატონი ნიკო მხარში გიდგანან! ბევრნი ხართ და გაიხარენით...

ზარის რეკვა შეწყდა.

— წავიდეთ! — ყრულ თქვა ნიკომ.

ყველანი აღვინ და წავიდნენ.

სადაცაა მეზობლები გადმოვლენ და ბეთანელების ოჯახი ნოშრევანის დაბადების დღეს გადაიხდის.

კი. დღეს ნოშრევანის დაბადების დღეა და მოთქმა და ტირილი არ ეგების...

წინ გიორგი და პატარა ნიკო მიდიან, მერე ქალბატონი ნატო და დეიდა სესილია, მერე ბატონი ნიკო, ბოლოს ანა და ესმის ანას ნოშრევანის ნაბიჯების ხმა, კი, მსუბუქად და ხალისიანად მოაბიჯებს ნოშრევანი ანას გვერდით და ისევ და ისევ ეღიმილება...

...ეგებ ნიჭიერი სამარეში უფრო განიხარებენ?

• ღმერთმა ქნას!

Адамна Алио Константинович  
Большая и маленькая Екатерина

Два романа

(На грузинском языке)

Издательство «Мерани»

пр Руставели, 42, Тбилиси, 1985

შემდგენელ-რედაქტორი გ. გაჩეჩილაძე

რედაქტორი **ც. ქაროსანიძე**

მხატვარი გ. წერეთელი

მხატვრული რედაქტორი ჯ. ზენაიშვილი

ტექნიკური რედაქტორი დ. რაჭმაძე

კორექტორები: ნ. ლომაძე, ე. ჩიკაშუა, ი. დეკანოიძე

†

ს ბ. — 1627

ჩაბარდა წარმოებას 23.08.84 წ. ხელმოწერილია საბეჭდად 19.03.85 წ.  
ფორმატი 60×90<sup>1</sup>/<sub>16</sub>. საბეჭდო ქაღალდი № 2, გარნიტურა ჩვეულებრივი,  
ბეჭდვა მაღალი. პირობითი ნაბეჭდი ფურცელი 39,5. სააღრიცხვო-საგამომცემ-  
ლო ფურცელი 36,04. უე 00935. ტირაჟი 20.000. ეგზ. შეკვ. № 8892.  
ფასი 2 მან 40 კაპ.

გამომცემლობა „მერანი“ რუსთაველის. პრ. 42, თბილისი 1985

საქართველოს სსრ გამომცემლობათა, პოლიგრაფიისა და  
წიგნის ვაჭრობის საქმეთა სახელმწიფო კომიტეტის  
კუთაისის პოლიგრაფიული საწარმოო გაერთიანება  
ქ. კუთაისი, ი. ჭავჭავაძის პროსპექტი, 33.

Кутаисское полиграфическое производственное объединение.  
Государственного комитета по делам издательств, полиграфии  
и книжной торговли Грузинской ССР  
г. Кутаиси. пр. И. Чавчавадзе, 33